


Tuhun saá ña najándacoo Jesucristo nu yo:

El Nuevo Testamento en el mixteco de

Silacayoapan



New Testament in Mixtec, Silacayoapan (MX:mks:Mixtec,
Silacayoapan)

**Tuhun saá ña najáandacoo Jesucristo nu yo: El Nuevo
Testamento en el mixteco de Silacayoapan
New Testament in Mixtec, Silacayoapan (MX:mks:Mixtec,
Silacayoapan)**

copyright © 2009 Wycliffe Bible Translators, Inc.

Language: Mixtec, Silacayoapan

Translation by: Wycliffe Bible Translators, Inc.

Mixtec, Silacayoapan

mks

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Silacayoapan

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files dated 29 Jan 2022
7f2d3ecf-6d15-55a5-9081-6e970474df2f

Contents

San Mateo	1
San Marcos	46
San Lucas	73
San Juan	122
Hechos	157
Romanos	201
1 Corintios	219
2 Corintios	237
Gálatas	248
Efesios	255
Filipenses	261
Colosenses	265
1 Tesalonicenses	269
2 Tesalonicenses	273
1 Timoteo	275
2 Timoteo	280
Tito	284
Filemón	286
Hebreos	287
Santiago	300
1 Pedro	305
2 Pedro	310
1 Juan	313
2 Juan	318
3 Juan	319
San Judas	320
Apocalipsis	322

Tuhun vaha naçahyi Mateo sahá ña naçaja Jesucristo

*Chichi naquixi Jesucristo
(Lc. 3:23-38)*

¹ Ña yóho cúu quivi na naçacuu tásáhnú jicó Jesucristo, mé a naquixi chichi David xihín chichi Abraham:

² Abraham naçacuu tátá Isaac ta Isaac naçacuu tátá Jacob ta Jacob naçacuu tátá Judá xihín java ga ñani da. ³ Judá naçacuu tátá Fares xihín Zara ta náná ndívi da yóho naçananí ña Tamar. Ta Fares naçacuu tátá Esrom ta Esrom naçacuu tátá Aram. ⁴ Ta Aram naçacuu tátá Aminadab ta Aminadab naçacuu tátá Naasón ta Naasón naçacuu tátá Salmón. ⁵ Ta Salmón naçacuu tátá Booz, da cúu jahyi ña nani Rahab. Booz naçacuu tátá Obed ta Obed yóho naçacuu da jahyi ña nani Rut cán. Ta mé Obed yóho naçacuu tátá Isai. ⁶ Ta Isai naçacuu tátá rey David ta rey David yóho naçacuu tátá Salomón, da cúu jahyi ña naçacuu ñáñihí Urías nu cuítí cán.

⁷ Ta Salomón naçacuu tátá Roboam ta Roboam naçacuu tátá Abías ta Abías yóho naçacuu tátá Asa. ⁸ Ta Asa naçacuu tátá Josafat ta Josafat naçacuu tátá Joram ta Joram naçacuu tátá Uzías. ⁹ Ta Uzías naçacuu tátá Jotam ta Jotam naçacuu tátá Acáz ta Acáz naçacuu tátá Ezequías. ¹⁰ Ta Ezequías naçacuu tátá Manasés ta Manasés naçacuu tátá Amón ta Amón naçacuu tátá Josías. ¹¹ Ta Josías naçacuu tátá Jeconías xihín java ga ñani da. Ta naçacuu da tiempo tá natiin soldado na Israel já naçandaca ñahá da na cán ñuu Babilonia.

¹² Ta tá naçanduu na Israel ñuu Babilonia cán já naçacuu Salatiel ta tátá Salatiel naçacuu Jeconías. Ta Salatiel naçacuu tátá Zorobabel. ¹³ Ta Zorobabel naçacuu tátá Abiud ta Abiud naçacuu tátá Eliaquim ta Eliaquim naçacuu tátá Azor. ¹⁴ Ta Azor naçacuu tátá Sadoc ta Sadoc naçacuu tátá Aquim ta Aquim naçacuu tátá Eliud. ¹⁵ Ta Eliud naçacuu tátá Eleazar ta Eleazar naçacuu tátá Matán ta Matán naçacuu tátá Jacob. ¹⁶ Ta Jacob naçacuu tátá José, da naçacuu yíi María. Ta María cúu ña naçacuu náná Jesucristo, mé a naçindahá Ndióxi cacomí a cuéntá sahá ñayivi.

¹⁷ Ña cán queá janda tá naçasáhá cácu jahyi Abraham janda quiahva naçinu çoo a quivi naçasáhá cácu jahyi David já nayaha uxu çomí generaciún. Ta tá quiahva naçasáhá cácu jahyi David janda quiahva natiin na Babilonia na Israel já ñehe ñahá na çuahan na nayaha inga uxu çomí generaciún. Ta nayaha inga uxu

çomí generaciún nani naçanduu na Israel ñuu Babilonia janda quiahva naçinu çoo quivi naçacuu Jesús, mé a naçindahá Ndióxi cacomí a cuéntá sahá ñayivi.

*Tá naçacuu Jesús
(Lc. 2:1-7)*

¹⁸ Joho naçahiin tá naçacuu Jesucristo: Mé María, ña cacuu náná Jesús cán sa naçahan ña tuhn ña ña tandaha ña xihín José. Joo tá cámaní çoo da xihín ña já naçandaa ini da ña ñúhu jahyi ña. Ta ña yóho naçacuu a ña naçaja inima yíi Ndióxi. ¹⁹ Ta José, da cacuu yíi María cán cúu dá da çája ndinuhu ña ndaa. Ta naçahan da ña naçahiin ña xihín inga daçaa joo çoo naçeen da çahan núu da sahá ña nuú ñayivi. Sahá ña cán queá naçacuu ini da jándacoo jehé da ña. ²⁰ Ta nani cáhvi ini da sahá ña çaja da anda jávi naquixi in sani nu dá ta naçaca náha in táto Ndióxi nu dá. Ta tañu mé sani cán naçahan xihín dá. Já naçachi a já:

—José, da naquixi chichi David, a cáyhivi tohún tandahún xihín María jan jáchi naçaja inima yíi Ndióxi ña ñúhu jahyi ña. ²¹ Ta tá sa naçacuu jahyi María já chicaan ndó quivi á ná cananí a Jesús jáchi jácacu a ñayivi nuú cuachi tá ná candee ini na mé á —naçachi a.

²² Tóco ndihi ña yóho nayaha ña ná xinu çoo nuú tuhn Ndióxi ña naçahyi in profeta sañahá ndivaha cán ta já naçachi da cán já: ²³ Vaxi quivi cañuhu jahyi in ña tacú, ña a ñáha çoo ÷a xihín.

Ta tá sa naçacuu jahyi ña cán já cacu na quivi á cananí a Emanuel.

Ta tuhn yóho cúnj cachi a: in Ndióxi xoho.

²⁴ Ta tá nandicáxi ini José já naçaja da tá in naçachi táto Ndióxi cán xihín dá. Ta já naçandaha dá xihín María. ²⁵ Joo çoo naçahiin da xihín ña tá quiahva in in daçaa xihín ñáñihí da janda quiahva cacu jahyi María. Ta tá naçacuu a cán já naçacuu José quivi á cananí a Jesús.

2

Tá naçaxito nihni na ndichí Jesús

¹ Ta naçacuu Jesús in ñuu nani Belén ña ndacaan estado Judea. Ta mé tiempo cán naçacomí rey Herodes cuéntá sahá naciún Israel. Ta mé tañu já naçinu çoo java na ndichí ñuu Jerusalén. Mé na ndichí yóho cúu ná na jácuaha xihín quimi ta naquixi na chí nu cána çandii. ² Ta tá naçinu çoo na ñuu Jerusalén já naçaca tuhn na ñayivi já naçachi na já:

—Ndájá in da loho naçacuu viti jan, da cacuu rey nuú na Israel. Jáchi naçini nde naçqueta quimi nuú nde ta xihín rí yóho sa naçandaa ini nde ña sa naçacuu da. Ta viti vaxi nde yóho çaja cáhnu nde da —naçachi na ndichí cán ndaca tuhn na.

³ Ta tá naxini joho rey Herodes ña yóho já ñacasáhá dá ndíhi ndivaha ini da ta quiahva já ñacasáhá ndíhi ini tóco ndihi ñayivi ñuu Jerusalén cán. ⁴ Sahá ña cán quéa ñacana rey Herodes cán tóco ndihi na saçuaha nuú jutu xihín na jánaḥa ley Moisés cán. Ta já ñandaca tuhún da ña saḥa ndá ñuu cúu nu cáchi tuhun Ndióxi cacu da ñasahan Ndióxi tuhun a chindahá a cacomí a cuéntá saḥá ñayivi. ⁵ Já ñacachi na cán já xihín dá:

—Ñuu Belén, ña ndácaan estado Judea cán cúu nuú cáchi tuhun Ndióxi cacu da jáchi quiahva já ñacahyi in profeta sanahá tá ñacachi da já:

⁶ Vati ñuu Belén, ña ndácaan estado Judea, cúu á in ñuu loho ndivaha tañu ñuu nánnu cán joo in saḥá a,

jáchi tañu ñayivi ñuu cán ndindita in da cacomí cuéntá saḥá na Israel, na cúu cuéntá Ndióxi, já ñacahyi in profeta sanahá.

⁷ Tá ñandihí já ñacana xóo rey Herodes na ndichí cán ta já ñandaca tuhún da na cán saḥa ndá quivi ñanaḥa quimi cán mé rí nu ná. ⁸ Andá já ñachindahá da ña ñuu Belén. Já ñacachi da já xihín ná:

—Cuáhán ndo ñuu Belén cán ta ndaca tuhún vaha ndó ndaja cáa saḥá ta loho ñacacu jan. Ta tá sa ñandínehe ndó a já quixi ndó caxi tuhun ndó xihín i já ná cuhún ri yehé va caja cáhnu i ña —ñacachi Herodes xihín na.

⁹ Ta xihín ña yóho ñaquee na ndichí cuahán tucu na. Ta quimi, rí naxini na nu cuítí cán já ndáca tucu rí na cuahán na. Ta tá naxinu rí chí nuú in mé a loho cán andá já ñasacandichi rí. ¹⁰ Ta cájji ndivaha ini na tá xini na mé quimi cán. ¹¹ Tá ñandihí já ñaquihvi na ini vehe já naxini na mé a loho cán xihín María, náná a. Ta já ñacaxití na nu á ta já ñacaja cáhnu na ña. Ta tá ñandihí já ñasuná na yuhú saḥo ñehe na ta já najoco na jihuhun cuáán nuú a xihín jusa vaha xihín in ña támi sáhan nani mirra nu mé a loho cán. ¹² Tá ñandihí já ñaquixi in sani nu ná ta xihín mé sani cán ñacachi Ndióxi xihín ná ña ná a ndicó cōo na chí nu in rey Herodes. Sahá ña cán quéa ñandijama na íchi cuánúhu ná ñuu na.

Tá ñehe na Jesús cuahán na Egipto

¹³ Ta tá sa ñaquee na ndichí cán cuahán na já ñaquixi in sani nuú José ta ñandaca náha in táto Ndióxi nu dá. Já cáchi a já xihín dá:

—Cuándacoún ndiquehe ña loho jan xihín María, náná a ta cunún cuhún xihín ná chí ñundáhyi nación Egipto. Ta cán coún xihín ná jandá quiahva ná caxi tuhun i xuhun. Jáchi caca nuu Herodes ndinducú da ña loho jan ña cahni ñahá da —ñacachi táto Ndióxi cán xihín José.

¹⁴ Andá já ñandaco José já ñaquehe da Jesús xihín María, náná a já ñaqueta ñuu na cuahán na chí Egipto. ¹⁵ Ta cán ñasanduu na jandá quiahva naxihí Herodes. Tóco ndihi ña yóho ñayaha já ná xinu cōo nuú tuhun ñacachi Ndióxi sanahá tá ñacahyi in profeta já: “Ñasahin jahyi i nación Egipto ta ñacana i da ná ndicó cōo da”, cáchi tuhun Ndióxi.

Tá ñasahnda Herodes chuun ña ná cahni na na valí

¹⁶ Ta ndaja cōo naxini Herodes cán ña najándahvi na ndichí cán da saḥá ña cōo naxinu ga na nu dá. Ña cán quéa a juú quiahva ñaxojo ini da. Ta chí ñasahnda da chuun ña ná cahni ndihi na ta valí, na jivi cuja chí ninu, mé na ndúu ñuu Belén xihín ñuu valí catáhan xihín á. Jáchi sa ñacaxi tuhun na ndichí cán xihín dá ña naxini na mé quimi andá tátuhun jivi cuja. ¹⁷ Ta tá ñandihí naxihí na valí yóho já naxinu cōo nuú tuhun ñacahyi profeta Jeremías sanahá ndivaha tá ñacahyi da já:

¹⁸ Ñuu Ramá jandá joho ndáhví tácu cáyuhú cóho ñañáḥa sácu ñá.

Ta ñá sácu yóho cúu ñá Raquel. Sácu ñá saḥá jahyi ñá.

Ta cōo cúní ñá ndico ini ñá jáchi naxihí jahyi ñá, cáchi tuhun Ndióxi.

¹⁹ Joo tá sa naxihí Herodes já ñaquixi tucu sani nuú José nu in da nación Egipto cán. Ta ñandaca náha in táto Ndióxi nu dá já cáchi a já xihín dá:

²⁰ —Cuándacoún ta ndiquehe Jesús xihín María, náná a ta cuáhán ndicó cōo xihín ná chí ñundáhyi Israel. Jáchi sa naxihí va na nducú cahni ña loho jan —cáchi táto Ndióxi.

²¹ Andá já ñandico José ta ñehe da Jesús xihín María, náná a cuahán na ndicó cōo na chí ñundáhyi Israel. ²² Joo tá ñaḥehe da tuhun ña ñandicojo Arquelao chuun cacuu da rey nu Herodes, tátá da já ñayihví José cūhun da chí estado Judea. Ta saḥá ña sa ñacaxi tuhun táto Ndióxi tañu sani nu dá saḥá ña cán quéa ñandijama da íchi ta cuahán da chí estado Galilea. ²³ Ta naxinu cōo na in ñuu nani Nazaret nuú ñasanduu na. Ta xihín ña yóho naxinu cōo nuú tuhun ñacahyi na profeta sanahá ña cacuu Jesús da ñuu Nazaret.

3

Tá ñacasáhá Juan, da jácandúta ñayivi cáhan ndojó da yucú íchi cán

(Mr. 1:1-8; Lc. 3:1-9, 15-17; Jn. 1:19-28)

¹ Mé tiempo cán Juan, da jácandúta ñayivi naxinu da yucú íchi cuénta estado Judea cán. Ta ñacasáhá jánaḥa da ñayivi. ² Já cáchi da já xihín ná:

—Xini ñuhú jándacoo ndó ña núu cája ndó ta ndicó cōo ini ndó nu Ndióxi jáchi sa

naçayati quivj cacomí Ndióxi cuéntá sahá ñayivi —cáchi dá xihín ná.

³ Mé Juan yóho cúú dá dá naçahan profeta Isaías saha tá naçahyí dá já:

Vaxi quivj tá cahan cóhó in da tañu yucú íchi ta cachi da já xihín ñayivi:

“Caja tiahva ndó íchi nuú quixi xitoho í, ta cuná ndó in íchi ndaçú nu mé á ña ná ndihvi a ínimá ndo”, cáchi tuhun Ndióxi.

⁴ Ta jáhma nasandixi Juan yóho nasacuu a ña naçavaña na xihín íji camello ta nasandjico in niú jáhndá tóco dá. Ta naixixi da tíca xihín ñuñu yucú. ⁵ Ta naqueta ñayivi ndúu ñuu Jerusalén xihín na ndúu estado Judea xihín na ndúu ñundáhyi yati yuta Jordán cán nasaa na nu Juan taa johó na nu cáhan dá. ⁶ Ta tá nañahma na çuachi na nu Ndióxi já najácandúta Juan na ini yuta Jordán.

⁷ Joo tá naixini Juan ña janda johó xínu çoo cuahá na fariseo xihín na saduceo nu dá ña ná jácandúta da na já naçasáhá xójo ndivaha ini da ta já naçachi da já xihín ná:

—Mé ndó cúú ndó tátuhun çoo jáchi cúú ndó na quini. Cáhán ndo ña a jándoho ga Ndióxi ini ndó sahá çuachi ndó tá ná candúta ndo vatí cajú tá cajú ndó çuachi.

⁸ Xini ñúhú cajú ndó ña vaña já ná cuni ñayivi ña mé a ndaa táhyi najándicoo ndó ña núu nasacaja ndó jihna. ⁹ Ta a cáhán ndo ña jácacu Ndióxi ndoghó sahá ña cúú ndó na naquixi çhichi Abraham. Jáchi çoo saha toho ña jan nu Ndióxi tá çoo jándacoo ndó çuachi ndó. Jáchi mé a ndaa ná cahan í xihín ndó ña janda yuu ndúu nu ñúhu jan cuu cajú Ndióxi ña ná nduu a ñayivi quixi çhichi Abraham. ¹⁰ Mé ndó cúú ndó tátuhun in yito, dó sa ñatiin na hacha cuahan na cahnda na. Ta tóco ndihi yito, dó çoo sahan çuahi vaña nuu, tahnda do ta quee dó nu ñúhu çayí do. Quiahva já cajú ri Ndióxi xihín ndó tá çoo cúnj ndó ndicó çoo ini ndó nu mé á.

¹¹ Mé a ndaa cajú ndúta í ndóhó xihín ticují ta xihín ña yóho náha ña ndandico çoo ini ndó nu Ndióxi. Joo vaxi inga da ta dá cán cúú dá jándicutú ínimá ndo xihín ínimá yij Ndióxi ta ña cán cacuu a tátuhun ñúhu çayí. Ta dá cán ín çuaha chága ndée dá a juú ga yehe. Ta chí çoo sahá í ndica xítí í nu dá ña ndaxí í correa ndusa dá. ¹² Mé dá vaxi cán çaxi da ñayivi vaña tañu ñayivi quini. Cúú á tátuhun in daña tá jáxixi da trigo xihín pala já ná quee xehe á já cacu vaña da ña. Ta xehe naçana cán çuhun a çayí a xihín ñúhu ita ña a ndáhva toho —cáchi Juan xihín na cán.

Tá naçandúta Jesús

(Mr. 1:9-11; Lc. 3:21-22)

¹³ Naçuee Jesús chí estado Galilea çuahan yuta Jordán nu ndaçaan Juan jácandúta dá ñayivi ña ná jácandúta dá mé á. ¹⁴ Joo nu cuití

çoo naçeen toho Juan jácandúta dá Jesús. Ña cán quea naçachi da já xihín Jesús:

—Yóho cúú dá ndítahan jácandúta yehe. Ta cáa johó vasún yóho ña ná jácandúta í yohó —naçachi Juan cán xihín Jesús.

¹⁵ Já nanducú nehe Jesús tuhun nu dá já naçachi a já xihín dá:

—Candehé. Quiahva já ndítahan coo ña yóho viti jáchi ndítahan nu yo jáxinu çoo í tóco ndihí ña ndaa ña nasacu ini Ndióxi coo —naçachi a.

Xihín ña yóho naçandúsa Juan ta chí najácandúta dá Jesús. ¹⁶ Ta tá nandihí naçandúta Jesús já naqueta ini ticují cán. Anda já nañuna indiví ta naixini Jesús nañuu ínimá yij Ndióxi jatá ta nasacaa tá quiahva cáa in ndijata. ¹⁷ Tá nandihí já naixini johó a cahan in a indiví ta já cáchi a cán já:

—Yóho cúun jahyi maní í ta cájij ndivaha ini í xuhun —naçachi a.

4

Xito ndojó tiñáhá saçuaha Jesús

(Mr. 1:12-13; Lc. 4:1-13)

¹ Tá nandihí já ndáca ínimá yij Ndióxi Jesús çuahan chí yucú íchi nuú çoo ndúu ñayivi já ná coto ndojó tiñáhá saçuaha mé á.

² Ta cán nasahjin a tíxi ivj jíco quivj. Nuú ta ndiví çoo naixixi a ta tá nandihí já naixinu joco nu á. ³ Já naçayati tiñáhá saçuaha nuú Jesús ña coto ndojó ñahá rí já naçachi rí já xihín á:

—Tá ta jivi ndusa jahyi Ndióxi cúun cahnda chuun ña ná nduu yuu yóho pan —naçachi rí cán xihín Jesús.

⁴ Anda já naçachi Jesús já xihín rí:

—Já cáchi tuhun Ndióxi: “A juú pan cuití cuxu ñayivi já catacu na, vaña. Xini ñúhú rí a cajú na ña sáhndá tuhun Ndióxi nu ná já quea cuu catacu na nu Ndióxi” —naçachi Jesús xihín rí.

⁵ Tá nandihí já ndáca tiñáhá saçuaha cán Jesús çuahan xihín rí ñuu Jerusalén, ña yij cán ta já najándaa rí a nu jíco jiní veñuhu cáhnu ndaçaan cán. ⁶ Ta já naçachi rí já xihín á:

—Tá ta jivi ndusa jahyi Ndióxi cúun jácana mún chí ninu jáchi já cáchi tuhun Ndióxi:

Cahnda Ndióxi chuun nu tátó mé á ña ná caanda na yohó.

Ta ndinehe ndáha na yohó, já quea ná a ndicuehe sahan tá ná cachi-hin sahan xihín yuu, já cáchi tuhun Ndióxi —naçachi rí xihín Jesús.

⁷ Ta já nanducú nehe Jesús tuhun nu rí já naçachi a já xihín rí:

—Cáchi tucu tuhun Ndióxi já: “A coto ndojó tohún Ndióxi, xitohún” —naçachi Jesús xihín rí.

8 Ta tá nandihí já ndáca tucu tiñáhá saçuaha cán Jesús nasahan xihín rí in jini yúcu jícó ndivaha. Ta já nanaha rí ndaja táhan ñuu ndúu ñuyiví nu á ta najánaha rí tóco ndihí ña náhnu ndúu cán nu á. 9 Ta já ñacachi tucu rí já xihín Jesús:

—Tóco ndihí ña yóho quiahva i nuun tá ná caxítún nuú i caja cáhnún yehe —ñacachi rí quini cán xihín Jesús.

10 Anda já ñacachi Jesús já xihín rí:

—Satanás, cuahán caxoo jáchi já cáchi tühun Ndióxi: “In túhún Ndióxi, xitohún ndítahan caja cáhnún ta in túhún mé á ndítahan caja ndívún nuun” —ñacachi Jesús xihín rí cán.

11 Tá nandihí já ñacaxoo tiñáhá saçuaha cán cuahan rí. Ta já ñaxinu java táto Ndióxi chindeé na Jesús.

Tá ñacasáhá cáxi tühun Jesús tühun Ndióxi nuú na estado Galilea

(Mr. 1:14-15; Lc. 4:14-15)

12 Tá nanehé Jesús tühun ña nachicaan na Juan, da jácanduta ñayivi vecaa já ñaquee a cán cuahan chí estado Galilea. 13 Joo cóo ñacandoo a ñuu Nazaret chí ñaquee a cuahan coo a chí ñuu Capernaum ña ndácaan yuhú tañuhú, dó ndácaan ñundáhyi cuéntá na ñaquixi chíchi Zabolón xihín na ñaquixi chíchi Neftalí. 14 Tóco ndihí ña yóho nayaha ña ná xinú cóo nuú tühun ñacahyi profeta Isaías sanahá tá ñacahyi da já:

15 Ñayivi ndúu ñundáhyi Zabolón xihín na ndúu ñundáhyi Neftalí, ña ñúhu inga xoo yuta Jordán yati yuhú tañuhú,

ta jári na ndúu Galilea, mé estado nu ndúu ñayivi, na cóo núu chíchi Israel,

16 mé na cán nasanduu na nuú naá ndivaha ta viti ñaxini na in ñaha yehe ndivaha.

Jándiyehé á nu ná ña ná á quiví na, joo caticu na anda ama cáa quiví nu ín Ndióxi, ñacahyi Isaías sanahá.

17 Ta chí mé tiempo já ñacasáhá Jesús cáhan ndojó a nuú ñayivi ta já cáchi á já xihín ná:

—Xíni ñúhu jándacoo ndó cuachi cája ndó ta ndicó cóo ini ndó nu Ndióxi jáchi sa ñacayati quiví cacomí a cuéntá sahá ñayivi —ñacachi Jesús.

Tá cána Jesús comí da táva tiyacá ña ná caca tuun da xihín á

(Mr. 1:16-20; Lc. 5:1-11)

18 Tá xíca Jesús cuahan yuhú tañuhú Galilea, nandinehé a ivi taa, da cúu ñani. In da naní Simón ta cáhan na Pedro xihín dá. Ta da inga cán naní da Andrés. Ndíví da yóho cúu dá da táva tiyacá ta ñúhu na jácana na ñúnu ná ini tañuhú cán. 19 Já ñacachi a já xihín ndíví da:

—Naha quíí ndó candicó ndó yehe caca tuun ndó xihín i. Táva ndó tiyacá viti joo caja i ña ná cuu tavá ndó ñayivi tañu cuachi —cáchi a.

20 Ta chí ivi laá najándacoo da ñúnu da ta nandicó da Jesús.

21 Ta naní xíca Jesús cuahan chága chí nuú já ñaxini a inga ivi tucu taa, da cúu ñani. In da naní Jacobo ta inga da naní Juan, da cúu jahyi Zebedeo. Ta ndíví mé da yóho ñúhu da ini barco da xihín táta da ndája vaha da ñúnu dá. Ta ñacana Jesús ndíví da yóho. 22 Ta chí ivi laá najándacoo da barco da xihín táta da ta ñacasáhá xíca tuun da xihín Jesús.

Jánaha Jesús nuú cuahá ndivaha ñayivi (Lc. 6:17-19)

23 Níí cúu estado Galilea ñaxíca nuu Jesús cáhan tühun vaha nuú ñayivi ini veñuhu in in ñuu cán. Cáxi tühun a nu ná ña sa nandindaa quiví cacomí Ndióxi cuéntá sahá ñayivi ñuyiví. Ta nandaja vaha Jesús na quíhví tá nuú cuehe ndóho na. 24 Ta níí cúu ñundáhyi cuéntá Siria nandicueta nuu tühun sahá ña cája Jesús. Sahá ña cán queá néhe na na quíhví, na ndóho tá nuú cuehe vaxi na nu á ña ná ndaja vaha mé á na ta néhe na na ñúhu ínima quini ini xinú na nu á ta ndijáa na xihí yihí xihín na quíhví sahá néhe na vaxi na nuú Jesús. Ta nandaja vaha mé á na.

25 Ta cuahá ndivaha ñayivi ndicó na Jesús. Cúu ná na ñaquixi estado Galilea xihín na ndúu uxu ñuu cuéntá Decápolis xihín na ñuu Jerusalén xihín na estado Judea xihín na ñaquixi ñundáhyi chí xoo oriente nu ndácaan yuta Jordán cán.

5

Tá cáhan ndojó Jesús jini yúcu (Lc. 6:20-23)

1 Tá ñaxini Jesús ña ndicó cuahá ndivaha ñayivi mé á já nandaa jini yúcu ta já nasacoo a cán. Ta ñacayati na xíca tuun xihín a nu á. 2 Ta já ñacasáhá jánaha nu tóco ndihí na ndúu cán já ñacachi a já xihín ná:

3 —Tahví ñacuu ñayivi tá ndicumi na xíni ñúhu na ña chindeé Ndióxi na jáchi na cán cúu na cacomí Ndióxi cuéntá sahá.

4 Tahví ñacuu na ndúu cuéha jáchi na cán cúu na quiahva Ndióxi tühun ndéé ini.

5 Tahví ñacuu na cóo ndíñehé jícó mé jáchi na cán cúu na ñeñe táhvi ndiquehe na ña nasahan Ndióxi tühun a quiahva nu ná.

6 Tahví ñacuu na xíca ini caja ña cúní Ndióxi. Na cán cúu na caja Ndióxi ña ná xinú nuú ña cúu ini na.

7 Tahví ñacuu na cándáhyi ini sahá ñayivi jáchi na cán cacuu na cándáhyi ri ini Ndióxi sahá.

8 Tahví ñacuu na cóo ndácaan quini ínima jáchi na cán cúu na cuni Ndióxi.

9 "Tahví ñacuu ña ndíhi ini ña ná coo vaha na xihín ñayivi jáchi na cán cúu ña cáchi Ndióxi cúu ná jahyi mé á.

10 "Tahví ñacuu ña ndóho ini sahá ña cája na ña sáhná Ndióxi nu ná caja na jáchi na cán cúu ña cacomí Ndióxi cuéntá saha.

11 "Tahví ñacuu ndó tá cáhahá ñayivi xihín ndó ta cája xixi na xihín ndó sahá ña cándeé ini ndó yehe. Ta tahví ñacuu ndó tá jácojo na cuachi jíqui jata ndó sahá ña cándeé ini ndó yehe.

12 "Xini ñúhú cajji ndivaha ini ndó ta coo vaha ini ndó jáchi ndiquehe ndó in ña vaha ndivaha caja Ndióxi indiví. Xini ñúhú ndicuhun ini ndó ña quiahva já ñacaja xixi na xihín na profeta, ña ñasanduu sanahá.

Cúu yó tátuhun ñúhu jándiyehé nuú ñayivi ñuyivi

(Mr. 9:50; Lc. 14:34-35)

13 "Mé ndó cúu ndó tátuhun ñijí yivi na. Sa xini ndó ña cája ñijí ña ná ndihaji ñaha xixi ndó. Ta quiahva já caja ndó xihín ñayivi ñuyivi. Joo tá ná ndihi ña ohva ñijí cán a cúu ga ndicó coo a cahohva tucu a sahá ña cán queá jándá cuíta va íchi cuañi nihni ñayivi ña jáchi coo chuun toho a.

14 "Jári mé ndó cúu ndó tátuhun ñúhu jándiyehé nuú ñayivi ndúu ñuyivi. Ta mé ñúhu cán cúu á tátuhun in ñuu cánúu jata in yucú jíco tá a cúu toho ndacaan jehé a.

15 "Jáchi coo chíñúhu ná in lámpara ta tá nu ndihi já chíjehé ña ña tíxi in sató. Ña cája na xihín á queá chinúu jíco ña já ná jándiyehé a nu tóco ndihi ña ndúu vehe. 16 Quiahva já xini ñúhú ndíhi ini ndó caja vaha ndó ña ná cacuu ndó tátuhun in ñúhu cáyi nuú ñayivi. Jáchi tá ná cuni na ña vaha cája ndó já queá cuu caja cáhu na Ndióxi, tátá yo, ña ñin indiví.

Jánaha Jesús saha ley Moisés

17 "A juú cahán ndó ña ñaqui xi ñuyivi yóho ña cacu xóo ña ña ñasahnda ley Moisés xihín ña najánaha ña profeta, vaha. Co váxi toho ña cacu xóo ña. Vaxi ña nu ndó jáxinu coo ña tóco ndihi ña cáchi mé ley já ná naha ña nu ndó ndía cúu ndusa ña. 18 Mé a ndaa ná cahan ña xihín ndó ña a ndíhi saha mé ley nani ñin indiví xihín ñuyivi yóho. Ni in túhún toho túhun, a ndíhi saha jánda quiahva ná yaha tóco ndíhi ña ndítahan yaha. 19 Sahá ña cán queá ndá ña coo cuni caja ña sáhná ley Moisés vatí cúu á ña loho ndivaha ta ni coo cuni ña jánaha ña ñayivi ña ná caja na ña cáchi a já queá cacuu na in ña coo cuaha saha tañu ña cacomí Ndióxi cuéntá saha. Joo ña caja ña cáchi mé ley ta jánaha ña ñayivi ña ná caja na ña, mé ña cán cacuu na ña cáhu ndivaha tañu ña cacomí Ndióxi cuéntá saha.

20 Mé a ndaa ná cahan ña xihín ndó ña tá ná caja cuití va ndó tá quiahva caja ña jánaha ley Moisés xihín ña fariseo já queá a cuú

ndíhvi ndó nuú cacomí Ndióxi cuéntá sahá ñayivi.

Jánaha Jesús ña co ndítahan cojo ini ñayivi (Lc. 12:57-59)

21 "Mé ndó sa xini ndó ña ñacachi Moisés xihín tásáhu jíco ndó sanahá tá ñacachi da já: "A cahni ndó ndijí jáchi ndá ña ná cahni ndijí tandaa quivi caja víi jutixia saha ná."

22 "Joo yehe cáchi ña xihín ndó viti ña ndá ña ná caja cuéhe xihín ñani táhan na tandaa quivi caja víi jutixia saha ná. Ta jári na cáhahá xihín ñani táhan na, á cáchi ña cúu ná ñayivi táchi já vaxi quivi tá candichi na nu juéxe cáhu ta cuu cuhun ña indayá sahá.

23 "Sahá ña cán queá tá tá ñéhe ndó in ñaha cuahán ndó joco ndó ña Ndióxi ta nani cuahán ndó cán ndicuhun ini ndó ña ñin in ñani táhan ndó ta coo cuni táhan vaha na xihín ndó 24 já queá mé ñan yati nu ña ndítahan jándacoo too ndó ña ñéhe ndó joco ndó ñan. Ta ndítahan quee ndó cuhun ndó ndique táhan máni ndó xihín ñani táhan ndó cán. Ta tá ná ndíhi já cuu ndicó coo tucu ndó nu ña Ndióxi joco ndó ña najándacoo ndó ñan.

25 "Tá sácú in na saha ndó cuhun ndó vecaa ta cuni ña candaca na ndohó cuhun ndó nu juéxe, xini ñúhú nducú ndó ndá quiahva ndique táhan máni ndó xihín ná nani núna nu ndó caja ndó ña. Já queá ná a ndiquiahva na cán ndohó ndáha juéxe jáchi cuu ndiquiahva juéxe cán ndohó ndáha ña policia ta chicaan na ndohó vecaa. 26 Mé a ndaa cáchi ña xihín ndó ña cañuhu ndó cán jánda quiahva ná chahví ndó tóco ndíhi jíhún yíca ndó.

Jánaha Jesús saha cuachi caja in datqa tá cuni da coo da xihín in ña coo cúu ñajíhi da

27 "Mé ndó sa xini ndó ña ñasahnda ley Moisés chuun sanahá tá já ñacachi a já: "Coto a coo ndó xihín ñajíhi á yíi ñani táhan ndó." 28 "Joo yehe cáchi ña xihín ndó viti ña ndá dá sándehe in ñañáha tá cáhvi núu ini da xihín ña já queá cómi tá cómi da cuachi nu Ndióxi jáchi cúu á tátuhun sa ñin da xihín ña.

29 "Ña cán queá cáchi ña xihín ndó ña tá nduchú núu cuáha ndó queá jándacava ndohó nuú cuachi, tavá ndó ña jácana xíca ndó ña ná cuhun a jáchi vaha chága ña ná ndíhi sahá in nduchú núu ndó a juú ga ña ná cuhun in ní yiquí cuñu ndó ini indayá. 30 Ta tá ndahá cuáha ndó queá caja ña ná ndacava ndó nuú cuachi, chitúhun ndó ña ta jácana xíca ndó ña ná cuhun a jáchi vaha chága ná ndíhi saha ndáha ndo a juú ga ña ná cuhun ní yiquí cuñu ndó ini indayá.

Jánaha Jesús ña co ndítahan nuú datqa jándacoo da ñajíhi da

(Mt. 19:9; Mr. 10:11-12; Lc. 16:18)

31 "Ta mé ndó sa xini ndó ña ñasahnda ley Moisés chuun sanahá já cáchi a já: "Ndá da

cúni jándacoo ñájíhí dā ndítahan cavaha da in tutu quiahva da nu ña ta sa íin vaha va cuu jándacoo da ña.”³² Joo yehe cáchí í xihín ndo viti ña ni in túhún toho taq co ndítahan jándacoo da ñájíhí dā. Jáchí ndá dā jándacoo ñájíhí dā cája da ña ná cajú ná cuachi tá ná tandaha tucu ñá. Jári dā tandaha xihín ñá cómi ri da cuachi nu Ndióxi. Joo tá ná candaq ini da ña íin ñájíhí dā xihín inga dātaq já queá cuu ndusa jándacoo da ña.

Jánaha Jesús ña ndítahan cajú na tá sáhan na tuhun na nuú ñayivi

³³ Mé ndó sa xíní ndó ña nasahnda ley Moisés chuun sanahá já cáchí a já: “Xíní ñúhú jáxinu coo ndó tóco ndíhi ña nasahan ndó tuhun ndó cajú ndó tá táva ndo quívi Ndióxi.”³⁴ Joo yehe cáchí í xihín ndó viti ña ná quiahva ndó tuhun ndó nuú ñayivi joo a táva ndó quívi ni in ñaha. A táva ndó quívi indiví jáchí indiví cúu nu íin coo Ndióxi.³⁵ Ta ni a táva ndó quívi ñundáhyi jáchí ñundáhyi cúu nu sání mé á ta ni a táva ndo quívi ñuu Jerusalén jáchí cúu á ñuu naçaxi Ndióxi, mé á cúu á rey cáhnu ndivaha.³⁶ Ta ni a táva ndó quívi yiquí íini ndó tá sáhan ndó tuhun ndó nuú ñayivi jáchí co ndéé ndó ndaja yaa ndó á ndaja tuún ndó ni in túhún íjí íjini ndo.³⁷ Tá sáhan ndó tuhun ndó nuú ñayivi xíní ñúhú cachi ndó: “Ajan, cajú í ña.” Á tá coó xíní ñúhú cachi ndó: “Uhun, a cuú cajú í ña.” Jáchí tá cachi ndó inga tuhun já cajú ndó ña cúni ña quini.

Jánaha Jesús ña ndítahan cajú cáhnu ini saha táhan ñayivi

(Lc. 6:29-30)

³⁸ Mé ndó sa xíní ndó ña nasahnda ley Moisés chuun sanahá já cáchí a já: “Tá quiahva cajú ñayivi xuhun quiahva já cajú ri yóho va xihín ná. Ta tá ná cani in da nduchú núun já queá ndítahan cani mún nduchú núu dā. Tá ná tavá dā nuhún já ndítahan nuun tavá ri yóho va nuhú dā”, cáchí ley Moisés.³⁹ Joo yehe cáchí í xihín ndo viti: A cajú ihvi ndó xihín ñayivi, na cajú nuu xihín ndo. Ta ndá ná ná cani in xoo sajóho ndó, cata ñee ndó inga xoo sajóho ndó nu ná ña ná cani na a.⁴⁰ Ta tá cúni in na candaca na ndoghó cuhun ndó nu juéxe sahá ña cúni na candaa na cotó ndo já queá quiahva ndó ña nu ná ta jandā cotó ndéé ndo quiahva ndó nu ná.⁴¹ Ta tá vaxi in soldado nu ndó ta tá cahnda da chuun ña ná cojo ndó ñaha da in kilometro, xíní ñúhú cojo ndó ña andā ivi kilometro cuhun ndo.⁴² Ta ndá na ná caça in ñaha nu ndó quiahva ndó ña nu ná. Ta ndá na xíca tóo ñaha nu ndó, quiahva tóo ndó ña nu ná.

Xíní ñúhú quíhvi ini na co cúni mí
(Lc. 6:27-28, 32-36)

⁴³ Mé ndó sa xíní ndo ña nasahnda ley Moisés chuun sanahá já cáchí a já: “Quíhvi ini ndó na xíní táhan vaha xihín ndó ta candají ndó na co cúni táhan xihín ndo”, cáchí ley Moisés.⁴⁴ Joo yehe cáchí í xihín ndo viti: Ndítahan quíhvi ini ndó na co cúni táhan xihín ndó. Ta cahan vaha ndó xihín na cándají ndoghó. Ta caça tahví ndó nu Ndióxi sahá na cajú xíxi xihín ndo.⁴⁵ Jáchí xihín ña yóho náha ña cúu ndó jahyi Ndióxi, tátá yo, mé á íin indiví. Ta mé á cajú ña ná cana candii jatá ñayivi quini xihín jatá ñayivi vaha. Ta mé á jácuun javi jatá ñayivi ndaa xihín jatá na co cajú vaha.⁴⁶ A cáhán ndo ña cajú Ndióxi cuahá ñamaní xihín ndo tá quíhvi ini cuití ndó na quíhvi ini ndoghó va jáchí jandā ñayivi quini, na játaca juhún cuéntá impuesto cajú na já.⁴⁷ Ta a cáhán ndo ña naçaja ndó cuahá ña vaha tá ná cahan Ndióxi cuití ndó xihín ñani táhan ndó jáchí jandā ñayivi co xíní Ndióxi cajú na já.⁴⁸ Xíní ñúhú cajú ndaa ndó xihín tóco ndíhi ñayivi tá quiahva cajú ndaa Ndióxi, tátá yo, mé á íin indiví —naçachi Jesús.

6

Jánaha Jesús ña ndítahan chindeé yo na ndahvi

¹ Já naçachi tucu Jesús já:

—Á ndúcú ndó cajú vaha ndó nuú ñayivi sahá ña ná cuni táhyi na ña cajú ndó já candoo vaha ndó nu ná. Jáchí tá ná cajú ndó já coó toho ñaha ñehé táhvi ndó nu Ndióxi, tátá ndo íin indiví.² Sahá ña cán queá tá chindeé ndó ñayivi, na ndímaní ñaha nuu, a cáca nuu ndó cahan lándā ndó ña nuú ñayivi tá quiahva cajú na co cúu ná tá quiahva ndaa na. Jáchí na cán sáhan na ñaha nuu na ndahvi ini veñuhu xihín nu táca ñayivi íchi já ná cuu cuni táhyi tóco ndíhi ñayivi ña vaha cajú na. Jáchí na cán cúni na ña ná cajú cáhnu ñayivi na. Mé a ndaa cáchí í xihín ndó ña sa yahvi na cúu mé ña cajú cáhnu ñayivi na.³ Ña ndítahan cajú ndó tá chindeé ndó na ndímaní ñaha nuu queá cajú ndó ña ná a candaq ini ni in ñayivi ña cajú ndó⁴ ta xíní ñúhú cajú jehé ndó ña. Ta Ndióxi, tátá ndo sándehe a ña vaha cajú ndó xihín ñayivi ta mé á queá chahvi a sahá ña cajú ndó jan.

Jánaha Jesús ñayivi ndaja caça tahví na nu Ndióxi

(Lc. 11:2-4)

⁵ Tá xíca tahví ndo nu Ndióxi a cajú ndó tá quiahva cajú na co cúu ná tá quiahva ndaa na jáchí catóo na candita na veñuhu xihín cáyé ña caça tahvi na nu Ndióxi ña ná cuni táhyi ñayivi na. Mé a ndaa ná cahan í xihín ndo sa yahvi na cúu mé ña xíní ñayivi na.⁶ Joo ndoghó, tá xíca tahví ndó nu Ndióxi, tátá ndo íin indiví ndítahan quíhvi ndó ini vehe

ndó ta chicaji tuun ndó yéhe á ta jan cuu caça tahví jehé ndó nu Ndióxi. Jáchi jan in Ndióxi, tátá ndó xihín ndó taa johó a nu cáhan ndó ta caja mé á ñamaní xihín ndó.

⁷ Ta tá xíca tahví ndó nu Ndióxi, a cáhan tucu tucu ndó mé tuhun ña coó saha jáchi ñayivi, na co xini Ndióxi cán cája na já. Ta cáhan na taa johó Ndióxi na sahá ña cuaha cáhan na joo a juú ña ndaa. ⁸ Joo a cája ndó tá quiahva cája na cán jáchi Ndióxi, tátá ndó sa xini va mé á ndá queá xini ñúhú ndó janda tá cámani caça ndó ña nu á. ⁹ Ña yóho queá nditahan cachi ndó tá xíca tahví ndó nu Ndióxi:

Tátá Ndióxi, ña in indivi,
cáhnú ná cacuu quívi ndó.

¹⁰ Ná tandaa quívi quívi cacomí ndó cuéntá sahá nde.

Ta ná coo tá in cuni mé ndó coo ñuyivi yóho tá quiahva in indivi cája ndó.

¹¹ Quiahva ndó nu nde ña ndimani nu nde cuxu nde in in quívi.

¹² Caja cáhnú ini ndó sahá cuachi nde tá quiahva cája cáhnú ini mé nde sahá ña núu cája ñayivi xihín nde.

¹³ Ta a quiahva ndó ñamaní ña ná coto ndojó tináhá sacuaña ndehe já ná a cája nde cuachi nu ndó.

Jáchi comí ndó cuéntá sahá tóco ndihi ñayivi, ta cúu cája ndó tóco ndihi ñaha, ta cáhnú cúu mé ndó anda ama cáa quívi.

Já ná coo, quiahva já cachi ndó tá xíca tahví ndó nu Ndióxi.

¹⁴ Jáchi tá cája cáhnú ini ndó sahá ña núu cája inga na xihín ndó já queá caja cáhnú ri ini Ndióxi, tátá ndo, mé a in indivi sahá ndo.

¹⁵ Ta tá co cuni ndo caja cáhnú ini ndó sahá ña núu nacaja inga na xihín ndó já queá a cája cáhnú ini Ndióxi sahá cuachi cája ndó.

Jánahq Jesús ndaja nditahan caja na tá cajuhun na

¹⁶ Tá cajuhun ndó a cája ndó tá quiahva cája na co cúu ná tá quiahva ndaa na. Na cán cuni na ña ná cuni táhyi tóco ndihi ñayivi ña xijuhun na sahá ña cán queá cája cuaha nuu na já ná ndihehe jicó ñahá na. Mé a ndaa cáchi i xihín ndo ña sa yahvi na cúu ña xini ñayivi na. ¹⁷ Joo ndóhó, tá ná cajuhun ndó nditahan cuchú nuu ndo ta ndaja vii ndó mé ndó. ¹⁸ Já queá ná a cuni ñayivi ña xijuhun ndó ta in túhún Ndióxi, tátá ndo, mé a in tuun xihín ndó cándaq ini ña mé a ndaa xijuhun ndó ta mé á queá chahvi a sahá ña cája ndó jan.

Indivi cúu nu nditahan ndaja tútu ñayivi ña vaha

(Lc. 12:33-34)

¹⁹ A ndúcu ndó játaca cuahá ndivaha ndó ña cuicá canduu nu ndo ñuyivi yóho jáchi yóho cúu nu quíhvi tíquiji ñaha ndó jándihi ri sahá ta já tívi ndihi ñaha ndó. Ta jári cuu

quíhvi taa cuíhná caja cuíhná da ña. ²⁰ Vaha chága ná játaca ndó ña vaha indivi jáchi cán coó quíhvi toho tíquiji jándihi ri sahá ñaha ndó. Ta mé cán ni in ñaha co tívi ta ni taa cuíhná a cúu ndíhvi caja cuíhná. ²¹ Jáchi nuu ñandaja tútu ndo ña ndáyahvi nu ndó, cán coo ri inima ndo.

Nduchú núu yo cúu á tátuhun lámpara ña jándiyehé nu xica í

(Lc. 11:34-36)

²² Nduchú núu yo cúu á tátuhun in lámpara jándiyehé nu yó já xini yo nu xica í. Ta tá tívi vaha nduchú núu yo já cuu candehé vaha í nu xica í. ²³ Joo tá co tívi nduchú núu yó já queá xica yó nu naá ndivaha. Ta tá cáhan yo ña cúu yó na xica nu yéhe ndivaha ta cáa ví yo cája í cuachi já queá cúu yó tátuhun na xica nu naá ndivaha.

In ñaha cúu Ndióxi ta inga ñaha cúu jiyuhún

(Lc. 16:13)

²⁴ Ni in túhún ñayivi a cúu caja chúun nuu ivi xitoho na jáchi candaji na in xitoho na ta inga xitoho na quíhvi ini chága na. Á tá coó ta caja ndívi vaha na chuun nuu in xitoho na ta inga na cán a cája chúun vaha na nuu. Ta quiahva já in ri xihín ndóhó va jáchi a cuu caja cáhnú ndó Ndióxi tá chinúu ndó inima ndó jatá jiyuhún ndo.

Ndaá Ndióxi na cúu cuéntá mé á

(Lc. 12:22-31)

²⁵ Candehé ndo ña cáhan i xihín ndó yóho: A ndicani ini ndó sahá ña cuxu ndó ta ni sahá ña coho ndó ña catacu ndó in in quívi. Ta ni a ndicani ini ndó saha jáhma candixi ndó. Jáchi tá tácu ndo, ña jan cúu ña cáhnú chága a juú ga ña cuxu ndó. Ta in chága saha yiqui cuñu ndó a juú ga jáhma ndíxi ndó jan. ²⁶ Candehé ndó laa ndáchi nu táchi jan: ri jan ni co xutu ri ta ni a vása sahan ri jáquee ri ta ni co yaca ri nu táan vaha ri nuní ri. Ta Ndióxi, tátá ndo, mé a in indivi sahan ña xixi ri jan nu ri. Á co xini ndó ña in chága saha mé ndó a juú ga laa cán. Sahá ña cán queá quiahva mé á ña xini ñúhú ndó catacu ndó. ²⁷ Ta coó saha toho ña ndicani nahá ini ndó jáchi a cuu ndaja jicó ndó mé ndó java metro chága sahá ña ndicani ini ndó.

²⁸ Ta ni co nditahan ndicani ini ndó saha jáhma candixi ndó. Candehé ndo ndá quiahva ndató sahnú ita yucu. Mé ita jan ni co cája chúun a ta ni co cávaha jáhma á. ²⁹ Joo mé a ndaa ná cahan i xihín ndo ña ñúchí chága ita yóho nacaja Ndióxi a juú ga jáhma vaha ndivaha nasandixi rey Salomón sanahá, da nasahin cuaha ñaha cuicá. ³⁰ Candehé ndó ndaja ndaa vaha Ndióxi yucu ita vatí in tóo a viti ta itaan cáyi a jándihi sahá. Ndaja ga ví caja Ndióxi xihín ndóhó ña quiahva mé á tóco ndihi ña

xini ñúhú ndó catacu ndó. Joo mé ndó cò cándúsa ndó ña candaa mé á ndohó. ³¹ Ña cán queá a ndicani ini ndó saha ndá ña cuxu ndó á sahá ña coho ndó á sahá ña candixi ndó. ³² Jáchi na cò xini ichi cuéntá Ndióxi, na cán cúu na ndicani cuahá ini saha tóco ndihi ña yóho. Joo cúu ndó cuéntá Ndióxi, tátá ndó ñin indivi ta xini vaha mé á ña ndímaní nu ndó catacu ndó. ³³ Joo ndítahan nu ndó ndiquiahva ndó mé ndó ndáha Ndióxi ña ná cacomí mé á cuéntá saha ndó ta já quiahva mé á ña ndímaní nu ndó catacu ndó. ³⁴ A ndicani ini ndó sahá ña quixi nu ndó inga quívi itaḡan jáchi Ndióxi cuití va xini á ndiá vaxi nu ndó quívi itaḡan ta còó sahá ndicani ini ndó sahá ña ndoho ndó itaḡan.

7

Cò ndítahan candehé ndaa yó ñayivi
(Lc. 6:37-38, 41-42)

¹ A candehé ndaa ndó ñayivi já ná a candehé ndaa Ndióxi ndohó. ² Jáchi tá quiahva cája ndó xihín inga ñayivi quiahva já cajú ri Ndióxi xihín ndohó va. Sahá ña cán queá tá quiahva sándehe ndaa ndó ñayivi quiahva já cajú ri Ndióxi xihín mé ndó. ³ Jáchi ndá cuéntá queá sándehe ndó ña núu cája ñani táhan ndó ta cò sándehe ndó ndá quiahva náhnu chága ña núu cája mé ndó. Cúu á tátuhun ndácaḡan in xehe loho nduchú núu ñani táhan ndó nani ndácaḡan in yitò ndúhu cáhnu ini nduchú núu ndó. ⁴ Ta tá a cuú cuni ndó yitò cáhnu ndácaḡan ini nduchú núu mé ndó ndaja cajú ndó cachi ndó xihín ñani táhan ndó: “Ñani i, ná tavá loho i xehe ndácaḡan nduchú núun jan.” ⁵ Jándahvi ndó mé ndó xihín ña cája ndó. Xini ñúhú tavá ndó yitò cáhnu ndácaḡan nduchú núu mé ndó jan já ná nuna nu ndó cuni vaha ndó já ná cuu tavá ndó xehe loho ndácaḡan nduchú núu ñani táhan ndó.

⁶ A quiahva ndó ña yíi cuéntá Ndióxi nuú ñayivi quini. Jáchi tá cája ndó já cúu á tátuhun tá ná quiahva ndó ñaha yíi nuú tina ta tiahva náá ndicó còo rí tiin rí ndohó. Ta jári cúu á tátuhun tá ná quiahva ndó ñaha yahvi ndivaha tátuhun perla nu cóchi jáchi cuu cuañi nihni rí ña.

Ndaja cajú í caḡa í ñamañi nu Ndióxi
(Lc. 11:9-13; 6:31)

⁷ Ndá ñaha ndímaní nu ndó xini ñúhú caḡa ndó ña nu Ndióxi ta já quiahva mé á ña nu ndó. Ndinducú ndó ña cúní ndo ta ñeḡe ndó ña cajú Ndióxi. Cúu á tátuhun catí ndáha ndo yéhe ta já nuna yéhe nu ndo. ⁸ Jáchi na xica in ñaha, na cán cúu na ñeḡe va. Ta na nducú ñaha, na cán cúu na ndiñeḡe ña. Ta na catí ndáha yéhe, na cán cúu na ndinuna yéhe nuu.

⁹ Ta ndá ndó, na ndúu jahyi ta tá xica jahyi ndó pan cuxu a nu ndó, ama cuéhe rí ndó

quiahva ndó yuu nu á ña ná caxi a. ¹⁰ Ta ama ná quiahva rí ndó in còo nu á caxi tá xica tiyacá nu ndó cuxu a. Cò cája ndó já. ¹¹ Candehé ndó. Vatí mé ndó cúu ndó ñayivi cája cuachi joo xini vaha ndó quiahva ndó ña vaha nuú jahyi ndó. Ndaja ga ví cája Ndióxi, tátá ndó, mé a ñin indivi xihín ndó. Quiahva mé á ña vaha nu ndó tá ná caḡa ndó ña nu mé á.

¹² Candehé ndó. Tá quiahva cúní ndó cajú ñayivi xihín ndó quiahva já ndítahan cajú rí ndohó va xihín ná jáchi ña yóho queá sáhdá ley Moisés xihín ña naḡahyi na profeta cajú ndó.

Yéhe táhan cúu nuú quihvi na cuhun indivi

(Lc. 13:24)

¹³ Cúu á tátuhun ñin jvi yéhe. In yéhe cúu á ña táhan ndivaha ta xini ñúhú ndinducú ndó ndihvi ndó cán. Jáchi inga yéhe cúu á ña ndica ndivaha nuú ndihvi na cuhun indayá. Ta cuahá ndivaha ñayivi cúu na xica ichi ndica cuahān na indayá nuú ndihi saha ná. ¹⁴ Joo ña cúu ichi ña ndaca ñayivi yéhe táhan nu ndihvi na indivi cúu á ichi táhan ndivaha ta yáncá ndivaha caca nuu í nu á. Ta chá ndivaha cúu na ndihvi cán.

Xihín cuhi cúun nuú in yitò cuu ndicuni ndá yitò cúu dó

(Lc. 6:43-44)

¹⁵ Cuéntá còo ndó xihín na tuhún, na cáchi cáhan na cuéntá Ndióxi jan. Jáchi uun ndivaha casaḡa na nu ndó. Joo cúu ná tátuhun ndivahyi quini ndivaha vatí náha na tátuhun ndicachi loho. ¹⁶ Cúu ndicuni ndó na xihín ña cája na. Jáchi ñayivi quini cò cája vaha toho na. Cúu á tátuhun tá a cuú cuun uva nuú tñihni ta ni a cuú jáquee ndó titó ñuhú nuú tñihni. ¹⁷ Ña cán queá tóco ndihi yitò vaha ndinuhu cuhi vaha cuití cúun nu do. Joo yitò quini ndinuhu cuhi quini cuití cúun nu do. ¹⁸ Dó cúu yitò vaha cán a cúu toho cana cuhi quini nu do ta ni yitò quini cán a cúu cuun cuhi vaha nu do. ¹⁹ Ta tóco ndihi yitò, dó cò cána cuhi vaha nuu, tahnda do ta quee dó na cáhdaha ñúhu ña cayi do. ²⁰ Sahá ña cán queá xihín ña cája ñayivi já cuu ndicuni ndó á cúu ná ñayivi vaha á cúu ná na quini.

A juú ndihi toho ñayivi ndihvi na nuú cacomí Ndióxi cuéntá saḡa ná

(Lc. 13:25-27)

²¹ A juú ndihi toho na cáchi cúu yehe xitoho na cuhun na nuú cacomí Ndióxi cuéntá saḡa ná. Na cája ña sáhdá Ndióxi, tátá i, mé a ñin indivi na cán cuití cúu na cacomí mé á cuéntá saḡa. ²² Jáchi tá ná xinu còo quivi cajú vii Ndióxi sahá ñayivi já queá casahá caḡan cuahá ndivaha ñayivi xihín i ta já cachi na já: “Jesús, mé ndó cúu xitoho nde

ta xihín quívi mé ndó naxíca nuu nde cáhan nde tuhun Ndióxi xihín ñayivi ta xihín quívi mé ndó natavá nde rí quini nasañuhu ínimá ñayivi ta xihín quívi mé ndó nacaja cuahá ndivaha nde ña xitúhún”, cachi na xihín i.
 23 Ta anda já nducú ñehe e tuhun nu ná já cachi i já xihín ná: “Cọ xini toho i yo cúú ndóhó. Caxoo ndó nuú i jáchi ndinuhu ña quini cája ndó”, cachi i xihín ná.

Sácu Jesús quiahva sahá ivi da nacavaha vehe

(Mr. 1:22; Lc. 6:47-49)

24 Ndá na xini johó ña cáhan i ta cája na ña, na cán cúú ná tátuhun in dataa, da íin xini túnji ta nacavaha da vehe da jata in tóto. 25 Ta tá naxinu javi já nasahnu yuta ta naxinu tachí quini jatá vehe cán joo cóo nandicava vehe da jáchi tóyíí cándichi vehe da jata tóto cán. 26 Joo na xini johó nu cáhan i ta có cája na ña, na cán cúú ná tátuhun in dataa, da có xini túnji ta nacavaha da vehe da nuú ñuti. 27 Tá nandihí já naxinu javi já nasahnu yuta ta naxinu tachí quini jatá vehe cán. Anda já nandicava vehe da ta chí nandihí sahá chí uun —nacachi Jesús jánaḡa ñayivi.

28 Ta tá nandihí nacahan Jesús ña yóho já tóco ndihí ñayivi nacatóntó na xini johó na ndá quiahva jánaḡa mé á 29 jáchi tá jánaḡa mé á nu ná cáhan tá quiahva cáhan in da íin sahá cahnda chuun ta có cáhan toho a tá quiahva cája na jánaḡa ley Moisés.

8

Tá nandaja vaha Jesús in da ndóho cueḡe táhyi

(Mr. 1:40-45; Lc. 5:12-16)

1 Tá nanuu Jesús jata yúcu nuú nasanúu a cán já ndico cuahá ndivaha ñayivi jatá cuahan. 2 Ta ndaja coo já nacayati in dataa, da ndóho cueḡe táhyi nu á. Ta já nacaxití da nu á já nacachi da já xihín á:

—Cuu ndaja vaha ndó yeḡe, xitoho i tá cúni ndó —nacachi da xihín Jesús.

3 Tá nandihí já nacani ndaa ndáḡa Jesús da já nacachi a já xihín dá:

—Cúni ña ná ndivahún ña cán queá nandivahún viti —cáchi a xihín dá.

Tá nacachi Jesús já chí ivi laá nandindaa cueḡe táhyi nandoho da cán. 4 Anda já nacachi Jesús já xihín dá:

—Candehé. A cáxi tuhun tohún ña yóho xihín ni in túhún ñayivi. Cuahán ndacún nahun mún nuú jutú. Ta ndítahan jocún ñaha nu Ndióxi tátuhun sáhdá ley Moisés sanaha caja na sa nandivaha. Já ná candaa ini tóco ndihí ñayivi ña sa nandindaa va cueḡe nasandohún —nacachi Jesús xihín da cán.

Tá nandaja vaha Jesús in da cája chúun nuú in jefe soldado
 (Lc. 7:1-10)

5 Tá nandihvi Jesús ñuu Capernaum já nacayati in da sáhdá chuun nuú soldado naquixi ñuu Roma nu Jesús jáchi cúni da caca da in ñamanj nu á.

6 Já nacachi da já xihín á:

—Á có cúni ndó caja ndó ñamanj ndaja vaha ndó mozo i, datacú jáchi cándúhu da vehe quíhvi da naxihí tuchu yiquí cuñu da ta a juú quiahva cáhíhvi yiquí cuñu da —nacachi da cán xihín Jesús.

7 Já nacachi Jesús já xihín dá:

—Vaha va, cuḡun i ndaja vaha i da —nacachi Jesús.

8 Anda já nacachi tucu da sáhdá chuun nuú soldado cán já xihín Jesús:

—Candehé ndó. Cóo sahá toho yeḡe ña ná ndihvi ndó vehe e. Joo cahnda cuití ndó chuun janda nu íin ndó yóho ta já ndivaha va mozo i. 9 Jáchi ndúu java na náhu chága sáhdá chuun nuú i. Ta ndúu ri soldado sáhdá ri yeḡe va chuun nuú. Ta tá chindahá i in da ña ná cuḡun da nu cúni mí i cuḡun da ta cuahan da. Ta tá sáhdá i chuun nuú inga da ña ná quixi da nuú i ta vaxi da nuú i. Ta tá sáhdá i chuun nuú mozo i ña ná caja da ña sáhdá i ta cája da ña —nacachi da cán.

10 Tá naxini johó Jesús ña yóho já nacatóntó a já nacachi a já xihín na ndico cuahan cán:

—Mé a ndaa ná cahan i xihín ndo ña a ñaha cuni i tañu na Israel in da cándeé cáhnu nahá ini Ndióxi tá quiahva cándeé cáhnu ini da yóho Ndióxi. 11 Candehé ndo ná cahan i xihín ndo ña quixi ñayivi ndijáá ní cúú sahá ñuyivi ta cacgo na cuxu na xihín Abraham ta xihín Isaac ta xihín Jacob indivi nu íin Ndióxi cómi a cuéntá sahá ñayivi. 12 Joo cuahá na Israel, na nanditahan nuú coo cán a cóo toho na cán. Ña caja Ndióxi xihín na cán queá cujta na jata vehe cuḡun na nuú naá ndivaha. Ta cán cuacu ndivaha na janda quiahva chicahá mé nuḡu ná —cáchi Jesús.

13 Tá nandihí já nacahan tucu Jesús xihín da sáhdá chuun nuú soldado cán já nacachi a já xihín dá:

—Cuanúhu vehún. Nandivaha mosún tá quiahva cúnun jáchi nacandúsún yeḡe —nacachi Jesús xihín dá.

Chí mé hora já nandivaha mozo da cán.

Tá nandaja vaha Jesús ná cúú xojo Pedro
 (Mr. 1:29-31; Lc. 4:38-39)

14 Nasahan Jesús vehe Pedro ta tá naxinu a cán cándúhu ña cúú xojo Pedro quíhvi ña jáchi chícaḡan cáhni ndeé ña. 15 Anda já ñatiin Jesús ndáḡa ña quíhvi cán ta chí nandindaa cáhni ña. Ta já nandacoo ña cán cája ndivi ña nu ná.

Tá nandaja vaha Jesús cuahá ndivaha na quíhvi
 (Mr. 1:32-34; Lc. 4:40-41)

16 Ta tá naçuaá já ñéhe cuahá ndivaha na na quíhvi xihín na ñúhu ínimá quini ini nuú Jesús. Ta xihín in tühún tühun naçahan mé á naçavá ínimá quini ñúhu ínimá ñayivi ta jári nandaja vaha mé á tóco ndihi na quíhvi.
 17 Ta tóco ndihi ñá yóho nayaha já ná xinu ço nuú tühun ñá naçahví profeta Isaiás tá naçachi da já: “Mé á nandiquehe ndihi a ñá cávítá iní ta naçojo ndihi a cuhe ye”, cáchi tühun Ndióxi.

*Na cúní candico Jesús
(Lc. 9:57-62)*

18 Tá naçini Jesús ñá a juú quiahva cándihi táhan ñayivi ndúu na xihín á já naçahnda chuun ñá ná çojo cava na inga xoo tañuhú cán. 19 Joo naçayati in da jánaħa ley Moisés nu á já naçachi da já xihín á:

–Maestro, cúní candico i ndohó ndá naçuu nuú cuhun ndo –naçachi da xihín á.

20 Já nanducú ñehe Jesús tühun nu dá já naçachi a já xihín dá:

–Ndicuii cúu rí ta vañi íin cáva ñúhu rí. Ta laa cúu rí ta vañi íin táca ñúhu rí. Joo yehe, da naçindahá Ndióxi nduu ñayivi, chí ni nuú cuju mí i ço va –naçachi Jesús xihín dá.

21 Ta inga da sa xíca xihín á naçachi da já xihín á:

–Maestro, quiahva jihna ndó ñamaní nuú i ñá ná cuhun i jánduxu tátá i já quixi i candico i ndohó –naçachi da xihín á.

22 Já naçachi Jesús já xihín dá:

–Xíni ñúhu candicun yehe viti jáçhi ná cuhun mé ñayivi, na a ñaha çacu ndaa ínimá jánduxu na ndii jan –naçachi Jesús xihín dá.

Tá najácatáji Jesús taçhi xihín tañuhú tá ndicojo do

(Mr. 4:35-41; Lc. 8:22-25)

23 Ta ndaja coo naquihvi Jesús ini in barco ta cáatan na xíca tuun xihín á cán cuahan na. 24 Ta nani xíca na nuú tañuhú cán cuahan na ta in náá cuití naçinu in taçhi quini ndivaha nuú tañuhú cán. Ta a juú quiahva ndeé naçasáhá ndicojo ticuií cán jánda quiahva nandichutú ticuií ini barco cán. Joo cándúhu Jesús ini barco quíji va.

25 Anda já ndáva na xíca tuun xihín á cán naçahan na ndíñehe na ñá. Já naçayuhú na já cáchi na xihín á:

–Chindeé ndó ndehe, xitoho nde. Jáçhi cáçojo barco çahá tañuhú cuahan do –naçachi na xihín á.

26 Anda já nanducú ñehe Jesús tühun nu ná já naçachi a já xihín ná:

–Ndá cuéntá queá yíhvi nahá ndo. Ndá cuéntá queá ço cándeé ini ndó yehe –naçachi a.

Já nandacço a ta jánañi a taçhi quini cán xihín tañuhú cán ta já naçatáji uun tóco ndihi a cán. 27 Tá naçini na xíca tuun xihín á cán ñá yóho já naçatóntó na ta naçasáhá

ndáca tühún táhan na já cáchi xihín táhan na já:

–Ta ndá da cúu daçaa yóho ñá jánda taçhi xihín tañuhú cándúsa nu çahan da –cáchi xihín táhan na cán.

Tá naçqueta ivi da ñúhu ínimá quini ini nuú Jesús

(Mr. 5:1-20; Lc. 8:26-39)

28 Tá naçinu ço Jesús inga xoo tañuhú cán nu íin ñundáhyi cuéntá Gadara já naçqueta ivi da ñúhu ínimá quini ini tañu nu ndúxu ndii. Ta naçayati da nuú Jesús. Ndívi mé da ñúhu ínimá quini ini yóho cúu dá tá tühun quítí, rí cuhehe ndivaha. Sahá ñá cán queá ni in tühún ñayivi a cuú yaha chí íchí cán. 29 Tá naçini da Jesús já naçasáhá da cáyuhú da nu á já cáchi da já xihín á:

–Ndá cuéntá queá vasún quihvi nuún xihín nde, Jesús, da cúu in tühún jini já jahyi Ndióxi. Á vasún jándoho yaçhún ini nde tá cámani yii ndindaa tiempo ndoho ini nde –naçachi rí quini cán xihín Jesús.

30 Ta ndaja coo yati cán naçanduu cuahá ndivaha cóchi xíxahan rí. 31 Ta mé rí quini ñúhu ini ndívi daçaa cán naçica tañvi rí nu Jesús já cáchi rí já xihín á:

–Tá ta ná tavún ndehe ini da yóho, quiahva ñamaní nuú nde ñá ná cuhun nde ndihvi nde ini cóchi ndúu cáa –naçachi rí xihín Jesús.

32 Anda já naçachi Jesús já xihín rí:

–Cuáhán ndó, dá já.

Chí naçqueta rí quini cán ini ndívi daçaa cán já naçahan rí nandihvi rí ini cóchi cán. Ta chí ivi laá xinu tóco ndihi cóchi cán cuahan rí nuu rí nu ndáyí yuhú tañuhú cán. Ta najáçqueta nuu rí mé rí ini tañuhú chí naçandaa rí ticuií já naçihí rí.

33 Ta chí a juú quiahva nayihvi da ndáá cóchi chí naçinu ndivaha da cuahan da. Ta tá naçinu da ñuu já naçasáhá da ndícani da ndaja cáa ñá nayaha xihín ndívi da naçañuhu ínimá quini ini cán. 34 Anda já naçqueta tóco ndihi ñayivi ñuu cán cuahan na candehé na Jesús. Ta tá naçini na mé á já naçica tañvi na nu á ñá ná quee a cuhun á.

9

Tá nandaja vaha Jesús in da naçihí tuchu saħa

(Mr. 2:1-12; Lc. 5:17-26)

1 Tá sa nayaha tóco ndihi ñá yóho já nandaa Jesús jatá in barco ta já naçojo cava inga xoo tañuhú cán jánda quiahva naçinu ço a ñuu mé á. 2 Ta cán ñehe na in da quíhvi, da naçihí tuchu saħa ta cándúhu da nu yívi loho ñehe na naçaçag na nu á. Ta tá naçini Jesús ndá quiahva cándeé ini da cán mé á já naçachi a já xihín da quíhvi cán:

—Candehé, jahyi a. A ndicani toho inún jáchi cajú cáhnu ini i sahá cuachún viti — ñacachi Jesús xihín dá.

³Java táhan da jánaḡa ley Moisés ñacasáhá da cáhán da já: “Mé da yóho ndája núu da Ndióxi xihín tuhún cáhan da jáchi ni in tuhún toho ñayivi a cuú cajú cáhnu ini sahá cuachi.” ⁴Joo sa ñacandaḡa ini Jesús ña cáhvi ini da cán sahá ña cán queá ñandaca tuhún a da já ñacachi a já xihín dá:

—Ndá cuéntá queá cáhvi núu ini ndó sahá yehe. ⁵Á cáhán ndó ña ihvi cháḡa cachi i xihín da yóho: “Ñacaja cáhnu ini i sahá cuachún viti.” Á tá coó ta cachi i xihín dá: “Cuándaco ta cuáhán.” ⁶Candehé vaha ndó ná ñaha i nu ndó ña iin sahá i, da ñachindahá Ndióxi nduu ñayivi cajú cáhnu ini i sahá cuachi cajú ñayivi ñuyivi yóho — ñacachi Jesús xihín dá.

Tá nandihí já ñandicahan tucu a xihín da ñaxihí tuchu saḡa cán:

—Ta viti cáhan i xuhún cuándaco ndiquehe xito lohún ta cuanúhu vehún — ñacachi Jesús xihín dá.

⁷Chí ivi laá ñandaco da quíhvi cán ta já ñaquee da cuanúhu dá. ⁸Tá ñaxini ñayivi nduu cán ña ñacaja Jesús yóho já ñayihvi na ta ñacasáhá cajú cáhnu na Ndióxi sahá ña ñasahan ndéé mé á nuú ñayivi ña ná cuu caja na ña xituhún.

Tá ñacana Jesús Mateo ña caca tuun da xihín á

(Mr. 2:13-17; Lc. 5:27-32)

⁹Tá nandihí já ñaquee Jesús cuahan ta nani xica cuahan já ñaxini a in datḡa nani Mateo, da iin coo nu sácco da játa cajú jjuhún cuéntá impuesto. Ta ñacana Jesús da já ñacachi a já xihín dá:

—Naha quí candicún yehe.

Andá já ñandaca ndichi Mateo ta ñacasáhá ndico da Jesús.

¹⁰Tá nandihí já iin coo Jesús xixi a vehe da cán ta cán ñaxinu coo cuahá táhan na játa cajú jjuhún cuéntá impuesto xihín java ḡa ñayivi cajú cuachi. Ñasacco na xixi na xihín Jesús ta cán ndúu coo ri na xica tuun xihín a cán.

¹¹Ta tá ñaxini na fariseo ña ndúu na cán xixi na xihín Jesús já ñacasáhá na ndáca tuhún na na xica tuun xihín Jesús cán já:

—Ndá cuéntá queá xixi xitoho ndó xihín na játa cajú jjuhún cuéntá impuesto ta xihín java ḡa na cajú cuachi — ñacachi na fariseo cán.

¹²Joo tá ñaxini joḡo Jesús ná yóho já ñacachi a já xihín na fariseo cán:

—Ñayivi iin vaha co xini ñuhú toho na da cajú tátá ñahá joo na quíhvi, na cán cuú na xini ñuhú da cajú tátá ñahá. ¹³Ta yehe coo vaxi toho i cana i na sa iin vaha. Vaxi i cana i ñayivi, na cajú cuachi ña ná jándacoo na cuachi cajú na. Xini ñuhú cuḡun ndó jácuaha vaha ndó ña cúní cachi tuhún Ndióxi

tá cáhí a já: “Ña cúní queá ná candáhvi ini ndó ñayivi jáchi vaha cháḡa ña yóho a juú ḡa ña ná joḡo ndó quítí nuú i”, cáhí tuhún Ndióxi — cáhí Jesús xihín ná.

Cáhan Jesús ndá saḡa queá cajuhun na
(Mr. 2:18-22; Lc. 5:33-39)

¹⁴Tá nandihí na xica xihín Juan, da jácandúta ñayivi cán ñaxinu coo na nu Jesús. Já ñacasáhá ndáca tuhún na mé á já ñacachi na já xihín á:

—Ndávaḡa co xijuhun toho na xica xihín yóho nani cuahá ndivaḡa xijuhun mé nde xihín na fariseo — ñacachi na cán xihín Jesús.

¹⁵Andá já ñanducú ñeḡe Jesús tuhún nu ná já ñacachi a já xihín ná:

—Á cáhán ndó canduu cuéḡa na ndúu in vicó tándaḡa nani iin mé da tándaḡa cán xihín ná. Uḡun. Jáchi cáji iin na. Joo xinu coo quívi candaa na da tándaḡa cán andá jávi casáhá cajuhun na. Tá cáhí i xihín ndó ña vaxi quívi candaa na yehe nuú na yóho ta andá jávi casáhá na xica tuun xihín i cajuhun na — ñacachi Jesús.

¹⁶Ta ñasacu Jesús inga quiahva nu ná já cáhí a já:

—Ama ná jándaha ñayivi jahmá yatá xihín in tuhún jahmá saá jáchi tá nandihí ndíndí a, sáhdná cháḡa ví a jahmá yatá cán ta jándacáhnu cháḡa ví a yávi ña ñandicahmá na cán. ¹⁷Ta ni co táán na vino saá ini vóso níi yatá jáchi jácáhdí mé vino cán níi ta cuitá mé vino cán ta tívi vóso níi cajú dó. Sahá ña cán queá ndítahan taán yo vino saá ini vóso níi saá ná a ndihí saḡa vino xihín vóso — cáhí Jesús.

Tá ñandaja vaha Jesús jahyi jhí Jairo xihín in ná ñacani ndaa ndáha jáhḡa á

(Mr. 5:21-43; Lc. 8:40-56)

¹⁸Ta nani cáhan Jesús cándichi a ñaxinu coo in da sáhdná chuun nuú na Israel. Já ñacaxití da nu á ta já ñacachi da já xihín á:

—Jacá ñaxihí uun ña loho cuú jahyi jhí i joo tá ná cajú ndó ñamaní quixi ndó vehe e ta chinúu ndó ndáha ndó jata ña já nditacu tucu ña — ñacachi da cán xihín Jesús.

¹⁹Andá já ñaquee Jesús cuahan xihín da cán ta ndáca na xica tuun xihín a cán cuahan na. ²⁰Ta ndaja coo cán iin in ñáñáha, ña ndítahvi ñi ná tixi uxu ivi cuja. Ta ñacayati ña chí jata Jesús já ñacani ndaa ndáha ña yuhú jáhḡa á. ²¹Jáchi ñacahan ña: “Tá ná caní ndaa cuití ndáha i jáhḡa Jesús já ndivaḡa i”, ñacahan ña. ²²Joo ñandicoto nihni játa Jesús nu ná ta tá ñaxini a ña já ñacachi a já xihín ña:

—Á cáyhívi tohún, jahyi a. Nandivaḡun jáchi ñacandúsún yeḡe — ñacachi Jesús xihín ña.

Ta chí mé hora já ndivaḡa ña.

²³Ta tá ñaxinu coo Jesús vehe da sáhdná chuun nuú na Israel cán já ñaxini a ña sa

ndúu música cán ña ná cùhùn na jánduxu na jahyi da cán. Ta ñaxini a jandá johó sácu cóhó ñayivi ndúu na. ²⁴ Ta chí já ñacachi a já xihín tóco ndíhi na cán:

—Cuáhán queta ndó jatá véhe. Jáchi coó ñaxihí toho ñá loho yóho. Quiji cuiti va ñá —ñacachi Jesús xihín ñayivi ndúu cán.

Joo ñacasáhá na cán sácu ndaa ñahá na. ²⁵ Ta chí ñatavá Jesús na jatá véhe. Ta tá ñacayati a nu ñá cán já ñatiin a ndáha ñá chí ivi laá ñandacoo ñá. ²⁶ Ta níí cúú ñundáhyi cán ñandicujita nuu tühun sahá ña ñacaja Jesús cán.

Tá ñandaja vaha Jesús ivi da cuáá

²⁷ Tá ñaquee Jesús cuahan já ndíco ivi da cuáá jatá cuahan da já ñacasáhá cáyuhú cóhó da já cáchi da já xihín á:

—Jesús, da ñaquixi chichi David caja ndó ñamaní candáhi loho ini ndó ndehe —cáchi da cáyuhú da jatá Jesús.

²⁸ Ta ndaja coo ñaquihvi Jesús ini in vehe ta já ñacayati ndívi da cuáá cán nu á. Já ñacasáhá ndáca tühún a da cán já ñacachi a já xihín dá:

—Á cáhán ndo ña cuu caja i jándiyehé nuu ndo —ñacachi Jesús xihín da cán.

—Ajan, xitoho nde. Cándúsa nde ña cuu caja ndó ña —ñacachi ndívi da cuáá cán xihín Jesús.

²⁹ Tá ñandihí já ñacani ndaa ndáha Jesús nduchú núu da cán ta já ñacachi a já xihín ndívi da cán:

—Ná coo tá quiahva cúni ndo jáchi cándeé ini ndó yehé —cáchi a.

³⁰ Tá ñandihí já ñacasáhá sándehe ndívi da cuáá cán. Ta ñasahnda Jesús chuun nu dá ña ná a cáxi tühun da nuú ñayivi sahá ña ñacaja mé á xihín dá.

³¹ Joo tá jacá ñaqueta uun da cán já ñacasáhá da ndícani da nuú ndíjáá ñayivi ndúu ñundáhyi cán sahá ña ñacaja Jesús xihín dá.

Tá ñandaja vaha Jesús in da níhi

³² Nani ñaquee da cuáá cán cuahan da já ñasaa java ñayivi nu Jesús ñehe na in da níhi, da ndácaan ínimá quini ini. ³³ Ta tá ñatavá Jesús ínimá quini ini da cán chí ivi laá ñacasáhá cáhan da. Ta a juú quiahva ñacatóntó ñayivi ta já cáchi na já:

—Ni in tühún tañu coó ñaxini nde in ñaha tátühun ña yóho ñundáhyi Israel —ñacachi na cán.

³⁴ Joo na ñariseo cán ñacasáhá cáchi na já: —Rí cúú tiñhá saçuaha nu rí quini sáhan rí ndéé rí nuú Jesús yóho ña ná tavá a ínimá quini ini ñayivi —ñacachi na ñariseo cán.

Tá hnda ini Jesús sahá ñayivi

³⁵ Ndíjáá ñuu náhnu xihín ñuu válí ñaxíca nuu Jesús jáñaha tühun Ndióxi ini veñhu na cán. Ta ñaxáxi tühun a tühun vaha xihín

ñayivi ña sa ñacayati quívi cacomí Ndióxi cuéntá sahá ná. Ta ñandaja vaha mé á tá nuú cuéhe ndóho ñayivi. ³⁶ Ta tá ñaxini Jesús ñayivi cuaha cán já ñatáhi ini a sahá ná jáchi ndóho ini na ta cávita ini na tátühun ndicachi, rí coó da candaa ñahá. ³⁷ Andá já ñacachi Jesús já xihín na xíca tuun xihín a cán:

—Mé á ndaa ndúu cuahá ndivaha ñayivi, na cúni cuni johó tühun Ndióxi joo chá cuiti na cúni cühun na cáhan na ña xihín ñayivi. Cúú á tátühun ím cuahá ndivaha níí ña xíní ñúhú jáquee joo ndímaní ñayivi jáquee na ña. ³⁸ Sahá ña cán queá xíní ñúhú çaça táhvi ndó nu Ndióxi ña ná chindahá mé á chága na cája chúun cuéntá mé á —cáchi Jesús xihín ná.

10

Chindahá Jesús na xíca tuun xihín á ña ná cühun na cáhan na tühun Ndióxi xihín ñayivi (Mr. 3:13-19; Lc. 6:12-16)

¹ Tá ñandihí já ñacana Jesús ndíhuxu ivi na xíca tuun xihín á cán. Ta já ñasahan ndéé nu ná ña ná cuu tavá na ínimá quini ini ñayivi. Ta ñasahan ndéé nu ná ña ná ndaja vaha na tá nuú cuéhe ndóho ñayivi. ² Ña yóho cúú quívi ndíhuxu ivi na cúú apóstol xíca tuun xihín á cán: Da nu cuiti cán nani da Simón ta cáhan ri na Pedro xihín dá. Ta inga da cán cúú Andrés ñani da. Ta inga da cúú Jacobo xihín ñani da, Juan. Ndívi da yóho cúú dá jahyi Zebedeo. ³ Tañu na cán ndácaan ri Felipe xihín Bartolomé xihín Tomás xihín Mateo, da ñajátaca jiyhún cuéntá impuesto. Ta cán ndácaan ri Jacobo, da cúú jahyi Alfeo xihín Lebeo, da cáhan ri na Tadeo xihín. ⁴ Ta cán ndácaan ri Simón, da ñaxíca cuéntá na cananista xihín Judas Iscariote, mé da ñajícó tühún Jesús tá nu ndíhi cán.

⁵ Tá ñachindahá Jesús ndíhuxu ivi na cán já ñacachi a já xihín ná:

—Coto a cühun ndó chí ñuu ñayivi tóho, na coo cúú na Israel. Ta ni a quíhvi ndó ñuu ñúhu chí estado Samaria. ⁶ Vaha chága ná cühun ndó cáhan ndó tühun Ndióxi xihín na Israel jáchi cúú ná tátühun ndicachi, rí ñandíñuhú. ⁷ Cuáhán ndó çaxi tühun ndó xihín ná ña sa ñacayati quívi cacomí Ndióxi cuéntá sahá ñayivi. ⁸ Ta ndaja vaha ndó na quíhvi ta jánditacu ndó ndíi ta ndaja vaha ndó na ndóho cuéhe táhyi. Ta tavá ndó rí quini ñúhu ínimá ñayivi. Ta a quehe ndó yahvi sahá ña cája ndó jáchi coó ñaxeen ndó ndéé ñehe ndó jan. ⁹ A cáñehe toho ndó ni jiyhún cuáán ni jiyhún cúxú ni jiyhún çaça cuahá caca nuu ndó. ¹⁰ Ta ni a cáñehe ndó yáti cühun ndó íchi. Ta ni a cáñehe ndó inga naha jáhma ndó cühun xihín ndo. Ta ni a cáñehe ndó inga ndusa ndó cühun ndo. Ta ni garróte a cáñehe ndó cühun ndo. Jáchi nditahan nuú ñayivi quiahva na ña nu ndo.

¹¹ Tá ná x̄inu ɔo ndó in̄ ñuu cáhnu á ñuu loho, x̄ini ñúhú ndinducú ndó in̄ ñayivi, na cuu candee ini ndó ta vehe na jan canduu ndó janda quiahva ná x̄inu quivi quee ndó c̄uhun ndo. ¹² Ta tá ná x̄inu ɔo ndó vehe jan cahan Ndióxi ndó x̄ihin ná. ¹³ Ta tá ná ndiquehe vaha ñayivi vehe jan ndohó já queá cachi ndó x̄ihin ná ña ná coo vaha ini na. Joo tá c̄o c̄uni na ndiquehe vaha na ndohó já queá a cahan ndo x̄ihin ná ña ná coo vaha ini na. ¹⁴ Ta tá c̄o c̄uni na ndiquehe vaha na ndohó ta ni c̄o c̄uni na cuni joho na nu cahan ndo já queá cuahán queta ndó vehe jan á ñuu jan ta cati ndó ña yáca saha ndó já ná nahá ña cuahan cuachi na cán jata mé va na. ¹⁵ Jáchí mé a ndaa ná cahan i x̄ihin ndo ña tá ná x̄inu ɔo quivi caja vii Ndióxi sahá ñayivi ndúu ñuyivi já queá jándoho chága Ndióxi ini ñayivi ñuu jan a juú ga tá quiahva najándoho a ini na ñuu Sodoma x̄ihin ñuu Gomorra sanahá sahá ña ɔo ndandiquehe na ndohó.

Vaxi quivi caja x̄ixi ñayivi x̄ihin na x̄ica cahan tuhun Ndióxi

¹⁶ Candehé ndo. Yehe chindahá i ndohó c̄uhun ndó tañu ñayivi quini. Cúu ndó tátuhun ndicachi válí tañu ndivahyí ña cán queá x̄ini ñúhú cuéntá vaha coo ndó tá quiahva caja ɔo. Ta x̄ini ñúhú coo mánsó ndo tá quiahva caja ndijata. ¹⁷ Cuéntá coo ndó jáchi tiin na ndohó ta ndiquiahva na ndohó ndahá na jutixia. Ta cani na ndohó ini veñuhu. ¹⁸ Ta saha mí i cañe na ndohó c̄uhun ndó nuú ná cúu gobernador á nuú na cómi cuéntá sahá in nación. Ta já ná cuu ndicani ndó sahá i nuú na cán ta x̄ihin nuú ná toho, na c̄o cúu ná Israel. ¹⁹ Joo á ndicani ini ndó saha ndá tuhun cahan ndó tá ná ndiquiahva ñayivi ndohó ndahá na cán. Jáchi tá ná ndindaa hora cahan ndó x̄ihin ná já queá quiahva mé va Ndióxi tuhun nu ndó ña ná cuu cahan ndó sahá i nuú na cán. ²⁰ Jáchí a juú jiní mé ndó quixi ña cahan ndo. Ínimá yíi Ndióxi cacuu ña quiahva tóco ndihi ña cahan ndo.

²¹ Ta java ta jicó túhún da ñani da ta java da jicó túhún da jahyi da ña ná cahni ñahá na. Ta java na ndicujta na cani táhan na x̄ihin tátá na ña ná cahni ñahá na. ²² Ta ndaja táhan ñayivi ndúu ñuyivi yóho candaji na ndohó sahá yehe. Joo ndá na ná candico tuun íchi mí i janda ná x̄inu quivi quivi na, na cán cacuu na caçu ndaa ínimá. ²³ Tá ná ndicujta na caja x̄ixi na x̄ihin ndó in̄ ñuu já cunu ndó c̄uhun ndó inga ñuu. Jáchi mé a ndaa ná cahan i x̄ihin ndo ña tá sa x̄inu ɔo tucu yehe, da nachindahá Ndióxi nduu ñayivi já a ñaha caca nuu ndó ndijáá ñuu ndácaan ñundáhyi Israel.

²⁴ Candehé ndo. Ni in̄ túhún toho da x̄ica jácuaha tiãva chága da nu mé dá jánaha ñahá cán. Ta ni in̄ túhún mozo c̄o cúu dá da

cáhuu chága nuú xitoho da. ²⁵ In da jácuaha ndítahan caji ini da tá sa x̄ini ndihi da ña x̄ini maestro da. Ta da cúu mozo ndítahan caji ini da tá ná x̄inu da cacuu da cáhuu tátuhun xitoho da. Candehé ndo. Tá ná cachi ñayivi x̄ihin da cúu xitoho ndó ña cúu dá Beelzebú, rí cúu tiñahá saçuahá ndaja ga ví cachi na x̄ihin ndohó.

Yo já ndítahan cayihví yo

(Lc. 12:2-7)

²⁶ Candehé ndo. A cáyhvi toho ndó ñayivi jáchi ni in̄ túhún toho ñaha caja ñayivi a cúu coo jehé nahá jáchi vaxi quivi tá ndáca náha nu á. Ta vatí cahan jehé ñayivi tuhun joo vaxi quivi tá candaá ini ñayivi sahá. ²⁷ Na cahan yehe x̄ihin ndó nuú naá x̄ini ñúhú cahan ndó ña ndivi táhyi nani yehe candii. Ta ña cahan jehé e x̄ihin ndo x̄ini ñúhú ndaa ndó jiní vehe cayuhú ndó ña. ²⁸ A cáyhvi toho ndó ñayivi, na cuu caja cahni yiqui cuñu ndó jáchi ni in̄ ñaha a cúu caja na x̄ihin ínimá ndo. Ndióxi queá x̄ini ñúhú cayihví ndó jáchi mé a cuu jándihi a saha yiqui cuñu ndó ta cuu jácana mé a ínimá ndo ini indayá anda ama caa quivi.

²⁹ Candehé ndo. Laa válí ndáchí rj nu táchi ta núu ndivaha jícó na rj. Joo ni in̄ rí cán c̄o cúu nu ñúhú ña quivi rí tá c̄o sahan Ndióxi, tátá ndó ñamaní. ³⁰ Ta viti caja ndó cuéntá x̄ihin mé ndó. Janda iji jiní ndó jan ndáhvi tá in̄ ta in a nu Ndióxi. ³¹ Na cán queá a cáyhvi toho ndó jáchi ndiyahvi chága ndo na Ndióxi a juú ga cuahá ndivaha laa válí.

Tá cahan cáxi ñayivi ña cúu ná cuéntá Jesús

(Lc. 12:8-9)

³² Ndá na cáxi tuhun nuú ñayivi ña cuahan na cuéntá mí i já queá cachi mí i sahá na nu Ndióxi, tátá i, mé a íin indivi, ña mé a ndaa cúu ndusa na cán cuéntá mí i. ³³ Joo ndá na ná cachi x̄ihin ñayivi ña c̄o x̄ini toho na yehe já queá ni yehe a ndicuni toho i na ña cúu ná cuéntá mí i nu Ndióxi, tátá i, mé a íin indivi.

Caja Jesús ña sáhdá java táhan ñayivi

(Lc. 12:51-53; 14:26-27)

³⁴ A cáhan toho ndó ña naxinu i ñuyivi yóho caja i ña ná coo vaha ini ñayivi. C̄o caja i já. Jáchi ña vaxi yehe caja i queá ná cahnda java táhan na. ³⁵ Vaxi i jácani táhan i daṭaa x̄ihin tátá da sahá yehe. Ta vaxi i jácani táhan i in̄ ñáñaha x̄ihin náná ña sahá yehe. Ta vaxi i jácani táhan i ná cúu sanu x̄ihin xojo ña sahá yehe. ³⁶ Ta ndaja vehe mé ñayivi ndicujta na cani táhan na sahá yehe.

³⁷ Ta ndá na c̄uni chága tátá na á náná na a juú ga yehe já queá ɔo saha toho na cacuu na cuéntá mí i. Ta ndá na quihvi ini chága jahyi yíi na á jahyi jihí na a juú ga yehe já queá ɔo saha toho na cacuu na cuéntá mí i.

³⁸ Ndá na cõ cuní ndoho ini sahá ña candico na yehe ta co ín tiahva na quivi na sahá i já queá coo saha toho na cacuu na cuéntá mí i. ³⁹ Jáchí ndá na catóo coo chága na ñuyiví yóho, na cán cúu na ndihi saha. Joo na sahan ndeé ini quivi sahá i, na cán cúu na ñehe táhvi na catacu na anda ama cáa quívi.

*Ña quiahva Ndióxi nuú ñayivi
(Mr: 9:41)*

⁴⁰ Ndá na ndiquehe vaha ndohó, ndiquehe vaha ri na yehe va. Ta ndá na ndiquehe vaha yehe, ndiquehe vaha ri na Ndióxi, mé a nachindahá yehe vaxi i ñuyiví yóho. ⁴¹ Ndá na ndiquehe vaha in profeta vaxi cuéntá Ndióxi já queá tá quiahva coo yahvi ndiquehe profeta cán quiahva já coo ri yahvi ndiquehe na cán. Ta ndá na ndiquehe in taa vaha sahá ña cúu dá ñayivi vaha já queá ndiquehe na cán yahvi na tá quiahva cáa yahvi ndiquehe taa vaha cán. ⁴² Ta ndá na ná quiahva ñaha vatí in yáxi ticuñi nuú in na cúu jahyi i yóho sahá ña ndico na ichi cuéntá mí i, mé a ndaa ná cahan i xihín ndó ña chahvi Ndióxi sahá ñamaní cája na xihín ná —cáchi Jesús.

11

*Juan, da jácandúta ñayivi nachindahá da java da xica xihín dá nuú Jesús
(Lc. 7:18-35)*

¹ Tá nandihí nanaha Jesús nuú na xica tuun xihín a cán ña ndítahan caja na já naqee a cuahan jana nuú ñayivi ta cáxi tuhun a tuhun Ndióxi nuú ñayivi ndúu ñundáhyi cán.

² Mé tiempo já nasandacaan Juan vecaa, mé dá cúu dá da jácandúta ñayivi. Ta cán nañehe dá tuhun sahá ña náhnu cája Jesús. Anda já nachindahá da java na xica xihín dá nu a ³ ña ná ndaca tuhún na Jesús á jivi ndusa cúu á Cristo, mé a chindahá Ndióxi cacomí a cuéntá sahá ñayivi, á ndítahan candati na inga ga quixi. ⁴ Tá nandihí nandaca tuhún da cán Jesús sahá ña yóho já nacachi Jesús já xihín ná:

—Cuáhán ndó ndicani ndó nu Juan tóco ndihí ña naxini ndó cája i xihín tóco ndihí ña naxini johó ndó cáhan i. ⁵ Ta ndicani ndó nu dá ña ndínuna nuú na cuaá ta ndícaca na réncõ cája i. Ta ndaja vaha i na ndóho cuehe táhyi. Ta jándinuna i johó na johó já ná cuni johó na. Ta jánditacu u ndji. Ta cáxi tuhun i tuhun Ndióxi nuú na ndahví já ná cuu cacu ndaa inima ná. ⁶ Tahví nacuu na cõ jándacoo ña cándéé ini na yehe —nacachi Jesús.

⁷ Tá naqee na nachindahá Juan cán cuahan na já nacasahá Jesús cáhan xihín ñayivi já cáchi a já xihín ná:

—Ndía nacahán ndó cuni ndó tá naqueta ndó nasahan ndó sándehe ndó Juan yucú ichi cán. A juú da cán cúu taa láhá já

quíji nuu da tátuhun quíji nuu in tóyõ cája tachí. ⁸ Ndía naqueta ndó candehé ndó. A juú da cán cúu taa ndíxi jahmá lándá ndivaha. Sa xini vaha ndó ña cõ ndúu toho da ndíxi jahmá lándá yucú ichí. Ndá da ndíxi jahmá lándá cúu dá ndúu vehe rey cuití va. ⁹ Ndía nasahan ndó cuni johó ndó nu cáhan in da cúu profeta nu ndó. Mé a ndaa da cán cúu dá in profeta ta ín chága saha dá a juú ga inga profeta nasanduu sanahá. ¹⁰ Jáchí mé Juan cúu dá da cáhan tuhun Ndióxi saha tá cáchi a já:

Chindahá i in da cánúu cuhun nu mún, já ná caja tiahva da ichi nuú quisún, já nacahyi a sanahá.

¹¹ Candehé ndó ná cahan i xihín ndó. Tañu tóco ndihí ñayivi coo ga inga profeta cáhnu chága a juú ga Juan, mé da jácandúta ñayivi. Joo ndá na sa nandiquiahva mé ndáha Ndióxi ña ná cacomí a cuéntá saha ná, vatí cúu ná na coo saha, na cán cúu na cáhnu chága a juú ga Juan.

¹² Janda quíji naxinu Juan, da jácandúta ñayivi ta jandá viti ñúhú ndíhi ndivaha ini ñayivi ndiquiahva na mé ná ndáha Ndióxi. Ta na sahan tuhun ndeé ini, na cán cúu na ñehe táhvi cacomí Ndióxi cuéntá saha. ¹³ Janda tá cámaní xinu Juan tóco ndihí ña nacahyi na profeta xihín ña nacahyi Moisés cáhan ña vaxi quívi cacomí Ndióxi cuéntá sahá ñayivi. ¹⁴ Ta tá cuní ndo candúsa ndó ña nacahyi na cán sanahá já cuu candaa ini ndó ña Juan cúu dá da nacahan na cán saha tá nacachi na ña ndítahan quixi tucu profeta Elías ñuyiví yóho. ¹⁵ Na ín johó, ná cuni johó na.

¹⁶ 'Ná cahan i xihín ndó ndaja ín ñayivi ndúu tiempo viti. Cúu ná tátuhun na valí sácõ sájiquí na nuú yahvi ta cáyuhú na nuú java ga na valí ndúu cán ta já cáchi na já: ¹⁷ "Nativí nde tótiví nu ndó joo coo naxeen ndó cata sahá ndó. Ta naxita cuéha ndivaha nde nu ndó ta ni coo nasacu ndó."

¹⁸ Quiahva já ín ñayivi ndúu tiempo viti jáchi tá naquixi Juan, da jácandúta ñayivi ta naxijuhun da ta ni coo naxihi da vino joo nacachi ndó saha dá ña ndácan inima quini ini da. ¹⁹ Ta tá naxinu yehe, da nachindahá Ndióxi nduu ñayivi ta xixi i pan ta xíhi i vino já nacasahá cáchi ndó sahá i ña cúu u in taa ndehé ndivaha ta xíhi ndivaha i. Ta cáchi ndó ña catóo ndivaha i cacuu amigo na cája cuachi xihín na játaca jjuhún cuéntá impuesto. Joo na cuní candaa ini ña ndaa, na cán cúu na candaa ini ña cája Juan ta cája ri yehe ña ndaa —nacachi Jesús xihín ná.

*Ñayivi sáa ini cõ cuní na caja na ña cuní
Ndióxi
(Lc. 10:13-15)*

²⁰ Tá nãndihi já nãcasáhã Jesús jánãni a ñãyivi ndúu ndijáá ñuu nuú nãcãja cuahã chãgã mé á ñã xitúhún. Jáchi vatí nãcãja cuahã mé á ñã xitúhún nu ná cõõ nãndicó cõõ ini na nu Ndióxi. Ñã cán quẽã nãcachi Jesús já xihín ná:

²¹ —Ndáhví nahá nãcuu ndó, nã ñuu Corazín. Ta ndáhví nahá nãcuu ndó, nã ñuu Betsaida. Cuahã ndivãha ñã náhnu nãcãja j nu ndo joo cõõ nãxene ndó ndicó cõõ ini ndó jándacoo ndó cuãchi ndó. Sanahã najãndihi Ndióxi sahã ñuu Tiro xihín sahã ñuu Sidón sahã cuãchi na. Tá ná sahan j cãja j ñã náhnu nuú na cán tá quiahva nãcãja j nu mé ndó, sã najãndacoo va na cán cuãchi na, nduu. Ta chí jvi laã ndãcã ndixi na jahmã ndji ta jácuyu na yaã yiquí jiní na, nduu. Jáchi xihín ñã yóho jánahã ñã ñãndicó cõõ ini na sahã cuãchi na. ²² Mé a ndãã ná cãhan j xihín ndõ tá ná xinu quiví cãja víi Ndióxi sahã ñãyivi já ndoho chãgã ini mé ndó, nã ñuu jan a juú gã tá quiahva ñãndoho ini ñãyivi ñãsanduu ñuu Tiro xihín ñuu Sidón sanahã. ²³ Ta viti cãhan j xihín ndó, nã ndúu ñuu Capernaum. Jãndã indiví cúnj ndó cuhùn ndó joo sahã ñã sãã ini ndó cuhùn ndó jãndã indayã, cãja Ndióxi. Jáchi tá ná cãja j ñã xitúhún nuú ñãyivi ñuu Sodoma tá quiahva nãcãja j nu ndóhó ta ni a ndíhi sahã ñuu cán, nduu. ²⁴ Mé a ndãã ná cãhan j xihín ndõ ñã tá ná xinu quiví cãja víi Ndióxi sahã ñãyivi já ndoho chãgã ini mé ndó, nã ñuu jan a juú gã tá quiahva ñãndoho ini ñãyivi ñãsanduu ñuu Sodoma sanahã —nãcachi Jesús.

*Tá nãcãjii ndivãha ini Jesús
(Lc. 10:21-22)*

²⁵ Mé tiempo cán nãcãhan Jesús já nãcachi a já:

—Cãja cãhnu j ndõhó, tátã Ndióxi, ñã cúú xitoho tóco ndihi ñãha ndúu indiví xihín ñuyívi. Jáchi najãnahã ndó ñã ndíchi ndivãha nuú ñãyivi, nã cõõ cuahã sahã nuú java gã na. Ta nãcãja ndó ñã ná a cuú candãã ini nã ndíchi xihín nã tácu ini ñãha mé ndó. ²⁶ Já nãcãja ndó jáchi já ñãsacu ini ndó cãja ndó —nãcachi Jesús.

²⁷ Andã já nãcachi a já xihín nã ndúu cán: —Ñãndiquiahva tátã j tóco ndihi ñãha ndahã j ñã ná cacomí j cuéntã sahã. Ta ni in túhún toho ñãyivi cõ xínj vãha na yehe, dã cúú in túhún jiní já jahyi Ndióxi. Mé Ndióxi, tátã j cuití va xínj vãha yehe. Ta ni in túhún toho ñã cõ xínj vãha na yo cúú tátã j. In túhún yehe, dã cúú jahyi a xínj vãha j yo cúú mé á. Ta yehe cúú dã cãxi ndã ñãyivi jánahã j nuú sahã Ndióxi, tátã j já ná candãã vãha ini na yo cúú mé á. ²⁸ Naha ndihi ndó nuú j, nã sã nãcãnaã cãja chúun. Taxi ndó ñã ndójo ndó jan nuú j ta já yehe cãja j ñã ná ndiquehe ndéẽ ndõ. ²⁹ Yehe cúnj ñã ná ndiquiahva ndó mé ndó ndahã j. Ta

ñã yóho cúú á tátuhun in yúcu chínúu na sahã jiquí tindiquí. Ta xínj ñúhú catiahva ndó cãja ndó tá quiahva cãja yehe. Jáchi cõõ cama jiní j xihín ñãyivi ta cúú u tãa manso ndivãha. Quiahva já cãja ndó já ñehe ini ndõ ndiquehe ndéẽ ndõ. ³⁰ Jáchi yúcu chínúu j jatã ndõ xihín ñãha jácõjo j jatã ndõ cúú á ñã cama ñúhú laã —nãcachi Jesús.

12

Ñã nãcãja nã xica tuun xihín Jesús in quiví ndiquehe ndéẽ ñãyivi

(Mr. 2:23-28; Lc. 6:1-5)

¹ Ta ndaja cõõ in quiví ndiquehe ndéẽ ñãyivi xica Jesús cuahã tañu nuú ñaxutu na trigo. Ta sahã ñã cuico nã xica tuun xihín Jesús sahã ñã cán quẽã nãcasáhã nã túhún nã java yucú jiní trigo cán ta táva nã trigo sáxi na. ² Tá ñãxini ñã fariseo ñã yóho já nãcasáhã ná cãhan cuãchí nã nuú Jesús. Já cáchi nã já:

—Cãndehé. Nã xica tuun xuhùn jan cãja na chuun ñã cõ ndítahan cãja ñãyivi quiví ndiquehe ndéẽ yó —nãcachi na xihín Jesús.

³ Já ñãnducú ñehe Jesús túhun nu ná já nãcachi a já xihín ná:

—Á a ñãha toho cahvi ndó nuú túhun Ndióxi nu cãhan sahã ñã nãcãja David sanahã tá ñãcuico da xihín nã xica xihín dá.

⁴ Ñã nãcãja da quẽã ñãquihvi da ini veñuhu Ndióxi ta ñãxixi da pan ñã yij. Ta ni nu mé dá ta ni nuú nã xica xihín dá cán cãni a nuú cuxu na pan cán. In túhún jutú cuití va cãni a nuú cuxu na pan cán. ⁵ Ta á a ñãha toho cahvi ndó ñã ñãcãhyi Moisés nu ley tá ñãcãhyi dá ñã cõ cãja toho jutú cuãchí nu Ndióxi vatí cãja chúun da veñuhu quiví ndiquehe ndéẽ ñãyivi. ⁶ Mé a ndãã ná cãhan j xihín ndõ ñã ñã chãgã sahã j, dã cãndichi yóho a juú gã sahã veñuhu nu cãja cãhnu na Ndióxi jan. ⁷ Mé ndó cõ candãã toho ini ndó ñã cúnj cãchi túhun Ndióxi tá cáchi a já: “Yehe cúnj ñã ná candáhví ini ndó ñãyivi jáchi vãha chãgã ñã yóho a juú gã ñã ná jocõ ndó quítj nuú j”, cáchi túhun Ndióxi. Jáchi tá ná candãã ini ndó túhun yóho, nduu ta a chãcãan toho ndó cuãchí jatã ñãyivi, nã cõõ cuãchí. ⁸ Cãndehé ndó. Yehe, dã ñãchindahã Ndióxi nduu ñãyivi, ñã sahã j cãhnda j chuun sahã quiví ndiquehe ndéẽ ñãyivi —nãcachi Jesús.

Tá ñãndaja vãha Jesús in dã ñãhichí ndãha

(Mr. 3:1-6; Lc. 6:6-11)

⁹ Tá ñãndihi já ñãquee Jesús cuahã já ñãndihvi a veñuhu mé ñuu cán. ¹⁰ Ta cán ñãsandacãan in dataã, dã ñãhichí ndãha. Ta sahã ñã ndúcú nã fariseo ndúu cán ndã quiahva cãja na já ná cuu chãcãan nã cuãchí jatã Jesús sahã ñã cán quẽã ñãndacã túhún nã mé á já nãcachi na já:

—Á sáhan Ndióxi ñamaní ndaja vahún na quihvi quivi ndiquehe ndée yo —ñacachi na cán xihín á.

¹¹ Anda já ñacachi Jesús já xihín ná:
—Candehé ndó. Tá íin in ndicachi loho jana ndo ta tá ná ndicava ri ini in táhvi quivi ndiquehe ndée yo, ama ná a cùhyn ndó tavá ndó rí. ¹² Ta ndiyahvi chága ñayivi a juú ga ndicachi. Ña cán quea sáhan Ndióxi ñamaní cája í ña vaha quivi ndiquehe ndée yo —ñacachi Jesús xihín ná.

¹³ Tá nandihí ñacachi a já xihín daṭaa, da nahíchi ndáha cán já:

—Jándacaá ndáhun —ñacachi a xihín dá.
Tá najándacaá da ndáha dá já nandivaha ndáha dá. Ta cáa tá quiahva cáa inga ndáha da cán. ¹⁴ Joo tá naqueta na fariseo cán já ñacasáhá na jándique táhan na tuhun na ña cahní ná Jesús.

Ña cáhan Isaías sahá Jesús

¹⁵ Tá ñañehe Jesús tuhun ña ndúcu na cán cahní ñahá na já ñaquee a cuahan va ta cuahá ndivaha ñayivi ndíco jatá cuahan. Ta ndaja táhan na quihvi ñandaja vaha Jesús. ¹⁶ Ta ñasahnda Jesús chuun nuú na sa ñandivaha cán ña ná a cáxi tuhun na nuú ñayivi yo cúu mé á. ¹⁷ Tóco ndihí ña yóho nayaha já ná xinu coo nuú tuhun ñacahyi profeta Isaías tá ñacahyi dá já:

¹⁸ Yóho íin da cája chúun cuéntá mí i, mé dá ñacaxi i.

Quihvi ndivaha ini i da ta cájii íni i xihín ña cája da.

Ta jáchutu ndaa i ínimá dá xihín ínimá yii mí i,

ñá ná jánahá da nuú ñayivi ndúu ñuyivi ndá quiahva cája víi i sahá ná.

¹⁹ Ta ni a cáhan cuachi toho da ta ni a cáyuhú cóhó da,

já quea a cúni joho ñayivi xíca cállé nu cáhan da.

²⁰ Tá quiahva a jácuachi toho da ndoo, dó sa natahnu,

quiahva já a jácuachi toho da ñayivi, na cávitá ini.

Ta quiahva já ni a ndáhvá toho da titi ñúhu loho, ña sa cúni ndahva janda quiahva ná quee vaha ña ndaa xihín ña ihvi.

²¹ Ta ndaja táhan ñayivi ndúu níi cúu ñuyivi tandaa candéé ini na mé dá, ñacahyi Isaías sanahá.

Jácojo na cuachi jatá Jesús ña cája chúun a xihín ndée tiñahá sacuaḥa

(Mr. 3:20-30; Lc. 11:14-23; 12:10)

²² Java ñayivi ñehe na in da cuaá ta cúu dá da níhi jáchi ndacaan rí quini ini da. Ta tá ñandaja vaha Jesús da já ñasandehé da ta ñandicahan da. ²³ Tá ñaxini ñayivi ndúu cán ña yóho já ñacatóntó ndivaha na já ñacasáhá ndáca tuhún táhan na já cáchi na já:

—Á a juú da yóho cúu da ñaquixi chichi rey David —cáchi xihín táhan na.

²⁴ Tá ñaxini joho na fariseo ña cáhan ñayivi cán já ñacasáhá cáchi mé na fariseo cán já:

—Taa yóho cúu tává da rí quini ñúhu ini ñayivi jáchi mé Beelzebú, rí cúu tiñahá sacuaḥa nu rí quini cán sáhan rí ndée rí nu dá cája da ña —ñacachi na.

²⁵ Ta sa xini va Jesús ña cáhvi ini na cán sahá ña cán quea ñacachi a já xihín ná:

—Tá sáhná java táhan ñayivi ndúu in nación ta ndúu na cuahá táhná já cáshá cáni táhan ndaja táhan mé va na já cama chá ndihí sahá nu ndúu ná cán. Ta quiahva já vaha ri xihín in ñuu á in vehe tá sáhná java táhan ndaja táhan mé ná já quea jándihí na sahá ná. ²⁶ Ta quiahva já yaha xihín Satanás, rí cúu tiñahá sacuaḥa. Ta tá ná tává ri inga rí quini ini ñayivi á tá ná caní táhan ndaja táhan mé rí já quea ndihí sahá ndée ña cómi rí. ²⁷ Mé ndó cáchi ndo ña tává i rí quini ini ñayivi xihín ndée Beelzebú, rí cúu tiñahá sacuaḥa. Joo tá mé a ndaa cúu ndusa ña cáchi ndo sahá i jan, ndáchi quehe na cúu cuéntá mé ndó jan ndée tává na rí quini ini ñayivi. Ama ná cachi ndó ña tává ndo rí quini xihín ndée tiñahá sacuaḥa. Ña yóho náha ña co cáhvi ndaa ini ndó. ²⁸ Candehé ndo. Yehe tává i ínimá quini ini ñayivi xihín ndée ínimá yii Ndióxi. Ta xihín ña yóho náha cáxi a ña sa ñaxinu coo quivi cacomí Ndióxi cuéntá sahá ndó.

²⁹ Candehé ndo. Sácu u in quiahva nu ndo. Ni in daṭaa a cúu ndihvi da caja cuhná da ñaha vehe in da ndacú joo tá ná cató da da ndacú cán já cuu quehe da ñaha da cán.

³⁰ Ndá ná coo cuahan xoo i, cúu ná na co cúni yehe. Jáchi ndá na co chindee yehe xihín ña cája i, cúu ná na sáji nuu nuú i.

³¹ Ña cán quea cáchi i xihín ndo ña caja cáhnu ini Ndióxi sahá tá nuú cuachi cája ñayivi xihín sahá tá nuú tuhun quini cáhan na. Joo tá ná cáhan núu na sahá ínimá yii Ndióxi já quea a cája cáhnu toho ini Ndióxi sahá ña ñacaja na. ³² Caja cáhnu ini Ndióxi janda sahá ndá na ná canahá xihín yehe, da ñachindahá Ndióxi nduu ñayivi joo tá ná canahá na xihín ínimá yii Ndióxi já quea a cája cáhnu toho ini Ndióxi sahá ná ni nani tácu na ndúu na ñuyivi yóho ta ni tá cuhyn na cavií sahá ná nu Ndióxi.

²⁹ Candehé ndo. Sácu u in quiahva nu ndo. Ni in daṭaa a cúu ndihvi da caja cuhná da ñaha vehe in da ndacú joo tá ná cató da da ndacú cán já cuu quehe da ñaha da cán.

³⁰ Ndá ná coo cuahan xoo i, cúu ná na co cúni yehe. Jáchi ndá na co chindee yehe xihín ña cája i, cúu ná na sáji nuu nuú i.

³¹ Ña cán quea cáchi i xihín ndo ña caja cáhnu ini Ndióxi sahá tá nuú cuachi cája ñayivi xihín sahá tá nuú tuhun quini cáhan na. Joo tá ná cáhan núu na sahá ínimá yii Ndióxi já quea a cája cáhnu toho ini Ndióxi sahá ña ñacaja na. ³² Caja cáhnu ini Ndióxi janda sahá ndá na ná canahá xihín yehe, da ñachindahá Ndióxi nduu ñayivi joo tá ná canahá na xihín ínimá yii Ndióxi já quea a cája cáhnu toho ini Ndióxi sahá ná ni nani tácu na ndúu na ñuyivi yóho ta ni tá cuhyn na cavií sahá ná nu Ndióxi.

Xihín cuhíi cúun nuú in yito cuu ndicuní ndá yito cúu dó

(Lc. 6:43-45)

³³ Xini ñúhu jándee ndó yito vaha ña ná cuun cuhíi vaha nu do. Jáchi tá ná jándee ndó yito núu já quea cuhíi núu cuun nu do. Jáchi xihín cuhíi cúun nuú in yito cuu ndicuní ndá yito cúu dó. ³⁴ Mé ndó cúu ndó tátuhun coo jáchi cúu ndó na quini sahá

ñā cān quēa cāhan ndó tūhun quini ta a cuú cana tūhun vaha yūhu ndo. Jáchí yūhu ñayivi cána tóco ndihi ñā nandicutú ñūhu ínimā ná. ³⁵ In taa vaha cāhan da ndinuhu ñā vaha jáchí ndinuhu ñā vaha ñūhu ínimā dá. Ta in taa quini cāhan da ndinuhu ñā núu jáchí ñā núu quēa ndácaan ínimā dá. ³⁶ Mé a ndaa ná cahan i xihín ndo ñā tá ná ndindaa quívi caja víi Ndióxi sahá ñayivi ndúu ñuyívi anda jávi ndiquiahva ñayivi cuéntá nu Ndióxi sahá ndaja táhan tūhun núu naçahan na ñuyívi yóho. ³⁷ Jáchí saha mé tūhun naçahan ndó jan caja víi Ndióxi sahá ndo. Ta xihín ñā jan cachi Ndióxi ñā á íin cuaçhi ndó á coó cuaçhi ndó —cáchi Jesús.

Xíca ñayivi quini ñā ná caja Jesús ñā xitúhún nu ná

(Mr. 8:12; Lc. 11:29-32)

³⁸ Java na fariseo xihín na jánaḡa ley Moisés naçahan na xihín Jesús já naçachi na já xihín á:

—Maestro, cúni nde ñā ná caja ndó in ñaha xitúhún nuú nde já ná cuni nde —naçachi na xihín Jesús.

³⁹ Já nanducú ñehe Jesús tūhun nuú na cān já naçachi a já xihín ná:

—Ñayivi quini, na co cúni cándusa Ndióxi, na yóho cuú na cúni cuni ñā xitúhún. Joo a cúni toho na ñā. Ñā cuni ndusa na quēa ñā ndoho i tá quiahva nandoho Jonás, da nasacu profeta sanahá. ⁴⁰ Jáchí tá quiahva naçandacaan Jonás unj quívi xihín unj ñuú tíxi tíyacá cáhnu tá naçoco rí da quiahva já ndacaan rí yehe, da naçindahá Ndióxi nduu ñayivi tíxi ñundáhyi unj quívi xihín unj ñuú. ⁴¹ Ta ñayivi naçanduu Nínive sanahá cān ndacuíta na chicaan na cuaçhi jata ndó tá ná xinu quívi caja víi Ndióxi sahá cuachi ñayivi ndúu viti. Jáchí mé na naçanduu ñuú Nínive cān najāndacoo na cuachi cāja na tá naçahan Jonás xihín ná ñā naçachi Ndióxi coo. Ta yehe íin chága sahá i a juú ga Jonás joo co cándusa ndó yehe. ⁴² Jári tá ná xinu quívi caja víi Ndióxi sahá cuaçhi ñayivi ndúu tiempo viti anda já ndacuíta in ñā naçacomí cuéntá sahá ñayivi ndúu chí xoo sur sanahá ta chicaan ñā cuachi jata ñayivi ndúu tiempo viti. Jáchí mé ñā cān vatí naçahíin xíca ndivaha ñā nu rey Salomón sanahá naçahan ñā cuni johó ñā tūhun ndíchi cāhan da. Ta yehe íin chága sahá i a juú ga Salomón joo co cándusa ndó yehe.

Jánḡa Jesús ñā cuahá tañu ndíco coo tucu ínimā quini ini ñayivi vatí sa naqee rí

(Lc. 11:24-26)

⁴³ Tá queta in ínimā quini ini in dataa já quée rí cuahan rí xíca nuu rí ndijáa yucú íchi ndínducú rí nuú candoo rí. Ta tá co ndíñeḡe rí ñā já cásahá cáhvi ini rí já: ⁴⁴ “Coho ndíco coo tucu ini da nuú naçandacaan í cān jáchí

cúu á tátūhun vehé”, cáhan rí. Ta tá xinu coo rí ini da cān já sándeḡe rí ñā íin víi va ini da cān tá quiahva víi ini vehe tá nañihvi á ta nandaca ndójo vaha tóco ndihi ñaha ini a. ⁴⁵ Anda já quée tucu mé rí quini cān cuahan rí quehe rí usa ga rí quini chága a juú ga mé rí já xinu ndihi rí ndíhvi rí ini dataa cān. Ta mé da cān ndiquini chága da a juú ga tá naçandacaan in tálaá rí ini da. Quiahva já ndoho rí ñayivi quini ndúu tiempo viti —cáchi Jesús.

Nána Jesús xihín ñani a cúni na cuni na a
(Mr. 3:31-35; Lc. 8:19-21)

⁴⁶ Nani cāhan yíi va Jesús xihín ñayivi já nañinu coo nana Jesús xihín ñani a ñā ná cahan na xihín á cúni na. Joo naçandoo na ndíta na jata véhe. ⁴⁷ Já naçahan in na cáxi tūhun na nuú Jesús já cáchi na já xihín á:

—Jata véhe cáa íin nánún xihín ñanún ta cahan na xuhun cúni na —naçachi na xihín Jesús.

⁴⁸ Joo nanducú ñehe Jesús tūhun nuú na cān já naçachi a já xihín ná:

—Cāhan i xihín ndó ndá na cuú ndusa nana i xihín ñani i —naçachi Jesús xihín ná.

⁴⁹ Anda já nañaha ndáḡa mé á na xíca tuun xihín á cān já naçachi a já:

—Na yóho cuú ná tátūhun nana i xihín ñani i. ⁵⁰ Jáchí ndá na cāja ñā cúni Ndióxi, tátá i, mé a íin indivi, na cān cuú ná tátūhun ñani i xihín quiahva i xihín nana i —naçachi Jesús xihín na cān.

13

Sácu Jesús quiahva sahá in da sátá tata

(Mr. 4:1-9; Lc. 8:4-8)

¹ Sa mé quívi já naqueta Jesús vehe cān já naçahan naçacoo a yati yuhú tañuhú cān.

² Ta sahá ñā nataca cuahá ndivaha ñayivi nu á sahá ñā cān quēa nandaa mé á jata in barco loho ta naçacoo a jata do cān nani ndúu ñayivi ñutí yuhú tañuhú cān. ³ Anda já naçasáhá jánaḡa cuahá ñaha nu ná ta naçacu a quiahva nu ná já naçachi a já xihín ná:

—In da sátá tata naqee da cuahan da cata da ñā. ⁴ Ta tá sátá da ñā cuahan da já naçuyu java ñā íchi ta cān nañinu laa ta naçaxi rí ñā. ⁵ Ta java ñā naçuyu a tañu yuu nuú coó cuahá ñūhu. Ta cama chá nanduta mé tata jáchí co cúná ñūhu nuú naçuyu a. ⁶ Joo tá naqueta candii já najáhíchi ñaha sahá ñā coó cuahá yóḡa a chí nandihí sahá. ⁷ Ta java tata naçuyu tañu tohíñu ta tá naçahnu tohíñu cān já nanditáḡa ndihi a naçaja tohíñu. ⁸ Ta java tata naçuyu a nu ñūhu vaha ta já naçahan cuahá ñaha ñā jáqee na nu á. Java ñā naçahan in ciento a nuú in in tata ta java ñā naçahan unj jíco uxu a ta java ñā naçahan oco uxu a nuú in in tata. ⁹ Na íin johó, ná cuni johó na —naçachi Jesús.

Ndicani Jesús ndá saha quéa nasacu a quiahva nu ná

(Mr. 4:10-12; Lc. 8:9-10)

¹⁰ Na xica tuun xihín Jesús cán nacayati na nu á já nacasáhá ndáca tühún na mé á ndá cuéntá quéa jánaña mé á xihín quiahva cuití va nuú ñayivi. ¹¹ Anda já nacachi Jesús já xihín ná:

—Ña coó nacandaa ini ndó jihna ña cán candaa ini ndó viti jáchi nasuná Ndióxi xini túni ndó candaa ini ndó ndá quiahva cacomí mé á cuéntá sahá ñayivi. Joo na a ñaha cacomí Ndióxi cuéntá sahá, na cán cúú na sácú u quiahva nuú. ¹² Jáchi ndá na sa ín ñaha nuú, ñehe táhvi na coo chága ñaha nu ná. Joo na co á ñaha nuú, janda ña chá ín nu ná ndindaa. ¹³ Sahá ña cán quéa cáhan i xihín ndinuhu quiahva xihín mé ndó jáchi vatí sándehe na joo cúú ná tátuhun na co tívi nuú. Ta vatí xini joho na joo cúú ná tátuhun na jóho jáchi co candaa ini na ña cáhan i xihín ná. ¹⁴ Ta xihín ña yóho xinu coo nuú tühun nacachi profeta Isaías sanahá ndivaha tá nacachi da já:

Vatí xini joho na joo cúú ná tátuhun na jóho jáchi co candaa ini na ña cáhan i xihín ná.

Ta vatí sándehe na joo cúú ná tátuhun na co tívi nuú.

¹⁵ Jáchi nandaji xini túni tóco ndihi ñayivi ñuu yóho.

Ta ndáji tuun joho na ta ndáji tuun nduchú núú na.

Ña cán quéa a cuú cuni joho na,

ta ni a cuú candehé na,

ta ni a cuú candaa ini na ña xini joho na.

Ta xihín ña yóho co ndíco coo na nuú i ña ná ndaja vaha i na, nacahyi Isaías sanahá.

¹⁶ Joo tahvi nacuu ndó jáchi candaa ini ndó ña sándehe ndó xihín ña xini joho ndó. ¹⁷ Mé a ndaa ná cáhan i xihín ndó ña cuahá ndivaha na profeta xihín cuahá ndivaha ñayivi vaha naxica ini na cuni na ña xini ndó yóho viti joo coo naxini na ña ta naxica ini na cuni joho na ña xini joho ndó yóho joo coo naxini joho na ña.

Ndicani Jesús ña cuni cachi quiahva nasacu a nu ná

(Mr. 4:13-20; Lc. 8:11-15)

¹⁸ Cuni joho ndó ña cuni cachi quiahva nasacu u sahá da sátá tata cán. ¹⁹ Ñayivi, na xini joho tühun vaha sahá ña sa nacayati quivi cacomí Ndióxi cuéntá sahá ñayivi joo co candaa ini na ña, na cán cúú ná tátuhun tata ña nacuyu íchi cán. Jáchi xinu tiñahá saçuaha ta táva ri tühun Ndióxi cán ínimá ná. ²⁰ Ta tata ña nacuyu tañu yuu cán náha ndá quiahva ín ñayivi, na cájji ndivaha ini ndíquehe tühun Ndióxi. ²¹ Joo sahá ña co ñehe ini yóho a chuhun cúná a sahá ña cán

quéa chá tiempo cuití va cándusa na tühun Ndióxi. Jáchi tá casáhá ndóho ini na sahá tühun Ndióxi chí jándacoo va na ña. ²² Ta tata ña nacuyu tañu tohiñú cán náha ndá quiahva ín ñayivi, na xini joho tühun Ndióxi joo co jándacoo na íchi naxica na jihna. Ta casáhá ndicani ini na sahá ñaha ñayivi yóho ta casáhá na cátoó na canduu cuahá ñaha cuíca nu ná ta casáhá ndicaji ini na caja na ña núu. Sahá ña cán quéa cúú á tátuhun tata ña co cána ñaha jáquee na nuú jáchi coo nasahnu na xihín tühun Ndióxi. ²³ Joo tata ña nacuyu nuú ñuhú vaha cán náha ndá quiahva ín ñayivi, na xini joho tühun Ndióxi ta candaa ini na ña ta caja na ña cájji ini Ndióxi xihín. Java na cúú ná tátuhun yucu trigo ña nasahan in ciento a nuú in in tata. Ta java na cúú ná tátuhun tata ña nasahan unj jico uxu a nuú in in tata. Ta java na cúú ná tátuhun tata ña nasahan oco uxu a nuú in in a —nacachi Jesús xihín ná.

Sácú Jesús quiahva sahá yucu quini nána tañu trigo

²⁴ Anda já nasacu Jesús inga quiahva nuú ñayivi nduu cán já nacachi a já xihín ná:

—Tá ná casáhá cacomí Ndióxi cuéntá sahá ñayivi já cacuu a tátuhun tá naxutu in daña trigo ña vaha nu ñuhú dá. ²⁵ Joo tá sa ndú ndihi na quiji na já naxinu coo in da co cuni táhan xihín dá ta naxihin da tata yucu quini tañu trigo cán já naquee da cuahan da. ²⁶ Ta tá nasahnu trigo cán ta nacasáhá cána yóco a já nanduta ri yucu quini cán. ²⁷ Anda já nasahan na caja chuum cán cáhan na xihín xitoho na já nacachi na já: “Candehé ndó. Tata vaha quéa naxihin ndó nu ñuhú ndó joo co candaa ini ndé ndáchi naquixi yucu quini nanana xihín á yóho”, nacachi na cán xihín xitoho na. ²⁸ Anda já nanducú ñehe da cán tühun nu ná já nacachi da já xihín ná: “Ndá da co cuni yehe, da cán cúú da nacaja ña yóho”, nacachi da. Anda já nacachi na caja chuum nu dá cán já xihín dá: “Á co cuni ndó ña ná quihvi nde tühun ndihi nde yucu quini cá tañu trigo”, nacachi na xihín dá. ²⁹ Anda já nacachi da já xihín ná: “Ná coo mé á jáchi tiahva náá nani tühun ndó yucu quini jan cuu tühun ndó yucu trigo xihín á. ³⁰ Vaha chá ná quiahva í ñamanj cuahnu a xihín trigo janda quiahva ná ndindaa tiempo jáquee trigo. Ta tá sa jáquee já cahnda i chuum nuú na jáquee ña ná tavá xóo na yucu quini jihna ñuhú ta ná cató na ña tá nuhni tá nuhni ña ná chicañ ñuhú ná ña. Ta anda jávi ná játaca na trigo taán vaha na ini yáca ñaha i”, nacachi da —cáchi Jesús sácú a quiahva nu ná.

Sácú Jesús inga quiahva saha ndiqui mostaza

(Mr. 4:30-32; Lc. 13:18-19)

³¹ Ta ñasacu Jesús inga quiahva nu ná já ñacachi a já xihín ná:

—Tá ná xinu cõo quivi cacomí Ndióxi cuéntá sahá ñayivi já cúú á tátuhun in ndíqui mostaza ña chíhin in ñátaa nu ñúhu ña. ³² Cúú á ndíqui loho chága nu tóco ndihi ndíqui váli in ñuyivi. Joo sáhnú a jandá quiahva ndúu a in yító, dó cáhnú nu ndíhi yító nu xinu cõo laa cávaha rí chõhõ rí nu ndáha dõ —cáchi Jesús.

Sácu Jesús quiahva sahá yusá ñaxaa
(Lc. 13:20-21)

³³ Ta ñasacu Jesús inga quiahva nu ná já ñacachi a já xihín ná:

—Tá ná cacomí Ndióxi cuéntá sahá ñayivi já cacuu a tátuhun tá cává táhan in ñáñáha uní táhndá náhnú harina xihín loho yusá ñaxaa ña ná jánañu a tóco ndihi mé yúsá cán —ñacachi Jesús.

Sácu Jesús quiahva cuití va nuú ñayivi
(Mr. 4:33-34)

³⁴ Xihín ndinuhu quiahva cuití najánaha Jesús tóco ndihi ña yóho nuú ñayivi. ³⁵ Já ñacaja Jesús ña ná xinu cõo nuú ña ñacachi in ña profeta sanahá tá ñacachi da já:

Xihín ndinuhu quiahva cuití va çahan i xihín ñayivi, ta çahan i sahá ñaha nasahijn jehé nu ná jandá mé sahá tá cámaní çava sahá sahá ñuyivi —cáchi túhun Ndióxi.

Ndicani Jesús ña cúni cachi quiahva ñasacu a sahá yucú quini nanana tañu trigo cán

³⁶ Tá ñandihí ñandindayí Jesús ñayivi cuaha ndúu cán já ñaquihvi a ini vehe. Andá já ñacativi ña xica tuun xihín a cán nu á já ñacachi na já xihín á:

—Ná ndicani ndó nuú ndé ndía cúni cachi quiahva ñasacu ndó sahá yucú quini nanana tañu trigo cán —ñacachi na.

³⁷ Andá já ñacachi Jesús já xihín ná:

—Dá xútu tata vaha cúú yehe, ña ñachindahá Ndióxi nduu ñayivi. ³⁸ Ta ñúhu nu xútu y tata cúú á ñayivi ñuyivi. Ta tata vaha cán cúú á yuhú nuú ña cómi Ndióxi cuéntá sahá. Ta yucú quini cán cúú á yuhú nuú ñayivi quini, ña cúú cuéntá rí quini.

³⁹ Ta dá cõo cúni táhan xihín i ñasahan ña ñaxutu da yucú quini nu ñúhu cán ta cúú dá yuhú nuú tiñáhá sácuaha. Ta tiempo jáquee ña cán cúú á tá ná xinu cõo quivi caja vii Ndióxi sahá ñayivi ndúu ñuyivi. Ta ña xica jáquee cán cúú ná tató Ndióxi. ⁴⁰ Ta tá quiahva ñacaja ña cán xihín yucú quini tá najátaca na ña ta ñachicaan ñúhu ña ña quiahva já yaha rí xihín ñayivi ñuyivi yóho tá ná tandaa quivi ndihi sahá ñuyivi. ⁴¹ Ta yehe, ña ñachindahá Ndióxi nduu ñayivi chindahá i tató mí i ña ná cahnda java táhan na ña cómi i cuéntá sahá xihín na cõo cúú

cuéntá mí i. Jáchi ña cán jácahan ña inga na caja na cuachí xihín java ga ña cája ña núu.

⁴² Ta jáqueta nuu i ña ini indayá ta cán cuacu na andá quiahva chicahñá nuhu ña jáchi ndóho ndivaha ini na. ⁴³ Ta andá já ña cája ña cúni Ndióxi ndiyihvi ndaa na tá quiahva yéhe çandii nuú cacomí Ndióxi cuéntá sahá ná, mé á cúú á tátá ña. Ndá ña in jõho, ná cuni jõho na.

Sácu Jesús quiahva sahá sató jjuhún ndacaan jehé

⁴⁴ Tá ná cacomí Ndióxi cuéntá sahá ñayivi cacuu a tátuhun ña yaha xihín in ñátaa tá ndínehe dá in sató jjuhún ña ndacaan jehé in ñundáhyi. Ta tá ñandihí já chíjavi tucu da ña xihín ñúhu. Ta já cávatá ndivaha da çuhun ña jicó ña tóco ndihi ña cómi ña ña ná cunen da ñundáhyi nuú ñanduxu mé sató jjuhún cán.

Sácu Jesús quiahva sahá in jíqui sándacu na ña yahvi ndivaha

⁴⁵ Tá ná cacomí Ndióxi cuéntá sahá ñayivi cacuu a tátuhun tá xica nuu in ña cája ndahvi ndúcu ña jíqui sándacu na ña yahvi ndivaha. ⁴⁶ Ta tá ndítahan da in jíqui yahvi ndivaha já cuahan ña jicó ña ndihi ñaha cómi ña ña ná cunen da jíqui yahvi ndivaha cán.

Sácu Jesús quiahva sahá in ñúnu tává tityacá

⁴⁷ Tá ná cacomí Ndióxi cuéntá sahá ñayivi cacuu a tátuhun in ñúnu jácana na nuú tañuhú ta já tün na tá nuú tityacá. ⁴⁸ Ta tá sa ñachutú ñúnu cán já tává ná tityacá cán yuhú tañuhú ta cán sácõo na ndacahnda java na rí. Ta rí vaha cán táan vaha na ini toyicá ña joo rí núu cán xita rí cája na. ⁴⁹ Quiahva já yaha rí xihín ñayivi tá ná ndihi sahá ñuyivi. Jáchi queta tató Ndióxi ndacahnda java ña vaha tañu ña quini. ⁵⁰ Ta ñayivi quini cán chicáan na ini indayá ta cán cuacu na jandá quiahva chicahñá nuhu ña jáchi ndóho ndivaha ini na —cáchi Jesús.

Tá jánaha Jesús sahá ña saá xihín ña yatá

⁵¹ Tá ñandihí já ñandaca túhún Jesús ña já ñacachi a já:

—Á cándaqá ini ndó tóco ndihi ña çahan i yóho —cáchi á.

—Aján, cándaqá ini ndé ña —ñacachi ña cán xihín á.

⁵² Andá já ñacachi Jesús já xihín ná:

—Tá jácuaha in ña jánaha ley Moisés sahá ndaja ndiquiahva da mé dá ndáha Ndióxi cacomí a cuéntá sahá dá já cúú dá tátuhun in ñátaa, ña in ñaha ini vehe. Ta xini vaha da tavá ña ñaha da á cúú á ña saá á ña yatá —cáchi á.

Tá cuahan Jesús ñuu Nazaret
(Mr. 6:1-6; Lc. 4:16-30)

⁵³ Tá nandihí najánaḡa Jesúš xihín quiaḡva yóho já naḡee a cuanúhu a. ⁵⁴ Tá naḡinu a ñuu mé á já naḡasáhá jánaḡa ini veñuhu cán. Ta jandá johó cátoḡntó ñayivi ñuu cán já cáchi na já:

—Ta ndájá naḡatiaḡva naḡá ri da yóho ña xini da. Ta ndaja cája da ñaha xitúhún yóho. ⁵⁵ Á a juú da yóho cúú jahyi da cája chúun xihín yitó. Á a juú náná da yóho cúú María. Ta ñani da cúú Jacobo xihín José xihín Simón xihín Judas viti. ⁵⁶ Ta sa mé ñuu yóho ndúu ri quiaḡva da jan. Ndájá naḡatiaḡva naḡá da ña jánaḡa da nu yo, dá já —naḡachi xihín táhan na cán.

⁵⁷ Ta chí coḡ naḡeen na candúsa ñahá na. Sahá ña cán queá naḡachi a já xihín ná:

—Vatí tóco ndihí ñayivi cája cáhu na in profeta joo na vehe da xihín na ñuu da co candúsa na da —cáchi Jesús.

⁵⁸ Ta coḡ naḡaja cuahá Jesúš ña xitúhún ñuu cán jáchi coḡ naḡandúsa toho ñayivi cán mé á.

14

Tá naḡixi Juan, da naḡaja ndúta ñayivi
(Mr. 6:14-29; Lc. 9:7-9)

¹ Mé tiempo cán naḡini johó Herodes, da cúú gobernador cán ña nditúhún na sahá Jesúš. ² Andá já naḡachi da já xihín mozo da:

—Á a juú Jesúš cúú á Juan, da najácandúta ñayivi ta viti naḡitacu tucu da. Sahá ña cán queá ñin ndé da cája da tóco ndihí ña cája da yóho —cáchi Herodes.

³ Jáchi jandá mé saḡa naḡiin Herodes Juan naḡató ñahá da ta naḡichaḡa da da veḡa. Ta naḡaja da ña yóho saḡa Herodías, ña naḡaju ndájihí Felipe, ñani da. ⁴ Jáchi mé Juan najánaḡani ñahá da saḡa ña ñin Herodes xihín ña ta já naḡachi da:

—Co ndítahan coḡn xihín ñájihí ñanún —naḡachi Juan xihín dá.

⁵ Ta jandá já naḡducú Herodes cañi da Juan joo a cuú caja da ña jáchi yihví da ñayivi saḡá ña candúsa na ña cúú Juan in profeta naḡindahá Ndióxi. ⁶ Joo in tañu nani ndácaḡa Juan veḡa já naḡavaḡa Herodes víco saḡá quivi naḡacu da. Ta naḡaḡa ndíchí ña cúú jahyi Herodías cán naḡita saḡá ña nu ndihí na ndúu víco cán. Ta a juú quiaḡva naḡajii ini Herodes xihín ña yóho. ⁷ Sahá ña cán queá quivi Ndióxi táva da tá sahan da tuhun da nu ña cán ña quiaḡva da nu ña ndá ña cúni mé ña caḡa ña nu dá. ⁸ Tá nandihí naḡaḡa tuhún jihna ña náná ña já ndáva ña naḡahan ña nu Herodes já cáchi ña já xihín dá:

—Viti ñuhú cúni ña ná quiaḡva ndó yiquí jini Juan, da jácandúta ñayivi nuú i ini in coḡo cáhu —naḡachi ña xihín dá.

⁹ Tá naḡachi ña já xihín Herodes já naḡacuéḡa ndivaḡa ini da. Joo saḡá ña sa

naḡavá da quivi Ndióxi tá naḡahan da tuhun dá nu ña cán ta saḡá ña cúni da candó vaḡa da nuú na ndúu víco xihín da cán saḡá ña cán queá naḡahnda da chuun ña ná quiaḡva na ña nu ña. ¹⁰ Chí naḡahnda da chuun ña ná chitúhún na yiquí jini Juan ini veḡa cán. ¹¹ Ta já naḡichaḡa na yiquí jini da ini in coḡo cáhu já naḡahan na ña nu ña cán. Andá já nandiquiaḡva ña cán ña ndáḡa náná ña.

¹² Andá jávi naḡinu na naḡica xihín Juan cán já naḡahan na nandiquehe na yiquí cuñu da ta najánduxu na da. Ta já naḡahan na naḡaci tuhun na ña yóho nuú Jesúš.

Tá naḡahan Jesúš ña cuxu uhun mil taa
(Mr. 6:30-44; Lc. 9:10-17; Jn. 6:1-14)

¹³ Tá naḡini johó Jesúš saḡa Juan já naḡee xóo a ini in barco loho cuḡhan nuú co ndúu ñayivi. Joo tá naḡini johó ñayivi ña cuḡhan Jesúš já naḡee na ñuu na ndíco na cuḡhan saḡá na nu ñin a. ¹⁴ Ta tá naḡuu Jesúš barco cán já naḡini a cuḡhá ndivaḡa ñayivi ta naḡahvi ini a saḡa ná. Ta chí naḡaja vaḡa mé á na quihvi naḡuxi tañu na cán. ¹⁵ Ta tá sa cáhini cuḡhan já naḡayati na xica tuun xihín a cán nu á. Já cáchi na já xihín á:

—Sa naḡini va ta a juú xoo nu ndúu ñayivi queá yóho. Nndidayi ndó ñayivi ná cuḡhan na ñuu váli yati jan já ná cuen na ña cuxu na —naḡachi na cán xihín á.

¹⁶ Andá já naḡachi a já xihín ná:
—Co xini ñuhú toho quee na cuḡhan na. Mé ndó quiaḡva ndó ná cuxu na —naḡachi Jesúš.

¹⁷ Andá já naḡachi tucu na cán já xihín á:
—Co mé ñaha va cuxu na yóho. Uḡun víxi pan xihín ivi laá tiyacá cuiti va ñin yóho —naḡachi na xihín Jesúš.

¹⁸ —Taxi ndó a chóho —naḡachi Jesúš xihín ná.

¹⁹ Andá já naḡahnda Jesúš chuun ña ná ndaca nduu ndihí na cán nuú yucu. Andá já naḡiin a ndihuhun pan xihín ndivi tiyacá cán já nasandehé a chí indivi já nandiquiaḡva ndixahvi nu Ndióxi. Tá nandihí já naḡahnda java pan ta naḡahan ña nuú na xica tuun xihín a cán ta na cán nandicahnda na ña nuú ñayivi cuḡa cán. ²⁰ Ta tóco ndihí na naḡixi na jandá quiaḡva naḡchutú na. Ta tá nandihí naḡixi na já najátaca na ña naḡandóo cán ta najáchutú na uxu ivi toyjá xihín ña naḡandóo cán. ²¹ Ta tóco ndihí na naḡixi cán naḡacu na tátuḡun uhun mil taa. Co cáhan saḡá najihí xihín na váli.

Tá naḡica saḡa Jesúš nuú tañuhú
(Mr. 6:45-52; Jn. 6:16-21)

²² Ta tá nandihí já naḡaja Jesúš ña ná ndihvi na xica tuun xihín a cán ini in barco ña ná cuḡhan cuéé na inga xoo tañuhú cán nani candóo tóo mé á jándidayi a ñayivi cuḡa cán. ²³ Ta tá sa najándutá tóco ndihí ñayivi já naḡada mé á yucu cuḡhan caḡa

tahví a nu Ndióxi. Tá nandihí já ñacuaá ta in túhún mé á ndácaan xíca tahví a nu Ndióxi cán. ²⁴ Ta ndaja coo barco loho, dó cándojó na xíca tuun xihín á cán sa ñaxinu coo dó jandá mahñú tañuhú cuahan do. Ta ndicojo ndivaha tañuhú jáchi xoo cuahan na vaxi táchi. ²⁵ Joo tátuhun sa cuahan tívi já xíca sáhá Jesús cuahan nu tañuhú ñaxinu a nu ná. ²⁶ Ta tá ñaxini na xíca sáhá Jesús vaxi a nu tañuhú cán já ñacatóntó na. Ta ñacasáhá na cáyuhú cóhó na sahá ña yíhvi na já cáchi na já:

—Ínima queá vaxi yóho —cáchi na.

²⁷ Joo ívi laá nandicahan Jesús xihín ná já cáchi a já:

—Ndacú coo ini ndó jáchi yehe va cúu u. A yíhvi toho ndó —ñacachi a xihín ná.

²⁸ Anda já ñacachi Pedro já xihín Jesús:

—Xitoho í, tá ta jivi cúu mé ndó cahnda ndó chuun ña ná cuu saá í nu ndo ta ná caca í nu tañuhú —ñacachi da xihín Jesús.

²⁹ Ta já cáchi Jesús já:

—Naha quí —cáchi a xihín dá.

Anda já ñanuu Pedro barco cán ta ñacasáhá xíca sáhá da nu tañuhú cuahan da nu Jesús. ³⁰ Joo tá ñaxini da táchi ndeé xicó nu tañuhú cán já nayíhvi da. Chí ívi laá ñacasáhá quéta nu da cuahan da ini tañuhú. Já ñacayuhú cóhó da já cáchi da já xihín Jesús:

—Chindeé ndó yehe, xitoho í —ñacachi da xihín á.

³¹ Ta cama chá ñatiin Jesús ndáha da ta já ñacachi a já xihín dá:

—Ndá cuéntá queá co cándeé chága inún yehe ta ñacasáhá cáhvi ívi joho inún —ñacachi Jesús xihín dá.

³² Ta tá nandaa ndívi na jata barco já ñacatáji táchi cán. ³³ Anda já ñacaja cáhnu na ñúhu ini barco cán Jesús já cáchi na já xihín á:

—Mé a ndaa táhvi cúu jivi ndusa ndó in túhún jini já jahyi Ndióxi —ñacachi na xihín á.

Tá nandaja vaha Jesús na quíhvi ndúu ñundáhyi Genesaret

(Mr: 6:53-56)

³⁴ Ta já ñaxíca loho ga na nu tañuhú cán já ñaxinu coo na ñundáhyi Genesaret. ³⁵ Ta tá nandicuni ñayivi ndúu cán mé á já ñachindahá na chuun ñasahan nu ndaja táhan ñayivi ndúu ndijáá ñundáhyi cán. Já ñehe ndíhi na na quíhvi ñacasaa na nu á. ³⁶ Ta na quíhvi cán ñaxíca tahví na nu á ña ná quíahva ñamaní cani ndaa ndáha ná yuhú jahmá níhnu a ta tóco ndíhi na ñacani ndaa ndáha jahmá a nandivaha na.

15

Ña cája quini ínima ñayivi
(Mr: 7:1-23)

¹ Ndaja coo java na fariseo xihín java na jánaha ley Moisés ndúu ñuu Jerusalén cán ñacayati na nu Jesús já ñacasáhá cáchi na já xihín á:

² —Ndáva ha co cája na xíca tuun xuhun ña ñacachi tásáhu jíco yo caja na. Ndáva ha xíxi na tá cámaní ndahá na tá quíahva sáhdá ley caja na —ñacachi na cán xihín Jesús.

³ Anda já nanducú ñehe Jesús tuhun nu ná já ñacachi a já:

—Ta jári ndóhó va, ndá cuéntá queá jándacoo ndó ña sáhdá Ndióxi nu ndó caja ndó. Ta ña cája ndó queá ndíco ndó costumbre mé va ndó. ⁴ Jáchi sáhdá Ndióxi chuun já cáchi a já: “Caja cáhnún tátún xihín námún.” Ta jári cáchi a: “Ndá na ná chícaan cháhan jata tátá na á náná na, ndítahan quívi na”, cáchi a. ⁵ Joo ndóhó, jánaha ndó nuú ñayivi ña cuu cahan na já xihín tátá na á náná na: “A cuú chindeé e ndóhó jáchi sa ñasacu xoo í ñaha í quíahva í ña nu Ndióxi”, cáchi na. ⁶ Tá ná cachi na ña yóho já queá co ndúsa ga chindeé na tátá náná na. Quíahva joho cája ndó ta sácu xóo ndó ña ñasahnda Ndióxi chuun nu ndo ta ndaja ndó a tátuhun in ñaha í coo saha. Jáchi ndíco cáhnu ndó ña najándacoo tásáhu jíco ndo nu ndó. ⁷ Co cúu ndó tá quíahva ndáa ndó. Mé a ndaa ñacahan profeta Isaias saha ndo sanahá tá ñacahyi da ña ñacachi Ndióxi:

⁸ Yuhú ninu un na cája cáhnu na yehe.

Ta co cája cáhnu na yehe xihín ndinuhu ínima na.

⁹ Ta mé a uun queá cája cáhnu na yehe, jáchi ña jánaha na nuú ñayivi cuítí va cúu á ña quíxi jini mé va na, ñacachi profeta Isaias sanahá ndivaha —ñacachi Jesús xihín na cán.

¹⁰ Tá nandihí já ñacana Jesús tóco ndíhi ñayivi ndúu cán já ñacachi a já xihín ná:

—Cuni joho vaha ndó ña cáhan í xihín ndó ta ná candaa ini ndó ña. ¹¹ A juú ñaha xíxi ñayivi ndaja quini ínima ná. Tuhun quini quéta yúhu ná ña jan queá cája quini ñahá —ñacachi Jesús.

¹² Tá nandihí já ñacayati na xíca tuun xihín Jesús cán mé á já ñacachi na já xihín á:

—Chí a váha mé ñacuu ini na fariseo tá ñaxini joho na ña ñacachi ndó jan —ñacachi na cán.

¹³ Anda já ñacachi Jesús já xihín ná:

—Ñayivi, na co ndíquehe vaha tuhun Ndióxi cúu ná tátuhun in yíto, dó coo najándee Ndióxi, tátá í ña íin indivi. Sáhá ña co cúu dó cuéntá mé á já tandaa quívi ña tuhun mé á do anda yóho do. ¹⁴ Sáhá ña cán queá co ndítahan ndicani ini ndó sahá na jan jáchi na cuáa va cúu ná. Ta a cúu toho caja in da cuáa candaca da inga da cuáa cuhun da jáchi ndívi já da ndacava da yávi —ñacachi Jesús.

15 Tá nandihí já nācachi Pedro já xihín Jesús:

—Ndicani loho ndó nuú nde ndaja cáa ña cáchí ndo ña cō cája quini toho ña xixi ñayivi mé ná jáchí cō cándaq ini nde ña —nācachi Pedro xihín Jesús.

16 Já nācachi Jesús já xihín ná:

—Á cōq toho xini túnj ri ndóhó va, vaha. 17 Jáchí cō cándaq ini ndó ña tóco ndihí ñaha xixi ñayivi a cuú caja quini a na. Jáchí ña xixi ñayivi cō xinu a ini ínimā ná joo xinu cōq ña tixi va na já queta tucu a yiquí cuñu na. 18 Ña cuu ndaja quini ñayivi cúú ña quíxi ínimā ná tátuhun tūhun cáhan na xihín ña cája na. 19 Jáchí chí ínimā ñayivi quíxi ña cáhvi núu ini na tátuhun ña cáhvi ini na cahní na ndji. Ta sá mé cán quíxi ña cáhvi ini in dátaa cōo da xihín ñájihí ñani táhan da á xihín in íá cō cúú ñájihí dá. Ta sá mé cán quíxi ña ndiáva íni dá caja cuíhná da. Ta sá mé cán quíxi ña cávaha jíquí dá tūhun sahá ñani táhan da ta jári quíxi ña cánahá dá xihín Ndióxi. 20 Tóco ndihí ña cáhvi núu ini ñayivi caja na, ña yóho queá ndája quini a na. Joo cō cáquini toho ñayivi sahá ña cō ndáhá na tá cámanj cuxu na tá quiahva íin costumbre na —nācachi Jesús xihín na xica tuun xihín á cán.

*Tá nācandéé ini in ña tóho Jesús
(Mr. 7:24-30)*

21 Tá nandihí já naquee Jesús cuahān chí ñundáhyi cuéntá Tiro xihín cuéntá Sidón cán. 22 Ta nu xica cuahān cán naqueta in ñáñáha ñundáhyi Canaán nu á já cáyuhú ña já cáchí ña já xihín á:

—Xitoho i, dá naquixi chichi David caja ndó ñamanj candáhví loho ini ndó yehe. Chindeé ndó jahyi jihí i jáchí rí quini ndácaan ini ña —nācachi ñáñáha cán xihín Jesús.

23 Joo ni in túhún tūhun cōq nanducú ñehe Jesús nu ña. Andá já nācativi na xica tuun xihín a cán nu á já nācachi na já xihín á:

—Taxi ndó ña jan ná quee ña cuhūn ña jáchí cáyuhú ña ndácaaa ña jata yó vaxi ña —nācachi na cán xihín Jesús.

24 Andá já nācachi Jesús xihín ñáñáha cán já:

—Nāchindahá Ndióxi yehe vaxi i nuú ñayivi Israel cuití va, mé na cúú tátuhun ndicachi, rí nāndiñúhú —nācachi Jesús.

25 Andá já ndáva ña cán naxinu cōq ña nācaxití ña nu Jesús já cáchí ña já xihín á:

—Caja ndó ñamanj chindeé loho ndó yehe, xitoho i.

26 Andá já nācachi Jesús já xihín ña:

—A váha toho candaa i pan ndahá na valí ta já cana i ña nuú tina —nācachi Jesús xihín ña cán.

27 Andá já nācachi ña cán já xihín Jesús:

—Mé a ndaa cáhan ndo joo anda tina, rí ndúu tixi mesa xixi rí ña jácyu jahyi xitoho rí —nācachi ña cán xihín Jesús.

28 Andá já nācachi Jesús já xihín ña:

—Mé a ndaa cāndeé cáhnu inún Ndióxi. Ná cōo a tá quiahva cúni mún —nācachi Jesús xihín ña.

Chí mé hora já nāndivaha jahyi jihí ña.

Ndája vaha Jesús cuahā na quihvi

29 Tá nandihí já naquee Jesús cuahān já naxinu cōo a yati yuhú tañuhú Galilea. Já nāndaa in jiní yúcu ta cán nasacōo a. 30 Ta já nācasáhá nātaca cuahā ndivaha ñayivi já ñehe na na quihvi sahá xihín na cuaá xihín na níhí xihín na réncō ndáha. Ta cuahā ga nuú na quihvi ñehe na nācasaa na nāchinduu na na nu Jesús. Ta nāndaja vaha mé á na. 31 Ta xihín ña yóho a juú quiahva nācatóntó na tá naxini na ña nācasáhá ndicāhan na níhí. Ta nācatóntó na tá naxini na ña nāndivaha ndahá na réncō ta ndícaca vaha na quihvi sahá ta quiahva já nāndivaha rí na cuaá. Ta nācasáhá na cája cáhnu na Ndióxi, mé a cómi cuéntá sahá na Israel.

*Tá nāsaahan Jesús ña cuxu comi mil natqa
(Mr. 8:1-10)*

32 Andá já nācana Jesús na xica tuun xihín á já nācachi a já xihín ná:

—Táhnā ndivaha ini i sahá ñayivi yóho jáchí sa naxinu uní quivi ndúu na xihín i ta chí cōq ga ña cuxu na. Ta cō cúni chindahá i na nuhu na vehe na jáchí cámanj cuxu na ta tiahva náá cuitá na ta cuyu na íchi —nācachi Jesús.

33 Andá já nācachi na xica tuun xihín a cán já:

—Cōq toho ñuu yati va ta ni mí, a cuú quiahva í ña cuxu na jáchí cōq toho ñayivi ndúu yóho nuú cueén ña cuxu na —nācachi na cán xihín Jesús.

34 Já nācachi Jesús já:

—Ndaja pan cómi ndo.

Já nācachi na cán já:

—Usa pan xihín java tiyaca valí.

35 Andá já nāsaahnda Jesús chuun ña ná cacōo ndihí ñayivi nu íñhu cán. 36 Ta já nātiin a ndihusa pan cán xihín java tiyaca valí cán já nāndiquiahva ndixahvi nu Ndióxi. Ta já nāsaahnda java ña ta nāsaahan ña nuú na xica tuun xihín á cán ña ná ndicāhnda na ña nuú ñayivi cuaāh cán. 37 Ta nāxixi tóco ndihí na jandá quiahva nāchutú tixi na. Ta tá najānditaca na ña nācandōo cán já nāchutú usa toyicá xihín ña. 38 Ta na nāxixi cán cúú ná comi mil tqa ta cō cáhan sahá najihí xihín na valí. 39 Ta tá nandihí nāndidayi Jesús ñayivi já nāndihvi a ini barco já naxinu cōo a ñundáhyi cuéntá Magdala.

16

Cúni na fariseo xihín na saduceo cuni na in ña xitúhún caja Jesús

(Mr. 8:11-13; Lc. 12:54-56)

¹ Ta ndaja coo naxinu coo na fariseo xihín na saduceo nu Jesús. Ta sahá ña cuni na coto ndojó cuiti ñahá na sahá ña cán queá naxica na nu á ña ná caju in ña xitúhún cuénta indivi já ná candaq ini na á mé a ndaa cúu á ña naxindahá Ndióxi. ² Anda já nanducú ñehe Jesús tuhun nu ná já naxachi a já xihín ná:

—Tá nahini já cáchi ndo já: “Tiempo vaha ndivaha cacuu a jáchi ndiyéhe cuahá indivi”, cáchi ndo. ³ Ta naha cáchi ndo já: “Viti ndusa queá cuun ndee ndivaha javi jáchi in vicó ndivaha ta in vico cuahá indivi”, cáchi ndo. Co cúu ndó tá quiahva ndaa ndó. Ndá cuénta queá tiahva ndó ndicuni ndó ndá queá coo tá sándehe ndó indivi joo co tiahva ndó ndicuni ndó ndá tiempo cúu á viti. ⁴ Ñayivi quini, na co cunj candúsa Ndióxi, na cán cúu na xica ña ná caju i ña xitúhún nu ná. Joo ni in túhún toho ñaha xitúhún a caju ga i nu ná. In túhún ña candehe na cacuu a ña tandaa quivi ndoho i tá quiahva nandoho profeta Jonás sanahá ndivaha — naxachi Jesús xihín ná.

Já naquee a cuahan.

Tá sácú Jesús quiahva sahá na fariseo
(Mr. 8:14-21)

⁵ Ta ndaja coo naxinu coo a inga xoo tañuhú xihín na xica tuun xihín á cán ta nandindójo na cán cañehe na pan cuxu na.

⁶ Tá nandihí já naxachi Jesús já xihín ná:

—Candehe ndo. Cuénta coo ndó xihín na fariseo ta xihín na saduceo jan jáchi ña jánahá na cúu á tátuhun yúsa naxaa ña cáv táhan na xihín harina cávaha na pan — naxachi Jesús.

⁷ Joo na xica tuun xihín á cán nditúhún xihín táhan na ña naxachi Jesús já sahá ña coo pan ñehe na cuahan xihín ná.

⁸ Ta tá naxandaa ini Jesús ña cáhan na já naxachi a já xihín ná:

—Ndá cuénta queá co cándee cáhu ini ndó yehe ta cáhan ndo ña cáchi i ña yóho xihín ndo sahá ña co ñehe ndó pan vaxi ndó. ⁹ A ñaha cándaa ini ndó. Nditahan ndicuhun ini ndó ña nandaja cuahá i uhun víxi pan tá naxixi uhun mil taa. Ta sa xini ndó ndaja toyicá najácutú ndo xihín ña naxandoo cán. ¹⁰ Ta nditahan ndicuhun ini ndó ña naxaja i xihín usa pan tá nandicahnda i ña naxixi comi mil taa ta sa xini ndó ndaja toyicá najácutú ndo xihín ña naxandoo cán. ¹¹ Ndá cuénta queá co cándaa toho ini ndó ña coo naxachi i ña yóho xihín ndó sahá ña coo pan ñehe ndó vaxi ndó. Joo naxachi i ña cuénta coo ndó xihín na fariseo ta xihín na saduceo jáchi ña jánahá na cúu á tátuhun yúsá naxaa

ñá cáv táhan na xihín harina cávaha na pan — naxachi Jesús.

¹² Tá naxachi Jesús ña yóho já naxandaa ini na xica tuun xihín á cán ña a juú toho sahá yúsá naxaa cáhan Jesús sahá. Ña cuni Jesús cachi a xihín ná queá cuénta vaha na coo na xihín ña jánahá na fariseo xihín na saduceo.

Tá cáxi tuhun ndaa Pedro ña cúu Jesús mé á naxindahá Ndióxi cacomí a cuénta sahá ñayivi

(Mr. 8:27-30; Lc. 9:18-21)

¹³ Tá naxinu coo Jesús ñundáhyi Cesarea cuénta Filipino já naxandaa tuhún a na xica tuun xihín á cán já naxachi a já xihín ná:

—Ndá da cáchi ñayivi cúu yehe, da naxindahá Ndióxi nduu ñayivi — naxachi Jesús.

¹⁴ Já naxachi na cán já:

—Java na cáchi na ña cúu ndó Juan, da naxaja ndúta ñayivi. Ta java na cáchi na ña cúu ndó profeta Elías. Ta java na cáchi na ña cúu ndó profeta Jeremías. Ta java na cáchi na ña cúu ndó in táhan profeta nasanduu sanahá — naxachi na.

¹⁵ Anda já naxachi Jesús já xihín ná:

—Ta ndóhó ri, ndá da cáchi ndó cúu u — naxachi a.

¹⁶ Anda já nanducú ñehe Simón Pedro tuhun nu Jesús já naxachi da já xihín á:

—Mé ndó cúu Cristo, ña naxindahá Ndióxi cacomí cuénta sahá ñayivi. Ta cúu ndó in túhún jini já jahyi Ndióxi, mé a tácu in indivi — naxachi da.

¹⁷ Anda já nanducú ñehe Jesús tuhun nu dá já naxachi a já xihín dá:

—Tahvi nahá cúun, Simón, jahyi Jonás jáchi ni in túhún ñayivi coo naxaxi tuhun ña yóho xuhun. In túhún tátá i, mé a in indivi nanahá ña yóho nuun. ¹⁸ Ta quiahva joho cáchi ri yehe sahá yóho: Yohó cúun Pedro ta quivun cuni cachi a tóto. Ta cúun tátuhun yuu ndúhu sahá in vehe nuú cavaha i veñuhu mí i jáchi yóho caca nuún cahun sahá i nuú ñayivi já ná quee vaha na xihín tiñahá sacuañá já ná a cuhun na indayá. ¹⁹ Ta caju i xuhun ña ná cuu ndicanún nuú ñayivi ndaja ndiquiahva na mé ná ndáha i cacomí i cuénta sahá ná. Cacuu a tátuhun quiahva i yávi nuun ña ná cunún ichi nuú ndihvi ñayivi cacomí i cuénta sahá ná. Tá co sáhuñ ñamaní ná ndihvi ñayivi cán já queá a quiahva toho i ñamaní nu ná. Joo tá sáhuñ ñamaní nu ná ndihvi na cán já queá quiahva ri yehe ñamaní nu ná — cáchi a xihín Pedro.

²⁰ Anda já nasahnda Jesús chuun nuú na xica tuun xihín á cán ña ná a cáxi tuhun na xihín ni in túhún ñayivi ña cúu mé á Cristo, mé á naxindahá Ndióxi cacomí cuénta sahá ñayivi.

Tá cáxi tuhun Jesús ña quivi a
(Mr. 8:31-9:1; Lc. 9:22-27)

²¹ Ta janda mé quivi já nacasáhá Jesús cáxi tũhun a xihín na xica tuun xihín á ña ndítahan nu á cũhun a ñuu Jerusalén. Ta mé cán ndoho ndivaha ini a ndahá na sacuaħa veũhu xihín ndahá na sacuaħa nuũ jutu xihín ndahá na jánaħa ley Moisés. Ta caja xixi ri na cán va xihín á ta cahni ñahá na. Joo tá ná xĩnu unĩ quivi nditacu tucu a. ²² Anda já naťava xoo Pedro Jesús já nacasáhá da jánaħi ñahá da já nacachi da já xihín á:

—Ama ná yaha ña yoho xihín ndó, xitoho i. Ná a quiahva toho Ndióxi ñamanĩ ndoho ndó já —nacachi Pedro xihín Jesús.

²³ Joo nacava nuu Jesús sándehe a nu Pedro ta já cáchi a já xihín dá:

—Cuáhán quee Satanás, ri cúu tiñahá sacuaħa. Tá quiahva ĩn na sáji nuu nu ná quiahva já ĩn nuũ i. Jáchi co cáhvi inũn tá quiahva cáhvi ini Ndióxi joo cáhvi inũn tá quiahva cáhvi ini ñayivi cuéntá ñuyívi yoho —nacachi Jesús xihín dá.

²⁴ Anda já nacachi Jesús já xihín na xica tuun xihín a cán:

—Ndá na cúni candico yeħe ndítahan nu ná ndiħi chága ini na saħa yeħe a juũ ga saħa mé ná. Ta ndítahan coo tiaħva na ndoho ini na saħa yeħe. Ta coo caja toho a ná quivi na saħa i. ²⁵ Jáchi ndá na catóo coo chága ñuyívi yoho ndiħi saħa ná. Joo ndá na saħan ndeé ini quivi saħa i xihín saħa tũhun Ndióxi, ñeħe táhvi ná catacu na anda ama cáa quivi. ²⁶ Vatí ná quee vaha in na ñuyívi yoho ta cómi na tóco ndiħi ñaha ñuyívi yoho joo ndá chuun queá tá nu ndíħi ndiħi saħa ná indayá. Jáchi ni in ñaha a cuũ cháhvi in na saħa ĩnima ná ña ná a cũhun na indayá. ²⁷ Jáchi yeħe, da naħindahá Ndióxi nduu ñayivi quixi tucu u xihín ndeé Ndióxi, tátá i ta xihín ndeé táto Ndióxi. Mé tiempo cán náħa ndaja cáhnu cúu yeħe. Anda já cháhvi i nuũ in in ñayivi saħa ñaha nacaja na nani naħandu na ñuyívi yoho. ²⁸ Mé a ndaa ná caħan i xihín ndo ña java na nduu yoho a quívi toho na janda quiahva ná xĩnu quivi cuni na quixi tucu yeħe, da naħindahá Ndióxi nduu ñayivi cacomí i cuéntá saħa na cúu cuéntá mí i —cáchi Jesús.

17

Tá nandijama nuu Jesús quiahva cáa
(Mr. 9:2-13; Lc. 9:28-36)

¹ Tá nayaħa ĩnu quivi já nandaa Jesús in yucú jícó ta ndáca táhan Pedro xihín Jacobo xihín ñani da Juan cuħan na xihín á. ² Ta nu táhvi mé na cán nandijama quiahva cáa. Ta a juũ quiahva nandiyehé nuu á tá quiahva ndiyehé candii. Ta jáhma ndíxi a nandiyaa cachĩ ña ta chí a juũ quiahva yeħe ña. ³ Ta ndaja coo nandaca náħa Moisés xihín Elías ta nacasáhá ndítũhũn da xihín Jesús. ⁴ Anda

já nandicaħan Pedro xihín Jesús já nacachi da já xihín á:

—Vaha cúu ndúu nde yoho, xitoho nde. Tá cúni ndó cavaha nde unĩ veħe tiyahvá válí. In a coo mé ndó ta inga coo Moisés ta inga coo Elías —cáchi Pedro.

⁵ Ta nani cáħan Pedro naħuu in viço jata ná ta nacava nuu a na. Ta a juũ quiahva ndató yeħe a. Ta tañu viço cán naħini joho na ña cáħan in a ta já cáchi a já:

—Da yoho cúu jahyi maní i ta cáji ini i xihín dá. Cuni joho ndó nu cáħan da —nacachi mé a cán.

⁶ Tá naħini joho na xica tuun xihín Jesús cán ña cáħan yoho já nacaxití na janda quiahva naħinu nuu ná nu ñũhu. Ta a juũ quiahva ná yihvi na. ⁷ Anda já nacayati Jesús nu ná ta naħani ndaa ndáħa na já nacachi a já xihín ná:

—Cuándacoo ndó. A cáyhvi toho ndó —nacachi Jesús xihín ná.

⁸ Ta tá nandĩneħe na cán nuu ná já naħini na ña ĩn in tũhũn ĩni mé va Jesús.

⁹ Ta tá naħuu na ĩni yucú cán já naħahnda Jesús chuun nu ná já nacachi a já xihín ná:

—A cáxi tũhun ndó ña naħini ndó yoho nuu ni in ñayivi janda quiahva ná nditacu tucu yeħe, da naħindahá Ndióxi nduu ñayivi —nacachi Jesús.

¹⁰ Já nacachi na cán já xihín á:

—Ndávaħa cáchi na jánaħa ley Moisés ña ndítahan quixi ĩhna ñũhú profeta Elías —nacachi na.

¹¹ Já nacachi Jesús já xihín ná:

—Mé a ndaa ĩhna ñũhú quixi Elías ta ndaja vaha ndiħi da ñaha. ¹² Joo mé a ndaa ná caħan i xihín ndo ña sa naquixi va Elías joo coo naħeen na ndicuni na da. Ta nacaja na tá quiahva cúni mé ná xihín dá. Ta quiahva já jándoho ri na ini yeħe, da naħindahá Ndióxi nduu ñayivi —nacachi Jesús.

¹³ Anda jávi nacandaa ini na xica tuun xihín Jesús cán ña cáħan Jesús saħa Juan, da najácandũu ñayivi tá nacachi a ña sa naquixi va Elías.

Tá nandaja vaha Jesús in da loho ndácaħan ĩnima quini ini

(Mr. 9:14-29; Lc. 9:37-43)

¹⁴ Ta tá sa naħuu na ta naħinu coo na nu ndúu cuahá ñayivi cán já naħinu coo in dataa ta já nacaxití da nu Jesús. Já nacachi da já xihín á:

¹⁵ —Candáħvi loho ini ndó jahyi i, xitoho i jáchi xihĩ yihĩ da ta ndóho ndivaha ini da. Ta cuahá tañu ndicava da nu ñũhu itá á ini ticuĩ. ¹⁶ Ta ñeħe e da nacasaã i nuu na xica tuun xihín ndó yoho joo coo naħuu ndaja vaha na da —nacachi da xihín Jesús.

¹⁷ Anda já nacachi Jesús já:

—Ndáhví nahá ñacuu ndó jáchí sá cuahá ndivaha quiví iní j xihín ndó ta a ñáha candeé ini ndó yehe. Cúu ndó ñayivi quini ndivaha chí co ndeé ga ini j xihín ñá cajú ndó. Taxi ndó ña loho jan chéso —ñacachi Jesús.

¹⁸ Andá já najáñani Jesús rí quini ndácaan ini dá loho cán. Chí ñaqueta rí cuahán rí ta mé hora já nandivaha dá loho cán.

¹⁹ Tá nandihí já ñacahan jehé ñá xíca tuun xihín Jesús cán xihín á já ñacachi na já:

—Ndávaha coo ñacuu cajú nde tavá nde ínimá quini ñasandacaan ini dá loho jan —ñacachi na xihín Jesús.

²⁰ Já ñacachi Jesús já xihín ná:

—Coo ñacuu cajú ndó jáchí co candeé cáhnu ini ndó yehe. Mé a ndaa cáchí j xihín ndó, loho tíin ndivaha cáa in ndiqú mostaza joo ndúu dó in yitó cáhnu. Tá candeé loho ini ndó yehe viti vaxi quiví candeé chága ini ndó yehe. Andá jáví cuu cajú ndó in ñaha ihví ndivaha tátuhun ñá cuu cachi ndó xihín in yúcu ñá ná caxoo a ta chí caxoo ndusa ñá. Tóco ndihí ñaha cuu cajú ndó tá ná candeé ini ndó yehe. ²¹ Joo tá cúni ndó tavá ndó ínimá quini tátuhun rí yóho xíni ñúhú cajuhun ndó ta caça tahví ndó nu Ndióxi —cáchí Jesús xihín ná.

*Tá cáxi tuhun tucu Jesús ñá quiví a
(Mr. 9:30-32; Lc. 9:43-45)*

²² Ta ndaja coo xíca títú ndihí ñá xíca tuun xihín Jesús cán cuahan na xihín á chí estado Galilea. Ta já nandicani Jesús nuú ñá cán ñá tandaa quiví ndiquiahva ñayivi mé á ndáha ña cahní ñahá, mé a ñachindahá Ndióxi nduu ñayivi. ²³ Ta ñacachi a xihín ná ñá tá sá ná yaha uní quiví já nditacu tucu a. Tá ñacachi Jesús ñá yóho xihín ñá xíca tuun xihín á cán já ñacacuéha ndivaha ini na.

Tá ñachahvi Jesús jihún impuesto cuéntá veñuhu cáhnu ñuu Jerusalén

²⁴ Tá ñaxinu coo Jesús ñuu Capernaum xihín ñá xíca tuun xihín á já ñaxinu coo ñá já taca jihún impuesto cuéntá veñuhu nu Pedro. Já ñacachi na já xihín dá:

—Á co cháhví toho Jesús, dá jáñaha ndohó jan jihún impuesto cuéntá veñuhu ñuu Jerusalén —ñacachi na xihín Pedro.

²⁵ Andá já ñacachi Pedro já:

—Cháhví a ñá —ñacachi da.

Andá já nandihvi Pedro ini vehe nu ndácaan Jesús joo jihna ñúhú nandicahan Jesús xihín dá já ñacachi a já:

—Ndíá cáhvi inún, Simón. Yo já ndítahan nuú chahvi jihún cuéntá impuesto nuú ñá sáhdá chuun ñuyíví yóho. Á ñá ñuu mé ná á ñá ñuu tóho —ñacachi Jesús.

²⁶ Já ñacachi Pedro já:

—Ñá tóho va sá cháhví jihún cajú na —ñacachi Pedro.

Já ñacachi tucu Jesús já:

—Sahá ñá cán queá mé ñá ñuu co cháhví toho na. ²⁷ Joo mí co cúni yo ñá ná ndicuíta na xohó sahá ñá cán queá cuhún tañuhú. Ta mé cán tavún tiyacá. Ta rí nu cuití ná tavún jan candehún yúhu rí jáchí jan nditáhun in jihún cajú. Ta cañe a cuhun chahvún sahá mún ta sahá mí j jáchí queta va —ñacachi Jesús xihín Pedro.

18

*Ndicani Jesús ndá ñá cúu ñá in chága saha
(Mr. 9:33-37; Lc. 9:46-48)*

¹ Mé tañu já ñacayati ñá xíca tuun xihín Jesús nu á já ñacasahá ndáca tuhún ñahá ñá já ñacachi na já xihín á:

—Yo já cacuu dá cáhnu chága tá ná tandaa quiví cacomí Ndióxi cuéntá sahá ñayivi —ñacachi na xihín Jesús.

² Andá já ñacana Jesús in dá loho já ñasacandichi a dá mahñú java ñá cán. ³ Já ñacachi a já:

—Mé a ndaa ná cahan j xihín ndo ñá ndítahan ndaja núu ndó mé ndó ta nduu ndó tátuhun na valí já cuu cacomí Ndióxi cuéntá sahá ndo. ⁴ Ñá cúni cacuu ñá cáhnu chága tá cacomí Ndióxi cuéntá sahá ñayivi ndítahan nduu na tátuhun in ñá coo sahá ta já nduu na tátuhun taa loho yóho. ⁵ Ta ndá ñá ná ndiquehe in aloho tátuhun dá yóho sahá ñá cúni ñá yehe, ñá cán cúu ñá ndiquehe rí na yehe viti.

*Tá jándacava ñayivi inga na nuú cuachi
(Mr. 9:42-48; Lc. 17:1-2)*

⁶ Ta ndá ñá ná jándacava in ñá ndahví, ñá candeé ini yehe nuú cuachi jandá vaha chága ná candico in yuú yojó jico ná ta ná ndihí sahá ñá cahá tañuhú. ⁷ Ndáhví nahá ñacuu ñayivi ñuyíví yóho jáchí mé a ndaa in cuahá ndivaha ñá núu ñuyíví yóho. Ñá cán queá ndácava cuahá ñayivi nuú cuachi joo ndáhví nahá ñacuu ñá jándacava inga na nuú cuachi.

⁸ Sahá ñá cán queá tá ndáha ndo á sahá ndo jándacava ndohó nuú cuachi, chituhun ndó a ta jácana xíca ndó ñá ná cuhun á. Jáchí vaha chága ná cuhun réncó ndó á lundú ndó indiví a juú ga ñá ná cuhun ní yiquí cuñu ndó indayá nu cáyi ñúhú ita andá ama cáa quiví. ⁹ Ta tá nduchú núu ndo jándacava ndohó nuú cuachi, tavá ndó ñá ta jácana xíca ndó ñá ná cuhun á. Jáchí vaha chága ná cuhun ndó indiví xihín in tuhún nduchú núu ndo a juú ga ñá ná cuhun ndó xihín ndíví nduchú núu ndo indayá nu cáyi ñúhú ita.

*Tá sácú Jesús quiahva saha in ndicachi, rí nandíñuhú
(Lc. 15:3-7)*

¹⁰ Coto a quehe núu ndó ni in ñá cúu cuéntá mí j jáchí cáchí j xihín ndó ñá táto

Ndióxi, mé ná ndáá ná cán ní tiempo ndíta na nu Ndióxi, tátá i indivi. ¹¹ Jáchí yehe, dá nachindahá Ndióxi nduu ñayivi naquixi i jácacu u ñayivi, ná cája cuachi.

¹² Cuni joho ndó ná cahan i xihín ndo; Tá cómi in daṭa in ciento ndicachi ta tá ndiñúhú in rí já queá ña cája da queá jándacoo da comj jico sahun comj rí cán yucu ta já quee da cūhun dá ndinducú dá mé rí nandiñúhú cán. ¹³ Ta tá ndiñeḡe dá rí cajji chága ini da saha rí nandiñúhú cán a juú ga sahá comj jico sahun comj rí sa ndúu nu dá cán. ¹⁴ Ta quiahva já ndoho ri Ndióxi, tátá i jáchí co cuni mé á ña ná ndihi sahá ni in na cándeé ini mé á.

Nditahan caja cáhnu ini sahá ñani táhan i (Lc. 17:3)

¹⁵ Tá cája quini ñani táhan ndó xihín ndo já queá tavá xoo ndó dá ta cahan ndó xihín dá ña ná ndicuni da ña a váha toho cája da. Ta tá ná tahvi ini da sahá cuachi cája da já queá sa nandiquehe táhan manj tucu ndó xihín dá. ¹⁶ Joo tá co cuni dá cuni joho da nu cahan ndo já queá ndítahan nu ndó cana ndó in á ivi chága ñani táhan ndó já ná cacuu na testigo sahá ña cahan ndo. ¹⁷ Ta tá co cuni dá cuni joho da nu cahan ná cán xihín dá tá quiahva cája ndó xihín in da tóho, dá co cándúsa Ndióxi á in dá játaca jjuhún cuéntá impuesto.

¹⁸ Mé a ndaa ná cahan i xihín ndo ña tóco ndihi ñaha ná caṭo ndo ñuyivi yóho candico a janda indivi. Ta tóco ndihi ña ná ndaxi ndo ñuyivi yóho janda indivi ndaxi ña.

¹⁹ Ta jári cahan i ña yóho xihín ndó. Tá jándique táhan tuhun ivi ndó ñuyivi yóho ta tá mé a ndaa in cúu ndó sahá ña xíca tahvi ndó nu Ndióxi, mé á in indivi já queá quiahva tátá i ña nu ndo. ²⁰ Jáchí nu ndúu ivi á unj ná ta táca ná cuéntá mí i já queá tañu ná cán ndacaan i —nācachi Jesús.

Tá sácú Jesús quiahva sahá in da co cuni caja cáhnu ini da sahá inga da

²¹ Ta ndaja coo nācayati Pedro ndáca tuhún dá Jesús já nācachi da já:

—Xitoho i, ndaja tañu xini ñúhú caja cáhnu ini i sahá ñani táhan i tá cája núu da xihín i. Á ndítahan nuú i caja cáhnu ini i sahá dá janda usa tañu —nācachi da xihín Jesús.

²² Já nācachi Jesús já xihín dá:

—A juú janda usa tañu cuiti ndítahan caja cáhnu inún sahá ñani táhún. Vaha janda comj ciento comj jico uxu tañu ndítahan nuun caja cáhnu inún sahá ñani táhún.

²³ Cáchí i ña yóho xihín ndó jáchí tá cómi Ndióxi cuéntá sahá ñayivi cúu á tátuhun ña nayaha xihín in rey tá nācasáhá dá játaca da

cuéntá nuú ná yíca nu dá. ²⁴ Mé tañu já ñehe na in da yíca cuahá millón nu dá nācasaa ná. ²⁵ Ta sahá ña coo nācuu chahvi da ña yíca dá sahá ña cán queá nāsahnda rey chuun ña ná jico ná mé dá xihín ñajíhí dá xihín jahyi válí dá ta janda ñaha da viti ña ná cuu ndiquehe rey cán cuéntá dá. ²⁶ Anda já nācaxítí dá yíca cán nu mé rey já nācasáhá xíca tahvi dá já cáchí dá já: “Caja ndó ñamanj, xitoho i candati tóo chága ndó yehe, ndáhvi i, já chahvi ndihi i ña yíca i nu ndo”, nācachi da xíca tahvi da nu rey cán. ²⁷ Anda já nācandáhvi ini rey cán dá ta nācaja cáhnu ini a sahá tóco ndihi ña yíca dá já najani a dá cuahan dá.

²⁸ Ta tá naqueta dá yíca cán cuahan dá já nandique táhan da xihín inga dá cúu mozo. Ta mé mozo cán yíca dá loho va nuú dá cán. Ta já nācasáhá dá ndáca yihí dá cuéntá nuú dá cúu mozo jácuahún ñaha dá. Já cáchí dá já: “Chahvún ña yícun nuú i”, cáchí dá cán. ²⁹ Anda já nādacava xítí mé dá cúu mozo cán nu dá já nācasáhá xíca tahvi dá nu dá já cáchí dá já xihín dá: “Cajún ñamanj candati tóo chágun yehe, ndáhvi i, já chahvi ndihi i ña yíca i nuun”, nācachi dá cúu mozo cán. ³⁰ Joo coo nāxéen da ta ña nācaja da queá nāsahan dá nāchicaan dá dá cúu mozo cán vecaa janda quiahva ná cuu chahvi ndihi da ña yíca dá nu dá. ³¹ Ta tá naxini java ga ná cúu mozo cán ña yóho já nandihivhi ndivaha ini na ta chí ndáva na nāsahan ná nācaxi tuhun na nu mé rey cán ndaja cáa ña nācuu. ³² Anda já xójo ndivaha ini mé rey cán chí nācana da dá nāsayíca cán já nācachi da já xihín dá: “Mozo quini ndivaha cúu yóho. Cuahá ndivaha jjuhún nāsayícun nuú i joo nācaja cáhnu ini i saha tóco ndihi a jáchí naxíca tahvún nuú i. ³³ Quiahva já ndítahan ri nu yóho va caja cáhnu inún sahá ña yíca ñani táhún nuun jáchí já nācaja i xuhun”, nācachi rey cán. ³⁴ Ta sahá ña xójo ndivaha ini mé rey cán xihín dá sahá ña cán queá nandiquiahva da dá yíca cán ndáha ná jácaxáhan ñaha cán janda quiahva ná chahvi da saha tóco ndihi ña yíca dá —cáchí Jesús.

³⁵ Já nācachi tucu Jesús já:

—Quiahva já caja ri Ndióxi, tátá i, mé á in indivi xihín ndóho va tá co cája cáhnu ini ndó sahá ñani táhan ndó xihín ndinuhu ini ndó —cáchí Jesús.

19

Jánha Jesús nuú ná sa natandaha ña co ndítahan jándacoo táhan na

(Mr. 10:1-12; Lc. 16:18)

¹ Tá nandihí nācachi Jesús ña yóho já naquee a estado Galilea já naxinu coo a estado Judea, ña in inga xoo yuta Jordán cán. ² Ta a juú quiahva cuahá ñayivi nandico jatá ta nāndaja vaha mé á ná quihvi.

³Joo ndaja coo java na fariseo nacayati na nu Jesús sahá ña coto ndojó ñahá na cuni na. Já nacachi na já xihín á:

—Á núna nuú in dataa jándacoo da ñájíhí da saha ndá ña nacuu —nacachi na fariseo cán.

⁴Anda já nacachi Jesús já:

—Á a ñaha cahvi ndó tuhun Ndióxi nu cáhí a ña janda mé saha tá nacavaha Ndióxi ñayivi nu cuítí já nacavaha dataa ta nacavaha ñáñaha. ⁵Ta nacachi tucu a ña ndítahan nuú dataa jándacoo da tátá da xihín náná da já ndique táhan da xihín ñájíhí da. Já xinu ndívi na cán cacuu na tátuhun in víxí yiquí cuñu na. ⁶Sahá ña cán queá co cúu ga na ivi yiquí cuñu sahá ña ndanduu na tátuhun in túhún yiquí cuñu na. Sahá ña cán queá co ndítahan nuú da cán janí táhan da ña najácatáhan Ndióxi tá nãtãndãha ná —nacachi Jesús.

⁷Anda já nãndãca tuhún tucu na cán Jesús já nacachi na já:

—Joo já cachi ndó xihín nde: ndá cuéntá queá nasahnda ri Moisés chuun ña cuu cavaha in dataa in tutu quiahva da nu ñájíhí da ta xihín ña cán cuu jándacoo da ña —nacachi na cán xihín Jesús.

⁸Já nacachi Jesús já:

—Sahá ña táhyí ndivaha ínimã ndo sahá ña cán queá sahan Moisés ñamaní nu ndó ña cuu cavaha ndó tutu quiahva ndó nu ñájíhí ndo ña ná jándacoo ndó ña. Joo tá nacavaha Ndióxi ñayivi nu cuítí coo nacacuni toho a coo ña yóho. ⁹Cuni johu ndó ná çahan i xihín ndo. Tá ná jándacoo in dataa ñájíhí da ta co cúu á sahá ña nacaja ña cuachi xihín inga ta ta tá tandãha dá xihín inga ña já queá çaja da cuachi nu Ndióxi. Ta quiahva já íin ri cuachi da ná tandãha xihín ña nacandoo cán —cáhí Jesús.

¹⁰Tá naçini johu na xica tuun xihín Jesús cán ña yóho já nacachi na já:

—Tá ta quiahva já çaa janda vaha çãga ná a tandãhá ñayivi, dá já —nacachi na cán.

¹¹Já nacachi Jesús já:

—A juú ndihi ñayivi candaã ini ña çahan i yóho. Ndinuhu na ndínuna xini túni çaja Ndióxi, na cán cúu ná candaã ini ña yóho. ¹²Nduu java dataa ta a cuú tandãha da jáchi já nacacu da ta já ta çuu mé va da. Ta java da a cuú tandãha da jáchi já nacaja ñayivi xihín ná ta já ta çuu mé va na. Ta java da a tandãha da jáchi cuni da ndiquiahva ní da mé dá nu Ndióxi ña ná cacomí a cuéntá saha dá. Ta ndá ndó, na ndínuna xini túni, candaã ini ndó ña yóho —nacachi Jesús.

Çaja yii Jesús na valí

(Mr. 10:13-16; Lc. 18:15-17)

¹³Tá nãndihí já ñehe na java na valí nacasaã na nu Jesús ña ná chinuu a ndahá a jini ná ta já çãca táhvi a nu Ndióxi saha

ná. Joo ndaja coo na xica tuun xihín á cán nacasáhá na çaja cuehe na xihín na ndáca na valí cán. ¹⁴Já nacachi Jesús xihín na xica tuun xihín á cán já:

—Quiãhva ndó ñamaní ná quixi na valí nuú i ta a çáji nuu ndó nu ná jáchi cacomí Ndióxi cuéntá sahá ñayivi tá ná çaja na tá quiahva çaja na valí yóho —nacachi Jesús.

¹⁵Tá nãndihí já naçinuu Jesús ndãha á jini na valí cán. Anda já naçee a cuahan.

Nditúhun in da cuicá xihín Jesús

(Mr. 10:17-31; Lc. 18:18-30)

¹⁶Ta ndaja coo naçinu in dataa nu íin Jesús ta nãndãca tuhún ñahá da já nacachi da já:

—Maestro, mé ndó cúu ndó ta vaha ña cán queá ndãca tuhún i ndohó ndã ndítahan çaja i já ná ñehe táhvi i çuhun i indiví coo i anda ama çaa quivi —nacachi da xihín Jesús.

¹⁷Já nacachi Jesús já xihín dá:

—Ndá cuéntá queá cáchun xihín i ña cúu u da vaha. Ni in túhún toho ñayivi coo cúu ná na vaha ñuyivi yóho. In túhún Ndióxi cuítí va queá vaha. Tá cunun catacun nu íin mé á já queá xini ñuhú çajún ña sãhnda tuhun Ndióxi —nacachi Jesús xihín dá.

¹⁸Já nacachi da cán já:

—Ndá cúu mé ña ndítahan çaja i —nacachi da.

Já nacachi Jesús já xihín dá:

—Coto a cáhnun ndii. Coto a cóun xihín ñájíhí á yii ñani táhún. Coto a çaja cuíhnun. Coto a çáhnun ña tuhún sahá ñayivi. ¹⁹Ndítahan çaja cáhnun tátún xihín nãnun. Ta ndítahan quíhvi inún ñani táhún tá quiahva quíhvi inún mún —nacachi Jesús.

²⁰Já nacachi da yúta cán já xihín á:

—Janda ta loho nasacuu u nacasáhá i çaja i tóco ndihi ña sãhnda Ndióxi çaja i. Ndiã cúu ga ndítahan çaja i —nacachi da.

²¹Já nacachi Jesús já xihín dá:

—Tá ta cunun cacuin in ta ndacú nu Ndióxi cuáhã jicun tóco ndihi ñahún jan ta ndacahndún jihún jan nuú na ndãhvi já ñehe táhvun coo cuahá ñahún indiví. Ta tá nãndihí já quisun candicun yehe —nacachi Jesús.

²²Tá naçini johu da yúta cán ña yóho já naçee cuéhã ndivaha da cuahan da jáchi da cuicá ndivaha cúu dá.

²³Anda já nacachi Jesús xihín na xica tuun xihín á cán já:

—Mé a ndãã ná cachi i xihín ndó ña ndaja yãncã ndivaha çaa já ndiquiahva na cuicá mé ná ndãhá Ndióxi ña ná cacomí a cuéntá saha ná. ²⁴Jáchi janda çama çãga cuu yaha in camello ini in yávi sahá yítucú a juú ga ña ná ndiquiahva in da cuicá mé dá ndãhá Ndióxi ña ná cacomí a cuéntá saha dá —nacachi a.

25 Tá ñaxini joho na xíca tuun xihín Jesús cán ña yóho já ñacatóntó ndivaha na ta nandaca tuhún táhan na já cáchí na já:

—Ndá na cúu na cuu caju ndaa ínima, dá já —cáchi na.

26 Nandacoto nihni Jesús nu ná já ñacachi a já xihín ná:

—Ni in na a cúu caja ña yóho joo Ndióxi quea cuu caja ña jáchi ni in ñaha co ihvi toho nu Ndióxi —ñacachi Jesús.

27 Anda já ñacachi Pedro já:

—Joo ndehe, najándacoo ndihi nde ñaha nasacomí nde ta ndíco nde ndohó. Ndiá ñehe táhvi nde caja ndó —ñacachi Pedro xihín Jesús.

28 Anda já ñacachi Jesús já xihín dá:

—Mé a ndaa ná cachi i xihín ndo. Tá ná tandaa quivi nduu saá tóco ndihi ñaha já cacoo yehe, da ñachindahá Ndióxi nduu ñayivi nuú ndicáhnú ndivaha i. Ta cán cacoo ri ndóhó, na ñaxíca tuun xihín i nuú uxu ivi táyi vaha. Ta cán caja vii ndó sahá ndihuxu ivi táhndá na ñaxixi chíchi Israel. 29 Ta ndá na najándacoo vehe na á ñani na á quiahva na á tátá na á náná na á ñájihí na á jahvi na á ñndahyi na sahá yehe, na cán cúu na ñehe ná cuaha chága vi ñaha. Ta jatá ña cán ñehe táhvi ná catacu na nu Ndióxi anda ama cáa quivi. 30 Ta ndúu cuahá na ín sahá ñuyivi yóho viti joo vaxi quivi cacuu na na coo sahá nu Ndióxi. Ta ndúu cuahá na coo sahá ñuyivi yóho viti joo vaxi quivi cacuu na na ín sahá nu Ndióxi —ñacachi Jesús.

20

Sácú Jesús quiahva sahá java da sáhná uva

1 Já ñacachi Jesús já sácú a quiahva:

—Nuú cacomí Ndióxi cuéntá sahá ñayivi cúu á tátuhun ña yóho: Ín in datáa naha chá ñaquee da cuahan da nducú da mozo caja chúun da cahnda da uva nu ñúhu dá. 2 Ta ñacandoo da chahvi da in jjuhún caju naní denario in quivi. Ta já ñachindahá da mé mozo cán cuahan da caja chúun da nu ñúhu dá. 3 Tá ñandihí já ñaquee tucu da xihín ñaha ñúhu cán tátuhun caju in naha já ñanditahan da java dá ndúu núná uun nuú yahvi. 4 Já ñacachi mé da xihín ñaha ñúhu cán já: “Cuáhán ri ndóhó va cahnda ndó uva nu ñúhu i ta já chahvi i ndohó tá quiahva ndítahan nu ndó quehe ndó”, ñacachi da. Já ñaquee mozo cán cuahan da jáquee da nu ñúhu dá. 5 Ta tá ñacuu caxivi já ñaqueta tucu da xihín ñaha ñúhu cán cuahan da ta ñatiin da java ga da caja chúun xihín dá. Ta tá ñacuu caa uní ñatiin chága da da jáquee nu ñúhu dá. 6 Ta tá ñacuu tátuhun caju uhun sahini ñaqueta tucu da ta nuú yahvi cán ñaxini chága da da ndúu núná uun. Já ñacachi da já xihín dá ndúu

cán: “Ndá cuéntá queá sa ñacuu ndivi yaa ndúu ndó yóho”, ñacachi da xihín da ndúu cán. 7 Ta ñanducú ñehe da cán tuhun já cáchí da já: “Co caju chúun nde jáchi coo na quíxi ndúcu nde caju chúun nde”, ñacachi da cán. Anda já ñacachi da xihín ñaha ñúhu cán já: “Cuáhán ri ndóhó va cahnda ndó uva nu ñúhu i. Ta já chahvi i ndohó tá quiahva ndítahan nu ndó quehe ndó”, ñacachi da.

8 Ta tá sa ñacuaá já ñacachi da xihín ñaha ñúhu cán xihín da cómi chuun nu mozo cán ña ná cana da da cúu mozo cán já ná quehe yahvi da sahá chuun ñacaja da. Ta da ñaquihvi ñacaja chúun nu ndíhí cán, da cán cúu da jihna ñúhu ná quehe yahvi. Tá ñandihí cán ná quehe yahvi da ñaquihvi nu cuítí. 9 Anda já ñacasaa da ñaquihvi caju chúun caju uhun sahini já ñaquehe in in da cán in denario. 10 Ta ndaja coo tá ñacani a nuú da ñaquihvi caju chúun jandá naha cán quehe yahvi da já queá ñacahán da ña cuaha chága jjuhún ndiquehe da nuú da ñaquihvi caju uhun sahini cán. Joo quiahva já in denario ñaquehe ri in in da cán. 11 Sahá ña cán queá ñacasahá da cáhan cuachí da xihín da xihín ñaha ñúhu cán. 12 Já ñacachi da já: “Da ñandai cuu caju chúun nu ndíhí cuítí yóho in hora cuítí ñacaja chúun da. Ta tá quiahva ñachahvi ndó ndehe, da ñacaja chúun ndivi yaa nu ndítahvi quiahva já ñachahvi ri ndó nuú da cáa va”, ñacachi da cáhan cuachí da cán. 13 Anda já ñacachi da xihín ñaha ñúhu cán xihín in táhan mozo cán já: “Candehé, amigo. Co caju quini toho i xuhun. A a juú in denario ñacandoo i chahvi i nuun. 14 Juhun ña ndítahan quehún ta cuanúhun. Jáchi cuní chahvi i nuú da ñacaja chúun in hora cuítí va tá quiahva ñacandoo i chahvi i nu yóho. 15 Jáchi núná nuú i caju i ña cuní mí i xihín jjuhún i. Ta co ndítahan cahihvi inún sahá ña vaha ini i”, ñacachi da xihín ñaha ñúhu cán xihín da cáhan cuachí cán —ñacachi Jesús sácú a quiahva.

16 Ta ñacachi tucu a já:

—Sahá ña cán queá ndúu cuahá na ín sahá ñuyivi yóho viti joo vaxi quivi cacuu na na coo sahá nu Ndióxi. Ta ndúu cuahá na coo sahá ñuyivi yóho viti joo vaxi quivi cacuu na na ín sahá nu Ndióxi —ñacachi a.

Cáxi tuhun tucu Jesús ña quivi a

(Mr. 10:32-34; Lc. 18:31-34)

17 Ta tá sa ñaquee tucu Jesús cuahan chí Jerusalén já íchi cán ñatavá xoo a ndihuxu ivi na xíca tuun xihín a cán já ñacachi a já xihín ná:

18 —Candehé ndo. Yóho ndáa í cuahan yó chí Jerusalén nuú ndiquiahva na yehe, da ñachindahá Ndióxi nduu ñayivi ndahá na sacuahá nuú jutú xihín nuú na jánahá ley Moisés. Ta na cán cúu na cacu ini sahá

ndaja quivi i. ¹⁹ Andá já ndiquiahva na yehe ndahá nã tóho ñã ná cuacu ndaa na yehe. Ta cani na yehe ta já cata caa na yehe ndica cruxu joo tá ná yaha unj quivi já nditacu tucu u —ñacachi Jesús.

Tá naxica náná Jacobo xihin Juan ñamanj nuú Jesús
(Mr. 10:35-45)

²⁰ Andá já ñacayati ñájihí Zebedeo, ñá cúu náná Jacobo xihin Juan nuú Jesús. Ta ndáca ñá ndívi jahyi ñá ñacasaa ñá ñacaxití ñá nu á jáchi cúni ñá çaça ñá in ñamanj nuú Jesús.

²¹ Andá já ñacachi Jesús já xihin ñá:
—Ndá queá cúni ndó —ñacachi a.
Já ñacachi ñá cán já:

—Ñá cúni queá ná caja ndó ñamanj cahnda ndó chuun ñá ná cacoo in in jahyi i xoo jijn ndó. In da xoo cuáha ta in da xoo iti jijn ndó indivi tá ná cacomi ndó cuéntá sahá ñayivi —ñacachi ñá cán.

²² Andá já ñacachi Jesús já xihin ñá:
—Cò cándaq iní ndó ñá xica ndó nuú i —ñacachi a.

Andá já ñacachi a já xihin Jacobo xihin Juan cán:

—Á cuu ndoho ini ndó tá quiahva nditahan nuú i ndoho ini i. Jáchi ñá vaxi nuú i ndoho ini i cúú á tátuhun coho i in yáxi ndutá ova. Á ín tiahva ndó ndoho ini ndó tá quiahva ndítahan nuú i ndoho ini i andá quiahva ná quivi i —ñacachi Jesús xihin ndívi dá cán.

—Cuu caja nde ñá —ñacachi ndívi dá cán xihin Jesús.

²³ Andá já ñacachi tucu a já xihin dá:
—Mé á ndaa tandaa quivi coho ndó ñá ova ñúhu in yáxi, mé ñá coho i. Ta tandaa quivi ndoho ndivaha ini ndó tá quiahva ndoho ini i andá quiahva ná quivi i. Joo sahá ñá xica ndó cacoo in ndó xoo cuáha i ta in ndó xoo iti i a juú yehe cúú dá cuu quiahva i ñá nu ndó. Jáchi sa ñandicaxi Ndióxi ná ñehe táhvi cacoo cán —ñacachi a.

²⁴ Joo ndaja coo tá ñaxini joho ndihuxu chága nã xica tuun xihin Jesús cán ñá yóho já ñacasáhá nã xójo ini na xihin ndívi dá cúú ñani cán. ²⁵ Andá já ñacana Jesús tóco ndihi nã xica tuun xihin a cán já ñacachi a já xihin ná:

—Sa xini ndó ndaja caja nã sáhná chuun nuú ñayivi ndúu ñuyivi yóho. Ñá caja na queá jácandíhi na ñayivi ta caja na tá quiahva cúni mé ná. ²⁶ Joo cò ndítahan coo ñá cán tañu mé ndó jáchi ndá dá cúni cacuu dá cáhnu chága tañu ndó xini ñúhú cacuu da in dá caja chúun cuéntá ndihi ndó. ²⁷ Ta ndá dá cúni cacuu dá nu cuíti tañu ndóhó ndítahan cacuu da dá caja ndívi nuú ndihi ndó. ²⁸ Jáchi ni yehe, dá ñachindahá Ndióxi nduu ñayivi còo ñaquixi i ñuyivi yóho ñá ná caja ndívi ñayivi nuú i. Ñá ñaquixi i caja i queá caja ndívi i nu ná ta

ndiquiahva i mí i quivi i já ná cuu cacu ndaa iníma cuáhá ñayivi ná a cùhun nã indayá —ñacachi a.

Tá nandaja vaha Jesús ivi dá cuáa
(Mr. 10:46-52; Lc. 18:35-43)

²⁹ Ta tá ñaqueta Jesús ñuu Jericó xihin nã xica tuun xihin á cán já ndíco cuáhá ndivaha ñayivi jatá cásahan nã. ³⁰ Ta ndaja coo yati jijn íchi cán ñasanduu coo ivi dá cuáa ta tá ñaxini joho da ñá yáha Jesús cuahán já ñacasáhá ndívi dá cáyuhú dá já cáchi dá já:

—Jesús, dá ñaquixi chichi David, caja ndó ñamanj candáhvi loho ini ndó ndehe —cáchi dá.

³¹ Andá já ñacasáhá caja cuehe ñayivi xihin ndívi dá cuáa cán ñá ná catáji yúhu dá. Joo ví ga ví cáyuhú dá já cáchi dá já:

—Jesús, dá ñaquixi chichi David, caja ndó ñamanj candáhvi loho ini ndó ndehe —ñacachi dá.

³² Andá já nandaca ndichi Jesús já ñacana ndívi dá cuáa cán. Ta já nandaca túhun a dá já ñacachi a já xihin dá:

—Ndiá cúni ndó ñá ná caja i xihin ndó —ñacachi a.

³³ Já ñacachi ndívi dá cuáa cán já:
—Candehé nde cúni nde, xitoho.

³⁴ Andá já ñacandáhvi ini Jesús dá ta ñacani ndaa ndáha á nuú dá. Chí ivi laá nanuna nuú dá cuáa cán ta ñacasáhá dá ndíco dá jatá Jesús cuahán dá.

21

Ndihvi Jesús ñuu Jerusalén
(Mr. 11:1-11; Lc. 19:28-40; Jn. 12:12-19)

¹ Ta tá sa ja chá xinu coo na ñuu Jerusalén já ñaxinu nã in ñuu loho naní Betfagé yati jijn yúcu naní olivo. Ta cán ñasahnda Jesús chuun nuú ivi táhan dá xica tuun xihin á cán. ² Já ñacachi a já xihin dá:

—Cuáhán ndó ñuu loho jan ta tá ná xinu coo ndó jan ndiñehe ndó in búrró jíhi ndíco ndaa rí ta xihin mé rí jan cándichi inga búrró loho. Ndaxí ndó rí ta cañehe ndó ndívi rí quixi ndó. ³ Ta ndá ná ná cahan xihin ndó já queá cachi ndó xihin ná ñá xini ñúhú xitoho ndó rí joo tá ná ndihi chuun rí já nducú ñehe tucu da rí, já cachi ndó xihin ná —ñacachi Jesús xihin ndívi dá cán.

⁴ Tóco ndihi ñá yóho nayaha já ná xinu coo nuú ñá ñacahyi in dá profeta já:

⁵ Joho cachi ndó xihin nã ñuu Jerusalén:
“Candehé ndo. Ndáhvi uun cáa dá cómi cuéntá sahá ndó.

Vaxi da nu ndó ta canúu da jatá búrró jíhi, jahyi in rí ndiñojo, canúu da vaxi da nu ndó”, cáchi túhun Ndióxi.

⁶ Ta ndívi dá xica tuun xihin Jesús cán ñasahan dá ñacaja da tá ín ñasahnda Jesús chuun nuú dá. ⁷ Já ñehe da búrró jíhi cán xihin búrró loho, jahyi rí ñaxinu nã nuú Jesús.

Anda já nãchojó nã cotó ndéé nã jatã rí ta nãndaã Jesús jatã rí. ⁸ Ta mé cuahá ñayivi ndúu cã nãcasáhã nã chínduu na cotó ndéé nã íchí mé nuú yãha Jesús cã. Ta java na nãcasáhã nã sãhndã nã ndahã yító ta chínduu na do íchí mé nuú yãha Jesús cuhũn a. ⁹ Ta ñayivi cuaħan chí nuú ta jári nã vaxi chí jatã nãcasáhã nã cáyuhú nã já cáchí nã já:

—Cája cáhnu í dã naquixi chíchi David yóho. Ndicáhnu ñahã ná cacuu dã cómi cuéntã saħã yo jáchí cúú dá dã vaxi yuhú nuú Ndióxi. Cáhnu ná cacuu Ndióxi —cáchí ñayivi cuaħã cã cáyuhú nã cãsaħan nã xihĩn á.

¹⁰ Ta tá nãndihvi Jesús ñuu Jerusalén cã tóco ndihí ñayivi nãcasáhã cãtótó ndivãha na. Já cáchí xihĩn táhan nã já:

—Ndã dã cúú dã yóho —cáchí xihĩn táhan na.

¹¹ Java táhan nã cã cáchí nã:

—Dã yóho cúú in profeta, dã ñuu Nazaret cuéntã estado Galilea —cáchí xihĩn táhan na.

Tá nãtaxi Jesús nã ndúu jíco ñãha yéhe veñũhu

(Mr. 11:15-19; Lc. 19:45-48; Jn. 2:13-22)

¹² Anda já nãndihvi Jesús veñũhu cáhnu cã já nãcasáhã táxi ndihí a nã ndúu jíco xihĩn nã ndúu xéen cã. Ta nãxícó ñehe a mesa nã ndúu ndijama jũhũn cã ta nãxícó ñehe a táyi sãcoo nã ndúu jíco ndijata. ¹³ Já nãcasáhã cáchí a já xihĩn ndihí nã cã já:

—Já cáchí tuħun Ndióxi já: “Vehe mí i cacuu a vehe nuú quixi na caça tahví nã nuú Ndióxi”, cáchí tuħun Ndióxi. Joo ndóhó nãdai cuu ndó yóho cã cuíhã ndo nuú ñayivi —nãcachi Jesús xihĩn nã.

¹⁴ Tá nãndihí já nãcayati java nã cuaá xihĩn java nã rãncõ nuú á ini mé veñũhu cáhnu cã ta nãdãja vãha mé á nã. ¹⁵ Joo xójo ndivãha ini nã saçuahã nuú jutũ xihĩn nã jánaħã ley Moisés tá ñaxini na ñã xitúhũn nãcãja mé á ta tá ñaxini joho na ñã cája cáhnu nã valí cã mé á tá cáchí nã já: “Cája cáhnu í dã naquixi chíchi David.” Sãhá ñã cã queã xójo ini na ¹⁶ ta já nãcachi na já xihĩn Jesús:

—Á xini johũn ñã cáhan nã valí yóho —nãcachi na xihĩn Jesús.

Já nãcachi Jesús já:

—Ajan, xini joho i ñã cája cáhnu na Ndióxi. Á coo nãcãhvi ndó tuħun Ndióxi nuú cáchí a já:

Jãdã nã valí ta jãdã nã chíchí nãcãja Ndióxi xihĩn nã,

ñã ná cuu cãja cáhnu na mé á, cáchí tuħun Ndióxi —nãcachi Jesús xihĩn nã cã.

¹⁷ Anda já najãndãcoo a nã já naqueta jatã ñuu cã cuaħan chí ñuu Betania ta cã nãsaħiĩn a.

Tá nãchicãan Jesús cháhan jatã titó ñũhú
(Mr. 11:12-14, 20-26)

¹⁸ Ta ingã quívi itãan tá nãndicó coo a cuaħan chí Jerusalén já nãcasáhã cuico a cuaħan. ¹⁹ Ta yuhú íchí cã ñaxini a cãndichi in titó ñũhú. Ta chí nãsaħan sãndehé a á in cuĩhi nuú do caxi a. Joo coo ñãha ná ndiñehẽ a. Ndãħã uun dó cãn cuiti va in. Anda já nãcachi a já xihĩn do:

—Ni in túhũn gã tañũ a cãna cuĩhi nuú yóho —nãcachi a xihĩn do.

Chí ivi laã ñahĩchi titó ñũhú cã. ²⁰ Tá ñaxini nã xica tuun xihĩn Jesús cã ñã yóho já nãcatótó nã já cáchí nã já:

—Ndã cuéntã queã ñahĩchi titó ñũhú cãn ivi tuħun —nãcachi na xihĩn Jesús.

²¹ Ta nãnducú ñehe Jesús tuħun nuú ná já nãcachi a já:

—Mé a ndãã ná cãhan i xihĩn ndo ñã tá ná candéé ini ndó yehẽ ta ni loho co cáhvi ivi joho ini ndó já queã cuu cãja ndó ñã nãhnu cháã nuú ñã nãcãja i yóho. Ta jãdã cuu cãchí ndó xihĩn in yũcu: “Caxoo ta cuãhãn jáquetũ mũn ini tañũhú”, ta chí já ndusa coo. ²² Ta tá ná candéé ini ndó yehẽ nani xica tahví ndo nuú Ndióxi ta co cáhvi ivi joho ini ndó já queã ñehẽ ndó ñã xica ndo nuú á —nãcachi Jesús.

Tá ndãca tuħun nã Jesús yo sãhan ndéẽ nuú á ñã jánaħã mé á nuú ñayivi

(Mr. 11:27-33; Lc. 20:1-8)

²³ Tá nãndihí já nãndihvi Jesús ini veñũhu cáhnu cã ta nani jánaħã tuħun Ndióxi nuú nã ndúu cã ñaxinu nã saçuahã nuú jutũ xihĩn nã saçuahã nuú nã Israel cã nuú á. Já nãcachi na já xihĩn á:

—Yo já sãhan ñãmanĩ nuun cajũn ñã cájũn yóho —nãcachi na.

²⁴ Anda já nãnducú ñehe Jesús tuħun nuú ná já nãcachi a já:

—Ta ná ndãca tuħun ri yehẽ va ndohó ta tá ná nducú ñehe ndó tuħun nuú i andã já caçi tuħun i nuú ndó yo já nãsaħan ñãmanĩ nuú i cãja i ñã cája i yóho. ²⁵ Ta viti cáchí ndó xihĩn i yo já nãchindahã Juan ñã ná quixi da cãja ndũtã dá ñayivi. Á Ndióxi nãchindahã dã á ñayivi nãchindahã ñãhã —nãcachi Jesús ndãca tuħun a nã.

Já nãcasáhã nditúhũn xihĩn táhan na já cáchí nã já:

—Tá ná cáchí ñã Ndióxi queã nãchindahã Juan ta já nducú ñehe Jesús tuħun nuú yo já cáchí da xohõ: “Ndã cuéntã queã coo nãxëen ndó candũsa ndó dã, dá já”, cáchí Jesús xohõ. ²⁶ Ta tá ná cáchí ñã ñayivi cúú nã nãchindahã Juan já yihví yo ñã ndicũita ñayivi xihĩn yo. Jáchí tóco ndihí na cãndũsa na ñã naquixi Juan jáyãha da ñã nãcaħan Ndióxi nuú ñayivi —cáchí nã nditúhũn xihĩn táhan na.

²⁷ Sãhá ñã cã queã nãcachi na já xihĩn Jesús:

—Co xini toho ndẽ yo já nãchindahã Juan.

Anda já ñacachi Jesús já xihín ná:

—Ta ni yehe a cáxi tũhun i nu ndo yo já ñasahan ñamaní nuú i caja i ña yóho — ñacachi Jesús xihín na cán.

Sácu Jesús quiahva sahá ivi da cúu jahyi in dataa

²⁸ Anda já ñacachi tucu Jesús xihín na cán já:

—Cuni joho ndó ña nayaha in tañu. Ín in dataa ta nasahin ivi jahyi taa da. Ta nasahan da nuú in táhan da cán já ñacachi da já xihín dá: “Jahyi a, cuáhán caja chũun lohún nu ñuhú i nu cáa tó uva”, ñacachi da xihín jahyi da. ²⁹ Já ñacachi jahyi da já xihín dá: “A cũhun toho i jáchi cõ xica ini i cũhun i”, ñacachi da. Joo tá ñandihí ñacahvi ini da ña a váha ná cuu ini da chí já ñaquee da cuahán da caja chũun da nu ñuhú tátá da. ³⁰ Ta jári nasahan tátá da cáhan da xihín inga jahyi da ta quiahva já nasahnda ri da chuun nuú da cán. Ta da cán ñacachi da já xihín tátá da: “Ajan. Cũhun i”, cáchi da. Joo tá ñandihí cõ ñasahan toho da. ³¹ Ta viti cáchi ndó xihín i ndá da cúu da ñacaja ña cúní tátá da — ñacachi Jesús.

Já ñacachi na cán:

—Da nu cuítí.

Anda já ñacachi tucu Jesús já:

—Mé a ndaa ná cahan i xihín ndo ña ín chága sahá na játaça jũhún cuéntá impuesto xihín najihí xica jii ña ná cacomí Ndióxi cuéntá sahá ná a juú ga ndohó. ³² Jáchi ñaquixi Juan, da jácanduta ñayivi najánaha da ndohó ndaja ndítahan caja ndó ta cõ ñaxeen ndó candúsa ndó da. Joo na játaça jũhún cuéntá impuesto xihín najihí xica jii ñacandúsa na ña ñacahan da. Ta vatí ñaxini ndó ña yóho joo cõ ñaxeen ndó ndijama ndó ña caja ndó jáchi cõ ñaxeen ndó candúsa ndó mé Juan.

Sácu Jesús quiahva sahá java mozo, da ñacaja quini xihín xitoho da

(Mr. 12:1-12; Lc. 20:9-19)

³³ Cuni joho ndó ná cacu u inga quiahva nu ndo. Nasahin in dataa ta najánde cuahá dá tó uva nu ñuhú dá. Ta nasacu da in corra yitõ nu do. Ta ñacavaha da in nuú cũhí mé uva cán ña cavaha vino. Ta ñacavaha da in nu jicõ canúu da já cuu candaa da tóco ndihí dó cán.

’Anda já ñasahan ndojó da ñuhú dá nuú java na caja chũun na ña. Ta já ñaquee da cuahán xicá da. ³⁴ Ta tá ñaxinu tiempo jáquee na já ñachindahá dá java mozo da ña ná cũhun na nuú na ndúu cãja chũun ñuhú da cán ña ná ndiquiahva na nu dá ña cáni nu dá ndiquehe da sahá ñuhú dá ña ñasahan ndojó da nuú na cán. ³⁵ Joo ndaja coo na cãja chũun nu ñuhú cán ñatiin na in táhan da cúu mozo da cán ta ñacani na da. Ta inga táhan da cán ñasahní na. Ta inga táhan da

cán ñandicuita ñee na xihín yuu. ³⁶ Joo mé da xihín ñaha ñuhú cán ñachindahá cuahá chága da mozo da ñasahan da nu ñuhú dá. Ta tá quiahva ñacaja na xihín mé java mozo ñasahan nu cuítí cán quiahva já ñacaja ri na xihín tóco ndihí mozo cán.

³⁷ Tá ñandihí já ñasacu ini da xihín ñaha ñuhú cán chindahá da jahyi da jáchi ñacahán da: “Cãja i cuéntá coo toní ñuhú na xihín jahyi i”, ñacahán da xihín ñaha ñuhú cán. ³⁸ Joo tá ñaxini na cãja chũun ndojó ñuhú cán ña vaxi da cúu jahyi da xihín ñaha ñuhú cán já ñacachi xihín táhan na já: “Candehé ndo. Yóho vaxi da cúu jahyi xitoho í. Ta tá ná xinu quivi quivi xitoho í ta da yóho cacuu da ndicojo chuun sahá ñuhú yóho. Cõho cahní yó da já ná candõ ñuhú yóho ndáha mí”, ñacachi xihín táhan na cán. ³⁹ Ña cán quéa ñatiin na da ta natavá na da janda yuhú cõtu ta cán ñasahní na da — ñacachi Jesús sácú a quiahva.

⁴⁰ Anda já ñandaca tũhún Jesús na ndúu cán já ñacachi a já:

—Ndía cáhán ndo caja da xihín ñaha ñuhú yóho xihín na cãja chũun nu ñuhú dá — ñacachi a.

⁴¹ Anda já ñacachi na cán já xihín Jesús:

—Ña caja da quéa cahní da na quini, mé na ñacaja chũun tóo nu ñuhú da cán. Ta já ndiquiahva ndojó da ñuhú da nuú java ga na ña ná caja chũun na nu á. Ta tá jáquee na ndiquiahva na nu dá ña cáni nu dá ndiquehe da sahá ñuhú dá — ñacachi na cán xihín Jesús.

⁴² Já ñacachi Jesús já xihín na cán:

—Á a ñaha cahvi ndó tũhun Ndióxi nu cáchi a:

Mé yuu ña najácana da cávaha vehe, ña cán cúu ña ñandu yuu ndúhu sahá vehe ña ín chága sahá.

Ña yóho quéa ñacaja Ndióxi, ta cúu á in ñaha cáhnu ndivaha nu yo, cáchi tũhun Ndióxi.

⁴³ Ña cán quéa cáhan i xihín ndó ña cacu xoo Ndióxi ndohó ña ná a cacomí ga mé á cuéntá sahá ndo. Ta quiahva mé á ñamaní nuú java ga ñayivi ña ná ndihvi na nuú cacomí Ndióxi cuéntá sahá ná, mé na ndiquiahva na nu á ña cáni nu á ndiquehe a. ⁴⁴ Ta cáchi i xihín ndó ña yehe cúu u tãtũhun mé yuu cáhan i sahá. Ta ndá na ná ndicava jatá yuu cán chí chachi xéhe na. Quiahva já ndihí sahá ñayivi tá cõ cúní na cãndusa na yehe. Ta tá mé yuu cán ná yaha ndicava jatá in na já cãji ndihí ñahá. Quiahva já ndihí sahá ñayivi ini indayá tá cõ cúní na cãndusa na yehe — ñacachi Jesús.

⁴⁵ Tá ñaxini joho na cúu sacuaaha nuú jutu xihín na fariseo cán ña yóho, ñacandaa táhyi ini na ña sahá mé ná cáhan Jesús. ⁴⁶ Sahá ña cán quéa ñanducú na tiin na mé

á joo coo ñacuu caja na sahá ña ñayihvi na ñayivi jáchi cándúsa ñayivi cán ña cáhan Jesús cuéntá Ndióxi.

22

Sácu Jesús quiahva sahá vicó tándaḡa
(Lc. 14:15-24)

¹ Tá ñandihí já ñacasáhá tucu Jesús jánaḡa ñayivi xihín ndinuhu quiahva. Já cáchi á já xihín ná:

² —Nuú cacomí Ndióxi cuéntá sahá ñayivi cúú á tátuhun ña ñayaha xihín in rey tá ñacavaha da in vicó ña tandaha jahyi ṭaa da. ³ Ñachindahá da mozo da ña ná cuhun da cana da na ndítahan quixi. Joo coo ñaxeen na quixi na mé vicó. ⁴ Anda já ñachindahá chága da mozo da ña ná çaxi tuhun da nuú na ndítahan quixi cán ña sa ñacaja ndívi da ña cuxu na. Sa ñaxihí tndíquí xihín java ga quiti, rí ñandaha. Sa ñacandívi ndihí ñaha cuéntá vicó tándaḡa sahá ña cán queá ná quixi na. Ña yóho cúú chuun ñatahnda nu mozo cán çachi da xihín na ndítahan quixi cán. ⁵ Joo coo ndáa ña cán cuhun na. In táhan da cán ñaquee da cuahan da candehé da nu ñúhu dá. Ta inga da ñaquee da cuahan da caji ndahvi da. ⁶ Ta java ga na cán ñatiin na mozo mé rey cán ta ñacaja xixi na xihín dá janda quiahva ñasahní ñahá na. ⁷ Anda já ñaxojo ndivaha ini rey cán sahá ña cán queá ñachindahá da soldado da ña ná cuhun na çahní na ña ñasahní ndii cán ta ná chicaḡan ñúhu dá ñuu na. ⁸ Anda já ñacachi tucu rey cán já xihín java ga mozo da: “Sa ñacandívi tóco ndihí ñaha ña coo vicó joo ña ñacana j cán coo saḡa toho na quixi na vicó. ⁹ Ña cán queá cuahán ndó ndijáá cáyé náhu ta ndá ñayivi ñacuu cana ndó na ná quixi na vicó tándaḡa yóho”, ñacachi rey cán ñasahnda da chuun nu mozo dá. ¹⁰ Anda já ñaquee mozo da ñasahan ña ndijáá cáyé ta ndaja cá mé ñayivi najátaca na. Ñayivi vaha xihín na quini viti ñataca ñacaja na. Ta já najácutú ña vehe nuú coo vicó tándaḡa cán xihín ñayivi.

¹¹ Anda já ñandihvi rey nu ñúhu na cán já ñaxini da ndácaan in dataa, da coo ndíxi jáhma ña ndíxi na ndúu vicó tándaḡa. ¹² Ta ñacayati mé rey nu dá já ñacachi da já xihín dá: “Amigo, ndaja ñacajún ñaquihvún yóho tá coo ndíxi tohún jáhma ña ndíxi na ndúu vicó tándaḡa”, ñacachi rey xihín da cán. Joo coo ñanducú ñehe da tuhun nu rey. ¹³ Anda já ñasahnda rey chuun nu mozo da. Já ñacachi da já xihín ná: “Cató ndó ndáḡa dá xihín saḡa dá. Ta jácana ndó da chí jata nuú naá yávi. Cán cuacu ndivaha da anda quiahva çahná nuhu da”, cáchi da. ¹⁴ Jáchi cuahá ndivaha cúú ná ñacana Ndióxi ña ná cacomí á cuéntá saḡa joo chá cúú ná

ndiquiahva na ndáḡa mé á ña ná cuu çaxi a na —ñacachi Jesús.

Ndáca tuhún na Jesús á ndítahan nu ná çahvi na jjuhún cuéntá impuesto
(Mr. 12:13-17; Lc. 20:20-26)

¹⁵ Tá ñandihí já ñaquee na fariseo ñasahan na jándique táhan na tuhun na ndaja caja na coto ndojó na Jesús xihín tuhun cáhan mé á já ná cuu jácojo na cuachi jata. ¹⁶ Ña cán queá ñachindahá na java na cuéntá mé ná xihín java na cuéntá Herodes nuú Jesús já ñacachi na já xihín á:

—Maestro, xini nde ña ndinuhu ña ndaa cáhan mé ndó. Ta cándaḡa ini nde ña jánaḡa ndó ña ndaa saḡa íchi cuéntá Ndióxi. Ta coo quehe ndó cuéntá tá cáhan nuú ñayivi saḡa ndo. Ta cándaḡa ini nde ña tá cáhan ndó sahá in ñaha cája ñayivi cúú á sahá ña sándeḡé ndó janda ínimá ná. ¹⁷ Sahá ña cán queá cúni nde cándaḡa ini nde ndíá çachi ndó sahá ña yóho: Á ndítahan nuú nde çahvi nde jjuhún cuéntá impuesto nuú da cómi cuéntá saḡa ñuu Roma. Á çahvi nde ña á çahvi toho nde ña —ñacachi na cán xihín Jesús.

¹⁸ Joo sa ñacandaḡa ini Jesús á çahvi nuú ini na sahá ña cán queá ñacachi a já xihín ná:

—Coo cúú ndó tá quiahva ndaa ndó jáchi cúni ndó coto ndojó cuiti ndó yehe. ¹⁹ Jánaḡa ndó in táhan jjuhún ña çahvi ndó impuesto jan nuú j —ñacachi Jesús.

Anda já ñasahan na in jjuhún caa naní denario nu á. ²⁰ Tá ñaxini Jesús ña yóho já ñacachi a já xihín ná:

—Yo ñahná ta yo quivi queá ndaa nu á —ñacachi a.

²¹ Já ñacachi na cán já xihín á:

—Ñehe a ñahná xihín quivi da cómi cuéntá saḡa ñuu Roma —ñacachi na.

Anda já ñacachi tucu Jesús já:

—Ndiquiahva ndó ña cúú ñaha da cómi cuéntá saḡa ñuu Roma jan nu dá. Ta ndiquiahva ndó ña cúú ñaha Ndióxi nu á —ñacachi a.

²² Tá ñaxini johó na cán ña yóho já ñacatóntó na ta najándacoo na á ñaquee na cuahan na.

Tá ndáca tuhun na Saduceo Jesús á mé a ndaa nditacu ndii
(Mr. 12:18-27; Lc. 20:27-40)

²³ Ta sa mé quivi já ñasahan java na saduceo çahan na xihín Jesús. Ta mé na saduceo yóho coo cándúsa na ña nditacu tucu na sa ñaxihí. Sahá ña cán queá ñandaca tuhún na Jesús já cáchi na já xihín á:

²⁴ —Maestro, nu ley ñacahví Moisés sahaná ñatahnda chuun ta cáchi a já: “Tá tándaḡa in dataa xihín ñajihí da ta tá xihí da ta coo jahyi da cácu já queá ndítahan nuú ñani da tandaha dá xihín ña cuáḡan ñacandoo cán. Ta já ná coo jahyi da

cán xihín yuhú nuú ñani da”, cáchi ley Moisés. ²⁵ Ta viti cuni johó ndó ná cacu nde in quiahva nu ndó. Tañu mé nde yóho ñasanduu usá ñani. Ta da nu cuití cán ñatandaha dá xihín in ñáñáha. Tá ñandihí já ñaxihí da. Joo sahá ña cóo jahyi da ñacacu xihín ñájihí da sahá ña cán queá ñandiquehe ñani da, da chí jivi jatá dá ña cuáan cán. ²⁶ Ta quiahva já ñandoho ri da chí jivi cán jáchi ñaxihí da ta cóo jahyi da ñacacu xihín ña. Ta janda ndihusa ñani cán ñatandaha xihín ña ta ndihusa da ñaxihí ta ni in da cóo ñacacu jahyi xihín ña. ²⁷ Ta tá nu ndihí ñaxihí ri ñáñáha cán va. ²⁸ Ta viti cachi ndó xihín nde tá ná xinu quivi nditacu tucu ndji, ndá da cacuu ndusa yí ña cán jáchi ndihusa ñani cán ñatandaha xihín ña ñuyivi yóho —ñacachi na saduceo cán xihín Jesús.

²⁹ Andá já ñacachi Jesús já:

—A váha toho cáhan ndo jáchi co xini ndó ndaja cáhan tuhun Ndióxi ta ni co xini ndó ndá quiahva cáhnu cúu nde Ndióxi. ³⁰ Jáchi mé quivi tá ná nditacu tucu ndji a tándaha ga ná ta ni a quiahva na jahyi jíhi na tandaha ná. Cacuu na tátuhun táto Ndióxi ndúu indivi ta co tándaha na cán. ³¹ Joo sa xini yo ña nditacu tucu ndji. Á a ñaha cahvi ndó tuhun Ndióxi nu cáchi a já: ³² “Yehe cúu Ndióxi ña cája cáhnu Abraham ta yehe cúu Ndióxi ña cája cáhnu Isaac ta yehe cúu Ndióxi ña cája cáhnu Jacob viti”, ñacachi a. Ta ña yóho cuni cachi a ña tácu yí va Abraham xihín Isaac xihín Jacob vatí sa ñaxihí yiqui cuñu na —ñacachi Jesús.

³³ Tá ñaxini johó ñayivi ndúu cán ña yóho já ñacatóntó na xihín ña jáñaha Jesús nu ná.

Tá cáhan Jesús ndá ley queá cáhnu chága
(Mr. 12:28-34)

³⁴ Tá ñañehé na fariseo tuhun ña ñaquee váha Jesús ñasahnu a nuú na saduceo já ñanditútu ndihí na. ³⁵ Ta in táhan mé da cán, da jáñaha ley Moisés ñandaca tuhún da Jesús jáchi cuni da coto ndojó da mé á. Já ñacachi da já:

³⁶ —Maestro, ndia cúu ña cáhnu chága sahnda ley Moisés caji í —ñacachi da cán xihín Jesús.

³⁷ Já ñacachi Jesús já xihín dá:

—Ña cáhnu chága nu ley Moisés cúu ña yóho: “Ndítahan quihvi ini ndó Ndióxi, xitoho ndó xihín tóco ndihí ínimá ndó ta xihín ndinuhu ini ndó ta xihín tóco ndihí xini túni ndo.” ³⁸ Ña yóho cúu ley nu cuití ta cúu á ña cáhnu chága nu tóco ndihí ley. ³⁹ Ta tá quiahva íni ña nu cuití yóho quiahva já íni ri ña chí jivi va ta cáchi a já: “Xini ñuhú quihvi ini ndó ñani táhan ndó tá quiahva quihvi ini ndó mé ndó.” ⁴⁰ Ta jatá ndivi ña yóho tui tóco ndihí ley Moisés xihín ña najánaha na profeta sanahá —ñacachi Jesús xihín na fariseo cán.

Ndáca tuhún na Jesús ndáchi ñaquixi a
(Mr. 12:35-37; Lc. 20:41-44)

⁴¹ Ta nani ñanditútu ndihí na fariseo ndúu na nu Jesús cán já ñandaca tuhún a na. ⁴² Já ñacachi a já xihín ná:

—Ndia cáhvi ini ndó saha Cristo. Ndá chíchi cáhan ndo vaxi a —ñacachi Jesús xihín ná.

Já ñacachi na cán já:

—Vaxi a chíchi David, da ñasacuu rey sanahá —ñacachi na cán xihín Jesús.

⁴³ Andá já ñacachi tucu Jesús já xihín ná:

—Tá tá mé a ndaa vaxi Cristo chíchi David ndá cuénta queá ñacachi da ña cúu á xitoho da. Jáchi ñachutú ndaa ínimá David xihín ínimá yí Ndióxi tá ñacahyí da já:

⁴⁴ Já ñacachi Ndióxi xihín xitoho j:

“Cacoo xoo cuáha j yóho

janda quiahva ná caji j ña ná cacomún cuénta sahá na co cuni yohó”, ñacachi Ndióxi, ñacachi David.

⁴⁵ Ndávaha cáchi na ña vaxi Cristo chíchi David tá tá sa mé David ñacachi da ña cúu á xitoho da —ñacachi Jesús.

⁴⁶ Ta chí ni in na cóo ñacuu caji nducú ñehe na tuhun nu á. Ta janda mé quivi já ni in ga na cóo ñasahan ndeé ini ndaca tuhún chága na mé á.

23

Chicagan Jesús cuachi jatá na fariseo xihín
jatá na jáñaha ley Moisés

(Mr. 12:38-40; Lc. 11:37-54; 20:45-47)

¹ Andá já ñacachi Jesús já xihín tóco ndihí ñayivi ta xihín na xica tuun xihín á cán já:

² —Na jáñaha ley xihín na fariseo cúu ná na ndítahan nuú ndicani na ña cuni cachi ley Moisés. ³ Ña cán queá xini ñuhú caji ndó tóco ndihí ña jáñaha na nu ndo. Joo a cája toho ndó tá quiahva caji mé ná jáchi co caji na ña jáñaha mé va na. ⁴ Jáchi cája na ña ná coo ihvi ndivaha ley janda quiahva co ndeé ini ñayivi caji na ña. Joo mé ná ni loho tui co chindeé ñahá na. ⁵ Ta cája na tóco ndihí ñaha ña ná cuni ñayivi na jáchi cátoó na candico listoni náhnu jini ná xihín jico ndáha ná nu ndaa tuhun Ndióxi. Ta cátoó na coo lándá chága yuhú jáhna ná a juú ga java ga ñayivi. ⁶ Ta tá cuahan na víco cátoó na coo na nuú váha cuití va. Ta tá quihvi na veñuhu cátoó na cacoo na nu sácco na íni chága saha. ⁷ Ta cátoó na ña ná cáhan toni ñuhú ndivaha ñayivi xihín ná tá xica nuu na nuú yahvi. Ta chí a juú quiahva cátoó na ña ná cachi ñayivi ‘maestro’ xihín ná.

⁸ Joo ndóho co ndítahan nu ndó nducú ndó ña ná cáhan ñayivi ‘maestro’ xihín ndo. Jáchi in ñani cúu ndihí ndó ta in tuhún cúu maestro ndo, mé á cúu Cristo. ⁹ Ta a cáhan ndo tátá cáhnu xihín ni in ñayivi ñuyivi yóho jáchi in tuhún Ndióxi cúu á tátá ndo ta mé á

fin a indiví. ¹⁰ Ta a ndúcú ndó ña ná cahan ñayivi 'jefe' xihín ndó jáchi in túhún laá va cúú jefe ndo, mé a cúú Cristo. ¹¹ Ndá da cúú da cáhnu chága tañu ndó xini ñúhú da cája chúnun da sahá ndihi ndó. ¹² Jáchi ndá na ndifehe jícó mé, jánuu ndáha Ndióxi na. Joo ndá na jánuu ndáha mé nu Ndióxi, jándifehe jícó mé á na.

¹³ Ndáhví ñaçu ndó, na jánaḡa ley Moisés xihín na fariseo jáchi co cúú ndó tá quiahva ndáa ndó. Jáchi sáji nuu ndó nuú ñayivi já ná a cuú cacomi Ndióxi cuéntá saḡa ná. Ta ni ndóhó co ndiquiahva ndó mé ndó ndáha Ndióxi ná cacomi á cuéntá saḡa ndo. Ta cája ndó ña ná a cúu candaa ini ñayivi ndaja caja na ndiquiahva na mé ná ndáha Ndióxi. ¹⁴ Ndáhví ñahá ñaçu ndó, na jánaḡa ley Moisés xihín na fariseo jáchi co cúú ndó tá quiahva ndáa ndó. Jáchi cánda ndó vehe najihí cuān ta tá nandihí cuahá ndivaha xica tahví ndo nu Ndióxi jáchi cúní ndó jájahví ndó nuú ña núu cája ndó. Saḡa ña cán queá cáchi j xihín ndó ña ndóhó cacuu ndó na ndoho chága ini, caja Ndióxi.

¹⁵ Ndáhví ñahá ñaçu ndó, na jánaḡa ley Moisés xihín na fariseo jáchi co cúú ndó tá quiahva ndáa ndó. Jáchi a juú quiahva xica nuu ndó ndúcú ndo in táláa ñayivi ña ná candicó na ña jánaḡa ndo. Ta tá sa nandaja ndó na cuéntá mé ndó já cája chága na cuachi janda cáni a nu ná ndoho chága ini na indaya a juú ga mé ndó.

¹⁶ Ndáhví ñahá ñaçu ndó jáchi cúú ndó tátuhun na cuān ndáca inga na cuā. Jáchi jánaḡa ndó ñayivi ña tá sahan na tñun na nuú inga ñayivi nani táva na quiví veñuhu cáhnu já queá co ndúsa jáxinu coo na tñun na. Joo cáchi ndo ña tá táva na quiví jñuhun cuān ndácaan veñuhu cáhnu já queá ndúsa jáxinu coo na tñun na, já cáchi ndo. ¹⁷ Joo tónto ndivaha ndó ta cúú ndó tátuhun na cuā viti. Jáchi co cánda ini ndó ña ña chága saḡa veñuhu cáhnu a juú ga saḡa jñuhun cuān jáchi mé jñuhun cuān cúú á cuéntá Ndióxi saḡa ña ndácaan ini veñuhu cáhnu ña cúú cuéntá mé á. ¹⁸ Ta inga tucu ña jánaḡa ndó nuú ñayivi cúú ña yóho: Tá sahan in na tñun na nuú ñayivi nani táva na quiví nu ná Ndióxi já queá co ndúsa jáxinu coo na tñun na. Joo cáchi ndo ña tá táva ñayivi quiví ña sájoco na cánúu nu ná cán já queá ndúsa jáxinu coo na tñun na, já cáchi ndo. ¹⁹ Joo tónto ndivaha ndó ta cúú ndó tátuhun na cuā. Jáchi ña chága saḡa ná ná cán a juú ga saḡa ña sájoco na cánúu nu ná jáchi ña sájoco na cán cúú á cuéntá Ndióxi saḡa ña cánúu a nu ná cuéntá mé á. ²⁰ Saḡa ña cán queá ndá na táva quiví nu ná já queá táva ndihí ri na quiví tóco ndihí ña sájoco na cánúu nu ná cán. ²¹ Ta ndá na táva quiví veñuhu cáhnu já queá táva ri na quiví Ndióxi jáchi cán ña mé á. ²² Ta ndá na táva quiví

indiví já queá táva ri na quiví Ndióxi xihín quiví nu sájoco a saḡa ndá a chuun.

²³ Ndáhví ñahá ñaçu ndó, na jánaḡa ley Moisés xihín na fariseo jáchi co cúú ndó tá quiahva ndáa ndó. Mé ndó cávaḡa ndó uxu táhndá ña jáquee ndó ñundáhyi ndo ta sahan ndó in táhndá ña nu Ndióxi. Já cája ndó anda yucu válí ña támi sahan tátuhun menta xihín anís xihín comino. Joo co cája ndó ña ña chága saḡa ña saḡa ley Moisés. Jáchi co cája ndó ña ndaa ta co cánda hví ini ndó ñayivi ta co cándeé ini ndó Ndióxi tá quiahva saḡa ley caja ndó. Mé a ndaa xini ñúhú cája ndó tóco ndihí ña yóho joo a jándacoo ndó ña joco ndó nu Ndióxi in táhndá nuú uxu táhndá ña ñeḡe ndó. ²⁴ Mé ndó cúú ndó tátuhun na cuā ndáca inga na cuā. Jáchi ndinuhu ini ndó cája ndó ña coo cuahá saḡa cuéntá ley Moisés joo sácú xoo ndó ña ña chága saḡa nu Ndióxi caja ndó. Cúú ndó tátuhun in da ndihí ini da táva da in ndicama loho ndácaan tása da ná a cóc da ri. Joo co ihvi toho nu dá cocó da in camello.

²⁵ Ndáhví ñahá ñaçu ndó, na jánaḡa ley Moisés xihín na fariseo jáchi co cúú ndó tá quiahva ndáa ndó. Jáchi ndihí ini ndó caja ndó costumbre ña ndícata ndó jatá vaso xihín jatá coho joo ña ñúhu ini a cán najátaca cuíhna ndo saḡa ña ndiáva ndivaha ini ndó ña núu. ²⁶ Ndáhví ñahá ñaçu ndó, na fariseo jáchi cúú ndó tátuhun na cuā. ña ndítahan caja ndó nu cuití queá ndaja vii ndó inima ndó já cacuu ndó tátuhun in vaso á in coho sa ndícata vaḡa na jáchi nandiví ini a xihín jatá viti.

²⁷ Ndáhví ñahá ñaçu ndó, na jánaḡa ley Moisés xihín na fariseo jáchi co cúú ndó tá quiahva ndáa ndó. Cúú ndó tátuhun vehe válí ndíta camasanto nu táan na ndji. Ndató jándicuchu na jatá joo chí ini a a juú quiahva quini sahan jáchi ndinuhu lásá ndji ñúhu ini a. ²⁸ Quiahva já cúú mé ndó jáchi ndáa ndó tátuhun ñayivi vaḡa ndivaha. Joo mé a ndaa co cúú ndó tá quiahva ndáa ndó jáchi ndinuhu ña núu ndácaan inima ndo.

²⁹ Ndáhví ñahá ñaçu ndó, na jánaḡa ley Moisés xihín na fariseo jáchi co cúú ndó tá quiahva ndáa ndó. Cávaḡa ndó vehe válí ndíta camasanto nu cáñuhu lásá na ñaçaçu profeta sanahá ta jácacutu ndó nuú nanduxu na ñacaja ndaa. ³⁰ Ta cáchi ndo já: "Ta tá ñasandu nde tiempo ñasandu tásáhnu jícó yo sanahá ta chí a chindeé toho nde na ñasahni profeta, na ñasandu sanahá", cáchi ndo. ³¹ Ta xihín ña yóho náḡa táhyí a ña ña quixi ndó chichi na ñasahni profeta sanahá. ³² Cuahán ndo jáxinu coo ndó mé cuachi ñacasahá cája tásáhnu jícó ndo sanahá.

³³ Mé ndó cúú ndó tátuhun coo jáchi cája ndó tá quiahva cája coo. A cuú caçu ndaa inima ndó ta chí tandaa quiví cuñun ndó

indayá nu ndoho ndivaha ini ndó. ³⁴ Saha ña cán queá yehe chindahá i java profeta nu ndó xihín java na ndichí xihín java na jánaha tuhun Ndióxi nu ndó. Joo java na cahni ndó na ta java na cata caa ndó na ndica crúxu ta java na cani ndó na ini veñghu ta java na taxi ndó na tá ñuu tá ñuu. ³⁵ Ña cán queá caça Ndióxi cuéntá nu ndó saha tóco ndihi ñayivi ndaa, na nasahni ndó sanahá. Caça mé á cuéntá saha Abel, da nasacuu da ndaa janda quiahva naxinu coo a nuú caça mé á cuéntá saha Zacarías, da nasacuu jahyi Berequías. Mé da yóho nasahni ndó ini veñghu tañu nu náa xihín nuú yji ndivaha. ³⁶ Mé á ndaa ná cahan i xihín ndó ña caça Ndióxi cuéntá saha tóco ndihi ndji jan nuú ñayivi ndúu tiempo viti.

Tá sácu Jesús sahá ñayivi ndúu ñuu Jerusalem

(Lc. 13:34-35)

³⁷ Ndáhví nahá nacuu ndó, na ndúu ñuu Jerusalem. Jáchi sáhní ndó na profeta. Ta ndicuítá ndó cáni ndó na xihín yuu na nachindahá Ndióxi nu ndó. Cuahá ndivaha tañu cúnj jándataca ndihi i ndoghó joo coo naxeen ndó cuni joho ndó. Cúú á tá quiahva cája nduxú tá jataca ri jahyi válí ri tíxi ndíxi ri. ³⁸ Ta viti cuni joho ndó ña cáhan i xihín ndó. Vaxi quívi tá janí ndáha mé vehe ndó candoo a. ³⁹ Ta mé á ndaa ná cahan i xihín ndó ña á cúnj ga ndó yehe janda quiahva ná xinu coo quívi cachi ndó: “Cáhnú nahá ná cacuu da vaxi cuéntá Ndióxi, xitoho í”, cachi ndó —nacachi Jesús xihín na cán.

24

Cáxi tuhun Jesús ña vaxi quívi ndihi sahá veñghu cáhnú ndácaan ñuu Jerusalem

(Mr. 13:1-2; Lc. 21:5-6)

¹ Ta tá sa naquee Jesús veñghu cáhnú Jerusalem cán cuahan já nacativi na xica tuun xihín á nu á ta nacasahá na cáhan na xihín á ndá quiahva cáa veñghu cán. ² Joo nanducú ñehe Jesús tuhun nu ná já nacachi á já:

—Mé á ndaa ná cahan i xihín ndó ña janda ni in yuu yóho á candoo jatá inga yuu jáchi vaxi quívi tá nditaní ndihi ña yóho —nacachi Jesús xihín na xica tuun xihín á cán.

Ña coo tá sa nacayati quívi ndihi sahá ñuyívi

(Mr. 13:3-23; Lc. 21:7-24; 17:22-24)

³ Anda já naquee Jesús cuahan chí yúcu nu cáa yitó olivo xihín na xica tuun xihín á. Ta nani ndúu na cán nacativi na xica tuun xihín á nu ín coo a cán já nacasahá ndáca tuhún xóo na á já nacachi na já xihín á:

—Cúnj ndé ña ná caxi tuhun ndó xihín ndé ndá ama coo tóco ndihi ña yóho. Ta ndaja coo tá ná xinu coo quívi quixi tucu ndó

ñuyívi yóho. Ta ndaja coo tá ná ndihi sahá ñuyívi —nacachi na xihín Jesús.

⁴ Já nacachi Jesús já:

—Cuéntá coo ndó ná á jándahvi ni in na ndoghó. ⁵ Jáchi cuahá ndivaha na quixi na cuéntá mí i ta cahan na ña tuhún tá cachi na já xihín ndó: “Yehe cúú Cristo, da nachindahá Ndióxi cacomi cuéntá sahá ñayivi”, cachi na. Ta xihín ña yóho cuahá ndivaha ñayivi jándahvi na. ⁶ Ta jandá joho ñehe ndó tuhun ña ndicuítá ñayivi cani táhan na yóho á cáa. Joo á cáyihvi toho ndó jáchi já ndítahan coo. Joo ña yóho coo cúnj cachi á ña naxinu coo quívi nu ndihi. ⁷ Jáchi ñayivi ndúu in nación ndicuítá na cani táhan na xihín na ndúu inga nación. Ta quixi tama ta quixi cuehe ta ndaja táhan quixi á táan. ⁸ Ta ña yóho cacuu a tondóhó ña casahá jihna ñúhú vaxi nuú ñayivi jáchi cámanj xinu coo nuú ndoho chága ini na.

⁹ Anda já tiin na ndoghó ta ndiquiahva na ndoghó ndahá na coo cúnj ndoghó já ná caja xíxi na xihín ndó. Ta cahni na ndoghó ta tóco ndihi ñayivi ndúu ñuyívi candají na ndoghó saha yehe. ¹⁰ Ta mé tañu já cuahá ná jándacoo na ña candeé ini na yehe ta ndaja táhan mé ná candají táhan na ta ndaja mé ná jíco tuhún táhan na. ¹¹ Ta quixi cuahá ndivaha na tuhún ta cachi na cúú ná profeta cuéntá Ndióxi joo jándahvi na cuahá ndivaha ñayivi. ¹² Ta sahá ña ndicuahá ndivaha ña núu ñuyívi yóho sahá ña cán queá jándacoo cuahá ñayivi ña quíhvi ini táhan na. ¹³ Joo ndá ná ná candíco tuun íchi mí i janda ná xinu quívi quívi na, na cán cacuu na caçu ndaa ínima. ¹⁴ Ta níí cúú ñuyívi ndicuítá nuu tuhun vaha cáhan sahá yehe já ná candaaq ini ñayivi ndá quiahva cacomi Ndióxi cuéntá sahá ná. Anda jáví ndihi sahá ñuyívi.

¹⁵ Na cáhvi tutu ná candaq ini na ña cáhan. Sanahá nacahyi profeta Daniel sahá in ña quini ña játiví ñahá. Tá ná cuni ndó ña xínu coo ña yóho nuú yji cuéntá Ndióxi ¹⁶ já queá ndá na ndúu estado Judea xíni ñúhú cunu na cuñun na chí yúcu. ¹⁷ Ta ndá ná cándóhó jini véhe, coo ndítahan nuu na tavá na ndá ñaha vehe na. ¹⁸ Ta ndá na ndúu yúcu, ná á ndíco coo na vehe na ndiquehe na jáhma ná. ¹⁹ Ndáhví nacuu najihí, na ñúhu jahyi mé quívi já. Ta ndáhví nacuu najihí na néhe ndaa na valí táhan ña chíhí yji. ²⁰ Caça tahvi ndo nu Ndióxi ña ná á cácuu á tiempo vixi tá ná cunu ndó cuñun ndo. Ta caça tahvi ndo nu á ña ná á cácuu a quívi ndíquehe ndéé ná. ²¹ Jáchi quívi ndoho ndivaha ini ñayivi cacuu a cán. Jáchi janda tá nacava sahá sahá ñuyívi coo nandoho ini na tá quiahva ndoho ini na mé quívi já. Ta tá ná yaha ña jan, á ndíco coo ga ña ndoho ini na quiahva já. ²² Ta tá ná á ndája cuítí Ndióxi tiempo cán ni in ñayivi á cúu cacuu ndaa. Joo sahá na

sa ñaçaxi mé á sahá na cán ndaja cuíti mé á tiempo cán.

²³ Ta tá ná cachi in na xihin ndó: “Candehé ndo. Yóho íin Cristo, da ñachindahá Ndióxi cacomí a cuéntá sahá ñayivi.” Á tá ná cachi na: “Candehé ndo. Caa íin da,” cachi na, já queá a cándúsa toho ndó na. ²⁴ Jáchi quixi cuahá na jándahvi ndohó ta ndaja na mé ná tátuhun Cristo. Joo á juú Cristo cúu ná. Ta quixi cuahá ná ta cachi na cahan na cuéntá Ndióxi ta jári caja na cuahá ndivaha ña náhnu xihín ña xitúhún ña ná jándahvi na ñayivi. Ta janda na sa ñaçaxi Ndióxi jándahvi na tá ná cuu caja na ña. ²⁵ Candehé ndo jáchi sa ñaçaxi tühun yachí ndihi i ña yóho xihín ndo. ²⁶ Ña cán queá tá ná cachi na xihín ndo: “Candehé ndo. Yucú íchi caa íin Cristo.” Já queá a cühun ndó jan. Á tá ná cachi na xihín ndo: “Candehé ndo. Ini vehe yóho ndácaan da cúu Cristo.” Á cándúsa ndó na. ²⁷ Jáchi tá quiahva yéhe tása queá xoo nu cána candii ta xójo cava indivi quiahva já queta yehe, da ñachindahá Ndióxi nduu ñayivi. ²⁸ Mé nu candúhu yiquí cuñu ndii cán cacuu nuú ndicutú tiyoó canduu rí.

Ndá quiahva coo tá ná quixi tucu Jesu-cristo

(Mr. 13:24-37; Lc. 21:25-33; 17:26-30, 34-36)

²⁹ Ta jivi laá tá jacá nayaha quivi ndoho nahá ini na cán já canaa nuú candii ta ní a ndiyehé ga yoq ta janda indivi quee quimi cuyu ri nu ñuhú ta janda indivi ña ñaçavaha Ndióxi ndiquiji nuu. ³⁰ Anda já ndaca náha ña xitúhún indivi já candaá ini ñayivi ña vaxi yehe, da ñachindahá Ndióxi nduu ñayivi. Ta ndaja táhan ñayivi nduu ní cúu sahá ñuyivi ndahyi cóhó na ta já cuni na yehe quixi i tañu vico indivi xihín tóco ndihi ndeé e ta cuni na ndá quiahva cáhnu cúu yehe. ³¹ Ta já chindahá i tátó mí i ña ná tiví cóhó na trompeta já ná nditaca tóco ndihi na ñaçaxi i tañu tóco ndihi ñuu janda ní cúu sahá ñuyivi ta janda ní cúu sahá indivi.

³² Jácuaha ndó ña cúnj cachi mé quiahva sácú u nu ndó sahá yito titó ñuhú. Jáchi tá yutá ndáha dó cán ta já vaxi núma válí do já candaá ini ndó ña sa ñaçayati tiempo íhní. ³³ Quiahva já cuu candaá ini ndó ña tá ná cuni ndó ña sa cúu tóco ndihi ña ñaçachi i xihín ndo yóho já cuu candaá cáxi ini ndó ña sa ñaçayati tiempo quixi tucu yehe ñuyivi yóho. ³⁴ Mé a ndaa ná cahan i xihín ndo ña yaha tóco ndihi ña yóho ta anda jávi quivi na nduu tiempo viti. ³⁵ Ta ndihi saha indivi xihín ñuyivi joo a ndihi toho sahá tühun ñaçahan i xihín ndo yóho jáchi coo tá coo tá quiahva ñaçachi i yóho.

³⁶ Joo ni in tühún toho ñayivi co xini na ndá quivi á ndá hora yaha ña yóho. Ni mé

tátó Ndióxi nduu indivi co xini na ndá quivi coo ña yóho. Ta ni yehe, da cúu in tühún jini já jahyi Ndióxi co xini ndá quivi coo ña yóho. In tühún Ndióxi, tátá i queá xini a. ³⁷ Tá quiahva nayaha tiempo tá ñasahjin Noé sanahá quiahva já yaha ri tá ná tанда quivi quixi tucu yehe, da ñachindahá Ndióxi nduu ñayivi. ³⁸ Jáchi mé tiempo cán tá cámaní cuun javi quini cán já cáxixi ñayivi ta cáxixi na ta tándaha ná nduu na janda quiahva ñaquihvi Noé ini barco cáhnu cán. ³⁹ Ta coó ñaquehe na cuéntá janda quiahva ñaxinu co javi quini cán ta najánaa dó sahá ndihi na. Quiahva já a quehe na cuéntá saha ndá quivi quixi yehe, da ñachindahá Ndióxi nduu ñayivi. ⁴⁰ Mé tiempo já canduu jivi dañaa xútu da ta in da ndindita cühun xihín i ta inga da candoo va. ⁴¹ Ta canduu jivi najihi ndico na ta in ña ndindita cühun xihín i ta inga ña candoo va.

⁴² Xini ñuhú coo tiahva vaha ndó jáchi co xini ndó ndá quivi quixi tucu xitoho ndó. ⁴³ Xini ñuhú candaá vaha ini ndó ña tá xini in dañaa ndá hora cuni quihvi ña cuñhá vehe da já queá a cúju toho da jáchi candaá vaha da vehe da já ná a quihvi da cuñhá vehe da. ⁴⁴ Sahá ña cán queá ndítahan canduu tiahva ri ndóhó va. Jáchi xinu coo yehe, da ñachindahá Ndióxi nduu ñayivi mé hora tá co cáhan ndo xinu coo i nu ndo.

Da cája chún vaha ta da co cája chún vaha

(Lc. 12:41-48)

⁴⁵ Mé ndó ndítahan nu ndó cacuu ndó tátuhun in da ndíchi jini, da cája chún vaha nuú xitoho da. Ta najándacoo xitoho da chuun ndáha dá ña ná quiahva da cuu na java ga cúu mozo xihín da cán. Anda já ñaquee xitoho da cuahan da. ⁴⁶ Tahvi ñacuu mé mozo cán tá xinu coo xitoho da ta ndítahan da cája chuun yji va da ña ñacandoo nu dá caja da. ⁴⁷ Mé a ndaa ná cahan i xihín ndo ña quiahva xitoho da cán chuun nu dá ña ná cacomí da cuéntá saha tóco ndihi ñaha cómi xitoho da. ⁴⁸ Joo tá cásahá da cája núu da ta cáhan da ña cayáncá ndivaha xitoho da ndico coo da. ⁴⁹ Ta sahá ña cán queá cásahá da cája xixi da xihín java ga na cúu mozo xihín dá. Ta já caa ga da cásahá xixi da ta xihí da ta já xini da. ⁵⁰ Ta ndaja coo xinu coo xitoho mozo cán mé quivi co cáhan da ña xinu coo da. ⁵¹ Anda jávi jándoho quini xitoho da cán ini da jáchi coo cúu dá tá quiahva caa da. Ta ndítahan ndoho da tá quiahva ndoho tóco ndihi na cája já mé nuú cuacu ndivaha na janda quiahva cáhñá nuñu ná —ñaçachi Jesús.

25

Sácú Jesús quiahva sahá ña ñaçaja uxu najihi, na tacú

¹Já cáchi tucu Jesús já:

—Tá ná xinu coo quivi cacomí Ndióxi cuéntá sahá ñayivi já cacuu a tá quiahva nayaha xihín uxu najihí, na tacú tá nasahan na vicó tándaha. Tá naquehe na candil ña ñiuh sítí ini já cuahan na ndique táhan na xihín da tándaha cán. ²Uhun táhan na tacú cán cúú ná na tácu ini ta uhun na cán cúú ná na co tácu toho ini. ³Ndiuhun na co tácu ini cán natiin na candil ñaha na cuahan na joo coo naquehe chága na sítí ña jácutú tucu na candil tá sa cuní ndahva ña. ⁴Joo ná tácu ini cán ñehe na candil ñaha na ta ñehe ri na yúyú sítí cuahan na ña jácutú na candil tá sa cuní ndahva ña. ⁵Ta ndaja coo ñacasáhá cáyancá mé da tándaha cán sahá ña cán queá nanaá ini ndihi na ta naquiji va na. ⁶Joo tá naacu yati java ñuú já tácu cáyuhú java na já cáchí na já: “Candehé ndo. Sa vaxi da tándaha. Cuahán queta ndó ndiquehe ndó da”, cáchí na cáyuhú na cán. ⁷Já nandacoo tóco ndihi na tacú cán ta ñacasáhá na cajú ndívi na candil ñaha na. ⁸Anda já ñacasáhá ndihuhun na co tácu ini cán cáhan na xihín ndihuhun na tácu ini cán já cáchí na já xihín ná: “Caja ndó ñamaní quiahva loho ndó sítí ndo nuú nde jáchi sa nandihí sítí nde ta jalóho cuní ndahva candil ñaha nde”, cáchí na co tácu ini cán. ⁹Já nanducú ñehe ndihuhun na tácu ini cán tuhun nu ná já cáchí na já: “A cúu toho caja nde quiahva nde sítí nu ndó jáchi tiaha náá ndimaní dó nu mé nde. Vaha chága cuahán mé ndó nu cáyahvi dó cuen ndó do”, ñacachi na tácu ini cán xihín ná. Já naquee na co tácu toho ini cán cuahan na. ¹⁰Joo nani naquee ndihuhun na co tácu ini cán cuahan na cuen na sítí na já naxinu da tándaha cán ta nandihvi ndihuhun najihí tácu ini cán ini vehe nu in vicó tándaha cán ta nandaji yéhe. ¹¹Tá nandihí já nandai cuu ndihuhun na nasahan ñaxeen sítí cán já cáti ndaha ná yéhe ta cáyuhú na já cáchí na já: “Cuná loho ndó yéhe nuú nde, xitoho”, cáchí na cáyuhú na ndíta na jatá vehe. ¹²Anda já nanducú ñehe da tándaha cán tuhun nu ná já cáchí da já xihín ná: “Co xini toho i yo cúu ndóhó”, ñacachi da cán xihín ná —ñacachi Jesús.

¹³Já ñacachi tucu Jesús já:

—Sahá ña cán queá xini ñiuhú cuéntá vaha coo ri ndóhó va jáchi co xini ndó ndá hora xinu coo quivi cacomí Ndióxi cuéntá saha ndo —cáchi Jesús.

Ña nacaja in taa xihín jjuhún da
(Lc. 19:11-27)

¹⁴Ta já cáchí tucu Jesús já:

—Tá ná xinu coo quivi cacomí Ndióxi cuéntá sahá ñayivi já cacuu a tátuhun ña nayaha xihín in dataa. Tá naxinu coo quivi quee da cuhan xicá da já nacana da java da cajú chún xihín dá. Tá já nandiquiahva da

jiuhún da ndahá da cán ña ná candaa da ña. ¹⁵Ta tá quiahva tiaha in in da cañehe da jiuhún quiahva já nasahan xitoho da nu dá. In táhan da cán nasahan xitoho da uhun mil nu dá ña ná candaa da ña. Ta inga da cán nañeñe ivi mil. Ta inga da cán nañeñe in mil. Anda já naquee xitoho da cuahan xicá da. ¹⁶Ta ndaja coo da nandiquiahva xitoho uhun mil ndaha cán nacaja da ndahvi xihín jiuhún xitoho da ta já nañeñe dá inga uhun mil chága jatá. ¹⁷Ta jári da nasahan xitoho ivi mil nu cán nacaja da ndahvi xihín jiuhún cán ta nañeñe dá inga ivi mil jatá. ¹⁸Joo da nasahan xitoho in mil nu cán natiin da jiuhún xitoho da ta já nasahan da nacaaan da in yávi ta já najánduxu da ña.

¹⁹Ta tá sa nayaha cuaha tiempo já nandico coo xitoho mozo cán. Ta já ñacasáhá cajú vixi da cuéntá xihín da cán. ²⁰Ta já naxinu da nañeñe uhun mil cán nuú xitoho da ta já nandiquiahva da inga uhun mil ña nañeñe dá jatá jiuhún cán nuú xitoho da. Ta já cáchí da já xihín xitoho da: “Candehé ndo uhun mil nasahan ndó nuú i. Joo yóho in inga uhun mil nañeñe e jatá”, ñacachi da xihín xitoho da. ²¹Anda já ñacachi xitoho da já xihín dá: “Vaha ndivaha nacajún. Mozo vaha ndivaha cúu yóho jáchi chá va nasahan i nuun ta vaha nacaja chún ña. Sahá ña cán queá cajú i ña ná cacomín cuéntá sahá cuaha chága ñaha. Ta viti cuu coún xihín i ta já ná cajji chága inún”, ñacachi xitoho da. ²²Tá nandihí já naxinu coo ri da nandiquehe ivi mil cán nuú xitoho da. Já ñacachi da já xihín xitoho da: “Ivi mil nasahan ndó nuú i joo yóho in inga ivi mil nañeñe e jatá”, ñacachi da xihín xitoho da. ²³Anda já ñacachi xitoho da já xihín dá: “Vaha ndivaha nacajún. Mozo vaha cúu yóho jáchi chá va nasahan i nuun ta nacaja chún vahún ña. Sahá ña cán queá cajú i ña ná cacomín cuéntá sahá cuaha chága ñaha. Ta viti cuu coún xihín i ta já ná cajji chága inún”, ñacachi xitoho da. ²⁴Joo tá naxinu coo ri da nañeñe in mil ndahá xitoho cán já ñacasáhá cáchí da já xihín xitoho da: “Candehé ndo, xitoho i. Sa cándaq vaha ini i ña cúu ndó in taa ndacú ndivaha tuhun. Ta vatí co xutu ndó nuú in ñiuhú joo jáquee tá jáquee ndó nu á. Ta jataca ndó ña nuú coo naxutu ndó ña. ²⁵Sahá ña cán queá nayihvi vi ta nasahan i najánduxu u jiuhún nasahan ndó nuú i tixi ñiuhú. Joo yóho in jiuhún ndo ndiquehe ndó ña”, ñacachi da cán xihín xitoho da. ²⁶Anda já ñacachi xitoho da já xihín dá: “Co cúun in mozo vaha nuú i. Cúun da júsa ndivaha. Sa cándaq vaha inún ña jáquee e nu ñiuhú ña co xutu u. ²⁷Ña cán queá ndá cuéntá queá coo nasahan tóun jiuhún i banco já ná ndiquehe e jiquí á nuú na cán tá ná ndicó coo i, nduu”, ñacachi xitoho da cán xihín dá. ²⁸Anda já ñacachi da xihín java

na ndúu cán: “Candaa ndó in mil jan ndahá da jan ta quiahva ndó ña nuú da sa cómi uxu mil jan. ²⁹ Jáchi da cája chúun vaha ñehe chága ví da ñaha já queá ná coo cuahá chága nu dá. Joo da co cája chúun vaha janda ña chá cómi da ndindaa ndáha dá. ³⁰ Ta mozo a váha toho jan tiin ndó da jácana ndó da nuú naá jata véhe jan. Cán cúu nu ndáhyi ndáá ñayivi janda quiahva cáhña nuhu ná sahá ña ndóho ndivaha ini na”, ñacachi xitoho da, —ñacachi Jesús.

Tá ná cavii sahá ñayivi nu Ndióxi

³¹ Já ñacachi tucu Jesús já:

—Tá ná xinu quivi quixi yehe, da ñachindahá Ndióxi nduu ñayivi ta quixi i xihin tóco ndihi na cúu táto Ndióxi. Anda já cacoo i nu sácco na sáhdá chuun ta já ndicáhu ndivaha i. ³² Ta nditaca ñayivi ndúu ndíjáá ñuyivi nuú i. Ta já casahá i ndicahnda java táhan i na tá quiahva cája in da ndáá ndicachi tá sáhdá java da ndicachi xihin tujúhu ña ná a cáva táhan rí. ³³ Ta já chinduu y ñayivi cuéntá mí i, na cúu tátuhun ndicachi cán xoo cuáha i. Ta xoo íti i chinduu y na coo cúu cuéntá mí i, na cúu tátuhun tujúhu cán. ³⁴ Ta sahá ña cúu y da cómi cuéntá sahá ñayivi sahá ña cán queá cachi i já xihin na ndúu xoo cuáha i cán já: “Cuáyaha ndó ná cacomi Ndióxi, tátá i cuéntá sahá ndo jáchi cúu ndó na ñacaja cuahá mé á ñamaní xihin. Jáchi janda tá cámaní cava sahá sahá ñuyivi sa ñasacu tiahva mé á nuú canduu ndó ña cacomí a cuéntá sahá ndo. ³⁵ Jáchi ñasahan ndó ñaxixi i tá ñacuico i. Ta ñasahan ndó ticuú i nuú i tá ñahíchi ini i. Ta ñandiquehe vaha ndó yehe tá ñasacuu y da tóho ñaxinu i nu ndo. ³⁶ Ta najasá ndo jáhma nuú i tá co ñéhe e ña cándixi i. Ta tá ñasaquihvi já ñachindee ndó yehe. Ta tá ñasandacaan i vecaa já ñaxito niñni ndó yehe.” ³⁷ Anda já ndaca tuhún java na ñacaja vaha ta já cachi na já xihin i: “Ndá tañu queá ñaxini nde ña cuico ndó, xitoho nde ta já ñasahan nde ña xixi ndó. Ta ndá tañu ñaxini nde ña íchi ndó ticuú i ta já ñasahan nde ticuú i nu ndo. ³⁸ Ta ndá tañu ñasacuu ndó da tóho ta ñandiquehe vaha nde ndohó. Ta ndá tañu ñaxini nde ña cámaní jáhma cándixi ndó ta najasá nde ña nu ndo. ³⁹ Ta ndá tañu queá ñaxini nde ña quihvi ndo ta ñachindee nde ndohó. Ta ndá tañu ñasandacaan ndó vecaa ta ñaxito niñni nde ndohó.” ⁴⁰ Anda já cachi yehe, da cómi cuéntá sahá ñayivi já xihin ná: “Mé a ndaa ná cahan i xihin ndó ña tá ñacaja ndó a xihin na cúu cuéntá mí i, na coo sahá nuú ñayivi ñuyivi já cúu á tátuhun ñacaja ndó a xihin mí i”, cachi i xihin na ndúu xoo cuáha i.

⁴¹ Anda já casahá cachi i já xihin na ndúu xoo íti i cán já: “Caxoo ndó nuú i jáchi cúu

ndó na ñacatavi cháhan ta cuhun ndó indayá cañuhu ndó anda ama cáa quivi. Jáchi ña jan cúu ña ñasacu tiahva Ndióxi ndacaan tiñhá saçuaha xihin táto mé rí. ⁴² Jáchi coo ñasahan ndó ña xixi i tá ñacuico i ta ni coo ñasahan ndó ticuú i nuú i coho i tá ñahíchi ini i. ⁴³ Da tóho cúu y ñaxinu coo i tañu ndó ta coo ñandiquehe vaha ndó yehe. Ta ñandimaní i ña cándixi i ta coo ñasahan ndó in jáhma loho nuú i. Ñasaquihvi ta ñasandacaan i vecaa ta coo ñaxito niñni ndó yehe”, cachi i xihin na ndúu xoo íti i cán. ⁴⁴ Anda já nducú ñehe rí na cán tuhun nuú i já cachi na já xihin i: “Ndá tañu queá ñaxini nde ña cuico ndó ta ndá tañu queá ñaxini nde ña íchi ini ndó ticuú i ta ndá tañu ñasacuu ndó da tóho ta ndá tañu ñandimaní jáhma ndo ta ndá tañu ñasañin quihvi ndo ta ndá tañu ñasandacaan ndó vecaa ta coo ñachindee nde ndohó”, cachi na ndúu xoo íti i cán xihin i. ⁴⁵ Anda já cachi i já xihin na coo cúu cuéntá mí i já: “Mé a ndaa ná cahan i xihin ndo ña tá ta coo ñacaja ndó xihin ñani táhan ndó, na coo sahá nuú ñayivi ñuyivi já queá coo ñacaja ndó ña xihin yehe”, cachi i xihin na coo cúu cuéntá mí i. ⁴⁶ Ta já vaha ndihi na cán cuhun ná indayá anda ama cáa quivi. Ta na ñacaja vaha cán vaha na nu Ndióxi catacu na anda ama cáa quivi —cachi Jesús.

26

Ndítuhún jehé na tiin na Jesús

(Mr. 14:1-2; Lc. 22:1-2; Jn. 11:45-53)

¹ Tá ndihi ñacahan Jesús tóco ndihi ña yóho xihin ñayivi cán já ñacachi a xihin na xíca tuun xihin á cán já:

² —Sa cándaa ini ndó ña tixi ivi quivi coo vicó pascua ta já ndiquiahva na yehe, da ñachindahá Ndióxi nduu ñayivi ndahá na cata caa yehe ndíca crúxu —ñacachi Jesús xihin na xíca tuun xihin á cán.

³ Anda já na saçuaha nuú jutú xihin na jánaha ley Moisés xihin na saçuaha veñuhu ñandique táhan na yéhe Caifás, da cúu saçuaha chága nu ndíhi jutú cán. ⁴ Ta najándique táhan tuhun na ndá quiahva caja na tiin jehé na Jesús ña ná cahni ñahá na. ⁵ Já cáchi xihin táhan na já:

—Joo a tiin toho í da tañu mé vicó jáchi tiahva náá ndivaa ñayivi —ñacachi na.

Tá ñachojo in ñáñaha perfume jini Jesús

(Mr. 14:3-9; Jn. 12:1-8)

⁶ Ta ndaja coo ín Jesús ñuu Betania vehe Simón, da cahan na xihin: ta ñandoho cuehe táhyi. ⁷ Já ñaxinu in ñáñaha nu á ta cáñee in yúyú ña alabastro ndáha ña. Ta ini mé yúyú cán ñuhu perfume, dó yahvi ndivaha. Ta já ñaxinu ña najácuyu ña do jini Jesús nani ín coo a nu mesa cán. ⁸ Tá

naʒini na xica tuun xihín Jesús cán ña yóho já naçasáhá na xójo ini na já cáchi na já:

—Ndá cuéntá queá tíví uun perfume yahvi ndivaha yóho. ⁹ Jáchi cuu jicó yó do ta já quehé cuahá jihún saha do, nduu ta já cuu jasá yo jihún cán nuú na ndahví —naçachi na cán.

¹⁰ Ta naçandaa ini Jesús ña cáhvi ini na cán ña cán queá naçasáhá cáchi a já xihín na:

—Ndá cuéntá queá cája cuehe ndó xihín ñáñáha jan jáchi ña vaha queá naçaja ña yóho xihín i. ¹¹ Jáchi na ndahví ní tiempo canduu na tañu ndó joo yehe a cóo tuun toho i xihín ndó. ¹² Jáchi tá najácuyu ña perfume yiquí cuñu i já naçaja tiaha ña yehe ná coo tiaha vi tá ná casa quívi nduxu. ¹³ Mé a ndaa ná çahan i xihín ndó ña ní cúu ñuyívi nuú caca nuu ñayivi çahan na tuhun vaha sahá i ndicani na ña naçaja ña yóho xihín i já ndicuhun ini na saha ña —naçachi a.

Jicó túhun Judas Jesús

(Mr. 14:10-11; Lc. 22:3-6)

¹⁴ Ta ndaja coo in táhan da uxu ivi xica tuun xihín Jesús, da nani Judas Iscariote naçahan da çahan da xihín na saçuaha nuú jutú. ¹⁵ Ta já cáchi da já xihín na:

—Ndaja quiaha ndó nuú i tá ná ndiquiaha i Jesús nu ndó —naçachi Judas xihín na saçuaha nuú jutú cán.

Anda já naçahan na oco uxu jihun cúxú nu dá sahá Jesús. ¹⁶ Ta sa mé nani já naçasáhá Judas ndúcu da ndaja cuu caja da ndiquiaha da Jesús ndáha ná.

Tá naçijini ndayí Jesús xihín na xica tuun xihín á

(Mr. 14:12-25; Lc. 22:7-23; Jn. 13:21-30; 1 Co. 11:23-26)

¹⁷ Mé quívi nuú víco xíxi na pan, ña co queé yusá naxaa xihín cán já naçinu na xica tuun xihín Jesús cán nu á. Já naçachi na já xihín á:

—Ndáchi cúni ndó cuhun nde caja ndívi nde cajini ndó víco pascua —naçachi na xihín á.

¹⁸ Anda já naçachi Jesús já xihín na:

—Cuáhán ndó ñuu jan ta jan cuni ndó in dataa ta já cachi ndó já xihín dá: “Da jánaha ndehe cáchi xuhun: Cuhun i vehe ndó cajini i víco pascua xihín na xica tuun xihín i jáchi sa nandindaa tiempo cuhun i viti” —naçachi Jesús.

¹⁹ Já naçee na cán naçahan na naçaja na tá ñin naçahnda Jesús nu ná ta cán naçaja ndívi na ña cajini na víco pascua.

²⁰ Ta ndaja coo tá naçuaá já naçacoo Jesús nu mesa xihín ndihuxu ivi na xica tuun xihín a cán. ²¹ Ta nani xijini na já naçasáhá cáchi a já:

—Mé a ndaa ná çahan i xihín ndó ña in táhan ndó, na xica tuun xihín i cacuu da jicó túhun yehe —naçachi Jesús xihín ná.

²² Anda já naçasáhá na cán cacuéha ndivaha ini na já naçasáhá tá in tá in na ndáca tuhún na Jesús já cáchi na já xihín á:

—Á yehe cacuu da jicó túhún ndó, xitoho i —cáchi na ndáca tuhún ñahá na.

²³ Anda já nanducú ñehe Jesús tuhun nu ná já naçachi a já xihín ná:

—Da naquihvi ndáha ini coho xíxi i, da cán cúu da jicó túhún yehe. ²⁴ Yehe cúu da naçindahá Ndióxi nduu ñayivi ta ndítahan nuú i quívi i tá ñin cáchi tuhun Ndióxi. Joo ndahví nahá naçuu da jicó túhún yehe. Janda vaha chága ná a cacu da, nduu —naçachi Jesús.

²⁵ Anda já nandicahan Judas, mé da jicó túhún ñahá cán já naçachi da já xihín Jesús:

—Xitoho i, á yehe cúu da jicó túhún ndó —naçachi da xihín á.

—Jivi mún cúu dá —naçachi Jesús xihín dá.

²⁶ Ta nani xíxi na ndúu na nañin Jesús pan já nandiquiaha ndixahvi nu Ndióxi. Tá nandihí já naçahnda java ña ta nandicahnda ña nuú na xica tuun xihín á cán. Ta já naçachi a já xihín ná:

—Juhun ndó jáchi ña yóho cúu tátuhun yiquí cuñu i —naçachi a.

²⁷ Tá nandihí já nañin a in vaso nu ñúhu tó uva já nandiquiaha ndixahvi nu Ndióxi já naçachi a já xihín na xica tuun xihín á cán já:

—Coho ndihí ndó dó ñúhu ini vaso yóho.

²⁸ Jáchi dó yóho cúu dó tátuhun ñíxi i, dó cuña sahá cuahá ñayivi já ná ndoo cuachi na. Tá ná cuña ñíxi i já candaa ini ndó ña najáxinu coo Ndióxi tuhun a naçahan sanahá. ²⁹ Mé a ndaa ná çahan i xihín ndó ña a cóho ga i tó uva janda quiaha ná xinu coo quívi coho tucu u inga dó vaha chága xihín ndó tá ná xinu quívi cacomí Ndióxi, tátá i cuéntá sahá ñayivi —naçachi a.

Cáxi tuhun Jesús ña chijehé túhun Pedro ña xini da mé á

(Mr. 14:26-31; Lc. 22:31-34; Jn. 13:36-38)

³⁰ Ta tá nandihí naçita na in canto já naçee na çahan na yúcu yitó olivo. ³¹ Ta já naçachi Jesús já xihín ná:

—Mé ñuu viti jándacoo ndihí ndó yehe cuhun ndó sahá ña ndoho i. Já cáchi tuhun Ndióxi já: “Cahní i da ndáá ndicachi ta xihín ña yóho ndicuija nuu ndicachi jana dá cuhun ri”, cáchi tuhun Ndióxi. ³² Joo tá sa ná nditacu tucu u já cuhun jihna ñúhu yehe estado Galilea anda já cuhun mé ndó —naçachi Jesús.

³³ Anda já nanducú ñehe Pedro tuhun nu á já naçachi da já xihín á:

—Vatí ná jándacoo tóco ndihí na mé ndó sahá ña ndoho ndó joo a jándacoo toho i ndohó —naçachi da xihín á.

³⁴ Anda já naçachi Jesús já xihín dá:

—Mé a ndaa ná caħan i xuhun ña mé ñuu viti tá camañi cana chéle já chijehé tühún ña xínun yehe unj táhnda —ñacachi Jesús xihín dá.

³⁵ Andá já ñacachi tucu da já:

—Vatí ná quivi i xihín ndo joo a chíjehé tühun toho i sahá ña xini mé ndó —ñacachi da xihín Jesús.

Ta quiahva já ñacachi tóco ndihi java ga na xica tuun xihín á cán.

Tá xica tahvi Jesús nu Ndióxi in nuú nani a Getsemani

(Mr. 14:32-42; Lc. 22:39-46)

³⁶ Andá já naxinu coo Jesús xihín na xica tuun xihín á cán in nuú nani a Getsemani. Já ñacachi a já xihín ná:

—Yóho cacoo ndó nani ná cuħun i cáa caça tahvi i nu Ndióxi —cáchi a.

³⁷ Ta ndáca Pedro xihín ndivi da cúu jahyi Zebedeo cuħan xihín á. Ta já nacasáhá cácuéha ndivaha ini a ta a juú quiahva táhvi ini a. ³⁸ Andá já ñacachi a já:

—A juú quiahva cácuéha ini i chí quivi i cúu ini i. Yóho candati tóo ndó yehe ta coto a cúju ndo —ñacachi Jesús.

³⁹ Ta já ñaquee mé á ñasahan loho chága chí nuú já ñacaxítá a janda quiahva naxinu taan nu ñúhu. Ta já cáchi a já:

—Tátá Ndióxi, tá ta ná cuu caja ndó ñamaní ña ná a ndóho i ña jhvi ndivaha vaxi nuú i ndoho i. Joo ná coo tá ín cúnj mé ndó ta ná a cóo toho ña cúnj yehe —cáchi Jesús.

⁴⁰ Tá ñandihí já ñandicó coo a nuú najándacoo a na xica tuun xihín á cán ta já ñandiñehe á na quíji na ndúu na. Andá já ñacachi a já xihín Pedro:

—Á coo ñacuu candita ndó ni in hora. ⁴¹ Xini ñúhu coo tiahva ndó ta caça tahvi ndo nu Ndióxi já ná a cóo ndojó rí quini ndohó. Jáchi ínimá ñayivi cúnj a ndinducú a Ndióxi joo yiquí cuñu na co ín tiahva caja ña cúnj Ndióxi —ñacachi Jesús.

⁴² Andá já ñaquee tucu Jesús táhnda ivj cuħan tucu a caça tahvi a nu Ndióxi já cáchi a já:

—Tátá Ndióxi, tá ta a cúu va caja ndó ñamaní ná a ndóho ini i ña jan já ná coo tá ín cúnj mé ndó coo —cáchi a.

⁴³ Tá ñandihí já ñandicó coo tucu a nu ndúu na xica tuun xihín á cán ta ñandiñehe á na quíji tucu na ndúu na jáchi ñaquehe a maħnú na. ⁴⁴ Já ñaquee tucu a ñasahan xica tahvi a nu Ndióxi táhnda unj ta sa mé tühun cán ñacahan tucu a. ⁴⁵ Andá já ñaquixi tucu a nu ndúu na xica tuun xihín á cán já ñacachi a já xihín ná:

—Vatí cúnj ndó cuju ndó ta vatí cúnj ndó ndiquehe ndéé ndó joo a cúu caja ndó ña viti. Jáchi sa naxinu coo hora ndiquiahva na yehe, da ñachindahá Ndióxi nduu ñayivi ndahá ñayivi cája cuachi. ⁴⁶ Cuáħán ndacoo

ndó ná coho. Jáchi sa vaxi da jicó tühún yehe —cáchi a.

Tá ñatiin na Jesús

(Mr. 14:43-50; Lc. 22:47-53; Jn. 18:2-11)

⁴⁷ Ta nani caħan yii va Jesús já naxinu Judas, da cúu in táhan uxu ivj na xica tuun xihín á cán. Ta ndáca da cuáħá ñayivi, ñehe na machítí xihín yito viti. Ta na cán cúu ná na ñaquixi cuéntá na sacuaħa nuú jutú xihín cuéntá na sacuaħa veñuhu. ⁴⁸ Ta mé Judas, da ndiquiahva ñahá cán sa ñacandoo da xihín na cán ña tatí yúhu dá sajóho Jesús jáchi ñacachi da já xihín ná:

—Ndá da ná tatí yúhu ú sajóho, da cán cúu dá tiin ndó —ñacachi da.

⁴⁹ Chí ivj laá ñacativi da nu Jesús já ñacahan Ndióxi dá xihín á ta já ñatati yúhu dá sajóho mé á. ⁵⁰ Andá já ñacachi Jesús já xihín dá:

—Cama chá cajún ña, amigo.

Andá já ñacayati na nu Jesús ta ñatiin tuun na a.

⁵¹ Joo in táhan da xica tuun xihín Jesús cán, ñatavá da machítí da ta já ñachitúhún da in joho da cúu mozo nuú da sacuaħa chága nu ndíhi jutú cán. ⁵² Andá já ñacachi Jesús já xihín dá:

—Chicaa vaħa machítí jan jáchi ndá na sáħní xihín machítí, xihín machítí quivi ri na cán va. ⁵³ Á co cándaq inún ña cuu caça tahvi i nu Ndióxi, tátá i ña ná chindahá mé á cuáħa ndivaha táto mé á ña ná chindeé na yehe. ⁵⁴ Cuu caja i ña joo xini ñúhu yaha tá yaha ña ñacahyi nuú tühun Ndióxi ndoho i —cáchi Jesús.

⁵⁵ Ta já ñacachi Jesús já xihín na naxinu tiin ñahá cán:

—Cája ndó xihín i tátuhun cája na xihín taq cuíħná jáchi ñaqueta ndó vaxi ndó tiin ndó yehe xihín machítí ta xihín yito viti. Ta ndijáá ní quívi ñasahiin i xihín ndo ini veñuhu cáħnu jánaħa i tühun Ndióxi nu ndo ta ni in tañu coo ñatiin ndó yehe. ⁵⁶ Joo tóco ndihí ña yóho yaha ña já ná xinu coo ña ñacahyi na profeta sahá i ini tühun Ndióxi sanahá —cáchi a.

Tá ñandihí já naxinu ndihi na xica tuun xihín Jesús cán cuħan na ta najándacoo na mé á.

Tá ñehe na Jesús cuħan na nuú nataca ndihí na sacuaħa

(Mr. 14:53-65; Lc. 22:54-55, 63-71; Jn. 18:12-14, 19-24)

⁵⁷ Tá ñatiin na cán Jesús já ñehe na a cuħan na nuú Caifás, da cúu sacuaħa chága nu ndíhi jutú. Ta cán sa ñanditútú na jánaħa ley Moisés ndúu na xihín na sacuaħa veñuhu. ⁵⁸ Joo ndaja coo ñasandico xica Pedro Jesús anda quiahva naxinu da yehé vehe da cúu sacuaħa chága nu ndíhi jutú cán. Ta já ñandihvi da ñasacoo da nu ndúu

soldado cán sándehe da ndá queá caja na xihín Jesús.

⁵⁹ Ta na sacuaḥa nuú jutu xihín tóco ndihi na cómi cuéntá sahá na Israel nataca na cán ndúcu na cuachi jácojo na jatá Jesús já ná cuu cahni ñahá na. ⁶⁰ Joo coo ñahehe ná cuachi jíquí ña cuu chinúu na jatá mé á vatí naxinu coo cuahá na naçahan ña tuhún sahá. Anda jáví naxinu coo ivi ga da cahan ña tuhún sahá. ⁶¹ Já naçachi da já:

—Naxini joho nde naçachi da jan já: “Jánditañi i veñuhu cáhnu cán ta jácandichi tucu u ña úxi uní quivi”, cáchi da —naçachi na cán chicaan na cuachi jatá Jesús.

⁶² Anda já nandaca ndichi da cúu sacuaḥa chága nu ndihi jutu cán já cáchi da já xihín Jesús:

—Á chí a ndúcu ñehún tuhun nuú nde sahá cuachi jácojo na jatun —naçachi da.

⁶³ Joo ni in tuhun coo nanducú ñehe Jesús nu dá. Anda já naçachi da cúu sacuaḥa chága nu ndihi jutu cán já xihín á:

—Tavún quivi Ndióxi, ña tácu ñin indivi ta cachún xihín nde á jivi ndusa yóho cúun Cristo, da cúu in tuhún jini já jahyi Ndióxi, da naçindahá mé á cacomi cuéntá sahá ñayivi —naçachi da xihín Jesús.

⁶⁴ Já nanducú ñehe Jesús tuhun nu dá já naçachi a já:

—Ajan, jivi yehe cúu u da cáchi ndó jan. Ta viti ná cahan i xihín ndo ña vaxi quivi tá cuni ndó yehe, da naçindahá Ndióxi nduu ñayivi cacoo i xoo cuáha Ndióxi, mé á ñin cuaha ndé. Ta já cuni ndó yehe ndicó coo i ñuyivi yóho tañu vico tá ná quixi i chí indivi —naçachi a.

⁶⁵ Tá naxini joho da sacuaḥa chága nu ndihi jutu cán ña yóho já nandatá da jáhma dá ña ná candaq ini ñayivi ña xójo ini da. Ta já naçachi da já:

—Ndája núu da yóho Ndióxi. Coo chicuu chága yó ñayivi ná cahan na xihín yo jáchi sa naxini joho ndihi ña naçanahá da yóho xihín Ndióxi. ⁶⁶ Ta ndaja xini ndó caja i xihín dá viti —naçachi da.

Anda já naçachi ndihi na cán já:

—Ñin cuachi da jan ta ndítahan cuhun da quivi da —naçachi na cán.

⁶⁷ Ta já naçasáhá na xihnu ndaa na tójji na nu á. Ta naçasáhá túxú na yiquá. Ta java na cán jahnda nuu á. ⁶⁸ Ta já cáchi na já xihín á:

—Cahan xihín nde yo naçani yóho tá ta mé a ndaa cúun Cristo, da naçindahá Ndióxi cacomi cuéntá sahá ñayivi —cáchi na xihín á.

Tá naçijehé tuhun Pedro ña xini da Jesús
(Mr. 14:66-72; Lc. 22:56-62; Jn. 18:15-18, 25-27)

⁶⁹ Ta ndaja coo ñin coo Pedro yuhú yéhe da cúu sacuaḥa chága nu ndihi jutu cán. Já

naçativi in ñañáha, ñá cája chúun mé vehe cán. Já naçasáhá cáchi ña já xihín da:

—Yóho cúun in táhan da xica tuun xihín Jesús, da estado Galilea —naçachi ñá cán xihín da.

⁷⁰ Joo ndaja coo naçijehé tuhun Pedro nu ndihi na cán ña xini da Jesús. Já cáchi da já:

—Coo xini toho i ndá saha cahun —naçachi da xihín ñá cán.

⁷¹ Ta tá sa naqueta da yéhe cán já naxini inga ñañáha da já naçasáhá cáchi ña já xihín tóco ndihi na ndúu cán:

—Naxini i naxica tuun da yóho xihín Jesús, da ñuu Nazaret cán —naçachi ñá cán.

⁷² Ta já naçasáhá tucu Pedro chíjehé tuhun da ña xini da Jesús ta natava da quivi Ndióxi já cáchi da já:

—Coo xini toho i ndá da cúu da jan —naçachi Pedro xihín na cán.

⁷³ Chá va nayaha ña yóho ta naçayati java na ndúu cán nu Pedro. Já naçachi na já xihín dá:

—Mé a ndaa táhyi jivi táhan na xica tuun xihín Jesús cúu ri yóho va jáchi cahun tátuhun cahan na cán —naçachi na xihín da.

⁷⁴ Anda já naçasáhá Pedro canahá da ta natava da quivi Ndióxi ña coo xini da Jesús. Já cáchi da já:

—Coo xini toho i ndá da cúu da jan —naçachi da.

Tá naçachi da já chí ivi laá naçana chéle. ⁷⁵ Anda já nandicuhun ini Pedro ña naçahan Jesús xihín dá tá naçachi a xihín dá: “Tá cámani cana chéle sa chíjehé tuhún ña xihín yehe uní tañu.” Anda já naqueta da jatá véhe ta a juú quiahva sácu da jáchi cácuéha ndivaha ini da.

27

Tá nandiquihva na Jesús ndahá Pilato
(Mr. 15:1; Lc. 23:1-2; Jn. 18:28-32)

¹ Tá nañivi inga quivi itaen já nandique táhan ndihi na sacuaḥa nuú jutu xihín na sacuaḥa veñuhu ña ndituhún na ndá quiahva jácojo na cuachi jatá Jesús já ná cuu cahni ñahá na. ² Sahá ña cán queá naçató na mé á ta ñehe na a cuahan na ndiquiahva na mé á nu Pilato, da cúu gobernador ñuu cán.

Tá naxihi Judas

³ Ta ndaja coo naxini Judas, da najicó tuhún Jesús ña naçacu ini na cán cahni na Jesús. Já naçahvi ini da sahá ña núu naçaja da chí ndáva da cuahan da nducú ñehe da ndiçoço uxu jiuñun cúxú nuú na sacuaḥa nuú jutu xihín nuú na sacuaḥa veñuhu. ⁴ Já naçachi da já xihín na cán:

—Cuachi cáhnu ndivaha queá naçaja i jáchi najicó tuhún i in da coo cuachi.

Já naçachi na cán já xihín dá:

—Cō sáhní toho nde mé nde sahá ña yóho. Mún xihín ndá queá ñacajún —ñacachi ña cán xihín dá.

⁵ Andá já ñacuihna Judas jiuhún cán ini veñuhu cáhnu. Ta já ñaquetá da ñasahan ña ñacata caa da mé dá já ñasahní ña mé dá.

⁶ Ta já ñajátaca ña sacuahá nuú jutu jiuhún cán já ñacachi xihín táhan na já:

—A váha toho ña ná chicaan yó jiuhún yóho ini saṭo nu táan ña jiuhún jóco ña nu Ndióxi jáchi ndíi ñaxihí sahá ña yóho —ñacachi na.

⁷ Ta tá sa ñandituhún váha xihín táhan na já ñaxeen na in ñúhu xihín jiuhún cán. Mé ñúhu cán naní a ñúhu ña cávaha ñaha xihín ñundáhyi. Ta ñúhu cán cacuu a nu jánduxu ña ña tóho. ⁸ Sahá ña cán queá ñasacu na quivi ñúhu cán ña cananí a yójo nuú ñaxita ñí. Ta já naní a jandá viti. ⁹ Ta xihín ña yóho ñaxinu coo nuú ña ñacahyi profeta Jeremías sahná tá ñacachi da já sahá Jesús: “Ñatiin na ndíhoco uxu jiuhún cúxú jáchi ña jan ñasacuu yahvi ñasacu na Israel chávi na sahá dá. ¹⁰ Ta xihín mé jiuhún cán ñaxeen na ñúhu naní a ñúhu ña cávaha ñaha xihín ñundáhyi jáchi quiahva já ñasahná Ndióxi chuun nuú i caja i”, cáchi tñun Ndióxi.

Tá cándichi Jesús nu Pilato

(Mr. 15:2-5; Lc. 23:3-5; Jn. 18:33-38)

¹¹ Ta ndaja coo cándichi Jesús nu Pilato, ña cúu gobernador. Ta já ñacasahá ña cán ndáca tuhún ñahá ña já cáchi dá já xihín á:

—Á mé a ndaa cúun in rey, ña cómi cuéntá sahá ña Israel.

—Ajan. Jivi ndusa cúu y tá quiahva cáchi ndó jan —ñacachi Jesús xihín dá.

¹² Ta ña sacuahá nuú jutu xihín ña sacuahá veñuhu ñachicaan ña cuachi jatá Jesús joo ni in tuhun coo ñanducú ñehe a nu ná. ¹³ Andá já ñacachi Pilato já xihín Jesús:

—Á co xini joho tohún ndaja cuahá nuú cuachi jácojo na jatun —ñacachi da.

¹⁴ Joo ni in tuhún tuhun coo ñanducú ñehe Jesús nu dá. Chí cántóto ndivaha ña cúu gobernador sahá ña co cáhan Jesús.

Sácu ini na ndaja caja na ña ná quivi Jesús

(Mr. 15:6-20; Lc. 23:13-25; Jn. 18:38-19:16)

¹⁵ Tañu mé víco pascua ñasahjin costume ña cúu gobernador cán sa janí dá in táhan ña ndácaan vecaa. Ndá dá cúni ñayivi janí ña, ña cán cúu dá janí ña. ¹⁶ Mé tañu já ñasandacaan in ña naní Barrabás vecaa. Níi cúu ñaxita nuu tuhun sahá dá yóho. ¹⁷ Ta tá ñataca ndihi ñayivi já ñandaca tuhún Pilato ña já ñacachi da já xihín ná:

—Yo cúni ndo ña ná janí i. Á Barrabás janí i á Jesús, ña cáchi ña cúu Cristo, ña ñachindahá Ndióxi cacomí cuéntá sahá ñayivi. Yo janí i cúni ndo —ñacachi da.

¹⁸ Ñacachi Pilato ña yóho xihín ná jáchi sa cándaa váha ini da ña sahá ña cáhijvi ini na xihín Jesús sahá ña cán queá ñandiquiahva na mé á nu dá. ¹⁹ Ta nani in coo da nu sácco dá sahná ña chuun vechúun cán já ñachindahá ñájihí ña tuhun nu dá já ñacachi ña já: “A quihvi ndáhnun Jesús jáchi cúu dá in ña ndaa. Nuú andá véhe ñasani i ñacaja Jesús ta ndicani ndivaha ini i sahá”, ñacachi ña.

²⁰ Joo ndaja coo ña sacuahá nuú jutu xihín ña sacuahá veñuhu cán ñajacahan ña ñayivi ña ná caça ña nu Pilato ña ná janí ña Barrabás ta ná cahní dá Jesús. ²¹ Andá já ñacachi ña cúu gobernador cán já xihín ná:

—Yo cúni ndo ña ná janí i.

Andá já ñacachi ña cán já:

—Barrabás jan va janí ndo —ñacachi na xihín dá.

²² Andá já ñacachi tucu Pilato já xihín ná:

—Ndía cúni ndo caja i xihín Jesús, ña cáchi ndo cúu Cristo.

Andá já ñacachi tóco ndihi ña cán já:

—Cata caa ndo ña ndica crúxu.

²³ Andá já ñacachi tucu Pilato já xihín ná:

—Ndá cuachi ñacaja da, váha —ñacachi da xihín ná.

Joo xihín ña yóho ví ga ví ñacasahá cáyuhú ña já cáchi ña já:

—Cata caa ndo ña ndica crúxu.

²⁴ Ta tá ñaxini Pilato ña co yáa ña cán ta ví ga ví ndivaa ña já ñatiin da ticuñi ta ñandahá ña nu ndihi ñayivi cán ta já ñacachi da já xihín ná:

—Xihín ña yóho jánaha i nu ndo ña coo cuachi toho ndójo i sahá ndá ña ná caja ndo xihín ña yóho jáchi coo cuachi toho ña yóho. Jata mé ndo ná cuhún ndihi va —ñacachi da xihín ná.

²⁵ Andá já ñacachi tóco ndihi ña cán já:

—Vaha ná candojo nde cuachi tá jandá jahyi nde viti ná candojo na cuachi sahá ña ná quivi da —ñacachi ña cán xihín dá.

²⁶ Andá já najaní Pilato Barrabás. Ta tá ñandihí ñajacaxáhan na Jesús já ñandiquiahva da a ndáha ná ña ná cata caa na a ndica crúxu.

²⁷ Andá já ñehe soldado cuéntá gobernador cán Jesús yuyehé vechúun. Já ñajátaca soldado cán java ga táhan da ta cán ñacava toyivi ña mé á nduu da. ²⁸ Tá ñandihí já ñatavá ña jáhma á. Andá já ñachinúu na in jáhma cuahá túun jatá. ²⁹ Ta já ñachinúu na in ñayivi íñu jiní á. Ta ñachínee na in ndo ñandahá cuaha. Ta já ñacasahá ña cáxiti ña nu á já sácu ndaa ichi ñahá ña já cáchi ña já xihín á:

—Cáhnú ñahá ná cacuu yóho, ña cúu rey nuú ña Israel —ñacachi na.

³⁰ Ta ñacasahá xihnu ndaa na tójiñi ña nuú á. Ta já cándaa na ndoó cán ndáha á ta cáni na yiquí jiní a xihín do. ³¹ Ta tá sa ñandihí

naşacu ndaa ñahá na já ñacandaa na jáhmaa nacinúu na jatá cán ta najácandixi tucu na a xihín jáhmaa mé á. Anda já ñéhe na a cuahan na cata caa na a ndíca crúxu.

Tá ñacata caa na Jesús ndíca crúxu
(Mr. 15:21-32; Lc. 23:26-43; Jn. 19:17-27)

³² Ta tá ñéhe na Jesús cuahan na cata caa na a já ñanditahan na in da nani Simón, da ñuu Cirene. Ta ñacaja ndúsa na xihín dá ña ná ndicojo da crúxu nuú cata caa na Jesús. ³³ Ta ñaxinu coo na xiqui nani Gólgota. Tuhun yóho cúní cachi a: nu ndúu lásá yiqui jini ndji. ³⁴ Mé cán ñasahan na vino nu á, dó ñacava táhan xihín ña ova ña ná coho a do. Joo tá ñaxito ndojó a do coo ñaxeen toho a coho a do.

³⁵ Ta tá sa ñandihí ñacata caa na a ndíca crúxu já ñaquehe na jáhmaa á ñandicahnda nu táhan na. Joo jihna ñuhú ñasajiqui na sahá ta da ñaquee vaña cán, da cán ñandiquehe jáhmaa á. Xihín ña yóho ñaxinu coo nuú ña ñacahyi profeta sanahá tá ñacahyi da já: “Ñandicahnda nu táhan mé ná cotó nihnu i ta já ñasajiqui na sahá cotó maá i ta da ñaquee vaña cán ñandiquehe da ña”, cáchi tuhun Ndióxi. ³⁶ Ta já ñasacojo soldado cán ndúu na ndáá ñahá na. ³⁷ Ta jini ndíca crúxu cán ñacahyi na ndá saha ñacata caa na a já cáchi a já: “Da yóho cúu Jesús, da cúu rey nuú na Israel.”

³⁸ Ta sa mé já ñacata caa ri na ivi taa cuihná xihín Jesús: in da xoo cuáha ta inga da xoo íti. ³⁹ Chí cáva jini mé ñayivi yáha cán cánahá na xihín á. ⁴⁰ Ta já cáchi na já:

—Yóho cáchún jánditaní veñuhu cáhnu cán ta tixi uní vixi quivi cáchún jácandichi tucún ña. Tá ta mé a ndaa cúun jahyi Ndióxi jáca cu mún ta cuáhan nuu ndíca crúxu jan — ñacachi na xihín Jesús.

⁴¹ Ta quiahva já ñacaja ri na saçuaha nuú jutú xihín na jánahá ley Moisés xihín na saçuaha veñuhu. Sácu ndaa na a já cáchi na já:

⁴² —Najácacu da java ga ñayivi ta viti chí a cuú caja da jáca cu da mé dá. Tá ta mé a ndaa cúu dá rey nuú na Israel, ná nuu da ndíca crúxu viti ñuhú já ná candúsa nde da. ⁴³ Cándéé ini da Ndióxi tá cáchi da cúu da jahyi Ndióxi já queá ná quixi Ndióxi chindeé a da tá ta mé a ndaa quihvi ini a da — ñacachi na cán cánahá na xihín Jesús.

⁴⁴ Quiahva já cánahá ri ndivi taa cuihná tácaa in in xoo jini a cán xihín á.

Tá ñaxihí Jesús
(Mr. 15:33-41; Lc. 23:44-49; Jn. 19:28-30)

⁴⁵ Tá ñaxinu coo caxivi ndaa ñacanaá níi cúu ñuyivi ta janda çaa uní sahini já ñacasahá ñandiyehé tucu. ⁴⁶ Ta sa mé hora já ñacayuhú cóho Jesús já ñacachi a já:

—Elí, Elí, lama sabactani —ña yóho cúní cachi a: Ndióxi mí i, Ndióxi mí i, ndávaha najácandaco ndáha ndó yehe.

⁴⁷ Ta java na ndíta cán tá ñaxini johu na tuhun cáchi a já ñacachi na já:

—Cána da profeta Elías —ñacachi na cán.

⁴⁸ Ivi laá xínu in da ñasahan da ñachindaxi da in ticoto ini vino iyá. Ta ñacató dá ña nuú in yitó ndoo já ñachiñee da do yati yúhu Jesús ña ná coho a do. ⁴⁹ Joo na java ndíta cán ñacachi na já xihín dá:

—Cóho candehé yo á quixi Elías jáca cu da da —ñacachi na cán.

⁵⁰ Anda já ñacayuhú cóho tucu Jesús já ñaxihí a. ⁵¹ Ta ndaja coo ñandata java ndaa jahmá ndeé ña sáji nuu nuú yii ndivaha veñuhu cáhnu ñuu Jerusalén cán. Janda jini á ta janda sahá ñandata. Ta mé hora já ñataan ta ndijáa yuu tóto ndúu cán ñandata. ⁵² Ta nanuna cáva nu ñasañuhu na ñaxihí ta cuahá ñayivi, na ñasacuu cuéntá Ndióxi ñanditacu tucu na. ⁵³ Ta tá sa ñanditacu tucu Jesús já ñaxinu na ñaqueta cáva cán ñuu Jerusalén ta cuahá ndivaha ñayivi ñaxini ñahá.

⁵⁴ Ta da cúu saçuaha nuú soldado cuéntá Roma xihín da ndáá Jesús xihín da cán tá ñaxini da ña ñataan ta ñaxini da java ga ña ñayaha cán já ñacasahá yihvi ndivaha da. Já ñacachi da já:

—Mé a ndaa táhyi cúu da yóho in tuhún jini já jahyi Ndióxi —ñacachi da.

⁵⁵ Ta mé cán ñasandita cuahá ñajihí sándehé xicá na Jesús. Mé na cán cúu na ñacaja ndivi ñahá nu Jesús tá ñandico na mé á ñaquixi na janda estado Galilea. ⁵⁶ Tañu ñajihí cán ñasandacañ María, ña ñuu Magdala xihín María, ña cúu náná Jacobo xihín José. Ta cán ñasandacañ ri ña cúu náná ndivi da cúu jahyi Zebedeo.

Tá ñachicañ na yiqui cuñu Jesús ini cáva
(Mr. 15:42-47; Lc. 23:50-56; Jn. 19:38-42)

⁵⁷ Ta ndaja coo ñasahin in da cuicá nani José, da ñuu Arimatea. Mé da yóho ñasacuu da in táhan da ñasaxica tuun xihín Jesús. Ta tá sa ñacuaá tá ñaxinu da ⁵⁸ ñasahan da cañan ndahví da xihín Pilato ña ná ndiquiahva da yiqui cuñu Jesús nu dá. Anda já ñasahnda Pilato chuun ña ná ndiquiahva na ña nu dá. ⁵⁹ Ta já ñachitivi José cán yiqui cuñu Jesús xihín in jáhmaa vaña ña víi. ⁶⁰ Ta já ñachicañ da yiqui cuñu Jesús ini in yávi ña saá ndácañ ndíca cáva ña jacá ñacaán da cuéntá mé dá. Ta tá ñandihí tá ñachijahví da yuhú cáva cán xihín in yuu jáhnda cáhnu ta já ñaquee da cuahan da. ⁶¹ Ta nu yéhé mé cáva cán ñasanduu coo María, ña ñuu Magdala xihín inga ña nani María cán.

Tá ndáa java soldado nu ndácañ Jesús

⁶² Ta ndaja coo sa ñandihí ñacaja ndivi na ñaha cuéntá quivi ndiquehe ndeé na. Ta

inga quiví itaan najátaca táhan na sacuaḡa nuú jutú xihín na fariseo já nasahan na nu Pilato. ⁶³ Já naçachi na já xihín dá:

–Vaxi nde nu ndo çaça loho nde ñamani nu ndó. Jáchi ndicuhun ini nde ña tá nasatacu Jesús, da naçica jándahvi ñayivi cán naçachi da ña tá sa ná yaha unj quiví já nditacu tucu da. ⁶⁴ Ña cúnj nde queá ná chindahá loho ndó na cuhun candaa nuú nachicaan na yiquí cuñu da cán janda quiahva ná yaha unj quiví. Jáchi tiahva náá xinu coo na naçica tuun xihín dá ñuú ta caja cuihná na yiquí cuñu da. Ta já casahá cachi na xihín ñayivi ñuú ña nanditacu tucu Jesús tañu ná naçihí. Ta xihín ña yóho jándahvi chága na ñayivi á juú ga jihna –naçachi na.

⁶⁵ Anda já naçachi Pilato já:
–Cañehe ndó in táhndá soldado. Cuáhán ndó candaa ndó nu ndácaan da tá quiahva xínj mé ndó caja ndó –cáchi Pilato xihín ná.
⁶⁶ Anda já naquee na cán nasahan na já nachicaají vaha chága na nu ndácaan yiquí cuñu Jesús cán. Ta nasacu na sello yuu jáhndá cán ta já nasacu na soldado ña ná candaa da ña.

28

Tá nanditacu tucu Jesús

(Mr. 16:1-8; Lc. 24:1-12; Jn. 20:1-10)

¹ Tá sa nayaha quiví ndiquehe ndée ná ta nañivi inga quiví itaan já naçinu Maria, ña ñuú Magdala xihín inga María cán sándehe na nuú nachicaan na yiquí cuñu Jesús cán. ² In naá cuití nañaan ndeé ndivaha. Nayaha ña yóho jáchi nanuu in táto Ndióxi indiví. Ta najátivi á yuu jáhndá nasajahvi nuú nasandacaan yiquí cuñu Jesús cán. Ta já nasacoo á jatá. ³ Ta yéhe mé táto Ndióxi cán tá quiahva yéhe tasa. Ta jáhma ndíxi á cúú á jáhmá yaa çachí. ⁴ Ta á juú quiahva ná yihvi soldado ndúu cán naçaja táto Ndióxi chí naçasahá quíji ninu da. Ta já naçuyyu da nu ñúhú tátuñun ndíj naçihí. ⁵ Joo ndaja coo táto Ndióxi cán nandicañan xihín najihí cán já naçachi á já xihín ná:

–A cáyihvi toho ndó. Sa xínj vaha i ña ndínductu ndo Jesús, ña naçata caa na ndíca crúxu. ⁶ Coó toho á cán íin yóho jáchi sa nanditacu tucu á tá quiahva naçachi mé á xihín ndo. Naha ndó candehé ndo nuú nasahjin á já cuni ndó ña coó ga íin nuú nasacu na ña. ⁷ Ta cama ndó cuhun ndó çaxi tuñun ndó xihín da naçica tuun xihín á ña sa nanditacu tucu Jesús tañu na sa naçihí. Ta víti cánúú mé á cuañan estado Galilea. Ta tá cuhun ndó cán já cuni ndó a. Ta ndicuhun ini ndó ña naçachi i xihín ndo –naçachi táto Ndióxi cán.

⁸ Anda já naquee mé najihí cán mé nuú nasandacaan yiquí cuñu Jesús. Ta vatí yihvi na joo cávatá ndivaha na ta sahá ña cán queá

xínu na cuañan na çaxi tuñun na ña yóho nuú na naçica tuun xihín Jesús cán. ⁹ Ta nani cuañan na ívi laá sa íin va Jesús xihín ná. Já naçachi á já xihín ná:

–Ndióxi ná coo xihín ndo.

Anda já naçayati na cán nu á já nanumi na sahá ta naçaja cáhnu na a. ¹⁰ Anda já naçachi tucu Jesús já xihín ná:

–A cáyihvi toho ndó. Cuáhán ndo çaxi tuñun ndó xihín na cúú cuéntá mí i ña ná cuhun na estado Galilea jáchi cán cuni na yéhe –naçachi Jesús xihín najihí cán.

¹¹ Ta nani xínu najihí cán cuañan na já ndáva java soldado, da nasandaa nuú nasandacaan Jesús cán naçinu da ñuú Jerusalén já naçaxi tuñun da ña naçuu nuú na sacuaḡa nuú jutú. ¹² Anda já najátaca táhan na sacuaḡa cán xihín na sacuaḡa veñuhu já najándique táhan na tuñun na ta já nasahan cuahá ndivaha na juñun nuú na soldado cán. ¹³ Já naçachi na já xihín soldado cán:

–Coto á cañan ndó ña nanditacu Jesús. Ña cachi ndó cúú ña yóho: “Na naçica tuun xihín á cán, na cán cúú na naçuxi ñuú ta naçaja cuihná na yiquí cuñu a nani naçuijji nde”, já cachi ndó xihín ndá na ná ndaca tuñun ndóhó. ¹⁴ Ta á cáyihvi toho ndó tá ná candaa ini da cúú gobernador sahá ña yóho jáchi cañan mé nde xihín dá ta chindeé nde ndóhó ña ná a çaja da ni in ñaha xihín ndo –naçachi na sacuaḡa cán xihín soldado.

¹⁵ Anda já naquehe da cúú soldado cán juñun ta naçaja da tá quiahva nasahnda na sacuaḡa cán chuun nu dá. Ta xihín ña yóho nandicuñta nuu tuñun sahá ña nayaha cán. Ta cañan na Israel cán sahá ña yóho janda quiví víti.

Tá sáhndá Jesús chuun nuú na naçica tuun xihín á

(Mr. 16:14-18; Lc. 24:36-49; Jn. 20:19-23)

¹⁶ Joo ndíhuxu in na naçica tuun xihín Jesús cán nasahan na chí Galilea. Já nandaa na in jiní yúcu tá quiahva nasahnda mé Jesús chuun nu ná. ¹⁷ Ta tá naçini na mé á já naçaja cáhnu na a. Joo java na cáhvi ívi joho ini na jáchi coo cándusa na ña nanditacu tucu a. ¹⁸ Anda já naçayati Jesús nu ná já naçachi á já xihín ná:

–Nasahan Ndióxi ndée nuú i çaja i ña náhnu ndivaha indiví xihín ñuyiví yóho. ¹⁹ Sahá ña cán queá cuáhán ndo jánaha ndo nuú ñayivi ndúu ndijáá ñuyiví ndaja çaja na caca vaha na íchi cuéntá mí i. Ta çaja ndúta ndó na xihín quiví Ndióxi, tátá i ta xihín quiví yéhe, da cúú in túhún jiní já jahyi mé á ta xihín quiví ínimá yij Ndióxi. ²⁰ Ta jánaha ndó na ña ná çaja na tóco ndíhí ña nasahnda i nu ndó çaja ndó. Ta mé a ndaa coo i xihín ndo ndijáá ní quiví janda quiahva ná xinu

coo quiví ndihi saha ñuyíví. Já ná coo —
nācachi Jesús.

Tuhun vaha naçahyí Marcos saha Jesucristo

*Tá jácandúta Juan ñayivi yucú íchí
(Mt. 3:1-12; Lc. 3:1-9, 15-17; Jn. 1:19-28)*

¹ Quiahva joho naçava sáhá tuhun vaha cáhan saha Jesucristo, mé a cúu in tuhún jini já jahyi Ndióxi.

² Sanahá naçahyí profeta Isaías ña naçahan Ndióxi xihín jahyi a. Já cáchi a já: Chindahá i in da canúu çuhun nu mún, ña ná çaxi tuhun da nuú ñayivi saha yóhó ta já ndaja ndacú da íchí nuú yahún.

³ Ta çahan cóhó da tañu yucú íchí ta cachi da já xihín ñayivi:

“Caja tiahvá ndó íchí nuú quixi xitoho í ta cuná ndó in íchí ndacú nu mé á ña ná ndihvi a ínimá ndo”, naçahyí Isaías.

⁴ Ta ndaja coo in Juan yucú íchí ta naçasáhá cája ndúta dá ñayivi. Ta cáxi tuhun da xihín ná ña tá cúnj na caja çahnu ini Ndióxi sahá çuachí na já ndítahan nu ná ndicó çoo ini na ta já candúta ná. ⁵ Chí naquixi çuachá ndivaha ñayivi estado Judea xihín ñuu Jerusalén taa joho na nu cáhan da ta tá náhma na çuachí na já naçaja ndúta dá na ini yuta Jordán.

⁶ Ta naçandixi mé Juan yóho jáhma ña naçavaha na xihín iji camello ta naçandicó in ní jáhndá tóco dá. Ta naçaxi da tica xihín ñuñu yúcu. ⁷ Tá cáxi tuhun da nuú ñayivi já cáchi dá já:

—Jatá yehe vaxi in da in çuaha chága ndéé dá a juú ga yehe chí çoo sahá i ndica xítí i nu dá ña ndaxí i correa ndusa dá. ⁸ Yehe najácandúta i ndohó xihín ticuú joo mé da cân cúu da jándicutú ínimá ndó xihín ínimá yíi Ndióxi —naçachi Juan xihín ná.

*Tá naçandúta Jesús
(Mt. 3:13-17; Lc. 3:21-22)*

⁹ Mé tiempo já naçee Jesús ñuu Nazaret ña ndáçaan estado Galilea. Naçinu a nu in Juan ta najácandúta Juan Jesús ini yuta Jordán cân. ¹⁰ Ta tá naçee Jesús ticuú cân já naçini a naçandinuna indivi ta nanun ínimá yíi Ndióxi jatá mé á. Ta cáa ínimá yíi Ndióxi yóho tá quiahva cáa in ndijata. ¹¹ Ta naçini joho na cáhan in a indivi ta já cáchi a já:

—Yóhó cúun jahyi máni i ta cáji ndivaha ini i çuhun.

*Tá naçixito ndojó tiñhá saçuaha Jesús
(Mt. 4:1-11; Lc. 4:1-13)*

¹² Ivi laá naçahan ínimá yíi Ndióxi ndáca Jesús yucú íchí nu çoo ñayivi. ¹³ Ta cân naçahin a ivi jico quívi ta mé tiñhá saçuaha naçixito ndojó rí a. Ta cân ndúu quití quini joo naçinu java tátó Ndióxi chindeé na mé á.

Cásahá Jesús cáhan tuhun vaha xihín ñayivi

(Mt. 4:12-17; Lc. 4:14-15)

¹⁴ Tá nandihí naçicaan na Juan vecaa já naçahan Jesús estado Galilea çaxi tuhun a nuú ñayivi tuhun vaha saha Ndióxi. ¹⁵ Já cáchi a já xihín ná:

—Sa naçinu tiempo viti ta naçayati quívi cacomí Ndióxi cuéntá sahá ñayivi. Ña ndítahan nu ndo quéa jándacoo ndó çuachí cája ndó ta candúsa ndó tuhun vaha ña cuu jáçacu ndohó —naçachi Jesús.

*Cána Jesús çomí na caca tuun xihín á
(Mt. 4:18-22; Lc.: 5:1-11)*

¹⁶ In tañu xica Jesús çuahan yati yuhú tañuhú Galilea. Ta naçini a in da naní Simón xihín Andrés, da cúu ñani. Ndiví mé da yóho cúu dá da táva tujacá ta ñuhu da jácana da ñunu dá ini tañuhú. ¹⁷ Naçasáhá cáchi Jesús já xihín dá:

—Naha quíi ndó candicó ndó yehe caca tuun ndó xihín i. Táva ndó tujacá viti joo caja i ña ná cuu tavá ndó ñayivi tañu çuachí —naçachi Jesús.

¹⁸ Ta chí ivi láa najándacoo da ñunu dá ta nandicó da Jesús.

¹⁹ Anda já naçixa loho ga Jesús chí nuu já naçini a Jacobo xihín ñani da Juan, da cúu jahyi Zebedeo. Ndiví da yóho ñuhu da ini barco ndája vaha da ñunu dá. ²⁰ Naçana Jesús ndiví da yóho ta chí najándacoo da tátá da, Zebedeo cân ini barco xihín java ga da cája çuun xihín dá ta já naçasáhá xica tuun da xihín Jesús.

*Tá ndáçaan ínimá quini ini in daçaa
(Lc. 4:31-37)*

²¹ Naçinu çoo Jesús xihín na xica tuun xihín á ñuu Capernaum. Ta tá naçandaa quívi ndiquehe ndéé ñayivi já naçihvi Jesús ini veñghu ta naçasáhá jánaña na cân. ²² Ta naçatontó tóco ndihí ñayivi sahá tuhun cáhan mé á jáchi najánaña mé á tátuhun in da in saha çahnda çuun ta ço cáhan tátuhun na jánaña ley Moisés. ²³ Ini mé veñghu cân naçandacaan in daçaa, da ndáçaan ínimá quini ini. Naçasáhá cáyuhú rí cân já cáchi rí já:

²⁴ —Jesús, da ñuu Nazaret. Ndá cuéntá quéa quíhvi nuún xihín ndé. Á vaçún jándihún sahá ndé. Sa xini vaha i yohó ta cándaça cáxi ini i ña cúun in da yíi naçindahá Ndióxi —naçachi rí cân.

²⁵ Ta naçasáhá Jesús jánani a rí quini ndáçaan ini da cân. Já naçachi a já:

—Caji yuhun ta janí dá yóho.

²⁶ Ta tá quéta rí quini ndáçaan ini da cân naçahní yíhí rí da ta cáyuhú cóhó rí já naçeta rí ini da cân. ²⁷ Naçatontó tóco ndihí ñayivi chí naçasáhá ndáça tuhún táhan na já cáchi na já:

—Ndíá queá yóho. Ta ndá naquixi tũhun saá jánaḡa da yóho jáchi cáhan da xihĩn rĩ quini tá tũhun in da sáhdá chuun ta chí cándúsa rĩ quee rĩ cuḡun rĩ —naçachi na.

²⁸ Ta chí cama chá nandicuĩta nuu tũhun saḡa Jesús níi cúu estado Galilea.

Ta nandaja vaḡa Jesús níi cúu xojo Simón
(Mt. 8:14-15; Lc. 4:38-39)

²⁹ Tá naquee na veñũhu já cuahān Jesús xihĩn Jacobo xihĩn Juan vehe Simón xihĩn ñani da, Andrés. ³⁰ Ta ndaja coo cándũhu níi cúu xojo Simón nuu xito nāchicān cáhni ndeé ña. Ta tá naḡinũ coo na cán já naçaxi tũhun na nuú Jesús ña quĩhvi ña. ³¹ Andá já naçayati Jesús nu ña ta naḡiani a ndáḡa ña já nandĩeḡe a ña chí jĩvi laá nandindaa cáhni á ña. Andá já naçasáhá cája ndívi ña ña cuxu na.

Ndája vaḡa Jesús cuahá ñayivi
(Mt. 8:16-17; Lc. 4:40-41)

³² Tá naqueḡa nuu cándii ta naçuaá já ñeḡe ndihĩ ñayivi na quĩhvi xihĩn na ñũhu ínimā quini ini naçasāḡa na nu Jesús. ³³ Ta tóco ndihĩ na ñuu nandai cuu na yuyéḡe nu íin Jesús. ³⁴ Nandaja vaḡa Jesús cuahá ñayivi, na ndóho tá nuú cueḡe. Ta naḡavá a cuahá ínimā quini ini ñayivi. Joo coo naḡahān Jesús ñamañi nu rĩ quini ña ná caḡān rĩ jáchi xini rĩ yo cúu Jesús.

Xica nuu Jesús jánaḡa ñayivi estado Galilea

(Lc. 4:42-44)

³⁵ Ta naha inga quĩvi itaḡān tá cámani yĩi tĩvi nandacḡo Jesús ta naquee a ñuu cuahān nuú coo ñayivi ña caçā ḡavĩ a nu Ndióxi. ³⁶ Tá nandacḡo Simón xihĩn java ga da xica tuun xihĩn Jesús já naḡini na ña coo a íin chí naquee na cuahān na ndinducú na mé á. ³⁷ Ta tá nandĩeḡe ñahā na já cáchi na já xihĩn á:

—Tóco ndihĩ ñayivi ndĩnducú na ndoḡo.

³⁸ Joo cáchi Jesús já xihĩn ná:

—Cóho java ga ñuu yati yóho ña ná jánaḡa j tũhun vaḡa nuu na cán viti jáchi saḡá ña yóho vaḡi j —cáchi Jesús.

³⁹ Ta chí naḡica nuu Jesús níi cúu estado Galilea caḡān tũhun vaḡa ini veñũhu in in ñuu cán ta tává a ínimā quini ndácaḡān ini ñayivi.

Tá nandaja vaḡa Jesús in da ndóho cueḡe táhyi

(Mt. 8:1-4; Lc. 5:12-16)

⁴⁰ Ta ndaja coo naçayati in daḡāa ndóho cueḡe táhyi nuú Jesús ta naçaxitĩ da nu á já naçasáhá cáchi dá ja:

—Cuu ndaja vaḡa ndó yeḡe tá cúni ndó —cáchi dá.

⁴¹ Ta naḡahvi ini Jesús saḡa dá. Andá já naçani ndaa ndáḡa á da. Já cáchi a já:

—Cúni ña ná ndivahún ña cán queá nandivahún viti —naçachi Jesús xihĩn dá.

⁴² Tá naçachi a já chí jĩvi laá nandindaa cueḡe táhyi ña nandoho da cán. Já nandivĩi yiquĩ cuñu da. ⁴³ Tá nandihĩ najāndindayĩ Jesús da ta naḡahnda chuun nu dá já cáchi a já xihĩn dá:

⁴⁴ —Candehé. A caḡun xihĩn ni in tũhún toho ñayivi ña naçaja j xũhũn. Cuahān ndaçān nahũn mún nuú juḡu. Ta ndĩtāhan joçũn ñaha nu Ndióxi tá tũhun naḡahnda ley Moisés sanahá caja na sa nandivāha. Já ná candāḡa ini tóco ndihĩ ñayivi ña sa nandindaa va cueḡe naḡandohún —naçachi Jesús xihĩn dá.

⁴⁵ Joo tá naquee da cuahān da naçasáhá da ndicani da nuú ndihĩ ñayivi ña nandaja vaḡa Jesús da saḡá ña cán queá coo naçuu ga ndĩhvi tĩvi Jesús ni in ñuu. Jata ñuu nuú coo nduu ñayivi naḡahĩn a ta jandá mé cán xinu coo ñayivi, na quixi nuú ndijaá ñuu xito nihni na mé á.

2

Tá nandaja vaḡa Jesús in da naḡihĩ tũchu saḡa

(Mt. 9:1-8; Lc. 5:17-26)

¹ Tá nayaha chá quĩvi já nandicó coo tucu Jesús ñuu Capernaum. Ta naçandāḡa ini ñayivi ña íin a vehe. ² Ta chí cama chá nanditútũ cuahá ñayivi chí co vatĩ ga yuyéḡe cándita na. Já naçasáhá cáxi tũhun Jesús tũhun Ndióxi nu ná. ³ Andá já naḡinũ coo comĩ ḡāa ta ñeḡe da in da naḡihĩ tũchu saḡa. Naḡā da nu íin Jesús. ⁴ Joo naḡini da ña a cuú xinu da yati nu íin Jesús saḡá cuahá ñayivi chítũ ndāḡa nu íin a cán. Chí nandaa da jini véhe ta naçasáhá da súná da jini véhe mé xoo nu íin Jesús. Ta mé cán najānuu da xito loho nu cándũhũ da quĩhvi chí yāvi jini véhe cán. ⁵ Tá naḡini Jesús ña cándeé ini da cán mé á já cáchi a já xihĩn mé da quĩhvi cán:

—Candehé, jaḡhi a. Sa naçaja cáhnu ini j saḡá cuachũn viti —naçachi Jesús.

⁶ Joo java na jánaḡa ley Moisés ndúu coo cán naçasáhá cáhān na: ⁷ “Ndá cuéntá queá ndája núu da Ndióxi xihĩn tũhun cáhān da. Jáchi ni in tũhún toho ñayivi a cuú caja cáhnu ini saḡá cuachi. In tũhún jini Ndióxi queá cuu caja cáhnu ini saḡá cuachi”, naçahān na. ⁸ Joo sa naçandāḡa ini Jesús ña cáhvi ini na cán chí naçani a já xihĩn ná:

—Ndávaha cáhān ndo já. ⁹ Á cáhān ndó ña jhvi chága cachi j xihĩn da yóho: “Naçaja cáhnu ini j saḡa cuachũn viti.” Á tá coo ta cachi j xihĩn dá: “Cuāndacḡo, ndiqueḡe xitũn ta caca nuún.” ¹⁰ Candehé vaḡa ndó ná naḡa j nu ndo ña íin saḡá j, da naçindahá Ndióxi nduu u ñayivi caja cáhnu ini j saḡá cuachi cája ñayivi ñuyivĩ yóho —naçachi Jesús xihĩn ná.

Anda já ñacachi a xihin mé da ñaxihí tuchu saha cán:

¹¹ —Ta viti cahan i xuhun cuándacoo ndiquehe xito lohún ta cuanúhu —ñacachi a.

¹² Chí jvi laá ñandacoo mé da quíhvi cán ta ñandiquehe da xito loho da já ñaquee da cuahan da nuú ndihi na ndúu cán. Anda já ñacatónó tóco ndihi na ta ñacasáhá cája cáhnu na Ndióxi já cáchi na já:

—Ni in túhún tañu coo ñaxini nde in ñaha cáhnu tátuhun ña yóho —ñacachi na.

Tá ñacana Jesús Levi, da cahan na Mateo xihin

(Mt. 9:9-13; Lc. 5:27-32)

¹³ Tá ñandihí já ñasahan tucu Jesús yuhú tañuhú cán ta tá ñacayati cuahá ñayivi nu á já ñacasáhá jánaña nu ná. ¹⁴ Nani xica Jesús cuahan nayaha nu ín in da nani Levi, jahyi Alfeo. Ta ín coo da nu sácco da játaca jjuhún cuéntá impuesto. Ta cáchi á já xihin dá:

—Naha quí candicun yehe.

Anda já ñandaca ndichi Levi ta ñandico da Jesús.

¹⁵ Tá ñandihí ñasahan Jesús vehe Levi ta ñasacoo a xíxi a xihín cuahá da játaca jjuhún cuéntá impuesto xihín java ga na cája cuachi. Ta sa mé cán ñasanduu ri java da xica tuun xihín Jesús xíxi da tañu na cán jáchi cuahá ñayivi ndico na Jesús. ¹⁶ Joo na jánaña ley Moisés xihín na fariseo tá ñaxini na ín coo Jesús xíxi a xihín na cán ñacasáhá cáchi na já xihín da xica tuun xihín Jesús:

—Ndá cuéntá queá xíxi xitoho ndó xihín na játaca jjuhún cuéntá impuesto ta xihín java ga na cája cuachi —ñacachi na cán.

¹⁷ Tá ñaxini johó Jesús ña yóho ñacasáhá cáchi á já:

—Ñayivi ín vaña coo xíní ñúhú toho na da cája tátá ñahá joo na quíhvi, na cán cúú na xíní ñúhú da cája tátá ñahá. Ta yehe coo vaxi toho i cana i na sa ín vaña. Vaxi i cana i ñayivi, na cája cuachi ña ná jándacoo na cuachi cája na —ñacachi Jesús.

Cahan Jesús ndá saha queá cajuhun na

(Mt. 9:14-17; Lc. 5:33-39)

¹⁸ In tañu tá xijuhun na xica xihín Juan xihín na xica xihín na fariseo ñaxinu coo java ñayivi nu Jesús ta ñacasáhá ndáca tühún na mé á já cáchi na já:

—Ndávaña coo xijuhun toho na xica tuun xihín yóho joo xijuhun mé nde, na xica xihín Juan xihín na xica xihín na fariseo —ñacachi na.

¹⁹ Ta ñanducú ñehe Jesús tühun nu ná já ñacachi á já:

—Á cahan ndo xijuhun na ndúu víco tándaha nani ín mé da tándaha cán xihín ná. Uñun. Jáchi cáji ín na nani ín mé da tándaha xihín ná. Chí a cuú toho cajuhun na. ²⁰ Joo xinu quívi candaa na mé da tándaha

ta anda jávi casahá cajuhun na. Ta cáchi i xihín ndó ña vaxi quívi candaa na yehe nuú na yóho ta anda jávi casahá na xica tuun xihín i cajuhun na —ñacachi Jesús.

²¹ Ta ñasacu Jesús inga quíahva nu ná já cáchi á já:

—Ama ná jándaha ñayivi jahmá yatá xihín in túhún jáhma saá jáchi tá ñandihí ndíndíí a, sáhdá chága ví a jahmá yatá cán ta jándacáhnu chága ví a yávi ña ñandicahmá na cán. ²² Ta ni coo táan na vino saá ini vóso ní yatá jáchi jácandí mé vino cán ní ta cuíta mé vino cán ta tiví vóso ní caja dó sahá ña cán queá ndítahan taán na vino saá ini vóso ní saá —ñacachi a.

Ña ñacaja na xica tuun xihín Jesús in quívi ndiquehe ndée ñayivi

(Mt. 12:1-8; Lc. 6:1-5)

²³ In quívi ndiquehe ndée ñayivi nani xica Jesús cuahan tañu nuú ñaxutu na trigo xihín na xica tuun xihín á já ñacasáhá túhun na yucu jiní trigo. ²⁴ Tá ñaxini na fariseo ña cája na já ñacachi na já xihín Jesús:

—Candehé. Ndávaña cája na xica tuun xuhun chuun ña coo ndítahan caja na quívi ndiquehe ndée yo —ñacachi na fariseo.

²⁵ Anda já ñacachi Jesús já xihín ná:

—Á a ñaha cahvi ndó nuú túhun Ndióxi nu cahan sahá ña ñacaja David sanahá tá ñacuico mé dá xihín na xica xihín dá. ²⁶ Ña ñacaja David queá ñaquíhvi da veñuhu Ndióxi tá ñasacuu Abiatar da saçuaha nuú jutú. Já ñaxixi da pan yíi ña in túhún jutú cúú da ndítahan nuú cuxu ña cán, nduu. Joo ñaxixi David ña ta ñasahan da ña nuú java ga na xica xihín dá.

²⁷ Ta ñacachi tucu Jesús já xihín ná:

—Candehé ndo. Coo ñacávaña Ndióxi ñayivi ndoho ini na sahá quívi ndiquehe ndée ná jáchi ñasacu ini a cavaha in quívi já ná cuu ndiquehe ndée ñayivi. ²⁸ Ña cán queá yehe va, da ñachindahá Ndióxi nduu ñayivi ín sahá i cahnda i chuun sahá quívi ndiquehe ndée ñayivi —ñacachi Jesús.

3

Tá ñandaja vaña Jesús in da nahichí ndáha

(Mt. 12:9-14; Lc. 6:6-11)

¹ Ñaquíhvi tucu Jesús ini veñuhu ta cán ñasandacaan in dataa, da nahichí ndáha.

² Ta ñacasáhá nání na fariseo Jesús sándehé na á ndaja vaña mé á da cán quívi ndiquehe ndée ná já ná cuu chicaan na cuachi jatá.

³ Anda já cáchi Jesús xihín da nahichí ndáha cán já:

—Cuándacoo ta candichi mañnú yóho —ñacachi Jesús.

⁴ Anda já ñandaca tühún a na java cán já cáchi á já xihín ná:

—Ndía cáchi ley ndítahan caja í mé quiví ndiquehe ndée ñayivi. Á chindeé yó ñayivi á caja í ña núu xihín ná. Á jácacú na á cahni yó na —ñacachi Jesús.

Joo ni in túhún tñhun coó ñacahan na. ⁵ Ñacasáhá xójo ini Jesús sándehe a nu ná. Joo táhvi tucu ini a saha ná jáchi cúu ná ñayivi sáá ini. Ta cáchi a xihín mé dataa, da ñahichí ndáha cán:

—Jándacaá ndáhun.

Tá najándacaá da ndáha dá ivi laá nandivaha ndáha dá. ⁶ Tá nandihí ñaquee na fariseo veñuhu já ñacasáhá na jándique táhan na tñhun na xihín na cuéntá Herodes ña cahni na Jesús.

Tá nanditúu cuahá ñayivi yuhú tañuhú

⁷ Joo ñasahan Jesús xihín na xica tuun xihín á yuhú tañuhú ta cuahá ndivaha ñayivi estado Galilea nandico na ñasahan na. ⁸ Tá ñacandaa ini ñayivi ña náhnu cája Jesús, naquixi cuahá na estado Judea xihín na ñuu Jerusalén xihín na ñundáhyi Idumea xihín na inga xoo yuta Jordán xihín java na ndúu ñuu válí jin ñuu Tiro xihín Sidón jáchi candehé na Jesús cúni na. ⁹ Sahá ña yóho queá ñaxíca Jesús ñamaní nuu na xica tuun xihín á ña ná cacu tñhva na in barco nuu ndacaan mé á ña ná a cándihí ñayivi cuaha cán ña. ¹⁰ Jáchi cuahá ndivaha ñayivi nandaja vaha mé á. Sahá ña cán queá tóco ndihí na quihvi cáti na jatá ña cani ndaa ndáha ná mé á cúni na.

¹¹ Ta tá ñaxini na ñuu inima quini ini cán Jesús ivi laá ndícava xítí na nu á ta casáhá cáyuhú cóhó na já cáchi rí quini ndacaan ini na cán já:

—Yóho cúun da cúu in túhún jiní já jahyi Ndióxi.

¹² Joo jánani Jesús rí cán já sáhdá a chuun nu rí ña ná a cáxi tñhun rí yo cúu mé á.

Tá ñacaxi Jesús uxu ivi da caca tuun xihín á

(Mt. 10:1-4; Lc. 6:12-16)

¹³ Tá nandihí já ñaquee xóo Jesús ñasahan in xiquí ta tá nandihí ñacana mé á java na xica xihín á cán, mé na cúni a caxi a ta ñaxinu na cán nu Jesús. ¹⁴ Ta tañu na cán nandicaxi Jesús uxu ivi da caca tuun xihín á ta tá nandihí já ñachindahá mé á da cuhun da cahan da tñhun Ndióxi xihín ñayivi. ¹⁵ Ta ñacaja mé á ña cuu ndaja vaha da na quihvi ta cuu cahnda da chuun nu rí quini ña ná quee rí ini ñayivi. ¹⁶ Ña yóho cúu quiví uxu ivi da nandicaxi Jesús caca tuun xihín á: Simón, da ñasacu tucu a quiví cananí Pedro ¹⁷ xihín Jacobo xihín ñani da, da naní Juan, jahyi Zebedeo. Ndívi da yóho ñasacu a quiví cananí Boanerges ta mé tñhun yóho cúni cachi a cúu dá tñhuhun jahyi in tasa ña cána indiví. ¹⁸ Ñacaxi a Andrés xihín Felipe

xihín Bartolomé xihín Mateo xihín Tomás xihín Jacobo, da cúu jahyi Alfeo xihín Tadeo xihín Simón, da ñaxíca cuéntá na cananista ¹⁹ xihín Judas Iscariote, mé da ñajicó túhún Jesús tá nu ndihí.

Jácojo na cuachi jatá Jesús ña cája chúun a xihín ndée tiñhá sacuaña

(Mt. 12:22-32; Lc. 11:14-23; 12:10)

Andá já ñaquihvi Jesús ini in vehe xihín na xica tuun xihín á. ²⁰ Ta inga tucu ñachutú cuahá ñayivi nu in a janda a cuú cuxu a xihín na xica tuun xihín á cán. ²¹ Ta tá ñañehé na vehe Jesús tñhun sahá ña yóho ivi laá ñaquixi na ña cañehe na mé á cuhun a cúni na jáchi ñacatachi Jesús cáhan na.

²² Jári na jánaha ley Moisés, na ñaquixi Jerusalén ñacasáhá cáhan na já cáchi na já:

—Taa yóho ndacaan Beelzebú ini da, rí cúu sacuaña nu rí quini. Ta xihín ndée mé rí cán tává da rí quini ini ñayivi —ñacachi na.

²³ Andá já ñacana Jesús ñayivi já ñasacu a in quiahva nu ná ja cáchi a já xihín ná:

—A cuú tavá tiñhá sacuaña mé rí. ²⁴ Jáchi tá sáhdá java táhan na ndúu in ñuu ta cáni táhan ndaja táhan mé va na já queá a ñehé ini na coo nahá na. ²⁵ Ta tá casáhá sáhdá java táhan na ndúu in vehe ta cáni táhan na já a cuú ga canduu nahá na mé vehe cán. ²⁶ Ta quiahva já tá ná casáhá rí quini ndúu ndáha tiñhá sacuaña cáni táhan rí xihín mé va rí janda quiahva sáhdá java táhan rí já queá a cuú canduu nahá rí jáchi ndihí saha rí.

²⁷ Sácu u inga quiahva nu ndo. Ni in dataa a cuú ndihvi da caja cuhnda da ñaha vehe in da ndacu cán joo tá ná cató da da ndacu já cuu quehe da ñaha da cán.

²⁸ Mé a ndaa ná cahan i xihín ndo. Ndióxi cuu caja cáhnu ini a saha tá nuu cuachi cája ñayivi xihín saha tá nuu tñhun quini cáhan na. ²⁹ Joo tá ná cahan nuu na saha inima yíi Ndióxi já queá a cája cáhnu ini Ndióxi sahá ña ñacaja na ta andá ama cáa quiví candojo na cuachi sahá —ñacachi Jesús.

³⁰ Ñacachi a ña yóho xihín na cán jáchi cáchi na ña ndacaan inima quini ini a.

Nána Jesús xihín ñani a cúni na cuni na a

(Mt. 12:46-50; Lc. 8:19-21)

³¹ Tá nandihí ñaxinu nána Jesús xihín ñani a nu in a joo ñacandoo na jatá véhe. Ta ñachindahá na in na ñasahan ñacana ñahá.

³² Ta na ndúu coo xihín Jesús cáchi na já xihín á:

—Jatá véhe cáa in nánun xihín ñanun ta ndínducú na yohó —cáchi na xihín Jesús.

³³ Andá já ñacachi Jesús já xihín ná:

—Ná cahan i xihín ndo yo já cúu tñhuhun nána i xihín ñani i.

³⁴ Andá já ñasandehé a nuu na ndúu coo tñyiví xihín á cán já cáchi a já xihín ná:

—Na yóho cúu ná tñhuhun nána i xihín ñani i. ³⁵ Jáchi ndá na cája ña cúni Ndióxi, na cán

cúu ná tátuhun ñani j xihín quiahvá j xihín náná j —ñacachi Jesús.

4

Sácu Jesús quiahva sahá in da sáta tata
(Mt. 13:1-9; Lc. 8:4-8)

¹ Ñacasáhá tucu Jesús jánahá ñayivi yuhú tañuhú ta ñataca cuahá ñayivi nu ín a cán. A juú quiahva cuahá cúu ná sahá ña cán queá ñaquihvi Jesús ini in barco, dó cándichi yuhú tañuhú cán. Ta ñasacoo a cán ta tóco ndihi ñayivi ñandaca ndita na nuú ñuti yuhú tañuhú cán. ² Já najánahá cuahá ñaha nuú nã cán ta ñasacu a quiahva nu ná já cáchi á já:

³ —Cuni johó ndó ña yóho: In da sáta tata ñaquee da cuahan da cata da ña. ⁴ Ta tá sáta da ña cuahan da ñacyu java ña ichi ta ñaxinu laa ta ñasaxi rí a. ⁵ Ta java ña ñacyu a tañu yuu nuú coó cuaha ñuhu. Ta cama chá ñanduta mé tata cán jáchi coó cúná ñuhu nuú ñacyu a. ⁶ Joo tá ñaqueta cándii já najáhichi á ña sahá ña coó cuahá yóho á chí ñandihí sahá. ⁷ Ta java tata ñacyu a tañu tohiñú ta tá ñasahnu tohiñú cán já ñanditáha ndihi a ñacaja tohiñú chí coó ñasahan mé tata cán ndá ñaha jáquee na nu á. ⁸ Ta java tata ñacyu a nuú ñuhu vaha. ñanduta mé tata cán ta ñasahnu a já ñasahan cuahá ñaha ña jáquee na nu á. Java ña ñasahan oco uxu a nuú in in tata ta java ña ñasahan unj jico uxu a ta java ña in ciento a nuú in in tata.

⁹ Andá já ñacachi tucu Jesús já xihín ná:
—Ña ín johó, ná cuni johó na —ñacachi a.

Ndicani Jesús ndá saha queá ñasacu a quiahva nu ná

(Mt. 13:10-17; Lc. 8:9-10)

¹⁰ Tá ñacandoo Jesús xihín mé ña uxu ivi xica tuun xihín á cán xihín java ga na ndico ñahá cán já ñacasáhá ndáca tuhún na Jesús ña ndia cuni cáchi a xihín quiahva ñasacu a nuú ña cán. ¹¹ Ta cáchi á já xihín ná:

—Ña coó ñacandaá ini ndó jihna ña cán candaá ini ndó a viti jáchi ñasuná Ndióxi xini túni ndó candaá ini ndó ndá quiahva cacomí mé á cuéntá sahá ñayivi. Joo ña a ñaha cacomí Ndióxi cuéntá saha, ña cán cúu ña sácu u quiahva nuú. ¹² Já queá vatí sándehe ña joo cúu ná tátuhun na coó tíví nuú ta vatí xini johó na joo cúu ná tátuhun ña johó jáchi coó candaá ini na ña cáhan j xihín ná. Ta sahá ña cán queá coó ndico coo na nu Ndióxi ta ni mé á coó cája cáhu ini sahá cuachi na.

Ndicani Jesús sahá da sáta tata cán

(Mt. 13:18-23; Lc. 8:11-15)

¹³ Ta já cáchi tucu a já xihín ña xica tuun xihín á:

—Ta tá coó candaá ini ndó quiahva, ña ñasacu u yóho ndaja caja ndó candaá ini

ndó java ga quiahva ña cáchi j xihín ndó. ¹⁴ Mé da sáta tata cán cúu dá tátuhun da xica cáhan tuhun Ndióxi xihín ñayivi. ¹⁵ Java ga ñayivi cúu ná tátuhun tata ña ñacyu ichi. Táa johó na tuhun Ndióxi ta tá ñandihí ñaxini johó na ña já vaxi tiñahá sacuaha ta cája rí xihín ná ña ndíndójo ña ña. ¹⁶ Ta java ñayivi cúu ná tátuhun tata ña ñacyu tañu yuu jáchi táa johó na tuhun Ndióxi ta cáji ini na ndiquehe na ña. ¹⁷ Ta tá quiahva ndiává yucu sahá ña coó ñuhu cúná yóho a quiahva já ndóho ñayivi tá casahá ndicuita ñayivi cája xixi na xihín ná. Ta tá casahá ndóho ini na sahá tuhun Ndióxi ña ñaxini johó na cán chí ivi laá jándacoo va na ña cándeé ini na Ndióxi. ¹⁸ Ta java na cúu ná tátuhun tata ña ñacyu tañu tohiñú jáchi táa johó na tuhun Ndióxi ¹⁹ joo ndicani ndivaha ini na sahá ñaha ñuyivi yóho. Cátóo ndivaha na ñaha cuicá chí jándahvi na mé ná xihín ña cán ta xica ini na coo tóco ndihi ñaha nu ná. Ta cáva nuu táhan ñaha ñuyivi yóho xihín tuhun Ndióxi ini ínimá ná sahá ña cán queá cávitá ini na ta coó sáhu na xihín tuhun Ndióxi. ²⁰ Joo ndúu java ña xini johó tuhun Ndióxi ta cándusa na ña. Ta cája chúun vaha na xihín á ta já cuahnu na xihín á. Cúu ná tátuhun tata ñacyu nu ñuhú vaha. Java na cúu ná tátuhun tata ña ñasahan oco uxu a nuú in in a. Ta java na cúu ná tátuhun ña ñasahan unj jico uxu a ta java na cúu ná tátuhun ña ñasahan in ciento a nuú in in tata —ñacachi Jesús xihín ña cán.

Sácu Jesús quiahva sahá in lámpara
(Lc. 8:16-18)

²¹ Ta cáchi tucu Jesús xihín ná:

—Coó toho chuun lámpara tá chícaan í ña tixi sató á tixi xito jáchi chuun ña queá cánúu ña nu jicó já ná jándiyehé ña nu yo. ²² Ni in túhún toho ñaha a cuú coo jehé jáchi xinu quivi já ndáca náha nu á. Ta ni in tuhun ñacahan jehé ñayivi a cuú coo jehé nahá jáchi xinu quivi já candaá ini tóco ndihi ñayivi sahá tuhun ñasahin jehé cán. ²³ Ña ín johó, ná cuni johó na —ñacachi a.

²⁴ Ta cáchi tucu a já xihín ná:

—Candehe vaha ndó ña taa johó ndó. Tá quiahva cája ndó xihín ñayivi quiahva já caja Ndióxi xihín ndó joo chága ví caja mé á xihín ndó. ²⁵ Jáchi da sa ín ñaha nuú, ñehe táhvi dá coo chága ñaha nu dá joo dá coó ñaha nuú, janda ña chá ín nu dá ndindaa —ñacachi Jesús.

Jánahá Jesús nu ná ndá quiahva sáhu tata

²⁶ Ta cáchi tucu Jesús já:

—Tá ndiquiahva ñayivi mé ná ndáha Ndióxi ña ná cacomí a cuéntá saha ná já cúu á tátuhun in datá ñaxihín tata. ²⁷ Tá ñandihí yáha quivi ta quiji da ta ndácoo da já yáha quivi xihín ñuú. Ta já ndúta mé tata

cán ta sáhnú a joo mé dá náchihin a cán cõ xihĩn dá ndaja sáhnú a. ²⁸ Sáhnú a jáchĩ chuun nu mé ñũhũ quéa caja ña ná cuahnu ña cán. Jihna ñũhũ ndũta mé yucũ trigo já cana yõcõ a ta nu mé yõcõ a cán ndicutũ ndaa ndĩquĩ á. ²⁹ Ta tá náchĩchi mé ndĩquĩ a cán já quée na cuahãn na jáquee na ña jáchĩ naxĩnu cõ quĩvĩ jáquee na ña —náchachi Jesús.

Sácú Jesús inga quiahva saha ndĩquĩ mostaza

(Mt. 13:31-32; Lc. 13:18-19)

³⁰ Ta cáchi tucu Jesús já:

—Viti sácú ỹ inga quiahva nu ndõ já ná cándaã ini ndõ ndá quiahva caja Ndióxi xihĩn ñayivi tá casáhá a cómi a cuéntá saha ná. ³¹ Cúú á tátũhun in ndĩquĩ mostaza ña chíhin na nuũ ñundáhyi. Cúú á ndĩquĩ loho chágã nu tóco ndihĩ ndĩquĩ válĩ in ñuyivĩ. ³² Joo tá nandihĩ náchihin na a nasahnu a ta nanduu a in yító, dó cáhnú nu ndihĩ yító. Ta xihĩn ndahá náhnú dó sácú dó cáti ta janda laa ndíquehe ndéẽ rĩ nu cáti do —náchachi Jesús.

Sácú Jesús quiahva cuiti va nuũ ñayivi

(Mt. 13:34-35)

³³ Najánaãã Jesús tũhun Ndióxi nu ná. Ta nasacu cuahá quiahva nu ná tátũhun ña yóho janda quiahva xĩnu nu mé ná cándaã ini na. ³⁴ Xihĩn mé quiahva cuiti va najánaãã Jesús nuũ ñayivi joo tá nãcandõõ Jesús xihĩn mé na xica tuun xihĩn á já ndĩcani cáxi ndihĩ a ñaha nuũ na cán.

Tá najácatáji Jesús tañũhũ tá ndicojo do

(Mt. 8:23-27; Lc. 8:22-25)

³⁵ Tá nãcuaá mé quĩvĩ cán já náchachi Jesús já xihĩn na xica tuun xihĩn á:

—Cõho inga xoo tañũhũ yóho.

³⁶ Anda já najándacoo na ñayivi já naquee na cuahãn na xihĩn Jesús ini mé barco nuũ sa ndácaã mé á. Ta ndáca táhan java ga barco cuahãn dó xihĩn ná. ³⁷ Ta ndaja coo naxĩnu in tachĩ quini ndivãha. Ta nãcasáhá ndicojo tañũhũ ndĩhvi dó ini barco já nãcasáhá ndicutũ ticuĩ ini mé barco cán. ³⁸ Ta chí xoo jata mé barco cán cándũhũ Jesús quĩjĩ a ta cánũ jĩnĩ á jata ña yihĩ jĩnĩ ná. Já najándacáxi ini na mé á ta cáchi na já xihĩn á:

—Maestro. Chí cõ sáhnĩ a mé á ña cúni ndihĩ saha yõ jáchĩ sácõo barco cahá ticuĩ cuahãn do —náchachi na.

³⁹ Anda já nãdacõõ Jesús ta nãcasáhá jãnanĩ a tachĩ xihĩn tañũhũ viti já cáchi a já:

—Catáji ndo.

Já najáyaa tachĩ. Já nãcandõõ táji núú mé cán. ⁴⁰ Anda já náchachi Jesús xihĩn na xica tuun xihĩn á:

—Ndávãha nayĩhvi nahá ndõ. Ndávãha cõ cándeé ini ndõ yehẽ —náchachi a.

⁴¹ A juũ quiahva nayĩhvi mé na cán já nãcasáhá cáhan xihĩn táhan na:

—Ndá dá cúú dataa yóho ña janda tachĩ xihĩn tañũhũ cándũsa nu cáhan dá —náchachi na cán.

5

Tá nãdaja vaha Jesús in da ndácaã inima quini ini

(Mt. 8:28-34; Lc. 8:26-39)

¹ Anda já naxĩnu na inga xoo mé tañũhũ cán nu in ñundáhyi cuéntá Gadara. ² Ta tá nanuu Jesús barco cán já naquee in dataa camasanto já naxĩnu dá nuũ Jesús. Mé dá yóho cúú dá dá ndácaã inima quini ini. ³ Ta in va da nu ndũxu ndĩjĩ ta ni in na a cuũ cató na dá ni xihĩn cadena a cuũ cató na dá. ⁴ Vati cuahá tañũ sa nacatõ na saha dá xihĩn ndáha dá joo sãhdá dá cadena ta jácuachi da ña ta ni in na a cuũ caja xihĩn dá. ⁵ Nuũ ta ndivi xica nuu da yucũ xihĩn nu ndũxu ndĩjĩ cáyuhũ dá xica nuu da ta jándicuehe dá mé dá xihĩn yuu. ⁶ Joo tá naxĩni xicá dá Jesús, ñihĩ chá nasahan dá naxĩnu dá nu in a já nãdicava xitĩ dá nu á. ⁷ Ta cáyuhũ cóhõ dá já cáchi dá já xihĩn á:

—Ndá cuéntá quéa vasũn quĩhvi nuũn xihĩn j. Yóhõ cúun Jesús, dá cúú in túhũn jĩnĩ já jahyi Ndióxi, ña cáhnú ndivãha. Xicá tahvi j nuun ña ná a jándohũn ini j —náchachi da.

⁸ Náchachi da ña yóho xihĩn Jesús jáchĩ nãcasáhá sãhdá mé á chuun nu rĩ quini cán já cáchi a já:

—Inima quini, janĩ dá yóho.

⁹ Anda já nãdacaã túhũn Jesús mé rĩ quini cán já cáchi a já:

—Ndaja nanũn.

Anda já nãducũ ñehe dá cán tũhun nu á já náchachi dá já xihĩn á:

—Legiõn nanĩ nde jáchĩ cuahã cúú nde.

¹⁰ Ndáhvĩ mé xicá tahvi dá cán nu Jesús ña ná a távã xicá a rĩ quini cuhũn rĩ. ¹¹ Ta ndaja coo xica nuu cuahã cóchĩ xixãhan rĩ yati yucũ cán. ¹² Sáhã ña cán quéa naxicã tahvi mé inima quini cán nu Jesús já cáchi rĩ já:

—Chindahá ndehẽ ná cuhũn nde ndĩhvi nde cóchĩ cáa.

¹³ Anda já nasahan Jesús ñamanĩ ta chí naquee inima quini nasãñuhu ini dá cán já nãndĩhvi rĩ ini cóchĩ xica nuu cán. Ta tóco ndihĩ cóchĩ yóho xĩnu rĩ cuahãn rĩ nanuu rĩ nu ndáyĩ já najáqueã nuu rĩ mé rĩ ini tañũhũ chí nãcandaa rĩ ticuĩ já naxihĩ rĩ. Tátũhun jvĩ mil cóchĩ nãndihĩ saha.

¹⁴ Ta ndaja coo mé dá ndáá cóchĩ cán nayĩhvi dá chí xĩnu da cuahãn dá caxi tũhun da ña nayãha yóho nuũ ñayivi ñuu Gadara xihĩn nuũ java ga na ndũu yati cán. Naquee cuahã ñayivi mé cán candehẽ na ña nãcuu. ¹⁵ Tá naxĩnu cõõ na nu in Jesús naxĩni na in coo dá nasãñuhu cuahã rĩ quini ini cán.

Sa nandaca ndixi da jáhma ta sa nandicáxi táhvi ini da. Chí nayihvi na. ¹⁶ Ta na naxini ña naca ja Jesús cán nacasáhá na ndicani na nuú ñayivi ña nandoho dātaa, da nasañuhu rí quini ini cán xihín ña nandoho cóchí viti. ¹⁷ Andá já nacasáhá na xica táhvi na nu Jesús ña ná quee a cuhún a.

¹⁸ Tá sa cuhán ndihvi Jesús ini mé barco cán já naxinu da nasañuhu rí quini ini cán já nacasáhá da xica táhvi da nu á ña ná quiahva ñamaní nu dá cuhún da xihín á. ¹⁹ Joo cóo nasañan Jesús ñamaní nu dá já naxini a xihín dá:

—Cuanúhu veñun ta ndicani nuú na veñun ndaja náhnu ñaha naca ja Ndióxi xuhún ta ndaja natáhví ini a sahún — naxini a.

²⁰ Já naquee da cuhán da ta nacasáhá da ndicani da nuú ñayivi ndúu java ñuu cuéntá Decápolis tóco ndihí ña naca ja Jesús xihín dá. Chí catónto ná taa johó na ña.

Tá nandaja vaha Jesús jahvi jhí Jairo xihín in ña nacani ndaa ndáha jáhma á
(Mt. 9:18-26; Lc. 8:40-56)

²¹ Tá nandihí nandihvi Jesús ini mé barco cán já naxinu cóo a inga xoo tañuhú nuú naquixi a. Ta cán nanditútu cuahá ñayivi nu á mé yuhú tañuhú cán. ²² Já naxinu in dá nani Jairo, da sáhdá chuun veñuhu. Tá naxini da Jesús naxaxití da sahá. ²³ Ta ndáhví mé naxica táhvi da nu á já cáchí da já:

—Xihí jahvi i viti ñuhú. Caja ndó ñamaní ná cóho vehe chinúu ndó ndáha ndó jatá ña ná ndivaha ña já ná catacu ña — naxini a.

²⁴ Andá já naquee Jesús cuhán xihín dá. Chí cándhí táhan mé ñayivi ndíco ná jatá cuhán na. ²⁵ Ta tañu ñayivi cán ndacaan in ña quihvi. Sa naxinu uxu ivi cuja nditáhví nji ña. ²⁶ Nandoho ndivaha ini ña nuú na cája tátá ñayivi ta sa najátivi ndihí ña jjuhún ña catátá ña cúni ña. Joo a cuú ndivaha ña ta jandá cája ndeé chága ví a xihín ña. ²⁷ Tá naxini johó ña saha Jesús já cuhán ña cayati ña chí jatá tañu tóco ndihí ñayivi cuhán jatá mé a cán. Ta nacani ndaa ndáha ña jáhma á ²⁸ jáchí naxahán ña: “Tá ná cani ndaa cuití ndahá yo jáhma á já ndavaha í”, naxahán ña. ²⁹ Iví laá nahichí nji ña. Naxini cáxi ña nandivaha ña ta cuhán va cuehe nandoho ña. ³⁰ Jari Jesús iví laá nandaca ini a ña nandivaha in ñayivi naca ja ndeé mé á. Já nacasáhá sándehe á chí jatá tañu ñayivi. Já nacasáhá ndáca tuhún a na já cáchí a já:

—Ndá ndó nacani ndaa ndáha jáhma i.

³¹ Ta nanducú ñehe mé na xica tuun xihín á cán tuhún nu á já cáchí na já xihín á:

—Sándehe vaha mé ndó ndá quiahva cándhí táhan ñayivi vaxi na xihín ndó ta cáa ga mé ndó ndáca tuhún ndó ndá na nacani ndaa ndáha jáhma ndó — naxini a.

³² Joo cáva nuu nuú Jesús sándehe a ndá na nacani ndaa ndáha jáhma á. ³³ Tá mé ña nandivaha cán tá nandaca ini ña ña nayaha já nacasáhá quiji nínu ña sahá ña yihvi ña. Já naxinu ña naxaxití ña nu Jesús. Andá já nacasáhá ña ndicani ña nu á ndaja cáa ña naca ja ña. ³⁴ Andá já naxini Jesús já xihín ña:

—Jahvi a, nandivahún jáchí nandúsún yehe. Cuanúhu ta a ndicani ga inún jáchí nandindaa cuhún — naxini a.

³⁵ Cáhan yíi va Jesús xihín ña cán tá naxinu java na naquixi vehe mé dá sáhdá chuun veñuhu cán já naxini na já xihín dá:

—Sa naxihí va jahvi ndó. A jáquihvi ga ndó da xica jánahá ñayivi jan — naxini a.

³⁶ Joo naca ja Jesús tátuhún có xini johó a nuú naxini na. Nacasáhá cáchí a já xihín da sáhdá chuun veñuhu cán:

—A cáyihvi tohún. Candúsa cuití vún yehe — cáchí a.

³⁷ Tá cóo nasañan Jesús ñamaní nuú na cuahá ndúu cán cuhún na xihín á. Na nasañan cuití xihín á cúu Pedro xihín Jacobo xihín Juan, da cúu ñani Jacobo. ³⁸ Tá naxinu na vehe mé dá sáhdá chuun veñuhu cán já naxini a ndiváá ñayivi sácu ndivaha na cáyuhú na ndúu na cán. ³⁹ Já naquihvi a vehe ta já cáchí a já:

—Ndá vaha ndiváá nahá ndó ta sácu cuahá ndó. Tá cóo naxihí toho ñáloho yóho joo quiji cuití va ña — naxini a xihín na cán.

⁴⁰ Joo nacasáhá na sácu ndaa na a. Andá já natavá Jesús tóco ndihí ñayivi jatá vehe. Na naquihvi xihín á nasañau tátá naná ña xihín na xica tuun xihín á. Tá naxini a nu cándúhu mé ñáloho cán. ⁴¹ Já natiin a ndáha ña ta nacasáhá cáchí a já xihín ña:

—Talita, cumi — naxini a. Mé tuhún yóho cúni cachi a: Ñáloho cáhan i xuhún cuándaco.

⁴² Iví laá nandaco ñáloho, ña ndacaan uxu ivi cuja ta nacasáhá ña xica nuu ña. Já naxini tóco ndihí ñayivi. ⁴³ Joo nasañanda Jesús chuun nuú na ndúu cán ña ná a cáxi tuhún na ña nayaha yóho nuú java ga ñayivi. Tá nasañanda a chuun nuú ná ña ná quiahva na ña cuxu mé ñáloho cán.

6

Ín Jesús ñuu a Nazaret

(Mt. 13:53-58; Lc. 4:16-30)

¹ Naquee Jesús cuanúhu á ñuu a. Já naquee na xica tuun xihín á cuhán na xihín á. ² Tá naxinu quivi ndiquehe ndéé ná já nacasáhá Jesús jánahá ñayivi ini veñuhu cán. Tá cuahá ñayivi naxini johó nuú naxini a chí naxini a na ta ndáca tuhún xihín táhan na já cáchí na já:

—Ndá já naxini a nahá da yóho ña jánahá dá nu yo. Ndá naquixi ña ndichí jini

dá. Ndá naquixi ñaha xituhún cája da. ³ Á a juú da yóho cúú da cája chúnun xihín yító, da cúú jahyi María. Ta ñani da cúú Jacobo xihín José xihín Judas xihín Simón. Ta quiahva da jan ndúu ñuu yóho xihín mí —cáchi na ndáca tühún táhan na.

Ta chí cóo ñaxeen na candúsa ñahá na. ⁴ Sáhá ña cán queá ñacachi Jesús já xihín ná: —Vatí tóco ndihi ñayivi cája cáhnu na in profeta joo na vehe da xihín na ñuu da co cándúsa na da —ñacachi Jesús.

⁵ Chí cóo ñacuu caja Jesús ña náhnu nuú na cán. Java va na quihvi cuití va ñachínúu a ndahá jiní ná já ñandaja vaha a na. ⁶ Ta chí ñacatóntó Jesús sahá ña có cándúsa na mé á. Sáhá ña cán queá ñaquee Jesús cuahán jánaha ñayivi java ga ñuu válí ndúu yati cán.

Tá ñachindahá Jesús uxu ivi na xica tuun xihín á caxi tühun na nuú ñayivi saha mé á (Mt. 10:5-15; Lc. 9:1-6)

⁷ Tá najánditaca Jesús ndihuxu ivi na xica tuun xihín á cán já ñachindahá a ña tá ivi tá ivi cañehe táhan na cuhún na. Ta ñasahan ndéé nu ná ña ná cuu tavá na ínimá quini ñúhu ini ñayivi. ⁸ Ta ñasahnda a chuun nu ná ña ná a cañehe toho na ñaha cuhún na íchi. In túhún ña cuu cañehe na cuhún na cúú in garrote, dó tiin ndaa na. Joo a cuyú cañehe na ni yátí ni pan ni jihún. ⁹ Nditahan cayihi na ndusa ta in túhún cotó na ndítahan candixi na cuhún na. ¹⁰ Ta ñacachi a já xihín ná:

—Tá ná xinu cóo ndó in vehe, canduu ndó mé vehe jan anda quiahva xinu quivi quee ndó cuhún ndó. ¹¹ Ta ndá ñuu có cúni na ndiquehe vaha na ndohó ta ni có cúni na taa joho na nu cáhan ndó já queá cuáhán queta ndó cuhún ndó ta catí ndó ña yácá saha ndó já ná ñaha ña cuahán cuachi na cán jata mé va na. Mé a ndaa ná cahan í xihín ndó ña tá ná xinu quivi caja vii Ndióxi sahá ñayivi ndúu ñuyivi já queá jándoho chága Ndióxi ini ñayivi ñuu jan sahá ña cóo ñandiquehe na ndohó a juú ga tá quiahva najándoho a ini na ñuu Sodoma xihín Gomorra sanahá —ñacachi Jesús xihín ná.

¹² Anda já ñaquee mé na xica tuun xihín á cuahán na caxi tühun na nuú ñayivi ña ndítahan nu ná ndicó cóo ini na jándacoo na cuachi cája na. ¹³ Ta ñatavá cuaha ná ínimá quini ñasañuhu ini ñayivi ta tá ñaxojo na sítí jiní ñayivi quihvi já ñandivaha na.

Tá ñaxihi Juan, da ñacaja ndúta ñayivi (Mt. 14:1-12; Lc. 9:7-9)

¹⁴ Nañehe Herodes, mé da cómi cuéntá sahá ñayivi cán tühun sahá Jesús jáchi níí cúú ñandicujita nuu tühun sahá. Ta já cáchi Herodes já saha Jesús:

—Á a juú Jesús cúú á Juan, da najácandúta ñayivi ta viti ñanditacu tucu da. Sáhá ña cán

queá íin ndéé da cája da tóco ndihi ña cája da yóho —cáchi da.

¹⁵ Ta java na cáchi na já:

—Á a juú da yóho cúú Elías, da ñasacuu profeta.

Ta java na cáchi na já:

—Á a juú da yóho cúú in profeta tátühun na profeta ñasanduu sanahá ndivaha.

¹⁶ Tá ñaxini joho Herodes ña yóho já ñacasáhá cáchi da já:

—Jivi ndusa da yóho cúú Juan, da najácandúta ñayivi, da ñasahnda i chuun ná chitühun ná jico da joo viti ñanditacu tucu da —ñacachi da.

¹⁷ Jáchi mé Herodes yóho sa ñasahnda da chuun ña ná tiin na Juan, da najácandúta ñayivi ta ñacató na da já ñachicaan na da vecaa. Ñacaja da ña yóho sahá Herodías, ña ñasacuu ñájihí Felipe, ñani mé Herodes jáchi sa ñaquehe Herodes ña cacuu ñá ñájihí mé dá. ¹⁸ Ta ñatiin Herodes mé Juan jáchi já ñasacahan Juan já xihín dá:

—Co ndítahan cóun xihín ñájihí ñanún —ñacachi da.

¹⁹ Sáhá ña cán queá ñaxojo ini Herodías xihín Juan. Ta cúni ñá cañí ñá da joo a cuyú caja ñá. ²⁰ Jáchi yihvi Herodes Juan sahá ña xini da ña cúú Juan in ta ndaa, da có cája cuachi. Ña cán queá cóo ñasahan Herodes ñamaní nu mé Herodías caja ñá ña núu xihín dá. Ta taa joho Herodes nu cáhan Juan vatí cáhvi ivi joho ini da sahá ña xini joho da joo cáji ini da taa joho da nu cáhan da. ²¹ Joo in quivi ñanuna nu Herodías cañí ña Juan jáchi ñacaja Herodes in víco cuéntá quivi ñacuu da. Mé já ñacana da da náhnu ndúu nu dá ña ná quixi na cuxu na xihín dá. Ta ñacana da tóco ndihi na cúú sacuaña nuú soldado xihín tóco ndihi ñayivi íin saha estado Galilea. ²² Ta ndaja coo ñá cúú jahyi jíhí Herodías ñaquihvi ñá nu ndúu na xixi na ta ñacasáhá ña xita sahá ña nuú ndihi na cán. Ta ñacatóto Herodes xihín na ndúu xixi xihín dá ndá quiahva ñaxita sahá ña sahá ña cán queá ñacachi Herodes xihín ña:

—Ndiá cúni mún, çacún ña nuú í jáchi quiahva í ña nuun —ñacachi da.

²³ Ta ñasahan da tühun da nu ñá cán ña quiahva da tóco ndihi ñaha ná caça ñá nu dá vatí ñahñu táhvi ndaa ñundáhyi ña cómi da chuun saha ñacachi da quiahva da nu ña. ²⁴ Já ñaquee ñá cán cuahán ñá caxi tühún ña nu náná ña ña ñacachi Herodes xihín ñá. Ta ñandaca tühún ñá ndaa ña ndiá caça ñá nu dá ta já ñacachi mé náná ña já xihín ña:

—Caça yiquí jiní Juan, da jácandúta ñayivi —ñacachi Herodías.

²⁵ Ta cama chá ñaquihvi tucu ñá cán nu ndacañ Herodes já cáchi ña já xihín dá:

—Viti ñúhú cúní ñá ná quiahva mé ndó yiquí jíní Juan, dá jácadúta ñayivi nuú í ini in cõhõ cáhnu —ñacachi ñá.

²⁶ Ta ndaja coo ñacasáhá ñacacuéhá ndivaha ini Herodes sahá ñá ñaxíca ñá cán yiquí jíní Juan. Joo sahá ñá sa ñasahan dá tũhun da nu ñá ta sa ñaxini jõho tóco ndihi na ndúu xíxi xihín dá cán ñá ñacachi da xihín ñá sahá ñá cán quéa ndúsa caja da ñá cúní ñá. ²⁷ Chí iví laá ñachindahá dá in soldado vecaa ñá ná cañehe da yiquí jíní Juan quixi a. ²⁸ Ñaxinu soldado cán vecaa já ñachitũhun dá jico Juan já ñehe da ñá ini in cõhõ cáhnu já ñandiquiahva da ñá nu ñá cán já ñandiquiahva ñá á nu náná ñá.

²⁹ Tá ñacandaa ini na ñaxíca xihín Juan ñá ñacaja na xihín dá já ñasahan na ñandiquehe na yiquí cuũu da já najánduxu na da.

Tá ñasahan Jesús ñá cuxu uñun mil taa
(Mt. 14:13-21; Lc. 9:10-17; Jn. 6:1-14)

³⁰ Tá ñandihí já ñandique táhan tucu na xíca tuun xihín Jesús xihín á já ñacasáhá ndicani na nu á ñá ñacaja na xihín ñá najánaha na. ³¹ Já ñacachi Jesús xihín ná:

—Naha ndó ná cõhõ ndiquehe ndéé loho í nu cáa xóo.

Ñacachi á já xihín ná jáchí cuahan vaxi ñayivi xíca nuu cuaha chá na mé cán ta chí cõ sáhan na ñamaní cuxu na. ³² Anda já ñandihvi Jesús xihín na xíca tuun xihín á ini in barco já ñaquee na cuahan na in nu cáa xóo. ³³ Joo cuahá ñayivi ñandicuni na Jesús tá ñaquee a cuahan. Já xínu cuahá ñayivi tá nuú ñuu cán cuahan sahá na xoo nuú cuahan Jesús ini barco. Ta jihna ga mé ná ñaxinu yuhú tañuhú cán á juú ga Jesús. ³⁴ Tá ñanuu Jesús barco cán já ñaxini a cuahá ndivaha ñayivi. Já ñatahvi ini a sahá ná jáchí tá quiahva ndúu ndicachi, rí cõó xitõho quiahva já ndúu na. Anda já ñacasáhá jánaha cuahá ñaha nu ná. ³⁵ Tá sa cáhini cuahan ñaxinu na xíca tuun xihín á já cáchí na já:

—Sa ñahini va ta á juú xoo nu ndúu ñayivi quéa yóho. ³⁶ Ndiindayí ndó ñayivi ná cuñun ñá ñuu válí xihín nuú yati yóho já ná cueen na ñá cuxu na —ñacachi na xíca tuun xihín Jesús.

³⁷ Tá ñandihí já ñanducú ñehe Jesús tũhun já cáchí á já:

—Mé ndó quiahva ndó ná cuxu na —ñacachi Jesús xihín na cán.

Ta ñacachi na já xihín á:

—Ndá cuu caja nde quiahva nde ñá cuxu na yóho jáchí jũhũn cuahá ndivaha xíní ñũhũ nde já cuu cueen nde pan cuxu ñayivi cuahá yóho. Ta ni á quéta toho iví ciento denario —ñacachi na.

³⁸ Já ñacachi tucu Jesús já xihín na cán:

—Ndaja pan cómi ndó. Cuahán ndó candehé ndó.

Tá ñasahan na sãndehé na já cáchí na já xihín á:

—Íni uñun pan xihín iví tiyacá.

³⁹ Anda já ñasahnda Jesús chuun nu ná ñá ná jácãcõõ na ndihí ñayivi tá táhnda nuú yucú cuíí cán. ⁴⁰ Tá ñasãcõõ na java táhnda in ciento na ta java táhnda iví jico uxu na. ⁴¹ Anda já ñatiin Jesús ndũhũhun pan xihín ndíví tiyacá ta sãndehé á indiví já ñandiquiahva ndixahvi nu Ndióxi. Tá ñasahnda java pan já ñasahan ñá nuú na xíca tuun xihín á já ná ndicahnda na ñá nuú ñayivi. Tá quiahva já ñasahnda tiyacá já ñanditãhnda rí nu tóco ndihí ñayivi cán. ⁴² Já ñaxixi tóco ndihí ñayivi cán ta ñachutú tíxi ndihí na. ⁴³ Tá mé pan xihín tiyacá ñá ñacandõõ ñaxixi na najãchutú na uxu iví toyicá. ⁴⁴ Tá ñaxixi uñun mil dãtaa cán.

Tá ñaxíca sahá Jesús nuú tañuhú
(Mt. 14:22-27; Jn. 6:16-21)

⁴⁵ Tá ñandihí ñacaja Jesús ñá ná ndihvi na xíca tuun xihín á ini in barco ñá ná cuñun cuéé na inga xoo tañuhú já xínu na Betsaida nani ndindayí á ñayivi já saã mé á cán ndique táhan xihín ná. ⁴⁶ Tá tá sa ñandindayí ndihí á ñayivi ñaquee a cuahan yúcu caçã tahví á nu Ndióxi. ⁴⁷ Tá ñacuaá sa ndãcaan barco mahũú tañuhú cán ta Jesús íni yíí va nu ñũhu. ⁴⁸ Tá ñaxini á ñá ndóho ini na xíca tuun xihín á jáchí á cuú jácaca na barco ini ticuúí jáchí mé xoo nuú cuñun na vaxi tachí. Tá sa cuahan tívi já xíca sahá Jesús cuahan nuú ticuúí xoo nu ndúu na ta tá ñacayati a nu ndúu na jalóho yaha saa cuñun á, nduu. ⁴⁹ Joo tá ñaxini na xíca sahá Jesús nuú ticuúí ñacahan na cuú á in ímima já ñacayuhú cóho na. ⁵⁰ Jáchí tóco ndihí na ñaxini ñahá nayihvi na. Joo ñandicãhan Jesús já cáchí á já:

—Ndacú coo ini ndó jáchí yehe va cuú u. Á yíhvi toho ndó —ñacachi Jesús.

⁵¹ Tá ñandaa Jesús jatã barco nu cándõjó na já najãyaa tachí. Chí ñacatõntó mé na xíca tuun xihín á cán. ⁵² Jáchí á ñaha taçã vaha ini na sahá ñá ñacaja Jesús tá ñandaja cuahá mé á pan xihín tiyacá jáchí ñandají tuun xíní túnjí ná.

Tá ñandaja vaha Jesús na quíhvi ndúu ñundãhyi Genesaret
(Mt. 14:34-36)

⁵³ Ñaxinu na inga xoo tañuhú ta ñacató ndaa na barco yuhú tañuhú cán já ñasaa na ñundãhyi Genesaret. ⁵⁴ Tá quéta Jesús xihín na xíca tuun xihín á ini barco cán iví laá ñandicuni ñayivi mé á. ⁵⁵ Já xínu na cuahan na ndijáá ñuu válí ndúu yati cán ndúcú na na quíhvi já ñehe na na nuú xito cásaã na nu Jesús. ⁵⁶ Tá ndá ñuu ñacuu nu quíhvi Jesús cuú á ñuu ñánuh á ñuu válí á yúcu já quéta

ñayivi sácú na ña quihvi yuhú ichi. Ta já xíca táhvi na nu Jesús ña ña quiahva ñamanj cani ndaa ndáha ná a vatí loho yuhú jahmá a. Ta ndá ña ñacani ndaa ndáha mé á ivi laá ñandivaha na.

7

*Ña cája quini inima ñayivi
(Mt. 15:1-20)*

¹ In tañu ña fariseo xihín java na jánaha ley Moisés, ña ña quixi ñuu Jerusalén ñacayati na nu ñin Jesús. ² Ta ñaxojo ini na tá ñaxini na ña ndúu coo java ña xíca tuun xihín Jesús xíxi na tá cámanj ndahá ña tá quiahva ñin costumbre ña Israel. ³ Jáchi jánaha ña fariseo xihín ndihi ña Israel ña a cuú cuxu na tá cámanj ndahá vaha na tá quiahva ñin costumbre tásáhu jícó ña. ⁴ Ta jári jánaha ña ña tá ndícó coo na sáhan ña yahvi xíni ñuhú ndahá na tá quiahva ñin costumbre ña já ná cuu cuxu na. Ta ñin cuahá ga nuú ñaha jánaha ña ndítahan caja na tátuhun ña ndícata na yaxí xíhi na xihín tindohó xihín cohó çaa anda xito quíj ña viti, ndítahan ndícata na. ⁵ Anda já ñacasáhá ña fariseo xihín ña jánaha ley Moisés cáchi na já xihín Jesús.

—Ndávaha co cája ña xíca tuun xuhun tá quiahva ñacachi tásáhu jícó yo caja í. Ndávaha xíxi na tá cámanj ndahá ña tá quiahva sáhdá ley caja í —ñacachi na. ⁶ Já ñacachi Jesús já xihín ná:

—Mé a ndaa ñacahan profeta Isaías saha ndo jáchi coo cuú ndó tá quiahva ndaa ndó.

Já ñacahyí ña já:

Yuhú ñinu uun na cája cáhu na yehe.

Ta co cája cáhu na yehe xihín ndinuhu inima ná.

⁷ Mé a uun va queá cája cáhu na yehe, jáchi ña jánaha ña nuú ñayivi cuú á ña quixi jiní mé cuití va na, ñacahyí Isaías sanahá.

⁸ Jáchi ñajándacoo ndó ña ñasahnda Ndióxi nu ndó caja ndó ta ñacasáhá ndícó cáhu ndó costumbre ña ñacaja tásáhu jícó ndo. Ta saha ña yóho ndícata ndó tindohó xihín yaxí xíhi ndó ta cája ndó cuahá chága costumbre yatá —ñacachi Jesús xihín ná.

⁹ Já ñacachi tucu a já xihín ná:

—Sahá ña cúni ndo candicó cáhu ndó costumbre mé va ndó sahá ña cán queá ñajándacoo ndó ña ñasahnda Ndióxi caja ndó. ¹⁰ Jáchi já cáchi ley Moisés: “Caja cáhnún tátún xihín nánún”, ta jári cáchi a já: “Ndá ná ná chicaan cháhan jata táta ña á jata náná ña, ndítahan quivi na”, cáchi ley Moisés. ¹¹ Joo ndóhó jánaha ndó nuú ñayivi ña cuu cahan ña já xihín tátá ña á náná ña: “A cuú chindeé e ndóhó jáchi sa ñasacu xoo í ñaha í quiahva í ña nu Ndióxi”, cáchi ná.

¹² Tá ná cachi na ña yóho já queá co ndúsa ga chindeé ña tátá ña á náná ña. ¹³ Quiahva joho cája ndó sácú xóo ndó ña ñasahnda Ndióxi nu ndo ta ndája ndó á tátuhun in ñaha ña coo saha. Jáchi ndícó cáhu ndó costumbre ña ñajándacoo tásáhu jícó ndó nu ndo ta quiahva já jánaha ndó nuú jahyi ndó. Ta cuahá ga ñaha tátuhun ña yóho cája ndó —ñacachi Jesús.

¹⁴ Anda já ñacana tucu Jesús ñayivi já ñacachi a já xihín ná:

—Cuni joho ndihi ndó nu cáhan í xihín ndo ta candaa ini ndó ña. ¹⁵ Ni in ñaha xíxi ñayivi a cuú caja quini inima ná. ña cuu ndaja quini ñayivi cuú ña quixi inima na tátuhun ña cáhan na xihín ña cája na. ¹⁶ ña ñin joho, ná cuni joho na —cáchi Jesús.

¹⁷ Tá ñandihí ñandihvi Jesús ini in vehe ta ñacandoo cuahá ñayivi jata véhe. Já ñandaca tuhún ña xíca tuun xihín á ña ndia cúni cachi a xihín tuhun ñacahan xihín ná. ¹⁸ Ta ñanducú ñehe a tuhun nu ná já ñacachi a já:

—Á coo toho xíni túni ri ndóhó va, vaha. Jáchi coo cándaa ini ndó ña tóco ndihi ñaha xíxi ñayivi a cuú caja quini a ña. ¹⁹ Jáchi ña xíxi ñayivi coo xínu a ini inima ná joo xínu coo a tíxi na já queta tucu a yiquí cuñu na —ñacachi Jesús.

Xihín tuhun yóho ñacachi Jesús xihín ná ña cuu cuxu na tóco ndihi ñaha ña xíxi ñayivi jáchi coo ndája quini a inima ná. ²⁰ Ta ñacachi tucu Jesús já:

—Ña cuu ndaja quini ñayivi cuú ña quixi inima ná tátuhun tuhun cáhan ña xihín ña cája na. ²¹ Jáchi chí ini inima ná queta ña cáhi núu ini na tátuhun ña cáhi ini in ñataa coo da xihín ñajíhi ñani táhan da á tá xíca ini da coo da xihín in ñáñaha, ña coo cuú ñajíhi ña á tá cáhi ini na cahni ña ndii. ²² Ta sa mé cán queta ña xíca ini na caja cuñhá ña tá jári xíca ini na coo cuahá ndivaha ñaha nu ná. Ta sa mé cán queta ña núu cája na ta cáhan ña ña tuhún ta cája na tá nuú cuachi ta cáhivhi ini na ta cátoó na cahan na saha táhan na ta cája cáhu na mé ná ta quíhvi cája na. ²³ Tóco ndihi ña núu yóho ña cáhi ini ñayivi caja na, quixi a inima ná ta ndája quini a ña.

Tá ñacandé ini in ña tóho Jesús

(Mt. 15:21-28)

²⁴ Já ñaquee Jesús cuahan chí ñundáhyi cuéntá Tiro xihín Sidón. Ta ñaquihvi a in vehe coo a ta coo cúni a ña ná candaa ini ña ñuu ña iin a cán joo coo ñacuu coo jehé a. ²⁵ Chá va ta ñacandaa ini in ñáñaha ña ñin Jesús vehe cán. Ta ñin in jahyi jíhi ña, ña ndacaan inima quini ini. Ta ndaja coo ñasaa ña ta ñacaxítí ña saha Jesús. ²⁶ Ta cuú ña ña tóho cuéntá ñundáhyi Sirofenicia. Ta ñaxíca tahví ña nu Jesús ña ná tavá a inima quini

ndácaan ini jahyi ñá. ²⁷ Anda já ñacachi Jesús já xihín ña:

—Jihna ñúhú ndítahan nuú i chindeé e na Israel anda jávi cuu chindeé e ndohó, na tóho jáchi ín in tuhun ta cáchi á ñá a váha toho candaa í pan xixi na valí ta jácana í ña nuú tina —ñacachi Jesús.

²⁸ Anda já ñacachi mé ñá tóho cán já xihín Jesús:

—Mé a ndaa cáhan ndó, xitoho. Joo anda tina, ri ndúu tixi mesa xixi rí ña jácuyu jahyi xitoho rí —ñacachi ñá.

²⁹ Anda já ñacachi Jesús já xihín ñá:

—Vaha va ñacahun. Saha ña cán queá cáchi i xuhun cuanúhu viti jáchi sa naqueta va ínima quini ñasandacaan ini jahyún —ñacachi Jesús.

³⁰ Ta tá naxinu ñá vehe já naxini ñá cándúhu jahyi ñá nuú xito ta sa coó ga ínima quini cán ndácaan ini jahyi ñá.

Tá nandaja vaha Jesús in da jóho, da a cuú cahan

³¹ Naquee Jesús ñundáhyi cuéntá Tiro ta nayaha chí ñuu Sidón xihín java ga ñuu cuéntá Decápolis cán já naxinu coo a tañuhú Galilea. ³² Cán ñéhe na in dataa ñacasaa na nu Jesús. Cúu dá da jóho ta cúu dá da níhi. Ta naxíca na nu á ñá ná chinúu a ndáha á jiní dá já ná ndivaha da. ³³ Já natavá xoo Jesús da tañu ñayivi cán. Já najáquihvi a in nducu ndáha jóho da ta naxihnu a tójií a já ñacani ndaa a tójií a yáa dá. ³⁴ Tá nandihí ñasandehé a indivi já ndisaa ndisaa ínima á já ñacachi a já xihín dá:

—Efata —ñacachi a ta ñá yóho cúní cachi: Ná ndinuna.

³⁵ Ivi laá nandinuna jóho mé da jóho cán ta ndivaha yáa dá já ñacasáhá cáhan vaha da. ³⁶ Ta ñasahnda Jesús chuun nuú ndihi na ñá ná a cáxi tuhun na ñá yóho nuú ni in ñayivi. Joo tá ñacachi a ñá yóho já queá ví ga ví cáhan na. ³⁷ Chí catóntó ndihi ñayivi tá xini jóho na ñá ta cáhan xihín táhan na já cáchi ná já:

—Vaha ndivaha cája Jesús tóco ndihi ñaha jáchi jánditacu a na jóho ta jándicahan mé á na níhi —ñacachi na.

8

Tá nasqhan Jesús ña cuxu comi mil ñayivi (Mt. 15:32-39)

¹ Mé já nanditútu tucu cuahá ñayivi ta chí coó mé ñaha cuxu na. Anda já ñacana Jesús na xica tuun xihín á já ñacachi a já xihín ná:

² —Táhnda ndivaha ini i sahá ñayivi yóho jáchi sa naxinu uní quivi ndúu na xihín i yóho ta chí coó ga ñaha cuxu na. ³ Ta co cúní chindahá i na nuhu na vehe na jáchi cámaní cuxu na ta tihva náá cuitá na ta cuyu na íchi jáchi sa cání ndivaha naquixi java na —ñacachi Jesús.

⁴ Anda já ñacachi na xica tuun xihín á cán já:

—Ndaa cáhan ndo. Ta ni mí, a cuú quiahva í ña cuxu na jáchi coó toho ñayivi ndúu yóho nuú cueén ña cuxu na —ñacachi na.

⁵ Anda já nandaca tuhún Jesús na já cáchi a já xihín ná:

—Ndaja pan cómi ndo.

Já ñacachi na cán já:

—Usa ña.

⁶ Anda já ñasahnda Jesús chuun nuú ñayivi ña ná cacoo na nu ñúhu. Já natiin a ndihusa pan cán. Ta nandiquiahva ndixahvi nu Ndióxi. Já ñasahnda java ña ta ñasahan ña nuú na xica tuun xihín á cán ña ná ndicahnda na ña nuú ñayivi cuahá cán.

⁷ Ta jári ñasacomí na java tujacá valí ta nandiquiahva mé á ndixahvi nu Ndióxi saha rí já ñasahnda chuun nu ná ña ná ndicahnda na rí. ⁸ Ta naxixi tóco ndihi na ndúu cán anda quiahva nachutú tixi na ta tá nandihí najácutú na janda usa toyicá xihín ña ñacandoo. ⁹ Tátuhun comi mil ñayivi naxixi. Ta tá nandihí já najándindayí Jesús na. ¹⁰ Já nandihvi a ini barco xihín na xica tuun xihín á já naquee na cuahan na ñundáhyi cuéntá Dalmanuta.

Cúni na fariseo ña ná caja Jesús in ña xitúhún nu ná

(Mt. 16:1-4; Lc. 12:54-56)

¹¹ Anda já naxinu na fariseo nu Jesús já ñacasáhá ndítuhún na xihín á. Ta sahá ña cúní na coto ndojó cuiti ñahá na sahá ña cán queá naxíca na nu á ña ná caja in ña xitúhún, ña quixi indivi já ná candaa ini na á mé a ndaa cúu á ña ñachindahá Ndióxi. ¹² Ndisaa ndisaa ini Jesús jáchi ndihi ini a xihín ná já cáchi a já:

—Ndá saha queá xica na yóho ña ná caja i in ña xitúhún. Mé a ndaa ná cahan i xihín ndó ña a cája i ñaha xitúhún nuú na yóho —ñacachi a.

¹³ Anda já nandihvi tucu Jesús ini mé barco cán ta najándacoo a na cán já naquee a cuahan inga xoo tañuhú.

Tá cáhan Jesús sahá ña jánaha na fariseo (Mt. 16:5-12)

¹⁴ Ta ndaja coo nandindojó mé na xica tuun xihín a cán cañehe na ñaha cuxu na joo ñasahin in pan cuiti va xihín ná ini barco cán. ¹⁵ Anda já ñasahnda Jesús chuun nu ná já cáchi a já xihín ná:

—Candehé ndo. Cuéntá coo ndó xihín na fariseo ta xihín na cúu cuéntá Herodes jáchi ña jánaha na cúu á tátuhun yusa ñaxaa ña cáva táhan na xihín harina cávaha na pan —ñacachi Jesús.

¹⁶ Coó ñacandaa ini na ña cáchi a ña cán queá ñacasáhá ndítuhún xihín táhan na já cáchi na já:

—Sahá ña coó pan ñéhé vaxí sahá ña cán queá cáhan Jesús ña yóho xoho —ñacachi na.

¹⁷ Sa ñacandaa ini Jesús ña cáhan na ta já ñacasahá cáhí a já:

—Mé ndó cáhí ndó ña coó pan ñéhé vaxí jáchi coo cándaq ñi ndó ta ni coo cája ndó cuéntá sahá ña jánaña i. Nandaji tuun xini túnj ndo. ¹⁸ Cúu ndó tátuhun na coo tíví nuu xihín na coo johó jáchi vatí xini ndo ta xini johó ndó joo coo cándaq ini ndó. Á coo ndícuhun ini ndó ña ñacaja i ¹⁹ tá nandicahnda i ndíhuhun pan nuu uhun mil taa. Ndaja toyicá nanditaca ñacaja ndó xihín ña ñacandoo cán —ñacachi Jesús.

Já nanducú ñehe na tuhún nu á:

—Uxu ivi ña.

²⁰ Ta ñacachi tucu Jesús xihín ná já:

—Ta tá nandicahnda i usa pan nuu comi mil ñayivi, ndaja toyicá nanditaca ñacaja ndó xihín ña ñacandoo —ñacachi a.

Já nanducú ñehe na tuhún nu á:

—Usa ña.

²¹ Anda já ñacachi a já xihín ná:

—Cámanj yij va cándaq ini ndó —ñacachi a.

Tá nandaja vaha Jesús in da cuáá ñuu Betsaida

²² Tá nandihí ñaxinu na ñuu Betsaida já ñehe na in da cuáá ñacasaa na nu Jesús. Já ñaxica tahví na nu á ña ná caní ndaa ndáha á da. ²³ Ta chí ñatiin a ndáha da cuáá cán já ñatavá a da yuhú ñuu. Nanchindaa tójjí a nduchú núu da já ñachinúu a ndáha á jini dá. Já nandaca tuhún a da á cuu candehé da.

²⁴ Ta já ñacachi da cán já sándehe da:

—Sándehe e java taa joo tá quiahva ndaa yito quiahva já ndaa da xica nuu da xini i —ñacachi da.

²⁵ Anda já ñachinúu tucu Jesús ndáha á nduchú núu da já ñasándehe ndaa da. Anda jáví nandivaha nduchú núu da ta ñacasahá sándehe cáxi vaha da tóco ndihí ñaha. ²⁶ Ta nanchindahá Jesús da cuanúhu da vehe da já ñacachi a já xihín dá:

—Á ndíhvún mahñú ñuu ni a ndícanún ña yóho nuu ñayivi ndúu jan —ñacachi a.

Tá cáxi tuhun ndaa Pedro ña cúu Jesús mé a nanchindahá Ndióxi cacomí cuéntá sahá ñayivi

(Mt. 16:13-20; Lc. 9:18-21)

²⁷ Tá nandihí já ñasahan Jesús xihín na xica tuun xihín a ñuu váli ndácaan Cesarea cuéntá Filipino. Nani xica na cuahan na íchi nandaca tuhún a na já cáhí a já xihín ná:

—Ndá da cáhí ñayivi cúu yehe —ñacachi a.

²⁸ Já ñacachi na cán já:

—Java na cáhí na ña cúu ndó Juan, da ñacaja ndúta ñayivi. Ta java na cáhí na ña cúu ndó profeta Elias. Ta java na cáhí na ña cúu ndó in táhan profeta ñasanduu sanahá —ñacachi na.

²⁹ Anda já nandaca tuhún tucu Jesús na já cáhí a já xihín ná:

—Ta ndóhó ri, ndá da cáhí ndo cúu u —ñacachi a.

Anda já ñacachi Pedro já xihín á:

—Mé ndó cúu Cristo, mé a nanchindahá Ndióxi cacomí cuéntá sahá ñayivi —ñacachi da.

³⁰ Anda já ñasahnda Jesús chuun nu ná ña ná a cáxi tuhún na ña yóho nuu ni in ñayivi.

Cáxi tuhun Jesús ña quivi a

(Mt. 16:21-28; Lc. 9:22-27)

³¹ Anda já ñacasahá jánaña Jesús nu ná ña ñanda quivi ndoho ndivaha ini mé á, da nanchindahá Ndióxi nduu ñayivi. Ta na sacuaña veñuhu xihín na sacuaña nuu jutu xihín na jánaña ley Moisés candají na mé á janda quiahva ná cahni ñahá na. Joo tá ná xinu unj quivi nditacu tucu a. ³² Cáxi ndivaha ñacahan Jesús ña yóho xihín ná ta chí anda já ñatavá xóo Pedro Jesús já ñacasahá jánañi da a sahá ña ñacachi a xihín ná. ³³ Joo ñacava Jesús ta nandicoto nihni a nuu na xica tuun xihín á já ñacasahá ndícuhe a xihín Pedro já cáhí a já xihín dá:

—Cuahán quee Satanás, ri cúu tiñahá sacuaña. Coo in xini túnun ta quiahva in xini túnj Ndióxi jáchi cáhvi inún tá quiahva cáhvi ini ñayivi ñuyiví yóho —ñacachi a.

³⁴ Anda já ñacana Jesús na xica tuun xihín á xihín java ga ñayivi já ñacachi a já xihín ná:

—Ndá na cunj candico yehe ndítahan nu ná ndihí chaga ini na sahá yehe a juu ga saha mé ná. Ta ndítahan coo tiaha na ndoho ini na sahá yehe. Ta coo caja toho a ná quivi na sahá i. ³⁵ Jáchi ndá na catóo coo chaga ñuyiví yóho ndihí saha ná. Joo ndá na sahan ndee ini quivi sahá i xihín sahá tuhún Ndióxi, ñehe táhvi ná catacu na anda ama cáa quivi. ³⁶ Vatí ná quee vaha in na ñuyiví yóho ta cómi na tóco ndihí ñaha ñuyiví joo ndá chuun queá tá nu ndihí ndihí saha ná indayá. ³⁷ Jáchi ni in ñaha a cuú chahvi in na saha ínimá ná ná a cuhun na indayá. ³⁸ Candehé ndo. Mé tiempo viti cája ñayivi cuahá cuachi ta coo xéen na caja na ña sáhná Ndióxi nu ná. Ta ndá na cácahan nuu sahá i xihín sahá tuhún vaha cáhan i quiahva já cacahan ri nuu yehe, da nanchindahá Ndióxi nduu ñayivi sahá na cán tá ná quixi i cacomí i cuéntá sahá ñayivi. Mé tiempo cán ñaha ndaja cáhu cúu yehe jáchi quixi i xihín ndee Ndióxi ta xihín ndee táto yij mé á viti —ñacachi Jesús.

9

¹ Ta ñacachi tucu Jesús já xihín ná:

—Mé a ndaa ná cahan i xihín ndo. Java na ndúu yóho a quiví toho na janda quiahva

na x̄inu quiv̄i cuni na cacomi Ndióxi cuénta sahá ñayivi x̄ihin ndée mé á —ñacachi a.

Tá nandijama Jesús quiahva cáa
(Mt. 17:1-13; Lc. 9:28-36)

² Tá nayaha iñu quiv̄i já nandaa Jesús in yucú jicó ta ndáca táhan Pedro x̄ihin Jacobo x̄ihin Juan cuahan na x̄ihin á. Ta nu táhyi mé na cán nandijama quiahva cáa. ³ Ta a juú quiahva nandiyehē jáhma nd̄ixi a chí nandiyaa cach̄i ña. Ni in ñayivi ñuyiv̄i yóho a cuú ndicata yaa nahá jáhma tá quiahva yaa nanduu jáhma á. ⁴ Andá já na xica tuun x̄ihin Jesús naixini na Elías x̄ihin Moisés ndúu na nditúhún na x̄ihin á. ⁵ Ta já ñacachi Pedro já x̄ihin Jesús:

—Maestro, vaha cúu ndúu ndē yóho jáchi já cuu cavaaha ndē un̄i vehe t̄yahvá válí. In a coo mé ndó ta inga coo Moisés ta inga coo Elías —ñacachi da.

⁶ Nayihvi ndivaha na xica tuun x̄ihin Jesús sahá ña cán queá co x̄ini mé Pedro ndia cáa cáhan va da. ⁷ Andá já nanuu in v̄ico jata ná já najáhavi a na ta tañu v̄ico cán naixini joh̄o na ña cáhan in a já cach̄i á já:

—Da yóho cúu jahyi man̄i j. Cuni joh̄o ndó nu cáhan da.

⁸ Tá tá nandicot̄o nihni na sa coó ga na naixini na ta jandá in t̄hún Jesús naixini na.

⁹ Tá sa cuahan nuu na jin̄i yucu cán já ñasahnda Jesús chuun nu na ña ná a cáxi t̄hun na nuú ñayivi ña naixini na andá quiahva ná x̄inu quiv̄i nditacu tucu mé a ñachindahá Ndióxi nduu ñayivi. ¹⁰ Sahá ña cán queá ñachijehē t̄hun na sahá joo nanditúhún x̄ihin táhan na ndia cún̄i cach̄i Jesús tá ñacachi a ña nditacu tucu a. ¹¹ Andá já ñacasahá ndáca t̄hún na mé á já cach̄i na já x̄ihin á:

—Ndávaha cach̄i na jánaha ley Moisés ña nditahan quixi jihna ñuhú profeta Elías —ñacachi na.

¹² Já ñacachi Jesús já x̄ihin ná:

—Mé a ndaa jihna ñuhú quixi Elías ta ndaja vaha ndihi da ñaha. Á co x̄ini ndó ndá quiahva cach̄i t̄hun Ndióxi sahá da chindahá Ndióxi nduu ñayivi. Cach̄i a ña ndoho ini da ta candaj̄i na da. ¹³ Joo cáxi t̄hun j̄i nu ndó ña sa naquixi a Elias ta ñacaja na tá quiahva cún̄i mé va na x̄ihin dá ta tá quiahva cach̄i t̄hun Ndióxi ndoho da quiahva já ndoho da —ñacachi Jesús.

Tá nandaja vaha Jesús in t̄ca loho ndácaan inima quini ini

(Mt. 17:14-21; Lc. 9:37-43)

¹⁴ Tá nandih̄i já nandicot̄o coo Jesús x̄ihin na cán nu ndúu java ga na xica tuun x̄ihin á cán. Já naixini na cuahá ndivaha ñayivi ñacava nuu na na cán. Jári ñuhu java na jánaha ley Moisés cáni táhan yúhu ná x̄ihin na xica tuun x̄ihin Jesús. ¹⁵ Tá naixini ñayivi yóho Jesús chí ñacatontó ndih̄i na já nandava nihni na

ñasahan na cáhan Ndióxi ná x̄ihin á. ¹⁶ Andá já ñandaca t̄hún Jesús na já cach̄i a já x̄ihin ná:

—Ndá saha nditúhún ndó x̄ihin na jan —ñacachi a.

¹⁷ In da cándichi cán nanducú ñehe da t̄hun nu Jesús já cach̄i da já:

—Maestro, yóho ñehe e jahyi j ñacasaa j̄i nu ndó jáchi ndácaan in inima quini ini da ta nandaja nih̄i nahá rj. ¹⁸ Ndá ñacuu t̄in rí da, jándacava rí da nu ñuhu ta já cáshá cána cuyu chiquiñu yúhu dá ta cáhñá nuhu dá. X̄ihin ña yóho cáshá jácutit̄a rí da. Ta sa ñaxica j̄i ñaman̄i nuú na xica tuun x̄ihin ndó ña ná tava ná mé inima quini yóho joo coó ñacuu caja na ña —ñacachi da.

¹⁹ Já ñacachi Jesús já x̄ihin ná:

—Ndáhv̄i nahá ñacuu ndó jáchi sa cuahá ndivaha quiv̄i in̄i j̄i x̄ihin ndo ta a ñaha candeé ini ndó yehē. Ta chí co ndee ga ini j̄i x̄ihin ña cája ndó. Taxi ndó da loho jan chóho —ñacachi a.

²⁰ Chí ñehe na da loho cán ñasaa na nu Jesús. Ta tá naixini mé rí quini ndácaan ini da loho Jesús iv̄i laá ñacaja rí ña ná quiv̄i yih̄i da loho cán já tiv̄i núu da nandicava da nu ñuhu x̄ihin chiquiñu cána yúhu dá. ²¹ Andá já ñandaca t̄hún Jesús tátá da cán já cach̄i a já x̄ihin dá:

—Á sanahá ndóho jahyún ña yóho —ñacachi a.

Já ñacachi tátá da cán já:

—Janda tá loho da cája rí já x̄ihin dá. ²² Ta cuahá tañu chícáan rí quini da ini yávi núhu x̄ihin ini ticūi viti ña cahni nahá rj cún̄i rj. Ña cán queá xica tahvi j̄i nu ndó ña ná candáhv̄i loho ini ndó ndehē ta chindeé ndó ndehē tá ta cuu caja ndó ña —ñacachi da.

²³ Andá já cach̄i Jesús já x̄ihin dá:

—Cuu caja j̄i ña tá cándúsun̄ yehē. Jáchi cuu caja j̄i tóco ndih̄i ñaha x̄ihin ñayivi tá cándée ini na yehē —ñacachi a.

²⁴ Iv̄i laá ñacayuhú tátá mé da loho cán já cach̄i da já:

—Cándúsa v̄i joo chindee ndó yehē ná candúsa cháḡa j̄i —ñacachi da.

²⁵ Ta tá naixini Jesús ña ñacasahá chutú cuahá ñayivi já nandicuehē mé á x̄ihin mé rí quini cán já cach̄i a já x̄ihin rj:

—Inima quini, rí nandaja nih̄i ta nandaja joh̄o da loho yóho, sáhdá j̄i chuun nuun ña ná queun ch̄un̄ ta a ndico coo gaún ndihv̄un ini da —ñacachi a.

²⁶ Andá já ñacayuhú cóhó rí quini cán já ñasahn̄i yih̄i tucu rí da. Chí ñaqueta rí cuahan rí ta najándacoo rí da loho cán tát̄hun in nd̄ii sahá ña cán queá ñacasahá cach̄i ñayivi ña sa ñaxih̄i va da jan. ²⁷ Joo ñatiin̄ Jesús ndáh̄ dá já nandínehe a da. Ta já ñandaca ndich̄i da cán.

²⁸ Ta tá nandihvi Jesús ini in vehe xihún na xíca tuun xihún á já nandaca tuhún jehé na mé á já cáchi na já xihún á:

—Ndávaha coo nacuu cajú ndehe tavá nde ínimá quini nasandacaan ini dá loho jan —nacachi na.

²⁹ Já nacachi Jesús já xihún ná:

—Tá cúní ndó tavá ndo tá ínimá quini táhan rí yóho ndítahan cajuhun ndó ta caca tahví ndo nu Ndióxi —nacachi a.

Cáxi tuhun tucu Jesús ndaja coo nuú quivi a

(Mt. 17:22-23; Lc. 9:43-45)

³⁰ Tá naquee na cuahan na nayaha na chí estado Galilea ta co cúní Jesús ña ná candaa ini ñayivi ³¹ jáchi jánaña Jesús nuú na xíca tuun xihún á cúní a. Ta cáchi a xihún ná ña vaxi quivi ndiquiahva ñayivi mé á, dá naxindahá Ndióxi nduu ñayivi ndahá ñayivi ta cahni ñahá na joo tá ná yaha uní quivi nditacu tucu a. ³² Joo coo nacandaa ini na ña cáhan xihún ná ta yihví na ndaca tuhún na mé á sahá tuhun cáhan.

Ndicani Jesús ndá na cúu na ñin chága saha
(Mt. 18:1-5; Lc. 9:46-48)

³³ Ta ndaja coo naxinu na ñuu Capernaum ta tá sa ndúu na vehe já nacasáhá ndaca tuhún Jesús na xíca tuun xihún á já cáchi a já xihún á:

—Ndía ndítuhún ndó saha tá vaxi ndó íchi —nacachi a.

³⁴ Joo coo nanducú ñehe na cán tuhun nu á jáchi íchi nuú naquixi na nandítuhún cuaha ná saha ndá dá cúu dá cáhu chága tañu mé ná. ³⁵ Andá já nasaco Jesús já nacana ndihxu ívi dá xíca tuun xihún á já nacasáhá cáchi a já xihún á:

—Ndá ndó, na cúní cacuu na nu cuítí ndítahan ndaja núu ndó mé ndó cacuu ndó na nu ndíhi ta cajú ndívi ndo nu ndíhi na —nacachi a.

³⁶ Tá nandihí já nacana Jesús in dá loho já nasacu a dá mahñú nu ndúu na já nasañehe ndaa dá já nacasáhá cáchi a já:

³⁷ —Ndá na ná ndiquehe vaha in dá loho tátuhun dá yóho sahá ña quíhví ini na yehe, ndiquehe ri na yehe viti. Ta ndá na ndiquehe yehe, a juú in tühún yehe ndiquehe na vaha jáchi ndiquehe ri na tátá í, mé a naxindahá yehe —nacachi a.

Tá ndúu java na ndiquehe saha yo já queá cuahan na xoo í

(Mt. 10:42; Lc. 9:49-50)

³⁸ Andá já nacachi Juan já:

—Maestro, naxini nde in dataa ta cáhan dá quívi mé ndó já tává dá ínimá quini ñúhu ini ñayivi. Joo coo xíca nuu da xihún yo sahá ña cán queá nasaji nuu nde nu dá cajú da ña —nacachi a.

³⁹ Joo nacachi Jesús já:

—A cáji nuu ndó nu dá jáchi tá cajú in na ña xitúhun xihún quívi í já queá a cuú caca nuu na cahan núu na sahá í. ⁴⁰ Jáchi ndá na coo ndíndita cajú xíxi xoho, mé na cán cuahan na xoo mí. ⁴¹ Ta ndá na ná quiahva in ñaha nu ndó vatí in yáxi ticujú sahá ña ndíco ndó yehe mé a ndaa ná cahan í xihún ndo ña chahví tá chahví Ndióxi sahá ñamaní cajú na xihún ndó —nacachi Jesús.

Tá jándacava ñayivi inga na nuú cuachi
(Mt. 18:6-9; Lc. 17:1-2)

⁴² Ta cáchi tucu Jesús já:

—Ndá ná na jándacava in na ndahví, na cándéé ini yehe nuú cuachi jánda vaha chága ná candíco in yúu yojó jíco ná ta ná ndíhi sahá na cahá tañuhú. ⁴³ Tá ndáha ndo queá jándacava ndohó nuú cuachi chitúhun ndó a jáchi vaha chága ná cuhun ndó indiví xihún in tühún ndáha ndo a juú ga cuhun ndó xihún ndívi ndáha ndo indayá nuú coo ndáha ñúhu cáyi. ⁴⁴ Ta cán ni ticujú coo xihí ni ñúhu cáyi coo ndáha. ⁴⁵ Tá saha ndo queá jándacava ndohó nuú cuachi chitúhun ri ndó ña jan va jáchi vaha chága ná cuhun réncu ndó indiví xihún in tühún saha ndo a juú ga cuhun ndó xihún ndívi saha ndo indayá nuú coo ndáha ñúhu cáyi. ⁴⁶ Ta cán ni ticujú coo xihí ta ni ñúhu cáyi coo ndáha. ⁴⁷ Tá nduchú nuú ndó queá jándacava ndohó nuú cuachi tavá ndó ña jáchi vaha chága ná coo cóhó nuú ndó cuhun ndó nuú cacomí Ndióxi cuentá saha ndo a juú ga ña ná coo ndívi nduchú nuú ndo cuhun ndó indayá. ⁴⁸ Ta cán ni coo xihí ticujú ta ni ñúhu cáyi coo ndáha.

⁴⁹ Tá quiahva ndívi jíhún cuáan cajú ñúhu cáyi quiahva já ndívi ínimá ñayivi xihún ña ndóho ini na. Ta tóco ndíhi ñaha jóco na nu Ndióxi chícaan na ñii yívi na já coo tívi a. ⁵⁰ Vaha va cajú ñii jáchi xihún ñii ndíhaji ña xíxi na joo tá coo ohva ña já a cuú cajú ohva tucu yó a já ná cajú chúun tucu ña. Nditahan nu ndóho cajú ndó tátuhun cajú ñii ta já canduu víi xihún táhan ndó —cáchi Jesús.

10

Jánaña Jesús nuú na sa natandaha ña coo ndítahan jándacoo táhan na

(Mt. 19:1-12; Lc. 16:18)

¹ Naquee Jesús ñuu Capernaum cuahan. Já nasahan estado Judea xihún ñundahyí in inga xoo yato Jordán. Cán nacasáhá nandítaca tucu ñayivi nu á chí jánaña tucu a na tá quiahva naçaan mé á cajú. ² Andá já nacayati java na fariseo nu Jesús sahá ña coto ndojó ñahá na cúní na. Nacachi na já xihún á:

—Á núná nuú in dataa jándacoo da ñájíhi dá —nacachi na.

³ Já nanducú ñehe Jesús tuhun nu ná já cáchi a já xihún ná:

—Ndaja cáchi ley Moisés ña ndítahan caja ndó —ñacachi a.

⁴ Andá já ñacachi na cán já:

—Tá ná quiahva in datáa in tutu nu ñájíhí dá sahá ña cúní dá jándacoo da ña já queá sahan ley Moisés ñamaní jándacoo da ña —ñacachi na.

⁵ Andá já ñacachi Jesús já xihín ná:

—Sáhan ley Moisés ñamaní yóho nu ndó jáchi táhyí ndivaha ínima ndó. ⁶ Joo janda mé saha tá nacavaha Ndióxi ñayivi nu cuítí já nacavaha in túhún ña xihín in túhún ñáha. ⁷ Sahá ña cán queá ndítahan nuú datáa jándacoo da tátá dá xihín náná dá já ndique táhan da xihín ñájíhí dá. ⁸ Já xinu ndívi na cán cacuu na tátuhun in víxi yiquí cuñu na sahá ña cán queá co cúu ga na ívi yiquí cuñu saha ña nanduu na tátuhun in túhún yiquí cuñu. ⁹ Sahá ña cán queá co ndítahan nuú na cán janí táhan na ña najácatáhan Ndióxi tá nantandaha ná —ñacachi Jesús xihín ná.

¹⁰ Ta tá nandico coo tucu na vehe já nacasáha tucu na xica tuun xihín á cán ndáca túhún na Jesús sahá ña nacahan. ¹¹ Ta nanducú ñehe Jesús túhún nu ná já ñacachi a já:

—Tá ná jándacoo in datáa ñájíhí dá ta tándaha dá xihín inga ñáñáha já queá cajú da cuachi nu ñájíhí nuú dá jáchi ín da xihín inga ñáha. ¹² Ta tá ná jándacoo in ñáñáha yí ña ta tándaha ñá xihín inga da cajú ri ñá cán va cuachi nu yí ña jáchi ín ñá xihín inga datáa —ñacachi Jesús.

Cájá yíi Jesús na valí

(Mt. 19:13-15; Lc. 18:15-17)

¹³ Andá já ñehe na java na valí nacasaa na nu Jesús ña ná caní ndaa ndáha á na. Joo mé na xica tuun xihín á cán nacasáha na cajú cuéhe na xihín mé na ndáca na valí cán. ¹⁴ Tá naixiní Jesús ña cajú na já nandicuehe a já cáchi a já xihín na xica tuun xihín á:

—Quiahva ndó ñamaní ná quixi na valí nuú i ta a cajú nuu ndó nu ná jáchi cacomí Ndióxi cuéntá sahá ñayivi tá ná cajú na tá quiahva cajú na valí yóho. ¹⁵ Mé a ndaa ná cahaní xihín ndó ndá na co cúní ndiquiahva na mé ná ndáha Ndióxi tátuhun cajú na valí yóho já queá a cúu cacomí Ndióxi cuéntá sahá ná —ñacachi a.

¹⁶ Andá já nacasáha Jesús ñehe ndaa na valí ta chinúu a ndáha á jiní ná já cajú yíi á na.

Cáhan in dá cuicá xihín Jesús

(Mt. 19:16-30; Lc. 18:18-30)

¹⁷ Tá cuahan tucu Jesús íchi já xínu in datáa nacasaa dá nasaxítí dá nu á já cáchi dá já xihín á:

—Maestro, mé ndó cúu ndó ña vaha ña cán queá ndáca túhún i ndohó ndíá ndítahan cajú i já ná ñehe táhvi cuhún i indiví coo i andá ama cáa quívi —ñacachi da.

¹⁸ Já ñacachi Jesús já xihín dá:

—Ndá cuéntá queá cáhún xihín i ña cúu u dá vaha. Ni in túhún toho ñayivi co cúu ná na vaha ñuyívi yóho. In túhún Ndióxi cuítí va queá vaha. ¹⁹ Sa xini vún ña sahnda Ndióxi nuun cajún já cáchi a já: “Coto a cóun xihín ñájíhí á yí ñani táhún. Coto a cáhnún ndíi. Coto a cajú cuíhnún. Coto a cáhún ña túhún sahá ñayivi. Coto a jándahvún ñayivi. Ta cajú cáhnún tátún xihín nánún” —ñacachi Jesús xihín dá.

²⁰ Já ñacachi dá cán já:

—Maestro, janda tá nasacuu u ña loho nacasáha i cajú i tóco ndíhi ña sahnda Ndióxi cajú i —ñacachi da.

²¹ Nasandehé Jesús nu dá ta táhnda ini a saha dá já ñacachi a já xihín dá:

—Inga ñaha cámaní cajún: Cuáhan jicún tóco ndíhi ñahún jan ta ndacahndún jühún jan nuú na ndahví já ñehe táhvun coo cuahá ñahún indiví. Ta tá nandíhi já quísnún candicún yehe —ñacachi Jesús.

²² Joo tá naixiní joho dá cuicá cán ña ñacachi Jesús ívi laá nacavitá ini da já naquee cuéha dá cuahan dá jáchi ín cuahá ndivaha ñaha da.

²³ Andá já nacasáha sándehé Jesús nuú na xica tuun xihín a cán já ñacachi a já:

—Ndaja yáncá ndivaha cáa já ndiquiahva na cuicá mé ná ndáha Ndióxi ña ná cacomí a cuéntá sahá ná —ñacachi a.

²⁴ Chí nacatontó mé na xica tuun xihín á cán sahá túhún nacahan joo nandicahan tucu Jesús já cáchi a já:

—Jahyi a, ndaja yáncá cáa sahá in na cándeé ini jühún ndiquiahva na mé ná ndáha Ndióxi ña ná cacomí a cuéntá sahá ná. ²⁵ Jáchi janda cama chága cuu yaha in camello ini in yávi saha yítucú a juú ga ña ná ndiquiahva in dá cuicá mé dá ndáha Ndióxi ña ná cacomí a cuéntá sahá dá —ñacachi Jesús.

²⁶ Andá já nacatontó ndíhi mé na xica tuun xihín á cán tá naixiní joho na ña yóho. Já nacasáha ndáca túhún táhan na já cáchi na já:

—Ndá na cúu na cuu cacu ndaa ínima, dá já —ñacachi na.

²⁷ Nandicoto nihni Jesús nu ná já cáchi a já xihín ná:

—Ni in na a cúu cajú ña yóho joo Ndióxi queá cuu cajú ña jáchi ni in ñaha co íhvi toho nu Ndióxi —ñacachi a.

²⁸ Andá já ñacachi Pedro já xihín Jesús:

—Joo ndehe najándacoo ndíhi nde ña nasacomí nde ta ndíco nde ndohó —ñacachi da.

²⁹ Já nanducú ñehe Jesús túhún nu ná já cáchi a já:

—Mé a ndaa ná cahan i xihín ndo ña ndá na jándacoo vehe na á ñani na á quiahva na á tátá na á náná na á ñájíhí na á jahyi

na á ñundáhyi ná sahá yehe xihín sahá tuhun cáhan i, ³⁰ na cán cúu ná ñehe cuaha chága ví ñaha ñuyívi yóho jatá ña najándacoo na tátuhun vehe na, ñani na, quiahva na, náná na, jahyi na, ñundáhyi ná viti vatí ná ndicujta ñayivi caja xixi na xihín ná. Joo ñehe táhvi ná catacu na andá ama cáa quívi xihín Ndióxi. ³¹ Ta ndúu cuahá na ín sahá ñuyívi yóho viti joo vaxi quívi cacuu na na coó saha nu Ndióxi. Ta ndúu cuahá na coó saha ñuyívi yóho viti joo vaxi quívi cacuu na na ín saha nu Ndióxi —ñacachi a.

Cáxi tuhun tucu Jesús ña quivi a
(Mt. 20:17-19; Lc. 18:31-34)

³² Ta ndaja coo cuahan Jesús xihín na xica tuun xihín á chí íchi ndáa cuahan chí Jerusalén. Cánúu Jesús cuahan xihín ná. Ta ñacatóntó na cán ta yihví na cuahan na xihín á. Andá ja ñatavá xoo tucu a ndihuxu ívi na xica tuun xihín á ja ñacasáhá cáhan xihín ná ña ndoho a chága chí nuu. ³³ Já ñacachi a ja: —Candehé ndó. Yóho ndáa í cuahan yo chí Jerusalén nuu ndiquiahva na yehe, da ñachindahá Ndióxi nduu ñayivi ndahá na saçuahá nuu jutú xihín nuu na jánaha ley Moisés. Na yóho cúu na cacu ini sahá ndaja quivi i. Andá ja ndiquiahva na yehe ndahá na tóho. ³⁴ Cuacu ndaa na yehe ta caní na yehe ta cuhna na tóji na nuu i ta ja cahni na yehe. Joo tá ná yaha unj quívi nditacu tucu u —ñacachi Jesús xihín ná.

Tá ñaxicá Jacobo xihín Juan ñamaní nu Jesús

(Mt. 20:20-28)

³⁵ Andá ja ñacayati Jacobo xihín Juan, jahyi Zebedeo nu Jesús ja ñacachi da ja xihín á:

—Maestro, cúni nde cacá nde in ñamaní nu ndó —ñacachi da.

³⁶ Já ñacachi Jesús ja xihín dá:

—Ndía maní cúni ndó cajú i xihín ndó —ñacachi a.

³⁷ Já ñacachi da cán ja xihín á:

—Ña xica nde nu ndó queá ná quiahva ndó ñamaní nuu nde cacoo in in nde xoo jijn ndó. In nde coo xoo cuáha ta in nde coo xoo íti jijn mé ndó indívi nuu coo ndó cacomi ndó cuéntá sahá ñayivi —ñacachi da.

³⁸ Andá ja ñacachi Jesús ja xihín dá:

—Co cándaá ini ndó ña xica ndó nuu i. Á cuu ndoho ini ndó tá quiahva ndítahan nuu i ndoho ini i. Jáchí ña vaxi nuu i ndoho ini i cúu á tátuhun coho i in yáxi ndutá ova. Á ín tiahva ndó ndoho ini ndó tá quiahva ndítahan nuu i ndoho ini i andá quiahva ná quivi i —ñacachi a.

³⁹ Já ñacachi da cán ja:

—Cuu cajú nde ña.

Já ñacachi Jesús ja xihín dá:

—Mé a ndaa tandaa quívi coho ndó ña ova ñúhu ini yáxi, mé ña coho i. Ta tandaa quívi ndoho ndivaha ini ndó tá quiahva ndoho ini i andá quiahva ná quivi i. ⁴⁰ Joo sahá ña cacoo in ndó xoo cuáha i ta in ndó xoo íti i a juú nuu i quiahva i ña nu ndó. Jáchí sa ñandicaxi Ndióxi na ñehe táhvi cacoo cán —ñacachi Jesús xihín dá.

⁴¹ Tá ñaxini johó uxu chága na xica tuun xihín Jesús cán ña yóho ja ñacasáhá xójo ini na xihín Jacobo xihín Juan viti. ⁴² Joo ñacana Jesús na ja ñacachi a ja xihín ná:

—Sa xini ndó ndaja cajú na sahná chuun nuu ñayivi ndúu ñuyívi yóho. Ña cajú na queá jácandhí na ñayivi ta cajú na tá quiahva cúni mé ná. ⁴³ Joo co ndítahan coo ña cán tañu mé ndó jáchí ndá da cúni cacuu da in da cajú ndívi nuu ndíhi ndó. ⁴⁴ Ta ndá da cúni cacuu taja nu cuítí tañu ndóhó ndítahan cacuu da da cajú ndívi nuu ndíhi ndó. ⁴⁵ Jáchí ní yehe, da ñachindahá Ndióxi nduu ñayivi coo naquixi i ñuyívi yóho ña ná cajú ndívi ñayivi nuu i. Ña naquixi i cajú i queá cajú ndívi i nu ná ta ndiquiahva i mí i quívi i ja ná cuu cacu ndaa ínimá cuahá ñayivi ná a cúlun na indayá —ñacachi a.

Tá ñandaja vaha Jesús in da cuáá naní Bartimeo

(Mt. 20:29-34; Lc. 18:35-43)

⁴⁶ Andá ja ñaxinu na ñuu Jericó. Ta tá sa ñaqueta tucu Jesús cuahan jatá ñuu cán xihín na xica tuun xihín á xihín cuahá ga ñayivi ta mé yuhú íchi cán ín coo in da cuáá naní Bartimeo, jahyi Timeo sáti da. ⁴⁷ Ta tá ñaxini johó da ña cáyati Jesús, da ñuu Nazaret vaxi da ja ñacasáhá mé da cuáá cán cáyuhú cóhó da ja cáchi da ja:

—Jesús, da naquixi chíchi David cajú ndó ñamaní candáhvi loho ini ndó yehe —ñacachi da.

⁴⁸ Joo ñacasáhá cuahá ñayivi cajú cuehe na xihín dá ña ná cajú da yuhú dá. Joo ví ga ví cáyuhú da ja cáchi da ja:

—Ndóhó, da naquixi chíchi David cajú ndó ñamaní candáhvi loho ini ndó yehe —ñacachi da.

⁴⁹ Andá ja ñandaca ndichi Jesús ja ñacachi a ja:

—Cana ndó da ná quixi da.

Já ñacana na da cuáá cán ja cáchi na ja xihín dá:

—A ndícani inún. Candichi jáchí cána Jesús yohó —ñacachi na.

⁵⁰ Andá ja ñajácana da cotó ndeé da ta ñandaca ndichi da ja ñasaá da nu ín Jesús.

⁵¹ Andá ja ñandaca tuhún Jesús da ja cáchi a ja xihín dá:

—Ndía cúnun ná cajú i xuhun.

Já ñacachi mé da cuáá cán ja:

—Candehé e cúni, xitoho.

⁵² Já ñacachi Jesús já xih̄in dá:
 –Cuu nūh̄u v̄un viti. S̄a n̄andiv̄ah̄un jáchi ñacandéé in̄un yehe –ñacachi a.
 Chí iv̄i laá n̄andaca ndehé da cuáá cán. Já n̄andico da Jesús ich̄i cán cuah̄an da.

11

*Nd̄ihvi Jesús ñuu Jerusalén
 (Mt. 21:1-11; Lc. 19:28-40; Jn. 12:12-19)*

¹ Tá n̄axin̄u na yati ñuu Jerusalén jin̄in ñuu Betfagé xih̄in ñuu Betania ña ndique táhan nūu xih̄in yúcu yitó Olivo já ñasah̄nda Jesús chuun nūu iv̄i da x̄ica tuun xih̄in á. ² Já cáchi á já xih̄in dá:

–Cuáhán ndo ñuu loho ndácaan yati jan. Tá ná xin̄u coo ndó jan ndiñehe ndó in búrr̄o ndico ndaa, rí cámani ȳi ndaa na. Ndaxi ndó r̄i ta cañehe ndó r̄i quixi ndó. ³ Ta ndá na ná ndaca tuh̄un ndohó saha r̄i já queá cachi ndó xih̄in ná ña xini ñuhú xitoho ndó r̄i viti joo tá ná ndihi chuun rí já ndixi tucu rí, já cachi ndó xih̄in ná –ñacachi Jesús xih̄in da.

⁴ Ta ñaquee dá cán cuah̄an dá já n̄andiñehe dá mé búrr̄o cán ndico ndaa rí jin̄in yéhe yuhú ich̄i já n̄andaxi da r̄i.

⁵ Ta ndaja coo java na ndúu cán ñacasáhá cáchi na já:

–Nd̄iá cája ndó. Ndávaha ndáxi ndo búrr̄o jana nde jan –ñacachi na.

⁶ Andá já n̄anducú ñehe mé da x̄ica tuun xih̄in Jesús cán tuhun nū ná ta ñacachi da tá quiahva ñacachi Jesús xih̄in dá. Andá já ñañehe dá ñaman̄i cañehe da rí cuh̄un da.

⁷ Tá n̄andih̄i já ñehe da búrr̄o cán ñacasaa da nū Jesús já ñachojó dá cotó ndéé da jat̄a r̄i já n̄andaa Jesús jat̄a r̄i. ⁸ Ta cuah̄a ñayivi ñacasáhá na ch̄induu na cotó ndéé na ich̄i ta java na ñacasáhá na s̄ah̄nda na ndáha yit̄o já ch̄induu na do ich̄i. ⁹ Ta na cuah̄an chí nūu ta jári na vaxi chí jat̄a ñacasáhá na cáyuhú na já cáchi na já:

–Cája cáhnu í Ndióxi. Ndicáhnu ñahá ná cacuu da cómi cuéntá saha yo jáchi cúú dá da vaxi yuhú nūu Ndióxi. ¹⁰ Cáhnu ná coo quiv̄i tá casáhá Ndióxi cacomí a cuéntá saha yo. Tá quiahva ñasacomí David, tátá yo cuéntá sahá ñayivi sanahá quiahva já cacomí mé á cuéntá saha yo. Cáhnu ná cacuu Ndióxi –cáchi ñayivi.

¹¹ Andá já n̄andih̄vi Jesús ñuu Jerusalén ta já n̄axin̄u a veñuhu cáhnu cán. Ta tá n̄andih̄i ñasandehé ndih̄i a níi xoo cán já ñaquee a cuah̄an chí ñuu Betania xih̄in ndih̄uxu iv̄i na x̄ica tuun xih̄in á jáchi sa ñah̄ini ta cuah̄an cuáá va.

*Tá n̄achic̄aan Jesús ch̄ahan jat̄a titó ñuhú
 (Mt. 21:18-19)*

¹² Tá ñaquee na Betania inga quiv̄i itaan já ñacasáhá cuico Jesús cuah̄an. ¹³ Tá ñaxini x̄ica a in titó ñuhú vaha dó ndoco ndáha. Ñasah̄an Jesús s̄andehé a á in cuihi nū do

joo coo rí ná ñehe a. Ndáha uun va dó cán in̄in jáchi a juú tiempo coo rí cán queá. ¹⁴ Andá já ñacah̄an Jesús xih̄in titó ñuhú cán já cáchi a já xih̄in do:

–Ni in ga na a cáxi ga cuihi nū yóhó –cáchi a xih̄in do.

Ta ñaxini joho na x̄ica tuun xih̄in á cán tuhun yóho.

Tá n̄ataxi Jesús na ndúu jicó ñaha yéhe veñuhu

(Mt. 21:12-17; Lc. 19:45-48; Jn. 2:13-22)

¹⁵ Tá n̄andih̄i já n̄axin̄u na Jerusalén. Ta tá n̄andih̄vi Jesús veñuhu cáhnu cán já ñacasáhá táxi a na ndúu jicó cán xih̄in na ndúu xéen viti. Ta ñaxico ñehe a mesa na ndúu ndijama jih̄un ñayivi ta ñaxico ñehe a táyi sác̄oo na ndúu jicó ndijata. ¹⁶ Ta chí coo ñasah̄an ñaman̄i nūu ñayivi cañehe na ñaha ndih̄vi na veñuhu. ¹⁷ Andá já ñacasáhá jánaha nū ná já cáchi a já xih̄in ná:

–Já cáchi tuhun Ndióxi: “Vehe mí i cacuu a vehe nū quixi na caça tah̄vi na nūu i saha tóco ndih̄i ñayivi ñuyiv̄i”, cáchi tuhun Ndióxi. Joo ndohó ñandai cuu ndó yóho caja cuih̄na ndo nūu ñayivi –ñacachi Jesús xih̄in ná.

¹⁸ Tá mé na sacuaña nūu jut̄u cán xih̄in na jánaha ley Moisés ñaxini joho na ña yóho já ñacasáhá na ndúcú na ndá quiahva cáhni na a jáchi yih̄vi ñahá na sahá ña cátoñtó ndih̄i ñayivi xih̄in ña jánaha mé á nū ná. ¹⁹ Joo tá ñacuaá já ñaquee Jesús ñuu cuah̄an xih̄in na x̄ica tuun xih̄in á.

*Tá nah̄ich̄i titó ñuhú, dó coo cuihi nūu
 (Mt. 21:20-22)*

²⁰ Ta naha chá inga quiv̄i itaan nayaha na nū cándichi mé titó ñuhú cán já ñaxini na ña nah̄ich̄i do janda yóho do nah̄ich̄i. ²¹ Andá já n̄andicuhun ini Pedro saha mé titó ñuhú já cáchi dá já xih̄in Jesús:

–Maestro, candehé ndó titó ñuhú, dó ñacah̄an cuehe ndó xih̄in. S̄a nah̄ich̄i dó viti –ñacachi da.

²² Já ñacachi Jesús já xih̄in dá:

–Candéé ini ndó Ndióxi. ²³ Jáchi mé a ndaa ná cah̄an i xih̄in ndo ña tá ná cachi ndó xih̄in yúcu yóho: “Caxoo ta cuáhán jáquet̄un mún ini tañuhú”, ta tá coo cáhvi iv̄i joo ini ndó ta tá cándusa ndó coo tá in̄in cáchi ndó ta chí já ndusa coo. ²⁴ Sahá ña cán queá cáchi i xih̄in ndo ña tóco ndih̄i ñaha x̄ica tah̄vi ndo nū Ndióxi ta tá cándusa ndó ña sa ñañehe ndó a já queá ñehe ndusa ndó a. ²⁵ Ta tá ndúu ndó x̄ica tah̄vi ndo nū Ndióxi xini ñuhú caja cáhnu ini ndó saha ndá na xójo ini ndó xih̄in já ná caja cáhnu ri ini Ndióxi, tátá ndo ña in̄in indivi sahá cuachi ndó. ²⁶ Joo tá coo caja cáhnu ini ndó sahá ñayivi já queá ni Ndióxi, tátá ndo ña in̄in indivi a caja cáhnu ini a sahá cuachi ndó –ñacachi a.

Tá nandacá tũhún na Jesús ña ndáchí quíxi ndéé á ña cája cuahá nuú ñaha
(Mt. 21:23-27; Lc. 20:1-8)

²⁷ Andá já nandicó coo tucu na ñuu Jerusalén. Ta tá xíca Jesús chí veñũhu cáhnu cán já ñacayati na saçuahá nuú jutu xihín na jánahá ley Moisés xihín na saçuahá veñũhu nu á. ²⁸ Já nandacá tũhún na Jesús já cáhí na já xihín á:

—Yo já sáhan ñamanj nuun cajún ña cájún yóho —ñacachi na.

²⁹ Já ñacachi Jesús já xihín ná:

—Ná ndaca tũhún ri yehe va ndohó ta tá ná nducú ñehe ndó tũhun nuú i andá já caxi tũhun i nu ndo yo já ñasahan ñamanj nuú i cajú i ña cája i yóho. ³⁰ Cachi ndó xihín i yo já ñachindahá Juan ña ná quixi da caja ndúta da ñayivi. Á Ndióxi ñachindahá da, á ñayivi ñachindahá ñahá. Nducú ñehe quíxi ndó tũhun nuú i viti —ñacachi Jesús xihín ná.

³¹ Andá já ñacasáhá ndítũhún xihín táhan na cán já cáhí na já:

—Tá ná cáhí ña Ndióxi queá ñachindahá Juan ta já nducú nehe Jesús tũhun nu yo já cachi da xohó: “Ndá cuéntá queá coo ñaxeen ndó candũsa ndó da, dá já”, cachi Jesús xohó. ³² Ta tá ná cáhí: “Ñayivi cúu na ñachindahá Juan”, já ndicuíta ñayivi xihín yo —ñacachi na ndítũhún xihín táhan na.

Já cáhí na jáchí yíhí na ñayivi jáchí tóco ndihí ñayivi ñacáhan na sahá Juan ña cúu dá da ñachindahá Ndióxi jáyaha da tũhun cáhan mé á nuú ñayivi. ³³ Sahá ña cán queá ñacachi na já xihín Jesús:

—Co xini toho nde yo ñachindahá Juan.

Andá já ñacachi a já xihín ná:

—Ta ni yehe a caxi tũhun i nu ndo yo já ñasahan ndéé nuú i cajú i ña yóho —ñacachi na.

12

Sácú Jesús quiahva sahá java mozo, da ñacaja quini xihín xitoho
(Mt. 21:33-46; Lc. 20:9-19)

¹ Andá já ñacasáhá Jesús sácú a quiahva nuú ñayivi já ñacachi a já xihín ná:

—Ñasahĩin in datãa najãndee cuahá dá tó uva nu ñũhu dá ta já ñasacu da in corra yito nu do. Ta ñacavaha da in nuú cũhñj mé uva cán ña cavaha vino. Ta ñacavaha da in nu jícó canúu da já cuu candaa da tóco ndihí dó cán.

Tá ñandihí já ñasahan ndojó da ñũhu dá nuú java na caja chúun na ña já ñaquee da cuahan xícá da. ² Ta tá ñaxinu tiempo jáquee na já ñachindahá da in mozo da nuú na cája chúun ñũhu da cán ña ná ndiquiahva na ña cáni nu dá ndiquehe da sahá ñũhu da ña ñasahan ndojó da nuú na cán. ³ Joo mé na cája chúun tóo ñũhu cán ñatiin na mozo da

cán já ñacani na da. Tá ñandihí já ñanducú ñehe na da nuú xitoho da joo coo ñaha ná sahan na nu dá. ⁴ Andá já ñachindahá tucu mé da xihín ñaha ñũhu cán inga mozo. Joo da yóho ñacaja xíxi tucu na xihín dá jáchí ñacani na da xihín yuu. Ta najãndicuehe na jiní dá já ñacasáhá cánhá ná xihín dá. ⁵ Ta mé da xihín ñaha ñũhu cán ñachindahá tucu da inga mozo da ta ñasahni na da. Ta ñachindahá cuahá ga da mozo da ñasahan cán. Ta java da ñacani na ta java da ñasahni na.

⁶ Ñacandoo in tũhún jahyi mé da xihín ñaha ñũhu cán ta quíhvi ndivaha ini da jahyi da. Joo tá nu ndihí já ñachindahá da jahyi da jáchí cáhan da: “Cája i cuéntá coo toní ñũhú na xihín jahyi i”, ñacáhan da. ⁷ Joo mé na cája chúun ñũhu cán ñacasáhá ndítũhún xihín táhan na já cáhí na já: “Candehé ndo. Yóho vaxi da cúu jahyi xitoho i. Ta tá ná xinu quívi quivi xitoho i ta da yóho cacuu da ndicoo chuun sahá ñũhu yóho. Cóho cahni yó da já ná candoo ñũhu yóho ndáha mí”, ñacachi xihín táhan na cán. ⁸ Andá já ñatiin na da cán ta ñasahni na da já ñajacana na yiqui cuñu da jatá cútú cán —ñacachi Jesús.

⁹ Andá já nandacá tũhún Jesús ñayivi nduu cán já cáhí a já:

—Á co xini ndó ndia caja da xihín ñaha ñũhu yóho viti. Ña caja da queá quixi da ta cahni ndihí da na cája chúun tóo nu ñũhu dá. Já ndiquiahva da ñũhu dá nuú java ga na já ná caja chúun na nu á.

¹⁰ Á co xini ndó ña cáhí tũhun Ndióxi. Ña cáhí a queá: Mé yuu ña ñajacana da cávaha vehe, ña cán cúu ña ñandu yuu ndũhu sahá vehe ña ñin chága sahá.

¹¹ Ña yóho queá ñacaja Ndióxi ta cúu á in ñaha cáhnu ndivaha nu yo, cáhí tũhun Ndióxi —ñacachi Jesús.

¹² Andá já ñacasáhá ndúcú na saçuahá tiin na Jesús chicaan na a vecaa jáchí ñacandaã ini na ña sahá mé ná ñasacu a quiahva yóho. Joo sahá ña yíhvi na ñayivi najãndacoo na a ta ñaquee na cuahan na.

Ndáca tũhún na Jesús á ndítahan nu ná chahvi na jũhún cuéntá impuesto
(Mt. 22:15-22; Lc. 20:20-26)

¹³ Tá ñandihí já ñachindahá na java na fariseo xihín na cúu cuéntá Herodes nu Jesús ña ná coto ndojó ñahá na xihín tũhun cáhan mé á já ná chicaan na cuahí jatá. ¹⁴ Andá já ñaxinu na nu Jesús já cáhí na já xihín á:

—Maestro, xini nde ña ndinuhu ña ndaa cáhan mé ndó. Ta co quehe ndó cuéntá tá cáhan núu ñayivi sahá ndo. Ta cándaã ini nde ña tá cáhan ndó sahá in ñaha cája ñayivi cúu á sahá ña sãndehé ndó jandã ñimã ná. Ta cándaã ini nde ña jánahá ndó ña ndaa sahá

íchi cuéntá Ndióxi. Ta viti cúnj nde ndaca tühún nde ndohó á ndítahan nuú nde चाहवि nde jühún cuéntá impuesto nuú da cómi cuéntá saha yo ñuu Roma. Á चाहवि nde ña, á a चाहवि toho nde ña —nacachi na.

¹⁵ Joo sa ñacandaq ini Jesús ña co cúu ná tá quiahva ndáa na ña cán queá nacachi a já xihín ná:

—Cándaq cáxi táhyi ini i ña cúnj ndó coto ndojó cuití ndó yehe. Jánaha ndó in táhan jühún jan nuú i ná candehé e ña —nacachi a.

¹⁶ Já nasahan na mé jühún cán nu á ta tá naxini a ña já nacachi a já xihín ná:

—Yo nahná ta yo quivi queá ndáa nu á.

Já nacachi na cán já xihín á:

—Ñehe a quivi xihín nahná da cómi cuéntá saha yo ñuu Roma —nacachi na xihín á.

¹⁷ Anda já nacachi Jesús já xihín ná:

—Ndi quiahva ndó ñaha da cómi cuéntá saha ndó ñuu Roma jan nu dá. Ta ndi quiahva ndó nu Ndióxi ña cúu ñaha mé á —nacachi a.

Chí cacatontó mé na cán sahá ña nacachi Jesús xihín ná.

Ndáq tühún na saduceo Jesús á mé a ndaq nditacu ndji

(Mt. 22:23-33; Lc. 20:27-40)

¹⁸ Anda já nasahan java na saduceo cahan na xihín Jesús. Ta mé na saduceo yóho co cándusa na ña ndítacu tucu na sa naxihí. Sahá ña cán queá nandaca tühún na Jesús já cáchi na já xihín á:

¹⁹ —Maestro, nu ley nacahyi Moisés sanahá natahnda chuun ta cáchi a já: “Tá tándaha in dataa xihín ñájihí da ta tá coq jahyi ná cacu xihín dá ta tá ná xinu quivi quivi da cán já queá cáchi ley Moisés ña ndítahan tandaha tucu ñájihí da xihín da cúu ñani mé ndji cán já ná coo jahyi da cán xihín yuhú nuú ñani da”, já cáchi ley Moisés. ²⁰ Ta viti cuni johó ndó ná cacu nde in quiahva nu ndó. Nasahjin usa ñani ta da nu cuití natandaha dá xihín in ñáñaha. Tá nandihí naxihí da joo coq jahyi da ná cacu xihín ña cán. ²¹ Ta natandaha ñani da, da chí ivi xihín ná cuáan cán. Ta já naxihí ri da cán va ta ni da yóho coq nacacu jahyi xihín ñájihí ñani. Ta quiahva já nandoho ri ñani da, da chí unj. ²² Anda quiahva naxinu ndihusa da natandaha xihín ña ta ni in da coq nacacu jahyi xihín ña. Tá nu ndihí naxihí ri mé va ña. ²³ Ta viti ndáca tühún nde ndohó ndá da cacuu ndusa yí ña cán tá ná xinu quivi nditacu tucu ndji jáchi ndihusa va ñani da cán natandaha xihín ña —nacachi na.

²⁴ Anda já nanducú ñehe Jesús tühun nu ná já cáchi a já xihín ná:

—A váha toho cáhvi ini ndó jáchi co xini ndó ndaja cahan tühun Ndióxi ta ni co xini ndó ndá quiahva cáhnu cúu ndéé Ndióxi.

²⁵ Jáchi tá ná nditacu tucu ndji a tándaha ga na ta ni a quiahva na jahyi jhí na tandaha ná. Cacuu na tá tühun táto Ndióxi ndúu in-divi ta co tándaha na cán. ²⁶ Joo sa xini yo ña nditacu tucu ndji. Á a ñaha cahvi ndó ña nacahyi Moisés sahá ña nacahan Ndióxi xihín dá tañu tohíñú, dó cándaha ñúhu cán. Já nacachi a já xihín dá: “Yehe cúu Ndióxi cája cáhnu Abraham ta yehe cúu Ndióxi cája cáhnu Isaac ta yehe cúu Ndióxi cája cáhnu Jacob”, nacachi a. ²⁷ Ta ña yóho cuni cachi a ña tácu yji va Abraham xihín Isaac xihín Jacob vatí sa naxihí yiquí cuñu na. Sahá ña cán queá co xini ndó ndá saha cahan ndo —nacachi a.

Tá cahan Jesús ndiq cúu ña cáhnu chága sáhdá Ndióxi caji í

(Mt. 22:34-40)

²⁸ Ta ndaja coo in da jánaha ley Moisés nacayati da nu Jesús jáchi sa naxini johó da ña nacahan Jesús xihín na ndúu cán. Sahá ña xini da ña nanducú ñehe ndaja Jesús tühun nuú na cán sahá ña cán queá nandaca tühún da Jesús já cáchi da já xihín á:

—Ndiá cúu ña cáhnu chága sáhdá Ndióxi caji í —nacachi da.

²⁹ Já nacachi Jesús já xihín dá:

—Ña cáhnu chága cúu ña cáchi tühun Ndióxi yóho: “Taa johó ndó, na Israel. Ín in tühún jini Ndióxi ta mé á cúu xitoho í. ³⁰ Ta ndítahan quihvi ini ndó mé Ndióxi, xitoho ndó xihín tóco ndihi ínimá ndo ta xihín nd-inuhu ini ndó. Ta quihvi ini ndó a xihín tóco ndihi xini túni ndo ta xihín tóco ndihi ndéé ndo.” Ña yóho cúu ña nu cuití sáhdá Ndióxi caji ndó. ³¹ Tá cuni coo ña nu cuití já cuni coo ri ña chí ivi va ta cáchi a: “Quihvi ini ndó ñani táhan ndó tá quiahva quihvi ini ndó mé ndó.” Coq ga inga ña sáhdá Ndióxi caji ndó cacuu ña cáhnu chága nuú ña yóho —nacachi a.

³² Anda já nacachi mé da jánaha ley Moisés cán xihín Jesús:

—Vaha chá nacahan ndó, Maestro. Mé a ndaq queá nacahan ndo ña ín in tálaa cuití Ndióxi ta coq inga ga Ndióxi. ³³ Ta ndítahan quihvi ini mé á xihín tóco ndihi ínimá yo ta xihín ndinuhu ini ta xihín tóco ndihi xini túni yo ta xihín tóco ndihi ndéé yo. Ta ndítahan quihvi ini ñani táhan í tá quiahva quihvi ini mí. Ndiyahvi chága ña yóho a juú ga tóco ndihi ñaha jóco na nu Ndióxi ta ndiyahvi chága ña a juú ga ñaha chícaan ñúhu ná nu ña —nacachi da.

³⁴ Tá naxini Jesús ña nanducú ñehe vaha da cán tühun nu á já cáchi a já xihín dá:

—Jalóho cuni ña cacomí Ndióxi cuéntá sahun —nacachi Jesús.

Tá nandihí cán ni in ga na coq nasahan ndeé ini na ndaca tühún ga na mé á.

Ndáca tuhún na Jesús ndáchi naquixi a
(Mt. 22:41-46; Lc. 20:41-44)

³⁵ Ndácaan Jesús veñuhu cáhnu jánaḥa nuṽ ñayivi já cáchi a já xih̄in ná:

—Ndávaḥa cáchi na jánaḥa ley Moisés ña vaxi Cristo ch̄ichi David. ³⁶ Ta sa mé David tá naçhutú ndaa ini da xih̄in ínimã yii Ndióxi já naçachi da já:

Já naçachi Ndióxi xih̄in xitoho j:

“Cacoo xoo cuáha i yóho, anda quiahva ná caja i ña ná cacomún cuéntá sahá na co cúní yohó”, naçachi Ndióxi sanahá.

³⁷ Ndávaḥa cáchi na ña vaxi Cristo ch̄ichi David joo mé tiempo cán naçachi David ña cúú á xitoho da —naçachi Jesús.

Ta cuahã ndivaḥa ñayivi cájii íni ná táa johō na nu cáḥan Jesús.

Chicaan Jesús cuachi jatá na jánaḥa ley Moisés

(Mt. 23:1-36; Lc. 11:37-54; 20:45-47)

³⁸ Tá jánaḥa Jesús na já cáchi a já xih̄in ná:

—Cuéntá coo ndó xih̄in na jánaḥa ley Moisés jáchi cátoó na cándixi na jáhma náni caca nuu na. Ta cátoó na çañan toni ñúhú ndivaḥa ñayivi xih̄in ná tá xica nuu na nuṽ yahvi. ³⁹ Ta tá cuahã na veñuhu cátoó na cacoo na nu sácoo na ín chãga saḥa. Ta tá cuahã na víco nuṽ vaha cátoó na coo na. Cuéntá coo ndó xih̄in na yóho. ⁴⁰ Jáchi cándaa na vehe najih̄i cuáan ta tá ndiñhi cuahá ndivaḥa xica ṭahví na nu Ndióxi jáchi cúnj na jájahvi na nuṽ ña núu cãja na. Mé a ndaa ná çañan i xih̄in ndo ña mé na jánaḥa ley Moisés yóho cacuu na na ndoho chãga ini caja Ndióxi —cáchi Jesús.

Ña najoco in ña cuáan ndáhví
(Lc. 21:1-4)

⁴¹ In tañu ín coo Jesús ini veñuhu cáhnu cán yati nu ín saṭo nu táan na jiuḥún jóco na nu Ndióxi. Ta sãndehé a ndá quiahva táan ñayivi jiuḥún ini mé saṭo cán. Ta naḥini a cuahá ṭaa çuċá xinu coo táan cuahá na jiuḥún ini mé saṭo cán. ⁴² Ta mé já naḥinu coo in ña cuáan ndáhví ta nataán ña ivi jiuḥún ña núu yahvi ini mé saṭo cán. ⁴³ Já naçana Jesús na xica tuun xih̄in á ta já cáchi a já xih̄in ná:

—Mé a ndaa ná çañan i xih̄in ndo ña cuahã chãga jiuḥún naṣahan ña cuáan ndáhví yóho a juu ga tóco ndih̄i java ga na cán. ⁴⁴ Jáchi tóco ndih̄i na cán naṣahan na ña yójó nu ná joo ña cuáan ndáhví yóho naṣahan ña nu Ndióxi tóco ndih̄i ña cómi ña catacu ña —naçachi a xih̄in ná.

13

Cáxi tuhun Jesús nu ná ña vaxi quiv̄i ndih̄i sahá veñuhu cáhnu ñuu Jerusalén
(Mt. 24:1-2; Lc. 21:5-6)

¹ Tá naqúee Jesús veñuhu cáhnu cán já naçachi in da xica tuun xih̄in a cán já:

—Maestro, candehé ndó ndaja náhnu yuu naçavaha na veñuhu yóho ta ndaja jícō ndivaḥa naçavaha na ña —naçachi da.

² Anda já naçachi Jesús já xih̄in ná:

—Mé a ndaa náhnu a joo ndá chuun cúú á jáchi ni jandã in yuu yóho a cándoḡ jatá inga yuu jáchi vaxi quiv̄i tá nditañi ndih̄i ña yóho —naçachi a.

Ndicani Jesús ña coo tá ná cayati quiv̄i ndih̄i sahã ñuyiv̄i

(Mt. 24:3-28; Lc. 21:7-24; 17:22-24)

³ Anda já naṣahan na cán yúcu yitō Olivo, ña xito ndaa táhan xih̄in veñuhu cáhnu cán. Ta tá ín coo Jesús cán já naḥinu Pedro xih̄in Jacobo xih̄in Juan xih̄in Andrés já naçañan jehé na xih̄in á já cáchi ná já:

⁴ —Cúnj nde ña ná çaxi tuhun ndó xih̄in nde ndá ama ta coo tóco ndih̄i ña yóho. Ta ndaja coo tá sa naçayati mé quiv̄i cán —naçachi na.

⁵ Já naçachi Jesús já xih̄in ná:

—Cuéntá coo ndó ta a quiahva ndó ñamanj jándahvi ni in ñayivi ndohó. ⁶ Jáchi cuahá ndivaḥa na quixi na cuéntá mí i ta çañan na ña tuhún tá çachi na tá xih̄in ndó: “Yehe cúú Cristo, da naçindahá Ndióxi cacomí cuéntá sahá ñayivi.” Ta xih̄in ña yóho cuahã ndivaḥa ñayivi jándahvi na.

⁷ Joo tá naçasáhã xini johō ndó ña yóho cáa cúu tonдохó, a cáyhivi toho ndó jáchi quiahva ja ndítahan coo. Joo cámanj yii xinu coo quiv̄i nu ndih̄i. ⁸ Jáchi ñayivi ndúu in nación ndicuċta na caní táhan na xih̄in na ndúu inga nación ta caní táhan na ín ñuu xih̄in na inga ñuu. Ta quixi nditáan ndi-jáá nu ndúu ñayivi já xinu tamã ndeé ta já casáhã na ndivaḡa na. Ta tóco ndih̄i ña yóho cúú á tá çava sahá sahá ña núu vaxi nuṽ ñayivi jáchi cámanj xinu coo chãga nuṽ ndoho ini na.

⁹ Joo candaa vaha ndó mé ndó jáchi ndiquiahva na ndohó ndahá na cómi chuun ta caní na ndohó ini veñuhu. Ta sahá yehe cañehe na ndohó nuṽ na cómi cuéntá sahá ñayivi xih̄in nuṽ na cúú jutixia ta já cuu çañan ndó sahá i nuṽ ná cán. ¹⁰ Joo jihna ñúhú xini ñúhú ndicuċta nuu tuhun vaha saḥa mí i nu tóco ndih̄i ñayivi anda jávi ndih̄i saḥã ñuyiv̄i yóho. ¹¹ Ta tá ná cañehe na ndohó çuhun ndó nuṽ ná jutixia, a ndicani ini ndó sahá ndá tuhun çañan ndó xih̄in ná. Mé hora já çañan ndó ña quiahva Ndióxi nu ndó çañan ndo. Jáchi a juu jin̄i mé ndó quixi ña çañan ndo. Ínimã yii Ndióxi cacuu ña quiahva tóco ndih̄i ña çañan ndo. ¹² Ta java ṭaa jicō tuhún da ñani da ta java da jicō tuhún da jahyi da ña ná cañni ñahá na. Ta cuahã ná ndicuċta na caní táhan na xih̄in tátã na ta cañni ñahá na. ¹³ Ta ndaja táhan ñayivi ndúu

ñuyiví yóho candají na ndoghó sahá yehe. Joo ndá na ná candijó tuun ichí mí i jandá ná xinu quiví quivi na, na jan cacuu na cacu ndaa ínima.

¹⁴ Na cáhvi tutu ná candaa ini na ña cáhan. Daniel cúú dá naçahví sanahá sahá in ña quini ña játiví ñahá. Tá ná cuni ndó ña cándichi in a nuú cõ ndítahan coo a já ndítahan nuú na ndúu estado Judea cunu na cuhun na chí yúcu. ¹⁵ Ta ndá na cánuu jiní véhe mé quiví já cõ ndítahan nuu na tavá na ñaha vehe na. ¹⁶ Ta ndá na ndúu yúcu cõ ndítahan ndicõ coo na vehe na ndiquehe na jáhma ná. ¹⁷ Ndáhví najihí, mé na ñúhu jahyi mé quiví já. Ta ndáhví na ñéhe ndaa na valí táhan ña chíchí yí. ¹⁸ Caça táhvi ndõ nu Ndióxi ña ná a cacuu a tiempo víxi tá ná cunu ndó cuhun ndõ já ná a ndóho chága ini ndó. ¹⁹ Jáchi quiví ndoho ndivaha ini ndó cacuu a cán. Jáchi jandá tá naçava sahá sahá ñuyiví coõ nandoho ini na tá quiahva ndoho ini na mé quiví jan. Ta tá ná yaha ña jan, a ndicõ coõ ga ña ndoho ini na quiahva já. ²⁰ Ta tá ná a ndája cuítí Ndióxi tiempo yóho ni in ñayivi a cúu cacu ndaa. Joo naçacu ini a ndaja cuítí a mé tiempo yóho jáchi quíhvi ini a tóco ndihi na naçaxi mé á.

²¹ Ta tá ná cachi in na xihín ndó: “Candehé ndõ, yóho ín Cristo, dá naçhindahá Ndióxi cacomí cuéntá sahá ñayivi”, á tá ná cachi na: “Candehé ndõ, cáa ín da”, cachi na já queá a cándúsa toho ndó na. ²² Jáchi quixi cuahá na jándahvi ndoghó ta ndaja na mé ná tátuhun Cristo. Joo a juú Cristo cúú ná. Ta quixi cuahá na ta cachi na cahan na cuéntá Ndióxi ta jári caja na cuahá nuú ña náhnu xihín ña xitúhún ña ná jándahvi na ñayivi. Ta anda na sa naçaxi Ndióxi jándahvi na tá ná cuu caja na ña. ²³ Xini ñúhú candehé vaha ndó mé ndó jáchi sa naçaxi tuhun yachí ndihi i ña yóho xihín ndõ —naçachi Jesús.

Ndaja coo tá ná xinu coõ quiví quixi tucu Jesús

(Mt. 24:29-35, 42, 44; Lc. 21:25-36)

²⁴ Já cáhí tucu Jesús já:

—Joo tá sa nayaha tóco ndihi ña nandoho ini ñayivi já canaa nuú candii ta a ndiyehé ga yoo. ²⁵ Anda indiví quee quimi cuyu ri nu ñúhu ta quiji nuu indiví ña naçavaha Ndióxi. ²⁶ Anda já cuni na yehe quixi i tañu víco xihín tóco ndihi ndéé cáhnu i, dá naçhindahá Ndióxi nduu ñayivi. Ta cuni na ndá quiahva cáhnu cúú yehe. ²⁷ Ta tá nandihí já chindahá i táto mí i ña ná jánditaca na na sa naçaxi i tañu tóco ndihi ñuu jandá níi cúú sahá ñuyiví ta jandá níi cúú sahá indiví.

²⁸ Catiahva ndó ña cúni cachi mé quiahva sácú u nu ndó sahá titó ñúhú. Tá yútá ndáha dó cán ta vaxi númá valí dõ já candaa ini

ndó ña vaxi tiempo ihní. ²⁹ Ta quiahva já cacuu ña yóho tá ná cuni ndó yaha tóco ndihi ña yóho. Jáchi anda jáví candaa ini ndó ña naçayati tiempo quixi tucu yehe ñuyiví yóho. ³⁰ Mé a ndaa ná cahan i xihín ndó ña yaha tá yaha tóco ndihi ña naçachi i xihín ndõ ta anda jáví quivi na ndúu tiempo viti. ³¹ Ta ndihi sahá indiví xihín ñuyiví joo a ndihi toho sahá tuhun naçahan i xihín ndó yóho. Jáchi coo tá coo va ña.

³² Joo ni in túhún toho ñayivi cõ xini na ndá quiví á ndá hora yaha ña yóho. Ta ni mé tátõ Ndióxi ndúu indiví cõ xini na ndá quiví coo ña yóho. Ta ni yehe, dá cúú in túhún jiní já jahyi Ndióxi cõ xini ndá quiví coo ña yóho. In túhún Ndióxi, táta yõ queá xini a.

³³ Sahá ña cán queá cañuhu ini ndó sahá ña yóho. Coo tiahva ndá ta caça táhvi ndõ nu Ndióxi jáchi cõ xini ndó ndá quiví xinu coõ ña yóho. ³⁴ Jáchi ña yóho cúú á tátuhun in datãa queã cuahãn xicá joo tá cámaní quee da cuhun dá jándacoo tóo da vehe da nu mozo dá ña ná candaa na ña. Ta sáhan da chuun caja in in mozo dá. Ta nuú dá ndáá yéhe naçahnda da chuun ña ná candaa vaha da ña. ³⁵ Sahá ña cán queá xini ñúhú coo tiahva ndó jáchi cõ xini ndõ ndá quiví xinu coõ mé dá cúú xitoho vehe. Cõ xini ndõ á cacuu a tá naçuaá tóo á cacuu a java ñuu táji á cacuu a tá naçana chéle á cacuu a tá sa naçivi. ³⁶ Cuéntá coo ndó. A juú tiahva náá xinu coõ da ta ndiñehé dá ndoghó ndúu ndó quíji ndõ. ³⁷ Ña cahan i xihín ndó cahan i xihín ndihi na: Xini ñúhú coo tiahva ndó sahá mé quiví quixi tucu u —naçachi Jesús.

14

Nditúhún jehé na tiin na Jesús

(Mt. 26:1-5; Lc. 22:1-2; Jn. 11:45-53)

¹ Tá cámaní iví quiví caja na vicó pascua xihín víco tá xixi na pan ña cõ quee yusá naçaa xihín já naçasáhá na saçuaça nuú jutú xihín na jánaça ley Moisés ndúcú na ndá quiahva caja na tiin jehé na Jesús já cuu cahni na a. ² Ta já cáhí xihín táhan na:

—A tiin toho i dá mé víco jáchi tiahva náá ndivaa ñayivi —naçachi na.

Tá naçhojo in ñáñaha perfume jiní Jesús

(Mt. 26:6-13; Jn. 12:1-8)

³ Ta ndaja coo ín Jesús ñuu Betania vehe Simón, dá cahan na xihín: taã nandoho cuehe táhyi. Ta nani ndúu coo na nu mesa cán naçinu in ñáñaha ta ñéhe ña in yúy alabastro naçutú jiní a xihín perfume, dó támi ndivaha sahan ta cúú dó perfume yahvi ndivaha. Ta natahvi ña yóho mé yúy cán já naçhojó ña dó jiní Jesús. ⁴ Ta java na ndúu cán naçasáhá na jáa ná xihín ña já naçasáhá cáhí xihín táhan na já:

—Ndávaça naçivi uun perfume yóho.

⁵ Cúu jicó yó dõ, nduu ta yáha ga nuú uní

ciento denario quehé saha dó ta xihín jiihún cán cuu chindeé yó na ndahví, nduu —cáchi na.

Saha ña cán queá naxojo ini na xihín ñáñáha cán ta naçahan núu na saha ña.

⁶ Andá já ñacachi Jesús já xihín ná:

—A çahan ndó xihín ña. A jáquihvi ndó ña. Ña vaça queá naçaja ña yóho xihín i. ⁷ Jáchi na ndahví níi tiempo canduu na tañu ndó ta cuu caja ndó ña vaça xihín ná ndá tañu cúni mé va ndó joo yehe a cóo tuun toho i xihín ndo. ⁸ Mé ña yóho naçaja ña janda nuú naxinu ndéé ña caja ña xihín i. Sa najándicuchu yachi va ña yóho yiquí cuñu i xihín perfume, dó támi sahan jan ña ná coo tiaha vi tá ná casa quívi nduxu. ⁹ Mé a ndaa ná çahan i xihín ndo níi cúu ñuyivi nuú caca nuu ñayivi çahan na tuhun vaça saha mí i já queá ndicani na ña naçaja ña yóho xihín i já ndicuhun ini na saha ña —ñacachi a.

Jicó túhún Judas Jesús

(Mt. 26:14-16; Lc. 22:3-6)

¹⁰ Ta ndaja coo in táhan da uxu ivi xica tuun xihín Jesús, da naní Judas Iscariote naçahan da çahan da xihín na saçuaha nuú jutu. Já naçahan da tuhun da nuú na cán ña ndiquiahva da Jesús ndáha ná. ¹¹ Tá naxini johó na cán ña ñacachi da xihín ná naçavatá na ta naçahan na tuhun na nu mé Judas ña quiahva na jiihún nu dá. Ta sa mé nani já naçasáha Judas ndúcu da ndaja cuu caja da ndiquiahva da Jesús nu ná.

Tá naxijini ndayí Jesús xihín na xica tuun xihín á

(Mt. 26:17-29; Lc. 22:7-23; Jn. 13:21-30; 1 Co 11:23-26)

¹² Mé quívi nuú vicó pascua tá xixi na pan ña co queé yusá naxaça xihín já sáhní na ndicachi válí jóco na nu Ndióxi. Já nañaca tuhún na xica tuun xihín Jesús mé á já cáchi na já xihín á:

—Ndáchi cúni ndó çuhun nde caja ndívi nde cajini ndó vicó pascua —ñacachi na.

¹³ Andá já naçindahá Jesús ivi da xica tuun xihín á já cáchi a já xihín dá:

—Cuáhán ndó ñuu jan jáchi jan ndiñehe ndó in datáa ñéhe da in yoo tícuíi ta candíco ndó da çuhun ndo. ¹⁴ Tá ná xinu da vehe nuú ndihvi da já cachi ndó xihín da cúu xitoho vehe cán já: “Da jánaça ndehe cáchi çuhun: Ndáchi ín nuú coo i cajini i vicó pascua xihín na xica tuun xihín i.” ¹⁵ Andá já jánaça mé da cán in cuarto cáhnu ña cánúu jini véhe piso ñnu. Sa ín tiaha va ña. Cán caja ndívi ndo ña cajini —ñacachi Jesús xihín ná.

¹⁶ Já naçee mé na xica tuun xihín Jesús cán çahan na ta tá naxinu na ñuu cán naçahin tá ín cáchi Jesús xihín ná. Já naçaja ndívi na ña cajini na vicó pascua mé cán.

¹⁷ Tá naçuaá naxinu Jesús xihín ndihuxu ivi na xica tuun xihín á. ¹⁸ Ta tá ndúu coo na nu mesa xixi na já ñacachi Jesús já xihín ná:

—Mé a ndaa ná çahan i xihín ndo ña in táhan ndó, da ndúu coo xixi xihín i nu mesa yóho cacuu da jicó túhún yehe —ñacachi a.

¹⁹ Andá já naçasáha na cán cácuéha ini na já naçasáha tá in tá in na ndaca tuhún na mé á já cáchi na já xihín á:

—Á yehe cacuu da jicó túhún mé ndó.

Já ñacachi inga tucu da já:

—Á a juú yehe cacuu da.

²⁰ Andá já ñacachi Jesús já:

—In táhan ndó da cúu uxu ivi, da in ndúu xixi xihín i ini cohó i, da cán cúu da jicó túhún yehe. ²¹ Yehe cúu da naçindahá Ndióxi nduu ñayivi ta ndítahan nuú i quivi i tá ín cáchi tuhun Ndióxi. Joo ndahví nahá naçuu da jicó túhún yehe. Janda vaça chága ná a cácu da, nduu —ñacachi a.

²² Nani xixi na ndúu na nañiin Jesús pan já nañdiquiahva ndixahvi nu Ndióxi. Tá nañdihí naçahnda java ña ta naçahan ña nu ná já cáchi a já xihín ná:

—Júhun ndó jáchi ña yóho cúu tátuhun yiquí cuñu i —ñacachi a.

²³ Tá nañdihí nañiin a in vaso nu ñúhu tó uva já nañdiquiahva ndixahvi nu Ndióxi. Ta naçahan mé á do nuú na cán ta tá in tá in na nañihi na do. ²⁴ Já ñacachi a já xihín ná:

—Dó yóho cúu dó tátuhun níi i, dó cuíta sahá cuáhá ñayivi. Tá ná cuíta níi i já candaa ini ndó ña najáxinu coo Ndióxi tuhun a naçahan sanahá. ²⁵ Mé a ndaa ná çahan i xihín ndo ña a cohó ga i tó uva janda quiahva ná xinu coo quívi cohó tucu u inga dó vaça chága tá ná xinu quívi cacomí Ndióxi cuéntá sahá ñayivi —ñacachi a.

Cáxi tuhun Jesús ña chijehé tuhun Pedro ña xini dá mé á

(Mt. 26:30-35; Lc. 22:31-34; Jn. 13:36-38)

²⁶ Tá nañdihí naçita na in canto já naçee na çahan na yucu yitó Olivo. ²⁷ Andá já ñacachi Jesús já xihín ná:

—Tóco ndihí ndó jándacoo ndó yehe ñuu viti jáchi já cáchi tuhun Ndióxi já: “Cahní i da ndáa ndicachi ta xihín ña yóho ndicuíta nuu ndicachi jana dá çuhun ri”, cáchi tuhun Ndióxi. ²⁸ Joo tá nañdihí nditacu tucu u ta já çuhun jihna ñúhu yehe estado Galilea andá já çuhun mé ndó —ñacachi a.

²⁹ Andá já ñacachi Pedro já xihín Jesús:

—Vatí ná jándacoo ndihí na mé ndó joo a jándacoo toho i ndohó —ñacachi da.

³⁰ Andá já ñacachi Jesús já xihín dá:

—Mé a ndaa ná çahan i xuhun mé ñuu viti tá cámaní cana ivi chéle já chijehé tuhún ña xínun yehe uní tañu —ñacachi a.

³¹ Já naçasáha ndúcu ndéé Pedro çahan da já cáchi da já:

—Vatí ná quivi i xihin ndo joo a chíjehé tũhun toho i sahá ña xini i mé ndó —ñacachi da.

Ta mé quiahva já ñacachi ndihi na cán xihin á.

Tá xica tãhvi Jesús tañu yitó olivo nani a Getsemani

(Mt. 26:36-46; Lc. 22:39-46)

³² Andá já ñaxinu na cán in nuú nani Getsemani já ñacachi Jesús já xihin na xica tuun xihin á:

—Yóho cacgo ndó nani ná cũhun i cáa caça tãhvi i nu Ndióxi —ñacachi a.

³³ Ta ndáca Pedro xihin Jacobo xihin Juan cuahan xihin á. Ta ndaja coo ñacasáhá cácuéha ini a ta a juú quiahva táhvi ini a. ³⁴ Já ñacachi a já xihin ná:

—Cácuéha ndivaha ini i chí quivi i cúu ini i. Yóho candgo tóo ndó ta coto a cúju ndo —ñacachi a.

³⁵ Andá já ñaquee Jesús cuahan chága chí nuú já ñacaxítí a janda quiahva ñaxinu coo nuú á nu ñũhu cán. Já ñaxica tãhvi a nu Ndióxi ña ná caja mé á ña ná a ndóho a tá quiahva vaxi nu á ndoho a chí nuú. ³⁶ Já cáchi a já xica tãhvi a nu Ndióxi:

—Tátá Ndióxi, tóco ndihi ñaha cuu caja ndó. Chindeé ndó yehe ná a ndóho i ña ihvi ndivaha ña vaxi nuú i ndoho i. Joo ná coo tá ñin cúni mé ndó ta ná a cóo toho ña cúni yehe —ñacachi a.

³⁷ Andá já ñandicó coo a nu ndúu na xica tuun xihin á cán ta já ñandiñehe á na quíji na ndúu na. Já ñacasáhá cáchi a já xihin Pedro:

—Á quíji vún, Simón. Á cóo ñacuu canditún ni in hora. ³⁸ Xini ñũhu coo tiahva ndó ta caça tãhvi ndo nu Ndióxi já ná a cóto ndojó rí quini ndohó. Mé a ndaa ínimã ñayivi cúni a ndinducú a Ndióxi joo yiquí cuũu na coo ñin tiahva caja ña cúni Ndióxi —ñacachi a.

³⁹ Andá já ñaquee tucu a cuahan caça tãhvi a nu Ndióxi. Ta sa mé tũhun ñacahan nu cuítí cán ñacahan tucu a chí ivi. ⁴⁰ Ta tá ñandicó coo a ñandiñehe tucu a na xica tuun xihin á cán ndúu na quíji na jáchi ñaquehe a mañnú na. Ta chí coo xini na ndá tũhun nducú ñehe na nu Jesús sahá ña quíji na. ⁴¹ Tá ñandicó coo a táhndá uní já ñacachi a já xihin ná:

—Vatí cúni ndó cuju ndo ta vatí cúni ndó ndiquehe ndéé ndo joo a cúu caja ndó ña viti. Jáchi sa ñaxinu coo hora ndiquiahva na yehe, da ñachindahá Ndióxi nduu ñayivi ndahá ñayivi cája cuachi. ⁴² Cuáhán ndacoo ndó ná cohó. Jáchi sa vaxi da jíco tũhún yehe —ñacachi a.

Tá ñatiin na Jesús

(Mt. 26:47-56; Lc. 22:47-53; Jn. 18:2-11)

⁴³ Ta nani cáhan yíi va Jesús cándichi a já ñaxinu Judas, da cúu in táhan da uxu ivi xica tuun xihin Jesús cán. Ta xihin mé da cán vaxi cuahá ñayivi ñehe na machiti xihin yitó viti. Mé na vaxi cán cúu ná na vaxi cuentá na sacuaña nuú jutú xihin nuú na jánaha ley Moisés xihin nuú na sacuaña veũhu. ⁴⁴ Ta mé Judas, da ndiquiahva mé á nuú na cán sa ñacandgo da xihin na cán ña tatí yũhu dá sajóho Jesús jáchi ñacachi da já xihin ná:

—Mé da ná tatí yũhu u sajóho, da cán cúu dá tiin ndó ta cató tuun ndó da cañehe ndó cũhun ndo —ñacachi da.

⁴⁵ Ta tá ñaxinu da cán chí ivi laá ñacayati da nu Jesús já cáchi da já xihin á:

—Maestro, maestro.

Já ñatátí yũhu dá sajóho a. ⁴⁶ Andá já ñatiin tuun na Jesús.

⁴⁷ Joo in táhan da xica tuun xihin Jesús cán ñatavá da machiti da já ñachitũhun dá in johó da cúu mozo da sacuaña nuú jutú cán.

⁴⁸ Andá já ñacachi Jesús já xihin na ñaxinu tiin ñahá cán:

—Cája ndó xihin i tátũhun cája na xihin ta cujñhá jáchi ñaqueta ndó vaxi ndó tiin ndó yehe xihin machiti ta xihin yitó. ⁴⁹ Ndiáá nú quívi ñasahjin i tañu ndó jan ta najánaha i ndohó ini veũhu cáhnu ta ni in tañu cóo ñatiin ndó yehe. Joo tóco ndihi ña yáha yóho xini ñũhú yaha ña já ná xinu coo nuú ña ñacahyi sahá i ini tũhun Ndióxi —ñacachi a.

⁵⁰ Andá já ñaxinu ndihi na xica tuun xihin Jesús cán cuahan na ta najándacoo na mé á.

Tá ñaxinu in ñatacú cuahan da

⁵¹ Joo in ñatacú cáti ví da in tũhún jiní sávana ndicó da jatá na cán cuahan da ta ñatiin na da. ⁵² Joo najaní da mé dá ta ñacandgo sávana da já ñaxinu lahla da cuahan da.

Ñasacu na Jesús nuú ñataca ndihi na sacuaña

(Mt. 26:57-68; Lc. 22:54-55, 63-71; Jn. 18:12-14, 19-24)

⁵³ Andá já ñasãñehe na Jesús ñasahan na nuú da cúu sacuaña chága nu ndihi jutú. Ta ñandique táhan tóco ndihi na sacuaña nuú jutú xihin na sacuaña veũhu xihin na jánaha ley Moisés. ⁵⁴ Ta ñasandicó xica Pedro Jesús andá quiahva ñaxinu da yéhé vehe da cúu sacuaña chága nu ndihi jutú cán. Já ñasacoo da xihin da ndáa veũhu cáhnu cán xitúní da yati yávi núhu cán.

⁵⁵ Ta na sacuaña nuú jutú xihin tóco ndihi na cómi cuentá sahá na Israel nataca na cán ndúcú na cuachi jácana na jatá Jesús já cuu cahni ñahá na. Joo cóo cuachi jíquí ná ñehe ná chínúu na jatá mé á. ⁵⁶ Ta cuaha ná ñacasáhá cáhan na ña tũhún saha Jesús joo coo xinu tũhun cáhan na jáchi a cuú ndique táhan vaha tũhun na. ⁵⁷ Ta ñandaca ndichi

java da cáhan da tũhun jíquí saha Jesús já cáchí da já:

⁵⁸ —Naxini joho nde ñacachi da jan já: “Jánditaní i veñũhu cáhnu cán, ña ñacavaħa ñayivi ta tũxi uní quívi jácandichi tucu u inga ga ña a cuú cavaħa ndahá òa” —ñacachi da.

⁵⁹ Joo ni já coó ñacuu ndique táhan tũhun na xihín ña ñacachi na cán.

⁶⁰ Anda já nandaca ndichi mé da cúú saçuaha chága nu ndíhi jutũ tañu na cán já nandaca tũhún da Jesús já cáchí da já xihín á:

—Á chí a ndúcu ñehún tũhun nuú nde saħa cuachi jácojo na jatũn —ñacachi da.

⁶¹ Joo coó ñacahan Jesús ni in tũhun xihín ná já táji nú já va ñasahjín a. Mé da cúú saçuaha chága nu ndíhi jutũ cán ñacasáħa ndáca tũhún tucu da a já cáchí da já xihín á:

—Á jivi ndusa yóhó cúún Cristo, da cúú in tũhún jiní já jahyi Ndióxi yji, mé da ñachindahá Ndióxi cacomí cuéntá saħa ñayivi —ñacachi da.

⁶² Anda já ñacachi Jesús já:

—Ajan, jivi yeħe cúú dá. Ta vaxi quívi tá cuni ndó yeħe, da ñachindahá Ndióxi nduu ñayivi cacoo i xoo cuáħa Ndióxi, mé a in cuaha ndé. Ta já cuni ndó yeħe ndicó coo i ñuyivi yóħo tañu víco tá ná quixi i chí indivi —ñacachi a.

⁶³ Anda já nandatá da cúú saçuaha chága nu ndíhi jutũ jáħma da ña ná candaa ini ñayivi ña xójo ini da. Já cáchí da já:

—Ndá chicuu chága yó ñayivi ndicani nu yo. Xihín ña ñacahan da yóħo candaa ini ña ndája nú da Ndióxi. ⁶⁴ A sa ñaxini joho ndó ña ndája nú da Ndióxi xihín tũhun ñacahan da. Ndaja xíní ndó caja í xihín dá viti —ñacachi da.

Anda já ñandique táhan tũhun ndíhi ñayivi ña ndácaan cuachi nu Jesús ña cán quea ndítahan quívi a.

⁶⁵ Java na ñacasáħa na xihnu ndaa na tóji nu á ta java na ñachicaji na jáħma nu á já ñacasáħa cáni na jahnda nuu á já ndáca tũhún ñahá na já cáchí na já xihín á:

—Cahan xihín nde yo ñacani yóhó viti —ñacachi na.

Ta janda na ndáa veñũhu cáhnu cán viti ñacasáħa cáni na jahnda nuu á.

Tá ñachijehé tũhun Pedro ña xíní da Jesús
(Mt. 26:69-75; Lc. 22:56-62; Jn. 18:15-18, 25-29)

⁶⁶ Ta ndaja coo Pedro in yji dá xítúní da cán já ñaxinu in ña cája chũun xihín da cúú saçuaha chága nu ndíhi jutũ. ⁶⁷ Já ñaxini ña xítúní Pedro ta nahá vaħa ñasandehé ña nu dá já cáchí ña já:

—Yóhó cúún táhan da xíca tuun xihín Jesús, da ñuu Nazaret —ñacachi ña.

⁶⁸ Joo ñachijehé tũhun da ña xíní da Jesús já cáchí da já:

—Uħun. Co xíní toħo i da ta co xíní toħo yeħe ndá saħa cáhũn —cáchí Pedro.

Anda já ñacayati da yuyehé ta ivi laa ñacana chele. ⁶⁹ Tá ñaxini mé ña cája chũun xihín da cúú saçuaha chága nu ndíhi jutũ cán ña ñasandichi tóo da yehé cán já ñacasáħa ña cáxi tũhun ña xihín tóco ndíhi ñayivi nduu cán já cáchí ña já:

—Candehé ndó. Da cája cúú in táhan da xíca tuun xihín Jesús —ñacachi ña.

⁷⁰ Ñacachi tucu Pedro ña co xíní da Jesús. Chá va ñayaha ña yóħo ta já ñacachi na nduu xítúní cán xihín Pedro:

—Táhan ri da cája va cúú yóhó jáchí cúún da Galilea ta cáhũn tátũhun cáhan na cán —ñacachi na.

⁷¹ Anda já ñacasáħa Pedro cáħahá da ta ñatavá da quívi Ndióxi ña co xíní da Jesús já ñacachi da já:

—Ni co xíní mí i ndá òa cúú da jan, da cáhan ndó saħa jan —ñacachi da.

⁷² Tá ñacachi da já ivi laa ñacana chele ña chí ivi. Anda já ñandicũhun ini Pedro ña ñacachi Jesús xihín dá tá ñacachi a já: “Tá cámaní cana ivi chele sa chíjehé tũhún ña xínũn yeħe uní tañu.” Tá ñandicũhun ini Pedro ña yóħo já ñacasáħa sácu ndivaha da.

15

Tá ñandiquiħva na Jesús ndáħa Pilato
(Mt. 27:1-2, 11-14; Lc. 23:1-5; Jn. 18:28-38)

¹ Tá ñatívi inga quívi itaan já ñandique táhan na saçuaha nuú jutũ xihín na saçuaha veñũhu xihín na jáħahá ley Moisés xihín ndíhi na cómi cuéntá saħa na Israel. Já ñacató na Jesús ñeħe na a cuahan na já ñandiquiħva na mé á nu Pilato. ² Ta mé Pilato nandaca tũhún da Jesús já cáchí da já xihín á:

—Á mé a ndaa cúún in rey, da cómi cuéntá saħa na Israel.

—Ajan. Jivi cúú u tá quiħva cáchí ndo jan —ñacachi Jesús xihín dá.

³ Ta najácojo na saçuaha nuú jutũ cán cuahá cuachi jata Jesús. ⁴ Já nandaca tũhún tucu Pilato Jesús já ñacachi da já xihín á:

—Ndávaha co ndúcu ñehún tũhun nuú i. Candehé ndaja cuahá nuú cuachi jácojo na jatũn —ñacachi da.

⁵ Joo ni in tũhun coo ñacahan Jesús. Tá ñaxini Pilato ña co ndúcu ñeħe Jesús tũhun já ñacatóntó da saħa ña cája.

Sácu ini na saħa Jesús ndaja caja na ña ná quívi a

(Mt. 27:15-31; Lc. 23:13-25; Jn. 18:38-19:16)

⁶ Tañu mé víco pascua ñasahjín costum-bre Pilato ña janí da in da ndácaan vecaa. Ndá da cúni ñayivi janí da, da cán cúú da jáni da. ⁷ Ta ndaja coo mé já ndácaan in da

naní Barrabás vecəa xihín java gə də naxiča xihín dá. Ndácaən də vecəa sahá ña nasahni dá ndji tá nandivəə ñayivi. ⁸ Chí naxinu ñayivi nú Pilato já nacasáhá na cahan na xihín dá ña ná caja da tá quiahva sá caja da. ⁹ Joo nandaca tuhún Pilato na já cachi dá já:

—Á cə cúnj ndó ña ná janí j dá cúu rey nuú ñayivi Israel yóho —nəcachi da.

¹⁰ Nəcachi Pilato ña yóho jáchj xínj dá ña nandiquiahva na sacuaħa nuú jutj cán Jesús nu dá sahá ña cáhijvi ini na xihín á. ¹¹ Joo na sacuaħa nuú jutj cán nacasáhá na jándinjhi na ñayivi ña ná cachi na xihín Pilato ña ná janí dá Barrabás. ¹² Tá nandihí já nandaca tuhún Pilato na já nəcachi dá já xihín ná:

—Ndíá cúnj ndó caja j xihín dá cachi ndó cúu rey nu ndóhó, na Israel —nəcachi da.

¹³ Andá já nanducú ñehe ñayivi cán tuhun nu Pilato já cachi na já xihín dá:

—Cata caa ndó dá ndjca crúxu.

¹⁴ Já nəcachi Pilato já xihín ná:

—Ndá cuachi nəcaja da, vaha.

Joo ví gə ví cáyuhú cóhó na já cachi na já:

—Cata caa ndó dá ndjca crúxu.

¹⁵ Ta sahá ña cúnj Pilato candəo vaha da nuú ñayivi najani dá Barrabás. Ta tá nandihí najacaxáhan na Jesús já nandiquiahva da ə ndáħa nə cuħun cata caa ñahá na ndjca crúxu.

¹⁶ Andá já ñehe soldado Jesús cuħan na yuyéhe vechúun cán. Já najánditaca soldado cán java gə táhan da. ¹⁷ Já nəchinúu na in jáhmá cuahá túun jatə Jesús ta nəchinúu na in tjiyivi ifú jiní á. ¹⁸ Tá nandihí já nacasáhá na cáyuhú na já cachi na já:

—Cáħnu nahá ná cacuu yóhó, dá cúu rey nuú na Israel —cachi na sácú ndaa ñahá na.

¹⁹ Tá nandihí nacasáhá cáni na yiqú jiní ə xihín in ndəo ta nacasáhá na xihnu ndaa na tójinj na nuú á já nacasáhá nə caxítj na nuú á ña cája na tátuhun cája cáħnu na ə. ²⁰ Tá nandihí nasacu ndaa na ə já natavá nə jáħmə cuahá túun ña nasanuú jatə. Ta najándacə ndixi na ə xihín jáħmə mé á já nasəñehe na ə cuħan nə cata caa na ə ndjca crúxu.

Tá nəcata caa na Jesús ndjca crúxu

(Mt. 27:32-44; Lc. 23:26-43; Jn. 19:17-27)

²¹ Tá ñehe na Jesús cuħan na cata caa na ə ndjca crúxu já nandique táhan na xihín in da vaxi da ndijhi da ñuu Jerusalén. Mé dá cán naní dá Simón, dá ñuu Cirene, dá cúu tátá Alejandro xihín Rufo. Já nəcaja ndúsa ná xihín dá ña ná ndicojo da crúxu nuú cata caa na Jesús.

²² Já nasəñehe na Jesús nasəħan na in xiqú naní Gólgota. Tuhun yóho cúnj cachi á: nu ndúu lásá yiqú jiní ndji. ²³ Cán nasəħan nə vino nu Jesús, dó nəcava táhan xihín jusa ña naní mirra. Joo cóə nəxeen toho a coho a do. ²⁴ Andá já nəcata caa na ə ndjca

crúxu. Já nəcasáhá soldado cán sájiquí dá sahə jáħmə Jesús ta nəcachi xihín táhan da ña ndá dá ná quee vaha cuu quehe in in jáħmə Jesús.

²⁵ Ta cúu á tátuhun caə in naha tá nəcata caa na Jesús ndjca crúxu cán. ²⁶ Ta jiní ndjca crúxu cán nəcaħyí nə ndá sahá nəcata caa na ə ta já cachi á já: “Də yóho cúu rey nuú na Israel.” ²⁷ Ta sə mé já nəcata caa na ivj təa cujhná xihín Jesús: in da xoo cuahá ta in da xoo íti. ²⁸ Ta xihín ña yóho naxinu cóə tuhun Ndióxi tá cachi á já: “Taħu təa quini nasacu na ə.”

²⁹ Chí cáva jiní mé ñayivi yáha cán cáňhá nə xihín á já cachi na já:

—Candehé. Yóhó cáchún ña jánditanun veñuhu cáħnu cán ta tixi unj víxi quivj cáchún jácandichi tucún ña. ³⁰ Jácaču mún. Cuahán nuu ndjca crúxu jan —nəcachi na sácú ndaa ichj na.

³¹ Ta quiahva já cája na sacuaħa nuú jutj cán xihín na jáňəħ ley Moisés sácú ndaa ñahá na. Ta nacasáhá cahan xihín táhan na já cachi na já:

—Nəcuu nəcaja Jesús jácaču da java gə ñayivi joo viti ə cuú jácaču da mé dá. ³² Tá tə mé ə ndəə cúu dá Cristo, dá cúu rey nuú na Israel ná nuu da ndjca crúxu viti ñuhú já ná candúsa ndə dá —cachi na.

Ta jandə dá ivj táhan ndácaə ndjca crúxu jiní á cán cáňhá dá xihín á.

Tá naxihí Jesús

(Mt. 27:45-56; Lc. 23:44-49; Jn. 19:28-30)

³³ Tá naxinu cóə caxivj ndəə nəcanaá níi cúu ñuyivi ta jandə caə unj sahini já nəcasáhá nandiyehə tucu. ³⁴ Ta sə mé hora já nəcayuhú cóhó Jesús já cachi ə já:

—Eloi, Eloi, lama sabactani —nəcachi a.

Tuhun yóho cúnj cachi ə: Ndióxi mí j, Ndióxi mí j, ndávaha najándacoo ndáħa ndó yehə.

³⁵ Ta java na ndita cán nəxini jəho na tuhun cachi ə. Já nəcachi na já:

—Cuni jəho ndó jáchj cána da profeta Elías —nəcachi na.

³⁶ Andá já xinu in da nasəħan dá nəchindaxi da in ticotə ini vino iyá. Já nəcató dá mé ticotə cán nuú in yitə ndəo já nəchitiví da do yati yúħu Jesús ña ná coho a do. Já nəcachi dá já xihín java dá cán:

—Cóħo candehó á quixi Elías jánuu a dá ndjca crúxu —nəcachi da.

³⁷ Andá já nəcayuhú cóhó Jesús já naxihí ə. ³⁸ Andá já nəndatá java ndəə jáħmə ndéé ña sájí nuu nuú yij ndivaha veñuhu cáħnu ñuu Jerusalén cán. Jandə jiní á ta jandə sahá nəndatə. ³⁹ Ta ndaja coo in datəə, dá sáħndá chuun nuú soldado cuéntá Roma nasəħiin da nu ndácaə Jesús cán ta tá nəxini da naxihí ə já nəcachi da já:

—Mé ə ndəə táhyí cúu dá yóho in tuhún jiní já jāhyi Ndióxi —nəcachi da.

40 Ta nasanduu java najihí ta sándehe xícá na Jesús. Tañu na yóho nasandacañ nã nani María, ñã ñuu Magdala xihín María, ñã cúú náná Jacobo, da loho chá nuú José xihín in ñã nani Salomé. 41 Nasandico najihí yóho jata Jesús ta nachindeé ñahá na tá nasahjin a estado Galilea. Cuahá ga najihí nasanduu cán ta java na cúú ná na nasahan xihín á ñuu Jerusalén jihna tá cámaní quivi a.

Tá najánduxu na Jesús

(Mt. 27:57-61; Lc. 23:50-56; Jn. 19:38-42)

42 Tá nacuaá tóo uun quivi viernexe tá cámaní casaá quivi ndiquehe ndée na Israel já nayaha tóco ndihi ñã yóho. 43 Ta ndaja coo in in da nani José, da ñuu Arimatea, da cúú táhan na cómi cuéntá sahá na Israel. Mé José yóho ndáti da casaá quivi cacomí Ndióxi cuéntá sahá ñayivi ñuyivi yóho. Ta nasahan ndeé ini da cuhun da cañan máni dá xihín Pilato sahá yiquí cuñu Jesús ñã ná quiahva mé Pilato ñã nu dá. 44 Chí naçatontó Pilato tá naçandaa ini da ñã sa naxihí Jesús. Já naçana da da sáhdá chuun nuú soldado da já nañdaca tuhun ñahá da á sa naxihí Jesús. 45 Tá naçaxi tuhun da cán nu Pilato ñã sa naxihí Jesús já nasahan Pilato ñamanj nuú José ñã ná ndiquehe da yiquí cuñu Jesús. 46 Anda já naxeen José in jahmá vaha ta najánuu da yiquí cuñu Jesús ndica crúxu já nachitivi da ñã xihín mé jahmá vaha cán. Tá nandihí já nachicañ da mé yiquí cuñu Jesús cán ini in yávi ndácañ ndica cáva. Tá nandihí já nachijahvi da yuhú cáva cán xihín in yuu jáhdá cáhnu. 47 Ta ndaja coo María, ñã ñuu Magdala xihín María, náná José nasandehé na nuú nasacu na yiquí cuñu Jesús ini mé cáva cán.

16

Tá nanditacu tucu Jesús

(Mt. 28:1-10; Lc. 24:1-12; Jn. 20:1-10)

1 Ta tá sa nayaha quivi ndiquehe ndée na já nasahan María, ñã ñuu Magdala xihín María, ñã cúú náná Jacobo xihín Salomé viti naquee na cuahan já cuen na java nuú ñaha támi sahan ñã chindáá na yiquí cuñu Jesús. 2 Ta naha chá mé quivi domingo tá naçqueta candii já cuahan na nuú nachicañ na yiquí cuñu Jesús cán. 3 Ta nani xica na cuahan na íchi cán já ndítuhún xihín táhan na ndá quiahva caja na tavá na yuu ndáji nuú ndácañ yiquí cuñu Jesús cán. Já cáchi na já:

—Yo tavá toho yuu ndáji nuu nuú quihvi ini nuú ndácañ yiquí cuñu Jesús —cáchi xihín táhan na cásahan na jáchi cáhnu ndivaha mé yuu cán.

4 Joo tá naxinu na mé cáva cán já naxini na ñã coó ga yuu ndáji yuhú cáva cán. 5 Ta tá nandihvi na mé cáva cán já naxini na cáa in in dataa ndíxi jahmá yaa ñã cáni. In coo

da xoo cuáha ta cúú dá da yúta. Tá naxini najihí yóho da cán chí nayihvi na. 6 Anda já naçahan da cán já cáchi da já:

—A yihvi toho ndó. Xini yehe ñã ndínducú ndó Jesús ñã Nazaret, ñã naçata caa na ndica crúxu. Candehé ndo nuú nasacu na a. Coó ga in viti jáchi nanditacu tucu a. 7 Ta viti cuahán ndo çaxi tuhun ndó xihín na naçica tuun xihín á ta xihín Pedro ñã cánuú mé á cuahan estado Galilea. Tá cuhun ndó cán já cuni ndó a tá quiahva naçachi mé á xihín ndo —naçachi táto Ndióxi.

8 Já naquee na cán xinu na cuahan na jáchi nayihvi ndivaha na anda quiji ninu na. Coó naçahan na xihín ni in ñayivi jáchi nayihvi ndivaha na.

Tá naxini María, ñã ñuu Magdala Jesús

(Jn. 20:11-18)

9 Tá nandihí nanditacu tucu Jesús ta tá nativi mé quivi domingo já ñã nu cuiti naxini Jesús nasacuu ñã María, ñã ñuu Magdala, mé ñã naçava Jesús usá ri quini nasandacañ ini ñã. 10 Ta tá naxini ñã mé á já naquee ñã cuahan ñã çaxi tuhun ñã nuú na naxica tuun xihín Jesús ñã tácu a. Ta ndúu cuéha ini na ta sácu na ndúu na tá nasaa ñã. 11 Ta naçaxi tuhun ñã nu ná ñã nanditacu tucu Jesús ta naxini ñã mé á joo coó naxeen na candúsa na ñã.

Tá naxini ivi da naxica tuun xihín Jesús mé á

(Lc. 24:13-35)

12 Ta tá nandihí já nandijama Jesús ndá quiahva cáa já nañdaca náha á nuú jivi táhan na cuahan yácu, na naxica tuun xihín á. 13 Joo tá nandicuni na mé á já naquee na cuahan na çaxi tuhun na xihín na java cán joo coó naxeen na candúsa na tuhun naçahan ndívi na yóho xihín ná.

Sáhdá Jesús chuun nuú na xica tuun xihín á

(Mt. 28:16-20; Lc. 24:36-49; Jn. 20:19-23)

14 Tá nandihí cán nañdaca náha Jesús nuú ndihxu in na naxica tuun xihín á nani ndúu na xixi na. Já naçasáhá jáñani a na jáchi nañdaja táhyi na ínimá ná ta coó naxeen na candúsa na ñã naxini na java cán Jesús tá nandihí nanditacu tucu a. 15 Já naçasáhá cáchi Jesús já xihín ná:

—Cuahán ndo níi cúú ñuyivi yóho ta çaxi tuhun ndó xihín ndihi ñayivi tuhun vaha sahá j. 16 Ta ndá na ná candúsa yehe ta candúta ná já queá çacu ndaa ínimá ná ta a cuhun na indayá. Joo na coó candúsa yehe, na cán cúú na cuhun na ndoho ini na indayá anda ama cáa quivi. 17 Joo na cándéé ini yehe caja na ñã xituhún. Ta xihín quivi yehe tavá na ínimá quini ndácañ ini ñayivi. Ta ndacañan na tuhun saá ñã coó naçatiahva na. 18 Ta tá tiin ndáha ná coó ta tá ná coho

na ña cúú cahní ñahá, a cahní toho a na. Ta tá ná chinúu na ndáha ná jini na quíhvi já ndivaha mé na quíhvi cán —nācachi Jesús.

Tá nāndaa Jesús cuahān indivi

(Lc. 24:50-53)

¹⁹ Tá nāndihi nācāhān Jesús, xitoho í tóco ndihi tūhūn yóho xihūn ná andā já nāndindita cuahān indivi ta nāsaoco a xoo cuáha Ndióxi, tátá yo. ²⁰ Tá nāndihi já nāquee nā nāxica tuun xihūn á cán cuahān nā caxi tūhūn na tūhūn vaha saha Jesús ndijáá ñuu. Ta já nāchindeé Jesús, xitoho í nā cán ta náha ña cúú á ña ndāa cāhān nā jáchi nācāja mé á ña cúú cāja na cuahā nūú ña xitūhūn. Já ná coo.

Tuhun vaha naçahyí Lucas sahá Jesucristo

Ndicani Lucas ndavaha naçahyí da tuhun yóho

¹ Sa xíní vahún, Teófilo ña sa cuahá ñayivi ndúcú na çahyí na tá cáa tá ín ña nayaha tañu nde. ² Ta najánaha na nuú nde tóco ndihi ña naçini na janda mé saha. Mé na yóho cúú ná na naçica nuu naçahan na tuhun vaha saha Jesús nuú ñayivi. ³ Ta cúni ri yehe va çahyí ña jáchi cuéé cuéé nañdaça tuhún ñ ndaja cáa anda mé saha já ná cuu çahyí vii ndihi ña nu mún, Teófilo, da quíhvi ndivaha ini ñ. ⁴ Jáchi cúni ña ná candaç vaha inún ndaja cáa ña ndaça ña najánaha na nuun.

Cáxi tuhun in táto Ndióxi ña cacu Juan, da jácandúta ñayivi

⁵ Mé tiempo cán naçacuu Herodes rey nuú na Judea. Ta naçahijn in da cúú jutú nani Zacarías. Ta naçacuu da cuénta in táhnda jutú nani Abías. Ta ñájíhi da nani ña Elisabet, ña naquixi chichi Aarón, da naçacuu jutú sanahá. ⁶ Mé Zacarías yóho xihín ñájíhi da naçacuu na ñayivi naçica ndaça nu Ndióxi. Ta xihín ndinuhu ini na naçaja na ña sáhnda Ndióxi nuú tuhun mé á caja na. Ta ni in túhún toho ñayivi coo naçuu ñehe íni na çahan nuu na saha ná. ⁷ Joo coo toho jahyi na naçacu jáchi coo naçuu canduu jahyi Elisabet cán. Ta mé tiempo já sa naçayatá ndivaha ndivi na.

⁸ Ta ndaja coo in quívi nañditahan nuú mé táhnda jutú xica xihín Zacarías cán caja chún na cuénta Ndióxi. ⁹ Tóco ndihi jutú cán naçajiquí na ndá da ná quee vaha ta da cán cacu da quíhvi chiníhmá ini veñuhu cáhnu ndáçaan ñuu Jerusalén cán. Ta naçaque vaha Zacarías. ¹⁰ Ta nani chiníhmá Zacarías cán ini veñuhu já nañditutú ñayivi ndúu na yéhe ñuhu cán ndicahan na Ndióxi. ¹¹ Ta nani chiníhmá Zacarías nuu náa cán ndáçaan da já naçanáha in táto Ndióxi nuu dá cándichi a xoo cuahá nu náa nu chiníhmá da cán. ¹² Tá naçini Zacarías táto Ndióxi cán, nayihvi ndivaha da ta ni co xini da ndá caja da. ¹³ Joo nañdicahan táto Ndióxi cán xihín da já naçachi a já:

—A yihvi tohún, Zacarías jáchi sa naçini joho Ndióxi nuú naçica tahvún nu á. Saha ña cán quea caja mé á ña ná cacu in jahyi Elisabet, ñájíhu. Ta cacún quívi dá cananí da Juan. ¹⁴ A juú quiahva cavatún ta cajji inún caja taa loho jan tá ná cacu da. Ta cuahá ga java na cajji íni na caja da tá ná cacu da. ¹⁵ Jáchi da cáhnu cacuu jahyún jan nu Ndióxi. A cóho da ni in túhún toho dó xihí ñayivi xini na xihín. Ta cacuu da in da

jándicutú ndaça Ndióxi xihín ínimá yíi mé á janda tá cámani cacu da. ¹⁶ Ta mé jahyún jan caja da ña ná ndicó coo cuahá na Israel nu Ndióxi, xitoho na. ¹⁷ Ta jihna ñúhú mé Juan cuhun da caja tiaha da ñayivi janda ná quixi mé á chindahá Ndióxi. Tá quiahva nañdicutú ndaça ínimá profeta Elías xihín ínimá yíi Ndióxi quiahva já ndicutú ndaça ínimá Juan xihín á já ná coo ndeé dá caja da ñaha tátuhun naçaja Elías. Ta caja mé Juan ña ná ndique táhan maní ñayivi xihín jahyi na. Ta caja da ña ná coo joho ñayivi saá ini já ná caja na ña cúni Ndióxi. Quiahva já caja da cacu tiaha da ñayivi janda quiahva ná xinu quívi quixi da naçahan Ndióxi tuhun a chindahá a —naçachi táto Ndióxi cán xihín Zacarías.

¹⁸ Anda já nañdaça tuhún Zacarías cán táto Ndióxi já naçachi da já xihín á:

—Ndaja caja ñ candaça ini ñ á mé a ndaça táhyi coo tá ín cáchún coo jáchi sa naçayatá ndivaha ñ ta quiahva já naçayatá ri ñájíhi vi —naçachi Zacarías cán.

¹⁹ Anda já nañducú ñehe táto Ndióxi cán tuhun nu dá já cáchi a já xihín dá:

—Yehe cúú Gabriel ta chuun Ndióxi xica nuu ñ caja ñ. Mé á cán naçindahá yehe ña ná quixi ñ çaxi tuhun ña yóho xuhun. ²⁰ Joo viti sahá ña coo naçandúsún ña naçachi ñ xuhun candoo niñun ña ná a cúu çahun janda quiahva ná xinu quívi cacu jahyún. Sa vaxi quívi coo tá ín naçachi ñ xuhun coo —naçachi táto Ndióxi cán xihín dá.

²¹ Joo ndaja coo ñayivi ndíta ndátí yéhe ñuhu cán sa naçasáhá ndihi ini na sahá ña sa naçanáha ta coo Zacarías cán quéta jaça véhe. ²² Joo tá naçqueta Zacarías veñuhu coo naçuu çahan da ni in túhún tuhun xihín ná. Xihín ña yóho naçandaça ini na ña naçini da in ñaha naçaja Ndióxi nuu náa yíi mé á cán. Janda ndáha uun da cúu nuú na cán jáchi naçandoo niñi dá.

²³ Ta tá sa najáxinu Zacarías quívi caja chún da veñuhu cán já naçaque da cuanúhu dá vehe da. ²⁴ Tá sa nayaha ña yóho já naçaque jahyi Elisabet, ñájíhi Zacarías cán. Ta úxi uhun yoo coo naçaque ña caca nuu ña. Ta naçahan ña: ²⁵ “Naçaja Ndióxi ña yóho xihín ñ viti já ná a cándehé ndaa nahá ga ñayivi yehe”, naçahan ña.

Cáxi tuhun táto Ndióxi xihín María ña cacu Jesús

²⁶ Tá naçixinu iñu yoo ñuhu jahyi Elisabet cán já naçindahá Ndióxi mé Gabriel, táto mé á in ñuu nani Nazaret ndáçaan estado Galilea. ²⁷ Naçahan táto Ndióxi yóho Nazaret naçito niñni a in ña tacú nani María, ña nañtin tuhun in da nani José ña ná tandaha ña xihín dá. Mé José yóho naquixi da chichi David, da naçacomí cuénta sahá

ñayivi Israel sanahá. ²⁸ Nandihvi táto Ndióxi cán nu ín ñá ta já ñaçachi a já xihín ña:

—Cáhan Ndióxi yehe xuhun, María jáchi cúun in ñá ñañehe táhvi nu Ndióxi. Ín Ndióxi xuhun ta ñaçaja cuaha chága ñamaní xuhun a juú ga xihín java ga najihí —ñaçachi táto Ndióxi cán xihín ña.

²⁹ Joo tá ñaxini María táto Ndióxi cán já ñaçatóntó ña táa johó ñá ña cáhan mé a cán xihín ña. “Ta ndá cuéntá queá cáhan táto Ndióxi yóho já xihín yo”, ñaçahan ña. ³⁰ Anda já ñaçachi táto Ndióxi cán já xihín ña:

—A yihvi tohún, María jáchi cúun in ñá ñañehe táhvi nu Ndióxi. ³¹ Ta viti quee jahyún ta tá sá ñaçacu a já cacún quiví á ná cananí a Jesús. ³² Mé jahyún jan cacuu a ña cáhnu. Ta cachi ñayivi sahá dá ña cacuu da in túhún jiní já jahyi Ndióxi, mé á cáhnu nu ndíhi a. Ta mé Ndióxi, xitoho í caja ña ná cacomí jahyún cuéntá sahá ñayivi tá quiahva ñaçacomí David, da cúu tásáhnú jíco dá cuéntá sahá ñayivi. ³³ Quixi da cacomí dá cuéntá sahá ñayivi Israel ta anda ama cáa quiví cacomí dá cuéntá sahá ná —ñaçachi táto Ndióxi cán xihín María.

³⁴ Anda já ñandaça tuhún María táto Ndióxi cán já cáchi ña já xihín á:

—Ndaja coo cacu jahyi i ta ni in túhún toho ña coo ín xihín i —ñaçachi ñá xihín á.

³⁵ Anda já ñanducú ñehe táto Ndióxi cán tuhun nu ñá já cáchi á já:

—Ínimá yji Ndióxi queá quixi jándicutú yohó. Ta ndée Ndióxi, mé á cáhnu nu ndíhi a cán çavá nuu a yohó tátuhun caja in víço. Sahá ña cán queá tá ná cacu jahyún jan cacuu da in da yji ñaçaxi Ndióxi caja çhúun nu mé á. Ta cachi ñayivi sahá dá ña cúu dá in túhún jiní já jahyi Ndióxi. ³⁶ Ta cáxi tuhun i xuhun ña cacu jahyi Elisabet, ña cúu táhún cán vatí sá ñaçayatá ña. Ta viti sá ñaxinu inu yoo ñuhu jahyi ñá, mé ñá ñaçachi ñayivi sahá ña a cúu coo jahyi ñá. ³⁷ Jáchi Ndióxi cuu caja tóco ndihi ñaha —ñaçachi táto Ndióxi cán xihín María.

³⁸ Anda já ñaçachi María já:

—Ndióxi cúu xitoho i ta ná caja mé á tá quiahva cúni a xihín i. Ná coo tá ín cáchi ndó coo.

Tá ñandihí ñaçachi María cán ña yóho já ñaquee táto Ndióxi cán cuahan.

Xito nihni María Elisabet, ña cúu táhan ñá

³⁹ Ta mé tañu quiví já já xínu María ñasahan ñá in ñuu ndáçaan chí yúcu cuéntá Judea cán. ⁴⁰ Ta tá ñaquihvi ñá vehe Zacarías, yji Elisabet cán já ñaçahan Ndióxi ñá xihín Elisabet. ⁴¹ Ta tá ñaxini johó Elisabet ñaçahan Ndióxi María xihín ñá chí ñaçandita ña loho ndáçaan tíxi Elisabet cán chí jvi laá ñandicutú ndaa ñá xihín iníma yji

Ndióxi. ⁴² Anda já ñaçayuhú cóho Elisabet já ñaçachi ñá já xihín María:

—Ni in túhún toho najihí coo ñaçaja máni Ndióxi xihín tá quiahva ñaçaja máni á yohó. Ta ñaçaja yji mé á jahyún. ⁴³ Ta coo saha toho yehe ná quisún yóho, ñá cúu náná xitoho i coto nihún yehe. ⁴⁴ Jáchi tá ñaxini johó uun i ña ñaçahan Ndiósun xihín i jvi laá ñaçanda jahyi i ini tíxi i jáchi ñaçajii iní a. ⁴⁵ Tahvi ñacuún jáchi ñaçandúsún ña ñaçachi Ndióxi, xitoho í xuhun. Jáchi caja tá caja mé á ña ñaçachi a caja —ñaçachi Elisabet cán xihín María.

⁴⁶ Anda já ñaçachi María já:

Cája cáhnu i Ndióxi, xitoho i xihín iníma i.

⁴⁷ Ta cájii ndivaha ini i xihín ña caja Ndióxi, mé a jácacu yehe.

⁴⁸ Jáchi ñandicuhun ini a sahá yehe, ñá ndáhvi, ñá cúu in mozo mé á.

Ta cachi ñayivi ndúu viti xihín na vaxi quiví canduu ñuyiví yóho ña ñaçaja cuaha Ndióxi ñamaní xihín i.

⁴⁹ Jáchi mé Ndióxi, mé a cuu caja tóco ndihi ñaha ñaçaja cuaha ña náhnu xihín i.

Ta yji ndivaha quiví mé á.

⁵⁰ Ta níi tiempo táhvi ini mé á sahá tóco ndihi ñayivi, na caja cáhnu mé á.

⁵¹ A juú quiahva náhnu ñaha ñaçaja mé á.

Ñasahnú a nuú ná ndíñehe jíco mé.

⁵² Ta ñaçandaa mé á chuun ndahá da náhnu ta najánuu ndáha mé á da.

Ta ñandíñehe jíco mé á na najánuu ndáha mé ñuyiví yóho.

⁵³ Ta najándicutú ndaa mé á ñaha nuú na ñandimaní ñaha cuxu.

Ta ñaçandaa mé á ña ñaçacomí na cuicá já ñataxí a na cán ná quee na çuhun na.

⁵⁴ Ñachindee a na Israel, na caja çhúun cuéntá mé á.

Ta coo ñandindójo a táhvi ini a sahá ná.

⁵⁵ Jáchi quiahva já ñasahan mé á tuhun a caja anda ama cáa quiví xihín Abraham ta xihín tásáhnú jíco yo, na ñaquixi çhíchi mé dá, já ñaçachi María caja cáhnu ñá Ndióxi.

⁵⁶ Ta ñaçandoo María ñasahún ñá vehe Elisabet tíxi uní yoo. Anda já ñaquee ñá cuanúhu ñá vehe ñá.

Tá ñaçacu Juan, da jácandúta ñayivi

⁵⁷ Tá ñandindaa quiví cacu jahyi Elisabet já ñaçacu in ña loho. ⁵⁸ Ta tóco ndihi ñayivi ndúu yati xihín ñá xihín na cúu táhan ñá ñasahan na xito nihni na ña. Ta cájii iní na jáchi ñaçandaa ini na ña ñaçaja Ndióxi cuaha ñamaní xihín ña. ⁵⁹ Ta tá ñaxinu ña loho cán una quiví já ñasahan na nachicaan na marca yiquí çuñu a tátuhun ín costum-bre na. Ta ñaçahan na cananí a Zacarías tá quiahva naní tátá a. ⁶⁰ Joo já ñaçachi Elisabet já:

—A cánani toho da já. Juan va canani da —nacachi ña xihín na cán.

⁶¹ Andá já nacachi na cán já xihín ña:

—Ndá cuéntá queá canani jahyún já ta ni in tühún toho na vehún coó nani já.

⁶² Andá já nacuu ndáha ná nu Zacarias cán ña ndáca tuhún na da ndaja coo canani ña loho cán. ⁶³ Andá já naçica Zacarias cán in tutu nu ná ta já naçahyi da já: “Juan canani da.” Tá naçahvi na cán ña yóho já naçatóntó ndihi na. ⁶⁴ Ta chí sa mé hora já nandicañan tucu Zacarias. Já naçasáhá da cája cáhnu da Ndióxi. ⁶⁵ Xihín tóco ndihi ña nayaha yóho naçatóntó ndihi na nasanduu yati xihín Zacarias cán. Ta ní cúu ñuu váli ñúhu chí yúcu cuéntá Judea cán nandicuñta nuu tuhun saha tóco ndihi ña nayaha yóho. ⁶⁶ Ta tóco ndihi na naçini joho ña yóho naçasáhá ndicani ini na saha. Já naçasáhá ndáca tuhún táhan na já cáchi xihín táhan na já:

—Ndá ña cacuu ña loho yóho tá ná cuahnu da.

Nacachi na ña yóho jáchi naçini táhyi na ñamaní náhnu cája Ndióxi xihín ña loho cán.

Cája cáhnu Zacarias Ndióxi

⁶⁷ Andá já nandicutú ínimá Zacarias, tátá Juan cán xihín ínimá yíi Ndióxi. Já naçasáhá da cáhan da tuhun sahan Ndióxi nu dá cañan da. Já nacachi da já:

⁶⁸ Cáhnu ná cacuu Ndióxi, mé a cúu xitoho ñayivi naquixi chíchi Israel. Jáchi naquixi a jácaçu a mí, na cúu cuéntá mé á.

⁶⁹ Naçindahá Ndióxi mé a jácaçu mí ná a cühun yó indayá.

Ta íin ndéé a caja tóco ndihi ña náhnu.

Ta naquixi a chíchi David, da naçaja chúun cuéntá Ndióxi sahaná.

⁷⁰ Ta janda sanahá ndivaha nasahan Ndióxi tuhun a ña caja mé á ña yóho.

Ta já najáyaha na profeta cán tuhun naçahan Ndióxi nuú ñayivi.

⁷¹ Ña nacachi mé á queá jácaçu a mí ndahá na ihvi yo xihín ndáha na co cúní mí.

⁷² Ta nacachi a ñahvi ini a saha táshánu jíco yo, na nasanduu sanahá cán.

Ta a ndíndójo toho mé á saha tuhun yíi nasahan nu ná jáchi ña yíi cúu tóco ndihi tuhun sahan Ndióxi nuú ñayivi.

⁷³ Ña yóho cúu tuhun nacachi Ndióxi jáxinu coo a nuú tá nasahan mé á tuhun a nu Abraham, da nasacuu táshánu jíco yo cán.

⁷⁴ Ta nacachi mé á xihín dá ña jácaçu a mí ndahá na co cúní mí já ná a cáyhvi yo caja chúun í cuéntá mé á.

⁷⁵ Ta já ná cacuu ñayivi ndaa, na nandiquahva mé caja ña cúní mé á tóco ndihi quívi ndúu ñuyívi yóho, nacachi Zacarias nu ndíhi ñayivi cán.

⁷⁶ Andá já naçasáhá da cáhan da xihín ña loho jahyi da já cáchi da já xihín á:

Ta yóhó, jahyi a, cachi ñayivi sañun ña cúun in profeta Ndióxi, mé a cúu cáhnu nu ndihi a.

Ta jihna ñúhu cühun jácahún ñayivi ña ná cacu tiahva na ínimá ná ndiquehe na mé a chindahá Ndióxi vaçi.

⁷⁷ Ta xihín ña yóho cuu caçi tuhún xihín ñayivi ña cája cáhnu ini Ndióxi saha cuachi na.

Já ná cuu caçu ndaa ínimá ná ná a cühun na indayá.

⁷⁸ Saha ña quíhvi ini Ndióxi mí ta sahá ña táhvi ini mé á saha yo sahá ña cán queá janda indivi nu íin mé á naçindahá a in a cuu chindeé a mí ná ndíhvi íchi sa cuéntá mé á.

⁷⁹ Jáchi vaçi a jándiyehé a nuú ñayivi ndúu nuú naá ña ná caca na íchi nuú cuu coo vaña ini na xihín Ndióxi, nacachi Zacarias xihín jahyi loho da.

⁸⁰ Já naçasáhá sañnu ña loho cán cuahan da. Ta ndíndacú da xihín ñaha Ndióxi viti. Ta nasahjin da yucu íchi nuú co ndúu cuahá ñayivi janda quiahva naçinu quívi naçasáhá jánaña da nuú na Israel.

2

*Tá nacacu Jesús ñuu Belén
(Mt. 1:18-25)*

¹ Ta mé tiempo cán tá nasacomí Augusto cuéntá saha ñayivi ndúu ñuyívi já nasahnda da chuun ña ná nditaca quívi ndaja táhan ñayivi cómi dá cuéntá saha. ² Ta mé tañu nu cuítí tá ndititaca quívi ná já nasacuu Cireneo gobernador estado Siria. ³ Ta tóco ndíhi ñayivi nanditahan nu ná cühun na tá ñuu tá ñuu nuú nacacu táshánu jíco na ná quee quívi ná. ⁴ Saha ña cán queá naquee José ñuu Nazaret cuéntá Galilea cán já nasahan da ñuu Belén ña ndácañan estado Judea nuú nacacu David jáchi naquixi da chíchi David. ⁵ Nasahan María xihín José ñuu Belén quee quívi ná. Mé María yóho cúu ña naçica da cacuu ñájhí da. Ta sa já ñúhu jahyi ña cuahan ña ñuu Belén. ⁶ Ta nani nasanduu na ñuu Belén cán naçinu quívi cacu jahyi María. ⁷ Ta nacacu jahyi nuú ña. Ta naçitiví ña a ticoto já naçhindúhu ña a nu xixáhan quítí cán. Mé nu sánduu quítí cán nacacu jahyi María jáchi coo nañehé ná vehe canduu na jáchi sa naçatáñu va vehe nuú canduu ñayivi xínu coo ñuu Belén cán.

Cáxi tuhun táto Ndióxi xihín na ndáa ndicachi ña nacacu Jesús

⁸ Nasanduu java na ndáa ndicachi jana ná ñuu yati ñuu Belén cán. ⁹ Ta in náa cuítí nanaha táto Ndióxi mé á nu ná. Ta chí nandiyihvi ndaa nu ndúu na cán naçaja Ndióxi ta naçihvi ndivaha na. ¹⁰ Joo

nandicaḥan táto Ndióxi cán xih̄in ná já naçachi a já:

—A yíhvi toho ndó jáchi tuhun vaḥa queá ñeḥe e vaxi i caḥan i xih̄in ndo. Ta xih̄in ña yóho caji ndivaḥa ini tóco ndihi ñayivi.¹¹ Jáchi mé quívi viti naçacu in a jácacu a ndohó nuú cuachi ndó ta mé á cán cúu Cristo, xitoho ndó, ña naçindahá Ndióxi cacomí á cuéntá saḥa ndo. Ta naçacu a ñuu Belén nuú naçacu David sanahá.¹² Tá ná cuḥun ndo cán já cuni ndó ña loho cán cáti ví a ticoto cándúhu á nu xixáhan quiti. Tá ná cuni ndó ña yóho já candaa ini ndó ña caḥan i ña ndaa xih̄in ndo —naçachi táto Ndióxi xih̄in ná ndáa ndicachi cán.

¹³ Ta nani caḥan táto Ndióxi cán naḥinu ço cuaha chága táto Ndióxi nu ñin a cán. Mé táto Ndióxi yóho naquixi na indivi ta cája cáhnu na Ndióxi já cáchi ná já:

¹⁴ Cáhnu ná cacuu Ndióxi ñin indivi.

Ta ná coo vaḥa ini tóco ndihi ñayivi ndúu ñuyivi, mé na caji ini xih̄in ñamaní cája Ndióxi xih̄in ná, naçachi táto Ndióxi cán.

¹⁵ Ta tá sa nandico ço táto Ndióxi cán cuḥan chí indivi já naçasáh cáchi xih̄in táhan na ndáa ndicachi cán já:

—Cóho quí yó ñuu Belén candehé yó ña naçachi Ndióxi, xitoho í xoho ña naçacu ñuu Belén cán.

¹⁶ Já xinu na naḥan na ta tá naḥinu ço na cán já nandineḥe ná María xih̄in José xih̄in mé ña loho cándúhu nu xixáhan quiti cán.¹⁷ Andá já naçasáh nandicani na ndáa ndicachi cán nu ná ña naçachi táto Ndióxi xih̄in ná saḥa ña loho cán.¹⁸ Ta chí cántóto tóco ndihi ñayivi tá xini joho na ña ndicani na ndáa ndicachi cán nu ná.¹⁹ Joo nandicuhun ini María tóco ndihi ña nayaha ta ndicani ini ña saḥa.²⁰ Tá nandihí já naquee na ndáa ndicachi cán cuḥan na. Ta a juú quiahva cája cáhnu na Ndióxi cuḥan na saḥa tóco ndihi ña naḥini joho na xih̄in saḥa tóco ndihi ña naḥini na jáchi naḥahin tá ñin naçachi táto Ndióxi cán xih̄in ná.

Tá ñeḥe na lée loho Jesús cuḥan na ndiquiahva na cuéntá saḥa mé á veñuhu cáhnu ñuu Jerusalén

²¹ Tá nayaha una quívi naçacu lée jahyi María cán já naçicaan na marca yiquí cuñu a tá quiahva ñin costumbre na. Ta naçacu na quívi á cananí á Jesús jáchi quiahva já naçachi táto Ndióxi cán xih̄in María ña ndítahan cananí a janda tá cámaní cañuhu jahyi ná.

²² Ta nu ley Moisés, ña naçahyí da sanahá cáchi a ña tá ná ndihí naçacu jahyi in ñañáha, a cúu quihvi ña veñuhu andá ná yaha sáhdá ley quívi. Ta tá sa nayaha quívi cán já naquee María xih̄in José mé lée loho Jesús cán. Já ñeḥe na ña cuḥan

na ndiquiahva na cuéntá saḥa nu Ndióxi veñuhu cáhnu ñuu Jerusalén cán.²³ Naçaja na ña yóho jáchi já cáchi ley naḥanda Ndióxi sanahá: “Tóco ndihí ta valí, na cúu jahyi nuú najihí, ndítahan ndiquiahva na ña nu Ndióxi.”²⁴ Ta jári najoco na ña sáhdá ley Moisés coo tá nandihí naçacu jahyi na. Ta ña yóho cúu ñi ndiyuú á ñi ndijata.

²⁵ Ta ndaja coo mé tiempo cán naḥahin in daḥa nani Simeón ñuu Jerusalén cán. Ta naçacuu da in ta vaḥa ndivaḥa, da cája cáhnu Ndióxi. Ta ndáti da xinu coo quívi chindahá Ndióxi in da chindee na Israel já ná a ndóho ga ñi na. Ta nandicutú ndaa ñinimá dá xih̄in ñinimá yí Ndióxi.²⁶ Ta mé a cán queá naçachi xih̄in dá ña a quívi toho da janda quiahva ná cuni táhyí da Cristo, mé a naḥan Ndióxi tuhun a chindahá a.²⁷ Ta mé ñinimá yí Ndióxi ndáca Simeón cuḥan da veñuhu mé quívi naḥinu María xih̄in José cán caja na xih̄in Jesús tá quiahva sáhdá ley Moisés caja na.²⁸ Tá nandique táhan da xih̄in ná já naḥin da Jesús já naḥeḥe ndaa da a. Já naçasáh da cája cáhnu da Ndióxi já cáchi da já:

²⁹ Táta Ndióxi, sa cuu quiahva ndó ñamaní quívi yaa i viti,

jáchi sa najáxinu ço ndó nuú tuhun ndó, ña naḥan ndó nuú yeḥe, da cúu mozo ndo.

³⁰ Jáchi naḥini i xih̄in nuú i mé a naçindahá ndó jácacu ndeḥe.

³¹ Naçacu ndó a ña ná jácacu a ndaja táhan ñayivi.

³² Mé a yóho jándiyehé a nuú na ço naquixi chíchi Israel.

Ta saḥa mé a yóho caḥan vaḥa ñayivi saḥa na Israel, na cúu cuéntá mé ndo, naçachi Simeón.

³³ Chí naçatóto José xih̄in María táa joho na ña caḥan Simeón saḥa Jesús.³⁴ Tá nandihí naḥiça táhvi Simeón nu Ndióxi saḥa ná andá já naçasáh cáchi da já xih̄in María, náná Jesús:

—Naçaxi Ndióxi ta loho yóho ña ná caja da ná cuḥun cuahá na Israel ndoho ini na ta caja da ña ná caçu ñinimá cuahá na cán. Naquixi da nu Ndióxi joo candañi cuahá ná da³⁵ já náha táhyí ña cáhvi ini in na cán. Ta yóho, María táhyí ndivaḥa inun saḥa ña yóho ta cacuu a tá tuhun tuxú na machiti ñinimá —naçachi Simeón xih̄in María.

³⁶ Ta mé cán naḥahin ri in ña nani Ana, ña jáyaha tuhun caḥan Ndióxi nuú ñayivi. Ta naçacuu ña jahyi da nani Fanuel, da naquixi chíchi Aser. Mé Ana yóho naçayata ña. Tá yúta ña natandaha ña joo usá laá cuía naḥahin ña xih̄in yí ña já naḥihí da.

³⁷ Ta viti sa naḥinu comí jícó comí cuía ñin cuān ña. Nuú ta ndivi ñin tuun ña veñuhu cája cáhnu ña Ndióxi. Xíjuhun ña ta xíça táhvi ña nu mé á.³⁸ Mé hora ñin

3

Simeón ndítuhún da xihín María já naxinú cōo Ana cán. Ta tá nandihí nandiquiahva ñá ndixahvi nu Ndióxi já ñacasáhá cáhan ñá sahá ñá loho Jesús cán nuú ñayivi, na ndáti quixi quivi chindahá Ndióxi da chindeé na ñuu Jerusalén. Ta cáchi ñá ñá jivi mé Jesús cán queá ndáti na quixi.

Tá nandicó cōo na ñuu Nazaret

39 Tá nandihí ñacaja José xihín María ñá sáhdá ley Moisés cája na cán já cuanúhu na ñuu Nazaret, ñá ndácaan estado Galilea cán. 40 Ta mé taa loho Jesús sáhnú da ta ndíndacú da. Ta johó ndíndichí ga ví jini dá cuahan da. Ta cuahá ndivaha ñamaní cája Ndióxi xihín dá.

Ndácaan Jesús veñuhu cáhnu ñuu Jerusalén

41 Tá nu cuía sáhan náná tátá Jesús vícō pascua ñuu Jerusalén. 42 Ta tá naxinú Jesús uxu ivi cuía já ndaca táhan mé á xihín ná tá cuahan na vícō ñuu Jerusalén cán jáchí já ñasahíin costumbre ñayivi cája na tañu vícō cán. 43 Ta tá sa nayaha vícō cán já nandicó cōo José xihín María cuahan na. Joo cōo naxini na ñá ñacandōo Jesús ñuu Jerusalén cán. 44 Tañu ñayivi cuahá cán catáhan da vaxi da, ñacahan na. Ta tá sa naxinú níi in quivi xica na cuahan na já ñacasáhá ndínducú ná da tañu ñayivi cúu táhan na xihín tañu na xini táhan xihín ná. 45 Joo cōo nandíñehe ná da. Andá já nandicó cōo tutu na ñuu Jerusalén ndínducú ná da.

46 Janda quivi unj ví já nandíñehe ná Jesús ini veñuhu cáhnu cán. Caa íin coo da tañu na jáñaha ley Moisés cán. Taa johó da nu cáhan na ta ndáca tuhún da na sahá java ga ñaha. 47 Ta chí catóntó tóco ndihí ñayivi tá xini johó na tuhun ndúcú ñehe da nuú na jáñaha ley Moisés cán jáchí náha ñá ndichí jini dá. 48 Tá naxini María xihín José ñá ndácaan Jesús tañu na jáñaha ley Moisés cán já ñacatónto na. Andá já ñacachi María já xihín Jesús:

—Jahyi maní j. Ndá cuéntá queá ñacajún ñá yóho xihín nde. Yehe xihín tátún a juú quiahva ndicani ini nde xica nuu nde ndínducú nde yohó —ñacachi María xihín Jesús.

49 Andá já ñacachi Jesús já:

—Ndá cuéntá queá ndínducú ndó yehe. Á cōo xini toho ndó ñá ndítahan ndihí ini j cája j chuun ñasahnda tátá j, mé á íin indivi nuú j cája j, vaha —ñacachi Jesús xihín ná.

50 Joo ni María ni José cōo ñacandaa ini na ñá ñacachi Jesús cán xihín ná.

51 Andá já nandicó cōo Jesús cuahan xihín ná ñuu Nazaret. Ta ñacaja da tóco ndihí ñá cúnj na. Ta nandicuhun ini María ñá ñacaja Jesús ini veñuhu cáhnu cán. 52 Ta sáhnú Jesús ta cátaçú ini da cuahan. Ta cájji ini Ndióxi xihín ñá cája Jesús. Ta quiahva já cájji ri ini ñayivi va xihín ñá cája da.

Cásahá Juan cáhan da tuhun Ndióxi xihín ñayivi yucú íchí cán

(Mt. 3:1-12; Mr. 1:1-8; Jn. 1:19-28)

1 Tá naxinú sahnú cuía cómi Tiberio cuéntá sahá ñayivi ñuyivi já ñasacuu Poncio Pilato gobernador nuú na ndúu estado Judea. Ta dá nani Herodes ñasacuu gobernador nuú na ndúu estado Galilea. Ta ñani Herodes, da nani Felipe cán ñasacuu gobernador nuú na ndúu Iturea xihín nuú na ndúu Traconite. Ta dá nani Lisaniás ñasacuu gobernador nuú na ndúu Abilinia. 2 Ta Anás xihín Caifás ñasacuu da saçuaha nu ndihí jutú. Mé tiempo cán ñacahan Ndióxi xihín Juan, da cúu jahyi Zacarías, mé nu íin da yucú íchí cán. 3 Andá já nayaha Juan ndijáá ñuu válí ñúhu yuhú yuta Jordán cán. Ta cáxi tuhun da nuú ñayivi ñá ndítahan nu ná jándacoo na ñá núu cája na já ná cája cáhnu ini Ndióxi sahá cuachi na ta já ná candúta ná. 4 Tóco ndihí ñá yóho nayaha tá íin ñacachi Isaías tá ñacahyi da sanahá:

Vaxi quivi tá cahan cóhó in da tañu yucú íchí ta cachi da já:

“Caja tiahva ndó íchí nuú quixi xitoho í, ta cuná ndó in íchí ndaçú nu mé á ñá ná ndihvi a ímima ndo.

5 Tóco ndihí ñá cúu táhvi ná ndicutú ndihí a. Tóco ndihí yucú xihín xiqui ná ndicava ndaa ndihí a.

Tóco ndihí íchí ndicava ná ndindaçú ndihí a. Ta íchí ñá cōo íin ndaa nuu ndindaçú ndihí nu á.

6 Ta tóco ndihí ñayivi ndúu ñuyivi cuni na ndá quiahva jácaçú Ndióxi ñayivi”, já cáchi tutu ñacahyi Isaías sanahá ndivaha.

7 Ta ñacasáhá ñayivi ndái cuu na nu íin Juan ñá ná jácandúta da na joo ñacasáhá xōjo ndivaha ini da xihín ná já cáchi da já:

—Mé ndó cúu ndó tátuhun cōo jáchí cúu ndó na quini. Cáhan ndo ñá a jándoho ga Ndióxi ini ndó sahá cuachi ndó tá ná candúta ndo vatí cája tá cája ndó cuachi.

8 Xini ñúhú caja ndó ñá vaha já ná cuni ñayivi ñá mé a ndaa táhyi najándicoo ndó ñá núu ñasacaja ndó jihna. Ta a cáhan ndo ñá jácaçú Ndióxi ndohó sahá ñá cúu ndó na ñaquixi chíchi Abraham. Jáchí cōo saha toho ñá jan nu Ndióxi tá cōo jándacoo ndó cuachi ndó. Jáchí mé a ndaa ná cahan j xihín ndó ñá janda yuu ndúu nu ñúhu jan cuu caja Ndióxi ñá ná nduu a ñayivi quixi chíchi Abraham. 9 Mé ndó cúu ndó tátuhun in yíto, dó sa ñatiin na hacha cuahan na cahnda na. Ta tóco ndihí yíto, dó cōo sáhan cujhi vaha nuu, tahnda do ta quee dó nu ñúhu cayi do. Quiahva já caja ri Ndióxi xihín ndohó tá cōo cúnj ndó ndicó cōo ini ndó nu mé á —ñacachi Juan xihín ñayivi cán.

¹⁰ Anda já ñacasáhá ñayivi cán ndáca tuhún na da já cáchi na já xihún dá:

—Ndíá ndítahan nuú nde caja nde.

¹¹ Já cáchi Juan já xihún ná:

—Ndá na ndúu ivi cotó ná quiahva na in a nuú ná coó ñaha nuú. Ta ndá na ín ña cuxu ná cahnda java táhan na ña xihún na coó a nuú —cáchi Juan xihún na cán.

¹² Tañu na nandai cuu cán ñaxinu ri java da játaca jjuhún cuéntá impuesto ña candúta dá. Ta nandaça tuhún da Juan já ñacachi da já:

—Maestro, ndíá ndítahan nuú nde caja nde.

¹³ Anda já ñacachi Juan já xihún dá:

—Quehe ndó jjuhún nuú ñayivi tá quiahva sáhdá ley cuití va quehe ndó —ñacachi Juan xihún da cán.

¹⁴ Ta jári java da cúu soldado nandaça tuhún da Juan já ñacachi da já:

—Ta ndehe ri ndíá ndítahan caja nde.

Já ñacachi Juan já xihún dá:

—A cándaa ndó ña cómi ñayivi. A jáyihvi ndó na sahá ña ná quiahva na ñaha nu ndo. Ta ni a jácojo ndó cuachi jata ná tá coó ñacaja na ña. Ta xini ñúhu coo vaha ini ndó xihún yahvi quehe ndó sahá chuun cája ndó —ñacachi Juan xihún da cán.

¹⁵ Tóco ndihi ñayivi ndihi ini na jáchi cúni na candaá ini na ña á mé Juan cúu Cristo, da ñachindahá Ndióxi cacomi cuéntá sahá ñayivi. ¹⁶ Joo nandicahan Juan xihún tóco ndihi ñayivi já ñacachi da já xihún ná:

—Mé a ndaa cája ndúta i ndoghó xihún ticuú. Joo vaxi inga da ta da cán cúu dá jándicutú ínimá ndo xihún ínimá yii Ndióxi ta ña cán cacuu a tátuhun ñúhu cáyi. Ta da cán ín cuaha chága ndée dá a juú ga yehé. Ta chí coó sahá i ndica xití i nu dá ña ndaxi i correa ndusa dá. ¹⁷ Mé da vaxi cán caxi da ñayivi vaha tañu ñayivi quini. Cúu á tátuhun in dataa tá jáxixi da trigo xihún pala já ná quee xehe á já cacu vaha da ña. Ta xehe ñacana cán cuhun a caxi a xihún ñúhu ita ña a ndáhva toho —ñacachi Juan.

¹⁸ Quiahva johó ñacahan Juan nuú ñayivi tá ñacaxi tuhun da tuhun vaha nu ná. Ta cuahá java ga ñaha cáhan da xihún ná caja na. ¹⁹ Inga ñaha ñacaja da quea najánani da Herodes, da cúu gobernador jáchi ñasahjin Herodes xihún Herodías, ña cúu ñájíhi ñani da, Felipe. Ta najánani Juan da sahá java ga ña núu ñacaja da. ²⁰ Joo ñacaja johó Herodes mé dá ta coó ñaxeen da coo johó da nu cáhan Juan xihún dá. Ña ñacaja da quea ñacaja chága da ña núu tá ñachicaan da Juan vecaa.

Tá ñacandúta Jesús

(Mt. 3:13-17; Mr. 1:9-11)

²¹ Tá cámani ndaçaan Juan vecaa, cája ndúta dá ñayivi tá já najacandúta ri da Jesús. Ta nani xica tahvi Jesús nu Ndióxi já ñanuna

indivi. ²² Ta ñanuu ínimá yii Ndióxi jata Jesús. Ta ñasacaa ínimá yii Ndióxi yóho tá quiahva cáa in ndijata. Ta nandihí já ñaxini johó na ña cáhan in a indivi já ñacachi a já:

—Yóho cúun jahyi maní i ta cáji ndivaha ini i xuhun —ñacachi a.

Ña yóho cúu quivi na ñasacuu tásáhu jicó Jesús

(Mt. 1:1-17)

²³ Nasandacaan Jesús tátuhun oco uxu cuiá tá ñacasáhá jánaha tuhun Ndióxi nuú ñayivi. Ta ñacahan ñayivi ña nasacuu a jahyi José. Ta José cán nasacuu da jahyi Elí, ²⁴ ta tátá Elí ñasanani Matat. Ta tátá Matat ñasanani Leví. Ta tátá Leví ñasanani Melqui. Ta tátá Melqui ñasanani Jana. Ta tátá Jana ñasanani José. ²⁵ Ta tátá José ñasanani Matatías. Ta tátá Matatías ñasanani Amós. Ta tátá Amós ñasanani Nahum. Ta tátá Nahum ñasanani Esli. Ta tátá Esli ñasanani Nagai. ²⁶ Ta tátá Nagai ñasanani Maat. Ta tátá Maat ñasanani Matatías. Ta tátá Matatías ñasanani Semei. Ta tátá Semei ñasanani José. Ta tátá José ñasanani Judá. ²⁷ Ta tátá Judá ñasanani Joana. Ta tátá Joana ñasanani Resa. Ta tátá Resa ñasanani Zorababel. Ta tátá Zorababel ñasanani Salatiel. Ta tátá Salatiel ñasanani Neri. ²⁸ Ta tátá Neri ñasanani Melqui. Ta tátá Melqui ñasanani Adi. Ta tátá Adi ñasanani Cosam. Ta tátá Cosam ñasanani Elmodam. Ta tátá Elmodam ñasanani Er. ²⁹ Ta tátá Er ñasanani Josué. Ta tátá Josué ñasanani Eliezer. Ta tátá Eliezer ñasanani Jorim. Ta tátá Jorim ñasanani Matat. ³⁰ Ta tátá Matat ñasanani Leví. Ta tátá Leví ñasanani Simeón. Ta tátá Simeón ñasanani Judá. Ta tátá Judá ñasanani José. Ta tátá José ñasanani Jonán. Ta tátá Jonán ñasanani Eliaquim. ³¹ Ta tátá Eliaquim ñasanani Melea. Ta tátá Melea ñasanani Mainán. Ta tátá Mainán ñasanani Matata. Ta tátá Matata ñasanani Natán. ³² Ta tátá Natán ñasanani David. Ta tátá David ñasanani Isai. Ta tátá Isai ñasanani Obed. Ta tátá Obed ñasanani Booz. Ta tátá Booz ñasanani Salmón. Ta tátá Salmón ñasanani Naasón. ³³ Ta tátá Naasón ñasanani Aminadab. Ta tátá Aminadab ñasanani Aram. Ta tátá Aram ñasanani Esrom. Ta tátá Esrom ñasanani Fares. Ta tátá Fares ñasanani Judá. ³⁴ Ta tátá Judá ñasanani Jacob. Ta tátá Jacob ñasanani Isaac. Ta tátá Isaac ñasanani Abraham. Ta tátá Abraham ñasanani Taré. Ta tátá Taré ñasanani Nacor. ³⁵ Ta tátá Nacor ñasanani Serug. Ta tátá Serug ñasanani Ragau. Ta tátá Ragau ñasanani Peleg. Ta tátá Peleg ñasanani Heber. Ta tátá Heber ñasanani Sala. ³⁶ Ta tátá Sala ñasanani Cainán. Ta tátá Cainán ñasanani Arfaxad. Ta tátá Arfaxad ñasanani Sem. Ta tátá Sem ñasanani

Noé. Ta tátá Noé ñasananí Lamec. ³⁷ Ta tátá Lamec ñasananí Matusalén. Ta tátá Matusalén ñasananí Enoc. Ta tátá Enoc ñasananí Jared. Ta tátá Jared ñasananí Mahalaleel. Ta tátá Mahalaleel ñasananí Cainán. ³⁸ Ta tátá Cainán ñasananí Enós. Ta tátá Enós ñasananí Set. Ta tátá Set ñasananí Adán. Ta Ndióxi ñacavaha Adán.

4

Xito ndojó tiñáhá sacuaḡa Jesús
(Mt. 4:1-11; Mr. 1:12-13)

¹ Tá nandihí cán ñaquee Jesús yuta Jordán. Ta nandicutú ndaa ínimá mé á xihín ínimá yíi Ndióxi ta mé á cán ñasandaca Jesús ñasahan yucú íchí nuú cō ndúu ñayivi. ² Ta cán ñasahíin Jesús tíxi ívi jico quívi ta naxito ndojó tiñáhá sacuaḡa mé á. Ta tóco ndihí quívi cán cōo ñaxixi a ta tá nandihí já ñacasáhá cuíco a. ³ Andá já ñacachi tiñáhá sacuaḡa cán já xihín á:

—Tá tã jivi ndusa jahyi Ndióxi cúun, cahnda chuun ñã ná nduu yuu yóho pan.

⁴ Andá já ñanducú ñehe Jesús tũhun nu rí já ñacachi a já:

—Já cáchi tũhun Ndióxi: “A juú pan cuití cuxu ñayivi já catacu na, vaha. Xíní ñúhú cajú ri na ñã sáhná tũhun Ndióxi nu ná já queá ná cuu catacu na nu Ndióxi”, —ñacachi Jesús xihín ri cán.

⁵ Tá nandihí já ndáca tiñáhá sacuaḡa cán Jesús ñasahan rí in jini yucú jicó xihín á já ñanahá rí tóco ndihí ñuu ndúu ñuyívi nu á in tóo loho joho. ⁶ Andá já ñacachi rí já xihín á: —Candehé ndaja náhnu cúú ñuu ndúu ñuyívi ta yeḡe sáhná i chuun nuú ndaja táhan ñã ta cuu jasá i ñã nu yóho jáchi cuu jasá i ñã yo nu cúni mi i jasá i ñã. ⁷ Ta quiahva i ñã nuun tá ná caxitún nuú i cajú cáhnún yeḡe —ñacachi rí xihín á.

⁸ Joo ñanducú ñehe Jesús tũhun nu rí já cáchi a já:

—Satanás, cuáhán caxoo jáchi já cáchi tũhun Ndióxi: “In túhún Ndióxi, xitohún ndítahan cajú cáhnún ta in túhún mé á ndítahan cajú ndívún nuu” —ñacachi Jesús xihín tiñáhá sacuaḡa cán.

⁹ Tá nandihí já ndáca tucu tiñáhá sacuaḡa cán Jesús ñasahan rí ñuu Jerusalén xihín á. Ta najándaá rí a nu jicó jini veñuhu cáhnu ndácaan cán já ñacachi rí já xihín á:

—Tá tã jivi ndusa jahyi Ndióxi cúun jácana mún chí ninu. ¹⁰ Jáchi nuú tũhun Ndióxi ndáa in tũhun ñã cáchi a já:

Cahnda Ndióxi chuun nu tátō mé á ñã ná candaa na yohó.

¹¹ Ta ndiñehe ndáha ná yohó já queá ná a ndicueḡe saḡun tá ná cachihín saḡun xihín yuu, cáchi tũhun Ndióxi —ñacachi rí xihín Jesús.

¹² Andá já ñanducú ñehe Jesús tũhun nu rí já cáchi a já:

—Ín inga tucu nuú ñacahyi tũhun Ndióxi ta cáchi a já: “A coto ndojó tohún Ndióxi, xitohún” —ñacachi Jesús xihín ri cán.

¹³ Ñã cán queá ñaquee xóo tóo tiñáhá sacuaḡa nu Jesús ta ñaquee rí cuahán rí jáchi cōo ñañeḡe íni rí ndá quiahva coto ndojó chága rí a.

Tá ñacasáhá cáxi tũhun Jesús tũhun Ndióxi nuú na estado Galilea

(Mt. 4:12-17; Mr. 1:14-15)

¹⁴ Ta ndaja coo ñandicó cōo Jesús estado Galilea. Ta ín cuahá ndéé a jáchi ñandicutú ndaa ínimá mé á xihín ínimá yíi Ndióxi. Ta ndijáá ñayivi ndúu cán ñacasáhá na cáhan na saḡa mé á. ¹⁵ Ta ñacasáhá a jánaha tũhun Ndióxi nuú ñayivi ini veñuhu in in ñuu na. Ta tóco ndihí na cáhan vaha na saḡa ñã cajú mé á.

Tá ñasahíin Jesús ñuu Nazaret

(Mt. 13:53-58; Mr. 6:1-6)

¹⁶ Tá nandihí já cuanúhu Jesús ñuu Nazaret nuú ñasahnu a. Ta mé quívi ndiquehe ndéé ná cán, ñasahan mé á veñuhu. Ta ñacaja tá quiahva sá cajú mé á já ñandaca ndichi a cahvi a tũhun Ndióxi nuú ñayivi. ¹⁷ Ñasahan na libro ñacahyi profeta Isaias nu á ñã ná cahvi a ñã nuú na ndúu veñuhu cán. Ta tá ñasuná a libro cán já ñandiñeḡe a nu ndaa ñã cáchi a já:

¹⁸ Chútú ndaa ínimá i xihín ínimá yíi Ndióxi, jáchi ñacaxi mé á yeḡe ñã ná cahun i caxi tũhun i tũhun saá ñã vaha nuú na ndahví.

Ta ñachindahá mé á yeḡe ñã ná ndaja vaha i na ín cuéha ini.

Ta ñachindahá mé á yeḡe ñã ná caxi tũhun i nuú na ndúu ndahá tiñáhá sacuaḡa ndá quiahva cajú na queta na ndáha rí.

Ta ñachindahá mé á yeḡe ñã ná cuná i nduchú nuú na cuáá já ná cuu candehé ñã.

Ta ñachindahá a yeḡe ñã ná candaa i ñã ndóho ini ñayivi.

¹⁹ Ta ñachindahá mé á yeḡe ñã ná cahan i xihín ñayivi ñã sa ñaxinu cōo tiempo vaha ndivaha jáchi cúni Ndióxi cajú cuahá ñamaní xihín ñayivi, já cáchi ñã ñacahvi Jesús nuú na cán.

²⁰ Tá nandihí já ñachicaji Jesús libro cán já ñandiquiahva mé á ñã nuú dá cajú chũun veñuhu cán ta ñasacōo a. Na ñúhu veñuhu cán sáñdeḡe na nu mé á. ²¹ Sahá ñã cán queá ñacachi a já xihín ná:

—Mé quívi viti ñaxini ndó ñaxinu cōo nuú tũhun ñacahyi Isaias saḡahá ndivaha —ñacachi Jesús xihín na cán.

²² Ta ndijáá ñayivi cán cáhan vaha na saḡa Jesús ta cátóntó na saḡá ñã ndató ndivaha

tuhun cáhan xihín ná. Já ñacasáhá ndáca tuhún táhan na já cáchi na já:

—Á a juú da yóho cúu jáhyi José cán —cáchi na cáhan xihín táhan na.

²³ Anda já ñacachi Jesús xihín na cán já:

—Cája i cuénta cúnj ndó cachi ndó tuhun yóho xihín i: “Yohó, da cúu doctor ndaja vaha jihna mún.” Ta xihín ña yóho cúnj ndó cachi ndó xihín i: “Ña náhnu ñaxini johó nde ñacajún ñuu Capernaum cán, caja ña mé ñuu mún yóho ná cuni nde.”

²⁴ Anda já ñacahan chága Jesús xihín ná já ñacachi tucu a já:

—Mé a ndaa ná cahan i xihín ndo ña ni in túhún toho ñayivi co ndiquehe vaha na profeta mé ñuu da. ²⁵ Mé a ndaa ná cahan i xihín ndo. Tá ñasahin profeta Elias sanahá já ñasanduu cuahá ri na cuahan tañu ñayivi Israel ta ñandoho ndivaha ini na jáchi ñaqui in joco ndeé ndivaha sahá ña coo ñacuun javi tixi unj cuia java. ²⁶ Joo coo ñachindahá toho Ndióxi Elías ña ná cuhun da chindeé da na ndúu nación Israel cán. Ña ñacaja Ndióxi quea ñachindahá a da nuú in ña cuahan ñasahin ñuu Sarepta yati ñuu Sidón cán. ²⁷ Ta quiahva já ñasahin ri tiempo tá ñasacu Eliseo profeta. Mé tiempo cán ñasanduu cuahá na ñandoho cuhe táhyi nación Israel cán. Joo in túhún da ñandaja vaha da cán, da naní Naamán, da ñaqui ñuu tóho naní Siria —ñacachi Jesús xihín na cán.

²⁸ Tá ñaxini johó na ñúhu veñuhu cán ña ñacachi Jesús xihín ná já ñaxojo ndivaha ini na xihín á. ²⁹ Já ñandicuita na xihín á ta ñatavá na Jesús yuhú ñuu. Ta cán najándaa na a jiní yucú jícó nu cánú ñuu cán. Já ñacahan na chindahá nihni na a janda ninu. ³⁰ Joo ñayaha Jesús cuahan nu ná já ñaquee a cuahan va.

In da ñasandacaan ínimá quini ini
(Mr. 1:21-28)

³¹ Anda já ñaquee Jesús cuahan ñuu Capernaum, ña ndacaan estado Galilea. Ta cán ñacasáhá jánaḡa tuhun Ndióxi nuú ñayivi mé quivi ndiquehe ndéé ná. ³² Ta chí catóntó na tá quiahva jánaḡa Jesús nu ná jáchi cáhan mé á táhuhun in da ím saḡa cahnda chuun.

³³ Mé ini veñuhu nu ndacaan Jesús jánaḡa cán ñasandacaan in dataa, da ndacaan in ínimá quini ini. Já ñacayuhú ínimá quini cán nu Jesús já cáchi rj já:

³⁴ —Jándacoo táji ndeḡe, Jesús, da ñuu Nazaret. Ndá cuénta quea quihvi nuún xihín nde. A vásún jándihún sahá nde. Sa xini vaha i yohó ta cándaḡa cáxi ini i ña cúun in da yijí ñachindahá Ndióxi —ñacachi ínimá quini cán xihín Jesús.

³⁵ Anda já ñacasáhá Jesús jánaḡa a ínimá quini ndacaan ini dataa cán já ñacachi a já xihín rj:

—Caji yuhun ta janí da yóho —ñacachi Jesús xihín rj.

Tá ñacachi a já chí najándacava rí quini dataa nuú na cán já ñaqueta rí ini da cán. Ta coo ñacaja rí ni in ña núu xihín dá. ³⁶ Tóco ndihí ñayivi ñasanduu cán ñayihvi ndivaha na. Ta já ñacasáhá cáchi xihín táhan na já:

—Ím ndivaha sahá tuhun cáhan Jesús yóho jáchi xihín ña cáhan da sáhdá da chuun xihín ndeé dá ta tává da ínimá quini ta chí quee rí cuahan rj —ñacachi xihín táhan na cán.

³⁷ Ta ní cúu ñuu válí cán ñandicuita nuu tuhun saḡa Jesús.

Ndája vaha Jesús ña cúu xojo Simón Pedro
(Mt. 8:14-15; Mr. 1:29-31)

³⁸ Anda já ñaquee Jesús veñuhu cán já cuahan vehe in da naní Simón. Tá ñaxinu a cán já ñaquihi a ini vehe da. Ta ñaxini a ña quihvi ña cúu xojo Simón cán, ña chícaca cáhni ndeé ña. Chí ñaxica táhvi na nu Jesús ña ná ndaja vaha mé á ña. ³⁹ Anda já ñacayati Jesús nu ña já ñasahnda chuun nuú cuhe cán ña ná quee a. Já ñandindaa ña chícaca cáhni á ña chí jvi laa ñandicoo ña já ñacasáhá cája ndívi ña ña cuxu na.

Ndája vaha Jesús cuahá na quihvi
(Mt. 8:16-17; Mr. 1:32-34)

⁴⁰ Tá ñaqueta nuu candii mé quivi cán já ñéhe ñayivi na quihvi ndúu nu ná ñaxinu na nu Jesús. Tá nuú cuhe ñasandoho na cán ta tá ñachinúu Jesús ndáhá á jiní in in na já ñandivaha na ñacaja mé á. ⁴¹ Ta cuahá táhan na quihvi cán ñacana ínimá quini ini na ñacaja mé á. Ta tá queta rí quini cán já cáyuhú cóhó rj nu Jesús já cáchi rj já:

—Yohó cúun in túhún jiní já jáhyi Ndióxi —cáchi rj xihín Jesús.

Joo najánani Jesús ínimá quini cán ta co cúnj a quiahva ñamaní ña ná cahan rj jáchi xini vaha rí cán ña cúu mé á Cristo, da ñachindahá Ndióxi cacomí cuénta saḡa ñayivi.

Jánaḡa Jesús tuhun Ndióxi nuú ñayivi ndúu estado Galilea
(Mr. 1:35-39)

⁴² Tá ñatívi inga quivi itaḡan já ñaquee Jesús ñuu cán ta cuahan in nu cáa xóo. Joo ñacasáhá ñayivi ndínductú na mé á janda quiahva ñaxinu na nu ím a jáchi cúnj na caji na nuú á ná a jándacoo a na. ⁴³ Anda já ñacachi Jesús já xihín ná:

—Ndítahan nuú i cuhun i caxi tuhun i xihín ñayivi ndúu java ga ñuu ña vaxi quivi cacomí Ndióxi cuénta saḡa ná. Jáchi chuun yóho ñachindahá Ndióxi yehe vaxi i —ñacachi Jesús xihín na cán.

⁴⁴ Chí nax̄ica nuu Jesús jánaḥa tuhun Ndióxi nuú ñayivi ini veñuhu estado Galilea cán.

5

Cája Jesús ña ná cuu tiin cuḥa ná t̄iyacá
(Mt. 4:18-22; Mr. 1:16-20)

¹ In tañu íin Jesús yuhú tañuhú nani Gene-saret. Ta a juú quiahva naṭaca ñayivi chí naçasáhá cándihi na Jesús jáchi cúnj na cuni joho na tuhun Ndióxi. ² Ta nax̄ini Jesús ivi barco ndita dó yati yuhú tañuhú cán. Coó da ñuhu ini dó jáchi sa naquee da tává t̄iyacá ta yati j̄in va ndícata da ñunu dá. ³ Anda já naquihvi Jesús ini in táhan barco cán, do cúu ñaha Simón. Ta naçachi Jesús x̄ih̄in Simón ña ná jácaxicá loho da do. Tá nandihí já naçacoo Jesús ini barco já naçasáhá jánaḥa nuú ñayivi janda mé ini barco cán. ⁴ Ta tá sa nandihí naçahan x̄ih̄in ñayivi cán já naçachi a já x̄ih̄in Simón:

—Cañehe barco yóho ná cuḥun dó xoo nu cúná chága ticuj̄i tá jácátun ñun̄un tavun t̄iyacá —naçachi Jesús x̄ih̄in dá.

⁵ Anda já nanducú ñehe Simón tuhun nu Jesús já cáchi da já x̄ih̄in á:

—Maestro, nini yaa ñuú naçaja chúun nde ña ndúcú nde tává nde t̄iyacá. Ta coó ñaha naṭavá nde. Joo tá sa cáchi mé ndó já caja i tá íin cáchi ndo cuḥun i jácana i ñunu i ini tañuhú —naçachi Simón x̄ih̄in Jesús.

⁶ Ta tá naçaja da ña naçachi Jesús x̄ih̄in dá já a juú quiahva cuḥá t̄iyacá naṭavá da chí janda ñunu dá cán naçasáhá táhnda. ⁷ Anda já naçuu ndáḥa dá nuú java ga da tává t̄iyacá ñuhu ini inga barco ña ná quixi da chindeé táhan da x̄ih̄in dá. Anda já naquixi da cán chindeé táhan da x̄ih̄in Simón. Já najácútu da ndívi barco cán x̄ih̄in t̄iyacá chí janda ndúcú cacoo dó cán çahá tañuhú x̄ih̄in ña cuḥá t̄iyacá naquee ini dó. ⁸ Tá nax̄ini Simón Pedro cán ña yóho já naçaxití da nu Jesús já cáchi da já x̄ih̄in á:

—A cáyati ndó nuú i, xitoho i jáchi cúu u in ta çaja cuachi.

⁹ Já naçachi Simón jáchi nayihvi da. Ta quiahva já nayihvi da naçhindeé táhan x̄ih̄in dá cán sahá ña cuḥa nahá t̄iyacá naṭavá da. ¹⁰ Quiahva já nayihvi ri Jacobo x̄ih̄in Juan, da cúu jahyi Zebedeo. Ndívi da yóho chindeé táhan da x̄ih̄in Simón cán. Ta já naçachi Jesús já x̄ih̄in Simón:

—A cáyhvi tohún jáchi viti casáhun caca nuún tavun ñayivi tañu cuachi tá quiahva naçajún tá naṭavun t̄iyacá ini tañuhú —naçachi Jesús x̄ih̄in dá.

¹¹ Ña cán quéa tá naṭavá da cán barco da yuhú tañuhú cán já najándacoo ndihi da ñaha da ta nandjico da Jesús.

Tá nandaja vaḥa Jesús in da ndóho cueḥe táhyi

(Mt. 8:1-4; Mr. 1:40-45)

¹² Ta ndaja coo íin Jesús in ñuu ta já nax̄inu coo in da ndóho cueḥe táhyi nu á. Tá tá nax̄ini da Jesús já naçaxití da nu á janda quiahva naçani ndaa nuú dá nu ñuhu. Já naçasáhá x̄ica ṭahvi da nu á já cáchi da já x̄ih̄in á:

—Cuu ndaja vaḥa ndó yeḥe, xitoho i tá cúni ndo —naçachi da x̄ih̄in Jesús.

¹³ Anda já naçani ndaa ndáḥa Jesús da já naçachi a já:

—Cúnj ña ná ndivahún ña cán quéa nandivahun viti —naçachi Jesús.

Tá naçachi Jesús já chí ivi laá nandindaa cueḥe táhyi nandoho da cán. ¹⁴ Anda já naçahnda Jesús chuun nu dá ña ná a ndícani da nuú ñayivi sahá ña naçaja x̄ih̄in dá. Ña naçachi a x̄ih̄in dá quéa:

—Cuáhán ndacún jánaḥun mún nuú jutu. Ta ndítahan j̄ocún ñaha nu Ndióxi tá tuhun naçahnda ley Moisés saḥa çaja na sa nandivaha. Já ná candaḡ ini ñayivi ña sa nandindaa va cueḥe naçandohún —naçachi Jesús x̄ih̄in da cán.

¹⁵ Joo ví ga ví naçasáhá ndicuj̄ta nuu tuhun sahá ña çaja Jesús. Sahá ña cán quéa táca cuḥá ndivaha ñayivi cuni joho na nu cáhan mé á x̄ih̄in ná. Ta jári táca ná jáchi cúni na ña ná ndaja vaḥa mé á na. ¹⁶ Joo tává x̄oo Jesús mé á xoo nuú coó ñayivi ta cán sa x̄ica ṭahvi a nu Ndióxi.

Ndája vaḥa Jesús in da nax̄ih̄i tuchu saḥa
(Mt. 9:1-8; Mr. 2:1-12)

¹⁷ In tañu ndáçaan Jesús ini in vehe jánaḥa nuú ñayivi. Tañu na cán naçandu u coo java na fariseo x̄ih̄in java na jánaḥa ley Moisés. Tóco ndihi na cúu ná na naquixi ndijáá ñuu válí ñuhu estado Galilea cán x̄ih̄in ñuu válí ñuhu estado Judea x̄ih̄in ñuu Jerusalén viti. Ta náḥa Jesús ña ñehe a ndeé Ndióxi jáchi ndivaha ñayivi çaja mé á. ¹⁸ Mé hora já nax̄inu coo java dataa ta ñehe da in x̄ito loho nu cánduhu in da quihvi, da nax̄ih̄i tuchu saḥa. Ta cúni da jáquihvi da da cán ini vehe nu ndáçaan Jesús cán ja chinduhú dá da nu Jesús, naçahan da. ¹⁹ Joo coó naçuu caja da quihvi da jáchi nanditútu ndivaha ñayivi ndúu na yéhe vehe cán. Sahá ña cán quéa naṭada da j̄in̄i véhe já naṭavá da teja cándójo cán. Já najánuu da x̄ito loho nu cánduhu mé da quihvi cán tañu tóco ndihi ñayivi ñuhu ini vehe cán janda quiahva nax̄inu x̄ito da quihvi cán nu íin Jesús. ²⁰ Tá nax̄ini Jesús ña cándeé ini da ñehe da quihvi cán mé á já naçachi a já x̄ih̄in da quihvi cán já:

—Candehé. Sa naçaja cánu ini i sahá cuachun viti —naçachi Jesús x̄ih̄in dá.

²¹ Anda já naçasáhá na jánaḥa ley Moisés x̄ih̄in na fariseo cán cáhan na: “Ndá da cúu

da yóho ta ndá cuéntá queá ndája núu da Ndióxi xihín tuhun cáhan da. Jáchí ni in túhún toho ñayivi a cúu caja cáhnu ini sahá cuachi. In túhún jini Ndióxi queá cuu caja cáhnu ini sahá cuachi”, naçahan na cán.

²² Joo Jesús sa nacandaq va ini a ña cáhvi ini na cán sahá ña cán queá naçachi a já xihín na:

—Ndávaha cáhan ndo já. ²³ Á cáhan ndo ña ihvi chága cachi i xihín da yóho: “Naçaja cáhnu ini i sahá cuachún viti.” Á tá cóó tá cachi i xihín dá: “Ndicoo ta cuanúhu.”

²⁴ Candehé vaha ndo ná nahá i nu ndo ña ín sahá i, da naçindahá Ndióxi nduu u ñayivi, caja cáhnu ini i sahá cuachi ñayivi ñuyivi yóho —naçachi Jesús xihín na cán.

Anda já naçachi tucu a xihín da naçihí tuchu saha cán já:

—Ta viti cáhan i xuhun, cuándaco ndiquehe xito lohún ta cuanúhu.

²⁵ Tá naçachi Jesús já chí i vi laá nandicoo da nu ndihi ñayivi nduu cán jáchí nandivaha saha dá. Ta nandiquehe da xito loho da nuú nasandúhu dá. Anda já caja cáhnu da Ndióxi naçaque da cuanúhu dá vehe da. ²⁶ Ta tóco ndihi ñayivi nasanduu cán naçatontó na ta naçaja cáhnu na Ndióxi sahá ña naçaja Jesús. Ta a juú quiahva yihvi na já naçachi na já:

—Ña náhnu ndivaha va queá naçini quivi viti —naçachi na.

Cána Jesús in da nani Levi, da cáhan na Mateo xihín, ña ná caca da xihín á

(Mt. 9:9-13; Mr. 2:13-17)

²⁷ Tá nandihí já naçaque Jesús xica cuahan. Ta cán naçini a in da játaça jjuhún cuéntá impuesto. Mé da yóho nani da Levi ta ín coo da nu sácco na játaça jjuhún cuéntá impuesto cán. Anda já naçachi Jesús já xihín dá:

—Naha qui candicun yehe —naçachi a xihín dá.

²⁸ Anda já nandaca ndichi Levi cán ta najándaco da tóco ndihi ñaha cán ta já naçasáhá ndico da Jesús xica da. ²⁹ Tá nandihí já naçavaha Levi in víco cáhnu mé vehe da cán ña caja cáhnu da Jesús. Ta cán naçaca cuaha táhan na játaça jjuhún cuéntá impuesto nduu na vehe da. Ta cuahá ga ñayivi naçaca nduu coo nu mesa cán.

³⁰ Joo na fariseo xihín na jánahá ley Moisés naçasáhá na cáhan núu na sahá na xica tuun xihín Jesús já naçachi na já:

—Ndá cuéntá queá xici ndó xihín na játaça jjuhún cuéntá impuesto ta xihín java ga na caja cuachi —naçachi na cán xihín na xica tuun xihín Jesús.

³¹ Anda já nanducú ñehe Jesús tuhun nuú na cán já naçachi a já xihín na:

—Ñayivi ín vaha co xini ñúhú toho na da caja tátá ñahá joo na quihvi, na cán cúu na xini ñúhú da caja tátá ñahá. ³² Ta yehe cóo vaxi toho i cana i na sa ín vaha. Vaxi i cana

i ñayivi, na caja cuachi ña ná jándaco na cuachi caja na —naçachi Jesús xihín na cán.

Ndáca tuhún na Jesús ndá cuéntá queá co xijuhun da xica tuun xihín á

(Mt. 9:14-17; Mr. 2:18-22)

³³ Anda já naçasáhá ndáca tuhún tucu na Jesús já cáchi na já xihín á:

—Xini nde ña xica tahvi ndivaha va na naçaxica tuun xihín Juan ta jári xijuhun ndivaha va na cán. Ta quiahva já caja na fariseo. Joo na xica tuun xihín yóho jan níi tiempo xixi na pan ta xihí na vino. Ndá cuéntá queá caja na já —naçachi na cán xihín Jesús.

³⁴ Anda já nanducú ñehe Jesús tuhun nu ná já cáchi a já xihín na:

—Cúu á tátuhun tá caja na víco tándaha ta ín va mé da tándaha cán xihín ná já queá co ndítahan nu ná cajuhun na. Quiahva já ín ri xihín yehe va. Cóo saha cajuhun na xica tuun xihín i jáchí ín vi xihín ná viti. ³⁵ Joo vaxi quivi ndindaa i nuú na yóho. Anda já casáhá na yóho cajuhun na —naçachi Jesús xihín na cán.

³⁶ Anda já naçacu Jesús quiahva nu ná já naçachi a já xihín na:

—Ni in túhún toho ñayivi co sáhná na in túhún jáhma saá já ndicahmá na in jáhma yatá. Jáchí tá ná caja na já játiví na jáhma saá cán. Ta ni co ndique táhan vaha in jáhma yatá tá jándaha na ña xihín in túhún jáhma saá. ³⁷ Ta ni in túhún toho ñayivi co taán na vino saá ini in níi yatá. Jáchí tá ná caja na já já queá jáçahndí va vino saá níi yatá cán. Ta xihín ña yóho tívi níi cán ta tívi ri dó cúu vino cán va. ³⁸ Ña ndítahan caja na queá taán na vino saá ini níi saá já ná cuu cañuhu vaha dó cán ta mé níi co cáhndí a. ³⁹ Ta ni in túhún táhan na xihí vino yatá co xica na vino saá coho na jáchí cáchi na ña vaha chága xihí dó yatá —naçachi Jesús xihín quiahva sácú a nuú na cán.

6

Tá na xica tuun xihín Jesús tuhun na yucu jini trigo quivi ndiquehe ndeé ñayivi

(Mt. 12:1-8; Mr. 2:23-28)

¹ In quivi ndiquehe ndeé ñayivi nani xica Jesús cuahan xihín na xica tuun xihín á já nayaha na tañu nuú naçutu na trigo. Já naçasáhá na cán túhan na yucu jini trigo cán já táva na trigo já chíniñni ndáha ná a ta sáxi na cásahan na. ² Tá naçini java na fariseo cán ña caja na já naçachi na já:

—Ndávaha caja ndó chuun ña co ndítahan caja ndó quivi ndiquehe ndeé yo —naçachi na fariseo cán xihín na xica tuun xihín Jesús.

³ Anda já nanducú ñehe Jesús tuhun nu ná já naçachi a:

—Á a ñaha cahvi ndó nuú tuhun Ndióxi nu cáhan sahá ña naçaja David sanahá tá

naçuico da xihín na xíca xihín dá. ⁴ Ña nacaja da cán queá naquihvi da ini veñuhu Ndióxi ta natuin da pan yij já naxixi da ña ta nasahan da ña nuú na xíca xihín dá ña ná cuxu na. Joo jutú cuiti va cúu na ndítahan nuú cuxu ña cán, nduu. ⁵ Ta yehe va, da naxindahá Ndióxi nduu ñayivi ín sahá j cahnda j chuun sahá quivi ndiquehe ndée ñayivi —naxachi Jesús xihín na cán.

Tá nandaja vaha Jesús in da nahichi ndáha

(Mt. 12:9-14; Mr. 3:1-6)

⁶ Inga tucu quivi ndiquehe ndée ná já naquihvi Jesús ini in veñuhu ta nacasahá jánahá nu ná. Ta ini mé veñuhu cán nasandacaan in dataa, da nahichi ndahá cuáha. ⁷ Ta ndaja coo na jánahá ley Moisés xihín na fariseo nání na Jesús sándehe na ña á ndaja vaha mé á da cán quivi ndiquehe ndée na. Ta xihín ña yóho cáhan na cuu ñehe ini na jácojo na cuachi jatá. ⁸ Joo sa xini va Jesús ña cáhvi ini na cán. Sahá ña cán queá naxachi a já xihín da nahichi ndáha cán já: —Cuándaco ta candichi mahñú yóho —naxachi Jesús xihín dá.

Andá já nandaca ndichi da cán nuú Jesús.

⁹ Andá já nacasahá Jesús cáhan xihín java ga na nduu cán já naxachi a já xihín ná:

—Cuni johó ndó ná ndaca tuhún j ndohó. Ndía cáchi ley ndítahan caja í mé quivi ndiquehe ndée ñayivi. Á chindeé yo ñayivi á caja í ña núu xihín ná. Á jácacu na á cahni yó na —naxachi Jesús xihín ná.

¹⁰ Andá já nandicoto nihni Jesús nuú ndihi na naxava nuu nduu xihín á cán. Ta naxachi a já xihín da nahichi ndáha:

—Jándacaá ndáhun.

Ta tá najándacaá da cán ndáha dá chí ivi laá nandivaha ndáha dá. ¹¹ Joo tóco ndihi na java nduu cán naxojo ndivaha ini na. Já nacasahá ndítuhún xihín táhan na ña ndá queá cuu caja na já ná cuu jándihi na saha Jesús.

Tá naxaxi Jesús uxu ivi da cacuu apóstol

(Mt. 10:1-4; Mr. 3:13-19)

¹² Mé tañu já naquee Jesús nasahan in jini yúcu caca tahvi a nu Ndióxi. Ta níi cúu ñuu naxica tahvi a nu Ndióxi. ¹³ Ta tá sa nativi já nacana mé á na xíca xihín á. Ta tañu na cán naxaxi a uxu ivi da cacuu da in táhdá ta canani apóstol, da chindahá a caca nuu cáhan tuhun Ndióxi. ¹⁴ Naxaxi a da nani Simón, da nasacu tucu a quivi canani Pedro. Ta naxaxi a da cúu ñani Pedro, da nani Andrés. Ta naxaxi a Jacobo xihín Juan xihín Felipe xihín Bartolomé ¹⁵ xihín Mateo xihín Tomás xihín Jacobo, da cúu jahyi Alfeo. Ta naxaxi a Simón, da naxica cuénta na cananista. ¹⁶ Ta naxaxi ri a Judas, ñani Jacobo xihín Judas Iscariote, mé da najico tuhún Jesús tá nu ndihi.

Jánaha Jesús nuú cuahá ñayivi

(Mt. 4:23-25)

¹⁷ Tá nandihí nanuu Jesús jini yúcu xihín na xíca tuun xihín á já naxinu a yojó ndaa nasahin a xihín ná. Ta cán nasanduu ri cuahá ndivaha ñayivi táhan na naquixi ndi-jáá ñuu válí ndúu chí estado Judea xihín na ndúu ñuu Jerusalén xihín na ndúu ñuu Tiro xihín Sidón, ña ndúu yati yuhú tañuhú. Ta tóco ndihi ñayivi yóho naxinu na cuni johó na nu cáhan Jesús. Ta naxinu na jáchi cúni na ña ná ndaja vaha mé á na. ¹⁸ Ta tóco ndihi na nasañuhu ínimá quini ini nandaja vaha ri Jesús ná jáchi natavá a ínimá quini nasañuhu ini na. ¹⁹ Ta tóco ndihi ñayivi cúni na cani ndaa ndáha ná Jesús jáchi xihín ndée mé á ndája vaha tóco ndihi na quihvi.

Jánaha Jesús ndá quiahva cajii chága ini já ná a cánduu cuéha yo

(Mt. 5:1-12)

²⁰ Tá nandihí já nasandehé Jesús nuú na xíca tuun xihín á já nacasahá cáchi a já xihín ná:

—Tahvi naxuu ndó, na cándahvi jáchi ndóhó cúu na cacomi Ndióxi cuénta saha.

²¹ Tahvi naxuu ndó, na cuico viti ñuhú jáchi ndóhó cacuu na chutú ndaa tá ná ndihi.

Tahvi naxuu ndó, na sácu viti jáchi ndóhó cacuu na casahá cuacu tá nu ndihi.

²² Tahvi naxuu ndó tá cándají ñayivi ndohó ta casahá táxi na ndohó á canahá na xihín ndo. Ta tahvi naxuu ndó tá quehe núu na ndohó sahá ña cáhan na ña cúu ndó na núu ndivaha. Tá ná caja na tóco ndihi ña yóho xihín ndo sahá ña cándéé ini ndó yehe, da naxindahá Ndióxi nduu ñayivi, tahvi naxuu ndó. ²³ Já queá ndítahan cájii ndivaha ini ndó mé quivi já jáchi sa naxica tahvi Ndióxi in ña vaha ndivaha ín indivi quiahva nu ndo. Jáchi tá quiahva cája xixi na jan xihín ndó viti quiahva já nacaja xixi ri tásáhnú jícó na jan xihín na nasacuu profeta sanahá.

²⁴ Joo ndáhvi naxuu ndó, na cuicá viti jáchi sa naxajii ndivaha va ini ndó ñuyivi yóho.

²⁵ Ndáhvi naxuu ndó, na naxchutú ndaa viti jáchi ndóhó cúu na quixi tamá nuu.

Ndáhvi naxuu ndó, na sácu viti jáchi ndóhó cúu na cuacu xihín ña cacuéha ini ndó.

²⁶ Ndáhvi naxuu ndó tá ná casahá ñayivi cáhan vaha na saha ndo jáchi quiahva já naxahan vaha tásáhnú jícó na jan sahá na profeta tuhún nasanduu najándahvi ñayivi sanahá.

Xíni ñuhú quihvi ini na co cúni mí

(Mt. 5:38-48; 7:12)

²⁷ Tóco ndihi ndó, na xíni johó nu cáhan j yóho, ndítahan quihvi ini ndó na co cúni ndohó. Ta xíni ñuhú caja vaha ndó xihín

ndá na cándají ndohó. ²⁸ Xíní ñúhú çaça tahví ndó nu Ndióxi ña ná cajú yíi á na náchicaan cháhan jatá ndo. Ta çaça tahví ndó nu Ndióxi sahá na cáhahá xihín ndo. ²⁹ Ta ndá na ná cani in xoo sajóho ndó, cata ñee ndó inga xoo sajóho ndó nu ná ña ná cani na. Ta tá ná candaa na jahmá ndeé ndo quiahva ndó ñamaní ña ná quehe ri na cotó ndo tá já cúni na. ³⁰ A cájihnda ndó nu ná xíca ñaha nu ndo. Ta ndá na cándaa ña cúu ñaha ndó, a ndíndaca ndó ña nu ná. ³¹ Tá quiahva cúni ndó cajú ñayivi xihín ndo quiahva já ndítahan cajú ri ndóhó va xihín ná.

³² Jáchí tá quihví ini ndó ñayivi sahá ña quihví ri ini na cán ndohó va, ndía vaha cajú ndó jáchí quiahva já cajú ñayivi quini. ³³ Ta tá cajú vaha cuiti ndó xihín na cajú vaha xihín mé ndó, ndía vaha cajú ndó jáchí quiahva já cajú ri ñayivi quini va. ³⁴ Ta tá sáhan too ndó ñaha ndó nuú ñayivi sahá ña cáhán ndo cajú na ñamaní xihín mé ndó, ndía vaha cajú ndó jáchí quiahva já cajú ri ñayivi quini va. ³⁵ Joo ndóhó, xíní ñúhú quihví ini ndó na co cúni ndohó. Ta xíní ñúhú cajú vaha ndó xihín ñayivi. Ta xíní ñúhú quiahva too ndó ñaha ndó ta a cándati ndó ña ná nducú ñehe na cán ña nu ndo. Tá ná cajú ndó já já queá ñehe táhvi ndó ña vaha ndivaha cajú Ndióxi ta nduu ndó jahyi Ndióxi, mé a cúu Ndióxi cáhnu ndivaha. Jáchí mé Ndióxi cándáhvi ini a ndá na co ndíquiahva ndixahvi nu mé á cándáhvi ri ini a ñayivi quini va. ³⁶ Xíní ñúhú tahnda ini ndó sahá ñayivi tá quiahva táhnda ini Ndióxi sahá ná.

Có ndítahan candehé ndaa yó ñayivi
(Mt. 7:1-5)

³⁷ A cándehé ndaa ndó ñayivi já ná a cajú Ndióxi já xihín ndo. A chícaan ndó cuachi jatá inga na já ná a quehe Ndióxi cuéntá sahá cuachi mé ndó. Cajú cáhnu ini ndó sahá ná já ná cajú cáhnu ini Ndióxi sahá mé ndó. ³⁸ Jasá ndo ñaha nuú ñayivi já ná ñehe ndó ñaha nu Ndióxi. Cúu á tátuhun cajú ñayivi tá jáchutú na in ndohó xihín nuñi ta quíji nihni na ndohó já ná ndituun a ta jácuyu chága na nuñi já táán na ña ini a janda quiahva xíta ña yuhu ndohó cán. Tá quiahva cajú mé ndó xihín ñayivi quiahva já cajú Ndióxi xihín ndo jáchí tá cuahá sáhan ndó nuú ñayivi quiahva já cuahá quiahva ri Ndióxi nu ndóhó va —ñacachi Jesús xihín na cán.

³⁹ Tá nandihí já ñasacu a quiahva nu ná já ñacachi a já:

—A cúu toho cajú in taa cuáá candaca da inga da cuáá cuhun da jáchí ndívi já da ndicava da yávi. ⁴⁰ Ni in túhun toho da xíca jácuaha tiahva chága nu mé da jánahá ñahá cán. Joo tá ná xinu quívi já catiahva vaha

da já candaa ini da tóco ndihí ña xíní da najánaha ñahá cán.

⁴¹ Jáchí ndá cuéntá queá sándehe ndó ña núu cajú ñani táhan ndó ta co sándehe ndo ndá quiahva náhnu chága ña núu cajú mé ndó. Cúu á tátuhun ndácaan in xehe loho nduchú núu ñani táhan ndó nani ndácaan in yító ndúhu cáhnu ini nduchú núu ndo. ⁴² Ta tá a cúu cuni ndó yító cáhnu ndácaan ini nduchú núu mé ndó ndaja cajú ndó cachi ndó xihín ñani táhan ndó: “Ñani i, ná tavá loho i xehe ndácaan nduchú núun jan.” Jándahvi ndó mé ndó xihín ña cajú ndó. Xíní ñúhú tavá ndo yító cáhnu ndácaan nduchú núu mé ndó já ná nuna nu ndó cuni vaha ndó já ná cuu tavá ndó xehe loho ndácaan nduchú núu ñani táhan ndó —ñacachi Jesús.

Tá xíní yo cuíhi in yító já cándaa ini ndá yító cúu dó

(Mt. 7:17-20; 12:34-35)

⁴³ Anda já ñacasahá tucu a cáchí já:

—Coó toho yító vaha cúun cuíhi quini nuú. Ta ni coó yító quini cuu cuun cuíhi vaha nuú. ⁴⁴ Jáchí xihín cuíhi cúun nuú in in yító cándaa ini ndá yító cúu dó. A vája cúu túhun sáhnda ñayivi títi ñuhú nuú tohiñú. Ta ni a vája cúu túhun sáhnda na uva nuú tonáña yúcu. ⁴⁵ In taa vaha cáhan da ndinuhu ña vaha jáchí ndinuhu ña vaha ñuhu ínimá dá. Ta in taa quini cáhan da ndinuhu ña núu jáchí ña núu queá ndácaan ínimá dá. Jáchí yúhu ñayivi cána tóco ndihí ña nandicutú ñuhu ínimá dá —ñacachi Jesús.

Sácú Jesús quiahva sahá ivi da ñacavaha vehe

(Mt. 7:24-27)

⁴⁶ Cáhan tucu Jesús já cáchí a já:

—Ndá cuéntá queá cáhan xitoho nahá ndó yehe ta co cajú ndó ña sáhnda i nu ndo. ⁴⁷ Ná cáhan i xihín ndó ndaja ín da vaxi nuú i cuni johó da túhun cáhan i ta cajú da ña cáchí i. ⁴⁸ Cúu dá tátuhun in dataa ñacavaha vehe. Tá ñacasahá da táva da sahá vehe da já ñasata cúná da já ná chinúu da vehe da jatá tóto. Ta tá ñasahnu cuahá yuta já ñacani ndaa ñihí ticuíj cán jatá vehe da. Joo coó nandicava vehe da ñacaja ticuíj cán jáchí tóyíí cándichi vehe da jatá tóto cán. ⁴⁹ Joo ndá da xíní johó nu cáhan i ta co cajú da ña cáchí i, cúu dá tátuhun inga dataa, da ñacavaha vehe nu ñúhu uun. Ta coó ñasata da nuú nanduxu sahá. Ta tá ñasahnu cuahá yuta já ñacani ndaa ñihí ticuíj cán jatá vehe da. Ta xihín ña yóho nandicava vehe da ta chí nandihí sahá chí uun —ñacachi Jesús.

7

Tá nandaja vaha Jesús in da cajú chúun nuú in jefe soldado
(Mt. 8:5-13)

¹ Tá nandihí naçahan Jesús xihín ñayivi cân já naquee a cuahan chí Capernaum. ² Mé ñuu Capernaum cân naçahíin in daçaa, da sáhdá chuun nuú soldado naquixi ñuu Roma. Mé da yóho naçahíin in mozo da ta quihvi ndivaha ini da mozo da. Joo ndaja coo mé mozo da yóho quihvi ndeé da ta janda já chá quivi da. ³ Tá naçini joho da sáhdá chuun nuú soldado yóho sahá Jesús já naçindahá da java na saçuaha táhan na naquixi chichi Israel já ná çaca na ñamaní nuú Jesús quixi a ndaja vaça mozo da cân. ⁴ Tá naçinu na cân nuú Jesús naçasahá xica tãhvi ndivaha na nu á já cáchi ná já xihín á: —Íin sahá da sáhdá chuun nuú soldado yóho ña ná chindeé ndó da. ⁵ Jáchi quihvi ini da tóco ndihí ñayivi ndúu nación Israel ta sa mé da jan cúu da naçahnda chuun ña ná cavaça na veñuhu nde —naçachi na cân xihín Jesús.

⁶ Anda já naquee Jesús cuahan xihín ná. Joo tá sa jalóho xinu çoo na vehe da sáhdá chuun nuú soldado cân já naçindahá da java amigo da nuú Jesús ná çahan na yuhú nuu da já naçachi na já:

—A jándihí ndó mé ndó ndihvi ndó vehe e, xitoho i jáchi çoo sahá toho i ña ná ndihvi ndó vehe e. ⁷ Sahá ña cân queá çoo naçahan ndeé ini i çuhun i ndinducú u mé ndó. Joo janda nu íin ndó jan cahnda ndó chuun ña ná ndivaha mozo i já ndivaha da. ⁸ Jáchi ndúu java na náhnu chága sáhdá chuun nuú i. Ta ndúu ri soldado sáhdá ri yehe va chuun nuu. Ta tá chindhá i in da ña ná çuhun da nu cuni mí i çuhun da ta cuahan da. Ta tá sáhdá i chuun nuú inga da ña ná quixi da nuú i ta vaxi da nuú i. Ta tá sáhdá i chuun nu mozo i ña ná çaja da ña sáhdá i ta çaja da ña —naçachi na.

⁹ Tá naçini joho Jesús tóco ndihí ña naçahan amigo da sáhdá chuun nuú soldado cân xihín á já naçatontó a xihín daçaa cân. Anda já naçandehé a nu tóco ndihí ñayivi ndíço cuahan cân já naçachi a já xihín ná:

—Mé a ndaa ná çahan i xihín ndo ña a ñaha cuni i tañu na Israel in da cãndeé cáhnu nahá ini Ndióxi tá quiahva cãndeé cáhnu ini da yóho Ndióxi —naçachi Jesús xihín na ndíço jatá cân.

¹⁰ Ta tá naçidíço çoo na cúu mozo da sáhdá chuun nuú soldado cân vehe da já naçini na ña sa naçdivaha va da naçaquihvi cân.

Tá najánditacu Jesús jahyi in ná cuáçan

¹¹ Tá sa nayaha ña yóho já naquee Jesús cuahan chí in ñuu naní Naím xihín na xica tuun xihín á. Ta a juú quiahva cuahá ñayivi ndíço cuahan. ¹² Tá naçinu çoo a yati yuhú ñuu cân já naçini a ñayivi ñehe na in ndii cuahan na jánduxu na. Mé ndii cân naçacuu

da in túhún já nu náná da, ñá cúu ñá cuáçan. Ta a juú quiahva cuahá ñayivi ñuu cân ndáca táhan xihín ñá cuahan na jánduxu na jahyi ñá. ¹³ Tá naçini Jesús ña já naçahvi ini a saça ña. Anda já naçachi a já xihín ña:

—A cuáçu gañ.

¹⁴ Anda já naçayati Jesús nuú sató ndii cân já naçani ndaa ndáha á do. Anda já naçaçuíta na ndóço sató ndii cân. Ta naçahan Jesús xihín da cúu ndii cân já naçachi a já xihín dá:

—Yehe cáhan i xuhun, da tacú, cuándacoo —naçachi Jesús xihín dá.

¹⁵ Anda já naçacoo da naçacuu ndii cân ta naçasahá da cáhan da. Já nandiquiahva Jesús da nu náná da. ¹⁶ Tá naçini tóco ndihí ñayivi cuahan cân ña naçaja Jesús já yihvi na. Ta naçasahá na çaja cáhnu na Ndióxi já cáchi ná já:

—In profeta cáhnu ndivaha cúu da naçinu çoo tañu mí yóho viti.

Ta naçachi tucu na:

—Ndióxi queá naçinu çoo nu yo ña ná chindeé a ñayivi cuéntá mé á —naçachi na.

¹⁷ Ta níú cúu ñayivi cuéntá estado Judea xihín na ndúu yati cân naçandaa ini na sahá ña naçaja Jesús cân.

Juan, da jácandúta ñayivi, naçindahá da java da xica xihín dá nu Jesús
(Mt. 11:2-19)

¹⁸ Ta ndaja coo nañehe Juan, da jácandúta ñayivi, túhun sahá tóco ndihí ña naçaja Jesús yóho jáchi naçidicani na xica xihín Juan ña nu dá. Sahá ña cân queá naçana da ivi táhan da xica xihín da ¹⁹ já naçindahá da na nu Jesús ña ná ndaça túhún na mé á á jivi ndusa cúu á Cristo, mé a chindhá Ndióxi cacomí cuéntá sahá ñayivi, á ndítahan candati na inga ga quixi. ²⁰ Tá naçinu na xica xihín Juan nu íin Jesús já naçachi na já xihín á:

—Da naní Juan, da xica jácandúta ñayivi, da cân cúu da naçindahá ndehe vaxi nde ndaça túhún nde ndohó á cúu ndó Cristo, ña chindhá Ndióxi cacomí cuéntá sahá ñayivi, á ndítahan candati nde inga ga —naçachi na cân xihín Jesús.

²¹ Mé hora naçinu çoo na cân nu íin Jesús já naçini na naçandaja vaça Jesús cuahá ñayivi quihvi, na naçandoho tá nuú cuhehe. Ta naçavá a ínimã quini naçafuhu ínimã java na. Ta cuahá ndivaha na cuáç naçindunã nuu naçaja Jesús. ²² Sahá ña cân queá tá naçiducú ñehe Jesús túhun nuu na xica xihín Juan cân já naçachi a já xihín ná:

—Cuáhán ndó ndicani ndó nu Juan sahá tóco ndihí ña naçini ndó çaja i xihín tóco ndihí ña naçini joho ndó cáhan i. Ta ndicani ndó nu dá ña ndinunã nuu na cuáç ta ndíçaca na reñço çaja i. Ta ndája vaça i na ndóho cuhehe táhyi. Ta jándinunã i joho na jóho já

na cuni joho na. Ta jánditacu ụ ndji. Ta cáxi tũhun i tũhun Ndióxi nuú na ndahví já ná cuu cacu ndaa inima ná. ²³ Tahví naacu na co jándacoo ña cándéé ini na yehe —naçachi Jesús xihín ná.

²⁴ Tá naquee na nachindahá Juan cán cuahán na já naçasahá Jesús cáhan saha Juan nuú ñayivi cán já cáchi a já xihín ná:

—Ndía naçahán ndó cuni ndó tá naqueta ndó naşahan ndó sándehe ndo Juan yucu íchi cán. A juú da cán cúu taa láhá já quiji nuu da tátũhun quiji nuu in tíyoó cája táchi. ²⁵ Ndía naqueta ndó candehé ndó. A juú da cán cúu taa ndíxi jahmá lándá ndivaha. Sa xini vaha ndó ña co ndúu toho da ndíxi jahmá lándá yucu íchi. Ndá da ndíxi jahmá lándá ta cája da ña cúnj yiquí cuñu da, mé da cán cúu da ndúu vehe rey cuiti va. ²⁶ Ndía naşahan ndó naşini ndó cán. A coo naşahan ndó cuni joho ndó nu cáhan in da cúu profeta nu ndo. Mé a ndaa da cán cúu dá in profeta ta iin chága saha dá a juú ga inga profeta naşandu şanahá. ²⁷ Jáchi mé Juan cúu dá da cáhan tũhun Ndióxi saha tá cáchi a já:

Chindahá i in da canuú cũhun nu mún,

já ná caja tiahva da íchi nuú quisún, já naçahí a şanahá.

²⁸ Candehé ndo ná çahan i xihín ndo. Tañu tóco ndihi ñayivi coó ga inga profeta cáhnu chága a juú ga Juan, mé da jácandúta ñayivi. Joo ndá na sa nandiquiahva mé ndáha Ndióxi ña ná cacomi a cuéntá saha ná, vatí cúu ná na coó saha, na cán cúu na cáhnu chága a juú ga Juan —naçachi Jesús.

²⁹ Tá naşini joho tóco ndihi ñayivi ndúu cán ña yóho já nandicuni na ña cája ndaa Ndióxi tóco ndihi ñaha. Na naçahán já cúu na najácandúta Juan ta tañu na cán naşañuhu java ri na játaca jiuñun cuéntá impueste.

³⁰ Joo ná fariseo xihín na jánaha ley Moisés, na coó najácandúta Juan cán, na cán cúu na naqueehe núu na tóco ndihi ñamanj cúnj Ndióxi caja xihín ná. ³¹ Andá já naçachi Jesús já xihín ná:

—Ná çahan i xihín ndó ndaja iin ñayivi ndúu tiempo viti. ³² Cúu ná tátũhun na valí sácco sájiquí nuú yahvi ta cáyuhú na nuú javo ga na valí ndúu cán já cáchi na já: “Nañiví ndé tótíví nu ndo joo coó naşeen ndó cata sáhá ndo. Ta naşita cuéha ndivaha nde nu ndo ta ni coó naşacu ndó.” ³³ Quiahva já iin ñayivi ndúu tiempo viti jáchi naşixi Juan, da jácandúta ñayivi ta naşixihun da ta coó naşixi da vino joo naçachi ndó saha dá ña ndácaan inima quini ini da. ³⁴ Tá tá naşinu yehe, da nachindahá Ndióxi nduu ñayivi ta xixi i pan ta xixi i vino já naçasahá cáchi ndo sahá i ña cúu ụ in taa ndehé ndivaha ta xixi ndivaha i. Ta cáchi ndo ña cátóo ndivaha i cacuu ụ amigo na çaja

cuachi xihín na játaca jiuñun cuéntá impueste. ³⁵ Joo na cúnj cándaq ini ña ndaa, na cán cúu na cándaq ini ña cája Juan xihín yehe ña ndaa —naçachi Jesús xihín na cán.

Íin Jesús vehe Simón, da cúu fariseo

³⁶ In táhan da fariseo naçana da Jesús ña ná cũhun a cuxu a vehe da. Andá já naşahan Jesús vehe da já naşaco a nu mesa. ³⁷ Joo ndaja coo in ñañáha, mé ña ñuu cán tá nañehe ña tũhun ña naşinu Jesús vehe Simón cán cuxu a já naşinu ña xihín in yúyú alabastro, ña naçutú ndaa xihín síti támi sahan naçasaq ña nu Jesús. Mé ñañáha yóho cúu ña in ña cája cuahá cuachi. ³⁸ Ta sácu ña naçaxítí ña saha Jesús ta xihín ticuñi nuú ña najácachu ña sahá. Ta tá nandihí já najáhichí ña do xihín iji jini ña. Andá já naşatí yúhu ña sahá. Ta naçhojó ña síti támi sahan cán jata sahá á. ³⁹ Tá naşini mé da fariseo, da naçana Jesús vehe da cán ña yóho já naçahán da já: “Tá profeta ndusa ná cacuu da yóho ta sa cándaq va ini da ndá ña cúu ña cáni ndaa ndáha saha dá jáchi cúu ña ña cája cuahá cuachi”, naçahán Simón cán.

⁴⁰ Andá já naçachi Jesús já xihín da fariseo cán:

—Candehé Simón, cuni joho ná çahan i xũhun —naçachi Jesús xihín dá.

Andá já naçachi Simón cán já xihín Jesús:

—Çahan mé á xihín i, xitoho j —naçachi da.

⁴¹ Andá já naşacu Jesús in quiahva nu dá já naçachi a já xihín dá:

—Naşandu ịvị dataa ta naşayicá da jiuñun nu mé da sahan tóo a cán. In da naşayicá ụhun ciento ta inga da naşayicá ịvị jico uxu. ⁴² Ta ni in da cán co ndéé da çahví da ña yíca dá sahá ña cán queá naçaja cáhnu ini da sahan tóo jiuñun cán sahá ña yíca ndíví da cán. Ta viti cachun xihín i, Simón, ndá da cáhún tíxi ndíví da yóho cacuu da da quihví ini chága mé da, da naçaja cáhnu ini saha cuéntá ña naşayicá da cán —naçachi Jesús xihín Simón.

⁴³ Andá já nanducú ñehe Simón cán tũhun nu Jesús já naçachi da já xihín á:

—Cája i cuéntá ña quihví ini chága da naşayicá cuahá jiuñun cán nu dá —naçachi da.

Andá já naçachi Jesús já xihín Simón:

—Mé a ndaa cáhun —naçachi a.

⁴⁴ Andá já naşandehé Jesús ña naçhojó síti sahá cán já naçachi a já xihín Simón:

—Candehé vaha ñañáha jan, Simón. Naquihvi i vehún joo coó naşahún ticuñi ndoo sahá i. Joo ñañáha yóho najácachu ña sahá i xihín ticuñi nuú ña. Ta tá nandihí já najáhichí ña sahá i xihín iji jini ña. ⁴⁵ Ta yóho, coó naşatí yuhún sajóho yehe tá naşaa i vehún. Joo ña yóho, janda nani naquihvi ña vehún tátí yúhu ña sahá i. Ta andá viti ñuhú cája ña a. ⁴⁶ Ta ni coó naçhojó tohún

sítí jini í tá naxinu í vehún. Joo ñá yóho nachojó ñá sítí támi sahan sahá í. ⁴⁷ Ta cáhí í xuhun, Simón, ñá xihín ñá cája ñá yóho náha ñá mé a ndaa quihvi ini ñá yehe jáchi ñajaja cáhnu ini í sahá cuachí ñá vatí cuahá ndivaha cúú á. Joo ndá na cáhan ñá chá cuiti va cuachi cája cáhnu ini í saha, na cán cúú ri na chá cuiti quihvi ini na yehe —ñacachi Jesús xihín Simón.

⁴⁸ Andá já ñacasahá cáhí a já xihín ñáñáha cán:

—Sa ñajaja cáhnu ini í sahá cuachún viti.

⁴⁹ Ta tóco ndihi java ga na ñataca ndúu coo nu mesa vehe Simón cán ñacasahá cáhí xihín táhan na já:

—Ndá ñaa cúú da yóho jáchi janda cuachi cája ñayivi cája cáhnu ini da saha —ñacachi xihín táhan na cán.

⁵⁰ Andá já ñacachi Jesús já xihín ñáñáha cán:

—Ñacacu ndaa ínimu jáchi ñacandéé inún yehe. Cuanúhu ta a ndicani ga inún viti —ñacachi Jesús xihín ña.

8

Tá java najihí chindeé na Jesús

¹ Tá ñandihí ñayaha ñá yóho já ñacasahá Jesús xica nuu a cuahá ñuu náhnu xihín ñuu válí ñá caxi tuhun a xihín ná ñá sa ñacayati quivi cacomí Ndióxi cuéntá saha ná. Ta ndíco ndíhuxu ivi na apóstol cán mé á. ² Ta ñasandaca táhan java ri najihí xihín á, na ñatavá mé á ínimá quini ini xihín na ñandaja vaha mé á nuú cuéhe ñasandoho na. Tañu najihí yóho ñasandacaan ñá naní María, ñá cáhan na Magdalena xihín. Mé María yóho cúú ñá ñatavá Jesús usa ínimá quini ini. ³ Ta cáthán ri in ñá naní Juana cuahan ñá xihín na cán. Mé Juana cúú ñá ñájihí da naní Chuza, da cómi cuéntá sahá vehe Herodes. Ta jári in ñá naní Susana ñaxica nuu ñá xihín Jesús. Cuahá chaga najihí ñaxica nuu na xihín á ta ñachindeé ñahá na xihín ñá cómi na.

Sácu Jesús quiahva sahá in da sátá tata (Mt. 13:1-17; Mr. 4:1-12)

⁴ Naqueta ñayivi cuahá ñuu jáchi cúni na cuni na Jesús. Ta tá sa ñataca cuahá ñayivi nu íni Jesús, ñacasahá cáhan xihín ná. Ta ñasacu a in quiahva nu ná já ñacachi a já xihín ná:

⁵ —In da sátá tata ñaquee da cuahan da cata da ña. Ta tá sátá da ña cuahan da já ñacuyu java ña íchi. Ta tá ñayaha ñayivi já ñachiníni saha joho na a ta já naxinu laa ñasaxí rí ña. ⁶ Ta java tata cán ñacuyu a tañu yuu. Ta tá ñanduta mé tata cán, cama chá ñahíchi a jáchi íchi ndivaha tañu yuu cán. ⁷ Ta java ga tata cán ñacuyu a tañu tóhíñú ta tá ñanduta ñá já ñanditáha ndihi a ñajaja tóhíñú, dó ñasahnu xihín á cán. ⁸ Joo java

tata ñacuyu a nu ñuhú vaha. Ta tá ñasahnu a já ñajáquee na cuahá ñaha nu á. Janda in ciento tata ñacana jatá in in nuú tata cán —ñacachi Jesús xihín ná.

Ta tá ñandihí ñandicani Jesús ñá yóho nu ná já ñacahan cóho a nu ná já ñacachi a já xihín ná:

—Ndá ndó, na íni joho, ná cuni joho ndó —ñacachi Jesús xihín na cán.

⁹ Andá já ñacasahá na xica tuun xihín á cán ndáca tuhún na mé á ndia cúni cachi quiahva ñacachi a xihín ñayivi cán. ¹⁰ Ta ñanducú ñehe Jesús tuhun nu ná já ñacachi a já xihín ná:

—Ña cóo ñacandaq ini ndó jihna, ñá cán cándaq ini ndó viti jáchi ñasuná Ndióxi xini túni ndó candaq ini ndó ndá quiahva cacomí mé á cuéntá sahá ñayivi. Joo sácu u quiahva nuú java ga ñayivi já queá vatí sándehe na joo cúú ná tátuhun na có tivi nuú. Ta vatí xini joho na, cúú ná tátuhun na jóho jáchi có cándaq ini na ñá cáhan í xihín ná —ñacachi Jesús xihín na xica tuun xihín á cán.

Ndicani Jesús ña cúni cachi quiahva ñasacu a nuú na cán

(Mt. 13:18-23; Mr. 4:13-20)

¹¹ Andá já ñacachi Jesús já xihín ná:

—Ñá yóho cúni cachi quiahva ñasacu u nuú ñayivi yóho: Mé tata cán cúú á yuhú nuú tuhun Ndióxi, ñá xica java na cáhan na xihín ñayivi. ¹² Mé tata ñá ñandicava íchi cán náha nu yo ndá quiahva íni java ñayivi. Xini joho na tuhun Ndióxi joo tá ñandihí já vaxi tíñhá sácuahá ta cája rí xihín ná ñá ndíndójo na ñá já ná a cándúsa na tuhun Ndióxi ñá ná a cácu ndaa ínimá ná. ¹³ Ta tata ñá ñandicava tañu yuu cán náha nu yo ñá ndúu java ñayivi ta xini joho na tuhun Ndióxi ta cájii íni na ndíquehe na ña. Joo sahá ñá có ñehe íni yóho á cuhun cúná a sahá ñá cán queá chá tiempo cuiti va cándúsa na tuhun Ndióxi. Jáchi tá casahá ndóho ini na sahá tuhun Ndióxi chí jándacoo va na ña. ¹⁴ Ta tata ñá ñandicava tañu tóhíñú cán náha nu yo ñá ndúu java ñayivi ta xini joho na tuhun Ndióxi joo có jándacoo na íchi ñaxica na jihna. Ta casahá ndicani ini na sahá ñaha ñuyiví yóho ta casahá na cátoó na canduu cuahá ñaha cuíca nú na tá casahá ndicaji ini na caja na ñá núu. Sahá ñá cán queá cúú á tátuhun tata ñá có cána ñaha jáquee na nuú jáchi cóo ñasahnu na xihín tuhun Ndióxi. ¹⁵ Joo tata ñá ñandicava nu ñuhú vaha cán náha nu yo ñá ndúu java ñayivi ta xini joho na tuhun Ndióxi xihín ndinuhu ini na ta cája na ñá sáhdá a nu ná. Ta sahá ñá ndíco cáhnu na Ndióxi ta có jándacoo na mé á sahá ñá cán queá cúú ná tátuhun tata ñasahan cuahá ñaha ñá cuu jáquee na nuú jáchi sahnu na xihín tuhun Ndióxi —ñacachi Jesús ndicani a nuú na xica tuun xihín á cán.

*Sacú Jesús in quiahva sahá in lámpara
(Mr 4:21-25)*

16 Ni in túhún toho ñayivi cõ ndicahmi na in lámpara ta anda já chíjahi na jatá xihín in ñaha. Ta ni cõ chícaan jehé na ña tixi xito. Ña cája na queá chinúu jícõ na ña já ná yehe a nuú na quihvi ini vehe cán. 17 Ni in túhún toho ñaha a cuú coo jehé nahá jáchí xinu quivi já ndáca náha nu á. Ta ni in túhún naçahan jehé ñayivi a cuú coo jehé nahá jáchí xinu quivi já candaa ini tóco ndihi ñayivi sahá túhún naçahin jehé cán.

18 "Sahá ña cán queá nditahan coo johõ vaha ndõ nu çahan i xihín ndõ. Jáchí da ín ñaha nu, ñehe táhvi dá coo chága ñaha nu dá joo da coõ ñaha nu, janda ña loho ín nu dá ndíndaa —naçachi Jesús.

Tá naixinu cõõ náná Jesús xihín ñani a nu ín a

(Mt. 12:46-50; Mr 3:31-35)

19 Anda já naixinu cõõ náná Jesús xihín ñani a mé nu ín a cán. Joo coõ naçuu cayati na nu á jáchí a juú quiahva naçhutú ñayivi ndúu na xihín á cán. 20 Anda já naçahan in da çaxi túhún da xihín Jesús já cáchí da já xihín á:

—Jatá véhe cáa ín nánún xihín ñanún ta çahan na xuhun cúní na —naçachi da cán xihín Jesús.

21 Anda já naçachi Jesús xihín tóco ndihi ñayivi ndúu cán já:

—Ndá na xini johõ túhún Ndióxi ta cája na ña cáchí a, na cán cúú ná tátuhun náná i xihín ñani i —naçachi Jesús xihín ná.

Tá najátáji Jesús tachí xihín tañuhú tá ndicojo dõ

(Mt. 8:23-27; Mr 4:35-41)

22 In quivi naquihvi Jesús ini in barco xihín na xica tuun xihín á. Ta já naçachi a já xihín ná:

—Cõõ inga xoo tañuhú yóho.

Anda já naquee na cuahan na. 23 Ta nani xójo cava na tañuhú cán cuahan na já nanaá ini Jesús naquiji á. Ta in náá cuiti naixinu in tachí quini ndivaha nuú tañuhú cán ta naçasáh ndíndita dó ta jáçhutú dõ ini barco cán. Ta chí jyo ndivaha cáa jáchí cuo cacõõ barco çahá ticuú. 24 Anda já naçahan na ndíñehe na Jesús já naçachi na já xihín á:

—Maestro, Maestro. Cáçõõ barco yõ çahá ticuú cuahan dõ —naçachi na xihín á.

Anda já nandicojo Jesús já naçasáhá jananí a tachí xihín ticuú ndicojo cán. Tá nandíhi já najáyaá mé á tachí xihín ticuú chí táji níi uun naçandõõ nuú tañuhú cán. 25 Anda já naçachi Jesús já xihín na xica tuun xihín á:

—Ndaja vaha cõ cándeé ini ndó yehe —naçachi a.

Joo na cán nayihví na ta naçatóntó na. Ta chí janda ndáça túhún táhan na já cáchí na já:

—Ndá da cúú datãa yóho ña anda tachí xihín tañuhú cándúsa nu çahan da —naçachi xihín táhan na cán.

Tá natava Jesús inima quini naçañuhu ini in datãa ñuu Gadara

(Mt. 8:28-34; Mr 5:1-20)

26 Tá nandíhi já cuahan na ta naixinu cõõ na ñundáhyi cuéntá Gadara, ña cándõõ inga xoo tañuhú ta ndicoto nihni táhan xihín estado Galilea. 27 Tá nanuu Jesús barco cán já naçayati in datãa, da ñuu Gadara cán nu á. Mé da yóho sa naçanahá ndivaha ñúhu inima quini ini da. Ta já cáa vichí láhlá da xica nuu da. Ta ni cõ ín da vehe. Tañu nu jánduxu na ndji cán va ín tuun da. 28 Tá naçini da Jesús nandícava xití da nu á ta já naçayuhú da já naçachi da já xihín á:

—Ndá cuéntá queá vasún quihvi nuún xihín i. Yóhõ cúún Jesús, da cúú in túhún jiní já jahyi Ndióxi, ña cáhnu ndivaha. Xíça tahví i nuun ña ná a jándohún ini i.

29 Naçachi da ña yóho xihín Jesús jáchí naçasáhá sáhdá mé á chuun nu inima quini cán ña ná quee rí inima da cán. Ta cuahá tañu naçatiín rí da. Ta vatí naçatõ na ndáha dá xihín saha dá xihín cadena joo naçahnda túhún dá ña naçaja rí quini cán. Ta já naçaja rí ña ná cuun da cuhún da chí yucú ichí nuú cõ ndúu ñayivi. 30 Nandaca túhún Jesús mé rí quini cán já naçachi a já xihín rí:

—Ndaja nanún.

Anda já nanducú ñehe da cán túhún nu á já naçachi da já xihín á:

—Legión naní i.

Naçachi da cán ña naní da Legión jáchí cuahá ndivaha rí quini nandíhvi rí ini da.

31 Ta mé rí quini ñúhu ini da cán naçica tahví rí nu Jesús ña ná a chindahá a rí cuhún rí nu ndúu inima ndji. 32 Ta yati in ndica yucú cán naçanduun cuahá ndivaha cóchí xíxáhan rí. Sahá ña cán queá naçica rí quini cán ñamaní nu Jesús ña ná ndíhvi rí ini cóchí ndúu cán. Anda já naçahan Jesús ñamaní nu rí. 33 Chí naquee rí quini datãa cán cuahan rí já nandíhvi rí ini cóchí cán. Ta tóco ndihi cóchí yóho xínu rí cuahan rí nanuu rí nu ndáyi já najáçeta nuu rí mé rí ini tañuhú cán ta já naçandaa rí ticuú já naçihí rí.

34 Tá naçini mé datãa ndáá cóchí cán ña yóho já naixinu da cuahan da çaxi túhún da ña nayaha yóho nuú ñayivi ñuu Gadara cán xihín nuú java ga na ndúu yati cán. 35 Anda já naçeta ñayivi sándehe na ña naçuu cán. Ta tá naixinu cõõ na nu ín Jesús cán já naçini na ín coo mé da naçañuhu rí quini ini cán saha Jesús. Ta sa nandaca ndixi da jáhna ta chí sa nandicáxi táhyi ini da. Tá naçini na ña yóho chí nayihví na. 36 Ta na naçini nuú natavá Jesús rí quini ini datãa cán, na cán cúú na nandicaní ña nuú na coõ naçini cán. 37 Tá naçini johõ na ñuu Gadara cán ndaja

naſahjin já naſiça taſví ndiſi na nu Jeſús ña ná quee a cuhun a jáchi yihví ndivaſa na. Saſhá ña cán quea nañdihvi tucu Jeſús ini barco cán ña ná quee a cuhun a. ³⁸ Joo tá cámani quee a cuhun a já naſasáhá da naqueta ri quini ini cán xica taſví da nu Jeſús ña ná quiahva mé á ñamanj cuhun da xihin á. Joo naſahnda Jeſús chuun nu dá ña ná candõo da. Já naçachi a já xihin dá:

³⁹ —Cuanúhu vehún. Ta já ndicanún nuú na vehún ndaja náhnu ñaha naçaja Ndióxi xuhun —naçachi Jeſús xihin da cán.

Anda já naquee da cán cuahan da. Já ndicani da nu tóco ndiſi na Gadara cán ndaja cáa ña naçaja Jeſús xihin dá.

Tá nađaja vaſa Jeſús jaſhi jíhi Jairo xihin in ña naçani ndaa ndáha jáhma á (Mt. 9:18-26; Mr. 5:21-43)

⁴⁰ Tá nandico çoo Jeſús inga xoo tañuhú cán, a juú quiahva cávatá ñayivi naſinu na ndiquehe na mé á jáchi mé cán naſandu na ndáti na mé á. ⁴¹ Anda já naçasaã in daſa nani Jairo, da sáhdá chuun veñuhu. Mé Jairo yóho naſinu da naçaxiti da saha Jeſús já naſiça taſví da nu á ña ná cuhun a vehe da. ⁴² Jáchi xihj ña loho cúu jaſhi jíhi da ta in já cúu ña nu dá ta ndacaan ña tátuſhun uxu ivi cuja. Chí naquee Jeſús cuahan ta nani xica cuahan vehe Jairo cán a juú quiahva cuahá ñayivi ndico na jaſa cuahan na ta chí janda cándiſi na mé á cuahan na.

⁴³ Ta tañu ñayivi cuahan cán ndacaan in ñanáha ta ndítaſvi ñi ña tíxi uxu ivi cuja. Ta najándiſi ndiſi ña jjuhún ña nuú na cája táta ñayivi joo ni in na çoo naçuu cajú táta ñahá. ⁴⁴ Joo naçayati ña chí jaſa Jeſús ta naſiin ña yúhu jáhma á. Chí ivi laá naçacuun ñi ña cán.

⁴⁵ Anda já naçasáhá Jeſús ndaca tuhún a tóco ndiſi ñayivi já naçachi a já xihin ná:

—Ndá ndó naçani ndaa ndáha yehe —naçachi a xihin ná.

Joo ni in na çoo naſahan tuhun nu á. Saſhá ña cán quea naçachi Pedro xihin java ga da xica tuun xihin mé á cán já xihin á:

—Maestro, a juú quiahva cándiſi ñayivi mé ndó ta chindahá niſi joho na mé ndó vaſi na ta cáa ga mé ndó ndaca tuhún ndo ndá na naçani ndaa ndáha ndoghó —naçachi da cán xihin á.

⁴⁶ Anda já naçachi Jeſús já:

—In in na naçani ndaa ndáha yehe jáchi naçandaã ini i ña nañdivaſa in na xihin ndéé mi i —naçachi Jeſús.

⁴⁷ Joo ndaja coo mé ña nañdivaſa cán tá naſini ña ña naçandaã ini Jeſús saſhá ña naçaja ña já nañdiquiji ñinu ña xihin ña yihví ña ta já naſinu çoo ña naçaxiti ña nu Jeſús. Ta nu ndiſi ñayivi ndúu cán naçasáhá ña ndicani ña nu á ndá cuéntá quea naçani

ndaa ndáha ña mé á chí ivi laá nañdivaſa ña. ⁴⁸ Anda já naçachi Jeſús já xihin ña:

—Jaſhi a, nañdivahún jáchi naçandúsún yehe. Cuanúhu. Ta a ndicani ga inún —naçachi Jeſús xihin ña.

⁴⁹ Ta nani cáhan Jeſús xihin ña cán já naſinu in da naquixi chí vehe Jairo, da sáhdá chuun veñuhu cán. Já naçachi da cán já xihin dá:

—Sa naſihj va jaſhi ndó. A jáquihvi ga ndó da xica jánaha ñayivi jan.

⁵⁰ Joo tá naſini joho Jeſús ña naçachi da cán já naçachi a já xihin Jairo:

—A cáyihvi tohún. Candúsa cuiti vún yehe chí ndivaſa va jaſyún —naçachi Jeſús xihin dá.

⁵¹ Tá naſinu çoo Jeſús vehe Jairo cán çoo naſe in a quiahva ñamanj ña ná quihvi ñayivi ini vehe cán xihin á. Na naquihvi xihin á naſacuu Pedro xihin Jacobo xihin Juan xihin táta mé ña loho cán xihin náná ña. ⁵² Jandá joho ndiváa ñayivi sácu ndivaſa na ndúu na saha ña loho cán. Anda já nañdicaſan Jeſús xihin ná já naçachi a já:

—A cuácu ndó. Çoo naſihj toho ña loho yóho. Quji cuiti va ña —naçachi a xihin ná.

⁵³ Joo naçasáhá na cán sácu ndaa na Jeſús jáchi xini na ña sa naſihj ña loho cán ta sa cúu ña ndi. ⁵⁴ Anda já naſiin Jeſús ndáha ña naſihj cán já naçahan cóhó a xihin ña já naçachi a já:

—Ña loho, cuándaco.

⁵⁵ Chí ivi laá nañditacu ña loho cán já nañdico ña. Ta naſahnda Jeſús chuun ña ná quiahva na ña cuxu ña. ⁵⁶ Chí a juú quiahva naçatóntó táta náná ña loho cán saſhá ña naçaja Jeſús. Joo naſahnda Jeſús chuun nu ná ña ná a ndicani na nuú ni in ñayivi saſhá ña naſaha.

9

Tá naçindahá Jeſús ndihuxu ivi na xica tuun xihin á ña ná cuhun na çaxi tuhun na tuhun Ndióxi nuú ñayivi

(Mt. 10:5-15; Mr. 6:7-13)

¹ Najánditaca Jeſús ndihuxu ivi na xica tuun xihin á já naſahan ndéé nu ná ña ná cuu tavá ná ta núu inima quini ñuhu ini ñayivi ta naſahan ndéé mé á nu ná ña ná cuu ndaja vaſa na tá nuú cuehe ndóho ñayivi.

² Naſahnda Jeſús chuun nu ná ña ná çaxi tuhun na xihin ñayivi ña sa naçayati quivi cacomi Ndióxi cuéntá saha ná. Ta naſahnda chuun nu ná ña ná ndaja vaſa na na quihvi.

³ Ta naçachi a já xihin ná:

—A cánehe ndó ñaha cuhun ndó íchi. Ni garróte ni yáti ni pan ni jjuhún a cánehe ndó cuhun ndo. In tuhún cotó cánehe ndó cuhun xihin ndo. ⁴ Tá ná xinu çoo ndó in vehe, canduu ndó vehe jan janda quiahva ná ndindaa quivi quee ndó cuhun ndo. ⁵ Ta

ndá ñuu nuú cõ cúnj na ndiquehe vaha na ndohó, cuáhán quee ndó ñuu jan ta cati ndó ña yacá saha ndõ já ná nahá ña cuahan cuachi na cán jatã mé va na —nacachi Jesús xihín ná.

⁶ Andã já naquee na cán cuahan na ta nasahan na naxica nuu na ndijáá ñuu válí. Xica na cáxi tuhun na nuú ñayivi tuhun vaha cáhan saha Jesús, mé a cuu jácaca ñahá. Ta ndája vaha na na quíhvi.

Tá naxihi Juan, da nacaja ndúta ñayivi
(Mt. 14:1-12; Mr. 6:14-29)

⁷ Ta ndaja coo Herodes, da cúu gobernador cán nacandaã ini da saha tóco ndihi ña cája Jesús. Ta chí cõ xini da ndia cahán da jáchi java na cáchi na xihín dá ña cúu Jesús mé Juan, da najácandúta ñayivi ta viti nanditacu tucu da cáchi java na xihín dá.

⁸ Ta java ri na cáchi na ña cúu Jesús profeta Elías, mé da naxica nuu sanahá ta viti naxinu tucu da nu ná. Ta java na cáchi na ña cúu á in táhan na profeta nasanduu sanahá joo túni queã nanditacu tucu a xica nuu a, cáchi na. ⁹ Andã já nacachi Herodes já xihín ná:

—Mí yehe cúu da nasahnda chuun ña ná chituhun ná jico da naní Juan cán. Ta cõ xini ndá dá cúu da naní Jesús yóho. Jáchi mé a ndaa xini joho i ña cája cuahã ndivaha da ña náhnu —nacachi Herodes cán.

Ta chí cúnj Herodes cuni da Jesús.

Sáhan Jesús ña cuxu uhun mil tãa
(Mt. 14:13-21; Mr. 6:30-44; Jn. 6:1-14)

¹⁰ Tá nandico cõ na nãchindahã Jesús caca nuu cahã tuhun Ndióxi xihín ñayivi cán nuú ín mé á já nãdicani na nuú á saha tóco ndihi ña nacaja na nuú nasahan na. Andã já ñhe Jesús na nasahan na in nuú cáa xóo yati chí ñuu Betsaida cán. ¹¹ Joo tá nacandaã ini ñayivi ndá xoo cuahan Jesús já ndicõ na cuahan na. Ta nãdiquehe vaha Jesús na ta nãdicani a nuú ná ña sa nacayati quívi cacomí Ndióxi cuéntã saha ná. Ta nãdaja vaha mé á na quíhvi.

¹² Ta tá sa cáhini cuahan já nacayati ndihuxu ivi na apóstol cán nuú Jesús já nacachi na já xihín á:

—Cahan ndó xihín ñayivi ná quee na cuhun na ndiquehe ndéé ná ta ná nducú na ña cuxu na ñuu válí xihín nuú yati chá yóho nuú ndúu ñayivi jáchi cõ ñaha mé va nuú ndúu yóho —nacachi na cán xihín Jesús.

¹³ Andã já nacachi Jesús já xihín ná:

—Mé ndó quiahva ndó ná cuxu na —nacachi a xihín ná.

Andã já nacachi na cán já xihín á:

—Uhun víxi pan xihín ivi laã tiyacã cuití va ín nuú ndé. Ta ama ná cuhun ri ndehé cuen ndé ñaha cuxu tóco ndihi ñayivi ndúu yóho —nacachi na cán.

¹⁴ Jáchi ñayivi cán cúu ná tátuhun uhun mil tãa. Andã já nacachi tucu Jesús já xihín na xica tuun xihín á:

—Cacu coo ndó na tá táhnda ivi jico uxu, ivi jico uxu na.

¹⁵ Chí nasacu coo ndihuxu ivi na apóstol cán na. ¹⁶ Andã já nãtiin Jesús ndihuhun pan xihín ndivi tiyacã cán já nasandehé a chí indivi já nãndiquiahva ndixahvi nu Ndióxi sahá ña cán. Tá nãndihi já nasahnda java táhvi a ña já nasahan ña nuú na xica tuun xihín á cán já nãnditãhnda ña cuxu ñayivi ndúu cán. ¹⁷ Ta tóco ndihi na nãñehé nãxixi jãnda quiahva nãchutú tixi na. Tá nãndihi já najãchutú na uxu ivi toyicã xihín ña nacandõ nãxixi ndihi na cán.

Tá náhma Pedro ña cúu Jesús mé a nãchindahã Ndióxi cacomí cuéntã sahá ñayivi
(Mt. 16:13-28; Mr. 8:27-9:1)

¹⁸ In tañu tá nacana xóo Jesús xihín na xica tuun xihín á ña cacã táhvi a nuú Ndióxi já nãndacã tuhún mé á na já nacachi a já xihín ná:

—Ndã da cáchi ñayivi cúu yehe —nacachi a xihín ná.

¹⁹ Andã já nãnducú ñehé na cán tuhun nuú á já nacachi na já xihín á:

—Java ñayivi cáchi na ña cúu ndó Juan, da najácandúta ñayivi. Ta java na cáchi na ña cúu ndó profeta Elías. Ta cáchi java ga ví na ña cúu ndó in táhan profeta nasanduu sanahá, da nãnditacu tucu xica nuu viti —nacachi na xica tuun xihín Jesús cán.

²⁰ Andã já nãndacã tuhún Jesús na já nacachi a já xihín ná:

—Ta ndóhó ri ndá da cáchi ndõ cúu u —nacachi a xihín ná.

Andã já nacachi Pedro já xihín á:

—Mé ndó cúu Cristo, ña nãchindahã Ndióxi cacomí cuéntã sahá ñayivi —nacachi da xihín á.

²¹ Joo nacachi Jesús xihín na xica tuun xihín a ña coto a ndicani na ña yóho nuú ni in túhun ñayivi. ²² Andã já nacachi a já xihín na cán:

—Yehe cúu u da nãchindahã Ndióxi nduu ñayivi ta ndítahan nuú i ndoho ndivaha ini i. Ta na sacuahã veñuhu xihín na sacuahã nuú jutú xihín na jãnahã ley Moisés candají na yehe ta andã já cahni na yehe. Joo tá ná xinu unj quívi já nditacu tucu u —nacachi a xihín ná.

²³ Tá nãndihi já nacachi tucu a já xihín ndihi na xica tuun xihín á cán já:

—Ndã na cúni candicõ yehe ndítahan nuú ná ndihi chãga ini na sahá yehe a juú ga saha mé ná. Ta ndijáá níu quívi ndítahan coo tiãhva na ndoho ini na sahá yehe ta cõ cõ cãja toho a ná quívi na sahá i. ²⁴ Jáchi ndá na cátóo coo chãga ñuyiví yóho ndihi sahá ná. Joo ndã na sãhan ndeé ini quívi

sahá j ñehe táhvi ná catacu na anda ama cáa quivi. ²⁵ Vati ná quee vaha in na ñuyivi yóho ta cómi na tóco ndihi ñaha ñuyivi joo ndá chuun queá ta nu ndíhi ndihi sahá ná indayá. ²⁶ Ndá ná cácahan nuu sahá j xihín ndá tuhun vaha cáhan j quiahva já cacahan ri nuu yehe, da ñachindahá Ndióxi nduu ñayivi sahá na cán tá ná quixi j cacomí j cuéntá sahá ñayivi. Mé tiempo cán nahá ndaja cáhnu cúu yehe jáchi quixi j xihín ndée Ndióxi ta xihín ndée táto mé á viti. ²⁷ Mé a ndaa ná cahan j xihín ndo ña nduu java na ndita yóho ta ni á quivi toho na janda quiahva ná xinu quivi cuni na cacomí Ndióxi cuéntá sahá ñayivi —ñacachi Jesús xihín na cán.

Tá nandijama Jesús quiahva cáa
(Mt. 17:1-8; Mr. 9:2-8)

²⁸ Tá tá nayaha tátuhun una quivi ñacachi Jesús ña yóho xihín ná já nandaa jini in yúcu ña caça tahví a nu Ndióxi. Ta ndáca táhan Pedro xihín Jacobo xihín Juan cuahan na xihín á. ²⁹ Ta nani xíca tahví Jesús nu Ndióxi já nandijama quiahva cáa nuu á. Ta janda jáhma ndíxi a cán nandiyaa çachi ña ta chí a juú quiahva yehe ña. ³⁰ Anda já ñaxini na jvi ña nduu da ndítuhún da xihín Jesús. In da cán cúu Moisés ta inga da cán cúu Elías. ³¹ A juú quiahva ndató ndíyehe ndaa nu nduu na cáhan na xihín Jesús ta ndítuhún na sahá ña jándoho na ini a ñuu Jerusalén ta já quivi a. ³² Ta vati cúni cuju Pedro xihín java ga na catáhan xihín dá cán ñasandita na. Ta ñaxini na ndá quiahva cáhnu cúu Jesús xihín da jvi táhan nduu xihín á cán. ³³ Tá tá ñacasáhá cáxicá Moisés xihín Elías cán nu Jesús cuahan na já ñacachi Pedro já xihín Jesús:

—Maestro, ndaja vaha cúu á nduu nde yóho jáchi já cuu cavaha nde uní vehe tñahvá válí. In a coo mé ndó ta inga coo Moisés ta inga coo Elías —ñacachi da.

Joo chí co xini mé va Pedro ndía cáa cáhan da. ³⁴ Ta nani cáhan da ndita na já nanuu in vico jata ná ta najájahví a na. Ta chí ñacasáhá yihví na xica tuun xihín Jesús cán tá ñaxini na ñacava nuu vico cán na. ³⁵ Anda já ñaxini joho na cáhan in a tañu vico cán já ñacachi a já:

—Da yóho cúu jahvi maní j. Cuni joho ndó nu cáhan da.

³⁶ Tá nandihí ñaxini joho na ña cáhí a cán já ñaxini na ña in in tuhún jini mé va Jesús. Ta mé na xica tuun xihín a cán ñasahín táji yúhu ná sahá ña ñaxini na ta coo nandicani na sahá nuú ni in tuhún ñayivi.

Tá nandaja vaha Jesús in ña loho ndácaan inima quini ini
(Mt. 17:14-21; Mr. 9:14-29)

³⁷ Ta inga quivi itaan tá nanuu Jesús xihín na xica tuun xihín á jini yúcu cán já ñaqueta

cuahá ndivaha ñayivi cuahan na ndiquee táhan na xihín Jesús. ³⁸ Anda já nandicahan cóhó ndivaha in dataa tañu tóco ndihi ñayivi cán já ñacachi da já xihín Jesús:

—Maestro, caja ndó ñamaní candehé loho ndó jahvi j jáchi in tuhún jini já cúu dá nuu j. ³⁹ Ta ndácaan in inima quini ini da ta tñin ri dá ta cája ri xihín dá ña ná ndahyi cóhó da. Ta cája ri ña ná quivi yihí da ta já cána cuyu chiquiñu yúhu dá. A juú quiahva cája xixi ri quini cán xihín dá ta chí co cúni ri janí ri da. ⁴⁰ Sa ñaxíca tahví j nuu na xica tuun xihín ndo ña ná tavá na mé ri quini cán joo coo ñacuu caja na ña —ñacachi da cán xihín Jesús.

⁴¹ Anda já ñacachi Jesús já:

—Ndáhvi nahá ñacuu ndó jáchi sa cuahá ndivaha quivi in j xihín ndo ta a ñaha candee ini ndó yehe. Cúu ndó ñayivi quini ndivaha chí co ndée ga ini j xihín ña cája ndó. Taxi ndó ña loho jan chóho —ñacachi Jesús xihín ná.

⁴² Tá tá cáyati ña loho cán cuahan da nu Jesús já ñacaja ri quini cán ña ná ndicava da nu ñúhu ta cán ñacaja ri ña ná quivi yihí tucu da. Anda já najáñani Jesús ri quini cán já ndivaha ña loho cán ta nandiquiahva mé á da nu táta da. ⁴³ Tá tóco ndihi ñayivi ñasanduu cán ñacatontó na tá ñaxini na ña náhnu cája Ndióxi.

Ta nani cátontó na nduu na sahá ña náhnu cája Jesús cán já ñacasáhá cáhan mé á xihín na xica tuun xihín á. Já ñacachi a já xihín ná:

⁴⁴ —Cuni joho vaha ndó ña yóho ta coto a ndíndójo ndó ña. Tiin na yehe, da ñachindahá Ndióxi nduu ñayivi ta já ndiquiahva na yehe ndahá java dataa —ñacachi Jesús xihín ná.

⁴⁵ Joo ni in táhan na xica tuun xihín á cán coo ñacandaa ini na ndía cúni cachi Jesús. Jáchi coo nanuna xini túni ná ña ná candaa ini na ña. Ta yihví na ndaca tuhún na mé á ña ná ndicani a ña nu ná.

Ndicani Jesús ndá na cúu na in chága saha
(Mt. 18:1-5; Mr. 9:33-37)

⁴⁶ Tá nandihí já ñacasáhá na xica tuun xihín Jesús cán ndítuhún xihín táhan na saha ndá da cúu da cáhnu chága tañu mé ná.

⁴⁷ Anda já ñaxini Jesús ña cáhvi ini na cán já ñatiin a in ña loho já ñasacu ndichi a da jini á. ⁴⁸ Já ñacachi a já xihín ná:

—Ndá na ná ndiquehe vaha ña loho yóho sahá ña quihvi ini na yehe, ndiquehe ri na yehe viti. Ta ndá na ndiquehe yehe, ndiquehe ri na tátá j, mé a ñachindahá yehe. Ndá na coo saha mé tañu tóco ndihi ndó, na cán cúu na in chága saha nu Ndióxi —ñacachi Jesús xihín na cán.

Tá nduu java na ndiquehe saha yo já queá cuahan na xoo í
(Mr. 9:38-40)

49 Anda já ñacachi Juan já xihîn Jesús:
 —Maestro, ñaxini nde in dataa ta cahan da quivi mé ndó já táva da ínimá quini ñúhu ini ñayivi. Joo có xica nuu da xihîn yo sahá ña cán queá ñasaji nuu nde nu dá caja da ña — ñacachi da cán.
 50 Anda já ñacachi Jesús já xihîn dá:
 —A cáji nuu ndó nu dá sahá ña cája da ña. Jáchi ndá da có ndíndita caja xíxi xoho, mé dá cán cuahan da xoo mí —ñacachi Jesús.

Jáñani Jesús Jacobo xihîn Juan

51 Tá ñacayati quivi ndindita Jesús cuhun a indivi cóo nayihvi a quehe a íchi cuahan chí ñuu Jerusalén. 52 Ñachindahá Jesús java na xica xihîn á ña ná cuhun cuéé na in ñuu loho ndácaan estado Samaria cán já ná nducú na nuú canduu tóo na chí ñaquee na cuahan na. 53 Joo cóo ñaxeen toho na Samaria cán ndiquehe na Jesús jáchi ñaxini na ña cuahan chí ñuu Jerusalén. 54 Tá ñaxini Jacobo xihîn Juan cán ña yóho já ñacachi da já xihîn Jesús:

—Á có cúní ndó, xitoho i ña ná cahnda nde chuun ña ná cuyu ñúhu cáji indivi já ná jánaá nde sahá ñayivi yóho tá quiahva ñacaja profeta Elías sanahá —ñacachi na xihîn á.

55 Anda já ñandicoto nihni Jesús nu ná já ñacasahá jáñani a na já ñacachi a já xihîn ná:
 —Cò xíní ndó ña a váha toho cáhvi ini ndó já. 56 Jáchi cóo ñaxixi toho yehe, da ñachindahá Ndióxi nduu ñayivi, ña ná jánaá i sahá ñayivi. Naquixi i ñuyivi yóho jáchi cúní ña ná cacu ndaa ínimá ná —ñacachi Jesús xihîn na cán.

Anda já ñaquee na cuahan na inga ñuu loho.

Na cúní candiço Jesús (Mt. 8:19-22)

57 Ta nani xica na cuahan na já ñacachi in dataa já xihîn Jesús:

—Cúní candiço i ndoghó ndá ñacuu nuú cuhun ndo —ñacachi da.

58 Anda já ñanducú ñehe Jesús tuhun nu dá já cáchi a já xihîn dá:

—Ndicuii cúu rí ta vatí íin cáva ñúhu rí. Laa cúu rí ta vatí íin táca ñúhu rí. Joo yehe, da ñachindahá Ndióxi nduu ñayivi chí ní nuú cuju mí i cóo va —ñacachi a xihîn dá.

59 Tá ñandihí já ñacachi Jesús já xihîn inga da:

—Naha quí candiço yehe.
 Joo ñanducú ñehe da cán tuhun nu Jesús já cáchi da já xihîn á:

—Quiahva jihna ndó ñamaní nuú i ña ná cuhun i jánduxu tátá i já quixi i candiço i ndoghó —ñacachi da xihîn Jesús.

60 Anda já ñacachi Jesús já xihîn dá:
 —Ná cuhun mé ñayivi, na a ñáha cacu ndaa ínimá jánduxu na ndji jan. Joo yóhó, cuahán caxi tuhun nuú ñayivi ña sa

ñandindaa quívi cacomí Ndióxi cuéntá saha ná —ñacachi Jesús xihîn dá.

61 Anda já ñacativi inga dataa nu Jesús já ñacachi da já xihîn á:

—Jesús, candiço i ndoghó cúní. Joo quiahva ndó ñamaní nuú i ná cuhun loho i ndindayí jihna ñúhú i na vehe e já quixi i candiço i ndoghó —ñacachi da xihîn Jesús.

62 Anda já ñacachi Jesús já xihîn dá:

—Ndá da cásahá ndíco yehe ta já ndicó cóo tucu da cuahan da chí jata, cúu dá da cóo chuun toho cacomí Ndióxi cuéntá saha. Jáchi da cán cúu dá tátuhun da tñin yata ta cásahá da xútu da cuahan da joo tá ñandihí ndicoto nihni tucu da chí jata ta chí cóo saha dá cacomí Ndióxi cuéntá saha dá —ñacachi Jesús.

10

Chindahá Jesús uní jico uxu taa cuhun da cahan da tuhun Ndióxi xihîn ñayivi

1 Tá ñandihí já ñacaxi Jesús inga uní jico uxu chága dataa. Ta tá iví tá iví da ñachindahá a da cuahan da já ná cuhun cuéé da cahan da tuhun Ndióxi xihîn ñayivi ndúu tóco ndihí ñuu nuú ñasacu ini Jesús cuhun a coto nihni a ñayivi. 2 Anda já ñacachi a já xihîn ná:

—Mé a ndaa ndúu cuahá ndivaha ñayivi, na cúní cuní johó tuhun Ndióxi joo cóo cuahá na cúní cuhun cahan ña xihîn ná. Cúu á tátuhun vaha ndivaha ñacana ní nuú utu joo ndimaní na jáquee ña. Na cán queá xíní ñúhú caça tahví ndo nuú da xihîn ñaha utu cán ña ná chindahá chága da na jáquee nuú utu da. Quiahva já ndítahan caça tahví ndo nu Ndióxi ña ná chindahá chága mé á na caca nuu cahan tuhun Ndióxi xihîn ñayivi já ná ndiquehe vaha na ña. 3 Mé ndó cúu ndó na chindahá i cuhun caca nuu cahan tuhun Ndióxi. Mé a ndaa jyo ndivaha cáa nuú cuhun ndo jáchi cacuu ndó tátuhun ndicachi váli tañu cuahá ndivahyi. 4 Tá ñaquee ndó cuahan ndo coto a cáñehe ndó yátí cuhun ndo ní jjuhún ní inga ndusa ndó a cáñehe ndó cuhun ndo. Ta a cácuíta ndó cahan Ndióxi ndó xihîn ñayivi ndique táhan xihîn ndó íchi. 5 Ta tá ná xinu cóo ndó in vehe, jihna ñúhú cahan Ndióxi ndó xihîn na ndúu vehe cán já cachi ndó já xihîn ná: “Ná coo vaha ini ndó, na nduu vehe yóho”, cachi ndó xihîn ná. 6 Ta tá mé a ndaa íin vaha ini ñayivi ndúu vehe cán já a cándoo núu toho tuhun ñacachi ndó xihîn na cán. Joo tá có íin vaha ini na cán já a quehe ndó cuéntá sahá ña ñacachi ndó ña ná coo vaha ini na jan jáchi a juú na coo vaha ini cúu toho na jan. 7 Tá ná xinu cóo ndó in vehe nu ndiquehe vaha na ndoghó, canduu ndó mé vehe jan. Ta a caca nuu ndó tá vehe tá vehe nducú ndo nuú coo ndó. Ta ndá ñaha íin nu ná sáhan na nu

ndõ cuxu ndó á coho ndó, tiin ndó a ndáha ná. Jáchi ndítahan nuú in dataa ndiquehe da ña catacu da sahá chuun cája da. ⁸ Ta tá ná xinu cõo ndó in ñuu nu ndiquehe vaha na ndõhó, cuxu ndó ndíá cúú mé a sáhan na nu ndõ. ⁹ Ta ndaja vaha ndó ndá na quihv ndúu cán. Ta cachi ndó já xihin ná: “Sá ñacayati quivi cacomí Ndióxi cuéntá saha ndõ”, cachi ndó xihin ná. ¹⁰ Joo tá ná xinu cõo ndó in ñuu nuú cõo cúnj na ndiquehe vaha na ndõhó, cuáhán ndó cáye ñuu cán já cachi ndó já xihin ná: ¹¹ “Janda ña yacá natiin ndaa sahá nde ñuu ndó yóho quiji nihni nde ta xihin ña yóho náha nde ña cuahan cuachi ndó jata mé va ndó. Jáchi sa ñacaxi tuhun va nde xihin ndõ ña sa ñacayati quivi cacomí Ndióxi cuéntá sahá ñayivi”, cachi ndó xihin ná —ñacachi Jesús xihin ná.

¹² Andá já ñacachi tucu a já xihin ná:

—Tá ná xinu cõo quivi caja vii Ndióxi sahá ñayivi já jándoho chága mé á ini ñayivi ñuu jan a juú ga tá quiahva najándoho a ini na ñuu Sodoma sanahá —ñacachi Jesús xihin ná.

Cáhan Jesús sahá ñuu nu ndúu ñayivi, na cõo cúnj jándacoo cuachi
(Mt. 11:20-24)

¹³ Andá já ñacachi tucu Jesús xihin ná já:

—Ndáhví nahá ñacuu ndó, na ñuu Corazín. Ta ndáhví nahá ñacuu ndó na ñuu Betsaida. Cuahá ndivaha ña náhnu ñacaja i nu ndõ joo cõo ñaxeen ndó ndicõ cõo ini ndó jándacoo ndó cuachi ndó. Sañahá najándihi Ndióxi sahá ñuu Tiro xihin sahá ñuu Sidón sahá cuachi na. Tá ná sahan i caja i ña náhnu nuú na cán tá quiahva ñacaja i nu mé ndó, sa najándacoo va na cán cuachi na, nduu. Ta chí jvi laá ndaca ndixi na jahmá ndíi ta jácyuu na yaá yiquí jini na, nduu. Jáchi xihin ña yóho jánahá na ña nandicõ cõo ini na sahá cuachi na. ¹⁴ Joo tá ná xinu quivi caja vii Ndióxi sahá ñayivi já ndõhó chága ini mé ndó, na ñuu jan a juú ga tá quiahva nandõho ini ñayivi nasanduu ñuu Tiro xihin ñuu Sidón sañahá. ¹⁵ Ta viti cáhan i xihin ndó, na ndúu ñuu Capernaum. Janda indivi cúnj ndó cõhun ndó joo sahá ña sáá ini ndó cõhun ndó janda indayá, caja Ndióxi —ñacachi Jesús.

¹⁶ Andá já ñacachi a xihin na xica tuun xihin á já:

—Ndá na xini jõho nu cáhan ndõ ta cája na ña cáchi ndõ já quéa cúú á tátuhun cája na ña cáchi yehe xihin ná caja na. Ta ndá na cándaji ndõhó cúú á tátuhun cándaji ri na yehe va. Ta ndá na cándaji yehe, cándaji ri na Ndióxi, mé a ñachindahá a yehe quixi i ñuyivi yóho —ñacachi Jesús xihin na chindahá mé á cõhun cáhan tuhun Ndióxi xihin ñayivi cán.

Andá já ñaquee na cuahan na.

Tá nandicõ cõo ndihuni jico uxu na ñachindahá Jesús caca nuu cáhan tuhun Ndióxi

¹⁷ A juú quiahva cáji ini na uni jico uxu na ñachindahá Jesús cáhan tuhun Ndióxi cán tá nandicõ cõo na. Já ñacachi na já xihin Jesús:

—Tá cáhan nde quivi ndó sáhdá nde chuun nu inima quini ta chí xini jõho rí ta cája rí ña sáhdá nde nu rí —ñacachi na cán xihin Jesús.

¹⁸ Andá já ñacachi Jesús já xihin ná:

—Mé a ndaa quéa cáhan ndó jan. Jáchi ñaxini i xihin nuú mí i ndá quiahva ñaquee Satanás, rí cúú tiñahá saçuahá indivi ta nandicava rí nu ñuhú tátuhun in tasa. ¹⁹ Chí ñasahan i ndeé nu ndóhó ña ná cuu cahnda ndó chuun nuú tiñahá saçuahá. Já cuu cuani nihni ndó jata cõo xihin jata lihma ta a ndóho ndó ni in ñaha. Ta ñasahan i ndeé nu ndõ ña ná cuu quee vaha ndõ nuú ndihi ña núu cúnj tiñahá saçuahá caja rí xihin ndõ. ²⁰ Vati cáji ini ndó sahá ña cándusa rí quini nu sáhdá ndó chuun nu rí joo ndítahan cáji chága ini ndó sahá ña sa ñaquee va quivi ndó ña cõhun ndó indivi —ñacachi Jesús xihin ná.

Tá ñacajii ndivaha ini Jesús
(Mt. 11:25-27; 13:16-17)

²¹ Ta chí mé hora já ñacaja inima yii Ndióxi ña ná cáji ndivaha ini Jesús. Já ñacasahá cáchi a já:

—Cája cáhnu i ndõhó, tátá Ndióxi, ña cúú xitõho tóco ndihi ñaha ndúu indivi xihin ñuyivi. Jáchi najána ndó ña ndíchi ndivaha nuú ñayivi, na cõo cuahá saha nuú java ga na. Ta ñacaja ndó ña ná a cúu candaa ini na ndíchi xihin na tácu ini ñaha mé ndó. Já ñacaja ndó jáchi já ñasacu ini ndó caja ndó —ñacachi Jesús.

²² Andá já ñacachi a já xihin na ndúu cán:

—Nandiquiahva tátá i tóco ndihi ñaha ndahá i ña ná cacomí i cuéntá sahá. Ta ni in túhún toho ñayivi cõo xini vaha na yehe, da cúú in túhún jini já jahyi Ndióxi. Mé Ndióxi, tátá i cuiti va xini vaha yehe. Ta ni in túhún toho na cõo xini vaha yo cúú tátá i. In túhún yehe, da cúú jahyi a xini vaha i yo cúú mé á. Ta yehe cúú da caxi ndá ñayivi jánahá i nuú sahá Ndióxi, tátá i já ná candaa vaha ini na yo cúú mé á —ñacachi Jesús.

²³ Andá já nasandehé a nuú na xica tuun xihin á cán. Já ñacasahá cáchi a já xihin mé cuiti na:

—Tahví ñacuu ñayivi tá ná cuu candehé na tóco ndihi ña xini mé ndó viti. ²⁴ Mé a ndaa ná cáhan i xihin ndõ ña cuahá táhan na profeta nasanduu sañahá ta cuahá táhan na ñasacomí cuéntá sahá ñayivi sañahá cúnj na cuni na tóco ndihi ña xini ndõ caja i. Joo cõo ñaxini na ña. Ta cúnj na cuni jõho na ña xini

joho ndó cáhan i xihjin ndo. Joo coo naxini joho na ña.

Sácu Jesús quiahva sahá in da Samaria, da naçaja vaha

²⁵ Ta ndaja coo in da jánaḡa ley Moisés nandaca ndichi da cahan da xihjin Jesús jáchi cuni da coto ndojó ñahá da. Ta naçachi da já xihjin á:

—Maestro, ndía ndítahan caja i já ná cuu catacu u indivi anda ama cáa quivi —naçachi da xihjin á.

²⁶ Anda já nanducú ñehe Jesús tũhun nu dá já naçachi a já xihjin dá:

—Ndaja cáchi ley Moisés. Ndaja cáchi ley tá cáhvun ña —naçachi Jesús xihjin dá.

²⁷ Anda já nanducú ñehe da jánaḡa ley Moisés cán tũhun nu Jesús já naçachi da já:

—“Quihvi inún Ndióxi, xitohún xihjin tóco ndihi inimun ta xihjin ndinuhu inún. Ta quihvi inún a xihjin tóco ndihi ndéun ta xihjin tóco ndihi xini tũnun. Ta quihvi inún ñani táhún tá quiahva quihvi inún mún” —naçachi da cán nanducú ñehe da tũhun nu Jesús.

²⁸ Anda já naçachi Jesús já xihjin dá:

—Mé a ndaa vaha va naçahun. Cuáhán caja tóco ndihi ña yóho já ñeḡe táhvun catacún indivi anda ama cáa quivi —naçachi Jesús xihjin dá.

²⁹ Joo da jánaḡa ley Moisés cán cuni da candgo vaha da nuú ñayivi ndúu cán sahá ña cán quea cáchi da já xihjin Jesús:

—Yo já cúu ñani táhan i.

³⁰ Anda já nandicaní Jesús nu dá já cáchi a já xihjin dá:

—In tañu naquee in dataa ñuu Jerusalén cuahan da íchi ña nanuu cuahan chí ñuu Jericó. Ta ndaja coo cán naqueta java ta cuahna nu dá. Ta natiiin na da ta naçaja cuíhna ndihi na ñaha da janda jáhma dá viti naquee na. Tá nandihí já naçani quini ndivaha na da janda quiahva naçahní tóo na da. Já naquee na cuahan na. ³¹ Ta ña vaha quea nayaha in juṭu mé íchi cán. Joo tá naxini ñahá da já nayaha saa da cuahan va da. ³² Ta sa mé íchi cán nayaha ri in da naquixi chichi Leví ta tá naxini da da nandicueḡe cándúhu íchi cán já nayaha saa da cuahan da. ³³ Jári in da Samaria xica cuahan mé íchi cán. Joo tá naxini da da nandicueḡe cándúhu íchi cán chí natahvi ini da saha dá. ³⁴ Anda já naçayati da nu cándúhu dá. Já naçaja tátá da nuú nandicueḡe da quihvi cán xihjin síti xihjin vino viti. Ta já naçató da nuú nandicueḡe cán xihjin ticoto. Tá nandihí najánda da da jata búro janá dá já ñeḡe ñahá da cuahan da. Já nanducú da vehe coo tóo da quihvi cán ña ná candaa na da. ³⁵ Ta inga quivi itaḡan tá naçacu ini da Samaria cán quehe da íchi tũhun da já natavá da ivi jiuḡun caa

naçahan da nuú da xihjin ñaha vehe cán. Já naçachi da já xihjin dá: “Cajún ñamaní candaa vahún da quihvi yóho. Ta tá ná chicaan chágun jiuḡun xihjin dá, a ndicani toho inún jáchi cháhvi mí vi ña nuun tá ná ndico coo i”, cáchi da Samaria cán —naçachi Jesús.

³⁶ Anda já nandaca tũhun Jesús da jánaḡa ley Moisés cán já naçachi a já xihjin dá:

—Ta viti cachún xihjin i tixi ndihuni da nayaha íchi nuú na sanduhú da nandicueḡe naçaja taa cuíhna yóho, ndá da cúu da naḡa ña mé a ndaa táhvi quihvi ini da ñani táhan da —naçachi Jesús.

³⁷ Anda já naçachi da jánaḡa ley Moisés já:

—Da natahvi ini sahá da nandicueḡe jan, da jan cúu da cája i cuénta naḡa da ña mé a ndaa quihvi ini da ñani táhan da —naçachi da cán.

Anda já naçachi Jesús já xihjin dá:

—Ta viti cuáhán ri yóho va, quihvi inún ñani táhún tá quiahva naçaja da Samaria yóho —naçachi a xihjin dá.

Tá naçahan Jesús vehe Marta xihjin María

³⁸ Naquee Jesús íchi xica cuahan janda quiahva naxinu coo a in ñuu loho. Ta cán nandicueḡe vaha in ña naní Marta mé á vehe ña. ³⁹ Ta naçahjin in quihvi Marta yóho, ña naní María. Ta naxinu coo María naçacoo ña yati saḡa Jesús jáchi cuni ña cuni joho ña nu cáhan mé á. ⁴⁰ Joo ndaja coo a juú quiahva ndíhi ini mé Marta cája ndívi ña ñaha cuxu na ndácaan ña. Anda já naçayati ña nu Jesús já naçachi ña já xihjin á:

—Candehé ndo, xitoho i. Á coo sándehé toho ndó ña in tũhún mí i cája ndívi i ñaha ta ña cúu quihvi i jan co chindeé loho ña yeḡe. Cahán loho ndó xihjin ña ná chindeé ña yeḡe —naçachi Marta cán xihjin Jesús.

⁴¹ Anda já nanducú ñehe Jesús tũhun nu ña já cáchi a já xihjin ña:

—Marta loho, a juú quiahva ndicani inún ta ndíhi inún jáchi in ndivaha chuun nuun. ⁴² Joo in in tũhún ñaha ña in cháḡa saḡa ta cúu á ña ndítahan cajún. Ta María, ña cúu quihvun yóho naçaxi ña ña vaha cháḡa. Ta ni in na a cúu caji nuu nu ña cuni joho ña tũhun cáhan i —naçachi Jesús xihjin ña.

11

Jánaḡa Jesús na xica tuun xihjin á ndaja caja na caça tahvi na nu Ndióxi
(Mt. 6:9-15; 7:7-11)

¹ In tañu xica tahvi Jesús nu Ndióxi ndácaan. Ta tá nandihí naçaxica tahvi a já naçachi in táhan da xica tuun xihjin á cán já xihjin á:

—Jánaḡa ndó ndeḡe, xitoho nde caça tahvi nde nu Ndióxi, tátá yo tá quiahva naçaja Juan, da naçaja ndúta ñayivi. Jáchi najánaḡa da nuú na naçaxica xihjin dá ndá quiahva

caja na caça tahví na n̄ Ndióxi —n̄acachi da cân xih̄in Jesús.

² Andá já n̄acachi Jesús já xih̄in na cân:

—Tá ná caça tahví ndo n̄ Ndióxi já cachi ndó já:

Tátá Ndióxi, ñā lin indivi,
cáhn̄u ná cacuu quiv̄i ndo.

Ná tandaa quí quiv̄i cacomí ndó cuéntá sahá nde.

Ta ná coo tá lin cún̄i mé ndó coo ñuyiv̄i yóho tá quiahva lin indivi cája ndó.

³ Quiahva ndó nuú nde ñā ndíman̄i nuú nde cuxu nde in in quiv̄i.

⁴ Caja cáhn̄u ini ndó sahá cuachi nde tá quiahva cája cáhn̄u ini nde sahá tóco ndih̄i ñā nuú cája ñayivi xih̄in nde.

Ta a quiahva ndó ñaman̄i ñā ná coto ndojó tiñáhá saçuah̄a ndehe já ná a cája nde cuachi n̄u ndo, já cachi ndó caça tahví ndo —n̄acachi Jesús.

⁵ Andá já nasacu Jesús in quiahva n̄u ná já n̄acachi a já xih̄in ná:

—Cúu á tátuhun tá ná cuhun ndó vehe in amigo ndo java ñuú táji ta já cachi ndó já xih̄in dá: “Amigo, á a quiahva tóun un̄i pan nuú j̄ ⁶ jách̄i ñacasaa in dá xini táhan xih̄in j̄ vehe e ta cúu dá da nasahan xíca ta coó ñaha nuú j̄ quiahva j̄ cuxu da”, cachi ndó xih̄in amigo ndo. ⁷ Ta viti ná caja í cuéntá nducú ñehe da ndácaan ini vehe cân tuhun n̄u ndo já cachi da já: “A jáquihvún yehe jách̄i ndájí tuun yehé. Ta ndúu jáhyi válí j̄ quíj̄i na xih̄in j̄ nuú xito ta a cuú caja j̄ ndaco j̄ quiahva j̄ ndá ñaha nuun”, cachi da cân xih̄in ndo ná caja í cuéntá. ⁸ Mé a ndaa ná cahan j̄ xih̄in ndo ñā vatí co cún̄i da jan ndaco da quiahva da ñaha n̄u ndo sahá ñā xini táhan ndó xih̄in dá joo ndaco tá ndaco da quiahva da ñaha n̄u ndo sahá ñā jáquihvi ndó da. Sahá ñā cân queá ndaco da quiahva da tóco ndih̄i ñā xini ñuhú ndo n̄u ndo. ⁹ Ñā cân queá cahan j̄ ñā yóho xih̄in ndo: Ndá ñaha ndíman̄i n̄u ndo xini ñuhú caça ndó ñā n̄u Ndióxi ta já quiahva mé á ñā n̄u ndo. Ndinducú ndo ñā cún̄i ndo ta ñehe ndó ñā caja Ndióxi. Cúu á tátuhun catí ndáha ndo yehé ta já nuna yehé n̄u ndo. ¹⁰ Jách̄i na xíca, na cân cúu na ñehe va. Ta na nducú ñaha, na cân cúu na ndíñehe va. Ta na catí ndáha yehé, na cân cúu na ndínuna yehé nuú.

¹¹ Ta ndá ndó, na ndúu jáhyi ta tá xíca jáhyi ndó pan cuxu a n̄u ndo, ama cuéhé ri ndó quiahva ndó yuú n̄u á ñā ná caxí a. Ta ama ná quiahva ndó coo caxí a tá xíca cuñu t̄iyacá caxí a. ¹² Ta ama cuéhé ri ndó quiahva ndó líhma caxí jáhyi ndó tá xíca ndiv̄i n̄u ndo. ¹³ Vatí cúu ndó ñayivi cája cuachi joo xini vaha ndó quiahva ndó ñā vaha nuú jáhyi ndó. Ta ndaja ga ví cája Ndióxi, tátá ndo, mé a lin indivi xih̄in ndo. Quiahva mé á ínimá yij̄ á n̄u ndá na ná caça ñā n̄u á —n̄acachi Jesús.

Chícaan na cuachi Jesús ñā ñehe a ndeé tiñáhá saçuah̄a

(Mt. 12:22-30; Mr. 3:20-27)

¹⁴ In tañu táva Jesús ínimá quini ini in dataa, da nanduu níhi, ñacaja rí quini. Ta tá sa ñacana mé rí quini ini dá cân ñacaja Jesús andá já nandicahan tucu da. Ta chí ñacatontó cuahá ñayivi ndúu cân tá naxini na ñā yóho. ¹⁵ Joo java na ñacasáhá cáchí na já sahá Jesús:

—Taa yóho cúu táva da rí quini ñuhu ini ñayivi jách̄i mé Beelzebú, rí cúu tiñáhá saçuah̄a nuú rí quini cân, sahan rí ndeé rí nuú dá cája da ñā —n̄acachi na.

¹⁶ Ta java ga na cún̄i na coto ndojó na Jesús sahá ñā cân queá naxíca na nuú á ñā ná caja mé á ñaha xituhun quixi indivi já ná cuni na.

¹⁷ Joo xini vaha va Jesús ñā cáhvi ini na cân sahá ñā cân queá n̄acachi a já xih̄in ná:

—Tá sahndá java táhan ñayivi ndúu in ñuu ta ndúu na cuahá táhndá já cásáhá câni táhan ndaja táhan mé va na já cama chá ndih̄i sahá ñuu nuú ndúu na cân. Ta quiahva já yáha xih̄in na ndúu in vehe tá cásáhá sahndá java táhan na ta câni táhan na já cama chá ndih̄i sahá vehe na. ¹⁸ Ta quiahva já yáha xih̄in Satanás, rí cúu tiñáhá saçuah̄a va. Tá ná câni táhan ndaja táhan mé rí já queá ndih̄i sahá ndeé ñā comí rí. Cahan j̄ ñā yóho xih̄in ndo jách̄i cáchí ndo ñā táva j̄ rí quini ini ñayivi xih̄in ndeé Beelzebú, rí cúu tiñáhá saçuah̄a. ¹⁹ Joo tá mé a ndaa cúu ndusa ñā cáchí ndó sahá j̄ jan, ndáchí quehe na cúu cuéntá mé ndó jan ndeé táva na rí quini ini ñayivi. Ama ná cachi ndó ñā táva ndó rí quini xih̄in ndeé tiñáhá saçuah̄a. Ñā yóho náha ñā co cáhvi ndaa ini ndó. ²⁰ Joo yehe xih̄in in tuhún ndeé Ndióxi táva j̄ ínimá quini ini ñayivi. Ta xih̄in ñā yóho náha caxí a ñā sa naxinu coo quiv̄i cacomí Ndióxi cuéntá sahá ndo —cáchí Jesús.

²¹ Ta sácú Jesús quiahva n̄u ná ta xih̄in ñā yóho jánaha ñā quee vaha mé á xih̄in tiñáhá saçuah̄a. Já cáchí a já:

—Ín in dataa ta tóyí cáa da ta ñehe da ndá chún̄ chindeé da mé dá. Ta nani ndáá da vehe da mé a ndaa coó toho ñaha ndoho ñaha da jách̄i ndáá vaha da ñā. ²² Joo tá ná quixi inga ta, da ndacú chága a juú ga mé da cân ta quee vaha da xih̄in dá já candaa ndih̄i da ndá chún̄ ñā ñacandé ini da mé dá. Ta já caja tá cún̄i mé da ndacú chága cân xih̄in ñaha da inga cân.

²³ Ndá na coó cuahan xoo j̄, cúu ná na co cún̄i yehe. Jách̄i ndá na co chindeé yehe xih̄in ñā cája j̄, cúu ná na sájí nuu nuú j̄.

Jánaha Jesús ñā cuahá tañu ndicó coo tucu rí quini ini ñayivi vatí sa naquee rí

(Mt. 12:43-45)

²⁴ Tá queá in rí quini ini in dataa já queé rí cuahan rí xíca nuu rí ndijáá yucú íchí

ndínducú rí nuú candoo rí. Ta tá cõ ndíñehe rí ña já cásáhá cáhvi ini rí já: “Cóho ndicó cõo tucú ini dá nuú nasandacaan í cãn jáchí cúú á tátuhun vehé”, cáhan rí. ²⁵ Ta tá xínu cõo rí ini dá cãn já sándehe rí ña íin víi va ini dá cãn tá quiahva víi ini vehé tá nañhvi á ta nandaca ndójó vaha tóco ndihi ñaha ini a. ²⁶ Anda já quée tucu mé rí quini cãn cuahan rí quehe rí usá ga rí quini chága a juú ga mé rí já xínu ndihi rí ndíhvi rí ini dá cãn. Ta mé dá cãn ndiquini chága dá a juú tá nasandacaan in talaá rí ini da —nãcachi Jesús.

Ndá na cúú na ãhvi chága ñacuu

²⁷ Ta nani cáhan Jesús ãhun yóho nuú ñayivi já ñacayuhú cóho in ñañáha tañu ñayivi cuaha cãn já ñacachi ñá já:

—Tãhvi ñacuu ñá najácacu yohó, mé ñá najácuahnu yohó —nãcachi ñá xihín Jesús.

²⁸ Anda já ñacachi Jesús já:

—Tãhvi chága ñacuu ñayivi tá xíní joho na ãhun Ndióxi ta cája na ñá cáhí a —nãcachi Jesús.

Xíca ñayivi quini ñá ná caja Jesús ñá xitúhún cuni na

²⁹ Tá ndítaca cuahá ñayivi nu íin Jesús já ñacasáhá mé á cáhan xihín ná já ñacachi a já:

—Quini ndivaha va ñayivi ndúu tiempo viti. Xíca ñá ñá ná caja í ñaha xitúhún nu ná. Joo cõo toho ñá cãn coo. Ñá cuni ndusa na quéa ndoho í tá quiahva nandoho Jonás, dá ñasacuu profeta sanahá. ³⁰ Jáchí mé ñayivi nasanduu sanahá ñuu Nínive cãn nacandaa ini na ñá nãchindahá Ndióxi Jonás nu ná. Ta quiahva já candaá rí ini ñá ndúu viti ñá nãchindahá rí Ndióxi yehé va, dá nanduu ñayivi. ³¹ Tá ná xínu quívi caja víi Ndióxi sahá cuachi ñayivi ndúu tiempo viti anda já ndicuítá in ñá nasacomí cuéntá sahá ñayivi ndúu chí sur sanahá ta chicaoan ñá cuachi jatá ñayivi ndúu tiempo viti. Jáchí mé ñá cãn vatí nasahíin xíca ndivaha ñá nu rey Salomón sanahá nasahan ñá cuni joho ñá ãhun ndíhí cáhan dá. Ta yehé íin chága sahá í a juú ga Salomón joo cõ cándúsa ndó yehé. ³² Ta jári ñayivi nasanduu Nínive sanahá cãn ndicuítá na chicaoan na cuachi jatá ndó tá ná xínu quívi caja víi Ndióxi sahá cuachi ñayivi ndúu viti. Jáchí mé ñá nasanduu ñuu Nínive cãn najándacoo na cuachi cája na tá nãcahan Jonás xihín ná ñá ñacachi Ndióxi coo. Ta yehé íin chága sahá í a juú ga Jonás joo cõ cándúsa ndó yehé.

Ndúchú núú yó cúú á tátuhun in lámpara (Mt. 5:15; 6:22-23)

³³ Ni in túhún toho ñayivi cõ chicaoan ñúhu ná in lámpara ta já quéhe na ñá sácú ñá in nuú jehé. Ni cõ chicaoan ñá ñá tíxi sató. Ñá cája na quéa chínúu jícõ ñá já ná yehé nuú

ñá quíhvi ini vehé cãn. ³⁴ Ndúchú núú yó cúú á tátuhun in lámpara jándiyehé a nu yó já xíní yó nu xíca í. Ta tá tívi vaha ndúchú núú yó já cuu candehé vaha í nu xíca í. Joo tá cõ tívi ndúchú núú yó já quéa xíca í nu naá ndivaha. ³⁵ Cuéntá coo ndó a juú cáhan ndó ñá cúú ndó ñá xíca nu yehé ta cáa ví ndó cája ndó cuachi tátuhun ñá xíca nu naá. ³⁶ Tá ná quiahva ndó ñamaní jándiyehé Ndióxi ínimá ndó já a cája ga ndó cuachi jáchí a cáñhe ga ndó ínimá quini. Tá cája ndó ñá cúní Ndióxi já cúú á tátuhun in lámpara jándiyehé ínimá ndó —nãcachi Jesús.

Chicaoan Jesús cuachi jatá na fariseo xihín jatá na jánahá ley Moisés

(Mt. 23:1-36; Mr. 12:38-40; Lc. 20:45-47)

³⁷ Tá nandíhi nãcahan Jesús já ñacana in dá fariseo Jesús ñá ná cùhun a cuxu a vehé da. Tá nandíhi já nasahan Jesús vehé da já naquíhvi a nasacoo a nu mesa xihín java ñá cãn. ³⁸ Joo ndaja coo dá fariseo cãn chí ñacatóntó dá jáchí ñaxini dá ñá cõo nandahá Jesús cacoo a cuxu a tá quiahva íin costumbre mé na fariseo cãn. ³⁹ Anda já ñacachi Jesús já xihín dá fariseo cãn:

—Ndóhó, ñá fariseo, ndíhi ini ndó cája ndó costumbre ñá ndícata ndó jatá vaso xihín jatá cõho viti joo cõ ndíhi ini ndó ndícata ndó ini a. Quiahva já cája mé va ndó jáchí ndíhi ini ndó ndahá ndó tátuhun costumbre ndó joo cõ ndíhi ini ndó ndaja víi ndó ínimá ndó nuú ñachutú ndaa xihín ñaha quini cáhvi ini ndó. ⁴⁰ Ndaja tóntó jini ndó. Á cõ xíní toho ndó ñá tá ñacavaha Ndióxi ñayivi já ñacavaha mé á yiquí cuñu na ta ñacavaha mé á ínimá ná. ⁴¹ Caja ndó ñamaní xihín ñá ndahví xihín ndinuhu ini ndó já ná coo víi ndó nu Ndióxi.

⁴² Ndahví ñacuu ndó, ñá fariseo. Mé ndó tá cáhí ndó sáhan ndó ñaha nu Ndióxi já cávaha ndó uxu táhnda ñaha ndó cãn. Ta in a sáhan ndó nu Ndióxi ta quéhe ndíhi ndó ñá java cãn. Quiahva já cája ndó xihín mñu estila xihín yucú lotá ta quiahva já cája ndó xihín tá nuú ñaha cána nu ñúhu ndó. Joo cõ cája ndó ñá ndaa xihín ñayivi. Ta ni cõ quíhvi ini ndó Ndióxi. Joo ñá cúní Ndióxi caja ndó quéa ná caja ndaa ndó tá ná quíhvi ini ndó a. Ta a ndíndójó ndó quiahva ndó ñaha nu Ndióxi.

⁴³ Ndahví ñacuu ndó, ñá fariseo. Jáchí tá sáhan ndó veñuhu catóo ndó cacoo ndó nu sácõ ñá náhnu. Ta cúní ndó ñá ná cáhan Ndióxi toní ñúhú ndivaha ñayivi xihín ndó tá ndique táhan na xihín ndó íchí.

⁴⁴ Ndahví ñacuu ndó, ñá jánahá ley Moisés. Ta ndahví ñacuu ndó, ñá fariseo. Jáchí cõ cúú ndó tá quiahva ndaa ndó. Mé ndó cúú ndó tátuhun yávi nu táán ñá ndíi jáchí núu cája ndó. Vatí xójó cava ñayivi yáha na nuú nanduxu ndíi cãn joo cõ xíní ñá ñá

12

cúu á in yávi nu ñúhu ndii jáchi coo yuu ñáñi á —ñacachi Jesús.

45 Anda já nanducú ñehe in da jánaḥa ley Moisés cán tuhun nu Jesús já ñacachi da já xihín á:

—Maestro, xihín tuhun cáhan jan jándihivi ri a ndeḣe va.

46 Anda já ñacachi Jesús já xihín dá:

—Ndáhvi ñacuu ri ndóhó va, na jánaḥa ley Moisés. Jáchi cája ndó ña ná coo ihvi ndivaha ley já ná a cúu caja ñayivi ña. Joo mé ndó cája ndúsa ndó xihín ná ña ná caja na ña vatí ni mé ndó a cúu caja ndó ña.

47 'Ndáhvi ñacuu ndó jáchi cúu á tátuhun cávaḥa ndó ñáñi nu jánduxu ndó na profeta, na ñasahní tásáḥnu jicó ndo sanahá. 48 Ta xihín ña yóho náḥa ndó ña cájii ini ndó xihín ña ñacaja tásáḥnu jicó ndo sanahá tá ñasahní na na profeta. Ta viti cúu á tátuhun chíndeé táhan ndó xihín na cán jáchi mé ná ñasahní na na profeta ta mé ndó ñacavaḥa ndó nuú nanduxu na.

49 'Xini vaḥa Ndióxi ñayivi ta ndaa ñacahan mé á tá ñacachi a já: "Chindahá i java profeta xihín java apóstol nu ndo. Joo mé ndó cahni ndo java na ta java na ndicujita ñee ndó na", ñacachi Ndióxi sanahá. 50 Joo viti caça Ndióxi cuéntá nuú ñayivi ndúu tiempo viti saḥa tóco ndihi na profeta, na ñaxihí ndijáa tiempo janda nani ñacava saḥá saḥa ñuyiví. 51 Caça Ndióxi cuéntá nuú ñayivi ndúu tiempo viti saḥá na profeta ndii ñaxihí sanahá. Caça mé á cuéntá saḥá Abel, da ñaxihí ñacaja Caín cán. Ta caça mé á cuéntá saḥá ndijáa na profeta ñaxihí tiempo ñaquixi cán janda quiahva ñaxinu coo a nuú caça cuéntá saḥá ndii Zacarías. Mé da yóho ñasahní na da ini veñuhu sanahá tañu nu ná xihín nuú yii ndivaha. Ña cán queá cáhan i xihín ndó ña caça Ndióxi cuéntá saḥa tóco ndihi ndii jan nuú ñayivi ndúu tiempo viti.

52 'Ndáhvi ñacuu ndó, na jánaḥa ley Moisés. Jáchi cája ndó ña ná a cúu candaḥa ini ñayivi ña cáchi tuhun Ndióxi. Ta xihín ña yóho cúu ndó na sáji nuu cuití va jáchi ni coo sáhan ndó ñamāni nu ná ña ná candúsa na ña ndaa. Ta mé ndó vatí xini ndó cúu á ña ndaa joo coo cája ndó ña cáchi a —ñacachi Jesús xihín na jánaḥa ley Moisés cán.

53 Tá ñacachi Jesús ña yóho já ñaxojo ndivaha ini na jánaḥa ley Moisés cán xihín na fariseo cán xihín á. Ta já ñacasáhá na ndáca tuhún cuahá chága na mé á saḥá ña cúnj na jáquihvi cuití ñahá na. 54 Ta ñasacu cuahá ná tuhun ihvi nu á jáchi nducú na ndá quiahva chicaḥan na cuachi jatá xihín in tuhun ña ná yaḥa yúhu á cáhan.

Jánaḥa Jesús saḥa na coo cúu ná tá quiahva ndaa na

1 Ta nani cáhan Jesús cán ñacasáhá táca cuahá ndivaha ñayivi. Cuahá mil na ñacasáhá ndái cuu na cán. Janda quiahva cándihi táhan ndaja táhan mé ná xihín á cuahán ná. Nu cuití ñacahan Jesús xihín na xica tuun xihín á já cáchi a já:

—Cuéntá coo ndó xihín na fariseo jáchi cúu ná tátuhun yúsa ñaxaa queé xihín harina ña cávaḥa na pan. Coo cúu ná tá quiahva ndaa na. 2 Ta ni in túhún toho ñaḥa a cúu coo jehé nahá jáchi cana tá cana tuhun saḥá. 3 Tóco ndihi tuhun ñacahan jehé ndó ñuú já vaxi quivi cuni joho ñayivi ña ndivi táhyí. Tóco ndihi ña ñacahan jehé ndo tá ndáji yéhe já vaxi quivi candaḥa ini tóco ndihi ñayivi nuu saḥá —ñacachi Jesús xihín na xica tuun xihín á.

Yo já ndítahan cayihvi yo (Mt. 10:26-31)

4 Anda já ñacasáhá cáhan Jesús xihín ndihi na cán já cáchi a já:

—Candehé ndo, na cúu amigo i. Cúni cáhan i xihín ndo ña a cayihvi toho ndó ñayivi, na cuu cahni yiquí cuñu ndó. Jáchi ña jan cúu ndihi va ña cája na ta a cúu caja na ni in ñaḥa xihín ínimá ndó. 5 Ta viti ná cáhan i xihín ndó yo já ndítahan ndusa nu ndó cayihvi ndo: Nditahan cayihvi ndó Ndióxi jáchi mé a cán queá cuu caja ña ná quivi ndó ta tá ñandihí cuu chicaḥan ínimá ndo ini indayá. Mé a cán queá ndítahan ndusa cayihvi ndo.

6 'Sa xini vaḥa ndó ña uḥun laa válí yahvi ri i vi jiuḥún. Vatí núu ndivaha sahan ñayivi ri joo coo ndindójo toho Ndióxi saḥa ri jáchi ndaa mé á ri. 7 Quiahva já íin ri saḥa mé ndó nu Ndióxi. Jáchi janda iji jini ndó jan ndáhvi tá in tá in a nu Ndióxi. A cayihvi toho ndó jáchi ndiyahvi chága ndóhó nu Ndióxi a juú ga cuahá laa válí.

Tá cáhan cáxi ñayivi ña cúu ná cuéntá Jesús

(Mt. 10:32-33; 12:32; 10:19-20)

8 'Mé a ndaa ná cáhan i xihín ndó ña ndá na cáxi tuhun nuú ñayivi ña cuahan na cuéntá mí i já queá cachi mí i, da ñachindahá Ndióxi nduu ñayivi saḥa ná ña mé a ndaa cúu ndusa na cán cuéntá mí i. Já cachi i xihín táto Ndióxi. 9 Joo ndá na ná cachi xihín ñayivi ña coo xini toho na yeḣe já queá ni yeḣe a ndicumi toho i na ña cúu ná cuéntá mí i nu táto Ndióxi.

10 'Ta ndá na ná cáhan núu saḥa yeḣe, da ñachindahá Ndióxi nduu ñayivi, caja cáḥnu ini i saḥa ná. Joo ndá na ná cáhan núu saḥa ínimá yii Ndióxi, na cán cúu na a cája cáḥnu ini toho Ndióxi saḥa.

11 Tá ná tiin na ndohó ña cañehe na ndohó cuhun ndó nahma ndó nuú na saçuaha veñuhu á nuú na jutixia sahá i, a ndícani toho ini ndó ña ndá tuhun quéa cahan ndó nuú na cán. 12 Jáchí tá ná xinu ço hora cahan ndó nuú na cán, jánaña inima yji Ndióxi nu ndó ndá tuhun nducú ñehe ndó nuú na cán —naçachi Jesús xihín ná.

In da cuicá, da ñaçaja quihví

13 In táhan da ndácaan tañu ñayivi cuaha cân ñaçahan da xihín Jesús já ñaçachi da já xihín á:

—Maestro, cahan loho ndó xihín ñani i ña ná cahnda java da ñaha ña najándacoo tátá nde nuú nde tá na xihí na —naçachi da xihín Jesús.

14 Anda já nanducú ñehe Jesús tuhun nu dá já ñaçachi a já xihín dá:

—A juú juéxe cuú yehe já coo i cahnda java i ñaha ndó, vaña.

15 Anda já ñaçachi tucu a já xihín na ndúu cân:

—Cuni joho vaña ndó. Cuéntá coo ndó ña ná a ndiava nahá ini ndó canduu cuahá ñaha cuicá nu ndó. Jáchí a juú saha ña ndúu cuahá ñaha cuicá nu ndó chí cuu catacu nahá chága ndó, vaña —naçachi Jesús.

16 Anda já nasacu a in quiahva nu ná já ñaçachi a já xihín ná:

—Ñasahin in da cuicá ta a juú quiahva ñasahnu vaña ñaha nu ñúhu dá. 17 Anda já ñacasahá mé da cuicá cân ndícani ini da já ñaçahan da já: “Ndáchí taán toho í cuahá nahá ñaha ñaçana nu yo yóho jáchí coó ga nuú cañuhu a”, ñaçahan da. 18 Anda já ñaçahan tucu da já: “Ña caji i quéa ndicani ndihi í yáca niñ ñaha í já cavaha í ña náhnu chága. Ta cán taán yo ndihi ña ñaçana nu yo ta cán taán yo tóco ndihi java ga ña cómi yo. 19 Anda já cachi í já xihín mí í: Sa cuahá ndivaha va ñaha ñasacu vahún viti. Ta queta ña cusún tixi cuahá ndivaha cuja. Ta viti jandá ndiquehe ndéje cuití vún. Cuxu cuití vún. Coho cuití vún. Ta jandá caji cuití ini vún, já va cachi i xihín mí í”, ñaçahan da. 20 Joo ñaçahan Ndióxi já ñaçachi a já xihín dá: “Taa quihví, sa mé ñuu viti quivi vún. Ta tóco ndihi ña nasacu vahún jan á juú ña cusún cuú á. Ndá na cuú mé va na cuxu ña jan”, ñaçachi Ndióxi xihín dá. 21 Quihví ndivaha caji ñayivi tá ndája tutú na ñaha ñayivi yóho joo ço ñúhu ini na saha Ndióxi ña ná caji na ña cúní mé á. Saha ña cân quéa cuú ná na ndahví ndivaha nu mé á —naçachi Jesús xihín ná.

Ndáa Ndióxi na cuú ndusa jahyi mé á
(Mt. 6:25-34)

22 Tá ndihi já ñaçahan Jesús xihín na xica tuun xihín á cân já ñaçachi a já xihín ná: —A ndícani toho ini ndó sahá ña cuxu ndó catacu ndó ta ni saha jáhma candixi ndó.

23 Jáchí cáhnu chága mé ndó a juú ga ña xixi ndó xihín ña ndíxi ndó. 24 Candehé ndó ri naní ticacá jan. Ço xútu ri ta ni ço jáquee ri. Ta ni coó yáca nu taán ri ñaha ri. Joo sahan va Ndióxi ñaha cuxu ri ña ná catacu ri vatí laa va cóu ri. Ta mé ndó ndiyahvi chága ndó a juú ga laa jan. 25 A ndícani toho ini ndó jáchí coó toho a ñehe ndó ndícani ini ndó. Ni in tuhún toho ndó a cuú ndaja jícó ndó mé ndó java metro chága sahá ña ndícani ini ndó. 26 Tá ta ni loho ña yóho a cuú caji ndó, ndía ndóho ndó ndícani nahá ini ndó caji ndó java ga ñaha, dá já.

27 Candehé ndó ndó quiahva ndató sáhnu ita. Ço caji chúun a ta ni ço cávaha jáhma á. Joo mé a ndaa ná cahan i xihín ndó ña ñúchí chága ita yóho ñaçaja Ndióxi a juú ga jáhma vaña ndivaha nasandixi rey Salomón sanahá, da ñasahin cuahá ñaha cuicá. 28 Candehé ndó ndaja ndáa vaña Ndióxi yucu ita vatí lin too a viti ta itaan cáyi a jándihi sahá. Ta ndiyahvi chága mé ndó a juú ga yucu ita. Joo ço cándúsa ndó ña candaa mé á ndohó. Ña cân quéa xíní ñúhú candee ini ndó Ndióxi ña quiahva tá quiahva mé á jáhma candixi ndó. 29 Ta a ndícani ini ndó ndaja caji ndó ñehe ndó ña cuxu ndó xihín ña coho ndó. 30 Jáchí ñayivi, na ço xíní íchi cuéntá Ndióxi, na cân cuú na ndicani cuahá ini saha tóco ndihi ña yóho. Joo cuú ndó cuéntá Ndióxi, mé a cuú tátá ndó ta xini vaña mé a ña ndímaní nu ndó catacu ndó. 31 Joo ndítahan nu ndó ndiquiahva ndó mé ndó ndáha Ndióxi ña ná cacomí a cuéntá saha ndó já quiahva mé a nu ndó ña ndímaní nu ndó catacu ndó.

Indiví cuú nu ndítahan ndaja tutú ñayivi ña vaña

(Mt. 6:19-21)

32 A cáyhívi toho ndó jáchí mé ndó cuú ndó tátuhun ndicachi válí janá i. Mé a ndaa chá va cuú ndó joo caji ini Ndióxi ña cómi a cuéntá saha ndó. 33 Jícó ndó ña cómi ndó ta jasá ndó ñaha nuú na ndímaní ñaha nuú. Jáchí quiahva já ndaja tutú ndó ñaha vaña indiví nuú cuhun ndó. Jáchí mé cân a ndíhi sahá ña vaña cómi ndó. Ta ni na cuñhá a çuú quihví na caji cuñhá ñaha ndó cân. Ta ni tiquiji a cuú jándihi ri sahá ñaha ndó cân. 34 Jáchí nuú ñandaja tutú ndó ña ndayahvi nu ndó, cân coo ri inima ndó.

Naha Jesús ña xíní ñúhú canduu tiahva ñayivi cuhun na xihín mé á

35 Xíní ñúhú canduu tiahva ndó candati ndó ndá hora ndicó ço tucu u quixi i ndiquehe e ndohó. 36 Xíní ñúhú cacuu ndó tátuhun mozo tá ndátí tiahva da ndicó ço xitoho da, da cuahan víço tándaha. Ndátí tiahva da cuná da yéhe nu dá tá ná xinu ço da caní ndáha dá yéhe. 37 Tahví ñacuu mozo tá ço quiji da ndúu da tá ná xinu ço

xitoho da. Mé a ndaa ná caħan i xihin ndo ña janda mé da cúu xitoho da cán ndiquehe ñahá da ta já cacoo da da nu mesa da ta já chicaan da cohoo cuxu mozo da. ³⁸ Coo caju toho a ña ná xinu coo xitoho da java ñuu táji á tá sa yati tiví, tahví naçuu mozo cán tá ndíta da ndúu da tá naxinu xitoho da nu dá. ³⁹ Candehé ndo jáchi xini ñúhú candaa ini ndó ña yóho. Tá xini in dataa ndá hora cúni na cuihná quihvi na vehe da já queá a cúju da jáchi ndáa vaha da vehe da já ná a quihvi na caja cuihná na ñaha vehe da. ⁴⁰ Quiahva já xinu ñúhú canduu tiaħva ri ndóhó va jáchi quixi tucu yehe, da naħindahá Ndióxi ndúu ñayivi mé quivi cò cáħán ndo quixi i —naçachi Jesús xihin ná.

*In mozo vaha xihin in mozo a váha
(Mt. 24:45-51)*

⁴¹ Andá já nandaça tuhún Pedro Jesús já naçachi da já xihin á:

—Á nuú ndeħe cuiti naçacu ndó quiahva yóho á naçacu ndó ña nuú ndaja táħan ñayivi ndúu yóho.

⁴² Andá já naçachi Jesús já xihin dá:

—Ña cáħan i yóho cáħan i ña xihin da tácu ini, da caju vaha ndusa. Cúu á tátuhun in mozo tá jándacoo xitoho da chuun ndáħa dá ña ná quiahva da cuxu na java ga cúu mozo xihin dá cán. Andá já naçuee mé xitoho da cuahán da. ⁴³ Tahví naçuu mé mozo cán tá xinu coo xitoho da ta ndiñeħe dá da caju da chuun ña naçandoo nu dá caju da. ⁴⁴ Mé a ndaa ná caħan i xihin ndo ña quiahva xitoho dá cán chuun nu dá ña ná cacomí da cuénta saħa tóco ndihí ñaha cómi xitoho da. ⁴⁵ Joo dá cúu mozo yóho tá ná casahá da cáħán da ña cayáncá ndivaha xitoho da ndicó coo da ta saħa ña cán queá casahá da caju xixi da xihin java ga na cúu mozo xihin dá cán. Ta já cáa ga da casahá xixi da ta xihí da ta já xini da. ⁴⁶ Ta ndaja coo xinu coo xitoho mozo cán mé quivi cò cáħán da. Andá jávi jándoho quini xitoho da cán ini da jáchi còo naçaja da ña ndítahan caju da. Ta ndoho da yóho tá quiahva ndóho tóco ndihí na sáa ini, mé na cò caju ña sáħndá xitoho na nu ná caju na.

⁴⁷ Tá ná candaa ini mozo ña cúni xitoho da caju da joo cò in tiaħva da caju da ña ta ni cò cúni da caju da ña sáħndá xitoho da nu dá, da cán cúu da ndoho ndivaha ini. ⁴⁸ Joo tá in in mozo ta cò cándaq vaha ini da ndá queá cúni xitoho da caju da ta ndaja coo caju da in ñaha ña cò táħán ini xitoho da xihin já queá chá cuiti va ndoho ini da. Tá ná caju Ndióxi cuahá ñamaní xihin in ñayivi já queá ndítahan caju chúun cuahá ná nu mé á. Ta tá sa cándeé ini ñayivi inga na já queá ndinuhu ñamaní náħnu chága caça na cán ña ná caju na xihin ná.

*Cája Jesús ña sáħndá java táħan ñayivi
(Mt. 10:34-36)*

⁴⁹ Yeħe naquixi i ñuyiví yóho cahnda java táħan i ñayivi já ná naħa na cúni cuħun xoo mí i xihin na cò cúni cuħun xoo i. Ta ña yóho cúu á tátuhun naquixi i chicaan ñúhu i ñuyiví yóho. Ta cúni ña ná ndihí quíi chuun naquixi caju i yóho. ⁵⁰ Vaxi quivi ndoho ndivaha ini i ta a juú quiahva ndíhi ini i ndáti xinu coo mé quivi jan. ⁵¹ A cáħán toho ndó ña naxinu i ñuyiví yóho caju i ña ná coo vaha ini ñayivi. Ña vaxi yeħe caju i queá ná cahnda java táħan na. ⁵² Jáchi viti xihin chí nuú cacuu a tátuhun canduu uhun ñayivi in vehe joo a cúni táħan na saħa yeħe jáchi ivi na cacuu cuénta mí i ta uní na candají yeħe. Á tá cò ta uní na quihvi ini yeħe ta ivi na candají ri yeħe. ⁵³ Ta jári da cúu tátá caní táħan da xihin jahyi da saħa yeħe. Ta jári ndicuíta dataa caní táħan da xihin tátá da saħa yeħe. Ta jári najihí caní táħan na xihin jahyi jíhi na saħa yeħe. Ta jári najihí caní táħan na xihin náná na saħa yeħe. Ta jári ndicuíta najihí caní táħan na xihin sanu na saħa yeħe. Ta jári ndicuíta najihí caní táħan na xihin xojo na saħa yeħe —naçachi Jesús.

*Cò cúni ñayivi candaa ini na yo cúu Jesús
(Mt. 16:1-4; Mr. 8:11-13)*

⁵⁴ Andá já naçachi tucu Jesús já xihin ñayivi:

—Mé ndó tá xini ndo ndicuíta vico vaxi a ñuu ndó chí xoo nu queá candii já cáchi ndó ña cuun javi ta chí cuun ndusa dó. ⁵⁵ Ta tá xini ndo vaxi táchi chí xoo sur já cáchi ndo ña ihní ndivaha coo ta chí ihní ndusa sáħjin. ⁵⁶ Cò cúu ndó tá quiahva ndáa ndó. Cándaa vaha ini ndó ña cúu ñuyiví ta cándaq ini ndó caħan ndó ndá queá coo tá sándeħé ndó indiví. Joo cò cúni ndó candaa ini ndó ña jánaħa i nu ndo.

*Ndítahan caju vaha ndó xihin na cò cúni
ndohó
(Mt. 5:25-26)*

⁵⁷ Ndávaha cò táva vaha ndó cuénta ndía queá vaha ta ndía queá a váha. ⁵⁸ Tá sácú ini na saħa ndó cuħun ndó vecaa ta ndáca táħan ndó xihin na cân cuahán ndó nuú na jutixia, xini ñúhú nducú ndó ndá quiahva ndiquee táħan máni tucu ndó xihin ná nani xica ndó íchi cuahán ndo. Já queá ná a cáñeħe na cân ndohó cuħun ndó nu juéxe jáchi da cúu juéxe cân ndiquiahva da ndohó ndáħa policia ta policia cân chicaan da ndohó vecaa. ⁵⁹ Mé a ndaa ná caħan i xihin ndo ña tá ndácaan ndó vecaa jan chí a cána ndó janda quiahva ná cháħvi ndihí ndó ña yíca ndo nuú da cán já janí da ndohó —naçachi Jesús xihin ná.

13

Cáhan Jesús ña ndítahan jándacoo ñayivi cuachi cája na

¹ Mé tiempo já naxinu coo java na ndicani na nu Jesús sahá ña nasahní Pilato java dataa estado Galilea nani jóco da nu Ndióxi. Ña cán quea cáchi na ña nacatáhan nji da naxihi xihín nji quiti, ri jóco da. ² Anda já nacachi Jesús já xihín ná:

—Á cáhan ndo ña naxihi da Galilea yóho sahá ña ín chága cuachi da a juu ga java ga na Galilea. ³ A juu a já jáchi quiahva já ndihi ri saha ndóho va tá ná a jándacoo ndo cuachi cája ndó. ⁴ Sanahá ndivaha já naxihi sahun unj taa jáchi nandicava in torre nani Siloe jata ná. Á cáhan ndo ña nandicava torre cán jata na yóho jáchi nasahin chága cuachi na a juu ga na ñuu Jerusalén. Joo co cúu á quiahva já. ⁵ Mé a ndaa ná cahan i xihín ndo ña quiahva já ndihi ri saha ndóho va tá ná a jándacoo ndo cuachi cája ndó —nacachi Jesús xihín ná.

Sácu Jesús quiahva sahá in titó ñuhú, dó co cána cuhi nuu

⁶ Anda já nasacu Jesús in quiahva nu ná já nacachi a já xihín ná:

—In dataa najándeé da in titó ñuhú nu ñuhú dá. Ta tá nayaha tiempo já nasahan da sándehe da do ña á cána titó ñuhú nu do. Joo co mé ri nandiñehe dá. ⁷ Anda já nacachi da já xihín da ndaa ñuhú dá cán: “Candehé, sa naxinu unj cuja já cuiti quixi i ndúcú u titó ñuhú nu yito yóho. Ta coo ñaha cána nu do. Vaha chága ná cahndún do jáchi ndá chuun quea candichi uun dó cája tañu dó nu ñuhú i”, nacachi da xihín da ndaa ñuhú dá cán. ⁸ Anda já nacachi da ndaa ñuhú dá cán já xihín dá: “Quiahva ndó ñamaní, xitoho i ña ná coo too ga dó cuja víti ná játayi i ñuhú saha do ta ná chicao loho i tata saha do. ⁹ Ta xihín ña yóho jonáa cana cuhi nu do. Ta tá coo ñaha cána nu do já cahnda ndó do tá cúni ndo”, nacachi mozo cán xihín xitoho da —nacachi Jesús.

Mé quivi ndiquehe ndée ñayivi ndája vaha Jesús in ña xica tojo

¹⁰ Ta ndaja coo in quivi ndiquehe ndée ná já nasandacaan Jesús veñuhu jánaha tuhun Ndióxi nuu ñayivi. ¹¹ Ta mé ini veñuhu cán nasandacaan in ñañáha, ña quihvi sahun unj cuja. In inima quini cúu ri naquihvi ini ña tá nacaja ri ña ná nditojo ña tá chí ní loho a cuú jándicaa ña mé ña. ¹² Tá naxini Jesús ña já nacana mé á ña já nacachi a já xihín ña:

—Ndaja vaha i yohó viti —nacachi Jesús xihín ña.

¹³ Anda já nachojó a ndáha á jata ña chí mé hora já nandicaa yiqui cuñu ña tá nacasáha ña cája cáhnu ña Ndióxi. ¹⁴ Joo mé da cúu sacuaña veñuhu cán nacasáha ndiquehe da

jáchi nandaja vaha Jesús ñañáha cán mé quivi ndiquehe ndée ná. Já nacasáha cáchi da cán já xihín ñayivi ndúu ini veñuhu cán já:

—Ín inu quivi núná nu yó cája chúun í ta tañu quivi já cuu quixi ndó catatá ndo tá cúni ndo. Joo a quixi ndó catatá ndo quivi ndiquehe ndée yó —nacachi da xihín ná.

¹⁵ Anda já nacachi Jesús já xihín da sacuaña veñuhu:

—Coo cúu ndó tá quiahva ndaa ndó. Cája mé ndó chuun quivi ndiquehe ndée yo tá ndaxí ndo tindiquí á burro jana ndó sahan ndó jáchoho ndó ri ticuú. ¹⁶ Ta viti candehé ndo ñañáha yóho. Cúu ña ña naquixi chiche Abraham ta sa ín sahun unj cuja naquehe cuehe ña nacaja Satanás, mé tiñáha sacuaña. Ta mé ndó cáhan ndo ña a váha toho nacaja i ña najaní i ñañáha yóho ndáha cuehe ña nandoho ña tixi cuahá cuja. Joo mé a ndaa nanditahan nuú i janí i ña ndahá cuehe yóho coo caja toho a cúu á quivi ndiquehe ndée yo —nacachi Jesús.

¹⁷ Tá nacachi Jesús ña yóho chí a juu quiahva nacacahan nuu na coo cúni Jesús cán. Joo tóco ndihi java ga ñayivi cán cáji ndivaha ini na jáchi naxini na ña cája Jesús ña náhnu ndivaha.

Sácu Jesús quiahva sahá in ndiqui mostaza

(Mt. 13:31-32; Mr. 4:30-32)

¹⁸ Tá nandihí já nacachi tucu Jesús já:

—Ná ndicani i nu ndó ndaja ín nu ndiquiahva ñayivi mé ná ndáha Ndióxi ña ná cacomí a cuéntá saha ná. ¹⁹ Cúu á tátuhun in ndiqui mostaza ña chíhin in dataa nu ñuhú dá. Ta mé ndiqui loho yóho sahnu a janda quiahva ndúu a tátuhun in yito cáhnu nu xinu coo laa chójó ri táca ri nu ndáha do —nacachi Jesús.

Sácu Jesús quiahva saha ndaja cája yusá naxiaq tá quee a xihín harina

(Mt. 13:33)

²⁰ Anda já nacachi tucu Jesús já:

—Ná ndicani i nu ndó ndaja ín nu ndiquiahva ñayivi mé ná ndáha Ndióxi ña ná cacomí a cuéntá saha ná. ²¹ Cúu á tátuhun tá cávaha na pan ta quee yusá naxaa xihín harina. Cúu á tátuhun tá cáva táhan in ñañáha loho yusá naxaa xihín unj táhnda náhnu harina ña ná jánañu a tóco ndihi mé yusá cán —nacachi Jesús.

Táhan ndivaha yehé nuu quihvi ñayivi cuhun na indivi

(Mt. 7:13-14, 21-23)

²² Nandiquehe Jesús íchi cuahan chí ñuu Jerusalén ta ndijáa ñuu náhnu xihín ñuu válí nu yaha jánaha mé á tuhun Ndióxi cuahan. ²³ Ta ndaja coo nandaca tuhún in da Jesús já nacachi da já xihín ná:

—Xitoho í, á chá cuiti va ñayivi cacuu na çacu ndaa ñima çuhun chí indivi —ñacachi da xihin Jesús.

Anda já nanducú ñehe Jesús tuhun já cáchi a já xihin dá:

²⁴—Cúu á tátuhun ñin in yéhe táhan loho nuú ndihvi ñayivi indivi. Ña cán queá xini ñúhu ndó ndihvi ini ndó ndihvi ndó chí yéhe loho cán jáchi cuahá ndivaha ñayivi nditihvi na ña quihvi na joo á cúu quihvi na. ²⁵Jáchi tá quiahva ñin in xitoho vehe quiahva já ñin Ndióxi. Jáchi tá ná ndicoo dá cúu xitoho vehe cán chícaji tuun da viti yéhe vehe da já xinu çoo ndó cándichi ndó jata véhe cáni ndaha ndó yéhe já cachi ndó já: “Á ndúyu ndó, xitoho í. Á a cája ndó ñamaní cuná loho ndó yéhe ná quihvi ndé”, cachi ndó xihin dá. Ta já nducú ñehe dá cán tuhun nu ndó cachi da já xihin ndó: “Cuáhán ndo jáchi ço xini toho í ndohó.” ²⁶Ta já casahá mé ndó cachi ndó já xihin dá: “Cuahá tañu sa ñaxixi ndé ta ñaxihi ndé xihin ndo. Ta ñi cáyé ñuu ndé ñaxica nuu ndó najánaha ndó ñayivi.” ²⁷Anda já nducú ñehe dá cán tuhun nu ndó já cachi da já xihin ndo: “Sa ñacahan vj xihin ndo ña ço xini toho í ndá na cúu ndóhó. Caxoo ndihí ndó nuú í jáchi cúu ndó ñayivi cája ndinuhu ña núu.” ²⁸Ta cán ndusa queá cuacu cóho ndo ta casahá cahña nuhu ndó xihin ña çojó ini ndó. Jáchi cán cuni ndó Abraham xihin Isaac xihin Jacob xihin tóco ndihí na profeta. Cuni ndó ña ndúu na indivi cán ta cómí Ndióxi cuéntá saha ná. Ta a juú quiahva tahnda ini ndó jáchi tavá xóo Ndióxi ndohó ña ná a ndihvi ndó nu ndúu na cán. ²⁹Jáchi xinu ñayivi ndúu ndijáá ñuyivi nu Ndióxi ta ndaca nduu na nuú cacomí Ndióxi cuéntá sahá ñayivi. ³⁰Ta mé quivi cán já cuni ndó java ñayivi, na çoo saha mé nuú ñayivi ta nduu na na ñin chága saha nu Ndióxi. Ta cán cuni ndó java na ndíñehe jíco mé viti ta a cóo toho saha ná nu Ndióxi —ñacachi Jesús.

Tánda ini Jesús ta sácu a sahá ñayivi ndúu ñuu Jerusalén
(Mt. 23:37-39)

³¹Mé quivi já ñaxinu çoo java na ña fariseo nu Jesús já ñacachi na já xihin á:

—Cuáhán inga ñuu cóun jáchi sácú ini Herodes cahni dá yohó —ñacachi na xihin á.

³²Anda já ñacachi Jesús já xihin ná:

—Cuáhán ndó çahan ndó xihin dá cátoó jándahvi ñayivi jan ta cachi ndó xihin dá ña tává í ñima quini ñúhu ini ñayivi ta ndája vaha í na quihvi ta caja tá caja í ña yóho janda quiahva ná xinu çoo quivi jándihí í chuun yóho. ³³Joo sa mé Jerusalén jan quivi vj jáchi jan cúu nu sáhní na profeta. Ta viti ndítahan caca nuu yí vj íchi xíca í cuahan í yóho —ñacachi Jesús.

³⁴Anda já ñacachi tucu Jesús já:

—Ndáhvi ñahá ñacuu ndó, na ndúu ñuu Jerusalén. Jáchi sáhní ndó na profeta. Ta ndicujta ndó cáni ndó na nachindahá Ndióxi nu ndó xihin yuu. Cuahá ndivaha tañu cúni jánditaca ndihí í ndohó joo çoo ñaxeen ndó. Cúu á tá quiahva cája nduxó tá játaca rí jahyi válí rí tíxi ndixi rí. ³⁵Ta viti cuni joho ndó ña çahan í xihin ndo. Vaxi quivi janí ndaha mé vehe ndó candoo a. Ta mé a ndaa ná çahan í xihin ndo ña a cúni ga ndó yéhe janda quiahva ná xinu çoo quivi cachi ndó: “Cáhnú ñahá ná cacuu dá vaxi cuéntá Ndióxi, xitoho í” —ñacachi Jesús.

14

Tá nandaja vaha Jesús in dá naquihvi cuiñu

¹Ta ndaja coo in quivi ndíquehe ndée ná já ñasahan Jesús ñaxixi a vehe in dá cúu sacuaña nuú na fariseo. Ta java ga na fariseo cán ñacasahá nání na Jesús ndúu na. ²Ta mé yati nu Jesús cán ñasahin in dataa, dá naquihvi cuiñu yáñu çuñu. ³Anda já nandaja tuhún Jesús na jánaha ley Moisés xihin na fariseo já ñacachi a já xihin ná:

—Á núná nu yó ndaja vaha í in dá quihvi mé quivi ndíquehe ndée yo, á ço núná toho nu yó cája í ña —ñacachi Jesús xihin ná.

⁴Joo táji ñasahin yuhú na cán. Anda já nandaja vaha Jesús dá quihvi cán já ñacachi a xihin dá ña ná quee da çuhun dá. ⁵Ta já ñacachi a já xihin na fariseo cán:

—Mé ndó tá ndicava búrró á tindiçui jana ndo ini in táhvi chí ivi laá tavá ndó rí. Ta çoo caja toho a á cúu á quivi ndíquehe ndée yo —ñacachi Jesús.

⁶Joo çoo ñacuu nducú ñehe na tuhun nu Jesús.

⁷Anda já ñaxini Jesús ña jandá joho ndacaxi na ñataca cán nuú vaha cacoo na já najánaha nu ná ndía vaha chága ndítahan caja na. Já ñacachi a já:

⁸—Tá ná cana in na yohó çuhun in víco tándaha, a nducú tohún cacoun nu sáçoo na náhnú. Jáchi cuu xinu çoo in dá ñin chága saha a juú ga yohó. ⁹Ta dá ñacana yohó víco cán cuu cachi da já xuhun: “Quiahva nu ñin çoun jan ná cacoo dá yohó”, cachi da xuhun. Anda já cacahan nuun já queún çuhun cacoun janda nu ndíhí. ¹⁰Ña ndítahan cajún queá cacoun janda nu ndíhí. Já queá tá ná xinu dá ñacana yohó nu íun já cachi da já xuhun: “Amigo, cuáhán vaha nu ndúu na náhnú cóun.” Xihin ña yóho ndindita jíçún nuú na ndúu coo nu mesa xíxi xuhun cán. ¹¹Jáchi ndá ña cája cáhnú mé, na cán cacuu na ñanuu ndáha joho. Ta na ço ndíñehe jíco mé, na cán cúu na ndicáhnú —ñacachi Jesús.

¹²Anda já ñacahan Jesús xihin mé dá ñacana ñahá cán já ñacachi a já xihin dá:

—Tá ná cavaḡa cuaḡún ña cajúñu na á ña cajini na, a cána tohún na cúu amigún jan ni na cúu ñanún jan ta ni a cána tohún na cúu táhún ta ni a canún na cuicá ndúu yati xuhún jan. Jáchí tá ná cava na víco cana ri na jan va yohó ta xihún ña jan táhnda cuénta saḡá ñamaní naçajún xihún na cán. ¹³ Ña ndítahan cajún tá ná cavaḡún in víco quea canún na ndahví ta canún na réncō ta canún na cúaá. ¹⁴ Ta já caji inún jáchi na cán a cuu toho cava na chahví na ñamaní naçajún xihún ná ñuyivi yoho. Joo vaxi quivi tá ná ndítahu ñayivi naṣaṣehe ínimá vaha ñuyivi yoho já chahví Ndióxi ñamaní naçajún jan — naçachi Jesús xihún ná.

Sácu Jesús quiahva saḡá in daṭaa, da naçana cuaḡa chá ñayivi ña ná cuhún na víco vehe da

(Mt. 22:1-10)

¹⁵ Tá naḡini johō in táhan da ín coo nu mesa xihún Jesús cán ña yoho já naçachi da já xihún á:

—Tahví naçuu na ná ñeḡe táhvi cuhún indivi ña ná cacomí Ndióxi cuénta saḡá ná —naçachi da xihún Jesús.

¹⁶ Anda já naçacu Jesús in quiahva nu dá já naçachi a já xihún dá:

—In daṭaa naçavaḡa da in víco cáhnu ta naçana cuaḡá ndivaḡa da ñayivi. ¹⁷ Ta tá sa naḡinu coo hora cajini na já naçahnda da chuun nu mozo da ña ná cuhún da cana da ña ña quixi na ndaca nduu na nu mesa. Já naçachi da já xihún ná: “Naha quí ndo jáchi sa naçandivi ndihi ñaha”, naçachi mozo xihún na cán. ¹⁸ Joo tóco ndihi na cán naçasáhá na cáhan na ña a cuu toho cuhún na. Ta in táhan da cán naçasáhá cáchi da já xihún mé mozo cán já: “Jacá naḡeen uun i in ñuhú ta xini ñuhú cuhún i candehé e nu á. Cáhnu coo inún”, naçachi da xihún mozo cán. ¹⁹ Ta inga da naçachi da xihún mé mozo cán já: “Jacá naḡeen e uḡun yúnta tündiqui ta viti cuni cuhún i coto ndojó i ri. Cáhnu coo inún”, naçachi da xihún mozo cán. ²⁰ Ta inga tucu da naçasáhá cáchi da já: “Jacá naṭandaha vi saḡá ña cán quea a cuu toho cuhún i”, naçachi da xihún mozo cán. ²¹ Tá nañdicó coo mozo cán nuú xitoho da já nañdicani ndihi da nuú xitoho da ña naçachi na cán xihún dá. Anda já naçasáhá nañdicueḡe xitoho da cán já naçachi tucu da já xihún mozo da: “Ta viti cuáhán camún ndijáá cáye ñuu játacún na ndahví xihún na réncō xihún na cúaá. Cañehún na quisún yoho ná cuxu na”, naçachi xitoho dá cán xihún dá. ²² Tá nañdihí já naṣahan mozo cán já naçaja da ña naçachi xitoho da xihún dá. Ta tá nañdicó coo da já naçachi da já xihún xitoho da: “Sa naçaja i tá ín naçahnda ndó nuú i. Joo yójó tá yójó nuú cuu canduu cháḡa na”, naçachi da xihún xitoho da. ²³ Anda já

naçachi xitoho da já xihún dá: “Cuáhán ndijáá cáye xihún ndijáá íchi ta xihún ña ndúsa játacún na ña ná quixi na já ná chutú vehe e. ²⁴ Jáchi ni in túhún toho táhan na naçana i quixi vehe e nu cuíti cán, a quixi ga na cajini na ña naçatáhan vehe e”, naçachi da xihún mozo da —naçachi Jesús.

Ndítahan jándacoo í ndá ña ndáyahvi nu yo tá ta mé a ndaa cuni yo candico yo Jesús

(Mt. 10:37-38)

²⁵ Cuaḡá ñayivi ndicó na jaṭa Jesús cuaḡan na. Anda já nañdicó coo játa nuú Jesús já naçachi a já xihún ná:

²⁶ —Ndá na cuni jácuaha xihún i xini ñuhú quihvi ini cháḡa na yeḡe a juú ga táta na xihún náná na. Ta xini ñuhú quihvi ini cháḡa na yeḡe a juú ga ñajhí na á jahvi na á ñani na á quiahva na. Ta xini ñuhú quihvi ini cháḡa na yeḡe a juú ga mé ná. ²⁷ Ta ndá na co ndicó yeḡe saḡá ña yihvi na quivi na, mé a ndaa coḡ saḡá toho na cacuu na cuénta yeḡe. ²⁸ Tá cuni ndó cavaḡa ndó in vehe jíco ña cája ndó quea tavá vaha ndó cuénta ña á queta jjuhún ndo á a quéta já ná jáxinu ndó ña. ²⁹ Jáchi tá ná a táva jihna ndó cuénta ta casáhá ndó cavaḡa ndó vehe ndó joo tá nañdihí co quéta ga jjuhún ndó ña ná jáxinu coo ndó ña já quea cacahan nuú ndo jáchi casáhá ñayivi cuacu ndaa na ndohó. ³⁰ Já cachi na já xihún ndo: “Taa jan naçasáhá da cavaḡa da vehe da joo coo naçuu jáxinu dá ña”, já cachi na cuacu ndaa na ndohó —naçachi Jesús.

³¹ Anda já naçachi tucu Jesús já:

—Tá ná cani táhan in rey, da cómi uxu mil soldado xihún inga rey, da cómi oco mil soldado já quea xini ñuhú ndicani vaha ini da ña á cuu quee vaha da xihún da inga rey cán tá ná quihvi táhan da xihún dá. ³² Ta tá naṭavá vaha da cuénta ña a cuú quee vaha da xihún rey, da cómi oco mil soldado cán jaṇḡa xicá va ín da já chindahá da java naṭaa ña ná cuhún da caça da ñamaní nuú inga rey cán ña ná ndico va tondohó. ³³ Quiahva já ín ri xihún ndohó va. Ndá ndohó, na co cuni jándacoo tóco ndihi ña cómi ndo saḡá yeḡe já quea coḡ saḡá toho ndó cacuu ndó cuénta yeḡe —naçachi Jesús.

Cáḡan Jesús ña tá jándacoo ñayivi íchi cuénta mé a cuú ná táuhun ñii, ña co ohva ga

(Mt. 5:13; Mr. 9:50)

³⁴ Anda já naçachi tucu Jesús já:

—Ña vaha ndivaḡa cúu ñii yivi na joo coo chuun toho a tá co ohva ña. ³⁵ Mé ñii, ña co ohva ga jan ni co váha ña jácana i nu ñuhú yo jáchi co ndáhá toho ñuhú yo cája ña. Ña cája na xihún ñii jan quea sátá va na ña. Na ín johō, ná cuni johō na —naçachi Jesús.

15

Sácú Jesús quiahva sahá in ndicachi, rí nandiñúhú

(Mt. 18:10-14)

¹ Cuahá na játaca jjuhún cuénta impuesto xihín cuahá na cája cuachi ñacasahá na cáyati na nu íin Jesús jáchi cúní na cuni johó na nu cáhan mé á. ² Sahá ña cán queá ñacasahá na fariseo xihín na jánaha ley Moisés cáhan núu na sahá. Já cáchi xihín táhan na já:

—Taa jan ndiquehe vaha da ñayivi cája cuachi ta xíxi da xihín ná —cáchi xihín táhan na cán.

³ Anda já ñasacu Jesús in quiahva nu ná já ñacachi a já xihín ná:

⁴ —Mé ndó tá cómi ndo in ciento ndicachi ta tá in cuiti ndiñúhú in ndicachi jana ndo ña cája ndó queá jándacoo ndó comí jíco sahan comí rí cán yúcu ta já queé ndó cuahan ndó ndinducú ndó rí nandiñúhú cán janda quiahva ndiñehe ndó rí. ⁵ Ta tá ndiñehe ndó rí já cávata ndo já quehe ndó rí chínúu ndó rí sahá jíquí ndo vaxi ndó. ⁶ Ta tá xínu cōo ndó vehe ndó já játaca ndó ñani táhan ndó xihín na xini táhan xihín ndó. Já casahá cáchi ndó já xihín ná: “Xini ñúhú cajji íni ndó xihín i jáchi cajji íni i sahá ña nandiñehe e ndicachi janá i, rí nandiñúhú cán”, cáchi ndó xihín ná. ⁷ Mé a ndaa ná cahan i xihín ndo ña quiahva já ta janda chága ví cajji íni na ndúu indivi tá jándacoo in ñayivi cuachi cája na a juú ga sahá comí jíco sahan comí ñayivi, na cája tá cája ña vaha.

Sácú Jesús quiahva sahá in jjuhún, ña nandiñúhú

⁸ Ta viti ná cahan tucu u inga quiahva xihín ndo. In ñañáha nasahjin uxu jjuhún caa ña yahvi ndivaha nu ña. Ta tá ndiñúhú in táhan ña cán já ndicahmi ña ñúhu ta tíhvi ña vehe ña jáchi ndíhi ini ña ndinducú ña ña ta víi víi ndinducú ña ña janda quiahva ná ndiñehe ña ña. ⁹ Ta tá sa nandiñehe ña ña já játaca ña ñani táhan ña xihín na xini táhan xihín ña já casahá cáchi ña já xihín ná: “Xini ñúhú cajji íni ndó xihín i jáchi cajji íni i sahá ña nandiñehe e jjuhún i, ña nandiñúhú”, cachi ña cán —ñacachi Jesús.

¹⁰ Anda já ñacachi tucu Jesús já:

—Mé a ndaa ná cahan i xihín ndó quiahva já cajji íni táto Ndióxi ndúu indivi tá jándacoo in ñayivi cuachi cája na —ñacachi Jesús.

Tá najándacoo in datqa tátá da ta naquee da cuahan xicá da

¹¹ Anda já ñasacu Jesús in quiahva nu ná já ñacachi a já:

—In datqa nasahjin ivi jahyi taa da. ¹² Ta da loho chá cán ñacachi da já xihín tátá da: “Taa i, á a váha ná ndicahnda va ndó ñaha cómi ndo já ná ndiquehe e ña cáni nuú

i ndiquehe e”, ñacachi da cán xihín tátá da. Anda já ñasahnda java tátá da ñaha, in táhnda ñaquehe mé dá ta in táhnda ñaquehe ñani da. ¹³ Ta chá va quívi nayaha já najíco ndihi da loho chá cán ñaha ña ñahehe dá nu tátá da ta xihín jjuhún ñacana cán ñaqueé da cuahan xicá ndivaha da chí ñuu tóho. Ta cán ñacasahá da jativí ndaja ñacuu johó da jjuhún da ña cája da ña núu. ¹⁴ Ta tá sa najativí ndihi da jjuhún da ña xínu in tama ndeé ndivaha mé nu íin da cán. Já ñacasahá naxinu joco nu dá ta ñacasahá cuíco da. ¹⁵ Anda já ñaqueé da ñasahan da ndúcu da chuun caja da nuú in datqa mé nu íin da cán. Ta ñasahan da cán chuun nu dá ña ná cuhun da candaa da cóchi janá da cán. ¹⁶ Ta tá cúní coo ndiava já cúní coo ña sáxi cóchi cán. Ta chí caxí da ña cán janda quiahva chutú tíxi da cúní da. Joo cō sahan na ña nu dá. ¹⁷ Anda já ñacasahá da ndicani ini da já ñacahan da já: “Cuahá chá mozo táhan na cája chúun nu tátá i chí yójo johó ñaha xixáhan na ta yóho xihí va yehé joco íin i. ¹⁸ Ña caja i queá ndicó cōo tucu u nu íin tátá i ta já cachi i já xihín ná: Tátá maní i, ñacaja i cuachi nu Ndióxi ta ñacaja rí cuachi nu ndóho va. ¹⁹ Ta chí cōo saha mí ví cacuu u jahyi ndó sahá ña ñacaja i. Ndiqhehe ndó yehé ná cacuu u tátuhun in mozo va ndó, já cachi i cuhun i nu tátá i”, ñacahan da. ²⁰ Anda já ñaquehe da íchi cuanúhu dá vehe tátá da.

Ta janda xicá va vaxi da já naxini tátá da mé dá já nandicuni a da. Ta ñatahvi ini a saha dá. Já xínu a ñasahan ñehe a da já ñanumi a da ta ñatati yúhu a sajóho da. ²¹ Anda já ñacachi da já xihín tátá da: “Tátá maní i, ñacaja i cuachi nu Ndióxi ta ñacaja rí cuachi nu ndóho va. Ta chí cōo saha mí ví cacuu u jahyi ndó”, ñacachi da xihín tátá da. ²² Ta ndaja coo tátá da ñacasahá cahan xihín java ga mozo já ñacachi a já xihín ná: “Cama ndó ta tavá ndó jáhma, ña vaha ta jácandixi ndó jahyi i. Ta chicaan ndó in jéhe nducú ndáha dá. Ta chicaan ndó ndusa saha dá. ²³ Ta cañehe ndó chélo, rí ndató ñandaha jan já ná quívi rí cuxú jáchi caja i in víco viti. ²⁴ Jáchi jahyi i yóho tá ñaqueé da cuahan da ñacahan i naxihí da. Joo viti nandicó cōo da nuú i. Sahá ña cán cúu á tátuhun nanditacu tucu da. Ñasacuu da tátuhun da nandiñúhú joo viti ñandee va da”, ñacachi tátá da cán. Anda já ñacasahá na cája na víco.

²⁵ Joo ndaja coo da cúu ñani da, da saçuaha chága cán, ndacaan da cája chúun da yúcu va. Ta tá nandicó cōo da já naxini johó da tívi musica ta cáxita sahá na. ²⁶ Anda já ñacana da in da cája chúun cán já ñandaça tühún ñahá da ndía cúu. ²⁷ Anda já ñacachi da cája chúun cán xihín dá: “Cúu víco jáchi nandicó cōo ñanún. Ta ñasahda tátuhun chuun ña ná quívi chélo, rí ndató ñandaha

cán jáchi cájijí íni nã ñã ñacasaa vaha ñanún ta coó a nandoho da”, ñacachi da cán. ²⁸ Joo ndaja coo da saçuahã cán najoo da ta chí coó ñaxeen da quihvi da nu cúu víco cán. Sahá ñã cán ñaqueta tátá da jata véhe já cáhan ndahví a xihín dá ñã ná quihvi da. ²⁹ Andá já ñacasáhá cáchí da já xihín tátá da: “Táá í, sã cándaã vaha ini ndó ñã sã cuahá ndivaha cujá cája chúun í nu ndo ta cája í tóco ndihi ñã sáhdá ndó nuú í caja í. Joo ni in túhún toho tañu coó ñasahan ndó ni in tijúhu loho nuú í ñã ná caja í in víco loho cuxu u xihín na xini táhan xihín í. ³⁰ Joo viti ñasahní ndó chélo, rí ndató ñandaha jan, ñã cája ndó víco jáchi ñacasaa ñani í jan. Ta mé da jan ñaxica nuu da najátiví ndaja ñacuu da jjuhún ndo xihín ñajihí xica jiji”, ñacachi da cán xihín tátá da. ³¹ Andá já ñacachi tátá da já xihín dá: “Candehé jahyi a. Mé a ndaa ní tiempo ún xihín í. Ta ñaha mé vún cúu ndihi ñã íin nuú í. ³² Joo mé a ndaa ndítahan nu yo caja í víco ta cájijí íni yo viti jáchi ñandicó coo ñanún, mé da ñacahán yo ñã ñaxihí. Ta viti ñacasaa da cúu á tátuhun ñanditacu tucu da. Ñasacuu a tátuhun ñandihúh dá joo ñandihéhe yó da viti”, ñacachi a cán xihín jahyi a —ñacachi Jesús.

16

Ndindaa chuun ndáha in mozo jáchi coó ñacaja vaha da nuú xitoho da

¹ Andá já ñasacu tucu Jesús inga quiahva nuú na xica tuun xihín á. Já ñacachi a já xihín ná:

—Ñasahjin in tãa cujá ta ñasahjin in da ndáá ñaha da. Joo java ñayivi ñasahan ña chácan na cuachi jata dá nuú xitoho da ñã játiví ndaja ñacuu johó da ñã cúu ñaha xitoho da. ² Andá já ñacana xitoho da mé dá já ñacachi da já xihín dá: “Johó cáchí ñayivi ñaquixi na cáhan ñã sahan sahá ñã cán quéa táxi í cuéntá nuun ñã ndicanún nuú í ndaja cáa chuun ñacajún jáchi ndindaa chuun ndáhan ta a cácuu gaún da ndáá ñaha í”, ñacachi xitoho da cán xihín dá. ³ Andá já ñacasáhá da cúu mozo cán ndicani ini da já ñacahán dá já: “Ndíã caja í viti jáchi ndindaa va chuun ndahá í caja xitoho í. Ta co ndéé toho í caja í chuun vee. Ta tá ná caca nuu í cuati í ta cacahan va nuú í. ⁴ Sã xini ví ndíã caja í já ná ndiquehe vaha ñayivi yehé vehe na tá ná ndindaa chuun ndahá í caja xitoho í”, ñacahán dá. ⁵ Andá já ñacana da tá in tá in ñã yicá nuú xitoho da. Ta tá ñaxinu da nu cuítí cán nu dá já ñandaca tuhún ñahá da já ñacachi da já xihín dá: “Ndaja yícun nuú xitoho í”, ñacachi da xihín da yicá cán. ⁶ Já ñanducú ñehe da cán tuhun já ñacachi da já: “In ciento lata síti yicá í nuú xitohún”, ñacachi da cán xihín dá. Andá já ñacachi da cúu mozo cán já xihín dá: “Candehé nu

tutu yóho ndáa ndaja yícun nuú xitoho í. Joo cacoo quíi jan ta cahyi ñã yícun ivi jico uxu lata síti cuítí va”, ñacachi mozo cán xihín da yicá nuú xitoho da cán. ⁷ Tá ñandihí já ñandaca tuhún da inga da yicá nuú xitoho da já ñacachi da já xihín dá: “Ta yóho ri ndaja yícun nuú xitoho í”, ñacachi da. Andá já ñanducú ñehe da yicá cán tuhun nu dá já ñacachi da já xihín dá: “In ciento maquila trigo yicá í nu dá”, ñacachi da cán. Andá já ñacachi tucu da ndáá ñaha cán já: “Candehé yóho ndáa ndaja yícun. Joo cacoo quíi jan ta cahyi ñã yícun comí jico maquila trigo cuítí va”, ñacachi da ndáá ñaha cán xihín dá. ⁸ Tá ñandihí já ñacachi xitoho da xihín dá ñã mé a ndaa cúu dá in da ndíchi jini jáchi xihín ñã ñacaja da cán candoo vaha da nuú ñayivi yicá nuú xitoho da vatí coó ñacaja vaha da nuú xitoho da —ñacachi Jesús xihín quiahva sácú a nuú ñã xica tuun xihín á cán.

Andá já ñacachi tucu a já xihín ná:

—Ñayivi cátóo canduu vaha ñuyiví yóho xini vaha chága ñã ndaja cája na candoo vaha nu táhan na a juú ga ñã sã xica íchi cuéntá Ndióxi.

⁹ Ñayivi ndúu ñuyiví yóho cája na ñã núu xihín ñã comí ñã. Joo ndóhó, xini níhúh caja ndó ndinuhu ñã vaha xihín ñã comí ndo. Jáchi ñã jan quéa cúnj Ndióxi caja ndó. Jáchi tá ná xinu quiví quiví ndó já ndiquehe vaha na ndoghó indiví sahá ñã ñacaja vaha ndó xihín ñã ñasacomí ndo.

¹⁰ Ta ndá da xihín ndinuhu ini ndáá da ñaha da vatí loho cúu á quiahva já caja ri da candaa da ñaha da tá cuahã cúu á. Joo ndá da co ndáá da ñaha da xihín ndinuhu ini da vatí loho cúu á quiahva já a cánda vaha da ñaha da tá cuahã cúu á. ¹¹ Ta tá co ndáá vaha ndó ñaha ñuyiví yóho já quéa ni Ndióxi a quiahva toho a ñaha cuéntá indiví nu ndo jáchi a cátiãvha ndó candaa ndó ñã. ¹² Ta tá co tiãvha ndó candaa ndó ñã ñasahan too inga na nu ndo, ñaha ñã a cúu ndiquiahva na ñã cacuu ñaha mé ndó nu ndo jáchi a cátiãvha ndó candaa ndó ñã.

¹³ Ni in túhún toho mozo a cúu caja chúun nuú ivi xitoho. Jáchi candají da in xitoho da ta inga xitoho da quihvi ini chága da. Á tá coó ta caja ndiví vaha da chuun nuú in xitoho da ta inga da cán a cája chúun vaha da nuu. Ta quiahva já in ri xihín ndóhó va jáchi a cúu caja cáhnu ndó Ndióxi tá chínuu ndó inima ndó jatá jjuhún ndo —ñacachi Jesús.

¹⁴ Ta nu cáhan Jesús cán ndíta na fariseo, ñã cátóo ndivaha jjuhún táa johó na nu cáhan mé á. Ta ñacasáhá ñã sácú ndaa na Jesús. ¹⁵ Andá já ñacachi Jesús já xihín ná:

—Cája ndó tátuhun cúu ndó ñayivi vaha nuú ñayivi joo sã xini vaha Ndióxi inima ndo. Ndá ñã cáhvi ini ñayivi ndáyahví chága, ñã

jan quéa cõ ndáyahvi nu Ndióxi —nacachi Jesús xihín ná.

Ndíttahan nuú ñayivi caja na ña nasahnda Ndióxi anda quiaqha ná naa saha ñuyivi xihín indivi

¹⁶ Anda já nacachi tucu Jesús já:

—Janda tá cámani xinu Juan, da nacaja ndúta ñayivi já nasahjin ley Moisés xihín ña najánaha na profeta sanaha. Joo viti ndijáá ndicuita nuu tuhun Ndióxi cuahan ña vaxi quivi cacomi Ndióxi cuéntá sahá ñayivi. Ta ndá na cúni ndiquiahva na mé ná ndáha Ndióxi ndítahan nu ná ndihi ini na ndihvi na íchi cuéntá mé á.

¹⁷ Joo janda quiaqha ná naa saha ñuyivi xihín indivi ndítahan nuú ñayivi caja na tóco ndihi ña sáhná ley. Jáchi janda vaha chága ín a ná ndihi sahá ñuyivi xihín indivi a juú ga ña ná ndihi sahá in tuhún tuhun ndácaan nu ley Moisés —nacachi Jesús.

Tá jándacoo táhan na sa natandaha (Mt. 19:1-12; Mr. 10:1-12)

¹⁸ Anda já nacachi tucu Jesús já:

—Tá jándacoo in daṭaa ñajihí da ta tándaha dá xihín inga ñañáha já quéa cája da cuachi nu Ndióxi. Ta ndá da tándaha xihín in ñañáha, ña najándacoo yí, cája ri da cán va cuachi nu Ndióxi —nacachi Jesús.

Ña nandoho in da cuicá xihín ña nandoho in da nani Lázaro

¹⁹ Ndicani Jesús nuú ñayivi já nacachi a já xihín ná:

—Nasahjin in da cuicá ta a juú quiaqha vaha jáhma nasandixi da ta chí a juú quiaqha ñúchí nacaja cutú da vehe da jáchi ndijáá ní quivi nasacaja da víco nu xixáhan cuicá ndivaha da. ²⁰ Ta nasahjin in da ndahví nani Lázaro. Quíhvi da ta ndóho da cuehe ndihi táhyi. Ta ndahví cáa da ín coo da nu ñúhu yuyéhe da cuicá cán. ²¹ Ta mé da ndahví yóho cúni da jáchutú da tíxi da xihín ña ndícava nu mesa da cuicá cán. Ta xihín ña ndéé quíhvi da ndahví yóho chí janda tina xinu coo ri yáco ndaa ri nuú ndihi nanana ní da cán. ²² Ta ndaja coo in quivi naxihí da ndahví cán. Já naxinu táto Ndióxi já ñehe na da cuahan da coo da indivi nu ín Abraham. Ta jári da cuicá cán va naxihí da ta nasahan na najánduxu ná da. ²³ Ta nani ndóho ini da cuicá cán ndácaan da indayá já nandíhehe da nuú dá. Já naxini xicá da Abraham. Ta naxini da ín Lázaro xihín dá. ²⁴ Anda já nacasáhá da cuicá cán cáyuhú da já nacachi da já: “Tátá Abraham, candahví loho ini ndó yehe. Ta ná chindahá ndó Lázaro ná quixi da yóho quiaqha loho da ticuú jándaxi loho da yaá i jáchi ndóho ndivaha ini i indayá yóho nu cáyi ñuhú ita.” ²⁵ Anda já nacachi Abraham já xihín dá: “Jahyi a, xini ñuhú ndicuhun inún ña vaha ndivaha nasahjún

ñuyivi. Ta Lázaro yóho ndahví ndivaha nandoho da ñuyivi sahá ña cán quéa cõ ndóho ga ini da yóho viti nani ndóho inún jan viti. ²⁶ Ta a cuu saṭa toho Lázaro nu ín jan jáchi ín in táhvi cúni ndivaha tañu ndehe, na ndúu xoo chóho xihín ndóho, na ndúu xoo chí jan. Sahá ña cán quéa a cuú cuhun na ndúu xoo chóho chí jan ta ni na ndúu xoo chí jan a cuú quixi xoo chóho”, nacachi Abraham xihín da cán. ²⁷ Anda já nacachi da cuicá cán já xihín Abraham: “Tá ta já ta caja loho ndó ñamani, tátá Abraham ña ná chindahá loho ndó Lázaro ña ná cuhun da vehe tátá i ²⁸ ná cahan loho da xihín na vehe e. Jáchi ndúu uñun ñani i ta cõ cúni i ña ná quixi na cán yóho ndoho ini na tá quiaqha ndóho ini i viti”, nacachi da cuicá cán xihín Abraham. ²⁹ Joo nanducú ñehe Abraham tuhun nu dá já nacachi da já xihín dá: “Sa ín va ley nacahí Moisés xihín ña nacahí na profeta nuú na cán. Vaha va ná caja na ña cáchi a”, nacachi Abraham xihín dá. ³⁰ Anda já nanducú ñehe da cuicá cán tuhun nu Abraham já nacachi da já xihín dá: “Mé a ndaa quéa cahan ndó jan, tátá Abraham. Joo vaha chága ná chindahá ndó in táhan na sa naxihí já ná cahan na xihín ñani i já ná jándacoo cama na cuachi cája na”, nacachi da xihín Abraham. ³¹ Anda já nacachi tucu Abraham já xihín dá: “Tá cõ cúni ñanún caja da ña nacahí Moisés xihín ña nacahí na profeta quiaqha já a cándusa toho ri na ndiquehe vaha na in ndji tá ná nditacu a cuhun a cahan xihín ñanún”, nacachi Abraham xihín da cuicá cán —nacachi Jesús xihín ñayivi.

17

Tá jácahan táhan ñayivi caja na cuachi (Mt. 18:6-7, 21-22; Mr. 9:42)

¹ Anda já nacachi Jesús já xihín na xica tuun xihín a:

—Níi tiempo quixi ñaha ña cája ña ná ndicají ini ñayivi caja na cuachi. Joo ndahví nacuu na tá ná jándicava na inga na nuú cuachi. ² Janda vaha chága ná candico in yuú vojó jico ná ta ná ndihi saha ná cahá tañuhú a juú ga ña jándicava na na ndahví yóho nuú cuachi. ³ Cuéntá coo ndó xihín ña cája ndó.

“Tá ná caja ñani táhan ndó cuachi nu ndo, jánani ndó da. Ta tá ná táhvi ini da sahá cuachi nacaja da, caja cáhnu ini ndó saha dá. ⁴ Ta vatí usa táhndá ná caja da cuachi nu ndo in quivi ta já vaxi tucu da nu ndo usa táhndá ta já cásahá cáchi tucu da xihín ndo ña a ndicó coo ga da caja da ña já ndítahan nu ndó caja cáhnu ini ndó saha dá —nacachi Jesús.

Cúni na xica tuun xihín Jesús candéé cáhnu chága ini na mé á

⁵ Tá nandihí já ñacachi na xíca tuun xihín Jesús cán já xihín á:

—Vá ná caja ndó ñá ná candeeé chága ini nde ndohó —ñacachi na xihín á.

⁶ Anda já ñacachi Jesús já xihín ná:

—Tá ná candeeé ini ndó yehe vatí cúú á tátuhun in ndiquí mostaza cuu cachi ndó xihín in yito cáhnu ñá ná cuhun dó candichi dó ini tañuhú ta chí já ndusa coo.

Ñá ndítahan caja in da nuú xitoho da

⁷ Tá íin in mozo ndo ta chindahá ndó da yúcu ñá ná tiin da yata á candaa da quítí janá ndo ta tá ná ndicó cōo da cán já ama ná cachi ndó xihín dá ñá ná yaha da cacōo da nu mesa cuxu da. ⁸ Ñá caja ndó queá cachi ndó já xihín dá: “Jácátahan ñaha ná cajini i ta caja ndívi ná cuxu u. Ta tá sa nandihí ñaxixi i já cuxu mún tá cúnun”, ñá jan va queá cañan ndó xihín mozo ndo. ⁹ Ta ama ná ndiquiahva ñayivi ndixahví nu mozo ná tá nandihí ñacaja da in chuun ñasahnda na nu dá caja da. ¹⁰ Ta quiahva já ndítahan coo ri xihín ndóhó va. Tá ná ndihi ñacaja ndó tóco ndihi chuun ñasahnda Ndióxi nu ndo já ndítahan nu ndó cachi ndó já: “Mé nde cúú nde mozo cōo saha ta ñacaja cuití va nde chuun ndítahan nuú nde caja nde”, já ndítahan cachi ndó —ñacachi Jesús xihín na cán.

Tá ñandaja vaha Jesús uxu ta ndóho cuēhe táhyi

¹¹ Ta nani xíca Jesús cuañan chí ñuu Jerusalén já nayaha chí xoo nu íin lindero na Samaría xihín na Galilea. ¹² Ta tá ñaxinu cōo a in ñuu loho já ñaqueta uxu ta ndóho cuēhe táhyi nu á joo ñasacuita xíca da nu á. ¹³ Já ñacasáhá cáyuhú da nu Jesús já ñacachi da já xihín á:

—Jesús, maestro, candáhvi loho ini ndó ndehe —ñacachi da xihín Jesús.

¹⁴ Tá ñaxini Jesús ndíhuxu da cán já ñacachi a já xihín dá:

—Cuáhán ndó ñaha ndó mé ndó nuú na cúú jutú —ñacachi Jesús xihín dá.

Ta nani xíca ndihi da cuañan da ñandivií yiquí cuñu da ta ñandindaa cuēhe da. ¹⁵ Ta ndaja coo in táhan ndíhuxu da cán tá ñaxini da ñá ñandivií yiquí cuñu da já ñacavatá ndivaha da. Ta ñacasáhá da cája cáhnu da Ndióxi cáyuhú cóhó da já ñandicó cōo da nu Jesús. ¹⁶ Já ñacaxití da nu á jandá quiahva ñaxinu taan da nu ñúhú jáchi ndiquiahva ndivaha da ndixahvi nu á. Ta mé ñataa yóho cúú dá da Samaría. ¹⁷ Anda já ñacachi Jesús já xihín dá:

—Uxu cúú da ñandivaha ñacaja i. Joo in da cán cōo ñaxeen toho da ndicó cōo da ndiquiahva da ndixahvi nuú i. ¹⁸ In túhún da tóho yóho cuití va cúú da ñandicó cōo ndiquiahva ndixahvi nu Ndióxi —ñacachi Jesús.

¹⁹ Anda já ñacachi Jesús já xihín ñataa cán: —Candichi ta cuáhán. Ñandivahún jáchi ñacandúsún yehe —ñacachi Jesús.

Ndaja coo tá ná xinu cōo quivi cacomí Ndióxi cuéntá sahá ñayivi (Mt. 24:23-28, 36-41)

²⁰ Ta ndaja coo na fariseo ñacasáhá na ndaca túhun na Jesús ñá ndá ama casáhá Ndióxi cacomí a cuéntá sahá ñayivi. Anda já ñanducú ñehe Jesús túhun nu ná já ñacachi a já xihín ná:

—A cúu cuni ndó nuú cacomí Ndióxi cuéntá sahá ñayivi. ²¹ Cōo toho ñayivi cachi xihín ndo: “Yóho íin a”, á “Caa íin a.” Mé a ndaa ná cañan i xihín ndo sa ñaxinu va quivi ta viti tañu mé ndó ñacasáhá cómi Ndióxi cuéntá sahá ñayivi —ñacachi Jesús xihín na fariseo cán.

²² Anda já ñacasáhá cáchi a já xihín na xíca tuun xihín á:

—Vaxi quivi tá cúni ndó cuni ndó yehe, da ñachindahá Ndióxi nduu ñayivi vatí ná coo i in quivi cuiti va. Joo a cōo toho i xihín ndo. ²³ Ta queta ñayivi cachi xihín ndo: “Yóho íin da.” Á tá cōo ta cachi na xihín ndo: “Cán íin da”, cachi na xihín ndo. Joo coto a cūhun ndó candehé ndo. A cáncico ndó jata ná cūhun ndo. ²⁴ Jáchi tá ná xinu ndusa quivi quixi yehe já cuni ndó quixi i tá quiahva quixi tasa. Ta ndijáá ñayivi cuni na ndá quiahva ndiyehe a tá xoo tá xoo. Quiahva já coo tá ná xinu quivi quixi yehe, da ñachindahá Ndióxi nduu ñayivi. ²⁵ Joo jihna ñúhú ndítahan nuú i ndoho ndivaha ini i. Ta a juú quiahva candají ñayivi ndúu tiempo viti yehe. ²⁶ Tá quiahva ñasahiin tiempo tá ñasahiin Noé sanahá quiahva já coo ri tá ná xinu cōo quivi quixi ri yehe, da ñachindahá Ndióxi nduu ñayivi. ²⁷ Jáchi mé tiempo cán xixi na ta xíhi na ta cája na vicó tándaha jandá quiahva ñaxinu quivi ñaquihvi Noé ini barco cáhnu. Já ñaxinu javi quini ndivaha ta ñajahvi ñuyivi xihín ticuú já ñaxihí ndihi ñayivi ñasanduu tiempo cán. ²⁸ Ta quiahva já ñasahiin ri mé tiempo tá ñasatacu Lot sanahá. Jandá joho cáxixi ñayivi ta jandá joho cáxixi na ta jandá joho xéen na ñaha ta jandá joho jíco na ñaha ndúu na jandá joho cáxutu na ta jandá joho cávaha na vehe na. ²⁹ Ta tá ñaxinu quivi ñajándacoo Lot ñuu Sodoma cán já ñaqueta da cuañan da xihín na vehe da já ñacuyu ñúhú xihín yuu cáyi chí indívi tá já ñaxihí ndihi ñayivi ñasanduu cán. ³⁰ Quiahva já caja ñayivi mé tiempo já jáchi ndíhi ini na catacu na jandá quiahva xinu cōo quivi quixi tucu yehe ñuyivi yóho, mé da ñachindahá Ndióxi nduu ñayivi.

³¹ Ta ndá ndó, na ndúu jata véhe ndó mé quivi já a quihvi ndó ini vehe ndó ñá tavá ndó ñaha cómi ndo. Ta ndá ndó, na

ndúu yúcu a ndíxi ndó vehe ndó. ³² Ndítahan ndicuhun ini ndó ndaja nandoho ñá cúu ñájíhí Lot jáchi ñacava játa nuu ña sándehe ñá ña najándacoo ñá ta já nandihí saha mé ñá cán. ³³ Ndá na chinúu ínimá játa ñaha ñuyivi yóho, na cán cúu na ndihí saha. Joo ndá na ndíquiahva mé ndáha mí i ta íin tiahva na quivi na sahá i, na cán cúu na catacu anda ama cáa quivi.

³⁴ Mé a ndaa ná cahan i xihín ndo ña tá ná xinú quivi cán ja ndiquehe e na cúu cuéntá mí i. Cacuu a tátuhun tá ndúu ívi na quíji na in xito ta in na ndiquehe e ta inga na candoo va sahá ña coo ñacandusa na mí i. ³⁵ Ta tá ndúu ívi na ndíco na ta in ñá ndindita cuhun xihín i ta inga ñá candoo va. ³⁶ Ta tá ndúu ívi datáa yúcu xútu da ta in da ndindita cuhun xihín i ta inga da candoo va —ñacachi Jesús.

³⁷ Tá ñaxini joho na xíca tuun xihín Jesús ña yóho já nandaca tuhún na mé á já ñacachi na já xihín á:

—Ta ndachi yaha tóco ndihí ña cáchí ndó xihín nde yóho, xitoho.

Anda já ñacachi Jesús já xihín ná:

—Tá quiahva cája t̄yocó tá táca r̄i nu candúhu in quít̄i, r̄i ñaxihí quiahva já caha ñayivi taca na nuú i tá ná xinú quivi quixi i —ñacachi Jesús.

18

Tá ñaxica in ñá cuáan ñamaní nuú da cúu juéxe

¹ Nasacu Jesús in quiahva nu ná jáchi xihín quiahva yóho cúní a jánahá nu ná ña ní tiempo xini ñúhú caça tahví na nu Ndióxi ta co ndítahan cuénta ini na xihín á. ² Já ñacachi a já xihín ná:

—In ñuu ñasahiin in juéxe ta coo ñasahiin toni ñúhú da xihín Ndióxi ta ni co sáhní da mé dá cúu ñayivi. ³ Ta mé ñuu cán ñasahiin in ñá cuáan. Ta ndijáá ní quivi sahan ñá cahan ndahví ña xihín mé juéxe cán ña ná caha víi da sahá ña sahá in na co cúní táhan xihín ña. ⁴ Ta sa cuahá quivi ta já cúu va ñá sahan ña nu dá ta co cúní da caha víi da saha ña. Joo tá nandihí já ñacahan da já: “Vatí coo toni ñúhú i xihín Ndióxi ta ni co sáhní i mí i cúu ñayivi ⁵ joo já caha tá caha víi i saha ñá cuáan yóho jáchi jándihí ndivaha ñá yehe sahá ña cán ndiquehe e saha ña já ná a quixi ga ñá jándihí ñá ini i”, ñacahan da cúu juéxe cán —ñacachi Jesús xihín ná.

⁶ Anda já ñacachi Jesús já xihín na ndúu cán já:

—Na yóho queá ñacachi juéxe, da co ñehe ínimá vaha cán. ⁷ Joo cáhu ga ví ñaha caha Ndióxi tá ná ndiquehe a sahá na cúu cuéntá mé á tá xíca tahví na nu á ñuu ta ndiví. Jáchi ndátí tiahva chindee a na cúu cuéntá mé á. ⁸ Mé a ndaa ná cahan i xihín ndo ña ívi laa ndiquehe mé á saha ná. Joo in ñaha cúní

ndaca tuhún i ndohó. Á ndíñehe e ñayivi cándeé ini na yehe tá ná xinú quivi quixi tucu u ñuyivi yóho —ñacachi Jesús xihín ná.

Sácu Jesús quiahva sahá in da fariseo xihín sahá da játaca jiuhún cuéntá impuesto

⁹ Anda já ñasacu Jesús inga quiahva nuú java ñayivi, na ndíñehe jíco mé, na cáhan ña mé cúti na cája ña vaha. Ta já ñacasáhá cáchí a já xihín ná:

¹⁰ —In tañu ívi taa ñasahan da veñuhu caça tahví da nu Ndióxi. In táhan da cán cúu fariseo ta inga da cán cúu da játaca jiuhún cuéntá impuesto. ¹¹ Ta nani xíca tahví da fariseo cán nu Ndióxi cándichi da já cáchí da já: “Tátá Ndióxi, ndíquiahva i ndixahvi nu ndo jáchi co cája i tá quiahva cája java ga ñayivi. Jáchi java na cája cuihá ná ta quini cája na ta cátoó na coo na xihín ñájíhí ñani táhan na. Ta jári ndíquiahva i ndixahvi nu ndo jáchi co cája i tá quiahva cája da játaca jiuhún cuéntá impuesto yóho. ¹² Jáchi yehe ívi tañu xijuhun i in in semana ta tá cháhi na yehe sahá chuun cája i já cávaha i uxu táhndá tá já jóco i in táhndá nu mé ndó”, cáchí da fariseo cán. ¹³ Joo da játaca jiuhún cuéntá impuesto cán xíca xíca ñasandichi da ta chí ni nuú dá co cúní da ndíñehe da indiví sahá ña cáhan da ña coo sahá dá caha da ña. Ña cája da queá cání da yíca ndíca da tá já cáchí da já xíca tahví da nu Ndióxi: “Tátá Ndióxi, cándahví ini ndó yehe jáchi cúu u in da cája cuachi”, cáchí da. ¹⁴ Mé a ndaa ná cahan i xihín ndo ña ñacaja cáhu ini Ndióxi sahá da játaca jiuhún cuéntá impuesto já cuanúhu va da joo coo ñacaja cáhu ini a sahá da fariseo cán. Ñacaja cáhu ini Ndióxi sahá da játaca jiuhún cuéntá impuesto jáchi ndá na ndíñehe jíco mé jánuu ndáha Ndióxi na. Joo ndá na jánuu mé nu Ndióxi já jándíñehe jíco mé á na —ñacachi Jesús xihín ná.

Cája yii Jesús na valí
(Mt. 19:13-15; Mr. 10:13-16)

¹⁵ Ta cuahá ñayivi ñehe na na valí ñaxinu coo na nu Jesús já ná cáni ndaa ndáha á na. Joo tá ñaxini na xíca tuun xihín Jesús cán ña yóho, ñacasáhá na cája cuéhe na xihín mé na ndáca na valí cán. ¹⁶ Joo ñacana Jesús na já ñacachi a já xihín ná:

—Quiahva ndó ñamaní ná quixi na valí nuú i. Ta a cáji nuu ndó nu ná jáchi cacomí Ndióxi cuéntá sahá ñayivi tá ná caha na tá quiahva cája na valí yóho. ¹⁷ Mé a ndaa ná cahan i xihín ndo ndá na co cúní ndíquiahva na mé ná ndáha Ndióxi tátuhun cája na valí yóho já queá a cúu cacomí Ndióxi cuéntá saha ná —ñacachi Jesús xihín ná.

Cáhan in da cuicá xihín Jesús
(Mt. 19:16-30; Mr. 10:17-31)

¹⁸ In táhan da sáhná chuun cán nandaca tuhún da Jesús já ñacachi da já xihín á:

—Maestro, mé ndó cúú ndó ʔa vaha ña cán queá ndáca ʔuhún i ndohó ndía ndítahan caja i já ná ñehe táhvi i cʔhún i indiví coo i andá ama cáa quívi —naçachi da xihín Jesús.

¹⁹ Andá já naçachi Jesús já xihín dá:

—Ndá cuéntá queá cáchún xihín i ña cúú u da vaha. Ni in túhún toho ñayivi cʔ cúú ná na vaha ñuyiví yoho. In túhún Ndióxi cuití va queá vaha. ²⁰ Sa xini vún ña sáhdá Ndióxi nuun cajún já cáchi a já: “Coto a coun xihín ñájihí á yí ñani táhún. Coto a cáchún ndí. Coto a cája cuíhún. Coto a cáchún ña ʔuhún sahá ñayivi. Ta caja cáchún tátún nánún” —naçachi Jesús xihín da cuicá cán.

²¹ Andá já nanducú ñehe da cán ʔuhun nu Jesús já naçachi da já xihín á:

—Janda ʔa loho i naçasáhá i cája i tóco ndihí ña sáhdá Ndióxi caja i —naçachi da xihín Jesús.

²² Tá naixiní johó Jesús ña naçachi da yoho xihín á já naçachi a já xihín dá:

—Inga ñaha cámaní cajún: Cuáhán jicún tóco ndihí ñahún jan ta ndicahnda jjuhún jan nuú na ndahví já ñehe táhvi coo cuahá ñahún indiví. Ta tá nandihí já quisún candicún yehe —naçachi Jesús xihín dá.

²³ Tá naixiní johó da cuicá cán ña naçachi Jesús xihín dá já naçacuéha ndivaha ini da jáchi in cuahá ndivaha ñaha dá. ²⁴ Tá naixiní Jesús ña naçacuéha ini da cuicá cán já cáchi a já:

—Ndaja yáncá ndivaha cáa já ndiquihva na cuicá mé ná ndáha Ndióxi ña ná cacomí a cuéntá saha ná. ²⁵ Jáchi janda cama chága cuu yaha in camello ini in yávi saha yitucú a juú ga ña ná ndiquihva in na cuicá mé ná ndáha Ndióxi ña ná cacomí a cuéntá saha ná —naçachi Jesús.

²⁶ Tá naixiní johó ñayivi ndíta cán ña naçachi Jesús já naçachi na cán já:

—Ndá na cúú na cuu caçu ndaa inima, dá já.

²⁷ Andá já naçachi Jesús já xihín ná:

—Ndióxi queá cuu caja tóco ndihí ñaha vatí ñayivi a cuú caja na ña —naçachi Jesús xihín ñayivi ndúu cán.

²⁸ Andá já naçachi Pedro já:

—Candehé ndo, xitoho i. Ndehe najándacoo nde tóco ndihí ña nasacomí nde ta ndíco nde ndohó —naçachi da xihín Jesús.

²⁹ Andá já nanducú ñehe Jesús ʔuhun nu dá já naçachi a já:

—Mé a ndaa ná cahan i xihín ndo ña ndá na jándacoo vehe á tátá náná na á ñani na á ñájihí na á jahyi na sahá ña cúnj na ña ná cacomí Ndióxi cuéntá saha ná, ³⁰ na cán cúú na ñehe cuahá chága ñaha ñuyiví yoho jata tóco ndihí ña najándacoo na. Ta vaçi quívi já ñehe táhvi ri na catacu na indiví andá ama cáa quívi —naçachi Jesús.

Cáxi ʔuhun tucu Jesús ña quívi a

(Mt. 20:17-19; Mr. 10:32-34)

³¹ Tá nandihí já natavá xóo Jesús ndihuxu ivi na xica tuun xihín á cán. Já naçachi a já xihín ná:

—Viti cohó chí ñuu Jerusalén nuú xinu coo tóco ndihí ña naçahyi na profeta sahá yehe, da nachindahá Ndióxi nduu ñayivi. ³² Jáchi mé ñuu cán tiin na yehe já ndiquihva na yehe ndahá na tóho. Cuacu ndaa na yehe. Canahá na xihín i. Cuihna ndaa na tóji na yehe. ³³ Cani na yehe. Ta tá nandihí já cahni na yehe. Joo tá ná yaha uní quívi já nditacu tucu u tañu ná na xihí —naçachi Jesús.

³⁴ Joo na xica tuun xihín á cán ni loho coo naçandaa ini na ña cúnj Jesús cachi a xihín ná. Jáchi cúú á ñaha ña coo naçuu candaa ini na saha.

Tá nandaja vaha Jesús in da cuáá ñuu Jericó

(Mt. 20:29-34; Mr. 10:46-52)

³⁵ Tá naçayati Jesús ñuu Jericó cán ta yati jín íchi nu xica mé á cuahan cán in coo in da cuáá sáti da. ³⁶ Ta tá naixiní johó da ña yaha cuahá ñayivi cuahan na já naçasáhá da ndáca ʔuhún da ndía cúu. ³⁷ Andá já naçachi na já xihín dá:

—Jesús, da ñuu Nazaret, da cán cúú da yaha cuahan yoho —naçachi na xihín dá.

³⁸ Andá já naçasáhá da cuáá cán cáyuhú da já cáchi da já:

—Jesús, da naquixi chichi David, caja ndó ñamaní candahví loho ini ndó yehe —cáchi da.

³⁹ Joo ñayivi, na cánúu cuahan xihín Jesús cán naçasáhá na cája cuehe na xihín dá ña ná caji da yuhú dá. Joo ví ga ví naçasáhá da cáyuhú da já cáchi tucu da:

—Ndóhó, da naquixi chichi David, caja ndó ñamaní candahví loho ini ndó yehe —cáchi da cáyuhú da.

⁴⁰ Andá já naçandichi Jesús já nasahnda chuun ña ná cañehe na da cuáá cán nu á. Ta tá naxinu da nu á já nandaca ʔuhún a da. ⁴¹ Já naçachi a já xihín dá:

—Ndía cúnun ná caja i xuhun —naçachi Jesús xihín dá.

Andá já nanducú ñehe da cuáá cán ʔuhun nu á já naçachi da já:

—Ndaça ndehé e cúnj i, xitoho i —naçachi da.

⁴² Tá nandihí já naçachi Jesús já xihín dá:

—Candehé viti. Nandivahún jáchi cándéé inún yehe —naçachi Jesús xihín dá.

⁴³ Chí ivi laá nanuna nuú da cuáá cán. Ta chí a juú quihva cája cáchnu da Ndióxi. Ndíco da Jesús cuahan da. Ta jari tóco ndihí ñayivi tá naixiní na ña yoho já naçasáhá na cája cáchnu na Ndióxi.

19

Tá cáhan Jesús xihín in da nani Zaqueo

¹ Tá nandihí já nandihvi Jesús ñuu Jericó cán já xíca mahñú ñuu cuahán. ² Ta cán ñasahjín in da cuicá nani Zaqueo, da cúú da sacuahá nuú na jatáca jjuhún cuéntá impuesto. ³ Ta cúní da cuni da Jesús joo a cyú cuni ñahá da jáchí cáti cuahá ndivaha ñayivi nu Jesús. Ta mé dá co xínu coo da cuni ñahá da jáchí cúú dá da ndhí. ⁴ Chí xínu da ñacanúú da nuú ñayivi cuahá cán já ñandaa da nuú in yító yati mé jún íchi, mé nuú yaha Jesús cán ña ná cuni ñahá da. ⁵ Ta tá ñayaha Jesús yati sahá yító cán já nandínehe nuú á nu cánúu da cán. Já ñacachi a já xihín dá:

—Zaqueo, cuánuu quí jáchí cúní coo tóo i vehún quívi viti —ñacachi Jesús xihín dá.

⁶ Anda já ndáva nihni Zaqueo ñanuu da nu yító cán. Já cávatá da nandiquehe vaha da Jesús cañehe da a cuahán da xihín á vehe da. ⁷ Joo tá ñaxini tóco ndihí java ga ñayivi cán ña yóho já ñacasahá na cáhan nuu na sahá Jesús. Ta cáchi na ña cuahán mé á coo tóo a vehe in datáa, da cája cuahá cuachi. ⁸ Ta tá sa ndúu ndihí na vehe Zaqueo já ñandaça ndichí Zaqueo já ñacachi da já xihín Jesús:

—Candehé ndo, xitoho i. Cahnda java ndaa i ñaha cómí i ta já ndicahnda i ña nuú na ndahvi. Ta ndá na ñacaja cuihná i ñaha, na cán quiahva i comí táhnda chága ñaha nuú jáchí najándahvi i na —ñacachi Zaqueo cán.

⁹ Anda já ñacachi Jesús já xihín dá:

—Quívi viti cája cáhnu ini Ndióxi sahá cuachi da yóho xihín cuachi na vehe da jáchí xihín ña ñacaja da yóho viti náha ña mé a ndaa cándeé ini da Ndióxi tá quiahva ñacaja Abraham. ¹⁰ Ta yehe, da ñachindahá Ndióxi nduu ñayivi ñaquixi i ndinducú u ña xíca nuu cája cuahá cuachi jáchí cacu ndaa ínimá ná cúní —ñacachi Jesús xihín ná ta já ñaquee a cuahán tucu a íchi chí ñuu Jerusalén.

Tá ñasahan in dataa jjuhún da nuú uxu mozo da

(Mt. 25:14-30)

¹¹ Ta nani xini johó ñayivi ña cáhan Jesús já ñasacu mé á in quiahva nu ná jáchí cáyati chága mé á ñuu Jerusalén cuahán. Ta mé ñayivi ndíco cuahán cán ñacahán na ña tá xínu coo a ñuu Jerusalén cán chí ivi laá va casahá Ndióxi cacomí a cuéntá sahá ñayivi vatí a juú a já. ¹² Anda já ñacachi Jesús já xihín ná:

—Ñasahjín in dataa, da cúú jahyi in rey. In quívi ñaquee da cuahán xicá da ña ndicojo da chuun cacuu da rey. Tá nandihí ñasacu ini da nuhú da ñuu da. ¹³ Joo tá cámaní nuhú da já ñacana da uxu mozo da. Ta ñasahan da in in jjuhún nuú in in da cán ta mé jjuhún cán cúú á ña íin ndivaha yahvi. Anda já

ñacachi da já xihín mozo dá: “Caja ndó ndahvi xihín jjuhún yóho janda quiahva ná xínu quívi ndicó coo tucu u quixi i”, ñacachi da xihín mozo da. Já ñaquee da cuanúhu dá. ¹⁴ Ta ndaja coo ñayivi ñundáhyi xicá cándaji na da. Sahá ña cán queá ñachindahá na in táhnda táto ña ná cachi na xihín táta da ña co cúní toho na ña ná cacomí da cán cuéntá sahá ná. ¹⁵ Joo já nandicojo da cán chuun cacuu da rey mé ñundáhyi xicá. Ta tá ñaxínu coo da cán já ñasahnda da chuun ña ná cuhun na cana na mozo da, da ñasahan da jjuhún nu cán. Jáchí cúní da candaa ini da ndaja jjuhún ñañehe in in da cán jatá jjuhún da. ¹⁶ Tá nandihí já ñaxínu coo in táhan da ñañehe jjuhún cán nu dá já ñacachi da já: “Candehé ndó, xitoho i. Ñasahan ndó in jjuhún nuú i ta viti ñanduu a uxu”, ñacachi da. ¹⁷ Anda já ñanducú ñehe da cúú rey cán tuhun nu dá já ñacachi da já xihín dá: “Vaha ndivaha ñacajún xihín ña yóho. Náha ña mé a ndaa cuún in mozo vaha jáchí ñacaja ndihún tá íin ñacachi i xuhún cajún xihín jjuhún i vatí loho queá ñasahan i nuún caju chún. Ta viti caju i ña ná cacomún cuéntá sahá uxu ñuu”, ñacachi rey cán xihín dá. ¹⁸ Tá nandihí já ñaxínu coo inga táhan da ñañehe jjuhún cán nu dá já ñacachi da já: “Candehé ndo, xitoho i. Ñasahan ndó in jjuhún nuú i ta viti ñanduu a uhn”, ñacachi mozo cán. ¹⁹ Anda já ñacachi da cúú rey já xihín dá: “Vaha ñacajún sahá ña cán queá caju i ña ná cacomún cuéntá sahá uhn ñuu”, ñacachi rey cán xihín dá. ²⁰ Ta tá nandihí já ñaxínu coo inga táhan da cán já ñacachi da já: “Candehé ndo, xitoho i. Yóho íin mé jjuhún ñasahan ndó nuú i. Ñachicaan vaha i ña nu jáhma i ²¹ sahá ña yihvi i ndohó. Jáchí cúú ndó in taa cuehe ndivaha. Ta cátoó ndó ndiquehe maní uun ndó ñaha. Ta cátoó ndó ña ná caju chún inga ñayivi já jandá xínu uun ndó ndiquehe ndó ñaha ñañehe ná jatá chuun cája ndó”, ñacachi mozo cán. ²² Anda já ñanducú ñehe da cúú rey cán tuhun nu mozo da já ñacachi da já xihín dá: “Co cuún in mozo vaha nuú i. Xihín tuhun cáhún chícaún cuachi jatun jáchí co cúnun caju chún sahá i. Cáchún ña xini vahún cúú yehe in da cuehe ndivaha ta cátoó i quehe e jiqui jjuhún i vatí coo ñacaja chún i sahá. ²³ Sahá ña cán queá ndá cuéntá queá coo ñasahan tóun jjuhún i, dá já. Já queá tá ná ndicó coo i já ná ndiquehe e jiqui á nuú na cán, nduu”, ñacachi rey cán xihín mozo da. ²⁴ Tá nandihí já ñacachi tucu rey xihín java ga ñayivi ndíta cán já: “Candaa ndó jjuhún ndáha dá ta quiahva ndó ña nuú da cómí uxu a jan”, ñacachi da cúú rey cán. ²⁵ Anda já ñacachi na ndíta cán já xihín rey: “Candehé ndo, xitoho i. Ndá túní quiahva ri nde jjuhún yóho nuú da sa cómí uxu a cáa jáchí sa cuahá va jjuhún cómí da cáa”,

naçacchi na xihîn rey cân. ²⁶ Já naçacchi rey cân já: “Mé a ndaa ná cahan i xihîn ndo, ña ndá na sa ín ñaha nuu, mé na cân ñehe táhvi ná coo chága ña nu ná. Joo ndá na coó ñaha nuu sahá ña co cája chúun na já queá janda ña loho cómi na ndindaa”, naçacchi rey cân. ²⁷ Ta naçacchi tucu da já: “Cuáhán ndó quehe ndó ñayivi quini, na co cuni yehe, na coó naheen ña ná cacomí i cuéntá sahá na cân já ná quixi na. Ta cahni ndó na ná quivi na nuu táhyí i”, naçacchi rey cân —naçacchi Jesús ndicani a nuú ñayivi.

Ndihvi Jesús ñuu Jerusalén
(Mt. 21:1-11; Mr. 11:1-11; Jn. 12:12-19)

²⁸ Tá nandihvi naçacchi Jesús ña yóho xihîn ná já naquehe tucu a íchi xíca cuahán chí ñuu Jerusalén. ²⁹ Ta tá sa naçinu coo a jiní yúcu yitó olivo cân nuú ja chá xinu coo a ñuu Betfagé xihîn ñuu Betania cân já naçahnda chuun nuú ivi táhan da xíca tuun xihîn á cân. ³⁰ Já naçacchi a já xihîn dá:

—Cuáhán ndo ñuu loho ndácaan jan. Ta tá ná xinu coo ndó jan ndifehe ndó in búrró ndíco ndaa jan, rí á ñaha yii ndaa na. Ndaxí ndó rí ta cañehe ndó rí quixi ndó. ³¹ Ta ndá na ná ndaça tuhún ndohó ña ndá cuéntá queá ndaxí ndó rí já cachi ndó já xihîn ná: “Mé a cúu xitoho nde xini ñúhú a rí”, cachi ndó xihîn ná —naçacchi Jesús xihîn da cân.

³² Já naquehe ndívi da cuahán da. Ta tá quiahva naçacchi Jesús coo chí quiahva já ndusa naçahin. ³³ Jáchi nani ndaxí da búrró cân ndúu da já naçahan mé na xihîn jana rí cân saha rí já naçacchi na cân já:

—Ndá cuéntá queá ndaxí ndó búrró jana nde jan —naçacchi na cân.

³⁴ Anda já nanducú ñehe da xíca tuun xihîn Jesús cân tuhun nu ná já naçachi da já: —Ndaxí nde rí jáchi mé a cúu xitoho nde, xini ñúhú a rí —naçacchi da.

³⁵ Já naquehe da rí ñehe da cuahán da nu Jesús. Anda já naçhojó ñayivi jáhma ná jata rí já najándaa na Jesús jata rí. ³⁶ Ta nani xíca búrró cân cuahán rí xihîn Jesús já naçhinduu ñayivi jáhma ná íchi nuú yaha rí cân xihîn á. ³⁷ Ta yati ñuu Jerusalén, mé nuú ndíca yúcu nani yitó Olivo cân já naçasáhá cáyuhú tóco ndihí na cúu cuéntá mé á cân. Cája cáhnu na Ndióxi xihîn ña cájii íni na saha tóco ndihí ña náhnu naçini na naçaja Jesús. ³⁸ Já cáchi na já cáyuhú na:

—Ndicáhnu nahá ná cacuu da cómi cuéntá saha yo yóho jáchi cúu dá da vaxi yuhú nuu Ndióxi. Viti cájii íni na ndúu indiví. Cáhnu ná cacuu Ndióxi —cáchi na cáyuhú na.

³⁹ Anda já naçacchi java na fariseo ñúhu tañu ñayivi cân já xihîn Jesús:

—Maestro, janañi ndó na ndíco jata ndó yóho ná a cáyuhú cóhó na —naçacchi na xihîn Jesús.

⁴⁰ Joo nanducú ñehe Jesús tuhun nu ná já naçacchi a já xihîn ná:

—Mé a ndaa ná cahan i xihîn ndo ña tá ná catáji yuhú na yóho janda já yuu ndúu jiní íchi jan casáhá cayuhú a caja cáhnu a yehe —naçacchi Jesús.

⁴¹ Tá naçayati chága Jesús ñuu Jerusalén cân ta tá naçini a ñuu cân já naçasáhá táhvi ini a sácu a sahá. ⁴² Já naçacchi a já:

—Cúni jánaha i ndohó ndía ndítahan caja ndó já ná coo vaha ínimá ndó nu Ndióxi. Joo co cuni toho ndó candaá ini ndó ña. Ta viti a cúu ga candaá ini ndó ña. ⁴³ Jáchi vaxi quivi tá quixi na co cuni ndohó ta caji nuu na nu ndo ta cani táhan na xihîn ndo. Ta ni in xoo a cúu cunu ndó jáchi ní cúu caji nuu na cân já ná a quee ndó. ⁴⁴ Tá jandihí na saha ndo jáchi cahni na tóco ndihí ndó, na ndúu cân. Ta ni in yuu a cándoo jatá inga yuu jáchi ña cuyu cacuu ndihí a. Já ndoho ndó jáchi co candaá ini ndó ña naquixi i jácacu u ndohó já ná a ndihí saha ndo —naçacchi Jesús.

Tá naçaxi Jesús na ndúu jicó ñaha yehe veñuhu

(Mt. 21:12-17; Mr. 11:15-19; Jn. 2:13-22)

⁴⁵ Tá naçinu coo Jesús ñuu Jerusalén cân já nandihvi a veñuhu cáhnu ndácaan ñu cân. Já naçasáhá táxi a na ndúu jicó cân xihîn na ndúu xéen cân. ⁴⁶ Jáchi naçaja cuehe a xihîn ná ta já naçacchi a já:

—Já cáchi tuhun Ndióxi: “Vehe mí i cacuu a nuú quixi na caça táhvi na nuú i”, cáchi a. Joo ndohó nandai cuu ndó yóho cája cuíhá ndó nuú ñayivi —naçacchi Jesús.

⁴⁷ Ndijáá ní quivi sahan Jesús veñuhu cáhnu cân jánaha tuhun Ndióxi nuú ñayivi. Joo na cúu saçuaha nuú jutú xihîn na jánaha ley Moisés xihîn na saçuahá ñuu ndúcu na ndá quiahva caja na cahni ná Jesús. ⁴⁸ Joo co ñehe íni na ndaja caja na cahni na Jesús jáchi tóco ndihí ñayivi cúni na taa johu na nu jánaha Jesús.

20

Tá nandaça tuhún na Jesús ña yo sahan ñamaní nu á jánaha ñayivi

(Mt. 21:23-27; Mr. 11:27-33)

¹ Ta ndaja coo in quivi ndácaan Jesús veñuhu cáhnu jánaha ñayivi ndaja cuu cacu ndaa ínimá ná já naçinu na cúu saçuaha nuú jutú xihîn na jánaha ley Moisés ta catáhan rí na saçuahá veñuhu naçinu coo na xihîn ná nu ndácaan Jesús cân. ² Anda já naçacchi na já xihîn Jesús:

—Ndá saha queá jánahún ña yóho. Yo já sahan ñamaní nuun cajún ña cajún yóho —naçacchi na cân xihîn Jesús.

³ Anda já nanducú ñehe Jesús tuhun nu ná já naçacchi a já xihîn ná:

—Ndáca tuhún rí yehe va ndohó. Cachi ndó xihîn i: ⁴ Yo já naçindahá Juan ña

ná quixi da caja ndúta dá ñayivi. Á Ndióxi ñachindahá dá, á ñayivi ñachindahá ñahá — ñacachi Jesús xihín na cán ndáca tuhún a na.

⁵ Anda já ñacasahá ndítuhún xihín táhan na sacuaḡa cán já cáchi na já:

—Ndía cachi yó xihín Jesús yóho. Jáchi tá ná cachi ña Ndióxi queá ñachindahá Juan já nducú ñehe Jesús tuhún nu yó já cachi a já xohó: “Ndá cuéntá queá coó ñaxeen ndó candúsa ndó da, dá já”, cachi Jesús xohó. ⁶Ta tá ná cachi ñayivi va cúu na ñachindahá Juan já ndicuíta ñayivi ta cahní na mí xihín yuu. Jáchi tóco ndihi ñayivi cándaḡa vaha ini na ña Ndióxi queá ñachindahá Juan jáyaha da tuhún cáhan mé á nuú ñayivi —ñacachi xihín táhan na cán.

⁷Sahá ña cán queá ñacachi na xihín Jesús ña co xini toho na yo já ñachindahá Juan ña ná quixi da caja ndúta dá ñayivi. ⁸ Anda já ñanducú ñehe Jesús tuhún nu ná já ñacachi a já xihín ná:

—Ta ni yeḡe a cáxi tuhún i xihín ndó yo já ñasahan ñamaní nuú i caja i ña yóho —ñacachi Jesús xihín ná.

Sácu Jesús quiahva saḡa java mozo, da ñacaja quini xihín xitoho da
(Mt. 21:33-44; Mr. 12:1-11)

⁹Tá ndihi já ñacasahá Jesús cáhan xihín ñayivi ta já ñasacu a quiahva yóho nu ná já ñacachi a já:

—Ñasahín in dataa ta najándeḡe cuahḡa dá tó uva. Ta tá ñandihí já ñasahan ndojó na mé dó uva cán. Anda já ñaqueḡe da cuahḡan xíca dá cuahḡa tiempo. ¹⁰Ta tá ñaxinu coo tiempo jáqueḡe na uva nu dó uva ñaha dá cán já ñachindahá da in mozo dá ña ná cuḡun dá ndiqueḡe da uva, ri ndítahan nu dá ndiqueḡe da. Joo mé na cája chúun tóo ñuhú dá cán ñatiin na mé mozo cán ta ñacan na dá ta já cáa uun da ñandicó coo da ñacaja na. ¹¹Tá ndihi já ñachindahá mé dá xihín ñaha ñuhú cán inga tucu mozo dá. Joo quiahva já ñacaja ri na xihín dá cán va. Ñacanáḡa na xihín dá ta ñacan na dá. Ta já cáa uun da ñachindahá tucu na da nuú xitoho da. Coó ñaha ñasahan na nu dá. ¹²Ta mé dá xihín ñaha ñuhú cán ñachindahá tucu da inga mozo dá ta quiahva já ñacaja ri na xihín dá cán va. Najándicueḡe na dá ta já ñataxi na dá.

¹³Ta tá nu ndihí já ñacahan mé dá xihín ñaha ñuhú cán já: “Ña caja i viti queá chindahá i jahyi maní i jáchi cája i cuéntá coo toní ñuhú na xihín dá tá ná cuni na dá”, ñacahan mé dá xihín ñaha ñuhú cán. Ta tá ñandihí já ñachindahá dá jahyi máni dá. ¹⁴Joo tá ñaxini na cája chúun tóo ñuhú dá cán ña vaxi jahyi da já ñacachi xihín táhan na cán já: “Candehé ndó. Yóho vaxi dá cúu jahyi xitoho í. Ta tá ná xinu quivi quivi xitoho í ta dá yóho cacuu da ndicojo chuun saḡa

ñuhú yóho. Cóho cahní yó dá já ná candgo ñuhú yóho ndáḡa mí”, ñacachi xihín táhan na cán. ¹⁵ Anda já ñatavá na dá cúu jahyi xitoho cán jaḡa cútu ta cán ñasahní na dá —ñacachi Jesús.

Anda já ñandaca tuhún Jesús ñayivi ndúu cán já ñacachi a já xihín ná:

—Á co xini ndó ndía caja dá xihín ñaha ñuhú viti. ¹⁶ Ña caja da queá quixi da ta cahní ndihi da na ñacaja chúun tóo nu ñuhú dá. Já ndiquiahva da ñuhú dá nuú java ḡa na já ná caja chúun na nu á —ñacachi Jesús.

Tá ñaxini johó na ndíta cán ña yóho já ñacachi ndihi na já:

—Á candéḡe Ndióxi coo ña jan já —ñacachi na cán.

¹⁷Joo ñasandehé Jesús nu ná já ñacachi a já:

—Ta viti cachi ndó xihín i ndía cuni cachi tuhún Ndióxi tá cáchi a já:

Mé yuu ña najácana da cávaha vehe, ña cán cúu ña ñanduḡu yuu ndúhu saḡa vehe ña in cháḡa saḡa, cáchi tuhún Ndióxi.

¹⁸ Ta yeḡe cúu yú tátuhun in tóto cáhnu. Ta ndá na ná yaha ndicava jaḡa tóto cán chí chachi ndihi na. Quiahva já ndihi saḡa ñayivi tá co cuni na candúsa na yeḡe. Ta mé tóto cáhnu cán tá ná yaha ndicava jaḡa in ñayivi chícaji ndihí ñahá a cán. Quiahva já ndihi saḡa ñayivi ini indayá tá co cuni na candúsa na yeḡe —ñacachi Jesús.

Ndáca tuhún na Jesús á ndítahan nu ná chahvi na jihuín cuéntá impuesto
(Mt. 21:45-46; 22:15-22; Mr. 12:12-17)

¹⁹ Chí sa mé hora já cuni na cúu sacuaḡa nuú jutu xihín na jánaḡa ley Moisés cán tiin na Jesús jáchi ñacandaḡa ini na ña saḡa mé va na cán sácu Jesús mé quiahva nuú ñayivi cán. Joo coo ñatiin na Jesús jáchi ñayihví na ñayivi ndúu táa johó nu cáhan Jesús cán.

²⁰ Ña ñacaja na queá ñachindahá na java dataa ña ná cananí dá Jesús. Ta ndája da mé dá ña cúu dá ḡa vaha ndivaha joo coo cúu dá tá quiahva ndáa da. Ta xihín ña yóho cuni dá caiyati da nu Jesús ná candehé dá á yaha yúhu á cáhan ndá ñaha ña cuu cuḡun dá jicó tuhún dá mé á nuú dá cúu gobernador. ²¹ Sahá ña cán queá ñacayati da nu Jesús ta ñandaca tuhún dá mé á já ñacachi da já xihín á:

—Maestro, cándaḡa ini ndé ña cáhan ndó ta jánaḡa ndó ña ndaa. Ta cándaḡa ini ndé ña tá cáhan ndó saḡa in ñaha cája ñayivi cúu á saḡa ña sándeḡe ndó jandá inima ná. Ta cándaḡa ini ndé ña jánaḡa ndó ña ndaa saḡa íchi cuéntá Ndióxi. ²² Sahá ña cán queá cuni ndé candaḡa ini ndé viti á ndítahan nuú ndé chahvi ndé jihuín cuéntá impuesto nuú dá cómi cuéntá saḡa yo ñuu Roma, á co ndítahan toho nuú ndé caja ndé ña —ñacachi na cán xihín Jesús.

²³ Joo sã ñacandaa va ini Jesús ña cáhvi núu va ini na sahá ña cán quéa nanducú ñehe a tuhun nu ná já ñacachi a já xihín ná:

—Cándaa cáxi táhvi ini i ña cúnj ndó coto ndojó cuiti ndó yehe. ²⁴ Jánaha ndó in táhan jjuhún jan nuú i. Yo nahná ta yo quívi quéa ndaa nu á —ñacachi a xihín ná.

Já ñacachi na já:

—Ñehe a quívi xihín nahná da cómi cuénta sahá yo ñuu Roma —ñacachi na xihín á.

²⁵ Anda já ñacachi Jesús já xihín ná:

—Ndi quiahva ndó ñaha da cómi cuénta saha ndó ñuu Roma jan nu dá. Ta ndiquiahva ndó nu Ndióxi ña cúu ñaha mé á nu á —ñacachi Jesús xihín ná.

²⁶ Chí coó ñacuu caja na jándahvi na Jesús nuú ñayivi ndúu cán jáchi vii nanducú ñehe ndihi Jesús tuhun nu ná. Ta chí joh cátóntó ndihi ñayivi xihín quiahva nanducú ñehe Jesús tuhun nu ná. Chí ñacatáji na cán.

Ndáca tuhún na saduceo Jesús á mé a ndaa nditacu tucu ndii

(Mt. 22:23-33; Mr. 12:18-27)

²⁷ Tá nandihí já ñaquee java na saduceo cuahan na cahan na xihín Jesús. Ta mé na saduceo co cándusa na ña nditacu tucu na sa ñaxihí. Tá nasaa na nu ín Jesús já ñacachi na já xihín á:

²⁸ —Maestro, nu ley ñacahvi Moisés sanahá natahnda chuun ta cáchi a já: “Tá tándaha in dataa xihín ñájihí da ta tá coó jahyi ña cácu xihín dá ta tá ná xinu quívi quívi da já quéa cáchi ley Moisés ña nditahan tandaha tucu ñájihí da xihín da cúu ñani mé ndii cán já ná coo jahyi da cán xihín yuhú nuú ñani da”, já cáchi ley Moisés. ²⁹ Ta viti cuni joh ndó ná cacu nde in quiahva nu ndo. Nasahin usa ñani. Ta da nu cuiti cán natandaha dá. Joo nayaha tiempo ñaxihí da ta coó toho jahyi da ñacacu xihín ñájihí da. ³⁰ Anda já natandaha tucu ña cuáan cán xihín ñani chí jvi mé ndii cán. Joo ñaxinu quívi ñaxihí ri da yóho va ta chí coó jahyi da ñacacu xihín ña cán. ³¹ Anda já natandaha da chí unj cán xihín ña. Joo ni da cán ni java ga ñani da coó ñacuu cacu jahyi xihín ña. Ndihusa da natandaha xihín ña ta ndihusa da ñaxihí. Joo ni in da coó ñacacu jahyi xihín ña. ³² Tá nu ndihí já ñaxihí ri mé va ña. ³³ Ña cúnj nde candaa ini nde quéa, ndá da cacuu ndusa yí ña cán tá ná xinu quívi nditacu tucu ndii. Jáchi ndihusa va ñani da cán natandaha xihín ña —ñacachi na cán ndáca tuhún na Jesús.

³⁴ Anda já nanducú ñehe Jesús tuhun nu ná já ñacachi a já:

—Nani ndúu ñayivi ñuyívi yóho cuiti va tándaha ná. ³⁵ Jáchi ndá na nanditacu tucu ta ñañehe táhvi ná coo na indivi já quéa co tándaha na ta ni coó sahan toho na jahyi jíhi na tandaha ná. ³⁶ Jáchi mé cán cacuu na

tátuhun táto Ndióxi já a quívi ga na. Ta cacuu na jahyi Ndióxi jáchi sa nanditacu na tañu ndii. ³⁷ Ta sa xini yo ña nditacu tucu ndii jáchi já ñacachi Moisés sanahá tá ñacahvi da sahá ña ñaxini da tañu tohíñu, dó cándaha ñuhu cáyi cán. Tá ñacahan da sahá Ndióxi, ñacachi da ña janda viti cája cáhnu Abraham xihín Isaac xihín Jacob mé Ndióxi vatí ñaxihí na sanahá. ³⁸ Ta ña yóho cúnj cachi a ña tácu yí va Abraham xihín Isaac xihín Jacob vatí sa ñaxihí yiquí cuñu na. Jáchi tóco ndihi na cúu cuénta Ndióxi, tácu na nu mé á —ñacachi Jesús xihín ná.

³⁹ Anda já ñacachi java na jáñaha ley Moisés cán já xihín á:

—Vaha va ñacahan ndó, Maestro.

⁴⁰ Ta chí coó ñasahan ndee ga ini na ndaca tuhún chága na mé á.

Jánaha Jesús nuú ñayivi ña cúu Cristo taa ta cúu á Ndióxi

(Mt. 22:41-46; Mr. 12:35-37)

⁴¹ Anda já ñacachi Jesús já xihín ñayivi ndúu cán:

—Ndávaha cáchi ñayivi ña vaxi Cristo chíchi David. ⁴² Ta ndaa ini Salmos ña ñacahvi David já ñacachi da já:

Ndióxi quéa ñacachi já xihín xitoho i:

“Coo xoo cuáha i yóho,

⁴³ janda quiahva ná caja i ña ná cacomún cuénta sahá na co cúnj yohó”, ñacachi Ndióxi, já ñacahvi David sanahá.

⁴⁴ Ndávaha cáchi na ña vaxi Cristo chíchi David joo mé tiempo cán ñacachi David ña cúu á xitoho da —ñacachi Jesús.

Cáhan Jesús sahá cuachi na jáñaha ley Moisés

(Mt. 23:1-36; Mr. 12:38-40; Lc. 11:37-54)

⁴⁵ Tóco ndihi ñayivi ndúu cán ñaxini joh na tá ñacasáha Jesús cáchi a xihín na xíca tuun xihín á já:

⁴⁶ —Cuénta coo ndó xihín na jáñaha ley Moisés jáchi cátóo na cándixi na jahmá nánj caca nuu na. Ta cátóo na cahan toni ñuhú ndivaha ñayivi xihín ná tá xíca nuu na nuú yahvi. Ta tá cuahan na veñuhu cátóo na cacoo na nu sácoo na ín chága saha. Ta tá cuahan na víco cátóo na coo vaha na. ⁴⁷ Ta cándaa na vehe ñájihí cuáan. Ta tá nandihí cáni ndivaha cája na xíca táhvi na nu Ndióxi jáchi cúnj na jájahvi na nuú ña núu cája na. Mé a ndaa ná cahan i xihín ndo ña na jáñaha ley Moisés yóho cacuu na na ndoho chága ini caja Ndióxi nu ndihí —ñacachi Jesús.

21

Ña najoco in ña cuáan ndáhvi

(Mr. 12:41-44)

¹ Ta ndaja coo ndácaan Jesús ini veñuhu cáhnu cán ta sándehe a ndá quiahva táán na cuicá jjuhún ini sato nu jóco ñayivi jjuhún nu Ndióxi. ² Ta jári ñaxini a ñaxinu coo in

ñá cuáan ndáhví ta naṭaan ña iví jjuhún ña núu yáhví ini mé saṭo cán. ³ Andá já naçacachi Jesús já xihín na xíca tuun xihín á cán:

—Mé a ndaa ná caḥan i xihín ndo ña cuaha chága jjuhún naṣahan ña cuáan ndáhví yóho a juu ga tóco ndihi java ga na cán. ⁴ Jáchi tóco ndihi na java cán sahan na ña yójó nu va na. Joo ña cuáan ndáhví yóho naṣahan ña nu Ndióxi tóco ndihi ña cómi ña catacu ña —naçacachi Jesús.

Cáxi tuhun Jesús ña vaxi quivi ndihi saha veñuhu cáhu ndácaan Jerusalén cán (Mt. 24:1-2; Mr. 13:1-2)

⁵ Java ñayivi cán ndítuhún na sahá veñuhu cáhu ñuu Jerusalén ndita na. Ta ndítuhún na sahá yuu ndató ndivaha naçavaha veñuhu cán. Ta caḥan na sahá ñaha najoco ñayivi nu Ndióxi ndaa cán. Andá já naçacachi Jesús já xihín ná:

⁶ —Vaxi quivi ndihi saha tóco ndihi ña ndita ndó sándehe ndo yóho. Ta ni janda in yuu a cándoo jatá inga yuu ña nditani cacuu tóco ndihi ña yóho —naçacachi Jesús xihín ná.

Ña coo tá ná cayati quivi ndihi saha ñuyivi (Mt. 24:3-28; Mr. 13:3-23)

⁷ Andá já nandaça tuhún na Jesús já naçacachi na já xihín á:

—Maestro, ndá ama coo tóco ndihi ña yóho. Ta ndaja coo tá sa naçayati mé quivi cán —naçacachi na xihín Jesús.

⁸ Andá já naçacachi Jesús já:

—Cuénta coo ndó ta a quiahva ndó ñamaní jándahvi ñayivi ndoghó. Jáchi quixi cuahá ndivaha na cuénta mí i ta caḥan na ña tuhún tá cachi na já xihín ndo: “Yehe cúu Cristo, da naxindahá Ndióxi cacomí a cuénta sahá ñayivi.” Ta cachi na já: “Viti naxinu coo tiempo ndihi saha ñuyivi”, cachi na xihín ndo. Joo coto a cándúsa ndó candiço ndó jatá ná cuhun ndo. ⁹ Tá ná cuni joho ndó ña cáni táhan ñayivi ñuyivi yóho, a cáyihvi toho ndó. Jáchi ndúsa já ndítahan coo. Joo cámani yij va jáxinu coo quivi ndihi sahá ñuyivi —naçacachi Jesús xihín ná.

¹⁰ Andá já naçahán chága Jesús xihín ná já naçacachi a já:

—Ñayivi ndúu in nación ndicuía na caní táhan na xihín na ndúu inga nación ta caní táhan na in ñuu xihín na inga ñuu. ¹¹ Ta quixi cuahá ña taan tá sa naçayati quivi ndihi sahá ñuyivi. Ta quixi taṃa ndeé. Ta quixi cuehe nuú ñayivi ndúu cuahá ñuu. Ta chí catóntó ndivaha ñayivi cuni na ñaha náhnu chí indiví. Ta yihvi ndivaha na tá cuni na java ñaha xituhún ndivaha.

¹² Joo tá cámani xinu coo quivi coo tóco ndihi ña yóho já ndicuita ñayivi caja xixi na xihín ndó, na cándúsa yehe. Ta cañehe na ndoghó cuhun ndó ini veñuhu na ta cán caja vii na saha ndo sahá ña cándeé ini ndó yehe. Ta taán na ndoghó ini vecaa ta já cañehe na

ndoghó cuhun ndó cavií saha ndó nuú na cúu jutixia xihín nuú na cómi cuénta sahá ñayivi. Tóco ndihi ña yóho ndoho ndó sahá ña cándeé ini ndó yehe. ¹³ Ta xihín ña yóho cuu ñeḥe ini ndo caḥan ndó sahá i nuú na cán. ¹⁴ Ta a ndicani ini ndó saha ndá tuhun caḥan ndó saha mé ndó nuú na cán tá ná xinu ndó nu ná. ¹⁵ Jáchi mí i quiahva i tuhun nu ndo ta ndaja ndíchi i jiní ndo já ná cuu nducú ñehe vaḥa ndó tuhun nuú na cán. Ta chí a cuú quee vaḥa yuhú na cán xihín ndo. ¹⁶ Joo cuahá ñayivi jicó tuhún na ndoghó. Ta chí janda tátá ndo á ñani ndó á táhan ndó á na xini táhan xihín ndo, na cán cacuu na jicó tuhún ndoghó cuahá tañu. Ta java táhan ndó, na cándeé ini yehe quivi ndó caja na. ¹⁷ Ta ndijáá ñayivi ñuyivi candají na ndoghó sahá ña cándeé ini ndó yehe. ¹⁸ Joo ni in ñaha a ndóho ndó anda ni in iji jiní ndó a ndihi saha. ¹⁹ Ta tá coo naçuitá ndo xihín tóco ndihi ña núu caja na xihín ndo já xinu ndó canduu ndó indiví anda ama cáa quivi.

²⁰ “Tá ná cuni ndó ña naçava tiyivi soldado jatá ñuu Jerusalén ndúu da, xini ñúhú candaa ini ndó ña sa naxinu quivi ndihi sahá ñuu cán. ²¹ Ña ndítahan caja ndó mé quivi cán quea cunu ndó cuhun ndó chí yúcu tá ndúu ndó chí estado Judea. Ta ndá ndó, na ndúu ñuu Jerusalén xini ñúhú jándacoo ndó ñuu jan ta cunu ndó cuhun ndo. Ta ndá ndó, na ndúu yúcu, a ndíco coo ga ndó ndihvi ndó ñuu Jerusalén yóho. ²² Jáchi mé quivi já cacuu a quivi ndoho ini ñayivi já ná xinu coo tóco ndihi nuú ña naçacachi tuhun Ndióxi coo sañahá ndivaha. ²³ Ndáhví naçuu najihí tá ñúhu jahyi na mé quivi já. Ta ndáhví naçuu na tá ñehe ndaa na na valí táhan ña chíchi yij. Jáchi ndoho ndivaha ini ñayivi ndúu ñuyivi mé quivi já sahá ña xójo ndivaha ini Ndióxi xihín na cán. ²⁴ Java ñayivi quivi na caja soldado ta java na caṭo ná já cañehe na i cuhun na ndijáá chí ñuu tóho canduu na jáchi ndihi sahá ñuu Jerusalén yóho. Ta já quixi na ñuu tóho ta casahá na cañda na chuun nuú ñuu Jerusalén yóho janda quiahva ná xinu coo quivi cacu ini Ndióxi ña ná quee na tóho cán cuhun na.

²⁵ Andá já cuni ndó ña náhnu ndivaha chí nuú candii xihín nuú yoo xihín nuú quimi viti. Ta ñayivi ñuyivi yóho yihvi ndivaha na ta chí a cándaḡ ini na ndia caja na jáchi quini ndivaha taçu nuú ndicoco tañuhú. ²⁶ Ta chí janda quivi too ñayivi xihín ña yihvi na jáchi casahá ndicani ndivaha ini na saha tóco ndihi tondóho vaxi ñuyivi yóho. Jáchi janda mé candii xihín yoo xihín quimi ndiquiji nuu a. ²⁷ Andá já cuni ndó yehe, da naxindahá Ndióxi nduu ñayivi, quixi i tañu viço xihín tóco ndihi ndéé cáhu i ta chí ndiyihvi ndaa mé nuú quixi i. ²⁸ Tá ná casahá yaḥa tóco ndihi ña cáchi i xihín ndo

yóho, xíní ñúhú ndindeé ini ndó ta ndíñehe ndó nuú ndó jáchí sá ñacayati quívi jácaçu Ndióxi ndóhó cùhùn ndó coo ndó indiví — ñacachi Jesús xihín ná.

Sácu Jesús quíahva sahá títo ñúhú
(Mt. 24:32-35; Mr. 13:28-31)

²⁹ Andá já ñasacu a in quíahva nu ná já ñacachi a já:

—Xíní ñúhú candehé ndó ndá quíahva cája chúun in títo ñúhú, á ndá yíto ñacuu.

³⁰ Tá ná cuni ndó ñá jandá johó cana núma do já cándaq ini ndó ñá ñacayati tiempo javí.

³¹ Ta quíahva já tá ná cuni ndó ñá sa cúu yáha tóco ndíhi ñá cáchí i xihín ndó yóho já candaq ini ndó ñá sa ñacayati quívi casahá Ndióxi cacomí a cuéntá sahá ñayivi.

³² Mé a ndaa ná cahan i xihín ndó ñá cuni ñayivi ndúu mé tiempo já yáha tóco ndíhi ñá ñacachi i xihín ndó já quívi na. ³³ Mé a ndaa ñá cúu indiví xihín ñundáhyi yóho ndíhi sahá joo tuhun ñacahan yehe xihín ndó a ndíhi toho sahá jáchí coo tá coo tá íin ñacachi i xihín ndó coo.

³⁴ 'Cuéntá coo ndó. Xíní ñúhú candati tiaha ndó quívi quixi i ndiquehe e ndóhó. A cáca nuu ndó yóho cáa ñá caja ndó ñá cúní yiquí cuñu ndó. A cóho ndó caca nuu ndó. Ta a ndíhi nahá ini ndó ndicani ini ndó sahá ñaha ñuyívi yóho. ³⁵ Tá ná xinu quívi quixi i cacuu a tátuhun tá sácú jehé in datáa in trampa nuú in quítí sahá ñá cúní da tiin da rí. Mé quítí cán coo xíní rí ndáchí íin jehé trampa tiin ñahá cán. Quíahva já coo xíní ñayivi ndúu ñuyívi ndá quívi quixi tucu u ñuyívi yóho. ³⁶ Xíní ñúhú canduu tiaha ndó quívi quixi i. Níi tiempo xíní ñúhú cáca tahví ndó nu Ndióxi já ná ndindeé ini ndó tá ná quixi tóco ndíhi ñá yóho nu ndó ta já ná cuu xinu coo vaha ndó indiví já ná cuu coo vív ndó nuú yehe, da ñachindahá Ndióxi nduu ñayivi —ñacachi Jesús jánaha nuú ñayivi cán.

³⁷ Niní quívi ñasahíin Jesús ini veñuhu cáhnu jánaha tuhun Ndióxi nuú ná cán. Tá tá ñúú já sahan quíji a yúcu yitó Olivo cán.

³⁸ Ndijáá ní quívi naha chá ñaxinu coo ñayivi veñuhu cáhnu cán jáchí cúní na cuni johó na ñá jánaha Jesús nu ná.

22

Jándique táhan na tuhun na ñá cahní na Jesús

(Mt. 26:1-5, 14-16; Mr. 14:1-2, 10-11; Jn. 11:45-53)

¹ Ta yati tandaa víco pascua tá xíxi ñayivi pan ñá coo quée yusá ñaxiaq xihín. ² Já ñacasahá na sacuaqa nuú jutú xihín na jánaha ley Moisés ndúcú na ndaja caja na cahní na Jesús. A cuú caja na cahní tívi na ñá jáchí yihví na canahá ñayivi xihín ná.

³ Joo ndaja coo tiñáhá sacuaqa ñandeta nuu rí ínima in táhan uxu iví da xíca tuun xihín Jesús. Mé da cán nani da Judas ta Judas Iscariote cahan na xihín dá. ⁴ Ta ñasahan Judas cahan da xihín na sacuaqa nuú jutú ta xihín na sacuaqa nuú policia ndáá veñuhu. Ta ñanditúhún da xihín ná ñá cuu caja da jíco túhún da Jesús ta ndiquíahva ñahá dá mé á nu ná. ⁵ Xihín ñá yóho ñacajíi íni na cán ta ñasahan na tuhun na nu Judas ña quíahva na jíhún nu dá. ⁶ Ta ñacandúsa Judas caja da ñá chí ñacasahá da ndúcú da ndaja caja da ndiquíahva da Jesús nuú na cán ta coo ñayivi ndúu xihín á.

Xíjini Jesús vicó pascua xihín na xíca tuun xihín á

(Mt. 26:17-29; Mr. 14:12-25; Jn. 13:21-30; 1 Co 11:23-26)

⁷ Natandaa mé víco tá xíxi na pan ñá coo quée yusá ñaxiaq xihín. Mé víco yóho ñasacaja na ñá tá nu cuía ta sáhní na ndicachi válí jóco na nu Ndióxi. ⁸ Mé quívi já ñasahnda Jesús chuun nu Pedro xihín nu Juan já ñacachi a já xihín dá:

—Cuáhán ndó caja ndívi ndó ñá cajíní vicó pascua —ñacachi a xihín dá.

⁹ Andá já ñacachi da cán já xihín á:

—Yo vehe cúní ndó cùhùn nde ná caja ndívi nde ñá cuxú.

¹⁰ Andá já ñanducú ñehe Jesús tuhun nu dá já ñacachi a já:

—Tá ná quíhvi ndó ñuu Jerusalén jan já cuni ndó in datáa ta ndójo da in yoo ticují cuahan da. Candico ndó jatá da cùhùn ndó janda quíahva cuni ndó ndá vehe quíhvi da.

¹¹ Ta já cùhùn ndó cahan ndó xihín mé da xihín ñaha vehe cán já cachi ndó já xihín dá: “Da jánaha ndehe cúu dá cáchí xuhun: Ndáchí íin nuú coo i cajíní i vicó pascua xihín na xíca tuun xihín i.” ¹² Andá já jánaha mé da cán in cuarto cáhnu ñá cánuu jíni vehe piso ñinu. Sa íin tiaha va ña. Cán caja ndívi ndó ñá cajíní —ñacachi Jesús.

¹³ Andá já ñaquee ndívi da cán cuahan da. Ta tá íin ñacachi Jesús xihín dá coo quíahva já ndusa ñasahíin. Ta chí ñajaja ndívi da tóco ndíhi ñá cajíní na vicó pascua.

¹⁴ Tá ñaxinu coo hora cajíní na já ñasacoo Jesús xihín tóco ndíhi na xíca tuun xihín á nu mesa. ¹⁵ Andá já ñacachi Jesús já xihín ná:

—Sa xíca ndivaha ini i cajíní i vicó pascua yóho xihín ndó nani íin tóo i xihín ndó jáchí vaxi quívi quívi i. ¹⁶ Jáchí mé a ndaa ná cahan i xihín ndó jandá ná xinu quívi cacomí Ndióxi cuéntá sahá ñayivi andá javí cajíní tucu u vicó pascua xihín ndó —ñacachi Jesús xihín ná.

¹⁷ Andá já ñatiin a in vaso nu ñúhu tó vva ta ñandiquíahva ndixahvi nu Ndióxi. Ta já ñacachi a já xihín na xíca tuun xihín á:

—Coho ndó dó ñúhu ini vaso yóho ta cahnda java ndó dó nu táhan ndó. ¹⁸ Jáchí a ndícó coo ga i coho i tó uva janda quiahva ná xinu coo quivi cacomí Ndióxi cuéntá sahá ñayivi —ñacachi Jesús xihin ná.

¹⁹ Tá nandihí ñatiin a pan ta nandiquiahva ndixahvi nu Ndióxi sahá. Anda já nasahnda java ña já nasahan ña nuú na xica tuun xihin á cán já ñacachi a já xihin ná:

—Mé pan yóho cúú á tátuhun yiquí cuñu i jáchí ndiquiahva i mí i quivi i sahá ndihí ndó. Xini ñúhú caja ndó ña yóho ña ná ndicuhun ini ndó ña ñaxihí i sahá ndo —ñacachi Jesús xihin ná.

²⁰ Tá sa nandihí ñaxijini na ta já ñatiin a vaso nu ñúhu tó uva ta já ñacachi a já:

—Dó ñúhu ini vaso yóho cúú dó tátuhun ñí i jáchí cahni na yehe ta cuíta ñí i sahá ndihí ndó. Ta xihin ña yóho xinu coo nuú tuhun nasahan Ndióxi nuú ñayivi sanahá tá ñacachi a jácacu a ñayivi.

²¹ Cuni joho vaha ndó ná cahán i xihin ndo. Nu mesa yóho ñin coo dá jicó túhún yehe. ²² Jáchí janda sanahá nasacu ini Ndióxi ña ndítahan ndoho ini yehe, dá ñachindahá mé á nduu ñayivi. Joo ndáhvi ñacuu dá jicó túhún yehe —ñacachi Jesús.

²³ Xihin ña ñacachi Jesús yóho ñacasahá na xica tuun xihin á cán ndáca tuhún táhan na sahá ndá dá cúú dá sácú ini cuhun jicó túhún ñahá.

Nditúhún ihvi xihin táhan na xica tuun xihin Jesús

²⁴ Tá nandihí já ñacasahá nditúhún ihvi xihin táhan dá xica tuun xihin Jesús cán sahá ndá dá cúú dá ñin chága saha. ²⁵ Sahá ña cán queá ñacachi Jesús já xihin ndihí dá cán:

—Ndijáa ñuyivi sáhná rey chuun nuú ñayivi tá quiahva cuni mé dá. Ta jári cuni dá ña ná cachi ñayivi saha dá ña cúú dá dá cája vaha. ²⁶ Joo coo nditahan coo ña cán tañu mé ndó. Ña ndítahan caja ndó queá tá in ndó cuni ndó cacuu ndó dá ñin chága saha, xini ñúhú jánuu ndáha ndó mé ndó tátuhun dá loho chága nu ndihí ndó. Ta ndá dá cuni cahnda chuun, xini ñúhú cacuu dá tátuhun in dá cája ndívi nu mesa xitoho dá. ²⁷ Mé ndó sa cándaá vaha ini ndó ña ñin chága sahá dá ñin coo nu mesa á juú ga dá cája ndívi ñahá. Joo yehe najánuu ndáha i mí i ta ñanduu u tátuhun in dá cája ndívi nu ndo.

²⁸ Ndóhó cúú ndó na nasanduu tuun xihin i nu tóco ndihí ña ihvi ñaquixi nuú i. ²⁹ Sahá ña cán queá tá quiahva ñacaja tátá i ñamaní xihin i ña ná cacomí i cuéntá sahá ñayivi quiahva já caja i ñamaní xihin ndó ³⁰ ña ná nditútu ndó canduu ndó xihin i tá ná cacomí i cuéntá sahá ñayivi. Ta já ná cuu caja víi ndo sahá na ñaquixi ndihuxu

ivi táhná na ñaquixi chichi Israel —ñacachi Jesús xihin ná.

Cáxi tuhun Jesús ña chijehé tuhun Pedro ña xini dá mé á

(Mt. 26:31-35; Mr. 14:27-31; Jn. 13:36-38)

³¹ Anda já nandicahan Jesús já ñacachi a já xihin Pedro:

—Simón, cuni joho vahún. Jáchí ñaxica Satanás, mé tiñhá saçuaha ñamaní ña ná coto ndojó rí tóco ndihí ndó tá quiahva jáxixi na trigo. ³² Joo sa ñaxica tahví i nu Ndióxi saha yóho, Simón já ná a jándacoún ña cándeé inún yehe. Ta tá sa nandícó coo inún xihin ña cajún jan, ndítahan chindeún java ga na cándeé ini yehe já ná coo ndacú na íchi cuéntá mí i —ñacachi Jesús xihin dá.

³³ Anda já ñanducú ñehe Pedro tuhun nu Jesús já ñacachi dá já xihin á:

—Candehé ndo, xitoho i. Yehe sa ñin tiahva i cuhun i vecaa xihin ndo. Ta janda ná cahni na yehe xihin ndo tá cuni na jáchí sa ñin tiahva ví —ñacachi da xihin Jesús.

³⁴ Já ñacachi Jesús já xihin dá:

—Candehé Pedro ná cahán i ña ndaa xuhun. Mé quivi viti tá cámani cana chéle já uní tañu chijehé tuhún sahá i ta cahún ña co xini tohún yehe —ñacachi Jesús xihin dá.

Cáxi tuhun Jesús ña sa cáyati hora ndoho ini a

³⁵ Tá nandihí já ñandaca tuhún Jesús na xica tuun xihin á cán já ñacachi a já xihin ná:

—Jihna ñachindahá i ndohó cuhun ndó cahán ndó tuhun Ndióxi ta ñacachi i xihin ndo ña ná a cáñehe ndó yáti ni jiuhún ta ni inga ndusa a cáñehe ndó cuhun xihin ndo. Á ñandimaní ñaha nu ndo tá nasahan ndo já —ñacachi Jesús xihin ná.

Já ñacachi ná já:

—Ni in ñaha coo ñandimaní nuú nde —ñacachi na.

³⁶ Anda já ñacachi tucu a já xihin ná:

—Joo viti coo ga ña cán coo. Viti cáchi i xihin ndo ña tá ñin yáti nu ndo, xini ñúhú cañehe ndó ña cuhun ndo. Cañehe ndó jiuhún ndo tá ná quee ndó cuhun ndo. Ta tá coo machiti nu ndó, xini ñúhú jicó ndó jahmá ndeé ndo já cuen ndó machiti ña ná coo tiahva ndó. ³⁷ Jáchí sanahá ñacahyi a nu libro yíi Ndióxi ta sahá yehe ñacahan tá ñacachi a já: “Ñacachi ñayivi cúú dá ña quini sahá ña cán queá ñachitáhan na dá xihin ñayivi quini.” Tóco ndihí ña ñacahyi nuú tuhun Ndióxi sahá yehe sanahá xini ñúhú xinu coo a viti —ñacachi Jesús.

³⁸ Anda já ñacachi na xica tuun xihin á cán já:

—Candehé ndo, xitoho nde. Yóho ñehe nde ivi machiti —ñacachi na.

—Sa ñin vaha —ñacachi Jesús xihin ná.

Cuaħan Jesúš Getsemaní qaqa tǎhví a nu Ndióxi

(Mt. 26:36-46; Mr. 14:32-42)

³⁹ Tá nǎndihí já naqee Jesúš cuaħan yúcu yító Olivo nu sá saħan tuun a qaqa tǎhví a nu Ndióxi. Ta já ndícó ndihí na xíca tuun xihín á cán jatá cuaħan na. ⁴⁰ Ta tá sa naxinu ɔo na cán já naçachi a já xihín ná:

—Caqa tǎhví ndó nu Ndióxi já ná a ndícava ndó nuú cuachi tá ná coto ndojó tiñáhá ndohó —naçachi Jesúš xihín ná.

⁴¹ Tá nǎndihí já nařavá xóo Jesúš mé á tañu na cán já nařahan tátuhun in quiahva nu xinu ɔo in yuu tá jáni yó ña xihín ndáha yo. Quiahva já naçaxíca mé á tañu na cán já naçaxítí a xíca tǎhví a nu Ndióxi. ⁴² Já naçachi a já:

—Tátá Ndióxi, á cuu caja ndó ñamaní já ná a ndóho i ña jhví ndivaha ña vaxi nuú i ndoho i. Joo ná coo tá ín cúní mé ndó ná a ɔo toho ña cúní yehe —cáchi Jesúš xíca tǎhví a.

⁴³ Anda já naçanáha in tátó Ndióxi indiví já naxinu a sáhan tuhun ndeé ini Jesúš.

⁴⁴ Ta naçasáhá ndóho ndivaha ini Jesúš jáchi naçacuehá ini a. Saħá ña cán queá nanducú ndeé chága ví a xíca tǎhví a nu Ndióxi. Ta chí ndícaa mé teen a nu ñúhu ta dó cán cúú dó tátuhun ñiú cýu nu ñúhu.

⁴⁵ Ta tá nǎndihí naxíca tǎhví a nu Ndióxi já nandaca ndichi a já naqee a cuaħan nu ndúu na xíca tuun xihín á cán. Ta nǎnditahan mé á na ndúu na quíj na. A juú quiahva cándí ini na saħá ña cán nañaá ini na naqujji na. ⁴⁶ Anda já naçachi a já xihín ná:

—Ndá cuéntá queá quíj ndo ndúu ndó. Cuáhan ndacoo ndó ta caça tǎhví ndó nu Ndióxi já ná a ndícava ndó nuú cuachi tá ná coto ndojó tiñáhá ndohó —naçachi Jesúš xihín ná.

Tá nařtiin na Jesúš

(Mt. 26:47-56; Mr. 14:43-50; Jn. 18:2-11)

⁴⁷ Janda cáhan chá va Jesúš xihín na xíca tuun xihín á cán cándichi a já naxinu cuaħá ndivaha ñayivi nu ín a. Ta in táhan da uxu iví xíca tuun xihín á, da nani Judas cán, da cán cúú da ndáca ñayivi vaxi da. Ta naçayati da tatí yúhu dá sajóho Jesúš. ⁴⁸ Anda já naçachi Jesúš já xihín dá:

—Judas, tatí yúhun sajóho i tátuhun da quíhví ini yehe. Joo xihín ña cájun jan ndiquiahvún yehe ndahá na ɔo cúní yehe, da naçindahá Ndióxi nduu ñayivi —naçachi Jesúš.

⁴⁹ Tá nařini tóco ndihí na ndúu xihín Jesúš cán ña cúú já naçasáhá ndáca tuhún na mé á já naçachi na já:

—Á cúní ndó, xitoho nde ña ná ndicuřta nde xihín machiti caní táhan nde xihín ná —naçachi na.

⁵⁰ Joo in táhan da xíca tuun xihín Jesúš cán nařandicuehe da in da cúú mozo da saçuaha nuú jutú cán jáchi naçhitúhun dá johó xoo cuáha da. ⁵¹ Joo já naçachi Jesúš já xihín ná:

—Sa ín vaħa. A cáni táhan ndó xihín ná —naçachi Jesúš.

Tá nǎndihí já naçani ndaa ndáha mé á johó mozo cán já nandaja vaħa mé á da.

⁵² Ta naçasáhá cáhan Jesúš xihín na saçuaha nuú jutú cán xihín na saçuaha nu policia ndáa veñuhu xihín na saçuahá veñuhu cán, mé na naçasař tiin na Jesúš já naçachi a já xihín ná:

—Cája ndó xihín i tátuhun cája na xihín řa cuíhná jáchi naçqueta ndó vaxi ndó tiin ndó yehe xihín machiti ta xihín yító. ⁵³ Joo ɔo a ná caja toho ndó xihín i tá nařahin i tañu ndó veñuhu cán. Joo núna nu ndó viti caja núu ndó jáchi nařahan Ndióxi ñamaní ña ná tiin ndó yehe. Jáchi naçuaá viti ta chíndeé tiñáhá saçuaha ndohó caja ndó ña núu —naçachi Jesúš xihín na cán.

Tá naçijehé tuhun Pedro ña xini da Jesúš

(Mt. 26:57-68, 69-75; Mr. 14:53-54, 66-72; Jn. 18:12-18, 25-27)

⁵⁴ Anda já nařtiin na Jesúš. Já ñéhe na a cuaħan na vehe da cúú saçuaha nuú jutú cán. Ta xíca xíca ndícó Pedro jata ná cuaħan da. ⁵⁵ Ta tá naxinu ɔo ñayivi cán yuhú yéhe da cúú saçuaha nuú jutú cán já nandicahmi na ñúhu naçacoo na xítúni na. Já naxinu ɔo ri Pedro naçacoo da tañu na cán xítúni da. ⁵⁶ Joo ndaja coo in ñañáha cája chúun vehe jutú saçuaha cán nařini ña ín coo da xítúni da yávi nuhu cán. Ta naçasáhá sándehe ña nu dá já cáchi ña já:

—Da xíca tuun xihín Jesúš cúú ri da ín coo yóho va —naçachi ña cán.

⁵⁷ Joo naçasáhá Pedro chíjehé tuhun da já naçachi da já:

—Cándehe, ñañáha. ɔo xini toho i ndá da cúú da jan —naçachi Pedro xihín ña cán.

⁵⁸ Chá va ta nařini inga dařaa Pedro ta já naçachi da já xihín dá:

—In táhan da xíca tuun xihín Jesúš cáa cúú ri yóho va —naçachi da cán xihín Pedro.

Anda já naçachi Pedro já:

—Uhun. A juú toho táhan na cán cúú yehe —naçachi da.

⁵⁹ Ta tá sa nařaha tátuhun in hora já naçachi inga dařaa já:

—Mé a ndaa da xíca tuun xihín Jesúš cúú ri da yóho va jáchi cúú dá da estado Galilea.

⁶⁰ Anda já naçachi Pedro já xihín dá:

—ɔo xini toho i ndá saħa cáhun —naçachi Pedro.

Tá chí mé hora já nani cáhan Pedro xihín dařaa cán já naçana chéle. ⁶¹ Anda já nandicoto niñi Jesúš nařandehe a nu Pedro. Tá nandicuhun ini Pedro saħá tuhun naçachi Jesúš xihín dá tá cámaní tiin na a

tá ñacachi a já: “Mé quivi viti tá cámani cana chéle já uní tañu chijehé tuhún sahá i ta cahún ña co xini tohún yehe”, ñacachi a xihin dá. ⁶² Andá já ñaqueta Pedro cuahán da já ñacasáhá sácu ndivaha da.

Tá sácu ndaa na Jesús
(Mt. 26:67-68; Mr. 14:65)

⁶³ Ta java ña, da ndúu ndáá Jesús cán ñacasáhá da sácu ndaa da ña. Ta ñacani ñahá da. ⁶⁴ Ñachicaji da nuu á ta ñacani da jahnda nuu á já ñacasáhá da ndáca tuhún da mé á já cáchi da já xihin á:

—Cachi yo já ñacani jahnda nuu —cáchi da xihin á.

⁶⁵ Ta cuahá chága nuu ña núu cáhan na xihin á ña cáhahá na xihin á.

Ndája ndíchi na Jesús
(Mt. 26:59-66; Mr. 14:55-64; Jn. 18:19-24)

⁶⁶ Ta tá sa nativi já ñataca na sácuahá nuu na Israel cán xihin na sácuahá nuu jutú cán xihin na jáñaha ley Moisés cán viti. Já ñéhe na Jesús cuahán sa cavií sahá nuu ná cán. Ta tá sa ñanditútu ndihi na cán ndúu na já ñandáca tuhún na Jesús já ñacachi na já xihin á:

⁶⁷ —Caxi tuhun xihin nde á cúun Cristo, da ñachindahá Ndióxi cacomí cuéntá sahá ñayivi —ñacachi na xihin á.

Andá já ñacachi Jesús já xihin ná:

—Tá ajan ná cachi i xihin ndo ta chí a cándusa toho ndó yehe. ⁶⁸ Ta cája i cuéntá a cáhan ndó xihin i tá ná ndáca tuhún i ndóhó. Ta cája i cuéntá ni a cándusa ndó janí ndó yehe. ⁶⁹ Joo viti sa ñatandaa quivi cuhun yehe, da ñachindahá Ndióxi nduu ñayivi ta coo i xoo cuáha Ndióxi indivi jáchi íin ndéé mé á cája tóco ndihi ñaha —ñacachi Jesús xihin ná.

⁷⁰ Andá já ñacasáhá tóco ndihi na cán ndáca tuhún na mé á já ñacachi na já:

—Á jivi ndusa yóhó cúun in tuhún jiní já jahyi Ndióxi, dá já —ñacachi na.

Andá já ñacachi Jesús já xihin ná:

—Ajan. Jivi cúu u tá íin cáchi ndó jan —ñacachi Jesús.

⁷¹ Andá já ñacasáhá tóco ndihi na cán cáhan na já ñacachi na já:

—Co ndítahan ndinducú chága yó ñayivi cacuu testigo nuu ña cáhan da yóho jáchi sa xini joho i ña cáhan da ta chícáan da cuachi jata mé dá —ñacachi na cán.

23

Tá ñandiquihva na Jesús ndáha Pilato
(Mt. 27:1-2, 11-14; Mr. 15:1-5; Jn. 18:28-38)

¹ Andá já ñandáca ndíchi ndihi na cán já ñéhe na Jesús ñasahan na nu Pilato. ² Ta

cán ñacasáhá na chícáan na cuachi jata já ñacachi na já sahá:

—Natiin nde da yóho jáchi xica nuu da jándivaa da ñayivi ñuu nde. Cáchi da ña co ndítahan toho nuu nde chahvi nde jühún cuéntá impuesto nuu da cómi cuéntá sahá yó ñuu Roma. Ta cáchi da ña mé dá cúu dá Cristo, da chindahá Ndióxi cacomí cuéntá sahá ñayivi. Ta cáchi da cúu dá in rey —ñacachi na cán xihin Pilato.

³ Andá já ñandáca tuhún Jesús já ñacachi da já xihin á:

—Á mé a ndaa cúun in rey, da cómi cuéntá sahá na Israel —ñacachi da cán xihin Jesús.

Andá já ñacachi Jesús já xihin dá:

—Ajan. Jivi cúu u tá quiahva cáchi ndó jan.

⁴ Andá já ñandáca Pilato xihin na sácuahá nuu jutú cán ta xihin ñayivi ndúu cán já ñacachi da já:

—Co ndíñehe mí vi ndá cuachi quéa ñacaja da yóho —ñacachi Pilato.

⁵ Joo ñayivi cuahá cán ñacasáhá cáyuhú cóhó chága na já cáchi na já:

—Mé da jan ñaxica nuu da jándivaa da tóco ndihi ñayivi estado Judea xihin ña jáñaha da nu ná. Ta jandá Galilea ñacasáhá da jándivaa da ñayivi. Ta viti ñaxinu da ñuu nde cája da já —ñacachi ñayivi cáyuhú na.

Tá ñéhe na Jesús cuahán na nu Herodes

⁶ Tá ñaxini joho Pilato ña ñacachi ñayivi cán já ñandáca tuhún da na á cúu Jesús da estado Galilea. ⁷ Tá tá ñacachi na ña ndusa cúu Jesús da estado Galilea já ñachindahá Pilato Jesús ña ná cuhun a nuu Herodes, da cúu gobernador nuu ñayivi estado Galilea. Jáchi mé tañu já ñasahin too da ñuu Jerusalén. ⁸ Tá ñaxini Herodes Jesús já ñacajii íni dá jáchi sa jandá jihna cuni da Jesús cúni da. Jáchi cuahá tañu ñandicani ñayivi nu dá sahá ña cája Jesús. Ta cúni da cuni da ña ná caja Jesús in ñaha xituhún.

⁹ Ta cuahá ndivaha ñaha ñandáca tuhún Herodes cán Jesús joo coo ñanducú ñéhe a tuhun nu dá. ¹⁰ Ta tañu ñayivi cán ñuu ri na sácuahá nuu jutú xihin na jáñaha ley Moisés ta chí a juu quiahva ndúcú ndéé na chícáan na cuachi jata Jesús. ¹¹ Andá já ñacasáhá Herodes cája xixi da xihin Jesús ta quiahva já cája ri na cúu soldado da cán xihin á. Ta ñajácandixi na Jesús xihin jahmá lándá tátuhun jáhama sándixi in rey. Ñacaja na já xihin á jáchi cúni na cuacu ndaa ñahá na. Tá ñandihí já ñachindahá tucu Herodes Jesús ña ná cuhun a nu Pilato. ¹² Tá chí mé quivi já ñandique táhan máni Herodes xihin Pilato jáchi jihna co cúni táhan toho da, nduu.

Sácu ini na ndaja caja na cahni na Jesús
(Mt. 27:15-26; Mr. 15:6-15; Jn. 18:39-19:16)

13 Anda já najánditaca Pilato na cúu sacuaḥa nuú jutu cán xihín na jutixia xihín java ñayivi. 14 Já ñacachi da já xihín ná:

—Mé ndó ñehe ndó da yóho ñacasaa da nuú i. Ta cáchi ndó ña xica nuu da jándivaḥa da ñayivi. Joo sa ñaxini ndó ña ñandaja ndíchi i da nu ndo. Ta ni in túhún toho cuachi táhan ña cáhan ndó saḥa jan coó ñanditahan i nu dá. 15 Ta ni Herodes coó cuachi ná ndiñeḥe jata dá saḥá ña cán queá ñanducú ñehe da da nuú i. Cuni johó vaḥa ndó: Coó saḥa cúu á ña quivi da. 16 Ña caja i queá jándoho i ini da. Anda já janí vi da cuḥun da —ñacachi Pilato cán xihín ná.

17 Tañu vico pascua cán ñasahjin costume nu Pilato janí da in táhan da ñuhu vecaa ña ná candoo vaḥa da nuú ñayivi. 18 Saḥá ña cán queá ñacasáha cáyuhú tóco ndihi ñayivi nu dá já cáchi na já:

—Cahní ndó da jan ta janí ndó Barrabás nuú nde —cáchi na cáyuhú na.

19 Mé Barrabás yóho ndácaan da vecaa jáchi najátaca cuahá dá ñayivi ta ñandicujta da xihín na sacuaḥa ñuu Jerusalén cán ta cúu dá da sáhní ndii. Saḥá ña cán queá ndácaan da vecaa. 20 Joo cúni Pilato janí da Jesús saḥá ña cán queá ñacaḥan tucu da xihín ñayivi. 21 Joo ví ga ví ñacasáha na cán cáyuhú cóho na nu dá já cáchi na já:

—Cata caa ndó da ndica crúxu. Cata caa ndó da.

22 Ta anda já ñacaḥan tucu Pilato ña cúu unj xihín ná já ñacachi da já:

—Coó toho ña núu ñahá ñacaja toho da yóho. A cuú cahnda i chuun ña ná cahní na da jáchi coó cuachi da. Ña caja i queá cahnda i chuun ña ná jándoho na ini da. Anda já janí vi da —ñacachi Pilato.

23 Joo ví ga ví ndúcú ndéé na cán cáyuhú na ña ná cata caa na Jesús ndica crúxu. Ta xihín ña ndúcú ndéé na cán cáhan na ta ndúcú ndéé ri na sacuaḥa nuú jutu cán cáhan na. Saḥá ña cán queá ñaḥnu ini Pilato. 24 Ta ñacandúsa da caja da ña cúni na cán xihín Jesús. 25 Ta najaní da Barrabás jáchi da cán ñacaḥan mé ná saḥá ña ná janí dá. Ta mé Barrabás yóho nasandacaan da vecaa saḥá ña najándivaḥa da ñayivi ta saḥá ña ñasahní da ndii. Anda já ñandiquiḥva da Jesús nu ná ña ná caja na tá cúni mé ná xihín á.

Tá ñacata caa na Jesús ndica crúxu

(Mt. 27:32-44; Mr. 15:21-32; Jn. 19:17-27)

26 Ta tá ñehe na Jesús cuahān na cata caa na a já ñaxini na in da naní Simón, da ñuu Cirene vaḥi da ndiḥvi da ñuu Jerusalén. Ta já najácuḥun ndáha ná da ña ná ndacojo da crúxu nuú taca Jesús cán. Ta ñandico da Jesús cuahān da.

27 Ta a juú quiḥva cuahá ñayivi ndico jata cuahān na. Ta cuahá najihí sácu ndivaḥa na

ta cáyuhú na cuahān na jata jáchi táhnda ini na saḥá. 28 Joo ñandicoto nihni Jesús nu ná já ñacachi a já xihín ná:

—Najihí, na ñuu Jerusalén, a cuácu toho ndó saḥá yeḥe. Saḥá mé va ndó ta saḥá jahyi ndó viti nditahan cuacu ndó. 29 Jáchi vaḥi quivi já casáha ñayivi cachi na já: “Tahví ñacuu najihí, na coó ñacacu jahyi. Ta tahví ñacuu na coó jahyi chíchi”, cachi na jáchi ndóho ndivaḥa ini na. 30 Mé tiempo já casáha ñayivi cachi na já: “Vá ná cuyu yucu jata yo já ná quivi”, cachi na. Ta cachi na xihín java yucu: “Chijehé ndó ndeḥe”, já cachi na saḥá ña ndóho ndivaḥa ini na. 31 Candehé ndo ndá quiḥva jándoho na ini i ta cúu u táḥhun in yitó cui, dó tácu. Ta cája xixi na xihín i joo xixi chága caja na xihín ndóho jáchi cúu ndó táḥhun in yitó íchi —ñacachi Jesús xihín na cán.

32 Ta tá ñehe na Jesús cuahān cata caa na a ndica crúxu já ñehe ri na ivi da cúu dá quini cuahān na cata caa na dá já ná quivi da xihín á. 33 Ta tá ñaxinu coo na in nuú naní lásá yiqui jiní ndii cán ñacata caa na a ndica crúxu. Ta ñacata caa ri na ivi dá quini cán va: in da xoo cáha Jesús ta inga da xoo íti a. 34 Ta tá cáta caa na Jesús ndica crúxu já ñacachi a já:

—Tátá Ndióxi caja cáhnu ini ndó saḥá ña cája ñayivi yóho xihín i. Jáchi co xini na ndia cája na —ñacachi Jesús.

Ta ndaja coo java soldado cán ñacasáha da sájiquí da saḥá jáhme Jesús já queá ndá da ná quee vaḥa ndiqueḥe da jáhme á. 35 Ta ñayivi ndúu cán sáñdeḥe na nu tácaa Jesús ndica crúxu nani na cúu jutixia ñasacuḥta na ndúu na sácu ndaa ñahá cán já cáchi na já:

—Najácaacu da java ga ñayivi. Ta viti ná jácaacu da mé dá tá mé a ndaa cúu dá Cristo, da ñacaxi Ndióxi cacomí cuéntá saḥá ñayivi —cáchi na sácu ndaa ñahá na.

36 Ta jári java soldado sácu ndaa da Jesús ndúu da. Ta ñacayati da cán nu Jesús já ñachiñe da vino, dó iyá yúhu á ña ná coho a do. 37 Ta já cáchi dá já cáyuhú da nu á:

—Tá ta mé a ndaa cúun rey, da cómi cuéntá saḥá na Israel chindeé mún já ná a quivún —cáchi da.

38 Ta ñachindaa na in tabla ndica crúxu yati jiní Jesús ta nu mé tabla cán ñacahyi na: “Da yóho cúu rey nuú na Israel.” Ta mé ña yóho ñacahyi na ña tuḥun griego, ña cáhan na nación Grecia xihín tuḥun latín, ña cáhan na ñuu Roma xihín tuḥun hebrero, ña cáhan na Israel viti.

39 Ta in táhan da quini tácaa ndica inga crúxu yati jiní a cán ñacasáha da cáhna da xihín á. Já cáchi da já:

—Tá mé a ndaa cúun Cristo, da ñachindahá Ndióxi cacomí cuéntá saḥá ñayivi chindeé mún já ná a quivún. Ta chindeé ndeḥe já ná a quivi nde —cáchi da.

⁴⁰ Joo inga táhan da quini tácaa inga xoo jijn a cán ñacasáhá da jánani da da cahan xihjn Jesús cán já ñacachi da já xihjn dá:

—Á co yihvi tohún Ndióxi. Jáchí in cúu yo ndóho ini yóho ⁴¹ joo mé Jesús yóho coó toho cuachi ñacaja da. Ta mé cuití ví ndítahan ndoho ini ña ná chahví sahá cuachi ñacaja í —ñacachi da cán jánani da inga da tácaa cán.

⁴² Tá nandihí já ñacachi da já xihjn Jesús: —Jesús, caja ndó ñamaní ndicuhun ini ndó sahá í tá ná casáhá ndó cacomí ndó cuéntá sahá ñayivi —ñacachi da xihjn Jesús.

⁴³ Anda já ñacachi Jesús já xihjn dá: —Mé a ndaa ná cahan j xuhun ña mé quivi viti cuhún coún xihjn í indiví —ñacachi a xihjn dá.

Tá naxihí Jesús

(Mt. 27:45-56; Mr. 15:33-41; Jn. 19:28-30)

⁴⁴ Ta tátuhun caxivi já ñacanaá ní cúu ñuyivi. Ta janda caa uní sahini já ñacasáhá nandiyehé tucu. ⁴⁵ Nanaá nuú candii. Ta janda já nandatá java ndaa jáhama ndeé ña tácaa veñuhu cáhnu ñuu Jerusalén ña sáji nuu nuú yí ndivaha. ⁴⁶ Anda já ñacayuhú cóho Jesús já cáchi a já:

—Tátá Ndióxi, ndáha mé ndó jándacoo í ínima í.

Ta tá ñacachi a ña yóho já naxihí va.

⁴⁷ Ta ndaja coo da sáhdá chuun nuú soldado cuéntá Roma cán tá naxini da tóco ndihí ña nayaha yóho já ñacasáhá cája cáhnu da Ndióxi já ñacachi da já:

—Mé a ndaa táhyí coó toho cuachi da yóho —ñacachi da.

⁴⁸ Ta tóco ndihí ñayivi ñasanduu cán, ña naxini nuú naxihí Jesús jandá joho cáni ña yica ndicá ña sahá ña táhdá ini na saha Jesús já cuanúhu va na. ⁴⁹ Joo tóco ndihí ña xini táhan xihjn Jesús ñacandoo na ndita xicá ña sáhdéhe ña. Ta tañu ña cán ñasanduu ri najihí táhan ña ñaquixi xihjn á janda estado Galilea cán.

Tá naxicacán ña yiquí cuñu Jesús ini cáva

(Mt. 27:57-61; Mr. 15:42-47; Jn. 19:38-42)

⁵⁰ Ta ndaja coo ñasahjin in dataa nani José, da ñuu Arimatea ña ndácaan estado Judea cán. Ta cúu dá in taja vaha, da cája ña ndaa cuití va. Ta cúu da in táhan ña cómi cuéntá sahá ña Israel. ⁵¹ Mé José yóho coó ñatahan ini da xihjn ña ñacaja java ga ña cán jáchí ndátí da casaa quivi cacomí Ndióxi cuéntá sahá ñayivi. ⁵² Ta ñasahan da cahan ndahví da xihjn Pilato ña ná ndiquiahva da yiquí cuñu Jesús nu dá. ⁵³ Ta chí ñasahan Pilato ñamaní nu dá chí ñasahan da najánuu da yiquí cuñu Jesús ndica cruxu cán. Já ñachitíví ñahá da xihjn jáhama vaha ta já ñachicacán ñahá da ini in yávi ndácaan ndica cáva. Ta ni in túhún toho ndji a ñáha chícacán

ña ini mé cáva cán. ⁵⁴ Mé quivi cán ñasacuu a quivi cája ndiví ñayivi ñaha vehe na jáchí ja chá cacuu a quivi ndiquehe ndeé ná sahá ña cán queá ndihí ini na jáxinu ña chuun cája na.

⁵⁵ Ta najihí, ña ñasandico jata Jesús janda tá ñaquixi a chí estado Galilea cán ñasahan ña sáhdéhe ña ndica cáva nuú najáqueta nuu na yiquí cuñu Jesús cán. ⁵⁶ Ta tá ñasaa ña vehe na já ñacaja ndiví ña perfume xihjn java ga ñaha támi sahan ña ná jándicuchu na yiquí cuñu Jesús. Ta inga quivi itaan nandiquehe ndeé ná tá quiahva ñasahnda Ndióxi caja na janda sahaná.

24

Tá nanditacu tucu Jesús

(Mt. 28:1-10; Mr. 16:1-8; Jn. 20:1-10)

¹ Ta tá sa nayaha quivi ndiquehe ndeé ná ta naha chá quivi domingo já ñaque tucu najihí cán cuahan ña nuú ñachicacán ña yiquí cuñu Jesús ini cáva cán. Já ñehe na perfume, dó ñacaja tiahu na cán. Ta ndáca táhan java ga najihí xihjn ná cuahan ña. ² Ta tá ñaxinu coo na cán já ñaxini na ña coó ga yuu ndáji ndaa yuhú cáva nuú ñasandacaan yiquí cuñu Jesús. ³ Anda já ñaquihvi na ini cáva cán joo coó ga yiquí cuñu Jesús nanditahan na. ⁴ Ta chí nayihvi ña ta co xini ña ndíca caja na. Ta jonáa va ñaxini na ndita ivi dataa yati jijn ná. Ta a juú quiahva ndató yéhe jáhama ndíxi da cán. ⁵ Ta chí a juú quiahva yihvi najihí já ñacandayi na janda quiahva ñaxinu jini ná nu ñúhu. Anda já ñacachi dataa cán já xihjn ná:

—Co ndítahan toho ndinducú ndo in da tácu tañu nu sánduu ndji. ⁶ Coó toho Jesús ín yóho jáchí sa nanditacu va. Xini ñúhú ndicuhun ini ndó ña ñacachi a xihjn ndo tá ñasahjin a estado Galilea. ⁷ Mé á cúu á da ñachindahá Ndióxi nduu ñayivi ta sa ñacachi a xihjn ndo ña ndiquiahva na mé á ndahá ñayivi quini. Ta ñacachi a xihjn ndó ña cata caa na a ndica cruxu ta tá na xinu uní quivi já nditacu tucu a —ñacachi dataa cán.

⁸ Anda já ndicuhun ini najihí cán ña ñacachi Jesús xihjn ná. ⁹ Chí ñaque na cuahan ña já ñandicani ndihí na sahá ña yóho nuú ña uxu in ñaxica tuun xihjn Jesús xihjn nuú java ga ña ndúu cán viti. ¹⁰ Mé najihí cán, ña ñasahan caxi tuhun ña yóho nuú na apóstol cán ñasacuu María, ña ñuu Magdala xihjn Juana xihjn María, ña chí náná Jacobo xihjn java ga najihí. ¹¹ Joo ña apóstol, ña ñaxica tuun xihjn Jesús cán ñacahan ña ña cuénto uun va queá. Sahá ña cán queá coó ñaxeen na candusa na ña ñacachi najihí cán xihjn ná.

¹² Joo ndaja coo ñaqueta Pedro xinu da cuahan da sáhdéhe da ini cáva nuú ñachicacán ña yiquí cuñu Jesús cán. Ñaxini

da jáhma vaha ña ñasativí a cán joo coo toho yiquí cuñu a. Ta chí ñacatónto da ñaquee da cuanúhu dá vehe da.

Cátáhan Jesús cuahān xihín ivi na cuahān chí ñuu Emaús

(Mr. 16:12-13)

¹³ Ta mé quiví já ivi táhan na cúu cuéntá Jesús ñaquee na cuahān na in ñuu nani Emaús. Mé ñuu cán ñehe táhan tátuhun uxu in kilometro xihín ñuu Jerusalén. ¹⁴ Ta ndítúhún na cán cásahan na sahá tóco ndihi ña ñacuu ñuu Jerusalén cán. ¹⁵ Ta nani ndítúhún na cásahan na já ñacayati Jesús nu ná já ñacasáhá xica mé á xihín ná cuahān na. ¹⁶ Ta vatí sándehe ná cán nu Jesús joo coo ñacuu ndicuni na mé á. ¹⁷ Anda já ñandaça tühún Jesús na cán já ñacachi a já:

—Ndía ndítúhún ndó cásahan ndo. Ta ndavaha cácuéha ini ndó cásahan ndo — ñacachi a xihín ná.

¹⁸ Já in táhan na cán, da nani Cleofas ñanducú ñehe da tühun nu á já ñacachi da já:

—Níí cúu va ñandicujta nuu tühun sahá ña ñacuu ñuu Jerusalén tañu quiví yóho. In tühun yóho tañu na ndúu cán cúu da co xini ña ñayaha — ñacachi da.

¹⁹ Anda já ñacachi Jesús já xihín ná:

—Ndía ñacuu, vaha.

Já ñacachi na cán já xihín á:

—Ñaquixi in da nani Jesús chí ñuu Nazaret ta ñacuu da in profeta cáhnu ndivaha jáchí cuahá ndivaha ña náhnu ñacaha da. Ta cuahá ndivaha ña náhnu ñacaja da nu Ndióxi xihín nuú ñayivi. ²⁰ Joo na saçuahā nuú jutú xihín na jutixia ñuu nde ñatiin na mé Jesús ta já ñandiquiahva na da ña ná cahni na da ta já ñacata caa na da ndica crúxu. ²¹ Joo mé nde ñacahan nde ña mé Jesús cán cacuu da da ndati nde chindeé da ndehe, na Israel yóho já ná a cája xixi ga na ñuu Roma xihín nde, ñacahan nde. Joo ñandihí va viti jáchí sa ñayaha uní quiví ñaxihí da cán. ²² Vatí ñaqueeta java ñajihí tañu nde yóho ñajáyhvi na ndehe jáchí naha chá ñasahan na nuú ñanduxu Jesús cán. ²³ Ta cáchí na ña coo ga yiquí cuñu Jesús ndácañ cán. Sahá ña cán queá ñaxinu na nuú ñasanduu nde ta ñandicani na nuú nde ña ñacanáha java táto Ndióxi nu ná ta ñacachi na ña tácu va Jesús. ²⁴ Ta java táhan da xica tuun xihín nde cán ñasahan da sándehe da ini cáva cán ta chí já ndusa cáa tá quiahva cáchí ñajihí. Ta co mé Jesús ñaxini na — ñacachi na cán xihín Jesús.

²⁵ Anda já ñacachi Jesús já xihín na cán:

—Ñayivi tóntó ndivaha cúu ndó. Jáchí yáncá ndivaha já xinu ini ndó cándusa ndó ña ndaa ña ñacahan na profeta sanahá. ²⁶ Á co cándaq ini ndó ña jihna ñúhú ñanditahan nuú da cúu Cristo ndoho ini da ta tá sa

ñandihí já ndiñehe jíco Ndióxi da já ndacojo da chuun cacomi da cuéntá sahá ñayivi — ñacachi Jesús.

²⁷ Anda já ñacasáhá ndicani a nu ná ña ñacahyi nuú tühun Ndióxi nu cáhan sahá tóco ndihi ña ndítahan ndoho da cúu Cristo. Ñacasáhá ndicani a janda libro ñacahyi Moisés sanahá janda quiahva ñaxinu a nu tóco ndihi libro ña ñacahyi na profeta sanahá.

²⁸ Ta tá ñaxinu coo na ñuu nuú cuahān na cán já ñacaja Jesús tátuhun yáha saa cuahān. ²⁹ Joo mé na cán ñacaja ndúsa ná xihín á ña ná coo tóo a xihín ná. Já ñacachi na já xihín á:

—Yóho candoo ndó coo tóo ndó jáchí sa ñahini cuí va ta ja chá cuaá — ñacachi na xihín á.

—Anda já ñaquihvi Jesús ini vehe ña candoo a xihín ná. ³⁰ Ta tá ñasacoo a nu mesa xihín ná já ñatiin a in pan já ñandiquiahva ndixahvi nu Ndióxi sahá. Ta ñasahnda java ña já ñasahan ña nu ná. ³¹ Ta chí ivi laá ñanuna xini túni ná ta já ñandicuni na mé á ña cúu á Jesús. Joo ivi laá ñajándiñúhú a mé á nu ná. ³² Anda já ñacachi xihín táhan na já:

—Íchí queá cájji ndivaha ini tá ñandicani Jesús tühun Ndióxi nu yo tá vaxí íchí xihín á — ñacachi xihín táhan na cán.

³³ Chí ivi laá ñaquehe tucu na íchí ña ndicó coo tucu na ñuu Jerusalén. Tá ñaxinu na cán ñandiñehe ná ña ndítútu ndihuxu in táhan na ñaxica tuun xihín Jesús cán ndúu na xihín java ga na ndúu cán. ³⁴ Anda já ñacachi na cán xihín ndiví na yóho:

—Mé a ndaa táhyí ñanditacu tucu Jesús, xitoho í. Ta ñaxini Simón mé á — ñacachi na.

³⁵ Anda já ñacasáhá ndiví na cán ndicani na ña ñasandaca táhan na xihín Jesús ñasahan na. Ta ñandicani na ña ñandicuni na mé á nani ñasahnda java mé á pan ña cuxu na.

Naha Jesús mé á nuú na ñaxica tuun xihín á

(Mt. 28:16-20; Mr. 16:14-18; Jn. 20:19-23)

³⁶ Ta nani ndítúhún yíí ná ndúu na já ñaxinu coo Jesús ñandaça ndichi a mahñú na cán já ñacahan Ndióxi á xihín ná já ñacachi a já:

—Ná caja Ndióxi ña ná coo vaha ini ndó.

³⁷ Joo ñayihvi na cán ta ñacahan na ña cúu á in ímima ndji va. ³⁸ Joo já ñacachi Jesús já:

—Ndá cuéntá queá yihví ndo. Ta ndá cuéntá queá co cándusa ndó ña cúu yehe Jesús. ³⁹ Candehé ndó ndahá i ta candehé ndó sahá i. Sa mé yehe cúu v. Cani ndaa ndáha ndó yehe ta candehé vaha ndó yehe. Jáchí in ímima ndji coo toho yiquí cuñu a tá quiahva sándehe ndó ña íin yiquí cuñu yehe — ñacachi Jesús xihín ná.

⁴⁰ Ta nani cáhan Jesús xih̄in ná já nacasáhá náha ndáha á xih̄in sahá nu ná. ⁴¹ Joo cámani yíi candúsa na cán ña cúu mé á Jesús jáchi ñacatóntó na ta cájji ndivaha ini na ña cán quéa ñacachi tucu Jesús já xih̄in ná:

—Ndá ñaha íin nu ndó ná cuxu u —ñacachi Jesús xih̄in ná.

⁴² Anda já ñasahan na in túhun tuyacá nayata nu á xih̄in in ñimá ñuñu nu á. ⁴³ Já ñatiin a ña ndáha ná já ñaxixi a ña nani sánehé na a. ⁴⁴ Tá ñandihí já ñacachi a já xih̄in ná:

—Sa nayaha tá íin ñacachi i xih̄in ndó jihna. Sa ñaxinu cõo tá íin ñacahyí Moisés xih̄in na profeta sanahá sahá ña ndítahan ndoho i. Ta jári David tá ñacahyí ña libro Salmos já ñacahan ri ña cán va sahá ña ndoho i —ñacachi a xih̄in ná.

⁴⁵ Anda já ñacaja Jesús ña ná ndinuna xini túni ná já ná candaa ini na ña cuni cachi túhun Ndióxi cán. ⁴⁶ Ta ñacachi a já xih̄in ná:

—Janda sanahá ñacahyí ña ndítahan quivi yehé, ña cúu Cristo, ña ñachindahá Ndióxi cacomí cuéntá sahá ñayivi. Joo ñacahyí ri ña ndítahan ndítacu tucu u quivi uni. ⁴⁷ Ña cán quéa ndítahan nu ñayivi caca nuu na cahan na túhun vaha sahá i ní cúu ñuyiví já ná ndicó cõo ini ñayivi ta jándacoo na cuachi cája na. Anda já caja cáhnu ini Ndióxi sahá ndihí cuachi na. Ta janda ñuu Jerusalén xini ñuhú ñayivi casahá na cahan na túhun vaha sahá i ta já cuhun na janda ndijáa ñuyiví. ⁴⁸ Ta ndóhó cúu na ñaxini ndaja cáa ña ñandoho i ña cán quéa ndítahan nu ndó cuhun ndó çaxi túhun ndó tóco ndihí ña yóho nuú ñayivi. ⁴⁹ Cuni johó vaha ndó jáchi chindahá i ínimá yii Ndióxi já ná cañuhu a ini in in ndó. Jáchi quiahva já ñacachi Ndióxi, tátá i tá ñasahan túhun a nu ndo. Joo ndítahan canduu ndihí ndó ñuu Jerusalén yóho janda quiahva ná ndicutú ndaa ínimá ndo xih̄in ndé Ndióxi ña quixi indiví —ñacachi Jesús xih̄in ná.

*Tá ñandaa Jesús cuahan indiví
(Mr. 16:19-20)*

⁵⁰ Anda já ndáca Jesús na cán ñasahan na xih̄in á yuhú ñuu Betania. Ta ñandiñehe a ndáha á já ñacaja yii á na. ⁵¹ Ta tá cája yii á na já ñatavá xóo a mé á já ñandaa cuahan indiví. ⁵² Tá ñandihí ñacaja cáhnu na cán Jesús já cávatá ndivaha na ñandicó cõo na ñuu Jerusalén. ⁵³ Ta ní tiempo ñasanduu tuun na veñuhu cáhnu cája cáhnu na Ndióxi. Já ná coo.

Tuhun vaha nacahyí Juan sahá ña nacaja Jesucristo

Jesucristo cúu á tuhun Ndióxi ta nanduu a ñayivi

¹ Tá nacava sahá saha ñuyivi sa ñin va mé á naní tuhun Ndióxi. Nasañin mé á xihín Ndióxi ta in cúu mé á xihín Ndióxi. ² Ta janda mé saha sa ñin va xihín Ndióxi. ³ Ta mé a cán cúu á Jesucristo ta nacaja Ndióxi ña nacava mé á tóco ndihi ñaha. Ta ni in tuhún toho ñaha ñin, a cóo tá ná a cava mé á ña, nduu. ⁴ Ta mé á queá cajú ña ná catacu tóco ndihi ñaha ta mé á jándiyéhe a ínimá ñayivi já ná ndicuni na yo cúu mé á. ⁵ Mé Jesucristo cúu á tátuhun in ñúhu cáyi ña jándiyéhe a xoo naá ta a cúu ndahva ña.

⁶ Ta ndaja coo nachindahá Ndióxi in dataa naní Juan. ⁷ Naquixi da caxi tuhun da xihín ñayivi ña cúu Jesucristo ña jándiyéhe ínimá ñayivi, na ndúu nuú naá já ná cuu candúsa na mé á sahá ña nacahan da. ⁸ Mé Juan yóho co cúu dá mé á jándiyéhe ínimá ñayivi. Naquixi cuití da caxi tuhun da xihín ñayivi ña mé Jesucristo queá jándiyéhe ínimá ñayivi. ⁹ Mé Jesucristo naxinu a ñuyivi yóho ta cúu ndusa mé á ña jándiyéhe ínimá tóco ndihi ñayivi.

¹⁰ Naquixi mé a naní tuhun Ndióxi ta nasañin a ñuyivi yóho. Ta xihín ña nacaja Jesucristo nacava Ndióxi ñuyivi. Joo ñayivi ndúu ñuyivi yóho cóo naxeen na candaa ini na yo cúu mé á. ¹¹ Naquixi Jesucristo ñuyivi ña nacava mé á joo na ñuu mé á cóo naxeen toho na ndiquehe vaha na mé á. ¹² Joo ndá na ná ndiquehe vaha mé á ta candee ini na mé á já queá sahan mé á ñamaní nu na ña ná nduu na na cúu cuéntá Ndióxi. ¹³ Ta na cán cúu na nanduu jahyi mé á. Ta co cúu á sahá ña nacacu na ñuyivi yóho ta ni co cúu á sahá ña cúnj in taa cacu in jahyi da. Nanduu na jahyi mé á jáchi já nasacu ini mé á coo.

¹⁴ Mé Jesucristo, mé a naní tuhun Ndióxi cán nanduu a in taa ta naquixi a nasañin a tañu nde. Ta tóco ndihi ña nasacaja mé á nasacu a ña ndaa. Ta a juú quiahva quihvi ini a ñayivi. Ta naxini nde ndá quiahva cáhnu cúu mé á jáchi sahá ña cúu mé á in tuhún jiní já jahyi Ndióxi sahá ña cán queá nacaja Ndióxi ña ná ndicáhnu ndivaha mé á. ¹⁵ Tá nandicaní mé Juan sahá Jesús nuú ñayivi já nacachi da já saha mé á:

—Mé a yóho cúu á ña nacahan i sahá nu ndo tá nacachi i xihín ndo ña vaxi inga a jatá yehe. Ta nacachi i xihín ndo ña ñin chága saha mé a cán a juú ga yehe jáchi janda tá cámaní yíi cacu u sa ñin va mé á —nacachi Juan.

¹⁶ Ta sahá ña ñin ndivaha ñamaní nu mé á sahá ña cán queá a juú quiahva ñehe táhvi tóco ndihi nu mé á. ¹⁷ Nacahyí Moisés ley Ndióxi sanahá. Joo Jesucristo, mé á cúu á ña ndaa naquixi a ñuyivi yóho sahá ña quihvi ndivaha ini a mí. ¹⁸ Ta ni in tuhún toho ñayivi cóo naxini na Ndióxi. In tuhún Jesucristo, mé á cúu in tuhún jiní já jahyi Ndióxi, mé a cán queá xini ndá quiahva ñin Ndióxi jáchi in cúu á xihín a ta mé a queá nanaha ña yóho nu yo.

Ndicani Juan nuú ñayivi yo cúu Jesús (Mt. 3:11-12; Mr. 1:7-8; Lc. 3:15-17)

¹⁹ Ta ndaja coo java na sacava nuú na Israel, na ndúu ñuu Jerusalén cán nachindahá na java jutú xihín java na naquixi chichi Leví nu ñin Juan ña ná ndaça tuhún na da á cúu dá da nasañan Ndióxi tuhun a chindahá a ñuyivi. ²⁰ Ta caxi táhyi nacahan Juan xihín ná ña co cúu dá da cán ta já nacachi da já:

—A juú toho yehe cúu da nacachi Ndióxi chindahá a cacomí cuéntá sahá ñayivi —nacachi Juan.

²¹ Andá já nandaca tuhún tucu na da já nacachi na já xihín dá:

—Yo já cúu yóho, dá já. Á a juú yóho cúu profeta Elías —nacachi na.

—A juú toho yehe cúu profeta Elías —nacachi Juan.

Andá já nacachi tucu na já xihín dá:

—Á a juú toho yóho cúu profeta da nacachi Ndióxi chindahá a, dá já —nacachi na.

Joo nanducú ñehe Juan tuhun nu ná já nacachi da já xihín ná:

—Ni in tuhún toho da cáchi ndó jan co cúu yehe.

²² Andá já nacachi tucu na já xihín dá:

—Nditahan ndicani lohún nuú nde yo cúu yóho. Jáchi java na nachindahá na ndehe ña ná quixi nde ndaça tuhún nde yóho. Á ta co cúnun caxi tuhún xihín nde yo cúu yóho, ndá cúnun nde quehe nde tuhun nducú ñehe nde nuú na nachindahá ndehe cán —nacachi na.

²³ Andá já nacachi Juan já xihín ná:

—Yehe cúu da xica nuu tañu yucú íchi ta cáyuhú cóho i já cáchi i já xihín ñayivi: “Cuná ndó in íchi ndacu nu mé á ña ná ndihvi a ínimá ndo” —nacachi Juan xihín ná tá quiahva nacahyí profeta Isaias sanahá.

²⁴ Ta na nandaca tuhún Juan cán nasañan na jáchi já natahnda chuun nacaja na fariseo, mé na sáhnda chuun ñuu Jerusalén cán. ²⁵ Já nacachi tucu na já xihín Juan:

—Ndá cuéntá queá cajú ndúta yóho ñayivi tá ta co cúnun Cristo, da nachindahá Ndióxi cacomí cuéntá sahá ñayivi. Ta ndá cuéntá queá jácanditún ñayivi tá ta ni co cúnun Elías ta ni co cúnun mé profeta, da nacachi Ndióxi chindahá a —nacachi na cán.

²⁶ Andá já ñacachi Juan já xihín ná:

—Yehe cája ndutá i ñayivi xihín ticuúí joo tañu mé ndó íin in da co xini ndo. ²⁷ Ta vaxi in da jatá yehe ta íin cuaha chága saha dá a juú ga yehe. Ta chí ni coó sahá i ndaxí i correa ndusa dá —ñacachi Juan xihín na ñasahan ndáca tuhún ñahá cán.

²⁸ Tóco ndihi ña yóho ñayaha chí ñuu Betábara ña ndácaan inga xoo yuta Jordán nuú ñacaja ndutá Juan ñayivi.

Jesús cúú á tátuhun in ndicachi rí jóco na nu Ndióxi

²⁹ Ta inga quiví itaan já ñaxini Juan cáyati Jesús vaxi a nu íin da. Já ñacachi Juan já xihín ñayivi nduu cán:

—Candehé ndo. Dá vaxi jan cúú dá tátuhun ndicachi jóco na nu Ndióxi. Ta da jan cúú dá jándo coachi ñayivi nduu ñuyiví. ³⁰ Dá jan cúú dá cáchi i saha ña vaxi in da jatá yehe ta íin cuaha chága saha dá a juú ga yehe. Jáchi janda tá cámani cacu yehe sa íin va mé da jan. ³¹ Ta ni mí i coó ñaxini i ndá quiahva cáa da joo ñacasahá i jácandutá i ñayivi xihín ticuúí já ná candaá ini na Israel yo cúú mé dá —ñacachi Juan.

³² Ta ñandicaní da ña ñaxini da já ñacachi da já:

—Sa xini xihín nuu mí i ndá quiahva ñanuu ínima yii Ndióxi jatá Jesús. Mé ínima yii Ndióxi cán ñanuu a indiví ta cáa tá quiahva cáa in ndijata. ³³ Mé a ndaa coó ñaxini toho yehe yo cúú mé da yóho, nduu. Joo Ndióxi, mé a ñachindahá yehe jácandutá i ñayivi xihín ticuúí, mé a cán quea ñacachi já xihín i: “Ndá da ná cunún ná nuu ínima yii mí i ta sacoo a jatá dá, da cán cúú dá jándicutú ini ñayivi xihín ínima yii mí i”, ñacachi Ndióxi xihín i. ³⁴ Ta viti mé a ndaa sa xini ví yo cúú mé á ta cáxi tuhun i xihín ndo ña mé á cúú á in tuhún jiní já jahyi Ndióxi —ñacachi Juan.

Tá ñacasahá java ñayivi ndico na Jesús xica na xihín á

³⁵ Ta inga quiví itaan ñasahjin tucu Juan cán xihín ivi na xica xihín dá. ³⁶ Já ñaxini da ña yáha Jesús cuahan já ñacachi Juan já xihín na xica xihín dá cán:

—Candehé ndo. Dá jan cúú tátuhun ndicachi, rí jóco na nu Ndióxi —ñacachi Juan.

³⁷ Tá ñaxini johó da ndíta xihín da cán ña yóho já ndico da jatá Jesús cuahan da. ³⁸ Tá ñaxini Jesús ña ndico da cán jatá já ñandicoto nihni a nu dá já ñacachi a xihín ndiví da cán já:

—Ndía cuni ndo —ñacachi a.

Já ñacachi da cán já xihín á:

—Maestro, ndá já íin vehe ndó já —ñacachi da.

³⁹ Andá já ñanducú ñehe Jesús tuhun nu dá já ñacachi a já:

—Cóho ná cuni ndó, dá já —ñacachi a.

Já ndáca táhan da ñasahan da xihín á sánehé da nu íin a. Ta ñasacuu a tátuhun caa comí sahini já ñasanduu da xihín á.

⁴⁰ In táhan da ñaxini johó ña ñacachi Juan ta ndico da jatá Jesús cán naní da Andrés, da cúú ñani Simón, da cáhan na Pedro xihín cán. ⁴¹ Mé Andrés yóho ndáva da ñasahan da ndinducú da ñani da, da naní Simón cán. Ta tá ñandiñehe ñahá da já ñacachi da já xihín dá:

—Ñanditahan nde da ñachindahá Ndióxi cacomí cuéntá sahá ñayivi, mé a cúú Cristo —ñacachi da.

⁴² Tá ñandihí já ndáca Andrés cán ñani da ñasahan da nu Jesús. Ta tá ñaxini Jesús da já ñacachi a já xihín dá:

—Yóho cúun Simón, jahyi Jonás. Joo yehe chinú i quivun cananún Cefas viti —ñacachi Jesús.

Quiví Cefas yóho in cúú va xihín Pedro ta cuni cachi a in tóto.

Cána Jesús Felipe xihín Natanael ña ná caca tuun da xihín á

⁴³ Ta inga quiví itaan já ñaquee Jesús cuahan chí estado Galilea. Ta cán ñanditahan mé á da naní Felipe já ñacachi a já xihín dá:

—Naha quí caca tuun xihín i —ñacachi a xihín dá.

⁴⁴ Mé Felipe yóho cúú dá da ñuu Betsaida ta mé ñuu cán cúú ri ñuu Andrés xihín Pedro. ⁴⁵ Ta ndaja coo Felipe yóho ndáva da ñasahan da ñandinducú da Natanael ta tá ñandiñehe ñahá da já ñacachi da já xihín dá:

—Ñanditahan nde da ñacahí Moisés saha nu ley sanahá. Ta jári na profeta ñacahí ri na saha dá. Ta mé dá cúú Jesús, jahyi José, da ñuu Nazaret —ñacachi Felipe xihín Natanael cán.

⁴⁶ Andá já ñacachi Natanael já:

—Ndá quehe ri ñaha vaha quixi chí ñuu Nazaret jan —ñacachi da.

Andá já ñacachi Felipe já xihín dá:

—Cóho candehún —ñacachi da.

Andá já ñaquee da cuahan da nu íin Jesús.

⁴⁷ Ta tá ñaxini Jesús ñacayati Natanael nu á já ñacachi a já:

—Da yóho cúú ndusa in da ñaquixi chichi Israel ta cúú dá ña cája ña ndaa cuití va —ñacachi Jesús.

⁴⁸ Tá ñaxini johó Natanael ña yóho já ñandaca tuhún da Jesús já ñacachi da já xihín á:

—Á xini ndó yehe, vaha.

Andá já ñacachi Jesús já xihín dá:

—Janda tá cámani quee Felipe cuhun da cana da yóho já ñaxini i íin coun saha titó ñuhú —ñacachi Jesús xihín Natanael.

⁴⁹ Andá já ñacasahá cáchi dá já xihín Jesús:

—Maestro, jivi ndusa cúu ndó in tóhún jini já jahyi Ndióxi ta cúu ndó ña cómi cuéntá sahá ñayivi Israel —ñacachi da xihín Jesús.

⁵⁰ Andá já nanducú ñehe Jesús tũhun nu dá já ñacachi a já:

—Ñacandúsun yehe sahá ña ñacachi i xuhun ña naxini i ñin cóun sahá tító ñuhú. Joo náhnu chága ñaha cunún xihín nduchú núun caja i —ñacachi Jesús xihín dá.

⁵¹ Andá já ñacachi tucu Jesús já:

—Mé a ndaa ná cahán i xihín ndó ña cuni ndó xihín nuú ndó ña nuná indiví. Ta cuni ndó táto Ndióxi ndaa na ta nuu na xinu na nu ñin yehe, da ñachindahá Ndióxi nduu ñayivi —ñacachi Jesús.

2

Tá nasahan Jesús in vicó tándaha

¹ Tá nayaha unj quivi já nasahin in vicó tándaha ñuu Caná ña ndácaan estado Galilea cán. Ta nasahan María, náná Jesús mé víco cán. ² Ta jári ñacana na Jesús xihín na xica tuun xihín á ta chí nasahan ndihi na mé víco cán. ³ Joo ndaja coo nani cúu víco cán nandihí va vino xíhi na. Ta tá naxini náná Jesús ña yóho já ñacachi ñá já xihín Jesús:

—Sá nandihí va vino xíhi na —ñacachi ñá xihín á.

⁴ Já ñacachi Jesús já xihín ñá:

—Co xini ñuhú toho cahán ndó já xihín i jáchi cámaní yij va ndindaa hora caja i ñaha xitúhún —ñacachi Jesús xihín ña.

⁵ Tá nandihí já ñacachi náná Jesús já xihín na jácaca vino cán:

—Ndá ñaha ná cahnda Jesús nu ndó caja ndó, caja ndó ña —ñacachi ñá xihín ná.

⁶ Ta mé vehe nu cúu víco cán nasahin inu yoo náhnu ña ñacavaha na xihín yuu. Mé yoo cán nasacuu a nu táan na Israel cán ticuú, dó ndája víi na mé ná tá quiahva sáhdá ley nu ná caja na. Ta tátuhun comí jícó á in ciento litro ticuú quéta ini in in yoo náhnu cán. ⁷ Tá nandihí já ñacachi Jesús já xihín na jácaca vino cán:

—Jácutú ndihí ndó yoo náhnu jan xihín ticuú.

Ta chí najácutú jini ndaa na yoo náhnu cán xihín ticuú. ⁸ Tá nandihí já ñacachi tucu Jesús já xihín ná:

—Ta viti tavá loho ndó do ta quiahva ndó do ná coto ndojó da cómi chuun saha víco yóho —ñacachi Jesús.

Já ñehe na do nasahan na nuú da cómi chuun saha víco cán. ⁹ Joo sa ñacaja Jesús ña ná nduu ticuú cán vino. Ta naxito ndojó da do joo co xini da ndája naquixi dó. In tóhún na xini cúu na naxini ña nandaja Jesús cán ticuú ña ná nduu dó vino. Tá naxito ndojó mé da cómi chuun yóho do já ñacatontó da ta ñacana da mé da tándaha cán. ¹⁰ Já ñacachi da já xihín dá:

—Ndiáá ñayivi tá caja na in víco já sahan na vino vaha nu cuití nuú na táhan cán. Ta tá sa naxihí cuhá na já sahan na dó núu cán. Joo yóho nasacu vahun vino vaha ta ja viti sáhún do nuú na táca víco —ñacachi da.

¹¹ Ña xitúhún yóho ñacaja Jesús ñuu Caná cuéntá estado Galilea nasacuu a ña xitúhún nu cuití ñacaja Jesús já ná cuni ñayivi ndá quiahva cáhnu cúu mé á. Ta xihín ña yóho ñacandé ini ná xica tuun xihín a cán mé á.

¹² Tá sa nayaha ña yóho já ñaquee a cuahan xihín na xica tuun xihín á chí ñuu Capernaum. Ta ndáca táhan náná a xihín ñani a ndíco na cuahan na xihín á. Ta nasanduu na ñuu Capernaum cán chá quivi cuití va.

Tává Jesús na ndúu jícó veñuhu cáhnu ñuu Jerusalén

(Mt. 21:12-13; Mr. 11:15-18; Lc. 19:45-46)

¹³ Tá ñacayati quivi caja na Israel vicó pascua já ñaquee Jesús nasahan chí ñuu Jerusalén. ¹⁴ Ta tá naxinu coo a veñuhu cáhnu ndácaan Jerusalén cán já naxini a ña jandá joho ndúu na jícó. Java na jícó tindiqui xihín ndicachi xihín ndijata viti ta java na ndúu coo ndíjama jjuhún. ¹⁵ Ta chí ñatiin Jesús yóho ta ñacavaha in churrú xihín á já ñacasahá táxi ndihi a na ndúu jícó cán. Ta jandá tindiqui xihín ndicachi jana ná ñatavá a ri quee ri cuhun ri. Ta já naxinu coo a nu ndúu na ndíjama jjuhún cán já ñaxicó ñehe a mesa na já ñacuyu ndihi jjuhún na nu ñuhú. ¹⁶ Ta nasahnda a chuun nuú na jícó ndijata cán já ñacachi a já:

—Tavá ndihí ndó ña jícó ndó jan. A caja ndó xihín vehe tátá i ña cúu á nu cáyahvi ñaha —ñacachi Jesús xihín ná.

¹⁷ Tá nandihí já nandicuhun ini na xica tuun xihín Jesús cán ña cáchi tũhun Ndióxi. Já cáchi a já: “A juú quiahva xójo ini i sahá ña co caja cáhnu ñayivi vehe Ndióxi”, cáchi tũhun Ndióxi.

¹⁸ Tá naxini na Israel cán ña ñacaja Jesús ña yóho já nandaca tũhun na mé á já ñacachi na já xihín á:

—Xini ñuhú cajún in ñaha xitúhún já ná cuni nde ña mé a ndaa ñin sahn tasún na ndúu jícó veñuhu yóho —ñacachi na xihín Jesús.

¹⁹ Andá já nanducú ñehe Jesús tũhun nu ná já ñacachi a já xihín ná:

—Tá ná jánditanj ndó veñuhu yóho ta tixi unj quivi já jácandichi tucu u ña —ñacachi Jesús xihín ná.

²⁰ Andá já ñacachi na Israel cán já xihín á:

—Co cándusa nde ña cáhún jáchi ñacaja chúun na ivi jico inu cuja já naxinu veñuhu jan. Ta yóho cáhún ña tixi unj víxi quivi jácandichi tucún ña, vaha —ñacachi na cán xihín Jesús.

²¹ Joo cō cáhan toho Jesús sahá veñuhu cáhnu cán jáchi cáhan mé á saha yiquí cuñu a. ²² Ña cán queá tá nañihí Jesús ta nanditacu tucu a tixi uní quivi já nandicuhun ini na xica tuun xihín á cán sahá tuhun naçahan mé á nuú na Israel yóho. Ta chí naçandúsa na tuhun Ndióxi ta naçandúsa na tóco ndihi ña naçahan Jesús xihín ná.

Sa xini va Jesús inima ñayivi

²³ Cuahá ñayivi ñuu Jerusalén cán naçandúsa na Jesús nani nasahün a víco pascua cán sahá ña náhnu xihín ña xitúhün naçaja nu ná. ²⁴ Vatí naçachi na cándúsa na mé á joo cō naçandúsa toho Jesús na jáchi xini va ha mé á ndá inima ñehe in in na cán. ²⁵ Ta cō xini ñúhu toho a ña çaxi tuhun na xihín á ndá quiahva in in in ñayivi jáchi sa xini ndihi va mé á inima ná.

3

Nditúhün Nicodemo xihín Jesús

¹ Naçahün in da xica cuénta na fariseo nani Nicodemo ta cúu dá dá saçuaha nuú na Israel cán. ² Ta ñuu naqueta da cuahan da coto nihni da Jesús. Ta tá nañinu cō da nu á já naçachi da já xihín á:

—Maestro, cándaq cáxi ini nde ña naçindahá Ndióxi ndohó vaxi ndó nuú nde ña ná jánağa ndó nuú nde. Jáchi ni in túhün toho ñayivi a cuú caja ña náhnu caja mé ndó tá ta cō in Ndióxi xihín ná —naçachi da xihín Jesús.

³ Anda já nanducú ñehe Jesús tuhun nu dá já naçachi a já:

—Mé a ndaa ná çahan i xihín ndo ña ni in túhün ñayivi a cuú cacomí Ndióxi cuénta saha tá ná a ndicó cō tucu na cacu tucu na —naçachi a.

⁴ Anda já nañaca tuhün Nicodemo Jesús já naçachi da:

—Ndá quiahva cuu cacu tucu na tá sa naçayatá na. Ama ná ndihvi tucu na tixi náná na já cacu tucu na —naçachi Nicodemo xihín Jesús.

⁵ Anda já naçachi tucu Jesús já xihín dá:

—Cáhan i ña ndaa xihín ndo. Tá naçandúta ñayivi xihín ticuú tá tá nandicutú ndaa inima ná xihín inima yii Ndióxi já cúu á tátuhun cacu tucu na ta anda já cuu cacomí Ndióxi cuénta saha ná. ⁶ Jáchi ñuyivi yóho cacu jahyi ñayivi ta sa já ñayivi cúu va na. Joo na jándicutú Ndióxi xihín inima yii mé á, na cán cúu jahyi mé á. ⁷ Ta cō ndítahan catóntó ndó tá cáchi i xihín ndó ña ndítahan cacu tucu ndihi ñayivi já ná cacomí Ndióxi cuénta saha ná. ⁸ Jáchi cúu á tátuhun tá xicó tachí ndá xoo cúní mé á. Vatí xini johó í xicó tachí joo cō xini yō ndá xoo quixi a ta cō xini yō ndá xoo cuahan. Quiahva já in inima yii Ndióxi jáchi vatí cō xini ñayivi mé á joo xini na ndá

quiahva cája mé á tá ñúhu a ini na —naçachi Jesús xihín Nicodemo.

⁹ Tá nandihí já naçachi Nicodemo já xihín Jesús:

—Cō cándaq toho ini i ña cáchi ndo xihín i —naçachi da.

¹⁰ Anda já naçachi Jesús já xihín dá:

—Cúu ndó da jánağa nuú ñayivi Israel ta ndítahan cándaq ini ndó ña yóho, nduu jáchi cúu ndó maestro cáhnu nu ná. ¹¹ Mé a ndaa ná çahan i xihín ndo. Cáhan nde sahá ña cándaq ini nde ta sahá ña naxini nde xihín nuú nde joo ndohó cō cándúsa ndó ña cáhan nde xihín ndo. ¹² Cáhan i sahá ñaha ñuyivi yóho xihín ndo ta cō cándúsa ndó ña. Ndaja ga ví caja ndó tá ná çahan i sahá ñaha in indivi.

¹³ Ni in túhün toho ñayivi a ñaha ndaa cuhun chí indivi. In túhün da ndaa indivi cúu dá nanuu, da naquixi ñuyivi yóho. Ta da cán cúu yehe, da naçindahá Ndióxi nduu ñayivi. ¹⁴ Sanahá ndivaha naçata caa Moisés in cō, ri naçavağa xihín çaa nu yito yucú íchi. Quiahva já cata caa ri na yehe, da naçindahá Ndióxi nduu ñayivi ndiça crúxu ¹⁵ já queá ná çacu ndaa inima ñayivi já ná a cúhün na indayá tá ná candee ini na yehe. Ta xihín ña yóho catacu na anda ama caa quivi.

Quthvi ndivaha ini Ndióxi ñayivi nduu ñuyivi

¹⁶ Jáchi saha ña naquihvi ndivaha ini Ndióxi ñayivi nduu ñuyivi sahá ña cán queá naçindahá mé á in túhün jini já jahyi a ñuyivi yóho. Já queá tá ná candee ini na mé á cuu çacu ndaa inima ná já ná catacu na anda ama caa quivi. ¹⁷ Cō naçindahá Ndióxi jahyi a ña ná quixi da jándihí da sahá na nduu ñuyivi yóho. Naçindahá a jahyi a jáchi cúní a jácacu a ñayivi.

¹⁸ Ta ndá na sa candee ini yehe, ña cúu u jahyi Ndióxi, na cán cúu ná caja cáhnu ini Ndióxi saha. Joo na cō naçeen cándúsa ñahá cán, na cán cúu na cō caja cáhnu ini Ndióxi saha jáchi cō naçeen na cándúsa na da cúu in túhün jini já jahyi mé á. ¹⁹ Ta na cō naçeen cándúsa cán sa nasacu va Ndióxi saha ná çuhun na indayá jáchi naçaan na caja na ña núu. Saha ña cán queá nañinu mé á cúu jahyi Ndióxi ñuyivi yóho ta cúní a jándiyehé a nuú ñayivi. Jáchi catóo chaga na canduu na nuú naá jáchi caja na ña núu. ²⁰ Jáchi tóco ndihi na caja ña núu cándají na ña va ha, ña cúu tátuhun ña yehe. Ta cō cúní na cayati na nuú ña yehe cán já ná a ndítivi ña núu caja na. ²¹ Joo na caja ña ndaa, na cán cúu na cáyati chaga nuú ña va ha, ña cúu tátuhun ña yehe já ná nağa ña mé a ndaa caja na ña cúní Ndióxi —naçachi Jesús.

Ndicani tucu Juan saha Jesús

²² Tá sá nayaha ña yóho já ñaquee Jesús ñasahan chí estado Judea xihín na xica tuun xihín á. Ta cán ñasahin a chá tiempo xihín ná jáchi najácandúta ná ñayivi mé cán. ²³ Ta jári Juan va najácandúta dá ñayivi chí ñuu naní Enón yati ñuu Salim cán jáchi cán ñúhu cuahá ticuñí. Ta cuahá ñayivi ñasahan na cán candúta ná. ²⁴ Tóco ndihi ña yóho nayaha tá cámaní tiin na Juan chicao na da vecaa.

²⁵ In tañu java na xica xihín Juan cán ñacasahá na ndítuhún ihvi na xihín java na Israel sahá ña yóho: á ndiyahvi chága tá cája ndúta Juan ñayivi á tá cája ndúta na xica tuun xihín Jesús ñayivi. ²⁶ Tá nandihí já ndáva na xica xihín Juan ñasahan na cáhan na xihín dá já ñacachi na já:

—Maestro, datáa, dá nandítuhún xihín ndó inga xoo yuta Jordán cán, dá ñacahan mé ndó saha nuú ndé cán, viti xica nuu da jácandúta dá ñayivi ta jandá johó tóco ndihi ñayivi ndíco na dá viti —ñacachi na cán xihín Juan.

²⁷ Andá já ñacachi Juan já xihín na cán:

—Ni in túhún toho ñaha a cúu caja ñayivi tá co sáhan Ndióxi ñamaní nu ná caja na ña. ²⁸ Ta sá ñaxini johó ndó ña ñacaxi túhun yáchi vi xihín ndó ña co cúu yehe dá ñasahan Ndióxi túhun a chindahá a cacomí a cuénta sahá ñayivi. Náchindahá Ndióxi yehe já ná cacu tiáhva i íchi nuú quixi mé dá cán. ²⁹ Candehé ndó. Cúu á tátúhun tá cúu in víco tándaha. Ta dá cúu amigo dá tándaha cán ndáti da casaá da. Ta cájii ini da tá xini johó da nu cáhan vatá dá tándaha cán jáchi in ñájihí dá xihín dá. Ta quiahva já cájii ini i jáchi casahá ñayivi ndíco na jata Jesús viti. ³⁰ Mé Jesús jan ndicáhnú johó ga cùhun a. Ta yehe ndítahan nuu ndáha johó i cùhun i —ñacachi Juan.

Jesús quea ñaquixi chí indivi

³¹ Mé Jesús ñaquixi chí indivi ta cáhnú chága mé á nu ndihi ñaha. Ta ñayivi ñacacu ñuyiví yóho cáhan na sahá ñaha ñuyiví cuítí va. Joo mé á ñaquixi chí indivi cán cúu á ña cáhnú chága nu tóco ndihi ñaha. ³² Ta cáhan mé a cán sahá ña ñaxini xihín nuu a ta cáhan sahá ña ñaxini johó a. Joo ni in na co cúní candúsa na ña cáhan mé á. ³³ Joo ndá na cándúsa nu cáhan mé á, na cán cúu na cándaa cáxi ini na ña cáhan Ndióxi ña ndaa. ³⁴ Ndióxi quea náchindahá mé á ta cáhan ndinuhu túhun Ndióxi jáchi co ndáhví toho cúu ini Ndióxi jándicutú ndaa mé a cán xihín inima yii mé á. ³⁵ Ta Ndióxi, tátá a ña in indivi quíhvi ndivaha ini a in túhún jiní já jahyi a ta ñasahan ndé a nuú jahyi a ña ná cuu caja tóco ndihi ñaha. ³⁶ Ta ndá na cándeé ini mé a cúu in túhún jiní já jahyi Ndióxi cán, na cán cúu na catacu andá ama cáa quívi. Joo na co cúní candúsa ñahá cán, na cán cúu na a ñehe

táhví toho na catacu na xihín Ndióxi. Ña caja Ndióxi xihín ná quea chindahá a na cùhun na indayá andá ama cáa quívi.

4

Ndítuhún Jesús xihín in ñáñaha cuénta Samaria

¹ Ta ndaja coo na fariseo ñacandaa ini na ña cuaha chága ñayivi ndíco jata Jesús ta cuaha chága ñayivi jácandúta Jesús a juú ga Juan. ² Vati a juú mé Jesús jácandúta ñayivi joo na xica tuun xihín á cán jácandúta ñahá. ³ Ta tá ñaxini johó Jesús ña cáhan ñayivi sahá já ñaquee a estado Judea xihín na xica tuun xihín á cuahan na ndíco coo na chí estado Galilea.

⁴ Ta nuú cùhun a Galilea cán ndúsa yaha ndaa estado Samaria já xinu a nuú cùhun a cán. ⁵ Ta ñaxinu a in ñuu loho naní Sicar cuénta mé Samaria cán yati nuú ñundáhví ña najándicoo táhví Jacob nu José, jahyi da. ⁶ Ta cán ñasahin in chícoho ña naní chícoho Jacob. Ta cúu á tátúhun caxivi tá ñaxinu coo Jesús ñuu Sicar cán. Ta chí a váha ga ñacanaa a sahá ña cán quea ñasacoo a yati yuhú chícoho cán. ⁷ Ta naní in coo a cán já ñaxinu in ñáñaha cuénta Samaria tavá ña ticuñí ini chícoho cán. Já ñacachi Jesús já xihín ña:

—Quiahva loho ticuñí ná coho i —ñacachi a xihín ña. ⁸ Jáchi sa cuahan na xica tuun xihín á ñuu cuen na ñaha cuxu na.

⁹ Andá já ñacatóntó ña jáchi coo xini táhan yaha na Israel xihín na Samaria. Ta ñacachi ña já xihín Jesús já:

—Ndá cuénta quea xica yóho, dá Israel, ticuñí nuú i cohún ta ña Samaria va cúu yehe —ñacachi ña cán xihín Jesús.

¹⁰ Já ñacachi a já xihín ña:

—Tá ná candaá inún yo cúu yehe, dá xica ticuñí nuú ta tá ná candaá inún ndá quiahva in ña cúní Ndióxi quiahva nuun já cacun ña nuú i. Jáchi yehe cuu caja i ña ná catacún andá ama cáa quívi ta ña yóho cuu a tátúhun ticuñí, do a cúu ndihí saha —ñacachi Jesús.

¹¹ Andá já ñacachi ña cán já xihín á:

—Candehé ndó. Ni yáxi coo ñehe ndó tavá ndó ticuñí ini chícoho yóho ta chícoho cúná ndivaha cúu ña yóho. Ndá cuu caja ri ndó quiahva ndó ticuñí cáchi ndó jan nuú i. ¹² Tásáhnú jicó ndé, dá naní Jacob cán najándacoo chícoho yóho nuú ndé. Ta nuú chícoho yóho ñaxihí dá cán ticuñí ta sá mé chícoho yóho ñaxihí ri jahyi dá cán ta yóho ñaxihí ri quítí jana dá. Ama ná cuu quiahva mé ndó ticuñí váha chága a juú ga dó najándacoo Jacob nuú ndé —ñacachi ña cán xihín Jesús.

¹³ Andá já nanducú ñehe Jesús túhun nu ña já ñacachi a já:

—Ndá ñayivi ñacuu va xihí ticuíf chícoho yóho já queá ichí tá ichí ini ná. ¹⁴ Joo ndá na ná coho ticuíf táhan dó sahan yehe, na cán cúú na a ndicó coo ga na ichí ini na anda ama cáa quívi. Jáchi cúú á tátuhun sa mé ini mé va na cana ticuíf, dó a ndíhi saha ta catacu na anda ama cáa quívi —ñacachi Jesús xihín ñá.

¹⁵ Anda já ñacachi ñá cán já xihín Jesús:

—Quiahva mé ndó ticuíf, dó co ndíhi saha jan nuú i ñá ná a ichí ga ini i ticuíf já ná a quixi ga i yóho tavá i dó coho i —ñacachi ñá xihín á.

¹⁶ Anda já ñacachi Jesús já xihín ñá:

—Cuáhán cana yíun ná quixi da yóho xuhun.

¹⁷ Anda já ñanducú ñehe ñá cán tuhun nu á já ñacachi ñá já:

—Coo toho yíi i.

Anda já ñacachi Jesús já xihín ñá:

—Mé a ndaa coo toho yíun. ¹⁸ Joo ñasahíin uhun yíun ta da íin xuhun viti jan coo túú toho da yíun. Ndaa ndusa cáhun —ñacachi Jesús.

¹⁹ Já ñacachi ñá já xihín á:

—Jivi ndusa in profeta cúú mé ndó.

²⁰ Tásáhnú jíco nde, na Samaria yóho ñacaja cáhnú na Ndióxi yati jíni yúcu jan. Joo ndóhó, na Israel cáchi ndo ñá ndusa ndítahan nuú nde cuhun nde ínuu Jerusalén caja cáhnú nde Ndióxi. Ta mé ndó ndaja cachi ndó —ñacachi ñá cán xihín Jesús.

²¹ Anda já ñanducú ñehe Jesús tuhun nu ñá já ñacachi á já xihín ñá:

—Xíni ñúhú candúsún ñá cáhan i jáchi mé a ndaa vaxi quívi caja cáhnú ndíhi ndó Ndióxi, tátá yo ndá xoo ñacuu va. Á cúni ñúhú ga ndó cuhun ndo jíni yúcu cáa ta ni á cúni ñúhú ga ndó cuhun ndó ínuu Jerusalén caja cáhnú ndó Ndióxi. ²² Joo ndóhó, na Samaria caja cáhnú cuáá ndo Ndióxi jáchi coo xini ndó a. Joo ndehe, na Israel xini vaha nde yo cúú Ndióxi caja cáhnú nde. Jáchi chíchi mé nde, na Israel ñacuu ini Ndióxi quixi mé á jácau ñayivi. ²³ Ta viti ñaxinu quívi tá ndítahan caja cáhnú ñayivi Ndióxi, tátá yo xihín ndinuhu ini na tá quiahva cúni ínimá yíi Ndióxi jáchi quiahva já cúni Ndióxi, tátá yo ñá ná caja cáhnú ñayivi mé á. ²⁴ Á cuyú cuni yó Ndióxi jáchi coo toho yíqui cuñu a sahá ñá cán queá xini ñúhú caja cáhnú ñayivi mé á xihín ínimá ná ta xihín ndíñuhu ini na —ñacachi Jesús xihín ñá.

²⁵ Anda já ñacachi tuun ñá cán já:

—Sa cándaq cáxi ini i ñá vaxi quívi quixi da chindahá Ndióxi cacomi a cuéntá sahá ñayivi, mé da cúú Cristo. Ta tá ná quixi da cán já ndicaní ndíhi da nuú nde ndaja coo —ñacachi ñá cán xihín Jesús.

²⁶ Anda já ñacachi Jesús já xihín ñá:

—Da cán cúú yehe, da cáhan xuhun viti —ñacachi Jesús xihín ñá.

²⁷ Ta nani cáhan Jesús xihín ñá ñaxinu coo na xica tuun xihín á já ñacatónto na jáchi ñaxini na ndítuhún a xihín in ñáñáha. Joo ni in túhún na coo ñasahan ndeé ini na cuhun na ndaca túhún ñahá ndá a cúni ñá cán, á ndá saha ndítuhún a xihín ñá. ²⁸ Tá ñandíhi já najándacoo ñá cán yoo ñá ta ñaquee ñá cuahán ñá ínuu. Ta cán ñacasáhá cáhan ñá xihín na ínuu cán já cáchi ñá já xihín ná:

²⁹ —Naha quíi ndó. Candehé ndó in dataa, da ñacahan ndíhi da tá quiahva ñacaja i. Á a juú da yóho cúú Cristo, da ñacachi Ndióxi chindahá a cacomi cuéntá sahá ñayivi —ñacachi ñá cán xihín ná.

³⁰ Tá ñandíhi já ñaqueta ndíhi na cán cuahán na xihín ñá nu íin Jesús. ³¹ Joo tá cámaní xinu coo na nu íin Jesús já najácahan na xica xihín á mé á ñá ná cuxu a vatí loho.

³² Anda já ñacachi Jesús já xihín na xica tuun xihín á cán:

—Sa íin va ñaha cuxu u. Ta ndóhó, coo xini toho ndó ndá a queá —ñacachi Jesús xihín ná.

³³ Tá ñandíhi já ñacasáhá na cán ndaca túhún táhan na já cáchi ná já:

—Ndá na sa ñaquixi ñehe va ñaha cuxu a —cáchi xihín táhan na.

³⁴ Sahá ñá cán queá ñacachi Jesús já xihín ná:

—Tá quiahva ndívaha ini ñayivi tá xixi na quiahva já ndívaha ini i tá caja i chuun ñá ñachindahá Ndióxi yehe caja i ñuyívi yóho. Ta xini ñúhú caja i ñá janda quiahva ná jáxinu coo i ñá. ³⁵ Xíni ñúhú ndíñehe ndó nuú ndó candehé ndo ñayivi jáchi cúú ná tátuhun nuú ñaxutu na trigo. Joo coo xini ñúhú caja ndó tá quiahva caja ñayivi tá ndati na comí yoo jáquee na trigo. Jáchi viti ñúhú íin tiahva ñayivi ndiquehe na tuhun Ndióxi. ³⁶ Ndá na xica chindeé ñayivi ndiquehe na tuhun Ndióxi, na cán cúú ná tátuhun na xica jáquee trigo. Ta a caja chuun uun toho na jáchi quehe na yahvi sahá chuun caja na. Ta na ndiquehe tuhun Ndióxi cán cúú na cuhun catacu indivi anda ama cáa quívi. Ta sahá na cán cavatá da ñaxutu xihín da najáquee.

³⁷ Jáchi íin in tuhun ta ndaa cáhan ñá. Já cáchi á já: “In da xútu ta inga da jáquee jáchi cúú ndívi dá da caja chuun nuú in xitoho.”

³⁸ Ta quiahva já ñayaha xihín mé ndó jáchi yehe ñachindahá i ndóhó ñá ná cuhun ndó chindeé ndo ñayivi ndíhvi na íchi cuéntá Ndióxi vatí coo ñandoho ini ndó çaxi tuhun ndó tuhun Ndióxi xihín ná. Jáchi inga na ñacaxi tuhun tuhun Ndióxi xihín na cán joo ndóhó ñehe táhvi ndó chindeé ndó na ndíhvi na íchi cuéntá Ndióxi —ñacachi Jesús xihín na xica tuun xihín á cán nani cámaní xinu coo ñayivi ínuu cán nu á.

³⁹ Ta cuahá ñayivi ínuu Samaria cán ñacandusa na Jesús sahá ñá ñacahan ñáñáha

cán xihjín ná jáchj nácachi ñá cán já xihjín ná: “Nácachi mé á xihjín j ndaja cós tóco ndihi ñá nácaja i.”⁴⁰ Sahá ñá cán queá tá naxjnu cõo ná Samaria cán nu ín Jesús já naxjca tahví nã nu á ñá ná cõo chãga xihjín ná. Sahá ñá cán queá ñacandõo Jesús nasahjín a jvĩ quĩvj xihjín nã cán.⁴¹ Ta cuahã java gã nã Samaria cán ñacandúsa na Jesús sahã tũhun nãcahan mé á xihjín ná.⁴² Já nácachi mé ná Samaria cán xihjín ñãñãhã cán já:

—Ñacandúsa ndẽ yohó tá nãcahún sahã Jesús nuũ ndẽ joo viti cándeé ini ndẽ mé á jáchj nãxini johõ ndẽ nu cáhan mé á. Ta viti ndusa cándúsa ndẽ ñá cúú á Cristo, mé á ñachindahã Ndióxj jácãcu a ñayivi ñuyívi —nácachi nã Samaria cán xihjín ñã.

Tá ñandaja vaha Jesús jahyi in dã cája chũun cuéntã gobiernõ

⁴³ Tá sã nayaha jvĩ quĩvj nasahjín Jesús mé Samaria cán já ñaquee tucu a cuahan chí estado Galilea.⁴⁴ Jáchj sã nácachi mé Jesús já: “Ni in túhún toho profeta cõ cája cáhnu na dã ñuu da”, nácachi Jesús.⁴⁵ Joo tá naxjnu cõo Jesús estado Galilea cán já ñandiquehe vaha nã cán mé á jáchj sã nasahan ri nã cán vicõ pascua ñuu Jerusalén ta cán nãxini na ñá náhnu ñajaja mé á.

⁴⁶ Andã já naxjnu cõo tucu Jesús ñuu Canã cuéntã Galilea cán nuũ ñandaja mé á ticujj ñanduũ dó vino. Ta mé ñuu cán nasahjín in dataa, dã cája chũun cuéntã gobiernõ. Ta a juũ quiahva quĩhvĩ jahyi da cándũhũ dá ñuu Capernaum.⁴⁷ Ta tá nãxini johõ dã cán ñá sã ñaquee Jesús estado Judea ta ín a estado Galilea viti já ndãva da nasahan dã nu á já naxjca tahví dã nu á ñá ná cũhun a vehe da ndaja vaha jahyi da jáchj sã ndicáhvi dã cándũhũ dá.⁴⁸ Tá ñandihĩ já nácachi Jesús já xihjín dá:

—Ndúsa cãja i ñá náhnu xihjín ñá xitúhún nu ndõ já cuu candúsa ndõ yehẽ á tá cõõ ta cõ cunjĩ ndõ candúsa ndõ yehẽ —nácachi Jesús.

⁴⁹ Andã já ñanducú ñehe dã cája chũun cuéntã gobiernõ cán tũhun nuũ Jesús já nácachi da já xihjín á:

—Á a cuũ cãja ndõ ñamanj cũhun quij ndõ vehe e jáchj cunjĩ quivĩ jahyi j —nácachi da xihjín Jesús.

⁵⁰ Andã já nácachi Jesús já xihjín dá:

—Cuáhãn ndicó cõõ ndõ vehe ndõ jáchj ñandivaha jahyi ndõ —nácachi Jesús xihjín dá.

Ta ñacandúsa dã cán ñá nácachi Jesús xihjín dá chí ñaquee da ñandicó cõõ da cuanúhũ dá.⁵¹ Ta tá sã yati xjnu cõõ da vehe da já ndãva nihni nã cúú mozo da nasahan nã ñehẽ ná dá já nácachi na já xihjín dá:

—Sã cõ quĩhvĩ gã jahyi ndõ viti.

⁵² Andã já ñandacã tũhún dã cán mozo dã já cáchĩ dã já:

—Ndã hora ñacasáhã ñandivaha jahyi j —nácachi da xihjín ná.

Já nácachi nã cán já:

—Cuni tátũhun cãã in sahini já ñandindaa ñá chícaãn cáhni á dã.

⁵³ Xihjín ñá yóho ñacandãã ini dã cán ñá mé a ndãã ñandaja vaha Jesús jahyi da jáchj mé hora cán nácachi Jesús xihjín dá ñá tácu tá tácu jahyi da. Sahá ñá cán queá ñacandúsa mé dá xihjín na vehe da Jesús.

⁵⁴ Ta xihjín ñá yóho nãxinu jvĩ ñá xitúhún ñajaja Jesús estado Galilea cán andã nani ñaquee a Judea já ñandicó cõõ tucu a Galilea.

5

Tá ñandaja vaha Jesús in dã quĩhvĩ dã ín yuhú ticujj nani Betesda

¹ Tá nayaha ñá yóho já ñaquee Jesús cuahan ñuu Jerusalén nu cája ná Israel vicõ.² Ta mé nu quĩhvĩ johõ na ñuu Jerusalén cán ín in yéhé nani yéhé ndicachi. Ta yati cán nasahjín in vehe ta ín uhun yuyéhé nu quĩhvĩ na ini a ta ini mé vehe cán ndãcaãn in pila cáhnu nu ñũhu ticujj ta nani a Betesda tũhun hebreo.³ Ta ní ini mé vehe cán ñacanihni nã quĩhvĩ ndũu na. Java nã cúú ná nã cuahã. Java na quĩhvĩ saha. Ta sã java na nãxihjĩ tũchu. Ní cán ñacanihni na ndũu na ndãti na ndicandã ticujj cán.⁴ Jáchj ndã taũu núu táto Ndióxj ta jándicandã mé á ticujj cán. Ta ndã nã ná queta nuu nu cuiti ini mé ticujj cán tá ñandihĩ ñandicandã dõ já ndivaha na ta cõ cája toho a ndã cuhẽ ndóho na.⁵ Ta taũu tóco ndihĩ nã quĩhvĩ nasanduu cán nasandacãn in dataa, dã sã ín cõõ sahun unj cujã quĩhvĩ dã.⁶ Ta tá nãxini Jesús cándũhũ dá taũu nã quĩhvĩ cán ta tá ñacandãã ini a ñá sanahã ndivaha quĩhvĩ dã já ñandacã tũhún a dã já nácachi a já xihjín dá:

—Á ndivahún cúnun.

⁷ Andã já ñanducú ñehe dã cán tũhun nu á já nácachi da já:

—Cõõ ni in ñayivi yóho ñá chindeé na yehẽ queta nuu j ini ticujj tá ndicandã dõ. Jáchj tá jacã cáhãn uun j jáqueta j mĩ j, sã ñaquee vaha va inga na nuũ j. Ñã cán queá a cuũ ndivaha j —nácachi dã cán xihjín Jesús.

⁸ Andã já nácachi Jesús já xihjín dá:

—Cuáhãn ndacõõ nditívun yívun ta cuanúhún —nácachi Jesús xihjín dá cán.

⁹ Tá nácachi Jesús já chí jvĩ laã ñandivaha dã quĩhvĩ cán já ñandiquehe da yivĩ dá já ñacasáhã dã xica da. Ta sahã ñá cúú á quĩvj ndiquehe ndéé ná¹⁰ sahã ñá cán queá ñaqueeta java nã sacuaãã nuũ nã Israel já nácachi na já xihjín dá:

—Viti cúú á quĩvj ndiquehe ndéé yõ ta cõ ndítahan toho nuun cõjũn yívun caca nuún —nácachi na xihjín dá.

¹¹ Andá já nanducú ñehe da cán tuhun nu ná já ñacachi da já:

—Mé a ndaja vaha yehe cán cúú da ñasahnda chuun nuú i ña ná cojo i yivi cuhun i —ñacachi da cán xihín ná.

¹² Já nandaja tuhún tucu na Israel cán da já ñacachi na já:

—Yo já ñacachi xuhun ña ná ndicojún yivun cuhun —ñacachi na cán.

¹³ Joo da cán co xini da yo nandaja vaha ñahá jáchi tá nandaja vaha Jesús da já ñaquihvi nuu a cán tañu ñayivi cuaha cán cuahan. ¹⁴ Tá nandihí já nanditahan Jesús da cán ini veñuhu chánu já ñacachi a já xihín dá:

—Candehé. Sa co quihvi gaún viti. A ndicó coo gaún cajún cuachi jáchi tiahuva náa quixi ña ndeé chága ví ndohún —ñacachi Jesús xihín dá.

¹⁵ Tá nandihí já ndáva da cán ñasahan da cáxi tuhun da nuú na Israel ña Jesús cúú ña nandaja vaha ñahá. ¹⁶ Sahá ña cán quea ñacasahá na Israel cán cajú xixi na xihín Jesús. Nducú na cahni ná a sahá ña cajú chúun a ndája vaha mé a ña quihvi quiví ndiquehe ndéé ná. ¹⁷ Andá já ñacachi Jesús já xihín ná:

—Cajú chúun ta cajú chúun Ndióxi, tátá i sahá ña cán quea cajú chúun ta cajú chúun ri yehe va —ñacachi Jesús.

¹⁸ Sahá ña cán quea ví ga ví cúnj na Israel cán cahni na Jesús jáchi cáchi na co cajú cáhnu a Ndióxi quiví ndiquehe ndéé ná tá quiahva cáchi ley. Ta cúnj na cahni na mé á jáchi cáchi a ña cúú á in túhún jiní já jahyi Ndióxi ta xihín ña yoho ndája mé á tátuhun mé Ndióxi.

Ña cúú cajú Jesús sahá ña cúú á in túhún jiní já jahyi Ndióxi

¹⁹ Já ñacachi Jesús já xihín na Israel cán:

—Mé a ndaa ná cahan i xihín ndo. Yehe cúú u in túhún jiní já jahyi Ndióxi ta co cajú i ni in ñaha cuéntá mí i jáchi cajú i ña xini i cajú Ndióxi, tátá i. Ta tóco ndihí ña cajú tátá i ña cán cúú ña cajú ri yehe va. ²⁰ Jáchi sahá ña quihvi ini Ndióxi, tátá i yehe sahá ña cán quea náha mé á nuú i ndaja táhan ñaha cajú mé á. Ta jandá ñaha náhnu chága ví ñaha mé á nuú i ta chí catónto ndihí ndó tá ná cuni ndó ña. ²¹ Jáchi tá quiahva cajú Ndióxi, tátá i jánditacu a ndji ña ná catacu na quiahva já cuu cajú ri yehe jánditacu u ña cúnj mí i catacu. ²² Ta mé Ndióxi, tátá i co cajú víi toho a sahá ñayivi. Na ñacaja mé á quea ñasahan ñamaní nuú i, da cúú in túhún jiní já jahyi mé á, ña ná cajú víi i saha ná. ²³ Já quea ná cajú cáhnu ñayivi yehe tá quiahva cajú cáhnu na Ndióxi, tátá i. Jáchi ndá na co cajú cáhnu yehe náha ña co cajú cáhnu na Ndióxi, tátá i jáchi mé a cán ñachindahá yehe vaxi i.

²⁴ Mé a ndaa ná cahan i xihín ndo. Ndá na táa johu vaha nu cahan i ta cándusa na Ndióxi, mé a ñachindahá yehe quixi i, na cán cúú na catacu andá ama cáa quiví. Ta a jándoho Ndióxi ini na indaya jáchi cúú á tátuhun sa najánditacu tucu Ndióxi na. ²⁵ Mé a ndaa ná cahan i xihín ndo ña vaxi quiví ta cúú á tiempo viti tá na co tácu cuni johu na ña cahan yehe, da cúú in túhún jiní já jahyi Ndióxi. Ta ndá na ná ndiquehe vaha tuhun cahan i xihín ná catacu na andá ama cáa quiví. ²⁶ Jáchi tá quiahva cuu cajú Ndióxi catacu ñayivi quiahva já ñacaja mé á ña ná cajú ri yehe, da cúú in túhún jiní já jahyi mé á, ña ná cuu catacu ñayivi. ²⁷ Ta ñasahan mé á ñamaní nuú i ña ná cajú víi i sahá ñayivi ñuyiví jáchi yehe cúú da ñaquixi indiví nduu in ñayivi. ²⁸ A catónto ndo sahá ña cahan i xihín ndo yoho jáchi mé a ndaa vaxi quiví tá cuni johu tóco ndihí na sa naxihí nuú cahan i xihín na ²⁹ já queta na camasanto. Ta na ñacaja vaha cán nditacu na ta cuhun na catacu na andá ama cáa quiví. Ta na ñacaja ña quini nditacu na ta cuhun na indaya ndoho ini na.

Naha Jesús ña ín saha cajú tóco ndihí ña cajú

³⁰ Tóco ndihí ña cajú i a juú in túhún mí i cajú ña. Tá quiahva sahdá Ndióxi, tátá i chuun nuú i ña ná cajú víi i sahá ñayivi quiahva já cajú víi i saha ná. Ta cajú víi ndaa i saha ná jáchi co nducú u cajú i ña cúnj mí i. Na nducú u cajú i cúú ña cúnj Ndióxi, tátá i cajú i jáchi mé á ñachindahá yehe quixi i. ³¹ Jáchi tá saha mí i ná caca nuu i cahan i, co nditahan ndiquehe ndó ña cahan i sahá i. Co nditahan nuú i cahan i saha mí i ³² jáchi ín inga ña cahan sahá i ta ña cahan mé a cán sahá i cúú á ña ndaa. ³³ Ta mé ndó ñachindahá ndo java na ñasahan na ndaca tuhún na Juan sahá i. Ta ña ndaa ñasacuu tóco ndihí tuhun nanducú ñehe da cán nu ndo. ³⁴ Vatí co ndatí i cándusa ndó yehe sahá ña cahan in ñayivi sahá i joo cuu cacu ndaa inima ndó tá ná cándusa ndó ña cahan Juan sahá i. ³⁵ Jáchi mé Juan, da ñacaja ndúta ñayivi cán ñasacuu da tátuhun in iti, dó jandiyéhe nuu ndo. Joo chá tiempo cuíti va ñacají ini ndó xihín tuhun ñacahan da. ³⁶ Ín inga ña cáhnu chága a juú ga ña ñacahan Juan sahá i. Ta ña cán cúú á ña náhnu xihín ña xitúhún ñaxini ndó ñacaja i. Ta ña yoho náhnu nu ndo yo cúú yehe ta náha ña cúú á ña ndaa ña ñachindahá Ndióxi, tátá i yehe. Jáchi tóco ndihí ña cajú i cúú á ña ñacachi Ndióxi, tátá i xihín i cajú i. ³⁷ Ta Ndióxi, tátá i, mé a ñachindahá yehe náha tuhun sahá i. Joo ndóhó, co xini johu ndó nu cahan mé á ta ni co xini tívi ndó a. ³⁸ Ta ni coo tuhun mé á ndacaan inima ndo jáchi co cándusa ndó yehe, da ñachindahá mé á

quixi ñuyivi yóho. ³⁹ Vati jácuaha vaha ndó tuhun Ndióxi sahá ña ndúcu ndo ndaja cuu catacu ndó anda ama cáa quivi joo co cándaq ini ndó ña mé tuhun Ndióxi cán cúu á ña cáhan sahá yehe. ⁴⁰ Ta co cúni ndó quixi ndó nuú j já ná caja i ña ná catacu ndó anda ama cáa quivi.

⁴¹ Co ndúcu toho i ña ná caja cáhnu ndó yehe. ⁴² Sa xini vaha i ínimá ndo ta cándaq ini i ña co quihvi ini ndó Ndióxi. ⁴³ Naxinu i ñuyivi yóho cuéntá Ndióxi, tátá i ta co cúni ndó ndiquehe vaha ndó yehe. Joo tá ná quixi in da cuéntá mé dá j ndiquehe vaha ndusa ndó da. ⁴⁴ Jáchi mé ndó cátoó ndó candoo vaha ndó nuú ñayivi cuiti va ta co ndúcu ndó candoo vaha ndó nu Ndióxi. Sahá ña cán quea ihvi ndivaha cúu ini ndó cándeé ini ndó in tühún jini Ndióxi. ⁴⁵ Coto a juú cahán ndo ña jácojo i cuachi jata ndo nu Ndióxi, tátá i. Mé ley naçahyi Moisés, ña cán cúu á chácañ cuachi jata ndó vati cándeé ini ndó da. ⁴⁶ Tá tá mé á ndaa cándusa ndó ña naçahyi Moisés sñahá já quea cándusa ndó yehe jáchi sahá yehe naçahyi Moisés sñahá. ⁴⁷ Joo sahá ña co cándusa ndó ña naçahyi Moisés sahá i sahá ña cán quea co cándusa ndó ña cáhan i xihin ndo —naçachi Jesús xihin na Israel cán.

6

*Sáhan Jesús ña cuxu uhun mil tqa
(Mt. 14:13-21; Mr. 6:30-44; Lc. 9:10-17)*

¹ Tá sa nayaha tóco ndihi ña yóho já naquee Jesús cuahán inga xoo tañuhú Galilea cán. Ta mé tañuhú cán cáhan tucu na xihin dó nani do Tiberias. ² Ta cuahá ndivaha ñayivi ndico jata Jesús cuahán na jáchi naxini na ña náhnu naçaja mé á tá nandaja vaha mé á na quihvi. ³ Tá nandihí já nandaa Jesús in xiqui ta cán naçacoo a xihin na xica tuun xihin a cán. ⁴ Ta mé tiempo já sa cáyati vicó pascua ña cája mé na Israel cán. ⁵ Ta tá nandicoto nihni Jesús já naxini a ña ndico cuahá ñayivi jatá vaxi na já naçachi a já xihin Felipe:

—Ndájá cájún cuéntá cohó cueen nahá yo ña cuxu tóco ndihi ñayivi yóho —naçachi Jesús xihin dá.

⁶ Naçachi Jesús ña yóho xihin Felipe jáchi cúni a cuni a ndia cachi da cán xihin á. Jáchi sa xini vaha Jesús ndaa quea caja ña ná cuxu ndihi na cán. ⁷ Anda já nanducú ñehe Felipe tuhun nuú Jesús já naçachi da já xihin á:

—Ni ivi ciento denario ná cañehé, a quéta toho ña cán cueén pan ná quiahva in yuhú in yuhú cuxu in in ñayivi nduu yóho —naçachi da cán xihin Jesús.

⁸ Anda já naçahan Andrés, da cúu in táhan na xica tuun xihin Jesús, da cúu ñani Simón Pedro. Já naçachi da já xihin Jesús:

⁹ —Yóho íin in tqa loho ta ñehe da uhun pan cebada xihin ivi tñyacá. Joo ama ná queta ri ña yóho cuxu tóco ndihi ñayivi jan —naçachi Andrés xihin Jesús.

¹⁰ Anda já naçachi Jesús já:

—Cahan ndó xihin ná ña ná cacoo na.

Anda já naçacoo ndihi na cán. Ta a juú quiahva ndató naçahnu yucú nuú naçacoo tátuhun uhun mil tqa. ¹¹ Tá nandihí já nañtiin Jesús pan cán já nandiquiahva ndixahvi nu Ndióxi. Ta tá nandihí já naçahan ña nuú na xica tuun xihin á ta nandicahnda na ña nuú na nduu coo cán. Ta quiahva já naçaja ri a xihin tñyacá va. Ta naxini ndihi na janda quiahva naçhutú tixi na. ¹² Ta tá nandihí já naçachi Jesús já xihin na xica tuun xihin á cán:

—Jánditaca ndó tóco ndihi ña naçandoo jan já ná a tiví ña —naçachi Jesús xihin ná.

¹³ Sahá ña cán quea najánditaca na ña ta najánditucú na uxu ivi toyicá xihin ña naçandoo. ¹⁴ Tá naxini ndihi ñayivi cán ña xitühún naçaja Jesús yóho já naçasahá cáchi xihin táhan na já:

—Ivni ndusa da yóho cúu profeta naçachi Ndióxi chindahá a ñuyivi yóho —cáchi xihin táhan na.

¹⁵ Joo naquee Jesús cuahán in tühún mé á coo a yucú jáchi xini mé á ña ndúcu ñayivi cañehe ndusa na mé á jáchi cúni na ndaja na mé á rey nu ná.

*Tá naçica sahá Jesús nuú tañuhú
(Mt. 14:22-27; Mr. 6:45-52)*

¹⁶ Tá sa naçaaá já nãnuu na xica tuun xihin Jesús xiqui cán cuahán chí yuhú tañuhú cán. ¹⁷ Ta chí sa naçanaa vaha va ta coó Jesús xinu coo nu nduu na sahá ña cán quea nandaa na jatá in barco ta naçasahá na jándicaca na do jáchi cúni na cuhan na ñuu Capernaum. ¹⁸ Ta ndaja coo naçasahá ndicojo ticui nuú tañuhú cán jáchi naçasahá xicó in tãchj ndeé ndivaha. ¹⁹ Ta tá sa naçaxicá na uhun á ñnu kilometro cuahán na xihin barco cán nuú ticui já naxini na xica sahá Jesús cuahán nuú ticui já cáyati a nu barco cándojó na cán. Anda já naçasahá yihvi na nduu na. ²⁰ Ta tá naxinu coo Jesús nu ná já naçachi a já xihin ná:

—A cáyihvi toho ndó jáchi yehe va cúu u —naçachi a xihin ná.

²¹ Anda já cávatá na najándaa na a jata barco. Ta ivi laá sa naxinu coo na nuú cuahán na.

Ndinducú ñayivi Jesús

²² Tá nañivi inga quivi itaãñ já naçasahá ñayivi ndinducú na Jesús jáchi naxini na ña coó nandaa toho a in tühún barco naçahjin cán xihin na xica tuun xihin a jáchi mé cuiti na cán sa nandaa cuahán. ²³ Ta nani nduu na yuhú tañuhú yati nuú nandaja cuahá Jesús pan tá nandihí nandiquiahva mé á

ndixahvi nu Ndióxi cán já naḡinu ɔo java barco, dó naquixi chí űuu Tiberias. ²⁴ Ta sahá ña ɔo nanditahan na Jesús sahá ña cán queá nanda na barco cán já naquee na cuahan na űuu Capernaum ndinducú ñahá na.

Jesús cúú á tátuhun pan xixi ñayivi já tácu na

²⁵ Tá naḡinu ɔo na cán inga xoo tañuhú já nanditahan na Jesús. Ta naçasáhá ndáca tuhún na mé á já cáchi na já:

—Maestro, ndá hora naḡinu ɔo ndó yóho —naçachi na xihín á.

²⁶ Anda já naçachi Jesús já xihín ná: —Mé a ndaa ná çahan i xihín ndo. Xica ndó ndinducú ndó yehe joo ɔo cúú á sahá ña naçandaa ini ndó yo cúú yehe. Sahá ña náhnu naçaja i tá naçahan i ña naḡixi ndó janda nachutu tixi ndó sahá ña cán queá ndinducú ndó yehe. ²⁷ ɔo ndítahan ndihi nahá ini ndó sahá ña cuxu ndó ñuyívi yóho. Ña ndítahan caja ndó queá ndinducú ndó ndá quiahva catacu ndó anda ama cáa quivi. Jáchi yehe cúú dá naçindahá Ndióxi nduu ñayivi ta cuu caja i ña ná catacu ndó anda ama cáa quivi. Jáchi Ndióxi, tátá i náha ña mé a ndaa naçaxi a yehe caja i chuun yóho —naçachi Jesús xihín na cán.

²⁸ Anda já naçachi na cán já xihín á: —Ndía ndítahan nuú nde caja nde já ná jáxinu ɔo nde ña cuni Ndióxi —naçachi na xihín Jesús.

²⁹ Já naçachi Jesús já xihín ná: —Ña cuni Ndióxi caja ndó queá ná candúsa ndó yehe, dá naçindahá mé á ñuyívi yóho.

³⁰ Anda já naçachi tucu na cán já xihín á: —Ndá ñaha xituhún chága cuu caja ndó nuú nde viti ña ná cuni nde ña já ná cuu candúsa nde ndohó. Ndá a náhnu queá cuu caja ndó. ³¹ Jáchi mé tásáhnu jícó nde naḡixi na pan tá naḡica na yucú íchí nu ɔo ndúu ñayivi cán. Já cáchi tuhun Ndióxi já: “Naḡixi na pan ña naquixi indivi naçaja Moisés” —naçachi na cán xihín Jesús.

³² Já naçachi Jesús já xihín ná: —Mé a ndaa ná çahan i xihín ndo. A juú toho Moisés cúú dá naçahan pan ña naquixi indivi nu ná. Jáchi Ndióxi, tátá i cúú ndusa ña naçahan pan naquixi indivi nu ná. Ta viti cuni Ndióxi quiahva in ñaha vaḡa chága nu ndo a juú ga ña naçahan Moisés nuú na cán sanahá. ³³ Jáchi yehe cúú u tátuhun pan ña nanuu indivi naçaja Ndióxi ña ná cuu catacu ñayivi anda ama cáa quivi —naçachi Jesús xihín na cán.

³⁴ Anda já naçachi na cán já xihín á: —Nini quivi quiahva ndó táhan pan jan nuú nde, xitoho.

³⁵ Já naçachi Jesús já xihín ná: —Yehe cúú u tátuhun mé pan jan. Tá ná ndiquehe ñayivi yehe já ndivaḡa ini na ta

cúú á tátuhun a cuico ga na. Ta ndá na candúsa na mí i já cúú á tátuhun a íchi ga ini na ticui. ³⁶ Joo cúú á tá quiahva naçachi i xihín ndo: ɔo candúsa toho ndó yehe vatí xini ndó yehe. ³⁷ Joo tóco ndihi na vaḡi nuú i caja Ndióxi, na cán cúú na candúsa yehe. Ta ndá na candúsa yehe, na cán ɔo táxi i na ña ná quee na cuhun na. ³⁸ Jáchi vatí nanuu i indivi nu in Ndióxi joo ɔo naquixi i caja i ña cuni mí i. Vaḡi i caja i ña cuni Ndióxi, tátá i jáchi mé á naçindahá yehe. ³⁹ Ta ña cuni Ndióxi queá ña ná a quiahva i ñamaní ndihi sahá na naçahan mé á nuú i. Ña cuni mé á queá ná jánditacu u tóco ndihi na tá ná xinu ɔo quivi nu ndihí. ⁴⁰ Ña cuni Ndióxi queá ná catacu ñayivi, na cándee ini yehe anda ama cáa quivi. Ta yehe, dá cúú in tuhún jiní já jahyi mé á jánditacu u na quivi nu ndihí cuí —naçachi Jesús.

⁴¹ Anda já naçasáhá na Israel cán çahan núu na sahá Jesús jáchi sa naçachi a ña cúú á tátuhun pan ta naçachi a ña nanuu a chí indivi. ⁴² Ta já naçachi xihín táhan na cán já:

—Á a juú jahyi José va cúú Jesús yóho. Ta xini vaḡa va mí yo cúú náná dá xihín tátá dá. Ta ndá cuéntá queá cáchi ri da ña naquixi da chí indivi, dá já —naçachi xihín táhan na cán.

⁴³ Anda já naçachi Jesús já xihín ná:

—A çahan núu ga ndó sahá i. ⁴⁴ Jáchi jáçahan Ndióxi, tátá i, ñayivi ña ná candúsa na yehe. Ta ni in tuhún toho ñayivi a cuú candúsa na yehe tá ta ɔo jáçahan Ndióxi ínimá ná, mé á naçindahá yehe. Ta na cán cúú na jánditacu u quivi nu ndihí. ⁴⁵ Já naçahyi na profeta sanahá: “Jánaḡa Ndióxi tóco ndihi ñayivi.” Ña cán queá tóco ndihi ñayivi, na xini johu nu çahan Ndióxi ta çaja na ña jánaḡa mé á nu ná, na cán cúú na vaḡi nuú i.

⁴⁶ Joo a juú çahan ndo ña cuu cuni java ñayivi Ndióxi, tátá i. Jáchi yehe, dá naçindahá mé á ñuyívi yóho, cuú in tuhún dá xini nahá. ⁴⁷ Mé a ndaa ná çahan i xihín ndo. Ndá na cándee ini yehe, na cán cúú na catacu anda ama cáa quivi. ⁴⁸ Jáchi yehe cúú u tátuhun pan ña cuu caja ña ná catacu na. ⁴⁹ Sa xini ndó tásáhnu jícó ndo naḡixi na pan yucú íchí sanahá joo naḡixi tá naḡixi na. ⁵⁰ Joo yehe cúú u tátuhun pan ña nanuu chí indivi já queá ndá na candúsa yehe cúú ná tátuhun na xixi pan ta já a quivi na. Jáchi tá ná cuxu na pan quiahva i nu ná já queá catacu na anda ama cáa quivi. ⁵¹ Yehe cúú u tátuhun mé pan xixi na. Nanuu i indivi ta a cúu ndihi sahá i. Ta jivi mé yiquí cuñu i cúú á tátuhun pan xixi na yóho ta vaḡi quivi ndiquiahva i ña nu ná já ná cuu çacu ndaa ínimá ná. Ta tá ná cuxu na ña já catacu na anda ama cáa quivi —naçachi Jesús.

⁵² Anda já ñacasáhá na Israel cán ndítúhún cuhehe xihín táhan na já ñacachi na já:

—Cáchi da yóho ña cúu yiquí cuñu da tátuhun pan xixi ñayivi. Ndaja cuu caja ri da quiahva da ña nu yó cuxú —cáchi xihín táhan na.

⁵³ Anda já ñacachi Jesús já xihín ná:

—Mé a ndaa ná cahan i xihín ndo. A cuú catacu ndó anda ama cáa quivi tá ta co cándúsa ndó yehe. Ta tá cándúsa ndó yehe cúu á tátuhun xixi ndó yiquí cuñu i ta cúu á tátuhun xihí ndó nji i. ⁵⁴ Ndá na xixi na yiquí cuñu i ta xihí na nji i, na cán cúu na çacu ndaa inima ná ta jánditacu u na quivi nu ndihí. ⁵⁵ Jáchí yiquí cuñu i cúu ndusa tátuhun in ñaha vaha ndivaha cuxu na ta nji i cúu dó tátuhun in dó vaha xihí na. ⁵⁶ Ndá na ná ndiquehe vaha yehe cúu á tátuhun ndiquehe vaha na in pan cuxu na ta cúu á tátuhun ndiquehe na ticuú xihí na. Já queá in nduu na xihín i ta já in nduu ri yehe va xihín mé ná. ⁵⁷ Ta sahá ña tácu Ndióxi, tátá i, mé a ñachindahá yehe sahá ña cán queá tácu ri yehe va cajú mé á. Quiahva já yaha ri xihín ñayivi jáchi tá ná ndiquehe vaha na yehe já catacu na caja i. ⁵⁸ Jáchí yehe cúu u ndusa tátuhun pan ña ñanuu indiví. Ta co cúu á tátuhun ña nayaha xihín táсахnu jícó ndo tá ñaxixi na pan naní maná yucú íchi cán jáchi tá ndihí ñaxihí tá ñaxihí na cán. Joo ndá na cándeé ini yehe cúu ná tátuhun na xixi pan ña ñaquixi indiví. Ta na cán catacu na anda ama cáa quivi —ñacachi Jesús.

⁵⁹ Tóco ndihí ña yóho ñajánaha Jesús nu ná ini veñu ñuu Capernaum cán.

Cuu catacu ñayivi anda ama cáa quivi tá ná cándeé ini na Jesús

⁶⁰ Ta cuahá táhan na xica xihín Jesús cán tá ñaxini johu na ña ñacahan mé á já ñacasáhá cahan nú na sahá já cáchi na já:

—Yáncá ndivaha candúsa i tuhun cahan Jesús yóho. A cuú toho caja i xihín á —ñacachi na cán.

⁶¹ Tá ñaxini Jesús ña cáhvi núu ini na xica xihín a cán já ñacasáhá cáchi a já xihín ná:

—Ndiñhvi ndó sahá tuhun ñacahan i yóho. ⁶² Ndaja ga ví ndihñhvi ndó tá ná cuni ndó yehe ndaa i cuhun i indiví nuú ñasahñin i jáchi yehe cúu u da ñachindahá Ndióxi nduu ñayivi. ⁶³ Ñasahan Ndióxi in inima nuú in in ñayivi ña ná chindeé a na ndinducú na mé á. Joo yiquí cuñu ñayivi co chindeé toho a na ndinducú na mé á. Ta tóco ndihí ña ñacahan i xihín ndo cúu á ña cuu xinu ini inima ndo ña ná catacu ndó anda ama cáa quivi. ⁶⁴ Joo nduu java ndó cámaní yí candúsa ndó ña cahan i xihín ndo —ñacachi a.

Ñacachi Jesús ña yóho jáchi sa xini mé á anda saha ndá na cúu na co cándúsa ñahá. Ta

sa xini Jesús ndá da cúu da jicó túhún ñahá. ⁶⁵ Anda já ñacachi tucu a já:

—Sahá ña cán queá cáchi i xihín ndó ña ni in túhún toho ñayivi a cuú candúsa na yehe tá co jacañan Ndióxi inima ná —ñacachi Jesús.

⁶⁶ Tá ñacachi Jesús ña yóho já queá cuaha táhan na ñasaxica xihín a cán najándacoo na mé á ta chí coo ñaxeen ga na caca nuu na xihín á. ⁶⁷ Anda já nandaca túhún Jesús ndihuxu ivi na xica tuun xihín a cán já ñacachi a já xihín ná:

—Á cuhun ri ndóhó va cuni ndo —ñacachi a.

⁶⁸ Anda já nanducú ñehe Simón Pedro tuhun nuú Jesús já ñacachi da já:

—Candehé ndo, xitoho i. Yo nuú ga cuu cuhun nde. Tuhun cahan ndó xihín nde caja ña ná cuhun nde catacu nde anda ama cáa quivi tá ná candúsa nde ña. ⁶⁹ Ta ndehe sa ñacandúsa va nde ndóhó. Ta sa xini vaha nde ña cúu ndó Cristo, ña in túhún jini já jahy Ndióxi, ña tácu indiví —ñacachi Pedro cán xihín Jesús.

⁷⁰ Anda já ñacachi Jesús já:

—Mé a ndaa ñacaxi i ndihuxu ivi ndó ña ná caca tuun ndó xihín i. Ta vatí ñacaxi i ndihí ndó joo in táhan ndó cúu dá cuéntá tiñhá sacuaña —ñacachi Jesús.

⁷¹ Ñacachi Jesús ña yóho saha Judas, jahy Simón Iscariote jáchi mé Judas cán cúu dá da jicó túhún ñahá chága chí nuú vatí cúu dá in táhan da uxu ivi na xica tuun xihín Jesús cán.

7

Co cuni na cúu ñani Jesús candúsa na mé á

¹ Tá nayaha ña yóho já ñaxica nuu Jesús tá ñuu tá ñuu estado Galilea cán. Coo ñaxeen ga cuhun a chí Judea jáchi cán ñacasáhá na ndúcu na mé á cahní na a. ² Joo sahá ña ñacayati víco tá ndúu ñayivi vehe tñyahvá váli cajú na Israel ³ sahá ña cán queá ñacachi java ñani Jesús já xihín á:

—Ndía cájún coún yóho. Cuahán chí Judea já ná cuni na xica cuhun cán ndaja ndaa ña náñnu cájún. ⁴ Jáchi tá cuni in dataa ñaha da ña náñnu cajú da já queá co ndácoo jehé toho da cajú da ña. Tá ta mé a ndaa cájún ña náñnu já queá xini ñuhú cájún ña já ná cuni ní cúu ñayivi ndaja náñnu ñaha cájún —ñacachi ñani Jesús xihín á.

⁵ Ñacachi na cán ña yóho jáchi ni mé ñani a cán coo ñacandúsa ñahá. ⁶ Anda já ñacachi Jesús xihín na cán já:

—Cámaní yí ndindaa hora cuhun i. Ta vaha ri ndóhó ndá hora ñacuu va cuu cuhun ndó jan. ⁷ Jáchi ñayivi cajú ña núu ñuyiví yóho a cuú candají toho na ndóhó joo candají na yehe jáchi cáxi táhyí cahan i xihín ná ña cajú na ña núu. ⁸ Cuahán mé ndó víco tá cuni ndó

cuhun ndo jáchi yehe a cuhun toho i jáchi camani yíi xinu hora cuhun i —ñacachi a.

⁹ Ña yoho ñacachi Jesús xihin ñani a. Ta ñacandgo mé á estado Galilea cán.

Tá naixinu coq Jesús vicó vehe tiyahvá cán

¹⁰ Joo tá ñandihí ñaquee ñani Jesús cán cuahán na víco já ñaquee ri Jesús cuahán mé víco cán. Joo coq ñaxeen a ñaha tívi a mé á nuú ñayivi. ¹¹ Ta mé ña sacuaḡa nuú ña Israel cán ñacasáhá ña ndúcu ña Jesús: “Ndá xica nuu da tañu víco cán”, cáhán ña.

¹² Ta jandá johó ndítuhún yaá ñayivi sahá Jesús xica nuu na víco cán. Java na cáhí ña sahá Jesús ña cúu dá taq cája vaḡa. Ta java na cáhí ña: “Co cúu toho da taq vaḡa jáchi xica nuu cuití dá jandahvi da ñayivi”, cáhí ña.

¹³ Joo ni in na co sahan ndeé ini cahan sahá nuú ña sacuaḡa nuú ña Israel cán jáchi yíhvi ñahá ña.

¹⁴ Ta tá ñataḡhvi java víco cán já ñaquihvi Jesús ini veñuḡu cáhnu ñuu Jerusalén cán já ñacasáhá jánaḡa nuú ñayivi. ¹⁵ Ta tá xini johó ña Israel cán nu cáhan Jesús chí cátonó ña já ñacasáhá ndáca tuhún táhan na já cáhí ña já:

—Ndájá ñacatiḡhva ñahá da yóho ña jánaḡa da nu yo jáchi a juú dá ñaxica jácuaha cúu dá —ñacachi xihin táhan na cán.

¹⁶ Andá já ñacachi Jesús já xihin ná:

—Ña jánaḡa i nu ndo yóho co cúu á ña ñaquixi jini mí i jáchi cúu á ña quixi nu Ndióxi, tátá i, mé á ñachindahá yehe. ¹⁷ Ta tá mé a ndaa sácú ini ndó cajú ndó ña cúnj Ndióxi já queá cuu candaḡa ini ndó á cáhan i cuéntá Ndióxi, á cáhan i cuéntá mí cuití vj.

¹⁸ Jáchi ndá ña cáhan cuéntá mé ná já queá ndúcu ña ña ná cajú cáhnu ñayivi ña. Joo ndá ña ndúcu ña ná ndicáhnu mé á ñachindahá ñahá cán, ña cán cúu ndusa ña cáhan ña ndaa ta co cája na ña co nditahan nu ná cajú na.

¹⁹ Mé a ndaa najándacoo Moisés ley nu ndo joo ni in tuhún ndo co cajú ndó ña cáhí a. Ta viti cúnj ndó cahni ndó yehe —ñacachi Jesús.

²⁰ Andá já ñanducú ñeḡe ña cán tuhun nu á já ñacachi na já:

—Ri quini va ndácaan ini yóho jáchi ni in tuhún toho na co ndúcu cahni yohó —ñacachi ña cán.

²¹ Andá já ñacachi Jesús já xihin ná:

—Chí cátonó ndivaha ndó sahá in tuhún ña cáhnu ñacaja i quivi ndiquehe ndéé yo. ²² Joo candehé ndo. Moisés cúu dá ñasahnda chuun nu tásáhnu jicó yo ña ná chicaan na marca yiquí cuñu na vatí a juú Moisés ñatavá sahá, vaḡa. Mé tásáhnu jicó yo ñatavá sahá ta mé ndó chicaan tá chicaan ndó marca yiquí cuñu taq valí vatí cúu á quivi ndiquehe ndéé yo. ²³ Ta viti cáhí ndo xihin i ndaja cáa ri ña yóho. Mé ndó chicaan

ndó marca yiquí cuñu da valí vatí cúu á quivi ndiquehe ndéé yo jáchi co cúnj ndó yaḡa nuú ña ñasahnda Moisés nu ndó. Ta viti xójo ini ndó xihin i sahá ña ñandaja vaḡa i in níi yiquí cuñu in dataq quivi ndiquehe ndéé yo. Ndaja cáa ri ña jan cáa já. ²⁴ Mé ndó ndaja ñacuu cáhan núu ndó sahá ñayivi ta co ndítahan toho cajú ndó já. Jáchi ndítahan nu ndó candaḡa ini ndó ña cúu ña ndaa —ñacachi Jesús xihin na cán.

Ndicani Jesús ndáchi ñaquixi a

²⁵ Ta java na ñuu Jerusalén ñacasáhá ndáca tuhún táhan na já cáhí na já:

—Á a juú dá yóho cúu dá xica na ndúcu ña cahni ña. ²⁶ Nu ndíhi na cándichi da jánaḡa dá ta ni in na co ndaa cúu da. Á tá coq ta jandá ña jutixia cáa cándúsa na ña cúu dá Cristo, dá ñachindahá Ndióxi cacomí a cuéntá sahá ñayivi. ²⁷ Joo mí xini vaḡa i ndá ñuu ñaquixi dá yóho ña cán queá xini yo ña co cúu toho da Cristo jáchi tá ná quixi ndusa Cristo cán ni in na a candaḡa ini ndá ñuu quixi da —ñacachi na cán cáhan ña sahá Jesús.

²⁸ Ta nani jánaḡa Jesús ini veñuḡu cáhnu cán já ñacasáhá cáhan cohó a já ñacachi a já:

—Mé a ndaa xini vaḡa ndó yeḡe ta xini ndó ndá ñuu ñaquixi i. Joo coq vaxi yeḡe cuéntá mí i. Mé Ndióxi ñachindahá yeḡe vaxi i, mé a cán cajú ña ndaa. Joo mé ndó co xini toho ndó a. ²⁹ Yeḡe xini vaḡa i yo cúu mé á jáchi ñaquixi i nu ín mé á ta ñachindahá mé á yeḡe vaxi i —ñacachi a.

³⁰ Andá já ndúcu na tiin na Jesús chicaan ña a vecaa joo ni in na coq ñasahan ndeé ini tiin ñahá jáchi camani yíi ndindaa hora tiin na a. ³¹ Ta cuahá táhan ñayivi ñaxini johó nuú ñacahan Jesús cán ñacandúsa na mé á ta já cáhí na já:

—Á a juú dá yóho cúu Cristo jáchi tá ná quixi inga da ama ná cajú da ñaha xituhún cháḡa a juú ḡa dá yóho —ñacachi na.

Ndúcu ña fariseo chicaan na Jesús vecaa

³² Tá ñaxini johó ña fariseo ña cáhan núu ñayivi sahá Jesús já ñandindeé ini na ta ñandindeé ini ri ña sacuaḡa nuú juḡu cán chí ñachindahá ña java soldado cuéntá veñuḡu cáhnu cán ña ná tiin na Jesús chicaan ña a vecaa. ³³ Andá já ñacachi tucu Jesús já:

—Chá tiempo cuití va coo tóo i xihin ndo ñuyiví yóho jáchi tá ñandihí já cuhun tucu u nu ín mé á ñachindahá yeḡe. ³⁴ Andá jávi caca nuu ndó ndinducú ndó yeḡe joo a nditahan ndó yeḡe jáchi a cúu cuhun ndó nuú coo i —ñacachi Jesús.

³⁵ Tá ñaxini johó na Israel cán ña ñacachi Jesús já ñacasáhá ndáca tuhún táhan na já cáhí ña já:

—Ta ndáchi já cuhun ri dá yóho ña cáhí dá ña a cúu nditahan i dá. Á cuhun xicá dá ñuu ña tóho nu ndúu ña Israel ña ná jánaḡa dá

nuú na griego. ³⁶ Ndiá cúnj cachi da xihín yó tá ñacachi da ña ndinducú yó da ta a ndítahan toho í da. Jáchj ñacachi da xihín yó ña a cúu coho nuú coo da —ñacachi xihín táhan na cán jáchj coo ñacandaa ini na ña ñacachi Jesús xihín ná.

Jesús cúu á tátuhun yuta ticuú

³⁷ Ta mé quívi nu ndíhí víco cán ñasacuu a quívi cáhnu chága nuú na Israel. Ta mé quívi cán ñandaca ndichi Jesús já ñacayuhú a já ñacachi a já:

—Ndá ndó íchi ini ticuú, naha ndó nuú í já ná caja í ña ná ndivaha ini ndó. ³⁸ Jáchj já ñacahyí a nuú tuhun Ndióxi: “Ndá na ná candeé ini yehe, ini mé ínimá ná cana tátuhun yuta ticuú, dó caja ña ná catacu na” —ñacachi Jesús xihín ná cán.

³⁹ Ña cúnj Jesús cachi a xihín na yóho queá tá ná candeé ini na mé á já xinu quívi ndiquehe na ínimá yíi Ndióxi ini ínimá ná. Vatí mé a ndaa a ñáha toho xinu ínimá yíi Ndióxi ini ñayivi jáchj cámaní yíi va ndindita Jesús ndicáhnu ndivaha mé á indiví.

Sa jín sa jín ñaha cáhan ñayivi sahá Jesús

⁴⁰ Java na ndúu tañu ñayivi cuaha cán tá ñaxini johó na ña yóho já ñacasáhá cáchí ná já:

—Jivi ndusa da yóho cúu profeta ñacachi Ndióxi chindahá a ñuyivi yóho —cáchí ná.

⁴¹ Ta java na cáchí na sahá Jesús ña cúu á Cristo, da ñachindahá Ndióxi cacomí cuéntá sahá ñayivi. Ta java na cáchí na ña a juú toho a jáchj cáhán na ña a cúu toho quixi Cristo estado Galilea. ⁴² Jáchj cáchí tuhun Ndióxi ña tá ná quixi Cristo ñuyivi yóho cacuu da da quixi chíchi David, da ñasacomí cuéntá sahá ñayivi Israel sanahá. Ta cáchí tuhun Ndióxi ña cacu da cán ñuu Belén nuú ñacacu mé David cán.

⁴³ Ta chí ñacasáhá na sáhná java táhan na sahá ña coo ñandique táhan tuhun na sahá Jesús. ⁴⁴ Ta java na cúnj na tiín na a ña ná cañehe ñahá ná cùhun a vecaa. Joo ni in na coo ñatiín ñahá.

Có cúnj na jutixia candúsa na Jesús

⁴⁵ Tá ñandihí já ñandico coo soldado cuéntá veñuhu cán nu ndúu na fariseo xihín na saçuaha nuú jutú cán joo coo Jesús ñehe na ná casaa na. Já ñacasáhá na ndúu cán ndáca tuhún ñahá na já cáchí na já:

—Ndá cuéntá queá coo ñatiín ndó da —ñacachi na cán xihín soldado.

⁴⁶ Anda já ñanducú ñehe soldado cán tuhun nu ná já cáchí da já xihín ná:

—Ñacatóntó nde ñaxini johó nde nu cáhan da jáchj ñúchí ndivaha cáhan da ta ni in túhún na coo ñacahan tá quíahva cáhan mé dá —ñacachi soldado cán.

⁴⁷ Já ñacachi na fariseo já xihín dá:

—Á jári ndóhó va najándahvi da jan viti. ⁴⁸ Jáchj janda ni in túhún toho táhan na saçuaha ndúu tañu mé nde coo cándúsa nde da jan. Ta ni in na fariseo coo cándúsa na nu cáhan Jesús jan. ⁴⁹ Joo cháhan va vaxi jatá ñayivi candeé ini Jesús jan jáchj coo xini na ña cáchí ley Moisés —ñacachi na fariseo xihín soldado.

⁵⁰ Anda já ñandicahan Nicodemo, da cúu in táhan na fariseo cán, mé dá ñasahan da ñanditúhún xihín Jesús in ñuu. Já ñacachi da já xihín na java ga cán:

⁵¹ —Cáchí ley ña a cuú tiín in ta ta já chicao ndaja nacuu da vecaa. Ña cáchí ley queá ndítahan cuni johó í nuú cahan da já ná candaá ini ndaja caa ña ñacaja da —ñacachi Nicodemo.

⁵² Anda já ñacaja cuhe na xihín Nicodemo já ñacachi na já xihín dá:

—Á da Galilea cúu ri yóhó va. Cuáhán cahvi vaha tuhun Ndióxi já cunún ña coo cána ni in profeta estado Galilea —ñacachi na xihín Nicodemo.

⁵³ Tá ñandihí já ñandicuíta nuu ndihí na cán cuánúhu ná vehe na.

8

Cáa cáhnu ini Jesús sahá in ñáñáha

¹ Ta ndaja coo ñaquees Jesús cuahan chí yúcu yitó olivo. ² Ta tá ñatívi inga quívi itaan já ñandico coo tucu a veñuhu cáhnu cán. Ta tá ñacayati ñayivi nu á já ñasacoo a ta ñacasáhá jáñaha nu ná. ³ Ta ndaja coo na jáñaha ley Moisés xihín na fariseo ñehe na in ñáñáha ñasaa na nu á. Mé ñáñáha cán ñanditahan na ña mé hora cándúhu ña xihín in dataa, da coo cúu yíi ña. Ta já ñehe na ña ñasacu ndichi na ña nuú na ndúu cán. ⁴ Já ñacachi na já xihín Jesús:

—Candehé ndo Maestro. Ñanditahan nde ñáñáha yóho cándúhu ná xihín in dataa, da coo cúu yíi ña. ⁵ Ta nu ley najándacoo Moisés nuú nde táhnda chuun ña ná cuun nde yuu ñajihí cája já. Ta mé ndó ndía cachi ndó —ñacachi na.

⁶ Ñacachi na cán já xihín Jesús jáchj cúnj na coto ndojó cuítí ñahá na ta cúnj na ñehe íni na jácojo na cuachi jatá Jesús. Tá ñandihí já ñasacoo Jesús já ñacasáhá cáhyí a nu ñúhu cán xihín nducu ndáha á. ⁷ Ta sahá ña ndúcú ndeé na cán ndáca tuhún ñahá na ñandaca ndichi Jesús já ñacachi a já xihín ná:

—Ndá ndó, na coo ñacaja cuachi jácana jihna ñúhú ndó yuu jatá ña —ñacachi a xihín ná.

⁸ Já ñasacoo tucu a cáhyí a nu ñúhu cán xihín nducu ndáha á. ⁹ Ta tá ñaxini johó tóco ndihí na cán ña ñacachi Jesús já ñacasáhá na cáchan nuu ná ta tá in ta in na ñacasáhá queé na cuahan na. Ta jihna ñúhú ga na yatá ñacasáhá queé cuahan já ndíco na yuta

chága cuahan na. Ta tá sa naquee ndihi na cuahan na já nacandoo mé Jesús xihín ñá cán. ¹⁰ Andá já nandaca ndichi a ta nandaca tuhún a ñá já nacachi a já xihín ná:

—Ndáchí cuahan na jácojo cuachi jatun. Á coó ga na jácojo cuachi jatun viti —nacachi Jesús xihín ña.

¹¹ Andá já nacachi ñá cán já xihín Jesús:

—Mé a ndaa coó ga na.

Andá já nacachi Jesús já:

—Ta ni yehe a chicaan i cuachi jatun. Cuánuhu vehún ta a cája gaun cuachi —nacachi a.

Jesús cúú á tátuhun ñúhu ña jándiyéhe ínimá ñayivi

¹² Já nacasáhá tucu Jesús cáhan xihín ñayivi já cáchi a já xihín ná:

—Yehe cúú u tátuhun ñúhu ña jándiyéhe ínimá ñayivi ta ndá na cándeé ini yehe cúú á tátuhun a cáca ga na nuú naá. Jáchi jándiyéhe e nu ná ta cája i ña ná catacu na andá ama cáa quivi.

¹³ Andá já nacachi na fariseo já:

—Saha mé vún cáhun ta xihín ña jan náhnun ña cúnun ndífehe jíctún mún. Ta xihín ña jan náha ña coó cáhun ña ndaa —nacachi na.

¹⁴ Andá já nacachi Jesús já xihín ná:

—Tóco ndihi ña cáhan i saha mí i cúú á ña ndaa ta ín sahá vatí mí i cáhan i ña. Jáchi xini vaha i ndá naquixi i ta xini vaha i ndá cuhun i. Joo ndóhó, co xini toho ndó ndá naquixi i ta co xini toho ndó ndá cuhun i. ¹⁵ Mé ndó catóo ndó cándehé ndaa ndó ñayivi tá quiahva cája ñayivi ñuyivi. Joo yehe co cája toho i já. ¹⁶ Joo tá ná caju vii i sahá ñayivi, caju i ña tá quiahva ndítahan caju i jáchi cája i ña ndaa. Ta a juú in túhún yehe caju vii saha ná jáchi Ndióxi, tátá i, mé a natchindahá yehe, mé á cán queá caju vii saha ná xihín mí i. ¹⁷ Nu ley mé ndó cáchi a ña tá in nuú cáhan i vi ñayivi sahá ña nayaha já náha ña cúú á ña ndaa. ¹⁸ Ta viti cuni johó ndó jáchi quiahva já yaha ri xihín yehe va. Jáchi yehe cúú in testigo ta cáhan i saha mí i. Ta inga testigo cúú Ndióxi, tátá i, mé a natchindahá yehe —nacachi Jesús xihín ná.

¹⁹ Andá já nandaca tuhún na Jesús já cáchi na já xihín á:

—Ndájá ín tátún jan —nacachi na.

Andá já nacachi Jesús já:

—Tá ná cuni ndó yo cúú yehe já cuu candaq ri ini ndó yo cúú tátá i. Joo co xini ndó yo cúú yehe ta cáchi ga ví tátá i co xini ndó a —nacachi Jesús.

²⁰ Tóco ndihi ña yóho nacachi Jesús xihín na nani jánaha ini veñuhu cámu yati nuú nasahin saqo ndée juhún jóco na cán. Joo ni in na coó nasahan ndee ini tiin ñahá chicaan veca jáchi coó nasahan Ndióxi ñamaní sahá ña cámaní yií ndindaa hora tiin na mé á.

Cáhan Jesús xihín ñayivi ña a cúú toho cuhun na nuú cuhun mé á

²¹ Andá já nacasáhá tucu Jesús cáchi a já xihín ná:

—Vaxi quivi quee yehe cuhun i. Ta caca nuu ndó ndinducú ndó yehe joo a ndífehe ndó yehe jáchi cája tá cája ndó cuachi janda quiahva xinu quivi quivi ndó. Ta sahá ña cán queá a cúú cuhun ndó nuú cuhun yehe cán —nacachi Jesús.

²² Andá já nacasáhá na Israel cán ndítuhún xihín táhan na já cáchi na já:

—Á cahni da yóho mé dá cuni da ña cán queá cáchi dá xihín yo ña a cúú toho caju i coó nuú cuhun da —cáchi na.

²³ Já nacachi tucu Jesús já:

—Mé ndó cúú ndó ñayivi ndúu ñuyivi yóho joo yehe cúú u da naquixi chí indivi. Mé ndó cúú ndó cuéntá ñuyivi yóho joo yehe co cúú toho i cuéntá ñuyivi yóho. ²⁴ Sahá ña cán queá nacachi i xihín ndó ña caju ndó cuachi janda quiahva xinu quivi quivi ndó. Jáchi tá co cándusa ndó ña cúú yehe da cáchi i cúú u, da natchindahá Ndióxi, já queá quivi ndó sahá cuachi ndó —nacachi Jesús.

²⁵ Andá já nandaca tuhún na cán Jesús já nacachi na já xihín á:

—Ta ndá da cúú yóhó, dá já —nacachi na.

Já nacachi Jesús já:

—Janda sahá va nacahan i xihín ndó yo cúú yehe. ²⁶ Ta ña xini johó i cáhan mé á natchindahá yehe, ña cán cúú ña cáhan i xihín ñayivi ñuyivi. Ta ndinuhu ña ndaa queá cáhan mé á. Ta mé a ndaa ín cuahá ndivaha ña núu caju ndó ta cuu tavá i sahá nu ndó tá ná caju vii i saha ndo —nacachi Jesús.

²⁷ Joo coó nacandaq ini na ña cáhan Jesús saha Ndióxi, tátá a tá nacachi a já xihín ná.

²⁸ Sahá ña cán queá nacachi tucu a já xihín ná:

—Tá nandihí ná cata caa ndó yehe, da natchindahá Ndióxi nduu ñayivi ndica crúxu já queá candaq ndusa ini ndó ña yehe cúú u da cáchi i cúú u. Ta ni in túhún ñaha co cája i cuéntá mí i. Ta ña jánaha i nu ndo cúú ña najánaha Ndióxi, tátá i nuú i. ²⁹ Ta mé á natchindahá yehe co najándacoo ndáha toho a yehe jáchi ín tuun Ndióxi, tátá i xihín i. Ta ní tiempo ña cája i cúú ña cáji ini Ndióxi xihín —nacachi Jesús.

³⁰ Ta chí cuahá ñayivi nacandusa na Jesús tá naxini johó na tóco ndihi ña yóho.

Nq ndúu ndáhá rí quini xihín na ndúu ndáhá Ndióxi

³¹ Andá já nacahan Jesús xihín java na Israel, na sa nacandusa ñahá cán já nacachi a já xihín ná:

—Tá ná caju ndó tá ín nacahan i xihín ndo já nahá ndó ña mé a ndaa táhyi cúú ndó na cuéntá mí i. ³² Ta já candaq ini ndó ña ndaa

ta ña cán caja ña ná a cácuu ga ndó tátuhun in mozo, da ndúu ndáha rí quini —ñacachi Jesús.

³³ Anda já ñacachi na cán já xihín á:

—Na ñaqui xi chichi Abraham cúu nde. Ta janda ni in túhún tañu coo ñasacuu nde mozo. Joo yóhó cáchún xihín nde ña a cácuu ga nde mozo. Ndaja cáa ña cáa rí a já —ñacachi na.

³⁴ Já ñacachi Jesús já xihín ná:

—Mé a ndaa ná cahan i xihín ndo. Tóco ndihi na sá caja cuachi cúu tá cúu na tátuhun mozo nuú cuachi jáchi cómi a cuéntá saha ná. ³⁵ Ta dá cúu mozo nuú in xitoho, coo saha dá coo nahá da xihín xitoho da jáchi vaxi quivi ndítahan quee da cahun da. Joo dá cúu jahyi mé da cúu xitoho cán ín saha dá coo nahá da xihín táta da jáchi cúu dá da vehe táta da. ³⁶ Ta quiahva já ín xihín yehe, da cúu jahyi Ndióxi. Cája i ña ná a cácomi ga cuachi cuéntá saha ndo ta já a cácuu ga ndó tátuhun mozo nuú cuachi cája ndó. ³⁷ Ta sa cándaqa vaha ini i ña cúu ndó ñayivi ñaqui xi chichi Abraham. Joo mé ndó cúni ndó cahní ndó yehe jáchi coo cúni ndó ndiquehe vaha ndó tühun cahan i. ³⁸ Cahan i saha tóco ndihi ña ñanaha Ndióxi, táta i nuú i. Joo ndóhó cája ndó ña cahan táta ndo xihín ndó —ñacachi Jesús.

³⁹ Anda já ñacachi na cán já xihín á:

—Abraham cúu táta nde jáchi chichi da cán ñaqui xi nde —ñacachi na.

Já ñacachi Jesús já xihín ná:

—Tá jivi ndusa cúu ndó na ñaqui xi chichi Abraham já quea caja ndó tá quiahva ñacaja da cán, nduu. ⁴⁰ Joo ndúcú ndó cahní ndó yehe jáchi cahan i ña ndaa xihín ndo tá cáchi i ña najanaha Ndióxi nuú i. Mé Abraham coo ñacaja toho da já. ⁴¹ Joo cája ndó ña núu tá quiahva cája táta ndo —ñacachi Jesús.

Já ñacachi na cán já xihín á:

—A juú jahyi ndáhi vi toho ñayivi cúu ndehe. Ndióxi cúu ndusa táta nde —ñacachi na.

⁴² Já ñacachi Jesús já:

—Tá Ndióxi ndusa ná cacuu táta ndo ta quihvi ini va ndó yehe, nduu. Jáchi Ndióxi ñachindahá yehe vaxi i ta ín i yóho viti. Coó vaxi toho i cuéntá mí i. Ndióxi quea ñachindahá yehe vaxi i. ⁴³ Joo coo cándaqa ini ndó tóco ndihi ña ndícani i nuú ndo ta cúu á sahá ña coo cúni ndó cuni joho ndó nuú cahan i xihín ndo. ⁴⁴ Táta ndo cúu tiñhá sacuaqa ta cája ndó ña cúni rí cán jáchi ñuhu ndó ndáha rí. Ta rí sáhní ndji cúu rí cán janda mé saha. Ta ni in túhún tañu coo natin rí ña ndaa já cahan rí ña. Jáchi cahan rí ña tühún cuítí va ta cuéntá mé rí quixi ndihi ña tühún.

⁴⁵ Candehé ndo. Coo cúni ndó candúsa ndó yehe jáchi cahan i ña ndaa xihín ndó. ⁴⁶ Ni in túhún toho ndó a cúu nahá nuú ñayivi ña ín cuachi i. Ta tá cahan i ña ndaa cuítí va

xihín ndó ndá cuéntá quea coo cándúsa ndó yehe, dá já. ⁴⁷ Jáchi ndá na cúu ndusa cuéntá Ndióxi táa joho na ña cúu tühun Ndióxi. Joo nahá cáxi a ña coo cúu ndó cuéntá Ndióxi jáchi coo cúni ndó cuni joho ndó nuú cahan mé á xihín ndo —ñacachi Jesús.

Janda tá cámani cacu Abraham sa ín va Jesús

⁴⁸ Anda já ñacanahá na Israel xihín Jesús já ñacachi na já:

—Mé a ndaa cúun in da Samaria ta ndacaan rí quini inún —ñacachi na.

⁴⁹ Anda já ñacachi Jesús já xihín ná:

—Coó toho rí quini ndacaan ínima yehe. Ña cája i quea cája cahnú i Ndióxi, táta i. Joo quehe núu ndivaha ndó yehe. ⁵⁰ Coo cúni toho i ña ná caja cahnú ndó yehe vatí mé a ndaa cúni Ndióxi ña ná caja cahnú ndó yehe. Ta mé a cán quea caja vií saha ndo. ⁵¹ Mé a ndaa ná cahan i xihín ndó. Ndá ná ná caja ña cahan i yóho, na cán catacu na anda ama cáa quivi —ñacachi Jesús.

⁵² Já ñanducú ñehe na cán tühun nuú á já ñacachi na já xihín á:

—Viti ndusa cándaqa ini nde ña ndacaan rí quini inún jáchi cáchún ña tá ná caja nde ña cahun já quea catacu nde anda ama cáa quivi. Joo xini vaha nde ña ñaxihí tá ñaxihí Abraham, tásáhnú jícó nde ta jári na profeta ñasanduu sanahá ñaxihí na. ⁵³ Á cahnú chága yóhó a juú ga Abraham, da ñasacuu tásáhnú jícó nde, dá já. Mé Abraham ñaxihí da ta jári mé na profeta ñaxihí rí na cán va. Á cájún cuéntá ña cúun da cahnú chága a juú ga na cán, dá já —ñacachi na xihín Jesús.

⁵⁴ Já ñacachi Jesús já xihín ná:

—Tá ná caja cahnú i mí i, coo saha toho ña cája i. Joo Ndióxi, táta i jándicahnú a yehe. Ta jári mé ndó cáchi ndo ña jivi mé a cán cúu Ndióxi cája cahnú ndó. ⁵⁵ Joo coo xini toho ndó yo cúu mé á. Yehe xini yo cúu mé á. Tá ná cachi i ña coo xini toho i mé á, cúu u in da tühún tátuhun mé ndó. Joo mé a ndaa xini vaha i yo cúu Ndióxi ta cája i ña cáchi mé á. ⁵⁶ Ta mé Abraham, da ñasacuu tásáhnú jícó ndo ñacajii ini da jáchi ñañehe dá tühun ña quixi yehe ñuyivi yóho. Ta a juú quiahva ñacajii ini da tá ñaxini da ña yóho —ñacachi Jesús.

⁵⁷ Anda já cánghá chága na Israel xihín á já ñacachi na já xihín á:

—Ni ivi jícó uxu cuja coo ndacaan yóhó viti. Ta ndaja cúu cáchún ñaxinún Abraham, da cúu tásáhnú jícó nde —ñacachi na.

⁵⁸ Já ñanducú ñehe Jesús tühun nuú ná já ñacachi a já xihín ná:

—Mé a ndaa ná cahan i xihín ndo. Janda tá cámani cacu Abraham sa ín va yehe jáchi cúu u Ndióxi —ñacachi Jesús.

⁵⁹ Anda já natin na Israel cán yuu ña janí na jatá. Joo ñandacoó jehé Jesús já ñayaha

tañu ña cán ta ñaquee a veñuhu cáhnu cán cuahãn.

9

Cája Jesús ña ná ndinunã nuú in datãa ñaçacu cuáá

¹In tañu tá xica Jesús cuahãn já ñaxini a in datãa, ña ñaçacu cuáá. ²Andã já ñaçasáhã ña xica tuun xihín Jesús cán ndãca tuhún ña mé á sahã ña cuáá cán já cáchi ña já xihín á: —Maestro, ndã cuéntã quẽã ñaçacu cuáá ña yóho. Á ñaçacu cuáá ña sahã cuãchi ñaçaja tátã ña á nánã ña. Á ñaçacu cuáá ña sahã cuãchi ñaçaja mé dá —ñaçachi na.

³Já ñanducú ñehe Jesús tuhun nu ná já ñaçachi a já xihín ná:

—Coo ñaçacu cuáá toho ña yóho sahã cuãchi mé dá ta ni sahã cuãchi tátã ña á nánã ña. Ñaçacu cuáá ña já ná ñaha ña nuú ñayivi ndã quiahva ñahnu ñaha cúu cãja Ndióxi. ⁴Jáchi ndítahan cãja ña chuun, ña ñachindahã tátã ña cãja ña nani xica nuu ña ñuyiví yóho. Ta cúu á tátuhun ndiví táhyí cúu á viti joo vaxi quiví a cóo gã ña cãja ña yóho ta já cacuu a tátuhun ñacuaã ndivãha. Ta mé tiempo já ni in na a cúu cãja chuun. ⁵Nani ñin tóo ña ñuyiví yóho cúu á tátuhun jándiyéhe mí ña nuú ña nduu ñuyiví yóho —ñaçachi Jesús.

⁶Tã ñandihí ñaçachi Jesús ña yóho já ñaxihnu a tóji a nu ñuhũ. Ta xihín tóji a cán ñaçavãha in mbohla loho ndahyí ta ñachindahã mé á ña nduchú núu ña cuáá cán. ⁷Tã ñandihí já ñaçachi a já xihín dá:

—Cuáhãn chĩcoho nani Siloé ta cán cuchún nuún —ñaçachi Jesús xihín dá. Mé tuhun Siloé yóho cúni cachi a: Dã ñachindahã ña.

Andã já ñaquee mé ña cuáá cán ñasahãn ña ñachichí nuú ña ta tá ñandicó coo ña cán sã sãndehé va ña ñaçasãã ña. ⁸Tã ndaja coo java ña cúu ñani táhan ña xihín java ña ñaxini ña sãti ña cán tá ñaxini ña ña sãndehé tucu ña já ñaçachi ña xihín táhan ña já:

—Á gã juú ña yóho cúu dá ña cuáá sãcoo sãti yuhú ichi —cáchi xihín táhan ña.

⁹Tã já cáchi java ña já:

—Jivi ña ñan cúu dá.

Tã java ña cáchi ña:

—Á juú toho ña ñan cúu dá vatí quiahva já cáã ña —ñaçachi na.

Joo mé ña ñasahãn cuáá cán cáhãn ña xihín ná já cáchi ña já:

—Jivi yehẽ cúu ña ñaçacuu ña cuáá cán —cáchi ña.

¹⁰Andã já ñaçasáhã ña ndãca tuhún ña ña já cáchi ña já xihín dá:

—Ndaja ñaçajún ñanunã nuun —cáchi ña.

¹¹Já ñaçachi ña cán já:

—Dã nani Jesús cúu ña ñaçavãha in mbohla loho ndahyí. Ta ñachindahã ña ña nuú ña ta ñaçachi ña xihín ña ña ná chũhũ ña chũhũ nuú ña chĩcoho nani Siloé. Tã já

ñasahãn ña ñachichí nuú ña cán ta xihín ña yóho ñanunã nuú ña. Sãndehé ña viti —ñaçachi ña.

¹²Já ñandãca tuhún tucu ña cán ña ña cáchi ña já:

—Tã ndãjá cuahãn ña ñandaja vãha yohó viti —ñaçachi na.

—Coo xini toho ña —ñaçachi ña xihín ná.

Ndãja ndichí ña fariseo ña cuáá, ña ñandivãha cán

¹³Tã ñandihí ndãca ña ña ñasacuu ña cuáá cán ñasahãn ña nuú ña fariseo ¹⁴jáchi ñasacuu a quiví ndiquehe ndéẽ ña tá ñandaja vãha Jesús ña cuáá cán xihín mbohla loho ndahyí ñachindahã a nuú ña cán. ¹⁵Já ñandãca tuhún ña fariseo cán ña ndã quiahva ñanunã nuú ña sãndehé ña viti. Já ñanducú ñehe ña tuhun nu ná já ñaçachi ña já xihín ná:

—Ñachindahã ña ndahyí nuú ña ta ñachichí nuú ña ta viti tivi nuú ña sãndehé ña —ñaçachi ña xihín ná.

¹⁶Joo java ña fariseo ñaçachi ña xihín ña ñasacuu ña cuáá cán ña:

—Dã ñandaja vãha yohó coo vaxi toho ña cuéntã Ndióxi jáchi coo cãja cáhnu ña quiví ndiquehe ndéẽ yo —ñaçachi na.

Joo já cáchi java ña fariseo já:

—Tã ña cãja cuãchi ná cacuu Jesús ñan ta a cúu cãja ña ñaha xituhún ñaha tátuhun ña yóho, nduu —ñaçachi java ña.

Chí coo ñacuu ndique táhan vãha tuhun ña fariseo cán sahã ña cán quẽã ñasahnda táhan ndaja táhan mé va ña. ¹⁷Jã ñaçasáhã ndãca tuhún tucu ña ña ñasacuu ña cuáá cán ña cáchi ña já xihín dá:

—Tã viti ñanunã nuun ñaçaja ña ñan. Yo já cúu dá cáchũn —ñaçachi na.

Já ñanducú ñehe ña tuhun nu ná já ñaçachi ña já xihín ná:

—Yehẽ cáchi ña ña cúu dá in profeta —ñaçachi ña.

¹⁸Joo coo ñaxenẽ ña Israel cán candúsa ña ña ñasacuu ña ña cuáá ta ni coo candúsa ña ña ñanunã nuú dá. Sahã ña cán quẽã ñasahãn ña ñaçana ña tátã nánã ña. ¹⁹Tã já ñandãca tuhún ña tátã ña xihín nánã ña já ñaçachi ña já xihín ná:

—Á jahyí ndó cúu ña yóho. Á mé ña ndãã sã ña cuáá ña cáã ña ñaçacu ña. Tã ndã cuéntã quẽã sã tivi nuú dá viti —ñaçachi na.

²⁰Andã já ñanducú ñehe ña cán tuhun nuú ña Israel cán ña ñaçachi ña já xihín ná:

—Cãndãã cáxi ña ña ña jahyí ña ña cúu ña yóho. Tã xini vãha ña ña ñaçacu cuáá ña.

²¹Joo coo xini ña ndaja ñaçacu ñanunã nuú ña sãndehé ña viti. Ta ni coo xini ña ña yóho cúu ña ñaçacuu ña ña. ñan ñin mé jahyí ña ña. Ndãca tuhún ndó mé dá. Sã quiahva cáhãn mé ña ñan xihín ndo cúu á jáchi a juú dá loho

ga cúú dá jan —nācachi tátá dá nāsacuu dá cuáá cán xihín na Israel cán.

²² Nācachi na ña yóho jáchi yihví na ña ná a quiahva ga na Israel cán ñamaní nu ná ndihvi na veñhu. Jáchi mé na Israel cán najándique táhan na tūhun na ña a quiahva ga na ñamaní nuú ñayivi quihvi na ini veñhu tá ta cāhan na ña cúú Jesús dá nāchindahá Ndióxi cacomí cuéntá sahá ñayivi. ²³ Sahá ña cán queá nācachi tátá náná dá nāsacuu dá cuáá cán xihín na Israel ña ndítahan ndāca tūhún na mé dá jáchi a juú ga dá loho cúú dá jan.

²⁴ Tá nandihí já nācana tucu na Israel dá nāsacuu dá cuáá cán já nācachi na já xihín dá:

—Xíní ñúhú caja cāhnún Ndióxi ta a caja cāhnún Jesús jan jáchi xíní vaħa nde ña cúú dá in dá caja cuāchi —nācachi na.

²⁵ Andá já nācachi dá cán já xihín na Israel:

—Cō xíní toho í á cúú dá dá caja cuāchi á cúú dá dá cō caja cuāchi. Ña xíní ndusa í queá nāsacuu u dá cuáá tá jivi dá jan nāsuna nuú í sándehe e viti —nācachi dá xihín ná.

²⁶ Andá já nācasáhá ndāca tūhún tucu na dá já cáchi na já xihín dá:

—Ta ndaja nācāja dá nāsuna dá nduchú núún. Ndía nācāja dá xuhún —nācachi na xihín dá.

²⁷ Andá já nācachi dá nāsacuu dá cuáá cán já xihín ná:

—Sa nācachi vj xihín ndo ndá quiahva nācāja dá nāsuna dá nuú í. Joo cō cūni ndó candúsa ndó yehe. Ndá cuéntá queá ndāca tūhún tucu ndó yehe. Á cūhun ri ndóhó va caca nuu ndó xihín dá cūni ndo, vaħa —nācachi dá xihín ná.

²⁸ Já nācasáhá na Israel cán cānahá na xihín dá tá já nācachi na já xihín dá:

—Yóhó va cúú dá xíca nuu xihín dá jan. Joo ndehe jácuaha nde ley Moisés cuítí va. ²⁹ Jáchi cāndaā vaħa ini nde ña nācāhan Ndióxi xihín Moisés. Joo mé Jesús jan cō cúú dá cuéntá Ndióxi ta ni cō xíní nde ndájá naquixi dá jan —nācachi na xihín dá nāsacuu dá cuáá cán.

³⁰ Andá já nācachi tucu dá cán já xihín ná:

—Mé a ndāā cātóntó vj xihín ña yóho jáchi jivi Jesús jan nāsuna dá nuú í ta ndóhó ni cō cāndaā ini ndó ndá dá cúú dá tá ni cō xíní ndo ndájá naquixi dá. ³¹ Sa xíní yo ña cō xíní joho Ndióxi ña xíca táhví ñayivi cāja cuāchi nu á. Joo xíní joho mé á nu cāhan ñayivi tá cāja cāhnu na mé á ta cāja na ña cūni a. ³² Ta viti cāndehe ndo. Jānda saħa ñuyiví a ñaha cuni joho í ña ndícuná in dátaa nduchú núú in dá nācacu cuáá. ³³ Ta Jesús yóho a cúu toho caja cuná a nuú í tá ta cō cúú á ña naquixi cuéntá Ndióxi —nācachi dá.

³⁴ Andá já nanducú ñeħe na cán tūhun nu dá já nācachi na já xihín dá:

—Andá tá nācacún nāchutú ndaún xihín cuāchi. Ta viti chí cūni ri yóhó jānahún ndeħe —nācachi na Israel cán xihín dá.

Andá já nātaxí na dá veñhu cán.

Ñayivi, na sándehe cúú ná tátūhun na cō tvi nuu

³⁵ Tá nandihí já nācāndaā ini Jesús ña nātaxí na dá nāsacuu dá cuáá cán veñhu. Ta tá nanditahan tucu Jesús dá já nācachi a já xihín dá:

—Á cāndeé inún dá nāchindahá Ndióxi nduu ñayivi —nācachi Jesús xihín dá.

³⁶ Já nācachi dá já xihín á:

—Cachi ndó xihín í yo já cúú dá ña ná cuu cāndeé ini í dá —nācachi dá.

³⁷ Andá já nācachi Jesús já xihín dá:

—Sa nāxini vún yeħe ta jivi yeħe, dá cāhan xuhún yóho cúú dá nāchindahá Ndióxi nduu ñayivi —nācachi Jesús.

³⁸ Ta tá nācachi Jesús ña yóho já nācaxítí dá cán nu á caja cāhnu dá a já nācachi na já xihín á:

—Mé a ndāā cāndeé ini í ndoħó, xitoho í —nācachi dá.

³⁹ Andá já nācachi tucu Jesús já xihín dá:

—Yeħe naquixi í ñuyiví yóho já ná ñaha í nuú ñayivi ndá quiahva ndáa ña cāja na. Jáchi ndá na cāndeé ini yeħe cúú ná tátūhun na sa nāndiyehē nuu. Joo ndá na cāhán ña cúú ná na sa nāndiyehē nuu cúú ná tátūhun na cuáá —nācachi Jesús.

⁴⁰ Ta java na fariseo, na ndíta xihín Jesús cán tá nāxini joho na ña yóho já nāndaça tūhún na mé á já cáchi na já:

—Á cō cāhún ña cúú ri ndeħe va na cuáá —nācachi na.

⁴¹ Andá já nācachi Jesús já xihín ná:

—Tá ná ndicuni ndó ña cúú ndó tátūhun na cuáá ta cō toho cuāchi ndó, nduu. Joo tá cáchi ndó ña tvi vaħa ndivaħa nuu ndo ta cō xíní ñúhú ndó in na jānahā ndoħó sahá ña cán queá ín tá in cuāchi ndó —nācachi Jesús xihín ná.

10

Jesús cúú á tátūhun in dá ndáá ndicachi

¹ Andá já nācachi Jesús já:

—Mé a ndāā ná cāhan í xihín ndo. Tá ná quihvi in dátaa ini in corra nu ñúhu ndicachi joo cō cūni dá quihvi dá chí yéħe nu quihvi mé rí ta ña cāja dá queá ndáva ndojó dá corra rí já náħa xíca a ña cúú dá dá cuíħná. ² Joo mé dá quihvi chí yéħe cúú dá dá ndáá ndicachi. ³ Ta mé dá ndáá yéħe corra nu ñúhu ndicachi cán suná dá yéħe ña ná ndihvi dá ndáá ndicachi ta jácana da rí cán tá quiví in in rí. Ta mé ndicachi cán ndicuni rí táħí dá já queá rí cuāhan rí caca nuu rí xihín dá. ⁴ Ta tá sa naqueta ndihí rí já

ndáca da rí. Ta cánuú da nu rí cuahán da já vaha cuahán rí xihín dá jáchi ndicuni vaha rí tachí dá. ⁵ Joo co ndíco rí jatá ñayivi tóho jáchi co ndicuni rí tachí ná jáchi cúú ná na tóho. Ña cája rí queá xinu rí nu ná —ñacachi Jesús xihín na fariseo.

⁶ Ta ña yóho ñasaucu in quiahva ñasaucu Jesús nuú na fariseo joo coo ñacandaq ini na ña cúní mé á cachi a xihín ná.

⁷ Anda já ñacachi tucu Jesús já xihín ná:

—Mé a ndaa ná cahan i xihín ndo. Yehe cúú u tátuhun in yéhe nu á naha ndicachi já ndihvi rí corra rí. ⁸ Tóco ndihi na ñaqui xi tá cámaní xinu i ñuyivi yóho najándahvi na ñayivi ta cúú ná tátuhun na cujhná. Joo coo ñaxeeen na cúú cuéntá mí i, na cúú tátuhun ndicachi taa joho na nu cahan na cán. ⁹ Yehe cúú u tátuhun in yéhe ta ndá na ná qui xi nuú i quiahva i ñamaní nu ná quihvi na já ná çacu ndaa inima ná. Cúú á tátuhun núna nuú ndicachi quihvi rí ini corra rí ta núna nuú rí queta tucu rí jáchi in yucu cúú nu rí xixáhan rí.

¹⁰ Jáchi da cúú da cujhná cán cája cuihná da rí ta sáhní da rí ta jándihi da saha rí. Joo yehe ñaqui xi i ñuyivi yóho já ná cuu catacu vaha ñayivi ta já ná cuu coo vaha na anda ama cáa quívi. ¹¹ Yehe cúú u tátuhun in da ndáa vaha ndicachi. Jáchi da cán co yihví da quívi da sahá ndicachi jana dá. ¹² Joo da quehe yahvi sahá ña ndáa da ndicachi, ndáa da rí saha yahvi quehe da cán cuítí va. Saha ña cán queá tá xini da vaxi ndivahyí quehe rí in ndicachi, ña cája da queá xinu da cuahán da ta jándacoo da ndicachi ndáhvi cán. Jáchi co cúú dá da ndáa vaha rí ta ni jana dá co cúú ndicachi cán. Ta co sáhní dá mé dá tá ná xinu coo ndivahyí ña ná tiin rí ndicachi cán cata nuu ñahá rí. ¹³ Da quehe yahvi cán jándacoo da rí jáchi co cúú rí jana mé dá ta co sáhní da mé dá cúú ndicachi.

¹⁴ Joo yehe cúú u tátuhun in da ndáa vaha ndicachi. Tá quiahva xini vaha da cán ndá rí cúú ndicachi jana dá quiahva já xini vaha i ndá na cúú cuéntá mí i. Ta jári xini vaha mé ná yehe. ¹⁵ Tá quiahva xini vaha Ndióxi, tátá i yehe ta xini vaha i mé á quiahva já xini vaha i na cúú cuéntá mí i. Ta sahá ña yóho in tiahva i ndiquiahva i mí i quívi i saha ná jáchi cúú ná tátuhun ndicachi janá i. ¹⁶ Joo ndúu java ga ñayivi inga ñuu ta cacuu na cuéntá mí i. Xini ñúhú ndiquehe e na cán ña ná cuni joho na nu cahan i. Ta in nduu ndihi na ña ná candaa i tóco ndihi na.

¹⁷ Quíhvi ini Ndióxi, tátá i yehe jáchi ndiquiahva i mí i quívi i sahá na cúú cuéntá mí i ta tá ñandihí nditacu tucu u. ¹⁸ Ta ni in na a cúú cahní yehe ndaja ñacuu joo ndiquiahva i mí i quívi i jáchi cúní cajú i ña. Núna nuú i ndiquiahva i mí i quívi i ta núna

nuú i nditacu tucu u. Ña yóho cúú chuun ñasañda tátá i nuú i cajú i —ñacachi Jesús.

¹⁹ Tá ñaxini joho na Israel cán ña yóho já ñacasáhá na sáhní táhan tucu na. ²⁰ Ta cuahá táhan na cán ñacasáhá cáchi na já:

—Ndá cuéntá queá táa joho ndó nu cahan da jan ta da ñacatachi va cúú dá. Tiñáhá va ndácaan ini da —cáchi xihín táhan na.

²¹ Joo java na cahan vaha na sahá Jesús já cáchi na já:

—Ni in toho ñayivi a cúú cahan vaha nahá tátuhun cahan Jesús yóho tá ndácaan tiñáhá ini inima ná. Jáchi ama ná cuu cajú ri tiñáhá jándiyehé rí nuú na cuáa —cáchi java na cán.

Cándají na Israel Jesús

²² Ñaxinu coo quívi cajú na víco nu cuía ñuu Jerusalén tá cája cáhnu na quívi ñaxinu veñuhu cáhnu ñuu Jerusalén. Ta mé tiempo víxi ñasaucu a cán. ²³ Ta jivi ini mé veñuhu cáhnu cán ñasañhi Jesús ta xica nuu a yati yuyehé naní Salomón. ²⁴ Já ñacava tiyivi na Israel cán mé á já ñacasáhá ndáca tuhún na mé á já ñacachi na já xihín á:

—Ndaja cáa chí quívi çaxi tuhun ndaun xihín nde ña á jivi ndusa cúun Cristo, da chindahá Ndióxi cacomí cuéntá sahá ñayivi. Jáchi in jvi joho cáhun xini nde ta co cándaq vaha ini nde á jivún á a juú tohún —ñacachi na cán.

²⁵ Anda já ñanducú ñehe Jesús tuhun nu ná já ñacachi a já:

—Sa ñacahan vi xihín ndó joo coo ñacandusa ndó yehe. Tóco ndihi ña náhnu cája i, cajú i ña xihín nde e sahan tátá i nuú i ta jivi mé ña náhnu jan náha nu ndó ña cúú u da ñachindahá Ndióxi. ²⁶ Joo ndóho co cándusa ndó yehe jáchi coo cúú ndó tátuhun ndicachi janá i. ²⁷ Joo ñayivi, na cúú tátuhun ndicachi janá i, na cán cúú na ndicuni ní cahan i ta ndicuni i na ña cúú ná cuéntá mí i ta já ndíco na yehe. ²⁸ Ta cajú i ña ná catacu na anda ama cáa quívi já ná a ndihí saha ná. Ta ni in túhún ñayivi a cúú cajú candaa na cán ndahá i tá sa ñuu na ndahá i. ²⁹ Ndióxi, tátá i ñasañhan na cán nuú i ta mé á queá cáhnu chága nu tóco ndihi ñaha. Ta ni in na a cúú cajú candaa na cán ndáha mé á. ³⁰ Yehe xihín Ndióxi, tátá i in cúú va nde —ñacachi Jesús.

³¹ Anda já ñatiin tucu na Israel cán yuu cuun na Jesús ña cahní ñahá na. ³² Anda já ñacachi Jesús já xihín ná:

—Cuahá ndivaha ña náhnu ñacaja i nu ndó, ña ñasañhan tátá i ñamaní nuú i cajú i nu ndo yóho ta viti cachi ndó xihín i ndá queá co táhan ini ndó xihín. Ndá cuéntá queá vaxi ndó cuun ndó yuu yehe —ñacachi Jesús.

³³ Anda já ñacachi na cán já xihín á:

—Co ndúcú toho nde cuun nde yuu yohó sahá ña náhnu cajú. Cuun nde yuu yohó cúní nde jáchi ndája núun Ndióxi. Jáchi cúun

in t̄a t̄at̄uhun ndehe ta ndájún mún cúun Ndióxi —n̄acachi na cán.

³⁴ And̄a já n̄acachi Jesús já x̄ih̄in ná:

—N̄u ley najándacoo Moisés n̄u ndo cáchi a ña cúu ñayivi t̄at̄uhun Ndióxi sahá ña cúu ná jahyi mé á. ³⁵ Ta sa cándaq̄a v̄aha ini ña a cuú t̄ahnu ña cáhan t̄uhun Ndióxi. Ta n̄acachi Ndióxi x̄ih̄in n̄a nandiquehe t̄uhun mé á ña cúu ná t̄at̄uhun Ndióxi. ³⁶ Sahá ña cán quēa ndá cuéntá quēa cáchi ndo ña n̄andaja núu i Ndióxi sahá ña cáchi i cúu u in t̄uhún j̄ini já jahyi Ndióxi. Jách̄i mé Ndióxi n̄acaxi a yehe ta n̄achindahá a yehe v̄axi i ñuyivi yóho. ³⁷ Sahá ña cán quēa co ndítahan candúsa ndó yehe tá ta co cája i ña n̄ahnu t̄at̄uhun ña cája Ndióxi, tátá i. ³⁸ Joo tá cája i ña já quēa x̄ini ñúhú candúsa ndó ña n̄ahnu x̄ini ndo cája i vat̄i co cún̄i ndó candúsa ndó yehe. Ta x̄ih̄in ña yóho cuu candúsa ndó ña in cúu Ndióxi, tátá i x̄ih̄in i ta in cúu yehe x̄ih̄in mé á —n̄acachi Jesús.

³⁹ And̄a já ndúcú tucu na tiin na a ch̄icaan na a vec̄aa joo nachijehé a n̄u ná cuah̄an.

⁴⁰ Ta já naq̄ee tucu a cuah̄an chí inga xoo yuta Jordán nuú naçaja ndúta Juan ñayivi nuú cuít̄i cán. Ta n̄acandoo Jesús n̄asah̄in a cán. ⁴¹ Ta cuahá ñayivi n̄acasahá na x̄inu n̄a n̄u á ta já cáchi x̄ih̄in táhan na já:

—Mé a ndaa coó toho ñaha x̄it̄uhún naçaja Juan. Joo tóco ndihi ña n̄acachi d̄a cán saha Jesús yóho cúu á ña ndaa —n̄acachi x̄ih̄in táhan na cán.

⁴² Ta cuah̄a ná n̄acandúsa na Jesús mé nuú n̄asah̄in a cán.

11

Tá najánditacu Jesús Lázaro

¹ Ta ndaja coo naq̄eehe cuehe in d̄a nan̄i Lázaro, d̄a ñuu Betania. Ta j̄ivi mé ñuu yóho cúu ri ñuu María x̄ih̄in Marta, qūih̄vi ña. ² Mé María, ña cúu quiahva Lázaro yóho cúu ña ña n̄axojo perfume jatá sahá Jesús ta najándih̄ich̄i ña d̄o x̄ih̄in iji j̄ini ña. ³ Ta mé ña x̄ih̄in qūih̄vi ña n̄achindahá na chuun cuah̄an nuú Jesús ña cách̄ivi ndiv̄aha Lázaro, d̄a qūih̄vi ini mé á.

⁴ Ta tá nañehe Jesús t̄uhun yóho já n̄acachi a já:

—A juú cuehe cahni ñahá cúu toho ña yóho. Joo x̄ih̄in cuehe yóho cuu nah̄a ndá quiahva cáhnu cúu Ndióxi. Ta x̄ih̄in ña yóho nah̄a nuú ñayivi ndá quiahva cáhnu cúu yehe, d̄a cúu in t̄uhún j̄ini já jahyi Ndióxi —n̄acachi a.

⁵ Ta ndaja coo qūih̄vi ndiv̄aha ini Jesús Marta x̄ih̄in qūih̄vi ña ta quiahva já qūih̄vi ri ini a Lázaro viti. ⁶ Joo tá nañehe Jesús t̄uhun ña qūih̄vi Lázaro já n̄acandoo a īvi qūiv̄i ch̄aga mé nuú n̄asah̄in a cán. ⁷ Ta tá n̄andih̄i já n̄acachi Jesús já x̄ih̄in na x̄ica tuun x̄ih̄in á:

—X̄ih̄in ndo ná coho tucú chí Judea —n̄acachi a.

⁸ And̄a já n̄acachi na cán já x̄ih̄in á:

—Maestro, viti chá va ndúcú ñayivi ndúu cán cahni na ndohó x̄ih̄in yuu ta cáa tucu ri ndó cuh̄un ndo cúni ndo —n̄acachi na.

⁹ Joo sa x̄ini Jesús ña cáman̄i x̄inu qūiv̄i qūiv̄i a sahá ña cán quēa n̄acachi a já x̄ih̄in ná:

—Candehé ndó. Uxu īvi hora ndáca in qūiv̄i ta tá x̄ica nuu na ndiv̄i a cúu toho cachih̄in sahá ná jách̄i t̄ivi x̄ica yehe n̄u x̄ica na. ¹⁰ Joo ndá na x̄ica nuu ñuu cuu cachih̄in sahá ná jách̄i co yehe n̄u x̄ica na —n̄acachi Jesús.

¹¹ Tá n̄andih̄i já n̄acachi tucu a já x̄ih̄in ná:

—Sa naqūiji va amigo yo Lázaro viti. Joo viláa cuh̄un i ndiñehe e d̄a —n̄acachi Jesús.

¹² And̄a já n̄acachi na cán já x̄ih̄in á:

—Maestro, tá ta n̄anaá ini da naqūiji dá já quēa in v̄aha da, dá já —n̄acachi na cán.

¹³ Joo ña cún̄i cachi Jesús quēa sa n̄axih̄i va Lázaro vat̄i na x̄ica tuun x̄ih̄in a cán naçahan na ña cún̄i mé á cachi a quēa naqūiji Lázaro cán ta quiahva qūij̄i tóco ndihi ñayivi. ¹⁴ And̄a já naçahan cáxi táhyi tucu Jesús x̄ih̄in ná já n̄acachi a já:

—N̄axih̄i va Lázaro. ¹⁵ Joo cáj̄i va ini i ña coó i ná sahiin i tá n̄axih̄i d̄a jách̄i ña yóho ch̄indeé a ndohó já ná candúsa ch̄aga ndó yehe. Cóho candehé yo Lázaro —n̄acachi Jesús.

¹⁶ And̄a já n̄acasahá Tomás, d̄a cáhan na cuat̄i x̄ih̄in cán cáhan d̄a x̄ih̄in java ga na x̄ica tuun x̄ih̄in Jesús já cáchi d̄a já:

—Cóho ri mí ví qūiv̄i x̄ih̄in mé dá, dá já —cáchi d̄a.

Já naq̄ee na cuah̄an na.

Cúu cája Jesús ña ná nditacu tucu na sa n̄axih̄i

¹⁷ Tá n̄ax̄inu coo Jesús yati ñuu Betania cán já nañehe á t̄uhun ña sa n̄axih̄i Lázaro ta sa in com̄i qūiv̄i n̄achicaan va na d̄a ini in cáva. ¹⁸ Mé ñuu Betania cán ñehe táhan yati a x̄ih̄in Jerusalén t̄at̄uhun un̄i kilometro ñehe táhan. ¹⁹ Ta cuah̄a táhan na Israel cán n̄asahan na ndúu tóo na x̄ih̄in Marta x̄ih̄in María tá quiahva jáyaha na ini na sahá ña n̄axih̄i Lázaro quiahva na. ²⁰ Ta tá nañehe Marta t̄uhun ña cáyati Jesús ñuu cán cuah̄an já ndáva ña n̄asahan ñehe ñahá ña. Joo n̄acandoo María vehe. ²¹ Tá n̄andique táhan Marta x̄ih̄in Jesús já n̄acachi ña já x̄ih̄in á:

—Xitoho, tá ná coo ndó yóho ta ni a qūiv̄i toho Lázaro quiahva i, nduu. ²² Joo cándaq̄a v̄aha ini i ña tá ná caca ndó ña cún̄i mé ndó n̄u Ndióxi quiahva va mé a cán ña n̄u ndo —n̄acachi Marta.

²³ And̄a já n̄acachi Jesús já x̄ih̄in ña:

—Candehé Marta. A ndícani inún jáchì nditacu tucu va Lázaro, quiahvún jan —ñacachi Jesús.

²⁴ Andá já ñacachi ñá já xihín á:

—Sa xini vi ña nditacu tucu quiahva i tá ná xinu coo quivi nu ndihí tá ná nditacu tóco ndihi ná sa ñaxihí —ñacachi Marta.

²⁵ Já ñacachi Jesús já xihín ñá:

—Yehe cúu dá cuu caja ña ná nditacu tucu ndji ta cuu caja i ña ná catacu ñayivi anda ama cáa quivi. Ta ndá ná candee ini yehe vatí ná quivi na catacu tá catacu na. ²⁶ Ta tóco ndihi na candee ini yehe catacu na anda ama cáa quivi ta a ndihí toho saha ná ini indayá. Á cándúsún ña cáhan i xuhun —ñacachi Jesús.

²⁷ Andá já ñacachi Marta já xihín á:

—Cándusa i ndohó ña cúu ndó in tühún jiní já jahyi Ndióxi ta cándusa i ña mé ndó cúu Cristo, dá ñachindahá Ndióxi quixi ñuyivi yóho —ñacachi ñá xihín á.

Sácu Jesús saha Lázaro

²⁸ Tá ñandihí já ñaquee Marta ñasahan ñá cana ñá María quihvi ña. Ta já ñacahan yaá ña xihín María já ñacachi ñá já xihín ña:

—Sa ñaxinu coo Jesús, xitoho í ta íin a yóho. Cuahán nu íin a jáchí cána yóho —ñacachi Marta xihín quihvi ñá.

²⁹ Tá ñaxini joho María cán ña ñacachi quihvi ña xihín ña chí jvi laá ndáva ñá ñasahan ña nu íin Jesús. ³⁰ Mé Jesús ñasandati a cán yuhú ñuu, mé nu ñandique táhan xihín Marta cán. ³¹ Ta ndaja coo mé na Israel, na ndúu jáyaha ini ñá cán tá ñaxini na ñaquee númí joho ñá cuahán ña já ñandicuíta na ndíco na jata ñá cuahán na. Jáchí ñacahán na cuahán ñá cuacu ñá nu ndácaan Lázaro, quiahva ñá. ³² Ta tá ñaxinu coo ñá nu íin Jesús já ñacaxití ña nu á já ñacasáhá cáchí ña já xihín á:

—Tá ná coo ndó yóho, nduu ta ni a quivi toho Lázaro quiahva i —ñacachi ñá.

³³ Ta tá ñaxini Jesús ña sácu cóhó María xihín na Israel, na ndíco ñasaá xihín ñá cán já ñatahvi ndivaha ini a janda quiahva ñandisaá ini a. ³⁴ Andá já ñandaca tuhún a María cán já ñacachi a já xihín ña:

—Ndájá ñachicaan ndó dá já —ñacachi Jesús.

—Ñaha quíí ndó, xitoho i. Candehé ndo nuú ñachicaan ndé dá —ñacachi María.

³⁵ Andá já ñasacu Jesús. ³⁶ Tá ñaxini na Israel ña yóho já ñacasáhá cáchí xihín táhan na já:

—Candehé ndo ndaja náha ñaquihvi ini Jesús yóho Lázaro —ñacachi na.

³⁷ Ta java na ñacasáhá cáchí na já:

—Mé Jesús yóho ñasuná dá nduchú nuú na cuagá. Á chí a cuú cuití caja da chindee dá Lázaro já ná a quivi dá, nduu —ñacachi java na cán.

Jánditacu tucu Jesús Lázaro

³⁸ Tá ñandihí já ñacasáhá táhvi ndivaha tucu ini Jesús ta já ñacayati a nuú ñachicaan na yiquí cuñu Lázaro. Mé nuú ndácaan dá cán ñasacuu a in ndíca cáva ta in yuu jáhnda cáhnu ñasaji nuu yehé cán. ³⁹ Andá já ñandichahan Jesús xihín java na ndúu cán ña ná jácaxoo na yuu ndáji nuu nu ndácaan Lázaro cán. Joo ndaja coo Marta, ña cúu quiahva mé ndji cán ñacasáhá ña cáchí ña já xihín Jesús:

—Candehé ndo, xitoho i. Sa quini cúu sáhan ndji quiahva i jan jáchí sa íin comí quivi ñaxihí dá —ñacachi ñá.

⁴⁰ Andá já ñacachi Jesús já xihín ñá:

—Xini ñuhú ndicuhun inún tá ñacachi i xuhun ña tá ná cándúsún Ndióxi já cunún ndá quiahva cáhnu ñaha cuu caja mé á —ñacachi Jesús.

⁴¹ Tá ñandihí já ñajácaxoo na yuu cáhnu ña ñasaji nuu nuú ñasandacaan Lázaro. Já ñandínehe Jesús nuú á chí indiví já ñacachi a já:

—Tátá Ndióxi, ndiquiahva i ndixahvi nu ndo jáchí ñaxini joho ndó nuú ñacahan i xihín ndo. ⁴² Vatí mé a ndaa cándaá vaha ini i ña níi tiempo xini joho ndó nu cáhan i xihín ndo. Joo cáhan i ña yóho sahá ña ná cuni joho ñayivi ndúu xihín i yóho já ná cándusa na ña mé ndó ñachindahá ndó yehe vaxi i ñuyivi yóho —ñacachi Jesús ndiquiahva ndixahvi nu Ndióxi.

⁴³ Tá ñandihí já ñacayuhú cóhó a já ñacachi a já:

—Lázaro, cuahán queta.

⁴⁴ Tá ñandihí já ñaqueta Lázaro nuú ñasandacaan da. Ñacava nuu ndaha dá anda saha dá xihín ticoto ta ndáji jáhma nuú dá ñaqueta da vaxi da. Andá já ñacachi Jesús xihín java na ndúu cán ña ná ndaxi na dá já ná quee da cuhún dá. Ta já ñacaja na.

Jándique táhan na Israel tuhun na ña tiin na Jesús chicaan na vecqa

(Mt. 26:1-5; Mr. 14:1-2; Lc. 22:1-2)

⁴⁵ Ta cuaha táhan na Israel, na ndáca táhan ñasahan xihín María cán tá ñaxini na ña ñajánditacu tucu Jesús Lázaro cán já ñacandusa na mé á. ⁴⁶ Joo java táhan na Israel cán ndáva na ñasahan na cáhan na xihín na fariseo ta ñandicani na nu ná ña ñacaja Jesús. ⁴⁷ Andá já ñacasáhá na fariseo xihín na sacuahá nuú jutu cán ñajátaca na tóco ndihí na sacuahá nuú na Israel já ñacachi na já xihín ná:

—Ndáí caja i xihín Jesús viti jáchí cuahá ndivaha ñaha xitühún caja dá yóho. ⁴⁸ Xini ñuhú caji nuu i nu dá jáchí tá ná a caji nuu i nu dá vaxi quivi tá tóco ndihi ñayivi candee ini na mé dá. Ta xihín ña yóho xinu ini na jutixia ñuu Roma quixi na jándicani na

veñuhu í ta jándihi na saha tóco ndihi mí, na Israel —ñacachi na.

⁴⁹ Joo in táhan da ndúu cán nani da Caifás, da nasacu da sacuaḡa chága nu ndihi jutú mé cúa cán, ñandicahan da já ñacachi da já:

—Mé ndó cúú ndó ñayivi co xini túni. ⁵⁰ Jáchi co cándaḡ ini ndó ña vaha chága ña ná quivi in ta nu ndihi ñayivi já ná a ndihi saha tóco ndihi ñayivi. Ña cán queḡ cáhan í ña vaha chága ná quivi Jesús jan já ná a ndihi saha mí —ñacachi Caifás.

⁵¹ Joo coḡ ñacahan Caifás ña yóho sahá ña ñaquixa a jini mé dá. Ndióxi queḡ najáchan inima dá ña cáchi da já jáchi mé tiempo já nasacu da sacuaḡa chága nu ndihi jutú ta najáchan Ndióxi inima dá ña ná cachi da ña nditahan quivi Jesús sahá na Israel. ⁵² Ta a juú sahá in túhún na Israel cuiti va vaha jáchi mé Jesús ñanditahan quivi a saha tóco ndihi na cúú cuéntá Ndióxi, na ndicuita nuu ndúu ndijáá ñuyivi já ná cuu coo in ñuu. ⁵³ Chí jandá mé quivi já nasacu ini na Israel cán cañní na Jesús.

⁵⁴ Sahá ña cán queḡ coḡ ñaxica nuu tívi ga Jesús tañu na Israel cán. Ña ñacaja mé á queḡ ñaquee a estado Judea cán já ñasahan chí in ñuu nani Efraín, ña in yati xoo yucú íchí nuu coḡ ñayivi. Cán ñasahin a xihín na xica tuun xihín á.

⁵⁵ Tá ñacayati quivi coo vicó pascua cája na Israel já ñaquee cuahá ñayivi ndúu ndijáá ñuu cán cuahan na chí Jerusalén jáchi cúni na ndaja vii na mé ná, ná coo tiaḡva na tá quiaḡva ñasahnda ley Moisés nu ná caja na tá camañi chá quivi coo vicó pascua. ⁵⁶ Tá ñatata ñayivi ñuu Jerusalén cán ñacasahá ndúcu na Jesús. Joo nani ñuhu na veñuhu cáhu cán ndáca túhún táhan na sahá Jesús já cáchi xihín táhan na:

—Ndaja xini ndo á quixi Jesús á a quixi toho a vicó pascua yóho —ñacachi xihín táhan na cán.

⁵⁷ Ta na fariseo xihín na sacuaḡa nuú jutú ñasahnda na chuun ña ndá na ná cuni Jesús já ná cuhun na çaxi túhun na xihín na cán ndája in a jáchi cúni na tiin na a chicaḡan na a vecaḡ.

12

Tá ñachojó in ñaḡahḡ perfume sahá Jesús
(Mt. 26:6-13; Mr. 14:3-9)

¹ Ta tá camañi inu quivi coo vicó pascua já ñaquee Jesús ñasahan ñuu Betania, mé ñuu nu in Lázaro, da najánditacu tucu mé á cán.

² Ta cán ñacaja ndívi na ña cajini Jesús jáchi cúni na caja cáhu na mé á. Ta mé Marta cúú ña cája ndívi nu ná. Ta Lázaro cúú in táhan da in coo nu mesa xixi xihín Jesús. ³ Ta ndaja coo María ñasahan ña quehe ña tátuhun java litro perfume, dó yahvi ndivaḡa. Jáchi cúú dó dó ñacavaḡa xihín ndinuhu yucu

támi sahan nani nardo. Najácyu ña do jata saha Jesús. Ta tá ñandihí já najáhichí ña sahá xihín íjijí ña. Ta níi ini vehe cán ñandicuita nuu jíco perfume cán. ⁴ Andá já ñaxini in táhan da xica tuun xihín Jesús, da nani Judas Iscariote cán ña yóho. Mé Judas yóho cúú dá da jíco túhún Jesús tá nu ndihí ta já cáchi da já:

⁵ —Ndá cuéntá queḡ coḡ ñacayahvi perfume yóho já ná cana jihún jasá yó nuú na ndahví, nduu. Jáchi quiaḡva na uní ciento denario saha dó, nduu —ñacachi Judas cán. Ta in denario cúú ña quehe ñayivi cája chúun na in quivi.

⁶ Joo coḡ ñacachi Judas ña yóho sahá ña quihvi ini ndusa da na ndahví, vaha. Ñacachi da já jáchi cúú dá da cuíhná ta ndáḡa mé dá ñuhu ndihi jihún ta cája cuíhná da ña tá cúni da. ⁷ Andá já ñacachi Jesús já xihín dá:

—A cáhun xihín ña jáchi nasacu vaha ña do ña ná chojé ña do yiquí cuñu í. Jáchi sa xini ña ña sa ñacayati quivi quivi í. ⁸ Ta níi tiempo candu na ndahví jan tañu ndó ta ndá tañu cúni mé ndó cuu chindeé ndó na. Joo yeḡe á coo tuun toho í xihín ndo —ñacachi Jesús.

Sácu ini na sacuaḡa nuú jutú cañní na Lázaro

⁹ Cuahá na Israel cán ñaḡeḡe ná túhun ña in Jesús ñuu Betania. Sahá ña cán queḡ ñasahan na cán jáchi cúni na cuni na Jesús ta cúni na cuni na Lázaro, mé da najánditacu tucu Jesús. ¹⁰ Andá já ñasacu ini na sacuaḡa nuú jutú cán cañní ri na Lázaro viti. ¹¹ Jáchi saḡa Lázaro cán cuahá na Israel ñacasahá na cándeé ini na Jesús. Ta najándaco na ndíco na jatá na sacuaḡa nuú na Israel.

Tá ñaquihvi Jesús ñuu Jerusalén

(Mt. 21:1-11; Mr. 11:1-11; Lc. 19:28-40)

¹² Ta inga quivi itaḡ cuahá ndivaḡa ñayivi ñaxinu coo na ñuu Jerusalén nuú coo vicó pascua. Ta tá ñacandḡa ini na ña xinu coo Jesús ñuu Jerusalén cán ¹³ já ñasahan na ñasahnda na ndáḡa tó ñuu já ndáva na ñasahan na ñaḡeḡe ñahá na. Ta cáyuhú na já cáchi na já:

—Cája cáhu í Ndióxi. Cáhu ñahá ná cacuu da cómi cuéntá sahá na Israel jáchi cúú dá da vaxi yuhú nuu Ndióxi —cáchi na.

¹⁴ Ñanditahan Jesús in búrrḡ ta ñasanúu a ri tá quiaḡva ñacachi túhun Ndióxi sanahá tá cáchi a já:

¹⁵ A cáyihvi toho ndó, na ndúu ñuu Sión.

Candehé ndó da cómi cuéntá saḡa ndó jan, cánúu da jata búrrḡ loho vaxi da, cáchi túhun Ndióxi.

¹⁶ Ta coḡ ñacandḡa ini na xica tuun xihín Jesús cán ndá cuéntá queḡ cája ñayivi já xihín á. Joo chága chí nuú tá sa ñandindita Jesús cuahan indivi já ñacandḡa ini na ña

quiahva já ndáa nuú tũhun Ndióxi sanahá ña caja na xihín Jesús.

¹⁷ Mé ñayivi, na nasanduu xihín Jesús tá naçahan xihín Lázaro ña ná queta da nuú nanduxu da ña nditacu da, mé na cán nandicani na nuú java ga ñayivi ña naxini na naçaja Jesús cán. ¹⁸ Sahá ña cán queá naçeta ñayivi nasahan na ñehe ná Jesús jáchi nañehe ná tũhun sahá ña cáhnu naçaja mé á cán. ¹⁹ Tá naxini na fariseo ña yóho já naçasahá cáchi xihín táhan na já:

—Candehé ndo. Ndá cuu caja í quee vaha í xihín da jan. Jáchi tóco ndihi ñayivi cáti na cuahan na xihín da jan —naçachi xihín táhan na fariseo cán.

Java na griego ndinducú na Jesús

²⁰ Tañu ñayivi cuaha naxinu çoo cája cáhnu Ndióxi víco ñuu Jerusalén cán naxinu çoo ri java na naquixi chí ñundáhyi cuéntá Grecia. ²¹ Ta mé na griego yóho naçayati na nu Felipe, da ñuu Betsaida cuéntá Galilea cán. Ta já naçasahá na cáhan ndahví na xihín dá já naçachi na já xihín dá:

—Çahan nde xihín Jesús cuní nde —naçachi na.

²² Anda já naçuee Felipe nasahan da çaxi tũhun da xihín Andrés ta já ndáca táhan ndívi da nasahan da ndicani da ña nuú Jesús.

²³ Anda já naçachi Jesús já xihín dá:

—Sa naxinu çoo va tiempo caja cáhnu Ndióxi yehe, da naçindahá mé á nduu ñayivi. ²⁴ Mé a ndaa ná çahan í xihín ndo. Tá quiahva ndihi saha in ndiquí trigo tá ndicava ña ini ñundáhyi quiahva já nditahan nuú í quivi í. Jáchi tá ná a ndihi saha ndiquí trigo cán já in já cacuu va ña. Joo tá ná ndihi sahá ña cán já nduta ña ta já ndicuahá ndivaha ña. ²⁵ Ndá na cátóo chága cája ña cuní mé cuití na a juú ga ña cuní Ndióxi, na cán cúu na ndihi saha. Joo na cája ña cuní Ndióxi, na cán cúu na catacu anda ama cáa quivi. ²⁶ Ta ndá na cuní caja çuun cuéntá mí í nditahan nu ná candico na yehe. Jáchi nuú coo yehe, cán coo ri na cája ña cuní yehe. Ta na cán cacuu na na ndiñehe jícó Ndióxi.

Cáxi tũhun Jesús ña quivi a

²⁷ Ta viti ñuhú cacueha ndivaha ini í. Ta a çuú caca tahví í nu Ndióxi ña ná a quiahva mé á ñamaní ndoho ini í jáchi sahá çuun yóho naquixi í ñuyivi yóho. ²⁸ Ña nditahan cachi í queá: “Tátá Ndióxi, cáhnu ná cacuu mé ndó” —naçachi Jesús.

Tá naçachi Jesús ña yóho, naçahan Ndióxi indivi já naçachi a já:

—Sa nañaja cáhnu í mí í ta caja tucu u ña —naçachi a.

²⁹ Ta ñayivi nduu cán tá naxini joho na ña yóho já naçachi na ña javi va cána. Ta java na naçachi na táto Ndióxi queá naçahan.

³⁰ Anda já nandicahan Jesús xihín ná já naçachi a já:

—A juú sahá yehe naxini joho ndó ña yóho. Joo naçatácu a já ná cuni joho mé ndó. ³¹ Ta sa nañandaa quivi cavií sahá ñayivi nduu ñuyivi ta sa nañandaa quivi ndihi sahá ña cája tiñhá saçuaça, mé rí sahánda çuun ñuyivi yóho. ³² Jáchi tá ná cata caa na yehe já caji í ña ná casahá ñayivi níi cúu ñuyivi candeé ini na yehe —naçachi Jesús.

³³ Xihín ña yóho cuní mé á ndicani a nu ná ña quivi a ndica crúxu. ³⁴ Anda já naçachi ñayivi nduu cán já xihín á:

—Tá cáhvi nde ley Moisés naçahyi sanahá já cándaq ini nde ña anda ama cáa quivi catacu da chindahá Ndióxi camoi cuéntá sahá ñayivi. Yo já cúu da çahun saha. Tá ta mé a ndaa cúun da naçindahá Ndióxi nduu ñayivi, da catacu anda ama cáa quivi ndá cuéntá queá cáhún quivún —naçachi na xihín Jesús.

³⁵ Já naçachi Jesús já xihín ná:

—Yehe cúu da jándiyehe inima ñayivi ta coo tóo loho chága í xihín ndo. Sahá ña cán queá xini ñuhú caca nuu ndó nani jándiyehe ichi çuhun ndo ta viti núná nu ndó caji ndó ña. Jáchi vaxi quivi quivi í caji na ta anda já cacuu a tátũhun canaa yávi ta já a cándaq ini ndó ndá xoo çuhun ndo. ³⁶ Xini ñuhú candeé ini ndó yehe jáchi cúu u da jándiyehe nu ndó nani in í xihín ndó. Anda jávi xinu çoo ndó cacuu ndó ñayivi cuéntá mí í —naçachi Jesús.

Tá nandihí já naçuee Jesús cuahan çuhéhe a nu ná.

Ço cándusa na Israel Jesús

³⁷ Vatí naçaja Jesús cuaha ña xituhún nuú ñayivi cán joo çoo naxeen na candúsa na mé á. ³⁸ Já naçahin jáchi nanditahan xinu çoo nuú tũhun ña naçahyi Isaías sanahá cán tá naçachi a já:

Tátá Ndióxi, ço cuní na candúsa na tũhun ña cáhan í xihín ná.

Vatí xini na ña náhnu cája mé ndó joo ço cuní na candúsa na ndoghó, já naçahyi Isaías sanahá.

³⁹ Sahá ña cán queá çoo naçuu candúsa ñahá ñayivi cán. Ta inga tucu tũhun naçahyi Isaías queá cáchi já:

⁴⁰ Mé Ndióxi queá najácuua ñahá ta çoo naçuná a inima ná,

já ná a cúu candaq ini na yo cúu mé á, já ná a cúu ndicó çoo na nu mé á ña ná ndaja vaha mé á na, naçahyi Isaías.

⁴¹ Quiahva já naçahan Isaías jáchi naxini mé dá ndá quiahva cáhnu cúu Jesús.

⁴² Ta cuaha táhan na Israel cán naçandee ini na Jesús. Ta janda java na saçuaça nuú na Israel cán naçandee ini na Jesús. Joo çoo naxeen na naça tũhun na sahá jáchi nayihví na taxi na fariseo cán na veñhu. ⁴³ Jáchi cuní na candoo vaha chága na nuú ñayivi a juú ga nu Ndióxi.

Táhvi ini ñayivi sahá cuachi na tá xini joho na nu cáhan Jesús

⁴⁴ Tá nandihí já ñacahan cóhó Jesús já ñacachi a já:

—Ndá na cándee ini yehe já queá a juú in túhún yehe cándee ini na, vaha. Jáchi cándee ini ri na Ndióxi, tátá i, mé a ñachindahá yehe vaxi i ñuyivi yóho. ⁴⁵ Ta ndá na xini yehe xini ri na mé a ñachindahá yehe vaxi i ñuyivi. ⁴⁶ Yehe ñaquixi i ñuyivi yóho ña ná jándiyéhe inima ñayivi já queá ndá na ná cándee ini yehe, a cánduu ga na nuú naá. ⁴⁷ Joo na xini joho nu cáhan i ta co cája na ña, a juú toho yehe chícaan cuachi jata ná. Joo tuhun cáhan i queá chícaan cuachi jata ná. Jáchi cóo vaxi i ñuyivi yóho chícaan i cuachi jata ñayivi. Ñaquixi i já ná cuu cacu ndaa inima ná. ⁴⁸ Ndá na cándají yehe ta co cúní na caja na ña cáchi i xihín na, ná cán cúu na cahun indayá jáchi mé tuhun ñacahan i cacuu a ña chícaan cuachi jata ná tá ná xinu cóo mé quivi nu ndihí cuí. ⁴⁹ Jáchi co jánaha i ña quixi jini mé cuiti i. Tóco ndihí ña cáhan i ta tóco ndihí ña jánaha i nuú ñayivi cúu á ña ñachindahá Ndióxi, tátá i yehe jánaha i nu ná. ⁵⁰ Ta cándaqá cáxi ini i ña tóco ndihí ña jánaha Ndióxi, tátá i caja ña ná cahun na coo na indivi anda ama cáa quivi. Ta tóco ndihí ña cáhan i xihín ñayivi, cáhan i ña tá quiahva ñasahnda Ndióxi, tátá i nuú i caja i —ñacachi Jesús.

13

Jándoo Jesús sahá na xica tuun xihín á

¹ Tácamani in quivi coo vicó pascua já sa xini Jesús ña sa ñaxinu cóo quivi quivi a jándacoo a ñuyivi yóho já ndaa mé á ndique táhan xihín Ndióxi, tátá i. Nii tiempo ñaquihvi ini Jesús tóco ndihí na cúu cuéntá mé á ndúu ñuyivi yóho ta cóo najándacoo mé á ña quihvi ini a ña.

² Ta ndaja coo in Jesús xihín na xica tuun xihín á xijini na. Jihna sa najácahan tiñahá saçuaha Judas Iscariote, da cúu jahyi Simón, ña ná jico túhún da Jesús. ³ Joo sa xini vaha Jesús ña ñasahan Ndióxi, tátá a tóco ndihí ndée á nu mé á. Ta sa xini á ña ñaquixi a nu Ndióxi ta jivi nu Ndióxi ndindita tucu a cahun a. ⁴ Ta nani xijini na ñandaqa ndichi Jesús já ñatavá a cóto nihnu a ta já ñatiin a in jáhma ñachiñee a tóco á. ⁵ Tá nandihí já ñataán a ticuij ini in tisahan loho já ñacasahá jándoo a sahá na xica tuun xihín a cán. Ta já najándihichi a sahá na xihín jáhma cáñee tóco á cán.

⁶ Ta tá nanditahan ndoo sahá Simón Pedro já ñandaqa túhún da Jesús já cáchi da já:

—Á mé a ndaa jándoo ndó sahá i, xitoho i —ñacachi da.

⁷ Já ñacachi Jesús já xihín dá:

—Viti ñúhú co cándaqá toho inún ndía queá cája i yóho joo chága chí nuu já candaqá inún ndá cuéntá queá cája i já —ñacachi Jesús.

⁸ Andá já ñacachi Pedro já:

—Chí a quiahva toho mí i ñamaní nu ndó jándoo ndó sahá i —ñacachi da.

Andá já ñacachi Jesús já xihín dá:

—Tá ná a quiahvún ñamaní jándoo i sahún já a cúu cacuún cuéntá mí i —ñacachi Jesús.

⁹ Andá já ñacachi tucu da já xihín Jesús:

—Tá ta já cáchi ndo quiahva va i sahá i jándoo ndó ta quiahva ri ñamaní ñandahá ndó yehe ta quiahva ri ñamaní chihin ndó jini i viti —ñacachi da.

¹⁰ Andá já ñanducú ñehe Jesús tuhun nu dá já ñacachi a já xihín dá:

—Tá sa ñachichi vaha ñayivi já ndúu vii na ta sahá cuiti va ndó xini ñúhú ndicata i. Mé ndó, na xica tuun xihín i, sa ndúu vii ndo jáchi sa najándoo i cuachi ndó sahá ña cándee ini ndó yehe vatí a juú ndihí ndó ndúu vii —ñacachi Jesús.

¹¹ Ñacachi Jesús a juú ndihí na ndúu vii jáchi sa ñacandaqá va ini mé á ndá da cúu da jico túhún ñahá.

¹² Tá nandihí najándoo Jesús sahá ná já ñacandixi tucu a cóto nihnu a. Já ñasacoo tucu a nu mesa já ñacachi a já xihín ná:

—Cája i cuéntá co cándaqá vaha ini ndó ndá cuéntá queá najándoo i sahá ndo. Sahá ña cán queá ndicani i ña nu ndo viti. ¹³ Mé ndó cáchi ndo maestro xihín i ta cáchi ndo cúu u xitoho ndó ta ndaa cáhan ndó jáchi jivi ndusa i. ¹⁴ Ta viti cándehé ndó. Yehe cúu u maestro ndo ta cúu u xitoho ndó ta najándoo i sahá ndo. Sahá ña cán queá quiahva já ndítahan caja ndó xihín ndaja táhan mé ndó. ¹⁵ Sa ñasacu u in quiahva nu ndo ta ndítahan caja ndó tá quiahva ñacaja mí i xihín ndo. ¹⁶ Xini ñúhú candaqá ini ndó ña ni in túhún toho mozo a quú cacuu da da cáhnu chága a juú ga xitoho da. Ta mé a ndaa in chága sahá in da sáhdá chuun a juú ga mé da cahuan caja chúun cán. ¹⁷ Tá ñacandaqá ini ndó ña cáhan i xihín ndo yóho ta tá ná caja ndó ña já queá cuu cajii ini ndó.

¹⁸ A juú sahá tóco ndihí ndó cáhan i jáchi sa cándaqá vaha ini mí i ndá ndó ñacaxi i. Joo sahá in ndó ndítahan xinu coo nuú tuhun Ndióxi tá ñacachi a já: “In da sácco tuun xixi xihín i, da cán cúu da ñandicujta xihín i”, cáchi tuhun Ndióxi. ¹⁹ Sa cáxi tuhun cué e ña yóho xihín ndo já queá tá sa ñaxinu ña yóho já cándee ini ndó yehe, ña cúu u da cáchi i cúu u. ²⁰ Mé a ndaa ná cáhan i xihín ndo. Ndá na ná ndiquehe vaha in da ná chindahá i, cúu á tátuhun ndiquehe vaha na yehe. Ta ndá na ndiquehe vaha yehe, ndiquehe vaha ri na Ndióxi, mé a ñachindahá yehe quixi i ñuyivi yóho —ñacachi Jesús.

Cáxi tuhun Jesús ña cúu Judas da jicó túhún ñahá

(Mt. 26:20-25; Mr. 14:17-21; Lc. 22:21-23)

21 Tá nandihí ñacachi Jesús ña yóho já ñacacuéha ndivaha ini a já ñacachi a já:

—Mé a ndaa ná cahan i xihín ndo. In táhan ndó cacuu da cuhun jicó túhún yehe —ñacachi Jesús.

22 Tá nandihí já ñacasáhá na xíca tuun xihín Jesús cán sándehe nu táhan na. “Yo saha cahan Jesús”, cahan na. 23 Jijn Jesús cán in coo in táhan da xíca tuun xihín á, da quihvi ini mé á cán. 24 Saha ña cán quea nacuu ndaha Simón Pedro nu dá ña ná ndaca tuhún da mé á saha ndá da cúu da jicó túhún ñahá. 25 Anda já ñacativi chága da cán jijn Jesús já ñacasáhá da ndaca tuhún ñahá da já ñacachi da já:

—Ndá da cúu dá, xitoho i —ñacachi da.

26 Anda já ñacachi Jesús já xihín dá:

—Viti ñúhú chindaxi i in túhún pan ta ndá da ná quiahva i túhún pan cán nuu, da cán cúu dá —ñacachi Jesús.

Tá nandihí já nachindaxi a in túhún pan já ñasahan ña nu Judas Iscariote, da cúu jahyi Simón. 27 Ta tá natiin Judas pan cán chí ivi laá nandihvi tiñahá saçuaha ini da. Já ñacachi Jesús já xihín dá:

—Xini ñúhú ndihi inún cajún ña ñasacu inún cajún —ñacachi Jesús.

28 Joo ni in túhún java ga na ndúu coo xixi xihín Jesús cán coo ñacandaa ini na ndá cuéntá quea ñacachi Jesús ña yóho xihín Judas. 29 Java na ñacahan na ña ñasahnda Jesús chuun nu Judas ña ná cuhun da cueen da ñaha cuéntá víco pascua. Ta java na ñacahan na ña ñasahnda chuun nu dá ña ná jasá da juhún nuú na ndahvi jáchi ndáha mé dá ñúhu ndihi jihún. 30 Tá nandihí natiin Judas pan ñasahan Jesús nu dá chí ivi laá ñaquee da cuahan da. Ta sa ñúu va quea cán.

Ndítahan quihvi ini táhan na cúu cuéntá Jesús

31 Tá sa ñaqueta Judas cuahan da já ñacasáhá cáchi Jesús já xihín na xíca tuun xihín á:

—Viti ndusa quea ñacasáhá ndicáhnú ndivaha yehe, da nachindahá Ndióxi nduu ñayivi. Ta saha ña caja i ndicáhnú ndivaha Ndióxi, tátá i. 32 Ta tá náha yehe ndá quiahva cáhnú cúu Ndióxi, tátá i quiahva já náha ri Ndióxi ndá quiahva cáhnú cúu yehe, da nachindahá Ndióxi nduu ñayivi. Ta já chá cámaní coo tóco ndihi ña yóho. 33 Candehé ndo, jahyi mání i. Já chá cuiti tiempo coo i xihín ndo. Anda já ndinducú ndó yehe joo a ndíñehe ndó yehe. Ndítahan ndicuhún ini ndó tá ñacachi i xihín na Israel ña a cúu cuhun na nuú cuhun yehe. Quiahva já cáchi ri xihín ndóhó va: A cúu cuhun ndó

nuú cuhun i. 34 Ta viti sáhná i inga chuun nu ndo ta cúu á ña saá. Ta ña yóho cúu á: Ndítahan quihvi ini táhan ndó. Tá quiahva quihvi ini yehe ndogh quiahva já ndítahan quihvi ri ini táhan ndó. 35 Jáchi tá ná quihvi ini táhan ndó já candaa ini tóco ndihi ñayivi ña mé a ndaa táhyi cúu ndó cuéntá mí i —ñacachi Jesús.

Cáxi tuhun Jesús ña chijehé tuhun Pedro ña xini da mé á

(Mt. 26:31-35; Mr. 14:27-31; Lc. 22:31-34)

36 Anda já nandaca tuhún Simón Pedro cán Jesús já ñacachi da já xihín á:

—Xitoho i, ndájá cuhun ndó já —ñacachi da.

Anda já ñacachi Jesús já xihín dá:

—A cúu toho cuhun yóhó nuú cuhun i viti. Joo cacuáchi lohún já xinu coún cán —ñacachi Jesús.

37 Anda já ñacachi Pedro já xihín Jesús:

—Ndá cuéntá quea cáchi ndo ña a cúu candico i ndogh cuhun i nuú cuhun ndó viti. Jáchi sa in tiahva i quivi i saha ndo —ñacachi Pedro.

38 Já nanducú ñehe Jesús tuhun nu dá já ñacachi a já xihín dá:

—Mé a ndaa ná cahan i xuhun. Vati in tiahvún quivún saha i joo tá cámaní cana chéle já uní tañu chijehé tuhún saha i ta cahún ña co xini tohún yehe —ñacachi Jesús xihín Pedro.

14

Ndáca Jesús ñayivi cuhun na nu Ndióxi, tátá a

1 Já ñacachi tucu Jesús já:

—Coto a ndícani ini ndó. Ndítahan candeé ini ndó Ndióxi ta ndítahan candeé ini ndó yehe. 2 Mé nu in Ndióxi, tátá i, cán in cuahá ndivaha nu núná nu ndó canduu ndó. Tá ná a cóo nuú canduu ndó cán jandá mé saha va sa ñacaxi tuhun i xihín ndó, nduu. Ta cuhun i cacu tiahva i mé nuú canduu ndó cán. 3 Tá sa ná quee e cuhun i ta tá sa ná caja ndívi i nuú canduu ndó cán já quixi tucu u ndiquehe e ndogh já ná cuhun ndó canduu ndó xihín i mé nuú coo i cán. 4 Mé ndó sa xini ndó ndá íchi candico ndó já cuu saá ndó nuú cuhun i —ñacachi Jesús xihín na xíca tuun xihín a cán.

5 Anda já nandicahan Tomás xihín Jesús já ñacachi da já xihín á:

—Mé nde co xini toho nde ndájá cuhun ndo, xitoho nde. Ndaja caja ri nde candaa ini nde ndá íchi quehe nde cuhun nde —ñacachi da xihín á.

6 Já nanducú ñehe Jesús tuhun nu dá já ñacachi a já xihín dá:

—Yehe cúu tátuhun íchi ña ndítahan candico ñayivi ta yehe cúu dá jánaha ña

ndaꝞ. Ta yehe cúú ða cajú ña ná catacu ñayivi andꝞ ama cáa quívi. Ta in túhún yehe ndítahan candeé ini ñayivi já ná cuu xinu coo na nu Ndióxi, tátá i. ⁷ Tá xini ndó yo cúú yehe já xini ri ndó yo cúú Ndióxi, tátá i. Ta viti xihín chí nuu xini ndó a jáchi sa ñaxini ndó a —ñacachi Jesús.

⁸ AndꝞ já ñacachi Felipe já xihín Jesús:

—Xitoho nde, jánaꝞ ndó nuú nde yo cúú tátá ndo já ná cajji ini nde —ñacachi da.

⁹ AndꝞ já ñacachi Jesús já xihín dá:

—Ndá cuéntá queá cáchún já jáchi jandꝞ jihna ndivaha va íin i xihín ndo ta sa ndítahan candaꝞ ini ndó yo cúú yehe. Jáchi ndá na sa xini yo cúú yehe xini ri na yo cúú Ndióxi, tátá i. Saha ña cán queá ndá cuéntá queá cuni ndó ña ná jánaꝞ i tátá i nu ndo. ¹⁰ Xini ñuhú candúsa ndó ña in cúú va yehe xihín Ndióxi, tátá i ta in cúú va mé á xihín i. Tóco ndihi ña cáhan i xihín ndo yóho co cáhan i ña sahá ña quíxi a jini mé cuiti vi. Cáhan i ña quíxi nu Ndióxi jáchi íin mé á xihín i. Ta chuun cajú i quíxi a nu Ndióxi jáchi cajú chuun mé á. ¹¹ Xini ñuhú candúsa ndó ña in cúú yehe xihín Ndióxi, tátá i ta in cúú Ndióxi, tátá i xihín i. Ta tá co cuni ndó candúsa ndó ña já queá xini ñuhú candúsa ndó ña sahá ña náhnu ñaxini ndó ñacaja i. ¹² Mé a ndꝞ ná cáhan i xihín ndo. Ndá na candeé ini yehe, cuu cajú na ña xitúhún tátuhun ña cajú mí i. Ta jandꝞ ña náhnu chága cuu cajú na jáchi cuhun i nu íin Ndióxi, tátá i. ¹³ Ta tóco ndihi ña caꝞa ndó nu Ndióxi, xini ñuhú caꝞa ndó ña xihín quívi mí i já ná cajú i ña. Ta ndicáhnu Ndióxi, tátá i xihín ña cajú i saha ndo. ¹⁴ Ta cajú i ndá ña ná caꝞa ndo nuú i tá ná caꝞa ndó ña xihín quívi mí i.

Sáhan Jesús tuhun a ña chindahá a ínima yíi Ndióxi cañuhu a ini ñayivi

¹⁵ Tá mé a ndꝞa quíhvi ini ndó yehe, cajú tá cajú ndó ña sáhdá i nu ndo cajú ndó. ¹⁶ Ta caꝞa i nu Ndióxi, tátá i ña ná chindahá mé á ínima yíi mé á nu ndo. Ta chindeé mé á ndoghó já ná quiahva tuhun ndéé ini ndó ta já cuu coo tuun a xihín ndo. ¹⁷ Joo ñayivi, ña co cúú cuéntá mí i, a cúú ndiquehe na ña jáchi co candaꝞ ini na yo cúú mé á ta ni co cuni ña ndiquehe vaha na ña. Joo ndóho xini vaha ndó a jáchi sa íin a xihín ndo ta ní tiempo cañuhu a ini ndó. ¹⁸ A jándacoo ndáha toho i ndoghó jáchi ndicó coo tucu u já coo i xihín ndo. ¹⁹ Já chá cuiti ta a cuni ga ñayivi cuéntá ñuyivi yehe. Joo mé ndó cuni tá cuni ndó yehe. Ta sahá ña nditacu tucu u sahá ña cán queá cuu catacu mé ndó andꝞ ama cáa quívi. ²⁰ Ta mé quívi cán candaꝞ ini ndó ña mé a ndꝞa in cúú yehe xihín Ndióxi, tátá i. Ta candaꝞ ini ndó ña quiahva já in cúú ndó xihín i ta in cúú yehe xihín mé ndó viti. ²¹ Ndá na ndiquehe vaha tuhun cáhan i ta cajú na ña, náha na xihín ña yóho ña mé a

ndaꝞ quíhvi ini na yehe. Ta mé Ndióxi, tátá i quíhvi ini a ndiáá na quíhvi ini yehe. Ta quíhvi ri ini yehe na ta náha i mí i nu ná —ñacachi Jesús.

²² AndꝞ já in ða naní Judas, ða co cúú toho ða naní Judas Iscariote, ñandaꝞa tuhún ða Jesús já ñacachi da já xihín á:

—Xitoho nde, ndá cuéntá queá cáchí ndó ña náha ndó mé ndó nuú nde joo a náha toho ndó mé ndó nuú ñayivi cuéntá ñuyivi —ñacachi da.

²³ Já nanducú ñehe Jesús tuhun nu dá já ñacachi a já xihín dá:

—Ndá na quíhvi ini yehe, ña cán cúú na cajú ña cáhan i. Ta já quíhvi ini Ndióxi, tátá i na ta já quíxi nde coo nde xihín ná. ²⁴ Joo ña co quíhvi ini yehe, ña cán cúú na quehe núu tuhun cáhan i. Ta mé tuhun cáhan i nu ndó yóho co cúú á ña quíxi jini mí i. Cúú á tuhun Ndióxi, tátá i, mé a nachindahá yehe quíxi i ñuyivi yóho.

²⁵ Tóco ndihi ña yóho ndicani i ña nu ndó viti nani íin i xihín ndo. ²⁶ Joo ínima yíi Ndióxi, mé a chindahá Ndióxi yuhú nuú i quíxi a, chindeé a ndoghó. Mé a cán queá jánaꝞa tóco ndihi ñaha nu ndo. Ta jándicuhun a ini ndó tóco ndihi ña ñacachi i xihín ndo.

²⁷ Tá sa ná quee e cuhun i já cajú i ña ná coo vaha ini ndó. Joo a cácuu a tátuhun tá cajú ñayivi cuéntá ñuyivi. “Ná coo vaha ini ndó”, cáchí xihín táhan na joo co íin vaha ini xihín táhan na. Coto a ndicani nahá ini ndó ta coto a yíhvi ndó jáchi cajú i ña ná coo vaha ini ndó. ²⁸ Sa ñaxini johu ndó ña ñacachi i xihín ndo ña quee e cuhun i ta ndicó coo tucu u já coo i xihín ndo. Ta tá mé a ndꝞa quíhvi ndusa ini ndó yehe já queá cajji ini ndó sahá ña cáchí i cuhun i nu íin Ndióxi, tátá i. Ta íin chága saha mé á a juú ga yehe. ²⁹ Sa ndicani cuéé vi ña yóho nu ndo já queá tá ná xinu coo ña cáchí i xihín ndo coo já queá cuu candúsa ndó yehe.

³⁰ Já chá cuiti va coo i ñuyivi yóho nditúhún i xihín ndo jáchi sa ñatandaa hora xinu ri quini, ri cómi cuéntá sahá ñayivi ñuyivi yóho vatí mé a ndꝞa co ndéé ri cajú ri ni in ñaha xihín i. ³¹ Joo yaha tá yaha ña cuni ri cajú ri xihín i. Ta xihín ña yóho candaꝞ ini ñayivi ndúu ñuyivi ña mé a ndꝞa quíhvi ini ndusa i Ndióxi, tátá i ta cajú i ña ñasahnda mé á nuú i cajú i. Candichi ndó. Xihín ndo ná cohó —ñacachi Jesús xihín na xica tuun xihín a cán.

15

Jesús cúú á tátuhun in tó uva

¹ AndꝞ já ñacachi tucu Jesús já xihín ná:

—Yehe cúú ndusa tátuhun in tó uva ta Ndióxi, tátá i cúú á tátuhun ða ndája víi saha mé tó uva cán. ² Ta ñayivi cúú ná tátuhun

ndáha tó uva cán. Ta ndá na cō xeēn caja ña cūni Ndióxi jácaxoo a na nu mé á tá quiahva cája da ndája vii dó cán tá chítúhūn dá ndáha tó uva, ña cō cána uva nuu. Joo tá cána cuaha uva nu dō já queá ndája vii da ndáha dō ta ndíjatá da dō já ná cana cuaha chága uva nu dō. Quiahva já cája ri Ndióxi xihín ñayivi, na cája ña cūni mé á. ³ Joo mé ndó sa nandivií va ndó jáchi naxini johō ndó ña jánaḡa i nu ndó. ⁴ Xini ñúhú in cacuu ndó xihín i tá quiahva in cúu yehe xihín ndo. Jáchi in ndáha tó uva a cúu cana uva nu dō tá cō tūin dó tóco tó uva cán. Quiahva já íin ri xihín ndóhó va. A cúu caja ndó ña cūni Ndióxi tá cōo in cúu ndó xihín i.

⁵ Yehe cúu u tātuhun tó uva ta ndóhó cúu ndó tātuhun ndáha mé tó uva cán. Ta ndá na in cúu xihín i tá quiahva in cúu u xihín ná já queá cuu caja ndihi na ña cūni Ndióxi. Cacuu a tātuhun cána cuaha uva vaḡa nu ndáha tó uva cán. Jáchi mé a ndaa ni in tūhūn ñaha a cúu caja ndó tá ná a chindeé yehe ndóhó. ⁶ Ta ndá na cō cūni in cacuu xihín i, na cán cúu na jácaxoo Ndióxi. Ta cúu ná tātuhun in ndáha tó uva, dó sa nahichí ta nditaca dó cūhūn dó cayí dō.

⁷ Tá in ná cacuu ndó xihín i ta tá ná caja ndó ña najánaḡa i nu ndó já cuu caça ndó ndá ña cūni mé ndó nuú i já quiahva i ña nu ndó. ⁸ Mé Ndióxi, tátá i ndicáḡmu ndivaha tá ná caja ndó ña cūni a xihín ndinuhu ini ndó. Ta xihín ña yóho náha ndó ña cúu ndó cuéntá mí i. ⁹ Quíhvi ini i ndóhó tá quiahva quíhvi ini Ndióxi, tátá i yehe. Xini ñúhú coo tuun ndó xihín i jáchi quíhvi ini i ndóhó. ¹⁰ Tá ná caja ndó tóco ndihi ña sáhná i nu ndo caja ndó já queá coo tuun ndó xihín i jáchi quíhvi ini i ndóhó. Quiahva já cája ri yehe va. Cája i tóco ndihi ña naḡahnda Ndióxi, tátá i caja i ta xihín ña yóho íin tuun i xihín á jáchi quíhvi ini a yehe.

¹¹ Caxi tūhun i ña yóho xihín ndo já ná cajii íni ndo tá quiahva cajii íni yehe. Ta xihín ña yóho ndicutú ndaa iníma ndo xihín ña cajii ini ndó. ¹² Cuni johō ndó ña sáhná i nu ndo yóho: Nditahan quíhvi ini táhan ndó tá quiahva quíhvi ini yehe ndóhó. ¹³ Tá mé a ndaa táhvi quíhvi ini ñayivi ñani táhan na já queá íin tiḡhva na quívi na saḡa ná. ¹⁴ Mé ndó cúu ndó amigo i tá cája ndó ña sáhná i nu ndó caja ndó. ¹⁵ Cáhí i xihín ndo ña cúu ndó amigo i jáchi caxi tūhun ndihi i xihín ndo ña cáhan Ndióxi, tátá i xihín i. Ta a cáhan ga i xihín ndo ña cúu ndó mozo jáchi in mozo cō xini toho da ndaja cáa ña cája xitoho da. ¹⁶ Mé ndó cōo naçaxi ndó yehe caca nuu i xihín ndo. Joo mí i naçaxi i ndóhó ña ná caca nuu ndó xihín i. Ta najánaḡa i ndóhó ndá quiahva caja ndó já ná cacuu ndó tātuhun in yíto, dó sáhan cuahá cuíhi ña a ndihi saḡa. Tá ná caja ndó ña cūni Ndióxi já quiahva tátá i ndá a cūni mé ndó tá ná caça ndó ña xihín

quívi mí i. ¹⁷ Ña yóho queá sáhná i nu ndó caja ndó: Quíhvi ini táhan ndó.

Cándaji ñayivi cuéntá ñuyivi Jesús ta cándaji ri na na cúu cuéntá mé á

¹⁸ Candehé ndo. Tá ná casahá candaji ñayivi cuéntá ñuyivi ndóhó xini ñúhú ndicūhūn ini ndó ña jihna ñúhú ga naçandaji ri na yehe va. ¹⁹ Tá ná caja ndó tá quiahva cája ñayivi ñuyivi já queá quíhvi ini va na cán ndóhó. Jáchi já cája xihín táhan mé na cán. Joo yehe naçaxi i ndóhó ña ná quee ndó tañu ná cán. Sahá ña cán queá cō cūni na cán ndóhó jáchi cō cúu ga ndó na ñuyivi yóho. ²⁰ Coto a ndindójo ndo ña naçahan i xihín ndo tá naçaxi i ña ni in tūhūn toho mozo a cúu cacuu da da cáḡnu chága nuú xitoho da. Ta ni mé ndó cō cúu ndó na náḡnu chága a juú ga yehe. Jáchi tá quiahva naçaja xixi na xihín yehe quiahva já caja xixi ri na xihín ndóhó va. Tá ná candúsa na ña naçahan i xihín ná quiahva já candúsa ri na ña ná caḡan ri ndóhó va xihín ná. ²¹ Tóco ndihi ña yóho caja na xihín ndo saḡá ña cándee ini ndó yehe. Jáchi cō xini na Ndióxi, tátá i, mé a nachindahá yehe vaxi i ñuyivi yóho.

²² Tá ná a quíxi toho i ñuyivi yóho caçi tūhun i xihín ñayivi, nduu cōo toho na jácojo cuachi jata ná, nduu. Joo viti naçuxi i ñuyivi yóho ta ndítahan nu ná ndiquiahva na cuéntá saḡa cuachi na. ²³ Ndá ñayivi cándaji yehe, cándaji ri na Ndióxi, tátá i. ²⁴ Naçaja i ña náḡnu nu ná joo cōo naçandúsa na yehe saḡá ña cán queá ndójo na cuachi. Ta ni in tūhūn toho ñayivi cōo naçaja ña náḡnu tá quiahva naçaja i nu ná. Vaḡi naxini na ña náḡnu naçaja i joo cándaji na yehe ta cándaji na Ndióxi, tátá i. ²⁵ Joo xihín tóco ndihi ña cúu yóho xinu cōo nu ley najándacoo Moisés nu ná saḡahá tá cáchi a já: “Chí cōo saḡa ná candaji na yehe”, já naçaxi Moisés saḡahá.

²⁶ Tá ná quíxi iníma yii Ndióxi, mé a chindahá i cuéntá Ndióxi, tátá i, mé a cán queá caḡan vaḡa saḡá i. Ta jánaḡa ña ndaa saḡa Ndióxi ta chindeé a ñayivi. ²⁷ Ta jári mé ndó caḡan vaḡa ndó saḡá i jáchi jandá saḡa tá naçasahá cája chúun i ñuyivi yóho naçanduu tuun ndó xihín i —naçaxi Jesús.

16

1 Já naçaxi tucu Jesús ja:

—Caxi tūhun i ña yóho xihín ndo já ná a jándacoo ndó ña cándee ini ndó yehe. ² Jáchi vaxi quívi tá taxi ñayivi ndóhó veñūhu. Ta ndá na ná caḡni ndóhó caḡan na ña cája chúun na cuéntá Ndióxi. ³ Caja na ña yóho jáchi cō xini na yo cúu Ndióxi, tátá i ta ni cō xini na yehe. ⁴ Sa caxi tūhun cuéé e ña yóho xihín ndo já queá tá ná xinu cōo quívi cán já ndicūhūn ini ndó ña sa naçaxi tūhun yaçhi vi xihín ndo ña já coo.

Ña cája iníma yii Ndióxi

'Cqo ñaçaxi tuhun i ña yóho xihín ndó jilna jáchi ñasañin i xihín ndo. ⁵ Já chá cuhún i coo i xihín Ndióxi, tátá i, mé a ñachindahá yehe ñuyivi yóho joo ni in ndó cq ndáca tuhún ndó yehe ndájá cuhún i. ⁶ Ña cája ndó queá cacuéha ndivaña ini ndó sahá ña ndicani i tóco ndihi ña yóho nu ndo. ⁷ Joo mé a ndaa ná cañan i xihín ndo: Vaha chága ná quee e cuhún i. Jáchi tá ná a quee yehe cuhún i já a cúu quixi inima yii Ndióxi coo a xihín ndo ta mé a cán chindee a ndohó. Joo tá ná quee e cuhún i já chindahá i mé á quixi a nu ndo. ⁸ Ta tá ná xinu a cán jánaha cáxi táhyi a nuú ñayivi ña cája na cuachi. Ta jánaha nu ná ndaja in íchi cuéntá ña ndaa. Ta jánaha nu ná ndá quiahva cavií sahá ñayivi caja Ndióxi. ⁹ Ta jánaha cáxi táhyi a ña in cuachi na jáchi cq cándeé ini na yehe. ¹⁰ Ta jánaha inima yii Ndióxi ndaja in íchi cuéntá ña ndaa jáchi quee e cuhún i nu in Ndióxi, tátá i ta a cúní ga ndó yehe. ¹¹ Ta jánaha cáxi táhyi a ña caja vii Ndióxi sahá cuachi jáchi sa ñacaja vii a sahá tiñahá saçuaha vatí viti ñúhú cómi rí cuéntá sahá ñayivi ñuyivi yóho.

¹² 'In cuahá ndivaña ñaha cúní cañan chága i xihín ndo. Joo vatí já va viti jáchi a cándo ga jiní ndo. ¹³ Tá ná xinu inima yii Ndióxi, mé a cúu ña ndaa, mé a cán candaca ndohó íchi cuéntá ña ndaa. Ta a cañan toho a cán ña quixi jiní mé á jáchi cañan mé á ña xíní joho a cañan Ndióxi. Ta çaxi tuhun a xihín ndo ndá a coo chága chí nuu. ¹⁴ Ta mé a cán caja cáhnu a yehe jáchi jánaha nu ndó ña cúní mí i jánaha i nu ndo. ¹⁵ Tóco ndihi ñaha jánaha Ndióxi, tátá i cúu rí a ña jánaha yehe va. Sahá ña cán queá cáchi i xihín ndó ña inima yii mé á çaxi tuhun a xihín ndó ña cúní mí i jánaha i nu ndo.

¹⁶ 'Ja chá cuití coo i xihín ndo ta a cúní ga ndó yehe jáchi quee e cuhún i nu in Ndióxi, tátá i. Joo tá ñandihí já cuni tucu ndó yehe —cáchi Jesús.

¹⁷ Anda já ñacasahá java na xíca tuun xihín á cán ndáca tuhún táhan na já cáchi xihín táhan na já:

—Ndiá cúní rí Jesús cachi a xoho tá cáchi a ña ja chá cuití va ta a cúní ga i mé á ta tá ñandihí já cuni tucu mé á. Ta cáchi a ña cúu á sahá ña quee a cuhún a nu in Ndióxi, tátá a. ¹⁸ Ndiá cúní rí a cachi a ña ja chá cuití va cuni mé á. Cq cándaq vaha toho iní ndiá cúní mé á cachi a xihín tuhun yóho —ñacachi xihín táhan na.

¹⁹ Joo ñacandaq ini Jesús ña cúní na ndaca tuhún na mé á sahá ña cán queá ñacachi a já xihín ná:

—Ñacachi i xihín ndó ña ja chá cuití ta a cúní ga ndó yehe ta tá ñandihí já cuni tucu ndó yehe. Ta viti cúní ndo ndaca tuhún ndó yehe ndiá cúní cachi ña yóho. ²⁰ Mé a ndaa ná

cañan i xihín ndo. Tandia quivi cuacu ndó ta cacuéha ndivaña ini ndó ta ñayivi ñuyivi yóho cavatá ndivaña na sahá ña ndoho i. Ta vatí cacuéha ini ndó joo in cuití ndajama ña jan ta já caji ndivaña ini ndo. ²¹ Jacuu a tátuhun tá xínú cqo hora cacu jahy in ñañáha ta já casahá ndóho ini ña. Joo tá sa ñacacu jahy ña ndindójo ndihi ña sahá ña ñandoho ini ña jáchi sa ñacacu jahy ña ta caji ndivaña ini ña xihín á. ²² Quiahva já ndóho ini ndó xihín ña táhnda ini ndó viti. Joo ndicó cqo tucu yehe já cuni táhan tucu ta já ndicutú ndaa inima ndó xihín ña caji iní ndo. Ta ni in na a cúu caja caji nuu nuú ña caji iní ndó jan.

²³ 'Mé quivi cán cqo ga ñaha caça ndó nuú i. Jáchi mé Ndióxi, tátá i quiahva tóco ndihi ña xíní ñúhú ndo tá ná caça ndó ña nu á xihín quivi mí i. ²⁴ Janda viti a ñaha caça ndó ñaha nu Ndióxi, tátá i xihín quivi yehe. Joo viti xíní ñúhú caça ndó ña cúní ndo nu mé á xihín quivi yehe ta já quiahva mé á ña nu ndo. Ta xihín ña yóho cuu ndicutú ndaa ini ndó xihín ña caji iní ndo.

Naquee vaha Jesús nu tóco ndihi ña nuú ñuyivi yóho

²⁵ Xihín quiahva cuití ñacañan i ña yóho xihín ndo. Joo tandia quivi ta a cañan ga i xihín quiahva nu ndo. Ña caja i queá cáxi táhyi cañan i sahá Ndióxi, tátá i nu ndo. ²⁶ Ta mé quivi cán caça ndó ña cúní ndo nu Ndióxi, tátá i xihín quivi mí i. Sa núná nu ndó caça tahví ndó nu á ta cq xíní ñúhú ga caça tahví yehe nu mé á sahá ndo. ²⁷ Jáchi sa quihvi ini tátá i ndohó sahá ña quihvi ini ndó yehe ta sahá ña ñacandúsa ndó ña ñachindahá mé á yehe vaxi i. ²⁸ Mé nu in Ndióxi, tátá i naquee e vaxi i ñuyivi yóho. Ta yachi chá ta jándacoo i ñuyivi yóho já ndicó cqo tucu u cuhún i nu in Ndióxi, tátá i —ñacachi Jesús.

²⁹ Anda já ñacachi na xíca tuun xihín á cán já:

—Viti ndusa queá cañan cáxi táhyi ndo xihín nde ta cq sácú ga ndó quiahva nuú nde. ³⁰ Ta viti ndusa cándaq ini nde ña xíní ndo tóco ndihi ñaha. Ta ni cq xíní ñúhú toho ndó ña ná ndaca tuhún nde ndohó jáchi sa xíní va ndó ña cúní nde cándaq ini nde. Sahá ña cán queá cándúsa nde ña ña quixi ndó nu in Ndióxi —ñacachi na.

³¹ Já ñanducú ñehe Jesús tuhun nu ná já ñacachi a já xihín ná:

—Á ja viti ndusa cándúsa ndó yehe. ³² Joo sa ñaxinu cqo va hora ndicuita nuu ndó ndá ñacuu cuhún ndo ta jándacoo in túhún ndó yehe. Vatí mé a ndaa a cándo me toho i jáchi in Ndióxi, tátá i xihín i. ³³ Cáxi tuhun i ña yóho xihín ndo já ná coo vaha ini ndó sahá ña in cúu ndó xihín i. Mé a ndaa ndoho tá ndoho ini ndó ñuyivi yóho. Joo a cavihví toho ndó jáchi yehe ñacandee e ñasañnu i

nu tóco ndihi ña núu ñuyívi yóho —ñacachi Jesús xihín na xica tuun xihín á cán.

17

Xíca tahví Jesús nu Ndióxi sahá na xica tuun xihín á

¹ Tá nandihí ñacachi Jesús tóco ndihi ña yóho xihín na xica tuun xihín á cán já nandiñehe a nuu á chí indivi já ñacachi a já:

—Tátá Ndióxi, sa naxinu coo quivi quivi i. Caja ndó ña ndicáñnu ndivaha mí i, da cúu in túhún jiní já jahyi mé ndó já ná cuu caja cáñnu ri yehe va ndohó. ² Jáchí mé ndó ñasahan ndó nuu i ña ná cacomí i cuéntá saha tóco ndihi ñayivi já ná cuu caja i ña ná catacu na anda ama cáa quivi jáchi cúu ná na ñasahan ndó nuu i. ³ Ta tá xini na yo cúu mé ndó ta tá xini na yo cúu yehe, da nachindahá ndó ñuyivi yóho já cuu catacu na anda ama cáa quivi. Jáchi in túhún mé ndó cúu ndusa Ndióxi.

⁴ Sa ñacaja cáñnu i ndohó nani íni i ñuyivi yóho ta sa najáñnu coo ndihi i ña ñasahnda ndó nuu i caja i. ⁵ Ta viti xíca tahví i nu ndó, tátá Ndióxi ña ná nahá ndó nuu ñayivi ndaja cáñnu cúu yehe nu mé ndó jáchi quiahva já in cáñnu ñasacu u xihín ndó janda tá camani cava sáhá saha ñuyivi.

⁶ Ta ñacaxi ndó na cacuu cuéntá mí i tañu ñayivi cuéntá ñuyivi yóho. Ta sa ñacaxi tñhun i xihín ná yo cúu mé ndó. Ñacaxi ndó na ta ñandiquiahva ndó na nuu i. Ta ñacandúsa na tñhun ndó. ⁷ Ta viti cándaq ini na ña tóco ndihi ña sahan ndó nuu i quixi a cuéntá mé ndó. ⁸ Ta sa ñacaxi tñhun i xihín ná tóco ndihi ña ñasahan ndó nuu i ta ñandiquehe vaha na ña. Ta sa ñacandaq ini na ña mé a ndaq ñaquixi i cuéntá mé ndó. Ta ñacandúsa na ña nachindahá ndó yehe.

⁹ Co xíca tahví i nu ndó sahá ñayivi cuéntá ñuyivi yóho. Joo xíca tahví i nu ndó sahá na ñasahan ndó nuu i jáchi cúu ná cuéntá mé ndó. ¹⁰ Tóco ndihi na cúu cuéntá mí i cúu ná cuéntá mé ndó viti. Ta tóco ndihi na cúu cuéntá mé ndó cúu ri na cuéntá yehe va. Ta ndicáñnu ndivaha mí i sahá ña cája na.

¹¹ A cóo ga i ñuyivi yóho jáchi saq i nu íni mé ndó. Joo na ñacaxi ndó yóho canduu tóo na ñuyivi yóho. Tátá Ndióxi, yii ndivaha cúu mé ndó. Xíca tahví i nu ndó ña ná candaa vaha ndó na cúu cuéntá mé ndó jáchi xihín ndéé mé ndó cuu candico na íchi cuéntá mé ndó. Já quea in ná nduu ndihi na tá quiahva in cúu mé ndó xihín yehe. ¹² Jáchi nani íni i xihín ná ñuyivi yóho ndáa i na xihín ndéé mé ndó. Ta ni in túhún toho táhan na ñasahan ndó nuu i cacomí i cuéntá saha cán coo nandihí saha. In túhún da nandihí saha cúu da janda sanahá ñasahin saha ña ndihí saha dá já ná cuu xinu coo nuu ña ñacahyi nuu tñhun Ndióxi sanahá.

¹³ Ta viti quee e ñuyivi yóho saq i nu íni ndó jan. Joo cáhan i ña yóho xihín ndó nani íni i ñuyivi yóho já ná ndicutú ndaa ini na yóho xihín ña cájii íni na tá quiahva cájii íni mí i. ¹⁴ Sa ñacaxi tñhun i tñhun mé ndó nu ná. Joo na cúu cuéntá ñuyivi cándajii na na cúu cuéntá mí i jáchi coo cúu ná cuéntá ñuyivi yóho tá quiahva coo cúu toho yehe cuéntá ñuyivi yóho. ¹⁵ Co xíca tahví i nu ndó ña ná tava ndo na ñuyivi yóho. Ña cúni quea ná chindee ndó na já ná a quee vaha tiñahá saçuaha xihín ná. ¹⁶ Tá quiahva coo cúu toho i da cuéntá ñuyivi yóho quiahva já coo cúu ga na cán ñayivi cuéntá ñuyivi. ¹⁷ Ta xíca tahví i nu ndó ña ná ndaja víi ndó na xihín tñhun mé ndó ña jánaha ndó nu ná jáchi tñhun mé ndó cúu ña ndaa. ¹⁸ Ta tá quiahva ñacaja ndó nachindahá ndó yehe tañu na ñuyivi yóho quiahva já chindahá ri yehe va na cúu cuéntá mí i tañu ñayivi cuéntá ñuyivi. ¹⁹ Ta ndiquiahva i mí i caja i ña cúni mé ndó já quea ná cuu ndiquiahva na yóho mé ndó ndáha mé ndó sahá ña sa xini na ña ndaa.

²⁰ Ta a juú sahá na yóho cuiti va xíca tahví i nu ndó, vaha. Xíca tahví ri nu ndó sahá na ná candúsa yehe chága chí nuu sahá tñhun çahan mé na yóho xihín ná. ²¹ Tátá Ndióxi, xíca tahví i nu ndó ña ná caja ndó ña in ná nduu tóco ndihi na cúu cuéntá mé ndó yóho. Ta caja ndó ña in ná nduu ndihi na xihín yó tá quiahva in cúu ndó xihín yehe ta in cúu yehe xihín mé ndó. Jáchi tá ná caja ndó ña in ná nduu tóco ndihi na tá quiahva in cúu mé ndó xihín yehe. ²² Ñacaja i ña ndicáñnu na cán tá quiahva ñandaja cáñnu ndó yehe. Já quea in ná nduu ndihi na tá quiahva in cúu mé ndó xihín yehe. ²³ Ta in cúu yehe xihín ná tá quiahva in cúu mé ndó xihín i já ná xinu coo ndihi na cacuu na tátñhun in víxi ñayivi. Ta já ná cuni ñayivi cuéntá ñuyivi ña mé a ndaq ñachindahá ndó yehe vaxi i. Ta já ná cuni na ña quihvi ini ndó na tá quiahva quihvi ini ndó yehe.

²⁴ Tátá Ndióxi, ñacaja ndó ña cómi i cuéntá sahá na yóho. Ta cúni ña ná coo na xihín i nuu coo i já ná cuni na ndá quiahva cáñnu cúu y jáchi ñacaja ndó ña ná ndicáñnu ndivaha i. Jáchi janda tá camani cava sáhá saha ñuyivi quihvi ini ndó yehe. ²⁵ Tátá Ndióxi, cája ndó ña ndaa. Ta ñayivi cuéntá ñuyivi yóho coo xini toho na ndohó. Joo yehe xini vaha i ndohó ta na cúu cuéntá mí i yóho sa cándaq vaha ini na ña nachindahá ndó yehe. ²⁶ Sa ñacaja i ña ná candaa ini na yo cúu mé ndó ta cája i ña ná candaa chága ini na saha ndo. Ta xihín ña yóho candaa ini na ña quihvi ini ndó na tá quiahva quihvi ini ndó yehe ta já in ná nduu na xihín i —ñacachi Jesús xíca tahví a nu Ndióxi.

18

Tá natiin na Jesús

(Mt. 26:47-56; Mr. 14:43-50; Lc. 22:47-53)

¹ Tá nandihí naxiča tahví Jesús nū Ndióxi já naqueta mé á xihín nā xica tuun xihín a cán cuahān chí inga xoo yivi nani Cedrón. Ta yati cán cāa cuahā yitó cuihi nuū naquihvi Jesús xihín nā xica tuun xihín á. ² Ta Judas Iscariote, mé da jícó tühún ñahá cán sa xini vaha da nū sáhiin Jesús xihín nā xica tuun xihín á jáchi cuahā tañu nanditútú ndihi nā cán. ³ Ñā cán queá ndáca da in táhndá soldado ta ndáca da java policia, nā ndáa veñuhu cáhnu ñuu Jerusalén cán. Cúu ná nā nāchindahá nā sačuahā nuū jutū xihín nā fariseo. Ta jandá joho ñehe na ñaha ná cani na a cuahān nā ta ñehe ri na ití yúsá jándiyehē nā nū ná. ⁴ Joo sa xini vaha Jesús ndiá nditahan ndoho a sahá ña cán queá naqueta nū ná já nandaca tühún a nā já nācachi a já xihín ná:

—Yo ndínducú ndo já —nācachi a.

⁵ Já nanducú ñehe nā cán tūhun nū á já nācachi na já xihín á:

—Ndínducú nde Jesús, da ñuu Nazaret —nācachi na.

—Yehe cúu u da ndínducú ndo —nācachi a.

Ta tañu nā cán ndácaan ri Judas, da najicó tühún ñahá cán. ⁶ Tá nācachi Jesús: “Yehe cúu u da ndínducú ndo”, já naxiča játa nā ta naçuyu na nū ñúhu. ⁷ Já nandaca tühún tucu Jesús nā já nācachi a já xihín ná:

—Yo ndínducú ndo já —nācachi a.

Já nanducú ñehe nā cán tūhun nū á já nācachi na já xihín á:

—Jesús, da ñuu Nazaret ndínducú nde —nācachi na.

⁸ Andá já nācachi tucu Jesús já xihín ná:

—Sa nācachi vi xihín ndo ña yehe cúu u da ndínducú ndo. Sahá ña cán queá quiahva ndó ñamaní nuū ná yoho ña ná quee na cuhūn nā —nācachi Jesús.

⁹ Nācachi Jesús ña yoho já ná a tiin na nā xica tuun xihín a cán já ná xinu coo nuū tūhun ña nācachi mé á tá naxiča tahví a nū Ndióxi tá nācachi a já: “Tátá Ndióxi, ni in tühún toho táhan nā naşahān ndó nuū i coo nandihí saha jáchi naşanda vaha i na.” ¹⁰ Ta ndaja coo naşañee in machítí nū tóco Simón Pedro. Já natuhun da ña ta nāchitūhūn dá joho cuāha in da naní Malco, da cúu mozo nuū da cúu saçuahā chága nū ndihí jutū. ¹¹ Andá já nācachi Jesús já xihín Pedro:

—Chicaan vaha machítí jan. Jáchi sa naşacu ini Ndióxi, tátá i ndoho ini i tóco ndihí ña vaxi nuū i ta in tiahva i ndoho ini i —nācachi Jesús.

Ñehe na Jesús cuahān nā nuū da saçuahā chága nū ndihí jutū

(Mt. 26:57-58; Mr. 14:53-54; Lc. 22:54)

¹² Tóco ndihí soldado cán xihín da sáhndá chuun nū dá xihín java nā ndáa veñuhu cán natiin na Jesús ta naçató nā a. ¹³ Jihna ñúhú ñehe na a naşahān nā nū Anás, da cúu xojo Caifás, da saçuahā chága nū ndihí jutū mé cuiā cán. ¹⁴ Mé Caifás yoho cúu dá da nācachi xihín nā Israel ña vaha chága ña ná quivi in ta nū ndihí ñayivi já ná a ndihí saha tóco ndihí ñayivi.

Chijehé tūhun Pedro ña xini da Jesús

(Mt. 26:69-70; Mr. 14:66-68; Lc. 22:55-57)

¹⁵ Ta ndaja coo Simón Pedro xihín inga táhan da xica tuun xihín Jesús cán ndiço nā játa nū ñehe na a cuahān nā. Ta dá inga cán xini táhan vaha da xihín da saçuahā chága nū ndihí jutū ña cán queá nañehe dá ñamaní ndihvi da xihín Jesús yuyehé vehe jutū cán. ¹⁶ Joo naçandoo Pedro játa vehe yati yehé cán. Joo dá inga cán nandico coo da já naxiča da ñamaní nū ña ndáa yehé vehe jutū cán ña ná quiahva ña ñamaní nū Pedro quihvi da. Sahá ña cán naquihvi Pedro chí yuyehé vehe cán. ¹⁷ Ta mé ña ndáa yehé cán nandaca tühún ña Pedro já nācachi ña já xihín dá:

—Á a juú in táhan da xica tuun xihín Jesús cúu yohó —nācachi ña.

Andá já nācachi Pedro já xihín ña:

—Co cúu toho i in táhan da xica tuun xihín á —nācachi Pedro.

¹⁸ Ta mé ñuu cán vixi xini nā cúu mozo xihín nā ndáa veñuhu cán. Sahá ña cán queá nandicahmi na ñúhu ta nandaca nduu na xitúni nā ta tañu nā cán cándichi ri Pedro xitúni da.

Ndája ndichí da saçuahā chága nū ndihí jutū Jesús

(Mt. 26:59-66; Mr. 14:55-64; Lc. 22:66-71)

¹⁹ Tá nandihí já naçasáhá da saçuahā chága nū ndihí jutū cán ndája ndichí da Jesús já nandaca tühún da mé á sahá nā naxiča tuun xihín á. Ta nandaca tühún dá mé á sahá ña najánaha nū ñayivi. ²⁰ Andá já nācachi Jesús já xihín dá:

—Coó naçahān jehé toho i xihín ñayivi tá najánaha i nū ná. Ní tiempo najánaha i tūhun Ndióxi nū ná ini veñuhu ta quiahva já najánaha i nū ná nū táca nā ini veñuhu cáhnu ñuu Jerusalén. Ta ni in tühún toho ñaha coo najánaha jehé e nū ná. ²¹ Ta viti cachi ndó xihín i ndá cuéntá queá ndáca tühún ndó yehe sahá ña yoho. Cuáhan ndó ndaca tühún ndo ñayivi, nā najánaha i nū cán já ná ndicani nā cán nū ndo ndaja cāa ña najánaha i nū ná. Jáchi xini vaha na ña naçahān i xihín ná —nācachi Jesús.

²² Tá ñacachi Jesús ña yóho já ñacani in da ndáá veñuhu cán jahnda nuu á já ñacachi da já xihín á:

—Á váha toho ndiñehe yúhún nuú da sacuaḥa chága nu ndíhi jutú —ñacachi da.

²³ Anda já ñacachi Jesús já xihín dá:

—Tá cō váha ná caja i, caḥan xihín i ndá cúu ña cōó ñacaja váha i. Joo tá ñacaja váha i ndá cuéntá queá cánún yeḥe —ñacachi Jesús.

²⁴ Tá nandihí já ñasañehe na Jesús nuú Caifás, da sacuaḥa chága nu ndíhi jutú cán ta sa já ndico a xihín yóho ñeñe na a cuahān na.

Chijehé tuhun tucu Pedro ña xini da Jesús (Mt. 26:71-75; Mr. 14:69-72; Lc. 22:58-62)

²⁵ Ta ndaja coo íin coo yij Pedro xitúní da xihín java na ndúu cán. Ta já ñacasáhá na cán ndáca tuhún na da já ñacachi na já xihín dá:

—Á a juú táhan da xica tuun xihín Jesús cúu yóho —ñacachi na.

Joo ñachijehé tuhun Pedro ña xini da Jesús já ñacachi da já:

—Cō cúu toho i in táhan da xica tuun xihín á —ñacachi da.

²⁶ Joo tá nandihí já ñandaca tuhún in da cúu mozo nuú da sacuaḥa chága nu ndíhi jutú cán, da cúu in táhan da ñachitúhún Pedro johó. Ta ñacachi da já xihín Pedro:

—Cáa i cuéntá ñaxini i yohó nu cáa cuahā yitó cuñhi nuú ñatiin na Jesús cán —ñacachi da.

²⁷ Joo ñachijehé tuhun tucu Pedro ña xini da Jesús ta ivi laá ñacana chéle tá quiahva ñacachi Jesús xihín dá coo.

Ñeñe na Jesús cuahān na nu Pilato

(Mt. 27:1-2, 11-14; Mr. 15:1-5; Lc. 23:1-5)

²⁸ Ta tá ñatívi yaa já ñatává na Jesús vehe Caifás cán já ñeñe na a cuahān na vechúun nu ndácaan da cúu gobernador cuéntá ñuu Roma. Joo mé na Israel cōó ñaxeen na ndihvi na vechúun cán jáchi cáchi ley na ña tá ná ndihvi na vehe na tóho já cuu yuxu na tá já a cúu cajini na vicó pascua ña coo quivi itaan. ²⁹ Sahá ña cán queá ñaqueta Pilato, da cúu gobernador jata véhe caḥan da xihín na Israel já ñacachi da já:

—Ndá cuachi ñacaja da yóho —ñacachi Pilato.

³⁰ Já ñanducú ñeñe na Israel cán tuhun nu dá já ñacachi na já:

—Ta tá a juú ta quini ná cacuu da yóho ta a cañehe toho nde da quixi da nu ndó, nduu —ñacachi na.

³¹ Já ñacachi Pilato já xihín ná:

—Mé ndó cañehe ndó da cūhún ndó. Caja vii ndó saḥa dá tá quiahva sáhdá ley mé ndó —ñacachi Pilato.

Já ñacachi na Israel cán já xihín dá:

—Ña cúni nde queá ná cata caa ndó da ndica crúxu jáchi cúu nde na Israel ta cō ñeñe toho nde ñamaní cañí nde ñayivi —ñacachi na.

³² Ta xihín ña yóho ñaxinu cōo nuú ña ñacachi Jesús tá ñacachi a ndá quiahva quivi a. ³³ Tá nandihí já nandihvi tucu Pilato ini vechúun cán ta ñacana da Jesús já ñandaca tuhún ñahá da já ñacachi da já xihín á:

—Á mé a ndaa cúun in rey, da cómi cuéntá saḥá na Israel —ñacachi da.

³⁴ Já ñacachi Jesús já xihín dá:

—Á jini mé ndó ñaquixi ña ndáca tuhún ndó yeḥe. Á ndáca tuhún ndó yeḥe saḥá ña ñacachi ñayivi saḥá i —ñacachi a.

³⁵ Anda já ñacachi Pilato já xihín Jesús:

—Cō cándaq ini i saḥa ña yóho jáchi cō cúu yeḥe da Israel. Mé ñayivi Israel jan xihín na sacuaḥa nuú jutú cúu na ñandiquiahva yohó ndahá i. Ndiá ñacajún, váha —ñacachi Pilato.

³⁶ Já ñanducú ñeñe Jesús tuhun nu dá já ñacachi a já xihín dá:

—Cō cómi i cuéntá saḥá ñayivi tátuhun cája ñayivi cuéntá ñuyivi. Jáchi tá ná cacomi i cuéntá saḥa ná tátuhun na ñuyivi já queá cuu caja i xihín na cómi i cuéntá saḥa ña ná cani táhan na xihín na Israel ña ná a tíin na yeḥe. Joo cō cómi toho i cuéntá saḥa ná tátuhun cája ñayivi cuéntá ñuyivi —ñacachi a.

³⁷ Anda já ñacachi tucu Pilato já xihín Jesús:

—Á cúun da cómi cuéntá saḥá ñayivi, dá já —ñacachi da.

Já ñacachi Jesús já xihín dá:

—Ña ndaa queá cáhan ndó jan. Yeḥe cúu u da cómi cuéntá saḥá ñayivi cuéntá mí i jáchi ñacacu u ñuyivi yóho ña ná caja i já. Ta ñaquixi i já ná caxi tuhun i ña ndaa xihín ñayivi. Ta tóco ndihí na cúu cuéntá ña ndaa xini johó ña cáhan i —ñacachi a.

³⁸ Já ñacachi tucu Pilato já xihín á:

—Yo xini ndíá cúu ña ndaa —ñacachi da.

Tá nandihí já ñaqueta tucu Pilato vechúun caḥan da xihín na Israel já ñacachi da já xihín ná:

—Chí cō ndiñehe mí vi ndá cuachi queá ñacaja dá yóho. ³⁹ Tañu mé vicó pascua íin in costumbre ndo ña ná janí i in da sá ndacaan vecaa. Ta viti cachi ndó xihín i á cō cúni ndó ña ná janí i da cúu rey nuú na Israel —ñacachi Pilato.

⁴⁰ Ta já ñacasáhá tóco ndihí na cán cáyuhú cóho na já cáchi na já:

—Á janí toho ndó Jesús jan. Vaha chága ná janí ndó Barrabás jan —cáchi na cáyuhú na nu Pilato.

Ta Barrabás cán ñasacuu da in ta cuñhá.

19

Sácu na sahá Jesús quivi a

¹ Andá já nasahnda Pilato chuun ña ná jácaxáhan na Jesús xihín churrú. ² Ta dá cúu soldado cán najehén da in tuyivi xihín ñnu já naxhinúu da a jiní á ta naxhinúu da in jáhma cuáhá túun jatá. ³ Tá nandihí já ñacativi da nu á sácu ndaa ichi ñahá dá já ñacachi da já xihín á:

—Cáhnú nahá ná cacuu yóhó, dá cúu rey nuú na Israel —ñacachi da.

Andá já cáni da nuú á.

⁴ Tá nandihí já ñaqueta tucu Pilato chí jatá já ñacachi da já xihín tóco ndihí na ndúu cán:

—Candehé ndo. Tavá ñehe e Jesús nu ndo já ná candaa ini ndó ña coó toho cuachi da ndítahan i —ñacachi da.

⁵ Tá nandihí já ñatavá ñehe Pilato Jesús ta sa já cánuu tuyivi ñnu jiní á. Ta sa já tácaa jáhma cuáhá túun jatá ñaqueta. Andá já ñacasáhá cáchi Pilato já:

—Candehé ndo. Yóho ín da —ñacachi da.

⁶ Joo na sacuaña nuú jutú xihín na ndáa veñuhu tá ñaxini na Jesús já ñacasáhá na cáyuhú cóhó na já cáchi na já:

—Cata caa ndó dá ndica crúxu, cata caa ndó dá —cáchi na.

Andá já ñacachi Pilato já xihín ná:

—Mé ndó cañehe ndó dá cuhun ndo cata caa ndó dá ndica crúxu tá cúní ndo. Jáchi yehé co ndítahan i ndá cuachi ñacaja da —ñacachi Pilato.

⁷ Andá já ñacachi na Israel cán já xihín Pilato:

—Nu ley mé nde ndítahan quivi da jáchi cáchi dá cúu dá in túhún jiní já jahyi Ndióxi —ñacachi na.

⁸ Tá ñaxini johó Pilato cán ña yóho já nayihví chága ví da. ⁹ Já ñaquihvi tucu Pilato xihín Jesús ini vechúun cán já ñandaca túhun dá mé á já ñacachi da já xihín á:

—Ndá ñnu ñaquisún já —ñacachi da.

Joo coó ñanducú ñehe Jesús túhun nu dá.

¹⁰ Já ñacachi tucu Pilato já:

—Ndá cuéntá queá co cúnun nducú ñehún túhun nuú i. Á co xini tohún ña cuu cahnda i chuun ña ná cata caa na yóhó ndica crúxu. Ta cuu janí rí yóhó ña ná queún cuhun tá cúní —ñacachi da.

¹¹ Andá já ñanducú ñehe Jesús túhun nu dá já ñacachi a já xihín dá:

—Ni in túhún toho ñaha co cúná nu ndó caja ndó xihín i tá co sáhan Ndióxi, tátá i ñamaní nu ndo. Joo mé a ndaa ín chága cuachi nuú dá ñandiquiahva yehé ndáha ndó á juú ga ndóhó —ñacachi Jesús.

¹² Andá já ñanducú Pilato ndá quiahva caja da janí dá Jesús ña ná quee a cuhun a. Joo coó ñaxeen na Israel tá ñacasáhá na cáyuhú cóhó na nu dá já cáchi na já:

—Tá ná janí ndó Jesús jan já queá náha ña co cúu ndó dá ñehe táhan vaha xihín dá cómi cuéntá sahá ñayivi ñnu Roma. Jáchi Jesús jan cáchi dá ña cúu dá dá cómi cuéntá sahá ñayivi ta xihín ña yóho jándihihvi dá emperador; dá cómi cuéntá sahá ñayivi ñnu Roma —ñacachi na.

¹³ Tá ñaxini johó Pilato ña yóho já nasahnda da chuun ña ná tavá na Jesús. Ta ñasacoo mé dá nu sácco dá sáhná chuun vechúun. Mé nu sácco dá cán naní a Gabata túhun hebreo. Mé túhun yóho cúní cachi a nuú ñaquihvi piso yuu. ¹⁴ Nayaha tóco ndihí ña yóho tá amaní in quivi coo víco pascua. Ta cúu á tátuhun caxivi ta ñandaca ndichi Pilato já ñacachi da já xihín na Israel cán:

—Jan ín dá cúu rey nu ndo —ñacachi da.

¹⁵ Joo na cán ñacasáhá tucu na cáyuhú cóhó na nu dá já cáchi na já:

—Cahní ndó dá. Ná quivi da. Cata caa ndó dá ndica crúxu —cáchi na.

Já ñacachi Pilato já xihín ná:

—Ama ná cata caa ri dá cúu rey nu ndo ndica crúxu —ñacachi Pilato.

Andá já ñacachi na sacuaña nuú jutú cán já:

—Da cómi cuéntá sahá ñnu Roma, in túhún dá cán cuítí va cúu rey nuú nde —ñacachi na cán.

¹⁶ Andá já ñandiquiahva Pilato Jesús nu ná ña ná cañehe na a cuhun na cata caa na a ndica crúxu.

Cata caa na Jesús ndica crúxu

(Mt. 27:32-44; Mr. 15:21-32; Lc. 23:26-43)

¹⁷ Naxhinúu na in crúxu joco Jesús já ndójo a do cuahan chí xiquí naní a nu ndúu lasá yiquí jiní ndii. Ta cáchi na Gólgota xihín á túhun hebreo. ¹⁸ Ta cán ñacata caa na a ndica crúxu ta ñacata caa ri na inga ivi dá xihín á, in in dá in in xoo jiní á. Ta tácaa Jesús mañnú ndívi dá cán. ¹⁹ Ta nasahnda Pilato chuun ña ná cuhun java na chítivi ndaa na in tabla ndica crúxu yati jiní Jesús cán. Ta nu tabla cán ñacahyi na: “Da yóho cúu Jesús, dá ñnu Nazaret, dá cúu rey nuú na Israel.” ²⁰ Ta cuahá na Israel ñacahvi na ña ñacahyi cán jáchi yati yuhú ñnu Jerusalén ñacata caa na Jesús. Ta ña ndáa nu tabla cán ñacahyi na ña túhun hebreo ña cáhan na Israel xihín túhun latín ña cáhan na ñnu Roma xihín túhun griego ña cáhan na nación Grecia. ²¹ Ta tá ñaxini na sacuaña nuú jutú cán ña yóho já ñacachi na já xihín Pilato:

—A cáhyí toho ndó ña cúu dá jan rey nuú na Israel. Vaha chága ná cahyi ndó ña cáchi dá cúu dá rey nuú na Israel —ñacachi na.

²² Já ñanducú ñehe Pilato túhun nu ná já ñacachi da já xihín ná:

—Coo tá coo ña sa nasacu u ta a tává toho j ña —nacachi da.

²³ Tá nandihí nacata caa mé soldado Jesús ndíca crúxu, já natiin da jahmá a ta nandicahnda nu táhan ndícomí dá ña. Ta cotó ndéé a cúú á ña nacavaha níu na ña jini á ta jandá sahá ta coo nacucu na ña. Ta natiin da ña ²⁴ tá já nacachi xihín táhan da já:

—Ná a jácuachí toho í jáhma jan já ná coo níu yí va. Ña cuu caja í queá cajiquí yo sahá ta ndá da ná quee vaha, da cán ndiquehe jáhma jan —nacachi xihín táhan da cán.

Nacaja da ña yóho já ná xinu coo nuú tuhun Ndióxi nacahyi sanahá tá nacachi a já: “Nandicahnda nu táhan mé ná jahmá í ta já nasajiquí na sahá cotó ndéé e ta da naquee vaha cán nandiquehe da ña.” Quiahva já nacahyi tuhun Ndióxi sanahá. Ta quiahva já nacaja soldado cán xihín jáhma á.

²⁵ Ta jini mé crúxu nuú nacata caa na Jesús cán nasandichi náná a xihín quihvi ña cán xihín María, ña cúú ñáihí Cleofas xihín María, ña ñuu Magdala. ²⁶ Tá naxini Jesús ña cándichi náná a sahá crúxu ta tá naxini a cándichi yehe, da nani Juan, da xíca tuun xihín á, da quíhvi ndivaha ini mé á chí já nacachi a já xihín náná a:

—Da jan cúú tátuhun jahyi ndó viti —nacachi Jesús.

²⁷ Tá nandihí já nacachi a já xihín mé da xíca tuun xihín a cán:

—Candaa vaha ña jáchi cúú ña tátuhun nánun viti —nacachi Jesús.

Tá naxini johó da ña yóho já nandiquehe vaha da María cán ndáá da ña tátuhun náná da.

Tá naxihí Jesús

(Mt. 27:45-56; Mr. 15:33-41; Lc. 23:44-49)

²⁸ Tá sa nayaha tóco ndihí ña yóho já sa xini vaha Jesús ña sa naxinu coo tóco ndihí ña nacachi tuhun Ndióxi coo. Ta naxinu coo nuú ña nacahyi nuú tuhun Ndióxi sahá Jesús sanahá tá nacachi a já:

—Íchi ini j ticuú.

²⁹ Mé cán nasandichi in tñdohó nachutu jini xihín vino iyá. Ta najándaxi na in ticoto xihín vino cán já nacató da ña nuú in yito nani hisopo ta já nachitivi na ña yati yúhu Jesús ña ná coho a dq. ³⁰ Andá já naxihí Jesús mé vino iyá cán já nacachi a já:

—Sa nayaha tóco ndihí ñaha ña ndítahan ndohó j —nacachi a.

Já nanditoo jico á. Naxihí a.

Tá natuxú na in yito tátuhun póyá yicá ndíca Jesús

³¹ Ta ndaja coo nasahan na Israel cán naxica na ñamaní nu Pilato ña ná cahnda da chuun ña ná cahnu da lásá sahá da tácaa ndíca crúxu cán já ná quivi yachí da. Jáchi coo naxeen na Israel cán ña ná tácaa ndí

ndíca crúxu inga quivi itaan. Jáchi cacuu a quivi ndiquehe ndéé ná ta cacuu a in quivi yí ndivaha nu ná. ³² Sahá ña cán queá naquee soldado nasahan da já nasahnu da lásá sahá ndívi da tácaa ndíca crúxu jini Jesús cán. ³³ Joo tá nacayati da nu Jesús ña cahnu da lásá sahá, naxini da ña sa naxihí va mé á sahá ña cán queá coo nasahnu da lásá sahá.

³⁴ Joo in táhan soldado cán natuxú da in yito tátuhun póyá yicá ndíca a já nacana nini xihín ticuú cán. ³⁵ Ta yehe cúú u da ndícani ña yóho nu ndo ta naxini í ña xihín nuú j. Ta cúú á ña ndaa. Ta cándaa cáxi ini j ña cáhan j ña ndaa já ná candúsa ndó ña ndícani í nu ndo. ³⁶ Jáchi tóco ndihí ña yóho nayaha já ná xinu coo nuú tuhun Ndióxi tá cáchi a já: “Ni in tuhún toho lásá da, a cáhnu na”, já cáchi tuhun Ndióxi. ³⁷ Ta inga tucu cáchi tuhun Ndióxi já: “Cuni tucu na da, da natuxú na póyá yicá ndíca”, já nacahyi na nuú tuhun Ndióxi sanahá.

Tá najánduxu na Jesús

(Mt. 27:57-61; Mr. 15:42-47; Lc. 23:50-56)

³⁸ Tá sa nayaha tóco ndihí ña yóho já naxinu coo in da nani José, da ñuu Arimateo, nu Pilato. Ta naxica da ñamaní nu Pilato ña ná ndiquehe da yiquí cuñu Jesús cañehe da cuñun da. Mé José yóho cúú dá cuéntá Jesús joo coo nanaha tuhun da sahá jáchi yihví da na Israel. Ta ndaja coo nasahan Pilato ñamaní nu dá ña ná ndiquehe da yiquí cuñu Jesús. Chí nasahan da nandiquehe da ña. ³⁹ Ta jári in in da nani Nicodemo ta ñehe da tátuhun oco uxu kilo perfume, dó nacavaha xihín ña nani mirra ta xihín ña nani aloes. Mé Nicodemo yóho cúú da da nasahan nandituhún xihín Jesús tá ñuu.

⁴⁰ Ña cán queá natiin José xihín Nicodemo yiquí cuñu Jesús ta nachitivi na ña xihín in jáhma vaha ña nachindaxi da xihín mé perfume cán. Jáchi quiahva já in costume na Israel cája na tá jánduxu na ndji. ⁴¹ Ta yati nuú nacata caa na Jesús cán nasahin nu cáa cuaha yito cuñi. Ta tañu yito cán nasahin in yávi ndíca cáva nuú cuu chicaan na ndji. Mé cáva cán nasacu a ña saá jáchi ni in ndji a ñaha chicaan na ini ña cán. ⁴² Ta cán nachicaan da yiquí cuñu Jesús jáchi yati nasahin a. Ta númí dá jáchi sa nacativi quivi ndiquehe ndéé na Israel.

20

Tá nanditacu tucu Jesús

(Mt. 28:1-10; Mr. 16:1-8; Lc. 24:1-12)

¹ Tá tá sa nayaha mé quivi ndiquehe ndéé ná ta naha vaha chá quivi domingo tá cámaní queta cándii já nasahan María, ña ñuu Magdala nuú nachicaan na yiquí cuñu Jesús cán. Já naxini ña ña nacaxoo yuu cáhnu nasandaji yuhú cáva cán. ² Andá já

naxinu ña nasahan ña nu ñin Simón Pedro xihín inga da naxica tuun xihín Jesús, da quihvi ndivaha ini mé á cán. Ta tá naxinu coo ña nu dá já naxachi ña já xihín dá:

—Natava na yiquí cuñu xitoho í ta yo xíni ndájá nasacu na ña —naxachi ña.

³ Anda já naqueta Pedro xihín inga da naxica tuun xihín Jesús cán ndáva da cuahan da nuú nasandacaan Jesús. ⁴ In nuú xínu ndívi dá cuahan da. Joo ñihi chága xínu da inga cán a juú ga Pedro ña cán queá jilna ñúhu da naxinu coo da nuú nandacaan Jesús cán. ⁵ Anda já naxandayi da sándehe da nuú nasandacaan Jesús cán. Já naxini da ñúhu ticoto nasativí a cán cuítí va. Joo coo nandihvi da jandá mé ini cáva cán. ⁶ Anda já naxinu coo Simón Pedro ta nandihvi da cán. Ta naxini da mé ticoto nasativí yiquí cuñu Jesús cán. ⁷ Ta naxini da ticoto ña nasativí jiní á naxaxoo jín ña cán ta nanditívi vaha ña. ⁸ Anda já nandihvi ri da inga cán, da naxinu jilna ñúhu. Ta tá naxini da ña coo yiquí cuñu Jesús ndácaan já naxandúsa da ña nanditacu tucu a. ⁹ Jáchi coo naxandaa ini na cúu cuéntá mé á ña cáchi tuhun Ndióxi nu cáchi a ña nditacu tucu Jesús. ¹⁰ Tá nandihí já ndáca táhan ndívi da naxica tuun xihín Jesús cán nandicó coo da vehe nuú nasanduu na.

*Tá naxini María, ña ñuu Magdala Jesús
(Mr. 16:9-11)*

¹¹ Ta nani nayaha tóco ndihi ña yóho, nandicó coo María mé nuú nasandacaan yiquí cuñu Jesús. Sácu ña ñin ña yuhú cáva cán. Ta nani sácu ña naxandayi ña ndicoto nihni ña ini cáva cán. ¹² Já naxini ña jvi tátó Ndióxi, ña ndíxi jahmá yaa. Ndáa ndúu coo a nuú nasahíin yiquí cuñu Jesús: in a nuú nasahíin jiní Jesús ta inga nuú nasahíin sahá. ¹³ Anda já nandaca tuhún tátó Ndióxi cán María já naxachi a já xihín ña:

—Ndá cuéntá queá sácún —naxachi a.

Já naxachi ña já xihín á:

—Sácu u jáchi naquehe na yiquí cuñu Jesús, xitoho í ta coo xíni ndájá nasacu na ña —naxachi ña.

¹⁴ Tá jacá naxachi uun ña ña yóho já nandicoto nihni ña já naxini ña in a cándichi a nu ña já va joo coo nandicuni ña ña cúu á Jesús. ¹⁵ Anda já nandaca tuhún Jesús ña já naxachi a já xihín ña:

—Ndá cuéntá queá sácún. Yo já ndínducún —naxachi a.

Ta naxahan María ña mé da cáhan xihín ña cúu dá da ndáa mé yitó cuíhi cáa cán. Sahá ña cán queá já naxachi ña já:

—Tá natavún yiquí cuñu Jesús ña nasandacaan ini cáva yóho, caxi tuhún xihín í ndájá nasacún ña já ná cuhún í ndiquehe e ña —naxachi María.

¹⁶ Anda já naxachi Jesús já xihín ña:

—María.

Andá já naxava nuú ña já nandicuni ña Jesús ta naxahan ña tuhun hebreo xihín á já naxachi ña já:

—Raboni —mé tuhun yóho cúni cachi a maestro.

¹⁷ Já naxachi Jesús já xihín ña:

—A tíin tuún yehe. Jáchi a ñaha toho ndindita í cuhún í indiví nu ñin Ndióxi, tátá í. Joo cuahán caxi tuhún xihín na cúu cuéntá mí í ña cuhún í nu ñin Ndióxi, tátá í, mé a cúu tátá mé ndó viti. Cúu á Ndióxi nu mí í ta cúu ri a Ndióxi nu mé ndó —naxachi Jesús.

¹⁸ Anda já ndáva María, ña ñuu Magdala nasahan ña nandicani ña nuú na naxica tuun xihín Jesús cán ña naxini ña mé á. Ta nandicani ña ña naxachi Jesús xihín ña.

*Tá naxini na naxica tuun xihín Jesús mé á
(Mt. 28:16-20; Mr. 16:14-18; Lc. 24:36-49)*

¹⁹ Ta tá naxava mé quívi domingo cán já nanditútó tóco ndihi na naxica tuun xihín Jesús cán. Ñúhu tuun na ini vehe ta naxicaji tuun na yehe jáchi yilvi na xinu na Israel cán tíin ñahá na. Ta in cuítí naxinu coo Jesús nu ná ta nandaca ndichi a mahúú ndaa nu ndúu na cán. Já naxahan Ndióxi a xihín ná já naxachi a já:

—Ná coo vaha ini ndó —naxachi a.

²⁰ Ta tá naxachi a ña yóho já najánaha ndáha á xihín yicá ndicá a nu ná ña ná candaq ini na ña jivi cúu mé á. Ta naxajíi ini na tá naxini na a. ²¹ Tá nandihí já naxachi tucu Jesús já xihín ná:

—Ná coo vaha ini ndó. Tá quiahva naxaja Ndióxi, tátá í naxindahá a yehe ñuyivi yóho quiahva já chindahá ri yehe va ndohó cuhún ndo caxi tuhun ndó xihín ñayivi sahá mí í —naxachi Jesús.

²² Anda já nativi a nu ná já naxachi a já xihín ná:

—Ndiqhehe ndó ínimá yíi Ndióxi. ²³ Ta tá ná caja cáhnu ini ndó sahá cuachi ñayivi, na cán cúu na sa naxaja cáhnu ini Ndióxi sahá. Ta tá ná a cája cáhnu ini ndó sahá cuachi, na cán cúu na coo naxaja cáhnu ini Ndióxi sahá —naxachi Jesús.

Tá naxini xihín nuu Tomás Jesús

²⁴ In táhan da naxica tuun xihín Jesús, da nani Tomás, da cáhan na cuátí xihín cán, coo toho da nasahíin xihín na cán tá naquixi Jesús nu ndúu na. ²⁵ Tá nandihí já naxaxi tuhun na java cán xihín dá já naxachi na já:

—Naxini nde Jesús, xitoho í —naxachi na.

Já nanducú ñehe Tomás tuhun nu ná já naxachi da já xihín ná:

—A cándusa toho í ña cáchi ndo janda quiahva ná cuni xihín nuú í ndáha Jesús ta já jáquihvi í nducu ndahá í ini yávi nuú naquihvi clavo naxaja na cán. Ta xíni ñúhu jáquihvi í nducu ndahá í ini yávi naxacaan na

yicá ndicá a cán. Anda jávi candúsa i ndohó —ñacachi da.

²⁶ Tá nayaha una quivi já nandique táhan tucu na ñaxica tuun xihín Jesús cán ini in vehe. Ta mé tañu já ñasahín Tomás xihín ná. Ta quiahva já ñasaji tuun tucu na yéhe vehe nu ñúhu na cán. Anda já in cuiú ñaxinu coo Jesús nu ná ta ñandaca ndichi a maññú na cán ta ñacahan Ndióxi á xihín ná já ñacachi a já xihín ná:

—Ná coo vaha ini ndó —ñacachi a.

²⁷ Tá nandihí já ñacachi a já xihín Tomás:

—Naha cuiú jáquihvi nducú ndáhun ini ndahá i ta candehé ini ndahá i nuú ñaquihvi clavo. Ta jáquihvi nducú ndáhun yicá ndicá i já ná cunún nuú najándicuehe na yehe. A cáhvi ivi joho inún jáchi xini ñúhú candúsun yehe —ñacachi Jesús.

²⁸ Anda já ñacatóntó Tomás já ñacachi da já:

—Mé ndó cúu xitoho i ta cúu ndó Ndióxi ña cája cáhnu i —ñacachi da.

²⁹ Anda já ñacachi Jesús já xihín dá:

—Mé a ndaa cándúsun yehe viti jáchi ñaxinún yehe. Joo cajji ini ñayivi, na cándusa yehe vatí coo i xini na xihín nuú ná —ñacachi Jesús.

Cáhan Juan ndá sahá ñacahyi da libro yóho

³⁰ Cuahá ndivaha java ga ña xitúhún ñacaja Jesús nuú na ñaxica tuun xihín a cán vatí coo ná cahyi a nu libro yóho. ³¹ Joo ña yóho ñacahyi a já ná candúsa ndó ña cúu Jesús da ñachindahá Ndióxi cacomí cuéntá sahá ñayivi, mé a cúu in túhún jiní já jahyi Ndióxi. Ta sahá ña cándee ini ndó mé a cuu catacu ndó anda ama cá quivi.

21

Náha Jesús mé a nuú usq táhan na ñaxica tuun xihín a cán

¹ Tá sa nayaha ña yóho já ñanaha tucu Jesús mé á nuú na ñaxica tuun xihín á nani ñasanduu na yati yuhú tañuhú nani Tiberias cán. Ta quiahva joho ñasahín a. ² In tañu ndúu tútu Simón Pedro xihín Tomás, da cáhan na cuatí xihín cán. Ta jári ndúu Natanael, da ñuu Caná cuéntá Galilea cán xihín ndivi da cúu jahyi Zebedeo cán. Ta ñasanduu ri inga ivi ga táhan da ñaxica tuun xihín Jesús. ³ Anda já ñacahan Simón Pedro xihín tóco ndihí na cán já ñacachi da já xihín ná:

—Cuhun i tavá i tiyacá —ñacachi da.

—Cuhun ri ndehé va tavá nde tiyacá xuhun —ñacachi na cán xihín dá.

Já nandihvi ndihí na ini barco cuahan na tavá na tiyacá. Joo coo tiyacá ñatavá na mé ñuu cán. ⁴ Ta tá sa cuahan nducú tivi já ñacanaha Jesús yuhú ticuú cán. Joo na ñaxica tuun xihín a cán coo xini na ña cúu á

Jesús. ⁵ Anda já ñacayuhú Jesús ndaca tuhún á na já ñacachi a já xihín ná:

—Á coo toho tiyacá ñatavá ndo, ñani —ñacayuhú a.

—Coo mé rí ná tavá nde —ñanducú ñehe na tuhun nu á.

⁶ Anda já ñacachi tucu Jesús já xihín ná:

—Jácana tucu ndó ñunu ndó chí xoo cuáha barco jan já tavá ndó ri —ñacachi a.

Anda já najácana na ñunu ná cán xoo cuáha barco ta tá nandihí chí coo ndéé na tavá na ñunu cán jáchi a juú quiahva ñachutú ndaa ña xihín tiyacá. ⁷ Anda já nandicahan yehe, da quihvi ndivaha ini mé a cán já ñacachi i já xihín Pedro:

—Cúu á Jesús, xitoho i —ñacachi i.

Tá ñaxini joho Simón Pedro ña cúu a cán Jesús já nandicandixi da cotó da jáchi coo toho cotó da ndixi da, nduu. Tá nandihí já ndáva da cuahan da jitá da ticuú chí yuhú tañuhú cán. ⁸ Tá nandihí já ñaxinu coo java ga na ñaxica tuun xihín Jesús cán xihín barco na chí yuhú tañuhú já ñúhu na ñunu ñachutú xihín tiyacá cán ñasaa na janda yúhu. Jáchi tátuhun in ciento metro ñasandichi barco na yuhú tañuhú cán tá ñatavá na tiyacá. ⁹ Tá ñaxinu coo na cán nu ñúhu já ñaxini na cáyi ñúhu. Ta ñaxini na cánú in tiyacá yáta rí nu ñúhu cán. Ta ñaxini na ña sa in pan cuxu na viti. ¹⁰ Anda já ñacachi Jesús já xihín ná:

—Taxi ndó java tiyacá, rí jacá ñatavá ndó jan —ñacachi a.

¹¹ Anda já ndáva Simón Pedro ñasahan da ñandaa da jatá barco cán já ñúhu da ñunu, ña ñachutú ndaa xihín tiyacá náhnu cán, ñaxinu da janda yúhu. Ta ñasacuu rí in ciento ivi jico sahun uní. Ta vatí cuaha ndivaha cúu rí coo ñatandá ñunu nuú ñasañuhu rí cán. ¹² Anda já ñacachi Jesús já xihín ná:

—Naha ndó cajini ndó —ñacachi a.

Ta ni in túhún na cán coo ñasahan ndeé ini na ndaca tuhún na yo cúu mé á. Jáchi sa ñacandaa cáxi ini na ña cúu á Jesús, xitoho na. ¹³ Tá nandihí já ñatiin Jesús pan cán já ñasahnda java ña já ñasahan ña nu ná. Ta quiahva já ñacaja ri a xihín tiyacá va, nandicahnda rí já ñasahan rí nu ná.

¹⁴ Xihín ña yóho ñaxinu uní tañu ñanaha Jesús mé á nuú na ñaxica tuun xihín á janda nani nanditacu tucu a.

Cáhan Jesús xihín Simón Pedro

¹⁵ Tá nandihí ñaxijini na já ñandaca tuhún Jesús Simón Pedro já ñacachi a já xihín dá:

—Simón, da cúu jahyi Jonás á quihvi ini chágún yehe a juú ga na java yóho —ñacachi a.

Já ñacachi da cán já:

—Mé ndó cúú ndó xitoho i ta sa xíní vaha ndó ña quihvi ini i ndoghó —ñacachi da.

Já ñacachi Jesús já xihín dá:

—Xíní ñúhú candaa vahún na cúú cuéntá mí i tá quiahva ndáá vaha pastó ndicachi válí jana dá —ñacachi a.

¹⁶ Andá já ñacachi tucu Jesús já xihín dá:

—Simón, da cúú jahyi Jonás, á quihvi inún yehe —ñacachi a.

Andá já ñacachi da já xihín á:

—Mé ndó cúú ndó xitoho i ta cándaa vaha ini ndó ña quihvi ini i ndoghó —ñacachi da.

Já ñacachi Jesús já xihín dá:

—Xíní ñúhú candaa vahún na cúú cuéntá mí i tá quiahva ndáá vaha pastó ndicachi jana dá —ñacachi a xihín dá.

¹⁷ Andá já nandaca tuhún tucu a da táhnda uní já ñacachi a já xihín dá:

—Simón, da cúú jahyi Jonás, á mé a ndaa quihvi inún yehe —ñacachi a.

Tá naxini mé Simón Pedro cán ña naxinu uní táhnda ndáca tuhún Jesús da sahá ña yóho já ñacacuéha ini da já ñacachi da já xihín Jesús:

—Jesús, mé ndó xíní vaha ndó tóco ndihi ñaha. Mé ndó xíní vaha ndó ña quihvi ini i ndoghó —ñacachi da.

Já ñacachi Jesús já xihín dá:

—Xíní ñúhú candaa vahún na cúú cuéntá mí i tá quiahva ndáá vaha pastó ndicachi jana dá. ¹⁸ Jáchí mé a ndaa ná cahan j xuhun. Tá nasacuún taa yúta chá já ndicandisún jáhmun ña cúnun ta já cuahún ndá nu cúní mún cuhun. Joo tá ná cayatún já jácaún ndáhun ta inga na jácandixi yohó jáhmun. Ta já tiin ndaa na yohó cuhún xihín ná nuú co cúní mún cuhun —ñacachi a.

¹⁹ Xihín ña yóho cúní Jesús ndicani a nu Pedro cán ndá quiahva quivi da ña ná caca cáhnu da Ndióxi. Tá nandihí já ñacachi Jesús já xihín dá:

—Xíní ñúhú candicún yehe —ñacachi a.

Ndáca tuhún Pedro saha Juan nu Jesús

²⁰ Nani xíca na cáshahon na xihín Jesús já nandicoto nihni Pedro chí jatá dá já naxini da tácaa Juan vaxi da. Mé Juan yóho cúú dá da quihvi ndivaha ini mé Jesús. Ta sa mé Juan yóho cúú yehe, da nasahjin coo jin á tá naxijini na vicó pascua. Ta cúú yehe, da nandaca tuhún mé á saha ndá da cúú da jicó tuhún ñahá. ²¹ Tá naxini Pedro ndicó da yóho jatá ná já nandaca tuhún da Jesús já ñacachi da já xihín á:

—Ta ndaja coo Juan yóho, xitoho i. Ndaja quivi da —ñacachi Pedro.

²² Andá já nanducú ñehe Jesús tuhun nu dá já ñacachi a já xihín dá:

—Tá cúní yehe ña ná catacu da janda quiahva ná xinu coo quivi ndicó coo i ñuyivi yóho, co nditahan toho ndihi inún sahá.

Ña nditahan cajún queá candicún yehe —ñacachi a.

²³ Ta sahá ña ñacachi Jesús ña yóho sahá ña cán queá nandicujta nuu tuhun tañu tóco ndihi na naxica tuun xihín Jesús cán. Ta cáhí na sahá i ña a quivi toho i. Joo a juú toho ña yóho queá cúní Jesús cachi a xihín ná. Ña ñacachi Jesús queá tá cúní mé á catacu u janda quiahva ná ndicó coo mé á, co nditahan toho ndihi ini Pedro sahá ña cán.

²⁴ Ta jivi mé da cahan na saha cán cúú yehe, da cáhyi tóco ndihi ña yóho. Ta tóco ndihi na xíní na ña cúú á ña ndaa.

²⁵ Cuahá ndivaha nu ñaha ñacaja chága Jesús. Tá ná cacu ini i cáhyi i tá in tá in ña ñacaja mé á, cája i cuéntá a quéta toho ñuyivi yóho coo libro cahan sahá ña ñacaja mé á. Já ná coo.

Tuhun vaha nacahyí Lucas sahá ña nacaja na apóstol

Nasahan Jesús tuhun a quixi ínimá yíi Ndióxi

1 Jihna sa nacahyí i in libro ña ná candoo a nu ndóhó, tá Teófilo. Mé libro cán cahan ndihi a sahá ña nacaja Jesús ta cahan ndihi a sahá ña najánaha mé á tá nacasáhá cája chúnun a ²ta jandá tá nandaa cuahan indiví. Tá nasahjin a ñuyiví yóho ta cámaní cuhun a indiví já nacaxi Jesús uxu ivi datá cacuu dá apóstol ña ná caja chúnun na cuéntá mé á. Ta nacaja ínimá yíi Ndióxi ña ná cuu jánaha Jesús nuú na cán ña ndítahan nu ná caja na. ³Ta tá sa ñaxihí Jesús ta nanditacu tucu a já ñaxica nuu a ñuyiví yóho tíxi ivi jíco quívi. Ta nanaha mé á nuú ndihi na cúu apóstol já ná candaa ini na ña mé á ndaa nanditacu tucu a. Ta najánaha nu ná ña cúni Ndióxi cacomí a cuéntá sahá ñayivi.

4 Tá cámaní ndaa Jesús cuhun a indiví já nasahjin a xihín na apóstol já nasahnda mé á chuun nu ná já cáhí a já xihín ná:

—Xini ñuhú candati ndó ñuu Jerusalén yóho anda quiahva xinu ínimá yíi Ndióxi cañuhu a ini ínimá ndó. Jáchí nasahan tátá i tuhun a nu ndó ña quixi ínimá yíi mé á ndacaan ini ínimá ndó ña cán queá najánaha i ndohó ña nacachi mé á. ⁵Mé a ndaa najácandutá Juan ñayivi xihín ticuú joo tíxi chá quívi jándicutú Ndióxi ndohó xihín ínimá yíi mé á —cáhi Jesús xihín ná.

Tá ndaa Jesús cuahan indiví

6 Ta ndaja coo tá nataca na cán xihín Jesús já nacasáhá ndaca tuhún na mé á já cáhí na já xihín á:

—Jesús, xitoho nde, á viti queá quiahva ndó ñamaní nuú nde, na Israel cacomí nde cuéntá sahá mé nde já ná a cácomí ga gobierno ñuu Roma cuéntá sahá nde —nacachi na xihín á.

7 Anda já nanducú ñehe Jesús tuhun nu ná já nacachi a já:

—Coo ndítahan toho nu ndóhó candaa ini ndó ndá quívi caja Ndióxi, tátá yo ña jan. Jáchí in tuhún mé á cuití va queá xini a ndá quívi yaha ña sáhdá mé á coo. ⁸Joo ndítahan nu ndó candati ndó yóho anda quiahva ná quixi ínimá yíi Ndióxi cañuhu a ini ndó. Já ná nduu ndeé ini ndó ña ná cuu jánaha ndó nuú ñayivi sahá i. Anda já ndítahan nu mé ndó cahan ndó sahá i ñuu Jerusalén yóho xihín estado Judea xihín estado Samaría. Anda já quee ndó cuhun ndó cuhá ñuu xicá níi cúu ñuyiví jánaha

ndó nuú ñayivi cán sahá mí i —nacachi Jesús xihín ná.

⁹Tá nandihí nacahan Jesús ña yóho xihín ná ta nani sándehe cáxi na cán nu Jesús ndíta na já nandaa cuahan indiví. Já ñaxinu in vico nachijahvi ñahá a chí coo ñaxini ga na mé á. ¹⁰Ta nani ndíta na cán sándehe na nuú nandaa Jesús cuahan indiví já nandicoto nihni na ta sa ndíta ivi taa ndixi jahmá yaa jíin ná. ¹¹Já nacachi da já xihín ná:

—Taa Galilea, ndávaha sándehe ndó indiví nuú nandaa Jesús cuahan. Jáchí tá quiahva ñaxini ndó nandindita cuahan indiví quiahva já cuni tucu ndó a ndicó coo tucu a ñuyiví yóho —nacachi ndivi dá cán xihín ná.

Nacaxi na Matías caja da chuun ña najándacoo Judas

¹²Tá nandihí nandaa Jesús cuahan indiví já naquee na apóstol yúcu nani yitó olivo cán já nandicó coo na ñuu Jerusalén. Ta mé yúcu cán candoo a tátuhun in kilómetro jatá ñuu Jerusalén. ¹³Tá ñaxinu coo na ñuu Jerusalén cán já nandaa na vehe cánuú jíco jáchí mé vehe cán nasanduu too na. Tóco ndihi na nasanduu cán nasacu Pedro xihín Jacobo xihín Juan xihín Andrés xihín Felipe xihín Tomás xihín Bartolomé xihín Mateo xihín Jacobo, dá cúu jahyi Alfeo xihín Simón, dá ñaxica cuéntá cananista xihín Judas, dá cúu ñani Jacobo. ¹⁴Níi tiempo nasatata ndíhuxu in na yóho xihín ñani Jesús xihín María, náná Jesús xihín java ga najihí caca tahvi na nu Ndióxi.

¹⁵Ta ndaja coo in quívi natata tátuhun in ciento oco na cúu cuéntá Jesús. Já nacandichi Pedro mahñú na cán ta já nacachi da já xihín ná:

¹⁶—Candehé ndo, ñani i, na cúu cuéntá Jesús. Nasahjin tá in nacachi ínimá yíi Ndióxi coo. Jáchí nacaja Ndióxi ña ná cahan rey David ini tuhun mé á sahá Judas, dá nasandaca na natin Jesús ñehe na a cuahan na vecaa. ¹⁷Mé Judas yóho nasacuu da dá ñaxica xihín yo ta nacaja chúnun da cuéntá Jesús xihín yo. ¹⁸Joo najicó tuhún dá Jesús ta naquehe da jihún sahá ña núu nacaja da. Ta xihín jihún cán naxeen da in ñuhú. Ta tá nandihí já najándicava nday da mé dá ta nandata tíxi da chí nacana cuyu ndihi xiti da. ¹⁹Tá ñahehé ñayivi ñuu Jerusalén tuhun ña sa ñaxihí Judas cán já nachinú na quívi mé ñuhú naxeen da cán cananí a Acéldama. Mé tuhun cán cúni cachi a yójo nuú ñaxita níi jáchí cán ñaxita níi Judas tá ñaxihí da. ²⁰Jáchí já cáhí in Salmo ndácaan ini libro yíi Ndióxi tá nacahan sahá Judas já cáhí a já: Ná candoo ndáha vehe da, ta ni in ñayivi ná a cánduu ga ini a. Ta sa mé cán ndacaan inga tucu Salmo ta cáhí a:

Inga tucu da ná ndicojo chuun nasandojo da, cáchí tũhun Ndióxi.

²¹ Anda já naxachi tucu Pedro já xihín ná: —Taũu mí yóho ndúu java ná naxica nuu xihín yo tá naxica í xihín Jesús, xitoho í nani nasahjin a ñuyivi yóho. ²² Java ná yóho nasanduu na xihín yo tá najácanduta Juan Jesús xihín ticuii ta nasanduu na xihín yo janda quiahva nandaa Jesús cuahjan indivi. Ña cán queá ndítahan nu yó caxi in da taũu ná yóho já ná caca da xihín yo caxi tũhun da nuú ñayivi ña nanditacu tuc Jesús — naxachi Pedro xihín ná cán.

²³ Sahá ña cán queá nacana ivi da taũu ñayivi cán. Anda já nasacu ini na caxi na in da taũu ndívi da. In da nacana ná cán nasananí José ta nani tucu da Barsabás ta inga tucu quivi dá nasacuu Justo. Ta da inga cán nasananí Matías. ²⁴ Anda já naxica tãhvi ndihi na cán nu Ndióxi já naxachi na já:

—Tátá Ndióxi, sa xini ndó ndía cáhvi ini tóco ndihi ñayivi. Ña cán queá caja ndó ñamaní jánaha ndó nuú nde ndá da cúu da sa naxachi ndó ²⁵ cacuu apóstol ña ná caja da mé chuun ña najándacoo Judas. Mé Judas naxaja da cuachi cáhnu nu ndo ña cán queá viti in da nu ndítahan nu dá coo da —naxachi na xihín Ndióxi.

²⁶ Anda já nasajiquí ná ndá da cuu quee vaha. Naquee vaha Matías chí nandique táhan da xihín ná uxu in apóstol cuéntá Jesús cán.

2

Tá nanuu inima yii Ndióxi jatá na cúu cuéntá Jesús

¹ Tá naxinu coo quivi coo víco Pentecostés já nanditaca ndihi na cúu cuéntá Jesús ndúu tútú ná ini in vehe. ² In cuiti naxini joho na in a níhi naquixi a chí indivi. Tá quiahva níhi xicó tachí ndeé quiahva já níhi a naquixi a. Ta já naxini joho ndihi na ndúu coo vehe cán ña. ³ Anda já naxini na in ñaha ña cáa tá quiahva cáa ñuhú ita. Anda já nanditahnda ña nasandójó a jini in in ná cán. ⁴ Ta naxutú ndaa inima ndihi na cán xihín inima yii Ndióxi. Chí nacasáhá nandicahjan na tũhun, ña coo nasatiahva na jáchí já naxaja inima yii Ndióxi.

⁵ Mé tiempo já nasanduu java ná Israel, ná cája cáhnu Ndióxi ñuu Jerusalén cán. Mé ná Israel yóho naquixi na ndijáá ñuu jatá ñuyivi. ⁶ Tá naxini joho ná cán ña níhi xójó cúu cán já nacasáhá ndítaca na. Joo tá naxinu ná nu ndúu ná cúu cuéntá Jesús cán já nacatontó ná jáchí naxini joho na cáhan ná cúu cuéntá Jesús cán mé tũhun cáhan ná vatí coo cúu ná ná ñuu na. ⁷ Chí nacatontó ndivaha ná cán já nacasáhá ndítuhún xihín táhan na já cáchí ná já:

—Tóco ndihi ná cúu cuéntá Jesús yóho cúu ná ná naquixi estado Galilea. ⁸ Ndá cuéntá queá cáhan ná tũhun cáhan in in mí. ⁹ Jáchí sa jiin sa jiin ñuu naquixi mí. Java í naquixi nación Partia ta java í naquixi nación Media ta java í naquixi nación Elam ta java í naquixi nación Mesopotamia ta java í naquixi estado Judea ta java í naquixi estado Capadocia ta java í naquixi estado Ponto ta java í naquixi estado Asia ¹⁰ ta java í naquixi estado Frigia ta java í naquixi estado Panfilia ta java í naquixi nación Egipto ta java í naquixi ñuu cuéntá Africa, ña xicá chága a juú ga ñuu Cirene. Ta ndúu java ñayivi naquixi ñuu Roma yóho. Ta java ná cán cúu ná ná naquixi chichi Israel ta java na coo cúu ná ná naquixi chichi Israel joo cája cáhnu na Ndióxi, mé a cája cáhnu mí. ¹¹ Ta sa mé yóho ndúu java ñayivi naquixi nación Creta xihín nación Arabia. Ta xini joho ndihi cáhan ná cúu cuéntá Jesús yóho tũhun cáhan in in mí. Ta cáhan ná sahá ñaha xituhún cája Ndióxi xihín ná —cáchí ndihi ná sánehé cán.

¹² Ta chí coo xini ná ndúu sánehé cán ndía cáhan ná sahá ná cúu cuéntá Jesús cán. Jáchí nacatontó ndivaha na janda ndáca tũhún táhan mé ná ndúu na já cáchí ná já:

—Ndía cúni cachi ña cája ná yóho.

¹³ Joo java ná ndúu cán nacasáhá sácu ndaa ñahá ná já cáchí ná já:

—Na xihí va cúu ná yóho.

Cáhan ndojó Pedro nuú ñayivi

¹⁴ Anda já nacandichi Pedro xihín ndihuxu in ga ná apóstol cán já nacasáhá cáhan cóho da xihín tóco ndihi ná cán já cáchí da já:

—Cuni joho vaha ndó ña cáhan í xihín ndó, ñayivi Israel, ná estado Judea xihín ndihi ndó ná tóho ndúu ñuu Jerusalén viti. ¹⁵ Mé ndó cáhan ndo ña naxini tóco ndihi ñayivi ndúu yóho. Joo coo cúu ná ná naxini jáchí jacá caa in naha va queá. ¹⁶ Ña cája ná yóho queá naxachi da nani Joel sanaha tá naxahan da xihín ñayivi ña ndítahan coo. Mé da cán cúu da naxachi ña cáchí Ndióxi coo já naxachi da já:

¹⁷ Tá sa naxayati quivi ndihi sahá ñuyivi yóho já cáchí Ndióxi já:

“Chindahá í inima yii mí í cañuhu a ini tóco ndihi ñayivi.

Ta tóco ndihi jahyi yii ndo xihín jahyi jihí ndo caxi tũhun na xihín ndó tũhun cáhan í xihín ná.

Ta ná tacú cuni ndímáhnú ná ñaha naha í nu ná.

Ta ná yatá quixi sani nu ná caja í.

¹⁸ Ta mé tiempo já chindahá í inima yii mí í ña ná cañuhu a ini ná cája chũun cuéntá mí í, á cúu ná taá á cúu ná ñaha.

Ta caja í ña ná cáhan ná sahá í nuú ñayivi.

19 Ta cuahá ndivaha ña náhnu caja i indivi xihín ñuyiví ta cuni ñayivi ña.

Cuni na ñii xihín ñúhu cáyi xihín ñihma ña ndindita tátuhun vjco núhú.

20 Ta canaá nuú candií ta ndicuahá ñii nuú yoo.

Ña yóho cacuu ña yaha tá sa ñacayati quivj xinu yehe, mé á cúú xitoho na caja vii i sahá ñayivi ñuyiví.

Mé quivj cán cacuu a in quivj cáhnu ndivaha.

21 Joo cacu ndaa ínimá tóco ndihi na ná ndicahán quiví i", ñacachi Ndióxi ini libro ñacahyi Joel sanahá —ñacachi Pedro.

22 Anda já ñacachi tucu Pedro já:

—Cuni joho vaha ndó tühun cáhan i xihín ndó, na Israel. Jáchi cáhan i saha Jesús, mé á ñaquixi ñuu Nazaret. Jáchi ñatahan ini Ndióxi xihín tóco ndihi ñaha ñacaja mé Jesús. Ta ñaxini xihín nuu ndó ña náhnu xihín ña xitúhún ñacaja mé á nu ndo xihín ndéé ñasahan Ndióxi nu á. Ta sa cándaq vaha ini mé ndó ña yóho. 23 Joo tá ñatiin ndó Jesús já najáxiñu cgo ndó ña ñasacu ini Ndióxi coo sanahá ndivaha. Ta mé ndó ñandiquiahva ndó Jesús ndáha taa quini. Ta ñacaja ndó ña ná cata caa na Jesús ndica crúxu. 24 Joo najánditacu Ndióxi Jesús já ná á cóo a nu ndóho ini na sa ñaxihí jáchi ni in ñaha á cúu caja ña ná coo Jesucristo nu ndúu na sa ñaxihí. 25 Sanahá ndivaha ñacahyi rey David sahá Jesús já ñacachi dá já:

Xini vaha i ña nú tiempo íin ndó xitoho i, xihín i,

ta íin ndó xoo cuáha i chíndeé ndó yehe sahá ña cán queá cgo yáivi toho i.

26 Sahá ña cán queá ñacajii ndivaha ini i, ta ñacahan vatá ndivaha i.

Jáchi vatí ná quivi i cacuu u ndii joo coo vaha ini i.

27 Jáchi caja ndó ña ná nditacu tucu u já ná á cándqo nahá ínimá i nu ndúu ínimá ndii.

Ta ni á quiahva toho ndó ñamaní tahyi yiquí cuñu i jáchi cúu u jahyi máni ndo.

28 Najánaha ndó nuú i ndaja caja i ña cúni ndo.

Jácutú ndaa ndó ínimá i xihín ña cájii ini i jáchi já íin va ndó xihín i, ñacahyi David sanahá ndivaha —cáchi Pedro xihín na ndúu cán.

29 Anda já ñacachi tucu Pedro já xihín ná:

—Candehé ndo, ñani i ná ndicani i nu ndo ña cúni cachi ña yóho. Sa cándaq cáxi ini ña sa ñaxihí David, dá ñasacuu tásáhnu jíco yo. Ta najánduxu na dá ta íin yii va nuú najánduxu na dá. 30 Ñacachi David ña yóho jáchi ñasacuu da profeta. Jáchi mé Ndióxi queá ñasahan tühun a nu dá ta ñacachi a xihín dá ña quixi Jesucristo chíchi mé dá ta ñacachi a ña cacomí mé Jesucristo cán

cuéntá sahá ñayivi Israel. 31 Sa ñacandaq ini David ña caja Ndióxi chí nuú sahá ña cán queá ñacachi da xihín ñayivi ña nditacu tucu Jesús tá ñandihí quivi a. Ta ñacaxi tühun David nu ná ña á jándicoo toho Ndióxi ínimá Jesús nu ndúu ínimá ndii ta ni á quiahva toho mé á ñamaní tahyi yiquí cuñu mé Jesús cán. 32 Ta viti cándaq ini ña ñaxinu tühun ñacahyi David jáchi ñaxini tóco ndihí ña najánditacu Ndióxi Jesús. 33 Ta najándindita cáhnu ndivaha Ndióxi Jesús ta ñasacu a ña xoo cuáha mé á. Ta ñasahan Ndióxi ínimá yii mé á nu Jesús jáchi ña yóho cúu tühun ñasahan Ndióxi sanahá. Ta tóco ndihi ña ñaxini ndó xihín nuu ndo ta ñaxini joho ndó yóho cúu á ña ñaquixi cuéntá Ndióxi. 34 Ta sa xini yo ña cgo cáhan David sahá mé dá jáchi á juú David cúu dá ñandaa indivi, vaha. Sa mé David cúu dá dá ñacachi tühun yóho:

Ñacachi Ndióxi xihín xitoho i:

“Naha xoo cuáha jiiñ i cacouñ,

35 janda quiahva ná cacu u na cándajii yohó tíxi sahún”, ñacachi Ndióxi —já ñacahyi David sanahá.

36 Anda já ñacachi tucu Pedro já:

—Ña cán queá cúni ña ná cándaq ini tóco ndihi ndó ña cáhan i xihín ndó, na Israel. Mé Jesús, mé á ñacata caa ndó ndica crúxu ñandaja Ndióxi ña ná nduu a xitoho ñayivi. Ta ñandaja Ndióxi ña ná nduu a ña ñachindahá mé á cacomí cuéntá sahá ñayivi —ñacachi Pedro xihín na ndúu cán.

37 Tá ñaxini joho na cán ña ñacachi Pedro xihín ná jvi laá ñatahvi ini na já ñacasahá ndáca tühún na Pedro xihín java ga na apóstol cán já cáchi na já xihín ná:

—Ndiá nditahan caja nde, ñani, na cúu cuéntá Jesús.

38 Anda já ñanducú ñehe Pedro tühun nu ná já cáchi dá já xihín ná:

—Xini ñúhu ndicó cgo ini ndó ta jándicoo ndó cuachi cája ndó ta candúta ndó cuéntá Jesucristo já queá ná caja cáhnu ini Ndióxi sahá cuachi ndó ta já ñehe táhvi ndó quiahva Ndióxi ínimá yii mé á nu ndo.

39 Jáchi ñasahan Ndióxi tühun a caja ña jácutú ndaa ínimá ndo xihín ínimá yii mé á ta quiahva já caja ri a xihín jahyi ndó ta jári xihín na tóho, na ndúu xicá. Jáchi já caja mé á xihín ñayivi ñacaxi mé á —ñacachi Pedro xihín ná.

40 Ta cuahá ndivaha java ga tühun ñacahan Pedro xihín ná ta já najácahan dá na já ñacachi da já xihín ná:

—Candéé ini ndó Jesús já ná jácacu a ndóhó já ná á cúhún ndó indayá nuú cúhún ñayivi cája cuachi —ñacachi Pedro xihín ná.

41 Cuahá ñayivi ñandiquehe vaha na tühun ñacahan Pedro ta ñacandéé ini na Jesús. Ta mé quivj já ñacandúta tátuhun unj mil ñayivi já ñandihvi na íchi cuéntá Jesús. Ta ñandique táhan na cán xihín java

ga na cúu cuéntá Jesús. ⁴² Ta ndinuhu ini na jácuaha na ña jánahá na apóstol nu ná. Ta cándúsa táhan tóco ndihi na ta ndítútú na xíca tahví na nu Ndióxi. Ta níi tiempo sá taca na ndicahnda java táhan na pan cuxu na.

Ña ñacaja ñayivi tá ñacasáhá na ndico na íchi cuéntá Jesús

⁴³ Mé tiempo já ñasahan Ndióxi ñamanj nuú na apóstol cán ña ná cuu caja na cuahá ndivaha ñaha xitúhún xihín cuahá ña náhnu ndivaha ta chí cántóto tóco ndihi ñayivi tá xini ná ña yóho. ⁴⁴ Ta tóco ndihi na cúu cuéntá Jesús cán in nanduu ndihi na ta ndicahnda java ñaha nu táhan na. ⁴⁵ Ta jíco na ñaha cómi ná ta já ndicahnda na jiyhún na nuú na ndimani ñaha nuú. ⁴⁶ Ta ndijáá ní quívi ndítútú na cája cáhnu na Ndióxi veñuhu cáhnu ndácaan ñuu Jerusalén cán. Ta tá ndique táhan na vehe já ndicahnda java táhan na pan cuxu na ta cávatá ndivaha xihín táhan na cája na já. Ta ni in na co ndínehe jíco mé. ⁴⁷ Ñacaja cáhnu na Ndióxi ta tóco ndihi ñayivi ndúu ñuu Jerusalén ín vaha ini na xihín na cán. Ta nini quívi ñacaja Ndióxi ña nandicuahá na cúu cuéntá Jesús, mé na jácacu ndaa Ndióxi ínimá.

3

Ndivaha in taa réncó cája Pedro

¹ In quívi tátuhun caa unj sahini cuahan Pedro xihín Juan veñuhu cáhnu Jerusalén cán. Mé hora já táca ñayivi cuahan na veñuhu caça tahví na nu Ndióxi. ² Ta mé yuyehé ñuhu cán ín coo in da ñaxihí tuchu sahá. Ta jandá tá ñacacu da cáa da já. Ta ndijáá ní quívi ñehe na da cuahan da yuyehé ñuhu cáhnu nani yehé ñúchí. Ta cán ín coo da sáti da nuú ñayivi ndíhvi ini veñuhu cán. ³ Ta tá ñaxini da réncó cán cuahan quíhvi Pedro xihín Juan ini veñuhu cán já ñacata ñee da ndáhá dá nu ná sáti da. ⁴ Andá já nandicoto nihni Pedro xihín Juan nuú da réncó cán já ñacachi Pedro já xihín dá:

— Candehé nuú nde.

⁵ Andá já ñasandehé cáxi da cán nu ná jáchí cáhán da quiahva na jiyhún nu dá. ⁶ Joo já ñacachi Pedro xihín dá já:

— Coó toho jiyhún i quiahva i nuun joo ña ín nuú i ña cán quiahva i nuun. Ín ndivaha ndée Jesucristo, mé á ñuu Nazaret sahá ña cán queá sáhdá i chuun nuun ña ná candichún cacún — ñacachi Pedro xihín dá.

⁷ Andá já ñatiin Pedro ndahá cuáha da cán ta nandínehe da da já ñacandichi da chí ivi laá nandíhvi ndée saha dá já nanditacu tuchu sahá dá. ⁸ Andá já ñacandita mé da ñasahín réncó sahá cán já ñacandichi da ta já ñacasáhá da xíca da. Cánda da cája cáhnu da Ndióxi nandíhvi da xihín ná ini veñuhu cán. ⁹ Ta tóco ndihi ñayivi ndúu cán ñaxini na cánda da cája cáhnu da Ndióxi. ¹⁰ Ta á juú

quiahva ñacatónto na ta ñayíhvi na sahá ña ñaxini na cán. Jáchí nandicuni na da cán cúu da da ñasacuu réncó, da ñasahín coo sáti yehé ñuhu nani yehé ñúchí cán.

Cáhan ndojó Pedro nuú ñayivi ndúu yehé ñuhu cáhnu cán

¹¹ Mé da ñasacuu taa réncó cán ñatiin tuun da Pedro xihín Juan ta chí coo cúní da janí ñahá da. Ta tóco ndihi ñayivi ñacatónto na xinu na cuahan na candehé na da réncó cán nu ndíta da yehé ñuhu, ña nani yehé Salomón. ¹² Tá ñaxini Pedro ñacasáhá táca cuahá ñayivi nu ín da já ñacasáhá cáchí da já xihín ná:

— Cuni joho vaha ndó, ñayivi Israel. Cántóto ndivaha ndó sándehe ndó ndehe jáchí cáhán ndó ña ñandaja vaha nde da yóho xihín ndée mé nde. Á tá coó ta cáhán ndó ña ñandaja vaha nde da sahá ña ndicahán ndivaha nde Ndióxi. ¹³ Joo coo ín toho a tá quiahva cáhán ndó. Jáchí mé Ndióxi, ña ñacaja cáhnu Abraham xihín Isaac xihín Jacob, tásáhnu jíco yo ñandaja vaha mé á da yóho. Ta mé Ndióxi cán ñacaja ña ná nduu cáhnu ndivaha Jesucristo, jayhi mé á. Joo mé ndó nandiquiahva ndó a ndahá na jutixia. Ta tá cúní Pilato janí da Jesús já ñasaji nuu ndó nu dá caja da ña. ¹⁴ Mé Jesús cúu á ña yii ndivaha ta ndinuhu ña ndaa cuiti va cája. Joo mé ndó ñacandají ndó a ta ñaxíca ndó nu Pilato ña ná janí da in da sáhní ndíi. ¹⁵ Tá nandíhi já ñasahní ndó Jesús, mé á cúu cája ña ná catacu ñayivi andá ama cáa quívi. Ta vatí ñaxihí a ñasacuu a ndíi joo najánditacu tucu Ndióxi mé á. Ta cándaá cáxi ini nde ña cáhán nde ña ndaa xihín ndó. ¹⁶ Ta sa mé Jesús cúu á ña cándeé ini nde. Ta sahá ña cándeé ini nde mé á sahá ña cán queá nandivaha da cándichi nu ndó yóho. Ta xíní ndó da ñandivaha yóho ta cándaá cáxi ini ndó nandíhvi ndée sahá dá sahá ña cándeé cáhnu ini nde Jesús.

¹⁷ Candehé ndó, ñani i. Sa xíní vaha nde viti ña tá ñasahní ndó Jesús coo ñacandaá ini ndó ndía ñacaja ndó. Ta ni ná cúu jefe ndó coó ñacandaá ini na ndía ñacaja na. ¹⁸ Joo xihín ña yóho najáxínu coo Ndióxi tuchu ñasahan nu yó sanahá tá ñacachi na profeta cuéntá Ndióxi ña nditahan ndoho ini Jesucristo, mé a ñachindahá Ndióxi cacomí cuéntá sahá ñayivi. ¹⁹ Sahá ña cán queá xíní ñúhú jándacoo ndó cuachi cája ndó ta ndicó coo ini ndó nu Ndióxi já ná jándoo mé á cuachi ñacaja ndó. Andá já caja Ndióxi ña ná ndivaha ini ndó. ²⁰ Jandá jihna ñacaxi Ndióxi Jesucristo ná chindahá a ña ná quíxi a ñuyívi yóho já ná cacomí a cuéntá sahá ñayivi. ²¹ Ta viti ín Jesucristo indiví ndáti a tandaa quívi caja Ndióxi ña nduu víi tóco ndihi ñaha. Já ndítahan coo jáchí sanahá ndivaha ñacáhan Ndióxi xihín na

profeta mé á sahá ña yóho ta mé ná naçaxi tuhun na ña nuú ñayivi. ²² Ta ña yóho cúu tuhun naçahan Moisés nu tásáhnú jícó yo já naçachi da já xihín ná: “Tañu mé ndó jan cana in profeta caja Ndióxi, xitoho í tá quiahva naçaja mé á xihín mí i. Ta coto a quehe núu ndó ni in túhún tuhun çahan mé profeta jan xihín ndó. ²³ Jáchi tóco ndihi ñayivi, na çó cúni candúsa tuhun çahan mé profeta jan ndihi saha ná ta a ñehe táhvi ga na coo na xihín na ñuu Ndióxi”, naçachi Moisés sanahá —naçachi Pedro xihín ná.

²⁴ Ta naçahan chága Pedro xihín ná já cáchi da já xihín ná:

—Tóco ndihi na profeta naçahan na sahá ña yáha tiempo viti. Ta profeta Samuel cúu da naçasahá çahan sahá ña yóho. Ta tóco ndihi java ga na profeta naquixi tá nu ndihi naçahan na çan saha tiempo viti. ²⁵ Naçindahá Ndióxi na profeta sanahá ña ná çaxi tuhun na xihín yo ña sahan Ndióxi tuhun a nu yó, na Israel. Naçaja vaha mé á saha yo tá naçachi a já xihín Abraham, da naçacuu tásáhnú jícó yo: “Xihín ña caja na quixi çhichún chí nuu já caja cuahá ndivaha i ñamanj xihín tóco ndihi ñayivi ndúu ndijáá ñuyivi”, naçachi a. ²⁶ Tá najánditacu Ndióxi Jesucristo, jahyi mé á jilna ñúhú ga nu mé ndó, na Israel naçindahá a ña já ná caja yijí á ndohó já ná jándicoo ndó cuachi cája ndó —naçachi Pedro.

4

Ndiqhe Pedro xihín Juan saha mé dá nuú na saçuahá veñuhu

¹ Ta janda çahan chá va Pedro xihín Juan nuú ñayivi çán já naçinu java da cúu jutu xihín da sáhná chuun nu policia veñuhu çán. Ta tañu na yóho naçinu ri na saduceo. ² Xójo ndivaha ini na jáchi jánaha Pedro xihín Juan nuú ñayivi ña sa nánditacu tucu Jesucristo. Ta xihín ña yóho náha ña vaxi quívi nditacu tucu ndí. ³ Sahá ña çán queá nañin na çán Pedro xihín Juan ta nataán na da vecça. Ta çán naçandó da janda inga quívi itaan jáchi sa naçuaá va. ⁴ Joo cuahá ndivaha ñayivi naçandúsa tuhun naçahan Pedro ta xihín ña yóho nandicuaha chága na cúu cuéntá Jesús. Jáchi na naçandúsa çán naçacuu na tátuhun uhun mil dataa.

⁵ Ta ndaja coo na cúu saçuahá nuú ñayivi Israel çán xihín na saçuahá veñuhu xihín na jánaha ley Moisés nandique táhan ndihi na inga quívi itaan. ⁶ Ta tañu na çán ndaçaan ri da naní Anás, da cúu saçuahá nuú jutu. Ta tañu na çán naçandacaan ri Caifás xihín Juan xihín Alejandro xihín tóco ndihi na cúu na vehe na saçuahá nuú jutu çán. ⁷ Anda já natavá na Pedro xihín Juan vecça. Ta ñehe na da cuahan na nuú nataca na çán ta naçani ndichi na da mañhú na

nataca çán ta já nañaca tuhún na da já cáchi na já xihín dá:

—Ndaja naçaja ndó nandaja vaha ndó da naçaquihvi saha çán. Yo já naçahan ndéé nu ndó ña cúu cája ndó ña yóho —cáchi na ndaça tuhún ñahá na.

⁸ Ta naçaja Ndióxi ña ná ndicutú ndaça ínimá Pedro xihín ínimá yijí Ndióxi ña çán queá naçasahá da ndúcu ñehe da tuhun nu ná já cáchi da já xihín ná:

—Cuni joho vaha ndó, na saçuahá ñuu xihín na saçuahá veñuhu Israel. ⁹ Nañaca tuhún ndó ndehe ndaja naçaja nde nandaja vaha nde da naçaquihvi saha çán. ¹⁰ Cuni joho ndó ná ndicani nde sahá ña yóho nu ndó ta já ná cuu candaa ri ini tóco ndihi ñayivi Israel ña mé dataa, da cándichi nu ndó yóho nañdivaha da xihín ndéé Jesucristo, ña ñuu Nazaret. Mé a çán naçata caa mé ndó ndica crúxu çán ta tá nandihí já najánditacu ñahá Ndióxi. ¹¹ Ta mé Jesús yóho cúu á ña çahan tuhun Ndióxi saha, ña cúu á tátuhun yuu ndúhu, ña naçandají na çávahe vehe. Ta mé ndó cúu ndó tátuhun na çávahe vehe çán, na naçandají Jesús. Joo viti naçinu a cúu á tátuhun yuu ña ín chága saha naçaja Ndióxi. ¹² Jáchi ni in túhún toho ñayivi ndúu ñuyiví a cúu jácaçu mí ña ná a çuhun yo indayá. In túhún Jesucristo queá naçindahá Ndióxi nu yo já ná çacu ndaa ínimá yo —naçachi Pedro xihín ná.

¹³ Tá naçini na saçuahá çán ña çó yihvi Pedro ni Juan ndita da çahan da xihín ná já naçatontó na jáchi sa xini na ña çó tiaha da tutu. Ta naçini na ña cúu dá da ndahvi, da naçixa xihín Jesús. ¹⁴ Ta ni çó ñehe ini na saçuahá çán cáchi na xihín Pedro ña cúu dá da tuhún jáchi sa nuu táhyi na já va cándichi da nandivaha saha çán. ¹⁵ Anda já natavá tóo na da çán já naçasahá ndituhún xihín táhan na. ¹⁶ Já cáchi ná já:

—Ndá caja í xihín ndiví da yóho viti jáchi sa naçandaa ini ndihi ñayivi ñuu Jerusalén ña xituhún naçaja da. Ta ni mí, a cúu cáchi ña cúu á ña tuhún. ¹⁷ Joo cóho jáyihvi yó na ná a çahan chága na saha Jesús nuú ni in túhún toho ga ñayivi. Jáchi çó cúni yo ña ná ndicuixa nuu tuhun saha Jesús —cáchi na ndituhún xihín táhan na.

¹⁸ Anda já naçana tucu na Pedro xihín Juan ta naçahnda na chuun nu ná ña ná a jánaha ga na saha Jesús ta ni ná a çahan ga na quívi Jesús. ¹⁹ Anda já nanducú ñehe Pedro xihín Juan tuhun nu ná já cáchi da já xihín ná:

—Cahvi vaha ini ndó, na saçuahá. Á çahan ndó ña vaha chága caja nde ña sáhná ndóhó á ña sáhná Ndióxi nuú nde caja nde. ²⁰ Jáchi a cúu jándacoo nde çahan nde sahá ña naçini nde xihín sahá ña naçini joho nde —cáchi da xihín na saçuahá çán.

²¹ Andá já nacahan cuehe na sacuahá can xihin dá ña ná a jánahá chága da saha Jesús. Joo tóco ndihi ñayivi cája cáhnu na Ndióxi sghá ña nacaja da cán. Ña cán queá najani ñahá na jáchi cóo ñahehe íni na ndá quiahva caja xixi na xihin dá. ²² Ta mé da nandivaha cán ñaxinu chága da nuú ivi jícó cuja tá nandivaha saha dá.

Xíca tahví na cúu cuéntá Jesús nu Ndióxi

²³ Ta tá sa najani Pedro xihin Juan já naquee da cuahan da nuú nasanduva java ga na cúu cuéntá Jesús cán. Ta já nandicani na nuú na cán ña nacahan na sacuahá nuú jutu xihin na sacuahá veñhu cán xihin ná. ²⁴ Tá ñaxini johó java ga na cúu cuéntá Jesús cán ña ndicani da nuú ná já ñacasáhá tóco ndihi na xíca tahví na nuú Ndióxi já cáchi ná já:

—Tátá Ndióxi. Mé ndó cúu Ndióxi ña nacavaha indivi xihín ñuyivi xihín tañhú xihín tóco ndihi ñaha. ²⁵ Sanahá ndivaha tá najándicutú ndaa ndó ínimá David, tásáhnú jícó nde xihin ínimá yíj mé ndó já nacachi ndó já xihin dá ta já nacahví dá:

Ndá cuéntá queá ndivaa ñahá ñayivi ndúu ñuyivi ta ndinuhu ña núu cáhvi ini na caja na.

²⁶ Tóco ndihi da cómi cuéntá sahá ñayivi ndúu ñuyivi xihín da sáhná chuun nuú ñuu nandique táhan na caní táhan na xihín Ndióxi.

Ta cáni táhan na xihín mé a ñacaxi Ndióxi chindahá a cacomí cuéntá sahá ñayivi, nacachi ndó sanahá.

²⁷ Ta mé a ndaa queá yóho jáchi ini ñuu yóho najátaca táhan Herodes xihin Poncio Pilato xihín na tóho xihín na Israel viti. Najátaca táhan na caja núu na xihín Jesús, da cúu jahyi yíj mé ndó, mé a ñacaxi ndó. ²⁸ Joo xihín ña nacaja na yóho ñaxinu cóo nuú ña nasacu ini mé ndó cóo janda jihna ndivaha jáchi cuu caja ndó tóco ndihi ña cúní ndó caja ndó. ²⁹ Ta viti candehé ndó, tátá Ndióxi ndá quiahva cúní na caja xixi na xihin nde. Ta quiahva ndó ñamaní ná candee ini nde ndohó já ná a yíhvi nde cahán nde tuhun vaha saha mé ndó xihín ndá nuú ñayivi nacuu jáchi mé nde cúu nde na cája chuun nuú ndo. ³⁰ Ta xíca tahví nde nuú ndo ña ná cuu ndaja vaha nde na quihvi xihín ndeé mé ndó. Ta ná caja ndó ñamaní ña ná caja cuahá nde ñaha xitúhún xihín cuahá ña náhnú ná cuni ñayivi ña xihín ndeé Jesucristo, jahyi yíj mé ndó cája nde tóco ndihi ña yóho —cáchi ná xíca tahví na nuú Ndióxi.

³¹ Tá nandihí ñaxíca tahví na nuú Ndióxi já ñaquiji nuu vehe nuú ndúu tútú na cán. Ta já nandicutú ndaa ínimá ndihi na cán xihín ínimá yíj Ndióxi ta nandindeé ini na cahán na tuhun Ndióxi nuú ñayivi.

Sáhná java táhan na cúu cuéntá Jesús ñaha cómi na

³² Cuahá ndivaha nasacuu na cúu cuéntá Jesús cán joo chí in jiní ndihi na. Ta ni in túhún na cóo cájihnda ñaha nuú táhan jáchi cáchi na: “Ñaha tóco ndihí queá.” ³³ Xihín ndeé sahan Ndióxi nuú ná cáxi tuhun na apóstol ña nanditacu tucu Jesús. Ta nacaja Ndióxi cuahá ndivaha ñamaní xihín tóco ndihi na cúu cuéntá Jesús cán. ³⁴ Ta ni in na cóo nandimaní ñaha nuú jáchi na íin ñaha nuú tátuhun vehe á ñúhu najícó na ña ta ñehe na mé jjuhún cán ³⁵ ta sahan na ña nuú na apóstol já ná ndicahnda mé ná ña nuú in in na xini ñúhú a. ³⁶ Já nacaja in dataa naní José, da ñaquixi chíchi Leví. Ta cúu dá da ñacacu in isla naní Chipre. Mé da yóho ñachinúu na apóstol quíj dá naní da Bernabé ta mé tuhun yóho cúní cachi a da sahan tuhun ndeé ini ñayivi. ³⁷ Ta mé da naní Bernabé yóho najícó da ñúhu dá ta já nasahan da mé jjuhún da cán nuú na apóstol.

5

Cája Ananías xihín Safira cuachi nu Ndióxi

¹ Joo mé tañu já in da naní Ananías xihín Safira, ñájíhi da najícó na in ñundáhyi ná. ² Joo cóo ñandiquiahva ndihi da jjuhún ña nacayahvi ñúhu cán nuú na apóstol. Ta nacachi da xihín ná ña cán cúu ndihi va ña ñaquehe da saha ñúhu. Joo najándique táhan tuhun da xihín ñájíhi da ña ná candoo chá jjuhún cán nuú ná. ³ Ta tá ñaxinu cóo Ananías ndiquiahva da jjuhún cán nuú Pedro já nacachi Pedro já xihín dá:

—Ndá cuéntá queá nasahun ñamaní nuú tiñáhá sacuahá ñandihvi rí ínimun, Ananías. Ta nasacu inún jándahvún ínimá yíj Ndióxi ta já ñaquehún táhan jjuhún ñachahvi na sahá ñúhu jan. ⁴ Ñaha mé vún nasacuu ñúhu jan, nduu. Ta tá najícún ña, ñaha mé vún cúu rí jjuhún jan va. Nacahvi inún cajún ña núu yóho ta xihín ña ñacajún yóho a juú nuú mé nde cuiti va ñacahún ña tuhún joo ñacahún ña tuhún nuú Ndióxi —nacachi Pedro xihín dá.

⁵ Tá ñaxini johó Ananías ña nacachi Pedro xihín dá jvi laá nandicava da ñaxíhi da sahá cuachi nacaja da nuú Ndióxi. Ta tóco ndihi na ñacandaa ini sahá ña ñayaha yóho ñayíhvi ndivaha na. ⁶ Andá já ñaxinu java da tacú já ñachitiví na ndji cán já ñehe na a cuahan na jánduxu na.

⁷ Ta tá sa ñayaha tátuhun uní hora já ñaquíhvi ñájíhi Ananías nuú ndácaan Pedro cán. Joo ni cóo xini ña ña ñandoho yíj ña. ⁸ Andá já ñandaca tuhún Pedro ña já cáchi da já xihín ña:

—Á mé a ndaa najícó ndó ñúhu ndo ta ñachahvi na tá quiahva nacachi yíun xihín í sahá —nacachi Pedro.

Anda já nanducú ñehe ñá cán tũhun nũ dá já cáchí ña já xihĩn dá:

—Ajan, quiahva já najicó nde ña.

⁹ Anda já ñacachi Pedro já xihĩn ña:

—Mé ndó najándique táhan ndó tũhun ndó coto ndojó ndo ñinima yij Ndióxi. Candehé. Jata vehe jan vaxi na ñasahan najánduxu yiu. Ta viti cañehe ri na yohó va cũhun na jánduxu na —ñacachi Pedro xihĩn ña.

¹⁰ Tá ñacachi Pedro já ivi laá nandicava ñá sahá dá ñaxihĩ ña sahá cuachi ñacaja ñá. Tá ñaxinu coo dá tacú, dá ñasahan najánduxu yij ñá cán já ñaxini na cándũhu ri mé va ñá ñaxihĩ ña. Anda já ñatavá na ña ta najánduxu na ña in xoo mé nuú najánduxu na yij ña cán. ¹¹ Ta tóco ndihi na cúu cuénta Jesús cán xihĩn tóco ndihi java ga na tá ñacandaã ini na sahá ña ñayaha yóho ñayihví ndivaha na.

Sáhan Ndióxi ndéé nuú na apóstol já ná caja na cuahá ñaha xitũhũn

¹² Ta ñacaja Ndióxi ña ná cuu caja na apóstol cán cuahá ñaha xitũhũn xihĩn cuahá ña náhnu tañu ñayivi cán. Ta tóco ndihi na cúu cuénta Jesús ñasataca na yéhe ñũhu cáhnu naní yéhe Salomón. ¹³ Ta java ga ñayivi, na co ndíco ichi cuénta Jesús cán yihví na catáhan na xihĩn na cúu cuénta Jesús yóho. Joo ndijáá java ga ñayivi cán ín toni ñũhũ na xihĩn na apóstol cán. ¹⁴ Ta cuahá ndivaha ñayivi ñacasahá cándũsa na Ndióxi, ña viti ñajhĩ viti. ¹⁵ Ta sahá ña náhnu cãja na apóstol yóho ñatavá na ña quihvi jata véhe ta ñachinduu na ña nuú xito á nu yivi mé nuú yaha Pedro cán. Já queã tá ná yaha da vatĩ candahvi cuiti dá ná cani ndaa jatá java na cán ña ná ndivaha na. ¹⁶ Ta cuahá ñayivi ndũu java ñuu valĩ ndũu yati cán ñehe na ña quihvi xihĩn na ñũhu ínima quini ini vaxi na ñũu Jerusalén ta cán ñandivaha ndihi na.

Jándoho na ini na apóstol

¹⁷ Anda já dá cúu sacuaña nuú jutũ cán xihĩn na cúu cuénta Saduceo cán ñacasahá cáhivhi ndivaha ini na xihĩn na apóstol. ¹⁸ Sahá ña cán queã ñatiin na ña apóstol cán ta ñataán na ña vecãa. ¹⁹ Joo ñũu ñaxinu coo in táto Ndióxi ta ñasuná a yéhe caa cán ta ñatavá a ña ta já ñacachi a já xihĩn ná:

²⁰ —Cuáhán ndó veñũhu cáhnu na ndicani ndó nuú ñayivi sahá tóco ndihi ña cãja Ndióxi, mé a ndijama ñayivi ná ndihvi na ichi cuénta mé á —ñacachi a xihĩn ná.

²¹ Ña cán queã tá ñatĩvi inga quivĩ itaãn já ñandihvi na apóstol veñũhu cáhnu cán ta ñacasahá na jánaña na nuú ñayivi cán.

Joo dá cúu sacuaña nuú jutũ cán xihĩn tóco ndihi na sacuaña cómi cuénta sahá nación Israel cán ñasahnda na chuun nu policia cán ña ná cũhun na tavá na ña apóstol ñũhu vecãa cán ná quixi na nuú na sacuaña cán. ²² Joo tá ñaxinu coo na cúu

policia vecãa cán coo ñandíñehe toho ñahá na. Ta já ñandíco coo na caxi tũhun na xihĩn na sacuaña cán. ²³ Já cáchí na já:

—Tá ñaxinu nde yéhe caa já ñaxini nde ndájĩ tuun a ta ndíta soldado ndáá vaha da ña. Joo tá ñandihvi nde ini vecãa sãndehé nde coo na apóstol cán ná ndíñehé nde.

²⁴ Tá ñaxini joho na sacuaña nuú jutũ xihĩn dá cúu sacuaña nu policia veñũhu xihĩn java ga na sacuaña veñũhu cán ña yóho já ñacasahá ndãca tũhũn táhan na sahá ña ndítahan quixi nu ná chí nuu sahá ña cãja na apóstol yóho.

²⁵ Mé hora já ñaxinu coo in datãa ta cáchí dá já xihĩn ná:

—Na apóstol ñataán ndó vecãa cuni cán, ndíta na jatá veñũhu jánaña na ñayivi —ñacachi dá cán xihĩn ná.

²⁶ Anda já ñasahan dá cúu sacuaña nuú policia xihĩn java ga policia já ñatiin tucu da na apóstol ñasãñehe da na nuú na sacuaña veñũhu cán. Joo coo ñacaja xixi na xihĩn ná jáchĩ ñayihví na ndicuĩta ñayivi cuahá cán cani na ña xihĩn yu. ²⁷ Ta tá ñaxinu coo na xihĩn na apóstol nu ndũu na sacuaña veñũhu cán já ñasacu ndichi na ña nu ná. Anda já ñacachi dá cúu sacuaña nuú jutũ cán já xihĩn ná:

²⁸ —Mé nde ñasahnda nde chuun nu ndó ña ná a jánaña chága ndó sahá Jesús jan. Joo mé ndó sa najándicutú ndó Jerusalén xihĩn ña jánaña ndó jan. Ta cunĩ ndó jácojo ndó cuachi jatá nde ña ñasahnĩ nde Jesús jan —cáchí dá.

²⁹ Anda já nanducú ñehe Pedro xihĩn java ga na apóstol cán tũhun nu ná já cáchí na já xihĩn ná:

—Ndítahan nuú nde caja jihna ñũhũ ga nde ña sãhnda Ndióxi nuú nde, a juú ga ña sãhnda ñayivi nuú nde caja nde. Sahá ña cán queã coo ñacaja nde ña ñacachi ndó xihĩn nde.

³⁰ Ta mé Ndióxi ñacaja cáhnu tásáhnu jíco yo sanahá ñacaja ña ná nditacu Jesús, mé a ñasahnĩ ndo tá ñacata caa ndó a ndjca crũxu. ³¹ Joo ñandíñehe jíco Ndióxi Jesús ta ñasacu a ña xoo cuãha mé á ta ñacaja ña ná nduu Jesús ña cacomĩ cuénta sahá ñayivi Israel ta jácaçu a na já ná a cũhun na indayá. Ta tá ná ndíco coo ini na já caja cáhnu ini Ndióxi sahá cuachi cãja na. ³² Ta ñaxini xihĩn nuú nde tóco ndihi ña yóho ta cáhan nde sahá ta quiahva já cáhan ínima yij Ndióxi sahá ña yóho. Ta chindaha Ndióxi ínima yij mé á cañũhu a ini ná cãja ña cunĩ mé á —cáchí na apóstol xihĩn na cán.

³³ Tá ñaxini joho na sacuaña cán ña ñacachi na apóstol já ivi laá ñaxojo ndivaha ini na xihĩn ná chí cunĩ na cahmĩ ñahá na.

³⁴ Joo ndaja coo ín tañu na cán in dá sacuaña cúu fariseo naní Gamaliel, dá ín toni ñũhũ ñayivi xihĩn. Ta cúu dá dá jánaña ley Moisés nu ná. Ñacandichi dá tañu na sacuaña cán

já ñasahnda da chuun ña ná tava xóo na ña apóstol cán jata véhe. ³⁵ Anda já ñacachi da já xihín ña sacuaḡa cán:

—Candehé ndo, ñaṭṭa Israel. Cuéntá coo ndó á juú caja ndaja ñacuu ndó xihín ña apóstol yóho. ³⁶ Xíní ñúhú ndicuhun ini ndó ña sñahá ñandindita in ña naní Teudas ta ñacachi da xihín ñayivi ña cúú dá in ña ín cuahá saḡa. Ta ñasandico tátuhun comi ciento caha jata dá joo ñasahní ña dá ta tá naxihí ña já ñandicuiṭa nuu tóco ndihi ñayivi naxica jatá ña cán ta xihín ña yóho ñanaá saḡa ndihi ña ñacaja da. ³⁷ Tá ñandihí ña ñandindita inga tucu dá naní Judas, ña ñaquixi estado Galilea mé tiempo cándahvi ñayivi ñuu. Ta cuahá ndivaha ñayivi ñandico jatá ña cán joo ñasahní ri na dá cán va ta tóco ndihi na ñasandico jata dá ñandicuiṭa nuu ndihi na. ³⁸ Saḡa ña cán queá jácahan i ndohó viti ná a quihvi ndáḡa ndó ña apóstol yóho. A quihvi nuu ndó xihín ña cája na jáchí tá jiní mé va na ñaquixi ña cája na já queá ndihi va saḡa ña cája na yóho. ³⁹ Joo tá Ndióxi ñachindahá ña caja na ña cája na yóho já queá a cúú toho caja ndó jándihí ndó saḡa ña cája na. Cuéntá coo ndó jáchí tiḡhva náá xihín Ndióxi cani táhan ndó —cáchi Gamaliel xihín ña sacuaḡa cán.

⁴⁰ Tóco ndihi ña sacuaḡa ñaxini joho nuú ñacahan da cán, ñatahan ini na xihín ña ñacahan da. Anda já ñacana na ña apóstol ta já ñacani na ña xihín churú. Ta ñacachi na xihín ná ña ná a cahan ḡa ña saḡa Jesús nuú ñayivi. Anda já ñajani ñahá ña. ⁴¹ Ta cájii ndivaha ini ña apóstol cán ñaqueta na nuú ñúhu ña sacuaḡa cán jáchí ñasahan Ndióxi ñamari nuú ná ndoho ini na saḡa Jesús. ⁴² Ta ndijáá ní quiví ini veñuhu cáhnu xihín ini vehe ñayivi cahan na ta jánaḡa na saḡa Jesucristo.

6

Cáxi na usá ña cacuu diácono, ña chindeé ña apóstol

¹ Ta mé tiempo cán ndicuaḡa ndivaha ña cúú cuéntá Jesús. Ta ndaja coo ña cahan tuḡhun griego cán ñacasáḡa cahan cuachi ña nuú ña Israel. Mé ña cahan tuḡhun griego yóho cáchi ña ña co ndítahnda in nuú ñaha cája ña Israel tá ndítahnda ña cuxu ña cuáan in in quiví. ² Anda já ñandaja tútu ndíhuxu jvi ña apóstol cán tóco ndihi na cúú cuéntá Jesús já ñacasáḡa cáchi ña já xihín ná:

—Ña ndítahan nuú mé nde, ña apóstol queá caxi tuḡhun nde tuḡhun Ndióxi nuú ñayivi. Saḡa ña cán queá co jáchí nde ndicahnda nde ña cuxu ñayivi. ³ Saḡa ña cán queá xíní ñúhú ndinducú mé ndó usá ṭṭa tañu ndó já ná caja na chuun yóho. Joo xíní ñúhú cacuu na ñayivi cándeé ini ndó. Ta xíní ñúhú cacuu na ña tácu ini. Ta xíní ñúhú cacuu

na ña ñandicutú ndaa ínima xihín ínima yii Ndióxi já ná cuu quiahva ndó chuun yóho nuú ná. ⁴ Ta ña caja mé nde queá ndinuhu ini nde caḡa ṭṭhvi nde nuú Ndióxi tá jánaḡa nde tuḡhun mé á nuú ñayivi —ñacachi ña apóstol xihín ña cúú cuéntá Jesús cán.

⁵ Ta tóco ndihi na ñatahan ini na xihín ña ñacachi ña apóstol. Saḡa ña cán queá ñacaxi na ña naní Esteban. Mé Esteban yóho cúú dá ña cándeé cáhnu ini Ndióxi. Ta cúú dá ña ñandicutú ndaa ínima xihín ínima yii Ndióxi. Ta ñacaxi na ña naní Felipe xihín Prócoro xihín Nicanor xihín Timón xihín Parmenas xihín Nicolás, ña ñaquixi ñuu Antioquia. Mé Nicolás yóho ñacasáḡa cándusa da tá quiahva cándusa ña Israel, nduu joo ñandiquehe da íchi cuéntá Jesús. ⁶ Tá ñandihí ña ñeḡe na cúú cuéntá Jesús cán ndíhuxa ña ñaxinu coo na nuú nduu ña apóstol cán. Anda já ñaxica ṭṭhvi ña nuú Ndióxi saḡa ná. Ta ñachinúu ña apóstol cán ndáḡa ná jiní in in ndíhuxa ña cán ña ná caja na chuun Ndióxi.

⁷ Ta ñacasáḡa ndicuiṭa nuu tuḡhun cahan saḡa Jesús chí ñandicuaḡa ña cúú cuéntá Jesús ñuu Jerusalén. Ta cuahá ña cúú juṭu cán ñacasáḡa cándeé ini na Jesús.

Tín na Esteban

⁸ Ta ndaja coo ñacaja cuahá Ndióxi ñamari xihín in ña naní Esteban cán ta ñandicutú ndaa ínima dá xihín ínima yii Ndióxi chí ñacasáḡa caja da cuahá ñaha náhnu xihín ña xitúhnu nuú ñayivi. ⁹ Joo in quiví ñacasáḡa java na cáni táhan yúhu ná xihín mé Esteban. Ña cán cúú ná cuéntá veñuhu naní Esclavos Libertados xihín java na ñuu Cirene xihín ña ñuu Alejandría xihín ña ñuu Cilicia xihín java ḡa ña ñaquixi ñuu váli ndúu estado Asia ñacasáḡa cáni táhan yúhu ná xihín dá. ¹⁰ Joo a cuú quee vaha na xihín dá jáchí ñasahan ínima yii Ndióxi tuḡhun ndíchí nuú mé Esteban cán ña ná nducú ñeḡe da nuú ná. ¹¹ Anda já ñachahvi ña cán java na já ná cahan ña tuḡhun túhún saḡa Esteban. Ta ñacachi na cán ña ñaxini joho na ña ñacanaḡa Esteban xihín Moisés ta ñacanaḡa dá xihín Ndióxi. ¹² Ta xihín ña yóho najándivaá ná ñayivi xihín ña sacuaḡa veñuhu xihín na jánaḡa ley Moisés. Ta já ñatiin na ña já ñeḡe na ña cuahan ña nuú ndihi ña sacuaḡa ñuu cán. ¹³ Ta ñanducú ña ña cándusa cavaḡa tuḡhun túhún saḡa Esteban ta já ñacasáḡa cáchi dá cavaḡa ña tuḡhún já:

—Cánaḡa ña yóho xihín veñuhu cáhnu Ndióxi yóho ta canaḡa dá xihín ley Moisés. ¹⁴ Ta ñaxini joho nde cáchi dá ña játaní Jesús veñuhu cáhnu yóho, mé ña ñaquixi ñuu Nazaret ta ndijama da costumbre najándacoo Moisés nuú yo —cáchi ña cahan ña tuḡhún saḡa Esteban.

¹⁵ Andá já nandicoto nihni na saçuahá xihín tóco ndihi na ndúu coo cán nu Esteban já naxini na nandiyéhe nuu dá tátuhun in nuu tátó Ndióxi ndúu indivi.

7

Ndiqhehe Esteban saha mé dá nuú na saçuahá

¹ Andá já nandaca tuhún da cúu saçuahá nuú jutú cán Esteban já nacachi da já xihín dá:

—Á ña ndaa cúu ndihi ña cáhan na yóho sahun.

² Andá já nanducú ñehe Esteban tuhun nu ná já nacachi da já:

—A juú toho ña ndaa quéa cáhan na jan sahá i. Joo cuni johó ndó ña ná cáhan i xihín ndo, na saçuahá xihín ñani i. Sanahá ndivaha tá nasahin tásánu jícó yo, da nasananí Abraham ñundáhyi Mesopotamia tá cámani quee da cuhan da coo da ñuu Harán já nanaha Ndióxi mé á nu dá. Ta mé Ndióxi, xitoho í cúu á in Ndióxi cánu ndivaha. ³ Ta já nacachi a já xihín Abraham: “Jándacoo táhún ta jándacoo ñuún ta cuáhán inga ñuu nuú naha i nuún coún”, nacachi Ndióxi xihín dá. ⁴ Andá já najándacoo Abraham ñundáhyi Caldea nuú nasahin da ta já naqúee da cuahan da coo da ñuu Harán. Tá nandihí já naxihí tátá da ta janda já nasandaca Ndióxi Abraham naquixi da nu ndúu yó viti. ⁵ Joo cóo nasahan Ndióxi ñundáhyi nu dá tá nasahin da yóho. Ni in loho ñúhu cóo nasahan mé á nu dá mé tiempo cán. Joo nacachi a xihín dá ña quiahva ña nu dá chágá chí nuu. Ta nacachi a xihín dá ña nduu a ñaha jahyi da tá ná quivi da vatí cámani cacu jahyi Abraham mé tiempo já. ⁶ Ta nacachi Ndióxi xihín dá ña tóco ndihi jahyi da xihín ná quixi chíchí jahyi da cacuu na tátuhun na tóho jáchí canduu na inga ñuu, ña cóo cúu ñuu na. Ta cán cajú chúun na joo a quéhe yahvi na sahá chuun cajú na ta jándoho ndivaha na cán ini na tíxi comí ciento cujá. ⁷ Nacachi tucu Ndióxi xihín dá já: “Joo jándoho í ini ñayivi, na cajú xixi xihín ñayivi quixi chíchún. Ta tá nandihí cajú í ña ná queta ná quixi chíchún ta quixi na chóho já ná cajú cánu na yehe.”

⁸ Ña yóho quéa nacachi Ndióxi xihín Abraham tá nasahan tuhun a nu dá. Ta nacachi a xihín dá ña ná chicao da marca yiquí cuú da já ná a ndíndó da sahá tuhun nasahan Ndióxi nu dá. Ta tá nacacu jahyi Abraham, da naní Isaac já nachicao Abraham marca yiquí cuú da tá naxinu uná quivi nacacu da. Ta quiahva já nacaja ri Isaac xihín Jacob, jahyi da tá nacacu da. Ta sa mé quiahva já nacaja ri Jacob xihín uxu ivi jahyi da tá nacacu da. Ta jahyi Jacob yóho cúu tátá uxu ivi táhnda ñayivi Israel.

⁹ Ta mé jahyi Jacob yóho nasacuu tásánu jícó yo joo nacahíhyi ini na xihín in ñani na, da naní José. Saha ña cán quéa najicó na da cuahan da nación Egipto. Joo nasahin Ndióxi xihín dá. ¹⁰ Ta nachindee a da nu tóco ndihi ña ndoho ini da ta nasahan cuaha Ndióxi xini túni dá. Ta nacaja mé á ña ná tahan ini Faraón, mé rey nación Egipto cán xihín ña cajú José. Saha ña cán quéa nasacu rey cán José ña ná nduu da gobernador saha tóco ndihi nación Egipto cán. Ta nacaja rey cán ña ná cacomí da cuéntá sahá vehe mé rey cán viti.

¹¹ Ta in tañu naxinu tama ndeé ta nacasahá ndóho ndivaha ini tóco ndihi ñayivi ndúu nación Egipto. Ta quiahva já ndoho ri ini na ndúu ñundáhyi Canaan ta chí cóo ñehe ná ña cuxu tásánu jícó yo. ¹² Joo tá nacandaa ini Jacob ña in trigo nación Egipto já nachindahá da jahyi da, na nasacuu tásánu jícó yo cán já nasahan na naheen na ña cuxu na. Ta tá nasahan na nu cuítí yóho cóo nandicuni na ñani na José cán. ¹³ Joo tá nasahan na ña chí ivi chí Egipto cán já najánaha José mé dá nuú ñani da. Ta xihín ña yóho nacandaa ini da cúu rey nación Egipto cán ña cúu José da Israel. ¹⁴ Andá já nasahnda José chuun ña ná cañehe na Jacob, tátá da xihín tóco ndihi na vehe da quixi na canduu na ñundáhyi Egipto cán. Ta tóco ndihi na nasahan cán nasacuu na uní jícó sahun ñayivi. ¹⁵ Já naqúee Jacob cuahan da coo da Egipto xihín tóco ndihi na vehe da. Ta sa mé cán naxihí da ta cán naxihí jahyi da, na nasacuu tásánu jícó yo. ¹⁶ Já nachicaoan na ndji cán ini cáva mé Egipto cán joo tá nayaha tiempo já natavá na lásá na já ñehe na ña nasahan na nachicaoan na ini cáva mé cama santo ña naheen Abraham nuú jahyi in da naní Hamor ñuu Siquem cán.

¹⁷ Ta tá nacayati quivi xinu cóo ña nasahan Ndióxi tuhun a nu Abraham coo já nacasahá cacu cuahá jahyi na naquixi chíchí Israel. Já nandicuaña ná nani ndúu na Egipto cán. ¹⁸ Andá já nacasahá inga tucu rey cómi da cuéntá sahá ñayivi nación Egipto cán ta mé rey saá cán cóo xini toho da José. ¹⁹ Ta mé rey yóho najándahvi da tásánu jícó yo cán ta nacasahá cajú xixi da xihín ná. Ta nacaja ndúsa dá xihín ná ña ná jándacoo na jahyi na, ná jacá nacacu já ná quivi na. ²⁰ Ta mé tiempo já nacacu Moisés ta nasacuu da in ticuáhá loho ña natahan ini Ndióxi xihín. Ta najacuahu tátá naná Moisés yóho mé dá tíxi uní yoo mé vehe mé na cán. ²¹ Joo tá naxinu quivi nditahan nu ná jándacoo na da já nandiquehe ña cúu jahyi rey Egipto cán da já najacuahu ña da tátuhun jahyi ná. ²² Ta najacuaha Moisés tóco ndihi ña xini na ndíchí nación Egipto cán.

Ta nandindíchi ndivaha jiní dá. Ta ñacaja cuahá dá ña náhnu.

²³ Ta tá naxinu Moisés ivi jico cuja já ñasacu ini da coto nihni da ñani táhan da, na ñaquiixi chichi Israel. ²⁴ Tá ñacasaa da nu ndúu na cán já naxini da cája xixi in da Egipto xihín in da Israel. Ta cúnj Moisés ndiquehe da sahá da Israel ña cán quea ñasahní Moisés mé da Egipto cán. ²⁵ Jáchi ñacahan Moisés ña cuu candaa ini na Israel cán ña chindahá Ndióxi da já ná janí da na ndáha na Egipto cán. Joo coo ñacandaa ini na ña yóho. ²⁶ Ta inga quivi itaan tá naxinu coo Moisés nu ndúu na Israel cán já naxini da cáni táhan ivi da ñaquiixi chichi Israel. Anda já ñacasahá Moisés sáhná java táhan da da cán já cáchi da já xihín ná: “Ndaja ñani mé va ndó, a váha toho cája ndó cáni táhan ndaja táhan mé va ndó.” ²⁷ Anda já ñachindahá nihni da cája xixi xihín ñani táhan cán Moisés já ñacachi da já xihín dá: “Ni in toho na coo ñasahan chuun nu yóho cacuún da cacomí cuéntá sahá ndé já ná cuu caja viún sahá ndé. ²⁸ Á tá quiahva ñacajún ñasahnún da Egipto cán cuni quiahva já cúnun cajún xihín í”, ñacachi da cán xihín Moisés. ²⁹ Tá naxini joho Moisés ña yóho já ñayihví ndivaha da chí naxinu da cuahan da chí ñundáhyi cuéntá Madián já ñasahín da cán tátuhun in da tóho. Ta cán ñatandaha dá ta ñacacu ivi jahyi ña da.

³⁰ Ta tá sa ñayaha ivi jico cuja ñasahín Moisés Madián cán já ñanaha in táto Ndióxi mé á nu dá tañu in tohíñú cándaha ñúhu mé yucú íchi yati yucú nani Sinaí cán. ³¹ Ta chí ñacatóntó Moisés xihín ña naxini da ñacaja Ndióxi cán. Ta tá ñacayati da sándehe da ña já naxini joho da cáhan Ndióxi xihín dá já cáchi a já: ³² “Yehe cúu u Ndióxi ñacaja cáhu tásáhnú jícun Abraham xihín Isaac xihín Jacob.” Anda já ñacasahá quíji Moisés xihín ña yihví da ta coo ñasahan ndeé ini da ndicoto nihni da nu cáhan Ndióxi cán. ³³ Anda já ñacachi tucu Ndióxi já xihín dá: “Tavá ndusa sahun jáchi yii ndivaha cúu nu sánun jan. ³⁴ Sa naxini i ndá quiahva ndáhvi ndóho ñayivi cuéntá mí i, na ndúu Egipto ta naxini joho i nu tána na sahá ña jándoho na Egipto jan ini na. Sahá ña cán quea vaxi i chindee e na ta yóho cacuún da chindahá i cuhun Egipto já ná tavún na nu ndóho ini na cán”, ñacachi Ndióxi xihín Moisés.

³⁵ Ñacandají na Israel cán Moisés ta ñacachi na xihín dá: “Coo na ñasacu toho yóho ña ná cacomún cuéntá sahá ndé já ná cuu caja viún sahá ndé.” Joo Ndióxi quea ñachindahá Moisés ña ná cacuu da da cacomí cuéntá sahá na Israel cán ta já ná jácacu da na. Jáchi já ñacachi táto Ndióxi xihín dá tá ñanaha mé á tañu tohíñú cándaha ñúhu cán. ³⁶ Ta mé Moisés ñasahan tucu

da mé Egipto cán ta ñatavá da tóco ndihi na Israel, na ñasanduu Egipto cán ta ñacaja da cuahá ñaha náhnu xihín ña xitúhún mé Egipto cán. Ta quiahva já ñacaja da xihín tañuhú nani Tañuhú Cuahá tá ñasuná da do nuú ñayaha na Israel cán. Ta quiahva já ñacaja da cuahá ña náhnu yucú íchi nuú ñaxica na ivi jico cuja cán. ³⁷ Ta mé Moisés ñacaxi tuhun da xihín ñayivi já ñacachi da já xihín ná: “Tá quiahva ñacaja Ndióxi ñachindahá a yehe nu ndo quiahva já chindahá mé á inga da cacuu profeta nu ndo. Ta mé da cán cacuu da in da quixi chichi mé ndó”, ñacachi Moisés xihín ná. ³⁸ Ta mé Moisés ñasahín da tañu ñayivi Israel, na ñasacuu tásáhnú jícó yo tá ñaxica na yucú íchi cán. Ta xihín mé da cán ñacahan táto Ndióxi jiní yucú Sinaí cán. Ta cán ñasahan Ndióxi ley nu dá já ná ñaha da ña nu yo ña ná caca vaha í íchi cuéntá Ndióxi.

³⁹ Joo coo ñaxeen toho tásáhnú jícó yo cuni joho na nuú ñacahan Moisés xihín ná. Ña cán quea ñacandají na da ta ñacasahá nducú na ndicó coo na Egipto. ⁴⁰ Ta nani ñasahín Moisés jiní yucú Sinaí cán já ñacachi na xihín Aaron, ñani Moisés já: “Cúnj ndé ña ná cavahún tññu yúu Ndióxi caja cáhnu ndé ta ná canuu a cuhun a nuú ndé. Jáchi coo cándaq ini ndé ndia ñandoho Moisés, da ñatavá ndehe nuú ñasanduu nde Egipto cán.” ⁴¹ Anda já ñacavaha na in yoço ñehe ñahná chélo ta já ñasahní na quítí najoco na nuú mé yoço cán. Ta ñacají ndivaha ini na xihín yoço ña ñacavaha mé na cán. ⁴² Anda já ñajándacoo Ndióxi na já ná caja cáhnu na ndá ña cúnj na tátuhun quími xihín yoço xihín candii. Já ñacachi Ndióxi ini libro ñacahyi na profeta sanaha:

Ndóho, na Israel, a juú nu mí i ñasahní toho ndó quítí najoco ndó tañu ivi jico cuja nani ñaxica nuu ndó yucú íchi jan.

⁴³ Ña ñacaja ndó quea ñacaja cáhnu ndó yoço ña ñacavaha mé va ndó.

Ta ñacachi ndó ña cúu mé yoço cán inga ndiόxi nani Moloc.

Ta ñasañehe ndó ña xihín catí á tá cuahan ndo.

Ta ñacavaha ndó inga tññu quími ñacachi ndó cúu á inga tucu ndiόxi nani Renfán.

Ta ñasañehe ndó tññu cán cuahan ndó caja cáhnu ndó coo ñacaja cáhnu ndó yehe.

Ña cán quea tavá i ndóho ñundáhyi na Israel ta chindahá i ndóho in ñuu tóho xicá chága a juú ga Babilonia, ñacachi Ndióxi xihín na cán —ñacachi Esteban xihín na sacuahá ñuu cán.

⁴⁴ Já ñacachi tucu Esteban já xihín ná:

—Vatí ñacaja cáhnu tásáhnú jícó yo java ga yoço joo ñasañehe tá ñasañehe na in veñuhu ní quítí cuéntá Ndióxi tá ñaxica nuu na yucú

íchí nuú cō ndúu ñayivi cán. Jáchí jandá jihna ñasahnda Ndióxi chuun nu Moisés tá quiahva coo mé veñuhu níí quítí cán ta ñasahnda chuun nu dá ña ná cavaha da ña xihín níí quítí. Ta ini mé veñuhu cán nataán da yuu jáhnda nu ndáa ley ñasahan Ndióxi nu dá sanahá. ⁴⁵ Tá sa ñayaha cuahá cuja já ñaxihí Moisés já ñandiquehe da nani Josué chuun ña cañehe da cuéntá sahá tásáhnú jíco yo. Ta mé tásáhnú jíco yo ñacani táhan na xihín ña ñasanduu ñundáhyi yóho. Ta ñajaja Ndióxi ña ná quee vaha na Israel xihín na cán. Ñatavá Ndióxi ña cán já ná canduu na Israel ñundáhyi yóho ta mé tiempo já ña Israel ñeñe na veñuhu níí quítí cuahan na. Ta já ñasahín a xihín ná jandá quívi ñasacomí David cuéntá sahá ña Israel. ⁴⁶ Ñajaja Ndióxi cuahá ñamaní xihín David sahá ña cán queá ñasacu ini David cavaha da in nuú coo Ndióxi, mé a ñajaja cáhnú Jacob sanahá. ⁴⁷ Joo da ñacavaha mé vehe Ndióxi cán ñasacuu Salomón, jahyi David. ⁴⁸ Ta sa cándaqá ini ña a juú quiahva cáhnú cúu Ndióxi ta cō ndácaan toho a ini veñuhu cávaha dataa. Íin in profeta ta ñacahyi da ña ñacachi Ndióxi já:

⁴⁹ Tátuhun in rey, da íin coo silleta vaha, ta chínúu da sahá dá jatá in táyi loho, quiahva já íin coo i indivi ta chínúu i sahá i jatá ñuyívi.

Yehe cómi i cuéntá sahá indivi xihín ñuyívi sahá ña cán queá coo toho vehe cuu cavaha ndó coo yehe,

ta cō xini ñúhú i in vehe nu ndiquehe ndéq. ⁵⁰ Jáchí yehe cúu Ndióxi ña ñacavaha tóco ndihí ñaha, já ñacachi Ndióxi sanahá —ñacachi Esteban xihín ná.

⁵¹ Andá já ñacachi tucu Esteban já xihín ná:

—Joo mé ndó cúu ndó ñayivi saá ini ta cúu ndó tátuhun ña cō xini Ndióxi. Jáchí cō cúní ndó cuni johó ndó ña cáhí Ndióxi xihín ndo ta cō cúní ndó candáa ini ndó tühun Ndióxi. Ta ni cō cúní ndó quiahva ndó ñamaní ndihvi ínimá yíi Ndióxi ini ínimá ndo. Xíxi ndivaha ñasahín ini tásáhnú jíco ndo ta quiahva já cája ri mé ndó viti. ⁵² Mé tásáhnú jíco ndo ñajaja xíxi ndivaha na xihín ndihí na profeta ta ñasahni ñahá ña mé ña yóho ñaquixi na cáxi tühun sahá mé a quixi chí nuu, mé a cō cája cuachi. Ta tá ñaxinu mé a cán já ñajicó tühun ndó a ta ñasahni ndó a. ⁵³ Ta mé ndó cúu ndó ña ñasahan tátó Ndióxi ley nuu joo cō cúní ndó cajú ndó ña cáhí a —ñacachi Esteban xihín ná.

Tá ñasahni ña Esteban

⁵⁴ Tá ñaxini johó ña sacuaña cán tóco ndihí ña ñacahan Esteban já ñaxojo ndivaha ini na xihín dá chí cáhí ñuñu na. ⁵⁵ Joo ñandicutú ndáa ínimá Esteban xihín ínimá yíi Ndióxi ta já ñandicoto nihni

da indivi já ñaxini da ndá quiahva cáhnú cúu Ndióxi ta ñaxini da cándichi Jesús xoo cuáha Ndióxi. ⁵⁶ Andá já ñacachi Esteban já xihín ná:

—Candehé ndó. Núná indivi xini i ta tívi cándichi Jesús xoo cuáha Ndióxi —ñacachi Esteban xihín ná.

⁵⁷ Joo ñachicaji tuun ña cán johó na já ná a cúní johó na ña cáhan Esteban. Ta ñacasáhá cáyuhú cóhó ña cáti na cuahan ña cani na dá. ⁵⁸ Ñatavá ña mé Esteban yuhú ñuu ta cán ñacasáhá cúun na yuu dá. Ta mé ña ñajácojo cuachi jatá Esteban cán ñatavá na cotó ña ta ñachinduu tóo na ña nuú in dá tacú nani Saulo cándichi cán. ⁵⁹ Ta nani cúun ña cán yuu Esteban já ñacasáhá mé Esteban xíca táhvi da nu Ndióxi já cáhí dá já:

—Jesús, mé ndó cúu xitoho i. Ndiquehe ndó ínimá i viti.

⁶⁰ Andá já ñacaxítí Esteban já ñacasáhá cáyuhú cóhó dá já ñacachi da já:

—Jesús, xitoho i, a quehe ndó cuéntá sahá cuachi cája na yóho.

Tá ñandihí ñacachi Esteban tühun yóho já ñaxihí da.

8

Cásáhá Saulo cája xíxi da xihín ña cúu cuéntá Jesús

¹ Ta mé hora ñasahni ña Esteban cándichi Saulo sándehe dá ta ñatahan ini da xihín ña ñasahni Esteban cán.

Ta mé quívi cán ñacasáhá ña cája xíxi chága ña xihín na cúu cuéntá Jesús ndúu ñuu Jerusalén cán. Chí tóco ndihí na cúu cuéntá Jesús ñandicutá nuu na ndijáá chí estado Judea xihín estado Samaria. Joo mé ña apóstol cuítí va coo ñaxita nuu toho na. Ñacandoo ña ñuu Jerusalén. ² Ta java dataa ñandiquehe na yíqui cuñu Esteban cuahan ña jánduxu ña dá tá quiahva íin costumbre ña ta a juú quiahva ñasacu na sahá dá. ³ Ta mé Saulo ñajaja xíxi chága dá xihín ña cúu cuéntá Jesús ta ñaquíhvi da vehe tá vehe na ta ñúhu da ña ta táva dá ña jatá véhe. Coó cajú toho á cúu ná ta a cúu ná ñaha ta já ñeñe da ña cuahan ña vecaa.

Cáhan ña cúu cuéntá Jesús tühun vaha sahá mé a nuú ña estado Samaria

⁴ Ta ña cúu cuéntá Jesús tá ñandicutá nuu na jatá ñuu Jerusalén cán ñacaxi tühun na tühun vaha sahá Jesús níí cúu nu xíca na cuahan ña. ⁵ Ta ndaja coo in dá cúu cuéntá Jesús nani Felipe ñaquee da cuahan dá chí in ñuu cuéntá Samaria ta cán ñacasáhá dá cáhan dá sahá Jesucristo nuú ñayivi. ⁶ Ñacasáhá ndítútú cuahá ñayivi nu dá ta xihín ndinuhu ini na táa johó na nu cáhan dá xihín ná jáchí ñaxini xihín nuu ná cuahá ñaha náhnú cája Felipe. ⁷ Ñandaja vaha da cuahá ñayivi, ña ñasañuhu ínimá quini ini

chí cáyuhú cóhó mé ínimá quini cán tá quéta ini ná quihvi cán. Ta nandaja vaha ri da cuahá na naxihí tuchu ta nandaja vaha ri da na xica réncō. ⁸ Sahá ña cán quéa nacajii ndivaha ini ñayivi ñuu cán xihín ña nacaja da.

⁹ Ta mé ñuu cán nasahjin in da tají nani Simón. Mé Simón yóho nasacuu da in ña, da najándahvi ñayivi Samaria cán jáchí nasacachi da ña cúu dá in da íin ndivaha saha. ¹⁰ Ta tóco ndihi mé ñayivi ñuu cán, á cúu ná na ndahví á na náhnu, nasaxini johó na xihín ndinuhu ini na nuú nasacahan da, nduu. Ta nacachi na sahá dá ña cája da ña náhnu tá quiahva cája Ndióxi. ¹¹ Ta nasacandúsa na nuú nasacahan da xihín ná jáchí tixi cuahá tiempo najándahvi da na xihín ña tají. ¹² Ta ndaja coo nasasáhá na cándúsa na ñuu cán tũhun vaha cáhan Felipe saha Jesucristo, ña cacomí Ndióxi cuéntá sahá ná tá ná candéé ini na Jesucristo. Ta já nasasáhá na cándúta ná, ña xihín ñaha víti. ¹³ Ta jandá mé Simón cán nasacandúsa da ta nasacandúta dá já nasasáhá xica nuu da xihín Felipe. Ta chí cántónto da xini dá ña náhnu xihín ña xitúhún cája Felipe cán.

¹⁴ Ta tá nañehé na apóstol ndúu ñuu Jerusalén cán tũhun ña nandiquehe na Samaria cán tũhun vaha cáhan saha Jesús já nachindahá na Pedro xihín Juan estado Samaria cán. ¹⁵ Ta tá naxinu coo Pedro xihín Juan estado Samaria cán já naxica tahvi na nu Ndióxi sahá na cúu cuéntá Jesús cán ña ná chutú ndaa ínimá ná xihín ínimá yii Ndióxi. ¹⁶ Jáchí sa nasacandúta ná cuéntá Jesucristo sahá ña cándeé ini na mé á joo a ñaha chutú ndaa ínimá ná xihín ínimá yii Ndióxi. ¹⁷ Andá já chójó Pedro xihín Juan ndáha dá jiní in in na cán nani xica tahvi da nu Ndióxi já nachutú ndaa ínimá ná xihín ínimá yii Ndióxi.

¹⁸ Tá naxini Simón ña nachutú ínimá na cúu cuéntá Jesús cán xihín ínimá yii Ndióxi tá chinúu na apóstol ndáha ná jiní ná já cúni da cueen da ndéé Ndióxi cán. ¹⁹ Já nacachi Simón já xihín ná:

—Quiahva ndó ndéé cómí ndó jan nuú i já ná cacomí ri yehe va ña já quéa ndá na ná chinúu i ndahá i jiní ná cuu ndicutú ndaa ínimá ná xihín ínimá yii Ndióxi.

²⁰ Andá já nanducú ñehe Pedro tũhun nu dá já cáchí da já xihín dá:

—Ná jándihi Ndióxi sahun xihín sahá jjuhún cómún jáchí cáhún ña cuu cueún ña jása maní uun Ndióxi nuú ñayivi. ²¹ Coó sahá tohún cajún ña cája nde yóho jáchí co íin vaha toho ínimun nu Ndióxi. ²² Xini ñúhu jándacoún ña núu cáhvi inún jan ta ndítahan caça tahvún nu Ndióxi já ná candehé mé á á cája cáhnu ini a sahun jáchí núu ndivaha cáhvi inún. ²³ Jáchí náha cáxí ña cáhíhvi

ndivaha inún. Cúu á tátũhun mé ña quini nacatō a yohó chí cájún ña núu.

²⁴ Andá já nanducú ñehe Simón tũhun nu Pedro já cáchí da já:

—Caça tahvi ndó nu Ndióxi sahá i já ná a quixi ña núu cáchí ndó jan nuú i —nacachi da xihín ná.

²⁵ Tá nandihí nandicani Pedro xihín Juan sahá ña nacaja Ndióxi xihín ná. Ta tá nandihí nacahan na tũhun Ndióxi nuú na cán já naquee na nasahan na cáhan na tũhun Ndióxi, ña cuu jácacu ñayivi ndijáá ñuu válí ñúhu chí estado Samaria cán. Andá jáví nandicó coo tucu na chí ñuu Jerusalén.

Cáhan Felipe saha Jesús nuú in da naquixi nación Etiopía

²⁶ Tá sa nayaha ña yóho já naxinu in tátō Ndióxi nu íin Felipe estado Samaria cán ta já cáchí a já xihín dá:

—Cuáhán chí sur nu quée íchí ña quéta ñuu Jerusalén cuahán chí ñuu Gaza —nacachi tátō Ndióxi xihín dá.

Ta mé íchí cán yáha nuú co ndúu ñayivi jáchí íchí ndivaha. ²⁷ Andá já naquee Felipe cuahan da. Ta íchí nu xica da cuahan dá cán nanditahan da in datça, da naquixi nación Etiopía. Mé da Etiopía yóho cúu dá in ña cáhnu nación dá jáchí cúu dá da cómí cuéntá sahá jjuhún ña cúu ñaha ña nani Candace, ña cómí cuéntá sahá ñayivi nación Etiopía. Mé da yóho sa nasahan da ñuu Jerusalén caja cáhnu da Ndióxi. ²⁸ Ta tá cuahan tucu da íchí ndicó coo da Etiopía cán ta nani íin coo da jatá carreta já cáhvi da libro nacahví profeta Isaías. ²⁹ Andá já nacahan ínimá yii Ndióxi xihín Felipe já nacachi a já xihín dá:

—Cativi jin carreta cuahan jan.

³⁰ Andá já nacayati Felipe jin carreta cán ta já naxini johó da cáhvi da Etiopía cán libro Isaías. Andá já nandaca tũhun Felipe da já cáchí da já xihín dá:

—Á cándaq inún ña cáhún jan.

³¹ Andá já nanducú ñehe da Etiopía cán tũhun nu Felipe já nacachi da já:

—Ndaja caja i candaq ini i ña cáhvi i tá coó na ndicani nuú i ndía cúní cachi a —nacachi da Etiopía cán xihín Felipe.

Andá já naxica da ñamaní nu Felipe ña ná ndaa da jatá carreta da já ná cacoo da xihín dá ta ná ndicani da nu dá ña cúní cachi a. Chí ndaa Felipe carreta cán.

³² Ta cáhvi da Etiopía cán tũhun Ndióxi nu cáchí a:

Tá quiahva ñehe na in ndicachi cuahan rí quivi rí quiahva já nasañehe na da cuahan da quivi da.

Ta tá quiahva cája ndicachi tá co ndáhyi ri nani ndíjatá na ri quiahva já nacaja mé dá jáchí coo nasuná da yúhu dá cahan da.

³³ Nacaja xixi ndivaha na xihin dá ta coo nacaja ndaa na xihin dá.

Jáchí janda na naquixi chichi nuú naquixi mé dá coo nandiquehe na saha dá.

Ña nacaja na quea nasahni na da já ná a coo ga da ñuyivi yoho, cáchi tuhun Ndióxi nu cáhvi da Etiopia cán.

³⁴ Anda já nandaca tuhún da Etiopia cán Felipe já cáchi da já xihin dá:

—Ta viti caja ndó ñamaní ndicani ndó nuú i ndá cuni cachi a yoho. Á saha mé va profeta yoho cáhan da á sahá inga va da cáhan da.

³⁵ Anda já nacasahá Felipe ndicani da nuú da cán ña nacahyi Isaias já nandicani da tuhun vaha saha Jesús nu dá. ³⁶ Ta tá yáha na cuahan na nu ñuhu ticuij já nacachi da Etiopia cán já xihin Felipe:

—Yoho ñuhu ticuij. Á cuu caja ndúta ndó yehe —nacachi da xihin Felipe.

³⁷ Anda já nacachi Felipe xihin dá:

—Tá cándéé ini ndó Jesús xihín ndinuhu ini ndó ta cuu va candúta ndo.

Anda já nanducú ñehe da cán tuhun nu Felipe já cáchi da já:

—Cándusa i ña cúu Jesucristo in túhún jiní já jahyi Ndióxi —nacachi da Etiopia cán.

³⁸ Chí jvi laá nasahnda da Etiopia cán chuun ña ná caní ndichi na carreta cándójo na cuahan na cán. Anda já nanuu ndívi da cuahan da nu ñuhu ticuij ta já najacandúta Felipe da Etiopia cán. ³⁹ Tá nandihí naqee na ini ticuij cán já ñehe ínimá yij Ndióxi Felipe cuahan da inga xoo chí coo naixiní táhan chága da xihín da Etiopia cán. Joo cájij ini da Etiopia cán cuahan da íchi. ⁴⁰ Tá nandicoto nihni Felipe sa íin da in ñuu naní Azoto. Ta tá ñuu tá ñuu cuahan da cáhan da tuhun vaha saha Jesús nuú ñayivi anda quiahva naixinu coo da ñuu Cesarea.

9

Ndiqee Saulo íchi cuéntá Jesús (Hch. 22:6-16; 26:12-18)

¹ Joo ndaja coo da naní Saulo cája xixi tá cája xixi da xihín na cúu cuéntá Jesús. Ta sácú ini da ndaja caja da cahni da na. Ta sahá ña cuni da jándihi da saha ná sahá ña cán quea nasahan da cáhan da xihín da cúu sacuaḥa nuú jutú ² ña ná quiahva na in carta nu cáhan ña ñeḥe dá ñamaní quihvi da veñghu ñuhu ñuu Damasco já ná ndinducú da ná ndicó íchi cuéntá Jesús já ná cató da na cañehe da na quixi na cuḥun na vecaa ñuu Jerusalén. Co cája toho a á cúu ná ṭaa á ñáḥa. Chí naqee Saulo ñuu Jerusalén xihín mé carta. ³ Joo nani xíca da cuahan da íchi tá sa yati xinú coo da ñuu Damasco já in náá cuítí nandiyihvi ndaa ñuhu jata dá. Mé ñuhu yoho naquixi a chí indiví. ⁴ Chí jvi laá nandicava Saulo nu ñuhu. Anda já naixiní

joho da cáhan in a xihín dá já cáchi a já xihín dá:

—Saulo, Saulo. Ndá cuéntá quea cája xísún xihín i —cáchi a xihín dá.

⁵ Anda já nacasahá ndáca tuhún Saulo já cáchi da já:

—Yo cúu ndó, na cáhan. Ndaja naní ndo —cáchi da.

Anda já nanducú ñehe a cán tuhun nu dá já cáchi a já xihín dá:

—Yehe cúu u Jesús, mé a cája xísún xihín. Ta xihín ña cájún yoho cúu á tátuhun cája xísún xihín mé vún jáchi cájún tátuhun cája in túndiquí tá sání ndaa rí nu yóco poya ta jándicueḥe rí mé va rí.

⁶ Anda já nacasahá quiji Saulo xihín ña yihví dá já nacachi da já:

—Cahan ndó xihín i, xitoho i ndía quea cuni ndó ná caja i —cáchi da.

Anda já nanducú ñehe Jesús tuhun nu dá já cáchi a já xihín dá:

—Cuándaco ta cuahán quihvi ñuu Damasco. Ta jan cahan na cuḥun ndía ndítahan cajún —cáchi Jesús.

⁷ Ta tóco ndihi da cáshah xihín Saulo cán nayihvi ndivaha da jáchi naixiní joho da ña cáhan cán vatí coo ñayivi ná xini da. ⁸ Tá nandihí já nandaco Saulo nu ñuhu. Joo tá nasuná da nduchú núu da chí co tivi ga nuu dá. Sahá ña cán quea jandá tün ndaa na da cuahan da chí Damasco. ⁹ Cán nasahjin cuáa dá tixi uní quivi ta chí coo naixixi da ta ni ticuij coo naixihi da.

¹⁰ Mé ñuu Damasco cán nasahjin in da cúu cuéntá Jesús naní Ananías. Ta ndaja coo naixiní ndímáhnú da Jesús ta nacahan xihín dá já nacachi a já:

—Ananías.

Anda já nanducú ñehe da tuhun nu á já cáchi da já:

—Yoho íin i. Ndía cuni ndo, xitoho i.

¹¹ Anda já nacachi Jesús xihín dá:

—Candichi ta cuahán cáyé naní a Ndacú Ndaa. Ta vehe da naní Judas cán ndaca tuhún sahá in da naní Saulo, da nacac ñuu Tarso. Viti ñuhú xíca ṭahví da nu Ndióxi ndácaan da. ¹² Jáchi naixiní ndímáhnú da ña quihvi mún. Ananías vehe nu ndácaan da. Ta naixiní da ña chínúún ndáhnun jiní dá ta já cuu candehé tucu da —nacachi Jesús xihín Ananías.

¹³ Tá naixiní joho Ananías ña yoho já nacachi da já:

—Candehé ndo, xitoho i. Yihví i cuḥun i jáchi sa cuahá ndivaha ñayivi ndicani nuú i sahá mé Saulo jan. Ta ndicani na nuú i ndá quiahva xixi cája da xihín na cúu cuéntá mé á, na ndúu ñuu Jerusalén. ¹⁴ Ta viti vaḥi da jan ñuu yoho jáchi sa naixíca da ñamaní nuú na sacuaḥa nuú jutú ña ná cuu jataca da tóco ndihi na cája cáhnu mé ndó já ná cañehe da na cuḥun na vecaa —nacachi Ananías.

15 Andá já ñacachi Jesús já xihín Ananías:
 –Cuáhan guí jáchí sa ñacaxi i da ña ná cahan da sahá i nuú ñayivi java ga nación ta quiahva já cahan da sahá i nuú na cómi cuéntá sahá na cán. Ta ñacaxi i da ña ná cahan da sahá i nuú na ñaquixi chichi Israel viti. 16 Ta jánaḡa i nu dá ndá quiahva ndítahan ndoho ini da sahá i –ñacachi Jesús.

17 Andá já ñaquee Ananías cuahan da vehe nu ún Saulo cán. Tá ñaxinu da cán já ñachinu da ndáḡa dá jiní Saulo já ñacachi da já xihín dá:

–Ñani Saulo. Mé Jesús, xitoho í, mé á ñaxínun nuú ñaquisun íchi cán, mé á cán quéḡa ñachindahá yehé vaxi i já ná ndinuna nduchú núun já ná cuu candehé tucún. Ta já cúnj Ndióxi ña ná ndicutú ndḡa Inimun xihín inima yji mé á –ñacachi Ananías xihín Saulo.

18 Chí jvi laá ñacasáhá cuyu ñaha tátuhun runchu tiyacá nduchú núu Saulo chí ñanuna nuú dá sándeḡé tucu da. Andá já ñasahan Saulo ñacandúḡa dá. 19 Tá ñandihí já ñaxixi da ta ñandihvi tucu ndéḡe dá ta ñasahjin tóo da chá quiví xihín na cóu cuéntá Jesús ndúu ñuu Damasco cán.

Cahan Saulo saḡa Jesús nuú ñayivi ñuu Damasco

20 Tá ñandihí já ñacasáhá Saulo jánaḡa da tuhun Ndióxi ini veñuhu ta jánaḡa da ña cóu Jesús in túhun jiní já jahyi Ndióxi. 21 Ta tóco ndihí na táa joho nu cahan da cátónto na cája da. Já cáchi xihín táhan na já:

–Á a juú da yóho cóu da ñandicuita cája xixi xihín na cóu cuéntá Jesús ñuu Jerusalén, nduu. Á a juú sa mé da yóho vaxi da tiin da na cóu cuéntá Jesús mé ñuu yóho já ná cuhun na nuú na saḡaḡa nuú jutú já ná taán ñaha na vecaá –ñacachi xihín táhan na.

22 Joo ví ga ví ndindeé ini Saulo cahan da tuhun Ndióxi. Ta náḡa da nuú ñayivi ña mé Jesús cóu Cristo, mé á ñachindahá Ndióxi cacomí cuéntá sahá ñayivi. Janda quiahva já najáḡaḡa da xini túnj na ñaquixi chichi Israel ndúu Damasco cán xihín tuhun cahan da xihín ná.

Xinu Saulo nuú java na Israel jáchí cúnj na cahní na da

23 Tá sa ñayḡa cuahá quiví já ñajandique táhan na ñaquixi chichi Israel cán tuhun na ña cahní na Saulo. 24 Joo ñacandaḡa ini Saulo ña ndúcú na cahní na da. Ta mé na ndúcú cahní Saulo cán ñasandata na ñuu ta ndiví yehé ñuu cán janda quiahva ná queta da já ná cahní na da. 25 Joo in ñuu na cóu cuéntá Jesús ndúu ñuu Damasco cán ñachicaḡan na da ini in toyicá cáhu já najánuu na da ndica námḡa cáhu ndájí yuhú ñuu cán já ñacacu da ta ñaquee da cuahan da.

Cuahan Saulo ñuu Jerusalén

26 Tá ñaxinu coo Saulo ñuu Jerusalén já ñanducú da ndique táhan da xihín na cóu cuéntá Jesús ndúu cán. Joo tóco ndihí na cán ñayihvi na da jáchí co cándusa na ña sa ñandiquehe da íchi cuéntá Jesús. 27 Joo ñandiquehe Bernabé saḡa Saulo. Ñasahan da najánaḡa da da nuú na apóstol cán já ná ndique táhan na xihín dá. Ta ñandicani Bernabé nu ná ndaja ñasahjin tá ñaxini Saulo Jesús íchi nu xica da cuahan da chí ñuu Damasco. Ta ñandicani da ña ñacahan Jesús xihín Saulo. Ta ñandicani da ña cóo ñayihvi Saulo cahan da saḡa Jesús ñuu Damasco. 28 Andá já ñandiquehe na Saulo ta ñacandḡo da ñuu Jerusalén. Ta ñacasáhá xica nuu da xihín na apóstol. 29 Ta co yihvi da cahan da sahá Jesús. Ta ñanditúhún da xihín na ñaquixi chichi Israel, na cahan tuhun griego ndúu ñuu cán. Joo mé na cán ndúcú na ndá quiahva caja na cahní na da. 30 Tá ñacandaḡa ini na cóu cuéntá Jesús ña ndúcú na cahní na Saulo já ñéhe na da cuahan da ñuu Cesarea. Andá já ñachindahá na da cuanúhu dá ñuu Tarso.

31 Andá já ñanduu vaḡa ini tóco ndihí na cóu cuéntá Jesús ndúu ndijáá estado Judea xihín estado Galilea xihín estado Samaria. Ta ñandindacu cháḡa ví ini na xihín tuhun Ndióxi. Ta xihín ndinuhu ini na cája cáhnu na Ndióxi. Ta chíndeé inima yji mé á na. Ta já ñandicuaḡa cháḡa na cuahan na.

Ndivaḡa in da naní Eneas

32 Ta ndaja coo xica nuu Pedro xito nihni da na cóu cuéntá Jesús ndúu ñuu válí cán. Ta já ñasahan ri da xito nihni da na cóu cuéntá Jesús ndúu ñuu Lida. 33 Cán ñanditahan da in daḡa naní Eneas, da ñaxihí tuchu saḡa. Ta tíxi unḡa cuḡa ñasandúhu dá jáchí a cuú caca da. 34 Andá já ñacahan Pedro xihín dá já ñacachi da já:

–Eneas, viti ndája vaḡa Jesucristo yohó. Cuáhan ndacoo. Nditivún yivun –cáchi Pedro xihín dá.

Chí jvi laá ñandacoo Eneas. 35 Tóco ndihí na ndúu ñuu Lida xihín na ñuu Sarón ñaxini na da ñandivaḡa yóho ta anda já najándacoo na costumbre yatá ñasacaja na já ñandiquehe na íchi cuéntá Jesús, xitoho í.

Nditacu in ñañáḡa naní Dorcas

36 Ta ndaja coo ñasahjin in ñañáḡa, ña cóu cuéntá Jesús ñuu Jope. Ta mé ñañáḡa yóho naní ña Tabita ta tuhun griego cáchi na Dorcas xihín ña. Ta mé Dorcas yóho ní tiempo ñandihí ini ña cája ña ñamanj xihín ñayivi ta ñachindeé ña na ndahví. 37 Ta mé tañu já ñaquehe cuḡe Dorcas ta ñaxihí ña. Ta tá sa ñandicata na yiquí cuñu ña já ñéhe na ña ñasahan na ñachindúhu ná ña piso njnu vehe cán. 38 Ta yati va ñéhe táhan ñuu Jope cán xihín ñuu Lida nu ún Pedro. Tá ñacandaḡa ini na cóu cuéntá Jesús ña ún yati

Pedro já nãchindahá nã ivi dataa ñasahan da cana da Pedro ñã ná cuhũn quĩ dá ñuu Jope cãn.

³⁹ Andã já ndãca táhan Pedro cuahan da xihĩn ndĩvĩ dataa cãn. Tá nãxĩnu cõo Pedro ñuu Jope cãn já najãquĩhvi na dá ini vehe nu ndãcaãn mé ndĩ Dorcas cãn. Nãtaca tĩyivĩ cuahã najĩhĩ cuãan ndũu na sãcu ndivãha na saha ñã nãxĩhĩ cãn. Ta najãnaãha nã jáhãma ñã ñacavãha Dorcas nu dá tá ñasatacu ñã. ⁴⁰ Andã já ñacachi Pedro xihĩn ndihĩ ñãyivi ndũu cãn ñã ná quee tóo na jatã vehe. Tá sa ñaqueta nã cãn já ñacaxitĩ dá xĩcã tahvĩ da nu Ndióxi. Andã já ñacasáhã sãndehé da ndĩ cãn já ñacasáhã cáchĩ da já xihĩn ñã:

—Cuáhãn ndacõo, Tabita.

Tã ñacachi da já chí ivi laã ñanũna nduchũ núu ñã ñanditacu ñã. Tá ñaxini ñã Pedro já ñasacõo ñã. ⁴¹ Andã já nãtiin Pedro ndãhá ñã já nãndĩnehe da ñã. Andã já ñacana da ñã cúu cuéntã Jesũs xihĩn ñã cuãan cãn ná quĩhvi tucu na cãn jáchĩ sa ñanditacu ñã. ⁴² Tóco ndihĩ ñãyivi ñuu Jope cãn ñacandãã ini na ñã ñanditacu Dorcas chí cuahã ná ñacandũsa na Jesũs ta ñãndĩhvi na íchĩ cuéntã mé á. ⁴³ Ta chí ñacandõo Pedro cuahã quĩvĩ ñuu Jope cãn. Ñacandõo tóo da vehe in da nanĩ Simõn, da ndãja viĩ nĩ quĩti.

10

Cãhan Pedro tuhun vaãha saãã Jesũs nu Cornelio

¹ Ta ndaja coo ñasahĩin in dataa nanĩ Cornelio ñuu Cesarea cãn. Ta mé Cornelio yóho cúu dá da cómi cháun nuũ iĩũ ciento soldado. Ta mé táhndã soldado yóho nanĩ a Táhndã Italiano. ² Ta mé Cornelio yóho xihĩn tóco ndihĩ na vehe da cája cáhnu na Ndióxi xihĩn ndinuhu ini na. Tá jásdã da jĩũhũn da ñã chĩndé da ñã ñaquixĩ chĩchĩ Israel. Ta nĩ tiempo xĩcã tahvĩ da nu Ndióxi. ³ In quĩvĩ tátũhun cãã unĩ saãhini nanĩ xĩcã tahvĩ da nu Ndióxi já ñaxini cáxĩ táhỹ da ñaquĩhvi in tátõ Ndióxi ini vehe nu ndãcaãn da já ñacachi a já xihĩn dá:

—Cornelio.

⁴ Ta chí nayĩhvi Cornelio sãndehé da tátõ Ndióxi cãn. Andã já ñacachi da já:

—Ndĩã cũnj ndõ, tátõ Ndióxi.

Andã já ñanducũ ñehe tátõ Ndióxi cãn tuhun nu dá já cáchĩ a já xihĩn dá:

—Xĩnĩ johõ Ndióxi tá xĩcã tahvũn nu á ta sa xĩnĩ a ñã ñachĩndé cuahũn ñã ndãhvi. Ta táhãn ini mé á xihĩn ñã cájũn. ⁵ Ta viti cũnj Ndióxi ñã ná chĩndahũn java dataa ná cuhũn da ñuu Jope já ná cana da da nanĩ Simõn, da cáhan tucu na Pedro xihĩn ná quixĩ da. ⁶ Ín tóo Pedro vehe inga da nanĩ Simõn, da ndãja viĩ nĩ quĩti. Ta yati yuhũ taũhũ íin vehe da. Ta mé Pedro cãn cãxi

tũhun da xũhũn ndĩã ndítahan nuũn cãjũn — ñacachi tátõ Ndióxi cãn.

⁷ Tá sa ñaquee tátõ Ndióxi cãn cuahan já ñacana Cornelio ivi mozo da ta ñacana da in táhan soldado, da cómi dá cuéntã saãã. Ta mé soldado yóho cúu dá in da cája cáhnu Ndióxi. Ta cándé ini Cornelio da. ⁸ Ta tá ñãndĩhĩ ñãndicani Cornelio nu ndĩhũn da ñã ñacachi tátõ Ndióxi xihĩn dá já ñachindahã ñãhá da cuahãn da ñuu Jope.

⁹ Ta inga quĩvĩ itãan xĩca nã cãn cuahan ñã íchĩ ta sa yati xĩnu cõo na ñuu Jope. Ta cúu á tátũhun cãxĩvĩ ta mé hora já ñãndãã Pedro jĩnĩ vehe cããã tahvĩ da nu Ndióxi. ¹⁰ A juũ quĩãhva cuĩco Pedro chí ñaxĩcã da ñã cuxu da. Ta nani cája ndĩvĩ ñã ñã cuxu da já najãnaãha Ndióxi in ñãha nu dá. ¹¹ Ta ñã ñaxini da queã ñãndĩnũna ndĩvĩ a ñanuu in jáhãma cáhnu tátũhun in sãbanã ñã ndĩcõ ndĩcõmĩ tĩtõ ta núu a vaxĩ ñũyivĩ yóho xĩnĩ da. ¹² Ta mé ini jáhãma cãn ñũhu tá nuũ quĩti, rĩ comĩ saãã xihĩn cõõ xihĩn laa viti. ¹³ Andã já ñaxini johõ da cáhan in a xihĩn dá já ñacachi a já:

—Pedro. Candichi ta cãhnĩ quĩti ñã casũn.

¹⁴ Andã já ñanducũ ñehe Pedro tuhun já cáchĩ da já:

—A cája toho jĩ já, xitoho jĩ jáchĩ ni in tũhũn taũã a ñãhá caxĩ jĩ quĩti quĩnĩ tátũhun rĩ yóho. Jáchĩ cáchĩ ley ñasahan ndõ nuũ nde ñã ná a cáxĩ toho nde rĩ —cáchĩ Pedro xihĩn á.

¹⁵ Andã já ñacãhan tucu a xihĩn dá já ñacachi a já:

—Sa ñãndaja viĩ va Ndióxi rĩ ñã. Sãhá ñã cãn queã cõ ndítahan cachũn ñã cúu rĩ rĩ quĩnĩ —cáchĩ a xihĩn dá.

¹⁶ Tĩxi unĩ táhndã ñaxini da ñã yóho ñacaja Ndióxi. Andã já ñãndĩndita tucu jáhãma cãn cuahãn chí ndĩvĩ. ¹⁷ Chí ñacasáhã ndĩcãni ini Pedro ndĩã cũnj cãchĩ ñã ñaxini da. Ta xihĩn ñã yóho ñaxĩnu cõõ ndĩhũn dataa, da ñachindahã Cornelio mé vehe nu íin Pedro cãn. Jáchĩ vaxĩ da ndacã tuhũn da saãã vehe Simõn jãnda quĩãhva ñãnditahan da ñã. ¹⁸ Ndĩta ndĩhũnĩ da cãn yuyéhé vehe Simõn ta cáyuhũ da ndãcã tuhũn da saãã in da nanĩ Simõn, da cáhan tucu na Pedro xihĩn. ¹⁹ Ta nani ndãcã tuhũn ñã yóho íin yĩĩ va Pedro jĩnĩ vehe cãn ndĩcãni ini da saãã ñã ñaxini da ñacaja Ndióxi cãn. Andã já ñacãhan ínĩmã yĩĩ Ndióxi xihĩn dá já cáchĩ a já:

—Cãndehé, ñãndãni cuu unĩ tãã vehe yóho ta ndĩnducũ da yohõ. ²⁰ Cuáhãn nuu cuhũn xihĩn dá ta a ndĩcãni inũn jáchĩ mĩ jĩ ñachindahã jĩ da vaxĩ —cáchĩ a xihĩn Pedro.

²¹ Andã já ñanuu Pedro já ñaxĩnu da nu ndĩta dataa ñachindahã Cornelio cãn. Já ñacachi Pedro já xihĩn dá:

—Yeãe cúu Pedro, da vaxĩ ndõ ndĩnducũ ndõ ta viti cãchĩ ndõ xihĩn jĩ ndã queã cũnj ndõ.

²² Andá já nanducú ñehe da cán tũhun nu Pedro já cáchi dá já:

—Da nani Cornelio cúu da ñachindahá ndehe vaxi nde. Mé Cornelio cúu dá in da cómi cuéntá sahá ñũ ciento soldado. Mé dá cúu dá in taa cája ña ndaa. Ta cája cáhnu da Ndióxi. Ta quĩhvĩ ndivaha ini na Israel da. Ta ñaçahan in táto Ndióxi xihĩn dá ña ná chindahá da ndehe cana nde ndohó cũhun ndó vehe da já ná çahãn ndó xihĩn dá ndá quẽa cúni Ndióxi caja da —cáchi da xihĩn Pedro.

²³ Andá já najáyaha Pedro ndĩhuni dataa cán ini vehe. Já ñaçandoo da cán naquiji da ñuu vehe Simón cán. Ta inga quĩví itaan já ñaquee Pedro cuãhan da xihĩn ndĩhuni dataa cán. Ta ndáca Pedro java na cúu cuéntá Jesús ndũu ñuu Jope cán cuãhan na xihĩn dá.

²⁴ Janda inga quĩví itaan já naxinu ço na ñuu Cesarea nu ñin Cornelio ndáti da na. Mé Cornelio yóho sa najátaca da tóco ndihĩ na vehe da xihĩn java na ñehe táhan vaha xihĩn dá ndũu na xihĩn dá ndáti na saã Pedro. ²⁵ Tá naxinu ço Pedro vehe cán já ñaqueta Cornelio ndiquehe ñahá da. Ta tá nandihĩ já ñacaxitĩ Cornelio nu Pedro ña caja cáhnu ñahá da. ²⁶ Joo ñasacu ndichĩ Pedro da já ñacachi Pedro já xihĩn dá:

—Candichi jáchi ñayivi xihĩn mé vún cúu yehe.

²⁷ Sa já çahan Pedro xihĩn dá ndáca táhan da nandihvi da ini vehe. Ta tá nandihvi da cán já ñaxini Pedro nanditútu cuãhá ñayivi ndũu na cán. ²⁸ Andá já ñacasáhá Pedro çahan da xihĩn ná já cáchi da já:

—Sa xini vaha ndó ña cúu yehe in da ñaquixi chichi Israel. Ta sa xini ndó ña sáhdhá ley nuú nde ña ná a catáhan nde xihĩn ñayivi tóho. Ta ni vehe na ná a ndihvi nde cáchi ley. Joo viti najãnaã Ndióxi nuú i ña ço cúu ndehe ñayivi vii çága a juú ga ndohó, na tóho. ²⁹ Sahá ña cán quẽa tá ñacana ndó yehe ivi laá ñaquee e vaxi i. Ta ni ço nandaja ndichĩ i da ndáca yehe vaxi i yóho. Ta viti cúni candaã ini i ndá cuéntá quẽa ñacana ndó yehe vaxi i —cáchi Pedro.

³⁰ Andá já nanducú ñehe Cornelio tũhun nu Pedro já cáchi dá já:

—Janda cómi quĩví tátũhun hora viti, xijuhun i ta xica tahví i nu Ndióxi ndácaan i vehe e. Ta tá ñasandehé e já ñaxini i in dataa ndixĩ jahmá yehe cándichi da nuú i. ³¹ Já ñacachi da já xihĩn i: “Cornelio, sa xini joho Ndióxi nu xica tahvũn nu á. Ta quẽe a cuéntá sahá ñamanĩ cájũn xihĩn na ndahví. ³² Ña cán quẽa chindahá java dataa ná cũhun da ñuu Jope cana da Simón, da çahan tucu na Pedro xihĩn ná quixi da çahan da xũhun. Viti ñin tóo da vehe in da nani Simón, da ndája vii ñi quiti. Ta yati yuhú tañuhú ndácaãn vehe da”, ñacachi táto

Ndióxi cán xihĩn i. ³³ Sahá ña cán quẽa ivi laá ñachindahá i mozo i ñasaa da nducú da ndohó. Ta vaha ñacaja ndó vaxi ndó. Ta viti nanditútu ndihĩ nde ndáti nde nu Ndióxi. Ta cúni nde cuni joho nde tóco ndihĩ ña ñasahnda Ndióxi nu ndó cachi ndó xihĩn nde —cáchi Cornelio xihĩn Pedro.

Cáxi tũhun Pedro nuú ñayivi vehe Cornelio

³⁴ Andá já ñacasáhá çahan Pedro já ñacachi da já:

—Viti candaã ini i ña ço na náhnu çága a juú ga inga na nu Ndióxi jáchi nu mé á in cúu ndihĩ vi. ³⁵ Ña cája mé á quẽa ndiquehe vaha ndá ñayivi ñacuu tá cãdeé ini na mé á ta cája na ña vaha. Çó çaja toho a á cúu ná na Israel á na tóho. ³⁶ Ñacaxi tũhun Ndióxi nuú ñayivi Israel ndá quiahva cuu coo vaha ini na tá cãdeé ini na Jesucristo, mé á cúu xitoho toco ndihĩ. ³⁷ Sa candaã ini ndó ndaja ñasahĩn tá ñacasáhá Juan cáxi tũhun da nuú ñayivi ndũu estado Galilea ña ná ndicó ço ini na nuú cuachi na ta já ná candúta na. Ta nandicũta nuu tũhun ndijáã nu ndũu na Israel. ³⁸ Ta sa candaã ini ndó ndaja ñacaja Ndióxi xihĩn Jesús, mé a ñaquixi ñuu Nazaret. Najãndicutú ndaa Ndióxi Jesús xihĩn ñima yii mé á ta najãndicutú a ña xihĩn ndeé mé á. Ta mé Jesús ñaxica nuu a cája ndinuhu ña vaha xihĩn ñayivi. Ta nandaja vaha mé á na ñasãndoho ini ñacaja tiñhá sacuaãa. Ñacaja Jesús ña yóho jáchi ñasahĩn Ndióxi xihĩn á. ³⁹ Ta mé nde, na apóstol cúu na ñaxini ña ñacaja Jesús tóco ndihĩ ña yóho tá ñasahĩn a estado Judea ta tá ñasahĩn a ñuu Jerusalén. Andá já ñasahĩn na mé á tá ñacata caa na a ndica crúxu. ⁴⁰ Joo tá nayaha unĩ quĩví já najãnditacu Ndióxi Jesús ta ñacaja Ndióxi ña ná ñaha Jesús mé á nuú nde. ⁴¹ Çó ñanaã toho Jesús mé á nu tóco ndihĩ ñayivi. Nuú ndehe, na ñacaxi Ndióxi cuiti va ñanaã Jesús mé á. Jáchi janda jihna ñacaxi mé á ndehe ña ná cuni nde ña ta ná çahan nde xihĩn ñayivi saã mé á. Ta tá sa nanditacu tucu a tañũ ndii cán já ñaxixi nde xihĩn á. ⁴² Ta mé á ñachindahá ndehe çaxi tũhun nde nuú ñayivi saã Jesús ta ná ndicani nde nu ná ña ñasacu Ndióxi mé Jesús ña ná caja vii a sahá ñayivi. Çó çaja toho a á tácu na á ñaxihĩ na. ⁴³ Ta jári na profeta va janda sanahã ñaçahan na saã Jesús ta ñacachi na ña caja cáhnu ini Ndióxi sahá cuachi ndijáã ñayivi tá ná cãdeé ini na mé á —cáchi Pedro xihĩn ndihĩ na ndũu vehe Cornelio cán.

Jãndicutú Ndióxi na ço ñaquixi chichi Israel xihĩn ñima yii mé á

⁴⁴ Ta nani çahan Pedro cándichi da já ñaxinu ñima yii Ndióxi najãndicutú a ñima tóco ndihĩ na táa joho ña çahan da cán. ⁴⁵ Ta na cúu cuéntá Jesús, na ñaquixi chichi

Israel, na ndáca Pedro vaxi xihin dá cán, nacatónó na tá naxini na nandicutú na tóho cán xihin ínimá yii Ndióxi. ⁴⁶ Ta xini na ña cúú á ña ndaa jáchí naxini johó ña cája cáhnu na Ndióxi ta cáhan na inga tuhun ña cóo ñasatíahva na. ⁴⁷ Andá já ñacachi Pedro já:

—Cája i cuéntá ni in tühún toho ñayivi á cúu caji nuu nuú na tóho yóho ña ná candúta ná jáchí sa nandicutú ínimá ná xihin ínimá yii Ndióxi tátuhun nandicutú mé nde xihin á — cáchí Pedro.

⁴⁸ Andá já ñasahnda Pedro chuun ña ná jácandúta ná na cuéntá Jesucristo. Tá nandihí já ñaxica tahví na cán nu Pedro ña ná candóo da chága quívi xihin ná.

11

Ndicani Pedro nuú na cúú cuéntá Jesús ndúu ñuu Jerusalén sahá ña nayaha vehe Cornelio

¹ Tóco ndihi na apóstol xihin na cúú cuéntá Jesús ndúu estado Judea ñañehe ná tuhun ña nandiquehe ri na cóo ñaquixi chichi Israel tuhun Ndióxi. ² Ta tá nandicó cóo Pedro chí ñuu Jerusalén já ñacasahá in táhnda na cúú cuéntá Jesús ndúu ñuu cán cáhan núu na sahá dá. Mé na yóho cáhan na ña ndítahan nuú na tóho cahnda loho na yiquí cuñu na tátuhun ín costumbre na Israel. ³ Já cáchí na já xihin dá:

—Ndá cuéntá queá ñasahún ñaxito nihnú na cóo ñaquixi chichi Israel. Ta ndá cuéntá queá ñaxisún xihin ná. Á váha toho ñacajún cáhan nde —ñacachi na Israel cán xihin Pedro.

⁴ Andá já ñacasahá Pedro ndicani da tóco ndihí ña nayaha janda sahá. Já ñacachi da já:

⁵ —Ñasahjin i ñuu Jope. Ta nani xíca tahví i nu Ndióxi já najánahe mé á in ñaha nuú i. Ta ña naxini i cúú in jáhma cáhnu tátuhun sábaná ñanuu chí indiví ta ndicómí xoo tito á nacato. Ta chí janda yati nu in i ñaxinu á. ⁶ Ta tá ñasandehé váha i ini a já ñaxini i ñúhu tá nuú quítí, rí comí sahá xihin tá nuú quítí yúcu xihin cóo xihin laa ñúhu ini a ñaxini i. ⁷ Andá já ñaxini johó i cáhan in a já ñacachi a já xihin i: “Pedro, cuáhán ndacoo cahní quítí jan casún.” ⁸ Andá já ñanducú ñehe e tuhun já ñacachi i já: “Á cáxí toho i rí yóho, xitoho i jáchí cóo xini toho i caxí i quítí quini tátuhun rí yóho”, cáchí i xihin Ndióxi. ⁹ Andá já ñacahan tucu a cán chí indiví já ñacachi a já: “Sá ñandaja vii va Ndióxi rí jan. Sahá ña cán queá cóo ndítahan cachún ña cúú rí rí quini”, ñacachi Ndióxi xihin i. ¹⁰ Uní táhnda nayaha ña yóho ñacaja Ndióxi. Andá já ñandaa tucu tóco ndihí ña cán cuahan tucu a chí indiví. ¹¹ Ta chí sa mé hora já ñaxinu cóo uní taa ndínducú dá yehe mé vehe nuú ñasahjin tóo i cán. Ta dá cán

ñaquixi da janda ñuu Cesarea ndínducú dá yehe. ¹² Ta já ñachindahá ínimá yii Ndióxi yehe cuahan i xihin ná sahá ña cán queá cóo nayihví i cuhun i xihin ná. Ta ndáca i ñuu ñani yóho ñasahan dá xihin i. Tá ñaxinu cóo nde ñuu cán já ñaqujihv nde vehe Cornelio, dá ñachindahá dá cán ndínducú yehe. ¹³ Ta tá sa ñúhu ndihí nde vehe Cornelio cán já ñacasahá ndicani da nuú nde ña ñaxini da cándichi in táto Ndióxi ini vehe da ta ñacachi a xihin dá já: “Chindahá java taa ná cuhun dá ñuu Jope cana da in da nani Simón, dá cáhan tucu na Pedro xihin. ¹⁴ Ta dá cán caxi tuhun xuhun ta xihin ndihi na vehún ndaja caja ndó cacu ndaa ínimá ndó”, ñacachi táto Ndióxi xihin Cornelio cán. ¹⁵ Ta tá ñacasahá i cáhan i xihin na vehe Cornelio cán já nandicutú ndaa ínimá ná xihin ínimá yii Ndióxi tá quiahva najándicutú á ínimá mí jihna. ¹⁶ Xihin ña yóho nandicuhun ini i ña ñacachi Jesús, xitoho i xihin yo tá ñacachi a já: “Mé a ndaa najánducúta Juan ndohó xihín ticuú joo vaxi quívi jándicutú Ndióxi ndohó xihin ínimá yii mé á”, ñacachi Jesús. ¹⁷ Ta tá sa ñasahan Ndióxi ínimá yii mé á nuú na cán tá quiahva ñacaja xihin mí sahá ña ñacandúsa i Jesucristo, xitoho i ama ná caní táhan i xihin Ndióxi sahá ña cája mé á xihin na cán —ñacachi Pedro.

¹⁸ Tá ñaxini johó na cán ña ñacachi Pedro já ñacatáji ná ta ñacaja cáhnu na Ndióxi já ñacachi na já:

—Mé á ndaa sáhan ri Ndióxi ñamaní nuú na tóho ña ná ndicó cóo ini na jándacoo na cuachi cája na já ná coo na xihin mé á andá ama cá quívi —ñacachi na cúú cuéntá Jesús, na ñaquixi chichi Israel cán.

Cuahá na ñuu Antioquia ndiquehe na íchi cuéntá Jesús

¹⁹ Tá nandihí ñasahní na Esteban já ñacasahá cája xixi na xihin na cúú cuéntá Jesús. Andá já nandicuita nuu na cuahan na ta java na ñaxinu na janda chí estado Fenicia. Java na ñaxinu na cuahan na chí isla Chipre. Ta java na ñaxinu na chí ñuu Antioquia. Ta cán ñacasahá cáhan na tuhun Ndióxi nuú na ñaquixi chichi Israel cuítí va. Joo cóo ñacaxi tuhun na ña nuú na tóho cán. ²⁰ Joo java na cúú cuéntá Jesús, na ñaquixi chí isla Chipre cán xihin na ñaquixi ñuu Cirene ñaxinu cóo na ñuu Antioquia ta ñacasahá ná cáhan na tuhun váha sahá Jesús, xitoho i xihin na cóo ñaquixi chichi Israel ndúu cán. ²¹ Ta ñasahan Ndióxi cuahá ndéé mé á nu ná. Ta cuahá ndivaha ñayivi najándacoo na costumbre yatá na ta nandiquehe na íchi cuéntá Jesús, xitoho i.

²² Tá ñacandaa ini na cúú cuéntá Jesús ndúu ñuu Jerusalén tóco ndihí ña nayaha cán já ñachindahá na Bernabé cuahan dá janda ñuu Antioquia cán. ²³ Tá ñaxinu cóo Bernabé

ñuu Antioquía cán já naxini da ndá quiahva naçaja Ndióxi ñamanj xihín ñayivi ñuu cán chí naçajji ndivaha ini da. Ta naçahan da xihín ná ña ná candico na ichi cuéntá Jesús xihín ndinuhu ini na. ²⁴ Mé Bernabé yóho cúú dá in tãa vaħa. Ta chítú ndaa inima da xihín inima yji Ndióxi ta cãdeé cáhnu ini da mé á. Ta cuahá ñayivi nãndiquehe na ichi cuéntá Jesús, xitoho í sahá ña naçaja da.

²⁵ Tá nãndihi já naquee Bernabé cuahan da ndinducú da Saulo chí ñuu Tarso. Ta tá nãndiñeħe dá Saulo já ñeħe da da cuahan da chí ñuu Antioquía. ²⁶ Ta naşanduu da xihín na cúú cuéntá Jesús mé ñuu cán tátuhun in cuja. Ta najãnahã da tuħun Ndióxi nuú cuahá ndivaha ñayivi. Ta mé ñuu Antioquía cán cúú nuú nuú cuítí naşacu na quiví ná canuní na ná cúú cuéntá Jesús.

²⁷ Ta mé tiempo já naşinu çoo java na profeta mé ñuu Antioquía cán. Mé profeta yóho naquixi na chí ñuu Jerusalén ta tiaħva na jáyaha na tuħun cáhan Ndióxi nuú ñayivi. ²⁸ Ta in táhan da profeta cán, da nani Agabo nãndaçã ndíchí da tañu na cúú cuéntá Jesús mé veħe nuú naçaca na cán. Já naçachi da já:

—Cãxi tuħun inima yji Ndióxi xihín i ña quixi in tamã ndeé ndivaha ndijáã ñuyivi yóho —naçachi da xihín ná.

Ta chí já ndusa naşahin jáchi naquixi in tamã ndeé ndivaha tá naşacomí Claudio cuéntá sahá ñayivi ñuu Roma. ²⁹ Anda já na cúú cuéntá Jesús ñuu Antioquía cán najátaca na jjuhún chindeé ñahã na cán. Ta ndá quiahva xinu çoo nuú mé ná quiahva na, quiahva já sahan na. Anda já naçindahã na ña nuú na cúú cuéntá Jesús nduu estado Judea. ³⁰ Ta mé Saulo xihín Bernabé cúú da ñeħe jjuhún cán cuahan da ndiquiahva da ña nuú na saçuaha cómi cuéntá sahã na cúú cuéntá Jesús nduu estado Judea cán.

12

Tá naçasáhã ndóho chága ini na cúú cuéntá Jesús

¹ Ta mé tiempo já naçasáhã Herodes, da cómi cuéntá sahã ñuu Jerusalén cán cája xixi da xihín java na cúú cuéntá Jesús. ² Naşahnda da chuun ña ná cahni na Jacobo, ñani Juan xihín yuchú canj. Ta já naçaja na. ³ Ta tá naşini Herodes ña naçajji iní na saçuaha veñuhu Israel xihín ña naşahni da Jacobo já naşin ri da Pedro. Ta ña yóho naşacuu a mé tiempo tá cája na Israel víco tá xixi na pan ña ço çava táhan yusã naşaa xihín. ⁴ Tá sa naçicaan Herodes Pedro vecãa já naşahnda da chuun nuú comi táhnda soldado ña ná candaa na da. Ta comi comi tãa ndãca in in táhnda cán. Mé Herodes naşacu ini da tavã da Pedro vecãa ndiquiahva da da nuú ñayivi Israel ña

ná cahni na da tá sa ná yaha víco. ⁵ Nani ndãçaan Pedro vecãa ndáã vaħa na da. Joo na cúú cuéntá Jesús xihín ndinuhu ini na xica tahví na nuú Ndióxi saħã dá.

Távã Ndióxi Pedro vecãa

⁶ Ta in ñuu sácú ini Herodes tavã da Pedro vecãa inga quiví itaan ña ndiquiahva da da nuú ñayivi, nduu. Joo mé ñuu já nani cánduhu Pedro quijj da tañu ivj soldado ta ndico jin ga cadena ndãħã dá ta ço cáhan saħã java ga soldado ndita ndáã yéħe vecãa cán. ⁷ Ta in náã cuiti naşinu çoo in táto Ndióxi ini vecãa cán chí nãndiyihvi ndaa ini a. Anda já naşinu çoo mé táto Ndióxi nuú cánduhu Pedro já naquiní a ndãħã á yica ndicã dá já nãndicãxi ini da. Anda já naçachi a já xihín dá:

—Camún ndacçoo quíun.

Anda já naçuyyu cadena ña naşandico ndãħã Pedro. ⁸ Anda já naçachi tucu táto Ndióxi cán já xihín dá:

—Ndaja tuun niñ tísun ta cayihí ndusun.

Ta tá sa naçaja da ña já naçachi tucu táto Ndióxi já xihín dá:

—Queħe tiçachi nihnu chinúu jatun ná çohõ candico yeħe —cãchí a xihín dá.

⁹ Anda já tácaa Pedro jata táto Ndióxi cán cuahan da. Joo ço xini dá a jivi queã á a juú a. “Sãni ví”, cáhan da. ¹⁰ Ta xica na cãsaħan na já nayaha na nuú ndita in táhnda soldado. Ta anda já nayaha na nuú ndita inga táhnda soldado. Ta tá sa naşinu çoo na yéħe çaa cán já nanuna mé va já naquee na vecãa cuahan na. Ta tá sa naşica chá na çáyé cán já naquee táto Ndióxi cán cuahan ta já naçandoo Pedro cán. ¹¹ Anda já naçandaa ini Pedro ña nayaha. Ta naçachi da já xihín mé dá:

—Viti ndusa cándaã ini j ña mé a ndaa táhyí queã naçaja táto Ndióxi yóho. Mé Ndióxi naçindahã a táto á já ná tavã a yeħe ndãħã Herodes já ná a cáhni da yeħe tá quiahva cúni na Israel —naçachi da.

¹² Nani cáhan Pedro xica da cuahan da veħe Maria, ña cúú nãná Juan, da nani tucu Marcos. Cán nãnditútu cuahã na cúú cuéntá Jesús nduu na xica tahví na nuú Ndióxi saħã Pedro. ¹³ Ta tá naşinu çoo da veħe María cán já naçasáhã cáti ndãħã dá yéħe cán. Anda já naşinu çoo in ñã loho nani Rode ña candehé ñã ndã na cándichi jata veħe cán. ¹⁴ Tá naşini joho ñã cáhan da já nãndicuni ñã tachj Pedro. Joo nãndindójõ ñã cunã ñã yéħe saħã ñã cájji iní ña. Ta já xinu ñã nãndicó çoo tucu ñã ini veħe çaxi tuħun ñã xihín na java cán ñã cándichi Pedro jata veħe. ¹⁵ Joo tá nãndicani ñã ñã yóho nuú ná já naçachi na já xihín ña:

—Tachj va cúú yóho.

—Jivi da —cãchí ñã cán nducú ndeé ña cáhan ñã xihín ná.

Anda já ñacachi ña cán já:
 —Ndá ínimá va da queá jãn jáchí vecãa va ndácaan Pedro —ñacachi na.

¹⁶ Joo ndaja coo Pedro cáti ndáha yïi va da yéhe cán. Já ñaxinu çoo na ñasuná ña yéhe nu dá ta chí ñajihví ná tá ñaxini na dá.
¹⁷ Joo ñacuu ndáha dá nu ná ña ná a cáhan chága ña. Anda já ñacasáhá dá ndícani da nu ná ndaja ñacaja Ndióxi ñatavá a dá vecãa cán. Ta já ñacachi da xihín ná:

—Ndicani ndó ña yóho nu Jacobo ta ndicani ndó ña nu tóco ndihi ña cúu cuéntá Jesús —ñacachi Pedro.

Anda já ñaqueta Pedro cuãhan dá.

¹⁸ Tá ñativi inga quívi itaãn já ñacatóntó soldado vecãa cán tá ñacandaa ini da ña çóo Pedro in vecãa ta çóo ñaxini da ndáchi cuãhan dá. ¹⁹ Anda já ñasahnda Herodes chuun ña ná ndinducú ña dá. Joo çóo ñandiñhe ná dá. Anda já ñacasáhá dá ndája ndíchi dá soldado vecãa cán ndáchi cuãhan Pedro. Joo çóo ñacuu cachi ña cán ndáchi cuãhan dá. Sáhá ña cán queá ñasahnda Herodes chuun ña ná cahní ndihi na soldado dá ñasandaa yéhe çaa cán. Tá ñayaha ña yóho já ñajándacoo Herodes estado Judea cán ta ñaquee da cuãhan dá chí Cesarea coo da.

Quívi ñaxihi Herodes

²⁰ A juú quiahva xójo ini Herodes xihín ñayivi ndúu ñuu Tiro xihín ña ndúu ñuu Sidón. Joo ndívi ñuu cán ñajándique táhan na tuhun na çuhun ña çahan ña xihín dá. Coo vaha ini na xihín dá cúní ña jáchí ñundáhyi rey cán cána tóco ndihi ña xixi na. Joo jihna ñúhú ñandique táhan mãni ná xihín in dá naní Blasto. Mé Blasto yóho ñasacuu da in dá cáhnu cája chúun nu rey cán. Ta ñacahán ña ña ná çahan ndahví dá cán nu rey sahá ná. ²¹ Ta ñasacu Herodes in quívi ndítutú ndihi na nu dá. Ta tá ñatandaa mé quívi já ñasacandixi Herodes jáhma vaha ndivaha da, ña sácandixi rey. Ta ñasacoo da nu sácçoo rey. Ta já ñacahan cóho dá xihín ñayivi.

²² Tá ñaxinu çoo ña cáhan dá já ñacasáhá ñayivi cán cáyuhú ña já cáchí ña já:
 —Ndióxi cúu dá yóho ta ço cúu dá ndá tãa ñacuu —cáchi ña cája cáhnu na Herodes cán.

²³ Ta chí sa mé hora já ñaxinu in táto Ndióxi ta ñacaja ña ná quehe Herodes cuhe jáchí çóo ñacaja cáhnu da Ndióxi ta já ñasahan dá ñamãni nuú ñayivi ña cáchí na cúu dá ndióxi. Chí sa mé hora já ñaquíhvi tícuju yiquí cuñu da já ñaxihí dá.

²⁴ Ta níí cúu ñandicujta nuu tuhun vaha saha Jesús xica cuãhan. Ta chí ñandicuaãhá ña cúu cuéntá Jesús.

²⁵ Ta ndaja coo ñandiquiahva Bernabé xihín Saulo mé jihún nuú ña saçuaha veñhu ndúu ñuu Jerusalén já ñandicó çoo da cuãhan dá ñuu Antioquia. Ta ndáca na

Juan, dá naní tucu Marcos cuãhan dá xihín ná.

13

Cája chúun Bernabé xihín Saulo cuéntá Ndióxi

¹ Ta ndaja coo tañu ña cúu cuéntá Jesús ndúu ñuu Antioquia cán ndúu ña cúu profeta ta ndúu ri ña jánaha tuhun Ndióxi. Ta ña yóho cúu quívi ná: Bernabé xihín Saulo xihín Simón, dá cáhan ña Tãa Tuán xihín, xihín Lucio, dá ñuu Cirene xihín Manaén, dá ñasahnu xihín Herodes. Mé Herodes yóho cúu dá dá cómi cuéntá sahá ñayivi estado Galilea. ² In quívi nani ñandítutú ndihi na ndúu na xijuhun na ta cája cáhnu na Ndióxi já ñacahan ínimá yïi mé á xihín ná já ñacachi a já:

—Tavá jíin ndó Bernabé xihín Saulo jáchí sa ñacaxi mí i chuun quiahva i nu ná cãa na —ñacachi a.

³ Ta tá sa ñandihí ñaxijuhun na ta tá ñandihí ñaxica tahví ña nu Ndióxi já ñachojó ña ndáha ná jíni Saulo xihín Bernabé já ñandidayi ña ña cuãhan ña cája na chuun Ndióxi.

Cáhan Saulo xihín Bernabé tuhun vaha saha Jesús isla Chipre

⁴ Tá ñandihí já ñachindahá ínimá yïi Ndióxi Saulo xihín Bernabé cuãhan ña ñuu Seleucia. Ta cán nandaa na barco cuãhan ña isla Chipre. ⁵ Ta ndáca na Juan, dá naní tucu Marcos cuãhan dá xihín ná já ná chindeé dá ña. Ta tá ñaxinu çoo na ñuu Salamina nu sá ndíchi barco cán já ñacasáhá ña cáhan ña tuhun Ndióxi nuú ñayivi táca veñhu ña Israel cán. ⁶ Níí cúu isla cán ñaxica nuu na janda quiahva ñaxinu çoo na ñuu Pafos. Ta cán ñanditahan na in dá tají ñaquixi chíchi Israel ta naní dá Barjesús. Ta cúu dá in dá tuhún jáchí cáchí dá xihín ñayivi ña cáhan dá cuéntá Ndióxi. ⁷ Ta mé dá tají yóho ñasahin tuun da xihín in dá naní Sergio Paulo, dá cúu gobernador nuú ñayivi isla Chipre cán. Ta ñasacuu da dá ndíchi jíni. Ta mé gobernador yóho ñacana da Bernabé xihín Saulo jáchí cúní dá cuni joho da tuhun Ndióxi. ⁸ Joo dá tají naní Barjesús, dá naní tucu Elimas ñacasáhá dá sãji nuu da nuú Bernabé xihín nuú Saulo jáchí ço cúní dá ña ná candeé ini gobernador cán Jesús. ⁹ Ñandicutú ndaa ínimá yïi Ndióxi ini Saulo, dá cáhan ña Pablo xihín já ñacasáhá sãndehé ndaa da nuú dá tají cán. ¹⁰ Já ñacachi dá já xihín dá:

—Yóho cúun tãa quini ta cúun jahyi tíñhá, dá xica jándahvi ñayivi. Ço cúun tóco ndihí ña vaha jáchí cúun çaji nuún nuú ñayivi ná a ndíquehe na íchi cuéntá Jesús. ¹¹ Ta viti jándoho Ndióxi inún. Jácuãa a yohó ta ní a cúun nuú çandii tíxi chá quívi —ñacachi Pablo xihín dá tají cán.

Tá ñacachi Pablo já chí jivi laá ñacuaá da cán. Jandá tiin ndaa na da xíca da jáchi co tívi nuu dá. ¹² Tá ñaxini da cúu gobernador cán ña yóho chí jivi laá ñacandúsa da Jesús. Jáchi chí catóntó da xíni joho da tóco ndihi ña cáhan na saha Jesús.

Xinu cõo Pablo xihin Bernabé ñuu Antioquia ña ndácaan estado Pisidia

¹³ Nandaa Pablo xihin na xíca xihin dá barco ñuu Pafos cuahan na chí ñuu Perge ña ndácaan estado Panfilia. Joo ñasahnda táhan Juan, da nani tucu Marcos xihin ná já ñandicó cõo da chí ñuu Jerusalén. ¹⁴ Tá ñandihí já ñaquee Pablo xihin na xíca xihin dá ñuu Perge já ñaxinu na ñuu Antioquia ña ndácaan estado Pisidia. Ta mé quívi ndiquehe ndée ñayivi ñandihvi na veñuhu já ñasacõo na. ¹⁵ Ta tá sa ñandihí ñacahvi na ley Moisés xihin ña ñacahyi na profeta já ñacana na sacuaña veñuhu cán Pablo xihin na xíca xihin dá já ñacachi na já xihin ná:

—Ñani i, tá iin tuhun vaha cúni ndó cahan ndó xihin ñayivi yóho cuu candichi ndó cahan ndó xihin ná viti —ñacachi na cán xihin dá.

¹⁶ Andá já ñacandichi Pablo já ñacuu ndaha dá nu ná catáji yúhu ná já ñacasáha cáchi dá já xihin ná:

—Cuni joho ndó ñayivi Israel xihin tóco ndihi ndó, na cája cáhnu Ndióxi. ¹⁷ Mé Ndióxi, mé a cája cáhnu ñayivi nación Israel ñaxi a tásáhu jícó yo ta ñacaja mé á ña ná ndicuahá ndivaha na nani ñasacuu na na tóho nación Egipto cán. Joo tá ñandihí já ñatavá mé á na xihin ndée mé á. ¹⁸ Ta cáhnu ñasahjin ini Ndióxi sahá cuachi na tañu jvi jico cuja nani ñaxica nuu na yucú íchi cán. ¹⁹ Ta najándihí Ndióxi sahá usá nación ñayivi ñasanduu ñundáhyi Canaan já najáyaha ñundáhyi jan ndáha tásáhu jícó yo jáchi jandá sahá ñasahan mé á tuhun a nu ná ña caja já xihin ná. ²⁰ Andá já ñasahnda Ndióxi chuun nu juexe já ná cacomí na cuénta saha ná tíxi comí ciento java cuja jandá quiahva ñaxinu cõo tiempo tá ñaquixi profeta Samuel, da jáyaha tuhun cáhan Ndióxi nuú ñayivi. ²¹ Andá já ñaxica tahvi na Israel nu Ndióxi ña ná cacu mé á in rey ná cacomí da cuénta saha ná. Sahá ña cán queá ñasacu Ndióxi in da nani Saúl ná cacuu da rey nu ná. Ñasacuu da jahyi Cis, da ñaquixi chíchi Benjamín. Ta ñasacomí Saúl cuénta saha ná tíxi jvi jico cuja. ²² Tá ñandihí já ñatavá Ndióxi Saúl já ñachinúu a David ña ná cacomí da cuénta saha ná. Já ñacachi Ndióxi já saha dá: “Iin vaha ini i xihin David, jahyi Isai jáchi xíni ña caja mé dá tóco ndihi ña cúni”, ñacachi Ndióxi saha David. ²³ Ta in da ñaquixi chíchi mé David cán cúu Jesús, mé a ñasahan Ndióxi tuhun a chindahá jácaçu ñayivi Israel jandá

sanahá ndivaha. ²⁴ Ta jandá tá cámani quixi Jesús já ñaxica nuu Juan, da jácandúta ñayivi ñacahan da xihin ñayivi ña ndítahan nu ná jándicoo na cuachi cája na ta ná candúta ná. ²⁵ Ta tá sa yati quivi da já ñacachi da já xihin ñayivi: “A juú cahan ndó ña cúu yehe da ñachindahá Ndióxi cacomí cuénta saha ñayivi, vaha. Jáchi ja chá xinu inga da iin chága saha a juú ga yehe. Ta da cán cacomí cuénta saha ndó ta cúu ndusa da cáhnu chága ta chí cõo saha mí i caxítí i ndaxi i correa ndusa dá”, ñacachi Juan xihin ñayivi cán.

²⁶ Cuni joho vaha ndó, ñani i, na ñaquixi chíchi Abraham xihin tóco ndihi ndó, na cája cáhnu Ndióxi xihin ndinuhu ini. Mé Ndióxi cúni a ña ná candaa ini ndó ña ñachindahá mé á Jesús ñuyivi yóho já ná jácaçu a ndohó já ná a cùhnu ndó in-dayá. ²⁷ Tóco ndihi na ndúu ñuu Jerusalén xihin na sacuaña cõo ñacandaa ini na ña ñachindahá Ndióxi Jesús ñuyivi yóho. Ta ni cõo ñacandaa ini na tuhun ñacahyi profeta saha Jesús tá ñasacahvi na ña veñuhu tá quívi ndiquehe ndée ná. Sahá ña cán queá ñasahni na Jesús joo xihin ña ñacaja na yóho najáxinu cõo na ña ñacachi profeta sahaná. ²⁸ Ta vatí cõo ñañehe ná cuachi chicaan na jata Jesús joo ñaxica na ñamani nu Pilato ña ná cahnda da chuun ña ná cahni na Jesús. ²⁹ Ta tá sa ñaxinu cõo tóco ndihi ña cáchi tuhun Ndióxi saha mé á cõo andá já najánuu na a ndica crúxu já najánduxu na ña. ³⁰ Joo najánditacu Ndióxi Jesús tañu ndji. ³¹ Ta tíxi cuahá quívi ñañaha Jesús mé á nuú na ñasañehe táhan xihin á tá ñaquee a estado Galilea cuahan chí Jerusalén. Ta mé na cán cúu na xíca cáhan saha mé á nuú ñayivi viti.

³² Sahá ña cán queá cáxi tuhun nde tuhun vaha saha Jesús nu ndóho viti jáchi jandá saha ñacachi Ndióxi xihin tásáhu jícó yo ña já cõo. ³³ Ta najánditacu Ndióxi Jesús najáxinu cõo a tuhun ñasahan nu yo, na ñaquixi chíchi na cán. Jáchi já ñacahyi a nu Salmo jvi ta saha Jesús ñacahan tá ñacachi a já: “Jahyi mí i cúu yóho. Ta yehe cája ña ná catacún quívi viti”, cáchi tuhun Ndióxi. ³⁴ Joo Ndióxi sa ñasahan va tuhun a ña jánditacu a Jesús já ná a táhyi yiquí cuñu a. Jáchi já ñacahyi a ini libro yii mé á já cáchi a já: “Nu yóho quiahva i tóco ndihi ña vaha, ña ñasahan i tuhun i nu David quiahva i nu dá”, cáchi tuhun Ndióxi. ³⁵ Já cáchi tucu inga Salmo já: “Mé ndó a quiahva toho ndó ñamani tahyi yiquí cuñu i jáchi cúu u jahyi máni mé ndo, da cája chúnu nu ndó”, cáchi tuhun Ndióxi. ³⁶ Ta sa xíni yo cõo cáhan ña yóho sahá ña ñacaja David jáchi tá ñandihí ñacaja da ña ñasahnda Ndióxi nu dá já ñaxihí da ta najánduxu na da nuú ñanduxu tásáhu jícó da. Ta ñatahyi yiquí cuñu da cán. ³⁷ Joo yiquí cuñu Jesús cõo

naṭahyi toho a jáchi najánditacu Ndióxi ña.
 38 Ña cán queá vaxi nde caxi tuhun nde ña yóho nu ndo, ñani i já ná candaq ini ndó ña cája cáhnu ini Ndióxi sahá cuachi ñayivi sahá ña naçaju Jesús tá naxihí a ndiça cruxu. 39 Ta cája cáhnu ini Ndióxi sahá cuachi ñayivi tá cándéé ini na Jesús. Jáchi ni in túhún ñayivi a cúu nduu ndaa nu Ndióxi sahá ña sácú vaḥa na ley Moisés. 40 Joo cuéntá coo ndó a juú ndoho ndó ña naçachi na profeta sanahá tá naçachi na já:

41 Cuni joho vaḥa ndó, ndóhó ná sácú ndaa íchi ña cáhan Ndióxi.

Catóntó ndo jáchi cama chá ndihi saḥa ndo. Jáchi yeḥe cúu Ndióxi ta cája i ña náhnu ndivaha,

joo co cándúsa ndó ña cája i vatí ndicani java na ña nu ndo, naçachi Ndióxi sanahá —naçachi Pablo xihín ná.

42 Ta tá naqueta Pablo xihín na xíca xihín dá veñuhu na Israel cán já naxiça ñayivi, na coo naquixi chichi Israel ñamaní nu dá ña ná caḥan da xihín ná sahá tuhun Ndióxi inga quivi ndiquehe ndéé ná. 43 Tá naquee ndihi na veñuhu cán já cuahá na Israel xihín cuahá na tóho, na cándúsa ley Moisés ta cája cáhnu na Ndióxi naçasáhá na ndiço na jatá Pablo xihín jatá Bernabé. Ta Pablo xihín Bernabé jánaḥa da na ña ná cándéé cáhnu ini na Ndióxi já ná caja mé á ñamaní xihín ná.

44 Ta tá naxinu coo inga quivi ndiquehe ndéé ná já nataca tátuḥun tóco ndihi ñayivi ñuu veñuhu cán ña taa joho na tuhun Ndióxi cúni na. 45 Joo tá naxini na naquixi chichi Israel cán ña nataca cuahá ndivaha ñayivi já naçasáhá na Israel cáhíhvi ini na. Já naçasáhá na cáhan núu na saḥa Pablo ta naçanaḥa na xihín dá. 46 Xihín ña cán nandindeé chága ini Pablo xihín Bernabé já naçasáhá cáchi da já:

—Jihna ñúhú ndítahan nuú nde caxi tuhun nde tuhun Ndióxi nu mé ndó, na naquixi chichi Israel. Joo sándeḥé nde ña co cúni toho ndó ndiquehe ndó ña. Ta cája nde cuéntá ña coo saḥa ndó cuḥun ndó indiví. Sahá ña cán queá vaḥa chága ná cuḥun nde caḥan nde tuhun Ndióxi xihín na coo naquixi chichi Israel. 47 Jáchi já cáa chuun naṣahnda Ndióxi nuú nde tá naçachi a já xihín nde:

Naçacu yeḥe ndqóhó ña ná caxi tuhun ndó nuú ñayivi tóho ndúu ndijáá ñuyiví, já ná candaq ini na ndaja caja na ná çacu ndaa ínimá ná, naçachi Ndióxi —naçachi Pablo xihín ná.

48 Tá naxini joho na tóho, na coo naquixi chichi Israel cán ña yóho chí naçajii ini na já naçasáhá na cáhan na ña cúu ndusa tuhun Ndióxi ña vaḥa. Ta tóco ndihi na naçaxi Ndióxi çacu ndaa ínimá, nandihvi na íchi cuéntá mé á. 49 Já naṣahjin nuú naçita nuu

tuḥun Ndióxi nú cúu ñundáhyi cán. 50 Joo na naquixi chichi Israel cán najándivaq na java najihí, na cátoó cuḥun veñuhu, na co cáhan núu ñayivi saḥa. Ta najándivaq na java dataa, da íin saḥa ñuu cán ña ná ndicuḗta na xihín Pablo xihín Bernabé viti ta anda quiaḥva ná tava ná da ñundáhyi cuéntá ñuu cán. 51 Anda já naquiji nihni Pablo xihín Bernabé ña yáca ndusá saḥa mé dá já ná nahá nuú na cán ña coo natahan ini da xihín ña cája na Israel cán. Já naquee da ñuu Antioquia cán cuahān da inga ñuu nani Iconio. 52 Ta ná cúu cuéntá Jesús, na naçandqo ñuu Antioquia cán nandicutú ndaa ínimá ná xihín ínimá yii Ndióxi ta cájii ndivaha ini na.

14

Cáhn Pablo xihín Bernabé tuḥun Ndióxi nuú ñayivi ndúu ñuu Iconio

1 Tá naxinu Pablo xihín Bernabé ñuu Iconio já nandihvi da veñuhu nu ndítaca na Israel cán. Ta cán naçahan da tuḥun vaḥa saḥa Jesús nu ná. Ta cuahá ndivaha na Israel xihín na coo naquixi chichi Israel naçandéé ini na Jesús. 2 Joo java na Israel, na coo naçandúsa tuḥun Ndióxi naçasáhá na cáva ná jiní ñayivi, na coo naquixi chichi Israel ña ná caḥan núu na saḥa ná cúu cuéntá Jesús. 3 Sahá ña cán queá naçanduud nahá chága ví Pablo xihín Bernabé mé ñuu cán. Ta co ná yihví na caḥan chága ví na tuḥun Ndióxi jáchi cándéé ini na Jesús, xi-toho na. Ta naçahan Ndióxi ndéé á nu ná ña ná cuu caja na cuahá nuú ña náhnu ta xihín ña yóho naçandaq ini ñayivi ña mé a ndaa táhyi quihvi ini ndusa Ndióxi ñayivi. 4 Joo ñayivi ñuu cán naçasáhá na sáhdá táhan na jáchi java na cuahān na jatá na Israel ta java na cuahān jatá na apóstol cán. 5 Anda já na Israel xihín na coo naquixi chichi Israel najándique táhan na tuḥun na xihín na jutixia ñuu cán ña ndúcú na canahá quini na xihín na apóstol ta nducú na cahní na da xihín yuu. 6 Joo tá naçandaq ini Pablo xihín Bernabé ña sácú ini na cán caja xixi na xihín dá já naxinu da cuahān da chí estado Licaonia. Naxinu coo da ñuu Litra xihín ñuu Derbe xihín java ga ñuu válí ñúhu ndijáá chí cán. 7 Ta cán naçahan ri da tuḥun vaḥa saḥa Jesús nuú ñayivi ndúu cán va.

Cúu na yuu Pablo ñuu Litra

8 Tá naxinu coo da ñuu Litra cán já nandique táhan da xihín in dataa, da a cuú caca. Ta íin coo da cán jáchi cúu dá da quihvi saḥa jandá tá naçacu da cáa da já. 9 Ta íin coo da quihvi saḥa yóho taa joho da nu cáhan Pablo. Anda já nandicotó nihni Pablo nu dá ta cándaa ini Pablo ña cuu ndivaha da jáchi cándéé ini da quihvi cán Ndióxi. 10 Sahá ña cán queá naçayuhú Pablo nu dá já cáchi da já:

—Cuáhán candichi —ñacachi Pablo.

Ta chí ivi laá ñacandita da ta ñacasáhá xíca da. ¹¹ Tá ñaxini ñayivi ñuu cán ña ñandaja vaha Pablo da cán já ñacasáhá ña cán cáyuhú cóhó ña mé tũhun cáhan ña ñuu Licaonia, ña co cándaq̄ ini Pablo. Já cáchi ña já:

—Ndióxi cúú da yóho ña ñaquixi indivi túni a ñehe cuiti da nahná ñayivi —cáchi ña cáyuhú ña tũhun mé ná.

¹² Ñacachi ña cán ña Bernabé cúú dá in ndióxi naní Júpiter. Ta Pablo cúú dá in ndióxi naní Mercurio cáchi ná jáchi mé dá cúú dá cáhan chága. ¹³ Ta da cúú jutú nuú veñũhu Júpiter, ña ndácaq̄n yuhú ñuu cán ñehe da tĩndiqui xihín cuahá ita jáchi ndúcú ndihi ña cán cahni ná tĩndiqui joco ña rí nuú Pablo xihín nuú Bernabé caja cáhnu na da. ¹⁴ Joo tá ñacandaq̄ ini Pablo xihín Bernabé ña ndúcú ña cán caja cáhnu na da já ñandatá da jáhma dá sahá ña co táhan ini da xihín ña cája na. Ta já ñacasáhá ña xĩnu na ñaquĩhvi na tañu ñayivi cán. Ta cáyuhú Pablo já cáchi da já xihín ná:

¹⁵ —Candehé ndo. A vaha toho ña ndúcú ndó caja ndó yóho jáchi ñayivi xihín mé va ndó cúú ndehe. Ndá cuéntá queá cuní ndó caja cáhnu ndó ndehe. Ta chuun vaxi nde yóho queá caxi tũhun nde xihín ndó tũhun vaha sahá Jesús. Ta já ndítahan nuú ndo jándacoo ndó ña a vaha jan. Ta candico ndó Ndióxi tácu, mé á ñacavaha indivi xihín ñuyiví xihín tañuhú xihín tóco ndihi ñaha ndúu nuú in in ña cán. ¹⁶ Andaq̄ sanahá najándacoo ndáha Ndióxi ñayivi ndi-jáá nacióñ caja na ndá cuní mé va na caja na. ¹⁷ Joo ní tiempo najánaq̄ Ndióxi yo cúú mé á nuú ná jáchi ní tiempo ñacaja vaha mé á xihín ná. Mé a chĩndahá javi nuú yo. Ta mé á cája ña ná cana vaha ñundáhyi yo. Ta cája mé á ña ná a cámani ña cuxú já ná cajii ini yo —ñacachi Pablo xihín ña cán.

¹⁸ Ta vatí ñacahan Pablo tũhun yóho xihín ná joo ihvi ndivaha já ñacava da jini ñayivi cán ña ná a cáhni ña tĩndiqui joco ña nuú dá ña caja cáhnu na da.

¹⁹ Tá ñandihí já ñaxĩnu coo java ña Israel, ña ñaquixi ñuu Antioquia xihín java ña ñaquixi chí ñuu Iconio. Já ñacava na jini ñayivi já ñacati na ñacuun na yuu Pablo. Ta tá sa ñacahan ña ñaxĩhí da já ñũhu na da ñasahan ña najácana na da yuhú ñuu. ²⁰ Joo ña cúú cuéntá Jesús ñataca na ta ñacava nuu na nuú cándũhu Pablo ta já ñandacoo da já ñaquĩhvi tucu da ñuu cán. Ta inga quiví itaq̄n já ñaquee da xihín Bernabé cuahán da ñuu Derbe.

²¹ Tá ñaxĩnu coo ndiví da cán ñuu Derbe já ñacasáhá da cáxi tũhun da nuú ñayivi sahá Jesús ta cuahá ná ñandiquehe ichi cuéntá Jesús ñuu cán. Andaq̄ javí ñandico coo Pablo xihín Bernabé chí ñuu Listra xihín

ñuu Iconio já ñaquee da cuahán da chí Antioquia. ²² Ta mé ñuu cán najácahan da ña cúú cuéntá Jesús ña ná coo ndacú chága ña ta ná a jándacoo na ña cándeé ini na Jesús. Ta ñacachi da ña já ndusa ndoho ndivaha ini na janda quiahva ná xĩnu coo na cacomí Ndióxi cuéntá sahá ná. ²³ Tá ñandihí já ñasacu Pablo xihín Bernabé java da saquaha ña ná cacomí da cuéntá sahá ña cúú cuéntá Jesús in in ñuu cán. Ta tá ñandihí ñaxijuhun na ta ñaxĩca tahví ña nuú Ndióxi sahá ná já ñandiquiahva da ña ndáha Ndióxi ña ná candaa mé á ña jáchi cándeé ini na mé á.

Ndicó coo Pablo xihín Bernabé ñuu Antioquia ña ndácaq̄n estado Siria

²⁴ Tá ñandihí já nayaha Pablo xihín Bernabé chí estado Pisidia janda quiahva ñaxĩnu coo na ñundáhyi cuéntá Panfilia. ²⁵ Ta nacahan ña tũhun vaha sahá Jesús nuú ñayivi ñuu Perge. Andaq̄ já ñaquee na cuahán ña chí ñuu Atalia. ²⁶ Ta ñuu Atalia cán ñandaa na barco já ñandico coo na chí Antioquia nuú ñaquee na jihna. Jáchi mé cán cúú nuú ñandiquiahva na da ndáha Ndióxi ña ná caja da chuun mé á. Ta viti sa najándihí da chuun ñatáhnda nuú dá cán. ²⁷ Tá ñaxĩnu coo Pablo xihín Bernabé mé ñuu Antioquia cán já najátaca da tóco ndihí na cúú cuéntá Jesús ndúu ñuu cán já ñandicani da tóco ndihí ña ñacaja Ndióxi xihín dá. Ñandicani da ndá quiahva ñasahan Ndióxi ñamaní nuú ña coo ñaquixi chíchi Israel ña ná ndiquehe na ichi cuéntá mé á. ²⁸ Ta ñacandoo nahá Pablo xihín Bernabé ñuu Antioquia cán xihín na cúú cuéntá Jesús.

15

Nditaca ña saquaha cuéntá Jesús

¹ Ta ndaja coo mé tiempo já java dataa, da ñaquixi chí estado Judea ñaxĩnu da ñuu Antioquia cán. Ta ñacasáhá ña jánaq̄ ña nuú ña cúú cuéntá Jesús ña ndítahan nuú ná caja na ña cáchi ley Moisés ña ná chicaq̄n na marca yiquí cuñu na já ná cuu jácaçu Ndióxi ña. ² Joo Pablo xihín Bernabé ñacasáhá cáni táhan ndeé yũhu dá xihín na Judea cán sahá ña yóho. Ta sahá ña ñanditũhun cuahá ná sahá ña yóho sahá ña cán queá ñasacu ini ña cúú cuéntá Jesús cán chindahá ña Pablo xihín Bernabé xihín java ga dá cúú cuéntá Jesús ña ná cũhun ña ñuu Jerusalén já ná nditũhún chága ña sahá ña yóho xihín ña apóstol ta xihín ña saquaha cómi cuéntá sahá ña cúú cuéntá Jesús ndúu Jerusalén cán.

³ Andaq̄ já ña cúú cuéntá Jesús ndúu Antioquia ñachindahá ña ña cán chí ñaquee na cuahán ña. Ta nuú xíca na cuahán ña cán nayaha na chí ñundáhyi Fenicia xihín ñundáhyi Samaria. Ta cán ñandicani

na nuú na cúu cuéntá Jesús ndá quiahva nandiquehe na coó naquixi chichi Israel íchi cuéntá Jesús ta já najándacoo na costumbre yatá nasacaja na jihna. Chí naçaxijí ndivaha ini na cúu cuéntá Jesús cán tá naçini johó na ña yóho.

⁴Tá naçinú coo Pablo xihín Bernabé xihín java ga ná cán ñuu Jerusalén já nandiquehe vaha na cúu cuéntá Jesús ndúu ñuu cán na. Ta jári na apóstol xihín na sacuahá veñuhu cán nandiquehe vaha na na. Anda já nandicani Pablo nuú na cán tóco ndihi ña náhnu naçaja Ndióxi xihín dá. ⁵Joo java na fariseo, na sa ndiquehe íchi cuéntá Jesús nandaca ndichi na já naçasáhá cáchi na já:

—Ndítahan nuú na cúu cuéntá Jesús, na coó naquixi chichi Israel chicaan na marca yiqui cuñu na. Ta ndítahan nu mí çahan í xihín ná ña ná cacu vaha na ley Moisés —naçachi na fariseo cán.

⁶Anda já nataca na apóstol xihín na sacuahá veñuhu ña ná nditúhún na ndaja coo sahá ña yóho. ⁷Sa nanditúhún cuahá ndivaha na cán sahá ña yóho. Anda já nandaca ndichi Pablo tañu na cán ta já naçachi da já:

—Sa xini vaha ndó, ñani í ña naçaxi Ndióxi yehe jihna ña ná çaxi tuhún í tuhun vaha saha Jesús nuú na coó naquixi chichi Israel já ná candeé ri ini na cán va Jesús ña ná jácacu Ndióxi na. ⁸Ta mé Ndióxi, mé a xini ndaja cáa inima in in ñayivi, mé a cán quea najañaha nu yo ña ndiquehe vaha mé a na tóho. Jáchi naçahan inima yii mé a nu ná tá quiahva naçaja xihín mí, na naquixi chichi Israel. ⁹Ni in tuhún toho í coo cúu yo na vaha chaga a juú ga inga na nu Ndióxi. Jáchi tá quiahva nandaja vii Ndióxi mí sahá ña candeé ini Jesucristo quiahva já nandaja vii ri a na cán va sahá ña candeé ini na Jesucristo. ¹⁰Ta viti cúu á tátuhun nandindójo ndó ña naçaja Ndióxi tá nandindahá Jesucristo quivi a sahá cuachí. Ta viti cúni ndó caju ndúsa ndó xihín na tóho yóho ña ná cacu vaha na ley Moisés. Ta sa candaá ini ndó ña ni mí ta ní tásáhnu jicó yo a çuú caju í cacu vaha í ley cán. ¹¹Joo ña candeé cáhnu ini quea ña jácacu maní uun Ndióxi mí sahá ña táhvi ini Jesucristo saha mí. Ta quiahva já táhvi ri ini a sahá na tóho cán va —naçachi Pedro xihín ná.

¹²Ta xihín ña yóho naçatáji yúhu tóco ndihi na cán. Ta táa johó na tá naçasáhá Pablo xihín Bernabé ndicani da nu ná tóco ndihi ña náhnu xihín ña xitúhún ña naçahan Ndióxi ñamaní nu dá caju da nuú na coó naquixi chichi Israel cán. ¹³Tá nandihí naçahan da cán já naçasáhá Jacobo cáchi da já:

—Cuni johó ndó ná çahan í xihín ndó, ñani í. ¹⁴Sa naçaxi tuhún Simón, da naní tucu Pedro nu yo tá nu cuítí naçaja Ndióxi ñamaní xihín na tóho ta naçaxi a na ña ná

nduu na ñayivi cuéntá mé á. ¹⁵Ta in quiahva cáhan ña yóho xihín ña naçahí na profeta sanahá tá naçahí na ña naçachi Ndióxi:

¹⁶Tá sa nayaha tiempo já ndicó coo tucu ú.

Ta tá quiahva naçaja cáhnu ñayivi yehe tá tiempo naçacomí David cuéntá sahá ñayivi Israel,

quiahva já vaxi quivi caju í ña ná caju cáhnu tucu na yehe.

¹⁷Caju í já jáchi cúni ña ná ndinducú na tóho yehe ña ná cacuu u xitoho tóco ndihi na,

mé ná cúu ná naçaxi yehe ná cacuu na cuéntá mí í.

¹⁸Ña yóho quea naçachi Ndióxi sanahá ndivaha tá naçaxi tuhun a ndaja coo tiempo viti —naçachi Jacobo xihín na cán.

¹⁹Já naçachi tucu Jacobo já xihín ná:

—Sahá ña cán quea çahan í ña co ndítahan caju ndúsa yo xihín na tóho cacu vaha na ley Moisés jáchi naçasáhá ndicó na íchi cuéntá Ndióxi viti. ²⁰Joo ña ndítahan caju í quea çahí yo in carta ná çuhun a nuú na cúu cuéntá Jesús ndúu ñuu Antioquia já ná caju na ñamaní ña ná a cáxi na cuñu quítí, ri najoço ñayivi nuú tñiñu yúu. Ta ná a coo na xihín na coo cúu ñáñhi na á yí ná. Ta coto ná a cáxi na cuñu quítí, ri naçahnú. Ta coto ná a cáxi na ní. ²¹Jáchi janda sanahá najañaha na ña yóho nuú ñayivi ndijáá ñuu tá quivi ndiquehe ndeé ná tá jañaha na ley Moisés nu ná ini veñuhu —naçachi Jacobo xihín ná.

²²Anda já na apóstol xihín na sacuahá veñuhu cán xihín tóco ndihi na cúu cuéntá Jesús najándique táhan na tuhun na ña çaxi na tañu tóco ndihi na cúu cuéntá Jesús cán java da ná çuhun ñuu Antioquia xihín Pablo xihín Bernabé. Ta da naçaxi na çuhun cúu Judas, da naní tucu Barsabás xihín Silas. Ndívi da yóho cúu da in saha nuú na cúu cuéntá Jesús cán. ²³Ta ña yóho cúu tuhun ndaa nu carta ñehe na cán cuahán na:

“Tóco ndihi ndehe, na cúu apóstol xihín na sacuahá veñuhu xihín na cúu cuéntá Jesús ndúu ñuu yóho chindahá nde Ndióxi coo ndóhó, na cúu cuéntá Jesús, na coó naquixi chichi Israel, na ndúu ñuu Antioquia xihín ñundahí cuéntá Siria xihín Cilicia jan. ²⁴Sa nañeñe nde tuhun ña naquee java na cúu cuéntá Jesús ñuu yóho naçaa na chí jan tá coo naçica na ñamaní nuú nde çuhun na. Ta najáquihvi na ndoghó ta najájana na jini ndó xihín tuhun cáhan na jáchi cáchi na xihín ndó ña ndítahan nu ndó chicaan ndó marca yiqui cuñu ndó ta ndítahan cacu vaha ndó ley Moisés já ná cuu çacu ndaa inima ndo.

²⁵Sahá ña cán quea ñúhu johó ndihi nde ña ná çaxi nde java ñani já ná catáhan da xihín Pablo xihín Bernabé sa da coto niñni da ndoghó. ²⁶Mé Pablo xihín Bernabé yóho ndúu tiqha da quivi da saha Jesucristo, mé

a cúu xitoho í. ²⁷ Ta chíndahá nde Judas xihín Silas já ná cahan yúhu mé ná xihín ndo já ná ndicani na saha tóco ndihi ña yóho nu ndo. ²⁸ Mé ínimá yíi Ndióxi najácahan ndehe ña co ndítahan nuú nde caja ndúsa nde xihín ndó cacu vaha ndó tóco ndihi ña sáhdá ley Moisés. Joo ná cahan nde xihín ndo ndía queá co ndítahan caja ndó: ²⁹ Coto a cáxi ndó cuñu quíti, rí najoco na nuú tiníñu yúu. Ta coto a cáxi ndo ñi ta a cáxi ndó cuñu quíti, rí nasahnú. Ta coto a cóo ndó xihín ñájíhí á yí inga na. Tá ná cacu vaha ndó tóco ndihi ña yóho já queá cúu ndó ná cája vaha. Ña yóho cúu tũhun cáhan nde xihín ndo ta ná coo Ndióxi xihín ndo.” Ña yóho cáchi carta naxindahá ná nuú na ñuu Antioquia cán.

³⁰ Andá já naquee na cán cuahan na ñuu Antioquia. Ta tá naxinu na ñuu Antioquia cán já najátaca na tóco ndihi na cúu cuéntá Jesús cán já nandiquiahva na carta nu ná. ³¹ Ta tá nandihí nacahví na cúu cuéntá Jesús mé carta já nacajii ndivaha ini na jáchi nandindee chága ví ini na nacaja ña cáchi carta cán. ³² Mé Judas xihín Silas cúu da profeta, da jáyaha tũhun cáhan Ndióxi nuú ñayivi. Ta xihín ña yóho nasahan da cuahá tũhun ndeé ini na cúu cuéntá Jesús. ³³ Nasanduú na cán chá quívi ta chí nasacu ini Judas xihín Silas ndico coo da ñuu Jerusalén jáchi cán ndúu na naxindahá ñahá ñuu Antioquia. Já nandindayi na cúu cuéntá Jesús da ña ná coo vaha da tá cuhun da íchi. ³⁴ Joo nasacu ini Silas candgo da ñuu Antioquia cán. ³⁵ Ta nacandgo Pablo xihín Bernabé chága quívi ñuu Antioquia cán ta xihín cuahá java ga na najánaha chága na tũhun vaha saha Jesús nuú ñayivi.

Cuahan tucu Pablo cahan da tũhun vaha saha Jesús nuú ñayivi

³⁶ Tá nayaha quívi já nacachi Pablo já xihín Bernabé:

—Cóho coto nihní na cúu cuéntá Jesús ndúu ndijáá ñuu nuú naxica nuu í nacahan yó tũhun Ndióxi jihna já ná candehé yo á ndico yíi va na Jesús — nacachi da.

³⁷ Cándusa Bernabé cuhun da joo cúni da candaca tucu da Juan, da cáhan na Marcos xihín ña cuhun da xihín ná. ³⁸ Joo Pablo nacahan da ña vaha chága ná a cáñehe na da cuhun da xihín ná jáchi najándacoo da na tá naxinu na estado Panfilia sahá ña coo naxeen ga da caca nuu da caja da chuun Ndióxi xihín ná. ³⁹ Nanditúhún cuaha ná sahá ña yóho joo coo nandique táhan tũhun na sahá ña cán queá nasahnda táhan na. Sahá ña cán queá nañehe Bernabé Marcos cuahan xihín dá chí isla Chipre. ⁴⁰ Ta nacaxi Pablo Silas candaca táhan xihín dá. Ta naxica tahví na cúu cuéntá Jesús nu Ndióxi sahá dá ña ná chindee a da nuú cuhun da. Andá já naquee da cuahan da. ⁴¹ Nayaha da

chí ñundáhyi Siria xihín ñundáhyi Cilicia ta níu cúu nuú cuahan da sahan da tũhun ndeé ini na cúu cuéntá Jesús ña ná candee chága ini na mé á.

16

Cátahan Timoteo xica da xihín Pablo xihín Silas

¹ Ta nayaha Pablo xihín Silas ñuu Derbe anda já naxinu coo na ñuu Lистра. Ta cán nandíñehe ná in da cúu cuéntá Jesús, nani Timoteo, da cúu jahyi in ña cúu cuéntá Jesús, ña naquixi chíchi Israel. Ta tátá da cúu griego. ² Ta ná cúu cuéntá Jesús ndúu ñuu Lистра xihín na ndúu ñuu Iconio nacahan vaha na saha Timoteo. ³ Cúni Pablo ña ná catáhan Timoteo xihín dá caca nuu da xihín dá sahá ña cán queá nacaja Pablo ña naxicaan na marca yiquí cuñu Timoteo tá quiahva cáchi ley Moisés já ná a cahan núu na Israel ndúu ndijáá ñuu válí cán saha dá. Jáchi sa xini vaha ndihi na cán ña cúu Timoteo jahyi in tãa griego sahá ña cán queá coo naxicaan na marca Timoteo tá loho chá da. ⁴ Ta já naquee ndihi na cán cuahan na ta níu cúu ñuu nu xica na cuahan na cáxi tũhun na nuú na cúu cuéntá Jesús ña ná caja na ña nacachi na sacuahá xihín na apóstol ndúu ñuu Jerusalén cán. ⁵ Xihín ña yóho nandindacu chága na cúu cuéntá Jesús ta cándee cáhnu chága ini na mé á. Ta in in quívi yáha joho ndicuağa chága ñayivi ndihvi íchi cuéntá Jesús.

Ña naxini Pablo nacaja Ndióxi tá nasahin da ñuu Troas

⁶ Ta nasaji ínimá yíi Ndióxi na cán ña ná a cuhun na estado Asia cahan na tũhun vaha saha Jesús nuú ñayivi cán. Sahá ña cán queá nayaha na ñundáhyi cuéntá Frigia xihín Galacia cuahan na. ⁷ Já naxinu coo na yúhu estado Misia. Ta chí cán yaha na cuhun na ñundáhyi cuéntá Bitinia nacahan na. Joo coo nasahan ínimá yíi Ndióxi ñamaní nu ná caja na ña. ⁸ Andá já nayaha saa na estado Misia janda quiahva naxinu coo na in ñuu nani Troas. ⁹ Ta in ñuu nani ín da mé ñuu Troas cán nasani ndímáhnú Pablo. Ta ña naxini da cúu in tãa, da naquixi chí estado Macedonia. Ta cándichi da cáhan ndahví da xihín Pablo já cáchi da já: “Naha ndó chí Macedonia yóho ña ná chindee ndó ndehe.” ¹⁰ Tá nandicani Pablo ña yóho nuú nde chí ivi laá nacaja tiahva nde ñaha nde jáchi sa nacandaa cáxi ini nde ña mé Ndióxi queá cána ndehe ña ná cuhun nde estado Macedonia cán já ná caxi tũhun nde tũhun vaha saha Jesús nuú ñayivi ndúu cán.

Xinu coo Pablo xihín na xica xihín dá ñuu Filipos

¹¹ Tá nandihí já nandaa nde barco ñuu Troas já naquee nde cuahan ndacu nde isla

nani Samotracia. Ta janda quivi itaan ja naxinu coo nde nuu Neapolis. ¹² Ta can nanuu nde me barco cuahan saha nde chi nuu Filipos. Me nuu Filipos can cuu a nuu na in chaga saha nuu java ga nuu vali nuuhu chi Macedonia can. Ta ndico a nuu Roma. Ta nasandu nde nuu Filipos can cha quivi. ¹³ Ta in quivi ndiquehe ndee na ja naquee nde cuahan nde yuhu nuu yati yuhu yuta nuu sa taca nayivi xica tahvi na nu Ndióxi. Ja nasaco nde can ta nasasaha nde cahan nde tuhun vaha saha Jesus nuu najihi, na taca can. ¹⁴ In me nanaha can nani na Lidia ta cuu na na nuu Tiatira. Me Lidia yoho cuu na na jico jahma vaha na color ndihi. Ta cuu na in na caja calhu Ndióxi. Ta nani xini joho na cahan Pablo saha Jesus ja nasuna Ndióxi xini tuni na ja nacandusa na na cahan Pablo can. ¹⁵ Ta nandih na canduta na xihin na vehe na ta ja cachi na ja xihin nde:

—Ta ta me a ndaa ndicuni ndo yehe na cuu u cuenta Jesus caja ndo namani saa ndo vehe e coo ndo —nacachi na xihin nde.

Ta nacaja ndusa na xihin nde chi nacandoo too nde vehe na can.

¹⁶ Ta ndaja coo in taflu ta cuahan nde nuu sa xica tahvi nde nuu Ndióxi ja nanditahan nde in na tacu, na ndacaan inima quini ini. Ta caja na can na ndicuni ini na. Me na tacu yoho cuu na naxeen na. Ta me xitoho na can tava cuaha da juhun saha na ndicuni ini na. ¹⁷ Ta me na tacu yoho nasasaha na ndico na jata Pablo xihin jata nde ta cayuhu cohó na ja cachi na ja:

—Da caja calhu Ndióxi, na calhu in indivi cuu da casahan yoho. Ta xica da caxi tuhun da xihin ndo nda quahva cuu cacu ndaa inima ndo —cachi na cayuhu na.

¹⁸ Ja cuiti ja cuiti caja na cuaha quivi janda quahva co ndee ga ini Pablo xihin na caja na. Chi nandicoto nihni Pablo nu na ja nacachi da ja xihin inima quini ndacaan ini na can:

—Xihin quivi Jesucristo sahnda i chuun nuun na na queun ini na loho yoho —cachi Pablo.

Chi ivi laa naqueta inima quini can cuahan.

¹⁹ Joo ta naxini na cuu xitoho na can na a coo ga cana juhun na caja na can ja natiin na Pablo xihin Silas ja nehe na da nasahan na vechuun nuu na jutixia. ²⁰ Ta naxinu coo na can ja nacachi na ja xihin da cuu juexe can:

—Da naquixi chichi Israel yoho nandai cuu da jandinhi da nayivi nuu i. ²¹ Jachi janaha da costumbre me va da nuu nayivi. Ta mi a cuu candusa i ta ni a cuu caja i costumbre da yoho jachi cuu yo nayivi ndico nuu Roma —nacachi na can xihin juexe.

²² Anda ja nandicuja nayivi xihin da. Ja nasahnda juexe can chuun na na tava na

jahma Pablo xihin Silas ta na can na ndivi da xihin yito. ²³ Ta nandih na can quini ndivaha na da ja nataan na da vecaa. Ta nasahnda na chuun nuu da ndaa vecaa can na na candaa vaha da da. ²⁴ Ta natahnda chuun yoho nuu da ndaa vecaa can ja nachicaan da Pablo xihin Silas janda sa vehe cuu vecaa can. Ta ja nachicaan da saha da taflu ivi yito nani cepo ja na ndituun vaha da.

²⁵ Joo tathun java nuu xica tahvi Pablo xihin Silas nuu Ndióxi ta xita da na caja calhu da me a nani ta joho java ga na nuu ini vecaa can nuu cahan da. ²⁶ In jonaa cuiti nasasaha taan ndee ndivaha chi janda yuu nduhu saha vecaa can canda. Anda ja nanuna too ndih yehe caa can ta nacuyu cadena nasandico too ndih na nasafuhu vecaa can. ²⁷ Anda ja nandicaxi ini da ndaa vecaa can ta ta naxini da nuna yehe caa can ja natuhun da yuchu can da na canhi da me da jachi nacahan da sa naquee ndih na nasafuhu vecaa can cuahan na. ²⁸ Joo nacayuhu Pablo nuu da ja nacachi Pablo ja xihin da:

—A canhi tohun yoho jachi yoho nduu ndih va nde.

²⁹ Anda ja naxica da ndaa vecaa can in lampara ja xinu da nandih va nuu nduu na vecaa. Ta chi quiji me da xihin na yihvi da ja nacaxiti da nu Pablo xihin nu Silas. ³⁰ Ta nandih ja natava da na ja nasasaha ndaca tuhun da na ja nacachi da ja:

—Ndi nditan caja i ja na jaca cu ndaa Ndióxi inima i —nacachi da.

³¹ Anda ja nanducu nehe Pablo xihin Silas tuhun nuu da ja cachi da ja xihin da:

—Nditahan candusun Jesucristo, xitoho i ja na cacu ndaa inimu xihin inima too ndih na vehun —nacachi da.

³² Anda ja nasasaha Pablo ndicani da tuhun vaha saha Jesus nuu da can xihin nuu too ndih na nduu vehe da can. ³³ Ta me hora ja nacaja tata da ndaa vecaa can nuu nandicuehe jata Pablo xihin jata Silas nuu nacani yito can. Ta ta nandih ja nacanduta da ndaa vecaa can xihin too ndih na vehe da. ³⁴ Ta nandih ja ndaca da Pablo xihin Silas nasahan da xihin da vehe da. Ta can nacaja ndivi na na cuxu Pablo xihin Silas. Ta chi nacaji ndivaha ini da ndaa vecaa can xihin na vehe da jachi sa nandiquehe na ichi cuenta Jesus.

³⁵ Ta naha inga quivi itaan ja nachindaha nuu cuu juexe can policia nuu da ndaa vecaa can na ja ni da Pablo xihin Silas vecaa.

³⁶ Anda ja nacachi da ndaa vecaa can ja xihin Pablo:

—Nasahnda na cuu juexe chuun nuu i na na jan i ndoho cuhun ndo. Saha na can quea caxi tuhun i xihin ndo cuahan quee ndo

ta ná cūhun Ndióxi xihin ndo —nācachi da xihin dá.

³⁷ Joo nācahan Pablo xihin da cúu policia cán já nācachi da já xihin ná:

—A váha toho nācāja na xihin nde jáchi cúu nde na romano ta na jutixia jan nācani quini na ndehe nū táhyí tóco ndihi ñayivi tá cāmaní cāja vií na sahá nde. Ta tá nandihí já nataán jīin ga na ndehe vecaa. Ta viti cúni na janí jehé na ndehe quee nde cūhun nde. Joo a váha toho cāja na já. Sahá ña cán quēa a quēta nde jandá quiahva ná quixi mé ná tavá na ndehe já quee nde —nācachi Pablo xihin da cúu policia nā.

³⁸ Andá já nāsaħan na cúu policia nandicani na nuú na cúu juéxe ña nācachi Pablo xihin ná. Tá nācandaá ini na cúu juéxe cán ña cúu Pablo xihin Silas da romano chí nayihví na. ³⁹ Andá já nāsaħan na naxiça na ñamaní nu Pablo xihin nu Silas ña ná cāja cáhnu ini da sahá ña nācāja na. Já natavá na da vecaa ta tá nandihí já naxiça na ñamaní nu dá ña ná quee da ñuu cán cūhun da. ⁴⁰ Tá naquee Pablo xihin Silas vecaa já nāsaħan na vehe ña naní Lidia. Ta tá nandihí nandiquee táhan da xihin na cúu cuéntá Jesús ndúu cán já nāsaħan da tūhun ndéé ini na andá já naquee da cuaħan da.

17

Ndinihi ñayivi ñuu Tesalónica

¹ Nani xica Pablo xihin Silas cuahan da ichi nayaha da chí ñuu naní Anfipolis xihin inga ñuu naní Apolonia andá quiahva naxinu cōo na ñuu Tesalónica. Cán nāsaħin veñuhu nu táca na Israel. ² Ta sahá ña nācahan Pablo sáħan da veñuhu quivi ndiquehe ndéé ná sahá ña cán quēa nāquihvi da veñuhu cán. Ta tixi uní semana nācahan da tūhun Ndióxi xihin ná mé quivi ndiquehe ndéé ná. ³ Ta nu libro yijí Ndióxi tává Pablo tūhun ndicani da nu ná ña nditahan nuú Jesucristo ndoho ini a. Ta tá sa nandihí naxihí a já nditacu a jáchi já cáchi libro yijí Ndióxi coo. Já nācachi Pablo já xihin ná:

—Mé Jesús, mé a cāhan i saħa nu ndo yóho, mé a yóho cúu Cristo, ña nāchindahá Ndióxi cacomí cuéntá sahá ñayivi —nācachi Pablo.

⁴ Ta chí nācandúsa java na Israel ña nācachi Pablo xihin ná. Andá já nācatáhan na xihin Pablo xihin Silas xica nuu na. Ta cuahá ri na griego, na sa cāja cáhnu Ndióxi ndúu cán nācandúsa na ña nācachi Pablo xihin ná. Ta nācandúsa ri cuahá najihí, na ín toní nūhú ñayivi xihin ta nandihvi na ichi cuéntá Jesús. ⁵ Joo na Israel, na cō cándúsa Jesús nācasáhá cáhnhvi ini na. Sahá ña cán quēa najátaca na java taa quini, da cōo chuun nu xica nuu mé cáyé cán. Já nācasáhá na jándinhi na ñayivi mé ñuu Tesalónica cán. Andá já cáti na nāsaħan na vehe in da naní

Jasón. Ta xihin ña ndúsa nāquihvi na vehe da cán ña ndinducú ná Pablo xihin Silas ña tavá na da ndiquehva na da nuú na saçuaha ñuu cán. ⁶ Joo cōo nāndiñehe ná Pablo xihin Silas cán sahá ña cán quēa jandá mé Jasón, da xihin ñaha vehe cán ñuhu na da xihin java ga na cúu cuéntá Jesús cuahan na nuú na jutixia ñuu cán. Tá nandihí já cáyuhú na já cáchi na já xihin na jutixia cán:

—Da naní Pablo xihin da naní Silas xica nuu da níi cúu ñuyivi jájana da jiní ñayivi. Ta quiahva já cúni da cāja da xihin ñayivi ñuu í. ⁷ Ta da naní Jasón yóho nandiquehe váha da da cán vehe da. Ta xihin ña cāja na yóho náha ña cō cāja na ña sáħndá ley ñuu Roma ta ni cō cāja cáhnu na da cómi cuéntá sahá ñuu Roma. Jáchi mé na yóho xica na cāhan na ña ín inga da cómi cuéntá sahá ñayivi. Ta cáchi na cúu dá in da naní Jesús —nācachi na.

⁸ Tá naxini johó ñayivi xihin na jutixia cán ña yóho chí nācasáhá na ndívaa na. ⁹ Joo nācaħvi Jasón xihin java na cúu cuéntá Jesús cán jīuhún nuú na jutixia cán já najaní ñahá na.

Cuaħan Pablo xihin Silas ñuu Berea

¹⁰ Ta tá sa nācuaa mé ñuu já nāchindahá na cúu cuéntá Jesús cán Pablo xihin Silas já ná cūhun da chí ñuu Berea. Ta tá naxinu cōo da ñuu Berea cán já nandihvi da veñuhu na Israel cán. ¹¹ Ta nāsuná chága na Israel cán ínimá ná a juú ga na ndúu ñuu Tesalónica chí cájijí ini na nandiquehe na tūhun Ndióxi. Ta ndijáá níi quivi ndinducú na nuú tūhun Ndióxi ña á mé a ndaa cúu ña jánaha Pablo nu ná. ¹² Ta cuahá táhan na nāquixi chíchi Israel cán nandiquehe na ichi cuéntá Jesús. Ta cuahá najihí griego, na tácy ini nación cán xihin cuahá nataa griego nandiquehe na ichi cuéntá Jesús. ¹³ Joo tá nāñeñé na Israel ñuu Tesalónica tūhun ña ín Pablo ñuu Berea cāhan da tūhun Ndióxi nuú ñayivi chí ivi laá nāsaħan na jándinhi na ñayivi ñuu Berea cán já ná ndicuíta na xihin Pablo. ¹⁴ Joo jiví laá na cúu cuéntá Jesús cán nāchindahá na Pablo cuahan da yati yuhú tañuhú naní nācandoo Silas xihin Timoteo ñuu Berea cán. ¹⁵ Ta java na cúu cuéntá Jesús ndáca na Pablo ta nāsañehe na da jandá ñuu Atenas. Ta tá nandicó cōo na cán ñuu Berea já ñehe na chuun ña ná cūhun quíi Silas xihin Timoteo ñuu Atenas ná ndique táhan da xihin Pablo.

Ín Pablo ñuu Atenas

¹⁶ Nani ndáti Pablo xinu cōo Silas xihin Timoteo ñuu Atenas cán já nācasáhá ndíhi ini da jáchi níi cúu ñuu cán nāchutú ndaa xihin cuahá tñiñu yúu ndicahán ñayivi ñuu cán. ¹⁷ Sahá ña cán quēa nācasáhá Pablo cāhan da tūhun Ndióxi xihin na Israel ini veñuhu na. Ta quiahva já nācaħan ri da tūhun Ndióxi xihin java na tóho, na cāja

cáhnú Ndióxi cán. Ta jári ndijáá níí quívi cáhan da tũhun Ndióxi xihín ñayivi táca nuú yahvi ñuu cán. ¹⁸ Ta java ƚa, da jácuaha íchi cuéntá Epicureos xihín da jácuaha íchi cuéntá Estoicos ñacasáhá ndítuhún na xihín Pablo. Joo java na cán cáchi na saha Pablo ña cuaha ndivaha cáhan da ta co cándaq ini na ndá quea cáhan da. Ta java na cáchi na já saha dá:

—Á tá coó ta java ga ndióxi xica nuu da cáhan da saha —cáchi na.

Ñacachi na ña yóho saha Pablo jáchi naƚica nuu mé dá cáhan da tũhun vaaha saha Jesús ta cáhan da ña nanditacu tucu Jesús. ¹⁹ Saha ña cán quea ndáca na Pablo cuahan ná in nuú naní Areópago jáchi cán cúu nu ndítaca ñayivi ndítuhún na. Ta tá naƚinu coo Pablo cán já ñacasáhá ndáca tũhún na da já cáchi na já xihín dá:

—Á cajún ñamaní caxi tũhún xihín nde ndá cúu ña saá ña xícun jánahún nuú ñayivi. ²⁰ Jáchi sa ñañehé nde tũhun ña cátoóto ñayivi xihín ña jánahún nu ná ta viti cúni nde candaq ini nde ndá quea jánahún nu ná —ñacachi na xihín Pablo.

²¹ Ñacachi na já xihín Pablo jáchi tóco ndihi ñayivi Atenas xihín na tóho ndúu cán ndijáá níí quívi ndinuhu ini na ndítuhún na ñaha saá, ña ñaxini joho na jánahá inga na.

²² Andá já ñacandichi Pablo tañu na ndúu mé nuú naní Areópago cán já ñacachi da já xihín ná:

—Candehé ndó, ñayivi ñuu Atenas. Candaq caxi ini i ña cúu ndó ñayivi cátoó ndicahán cuaha nuú tĩñu yúu, ña cúu ndióxi ndo ta ndicahán ndó ña xihín ndinuhu ini ndó. ²³ Jáchi tá xica nuu i ñu ndó já ñaxini i cuaha nunáa nu cája cáhnú ndó ña. Ta nu xica nuu i cán ñaxini i inga nunáa. Ta nunáa cán ndáa in tũhun ta cáchi a: “Náa yóho cúu nu ndicahán nde ndióxi co xini nde”, já ñaxini i cáchi a. Ta vaƚi co xini ndó Ndióxi ndicahán ndo cán joo cája cáhnú ndó ña. Ta mé Ndióxi cán quea cúni cahan i saha nu ndó viti.

²⁴ Mé Ndióxi cán quea ñacavaha ñuyivi xihín tóco ndihi ñaha in ñuyivi yóho. Ta mé á cómi a cuéntá sahá indivi xihín ñuyivi. Ta co ndácaan toho mé á ini veñuhu ña ñacavaha ndahá ñayivi. ²⁵ Ta ni co xini ñuhú á chindee ñayivi mé á jáchi sa mé á quea cája ña ná catacu mí. Mé Ndióxi quea sahan taƚi yó nu yo ta mé á sahan tóco ndihi ñaha nu yo.

²⁶ Mé Ndióxi cán ñacavaaha in ƚa nu cuíti. Ta tóco ndihi ñayivi ndúu ñuyivi ñaquixi na chichi mé ƚa, da ñacavaha Ndióxi cán. Tá nandihí já najándicuita nuu Ndióxi ñayivi ñaquixi chichi da cán níí cúu ñuyivi já ñaƚhnda in in nación canduu a. Ta sa ñasacu ini Ndióxi ndaja tiempo canduu in in nación ñuyivi yóho ta ñasacu ini mé á ndáchi coo in in nación. ²⁷ Já ñajaja Ndióxi

jáchi cúni a ña ná ndinducú ñayivi mé á ta já ná ndiñehe ná íchi cuéntá mé á. Joo mé a ndaa yati va in Ndióxi nu tóco ndihi ñayivi. ²⁸ Jáchi mé á cája ña ná catacu ta ná canda yiquí cuñu í. Sanahá ñacachi java ƚa cuéntá mé ndó já: “Cúu yó na vehe Ndióxi.” ²⁹ Joo tá mé a ndaa cúu yó na vehe Ndióxi co ndítahan cáhan yo ña Ndióxi cúu tĩñu yúu ña najándicucu na xihín jũhũn cuáán á xihín jũhũn cúxú. Ta ni co ndítahan cáhan yo ña Ndióxi cúu tĩñu yúu cávaaha ndahá ñayivi xihín yuu. Jáchi jini mé va na jan cána ña cávaaha na. ³⁰ Jihna ñasacu ini Ndióxi ña a jándoho toho a ini ñayivi saha cuachi ñasacaja na jáchi co candaq ini na ña cúni mé á, nduu. Joo viti sahdá Ndióxi chuun nu tóco ndihi ñayivi ña ná ndicó coo ini na ta ná a cája cáhnú ga na tĩñu yúu. ³¹ Jáchi sa ñasacu Ndióxi in quívi caja vii a saha tóco ndihi ñayivi ndúu ñuyivi yóho. Ta sa ñacaxi mé á Jesús ña caja vii ndaa mé á saha ná. Ta najánditacu tucu Ndióxi Jesús tá nandihí naƚihí a. Ta xihín ña yóho ñañaha nuú ñayivi ña mé a ndaa caja vii Jesús saha ná —ñacachi Pablo xihín ndihi na cán.

³² Tá ñaxini joho na cán ña cáchi Pablo ña vaƚi quívi nditacu ndii já ñacasáhá java na cán saçu ndaa na da. Joo java na cáchi na já xihín dá:

—Vaaha chága ná cáhún sahá ña jan nuú nde inga tañu —cáchi na xihín dá.

³³ Andá já ñaquee Pablo nu Areópago cán cuahan da. ³⁴ Joo java ñayivi, na ñacandúsa ña cáchi dá ñacasáhá ndico na da xica na. Tañu na cán ñasandacaan in da naní Dionisio, da cúu táhan na ndítaca Areópago cán. Ta tañu na ñacandúsa cán ndácaan ri in ñañaha naní Dámaris. Ta jári java chága na cándúsa nandihvi na íchi cuéntá Jesús.

18

Xinu coo Pablo ñuu Corinto

¹ Tá nandihí já ñaquee Pablo ñuu Atenas cán já cuahan da chí ñuu Corinto. ² Ta mé cán nandique táhan da xihín in da Israel naní Aquila, da ñasacu estado Ponto. Ta jacá cúu saá va ñaxinu coo Aquila ñuu Corinto cán xihín ñajihí da, ña naní Priscila. Ta ndivi na yóho sa ñaquee na ñuu Roma ndácaan nación Italia jáchi Claudio, da cómi cuéntá sahá na ñuu Roma cán ñasahnda da chuun ña ná quee ndihi na Israel cuhun na. Ña cán quea ñaxinu Aquila xihín ñajihí da ñuu Corinto cán. Andá já ñasahan Pablo ñaxito nihni da na nu ndúu na cán. ³ Ta ñacandoo Pablo vehe na cán cája chúun da xihín ná jáchi sa mé chuun ña cája na cán tiahvra ri da cán va. Ta chuun ñasacaja na quea cávaaha na vehe lona, ña ndeé. ⁴ Ta tá xinu coo quívi ndiquehe ndéé ná já sahan da veñuhu na Israel cahan da tũhun Ndióxi

xihin ná. Ta já najáxinu da ini na Israel xihin na toho já nacasáhá na cándúsa na Jesús.

⁵ Ta ndaja coo najándacoo Silas xihin Timoteo estado Macedonia ta naxinu coo na ñuu Corinto cán. Anda jávi najándacoo Pablo chuun cajú da cán já nacasáhá da ndúcu ndéé chága da cáhan da tuhun Ndióxi nuú ñayivi. Ta cáxi táhyi cáhan da xihin na naquixi chichi Israel ña mé Jesús cúú á ña ndátí na chindahá Ndióxi quixi. ⁶ Joo na naquixi chichi Israel cán coo nandiquehe na tuhun cáhan Pablo ta nacasáhá cánahá na xihin dá ta cáhan núu na saha Jesús. Anda já naquiji nihni Pablo jáhma dá já ná candaa ini na ña co ndójo ga da cuachi sahá na Israel cán ta já nacachi da já xihin ná:

—Tá ná cuhun ndó indayá ta cómi mé va ndó cuachi sahá. Joo yehe co ndójo ga i cuachi saha ndo jáchi sa nacahan i tuhun Ndióxi xihin ndo ta co cuni ndó cándúsa ndó ña. Viti xihin chí nuu cuhun i cahán i tuhun vaha saha Jesús nuú na coo naquixi chichi Israel —nacachi Pablo xihin ná.

⁷ Já naqueta da veñuhu na cán cuahan da. Já nasaa da vehe in da naní Justo, dá cajú cáhu Ndióxi. Ta yati jin veñuhu cán ún vehe da. ⁸ Ta in da naní Crispo, dá sáhná chuun veñuhu cán nacandúsa da Jesús, xitoho i xihin tóco ndihi na vehe da. Ta cuaha táhan mé na ñuu Corinto cán nandiquehe na íchi cuéntá Jesús ta nacandúta ná tá naxini johó na tuhun Ndióxi nacahan Pablo xihin ná. ⁹ Ta ndaja coo in ñuu naquixi tátuhun in sani nu Pablo ta xihin ña cán nacahan Ndióxi xihin dá já nacachi a já:

—A yihvún cahún sahá i nuú ñayivi ta coto a catáji yuhun cahán chágún xihin ná saha i. ¹⁰ Jáchi ñin vi xuhun ta ni in na a cúu tiin yohó ña ná cajú xixi na xuhun. Jáchi sa ndúu cuaha ndivaha ñayivi ñuu yóho, na cacuu cuéntá mí i —nacachi Ndióxi xihin dá.

¹¹ Saha ña cán queá nasahin too Pablo in cuja java ñuu Corinto cán ta najánaha da tuhun Ndióxi nuú ñayivi cán.

¹² Joo mé tiempo cán nacasáhá cómi in da naní Galión cuéntá sahá ñayivi estado Acaya nu ndacaan ñuu Corinto cán. Já nandique táhan ndihi na Israel ña cuni na cajú xixi na xihin Pablo chí ñatiin na dá já ñéhe na da cuahan da vechúun. ¹³ Ta mé cán nacasáhá cáchi ná já xihin da cúú gobernador cán:

—Da naní Pablo yóho xica da jácahan da ñayivi ña ndítahan nu ná cajú cáhu na Ndióxi ta co sáhná ley yo cajú i já —cáchi na cán xihin gobernador.

¹⁴ Anda já ndúcu Pablo candichi da cahan da joo mé Galión cán nacasáhá cáchi da já xihin na Israel cán:

—Tá cuachi ndeé ná cajú da yóho já queá cuu cuni johó i nu cáhan ndo ná ndaja ndichi i saha dá, nduu. ¹⁵ Joo co cuni toho i cajú víi sahá ña jan jáchi cúú á sahá tuhun

cahan ndo xihin sahá quivi ñayivi Israel xihin saha ley mé va ndó ña cán queá vaha chága ná cajú víi mé va ndó sahá ña yóho —nacachi da cúú gobernador cán xihin ná.

¹⁶ Tá nandihí já ñatavá da na Israel vechúun cán. ¹⁷ Anda já ñatiin tóco ndihi na griego cán da naní Sóstenes, dá sáhná chuun veñuhu cán. Ta ñatiin na da mé nu táhyi mé dá cúú gobernador cán nacani na da. Joo coo nasahni toho Galión mé dá sahá ña nacaja na.

Ndicó coo tucu Pablo chí Antioquia

¹⁸ Cuahá va quivi nacandoo too chága Pablo ñuu Corinto cán. Anda já nandindayí da na cúú cuéntá Jesús ndúu cán já naquee da cuahan da ñundáhyi cuéntá Siria. Ta ndaca da Aquila xihin Priscila cuahan na xihin dá. Ta tá naxinu da ñuu Cencrea tá cámani ndaa da barco cuhun chága da chí nuu já najatá lahla da jiní dá já ná xinu coo nuú tuhun nacahan da. ¹⁹ Ta tá naxinu coo da ñuu Efeso xihin na ndaca táhan xihin dá cán já najándacoo da Priscila xihin Aquila. Ta naquee da cuahan da chí veñuhu ñuu Efeso cán nuú nacahan da tuhun Ndióxi nuú na Israel, na táca cán. ²⁰ Tá nandihí já nacasáhá cáhan ndáhyi na Israel cán xihin Pablo ña ná candoo too da chága quivi xihin ná. Joo coo naxeen toho da. ²¹ Ña nacaja da queá nandindayí da na já nacachi da já xihin ná:

—Ndítahan cuhun i coo i Jerusalén jáchi sa nandindaa quivi vaxi vico. Joo ndicó coo tucu u coto nihni i ndohó tá cuni Ndióxi —nacachi Pablo xihin ná.

Tá nandihí já ndanda da barco naquee da ñuu Efeso. ²² Ta tá naxinu coo da ñuu Cesarea já naquee da cuahan da chí ñuu Jerusalén cahán Ndióxi da xihin na cúú cuéntá Jesús ndúu cán. Tá nandihí já naquee da cuahan da chí inga ñuu naní Antioquia. ²³ Ta tá nandihí nasahin da chá quivi cán já naquee tucu da cuahan da tá in tá in ñuu válí ñuhu chí estado Galacia xihin estado Frigia ña quiahva da tuhun ndeé ini ná cúú cuéntá Jesús ndúu cán.

Cáhan Apolos tuhun Ndióxi nuú na ñuu Efeso

²⁴ Mé tañu já naxinu coo in da naquixi chichi Israel naní Apolos mé ñuu Efeso cán. Mé Apolos yóho cúú dá da nacacu ñuu Alejandría. Ta cúú dá in da tiahva vaha tuhun Ndióxi ta tiahva vaha da jánaha da ña nuú ñayivi. ²⁵ Mé Apolos yóho sa najacuaha vaha da íchi cuéntá Jesús, xitoho i ta xihin ndinuhu ini da cáhan da saha mé á nuú ñayivi. Ta cáxi táhyi jánaha da saha Jesús nu ná. Ta nacahan da xihin ná ña ndítahan candúta ñayivi tá quiahva najácandúta Juan ñayivi jihna. Joo coo xini vaha da tóco ndihi ña najánaha Jesús. ²⁶ Chí já naquihvi mé Apolos veñuhu cán cahan da tuhun Ndióxi

xihin ñayivi jáchi co yihví da cahan da xihin ná. Ta ndaja coo ñaxini joho Priscila xihin Aquila nu cahan da. Ta tá nandihí já ñéhe na da cuahan na já nandicani vaha chága na nu dá ndaja in ichi cuéntá Ndióxi. ²⁷ Ta tá ñasacu ini Apolos cuhun da chí estado Acaya já ñachindeé na cúu cuéntá Jesús da já ná cuu cuhun vaha da. Ta ñacahyi na in carta ñasahan na nu dá ná quiahva da ña nuú na cúu cuéntá Jesús ndúu cán já queá ná ndiquehe vaha na da. Ta tá ñaxinu coo Apolos yóho estado Acaya cán ñachindeé cuhá ndivaha da na cúu cuéntá Jesús, na ñacandéé ini mé á sahá ña ñatahvi ini Ndióxi saha ná. ²⁸ Ta nu cáxi táhyi ndihí ñayivi ñanaha da ña a juú ña ndaa cúu ña jánaha na Israel nuú ñayivi. Ta xihin tuhun Ndióxi ñanaha da nu ná ña mé Jesús cúu Cristo, mé a ñachindahá Ndióxi cacomí cuéntá sahá ñayivi.

19

Tá in Pablo ñuu Efeso

¹ Ta nani in Apolos ñuu Corinto cán já nayaha Pablo chí yúcu janda quiahva ñaxinu coo da ñuu Efeso. Ta cán nandíñehe dá java na cúu cuéntá Jesús. ² Já ñandaca tuhún da na já ñacachi da já xihin ná:

—Á nandicutú ndaa inima ndo xihin inima yii Ndióxi tá ñacandúsa ndó Jesús —ñacachi da xihin ná.

Já ñanducú ñehe na cán tuhun nu dá já cáchi na já xihin ná:

—Chí a ñáha mé va candaa ini nde saha inima yii Ndióxi jan —ñacachi na cán xihin Pablo.

³ Andá já ñandaca tuhún Pablo na já cáchi da já xihin ná:

—Ndaja vaha ñacandutá ndo, dá já.

Andá já ñanducú ñehe na cán tuhun nu dá já ñacachi na já:

—Ñacandutá nde tá quiahva najánaha Juan —ñacachi na.

⁴ Andá já ñacachi tucu Pablo já xihin ná:

—Najácandutá Juan ñayivi já ná naha na nuú ñayivi ña nandijama na ta co cája ga na cuachi ñasacaja na jihna. Joo ñacahan Juan xihin ná ña ndítahan nu ná candúsa na inga da vaxi jata dá. Ta da ñacahan Juan cán saha cúu Jesús, mé a ñachindahá Ndióxi cacomí cuéntá sahá ñayivi —ñacachi Pablo xihin ná.

⁵ Tá ñaxini joho na cán ña ñacachi Pablo xihin ná chí ivi laá ñacandutá ná cuéntá Jesús, mé a cúu xitoho í. ⁶ Ta tá nachojó Pablo ndáha dá jiní ná já ñaxinu inima yii Ndióxi najándicutú a ini na. Andá já ñacasáhá na ndícahan na inga tuhun ña coo ñasatíahva na. Ta jáyaha na tuhun ñacahan Ndióxi nuú na ndúu cán. ⁷ Ta tíxi ndihí na cán cúu ná tátuhun uxu ivi taa.

⁸ Ta tíxi uní yoo ñasahjin Pablo ñuu cán sahan da veñuhu jánaha da saha Jesús nuú ñayivi xihin ndinuhu ini da. Ta jáxinu da ini ñayivi ña ná ndihvi na ichi cuéntá Jesús já cuu cacomí mé á cuéntá saha ná. ⁹ Joo java na cán saá ini na ta coo ñaxen na candúsa na nu cahan da. Ña ñacaja na queá ñacasáhá cahan núu na sahá tuhun vaha cahan saha Jesús nuú ñayivi. Saha ña cán queá ñatavá xóo Pablo na cúu cuéntá Jesús tañu na cán já ñasahan ndaca da na in vehe escuela nu in in da nani Tiranno ta cán jánaha Pablo tuhun Ndióxi nu ná ndijáá ní quivi. ¹⁰ Já ñasacaja Pablo tíxi ivi cuaja ta xihin ña cája da ñaxini joho ndihí na ndúu estado Asia tuhun vaha saha Jesús, xitoho í. Ta na ñaxini joho tuhun Ndióxi cán cúu ná na ñaquixi chichi Israel xihin na tóho viti. ¹¹ Ta ñacaja Ndióxi ña ná cuu caja Pablo cuhá ña xituhún nuú ñayivi ndúu cán. ¹² Jáchi janda pañito á jáhma ña cáni ndaa Pablo cán ñéhe na ña cuahan na ta jáceni ndaa na ña na quihvi xihin á chí ndivaha na. Ta tá ñúhu inima quini ini na janda rí cán queta cuahan.

¹³ Joo java na Israel, na co cúu cuéntá Jesús xica nuu na táva na inima quini ñúhu ini ñayivi. Ta ndaja coo ñasacu ini na caja chúun na quivi Jesús, xitoho í, ña ná táva na inima quini. Já ñacachi na cán já xihin inima quini ndácajan ini ñayivi:

—Xihin quivi Jesús ña xica nuu Pablo cahan da saha, sáhdá nde chuun nuun ña ná queún cuhun —ñacachi na cán.

¹⁴ Já ñacaja ndíhusa jahyi in da nani Esceva, da cúu da sacuaña nuú jutú veñuhu na Israel ndúu ñuu cán. ¹⁵ Joo tá ñacachi na ña yóho xihin rí quini ñúhu ini in dataa já ñanducú ñehe rí cán tuhun nu ná já cáchi rí já:

—Xini vi yo cúu Jesús ta xini rí ndá da cúu Pablo va. Joo mé ndó, co xini toho i ndohó —ñacachi rí quini.

¹⁶ Tá ñacachi inima quini cán já chí ivi laá ñandava dataa ndácajan inima quini ini cán jata ndíhusa na cán ta ñacaja xixi quini da xihin ná jáchi a juú quiahva ndacú da. Quini ñacaja da cán xihin ná andá ñaxinu laha ndihí na jata véhe ta chí a vaha na nandicuehe na ñacaja inima quini cán. ¹⁷ Ta chí ñacandaa ini ndihí ñayivi ndúu ñuu Efeso cán sahá ña nayaha yóho vatí cúu ná na Israel á cúu ná na tóho ña ñehe ndihí na tuhun. Saha ña cán queá nayihvi na. Ta cuaha ná ñacahan na ña cámu cúu quivi Jesús ña cúu xitoho í.

¹⁸ Ta cuaha táhan na cándúsa Jesús cán ñacasáhá na náhma na tóco ndihí cuachi ñacaja na. ¹⁹ Ta cuahá ná ñasacuu na tají ñéhe ndihí na libro ña tají ñaxinu na ta ñachicaan ñúhu ná ña nuú ndihí ñayivi. Tá najítá na cuéntá sahá yahvi tóco ndihí libro ñacayi cán ñaxinu a tátuhun ivi jico uxu mil

jiuhun cúxú. ²⁰ Já ñacasáhá xíta nuu tũhun vaha saha Jesús. Ta náha ña mé a ndaa ín ndée Jesús caja tóco ndihi ñaha.

²¹ Tá sa nayaha ndihi ña yóho já nasacu ini Pablo cũhun da coto nihni da estado Macedonia xihĩn estado Acaya. Já quehe tucu da ichi cũhun da janda Jerusalén. Ta ñacachi da ña tá sa nasahan da ñuu Jerusalén já vaha da cũhun da chí ñuu Roma. ²² Ta mé Pablo yóho ñachindahá da ivi táhan da xica chindee táhan xihĩn dá ña ná cũhun da chí estado Macedonia. Ta da ñachindahá da cán cúú Timoteo xihĩn Erasto ta mé Pablo ñacandqo tóo chága da estado Asia.

Ndávaa ñayivi ndúu ñuu Efeso

²³ Mé tiempo já a juú quiahva cuahá ñayivi ñuu Efeso ñandivaa na sahá ña ñandihvi cuahá ñayivi ichi cuéntá Jesús. ²⁴ In da naní Demetrio cúú dá da najándivaa na cán. Mé Demetrio yóho cávaha da ñiñũ yúú xihĩn jiuhun cúxú ta mé ñiñũ yúú cán ndaa tá quiahva cáa in veũhu cuéntá Diana, ña cúú ndióxi cája cáhnu na ñuu cán. Ta a juú quiahva vaha cána jiuhun na cája chúun xihĩn dá cán. ²⁵ Sahá ña cán quea mé Demetrio yóho najátaca da tóco ndihi na cája chúun xihĩn dá ta najátaca ri da java ga táhan na cája mé chuun cávaha ñiñũ yúú cán. Já ñacachi da já xihĩn ná:

—Candehé ndo, sa cándaq vaha ini ndó ña vaha ndivaha cána jiuhun yo xihĩn chuun cája í yóho ta ndúu vaha í cája ña. ²⁶ Joo sa xini ndo ta ñehé mé ndó tũhun sahá da naní Pablo. Xica nuu da cáhan da xihĩn ñayivi ña a juú toho ndióxi cúú ña cávaha ndahá ñayivi. Ta sa cuahá ndivaha ñayivi ñacava da jini. Ta a juú in tũhun ñuu Efeso yóho cuiti va jáchi sa ñacandee da ñacava da jini cuahá na ndúu chí estado Asia viti. ²⁷ Ta ihvi ndivaha cáa ña yóho jáchi cuu cahnu da nuú chuun cája í ta nu cána jiuhun yo quea yóho. Ta janda veũhu ndióxi yo, ña naní Diana cuu ndihi saha vatí ní cúú cáhan vaha na saha veũhu ña. Joo xihĩn ña cája Pablo yóho tá xica nuu da cuu casahá ñayivi cahãn núu na saha Diana ta cuu casahá na candají na ña cúú ndióxi yo, mé Diana yóho. Ta mé ña cúú ña ña cáhnu ndivaha ta ñayivi níú cúú estado Asia yóho xihĩn ñayivi níú cúú ñuyiví cája cáhnu na ña —ñacachi Demetrio cán xihĩn java ga da cávaha ñiñũ yúú cán.

²⁸ Ta tá ñaxini johõ ndihi na cán ña ñacachi Demetrio chí ivi laa najaa quini na já ñacayuhú na já ñacachi na já:

—Cáhnu ná cacuu Diana, ña cúú ndióxi ndicahãn na Efeso.

²⁹ Ta xihĩn ña yóho tóco ndihi ñayivi ñuu cán ñacasahá na ndívaa na. Sahá ña cán quea ñatiin na ivi dataa, da naní Gayo xihĩn da naní Aristarco. Ndíví da yóho cúú da da estado Macedonia ta xica nuu da xihĩn

Pablo. Ta mé ñayivi cán ñatiin na da já ñúhu na da cuahan da vehe nu ndítaca ñayivi cán.

³⁰ Ndúcu Pablo quihvi nuu da tañu ñayivi cán ña cahãn da xihĩn ná cúni da. Joo na cúú cuéntá Jesús cán coqo ñaxeen na ña ná cũhun da. ³¹ Ta jári java na jutixia cuéntá estado Asia ndúu cán ta xini táhan vaha xihĩn Pablo sahá ña cán quea ñachindahá na chuun nu dá ña ná a quihvi nuu da cahãn da xihĩn na cán. ³² Tañu nu táca ñayivi ndívaa ñahá cán sa jíin sa jíin ñaha cáyuhú na ndúu na. Jáchi cuahá na ñataca cán ni co xini na ndá cuéntá quea ñataca na tañu ñayivi cuahã cán. ³³ Joo java ñayivi ndúu cán ñandicaní na ndaja cáa ña cúú cán nuú in da naní Alejandro. Ta java na Israel ndúu cán ñachindahá na Alejandro já ná candichi da cahãn da xihĩn ñayivi cán. Andá já ñandifehe Alejandro ndahá dá já ná catáji tóo yũhu ná já ñacasahá ndiquehe da sahá na cúú cuéntá Jesús. ³⁴ Joo tá ñaxini ñayivi cán ña cúú Alejandro in da Israel chí ivi laa ñacasahá tóco ndihi na cán cáyuhú na já cáchi na já:

—Cáhnu ná cacuu Diana, ña cúú ndióxi ndicahãn na Efeso.

Ta coqo ñacatáji na tixi ivi hora cáyuhú na mé tũhun yóho.

³⁵ Ta tá sa ñacatáji loho ñayivi já ñacasahá da cúú da cáhyí tutu ñuu cán cáhan da xihĩn ñayivi já cáchi da já xihĩn ná:

—Candehé ndó, na Efeso. Sa cándaq ini ndihi ñayivi ndúu ñuyiví ña ndítahan nuú ñayivi ndúu ñuu Efeso candaa vaha na veũhu ña cúú ndióxi naní Diana. Jáchi mé ña cúú ña ña cáhnu ndivaha ta indivi ñaquixi nahná ña ñandicava nu yo. ³⁶ Ta ni in na a cúú cachi ña cáhan í ña tũhun sahá ña cán quea caja ndó ñamaní catáji ndó ta ndicani vaha ini ndó sahá ña cúni ndó caja ndó. ³⁷ Jáchi ndíví da ndáca ndó ñacasaa ndó yóho co cája cuíhna dá veũhu Diana ta ni co cáhan núu da saha ña. ³⁸ Ta tá co táhan ini Demetrio xihĩn na cája chúun xihĩn dá sahá ña cája Pablo já ndítahan nu ná cũhun na vechúun nuú jutixia ta cán cuu ndiquehe in in na saha mé ná jáchi sahá ña cán ndúu juexé cán caja vii na sahá ñayivi. ³⁹ Joo tá inga ñaha quea cúni ndó caja vii ndó saha, xini ñúhú nditaca ndihi já ná cuu caja vii yó sahá. ⁴⁰ Jáchi cája í cuéntá cuu chicaoã na cuachi jata yo sahá ña jándicuita í ñayivi caní táhan na saha tóco ndihi ña nayaha quiví viti. Jáchi mé a ndaa co xini yo ndá tũhun nducú ñehé tá ná ndaca tũhun na mí ndá cuéntá quea ñandivaa ñahá yo —ñacachi da xihĩn ná.

⁴¹ Tá ñandihí ñacachi da cáhyí tutu cán tũhun yóho xihĩn ñayivi cán já najánduta da na.

20

Cuaḥan Pablo estado Macedonia xihin estado Grecia

¹ Tá sa nandutá ndihi ñayivi, na nandivaa nahá cán já naçana Pablo tóco ndihi na cúu cuéntá Jesús jáchí cúnj da caḥan da xihín ná sahá java ñaha ña ndítahan nu ná caja na. Ta tá nandihí naçahan da xihín ná já nanumi da na ta nandindayí da na já naquee da cuaḥan da chí Macedonia. ² Nii cúu estado Macedonia cán naçica nuu da sahan da tuhun ndéé ini na cúu cuéntá Jesús xihín tuhun cáhan da. Tá nandihí já naquee da cuaḥan da ta naçinu da chí estado Grecia. ³ Ta naçandoo da cán tixi unj yoo. Ta tá ja chá quehe da barco cuḥun da chí ñundáhyi cuéntá Siria já nañeḥe dá tuhun ña sácu ini na Israel cán cahní na da. Sahá ña cán queá naçacu ini da ña vaḥa chága ná cuḥun sahá da já ná yaha tucu da chí Macedonia. ⁴ Ta ndáca táhan java na cúu cuéntá Jesús cuaḥan na xihín Pablo. Ta na cán cúu na yóho: in da naní Sópater, da ñuu Berea xihín Aristarco xihín Segundo, da ñuu Tesalónica xihín Gayo, da ñuu Derbe xihín Timoteo. Ta tañu na cán cuaḥan ri Tiquico xihín Trófimo, da naçuixi estado Asia. ⁵ Tóco ndihi na ndáca táhan xihín Pablo yóho naçahan cuéé na chinu candati na ndeḥe ñuu Troas. ⁶ Joo ndeḥe, da cúu Pablo xihín Lucas tá sa nayaha víco tá xixi na pan ña co cáva táhan yusa naçaa xihín já nandaa nde barco ñuu Filipos cuaḥan nde chí Troas. Ta janda quivi uhun já nandique táhan nde xihín ndihi na cán. Ta chí naçandoo tóo chága nde usa quivi ñuu Troas cán.

Xito nihni Pablo ñuu Troas

⁷ Ta quivi domingo naçaca ndihi nde, na cúu cuéntá Jesús ña cuxu nde pan yii. Ta sahá ña queta Pablo cuḥun da inga quivi itaan saḥa ña cán queá najánaha cuaḥa dá nu ná janda quiahva naçinu java ñuu. ⁸ Tóco ndihi na cúu cuéntá Jesús cán nanditútú nde ndúu nde in vehe cánu jini ñnu. Ta chí ndiyihvi ndaa nu ndúu nde jáchí cuaḥá lámpara cáyi. ⁹ Ta ndaja coo in da loho naní Eutico in coo da ventana xini joho da nu cáhan Pablo. Joo saḥa ña cuaḥa cáhan Pablo saḥá ña cán queá nañaá ini da loho cán chí naçuiji da. Já najani dá nandicava da janda nu ñúhu piso unj. Ta tá nanuu na cúu cuéntá Jesús cán nandinehe na da jandá ndii cúu dá. ¹⁰ Andá já nanuu Pablo ta najáca da mé dá jatá da loho cán ta nanumi da da ta já naçachi da já xihín na cúu cuéntá Jesús cán:

—A cáyhvi toho ndó jáchí tácu va da yóho —naçachi Pablo chí najánditacu ñahá da.

¹¹ Andá já nandaa tucu Pablo cuaḥan da vehe piso ñnu cán. Já naçahnda java da pan yii cán ta naçixi na ña. Andá já naçahan chága da xihín ná janda quiahva naçivi. Já

naquee da cuaḥan da. ¹² Ta saḥa mé da loho, da nandicava cán cájii ini na ndáca vaḥa na da cuaḥan na jáchí nanditacu da.

Qué Pablo ñuu Troas ta cuaḥan da chí ñuu Mileto

¹³ Naçacu ini Pablo cuḥun saḥa da andá ñuu Asón. Joo mé nde nandaa nde barco naçahan nde mé ñuu cán jáchí janda cán naçandoo nde ndique táhan nde xihín dá. ¹⁴ Ta tá nandique táhan nde ñuu Asón cán xihín dá já nandaa da xihín ndihi nde ini barco. Já naquee nde cuaḥan nde ñuu Mitilene. ¹⁵ Cásahan nde ini barco ta inga quivi itaan já nayaha nde yati isla Quío ta janda tá nayaha inga tucu quivi já naçinu coo nde ñuu Samos. Ta naquee tucu nde cuaḥan nde janda quiahva naçinu coo nde ñuu Troglilio. Ta cán nandiquehe ndéé nde ta janda inga quivi itaan naçinu coo nde ñuu Mileto. ¹⁶ Co cúnj Pablo cayáncá da estado Asia saḥa ña cán queá coo naçahan nde ñuu Efeso. Numi da cuḥun da ñuu Jerusalén coo da quivi víco Pentecostés jáchí naçacu ini da coo da víco cán tá ná quiahva Ndióxi ñamanj nu dá.

Cáhan Pablo xihín na saçuaḥá ñuu Efeso

¹⁷ Ta nani ndúu nde ñuu Mileto cán já naçana Pablo tóco ndihi na saçuaḥa veñuhu ñuu Efeso cán já ná quixi na. ¹⁸ Ta tá sa naçaca na nu ndúu nde já naçachi da já xihín ná:

—Sa xini vaḥa ndó ndaja naçaja i janda quivi nu cuítí tá naçinu coo i estado Asia yóho. ¹⁹ Nii tiempo naçahin i tañu ndó cán naçaja chúun i cuéntá Jesucristo, xitoho í. Ta coo nandinehe jicó i mí i saḥa ña naçaja i. Ta cuaḥa tañu naçacu u saḥa ndo. Ta nandoho ini i saḥa ña cúnj na Israel cahní ná yeḥe. ²⁰ Ta coo najándacoo i cáhan i tuhun Ndióxi xihín ndo jáchí xini vaḥa i ña jan cuu chindeé a ndohó. Ta najánaha i ndohó nu táhyi ñayivi ta jári ini vehe ndó. ²¹ Ta najánaha i nuu na Israel xihín nuu na toho ña ndítahan nu ná ndicó coo ini na ta jándacoo na cuaçhi cája na. Ta naçachi i xihín ná ña ndítahan candeé ini na Jesucristo, xitoho í. ²² Ta viti cuḥun i chí ñuu Jerusalén jáchí cúnj inima yii Ndióxi ña ná cuḥun i cán ta co xini ndá cuu ndoho i ñuu cán. ²³ Ña xini ndusa i queá ña naçáñ tuḥun inima yii Ndióxi xihín i ña ndá ñuu naçacu nuu cuḥun i ña jivi i chicaan ñayivi yeḥe vecaa á jivi i caja xixi na xihín i. ²⁴ Joo ni in ña yóho co cája toho a nuú i. Ta vatí ná cahní ná yeḥe co yihvi toho i. Jáchí ña cúnj mí i queá cajii íni i jáxinu coo i chuun naçahan Jesucristo nuu i caja i. Ta ña yóho cúu á cáxi tuḥun i nuu ñayivi tuḥun vaḥa saḥa mé á ta saḥa ndá quiahva quihvi ini a ñayivi.

²⁵ Sa naçica nuu i tañu ndó ta naçahan i xihín ndó ña vaxi quivi cacomí Ndióxi cuéntá saḥa ñayivi. Ta viti xini vaḥa i ña ni

in ndó a cúní ga ndó yehe. ²⁶ Sahá ña cán queá caxi tũhun i xihĩn ndó quĩvĩ viti ña co ndójo ga i cuachĩ saha ndo tá ná jándicoo ndó ichĩ cuéntá Jesús. ²⁷ Jáchĩ sa naçaxi tũhun i nu ndo tóco ndihi ña sácũ ini Ndióxi caja ta coo nachijehé tũhun toho i sahá nu ndo. ²⁸ Sahá ña cán queá ndítahan candaa vaħa ndó mé va ndó ta candaa vaħa ndó tóco ndihi na cúu cuéntá Jesús ná cuahnu chága na xihĩn tũhun Ndióxi. Jáchĩ mé inima yĩi Ndióxi naçacu a ndoghó ña ná cacomĩ ndo cuéntá sahá na cúu cuéntá mé á jáchi naçaxita nji mé á sahá ndihi na tá naçihĩ a ndĩca crũxu. ²⁹ Cahañ i ña yoho xihĩn ndo jáchi sa cándaq vaħa ini i ña tá sa ná quee yehe cuhun i já quixi java ñayivi ta cacu ini na jándihi na sahá na cúu cuéntá Jesús. Ta tá quiahva cája ndivaħyĩ jándihi rĩ sahá ndicachi quiahva já cacunĩ na jándihi na sahá na cúu cuéntá Jesús. ³⁰ Ta jandá mé tañu mé ndó jan va cana java na ta janaħa na ña tũhun nuũ ñayivi. Ta nducú na ndiquehe na na sa cúu cuéntá Jesús cuhun na jatá na cán. ³¹ Ña cán queá cuéntá vaħa coo ndó ná a jándahvi na ndoghó. Xini ñũhũ ndicuhun ini ndó ña tixi unj cuja coo najãdacoo i cahañ i xihĩn ndó ndáq queá ndítahan nu ndó caja ndó. Ta ñuu ta ndivĩ naçahañ i xihĩn ndó sahá ña yoho ta chí anda naçacu u saħa ndo ña ná caja ndó ña cúnĩ Ndióxi.

³² Viti jándacoo i ndoghó, ñani i, ndahá Ndióxi jáchi cáchi tũhun mé á ña quĩhvi ini a tóco ndihi ñayivi. Im ndéq Ndióxi caja ndacú a ndoghó já ná cuu coo ndo xihĩn tóco ndihi na naçaxi mé á caja ñamanĩ xihĩn. ³³ Ta xini ñũhũ ndicuhun ini ndó ña coo nandiava ini i quehe e jũhũn á jáhma vaħa cómi java ga ñayivi. ³⁴ Ña naçaja i quéa naçaja chũun i xihĩn ndahá i já ná a ndĩmanĩ ñaha catacu u ta já ná cuu catacu na xica xihĩn i. ³⁵ Ta níi tiempo najanaħa i nu ndo ña quiahva já ndítahan nu ndó caja chũun ndó já ná coo ñaha catacu ndó ta já ná cuu chindeé ndó na ndĩmanĩ ñaha nuu. Nditahan ndicuhun ini ndó tũhun naçachi Jesucristo tá naçachi a: “Cáji chága ini na jásá ñaha a juũ ga na ñeħe á”, naçachi Pablo xihĩn na saçuaha veñuhu ñuu Efeso cán.

³⁶ Tá nandihĩ naçahañ Pablo já naçaxitĩ da já naçasáħa xica tãhvĩ da nu Ndióxi xihĩn ndihi na cúu cuéntá Jesús cán. ³⁷ Ta tóco ndihi na cán naçacu na xihĩn dá ta nañumi na da ta já naçatá yũhu ná sajóħo da ña ndĩndayĩ na da. ³⁸ Tóco ndihi na naçacuéħa ini na saħa Pablo jáchi naçachi da xihĩn ná ña a cúní ga na da. Tá nandihĩ já ndáca táhan ndihi na naçahañ na xihĩn dá jandá nuũ nañdaa da barco cán.

21

Cuahañ Pablo chí ñuu Jerusalén

¹ Tá nandihĩ nãndĩndayĩ nde na cúu cuéntá Jesús cán já nañdaa nde barco naquee nde cuahañ ndacú nde in ñuu nanĩ Cos. Ta inga quĩvĩ itaħañ já naquee tucu nde cuahañ nde chí inga ñuu nanĩ Rodas. Ta já naquee nde cuahañ nde chí ñuu nanĩ Pátara. ² Ta mé cán nandique táhan nde xihĩn in barco, dó cuhun chí estado Fenicia ta chí nañdaa nde dó cuahañ nde. ³ Ta nani cásaħañ nde ini dó já nañini nde isla Chipre xoo itĩ nde. Joo nayaha saa va nde jandá quiahva nañinu coo nde ñuu Tiro ndácaħañ estado Siria jáchi mé cán ndítahan nu ná jánuu na ñaha ndójo dó. ⁴ Mé ñuu Tiro cán nãnditahan nde na cúu cuéntá Jesús ta naçandqo tóo nde xihĩn ná tixi uşa quĩvĩ. Ta najácaħañ inima yĩi Ndióxi na cán ña ná caxi tũhun na xihĩn Pablo ña ná a cuhun da ñuu Jerusalén. ⁵ Joo tá sa nayaha uşa quĩvĩ já naquee nde cuahañ nde chí ñuu Jerusalén. Ta naçqueta tóco ndihi na cúu cuéntá Jesús cán xihĩn ñãjõħĩ na xihĩn jahyĩ váli na já ndáca táhan na xihĩn nde cuahañ nde anda yuhú ñuu cán. Ta yatĩ yuhú tañũhũ cán naçaxitĩ ndihi nde naçaxica tãhvĩ nde nu Ndióxi. ⁶ Ta tá nãndĩndayĩ táhan nde já nañdaa nde barco ta na cán naquee na cuanũhu ná veħe na.

⁷ Naquee nde mé ñuu Tiro cásaħañ nde nuũ tañũhũ jandá quiahva nañinu coo nde ñuu Tolemaida. Ta mé cán naçahañ Ndióxi nde xihĩn na cúu cuéntá Jesús ndũu cán. Ta chí naçandqo nde in quĩvĩ xihĩn ná. ⁸ Ta inga quĩvĩ itaħañ já naquee nde cuahañ nde jandá quiahva nañinu coo nde ñuu Cesarea. Ta cán naçahañ nde veħe in da saçixa nuu cahañ tũhun Ndióxi xihĩn ñayivi. Mé da yoho nanĩ da Felipe ta naçacu da in táhan ndihusa da chĩndeé na apóstol veñuhu ñuu Jerusalén. Ta chí naçandqo tóo nde veħe da cán. ⁹ Ta naçahĩn comĩ jahyĩ jĩħĩ da, na tacú. Ta tiaħva ndĩcomĩ ná jáyaha na tũhun cahañ Ndióxi nuũ ñayivi. ¹⁰ Tá sa naçaja chá quĩvĩ ndũu nde veħe da cán já nañinu coo in profeta, da naquixi estado Judea ta nanĩ da Agabo. ¹¹ Mé da yoho naşaa da coto niħnĩ da ndeħe nu ndũu nde cán. Ta nani im da xihĩn nde cán já nañin da cinturón ñaha Pablo. Já naçató da ndáħa dá xihĩn saħa dá xihĩn mé cinturón ta já naçachi da já:

—Cáchi inima yĩi Ndióxi ña tá quiahva naçaja i naçató i mi i quiahva já cató na Israel da xihĩn ñaha cinturón yoho. Ta já ndiquiahva na da ndahá na tóħo —naçachi Agabo cán xihĩn nde.

¹² Tá nañini joho nde ña naçachi Agabo yoho já naçasáħa nde cahañ ndahvĩ nde xihĩn Pablo ña ná a cuhun da ñuu Jerusalén. Ta jári na cúu cuéntá Jesús ndũu ñuu Cesarea cán cahañ ndahvĩ na xihĩn dá ña ná a cuhun da. ¹³ Joo nañducú ñeħe Pablo tũhun nuũ nde já naçachi da já:

—Ndá cuéntá quéá sácu cóho ndo ta cája ndó ña cándii ini i. Candehé ndo ná cahan i xihín ndo. Coo caja toho a ná cató na yehe jáchi ín tiahva i ndiquiahva i mí i quivi i sahá Jesús, xitoho í mé ñuu Jerusalén cán — ñacachi da.

¹⁴ Coo ñacuu cava nde cava nde jini dá ña ná a cahun da. Chí coo ñacahan chága nde sahá ña yóho xihín dá ta ñacachi nde:

—Ná coo tá quiahva cuni Ndióxi va.

¹⁵ Tá nandihí já ñacaja tiahva nde ñaha nde ta já ñaquee nde cuahan nde ñuu Jerusalén. ¹⁶ Ta ndáca táhan java na cúu cuéntá Jesús ñuu Cesarea cán cuahan na xihín nde. Ta tañu na cán ndácaan in da naní Mnasón, da ñaquixi isla Chipre. Ta anda sanahá ndico da íchi cuéntá Jesús. Ta sa mé vehe da yóho sácu ini nde canduu too nde ñuu Jerusalén cán.

Xito nihni Pablo da naní Jacobo

¹⁷ Tá ñaxinu coo nde ñuu Jerusalén já cávatá na cúu cuéntá Jesús cán ñandiquehe na ndehe. ¹⁸ Ta inga quivi itaan já ndáca Pablo ndehe ñasahan nde coto nihni nde Jacobo. Ta tá ñaxinu coo nde cán já ñaxini nde ña ñataca tóco ndihí na sacuahá nuú na cúu cuéntá Jesús cán. ¹⁹ Ta ñacahan Ndióxi Pablo xihín ná já ñacasáhá ndicani da nu ná tá in tá in ña náhnu ñasahan Ndióxi ñamaní nu dá cava da tañu na tóho, na coo ñaquixi chichi Israel. ²⁰ Tá ñaxini joho na cán ña yóho já ñacaja cáhnu na Ndióxi. Ta tá nandihí já ñacasáhá cáchi na já xihín Pablo:

—Candehé, ñani i. Sa xini vahún ña cuahá ndivaha táhan na ñaquixi chichi Israel sa ndico na íchi cuéntá Jesús viti. Ta tóco ndihí na cáchi na ña ndítahan cava na ña sáhdá ley Moisés. ²¹ Joo ñañehe ná tuhun ña xica nuún jáñahún nuú na Israel, na ndúu ñuu tóho ña co xini ñúhú ga cava na ña sáhdá ley Moisés ta ni marca cán co xini ñúhú chicaan ga na yiquí cuñu jahyi na. Ta jáñahún na ña co ndítahan cava na costumbre najándacoo tásáhu jícó yo nu yo. ²² Ta co xini nde ndia cava nde viti jáchi nditutu na ndúu Jerusalén yóho tá ná candaa ini na ña ñacasáun yóho. ²³ Sahá ña cán quéá cava nde cuéntá ña vaha chága ná cajún ña cáchi nde yóho: Cañehún comí taa ndúu tañu nde yóho já ná cahun na xuhun. Jáchi sa ñaxinu coo quivi cava ndicomí da yóho ña ñasahan da tuhun da nu Ndióxi cava da. ²⁴ Ná cahun xihín dá já ná ndaja viún mún xihín dá tá quiahva sáhdá ley Moisés ta já ná chahvún nuú jatá jini dá. Ta xihín ña yóho cuni na Israel ña a juú ña ndaa cúu tóco ndihí tuhun cáhan ihvi na sahan. Ta xihín ña yóho cuni na ña cava tá cajún ña sáhdá ley Moisés. ²⁵ Ta sahá na tóho, na cúu cuéntá Jesús, sa ñacahyi nde in carta cuahan nu ná ña ná a jándihí na mé ná cava na ley Moisés. Joo ñacachi nde xihín

na ña ná a cáxi na cuñu quíti, rí najoco na nuú tñiñu yúu. Ta ná a cáxi na ñii ta ni ná a cúxu na cuñu quíti, rí ñasahnú. Ta ná a cóo na xihín taa á ñaha, na co cúu yi ná á ñajihí na. Ña yóho cúu tuhun ñacahyi nde nu carta cuahan nuú na tóho —ñacachi na sacuahá cán xihín Pablo.

²⁶ Anda já ñaquehe Pablo ndicomí dataa cán ndáca da cuahan xihín dá. Ta inga quivi itaan já ñandaja vii da mé dá nu Ndióxi ta nandivií ndicomí da cán viti. Ta tá nandihí já ñaquihvi da veñuhu ña caxi tuhun da xihín ná ndá quivi xinu coo ña ndivií na já ná cuu joco in in da cán ñaha nu Ndióxi.

Tiin na Pablo veñuhu cáhnu ñuu Jerusalén cuahan da vecaa

²⁷ Tá ja chá xinu coo quivi usa já ñaxinu coo java da Israel, da ñaquixi chí estado cuéntá Asia. Ta tá ñaxini na cán ndácaan Pablo ini veñuhu cáhnu cán já najándivaa na ñayivi já ná ndicuita na cava xixi na xihín dá. ²⁸ Ta ñacasáhá cáyuhú na nuú ñayivi já cáchi na já xihín ná:

—Candehé ndó, na Israel. Cava ndó ñamaní chindeé ndó ndehe xihín da yóho jáchi ní cúu nu xica da yóho cáhan nuu da sahá ñayivi Israel ta jáñaha da ñayivi ña co ndítahan nu ná candúsa na ley Moisés ta ni co ndítahan nu ná cava cáhnu na veñuhu cáhnu ndácaan Jerusalén yóho. Ta viti cava núu chága da jáchi janda java da tóho, da ñuu Grecia najáquihvi da veñuhu í ta jáyuxu da veñuhu yi yóho xihín dá tóho jan —cáchi na.

²⁹ Tóco ndihí ña yóho ñacachi taa Israel ñaquixi Asia cán xihín ñayivi jáchi ñacahán da ña najáquihvi Pablo cán da naní Tróximo, da tóho ñuu Efeso ini veñuhu joo a juú a já. Ñacahán na já jáchi ñaxini na ndáca táhan Tróximo xihín Pablo xica nuu da ñuu Jerusalén cán.

³⁰ Xihín ña ñacachi da ñaquixi Asia yóho ñandivaa tóco ndihí ñayivi ñuu Jerusalén já xinu na ñaxinu coo na ñatín na Pablo. Já ñuu na da ñatavá na da jatá veñuhu cán ta ivi laá ñachicaji na yéhe veñuhu cán. ³¹ Chí ndúcu na cahní na da joo da cúu jefe soldado cán ñañehe dá tuhun ña ndivaa ndihí ñayivi ñuu Jerusalén cán. ³² Anda já najátaca da cúu jefe soldado xihín java ga da náhnu já xinu da ñaxinu coo da nu ndivaa ñayivi cán. Tá ñaxini ñayivi cán vaxi da cúu jefe soldado cán xihín java soldado já najáyaa ñahá na chí co cáni ga na Pablo. ³³ Anda já ñacayati da cúu jefe soldado cán nu Pablo já ñatín da da cahun da vecaa. Ta ñasahnda da chuun ña ná cató na da xihín ivi cadena. Tá nandihí já ñacasáhá ndáca tuhun da ñayivi ña ndá da cúu da yóho ta ndia ñacaja da. ³⁴ Joo sa jin sa jin tuhun cáyuhú in in ñayivi cán. Sahá ña cán quéá coo ñacuu candaa ini da cúu jefe

soldado cán ndá cuächi queá jácojo na jata Pablo jáchi a juú quiahva ndívaá na cán ndúu na. Sahá ña cán queá ñasahnda mé jefe soldado cán chuun ña ná cañehe na Pablo vehe nu ndúu soldado. ³⁵ Ta tá ñaxinu cōo na cán ñacahán na ndaa na cuañi vehe soldado cán xihín Pablo joo cōo ñacuu ndaa na jáchi chí cándihi táhan ñayivi cuni na caní na Pablo. Sahá ña cán queá ñasajocó soldado cán Pablo já ñandaa na cuañi vehe soldado cán xihín dá. ³⁶ Ta tóco ndihi na cán cáyuhú cōhó na ndícaa na jata soldado já cáchi na já: —Cahní ndó da. Ná quivi da —cáyuhú na.

Ndíquehe Pablo saha mé dá nuú ñayivi cán
³⁷ Ta tá sa nducú na jáquihvi na Pablo ini vehe soldado cán já ñacachi Pablo já xihín da cúu jefe soldado cán:

—Á quiahva ndó ñamañi nuú i ná cañan i ivi joho tuhun xihín ñayivi yóho.

Andá já ñanducú ñehe da cúu jefe soldado cán tuhun nu Pablo já ñacachi da já:

—Á tiahvún cañún tuhun griego, dá já.

³⁸ Á a juú toho yóho cúu da ñaquixi nación Egipto viti chá va, da najácañan ñayivi ná ndicuíta na caní táhan na xihín gobierno ta ñasandaca da cōmí mil da sáhní ndji ñasahan da chí yucú íchí nuú cōo ñayivi. Á a juú toho yóho cúu mé da cán —ñacachi da cúu jefe soldado cán xihín Pablo.

³⁹ Andá já ñanducú ñehe Pablo tuhun nu dá já ñacachi da já:

—Jín va cúu yehe jáchi cúu i na da ñaquixi chíchi Israel ta ñacacu u ñuu Tarso, in ñuu cáhnu ndácañan estado Cilicia. Ta viti á cuu quiahva loho ndó ñamañi nuú i ná cañan i ivi tuhun xihín ñayivi yóho —ñacachi Pablo xihín da cúu jefe soldado cán.

⁴⁰ Andá já ñasahan da cán ñamañi nu Pablo ña ná cañan da xihín ñayivi. Andá já ñandaca ndichi Pablo nuú cuañi vehe cán já ñandiñehe da ndáha dá nu ná já ná catáji yúhu ná. Ta tá sa ñacatáji yúhu ná já ñacasáhá cáhan da tuhun hebreo xihín ná.

22

¹ Já ñacasáhá Pablo cáchi da já xihín ná:

—Cuni joho ndó nu cañan i xihín ndóhó, na saçuaha xihín ñani i jáchi cuni ndíquehe e sahá i viti —ñacachi Pablo xihín ná.

² Tá ñaxini joho na cán ña cáhan Pablo tuhun hebreo, mé tuhun cáhan mé ná já ñacatáji chága yúhu ná. Andá já ñacachi Pablo já xihín ná: ³ —Yehe cúu i da ñaquixi chíchi Israel. Ta ñacacu u ñuu Tarso ndácañan estado Cilicia. Joo ñasahnu u ñuu Jerusalén yóho ta mé yóho najácuaha vi xihín in da naní Gamaliel. Ta tá quiahva sáhná ley Moisés, ña ñasacu vaña tásáhnú jícó yo quiahva já ñandji ini i cajú i. Ní tiempo ñandji ini i cajú chún i cuéntá Ndióxi xihín ndinuhu ini i tá quiahva cajú mé ndó andá

quivi viti. ⁴ Naxica nuu i cajú xixi i xihín na ndíco íchí cuéntá Jesús janda quiahva sáhní i na. Ta cuahá ña, ñaha viti ñaxica nuu i játaca i na ña ná cuñun na vecaa. ⁵ Ta xini vaña da cúu saçuaha nuú jutu xihín ndihi na saçuahá veñuhu ña cáhan i ña ndaa xihín ndo. Jáchi mé na yóho cúu na ñacahyí tutu ñasahan na nuú i já ná ndiquiahva i ña nuú ñani, na ñaquixi chíchi Israel ndúu ñuu Damasco cán. Ta ñasahan i cán ndinducú u na cúu cuéntá Jesús ña cañehe e na quixi i ñuu Jerusalén yóho cajú xixi nde xihín ná.

Ndícani Pablo ndaja ñacuu ñandiquehe da íchí cuéntá Jesús
(Hch. 9:1-19; 26:12-18)

⁶ Joo nani xica i íchí cuahán i tátuhun cañivi cá tá sa yati xinu cōo i ñuu Damasco cán já in cuiti ñandiyehé ndaa nu in i ta mé a yóho ñaquixi a indiví. ⁷ Chí ñandicava i nu ñúhu ta já ñaxini joho i in a cáhan xihín i já ñacachi a já: “Saulo, Saulo ndá cuéntá queá ndícuítun cajú xisún xihín i”, ñacachi a xihín i. ⁸ Andá já ñacasáhá ndaca tuhún i já cáchi i já: “Ndá na cúu ndóhó ta ndaja naní ndo”, ñacachi i xihín á. Andá já ñanducú ñehe a tuhun nuú i já cáchi a já: “Yehe cúu Jesús, da ñuu Nazaret ta xihín yehe ndícuítun cajú xisún viti”, ñacachi a cán xihín i. ⁹ Ta na cuahán xihín i cán nayihvi na tá ñaxini na ña ñandiyehé nu in i cán. Joo cōo ñaxini joho na ña cáhan xihín i cán. ¹⁰ Andá já ñacachi i já xihín Jesús: “Cañan ndó xihín i, xitoho i ndía ndítahan cajú i.” Andá jávi ñacachi a já xihín i: “Candichi ta cuahán ñuu Damasco nu cáhún cuñun jan. Ta ñuu jan ndicani in da nuun ndía ndítahan cajún”, ñacachi Jesús xihín i. ¹¹ Ta chí ñacuaá nuú i ñacaja ña ñandiyihvi cán. Sahá ña cán queá jandá ñatiin ndaa na ndáca táhan i cán yehe cuahán nde janda quiahva ñaxinu cōo nde ñuu Damasco cán.

¹² Ta mé cán ñasahjin in da naní Ananías, da cajú ña sáhná ley Moisés xihín ndinuhu ini da. Ta tóco ndihi na Israel ndúu Damasco cán cáhan na saha dá ña cúu dá ña vaña. ¹³ Ta mé Ananías yóho ñasaá da ñaxito nihni da yehe. Já ñacasáhá cáchi da já xihín i: “Saulo, ñani i candehé tucu viti.” Tá ñacachi da já chí ivi laá ñanuna nuú i já ñaxini i da. ¹⁴ Andá já ñacachi da cán já xihín i: “Mé Ndióxi, ña ñacaja cáhnu tásáhnú jícó yo, mé a cán queá ñacaxi a yohó já ná candaa inún ndá queá sácú ini mé á cajú xuhun. Ta ñacaxi a yohó já ná cunún Jesús, mé a cajú ndinuhu ña ndaa. Ta ñacaxi a yohó já ná cuni johún nu cáhan Jesús. ¹⁵ Já queá cuñun cañún saha mé á nu tóco ndihi ñayivi. Já ná ndicanún nu ná sahá ña ñaxinún xihín ña ñaxini johún. ¹⁶ A cándati chágun viti. Cuándaco. Cándéé inún Jesucristo viti chí

cuahán candúta já ná ndoo cuachún, caja Ndióxi”, ñacachi Ananías xihín i.

Ndicani Pablo ña ñachindahá Ndióxi da cahán da tuhun vaha saha Jesús nuú na tóho

17 Tá ñandihí já ñandicó coo i ñuu Jerusalén ta ñasahan i veñuhu cáhnu cán çaça tahví i nu Ndióxi. Ta nani xíca tahví i cán já ñaqui xi tá tuhun in sani nuú i vatí ndíta i. 18 Ta ñaxini i Jesús, xitoho i já ñacachi a já xihín i: “Camún cuáqueún ñuu Jerusalén yóho jáchi a cándúsa toho ña yóho tuhun vaha cahún sahá i”, ñacachi Jesús xihín i. 19 Anda já ñanducú ñehe e tuhun nu Jesús já cáchi i já xihín á: “Candehé ndo, xitoho i. Sa xini vaha tóco ndihí ñayivi ña ñaxica nuu i ndijáa veñuhu tiin i ña cándeé ini ndohó ta já ñacani i ña ta ñataán i ña vecaa. 20 Ta sa xini ña ña tá ñasahní ña Esteban, mé da ñaxica nuu cáhan tuhun vaha saha mé ndó, in ñasaçuu u xihín ña ñasahní ñahá cán. Jáchi táhán ini i cándichi i ndáa i jahmá ñayivi cán nani sáhní ña Esteban”, ñacachi i xihín Jesús. 21 Anda já ñacachi Jesús já xihín i: “Cuáqueún cuhún jáchi chindahá xíca i yohó cuhún cahún sahá i nuú ñayivi tóho, ña coó ñaqui xi chichi Israel”, ñacachi Jesús xihín i —ñacachi Pablo xihín ña cán.

Cáhan chága Pablo xihín mé da cúu jefe nu ndíhi soldado

22 Ñasanduu táji ña Israel cán nani cáhan Pablo xihín ná. Joo tá ñacahan da sahá ña tóho cán já ñacasáhá cáyuhú ña já cáchi ña já:

—Cahní ndó da jan. Ná quivi da. Co ndítahan ga nu dá coo da ñuyívi yóho —cáchi ña cán cáyuhú ña.

23 Ta sahá ña ndúcu ndeé ña cáyuhú ña ta jáni ña jáhmá ná nu táchi ta janda ña yáca jácana nihni na nu táchi. 24 Sahá ña cán quéa ñasahnda da cúu jefe soldado cán chuun ña ná jáquihvi na Pablo cán ini vehe soldado. Ta tá ñandihvi da já ñasahnda da chuun ña ná jácaxáhan na da xihín churú níi já ná ñahma da ndía ñacaja da ta ndá saha quéa ndicujta ñayivi cán xihín dá. 25 Joo tá sa ñacató ña Pablo ta ndúcu ña jácaxáhan na da já ñacachi Pablo já xihín in soldado cán:

—Ta viti cahán ndó xihín i á núná nu ndo jácaxáhan ndó in da cúu ña romano tá cámaní yíi caja víi ndó saha dá tá quiahva sáhná ley romano jáchi yehe cúu u da romano —ñacachi Pablo xihín soldado cán.

26 Tá ñaxini joho da ña yóho chí ivi laá ñasahan da cáxi tuhun da nu da cúu jefe soldado cán já cáchi da já xihín dá:

—Cuéntá vaha coo ndó ta coto a cája xíxi ndó xihín da jan jáchi cúu dá ña romano —ñacachi in soldado cán.

27 Anda já ñacayati da cúu jefe soldado cán nu Pablo já ñacasáhá ndáca tuhún ñahá da já cáchi da já:

—Á ndaa cúun ña romano —cáchi da.
—Ajan, ña romano cúu u —ñacachi Pablo xihín dá.

28 Anda já ñacasáhá cáchi mé da cúu jefe soldado cán já xihín Pablo:

—Yehe ñachahvi i cuahá ndivaha jiuhún já ñacuu ñanduu u in ña romano —ñacachi da cán xihín Pablo.

Ta já cáchi Pablo já xihín dá:
—Joo yehe cúu u ña romano jáchi já ñacacu u —ñacachi Pablo.

29 Tá ñaxini joho ña cúni jácaxáhan Pablo cán ña yóho chí ñayihvi ña já ñacasáhá xíca játa ña cáxoo na nu dá. Ta janda mé da cúu jefe soldado cán ñayihvi da jáchi sa ñatiin na da vatí cúu dá ña romano.

Ndiqehe Pablo saha mé da nuú ña sacuaħa Israel

30 Ta inga quivi itaħan ñatava da cúu jefe soldado cán cadena ñasandico ndáħa Pablo. Ta saha ña cúni da cán candaa ini da ndá cuachi quéa jácojo na jata Pablo saha ña cán quéa najátaca da ña sacuaħa nuú jutu xihín ña sacuaħa Israel. Anda já ñehe da Pablo já ñasacu da da nuú ña cán.

23

1 Anda já ñasandehé Pablo nu tóco ndihí ña sacuaħa nuú ña Israel cán já ñacasáhá cáchi da já xihín ná:

—Candehé ndo, ñani i. Janda jihna ta janda quivi víti cája i ña cúni Ndióxi ta xini mé á ndaja ndácaan jini i —ñacachi Pablo.

2 Joo dá cúu sacuaħa nuú jutu nani Ananías cán ñasahnda da chuun nuú ña ndíta yati xihín Pablo cán ña ná caní na jahnda yuhu dá. 3 Anda já ñacachi Pablo xihín Ananías cán:

—Tá quiahva ñacani na jahnda yuhú i quiahva já cani Ndióxi yohó, da co cúu tá quiahva ndáa da. Íun jan ndaja ndichún yehe jáchi jácojo na cuachi jatá i ña co sácú vaha i ley. Joo yóho ñandava ndojún ña sáhná ley jáchi ñasahndún chuun ña ná caní na yehe —ñacachi Pablo xihín Ananías cán.

4 Anda já ñacasáhá ña ndúu cán cáhan ña xihín Pablo já cáchi na já xihín dá:

—Cuéntá coún jáchi cánghún xihín da cúu jutu sacuaħa chága nu ndíhi jutu cuéntá Ndióxi —ñacachi na xihín Pablo.

5 Anda já ñacachi Pablo já:
—Cáhu coo ini ndó, ñani i jáchi co xini toho i ña cúu da jan jutu sacuaħa chága nu ndíhi jutu cuéntá Ndióxi. Mé tuhun Ndióxi sáhná chuun já cáchi a já: “A cánghún xihín da cómi chuun sahá ñuu ndó” —ñacachi Pablo.

⁶ Tá nandihí já nandicuni Pablo ña ndúu java na saduceo ta ndúu ri java na fariseo mé cán. Sáhá ña cán queá naçahan cóho Pablo já naçachi da já:

—Candehé ndo, ñani i. Yehe cúu u in da fariseo ta in fariseo naçacu ri tátá i. Ta viti cája vii na yóho sahá i sahá ña cándúsa i ña vaxi quivi nditacu tucu ndji —naçachi Pablo.

⁷ Tá naçachi Pablo já ivi laá nandicuita na fariseo xihín na saduceo nditúhún xihín táhan na já naçahnda java táhan na. ⁸ Jáchi na saduceo cán co cándúsa na ña vaxi quivi nditacu tucu ndji. Ta ni co cándúsa na ña ndúu tátó Ndióxi. Ta ni co cándúsa na ña ín inima ñayivi. Joo na fariseo cándúsa va na tóco ndihí ña yóho. ⁹ Tóco ndihí na cán cáyuhú na ndúu na. Sáhá ña cán queá nañaca ndichi java na jánaña ley Moisés, mé na çahan xoo na fariseo cán. Já naçasáhá cáchi na já xihín tóco ndihí ñayivi cán:

—Coq toho cuachi ná caja da nani Pablo yóho. Jáchi ndá inima yíi queá naçahan xihín da yóho á tá coq ta ndá tátó Ndióxi queá naçahan xihín da yóho. Sáhá ña cán queá tá ná çahan ihvi yó xihín da yóho cúu á tátuhun cáni táhan i xihín Ndióxi —naçachi na jánaña ley Moisés xihín ná.

¹⁰ A juú quiahva naçasáhá ndíva ñayivi cán sahá ña cán queá naçasáhá yíhvi da cúu jefe soldado cán ña tiaha náa tiin na Pablo ta jácuachi na da. Sáhá ña cán queá naçahnda da chuun ña ná quixi soldado tavá da Pablo tañu ñayivi cuaha cán. Ta já ná cañehe tucu na da çuhun da vehe soldado cán.

¹¹ Ta ñuú inga quivi itaan já naçanáha nuu Jestús, xitoho i nu Pablo ta naçahan xihín dá já naçachi a já:

—A ndicani inún, Pablo jáchi tá quiahva naçahún sahá i nuú ñayivi ñuu Jerusalén yóho quiahva já çahún sahá i nuú ñayivi ndúu ñuu Roma —naçachi Jesús xihín dá.

Sácu ini na Israel cahní na Pablo

¹² Ta inga quivi itaan já najándique táhan java na Israel tühun na ña cahní na Pablo. Ta naçachi na a cúxu na ta ni ticuúí a cóho na janda quiahva ná cahní na Pablo. Ta naçachi xihín táhan na ña çuhun cháhan jatá ndá da naçixi á naçixi ticuúí nani tácu Pablo. ¹³ Ta yáha ga nuú ivi jico taa cúu da najándique táhan tühun caja ña yóho. ¹⁴ Tá nandihí já naçaque na naçahan na çahan na xihín da saçuaha nuú jutú cán xihín na saçuaha nuú na Israel cán já naçachi na já xihín ná:

—Tóco ndihí nde najándique táhan nde tühun nde cahní nde Pablo. Ta naçhicaan nde cháhan jatá ndá da ná cuxu nani tácu Pablo. ¹⁵ Sáhá ña cán queá caja ndó ñamaní

jándique táhan ndó tühun ndó xihín java ga na saçuaha jan já ná çahan ndó xihín da cúu jefe soldado já ná cañehe tucu da Pablo quixi da nu ndo. Ta çahan loho ndó xihín dá ña cúni ndó caja vii cuéé chága ndó sahá ña naçaja Pablo. Já va çachi ndó xihín da cúu jefe soldado cán ta ndehe canduu tiaha nde cahní nde da tá ná quixi da ichi —naçachi na xihín na saçuaha cán.

¹⁶ Joo in taa loho, da cúu jaxi Pablo nañehe dá tühun ña sácú ini na cahní na Pablo sahá ña cán queá xínu da naçahan da cáxi tühun da nu Pablo vehe soldado cán. ¹⁷ Tá nandihí nandicani taa loho cán ña yóho nu Pablo já naçana da in táhan da cúu soldado cán já naçachi da já xihín dá:

—Cajún ñamaní candacún da loho yóho ná çuhun da nuú da cúu jefe nu soldado. Jáchi ín tühun cúni da yóho çahan da xihín da cán —naçachi Pablo xihín dá.

¹⁸ Anda já ndaca soldado cán da cúu jaxi Pablo naçahan da nuú da cúu jefe soldado cán já naçachi da já xihín dá:

—Da nani Pablo ndácaan vehe soldado naçica da ñamaní nuú i ña ná candaca i da loho yóho quixi i ñehe e dá jáchi ín tühun cúni da çahan da xihín ndo —naçachi da.

¹⁹ Anda já natiin jefe soldado cán ndahá taa loho cán já naçavá xóo da da já naçasáhá ndáca tühun ñahá da já naçachi da já xihín dá:

—Ndía cúnun çahún xihín i —naçachi da.

²⁰ Anda já naçasáhá taa loho cán cáxi tühun da já naçachi da já:

—Najándique táhan na Israel tühun na ña caça na ñamaní nu mé ndó ña ná cañehe tucu ndó Pablo nuú na saçuaha nuú na Israel cán ña cavii vaha chága sahá dá. ²¹ Joo a cándúsa ndó caja ndó ña cúni na jáchi yáha chága nuú ivi jico taa ndáti jehé na ichi ña cahní na Pablo. Ta nandique táhan tühun na ña a cúxu na ni a cóho na ticuúí janda quiahva ná cahní na Pablo. Ta viti ndáti na candehé na á caja ndó ña cúni na —naçachi jaxi Pablo cán xihín da cúu jefe soldado.

²² Ta tá nandihí já naçachi da cúu jefe soldado cán xihín dá ña ná a ndicani da nuú ni in ñayivi sahá ña sácú ini na Israel caja na xihín Pablo. Chí naçaque da loho cán cuahan da.

Chindahá na Pablo cuahan da nuú gobernador nani Felix

²³ Anda já naçana jefe soldado cán ivi da sáhná chuun nuú soldado ta naçahnda da chuun nu dá ña ná caja tiaha da ivi ciento soldado táhan da xica sahá xihín uní jico uxu soldado táhan da cándojó cuayi. Ta naçahnda chuun nu dá ña ná caja tiaha da inga ivi ciento táhan da ñehe lanza já ná candaca na Pablo çuhun da ñuu Cesarea cán. Ta ná quee na çuhun na tátuhun çaa

in sacuaá. ²⁴ Ta ñasahnda da chuun ña ná caja tiahva na cuáyí canúu Pablo cuhun da. Ta ñasahnda da chuun ña ná candaa vaha na Pablo já ná cuu xinu coo vaha da nuú da cúu gobernador naní Felix ñuu Cesarea cán. ²⁵ Ta ñachindahá da in carta cuahan xihin ná já ná ndiquiahva na ña nuú da cúu gobernador cán ta ña yóho cúu mé tuhun ñacahyi nu carta cán:

²⁶ “Yehe cúu Claudio Lisias ta chindahá i carta yóho nu ndo, tá Felix. Ta nu carta yóho cahán Ndióxi yehe xihin ndo, da cúu dá cáhnu ñuu Cesarea cán. ²⁷ Candehé ndo, tá Felix. Chindahá i da yóho nu nde jáchi natiin na Israel da ta ndúcu na cahni na da. Joo tá ñacandaa ini i ña cúu dá da romano já ñasahan i xihin java soldado ta ñacandaa nde da ndáha na cán. ²⁸ Ta sahá ña cuni candaa ini i ndá cuachi jácojo na jatá dá sahá ña cán queá ñasafehe e da ñasahan i nuú na sacuahá nuú na Israel cán. ²⁹ Já ñacandaa ini i ña jácojo na cuachi jatá dá sahá ley mé va na. Ta sahá ña coo cuachi ñacaja da nu mí sahá ña cán queá coo ñaxeen nde ña ná cahni na da ta ni janda vecaa coo cáni nu dá cuhun da, cáhán i. ³⁰ Joo ñacandaa ini i ña sácú ini na Israel cahni na da sahá ña cán queá chindahá vaha i da nu mé ndó. Ta ñacachi i xihin na xójo ini xihin dá ña ná saa na nu mé ndó cacu na saha dá ndia ndóho na xihin dá. Ña yóho cúu ndihi ña cahán i xihin ndo, tá Felix. Ndióxi ná coo xihin ndo”, cáchi carta cuahan xihin Pablo.

³¹ Ta ñacaja mé soldado cán tá in ñatahnda chuun nu dá. Ta já ñéhe ñuu na Pablo ñasahan na janda ñuu Antipatris. ³² Ta inga quivi itaan já ñandico coo java soldado, da ñasahan sahá cán chí vehe soldado. Joo java da cándójo cuáyí cán cáthán yi dá xihin Pablo cuahan da. ³³ Ta tá ñaxinu coo da ñuu Cesarea já ñandiquiahva da carta cán nuú da cúu gobernador. Ta ñandiquiahva ri da Pablo nuú da cán. ³⁴ Ta tá sa ñandihí ñacahvi da cúu gobernador carta cán já ñacasahá ndáca tuhún da Pablo saha ndá ñuu ñaquixi da. Ta tá ñacandaa ini da ña cúu Pablo da ñuu Cilicia ³⁵ já ñacachi da já xihin dá:

—Janda quiahva ná xinu coo na jácojo cuachi jatun anda já caja vii i sahún — ñacachi Felix cán xihin Pablo.

Tá ñandihí já ñasahnda da chuun ña ná candaa vaha na Pablo naní ndácaan da vehúun Herodes cán.

24

Ndiqhehe Pablo saha mé dá nuú da cúu gobernador naní Felix cán

¹ Ta tá sa ñayaha uhun quivi já ñaxinu coo da cúu sacuahá nuú jutu, da naní Ananías cán. Ñaxinu coo da ñuu Cesarea xihin java ga na sacuahá ta ndáca da in da ndiqehe

sahá na Israel naní da Tértulo. Tóco ndihi na yóho ñacatáhan na ñasahan na sácú na saha Pablo nuú gobernador cán. ² Ta tá ñandihí já ñasahan quehe na Pablo já ñaxinu da nuú ndihi na cán. Anda já ñacasahá Tértulo cán sácú da saha Pablo já ñacachi da já:

—Ndiqiahva nde ndixahvi nu ndó, tá gobernador jáchi sahá ña ndíchí jini ndó cúu ndáa vaha ndó ndehe. Ta coo tandóho tañu nde ta tóco ndihi nde ndúu táji nde. ³ Ñayivi ndúu ndijáá ñuu in toni ñúhú na xihin ndo ta ndiquiahva na ndixahvi nu ndo, tá Felix jáchi caja cuaha ndó ñamaní xihin nde. ⁴ Ta viti coo cuni nde jáquihvi nde ndóho joo caja ndó ñamaní cuni joho loho ndó ña cuni nde cahán nde xihin ndo yóho. ⁵ Candehé ndo, tá Felix. Ñanditahan nde da naní Pablo yóho xica nuu da jáquihvi da ñayivi. Ta níi cúu xica nuu da sahnda java táhan da ñayivi ñaquixi chichi Israel. Ta mé Pablo yóho cúu dá jini nuú in táhnda ñayivi, na naní nazarenos. ⁶ Ta jivi mé da yóho ñandúcu da jáyuxu da veñuhu cáhnu nde ndácaan ñuu Jerusalén cán. Sahá ña cán queá natiin nde da ta ñandúcu nde caja vii nde saha dá tá quiahva sahnda ley mé nde caja nde. ⁷ Joo da cúu jefe soldado, da naní Lisias cán ñaquihvi da tañu nde ta xihin ña tóyí ñacandaa da Pablo ndahá nde. ⁸ Ta ñacachi da xihin nde ña ná quixi nde cahán cuachi nde nu mé ndó saha Pablo. Ta viti, tá Felix cuu ndáca tuhún ndó Pablo jan ta já ñahma mé va da nu ndo. Ta xihin ña yóho cuu candaa ini ndó ña ndaa cahán nde sácú nde saha dá nu ndo —ñacachi Tértulo cán xihin Felix.

⁹ Ta jári na Israel ndúu cán ñacachi na ña jivi ndusa ña ndaa queá. ¹⁰ Anda já ñandíñehe gobernador cán ndáha dá ña ná cahán Pablo. Ta já cáchi Pablo já:

—Cáji ini i ndiqehe e sahá i nu mé ndó, tá Felix jáchi sa cuaha cuja caja vii ndó sahá ñayivi Israel. ¹¹ Tá ná ndáca tuhún ndó ñayivi yóho já candaa ini ndó ña sa in uxu ivi quivi ñaxinu coo i ñuu Jerusalén caja cáhnu i Ndióxi. ¹² Ta ni in tuhún toho ñayivi coo ndítuhún ihvi yehe xihin. Ta ni in tuhún toho ñayivi coo najándinihi i veñuhu cáhnu ndácaan Jerusalén cán. Ta ni ná táca veñuhu váli ta ni ná táca caye ñuu Jerusalén cán coo najándinihi i. ¹³ Ta na jácojo cuachi jatá i yóho a cúu caja na ñaha na nu mé ndó ña ndaa cahán na sahá i. ¹⁴ Ña cuni ndusa i caxi tuhun i xihin ndihi ndó queá caja cáhnu i Ndióxi, mé a ñacaja cáhnu tásahnu jicó i tá quiahva najánaha Jesús caja i. Vatí cáchi na Israel yóho ña coo xica i íchi ña ndaa. Joo cándusa i tóco ndihi ley ñacahyi Moisés ta cándusa i ña ñacahyi na profeta sanahá. ¹⁵ Ta tá quiahva cándusa na yóho quiahva já cándusa ri yehe va jáchi cándusa nde ña vaxi quivi nditacu tóco ndihi na sa ñaxihi.

Cóo caja toho á cóu ná nã vaha á nã quini. ¹⁶ Sahá ñã cán quéã xínj Ndióxi ñã ndijáá níi quívi cája i ñã vaha xihín ndinuhu ini i nu mé á xihín nuú ñayivi.

¹⁷ Sa ín chá cuja naxica nuu i java ga ñuu. Andã javí nandicoo coo tucu u ñuu Jerusalén ñã quiahva i jjuhún nuú nã Israel ta joco i nu Ndióxi ñã ndítahan nuú i joco i nu á.

¹⁸ Ta nani cája i mé ñã yóho ndácaan i veñuhu cáhnu Jerusalén cán já java dá Israel, da naquixi chí estado Asia cán naxini da yehe nu ndácaan i ve ñuhu cán. Ta tá nandihí nandaja vii i mí i tá quiahva sáhdá ley cája nde, cóo ñayivi cuahã nasanduu cán ta ni in túhún toho ná cán cóo najándinhi i. ¹⁹ Ta nã naquixi chí Asia cán, nã cán va cóu nã ndítahan cacu sahá i nu ndo, tá Felix tá ín a ndóho na xihín i. ²⁰ Joo nã ndúu yóho cóo saha toho na cacu na sahá i nu mé ndó. Á tá cóo ná cahan nã tá nandínehe ná cuachi i tá nacaja vii nã sahá i nuú na sacuahã nuú nã Israel cán, dá já. ²¹ In túhún ñã nacaja i tá cája vii nã yóho sahá i quéã nacayuhú u ta nacachi i: “Cája vii ndó sahá i sahá ñã cándúsa i ñã vaxi quívi nditacu tucu ndji”, ñã cán cóu ndihí va nacachi i xihín ná — nacachi Pablo cán xihín da cóu gobernador cán.

²² Sa xínj vaha Felix cán ndaja ín ñã jánaha nã cóu cuéntá Jesús cán sahá ñã cán quéã cúnj da candati tóo da caja vii da saha Pablo. Sahá ñã cán quéã já nacachi da já xihín nã Israel cán:

—Candati ndó jandã quiahva ná casaa da naní Lisias, da cóu jefe soldado ñuu Jerusalén já cuu caja vii i sahá da yóho — nacachi Felix.

²³ Tá nandihí já nasahnda Felix chuun nuu dá sáhdá chuun nuú soldado cán ñã ná chicaoã tucu na Pablo veça. Ta nasahnda da chuun ñã ná caja vaha da xihín Pablo ta ná quiahva da ñamanj nuú nã xica xihín Pablo coto nihni na da ñã ná caja ndívi nã nu dá.

²⁴ Tá nayaha chá quívi já nacasaã tucu Felix cán xihín Drusila, ñájihí da, ñã cóu ñã Israel. Nacana tucu Felix Pablo ñã ná quixi da ta ná ndicani da nu ná ndá quiahva caja na ndiquehe na íchi cuéntá Jesús. ²⁵ Ta nandicani Pablo nu ná ñã ndítahan nu ná caja na ñã ndaa cuití va ta ndítahan nu ná cahnu nã nuú níi xica ini yiquí cuñu na caja. Ta nandicani Pablo nu ná ñã vaxi quívi caja vii Ndióxi sahá cuachi ñayivi. Andã já nayihví Felix cán já nacachi da já xihín Pablo:

—Cuáhán viti. Tá núna nuú i já cana tucu u yohó quisún —nacachi Felix xihín Pablo.

²⁶ Mé Felix yóho ndati da quiahva Pablo jjuhún nu dá já janí ñahá da. Sahá ñã cán quéã cuahá ndivaha tañu nacana da

da nditúhún da xihín dá. ²⁷ Ta tíxi ivi cuja já cuití nacaja da xihín Pablo jandã quiahva nandicojo da naní Porcio Festo chuun cacuu da gobernador saá cán. Ta mé Felix cán cóo naxeen da janí da Pablo jáchi cúnj da candoo vaha da nuú nã Israel cán.

25

Ndiqhe Pablo saha mé dá nuú gobernador Festo

¹ Tá sa nayaha uní quívi nandicojo Festo chuun cóu dá gobernador já naquee da ñuu Cesarea cán nasahan da chí ñuu Jerusalén. ² Ta tá naxinu cóo da cán nasahan nã sacuahã nuú jutú xihín java ga nã Israel, nã ín chága saha cahan cuachi nã saha Pablo nu Festo. ³ Ta ñamanj cáhnu naxica nã nu dá quéã ñã ná cahnda da chuun ná quixi Pablo chí ñuu Jerusalén yóho. Jáchi mé nã cán nasacu ini na tiin na Pablo íchi cahni nã da. ⁴ Joo cóo nacandúsa Festo caja da ñã cúnj nã sahá ñã cán quéã nacachi da xihín ná ñã ndáa vaha na Pablo ñuu Cesarea cán. Ta sahá ñã sácú ini da cuñun yachi da mé cán ⁵ sahá ñã cán quéã nacachi da xihín ná já:

—Ndá nã cóu nã sacuahã nu ndó jan xíní ñúhú cuñun nã ñuu Cesarea xihín i já ná cuu cacu na saha Pablo tá ín cuachi nacaja da — nacachi Festo xihín nã Israel cán.

⁶ Ta nasahiin Festo tátuhun unã á uxu quívi cuití va ñuu Jerusalén cán já nandicoo cóo tucu da chí ñuu Cesarea. Ta inga quívi itaã já nasacoo da nu silleta nu sácoo nã cája vii sahá ñayivi. Andã já nasahnda da chuun ñã ná cana na Pablo quixi da nu dá. ⁷ Ta tá naxinu cóo Pablo nu Festo cán já tóco ndihí nã Israel, nã naquixi ñuu Jerusalén cán nacava nuu na jata Pablo já nacasahá jácojo cuahã ná cuachi ndeé jata dá. Joo cóo ñehe ná ndaja naha na nu Festo cán ñã cahan na ñã ndaa saha dá. ⁸ Ta nacasahá Pablo ndiquehe da saha mé dá já nacachi da já:

—Ni in túhún toho cuachi cóo nacaja i xihín ley nã Israel ta ni xihín veñuhu cáhnu cóo nacaja i cuachi. Ta ni nuú da cómí cuéntá sahá ñuu Roma cóo nacaja i cuachi — nacachi Pablo xihín tóco ndihí ñayivi ndúu cán.

⁹ Ta sahá ñã cúnj Festo candoo vaha da nuú nã Israel sahá ñã cán quéã nandaca túhún da Pablo já nacachi da já:

—Á cándúsún cuñún ñuu Jerusalén já ná caja vii i sahan cán —nacachi da xihín Pablo.

¹⁰ Andã já nanducú ñehe Pablo túhun nu dá já nacachi da já:

—Uñun. Cóo saha cóu á cuñun i ñuu Jerusalén jáchi viti ñúhú cándichi i nu mé ndó ta cóu ndó gobernador romano. Ta mé ndó ndítahan nuu caja vii sahá i jáchi sa cándaa cáxi ini ndó ñã cóo cuachi toho nacaja i xihín nã Israel jan. ¹¹ Joo tá nacaja ndusa i cuachi,

mé a ndaa cõ yíhvi toho i quivi i sahá cuachi i. Joo a juú toho ña ndaa cúú tóco ndihi cuachi jíquí jácojo na Israel jan jatá i sahá ña cán queá cõ ndítahan nu ndó ndiquiahva ndó yehe nuú na yóho. Ta viti xíca i ñamaní nu ndõ ña ná chindahá ndó yehe ná cuhun i nuú emperador ñuu Roma ná caja vii mé dá sahá i —ñacachi Pablo xihín Festo cán.

¹² Tá nandihí já nanditúhún Festo cán xihín na sacuaḡa caja chúun nu dá cán ndaja ndítahan coo caja da. Anda já ñacachi tucu Festo cán já xihín Pablo:

—Vaha dá já. Nu emperador íin ñuu Roma ñacachún cuhun cúnun. Ta cán cuhun cavií sahun —ñacachi Festo xihín Pablo.

Tá íin Pablo nu rey Agripa

¹³ Tá nayaha chá quívi já ñaxinu cõ in rey naní Agripa xihín ñá naní Berenice ñuu Cesarea cán coto nihni na Festo. ¹⁴ Ta ñasandu na chá quívi xihín Festo cán. Ta nani ndúu na cán ñandicaní Festo nu rey Agripa ndaja cáa ña ndóho Pablo já ñacachi da já xihín dá:

—Íni vechúun yóho ndácaan in da naní Pablo ta anda tá ñasacuu Felix gobernador já ñatiin na da. ¹⁵ Ta tá ñasahan i ñuu Jerusalén já sácú na sacuaḡa nuú jutu xihín na sacuaḡa nuú na Israel saḡa dá ña ná quívi da caja i. ¹⁶ Anda já nanducú ñehe e tuhun nu ná ña cõ sáhan ley ñuu Roma ñamaní ña cahni na ñayivi tá coõ na sácú saḡa dá ndíta nu táhyi dá já ná cuu ndiquehe da saḡa dá nu ná. ¹⁷ Sahá ña cán queá tá nandai cuu na Israel cán ñuu Cesarea yóho já nandihí ini i já ñasahan i ñasacõ i inga quívi itaan nu sácõ na caja vii sahá ñayivi. Já ñasahnda i chuun ña ná cañehe na Pablo quixi da nuú i. ¹⁸ Tá ñaxinu cõ na cán sácú na saḡa dá coõ ñasacu na cuachi cáhnu saḡa dá tá quiahva cáhán i. ¹⁹ Joo cáchi na ña cõ cúni dá candúsa da tá quiahva cándúsa mé ná. Ta sácú na saḡa dá jáchi xíca da jánaḡa dá saḡa Jesús, mé a ñaxihí jihna. Joo jánaḡa Pablo ña tácu yíi va mé Jesús. ²⁰ Ta sahá ña cõ cándaḡa ini i ndaja caja i caja vii i sahá ña yóho sahá ña cán queá ñandaca tuhún i Pablo ña á cándúsa da cuhun da ñuu Jerusalén caja vii i saḡa dá. ²¹ Joo ñacachi da xihín i ña cúni dá cavií saḡa dá nuú da cúú emperador naní Augusto, da íin ñuu Roma cán. Sahá ña cán queá ñasahnda i chuun ña ná candaa vaha na da jánda quiahva ná cuu chindahá i da nuú emperador já ná caja vii da cán saḡa dá —ñacachi Festo xihín rey Agripa cán.

²² Anda já ñacachi rey Agripa cán já xihín Festo:

—Cúni ri yehe va cuni johõ i ndá quiahva cáhan da naní Pablo jan —cáchi Agripa.

Anda já ñacachi Festo já xihín dá:

—Itaan já cuni johún nuú cáhan da —cáchi Festo.

²³ Ta inga quívi itaan ñaxinu cõ rey Agripa xihín Berenice nu íin Festo cán. Ta ndixi vaha ndivaha na nandihvi na xihín in yíco da cúú sacuaḡa nu soldado xihín ñataa íin saḡa ñuu cán. Ta tá ñasandu na já ñasahnda Festo chuun ña ná cuhun na quehe na Pablo. ²⁴ Ta tá ñasaa da nu ná já ñacachi Festo já:

—Mé ndó, rey Agripa xihín ndihi ndó, na ñataca ndúu xihín nde yóho. Candehé ndó da naní Pablo cándichi yóho. Cuahá ndivaha táhan na Israel, na ndúu ñuu Jerusalén xihín na ndúu ñuu Cesarea yóho sácú na saḡa dá nuú i. Ta a juú quiahva ndúcu ndéé na cáhan na ña ndítahan quívi da caja i. ²⁵ Joo yehe cáhán i ña cõ ndítahan toho nu dá quívi da jáchi coõ cuachi cáhnu ná caja da. Ta sahá ña ñaxica mé dá cavií saḡa dá nuú emperador Augusto íin ñuu Roma cán saḡa ña cán queá sácú ini i chindahá i da cuhun da cán cavií saḡa dá. ²⁶ Joo cõ xíni ndía cahyí i nuú da cúú emperador ñuu Roma saḡa cuachi sácú na saḡa dá. Sahá ña cán queá ñasaní ndichi i da nuú ndihi ndó xihín nu mé ndó rey Agripa já ná ndaja ndíchi ndó da já ná ñehe íni i ndaa cahyí i nu carta chindahá i nu emperador ñuu Roma cán. ²⁷ Jáchi coõ saḡa cúú á chindahá i da ñuu Roma tá a cuy cahyí i ndá cuachi jácojo na jata dá —ñacachi Festo xihín na cán.

26

Ndiqhe Pablo saḡa mé dá nu rey Agripa

¹ Anda já ñacachi rey Agripa cán já xihín Pablo:

—Viti va sáhan nde ñamaní nuun ndiquehún sahun.

Anda já nandínehe Pablo ndáḡa da já ñacasahá cáchi da já:

²—Cáji íni i ña cuu ndiquehe e saḡa mí i nu ndó, rey Agripa jáchi a juú quiahva cuahá cuachi jíquí jácojo na Israel jatá i. ³ Cáji íni i cáhan i nu mé ndó, rey Agripa jáchi cándaḡa vaha ini ndó ndaja íin costumbre na Israel. Ta cándaḡa ini ndó ndá ñaha queá nditúhún táhan nde saḡa. Sahá ña cán queá xíca táhvi i nu ndó ña ná caja ndó ñamaní cáhnu coo ini ndó cuni johõ ndó ña cáhan i xihín ndo yóho.

⁴ Tóco ndihi na Israel xíni vaha na ña ñajaja i tá ñasacuu u da tacú. Ta anda viti xíni na yehe ta xíni na ña ñajaja i ñuu i xihín ñuu Jerusalén. ⁵ Ta xíni vaha na ña jánda yuta i ñasacuu u ña fariseo ta chí cuu ndicani na nu mé ndó tá cúni na. Ta ndeḡe, na fariseo cúú nde na cája ley Moisés xihín ndinuhu cháḡa ini nde a juú ga inga na. ⁶ Ta sahá ña cándeé cáhnu ini i ña vaxi quívi jánditacu tucu Ndióxi tóco ndihi na ñaxihí sahá ña cán queá na Israel yóho ñehe na yehe ñacasaa na caja vii na saḡa i nu mé ndó. Ta mé Ndióxi queá ñasahan tuhun a

nu tásáhnú jícó ndé ña nditacu tucu ndji.
 7 Tóco ndihi ñayivi táhan na naquixi chíchi ndihuxu ivi jahyi Israel cán ndáti na cuni na nuú jáxinu coo Ndióxi nuú tuhun a. Sahá ña cán quéa ñúu ta ndivi cája cáhnú na Ndióxi. Candehé ndo, rey Agripa. Sahá ña cándúsa i tá quiahva cándúsa na cán sahá ña cán quéa jácojo na Israel cuachi jatá i viti —ñacachi Pablo xihín rey Agripa.

8 Anda já ñacahan Pablo xihín na Israel ndúu cán já:

—Á mé a ndaa cándúsa ndó ña cuu caja Ndióxi ña nditacu tucu ndji —ñacachi Pablo xihín na Israel ndúu cán.

9 Anda já ñacachi tucu Pablo xihín rey Agripa já:

—Yehe ñacahan i jihna ña ndítahan caja xixi i xihín na cúu cuéntá Jesús, mé a naquixi ñuu Nazaret. 10 Sahá ña cán quéa já nacaja i ñuu Jerusalén jihna. Ta ñasahan i naxica i ñamaní nuú na sacuaña nuú jutu já ná quiahva na ñamaní nuú i caja i ña yóho. Ta tá nañehé e ñamaní já nataán cuahá i na cúu cuéntá Jesús vecaa. Ta tá ñasahní ñahá na, cájij ini i sahá ña cája na já xihín ná. 11 Ta cuahá tañu nacaja xixi i xihín ná ña ná cahan ihvi na saha Jesús, mé a cándé ini na. Níi cúu veñuhu naxica nuu i cája i já xihín ná. Ta janda ñuu tóho ñasahan i nandicuíta ñee e na jáchi ñasaxojo ndivaha ini i xihín ná.

Ndicani Pablo ndaja nandihvi da ichi cuéntá Jesús

(Hch. 9:1-19; 22:6-16)

12 In tañu nañehé e ñamaní nuú na cúu sacuaña nuú jutu ñuu Jerusalén ña ná cuhun i ñuu Damasco taán i na cúu cuéntá Jesús vecaa. Sahá ña cán quéa ñaque e cuahan i. 13 Candehé ndó, rey Agripa. Nani xica i cuahan i ichi cán cúu á tátuhun caxivi já naxini i nandiyihvi ndaa in ñúhu indivi ta yéhe chága ña a juú ga candii. Ta ñacava nuu a jatá i xihín jatá da cásahan xihín i cán. 14 Anda já ñacuyu ndihi nde nu ñúhu ta já naxini joho nde in a cáhan tuhun hebreo já ñacachi a já xihín i: “Saulo, Saulo ndá cuéntá quéa ndicujitún cája xisún xihín i. Candehé. Cája xisún xihín mé vún. Ña cájun xihín i cúu á tátuhun ña cája tindiqui tá sání ndaa rí nu poyá”, ñacachi a cán xihín i. 15 Anda já ñacasahá ndaca tuhún i já cáchí i já: “Yo cúu mé ndó cáhan xihín i.” Anda já nanducú ñee a cán tuhun nuú i já ñacachi a já: “Yehe cúu Jesús, mé a xica nuún cája xisún xihín. 16 Ta viti cuáhán ndaco, candichi. Nanaña i mí i nuun já ná caja chúun cuéntá mí i viti já ná ndicanún nuú ñayivi ndaja cáa ña naxinún viti ta já ná ndicanún nuú ná java ga ñaha janaña i nuun chága chí nuu. 17 Mí i jácacu u yohó já ná a cáhni na Israel yohó ni na tóho a cáhni na yohó jáchi

nu mé na tóho cán chindahá i yohó cuhún cáhún sahá i viti. 18 Ta janañún nuú ná ndaja caja na jándicoo na ichi naá ndivaha nuú xica na viti. Jáchi ndítahan nuú ná ndicaca na ichi mí i nu yehe ndivaha. Ta janañún nuú ná ña ná a ndiquiahva ga na mé ná ndahá tiñáhá sacuaña. Ña ndítahan caja na quéa ndiquiahva na mé ná ndáhá Ndióxi ta ná caja na ña cúnj mé á. Ta ndítahan candé ini na yehe já ná caja cáhnú ini i sahá cuachi na. Ta já ná cuu in nduu na xihín na ñacaxi i ñee táhvi ña cúnj Ndióxi quiahva nu na”, ñacachi Jesús xihín i tá ñasahan i ichi ñuu Damasco.

Ndicani Pablo sahá chuun cája da

19 Candehé ndó, rey Agripa. Coó ñacaja sáa ini i. Jáchi ñacaja i tá in ñasahnda Jesús nuú i caja i. 20 Sahá ña cán quéa ivi laá ñacasahá cáhan i tuhun vaha saha Jesús nuú ñayivi ñuu Damasco cán. Tá nandihí já ñaque e ñasahan i cahan i ña xihín na ndúu ñuu Jerusalén xihín na ndúu ndijáá ñuu estado Judea. Ta janda xihín na coo naquixi chíchi Israel ñacahan i saha Jesús. Ta ñacachi i xihín ná ña ndítahan nuú ná jándacoo na ña núu cája na ta ná ndicó coo na nu Ndióxi. Ta ndítahan caja na ña vaha já ná ñaha ña mé a ndaa táhyi nandiquehe na ichi cuéntá Jesús. 21 Ta sahá ña yóho cuití natiin na Israel yehe nani ndacaan i veñuhu cáhnú ñuu Jerusalén ta viti nducú na cahni na yehe. 22 Joo Ndióxi nanchindeé a yehe sahá ña cán quéa coo najándihí na sahá i. Ta anda viti xica nuu i cáhan i tuhun Ndióxi nuú ñayivi ta coo caja toho a á cúu ná na ndahví á cúu ná na in cuahá saha. Ta tóco ndihi ña janaña i nuú ná coo cúu á ña quixi jiní mí i jáchi cúu á ña ñacachi na profeta xihín ña ñacachi Moisés coo. 23 Ta ña ñacachi na cán quéa vaxi quívi quixi Jesucristo ñuyivi yóho ta a juú quiahva jándoho na ini a. Ta cahni na ña ta tá nandihí jánditacu tucu a. Ta mé á cacuu ña nuú cuití nditacu nuú tóco ndihi na sa naxihí. Ta mé á janaña nuú ñayivi ndaja cuu cacu ndaa inima ná coo caja toho a á cúu ná na Israel á cúu ná na tóho —ñacachi Pablo xihín rey Agripa cán.

Cúni Pablo ná ndihvi Agripa ichi cuéntá Jesús

24 Tá ñacatáji loho Pablo nuú cáhan da já ñacayuhú cóho Festo nuú dá já cáchí da já:

—Ñacatáchi vún, Pablo. Nayaha ndivaha quiahva najacuahnú sahá ña cán quéa ñacatáchun —ñacachi Festo cán xihín Pablo.

25 Anda já ñacachi Pablo já xihín dá:

—Coó ñacatáchi toho i, tá Festo jáchi ndinuhu ña ndaa cáhan i xihín ndo. 26 Ta xini vaha mé rey Agripa yóho ña cáhan i ña ndaa. Ta coo yihvi cáhan i nuú dá jáchi cándaq ini i ña xini vaha mé dá ndá saha cáhan i jáchi coo cúu á ñaha nayaha nuú jehé. 27 Ta viti cachí ndúu

xihín i, rey Agripa á cándusa ndó ña ñaçahan na profeta sanahá. Cája i cuéntá cándusa ndó ña ñaçachi na —ñaçachi Pablo.

²⁸ Andá já ñanducú ñehe rey Agripa cán tuhun já ñaçachi da xihín Pablo:

—Ja lóho cuití ta cavún jini i ña ná nduu y cuéntá Jesús, nduu —ñaçachi rey Agripa.

²⁹ Andá já ñaçachi Pablo já xihín dá:

—Á yachí á cuee coó caja toho a. Ña xíca tahví i nu Ndióxi quéa ná xinu coo mé ndó, rey Agripa xihín tóco ndihi na nduu yóho cacuu ndó tátuhun mí i jáchí cándeé cáhnu ini i Jesús vatí mé a ndaa co cúní ña ná candico ndáha ndo tátuhun yehe —ñaçachi Pablo xihín dá.

³⁰ Tá ñandihí ñaçahan Pablo já ñandaca ndichí rey Agripa cán xihín Berenice ta ñandaca ndichí Festo xihín java ga na nasanduu coo xihín dá cán. ³¹ Já ñatavá táhan na ndítuhún na saha Pablo já cáchi xihín táhan na já:

—Co ndítahan toho nuú da yóho quivi da jáchí coo cuachi ndeé ná caja da ta janda ni vecaa co ndítahan ndacaan da —cáchi na.

³² Andá já ñaçachi rey Agripa cán já xihín Festo:

—Tá ná a cáhan da yóho ña cúní da cavií saha dá nuú da cúu emperador ñuu Roma ta cuu janí vún da, nduu —ñaçachi Agripa cán xihín Festo.

27

Chindahá na Pablo ñuu Roma

¹ Tá ñasacu ini na chindahá na Pablo ná cuhun da chí nación Italia nu ndácaan ñuu Roma cavií saha dá já ñandiquiahva na da xihín java ga da ndácaan vecaa cán nuú da naní Julio, da sáhdá chuun nu soldado cuéntá Roma. Mé Julio yóho cúu dá da cómi cuéntá sahá in táhdá soldado naní Augusto. Ta tañu na cuhun xihín Pablo cán cuahan ri yehe, da naní Lucas. ² Ta tañu nde cán cuahan ri da naní Aristarco, da ñuu Tesalónica, ña ndácaan estado Macedonia. Nandaa nde ini barco, dó ñaquixi chí Adramitio. Mé barco yóho cúu dó cuhun ndijáá ñuu válí ñúhu estado Asia cán. Cándójó nde barco cán cuahan nde. ³ Ta inga quiví itaän ñaxinu coo nde ñuu Sidón. Ta cán ñaçaja vaha da naní Julio cán xihín Pablo jáchí ñasahan da ñamaní nu Pablo ña ná coto nihni da na xini táhan xihín dá nduu ñuu Sidón cán já ná caja ndíví na nu dá. ⁴ Ta inga quiví itaän já ñandihvi tucu nde barco já ñaquee nde ñuu Sidón cán. Ta sahá ña vaxi tachí xoo nuú cuhun barco cán sahá ña cán quéa nayaha nde xoo íti isla Chipre jáchí co xicó cuahá tachí cán. ⁵ Ñaxojo cava nde andá inga xoo tañuhú ta já nayaha nde in xoo estado Cilicia xihín estado Panfilia.

Andá já ñaxinu coo nde ñuu Mira ndácaan estado Licia.

⁶ Mé ñuu Mira cán ñandíñehé da sáhdá chuun nu soldado cán in barco, dó ñaquixi chí Alejandría ta cuhun do chí Italia. Ta najánda da ndehe jata dó cán já ñaquee tucu nde cuahan nde. ⁷ Cuéé vaha va cuahan nde ta ñandoho chá ini nde cuahan nde sahá ña cán quéa cuahá quiví ñaçaja nde janda quiahva ñaxinu coo nde ñuu Gnido. Ta sahá ña xicó ndivaha tachí xoo nuú cuhun nde cán sahá ña cán quéa ñandijama nde nuú cuhun nde. Ta já nayaha nde inga xoo isla Creta nuú nayaha nde ñuu Salmón. ⁸ Cuéé ndivaha cuahan nde já yaha nde yati yuhú tañuhú isla Creta cán. Andá jáví ñaxinu coo nde nuú coo vaha barco naní Puerto Vaha yati ñuu Lasea.

⁹ Sa nayaha cuahá quiví ta ñacacuáchi nde. Ta iyo ndivaha caa cuhun nde xihín barco jáchí ñaçayati tiempo vixi. Sahá ña cán quéa ñaçahan Pablo xihín ndihi na cán já cáchí da já xihín ná:

¹⁰ —Candehé ndo. Cája i cuéntá iyo ndivaha caa coho xihín barco jáchí cuu ndihi saha barco xihín ña ndójo dó cuahan do. Ta janda mí cuu quiví —ñaçachi Pablo xihín ná.

¹¹ Joo coo ñaxeen da sáhdá chuun nuú soldado cán cuni johó da nu cáhan Pablo. Ñacandusa chága da nuú ñaçahan da ñehe barco xihín da xiñaha barco a juú ga nuú ñaçahan Pablo. ¹² Ña ñaçachi na quéa a cuú candoo na yóho tiempo vixi jáchí xicó ndivaha tachí. Ta tóco ndihi na ñaçachi na ña vaha chága ná cuhun nde. Tiñhva náá jana quee vaha nde xinu coo nde janda ñuu Fenice cáhan na. Mé ñuu Fenice cán ndácaan isla Creta ta co xicó ndeé nahá tachí cán. Sahá ña cán quéa ñasacu ini na canduu na cán tiempo vixi.

Tá ñaxicó ndivaha tachí nuú tañuhú

¹³ Tá ñandihí já ñacasáhá vitá uun xicó tachí sahá ña cán quéa ñaçahan na ña cuu va quee nde cuhun nde. Andá já ñaquee nde cuahan nde yati yuhú isla Creta cán xíca nde cuahan nde. ¹⁴ Joo tá ñandihí já ñaxinu tachí ndeé jata barco. Mé tachí ndeé cán vaxi a chí xoo norte xihín chí nu cána candii. ¹⁵ Ta ñacasáhá ñúhu mé tachí ndeé cán barco cuahan do. Ta sahá ña coo ñacuu caja nde jándicaca nde barco cán xoo nuú vaxi tachí sahá ña cán quéa ñasahan nde ñamaní ña ná cañehe a barco cuhun do tá quiahva cúní tachí. ¹⁶ Tá ñandihí já nayaha nde jata in isla loho naní Claudia. Ta mé cán coo ñaxicó nahá tachí ndeé. Andá já ñacasáhá nde jánda nde lancha loho, dó jítá barco cáhnu cán. Joo ñandoho chá ini nde já ñacuu najánda nde do jata barco cáhnu cán. ¹⁷ Tá ñandihí já ñaçava nuu na rieta

jata mé barco cáhnu já ná coo tóyí dō. Tá nandihí já najánuu na jáhma cáhnu sándaca barco cán ña ná cañehe mé tãchí dō. Naçaja na ña yóho jáchí yíhvi ná xinu çōo barco xoo naní Sirte nu yáji tañuhú ta cán cuu cãchihin dó ñuti. ¹⁸ Ta chí çōo naçacuun tãchí ndeé ñahá cán inga quiví itaãn sahá ña cán quéa naçasáhá na jácana nihni na ñaha ndójo barco cán ini tañuhú já ná ndicama dó. ¹⁹ Ta tá naçinu quiví uní janda mé nde viti naçasáhá nde jácana nde ña sãcãja chũun barco cán ini tañuhú já ná ndicama chága dō. ²⁰ Ta tãxi cuahá ndivaãha quiví çōo naçini nde nuú çandii ta ni quimi çōo tãvi. Ta javi naçuun quini ndivaãha dó ta a juú quiaãva naçicō ndivaãha tãchí. Sahá ña cán quéa chí naçahnda vaãha ini nde: “Yóho quiví viti”, naçahan nde.

²¹ Cuahá ndivaãha quiví nayãha ta ni in nde çō cuní cuxu. Sahá ña cán nandãca ndichí Pablo tañu tóco ndihi na cán já naçasáhá cáchí dã já:

—Tá ná coo jōho ndó tá naçahan i xihĩn ndō ta ná candōo í ñuu Creta, nduu. Ta ni a ndóho í ña ndóho í yóho viti ta ni a tãvi toho ndihi ñaha naçandojo barco yóho, nduu. Joo çōo naçeen ndó candúsa ndó ña naçahan i xihĩn ndō. ²² Joo cáchí i xihĩn ndó viti ña çō ndítahan ndicani ini ndó. Jáchí ni in túhún toho ndó a quiví vañí mé barco ndihi saãhã dō. ²³ Jáchí yehe cúu u cuéntã Ndióxi ta cája cáhnu i mé á. Ta mé ñuu janda véhe naãhã in táto Ndióxi mé á nuú i. ²⁴ Ta já naçachi a já xihĩn i: “A cáyihvi tohũn, Pablo. Jáchí ndítahan xihĩn tá xihĩn nuú dã cúu emperador ñuu Roma cán. Ta saãhã yóho jáçacu ri Ndióxi tóco ndihi na ñúhu xuhũn ini barco jan já ná a quiví na ini tañuhú”, já naçachi táto Ndióxi xihĩn i. ²⁵ Sahá ña cán quéa a ndicani ga ini ndó jáchí cãndeé cáhnu ini i Ndióxi ta cãndaã cáxi ini i ña coo tá ñn naçachi táto Ndióxi xihĩn i. ²⁶ Joo in tãchí ndeé cãja ña ná tãvi barco yóho yati in isla —naçachi Pablo xihĩn na cãn.

²⁷ Sa naçinu saãun quiví xica nde ini barco cãn cuahãn nde. Ta in ñuu naçinu çōo nde in xoo tañuhú naní Adria. Joo tá xoo jōho tá xoo cãã ñehe tãchí nde cuahãn nde. Joo táyuhun java ñyu já naçini dá ñehe barco cán ña cáyati nde yuhú tañuhú cuahãn nde. ²⁸ Andã já naçasáhá chíquiaãvá na ndã quiaãva cúnã tañuhú yati yuhũ nu ndũu nde cãn. Ta quiaãva cúnã dō naçacu u çōo saãun in metro. Tá naçasáhá cáyati chága barco yuhũ cãn já naçiquiaãva tucu na. Ta cãn sa yáji chága ta cúu á çōo usã metro quiaãva cúnã a. ²⁹ Ta sahá ña yíhvi ná xinu çōo barco caní ndaa dó tóto ñúhu yati cãn sahá ña cãn quéa naçiin na rieta ña ndicō çomí çã gãnçõ cáhnu nu cãn. Ta najãcana na ña ini tañuhú chí xoo cáã mé barco cãn já ná tiin a barco ná a cáca ga dó çuhũn dō chí

nuu. Ta a juú quiaãva yíhvi ná ndãti na ná tãvi. ³⁰ Joo ndãja coo java dã cája chũun xihĩn barco cãn naçahãn dã quee jehé dã xihĩn lancha loho cãn çuhũn dã. Sahá ña cãn quéa naçasáhã dã ndãxi dã lancha loho cãn ña jánuu da dō nuú tañuhú ta já çuhũn dã, cáhãn dã. Ta naçasáhã cája da tátyhun táãn chága dã çã gãnçõ cãn ini tañuhú já ná tiin a barco xoo chí nuu dō. ³¹ Joo naçini Pablo ña cája da sahá ña cãn quéa naçaxi jãhun da nuú dã saãndã chuun nuú soldado ta xihĩn nuú soldado cãn já cáchí dã já xihĩn ná:

—Tá ná quee dã jan çuhũn dã já quéa ndihi saãhã ndó ini tañuhú —naçachi Pablo.

³² Andã já naçahan soldado cãn naçahnda da rieta ndicō lancha loho cãn já najãndicava da dó ini tañuhú.

³³ Ta tá sa yati tãvi yaa já najãcãhan Pablo tóco ndihi na cãn ña ná cuxu na vañí loho. Já naçachi da já xihĩn ná:

—Sa nayaha saãun quiví çō xixi ndó ta ni çō quiví ndō. ³⁴ Sahá ña cãn xica i ñamaní nu ndó ña ná cuxu ndó vañí chá va. Xini ñúhu cuxu ndó já ná coo ndeé ndō chindeé ndó mé ndó já ná çacu ndó. Jáchí çacu ndihí. Ta ni janda in túhún ijí jiní yo a ndihi saãhã —naçachi Pablo xihĩn ná.

³⁵ Tá nandihí naçachi Pablo ña yóho xihĩn ná já naçiin da in pan ta nu táhyi ndihi na cãn nandiquiaãva da ndixãhvi nu Ndióxi. Tá nandihí já naçahnda jãhun da ña ta naçasáhã dã xixi da. ³⁶ Xihĩn ña yóho nandindeé ri ini na java cãn ta naçasáhã na xixi na. ³⁷ Ta tóco ndihi nde, na naçañuhu ini barco cãn naçacu nde ivi ciento uní jicō saãun in ñayivi. ³⁸ Tá nandihí naçixi nde ña cuní nde já naçata na trigo ini tañuhú já ná ndicama chága jata barco cãn.

Cãçõo barco çãhá tañuhú

³⁹ Joo tá naçiivi yaa já naçini na ñundãhyi. Joo çōo naçuu ndicuni dã cája chũun xihĩn barco cãn ndã ñuu cúu á. Ta tá nandihí já naçini na ña ñn ñuti nu yáji yuhú tañuhú cãn. Andã já naçahãn na jáçayati na barco yati yuhũ cãn. ⁴⁰ Sahá ña cãn quéa naçahnda na rieta ndicōo barco cãn já najãni dó. Ta naçandõo çã gãnçõ ini tañuhú naçaja na. Ta tá nandihí já najãnditayí na yitō nuú jahnda ta xihĩn yitō cãn naçasáhã na jándicaca na barco cãn nuú tañuhú. Ta najãndindita tucu na jahmã cáhnu xoo nu barco cãn já ná cuu caca dó xihĩn tãchí. Ta xihĩn ña yóho naçasáhã barco cãn cáyati dó yuhú tañuhú. ⁴¹ Ta in cuití naçinu barco cãn nu ndique táhan ivi táhndã tañuhú. Ta sahá ña naçayáji tañuhú nuú ñuti cãn sahá ña cãn quéa naçatãin nuu barco cãn. Ta ni loho ga çōo naçuu çuhũn dō. Joo xihĩn ña quiaãva ndeé ndacú cãni ndaa tañuhú cãn xoo cáã dō sahá ña cãn quéa naçasáhã cháchi dó. ⁴² Andã já nãducú soldado cãhni ndihi

da na cuahãn vecãa ñuu Roma cãn. Jáchĩ tiáhva náá jítá na cuhũn na nuú tañuhú ta cunu na cuhũn na tá sa ñaqueta na yuhú tañuhú, cáhãn na. ⁴³ Joo da sãhndá chuun nuú soldado cãn coo ñasahan da ñamanĩ ña ná cãja na já jáchĩ cunĩ da jácãcu da Pablo. Ñã ñacaja da queã ñasahnda da chuun nuú na tiáhva jítá ticujĩ ñã ná jácana na mé ná ini tañuhú cãn já ná xĩnu na nu ñũhu. ⁴⁴ Ta na java, na co tiáhva jítá ticujĩ cãn ñacachi da xĩhĩn ná ñã ná ndaa na jata yito á jata túhũn barco cãn já ná xĩnu na nu ñũhu. Andã jáví ñaxĩnu coo vaha tóco ndihĩ nde nu ñũhu.

28

Ĩn Pablo isla Malta

¹ Tá sa ñaxĩnu coo vaha ndihĩ nde yuhú ñũndáhyĩ cãn já ñacandãã ini nde ñã nanĩ a isla Malta. ² Ta vaha ndivaha ñacaja ñayivi ndúu isla cãn xĩhĩn nde. Nãdicahmĩ na ñũhu jáchĩ ñacasáhã cũm ga javĩ ta a juú quiahva vixĩ xĩnĩ nde. Chí ñacãhãn na xĩhĩn nde ñã ná cativi nde catunĩ nde. ³ Andã já najátaca Pablo java titó íchĩ, dó quee yávi núhu. Ta tá chójó dá títo cãn nu ñũhu já ñaqueta in coo tañu títo cãn xĩnu rĩ sahã ñã ihnĩ ñũhu. Ta ñatiin rĩ ndáhã Pablo. ⁴ Ta tá ñaxĩni na isla Malta cãn ñã ndícaa coo ndáhã Pablo já ñacasáhã cáchĩ xĩhĩn táhan na já:

—Ndã da sãhni ndijĩ cúu da yóho jáchĩ vatĩ coo ñaxĩhĩ da ini tañuhú joo yóho cunĩ Ndióxi jándihĩ a sahã dá —ñacachi na.

⁵ Joo mé Pablo ñaquijĩ nihni da coo ndícaa ndáhã dá cãn nu ñũhu cándaha cãn ta coo ñã ná ndoho da. ⁶ Tóco ndihĩ na cãn ndátĩ na cunĩ na ñã ná quĩhvi cuiñu ndáhã dá á tá coo ta in cuiĩ ndicava da quivi da, ñacãhãn na. Ndátĩ na java cãn cunĩ na ndãã ndoho Pablo joo tá sa ñacanahá ndátĩ na coo ñãha ná ndoho toho Pablo cãn. Andã já ñandijãma jĩnĩ ná ta ñacasáhã ñã cáhãn na ñã cúu dá in ndiόxi.

⁷ Yati nuú ñaxĩnu nde cãn ñasacuu a ñũndáhyĩ da nanĩ Publio, da cómi cuéntã sahã isla cãn. Ta tíxi unĩ quivĩ ñandiquehe vaha ndivaha da ndehẽ ta vaha ñacaja da xĩhĩn nde. ⁸ Ta ndaja coo quĩhvi tátã Publio cándũhu dá ndóho da cuehe ñũĩ ta chícaãn cáhni ñahã. Ta já ñasãhãn Pablo ñaxito nihni da da ta ñacasáhã Pablo xicã tahvi da nu Ndióxi sahã dá ta ñachĩnuú Pablo ndáhã dá jĩnĩ dá ta já ñandivaha da. ⁹ Tá ñaxĩni java ga na quĩhvi ndúu isla cãn ñã ñacaja Pablo já ñaquixi na nu dá ñã ná ndaja vaha da na chí ñandivaha na. ¹⁰ Ta ñandiquiahva na ndixahvi nuú nde ta najasã na cuahã ñãha nuú nde. Tá ñaxĩnu coo quivĩ ndaa nde barco cuhũn nde já ñasãhãn na ñã xĩnĩ ñũhú nde cuhũn nde.

Xĩnu coo Pablo ñuu Roma

¹¹ Ñasanduu nde tátuhun unĩ yoo isla cãn jandã quiahva ñandaa nde in barco, dó ñasandati vaha tiempo vixi mé isla Malta cãn. Mé barco cãn ñaquixi dó chí Alejandria. Ta nuú do cándaa ivĩ ñũñũ yúu ndiόxi cãja cáhnu na cãn. In a nanĩ a Cástor ta ingã a nanĩ Pólux. ¹² Ñaquee nde cuahãn nde já ñaxĩnu nde in ñuu nanĩ Siracusa ta cãn ñasanduu nde unĩ quivĩ. ¹³ Ta ñaquee nde cuahãn nde yati yũhu tañuhú jandã quiahva ñaxĩnu coo nde ñuu Regio. Joo ingã quivĩ itããn já ñacasáhã víi uun xicó tachĩ chí sur sahã ñã cãn queã tá sa ñayaha ivĩ quivĩ já ñaxĩnu nde ñuu Puteoli. ¹⁴ Ta cãn ñanditãhan nde java na cúu cuéntã Jesús. Ta ñacãhãn na xĩhĩn nde ñã ná canduu nde in semana xĩhĩn ná ta já ñacaja nde. Ta tá ñandihĩ já ñaquee nde cuahãn sahã nde chí ñuu Roma. ¹⁵ Ta ñã cúu cuéntã Jesús ndúu ñuu Roma cãn sa ñañehẽ ná túhũn ñã xĩnu coo nde cãn. Sahã ñã cãn queã ñaqueta na vaxi na ñehẽ ná ndehẽ. Java na ñaquixi jandã ñuu nu sãhĩn yahvi cáhnu nanĩ a Apio ta java na ñaquixi jandã ñuu nanĩ Unĩ Taberna. Tá ñaxĩni Pablo na cãn já ñacasáhã ndiquiahva da ndixahvi nu Ndióxi ta ñandindacũ ini da. ¹⁶ Ta tá ñaxĩnu coo nde ñuu Roma já ñandiquiahva da sãhndá chuun nuú soldado cãn tóco ndihĩ da cuahãn vecãa cãn nuú in da cómi chuun sahã mé vecãa ñuu Roma cãn. Joo ñasãhãn na ñamanĩ nu Pablo coo jĩin da vatĩ ñasacu na in soldado ndáã ñahã.

Cãhãn Pablo túhũn Ndiόxi xĩhĩn na ñuu Roma

¹⁷ Tá sa ñaxĩnu unĩ quivĩ ñaxĩnu coo nde ñuu Roma cãn já ñacana Pablo tóco ndihĩ na sacuahã nuú na Israel ndúu ñuu Roma cãn. Ta tá sa ñataca ndihĩ na ndúu na já ñacachi da já xĩhĩn da:

—Candehé ndó, ñani i. Ni in túhũn toho ñãha núu coo ñacaja yehẽ xĩhĩn na Israel mé ñuu Jerusalén cãn ta ni xĩhĩn costumbre ñacaja tásãhũ jícó yo. Joo ñatiin na Israel yehẽ ta ñandiquiahva na yehẽ nuú na cúu cuéntã gobierno ñuu Roma yóho. ¹⁸ Ta tá ñandihĩ ñandaja ndichĩ na yehẽ já ñasacu ini na janĩ na yehẽ jáchĩ coo ñañehẽ ná cuachi i sahã ñã cuu cáhni na yehẽ. ¹⁹ Joo ndaja coo na Israel coo ñaxeeen na ñã ná janĩ na cãn yehẽ. Sahã ñã cãn queã ñaxicã i ñamanĩ ñã ná cavii sahã i nu emperador ñuu Roma yóho. Joo yehẽ co cunĩ toho i jácojo i cuachi jatã na Israel jáchĩ cúu ná na ñaquixi chíchĩ nuú ñaquixi mí i. ²⁰ Sahã ñã cãn queã ñacana i ndoghó viti jáchĩ cunĩ cunĩ i ndoghó já ná nditúhũn i xĩhĩn ndo. Cúni ndicani i nu ndo ñã ndíco ndáhã i xĩhĩn cadena yóho sahã mé a ñachindahã Ndiόxi jácãcu a ndihĩ yó, na Israel —ñacachi Pablo xĩhĩn na Israel cãn.

²¹ Anda já nanducú ñehe na cán tũhun nu Pablo já cáhí na já xihĩn dá:

—A ñáha quixi carta estado Judea nuú nde ña cáhan sahá ña cájún. Ta ni na cúu táhan na Israel tá nandai cuu na ñuu yóho coó toho tũhun núu ñehe na ná casaã na nuú nde saha yóho. ²² Joo cúni nde ña ná ndicanún nuú nde ndía cándúsún jáchi níi cúu ñuyiví cáhan núu ñayivi sahá na cúu cuéntá Jesús —ñacachi na Israel cán xihĩn Pablo.

²³ Tá nandihĩ nasacu na in quiví cahan Pablo xihĩn ná ta tá naxĩnu coo mé quiví cán nataca cuahá ndivaha ñayivi mé vehe nu ín Pablo cán. Ta naha ta janda sahini najánaã da nu ná ña cúni Ndióxi cacomí a cuéntá sahá ñayivi. Ta xihĩn ña ñacahyí Moisés sanahá ta xihĩn ña ñacahyí na profeta já nandicani da nu ná saha Jesús ña ná candeé ini na mé á. ²⁴ Java na cán ñacandúsa na ña ñacachi Pablo xihĩn ná joo java na coó ñaxeen na candúsa na. ²⁵ Ta sahá ña coó ñacuu ndique táhan vaha tũhun na Israel cán sahá ña jánaã Pablo sahá ña cán queã ñacasahá na quee na cuahan na. Tá naxini Pablo ña yóho já ñacasahá cáhí da já xihĩn ná:

—Mé a ndaa ñacahan ínima yĩ Ndióxi nuú tásáhnũ jícó yo tá ñacahyí Isaias já:

²⁶ Cuáhán cahan xihĩn ñayivi Israel jan já cachún já xihĩn ná:

Mé a ndaa táhyí cuni joho ndó joo a cándaã ini ndó.

Ta vatĩ sándehé ndó in ñaha joo co ndícuni ndó ña.

²⁷ Jáchi ihvi ndivaha cúu ini ndó ta co cúni ndó caja ndó ña cáhí i.

Ta co cúni ndó cuni joho ndó ña cáhan i xihĩn ndo.

Ta co cúni ndó ndicuni ndó ña cája ndó cuachi.

Jáchi tá ná jándacoo ndó cuachi cája ndó,

já queã cuu caja cáhnũ ini i saha ndo,

ta já cuu coo vaha ini ndó, já ñacachi ínima yĩ Ndióxi xihĩn tásáhnũ jícó yo.

²⁸ Anda já ñacachi tucu Pablo já xihĩn ná:

—Ta viti xini ñũhũ candaa ini ndó, na Israel ña sa naxini joho na coó ñaquixi chĩchi Israel tũhun vaha saha Jesús. Ta cája i cuéntá candúsa mé na cán ña —ñacachi Pablo xihĩn ná.

²⁹ Tá nandihĩ ñacahan Pablo ña yóho já nanditũhnũ cuhe xihĩn táhan na Israel cán ta já ñaquee na cuahan na.

³⁰ Ñacandoo Pablo ivĩ níi cuia vehe nuú ñacahvi ndojo da. Ta nandiquehe vaha da tóco ndihĩ na sahan xito nihni ñahá. ³¹ Ta ni co yihví da cáxi tũhun da xihĩn ñayivi ña cúni Ndióxi cacomí a cuéntá saha ná. Ta najánaã da tũhun vaha saha Jesucristo, xitoho i ta ni in na coó nasaji nuu nu dá caja da ña.

Carta nāchindahá Pablo núú ná cúú cuéntá Jesús ndúú ñuu Roma

Cáhan Ndióxi Pablo xihín nā cúú cuéntá Jesús

¹ Yehe cúú Pablo ta Jesucristo cúú xitoho í. Naçaxi Ndióxi yehe cacuu u in apóstol cuéntá mé á ta nāchindahá a yehe çuhun í çahan í tuhun vaha saha Jesús núú ñayivi.

² Sanahá ndivaha naçaja Ndióxi ña ná cahyi na profeta mé á tuhun vaha sahá ini libro yii Ndióxi. ³ Mé tuhun vaha yóho çahan saha Jesucristo, xitoho í, mé a cúú in túhún jini já jahyi Ndióxi. Ta nanduu a in ñayivi naçacu ñuyivi yóho ta naquixi a çhichi rey David. ⁴ Ta najánaña ínimá yii Ndióxi ñayivi ña cúú Jesús in túhún jini já jahyi Ndióxi, mé a cúú çaja tóco ndihi ñaha. Jáchí tá sa naçihí Jesús já nanditacu tucu a ta xihín ña yóho náha ña cúú á in túhún jini já jahyi Ndióxi. ⁵ Ta sahá ña naçaja Jesucristo ndíca crúxu sahá ña yóho naçaja Ndióxi ñamaní xihín ndihí. Já nāchindahá Ndióxi mi ña ná çuhun í cuéntá mé á çahan í saha Jesús nu tóco ndihí ñayivi ndúú ñuyivi já ná cuu candeeé ini na mé á ta já ná çaja na ña cúni a. ⁶ Ta mé ndó, nā cúú cuéntá Jesús ndúú ñuu Roma jan, naçaxi Ndióxi ndohó cacuu ndó cuéntá mé á.

⁷ Ña cán queá cáhyi í carta yóho nu ndó, nā ndúú ñuu Roma jan. Jáchí cúní ndivaha Ndióxi ndohó ta naçaxi a ndohó nduu ndó ñayivi mé á. Ta ná çaja Ndióxi, tátá yo xihín Jesucristo, xitoho í çuahá ñamaní xihín ndo ta ná çaja ña ná coo vaha ini ndó.

Cúni Pablo çuhun da ñuu Roma coto nihni da nā cúú cuéntá Jesús ndúú cán

⁸ Ndiçiaha í ndixahvi nu Ndióxi sahá ña naçaja Jesucristo xihín in in ndó jáchí ñayivi ndúú ndijáá ñuyivi xini joho na ña cāndeeé ini ndó Jesús. ⁹ Yehe çaja çhúun í cuéntá Ndióxi ta ndinuhu ini í cáxi tuhun í tuhun vaha saha Jesús, mé a cúú in túhún jini já jahyi Ndióxi núú ñayivi. Ta xini vaha Ndióxi ña tóco ndihí quívi xica tahví í nu mé á sahá ndihí ndó. ¹⁰ Ta ndijáá ní quívi xica tahví í nu Ndióxi ña ná quiaha ñamaní nuú í saa í jan coto nihni í ndohó tá cúni a. ¹¹ Jáchí cúni cuni í ndohó ná çaxi tuhun í xihín ndó ndá quiaha cúni ínimá yii Ndióxi çaja ñamaní xihín ndo já ná ndindacu çága ndó cuéntá mé á. ¹² Ña cúni queá ná quiaha tuhun ndeeé ini táhan í jáchí in cāndeeé ini ndihí Ndióxi.

¹³ Cúni ña ná candaq ini ndó, ñani mí í, nā cúú cuéntá Jesús ña sa çuahá tañu sácu ini í saa í coto nihni í ndohó joo íni çuahá

ñā sáji nuu nuú í sahá ña cán queá cámaní saa í jan. Cúni chindeé e ndohó ña ná caca vaha ndó íchi cuéntá Jesús. Jáchí quiaha já nāchindeé e java ga ñayivi, nā ço cúú çhichi Israel. ¹⁴ Joo ndítahan nuú í çaxi tuhun í tuhun Ndióxi nu tóco ndihí ñayivi ndúú ñuu náhnu xihín nā ndúú yucu ñuhú. Ta çahan í tuhun Ndióxi xihín nā ndíchi jini ta xihín nā ço ndíchi jini. ¹⁵ Ña cán queá xica ndivaha ini í saa í nu ndúú ndó ñuu Roma jan çahan í tuhun vaha saha Jesús xihín ndo.

Jáçacu Ndióxi ñayivi sahá tuhun vaha çahan saha Jesús

¹⁶ Ço cáçahan nuú í sahá tuhun vaha çahan saha Jesús jáchí cúú á ndeeé Ndióxi jáçacu a tóco ndihí ñayivi, nā candeeé ini mé á. Ta jihna ñuhú naçasáhá Ndióxi jáçacu a ñayivi naquixi çhichi Israel ta viti jáçacu a tóco ndihí ñayivi tá candeeé ini na mé á vatí cúú ná na toho á cúú ná na Israel. ¹⁷ Jáchí náha tuhun Ndióxi nu yo ndá quiaha ndúú ñayivi ndaa nu mé á. Ta cúú á sahá ña cāndeeé ini mé á ta sahá ña yóho cuiti va jáchí ço á inga nuú ña çaja í cacuu ñayivi ndaa nu Ndióxi. Já cáchi tuhun Ndióxi já: “Ndá nā cúú ñayivi ndaa nu Ndióxi catacu na sahá ña cāndeeé ini na mé á.”

Tóco ndihí ñayivi ndúú ñuyivi cómi nā çuachi nu Ndióxi

¹⁸ Janda indivi nu íni Ndióxi xójo ini a xihín tóco ndihí ñayivi çaja çuachi ñuyivi yóho ta jándoho a ini na sahá çuachi çaja na. Ta sahá ña núu çaja na sáji nuu na nuú java ga ñayivi, nā cúni candaq ini ña ndaa saha Ndióxi. ¹⁹ Jándoho Ndióxi ini ñayivi sahá çuachi çaja na jáchí sa najánaña mé á ña ndaa nu ná ta sa xini na saha mé á joo ço cāndúsa na ña. ²⁰ Janda sahá ñuyivi xini ñayivi ña naçavaha Ndióxi ñuyivi xihín indivi xihín tóco ndihí ñaha. Ta xihín ña yóho cuu candaq ini na ña íni Ndióxi ta cuu candaq ini na ña íni ndeeé mé á çaja ña cúni a anda ama cá quívi. Sahá ña cán queá a cúu çachi na ña ço xini na á íni Ndióxi á ço a. ²¹ Vatí cāndaq vaha ini na ña íni Ndióxi joo ço çaja çahnu na mé á tátuhun ndítahan nu ná çaja na. Ta ni ço ndiçiaha na ndixahvi nu á. Ña çaja na queá çahvi núu ini na ta ço saha toho ña çahvi ini na. Ta cúú ná tátuhun ñayivi tóntó jini, nā xica nuu nuú ná yávi. ²² Ta vatí cáchi nā cúú ná nā ndíchi jini joo cúú ná nā tóntó jini. ²³ Najándacoo na ña çaja çahnu na Ndióxi, mé á tácu anda ama cá quívi ta naçavaha na tñiñu yúú ña ñehe nahná taa, da xihí yachí. Ta naçavaha na nahná laa xihín nahná quívi xihín nahná çoo. Ta naçasáhá çaja çahnu na ña.

²⁴ Sahá ña cán queá najándacoo Ndióxi nā ña ná çaja na tá nuú ña núu ña cúni nā çaja na. Anda jávi naçasáhá nā çaja quini na xihín yiquí çuñu táhan na. ²⁵ Ço xeén nā

candúsa na ña ndaa cáhan saha Ndióxi joo naçandúsa na ña tuhún. Ta naçaja cáhnu na ña naçavaha Ndióxi ta coo naçaja cáhnu na mé Ndióxi, mé a naçava tóco ndihi ñaha. Jáchi Ndióxi queá xini ñuhú caha cáhnu í anda ama cáa quívi. Já ná coo.

²⁶ Saha ña cán queá najándacoo Ndióxi na ña ná caha na ña xica ini na caha na, ña co ndítahan caha na. Ta naçinu na janda nuú najándacoo najihí ña quíji na xihin yí na ta já naçasahá quíji xihin táhan ndaja jíhi mé va na. Ta ña yóho cúú á ña coo naçacu ini Ndióxi caha na. ²⁷ Ta quiahva na naçaja ri daça. Najándacoo da ña quíji da xihin ñájihí da ta naçasahá ndicají ini da caha da ña nuú xihin táhan mé va da janda quiahva naçasahá quíji xihin táhan mé dá. Chí nuú cacahan nuú yo queá caha xihin táhan da. Ta tá nandihí já casahá ndóho ini yiquí cuñu na sahá ña nuú caha na.

²⁸ Naçinu na nuú najándacoo xóo na Ndióxi ta coo cúni ga na candaq ini na sahá. Saha ña cán queá najándacoo xóo Ndióxi na ña ná cahvi núu ini na ta já caha tá caha na ña co ndítahan nuú ná caha na. ²⁹ Nandicutú ndaa inima ná xihin tá nuú ña nuú, ña cúú cuachi. Ta ndiáva ini na quehe na ñaha cómi inga ñayivi ta caha xixi na xihin ná ta cáhivi ini na ta sáhní na ndii ta cáni táhan na ta jándahvi na ñayivi ta cáhvi núu ini na sahá inga na ta xica nuu na cáhan tuhún na. ³⁰ Ta cánahá quini ndivaha na xihin inga na ta cándají na Ndióxi ta yáha yúhu na xihin inga na ta caha ichi ini na ta caha cáhnu na mé va na. Ndiáva ini na ndaja caha chága na cuachi ta sáa ini na caha na ña cúni tátá náná na. ³¹ Co xini túni na ta coo jaxinu coo na tuhun sahan na nuú ñayivi. Co quíhvi ini na ñani táhan na ta coo caha cáhnu ini na sahá ná ta coo táhndaq ini na sahá ñayivi. ³² Xini vaha na ña naçahnda Ndióxi nuú ná ta xini na ña ndítahan quivi na sahá cuachi caha na. Vati cándaq ini na ña yóho joo xihin ndinuhu ini na caha tá caha na ña nuú. Ta janda cájji ini na tá caha java ñayivi mé ña nuú.

2

Caja vii Ndióxi saha tóco ndihi cuachi

¹ Mé a ndaa cómi ndó cuachi nuú Ndióxi. Sándehé ndaa ndó inga ñayivi sahá cuachi caha na joo chicaan ndó cuachi jata mé va ndó jáchi caha ndó mé cuachi cán. ² Sa xini vaha í ña caha ndaa Ndióxi tá jándoho á ini ñayivi sahá cuachi caha na. ³ Mé ndó sándehé ndaa ndó cuachi caha java ga ñayivi ta cáhan ndo vaha caha Ndióxi tá chindahá na cuhun na indayá. Joo cáhan ndo ña caha cáhnu ini a sahá mé ndó vati caha ndó mé cuachi caha na cán. ⁴ Ndaja nuú ndó Ndióxi, mé a cúni caha cuahá ñamaní xihin ndo jáchi xini ndó ña coo jándoho yaçhi Ndióxi ini na caha

cuachi. Cúni Ndióxi ña ná ndico coo ini ndó jándacoo ndó cuachi caha ndó. ⁵ Ihvi ndivaha cúú ini ndó jáchi coo jándacoo ndó cuachi caha ndó. Nandicuahá cuachi ndó ta jándoho chága Ndióxi ini ndó tá ná tandaa quívi caha vii a sahá cuachi naçaja ñayivi. Mé quívi já ndaca náha ña cojo ini mé á sahá cuachi ñayivi ta náha ña ín sahá mé á jándoho a ini na cán. ⁶ Mé tiempo cán quiahva Ndióxi nuú in in ñayivi ña ndítahan nuú ná ndiquehe na sahá ña naçaja na ñuyivi yóho. ⁷ Java ñayivi naçaja na ña vaha xihin ndinuhu ini na ta naçacúni na caha na ña ná cajji ini Ndióxi xihin já ná cachi Ndióxi ña cúú ná ñayivi vaha. Ta naçacúni na coo na nuú ín Ndióxi anda ama cáa quívi. Ta mé na cán cúú na cuhun coo xihin Ndióxi anda ama cáa quívi. ⁸ Joo cojo ini Ndióxi tá jándoho a ini na sáa ini, na coo cúni cuhun xoo ña ndaa jáchi cátoó na cuhun na xoo ña nuú. ⁹ Ndoho ndivaha ini tóco ndihi ñayivi caha cuachi ta cacuéha ndivaha ini na. Jihna ñuhú na naquixi chichi Israel ndoho ini já casahá ndoho ini na coo naquixi chichi Israel. ¹⁰ Joo cajji ini Ndióxi xihin na caha ña vaha ta ndaja cáhnu a na ta caha mé á ña ná coo vaha ini ná. Jihna ñuhú já caha mé á xihin na naquixi chichi Israel já casahá caha ri a já xihin na coo naquixi chichi Israel.

¹¹ Jáchi coo cúú á tátuhun cúni Ndióxi in ñayivi ta cándají a inga na jáchi in cúú ndihi ví nuú Ndióxi. ¹² Vati coo cándaq ini ñayivi ña sáhná ley Moisés joo cuhun tá cuhun na indayá sahá cuachi naçaja na. Ta vati cándaq ini ñayivi ña sáhná ley Moisés joo cuhun tá cuhun na indayá sahá cuachi naçaja na. ¹³ Jáchi tá cándaq ini na ña sáhná ley Moisés ta coo caha na ña jáchi coo cáhí Ndióxi ña cúú ná ñayivi ndaa nuú mé á. Ta tá caha na ña sáhná mé ley Moisés anda jávi cáhí Ndióxi ña cúú ná ñayivi ndaa nuú mé á. ¹⁴ ñayivi, na coo naquixi chichi Israel coo xini na ña sáhná ley Moisés. Caha mé ná ña sáhná ley Moisés jáchi já xinu ini na caha na ña vati coo xini na mé ley Moisés. ¹⁵ Ña caha mé ná náha nuú ñayivi ña naçacu Ndióxi ley mé á ini xini túni ná. Ta xihin xini túni ná cándaq ini na tá caha na ña vaha á tá caha na ña nuú. Ta quiahva já xihin mé xini túni ná xini vaha na á caha na cuachi á caha na ña vaha ¹⁶ tá ná xinu quívi quiahva Ndióxi chuun nuú Jesucristo caha vii a sahá ña naçaja tóco ndihi ñayivi vati naçaja jehé na ña. Jáchi já cáhan tuhun vaha sahá Jesús ña jánahá i nuú ndo.

Na naquixi chichi Israel cándusa na ley Moisés

¹⁷ Ta mé ndó cáhí ndo cúú ndó na naquixi chichi Israel, na cándusa ley Moisés. Ta cáhí ndo caha chága Ndióxi ñamaní xihin mé ndó a juú ga xihin java ga ñayivi. ¹⁸ Ta cáhí

ndo ña sa xini ndó ña cuni Ndióxi caja ndó ta cáchi ndo ña sa xini ndó caxi ndó ña vaha jáchi sa najácuaha ndó ley Moisés. ¹⁹ Ta cáchi ndó tiahva vaha ndó chindee ndó ñayivi ña ná ndihvi na íchi Ndióxi ta cáchi ndo ña cúu ndó tátuhun in lámpara jándiyéhe nuú ñayivi xica nuu nuú naá. ²⁰ Ta cáchi ndo ña tiahva ndó jánaḥa ndó nuú ñayivi, na co xini túni ta cáchi ndo ña tiahva ndó jánaḥa ndó nuú ñayivi, na cámaní catacu vaha ini. Cómí ndo ley Moisés sahá ña cán queá cáhan ndo xini ndó tóco ndihi ña ndaa xihin tóco ndihi ñaha. ²¹ Mé ndó jánaḥa ndo ley Moisés nuú ñayivi joo jihna ñúhu ndítahan caja ndó ña. Mé ndó jánaḥa ndó nuú ñayivi ña a vaha toho caja cuíhna na joo cúu ndó na cuíhna. ²² Mé ndó jánaḥa ndó nuú ñayivi ña a vaha toho coo in ta xihin in ñáñaha, ña co cúu ñáñíhí da joo in ndó xihin ñáñíhí inga na. Mé ndó co cuni ndó yoco ndindojo veñhu ñayivi, na coo naquixi chíchi Israel joo caja cuíhna ndo ña cuicá ñúhu veñhu na cán. ²³ Caja cáhnu ndó mé va ndó jáchi cómí ndo ley Ndióxi joo co caja cáhnu ndó mé á jáchi co cuni ndó caja ndó ña sáhná mé ley. ²⁴ Ña cán queá ndaa cáhan tuhun Ndióxi sahá ndó tá cáchi a já: “Ñayivi, na coo naquixi chíchi Israel cáhan núu na sahá Ndióxi sahá ña caja mé ndó, na Israel”, cáchi tuhun Ndióxi.

²⁵ Tá caja ndó ña sáhná ley Moisés já queá ndiyahvi marca nachicaan na yiquí cuñu ndó. Joo tá co caja ndó ña sáhná ley Moisés já queá co ndiyahvi toho marca nachicaan na yiquí cuñu ndó. ²⁶ Na coo naquixi chíchi Israel co chicaan toho na mé marca jan yiquí cuñu na joo tá caja na ña sáhná ley Moisés já ndiquehe Ndióxi na tá quiahva ndiquehe ri mé á na in marca yiquí cuñu. ²⁷ Ndá ná caja ña cáchi ley vatí coo naquihvi marca yiquí cuñu na, in sahá na cán chicaan na cuachi jatá na co caja ña cáchi ley vatí in a nu ná ta naquihvi marca yiquí cuñu na. ²⁸ Ña cán queá tá ná caja in na naquixi chíchi Israel mé costumbre ña ná cuni cuití va ñayivi ña já queá a juú ña ndaa ña cúu ná cuéntá Ndióxi. Ta ndá na chicaan na marca yiquí cuñu na co caja na mé costumbre cuéntá yiquí cuñu cuití va na. ²⁹ Ta ndá na naquixi chíchi Israel tá mé a ndaa cúu ná cuéntá Ndióxi ta caja na ña cuni mé á co cúu á sahá ña nasahnda loho na yiquí cuñu na. Cúu á sahá ña nacaña inima yíi Ndióxi ini na. Ta mé na cán jácavatá na ini Ndióxi jáchi xihin inima yíi mé á caja na ña cuni mé á.

3

¹ Sahá ña cán queá ná ndaca tuhún in doḥo ña yóho: Á in cuahá chága sahá ñayivi naquixi chíchi Israel a juú ga sahá java ga ñayivi. Á ndiyahvi nu Ndióxi ña nachicaan na marca yiquí cuñu na. ² Ajan. In

cuahá sahá ñayivi naquixi chíchi Israel ta tá nachicaan na marca yiquí cuñu na ndiyahvi a nu Ndióxi jáchi nasacu ini a jándacoo a tuhun a nuú na naquixi chíchi Israel já ná cacomí na cuéntá sahá. ³ Ta vatí ná caja java ñayivi, na cándee ini mé á ña co cuni mé á caja na joo ama sahá ña cán a ndíjama toho Ndióxi jini á ña ná caja ña núu xihin ná, vaha. ⁴ Co caja toho Ndióxi já. Ña caja Ndióxi ní tiempo cúu ndinuhu ña ndaa vatí tóco ndihi ñayivi cáhan na ña tuhún. Já cáchi tuhun Ndióxi já:

Xihin tuhun cáhan Ndióxi cándaḥa ini ña cúu á Ndióxi ña ndaa

ta a cúu quee vaha na chicaan cuachi jíquí jatá jáchi cúu mé á in Ndióxi ndaa, já cáchi tuhun mé á.

⁵ Ta viti ná cáhan i xihin ndó tá quiahva cáhan ñayivi ñuyiví. Cáhan na ña co caja vaha Ndióxi tá jándoho a mí sahá cuachi jáchi xihin cuachi jándindita jíco chága yó Ndióxi. Ta xihin ña caja í náḥa ña cúu Ndióxi in Ndióxi ña ndaa ta mí cúu yó ñayivi cuachi. ⁶ Joo co cáhan vaha na jáchi tá co caja ndaa Ndióxi, nduu já queá a cuú caja vii mé á sahá ndihi cuachi caja tóco ndihi ñayivi nduu ñuyiví.

⁷ Já cáchi ñayivi já: “Cóho ná caja yó cuachi já ná candaḥa chága ini ñayivi ña caja ndaa Ndióxi ta xihin ña yóho caja cáhnu chága na mé á”, cáchi na. Joo co cáhan vaha na jáchi tá cáhan yó ña xihin cuachi caja í ndicáhnu chága Ndióxi já queá co cándaḥa ini ndá sahá queá jándoho Ndióxi ini ñayivi sahá cuachi na. ⁸ Joo java ñayivi cáchi ná: “Cóho ná caja í cuachi já ná caja cáhnu ini mé á sahá cuachi já ndicáhnu chága Ndióxi”, cáchi na joo co cáhan vaha na. Ta java ñayivi cáhan ihvi na sahá yehe ta chicaan na cuachi jatá í ta cáchi na ña jánaḥa yehe ña yóho nuú ñayivi. Ndítahan jándoho Ndióxi ini tóco ndihi ñayivi, na jánaḥa ña yóho.

Tóco ndihi ñayivi nduu ñuyiví cómí na cuachi nu Ndióxi

⁹ Ña cán queá a cuú cachi yó ña cúu mí na vaha chága a juú ga inga ñayivi sahá ña naquixi chíchi Israel. Jáchi sa najánaḥa i nu ndo ña mí, na naquixi chíchi Israel xihin na coo naquixi chíchi Israel cúu yó ñayivi caja cuachi. ¹⁰ Já cáchi tuhun Ndióxi já:

Coó toho ni in ñayivi caja ña ndaa.

¹¹ Ta coó toho ni in na cándaḥa ini ña ndaa,

ta coó ni in na ndinducú Ndióxi.

¹² Nacaxoo na nu Ndióxi já naquehe na íchi núu cuahan na.

Coó ñayivi caja ña vaha janda ni in tuhún na coó.

¹³ Quini ndivaha yúhu ná jáchi cúu á tátuhun in yávi ndii ña cámaní ndee ñúhu.

Cúu ná ñayivi tuhún ndivaha.

Tá quiahva cája coo tá tün ri ñayivi já cája na cán tá cáhan na ña tuhún.

14 Ta mé cháhan cuiti cáhan yúhu ná ta xihín ña yóho játahvi na ini ñayivi.

15 Nii tiempo ndicají ini na cahni na ndji ta xihí ndji cája na.

16 Ta ndá nu xínu na jándoho na ini ñayivi jándacoo ndáhvi ñahá na.

17 Ta co xini na ndá a queá canduu vaha na xihín ñayivi.

18 Ta ni co cándaq ini na ña ndítahan nu ná cayihvi na Ndióxi, cáchi tuhun Ndióxi.

19 Sa xini yó ña ndítahan nuú na Israel caja na tóco ndihi ña sáhdá ley Moisés jáchi cúú á cuéntá na naquixi chichi Israel. Ta xihín ña yóho chícáan ley Moisés cuachi jata mé na cán ta náha ña tóco ndihi ñayivi ndúu ñuyivi cómi na cuachi nu Ndióxi ta a cuú cachí na ña co cómi na cuachi. 20 Ni in ñayivi a cúu nduu ndaa na nu Ndióxi sahá ña cája na tóco ndihi ñaha sáhdá ley Moisés. Ña cája mé ley queá ña ná candaq ini ña cómi yó cuachi nu Ndióxi.

Jácua Ndióxi mí jáchi cándéé ini mé á

21 Viti jánahá Ndióxi nu yó ndá quiahva nduu ndaa yó nu mé á. Ta jári cáchi mé ley xihín na profeta sahá ña yóho. Ta co cúú á sahá ña cája í ña cáchi mé ley 22 joo sahá ña cándéé ini ñayivi Jesucristo já cája Ndióxi ña ná nduu ndaa na nu mé á. Já cája mé á xihín tóco ndihi na cándéé ini Jesucristo jáchi tá quiahva cája Ndióxi xihín na Israel quiahva já cája ri a xihín na co cúú na Israel. 23 Tóco ndihi ñayivi cómi na cuachi nu Ndióxi ta ñacaxicá na nu á ta a cuú nduu na ñayivi vaha tá quiahva cúní mé á. 24 Joo ñacaja Ndióxi in ñamaní cáhnu xihín yó já ná nduu ndaa yó nu mé á. Ta coo ñachahví sahá jáchi ñachahvi Jesucristo sahá cuachí tá naxihí a ndíca crúxu. Ta viti co cómi ga yó cuachi nu mé á. 25 Ñachindahá Ndióxi Jesucristo ña ná cuita nji a sahá cuachí já ná cuu caja cáhnu ini Ndióxi sahá yó tá ná cándéé ini Jesucristo. Xihín ña yóho náha ña cúú á in Ndióxi ndaa. Tá cámaní quivi Jesucristo sahá cuachí já coo ñaquehe Ndióxi cuéntá sahá cuachi. Já ñacaja mé á jáchi cáhnu ndivaha ini a. 26 Ta xihín ña yóho náha ña mé a ndaa táhyi cúú á in Ndióxi ña ndaa janda quiví viti. Tóco ndihi na cándéé ini Jesús cúú ná na ndaa nu Ndióxi jáchi najándoo Jesús cuachi na. Ta xihín ña yóho náha ña cúú á Ndióxi ndaa.

27 Ndá sahá cája cáhnu í mí, vaha. Ama ná cuu caja cáhnu í mí sahá ña ñacaja í. Jáchi a cuú nduu ndaa yó nu Ndióxi sahá ña nasacu vaha í ley Moisés. Cúú á sahá ña cándéé ini Jesús. 28 Sahá ña cán queá sa xini yó viti ña nduu ndaa yó nu Ndióxi tá ná cándéé ini Jesús cuiti va. Ta co cúú á sahá ña nasacu vaha í ña sáhdá ley Moisés.

29 Á cája Ndióxi ña yóho sahá na naquixi chichi Israel cuiti va, vaha. Uhun. Jáchi jácacu Ndióxi na naquixi chichi Israel xihín na coo naquixi chichi Israel. 30 Jáchi in in tálaá Ndióxi ta mé Ndióxi yóho jácacu a ñayivi tá ná cándéé ini na mé á vati cúú ná na Israel á co cúú toho ná. 31 Á caju xoo í ley Moisés, dá ja. Uhun. Vati cándéé ini Jesús joo a cuú cacu xoo í ley Moisés jáchi náha ña cúú á ña ndaa ta ndíyahvi a nu yó.

4

Ña ñacaja Abraham sanahá ndivaha

1 Ta ndá sahá ñacachi Ndióxi sahá Abraham, tásáhnu jicó yó ña ñanduu da ña ndaa nu mé á. 2 Co cúú á sahá ña ñacaja da ña ñanduu da ña ndaa nu Ndióxi já ná a cája cáhnu da mé dá. Ta coo toho ñaha ña cuu caja cáhnu da mé dá sahá. 3 Jáchi já cáchi tuhun Ndióxi: “Ñacandéé ini Abraham Ndióxi sahá ña cán queá ñanduu ndaa da nu mé á”, cáchi tuhun Ndióxi. 4 Ta viti ná caja í cuéntá cája chuun in ñacaja. Ta tá ñandihí cháhvi na nu dá ta mé jiuhún cán co cúú á ña jása ná nu dá. Cháhvi na nu dá jáchi cáni a nu dá quehe da ña sahá chuun ñacaja da. 5 Jáchi a cúu ndaja ndaa ñayivi mé ná nu Ndióxi sahá ña cája na. Tá ná cándéé ini ñayivi Jesús, mé a ñachahvi sahá cuachi anda jávi ndaja Ndióxi na ñayivi ndaa nu mé á. 6 Ta quiahva já ñacahan rey David sahá ña yóho tá ñacachi da ña táhvi nahá ñacuu dá ndaja ndaa Ndióxi vati coo ñacaja da ñaha ña ná cuu ndaja ndaa da mé dá nu Ndióxi. 7 Já ñacachi David já:

Táhvi nahá ñacuu ñayivi tá ñacaja cáhnu ini Ndióxi sahá ña núu ñacaja na ta tá najándoo a cuachi na.

8 Ta táhvi nahá ñacuu ñayivi tá coo ñaquehe Ndióxi cuéntá sahá cuachi ñacaja na, ñacachi David sanahá ndivaha.

9 Á táhvi nahá ñacuu na ñachicáan marca yiquí cuñu cuiti va. Uhun. Jáchi ndúu ndaa ñayivi nu Ndióxi sahá ña cándéé ini na mé á ta co cúú á sahá ña ñachicáan na marca yiquí cuñu á coo a. Ta sa xini yó ña ñacachi Ndióxi ña ñanduu Abraham ña ndaa nu mé á sahá ña ñacandéé ini da mé á. 10 Á ñacachi Ndióxi ña cúú Abraham ña ndaa nu mé á tá cámaní chícáan da marca yiquí cuñu da á tá ñandihí ñachicáan da marca yiquí cuñu da. Ñacachi a já xihín dá tá cámaní chícáan dá marca yiquí cuñu da. 11 Jihna ñúhu ñacandéé ini Abraham Ndióxi anda jávi ñacachi a ña cúú Abraham ña ndaa nu á. Tá ñandihí já ñachicáan da in marca yiquí cuñu da já náha ña mé a ndaa ñanduu da ña ndaa nu Ndióxi jáchi ñacandéé ini da mé á. Xihín ña yóho ñaxinu Abraham ñanduu da tá tuhun táta tóco ndihi ñayivi, na cándéé ini Ndióxi vati coo ñachicáan na marca

yiquí cuñu na. Ta vatí coó náchicaan na mé marca yóho yiquí cuñu na joo cúu ná ñayivi ndaa nu Ndióxi. ¹² Ta quiahva já nanduu Abraham tátá na ín mé marca yiquí cuñu. Ta a juú sahá mé marca yóho cuití va jáchi nanduu da tátá na sahá ña cándéé cáhnu ini na Ndióxi tá quiahva ñacandéé ini Abraham mé á tá cámani chicaan da marca yiquí cuñu da.

Jáxinu coo Ndióxi tuhun sahan nu yo tá ná candéé ini mé á

¹³ Sahaná ndivaha nasahan Ndióxi tuhun a nu Abraham xihin nuú na naquixi chichi da. Nacachi Ndióxi ña tandaa quivi ñeñe táhvi ná ña ná nduu ñuyivi ñaha mé ná. Coó nasahan Ndióxi tuhun a nu Abraham sahá ña nacaja da ña sáhdá ley Moisés. Nasahan mé á tuhun a nu dá sahá ña ñacandéé ini da mé á ta já nanduu ndaa da nu Ndióxi. ¹⁴ Joo tá mé á ndaa na nasacu vaha ley cúu na ñeñe táhvi cuhun indivi já quéa coo chuun cándéé ini Ndióxi, dá já. Jáchi xihin ña yóho jándacoo núu í tuhun nasahan Ndióxi nu yo ña caja mé á xoho. ¹⁵ Nditahan nu Ndióxi jándoho a ini ñayivi tá co caja na ña sáhdá ley Moisés. Joo tá coó toho mé ley já quéa coó toho cuachi ñayivi nu ley.

¹⁶ Nasahan Ndióxi tuhun a nu Abraham sahá ña ñacandéé ini da mé á. Ta sahan mé á tuhun a nu yo tá cándéé ini mé á. Coó a caja toho a á caja í ña sáhdá ley Moisés á co caja toho í ña jáchi mé a ndaa ndiquehe ña vaha sahan Ndióxi nu yo tá cándéé ini mé á tátuhun ñacandéé ini Abraham mé á. Ta cúu á tátuhun nanduu Abraham tátá tóco ndihi na cándéé ini Ndióxi. ¹⁷ Já cáchi Ndióxi já xihin Abraham: “Nacaja í ña ná nduu mún tátá ñayivi nduu cuahá nación”, já cáchi tuhun Ndióxi sanahá. Mé Abraham cúu dá tátuhun tátá ndihi nu Ndióxi. ñacandéé ini da Ndióxi, mé á cuu jánditacu tucu ndii ta xihin tuhun cáhan mé á caja ña ná coo ña coó nasahjin jihna.

¹⁸ Vatí coó naxinu nuú tuhun nasahan Ndióxi nu Abraham joo ñacandéé tá ñacandéé ini da Ndióxi ta nasandati da jáxinu coo mé á tuhun a. Já nanduu da chichi nuú naquixi cuahá ñayivi, na nduu cuahá nación. Já nayaha jáchi já nacachi Ndióxi xihin dá sanahá: “Ndicuahá ndivaha ñayivi quixi chichún”, nacachi Ndióxi xihin dá. ¹⁹ Ta ñacandéé ini Abraham Ndióxi ña cacu jahyi da vatí sa nacayati quivi xinu da in ciento cuja ta vatí sa cándaq cáxi ini da ña jalóho cuití va quivi catacu da ñuyivi yóho xihin Sara, ñájihí da. Ta sa cándaq ini da ña a cuú ga cacu jahyi ná joo ñacandéé ini da Ndióxi. ²⁰ Ta coó nacavitá ini da ta coó nandicaní jvi johó ini da sahá tuhun nasahan Ndióxi nu dá. Joo nanduu ndéé chága ví ini da já ná candéé cáhnu chága ví

ini da Ndióxi ta nacaja cáhnu da mé á. ²¹ Já naxinu ini da ña mé a ndaa táhyi ín ndéé Ndióxi ná jáxinu a tuhun sahan nuú ñayivi. ²² ñacandéé ini Abraham Ndióxi sahá ña cán quéa nacachi a ña nanduu da ta ndaa nu mé á.

²³ Ta tá cáchi tuhun Ndióxi ña nanduu Abraham ta ndaa nu Ndióxi sahá ña ñacandéé ini da mé á já quéa coo nacahyi ña yóho sahá Abraham cuití va. ²⁴ Nacahyi ri a saha mí jáchi tá ná candéé ini Ndióxi, mé á najánditacu Jesús, xitoho í tañu ndii já quéa ndiquehe Ndióxi mí ta ndaja mé á mí ña ná nduu ñayivi ndaa nu mé á. ²⁵ Ta nandiquiahva na Jesús ña ná quivi a ndica cruxu sahá cuachi. Ta tá nandihí nanditacu tucu a ña ná nduu ñayivi ndaa nu mé á.

5

Nacaja Ndióxi ña ná nduu ndaa yo nu mé á

¹ Sahá ña cán quéa coo ga cuachi jata yo jáchi ñacandéé ini Ndióxi ta nandique táhan máni yo xihin á sahá ña nacaja Jesucristo, xitoho í. ² Ta sahá ña cándéé ini Jesucristo sahá ña cán quéa caja Ndióxi cuahá ñamani xoho. Cándéé ini mé á ta cájii ini ndátí cuhun í coo í xihin mé á. ³ Ta quiahva já cájii ini tá ná quixi tondóho nu yo jáchi sa xini yo ña ndindacú chága ini cuéntá Ndióxi tá ndóho í tondóho. ⁴ Tá sa nandindacú ini cuéntá Ndióxi nacaja tondóho anda jávi táhan ini Ndióxi xihin yo jáchi naxito ndojó mé á mí ta nandindacú chága ini cuéntá mé á. Tá natahan ini Ndióxi xihin yo anda jávi candaq vaha ini ña jáxinu coo mé á tuhun nasahan a nu yo. ⁵ Tá ndátí ña nasahan Ndióxi tuhun a quiahva nu yo já a cándqo núu toho Ndióxi xihin yo jáchi najándicutú Ndióxi inima yo xihin ña quihvi ini a mí. Nacaja Ndióxi ña yóho xihin inima yii mé á ña nasahan nu yo.

⁶ Sahá ña co ndéé yo jácacú mí sahá ña cán quéa naxihí Jesucristo saha yo ta coó nacayancá a quivi a ta ní coó naxihí yachí a. Naxihí a mé quivi nanditahan quivi a sahá cuachi ñayivi quini. ⁷ Ihvi ndivaha cáa já queta in ñayivi quivi na sahá inga ñayivi vatí cúu ná na vaha. Joo mé a ndaa cuu queta in ñayivi coo tiaha na quivi na sahá in na cúu na vaha ndivaha. ⁸ Náha Ndióxi nu yo ña mé a ndaa táhyi quihvi ini a mí jáchi vatí cúu yó ñayivi caja cuachi joo naxihí tá naxihí Jesucristo saha yo. ⁹ Ta viti sa nanduu ñayivi ndaa nu mé á sahá nii Jesucristo, dó naxita saha yo. Ta sa saha mé á cacu ndaa inima yo já ná a cójo ini Ndióxi sahá cuachi. ¹⁰ Nasacuú na coó naxini táhan vaha xihin Ndióxi joo sahá ña naxihí in túhún jiní já jahyi mé á sahá ña cán quéa nandique táhan máni yo xihin á viti. Xihin ña

yóho cuu çacu ndaa ínimá yo jáchi ñanditacu tucu Jesucristo ta sa ñandique táhan máni yó xihín Ndióxi viti. ¹¹ Ta a juú ña yóho cuití va vaha jáchi cájijí ndivaha ini xihín Ndióxi sahá ña ñacaja Jesucristo, xitoho í. Sahá ña cán quéa nañinu yó ñandique táhan máni yó xihín Ndióxi.

Ña ñacaja Adán xihín ña ñacaja Jesucristo

¹² Ta sahá cuachi ñacaja in ña nani Adán sahá ña cán quéa ñandihvi cuachi ñuyiví yóho ta tá ñandihvi cuachi ñuyiví já ñacasáhá xihí ñayivi. Tóco ndihí cája í cuachi ta sahá ña yóho ndítahan quivi ndihí. ¹³ Tá cámanj quiahva Ndióxi ley mé á nu Moisés ñasacomí tóco ndihí ñayivi cuachi. Joo ço quéhe Ndióxi cuéntá sahá cuachi jáchi çó toho ley ñasahjin tiempo já. ¹⁴ Janda tiempo ñasahjin Adán ñacasáhá xihí ñayivi sahá cuachi na ta janda nañinu tiempo ñasahjin Moisés nañihí na vatí çó ñacaja na mé cuachi ñacaja Adán. Ñasacomí Adán cuachi jáchi ñaquehe núu da ña ñacachi Ndióxi xihín dá. Ta mé Adán yóho ñasacuu da tátuhun yuhú nuú dá quixi tá nu ndihí.

¹⁵ Joo a çuú jándique táhan í cuachi ñacaja Adán xihín tóco ndihí ña vaha sahan Ndióxi nu yo. Jáchi sahá cuachi ñacaja in túhún ña, xihí cuahá ndivaha ñayivi. Joo ñamanj ñacaja Ndióxi xoho sahá ña ñacaja in túhún ña nani Jesucristo çuú á in ñamanj cáhnu ndivaha ña ñéhe táhvi cuahá ndivaha ñayivi. ¹⁶ A çuú jácatáhan í cuachi ñacaja in ñamanj xihín ñamanj cája Ndióxi xoho jáchi sahá in túhún cuachi nañinu çhahan jatá ñayivi ta já ñacasáhá xihí na. Vatí ñandicuahá cuachi ñayivi joo ñacaja Ndióxi ñamanj xihín ná já ñandaja ndaa mé á na ta ñacachi a ña çó ga cuachi na nu mé á. ¹⁷ Sahá cuachi ñacaja in túhún ña nani Adán ñacasáhá xihí ñayivi. Joo sahá ña ñacaja in túhún ña nani Jesucristo ñéhe táhvi yó ndoo máni uun cuachi nu Ndióxi. Jáchi cáhnu ndivaha ñamanj cája Ndióxi xoho ña cán quéa ñéhe ndeé chága ini yo caca í ichi cuéntá Ndióxi sahá ña ñacaja Jesucristo.

¹⁸ Sahá cuachi ñacaja Adán ñacachi Ndióxi ña cómi tóco ndihí ñayivi cuachi nu á. Joo sahá ña ndaa ñacaja Jesucristo ñacachi Ndióxi ña ndá ñayivi ñacuu cuu nduu ndaa na nu mé á jáchi ço cómi ga ña cuachi nu á. ¹⁹ Sáa ñasahjin ini Adán jáchi çó ñaxeén dá caca da ña çuní Ndióxi. Ta sahá ña ñacaja Adán cuahá ndivaha ñayivi ñanduú na ñayivi cuachi. Joo ñacaja Jesucristo tóco ndihí ña çuní Ndióxi ta xihín ña ñacaja in túhún ña Jesucristo ñanduú ndaa cuahá ndivaha ñayivi nu Ndióxi.

²⁰ Tá ñasahan Ndióxi ley nu Moisés já ñacandaa ini ñayivi ña cuahá chága çuú cuachi na. Joo tá ñandicuahá cuachi

ñayivi já ñatahvi chága ini Ndióxi sahá na. ²¹ Ñandihvi cuachi ñuyiví ta ñasacomí a cuéntá sahá ñayivi. Ta sahá ña ñacaja na cuachi sahá ña cán quéa ñacasáhá xihí na. Joo ñacaja Ndióxi cuahá ñamanj xihín yo ta ñasacomí a cuéntá sahá yo já ná cuu nduú ñayivi ndaa nu mé á ta já ná cuu çacu ndaa ínimá yo andá ama cáa quivi sahá ña ñacaja Jesucristo, xitoho í.

6

Nañihí yó nuú cuachi joo tácu yo xoo Jesucristo

¹ Ama ná cachi xihín táhan í: “Cóho caja tá caca í cuachi já ná coo cáhnu chága ini Ndióxi sahá yo.” ² Ama ná cachi ri já jáchi çuú yo tátuhun na sa nañihí nuú cuachi ta tá sa nañihí yó nuú cuachi ama ná cacomí ga cuachi cuéntá sahá yo. ³ Tá ñacandúta yo cuéntá Jesucristo çuú á tátuhun in yó nañihí xihín Jesucristo. ⁴ Jáchi tá ñacandúta yo já çuú á tátuhun in yó ñanduxu xihín Jesucristo ta nañihí yó nuú cuachi. Ta tá ñajánditacu Ndióxi Jesucristo já çuú á tátuhun in yó ñanditacu xihín mé á. Jáchi xihín ndeé cáhnu Ndióxi, tátá yo ñanditacu Jesucristo ta sa xihín mé ndeé cán cuu caca í ichi saá viti.

⁵ Tá quiahva in ñanduú xihín Jesucristo tá nañihí a quiahva já in ñanduú xihín á tá ñanditacu a. ⁶ Tá cámanj cándeé ini Jesús já ñacatóo ndivaha í cája í cuachi jáchi ñasahnda cuachi chuun nu yo. Joo sahá ña nañihí Jesucristo ndíca crúxu sahá ña cán quéa ñajándacoo í cuachi cája í ta viti ço sahná ga cuachi chuun nu yo. ⁷ Jáchi tá sa nañihí in ñamanj ço sahná ga cuachi chuun nu dá ña cán quéa çuú á tátuhun sa nañihí yó xihín Jesucristo sahá ña cán quéa ço sahná ga cuachi chuun nu yó viti. ⁸ Ta çuú á tátuhun nañihí yo tá nañihí Jesucristo ña cán quéa xini vaha í ña çuhun yo çoo í nu íni mé á andá ama cáa quivi. ⁹ Sa xini yo ña ñanditacu tucu Jesucristo ta a ndíco çoo ga quivi a jáchi ni in ñaha a çuú caca ña ná quivi tucu a. ¹⁰ In tálaá tañu nañihí a sahá cuachi ta viti xihín chí nuú ço ndítahan ga nu á quivi a sahá cuachi. Ta viti tácu Jesucristo cuéntá Ndióxi. ¹¹ Ña cán quéa ndítahan caticu ndó ñuyiví yóho tátuhun na sa nañihí nuú cuachi já ná a cáhndá ga cuachi chuun nu ndo. Nditahan caticu ndó cuéntá Ndióxi ña in ná nduu ndó xihín Jesucristo.

¹² Ña cán quéa a quiahva ndó ñamanj nuú cuachi ña ná cacomí a cuéntá sahá yiquí çuñu ndó jáchi tá ná ndiquiahva ndó mé ndó ndaha cuachi já quéa caca ndó cuachi ña xica ini ndó caca ndó. ¹³ A ndiquiahva ga ndó yiquí çuñu ndó ndaha cuachi ná a caca ndó ña núu. Joo vaha chága ná ndiquiahva ndó yiquí çuñu ndó ndaha Ndióxi. Ñasacuu ndó

tátuhun in ndji nu Ndióxi jáchi ñajaja ndó cuachi joo viti cúu ndó tátuhun ñayivi, na ñanditacu tucu ñajaja Ndióxi. Ndítahan ndiquahva ndó mé ndó ndáha Ndióxi ña ná caja ndó ña vaha. ¹⁴ Cọ cómi ga cuachi cuéntá saha ndó viti jáchi tácu ndó sahá ñamanj cája Ndióxi ta cọ tácu ndó sahá ña sácú vaha ndó ley Moisés.

Ndítahan nu yo ndicaxi ndá ichi candico yo

¹⁵ Ama ná caja rí cuachi sahá ña cọ cómi ga ley Moisés cuéntá saha yo. Uhun. A cája toho í ña jáchi xihín ñamanj cája Ndióxi xihín yo cándaq iní ña cómi mé á cuéntá saha yo. ¹⁶ Sa xini ndó ña ndiquahva in mozo mé dá ndáha xitoho da ta cája da ndá chuun ña sáhan xitoho da nu dá cája da. Ta viti cuu ndicaxi ndó ndá ña cacuu xitoho ndó. Tá ná ndicaxi ndó caja ndó cuachi já queá cacuu ndó mozo ña quini ta cuhun ndó indayá. Ta tá ná ndicaxi ndó cája ndó ña cúnj Ndióxi já queá cacuu ndó cuéntá mé á ta caja mé á ña ná nduu ndaq ndó nu á viti. ¹⁷ Jihna ñajaja ndó cuachi cuíti va joo ndixahvi Ndióxi jáchi xihín ndinuhu iní ndó cája ndó ña ndaq, ña ñacatiahva ndó cuéntá Ndióxi. ¹⁸ Nandoo cuachi ndó ta cọ cúu ga ndó mozo cuéntá cuachi viti. Nanduu ndó mozo cuéntá Ndióxi ta cája ndó ña ndaq viti. ¹⁹ Najánaha j sahá in mozo nu ndó já ná candaq vaha chága iní ndó ña ndaq. Mé ndó ñasacuu ndó tátuhun mozo jáchi jihna ñandiquahva ndó mé ndó ndaha cuachi ta mí cuachi ñasacuu a tátuhun xitoho ndó. Ñajaja ndó tá nuú ña núu, ña ñacahvi iní ndó cája ndó. Joo viti ñandiquahva ndó mé ndó ndahá Ndióxi ta ñasacu iní ndó cája ndó ña ndaq xihín ndinuhu iní ndó jáchi já cáni a nu ndó cája ndó ña ná cacuu ndó ñayivi yji nu mé á.

²⁰ Tá ñasacuu ndó mozo cuachi cọ naxeén ndó caja ndó ña ndaq ña cúnj Ndióxi. ²¹ Ni in ña vaha cọ ñañehe ndó saha cuachi ñajaja ndó. Ta viti cácan nuu ndó saha mé cuachi ñajaja ndó. Ta ndá ñayivi sá cája cuachi cuhun ña coo na indayá anda ama cá quívi. ²² Joo cọ cómi ga cuachi cuéntá saha ndó viti jáchi nanduu Ndióxi xitoho ndó. Vaha quehe ndó tá ná caja ndó ña cúnj mé á jáchi já xinu cọ ndó cacuu ndó ñayivi yji nu Ndióxi ta já cuhun ndó coo ndó xihín mé á anda ama cá quívi. ²³ Jáchi tá cája í cuachi cúu á tátuhun ndiyá yo nu Ndióxi sahá ña ñajaja í ta iní indayá chahvi sahá. Joo ñamanj cája Ndióxi xoho sahá ña ñaxihí Jesucristo, xitoho í cúu á ña cọhó catacu indivi xihín mé á anda ama cá quívi.

7

Cọ cómi ga ley cuéntá saha yo

¹ Candehé ndó ñani mí j, ña cúu cuéntá Jesús. Sa xini vaha ndó ley Moisés ta sa xini

ndó ña cómi ley cuéntá sahá ñayivi nani tácu cuíti va na. ² Cúu á tátuhun tá ñatandaha in ñañaha xihín in daṭa ja queá cáchi ley cúu ña ñájihí da anda ná xinu cọ quívi quívi da. Joo cáchi mé ley ña tá sa ñaxihí da cọ cúu ga ña ñájihí da. ³ Sahá ña cán queá cuu tandaha tucu ña xihín inga ṭa ja jáchi cọ sahná ga mé ley chuun nu ña. Ta cọ cája ña cuachi nu Ndióxi tá ná tandaha tucu ña jáchi sa ñaxihí va yji ña. Joo tá ná tandaha tucu ña nani tácu yji ña já queá cája ña cuachi nu Ndióxi.

⁴ Ta quiahva já ndóho ri ndóho va ñani mí j, ña cúu cuéntá Jesús. Cúu á tátuhun ñaxihí ndó nu ley Moisés ña cán queá cọ cómi ga mé ley cuéntá saha ndó. Ta viti núná nuú Jesucristo cacomí a cuéntá saha ndó ña ná cacuu ndó cuéntá mé á ñanditacu tucu. Ta viti cuu cája í ña vaha, ña cúnj Ndióxi. ⁵ Tá cámanj candeé iní Jesucristo ñajaja í ndinuhu ña núu ña ñasacahvi iní cája í. Vatí sa xini yo ña cáchi mé ley joo ñajaja chága yo cuachi ña ñacahvi iní cája í. Ña cán queá ñanditahan nu yo quívi ná cuhun í ndoho iní indayá, nduu. ⁶ Joo ñajaja Ndióxi ña ná ñanjí yo nuú ña sahná ley Moisés ña ñasacomí cuéntá saha yo. Ta viti núná nu yo cája í ña cúnj mé á jáchi ñandijama inima yji Ndióxi mí sahá ña cán queá cọ cómi ga ley, ña ñacahvi ña jihna cuéntá saha yo viti.

Cája tá cája í cuachi vatí candeé iní Jesucristo

⁷ Á cúnj cachi ña yóho ña a vaha toho ley Moisés. Uhun. Ña vaha cúu á jáchi xihín ña cáhan mé ley cándaq vaha iní ndá a cúu cuachi. Já cáchi mé ley já: “A ndiáva toho iní ndó cacomí ndó ñaha cómi inga na”, cáchi a. Ña cán queá cándaq iní viti ña a vaha toho tá ná cája j já. ⁸ Tá ná a cóo toho ley, nduu já queá a cándaq iní j ña cúu cuachi. Ta cọ toho cuachi cája í tá cọ ley, nduu. Joo viti cándaq iní j ña a vaha toho ndiáva iní j cacomí j ñaha ñani táhan j jáchi cáchi ley a cája j ña. Ña cán queá ñandihvi cuachi iní j ta ñacasahá cáhvi iní j ndaja cája j cacomí j ñaha inga na. ⁹ Tá cámanj candaq iní j ña cáchi ley Moisés já ñacahán j cúu u da vaha. Joo tá ñatandaa quívi ñatacu iní j xihín ña cáchi ley Moisés anda jávi ñacandaq iní j ña ñúhu cuachi iní j ta ñacandaq iní j ña cúu u da cája cuachi ta ndítahan nuú j cuhun j indayá sahá. ¹⁰ Tá ná cuu cája ñayivi tóco ndihí ña cáchi ley Moisés já cuhun ña coo na nu in Ndióxi anda ama cá quívi. Joo cọ ñacuu cája j ña cáchi mé ley sahá ña cán queá nditahan nuú j cuhun j indayá sahá. ¹¹ Najándahvi cuachi yehe jáchi ñacahán j cuu cuhun j indivi sahá ña cája j ña cáchi ley joo sahá ña cọ ñacuu xinu cọ j cája j ña sahá ña cán queá cuhun j indayá.

¹² Ta yji ndivaha cúu ley Moisés. Ta yji ndivaha cúu tuhun ñasahnda Ndióxi cája í.

Ta cúú á ña ndaa ta cúú á ña vaha. ¹³ Ama ná jáqueta nuu ley yehe ini indayá nani cúú á ña vaha. Uñun. A cúu cuití caja ley jáqueta nuu a yehe ini indayá. Cuachi queá ndúcú chindahá yehe cuhun i indayá. Nañehe íni cuachi cañehe a yehe cuhun i indayá saha ley. Xihín ña yóho cándaá ini i ña quini ndivaha cúú cuachi ta vaha ndivaha cúú mé ley.

¹⁴ Sa xini yo ña cúú ley cuéntá Ndióxi joo yehe cúú u in da cája cuachi ta cája i ña núu jáchi mé cuachi cómi a cuéntá sahá i. ¹⁵ Co cándaá ini i ña cája i jáchi cúni caja i ña vaha joo co cája i ña. Ña cája i queá mé ñaha ña cándají i. ¹⁶ Tá cája i cuachi ña co cúni caja i já cándaá ini i ña vaha cúú ley. ¹⁷ Mé a ndaa co cúni caja i cuachi joo cuachi ndácaan ini i cúú á ña jácahan yehe cája i ña. ¹⁸ Sa xini ña co ndee yiqui cuñu i caja ña vaha jáchi co ña vaha ndácaan ini i. Vatí cúni caja i ña vaha joo co sahan mé á caja i ña. ¹⁹ Cúni caja i ña vaha joo co cája toho i ña. Ña cája i cúú á ña núu ña co cúni caja i. ²⁰ Caja i ña co cúni caja i já cándaá ini i ña cuachi ndácaan ini i queá chindahá nihni a yehe cája i ña núu.

²¹ Cándehé ndó ña yóho: Vatí cúni caja i ña vaha joo cája i ña núu jáchi ña cán cuití va xinu íni i caja i. ²² Janda ínimá i xinu coo ña cátóo i caja i ña cáhan ley Ndióxi. ²³ Joo ndácaan inga ñaha ini i ta cáni táhan mé ñaha cán xihín tání. Ta mé ñaha ndácaan ini i cúú á cuachi. Ta cándé cuachi xihín i já sáhdá a chuun nuú i.

²⁴ Ndahví nahá nacuu u. Yo cuu jácaçu yehe ná a cája ga i cuachi ña cañehe yehe cuhun i indayá. ²⁵ Ndiqiahva i ndixahvi nu Ndióxi jáchi xihín ña nacaja Jesucristo, xitoho i cuu jácaçu Ndióxi yehe já ná a cája ga i cuachi. Ná cán queá cándaá ini i ña ndítahan cája i ña sáhdá ley Ndióxi joo cuachi ndácaan ini i sáhdá chuun nuú i.

8

Ndíco í in íchi nu cája í ña cúni ínimá yíi Ndióxi

¹ Ta sahá ña in nanduu xihín Jesucristo sahá ña cán queá a chínuu Ndióxi cuachi jata yo viti. Jáchi co cája ga i ña xíca ini yiquí cuñu í. Ña cája í cúni ña cúni ínimá yíi Ndióxi. ² Jáchi xihín ña nacaja Jesucristo najácaçu ínimá yíi Ndióxi mí ta nasahnú a cuachi já ná a cuhun yó indayá. ³ Coó nacuu caja i tóco ndihi ña sáhdá ley Moisés ña cán queá coó nacuu nduu ndaa yo nu Ndióxi xihín mé ley. Ña cán queá nacaja Ndióxi inga ñaha tá nachindahá mé á Jesucristo, jahyi a. Nanduu Jesucristo in ñayivi ta tá quiahva cácu ñayivi quiahva já nacacu Jesucristo ñuyívi. Ta tá naxihí mé á ndíca crúxu já nachahvi a saha tóco ndihi cuachi sahá ña cán queá co sáhdá ga cuachi chuun nu yo. ⁴ Ta nacaja Ndióxi ña yóho já

ná cuu xinu coo i caja i ña sáhdá ley mé á tá ndáca ínimá yíi Ndióxi mí. Jín va caja i viti jáchi co nduu ga yó ndahá cuachi.

⁵ Ñayivi, ná cája ña xíca ini yiquí cuñu, ná cán cúú ná ndicani cuahá ini sahá yiquí cuñu. Joo ná cája ña cúni ínimá yíi Ndióxi ná cán cúú ná ndúcú jácavatá ná Ndióxi. ⁶ Tá ná ndicani cuahá ini ná sahá ña cúni yiquí cuñu ná já queá cuhun ná indayá. Joo tá ná ndicani ini ná sahá ña cúni ínimá yíi Ndióxi já queá coo vaha ini ná ta ñehe táhvi ná cuhun ná indiví. ⁷ Joo ñayivi ndicani ini saha yiquí cuñu, ná cán cúú ná ná ihvi Ndióxi jáchi co cúni ná caja ná ña cáchi ley Ndióxi ta ní a cuú caja ná ña. ⁸ Sahá ña cán queá tá cómi cuachi cuéntá saha ná já queá a cuú caja ná ña cáji ini Ndióxi xihín.

⁹ Ta tá mé a ndaa ndácaan ínimá yíi Ndióxi ini ndó já queá co ndíco ga ndó íchi cuéntá ña núu, ña nasacaja ndó jihna. Ta viti ndíco ndó íchi vaha ta cája ndó ña cúni Ndióxi. Jáchi ndá ná co ndácaan ínimá Jesucristo ini, ná cán co cúú ná cuéntá mé á. ¹⁰ Tá ndácaan Jesucristo ini ínimá ndo vaxi quívi quívi yiquí cuñu ndó sahá cuachi nacaja ndó. Joo mé a ndaa catacu ínimá ndo nu ín Ndióxi anda ama cáa quívi jáchi nanduu ndaa ndó nu Ndióxi nacaja mé á. ¹¹ Nacaja ínimá yíi Ndióxi ña ná nditacu tucu Jesucristo ta tá ndácaan ínimá yíi Ndióxi ini ínimá ndo já tandaa quívi caja mé á ña ná nditacu tucu yiquí cuñu ndó saha mé ínimá yíi Ndióxi ndácaan ini ndó.

¹² Candehé ndó ñani mí i, ná cúú cuéntá Jesús. Co ndítahan nu ndó caja ndó ña núu, ña xíca ini ndó caja ndó. ¹³ Jáchi tá ndinuhu ini ndó caja ndó ña núu, ña xíca ini ndó já queá ndítahan nu ndó cuhun ndó indayá. Joo tá xihín ndee ínimá yíi Ndióxi jándihi ndó sahá ña núu xíca ini ndó caja ndó já queá vaxi quívi cuhun ndó coo ndó xihín mé á anda ama cáa quívi.

¹⁴ Ndá ná nandiquiahva mé ndahá ínimá yíi Ndióxi ña ná candaca a na, mé a ndaa táhyi cúú ná jahyi Ndióxi. ¹⁵ Nasahan Ndióxi ínimá yíi mé á nu ndo joo coo nasahan ña nu ndo ña ná catavi nihni a ndohó ta já quixi ña jáyihvi a ndohó. Nasahan Ndióxi ínimá yíi mé á nu ndo jáchi xihín ña yóho ndája Ndióxi ndohó jahyi mé á ta saha mé ínimá yíi yóho cáhan yó xihín Ndióxi ta cáchi yo: “Tátá maní i.” ¹⁶ Ta cáchi ínimá yíi Ndióxi xihín ínimá yo ña mé a ndaa cúú yó jahyi Ndióxi. ¹⁷ Ta sahá ña cúú yó jahyi mé á sahá ña cán queá ñehe táhvi mí ví ndiquehé ña nacachi Ndióxi quiahva nu yo. Ta sa mé ña ñehe táhvi yo yóho tahnda java ña xihín Jesucristo. Tá tá mé a ndaa táhyi ndoho ini xihín á já queá tá nandihí coho coo i xihín mé á indiví ta cán ndicáhnú i xihín á.

¹⁸ Coó a caja toho a tá ná ndoho ini i ñuyívi yóho jáchi vaxi quívi ndicáhnú ndivaha í xihín Jesucristo caja Ndióxi. ¹⁹ Tóco ndihi

ña ñacavaḡa mé á ndáti ndihi a ta ndiávaḡa iní a ña ná tandaa quíḡ quíḡ cachi Ndióxi ndá ñayivi cúu cuéntá mé á. ²⁰ Naçaja Ndióxi ña ná ndoho ini tóco ndihi ña ñacavaḡa mé á. Mé ñaha ñacavaḡa Ndióxi co cúni a ndoho ini a joo sácú ini Ndióxi ña ná ndoho ini tóco ndihi ña ñacavaḡa mé á. Ta ndáti tiaḡva ndihi ñaha ²¹ andaḡa tandaa quíḡ caja Ndióxi ña janí ña já ná a cácomí ga cuachi cuéntá sahá já ná a tívi ga ña. Ta ñúchí ndivaha mé quíḡví já tá cajíḡ ini tóco ndihi ñaha ñacavaḡa Ndióxi xihín tóco ndihi na cúu jahyi mé á. Jáchi a cácomí ga cuachi cuéntá saḡa ná. ²² Sa xini yo ña janda sanahá ndivaha ta andaḡa viti tána ndivaha tóco ndihi ña ñacavaḡa Ndióxi ta ndóho ndivaha ini a tátuhun ndóho ini in ñañáha tá ndúcú ndéé ña cacu jahyi ña. ²³ Ta quiaḡva já ndóho ri ini mí ví. Ínima yí Ndióxi cúu ña sáhan tiaḡva mé á nu yo já ná candaa iní ndá quiaḡva in ña quiaḡva mé á nu yo chága chí nuu. Ta tána ndivaha í andaḡa quiaḡva ná yaḡa ña ndóho ini. Ta ndáti tandaa quíḡví ndaja Ndióxi tóco ndihi mí ná nduú jahyi mé á já ná ndiquehé yiquí cuñu saá. ²⁴ Najáçacu Ndióxi mí jáchi ñacandéé ini mé á vatí coḡ naḡini ña ñacachi mé á quiaḡva nu yo. Tá xini cáxi yo in ñaha já candaa iní ña co xini ñúhú toho candatí quehé ña jáchi co xini ñúhú candatí ñaha cómi yo. ²⁵ Joo tá ná candatí in ñaha ña co xini yo já queá co ndihi ini nani ndáti ña.

²⁶ Tá cávitá iní já chíndéé ínima yí Ndióxi mí jáchi co tiaḡva í ndaja çacaḡ tahví yo nu Ndióxi tá quiaḡva ndítahan çacaḡ tahví yo nu á. Joo sa mé ínima yí Ndióxi yóho tána ta cáhan xihín tuḡhun ña a cuú çahan yo. Já caja mé á tá xicaḡ tahví a nu Ndióxi saḡa yo. ²⁷ Ta sa xini Ndióxi ña cáhvi iní ta sa xini a ña xicaḡ tahví ínima yí mé á saḡa yo. Ña cúni Ndióxi caja saḡa yo ña jan queá xicaḡ tahví ínima yí mé á saḡa yo, na cúu ñayivi cuéntá mé á.

Ni in ñaha a cúu çahnu a mí tá cándéé ini Jesucristo

²⁸ Ta sa xini yo ña tóco ndihi ña ndóho í ndaja Ndióxi ña ná nduu a ña vaḡa tá quihvi iní mé á. Jáchi mí cúu yó na sa nasacu ini Ndióxi ña ná caja í ña cúni mé á.

²⁹ Ndá ñayivi naçaxi Ndióxi andaḡa saḡa naçaxi a na ña ná nduu na tátuhun Jesucristo, mé á cúu jahyi Ndióxi. Jáchi cúni Ndióxi ña ná nduu Jesucristo jiní nuú ndihi na cúu cuéntá mé á. ³⁰ Ta naçana Ndióxi na naçaxi a ña ná candéé ini na mé á. Ta naçaja mé á ña ná nduu ndaa na nu á. Ta vaḡi quíḡví caja mé á ña ná ndináḡnu ndihi na cán xihín á.

³¹ Ndía cáhí sahá ña yóho. Ni in túhún ñaha a cúu caní táhan xoḡo ta ni a cúu quee vaḡa xoḡo jáchi cuahán Ndióxi xoo í. ³² Ta coḡ naçajihndaḡ Ndióxi jahyi a jáchi ñandiquiaḡva Ndióxi Jesucristo, jahyi a ña

ná quivi a saḡa yo. Xihín ña yóho cándaa iní ña co ndáhvi cúu ini a quiaḡva tóco ndihi ñaha nu yo. ³³ Yo já cuu chíçaḡ cuachi jatá na naçaxi Ndióxi. Ni in ñayivi a cúu chíçaḡ cuachi jatá na jáchi sa mé Ndióxi ñandaja mé á na ñayivi ndaa nu á. ³⁴ Yo já cuu jácojo cuachi jatá na núu cuéntá mé á. Ni in ñayivi jáchi naḡihí Jesucristo saḡa yo. Ñanditacu tucu a ta in coo a xoo cuáha Ndióxi indivi xicaḡ tahví a nu Ndióxi saḡa yo. ³⁵ Yo já cuu caji nuu nu Jesucristo quihvi ini a mí. Ni in ñaha a cúu caja ña jándacoo Jesucristo ña quihvi ini a mí. Vatí ná ndoho ndivaha iní ta vatí ná quixi ña yihvi yo ta vatí ná ndicuḡta na caja xixi na xoḡo ta vatí ná quixi joco ta vatí janda jáḡmaḡ yo ná ndimaḡ ta vatí tondóho vaḡi nu yo á ñayivi ndúcú cahní mí joo ni in ña yóho a cúu caji nuu a nu Jesucristo ña quihvi ini a mí. ³⁶ Já cáhí tuḡhun Ndióxi já:

Saḡa Ndióxi sácú ini ñayivi cahní na ndeḡe ndijáá ní quíḡví.

Tá quiaḡva caja na xihín ndicachi, rí cuḡhun quíḡví quiaḡva já caja na xihín nde, cáhí tuḡhun Ndióxi.

³⁷ Vatí ndóho í tóco ndihi ña yóho joo quee vaḡa tá quee vaḡa í caja Jesucristo jáchi quihvi ini a mí. ³⁸ Sa xini vaḡa í ña ni in ñaha a cuú caja tavá mí ndáḡa Jesucristo, mé a quihvi ini mí. Ta coḡ a caja toho a á tácu yo á sa naḡihí yo. Ni táto Ndióxi ni ña sáḡnda chuun nuú ñayivi ta ni ña ndóho iní viti ni ña ndoho iní chí nuu ³⁹ ta ni in ñaha in indivi ta ni in ñaha in tíxi ñúhu ta ni in ñaha ñacavaḡa Ndióxi a cuú tavá mí ndáḡa Ndióxi, mé a quihvi ini mí. Ta najánahaḡ Jesucristo, xitoho í nu yo ña quihvi ndivaha ini Ndióxi mí.

9

Ñayivi naquixi chíchi Israel cúu na naçaxi Ndióxi

¹ Ña ndaa cúu ña cáhan í xihín ndó viti ta co cávaḡa í ña tuḡhun jáchi cúu yó cuéntá Jesucristo. Sáḡnda ínima yí Ndióxi chuun nu xini túni í sahá ña cán queá co cáhan í ña tuḡhun. ² In cuéḡa ndivaha ini í ta já táhvi ndivaha ini í sahá na Israel. ³ Mé a ndaa cúni yeḡe chíndéé e na naquixi chíchi nuú naquixi mí í ña ná candéé ini na Jesucristo. Ta janda in tiaḡva í cacuu y da chíçaḡ na cháhan jatá tá ta xihín ña yóho cuu çacu ndaa ínima ná. Joo a cuú caja í ña. ⁴ Mé na cán naquixi na chíchi Israel ta naçaxi Ndióxi na já ná nduu na ñayivi cuéntá mé á. Najánahaḡ Ndióxi nu ná ndá quiaḡva cáḡnu cúu mé á. Ta naḡahan tuḡhun a nu ná ña nasacu ini a caja saḡa ná. Naḡahan Ndióxi ley Moisés nu ná ta najánahaḡ mé á na ndaja ndítahan nu ná caja cáḡnu na mé á. Naçaxi tuḡhun a xihín na sahá ñamaḡ caja mé á xihín ná chí nuu. ⁵ Ta

ñayivi Israel naquixi na chichi na nasanduu sanahá. Ta nacacu Jesucristo chichi mé na cán ta nanduu a in ñayivi. Chí anda ama cáa quivi ná caja cáhnu yó Jesucristo, mé á cúu Ndióxi, mé á cómi cuéntá saha tóco ndihi ñaha. Já ná coo.

⁶ A juú cahán ndo ña cóo najáxinu Ndióxi tũhun a nasahan nuú na Israel. A juú ndihi ñayivi jan cúu na cuéntá Ndióxi vatí naquixi na chichi Israel. ⁷ A juú tóco ndihi na naquixi chichi Abraham cúu ná cuéntá Ndióxi jáchi janda saha nacachi Ndióxi xihín dá: “Ñayivi cuaha quixi chichún cacuu na jahyi Isaac”, cáchi á xihín Abraham. ⁸ Ña yóho cúni cachi a ña ni in tũhun ñayivi có cúu ná jahyi Ndióxi sahá ña naquixi na chichi Abraham. Na cúu ndusa jahyi Ndióxi cúu ná naquixi chichi Isaac jáchi cuéntá Isaac najáxinu cóo Ndióxi tũhun nasahan nu Abraham. ⁹ Sanahá ndivaha nasahan Ndióxi tũhun a nu Abraham já cáchi á já: “Xinu cuáa já quixi tucu u ta cacu jahyi taa ñajihún, Sara.”

¹⁰ Candehé ndo ná ndicani i nu ndo ña nayaha chága chinuu. Isaac, dá cúu tásáhnú jicó yo nasacuu da tátá ndivi taa valí jahyi Rebeca. ¹¹ Tá cámaní cacu taa cuatí jahyi na já nasacu ini Ndióxi caxi a in a ta cacu xóo a inga vatí a náha caja ndivi taa valí ni ña vaha ni ña núu. Já nasacu ini a caja ¹² ta já nacachi a xihín Rebeca: “Jahyún, dá cacu chí ivi cahnda chuun nuú dá cacu nu cuití.” ¹³ Ta já cáchi tucu tũhun Ndióxi já sahá jahyi Rebeca: “Nacaxi i Jacobo, dá nacacu chí ivi caja i ñamaní xihín dá joo nasacu xóo i Esaú, dá nacacu nu cuití.” Já nacaja Ndióxi jáchi já nasacu ini a caja.

¹⁴ Ama ná cachi rí ña có caja ndaa Ndióxi. A cáchi toho i já. ¹⁵ Já nacachi Ndióxi xihín Moisés sanahá: “Tahvi ini i sahá ñayivi joo mí i caxi i yo tahvi ini i saha. Ta tahnda ini i sahá ñayivi, joo mí i caxi i yo tahnda ini i saha”, nacachi Ndióxi sanahá. ¹⁶ Ña cán queá có caja Ndióxi ña cúni ñayivi ta a cúu caja ndusa ñayivi xihín á ña ná tahnda ini a saha ná jáchi táhnda ini a sahá ñayivi, na cúni mé á tahnda ini a saha. ¹⁷ Já cáchi tũhun Ndióxi já xihín dá cúu rey nuú naciún Egipto: “Nandaja i yohó rey jáchi cúni jánaha i nuun ña cuu caja i tóco ndihi ñaha tá cúni já ná candaa ini tóco ndihi ñayivi ndúu ñuyivi ña cáhnu ndivaha cúu yehe”, nacachi Ndióxi. ¹⁸ Ña cán queá tá cúni Ndióxi táhnda ini a sahá ñayivi já cuu tahnda ini a saha ná. Ta tá cúni a ndaja táhyi á inima ná já cuu ndaja táhyi a ña.

¹⁹ Joo a cuú cachi ña có caja ndaa Ndióxi tá cáchi a ña cómi yo cuachi. Vatí sácú ini Ndióxi ña caja in in ñayivi joo có chindahá a na caja na cuachi. ²⁰ Có ndítahan nuú ñayivi ndaja ndichí na Ndióxi sahá ña caja mé á.

Jáchi sa xini yo ña có ndítahan nuú in quiji cachi a xihín dá cávaha ñaha: “Có catóo i coo i tá quiahva nacavaha ndó yehe.” ²¹ A cuú cachi quiji cán já jáchi mé dá cávaha quiji cán, cávaha da ña tá quiahva cúni mé dá. Xihín in mbohla loho ñuhú quiji cu cávaha da in quiji cacuu a javí á in quiji cuéntá yávi núhu.

²² Ta quiahva já caja Ndióxi xihín ñayivi. Ím tiaha mé á jánaha nu ná ña xójo ndivaha ini a sahá cuachi na. Ta ím tiaha mé á jánaha nu ná ña cuu caja mé á tóco ndihi ñaha. Joo nacaja ndeé ini Ndióxi ta nasandati a jándoho a ini ñayivi vatí nandítahan nu ná ndoho ini na sahá cuachi na. ²³ Mé a ndaa táhnda ini Ndióxi sahá ñayivi ta cúni a jánaha nu ná ña cáhnu ndivaha cúu mé á ta cúni a jánaha nu ná nda quiahva quihvi ini a na. Anda sanahá ndivaha sácú ini a jánaha nu yo nda quiahva cáhnu cacuu yó nu mé á. ²⁴ Nacaxi a ñayivi tañu na naquixi chichi Israel ta nacaxi mé á ñayivi tañu na cóo naquixi chichi Israel. Ta mí cúu yó na nacaxi a. ²⁵ Já nacachi Ndióxi já sanahá tá já nacaxi i Oseas ini tũhun Ndióxi: Tándaa quivi caxi yehe ñayivi, na có cúu cuéntá mí i ta ndaja i na cuéntá mí i.

Ta na cóo naquihvi ini i jilna quihvi ini i na viti.

²⁶ Ta sa mé nu ndúu ñayivi, na cóo nasacuu cuéntá Ndióxi,

cán cuhun mé á caxi a na ta caja ña ná nduu na cuéntá mé á jáchi cúu á in Ndióxi tácu, já cáchi tũhun mé á.

²⁷ Ta sahá na naquixi chichi Israel já nacachi Isaías: “Vatí ndicuahá ñayivi Israel tá quiahva cuahá ñuti yuhú tañuhú joo chá va cacuu na cacu ndaa inima.” ²⁸ Jáchi jonáa va jáxinu cóo Ndióxi tũhun a ta anda javí caja vii a saha tóco ndihi ñayivi ndúu ñuyivi”, nacachi Isaías. ²⁹ Ta já nacachi tucu Isaías já sanahá:

Tá quiahva nacaja Ndióxi najándihi a sahá ñayivi ñuu Sodoma xihín ñuu Gomorra quiahva já caja Ndióxi jándihi a saha yo, nduu.

Joo sahá ña natahvi ini Ndióxi sahá na Israel sahá ña cán queá cóo najándihi a saha ná, já cáchi tũhun Ndióxi.

Ndítahan nuú na Israel candee ini na Jesucristo

³⁰ Ña cán queá ndicani i nu ndo sahá ñayivi, na cóo naquixi chichi Israel. Có ndinducú na nduu ndaa na nu Ndióxi joo tá nacasahá na candee ini na Jesucristo já nacaja Ndióxi ña ná nduu ndaa na nu mé á. ³¹ Joo ñayivi Israel caja na ña sáhdá ley Moisés xihín ndinuhu ini na jáchi cáhán na cuu nduu ndaa na nu Ndióxi sahá ña sácú vaha na ley Moisés. Joo cóo nacuu nduu ndaa na nu Ndióxi xihín ña yóho. ³² Já jándoho na

Israel jáchi nanditahan nu ná candee ini na Jesucristo. Xihín ndinuhu ini na cája na ña cáchi ley joo coo nacu nduu ndaa na nu Ndióxi xihín ñaha cája na. Ña cán queá cúu ná tátuhun in na nqacachihin saha xihín yuu cáhnu. ³³ Jáchi cáchi tühun Ndióxi ña cúu Jesucristo tátuhun yuu cáhnu nu cáchihin sahá ñayivi. Já cáchi tühun Ndióxi já:

Nasacu yehe in yuu tóto cáhnu ñuu Sión ta xihín yuu cáhnu cán cuaha ná cachihin saha.

Joo ndá na ná candee ini mé a nqachindahá j, na cán cúu ná na a cácahan nuu, já nqacachi tühun Ndióxi.

10

¹ Cuni johu vaha ndó, ñani j, na cúu cuéntá Jesús. Jáchi ndinuhu ini i xica tahví i nu Ndióxi sahá ñayivi Israel ña ná candee ini na Jesús já ná cuu jácau Ndióxi na nuú cuachi na. ² Mé a ndaa ná cahan i xihin ndo ña cája cáhnu na Israel Ndióxi xihín ndinuhu ini na joo co cándaa cáxi ini na ña cúnj Ndióxi caja na. ³ Jáchi co xini na ndaja cája Ndióxi ña ná nduu ndaa ñayivi nu mé a sahá ña cán queá ndúcu ná nduu ndaa na nu mé á xihín ña cája mé va na. Ta co cúnj na ndiquiahva na mé ná ndahá Ndióxi ña ná caja na ña nasacu ini mé á caja na. ⁴ Co xini na ña naquixi Jesucristo ta naxihí a saha yá najáxinu coo a caja ña cáchi ley ña ná nduu ndaa tóco ndihi na candee ini mé á.

⁵ Sanahá ndivaha nqachiyí Moisés sahá ñayivi, na cúnj nduu ndaa nu Ndióxi xihín ley Moisés. Já cáchi a já: “Ndá na co cómi cuachi nu Ndióxi, na cán cuu nduu ndaa nu mé á ta jácau a na”, já nqachiyí da. ⁶ Joo tá ná jácau Ndióxi mí sahá ña candee ini mé á já queá co xini ñuhú cuhun yo indivi jánuu í Jesucristo ña ná nuu a chindee a mí jáchi sa naca mé á ña. ⁷ Ta co xini ñuhú cuhun yo nu nduu ñimá ndji ña ná ndiquehé Jesucristo tañu na sa naxihí jáchi mé Jesucristo sa nanditacu tucu a. ⁸ Co xini ñuhú cuhun xicá nahá yo ndinducú yo Jesucristo jáchi ñin yati ndivaha mé á nu yo jáchi ñin a xoho. Ta mé tühun cáhan nde yóho cúu á tühun cáhan saha Jesucristo já ná candee ini ndó mé á. ⁹ Ta tá cachún ña cúu Jesús xitohún ta tá cándúsun xihín ndinuhu ñimun ña najánditacu Ndióxi Jesús tañu na naxihí já queá cuu cacu ndaa ñimun. ¹⁰ Jáchi tá candee ini ñayivi Ndióxi xihín ndinuhu ini na já nduu ndaa na caja Ndióxi. Ta tá cáhan na xihín java ga ñayivi ña candee ini na mé á já queá cuu cacu ndaa ñimá na.

¹¹ Já cáchi tühun Ndióxi já: “Ndá na ná candee ini Jesús a xinu toho qujví cáhan na ña najándahvi Ndióxi na.” ¹² In cúu tóco ndihi ñayivi nu Ndióxi. Tá quiahva jácau Ndióxi na naquixi chíchí Israel quiahva já jácau a na coo naquixi chíchí Israel. Jáchi sa mé

Ndióxi cán cúu Ndióxi nu tóco ndihi ñayivi ta co ndáhví cúu ini a quiahva ñaha nuú na xica tahví nu mé á. ¹³ Já cáchi tühun Ndióxi: “Ndá na ná caça tahví nu Ndióxi ña ná chindee a na, na cán cacu ndaa ñimá.” ¹⁴ Ta ndaja caja na caça tahví na nu Jesús tá tá cámanj candee ini na mé á. Ta ndaja caja na candee ini na mé á tá a ñaha cuni johu na tühun vaha cáhan saha Jesús. Ta ndaja caja na cuni johu na tühun vaha saha Jesús tá cámanj cuhun in na caxi tühun na ña nu ná. ¹⁵ Ta ndaja caja na cuhun na cáhan na tühun Ndióxi xihín ná tá tá co ñin in na chindahá na cuhun na. Já cáchi tühun Ndióxi já: “Ndaja ñúchí chá tá xinu coo na ñéhe tühun vaha saha Ndióxi ña ná coo vaha i xihin mé á.”

¹⁶ Joo a juú ndihi ñayivi cándusa tühun Ndióxi. Ña yóho cúu á tá quiahva nqacachi Isaias: “Ndióxi, mé ndó cúu ndó xitoho nde. Chá cuití ñayivi cándusa tühun nqacahan nde xihin ná.” ¹⁷ Jáchi jihna ñuhú cáhan na tühun vaha saha Jesucristo nuú ñayivi ta xihín ña xini johu na cán jáxinu ini na xihin á. Anda jávi cásahá na candee ini na mé á ta cája na ña cúnj a.

¹⁸ Á sa naxini johu na tühun vaha cáhan saha Jesús. Ajan. Sa naxini johu na ña. Jáchi já cáchi tühun Ndióxi já:

Nasahan na cahan na tühun Ndióxi nuú ñayivi,

ta ní cúu sahá ñuyiví naxinu tühun cáhan na, já cáchi tühun Ndióxi.

¹⁹ Á nqandaa ini ñayivi Israel ña yóho. Ajan. Cándaa vaha ini ná ña. Jáchi já nqachiyí Moisés sanahá:

Ndióxi queá nqacachi a: Caja i ña ná candúsa na tóho yehe já ná cahiví ini na Israel.

Ta cojo ini na xihín na tóho sahá ña cája i ña ná candúsa mé na tóho cán yehe, nqacachi tühun Ndióxi.

²⁰ Xihín ña yóho nqacahan ndeé ini Isaias cahiyí da ña nqacachi Ndióxi tá nqacachi a já: Mé na co ndinducú yehe, na cán cúu na nandiféhe yehe.

Ta najánaha i mí i nu ná vatí coo nandaca tühun na sahá j, nqacachi tühun Ndióxi.

²¹ Joo já nqacachi Ndióxi sahá ñayivi Israel: “Ní tiempo cúnj ndiquehe vaha i ñayivi Israel joo co cúnj na quixi na nuú i jáchi saá ini na ta co cúnj na caja na ña cúnj, nqacachi tühun Ndióxi.

11

Cája Ndióxi ñamanj xihin ñayivi Israel

¹ Ta viti ná ndaca tühun i ndohó ña yóho: Á cáhan ndo ña najándacoo ndahá Ndióxi ñayivi Israel. A juú ña ndaa cúu á jáchi sa mé yehe cúu u da Israel, da naquixi chíchí Abraham ta naquixi i chíchí Benjamín, da

naşacuu jahyi ñáni jícó Abraham. ² Janda mé saha naçachi Ndióxi ña naçaxi mé á na Israel cacuu na cuéntá mé á ta cõ cándají a na viti. Sa xíní ndó ña naçachi tuhun Ndióxi sahá dá naşacuu profeta Elías. Mé dá yóho tá naçica ãhví dá nu Ndióxi já najácojo da cuaçhi jatá na Israel. ³ Já naçachi da já: “Cándehe ndõ Ndióxi, xitoho í. Sa naşahni na profeta cuéntá mé ndó ta nandicaní na nu náa ndo. Ta viti nú laá in túhnu yehe cuití va cája ña sáhná ndo. Ta ndúcú na cahni na yehe”, já naçachi Elías xihín Ndióxi. ⁴ Ta já naçachi Ndióxi xihín dá: “A juú in táláá yóho cája ña cúní jáchi ndúu yíi va uşá ml ãa cája ña cúní ta coõ naçaxítí na nuú tñiñu yúu Baal”, naçachi Ndióxi xihín dá. ⁵ Quiahva já íin a viti. Ndúu chá ná cája ña cúní Ndióxi jáchi naçaja Ndióxi ñamaní xihín ná ta naşacu ini a jácaacu a na. ⁶ Naçaxi Ndióxi na jáchi natahví ini a saha ná. Coõ naşacuu a sahá ña nácaja na jáchi tá ná cacuu a sahá ña cája na já cõ cúu ga ñamaní Ndióxi ta ña yóho cúu ña cúní Ndióxi caja.

⁷ Ña cán queá cuahá ndivaha ñayivi Israel coõ nanduu ndaa na nu Ndióxi sahá ña naçaja na jáchi nandaja táhyi na ínimá ná. Joo ná naçaxi Ndióxi, na cán cúu ná nanduu ndaa nu mé á. ⁸ Já cáchi tuhun Ndióxi já: “Cõ cúní na candúsa na Ndióxi sahá ña cán queá naşaji Ndióxi xíní tñiñu ná ví in ndeé. Ta quiahva já ndaa na janda viti jáchi cõ cándaq ini na ña cáhan Ndióxi xihín ná.” ⁹ Já naçahyi David sahná:

Ná cáhan na ña cuahan vaha na ichí Ndióxi sahá cuahá ñaha cómí na, ta ná ndoho ini na sahá cuaçhi cája na.

¹⁰ Ta ná cuahá na já ná a cúní na, ta ná nditojo jatá na ní tiempo sahá ña ve ndójo na, naçachi David.

Jácaacu Ndióxi na coõ naquixi chichi Israel

¹¹ Ta viti ná ndaca tuhún í ndohó ña yóho: Á cáhan ndõ ña a cuú cacu ndaa ínimá na Israel. A juú ña ndaa cúu á. Jáchi vatí saá ini na Israel ta vatí cõ cúní na candee ini na Jesús joo xihín ña naçaja na yóho nanuna nuú na tóho cuni johu na tuhun vaha sahá Jesús ta já cuu cacu ndaa ínimá ná nu mé á. Ta sahá ña yóho casáha na Israel cahihvi ini na xihín na tóho. ¹² Naçaja Ndióxi cuahá ñamaní xihín tóco ndihi na tóho jáchi naçaja ña ná cuu ndihvi na íchi cuéntá mé á sahá ña najándacoo na Israel íchi cuéntá mé á. Joo cuahá chága ñamaní caji Ndióxi xihín tóco ndihí tá ná xinu quívi ndiquehe na Israel íchi cuéntá mé á.

¹³ Joo íin in ñaha ña cúní cáhan í xihín ndo, na tóho. Ndióxi queá naçindahá yehe tañu ndohó, na coõ naquixi chichi Israel ta chuun cáhnu ndivaha queá ndójo í xíní í. ¹⁴ Jáchi ña cúní mí í queá ná cahihvi ini na Israel xihín ndõ sahá tuhun Ndióxi ta já

ná ndinducú mé ná Ndióxi já ná cacu ndaa ínimá na Israel nu Ndióxi jáchi mé ná cúu ná chichi nuú naquixi mí í. ¹⁵ Naşacu xóo tóo Ndióxi na naquixi chichi Israel jáchi naşacu ini a jándique táhan máni á tóco ndihi ñayivi ndúu ñuyivi xihín mé á. Ta tá ná xinu quívi casáha na Israel ndiquehe na tuhun Ndióxi cacuu a in ñaha ñúchí ndivaha. Cacuu a tá tuhun casáha nditacu tucu na jáchi viti cúu ná tá tuhun na naçihí jáchi coõ naşeeen na ndiquehe na tuhun Ndióxi. ¹⁶ Abraham naşacuu da cuéntá Ndióxi ña cán queá jahyi da, na naçacu chichi da cúu ná ñayivi cuéntá Ndióxi. Abraham, dá cúu cuéntá mé á cúu dá tá tuhun yóho in yitó olivo. Ta ñayivi naçacu chichi da cúu ná cuéntá mé á ta cúu ná tá tuhun ndáha mé yitó olivo cán.

¹⁷ Cúu á tá tuhun naşahnda Ndióxi java ndáha, dó vaha ta naçhitivi ndaa mé á ndáha yitó olivo yúcu mé nuú naşahhín ndáha cán. Ta viti quiahva dó ndeé nu ndáha yitó olivo yúcu cán ña ná catacu dó. Quiahva já naçaja Ndióxi naşacu xóo a na Israel ta naçaja mé á ñamaní xihín mé ndó, na tóho já ná nduu ndó cuéntá mé á. Ta viti cája Ndióxi cuahá ñamaní xihín ndõ tá quiahva cája xihín na Israel. ¹⁸ Joo ndohó, na cúu na tóho a cáhan ndõ ña vaha chága mé ndó a juú ga na Israel. Cõ ndítahan cáhan ndõ já. Cõ cúu ndó tá tuhun yohó yitó jáchi cúu ndó tá tuhun ndáha dõ. Ta tá cõ yóho dá já queá a cúu catacu ndáha dõ. Sahá ña cán queá cõ ndítahan caja cáhnu ndó mé ndó.

¹⁹ A váha cahvi ini ndó ña náhnu chága mé ndó nu Ndióxi a juú ga na Israel sahá ña naşacu xóo mé á na Israel ta naşuná a íchi nu ndohó candee ini ndó mé á. ²⁰ Cándehé ndõ. Naşacu xóo Ndióxi na Israel sahá ña coõ naçandee ini na mé á ta nandacaxi a ndohó sahá ña candee ini ndó mé á ña cán queá cõ ndítahan caja cáhnu ndó mé ndó. Ña ndítahan caja ndó queá cayihvi ndõ Ndióxi. ²¹ Xíní ñúhú ndicuhun ini ndó ña cuu jácacoo tucu Ndióxi ndohó. Coõ naçahnda ini a jándacoo xóo a na Israel, mé ná naçaxi á. Sahá ña cán queá cachí ga ví mé ndó, na tóho ndaa náha caji Ndióxi cacu xóo tucu a ndohó. ²² Cándehé ndõ jáchi táhví ini Ndióxi sahá ñayivi tá candee ini na mé á joo cuhehe ndivaha mé á xihín na saá ini. Ña cán queá tá cõ candee ini ndó mé á ta ni cõ quihvi ini ndó a já cacu xóo a ndohó tá quiahva naçaja xihín na Israel. ²³ Joo tá ná ndihvi na Israel íchi Ndióxi candee ini na mé á já queá ndiquehe tucu Ndióxi na jáchi cuu caji mé á tóco ndihi ñaha. ²⁴ Nandiquehe Ndióxi ndohó vatí naşanduu xícá ndó nu á ta nandaja mé á ndohó cuéntá mé á vatí cúu ndó na tóho. Mé ndó cúu ndó tá tuhun ndáha yitó olivo, dó yúcu, dó naçhitivi ndaa Ndióxi tóco dó vaha. Ta ña yóho queá a cúu coo já, nduu. Joo naçaja Ndióxi já xihín

ndó. Ta ndáa náha cuu caja tucu Ndióxi xihín na Israel ña ndiquehe tucu a na ta cacu tucu a na nu ndahá yíto olivo, dó vaha nuú nasandaa na jihna.

Vaxi quiví tá candeeé ini na Israel Jesús

²⁵ Ñani mí i, na cúu cuéntá Jesús. Cúni ña ná candaa ini ndó ña nasacu ini Ndióxi caja chága chí nuú já ná a caja cáhnu ndó mé ndó. Cuahá na Israel nandaja táhyi na inima ná ta co cúni na ndiquehe na tuhun Ndióxi. Joo tá sa ndiquehe ndihi na tóho, na nasacu ini Ndióxi jácaçu a anda jávi casahá na Israel ndiquehe na tuhun Ndióxi. ²⁶ Anda jávi cacu ndaa inima ndihi na Israel. Ta já cáchi tuhun Ndióxi sahá ña yóho:

Ñuu Sión quixi in da jácaçu ñayivi Israel, na naquixi chíchi Jacob ná a caja ga na cuachi.

²⁷ Ta jándoo i cuachi nacaja na, tá quiahva nacachi i xihín ná caja i, cáchi Ndióxi.

²⁸ Tiempo viti cuahá ndivaha na Israel co cúni na tuhun vaha sahá Jesús sahá ña cán queá co cúni na Ndióxi. Joo cajú na ña yóho ña ná nuná nu ndóho, ná tóho já ná cuu candeeé ini ndó Ndióxi. Vati cajú na Israel ña yóho joo quihvi ini tá quihvi ini Ndióxi na sahá tuhun nasahan nu tásáhu jícó na. ²⁹ Tá sáhan Ndióxi ña cáchi a quiahva nu yo já queá co ndimaní mé á nuú tuhun a ta co ndicó coo ini a tá sa nandacaxi a mí. ³⁰ Sáa nasahjin ini ndóho, na tóho sanahá joo viti nacaja mé á cuahá ñamaní xihín ndó sahá ña sáa ini na Israel. ³¹ Ta vatí sáa ini na Israel viti joo xihín ña yóho nuná nu ndóho, na tóho ndiquehe ndó ñamaní Ndióxi. Joo vaxi quiví tá tahvi ini Ndióxi sahá na Israel tá quiahva natahvi ini a sahá ndóho, na tóho.

³² Nachicaji Ndióxi xini túni na Israel xihín na tóho ña ná nduu na na sáa ini. Nacaja Ndióxi ña yóho já ná cuu tahvi in nuú ini a sahá tóco ndihi ñayivi.

³³ Cáhnu ndivaha cúu tóco ndihi ñaha Ndióxi. Ndíchi ndivaha jini mé á ta candaa ini a tóco ndihi ñaha. Ni in ñayivi a cuú ndicani na ña cáhvi ini Ndióxi. Ta ni in na a cuú candaa ini ña cajú Ndióxi. ³⁴ Já cáchi tuhun Ndióxi já: “Ni in ñayivi a cuú candaa ini na ña cáhvi ini Ndióxi. Ta ni in ñayivi a cuú jácáhan na mé á caja ña ndítahan caja. ³⁵ Coo ñayivi cajú ñamaní xihín Ndióxi ña ná ndaca na ña nu mé á”, cáchi tuhun Ndióxi. ³⁶ Jáchi Ndióxi queá nacavaha tóco ndihi ñaha ta ndúu a sahá mé á ta ndúu a cuéntá mé á. Anda ama cáa quiví ná caja cáhnu i Ndióxi. Já ná coo.

12

Tácu yo caja chúun i cuéntá Ndióxi

¹ Natahvi ini Ndióxi sahá ndó, ñani mí i, na cúu cuéntá Jesús. Sahá ña cán queá xíca tahvi i nu ndó ña ná ndiquiahva ndó mé ndó ndáha Ndióxi já ná cacuu a tátuhun joco ndó mé ndó nu Ndióxi. Ta caja ndó tóco ndihi ña cúni Ndióxi caja ndó ña ná cajji ini a. Jáchi xihín ña yóho náha ña mé a ndaa táhyi cajú cáhnu ndó Ndióxi ta ña yóho cúu á ña ndítahan nu ndó caja ndó. ² A cajú ga ndó ña núu ña cajú ñayivi ñuyivi. Quiahva ndó ñamaní nu Ndióxi ña ná ndaja víi a xini túni ndó. Anda jávi candaa ini ndó ña cúni mé á caja ndó. Ta xihín ña yóho cuu caja ndó ña vaha ta cuu caja vatá ndó ini mé á ta cuu caja ndó ña cúni mé á xihín ndinuhu ini ndó.

³ Nacaja Ndióxi ñamaní xihín i tá nacaxi a yehe. Ña cán queá cáhan i xihín ndihi ndó ña co ndítahan cáhan ndó ña cúu ndó na náhnu ndivaha joo ná cahvi ini ndó ña ndaa sahá mé va ndó. Ña ndítahan caja ndó queá coto ndojó ndó mé ndó jáchi nasacu ini Ndióxi ña ná candeeé ini ndó mé á já ná cuu caja ndó ña cúni i. ⁴ Candehé ndó tá quiahva jin yiquí cuúu i. In túhún cúu yiquí cuúu i joo cuahá nuú ñaha ndáca ta sa jin sa jin chuun cajú in in ña ndáca yiquí cuúu i. ⁵ Quiahva já jin tóco ndihi, na cúu cuéntá Jesús. Sa jin sa jin chuun cajú in in i joo in va cúu yo xihín Jesucristo. Ta sa jin sa jin chuun cajú in in i.

⁶ Sa jin sa jin chuun nasahan Ndióxi nuú in in i cajú i ta mé á nasacu ini a ndá chuun queá quiahva nuú in in i. Sahá ña cán queá tá nasahan Ndióxi chuun nu ndó jáyaha ndó tuhun mé á nuú ñayivi, cajú ndó ña xihín ndéé mé á jáchi candeeé ini ndó a. ⁷ Ta tá nasahan Ndióxi chuun nu ndó ña ná chindeé ndó ñayivi já queá ndítahan nu ndó chindeé vaha ndó na. Ta tá nasahan Ndióxi chuun nu ndó jánaha ndó ñayivi já queá ndítahan nu ndó jánaha vaha ndó na. ⁸ Tá ta nasacu Ndióxi ini inima ndó quiahva ndó tuhun ndeé ini na, cajú ndó ña xihín ndinuhu ini ndó. Ta ndá ñaha jása ndó nuú ñayivi xini ñuhú cajji ini ndó jása ndó ña. Ta ndá ndó ndójo chuun xini ñuhú coo cuéntá vaha ndó xihín chuun ndójo ndó. Ta ndá ndó cátóo chindeé ñayivi ná cajji ini ndó chindeé ndó na.

Ña ndítahan caja na cúu cuéntá Jesús

⁹ Xihín ndinuhu ini ndó quihvi ini táhan ndó. Candaji ndó ña núu ta caja ndó ña vaha xihín ndinuhu ini ndó. ¹⁰ Xini ñuhú quihvi ini ndó na cúu cuéntá Jesús jáchi cúu ná tátuhun na vehe ndó ta cajji ini ndó tá cajú cáhnu táhan ndó.

¹¹ Nducú ndeé ndó ta a cacuu ndó na jusá ta xihín ndinuhu ini ndó caja chúun ndó cuéntá Ndióxi, xitoho i.

¹² Xini ñuhú cajji ini ndó candatí ndó xinu coo tuhun nasahan Ndióxi nu ndó. Quiahva

ndeé vaha ini ndó tá ndóho ini ndó ta a jándacoo ndó ña caça tahví ndo nu Ndióxi.

¹³ Ndá ñaha ndímaní nuú java ga na cúú cuéntá Jesús ná chindeé ndó na. Ta ndiquehe vaha ndó ñayivi xító nihni ndohó.

¹⁴ Caça tahví ndo nu Ndióxi sahá na cája xíxi xihín ndo ña ná caja Ndióxi ñamaní xihín ná. Caça tahví ndo nu Ndióxi sahá ná ta a chicaan ndó cháhan jata ná.

¹⁵ Cajií ini ndó xihín na cajií ini ta cuacu ndó xihín na sácu.

¹⁶ In nuú quihvi ini táhan ndó. A cája ichi ini ndó. Ña ndítahan caja ndó queá jánuu ndáha ndó mé ndó xihín ñayivi ndáhvi, na co ndínehe jíco mé. Ta a cáhan ndo ña cúú ndó na ndíhí ndivaha.

¹⁷ Tá cája núu na xihín ndó, a ndíco coo ndó caja ndó ña núu xihín ná. Joo nducú ndó quiahva caja ndó ña vaha já ná a cáhan núu ñayivi sahá ndó. ¹⁸ A nducú ndo cani táhan ndó xihín ñayivi ta ndíhí ini ndó coo vaha ndó xihín ndíhí na. ¹⁹ Ñani mí i, na cúú cuéntá Jesús. Tá cája xíxi na xihín ndo a nducú ñehe toho ndó ña núu nu ná jáchi cojo ini Ndióxi xihín na cája já ta ndítahan nu mé á jándoho a ini na. Já cáchi tuhun Ndióxi: “Yehe ndítahan nuú jándoho i ini ñayivi, na cája ña núu”, cáchi Ndióxi. ²⁰ Vaha chága ná caja ndó ña cáchi tuhun Ndióxi: “Tá cuíco ñayivi, na co cúní ndohó quiahva ndó ná cuxu na. Ta tá ichi ini na co cúní ndohó quiahva ndó tícují nu ná coho na. Tá ná caja ndó ña yóho já queá cacahan nuú na cán sahá ña núu cája na xihín ndó.” ²¹ A quiahva ndó ñamaní quee vaha ña quini xihín ndó. Ña ndítahan caja ndó queá caja ndó ña vaha já ná cuu quee vaha ndó cahnu ndó ña quini.

13

¹ Xíní ñúhú coo joho ndó nuú ña cáhan na jutixia xihín ndo. Jáchi sáhan Ndióxi ñamaní nuú na cán cahnda na chuun nuú ñayivi. Ta mé Ndióxi queá nasacu a na. ² Ta ndá na co cúní cuní joho nuú sáhdá na jutixia cúú ná na sájí nuu nu Ndióxi jáchi Ndióxi queá nasacu a na cán. Ta ndá na co cúní caja ña sáhdá na ndoho ini na. ³ Jáchi coo nasacu Ndióxi na jutixia ña ná jáyihví na ñayivi, na cája ña vaha. Nasacu Ndióxi na ña ná jáyihví na ñayivi, na cája ña núu. Tá co cúní ndó cayihví ndo na jutixia xíní ñúhú caja ndó ña vaha já ná cajií ini na jutixia xihín ndo. ⁴ Nasacu Ndióxi na jutixia ña ná chindeé na ndohó. Joo tá cája ndó ña núu já queá xíní ñúhú cayihví ndó na jáchi mé na cán cahnda na chuun nuú ná chahvi ndó sahá ña núu cája ndó. Sahá ña cán nasacu Ndióxi na ña ná jándoho na ini na cája ña núu. ⁵ Ña cán queá ndítahan nuú ndó caja ndó ña sáhdá na jutixia já ná a jándoho na ini ndó

jáchi sa náha mé va xíní túni yo cahan xoho ña xíní ñúhú candúsa í ña sáhdá na jutixia nuú yo. ⁶ Sahá ña cán queá chahvi ndó jiyhún cuéntá impuesto jáchi sa xíní ndó ña ndítahan nuú ndó chahvi ndó ña. Na jutixia cája chuun na cuéntá Ndióxi tá cája na ña xihín ndinuhu ini na.

⁷ Ndiquiahva ndó nuú ñayivi ña ndítahan nuú na ndiquehe na. Chahvi ndó impuesto nuú na játaca ña. Caja cáhnu ndó ñayivi, na ndítahan caja cáhnu ndó ta coo toní ñúhú ndó xihín na ndítahan coo toní ñúhú ndó xihín. ⁸ A cáyicá ndo ñaha nuú ni in ñayivi. Ña ndíyicá ndo queá quihvi ini táhan ndó. Jáchi ndá na quihvi ini ñayivi, na cán cúú na cája ña sáhdá ley Moisés. ⁹ Jáchi tá quihvi ini ndó ñani táhan ndó já queá a ndiáva ini ndó caja ndó ña núu xihín na. Ta a cáhvi ini ndó coo ndó xihín ñájihí ñani táhan ndó. Ta a cáhni ndó ndíi. Ta a cáhvi ini ndó caja cuíhná ndo ñaha inga na. Ta ni a ndiáva ini ndó cacomí ndo ñaha cómi inga na. Tá quihvi ini ndó ñani táhan ndó já queá cúní cachi a ña cája ndó ña sáhdá ley Moisés tá cáchi a já: “Quihvi ini ndó ñani táhan ndó tá quiahva quihvi ini ndó mé ndó.” ¹⁰ Ndá na quihvi ini ñani táhan, na cán cúú na cája vaha xihín ñani táhan na. Ña cán queá tá quihvi ini ñani táhan í já queá jáxinu yó nuú ña sáhdá ley Moisés.

¹¹ Sahá tóco ndíhí ña cáhan í xihín ndo yóho xíní ñúhú candehe ndo ndá quiahva cáa tiempo ndúú viti. Xíní ñúhú ndicaxí vaha ini ndó caja ndó ña cúní Ndióxi jáchi viti sa nacayati chága quiví jácacu Ndióxi mí a juú ga tá jacá nacandúsa í tuhun Ndióxi. ¹² Cúú á tátuhun ja chá cúní yaha ñuu ta casáhá tvi yaa. Ña yóho cúní cachi a ña sa nacayati quiví quixi tucu Jesucristo. Ña cán queá xíní ñúhú jándacoo í ña núu cája í tátuhun cája ñayivi xíca nuu naá. Ta xíní ñúhú caja í ña vaha já queá quee vaha í xihín ña núu. ¹³ Ndisáhnu ná coo ini caja í tóco ndíhí ñaha tátuhun cúú yó na ndúu nu yéhe. A cacúú ñayivi xíhi ta ni a cája í vicó lándá ndivaha. Ta ni a cáca nuu jii yo xihín ñájihí ñani táhan í ta a ndiáva ini coo í xihín najihí. Ta a nducú yo cani táhan í xihín ñani táhan í ta ni a cáhíhvi ini xihín ná. ¹⁴ Ña ndítahan caja í queá caça chága yo ndé yo nu Jesucristo, xitoho í já ná cacuu a tátuhun candixí in jahmá caa ña sándixi da cání táhan. Ta coto a quiahva ndó ñamaní nuú yiquí cuñu ndó caja ña núu.

14

Co ndítahan candehe ndaa táhan í

¹ Ndiqeehe vaha ndó na cúú cuéntá Jesús vatí co cándaq vaha ini na ña jánaha tuhun Ndióxi. Ta a cáni táhan yúhu ndó xihín ná sahá ña cándúsa na. ² In java na cúú cuéntá Jesús cáhan na ña cuu cuxu na cuñu, ña

najoco na nuú yoco. Joo java na cúu cuéntá Jesús, na saá xihín tuhun Ndióxi cáhán na ña á cúu toho cuxu na cuñu, ña najoco na nuú yoco sahá ña cán queá co xixi na ña. ³ Na xixi mé cuñu cán co ndítahan nuú ná candehé ndaa na ná co xixi ña ta ná co xixi cuñu cán co ndítahan nuú ná candehé ndaa na ná xixi ña. Jáchí ndiquehe vaha Ndióxi ndívi na cán vatí sa jíin cáhán na. ⁴ Ta quiahva já co ndítahan nuú ndó candehé ndaa ndó mozo ñani táhan ndó á cája vaha da á co cája vaha da nuú xitoho da. Vaha ri caja vaha da tá vaha ri co cája vaha da jáchi mé va xitoho da cán xini sahá ña cán. Joo cuu caja Ndióxi ña ná candoco vaha mozo cán nuú xitoho da.

⁵ Java ñayivi cáchi na ña íin quívi náhnu chága nuú java ga quívi. Ta java na cáchi na ña in cúu tóco ndihí quívi. Ta ndítahan nuú in in na caxi na ña cáhvi ini na sahá ña yóho. ⁶ Tá sácú ini na caxi na in quívi caja cáhnu na Ndióxi ta vaha va cája na. Ta tá cáhán na cuu caja cáhnu na Ndióxi ndá quívi ñacuu va ta vaha ri já va. Ta vatí xixi na cuñu, ña sa najoco na nuú yoco á co xixi toho na ña joo ndiquiahva na ndixahvi nuú Ndióxi sahá ta xihín ña yóho cája cáhnu na mé á.

⁷ Ni in yó co táciu sahá mí ta ni in yó co xihí sahá mí. ⁸ Ta tá táciu yó á tá naxihí yó mé a ndaa cúu yó na cómi Ndióxi cuéntá sahá ta cúu mé á xitoho í. ⁹ Sahá ña cán queá naxihí Jesucristo ta nanditacu tucu a já nanduu a xitoho ñayivi, na táciu xihín na sa naxihí.

¹⁰ Ña cán queá a váha toho cája ndó tá sánehé ndaa ndó ñani táhan ndó. A váha caja ndó candaji ndó na jáchi vaxi quívi ndique táhan ndihí candita í nuú Ndióxi ña caja víi a sahá yó. ¹¹ Jáchí já cáchi tuhun Ndióxi já:

Yóho íin í cáchi í xihín ndo ña xinu quívi ndica xití tóco ndihí ñayivi nuú í, ta casahá na caja cáhnu na yehe, ña cúu Ndióxi, cáchi Ndióxi, xitoho í.

¹² Jáchí ndítahan nuú in in í ndiquiahva í cuéntá sahá ña ñacaja í nuú Ndióxi.

A cája ndó ñaha ña cuu jándicava ñayivi nuú cuachi

¹³ Sahá ña cán queá co ndítahan candehé ndaa táhan í. A cácu ini ndó caja ndó ñaha, ña cuu jándacava na cúu cuéntá Jesús nuú cuachi ta já ná jándacoo na ña cándee ini na Ndióxi. ¹⁴ Sahá ña cándee ini í Jesús, xitoho í sahá ña cán queá cándaqa vaha ini í ña co cája í cuachi tá xixi í ña najoco na nuú yoco. Joo tá ndúu na cáhán ña á váha toho cuxu na ña já queá co ndítahan cuxu na ña jáchi cuu candojo na cuachi sahá tá ná cuxu na ña. ¹⁵ Joo tá ndíhívi ñanún, na cúu cuéntá Jesús sahá ñaha xísún já queá cúní cachi a ña cándajún na. Cuéntá coún ná a cájún ña ndicava na cán nuú cuachi sahá ña xísún jáchi cúu ná na naxihí Jesucristo sahá. ¹⁶ Vatí cándaqa ini ndó

ñá cuu cuxu ndó ña najoco na nuú yoco joo a cúxu toho ndó ña tá ná cáhan núu ñayivi sahá ña cája ndó. ¹⁷ Jáchí a juú sahá ña xixi ní sahá ña xihí cacomí Ndióxi cuéntá sahá yó. Ña cúní Ndióxi caja í queá ná canduu ndaa yó nuú mé á ta ná coo vaha ini xihín ñayivi ta ná cajií ini. Tóco ndihí ña yóho cúu á ña quixi nuú ínimá yíi Ndióxi. ¹⁸ Tá ná caja ndó ña yóho já queá caja cáhnu ndó Jesucristo ta cajií ini Ndióxi caja ndó ta candoco vaha ndó nuú ñayivi.

¹⁹ Ña cán queá xini ñuhú ndinducú yó tóco ndihí ñaha, ña cuu candaca mé canduu táji yó xihín ñani táhan í ta já ná cuu jácuahnu táhan í xihín ñaha Ndióxi. ²⁰ Nasacu ini Ndióxi jácacu a ñayivi sahá ña cán queá coto a caji nuu ndó nuú ña cúní Ndióxi caja sahá ñaha xixi ndó. Mé a ndaa tóco ndihí ñaha cúu á ña váha cuxú. Na co váha queá jándacava í ñayivi nuú cuachi sahá ña xixi. ²¹ Vaha chága ná a cúxu ndó cuñu ta ni a cóho ndó vino ta ni a cája ndó inga ñaha ña cuu jándacava ñani táhan ndó nuú cuachi. ²² Tá ta cándaqa cáxi ini ndó ña co cája ndó cuachi nuú Ndióxi, a ndicani ndó ña nuú java ga ñayivi. Jáchí tahvi ñacuu ñayivi tá xini na co cája na cuachi nuú Ndióxi. ²³ Joo ndá na ndúcú cuxu in ñaha ta cáhvi ívi joho ini na xihín á tá xixi na ña já queá xinu cuachi jata ná. Jáchí ndá ñaha ñacuu ná caja í ta tá ta cándusa yó ña cúu á cuachi já queá xinu a cacuu a cuachi nuú yó.

15

Chindee ndó na cáhvi ívi joho ini

¹ Tá ndacú cuahan yó xihín tuhun Ndióxi já queá co ndítahan cacu xóo í na vitá xihín tuhun Ndióxi. A ndúcú ndo caja ndó ña jándivaha ini mé cuití va ndó. ² Tóco ndihí xini ñuhú caja í ñaha ña táhan ini ñani táhan í xihín. Ta xini ñuhú caja í ña já ná chindee yó na ña ná canduu vaha na ta já ná cuu cuahnu chága na xihín tuhun Ndióxi. ³ Jáchí mé Jesucristo coó nanducú a caja ña táhan ini mé cuití a. Ña ñacaja mé á queá najáxinu coo a nuú tuhun Ndióxi tá ñacachi a já: "Tuhun núu ña najácana na nuú mé ndó naxinu ri a jata yehe viti." ⁴ Tóco ndihí ña ñacahyi nuú tuhun Ndióxi sanahá ñacahyi a já ná jánaha nuú yó ña co ndítahan ndicani ini. Ta, náha ña ndítahan quiahva tuhun ndee ini nani ndatí jáxinu Ndióxi tuhun ñasahan nuú yó. ⁵ Ndióxi queá sahan ndee nuú yó ña ná coo cáhnu ini ta sa mé á sahan tuhun ndee ini. Ña cúní Ndióxi queá chindee a ndoghó caja ndó tá quiahva ñacaja Jesucristo ta já in ná nduu xihín táhan ndó. ⁶ Ta já in ná jándique táhan ndihí caja cáhnu í Ndióxi, mé a cúu tátá Jesucristo, xitoho í.

Xini joho na coó naquixi chichi Israel tuhun vaha sahá Jesús

⁷ Ndiqhehe vaha ndó tóco ndihi na cúu cuéntá Jesús tá quiahva nandiquehe vaha Jesucristo ndoghó já ná ndicáhnú Ndióxi. ⁸ Nditahan ndicuhun ini ndó ña naquixi Jesucristo chindeé a ñayivi Israel. Ta naquixi a jánahá nu ná ña mé a ndaa táhyí jáxinu coo Ndióxi tóco ndihi nuú tuhun ña nasahan nuú tásáhnú jíco yo jáchi co ndímanj Ndióxi nuú tuhun a. ⁹ Ta naquixi a jácácu a ñayivi, na coo naquixi chichi Israel ña ná cajú cáhnú na mé á sahá ñamanj nacaja mé á xihín ná. Jáchi já cáchi tuhun Ndióxi:

Yehe xihín na coo naquixi chichi Israel cajú cáhnú nde ndoghó, Ndióxi,

ta yehe cata i nu ndo cajú cáhnú i quívi ndo.

¹⁰ Ta íni inga tucu nu cáchi a já:

Ndóhó, na coo naquixi chichi Israel xini ñúhú ndique táhan ndó cajji ini ndó xihín na naquixi chichi Israel.

¹¹ Anda já nacachi tucu a já:

Tóco ndihi ndó, na coo naquixi chichi Israel cajú cáhnú ndó Ndióxi, xitoho í, ta ná a jándacoo toho ndihi ñayivi cajú cáhnú na Ndióxi.

¹² Tá naçahyi Isaías nuú tuhun Ndióxi já naçahyi dá tuhun yóho:

Vaxi quívi cacu in da chichi Isái, ña ná cacomi dá cuéntá sahá ñayivi, na coo naquixi chichi Israel.

Ta mé ñayivi yóho candeé ini na mé dá quixi chichi Isái cán.

¹³ Ndióxi queá cajú ña ná candeé ini ndó mé á ta já cuu jácácu a ndoghó. Ná cajú mé á ña ná ndicutú ini ndó xihín ña cajji ini ndó ta ná cajú mé á ña ná coo vaha ini ndó jáchi candeé ini ndó a. Xihín ndée ínimá yíi Ndióxi ná quiahva mé á cuahá ndée nu ndó candeé chága ini ndó a.

¹⁴ Cándehé ndó ñani i, na cúu cuéntá Jesús. Sa xini vaha i ña naçhutú ndo xihín ña vaha ta cándaq vaha ini ndó tuhun Ndióxi. Ta xihín ña jan cuu jánahá táhan ndó. ¹⁵ Joo tá naçahyi i carta yóho nu ndo já nacaja ndeé ini i cáhyi i saha java ñaha jáchi co cuni ña ná ndindójo ndo ña. Cáhyi i ña yóho jáchi nacaja Ndióxi ñamanj xihín i ¹⁶ cajú chún i cuéntá Jesucristo cáxi tuhun i tuhun vaha saha mé á nuú ñayivi, na coo naquixi chichi Israel. Ta cúu u tátuhun jutú jáchi xica i cáhan i tuhun Ndióxi xihín ná já ná cuu cacu ndaa ínimá ná. Cúu á tátuhun jóco i na nu Ndióxi já ná cajji ini mé á xihín ná ta já ná cuu ndaja ínimá yíi mé á ña ná nduu na ñayivi víi nu mé á.

¹⁷ Ta sahá ña cándusa i Jesucristo sahá ña cán queá ndivaha ini i cajú chún i cuéntá Ndióxi. ¹⁸ Jáchi sahan ndeé ini i cáhan i sahá ña nacaja Jesucristo tá nacaja chún mé á yehe ña candaca i na coo naquixi chichi Israel ña ná cajú na ña cuni Ndióxi. Ta sahá ña naçahan i xihín na cán já ñaxini johó na ta nacaja na ña cáchi tuhun Ndióxi. ¹⁹ Ta sa

naçhini na ña xitúhún xihín ña náhnú ndivaha nacaja i nu ná xihín ndée ínimá yíi Ndióxi. Ta quiahva já naçaxi tuhun i tuhun vaha saha Jesucristo nuú ñayivi ndúu ñuu Jerusalén xihín nu tóco ndihi na ndúu ndijáá ñuu anda estado Ílirico. ²⁰ Ña ndúcu u cajú i queá cahan i xihín ñayivi ña cuni Ndióxi jácácu a na. Ta sá cahan i ña yóho nuú ñayivi, na a ñaha cuni johó saha Jesucristo jáchi co cuni ndiquehe e chuun ña sa najácava sahá inga na. ²¹ Cáhyi ini i ña vaha chága na çuhun i nuú ñayivi, na coo naçhini johó tuhun vaha saha Jesús jáchi já cáchi tuhun Ndióxi já:

Vatí coo naçhini johó na tuhun vaha saha mé á joo vaxi quívi xinu coo na cahan xihín ná,

ñá ná cándaq ini na ña coo naçandaq ini na jihna, cáchi tuhun Ndióxi.

Sácu ini Pablo çuhun dá ñuu Roma

²² Ta sahá chuun cajú i yóho coo naçuu saa i coto nihni i ndoghó vatí sa cuahá tañu nasacu ini i saa i jan. ²³ Joo viti sa najándihi i chuun nacaja i tañu ñayivi ndúu yóho. Ta sa cáhyi ini i saa i coto nihni i ndoghó anda sanahá. ²⁴ Sahá ña cán queá sácu ini i saa i coto nihni i ndoghó tá ná vaha i çuhun i chí España. Ta tá ná ndihi cajji ini i cuni i ndoghó anda jávi ndiquehe tucu u íchi çuhun i. Joo cuni ña ná chindeé ndó yehe já ná cuu ndiquehe tucu u íchi çuhun i. ²⁵ Joo viti çuhun i chí ñuu Jerusalén chindeé na cúu cuéntá Jesús ndúu cán. ²⁶ Jáchi na cúu cuéntá Jesús ndúu estado Macedonia xihín na ndúu estado Acaya nasacu ini na játaca na jihún ta chindahá na ña nuú na cúu cuéntá Jesús, na cándahvi ndúu ñuu Jerusalén. ²⁷ Mé na tóho yóho nasacu ini na cajú na ña ta vaha cajú na jáchi cáhan na ña nditahan nu ná çahvi na sahá ña nacaja na Israel, mé na cúu cuéntá Jesús ndúu ñuu Jerusalén xihín ná. Jáchi nasahan na Israel naçaxi tuhun na tuhun vaha saha Jesús nu ná. Ta viti ndúcu ñehe na tóho yóho ñamanj nacaja na Israel xihín ná. Ña cán queá chindeé ñahá na toho xihín ña cómi na. ²⁸ Ta tá sa najándihi i cajú i chuun yóho ta tá sa nandihí ndiquiahva i jihún nataca na tóho nuú na cúu cuéntá Jesús ndúu ñuu Jerusalén anda já nuná nuú i çuhun i España ta já vaha i jan coto nihni i ndoghó. ²⁹ Ta xini vaha i ña tá ná saa i jan cajú Jesucristo cuahá ñamanj xihín ndo sahá tuhun vaha cahan i xihín ndo.

³⁰ Xica tahvi i nu ndo ñani mí i, na cúu cuéntá Jesús, ña in nuú ná caçá tahvi yo nu Ndióxi sahá chuun cajú i. Jáchi candeé ini ndó Jesucristo ta quíhvi ini ndo yehe nacaja ínimá yíi Ndióxi. ³¹ Caçá tahvi ndo nu á ña ná chindeé a yehe ná a cajú ñayivi, na coo cándusa Ndióxi ndúu estado Judea ni in ñaha xihín i. Ta caçá tahvi ndo nu Ndióxi ña ná cándusa na cúu cuéntá Jesús ndúu

ñuu Jerusalén cán ndiquehe vaha na jjuhún ñehe cuahan i nu ná. ³² Já queá tá ná cúní Ndióxi já caji ini i saa i coto nihni i ndohó ta ndiquehe ndeé e nani xito nihni i ndohó. ³³ Ndióxi ná coo xihin ndo ta ná caja mé á ña ná coo vaha ini ndó. Já ná coo.

16

Chindahá Pablo Ndióxi coo na ndúu ñuu Roma

¹ Já chá va casaá ñá naní Febe, ñá cóo cuéntá Jesús nu ndo. Mé Febe yóho ñajaja chúun ñá veñhu Cencrea. ² Caja ndó ñamanj ndiquehe vaha ndó ña sahá ña cóo ñá cuéntá Jesús, xitoho i ta já ndítahan caja na cándéé ini Jesús. Chindeé ndó ñá yóho xihin ndihi ñaha ña cámanj nu ña jáchj nachindeé ña cuahá ndivaha ñayivi ta nachindeé ri ñá yehe va.

³ Chindahá i Ndióxi coo Priscila xihin Aquila jáchj in cóo ná xihin i cája chúun na cuéntá Jesucristo. ⁴ Mé na yóho ñasahjin tiaha na quivi na já ná cuu cacu yehe tá ñaqui xitondóhó nuú j. Ta á juú in túhún yehe ndiquahva ndixahvi nu ná vaha. Tóco ndihi na cóo cuéntá Jesús, na coo ñaqui chichi Israel ndiquahva na ndixahvi nu ná. ⁵ Ta jári chindahá i Ndióxi coo na cóo cuéntá Jesús, na ndique táhan vehe Priscila xihin Aquila. Ta çahan Ndióxi ndó xihin Epeneto jáchj quihvi ndivaha ini i da. Mé dá ñasacuu dá nu cuítí nandihvi íchj cuéntá Jesús estado Acaya. ⁶ Ta çahan Ndióxi ndó xihin Maria, ñá chindeé cuahá ndohó. ⁷ Ta chindahá i Ndióxi coo Andrónico xihin Junias. Ndívi dá yóho cóo dá dá ñaqui chichi nuú ñaqui mí j. Ta in ñasañhu nde vecaá xihin dá. Ta cóo dá dá ñánu tañu na apóstol. Ta jihna ñúhú ndívi mé dá yóho ñacasahá cándúsa da Jesucristo a juú ga yehe.

⁸ Ta çahan Ndióxi ndó xihin Amplias jáchj quihvi ndivaha ini i da. Ta in cóo nde cuéntá Jesús. ⁹ Ta chindahá i Ndióxi coo Urbano. In cóo mé dá xihin nde caja chúun da xihin nde cuéntá Jesucristo. Ta chindahá i Ndióxi coo Estaquis, da quihvi ndivaha ini i. ¹⁰ Ta chindahá i Ndióxi coo Apeles jáchj cuahá tañu najánaaha da nuú ñayivi ña mé a ndaa táhyí cándéé cáhnu ini da Jesucristo. Ta quiahva já chindahá i Ndióxi coo na vehe Aristóbulo. ¹¹ Ta çahan Ndióxi ndó xihin Herodión jáchj in ñaqui nde chichi Israel. Ta çahan Ndióxi ndó xihin na vehe Narciso jáchj cándúsa na Jesús, xitoho í. ¹² Ta çahan Ndióxi ndó xihin Trifena ta xihin Trifosa, na caja chúun cuéntá Jesucristo, xitoho í. Ta çahan Ndióxi ndó xihin Pérsida, jáchj quihvi ndivaha ini i ña ta cuahá ndivaha ñajaja chúun ñá cuéntá Jesucristo, xitoho í. ¹³ Ta çahan Ndióxi ndó xihin Rufo jáchj cóo dá dá cáhnu ndivaha tañu na cóo cuéntá Jesús. Ta

çahan Ndióxi ndó xihin náná da jáchj cóo ñá tátuhun náná mí i viti. ¹⁴ Ta chindahá i Ndióxi coo Asíncrito xihin Flegonte xihin Hermas xihin Patrobas xihin Hermes. Ta chindahá i Ndióxi coo tóco ndihi na cóo cuéntá Jesús ndúu xihin na cán. ¹⁵ Ta çahan Ndióxi ndó xihin Filólogo xihin Julia xihin Nereo ta xihin quiahva da. Ta çahan Ndióxi ndó xihin Olimpas ta xihin tóco ndihi na cóo cuéntá Jesús ndúu xihin na cán.

¹⁶ Ña cúní queá ná çahan Ndióxi xihin táhan ndó ta ná tatí yúhu táhan ndó ta yji caja ndó ña. Tóco ndihi na cóo cuéntá Jesús, na táca veñhu yóho chindahá na Ndióxi coo ndihi ndó.

¹⁷ Cándehé ndó ñani mí j, na cóo cuéntá Jesús. Xica táhvi i nu ndo ña ná coo cuéntá ndó xihin na catóo ndicahnda ñayivi, na cóo cuéntá Jesús jáchj sáji nuu na nuú na caja ña cúní Ndióxi. Ña caja na jan queá cáxoo na nuú ña najánaaha nde nu ndo. Coto a catáhan ndó xihin ná. ¹⁸ Jáchj mé na yóho cóo cóo ná na caja chúun cuéntá Jesucristo, xitoho í. Ña caja na queá ndúcú na ña vaha mé cuítí va na. Ta xihin túhun ñúchí ta xihin túhun víi jándahvi na ñayivi, na coo tácu vaha ini. ¹⁹ Tóco ndihi ñayivi xini na ña caja ndó ña cúní Ndióxi ña cán queá caji ndivaha ini i. Ña cúní queá ná ñaha ndó ña ndichí jini ndo xihin ña vaha caja ndó. Ta á cáñuhu ini ndó caja ndó ña núu. ²⁰ Yachj chá jándihi Ndióxi sahá Satanás, rí cóo tñáhá sacuaaha ta já cuu çahnu ndó rj xihin ndeé Ndióxi. Cacuu a tátuhun chinihni sahá ndó rj. Ná caja Ndióxi ña ná coo vaha ini ndó. Ta ná caja cuahá Jesucristo, xitoho í ñamanj xihin ndihi ndo.

²¹ Chindahá Timoteo Ndióxi coo ndó ta in cóo dá caja chúun da xihin j. Ta chindahá ri Lucio xihin Jasón xihin Sosípater Ndióxi coo ndó. Tóco ndihi dá yóho ñaqui da chichi Israel nuú ñaqui mí j.

²² Yehe naní Tercio ta cáhyi i carta yóho ta chindahá ri yehe va Ndióxi coo ndó cuéntá Jesucristo, xitoho í.

²³ Chindahá Gayo Ndióxi coo ndó. Vehe mé dá ín i ta sa mé yóho táca na cóo cuéntá Jesús. Ta chindahá ri da naní Erasto Ndióxi coo ndó. Mé Erasto cómi dá cuéntá sahá jjuhún ñuu yóho. Ta chindahá ri Cuarto, da cóo cuéntá Jesús Ndióxi coo ndó.

²⁴ Ná caja cuahá Jesucristo, xitoho í ñamanj xihin ndihi ndó. Já ná coo.

Caja cáhnu Pablo Ndióxi

²⁵ Coho caja cáhnu i Ndióxi jáchj mé á cuu ndaja ndacu a ndohó xihin túhun vaha sahá Jesús ña jánaaha nde nu ndo. Andá sanahá tá cámanj çava sahá sahá ñuyivi ñasacu ini Ndióxi jácacu a ndohó ta viti ñaxinu quivi jánaaha mé á ña nu ndo. Nahá ndivaha ñasahjin jehé túhun vaha sahá Jesús. ²⁶ Ta viti cándaá ini ña ñaçahan Ndióxi sahá Jesús

nuú nã profeta ta nã yóho nãcahyí nã ñã nuú
 tutu. Ta nasahnda Ndióxi chuun nuú nã cúú
 cuéntá mé á ñã ná cùhun nã cãxi tũhun na
 ñã nu tóco ndihi ñayivi ndúu ñuyívi. Ta xihĩn
 mé ñã yóho nãcaja Ndióxi ñã ná cuu candeé
 ini ñayivi mé á ta já ná caja na ñã cúni a, mé
 a tácu andã ama cáa quivĩ.

²⁷ Ta mé cuití va cúú Ndióxi ta mé cuití
 va ndíchí jinĩ sahá ñã cán quéã ndítahan
 caja cáhnu yó a andã ama cáa quivĩ sahá ñã
 nãcaja Jesucristo, xitoho í. Já ná coo.

Carta nu cuití nacahyi Pablo nuú na cúu cuéntá Jesús ndúu ñuu Corinto

Cáhan Ndióxi Pablo xihín na cúu cuéntá Jesús ndúu ñuu Corinto

¹ Yehe cúu Pablo, da nacaxi Ndióxi cacuu apóstol cuéntá Jesucristo jáchi já cuni a caja. Yehe xihín ñani Sostenes ² chindahá nde Ndióxi coo ndó, na cúu cuéntá Jesús ndúu ñuu Corinto jan jáchi in cúu ndó xihín Jesucristo. Mé Ndióxi nacaxi a ndohó cacuu ndó ñayivi yí, na nandiquahva mé ná ndáha mé á. Ta quiahva já nacaxi ri a java ga na ndúu ndijáá ñuu cacuu na cuéntá mé á, na cája cáhnu Jesucristo, xitoho í jáchi cúu ri a xitoho mé ná. ³ Ña cuni queá ná caja Ndióxi, tátá yo xihín Jesucristo, xitoho í cuahá ñamaní xihín ndo ta ná caja mé á ña ná coo vaha ini ndó.

Ñamaní cája Ndióxi xoho sahá ña cándéé ini Jesucristo

⁴ Ní tiempo ndiquahva i ndixahvi nu Ndióxi jáchi nacaja mé á cuahá ñamaní xihín ndo sahá ña cándéé ini ndó Jesucristo. ⁵ Ta sahá ña in nanduu ndó xihín mé á sahá ña cán queá nacaja Ndióxi cuahá ñamaní xihín ndo já ná cuu cahan vaha ndó sahá mé á. Ta já nasuná a xini túni ndo já ná candaq vaha ini ndó sahá mé á. ⁶ Ta ña nacachi i xihín ndó sahá Jesucristo naixinu a ini ndó ta viti cája ndó ña cuni mé á caja ndó. ⁷ Ta viti nani ndátí ndó quívi quixi tucu Jesucristo, xitoho í ñuyivi yóho ni in túhún toho ñaha a ndímaní nu ndo ña ná caja ndó ña cuni Ndióxi jáchi nasahan mé á tóco ndihi ñaha nu ndo. ⁸ Mé Ndióxi chindeé a ndohó já ná caca tuun ndó íchi cuéntá mé á janda quívi nu ndihí. Ta já ná a cúu chícáan ñayivi cuachi jata ndo tá ná xinu coo quívi quixi tucu Jesucristo, xitoho í ñuyivi yóho. ⁹ Jáchi cája tá caja Ndióxi ña sahan mé á tuhun a caja. Ta mé á queá nacaxi a mí ña ná in cacuu xihín Jesucristo, xitoho í ña cúu in túhún jini já jahyi mé á.

Tává xoo java na cúu cuéntá Jesús mé ná

¹⁰ Candehé ndo, ñani mí i, na cúu cuéntá Jesús. Xíca tahvi i nu ndo xihín quívi Jesucristo, xitoho í ña ná ndique táhan vii tuhun ndihi ndó ta a cáhdá táhan ndó. Xini ñúhú cuni táhan vaha ndó ta in túhún ñaha cañuhu ini ndó sahá. Ta quiahva já ndítahan coo jini ndihi ndó. ¹¹ Candehé ndo, ñani mí i, na cúu cuéntá Jesús. Cáhan i ña yóho xihín ndo jáchi nacaxi tuhun na vehe Cloé xihín i ña ndaja mé ndó cáni táhan ndó. ¹² Jáchi nañehé e tuhun ña java ndó cáchi ndo ña cúu ndó cuéntá yehe, da cúu Pablo. Ta java ndó cáchi ndo ña cúu ndó cuéntá Apolos. Ta java ndó

cáchi ndo cúu ndó cuéntá Pedro. Ta java ndó cáchi ndo cúu ndó cuéntá Jesucristo. ¹³ Ta xihín ña yóho ña cája ndó queá sahdá java táhan ndó. Candehé ndo, Coó naixihí i, da cúu Pablo ndica crúxu sahá ndo já ná jácacu u ndohó. Ta ni coó nacandúta ndó cuéntá mí i. ¹⁴ Ndiyahvi Ndióxi coó najacandúta i ndohó. Jáchi ndájá ga vi cachi ndó cúu ndó cuéntá yehe tá ná jacandúta i ndohó, nduu. Joo da najacandúta i cúu Crispo xihín Gayo cuití va. ¹⁵ Ña cán queá ni in túhún ndó a cúu cachi ndó ña nacandúta ndó cuéntá mí i jáchi coó najacandúta toho i ndohó. ¹⁶ Ta ndicuhun ini i ña najacandúta ri na vehe Estefanas. Na yóho cuití cúu na ñuhu ini i najacandúta i. ¹⁷ Jáchi coó nachindahá toho Jesucristo yehe ña ná caca nuu i jacandúta i ñayivi. Nachindahá mé á yehe ña ná caca nuu i cahan i tuhun vaha sahá mé á xihín ñayivi já ná cuu cacu ndaa ínimá ná. Ta coó toho tuhun ndíchi cáhan i xihín ná jáchi coo cuni jánuu ndáha i xihín tuhun cáhan i yóho tóco ndihi ña nacaja Jesucristo tá naixihí a ndica crúxu sahá yo.

Ndíchi jini Jesucristo ta in ndéé mé á quíxi nu Ndióxi

¹⁸ Ñayivi, na xíca cuahan ndihi sahá ná ini indayá, mé na cán cáhan na ña cúu yó na tachí tá cáhan yó ña naixihí Jesucristo ndica crúxu já ná cacu ndaa ínimá ná. Joo nu mí, na nasacu ini Ndióxi jácacu a cávatá yo candaq ini ña xihín ndéé Ndióxi naixinu tuhun mé á nu yo. ¹⁹ Já cáchi tuhun Ndióxi já:

Jándihi i sahá ña ndíchi jini ñayivi ñuyivi, ta a quehe e cuéntá sahá ña candaq ini ñayivi, já nacahyi a nuú tuhun Ndióxi.

²⁰ Sahá ña cán queá coó sahá toho ñaha ñuyivi yóho nu Ndióxi vatí da ndíchi jini xihín da tácu ini cáhan da ña cúu dá da ndíchi ndivaha sahá ña xini da cahan da sahá ñaha ñuyivi yóho. Joo nacaja Ndióxi ña ná cacuu a ña coó sahá. ²¹ Sahá ña ndíchi jini Ndióxi, coo cuni mé á ña ná cuu candaq ini ñayivi sahá mé á xihín ña ndíchi quixi jini ñayivi ñuyivi. Ña nacaja mé á queá nachindahá a java ñayivi ña ná cahan na tuhun vaha sahá mé á já queá ndá na cándusa ña ta cándéé ini na Ndióxi já cuu cacu ndaa ínimá ná. Ta ña yóho cúu á in ña tachí ndivaha nuú ñayivi ñuyivi.

²² Jáchi ñayivi Israel cáchi na ña ndúsa cuni na ña xitúhún ndivaha já cuu cándusa na tuhun vaha sahá Jesús. Ta na tóho, na ñuu Grecia cuni na ña ná cahan ndíchi ndivaha ñayivi xihín ná já cuu cándusa na ña. ²³ Joo mé nde xíca nuu nde cáxi tuhun nde nuú ñayivi sahá Jesucristo, mé a naixihí ndica crúxu sahá ñayivi. Joo tá xini johu na Israel ña yóho já ndihívi na. Ta tá xini johu na tóho ña yóho já cáhan na ña cúu á ña tóntó ndivaha. ²⁴ Joo tóco ndihi na nacaxi Ndióxi

cacuu na cuénta mé á, á cúu ná na tóho á cúu ná na Israel, cándaq ini na ña cáhan nde sahá Jesucristo, ña ín ndée mé á jácacu a ñayivi. Ta xini vaha na ña ndíchi ndivaha jini mé á ñacaja Ndióxi. ²⁵ Nuú ñayivi ñuyivi ña cája Ndióxi cúu á ña tóntó ndivaha. Joo ña cája Ndióxi cúu á ña ndíchi chága nu ndíhi ñaha cája ñayivi ñuyivi. Ta vatí cáchi ñayivi ña co ndiyahvi ña naxihí Jesucristo ndica crúxu joo yahvi chága ña yóho a juú ga inga ñaha cuu caja ñayivi. ²⁶ Candehé ndo, ñani i, na cúu cuénta Jesús. Nacaxi Ndióxi ndogh cacuu ndó cuénta mé á vatí chá cuití ndó cúu ndó na ndíchi jini nuú ñayivi ñuyivi. Ta chá ndó cúu ndó na náhnu nuú ñayivi ta chá cuití ndó cúu ndó na cuicá. ²⁷ Joo nacaxi Ndióxi ñayivi, na cáchi ñayivi ñuyivi cúu ná na tóntó jini já queá ná cacahan nuú na ndíchi jini. Mé Ndióxi nacaxi a ñayivi vitá ná cacuu na cuénta mé á já ná cacahan nuú na náhnu ndúu ñuyivi yóho. ²⁸ Ñayivi, na coó saha ñuyivi yóho, na quehe nuú ñayivi saha, na cán cúu na nacaxi Ndióxi. Ta nacaxi a na co ndiyahvi toho ñuyivi yóho ña ná nuu ndáha na náhnu cuénta ñuyivi yóho. ²⁹ Ta xihín ña yóho cándaq ini ñayivi ña a cúu ndiñehe jícó na mé ná nu Ndióxi. ³⁰ Mé Ndióxi queá ñacaja ña ná in nduú xihín Jesucristo. Ta ñacaja mé á ña ná ndindíchi jini yo. Ta ñacaja mé á ña ná canduu ndaq yó nu Ndióxi. Ñacaja mé á ña ná nduú ñayivi yji, na cúu cuénta mé á. Ta mé á najáca cu a mí nuú cuachi. ³¹ Ta já cáchi tuhun Ndióxi já: “Ndá ná cúnj caja lánda, xini ñúhu caja lánda na sahá ña náhnu ñacaja Ndióxi saha ná.”

2

Cáxi tuhun Pablo ña naxihí Jesucristo ndica crúxu sahá cuachi ñayivi

¹ Candehé ndó, ñani i, na cúu cuénta Jesús. Tá nasahan i nacahan i ña ndaq cuénta Ndióxi nu ndo, coó nacahan i ña xihín tuhun ndíchi ñuyivi yóho. ² Joo nasacu ini i cahan i sahá Jesucristo cuití va tañu ndó, mé a naxihí ndica crúxu. ³ Tá nasahjin i tañu ndó, coó nandiñehe jícó i mí i. Ña ñacaja i queá yihvi yihvi cúu u anda quiji ninu i. ⁴ Ta tá nacasahá i cáxi tuhun i tuhun vaha sahá Jesucristo nu ndo, coó toho tuhun ndíchi nacahan i xihín ndo ña ná quea i jini ndó xihín á, vaha. Ña ñacaja i quea nacahan i xihín ndo xihín ndée inima yji Ndióxi ta mé a najáxinu a ini ndó xihín ndée mé á. ⁵ Já queá ná candaa ini ndó ña Ndióxi queá cája ña ná candee ini ndó mé á xihín ndée mé á. Ta co cúu á sahá ña ndíchi quixi jini ñayivi ñuyivi yóho.

Inima yji Ndióxi cája ña ná candaa ini ñayivi saha mé á

⁶ Joo tá ndítuhún nde xihín na sa cándaq vaha ini ñaha Ndióxi já cáhan nde tuhun

ndíchi xihín ná. Joo co cáhan nde tátuhun cáhan taa ndíchi ndúu ñuyivi yóho. Ta ni co cúu á tátuhun ña cáhan da ndíchi, da cómi cuénta sahá ñuyivi yóho. Jáchi yachi ndíhi sahá na cán. ⁷ Ña cáhan nde cúu á ña ndíchi cuénta Ndióxi. Ta cúu á ña nasahjin jehé, ña co xini ñayivi saha janda tá camani cava sahá saha ñuyivi. Jáchi janda mé tiempo já nasacu ini Ndióxi nda quiahva caja jácacu a mí anda ama cáa quivi. ⁸ Ta ni in tühún na náhnu cómi cuénta sahá ñuyivi yóho co cándaq ini na ña nasacu ini Ndióxi jácacu a mí. Jáchi tá ná candúsa na ña já queá a cáta caa toho na Jesucristo, xitoho í ndica crúxu, nduu. Jáchi mé Jesucristo cúu á ña cáhnu ndivaha. ⁹ Ta já cáchi tuhun Ndióxi já:

Ni in tühún ñayivi a ñaha cuni na ta a ñaha cuni joho na,

ta ni a ñaha cahvi ini na,

ndá quiahva in ña náhnu sácú ini Ndióxi quiahva nuú ñayivi tá quihvi ini na mé á, cáchi tuhun Ndióxi.

¹⁰ Ñacaja inima yji Ndióxi ña ná candaa ini tóco ndíhi ña yóho. Jáchi inima yji mé á sándehe a tóco ndíhi ñaha ta xini a janda ña cáhvi ini mé Ndióxi.

¹¹ Ni in tühún ñayivi co xini na ña cáhvi ini inga na. Inima in in na cuití va xini a ña cáhvi ini in na. Quiahva já in ri xihín Ndióxi va. In tühún inima yji mé á xini ndíca cáhvi ini a.

¹² Nasahan Ndióxi inima yji mé á nu yo ta co cúu á tátuhun inima ñayivi ñuyivi. Ta ñacaja mé á ña ná candaa ini ndaja in ña náhnu sahan mé á nu yo. ¹³ Ta tá cáhan nde sahá ña yóho, cáhan nde tá quiahva najánaha inima yji Ndióxi nuú nde. Ta co cáhan nde ña xihín tuhun ndíchi nacatiqaha nde ñuyivi yóho. Quiahva já ndicani nde ñaha Ndióxi xihín na ñúhu inima yji Ndióxi ini.

¹⁴ Tóco ndíhi ña yóho cúu á ña tóntó ndivaha nuú ñayivi, na co ñúhu inima yji Ndióxi ini. Co ndíquehe vaha na ña ta ni a cuú candaa ini na ndaja ina a jáchi na ñúhu inima yji Ndióxi ini, na cán cúu ndusa na cándaq ini ñaha Ndióxi. ¹⁵ Joo ná ñúhu inima yji Ndióxi ini, na cán cúu na cándaq ini ndá ñaha cúu ña vaha ta ndá ñaha co cúu toho ña vaha. Ta xihín ña yóho catóntó ñayivi ñuyivi jáchi co cándaq ini na ña cúu cuénta Ndióxi. ¹⁶ Jáchi cáchi tuhun Ndióxi: “Ni in tühún ñayivi a cúu candaa ini na ña cáhvi ini Ndióxi, xitoho í. Ta ni in tühún na a cúu cachi xihín mé á ña ndítahan nu a caja”, cáchi tuhun Ndióxi. Joo mí, na cúu cuénta Jesús, cáhvi ini tá quiahva cáhvi ini Jesucristo jáchi ñúhu inima yji Ndióxi ini mí, na cúu cuénta mé á.

3

Na cája chúun cuénta Ndióxi

¹ Candehé ndó, ñani i, na cúu cuéntá Jesús. Coó ñacuu cahan i xihín ndó tá quiahva cahan i xihín na nachutú ndaa xihín ínimá yíi Ndióxi. Jáchí mé ndó cúu ndó tátuhun léé loho ña chíchí jáchí a ñaha cuahnu ndó xihín tũhun Ndióxi jáchí cája ndó ña xíca ini yiquí cuñu ndó caja tá quiahva cája ñayivi ñuyiví. ² Sahá ña cán queá tá najánaha i tũhun Ndióxi nu ndo, coó ñacuu jánaha i ña ihvi chága nu ndo jáchí a cúu candaá ini ndó ña. Ña ñacaja i xihín ndo queá nasahan i tátuhun leche nu ndo jáchí cúu ndó tátuhun na valí chíchí sahá ña a cuyú cuxu ndó ñaha veé. Ta janda viti co íin tiahvha ndó jácuaha ndó ña ihvi chága cuéntá tũhun Ndióxi. ³ Jáchí cúu yíi va ndó tátuhun ñayivi ñuyiví. Ndaja táhan mé ndó cáhjhvi ini xihín táhan ndó ta cáni táhan ndó ta sáhdá java táhan ndó. Ta xihín ña yóho cája ndó ña cúni mé cuití ndo tá quiahva cája ñayivi ñuyiví. ⁴ Java ndó cáchi ndo ña cúu ndó cuéntá yehe, dá cúu Pablo. Ta java ndó cáchi ndo ña cúu ndó cuéntá Apolos. Ta xihín ña yóho sáhdá java táhan ndó ta náha ndó ña cája ndó tá quiahva cája ñayivi ñuyiví.

⁵ Ndá da cúu Apolos xihín yehe ña ná caní táhan ndó sahá nde. Co ndítahan caja ndó já jáchí mé nde cúu nde dá xíca nuu cája chúun cuéntá Jesucristo, xitoho í cuití va. Ta sahá chuun cája nde yóho ñacuu ñacandúsa ndó mé á. Ta ña yóho cúu chuun ñanaha Jesucristo, xitoho í nuú yehe xihín nu Apolos caja nde. ⁶ Ña ñacaja nde cúu á tátuhun ña cája na tá xútu na. Ta yehe cúu u tátuhun da ñachihin tata jáchí ñacaxi tũhun i tũhun Ndióxi nu ndo. Ta Apolos cúu dá tátuhun da ñaxojo ticuíi nuú a cán jáchí najánaha chága da tũhun Ndióxi nu ndo. Joo Ndióxi queá ñacaja ña ná cuahnu a jáchí cája mé á ña ná cuu cuahnu ndó xihín tũhun mé á. ⁷ Sahá ña cán queá vatí yehe cúu u da ñaxutu ta Apolos cúu dá da ñaxojo ticuíi joo ni in tũhún nde coó saha. Cáhnu cúu Ndióxi jáchí mé á queá ñacaja ña ná cuahnu mé tata ñaxutu nde cán. ⁸ Xíní ñúhú candaá ini ndó ña in cúu va na chíhin tata xihín na xójo ticuíi nu á. Ta tá in tá in chuun ñacaja in in na cán quehe na yahví saha. ⁹ Yehe xihín Apolos in cúu nde cája chúun nde cuéntá Ndióxi. Ta mé ndó cúu ndó tátuhun in yójo nuú ñasacu Ndióxi ndehe caja chúun nde cuéntá mé á.

Ta jari cúu ndó tátuhun in vehe ña cávaha Ndióxi. ¹⁰ Ta yehe cúu u tátuhun da cávaha mé vehe yóho. Ta mé Ndióxi queá ñasahan ñamaní nuú i ña ná taán i yuu ndúhu sahá ta ná jácava sahá i ña. Ta inga na xíní ñúhú caja chúun xihín á. Joo ndítahan candehé vaha na ndaja caja na chuun yóho. ¹¹ Jáchí in tũhún Jesucristo cúu á tátuhun yuu ndúhu sahá vehe yóho. Ta ni in na a cúu tavá xóo na ña ta já cacu na inga ñaha. ¹² Mé ña

cávaha vehe nuú yuu ndúhu yóho cuu jáxinu na ña xihín jiuhun cuáan ta cuu caja na ña xihín jiuhun cúxú ta cuu caja ri na ña xihín yuu ñúchí. Ta jari cuu caja na ña xihín yíto ta cuu caja ri na ña xihín yehe ndíyoho ta janda xihín toñámá cuu caja na ña. ¹³ Joo vaxi quívi quixi tucu Jesucristo coto ndojó mé á chuun ñacaja in in ñayivi cuéntá mé á. Cacuu a tátuhun coto ndojó a ña xihín ñúhú cáyi já queá ná naha nu á, á ndihí sahá, á co ndihí sahá. Ta xihín ña yóho ñaha nu á, á vaha ñacaja chúun ñayivi cuéntá mé á, á a váha toho ñacaja na. ¹⁴ Ta tá coó ñandihí sahá ña ñacaja na cán já queá chahvi Ndióxi na sahá chuun ñacaja na. ¹⁵ Joo tá ná cayí ña ñacavaha na cán já ndihí saha tóco ndihí chuun ñacaja na vatí mé ná cacu ndaa ínimá ná. Ta ña yóho cacuu a tátuhun tá jácacu in datáa mé dá tá quéta da ini in vehe tá cáyi a xihín ñúhu ita.

¹⁶ Á co xíní ndó ña cúu ndó tátuhun veñuhu Ndióxi tá ndácaan ínimá yíi mé á ini ínimá in in ndó. ¹⁷ Ta ndá ña ná jándihí na sahá veñuhu Ndióxi yóho já queá jándihí Ndióxi sahá na cán. Jáchí yíi ndivaha veñuhu Ndióxi. Ta mé ndó cúu ndó tátuhun veñuhu Ndióxi cahan i saha jan.

¹⁸ Candehé ndo. Ndá ndó cáhan ña cúu ndó na ndíchí jini sahá ña xíní ndó ñaha ñuyiví yóho, xíní ñúhú candaá ini ndó ña cúu á tátuhun jándahvi ndó mé ndó. Xíní ñúhú ndaja ndó mé ndó tátuhun na co xíní já queá ná ñuná nu Ndióxi jánaha nu ndo ndaa cúu ndusa na ndíchí jini. ¹⁹ Jáchí ña ndíchí quíxi jini ñayivi ñuyiví cúu á ña tóntó ndivaha nu Ndióxi. Já cáchi tũhun Ndióxi já: “Ña cája mé á queá ná cachihin saha ná xihín ña ndíchí quixi jini mé va na.” ²⁰ Quiahva já cáchi ri tũhun Ndióxi: “Cándaá cáxi ini Ndióxi ña coó sahá ña cáhvi jini na ndíchí ndúu ñuyiví yóho”, já cáchi tũhun Ndióxi. ²¹ Sahá ña cán queá ni in tũhún ñayivi co ndítahan ndífehe jíco ná mé ná sahá ña tiahvha in ñayivi ñuyiví yóho cája na. Xíní ñúhú ndicũhun ini ndó ña ñasahan Ndióxi tóco ndihí ñaha nu ndo. ²² Nandiquiahva mé á ndehe, da cúu Pablo xihín Apolos xihín Pedro nu mé ndó já ná cuu jánaha nde tũhun Ndióxi nu ndo. Ñasahan mé á ñuyiví yóho nu ndo já ná cuu catacu ndó. Ta ñasacu ini mé á quívi quivi ndó ta já tandaa quívi cũhun ndó coo ndó xihín mé á. Tóco ndihí ña yóho ñasahan Ndióxi nu ndo. ²³ Ta mé ndó cúu ndó cuéntá Jesucristo ta Jesucristo cúu á cuéntá Ndióxi.

4

Ndicani Pablo ndaja in chuun cája na apóstol

¹ Co ndítahan toho ndaja cáhnu ndó ndehe. Xíní ñúhú quehe ndó cuéntá ña ñatahnda

chuun nuú nde caja chúun nde cuéntá Jesucristo jánahá nde ña coó nasaxíni ñayivi jihna, ña nasacu ini Ndióxi caja. ² Ta ndá da ndiquehe in chuun, xíni ñuhú nahá da ña mé a ndaa cuu candee ini na da, ña mé a ndaa caja tá caja da chuun nqahnda nu dá caja da. ³ Ta caja i cuéntá nqaja vaha i chuun nasahnda Ndióxi nuú i caja i. Sahá ña cán queá co sáhní toho i mí i tá chícáan ndó cuachi jatá i. Ta co ndicani ini i tá java ga ñayivi chícáan na cuachi jatá i. Jáchi caja i cuéntá coó toho cuachi nqaja i. ⁴ Tá ná cachi i xihín ndo ña coó toho cuachi nqaja i, co cúní cachi i ña mé a ndaa co ndójo ga i cuachi. Jáchi xíni vaha Jesucristo, xitoho i á nqaja vaha i á coó nqaja vaha i. ⁵ Sahá ña cán queá co xíni ñuhú ndihi ini ndó candehé ndaa ndó ñayivi. Xíni ñuhú candati ndó janda quiahva ná quixi Jesucristo caja víi mé á sahá ñayivi já ná nditívi ña ñuhu ínimá in in ñayivi. Ta xihín ña yóho cuni tóco ndihi ñayivi ña cáhvi ini na. Anda jáví ndaja cáhnu Ndióxi na nqaja vaha.

⁶ Candehé ndo ñani i, na cúu cuéntá Jesús. Sahá ña cúní nde ña ná candaa ini ndó ndía ndítahan caja ndo sahá ña cán queá ndicani i nu ndo saha Apolos xihín saha mí i. Jáchi íin in tuhun ta cáhí a ña co ndítahan nu ndó caja cáhnu ndó in ñayivi nani quehe núu ndó inga na. Ta xihín ña yóho cuu candaa ini ndó ña co ndítahan ndínehe jíco ndo mé ndó sahá ña cúu ndó cuéntá in da jáchi xihín ña yóho jánuu ndáha ndó inga ná táhan nde. ⁷ Jáchi ni in ndó co cúu ndo na náhnu chága a juú ga inga na. Xíni ñuhú candaa ini ndó ña tóco ndihi ña cómi ndo cúu á ña nasahan Ndióxi nu ndo. Sahá ña cán queá co ndítahan caja cáhnu ndó mé ndó sahá ña nañehe táhvi ndo nu Ndióxi.

⁸ Cáhán ndo ña ni in ñaha co ndímaní nu ndo joo co cúu á ña ndaa. Cáhán ndo ña cúu ndó na cujáca joo co cúu á ña ndaa. Ta cáhán ndo cúu ndó na cómi cuéntá sahá ñayivi joo co cúu á ña ndaa. Caja ndó tátuhun co xíni ñuhú toho ndó ndehe. Vá ná cacomí ndusa ndó cuéntá sahá ñayivi já ná cacomí ri ndehe va cuéntá saha ná xihín ndo. ⁹ Cúu á tátuhun nasacu Ndióxi ndehe, na cúu apóstol janda nu ndíhi. Cúu nde tátuhun na ndícuita yíco cuhun quívi. Ta janda joho sándehe ñayivi ñuyíví ndehe ta sácú ndaa na ndehe. Ta janda mé táto Ndióxi sándehe na ndehe cuahan nde. ¹⁰ Sahá ña quíhvi ini nde Jesucristo cúu nde tátuhun ñayivi tóntó ndivaha nuú ñayivi ñuyíví. Joo mé ndó nandaja ndó mé ndó tátuhun na xíni ndivaha saha mé á. Mé nde cúu nde tátuhun ñayivi vitá nuú ñayivi ñuyíví joo caja ndó tátuhun na ndacú ini. Ndája cáhnu ñayivi ñuyíví mé ndó nani quehe núu na ndehe. ¹¹ Ta janda viti ndóho tá ndóho ini nde. Java tañu coó ña cuxu nde ta coó ticuíj coho nde

ta ni jáhma candixi nde coó. Ta janda joho caja xíni ñayivi xihín nde. Ta ni vehe nde coó. ¹² Ta a juú quiahva ndúcú ndéé nde caja chúun nde catacu nde. Ta tá chícáan ñayivi cuachi jatá nde já xíca táhvi nde nu Ndióxi ña ná caja mé á ñamaní xihín ná. Ta caja ndeé ini nde tá caja xíni na xihín nde. ¹³ Ta vitá cáhan nde tá ndúcú ñehe nde tuhun nuú ñayivi vatí cáhan núu na sahá nde. Mé nde cúu nde tátuhun xehe nuú ñayivi ñuyíví. Ta caja na xihín nde tá quiahva caja na xihín ñaha coó saha, ña nqandoo cuhun cuita. Ta quiahva já caja na xihín nde janda viti.

¹⁴ Xíni ñuhú candaa ini ndó ña co cáhyi i ña yóho nu ndo sahá ña cúní jácacahan i nu ndo. Cáhyi i ña nu ndo jáchi cúu ndó tátuhun jahyi i. Ta jánahá i ña nu ndo tá quiahva caja in dataa xihín jahyi da jáchi quíhvi ini i ndohó. ¹⁵ Jáchi vatí ná coo uxu mil ñayivi jánahá na ndohó sahá Jesucristo joo in tuhun yehe cúu tátuhun táta ndó. Jáchi yehe cúu u da nqahan tuhun vaha sahá Jesucristo nu ndo nu cúití ta já nqandee ini ndó mé á. ¹⁶ Sahá ña cán queá xíca táhvi i nu ndó ña ná caja ndó tá quiahva caja i.

¹⁷ Sahá ña cán queá chindahá i Timoteo nu ndo jáchi cúu dá tátuhun jahyi maní i ta caja chúun da cuéntá Jesucristo, xitoho i xihín ndinuhu ini da. Ta jándicuhun ini da ndohó ndá quiahva caja i tañu na cúu cuéntá Jesús ta ndá quiahva jánahá i nu ná ndíjáá veñuhu nu xíca i cuahan i. ¹⁸ Java ndó nqasahá ndo caja lándá ndó jáchi cáhan ndo ña a sáa ga i coto nihni i ndohó. ¹⁹ Joo yachí saá i coto nihni i ndohó tá cúní Ndióxi. Anda já candehé e, á mé a ndaa íin ndeé Ndióxi ini na xíca caja lándá jan á yúhu uun na cáhan na. ²⁰ Tá mé a ndaa cómi Ndióxi cuéntá sahá in ñayivi já queá íin ndeé mé á ini na caja na ña cúní mé á. Ta coó saha toho a á tiahva ndivaha na cahan na. ²¹ Ta viti cachi ndó xihín i ndía queá catóo chága ndo. Á catóo chága ndo ña ná saá i janani i ndohó sahá ña caja ndó ña núu. Á catóo chága ndó ña ná saá i ta víi víi cahan i xihín ndo jáchi najándacoo ndó ña núu caja ndó. Ndía cúní ndó.

5

Cáhan Pablo sahá in da íin xihín nána queén da

¹ Sa nañehé e tuhun ña íin in da cúu cuéntá Jesús tañu ndó jan ta íin da ché xihín nána queén da. Ta ña yóho cúu á in cuachi cáhnu ndivaha. Ta ni ñayivi ñuyíví co caja ña yóho. ² Ta vatí íin cuachi cáhnu yóho tañu ndó joo cáa ga ri ndohó caja cáhnu ndó mé ndó. Xíni ñuhú cacuéha ini ndó sahá ña yóho. Ta xíni ñuhú tavá ndó da caja cuachi yóho tañu ndó jan. ³ Vatí co íin i xihín ndo jan joo ndicani ndivaha ini i sahá ña cúu jan. Ta cúu á tátuhun íin i xihín ndó jan ña cán queá

sá ñasacu ini i ña xíní ñúhú cajú ndó xihín da cajú cuächí jan. ⁴ Játaca táhan ndihi ndó na cúu cuéntá Jesucristo, xitoho í. Ta mé a cán quiahva ndéé a nu ndo cajú ndó ña cúní mé á. Ta cacuu a tátuhun coo i xihín ndó jan. ⁵ Anda já xíní ñúhú ndiquiahva ndó da jan ndáha tiñáhá saçuahá já ná jándoho rí ini yiquí cuñu da viti ta já ná cuu çacu ndaa inima dá tá ná xinu coo quiví quixi tucu Jesucristo.

⁶ Co ndítahan cajú lánda ndo sahá ña cajú ndó. Xíní ñúhú ndicuhun ini ndó in tuhun ña cáchi já: “Chá cuití yusa ñaxaa játiví ndihi a java yusa ña in vaħa.” ⁷ Xíní ñúhú tavá ndo da jan tañu ndó jáchí cúu dá tátuhun yusa ñaxaa, ña játiví ña in vaħa. Ta xihín ña yóho quee ña núu veñuhu nu táca ndó jan jáchí sahá da jan cuu caquini inga na ta cajú na cuachi. Xíní ñúhú canduu vii ndo tátuhun mé pan xixi na vicó pascua jáchí coo yusa ñaxaa ñúhu xihín á. Ta Jesucristo ñasacuu a tátuhun in ndicachi, rí najoco na nu Ndióxi vicó pascua sahá cuächí ñayivi jáchí ñaxihí a ndíca crúxu sahá cuächí já ná cuu çacu ndaa inima yo. ⁸ Sahá ña cán quea ndítahan cajji ini sahá ña ñacaja Jesucristo. Xíní ñúhú jándacoo í ña núu sa ñacaja i jihna, ña cúu tátuhun pan ñaxaa. Ta xíní ñúhú cajú í ña ndaa xihín ndinuhu ini. Ta ña yóho cúu á tátuhun pan ña coo ñacava táhan yusa ñaxaa xihín.

⁹ Nu carta ñachindahá i nu ndó jihna ga, ñacachi i xihín ndo ña ná a catáhan ndó xihín ñayivi, na ndúu xihín na coo cúu yíi ná á ñájihí na. ¹⁰ Tá ñacachi i joo yóho xihín ndo coo cúní cachi a ña xíní ñúhú tavá xóo ndó mé ndó chí in ndeé nuú ñayivi ñuyiví yóho jáchí a cuú quee ndó ñuyiví yóho cuhun ndo. Ta mé a ndaa ndúu cuahá na ñuyiví yóho cajú na cuahá cuächí xihín yiquí cuñu na ta catóo ndivaha na jjuhún ta cajú cuíhná na ta cajú cáhnu na yoco. ¹¹ Ña cúní cachi i xihín ndo quea coo ndítahan catáhan ndó xihín na cáchi cúu cuéntá Jesús nani cajú na ña núu xihín yiquí cuñu na, á tá cúu ná na catóo ndivaha jjuhún, á tá cúu ná na cajú cáhnu yoco, á tá cúu ná na tuhún, á tá cúu ná na xihí, á tá cúu ná na cuíhná. Ta ni a çacoo ndó cuxu ndó xihín ná tá cajú na ña yóho. ¹² Co cahan i sahá ñayivi ñuyiví jáchí coo ndítahan nuú i cajú vii i saħa ná. Joo ndítahan nu ndó candehé ndo ndaja cajú na cúu cuéntá Jesús ndúu tañu ndó jan. ¹³ Jáchí mé Ndióxi quea cajú vii a sahá cuächí ñayivi ñuyiví. Ña cán quea ndítahan nu ndó tavá ndó da cajú cuächí tañu ndó jan.

6

Tá sácú saħa táhan na cúu cuéntá Jesús nuú na jutixia

¹ Tá coo táhan ini ndó xihín ña cajú ñani ndó, na cúu cuéntá Jesús coo ndítahan nu ndó cuhun ndó cacu ndó saħa ná nuú na jutixia, na coo cúu cuéntá Jesús. Ña ndítahan cajú ndó quea cahan ndó xihín mé na cúu cuéntá Jesús ña ná cajú vii na saħa ña coo táhan ini ndó xihín jan. ² Á coo xini ndó tandaa quiví cajú vii na cúu cuéntá Jesús saħa tóco ndihi ñayivi ñuyiví. Ta tá mé ndó cacuu ndó na cajú vii saħa tóco ndihi ñayivi ñuyiví, ndá cuéntá quea coo cúní ndó cajú vii ndó saħa ña válí cúu tañu mé ndó jan. ³ Ña xíní ñúhú cajú ndó quea nducun ndo cajú vii ndo saħa ña cúu tañu ndó jan. Jáchí xíní ñúhú ndicuhun ini ndó ña janda táto Ndióxi cajú vii yo saħa. ⁴ Sahá ña cán quea tá cáni táhan ndó saħa ñaha válí ñuyiví yóho coo xíní ñúhú toho cuhun ndó cavii saħa ndó nuú na coo cúu cuéntá Jesús. ⁵ Candehé ndó. Cahan i ña yóho xihín ndo já ná cacahan nuú ndo. Á coo in in da tácu ini tañu ndó jan ña ná cajú vii da saħa ndó, vaħa. Xíní ñúhú ndindita in da tácu ini já ná cuu cajú vii da saħa ña cúu tañu ndó jan. ⁶ Joo ña cajú ndó quea cáni táhan ndaja táhan mé ndó ta já ndaca táhan ndó cuahán ndó cavii saħa ndó nuú na coo cúu cuéntá Jesús. Coo ndítahan toho cajú ndó já.

⁷ Sa cuächí cáhnu ndivaha quea cajú ndó tá cáni táhan ndaja táhan mé ndó jan. Vaħa ná cajú ndeé ini ndó tá coo cajú vaħa in na xihín ndo. Vaħa ná cajú ndeé ini ndó tá ná cajú cuíhná na ñaha ndó. Jáchí coo ndítahan cacu saħa táhan ndó nuú na coo cúu cuéntá Jesús. ⁸ Joo ña cajú ndó quea ña núu xihín ñani táhan ndó ta janda cajú cuíhná ndó ñaha ñani ndó, na cúu cuéntá Jesús.

⁹ Xíní ñúhú candaá ini ndó ña coo saħa toho ñayivi cajú ña núu jan cuhun na nuú cacomí Ndióxi cuéntá saħa ná. A jándahvi ndó mé ndó jáchí na ndúu xihín na coo cúu yíi ná á ñájihí na a cuhun toho na nuú cacomí Ndióxi cuéntá saħa ná. Ta ni na cajú cáhnu yoco ni na ndúu xihín yíi á ñájihí inga na ta ni da cúu taħa líhí a cuhun toho na nuú Ndióxi. ¹⁰ Ta ni na cuíhná ta ni na catóo ndivaha jjuhún ta ni na xihí ta ni na ndahnda yúhu ta ni na jándahvi ñahá ta ni in táhan na yóho a cuhun toho na nuú cacomí Ndióxi cuéntá saħa ná. ¹¹ Ta táhan na yóho ñasacuu rí java ndóho va, nduu. Joo viti sa ñandaja vii Ndióxi ndóho tá ñacaxi a ndóho cacuu ndó cuéntá mé á. Nanduu ndó ñayivi ndaa nu Ndióxi sahá ña ñacaja Jesucristo, xitoho í ta saħa ña cajú inima yíi Ndióxi.

Xíní ñúhú candaá i yiquí cuñu i jáchí cúu á ña yíi

¹² Ndúu java ñayivi ta cáchi na ña núná nu ná cajú na ña cúní mé va na. Vaťí mé a ndaa núná nu ná cajú na ña cúní mé ná joo xíní ñúhú candehé na á vaħa, á a váha

ñá cajú na. Jáchí mé a ndaa núna nu yo cajú í ñá cúní mí joo cõ ndítahan quiahva í ñamaní ñá ná cahnu ñá núu yiquí cuñu í. ¹³ Ta cáchí na ñá íin tíxí yó sahá ñá cán quéa xíní ñúhú cuxú. Ta cáchí na ñá xíní ñúhú cuxú jáchí íin tíxí. Joo vaxi quíyí jándihí Ndióxi saha ndívi ñá yóho. Ta cõo nasahan Ndióxi yiquí cuñu í nu yo ñá ná cajú í cuachi xihín á tátuhun ñá ná coo í xihín na cõ cúu ñájíhí yo á yí yo. Nasahan Ndióxi yiquí cuñu í nu yo já ná cajú í ñá cúní mé á. Ta naçaja mé á ñá ná cacomí a cuéntá saha yo. ¹⁴ Ta tá quiahva naçaja Ndióxi najánditacu a Jesucristo, xitoho í quiahva já cajú ri a jánditacu a yiquí cuñu í xihín ndéé mé á.

¹⁵ Xíní ñúhú candaq ini ndó ñá in cúu ndó xihín Jesucristo. Ta tá cuahan ndó cajú ndó cuachi xihín najíhí xíca jíi, cúu á tátuhun ñéhe ndó Jesucristo cuahan cajú ñá núu. Cõ ndítahan cajú ndó já. ¹⁶ Sa xíní vaña ndó ñá tá quíhvi nuu in datqa xihín najíhí xíca jíi já quéa ndúu na tátuhun in víxí ñayivi. Jáchí cáchí tuhun Ndióxi já: “Tá ná ndique táhan in datqa xihín in ñáñáha já quéa ndúu na tátuhun in víxí ñayivi.” ¹⁷ Ndá na ndiquiahva mé ndáha Jesucristo, xitoho í já quéa in ndúu na xihín mé á jáchí ñúhu ínimá yíi Ndióxi ini na.

¹⁸ Cama caxoo ndó nu tóco ndihí ñá núu xíca ini yiquí cuñu ndó cajú. Cõ ndítahan coo ndó xihín na cõ cúu ñájíhí ndó á yí ndó jáchí ni in tuhún toho cuachi cõ cajú quini nahá xihín yiquí cuñu ñayivi tátuhun cuachi yóho. Jáchí ndéa na íin xihín na cõ cúu yíi ná á ñájíhí na já quéa cajú na cuachi nuú yiquí cuñu mé va na. ¹⁹ Xíní ñúhú ndicuhun ini ndó ñá mé yiquí cuñu ndó jan cúu á tátuhun in veñuhu nu ndacaan ínimá yíi Ndióxi, mé a nasahan Ndióxi nu ndó. Ta viti yiquí cuñu ndó á juú ñaha mé ndó cúu á jáchí cúu á ñaha Ndióxi. ²⁰ Jáchí yahvi ndivaha naçahvi Ndióxi saha ndó tá naçihí Jesucristo ndíca crúxu. Sahá ñá cán quéa ndítahan cajú cáhnu ndó Ndióxi xihín yiquí cuñu ndó ta jári xihín ínimá ndó jáchí ndívi a cúu á cuéntá Ndióxi.

7

Tá tandaha ñayivi

¹ Ta viti cúní nducúv ñéhe é tuhun nu ndó sahá ñá nandaca tuhún ndó yehe nu carta naçindahá ndó nuú í. Cáchí í xihín ndó sahá dá camaní tandaha ñá vaña cajú da tá ná coo tacú dá. ² Joo sahá cuachi cajú ñayivi tá ndúu na xihín na cõ cúu ñájíhí na á yíi ná sahá ñá cán quéa vaña chága ná tandaha ná já ná coo ñájíhí in in tqa tá jári najíhí va ná coo yíi in in na. ³ Ta in datqa ndítahan ndiquiahva da mé dá nu ñájíhí da ta jári ñáñáha ndítahan ndiquiahva ñá mé ñá nu yíi ñá jáchí quiahva já sáhdá a coo a. ⁴ Jáchí in ñáñáha, ñá natandaha cõ cómí ga

ñá cuéntá saha mé ñá jáchí yíi ñá cúu da cómí cuéntá saha yiquí cuñu ñá. Ta ni in datqa, da natandaha cõ cómí ga da cuéntá sahá yiquí cuñu da. ⁵ Sahá ñá cán quéa ndítahan ndiquiahva nu táhan ndó ta á cándají táhan ndó. Ta tá cõ cúní ndó cuju xítahan ndó xíní ñúhú cacuu a sahá ñá sa najándique táhan tuhun ndó ñá a cújú xítahan ndó sahá ñá cúní ndó caca tahví ndó nu Ndióxi chá tiempo. Joo tá nandihí xíní ñúhú ndique táhan tucu ndó jáchí tiahva ná jácahan Satanás, mé tiñáhá saçuaha ndõho ñá ná cajú ndó cuachi sahá ñá a cuú cahnu ndó nuú ñá xíca ini yiquí cuñu ndó cajú.

⁶ Tóco ndihí ñá cáhan í xihín ndó yóho cõ cúní cachí a ñá xíní ñúhú tándaha ndó vatí cuu tandaha ndó tá cúní ndó. ⁷ Vatí mé a ndaa cájii íni í tá ná canduu tacú ndihí ndó tátuhun yehe. Joo sa jíin sa jíin naçaja Ndióxi xihín in in í. Java na ñéhe táhvi ná tandaha na ta java na ñéhe táhvi ná canduu tacú ná.

⁸ Ndá na ndúu tacú xihín ndá na ndúu cuáan, ñá vaña chága quéa ná a tándaha ná ta ná canduu na tátuhun yehe. ⁹ Joo tá cõ ndéé ini na cahnu na yiquí cuñu na, vaña chága ná tandaha ná jáchí vaña chága ná tandaha ñayivi a juú ga ñá ná ndiava íni na coo na xihín na cõ cúu yíi ná á ñájíhí na.

¹⁰ Ta nu ndóhó, na sa íin yíi á ñájíhí, sáhdá í chuun nu ndó ñá ná a jándacoo táhan ndó. Ta ñá sáhdá í nu ndó yóho cõ cúu á ñá naquixi jíni míi. Cúu á ñá sáhdá Ndióxi cajú ndó. Cõ ndítahan nuú in ñáñáha jándacoo ñá yíi ñá. ¹¹ Ta tá ná jándacoo ñá da, cõ ndítahan nu ñá tandaha ñá xihín inga da. ¹² Tá cõ ta ñá ndítahan cajú ñá quéa ndique táhan maní tucu ñá xihín yíi ñá. Ta jári in datqa cõ ndítahan nu dá jándacoo da ñájíhí da.

¹² Íin java ga ñaha cúní cahan í xihín ndó. Mí í cáhan í ñá vaña cajú ndó ñá vatí mé a ndaa cõ cúu á ñá nasahnda Ndióxi nuú í jánaña í nu ndó. Ta ñá yóho quéa ñá cahan xihín ndó: Tá íin in da cúu cuéntá Jesús ta íin ñájíhí da, ñá cõ cúu cuéntá Jesús. Ta tá cájii ini ñá coo ñá xihín dá já quéa cõ ndítahan nu dá jándacoo da ñá. ¹³ Ta tá íin in ñá cúu cuéntá Jesús ta íin yíi ñá, da cõ cúu cuéntá Jesús. Ta tá cájii ini da coo da xihín ñá já quéa cõ ndítahan jándacoo ñá da. ¹⁴ Jáchí cajú yíi Ndióxi in datqa sahá ñá íin da xihín ñájíhí da, ñá cúu cuéntá Jesús. Ta jári cajú yíi Ndióxi in ñáñáha sahá ñá íin ñá xihín yíi ñá, da cúu cuéntá Jesús. Jári cajú yíi Ndióxi jahyi na yóho ná a cácuu na tátuhun na cõ xíní Ndióxi. Ta xihín ñá yóho cuu candaq ini na ndaja íin íchí cuéntá Jesús. ¹⁵ Joo tá cúní yíi ndó á ñájíhí ndó, na cõ cúu cuéntá Jesús jan, quee na cuhun na já quéa quiahva ndó ñamaní nu ná cajú na ñá. Jáchí cõ ndítahan nu ndó cajú ndúsa ndó xihín na cõ xíní Ndióxi cán

ña ná coo na xihin ndo. Jáchí cúní Ndióxi ña ná canduu vii ndo. ¹⁶ Ta ni co xini ndo á ndiquehe yí ndó á ñájíhí ndo íchí cuéntá Jesús, á a ndiquehe na ña.

¹⁷ Ta cáxi tñhun i nu tóco ndihi na cúu cuéntá Jesús ndúu ndíajá veñihu ña ndítahan coo na tá quiahva ñasahjin na tá ñandihvi na íchí cuéntá Jesús jáchí quiahva já cúní Ndióxi. ¹⁸ Ta tá ñaquihvi ndó íchí cuéntá Jesús ta sa ndácaan marca yiquí cuñu ndó coo caja toho a. Joo tá coo marca ñan yiquí cuñu ndó coo ndítahan chícaan ndó ña yiquí cuñu ndó. ¹⁹ Jáchí coo caja toho a á íin marca yiquí cuñu ndó á coo a. Ña cúní Ndióxi queá ná caju ndó ña sáhná mé á nu ndo caju ndó xihín ndinuhu ini ndó. ²⁰ Ta ndítahan coo ndó tá quiahva ñasahjin ndó tá ñandiquehe ndó íchí cuéntá Jesús. ²¹ Ta tá ñasaacu ndó ná ñaxeen xitoho ndó caju chúnun ndó tá ñandiquehe ndó íchí cuéntá Jesús já queá coo ndítahan ndicani ini ndó sahá. Joo tá ná quiahva xitoho ndó íchí nu ndó ña ná quee ndó chúnun ndo já queá caju ndó ña. ²² Jáchí dá cúu cuéntá Jesús cúu dá dá ñajani Ndióxi nuu cuachi da vatí cándoo da cája chúnun da cuéntá xitoho da, dá ñaxeen ñahá. Ta dá ñaxica núná mé tá ñandiquehe da íchí cuéntá Jesús cúu dá mozo cuéntá Jesucristo. ²³ Jáchí yahvi ndivaha ñachahvi Ndióxi sahá ndo tá ñaxihí Jesucristo ndíca crúxu ña ná cacomí a cuéntá sahá ndo. Sahá ña cán queá a ndiquiahva toho ndó mé ndó ndáha ñayivi ña ná cahnu na ndoghó. ²⁴ Candehé ndo ñani mí j, na cúu cuéntá Jesús. Nditahan coo ndó tá quiahva ñasahjin ndó tá ñacana Ndióxi ndoghó cacuu ndó cuéntá mé á jáchí íin mé á xihín ndo.

²⁵ Ta viti cúní cahán i sahá na tacú, na cámanj tandaha. Coo ñacachi toho Ndióxi xihín i sahá ña yóho ña cán queá cahán i ña cáhvi ini mí i sahá. Ta cuu candúsa ndó ña cáhan j xihín ndo jáchí ñacaja Ndióxi ñamanj xihín i ña cúu u in dá tácu ini. ²⁶ Ta cáhán i ña ndítahan coo tacú in dátaa jáchí ihvi ndivaha cáa tiempo ndúu viti. ²⁷ Joo tá íin ñájíhí ndo, a jándacoo ndó ña. Ta tá coo ñájíhí ndo, a ndúcu ndó ña. ²⁸ Joo a juu cuachi queá caju ndó tá ná tandaha ndo. Ta ni a juu cuachi queá caju in ná tacú tá ná tandaha ña. Joo mé a ndaa ná cahán j xihín ndo, yáncá a tá ná tandaha ñayivi jáchí cuahá ndivaha ndoho ini na. Ta coo cúní ña ná ndoho ini ndó já sahá ña cán queá cahán j ña yóho xihín ndo.

²⁹ Candehé ndo ñani j, na cúu cuéntá Jesús. Ña cúní cachi i cúu ña yóho: Sa ñacayati tiempo quixi Jesucristo. Sahá ña cán queá na íin ñájíhí xini ñúhú ndíhi ini na caju chúnun na cuéntá mé á tá quiahva caju chúnun na tacú cuéntá mé á. ³⁰ Ta ndá na ndúu cuéha ndivaha ndítahan caju na tátuhun na cájji ini. Ta na cájji ini ndítahan caju na tátuhun

na ndúu cuéha ndivaha ini. Ta na xéen ñaha ñuyivi yóho ndítahan caju na tátuhun ñaxeen na ña coo cúu ñaha na. ³¹ Ta na cómi ñaha ñuyivi yóho, xini ñúhú ndindójo na sahá ñaha cán. Jáchí vaxi quivi ndihi sahá ñuyivi yóho xihín tóco ndíhi ñaha íin nu á.

³² Ña cúní yehe queá ña ná a ndicani nahá ini ndó sahá ñaha ñuyivi yóho. Jáchí tá cámanj tandaha in dátaa já queá núná nu dá caju chúnun da cuéntá Ndióxi xihín ndinuhu ini da. Ta ndúcu dá ndá quiahva caju da ña cájji ini Ndióxi xihín. ³³ Joo dá sa ñatandaha ndítahan caju chúnun da ñuyivi yóho já ná cana ña cuxu na vehe da. Ta caju da ña cájji ini ñájíhí dá xihín. ³⁴ In dá ñatandaha coo xini dá ndá ndíhi chága ini da sahá, á Ndióxi á ñájíhí dá. Ta jari ñajíhí tá cúu ná na tacú ndíhi ini na caju na ña cúní Ndióxi jáchí ndiquiahva na mé ná ndáha Ndióxi ña ná cacomí a cuéntá sahá yiquí cuñu na ta sahá íinima ná. Joo ñajíhí ndúu yí ndíhi ini na sahá chúnun vehe na jáchí cúní na ña ná tahan ini yí ná xihín ná.

³⁵ Cáhan j ña yóho xihín ndo jáchí cúní chindeé e ndoghó ta coo cáhan j ña sahá ña coo cúní ña ná tandaha ndo. Ña cúní queá ná núná ini ndó caju chúnun ndó cuéntá Ndióxi xihín ndinuhu ini ndó ta ná a cájji nuu ni in ñaha nu ndó caju ndó ña cúní Ndióxi.

³⁶ Ta ndá dá íin jahyi jíhí tá cáhán dá ña ndítahan tandaha ña jáchí sa cuahá cuáa ña já cuu quiahva da ña ña ná tandaha ña tá cúní dá. A juu toho cuachi cúu ña yóho. ³⁷ Ta tá cáhán ndo ña coo ndítahan toho tandaha jahyi ndó tá cáhán ndo ña cájji ini ña ña coo mé mé já queá vaha va caju ndó tá coo caju ndúsa ndó xihín ná ná tandaha ña. ³⁸ Vaha caju in dátaa tá sáhan da ñamanj nuu jahyi jíhí dá ña ná tandaha ña. Joo vaha chága caju da tá coo caju ndúsa dá xihín ña ña ná tandaha ña.

³⁹ Ta a cuu tandaha in náñáha xihín inga dátaa nani tácu yí ña. Joo tá ñaxihí yí ña já queá candoo núná nu ná tandaha tucu ña. Joo ndítahan tandaha ña xihín dá cúu cuéntá Jesús. ⁴⁰ Vatí cáhán j ña cájji chága ini ña tá ná a tandaha tucu ña. Ña yóho queá cáhvi ini i sahá ña yóho. Ta íinima yí Ndióxi queá jácahan yehe cáhí j ña yóho xihín ndo.

8

Cáhan Pablo sahá ña najoco ñayivi nuu yoco

¹ Ta viti cúní ndicani i nu ndo sahá ña ndítahan caju ndó xihín ña najoco na nuu yoco. Vatí cúu á ña ndaa tá cáhí java na ña xini vaha na sahá ña yóho joo tá cáhán yo cúu yo ná xini vaha já queá casáha yo ndíhehe jíco yo mí. Joo tá quihvi ini ñani táhan i já ndindaquí chága yo xihín ñaha Ndióxi. ² Tá ndúu java na tañu ndó ta cáhán na ña sa xini na ndaja táhan ñaha, na yóho náha ña

cámanj cándaa ini na ña ndítahan cándaa ini na. ³Jáchj mé a ndaa xini vaha Ndióxi ndá na cúu na quihvi ini mé á.

⁴Ta viti cáhan j xihin ndo sahá ña najoco na nuu yoco. Cándaa cáxi ini ña coó a cúu toho yoco nduu ñuyivi. Ta cándaa cáxi ini ña in táláa Ndióxi cúu ndusa Ndióxi. ⁵Vatí cáchi ñayivi ña nduu cuahá ndiόxi ta nduu cuahá xitoho indivi xihín ñuyivi ⁶joo mí cándaa vaha ini ña in tühún Ndiόxi, mé a cúu tátá yo. Ta mé á quea nacavaha tóco ndihi ñaha. Ta nacavaha mé á mí ña ná caja cáhnu í mé á. Ta in in tühún xitoho í ña cúu Jesucristo. Ta mé á quea caja ña ná coo tóco ndihi ñaha ta caja ña ná catacu mí viti.

⁷Joo a juú tóco ndihi na cúu cuéntá Jesús xini ña yóho. Jáchj java táhan na sa caja cáhnu yoco sanahá cán tá xixi na ña najoco ñayivi nuu yoco cáhán na ña cúu á ña najoco na nuu java ndiόxi. Ta xihín ña yóho cáhán na ña cúu ná na sa nayuxu sahá ña naxixi na ña najoco ñayivi nuu yoco. Ta co xini na á ndítahan cuxu na ña á co ndítahan cuxu na ña. ⁸Cándehé ndo. Co ndiquehe toho Ndiόxi mí sahá ña xixi. Jáchj co cúu yó na in chága sahá tá xixi in ñaha. Ta ni co cúu yó na coó sahá tá co xixi ñaha. ⁹Joo xini ñuhú candehé ndo ña ná a jándicava ndó inga na nuu cuachi sahá ña caja ndó jan. Jáchj vatí xini vaha ndó ña cuu cuxu ndó ña cán joo nduu java na vitá cuahan íchi cuéntá Jesús. ¹⁰Cúu á tátuhun sácoo ndó cuxu ndó nu cáyahvi ña najoco na nuu yoco jáchj sa xini ndo sahá ña yóho. Ta nani in ndó xixi ndó jan vaha in da cúu cuéntá Jesús, da vitá xihín ñaha Ndiόxi. Ta sahá ña xini da ndohó já quihvi da jan xixi da xihín ndo vatí cáhán da cúu á cuachi. ¹¹Xihín ña caja ndó jan cuu jándicava ndó da vitá xihín ñaha Ndiόxi cán nuu cuachi vatí xini vaha ndó ña co caja ndó cuachi tá ná cuxu ndó ña najoco na nuu yoco. Xini ñuhú ndicuhun ini ndó ña najoxihí Jesucristo sahá da jan. ¹²Tá jándicava ndó ñani ndó, da vitá xihín ñaha Ndiόxi cán nuu cuachi já quea caja ndó cuachi nuu Jesucristo viti. ¹³Sahá ña cán quea tá ná jándicava j ñani j nuu cuachi sahá ña xixi j cuñu, ña najoco na nuu yoco caja j cuéntá a cuxu ga j ña já ná a jándicava j inga da nuu cuachi.

9

Ña núná nuu in na apóstol caja

¹Mé a ndaa yehe cúu u in apóstol cuéntá Jesucristo sahá ña cán quea núná nuu j caja j ña caja in apóstol. Jáchj mí j sa naxini j xihín nuu j Jesucristo, xitoho í. Ta mé ndó nandiquehe ndó íchi cuéntá mé á sahá chuun nacaja j ta ña yóho náha ña mé a ndaa caja chúun j cuéntá mé á. ²Caja j cuéntá nduu java na ta co ndiquehe na yehe tátuhun in apóstol cuéntá Jesucristo. Joo

ndóho ndítahan ndiquehe ndó yehe jáchj nanduu ndó cuéntá mé á sahá chuun nacaja j. Ta xihín ña yóho náha ña mé a ndaa cúu u in apóstol cuéntá mé á.

³Ta ña yóho cúu tühun ndúcu ñehe e nuu na cáhan nuu sahá j jan: ⁴In sahá j ña ná coto ndó yehe. ⁵Ta tá ná coo ñájíhí j, ña cúu cuéntá Jesús in sahá j candaca j ña caca nuu j tá quiahva caja Pedro xihín java ga na apóstol xihín ñani Jesucristo, xitoho í. ⁶Á cáhán ndo ña in tühún yehe xihín Bernabé cúu nde da coó saha ña ná coto na cúu cuéntá Jesús ndehe, vaha. ⁷Jáchj ni in tühún toho soldado co quehe da jühún mé dá ta já xito da mé dá. Jári ndá da xutu yitó uva, cuu caxi da uva cána nu dó cán jáchj já cáni a coo a. Ta jári ndá da ndáá ndicachi cuu coho da leche ndicachi ndáá da cán jáchj já cáni a coo a. ⁸Ta a juú cáhán ndo ña cáhan j ña quixi jiní mé cuití vj jáchj cáchi ley mé Moisés ña yóho viti. ⁹Já cáchi a já: “A chácaun ñunu yuhú tündiquí nani caja chúun rí sánj rí trigo. Joo xini ñuhú quiahvún ñamanj nu rí caxi rí a”, cáchi tühun Ndiόxi. Joo co ndihi ini Ndiόxi sahá tündiquí cuití va. ¹⁰Saha mí ví nacahyí Moisés ña yóho ta saha mí ví cáhan ña yóho tá cáchi a já. Cúu á tátuhun caja da xutu tátj xihín da jáquee tátj jáchj ndátí ndívi da ndiquehe da táhan nuní cán sahá ña nacaja chúun da xihín á. ¹¹Tá nacahan nde tühun Ndiόxi xihín ndó já cúu á tátuhun nachihin nde tata cuéntá Ndiόxi ini inima ndo. Sahá ña cán quea ndítahan nu ndo chindee loho ndó ndehe xihín ña cómi ndo jáchj najánaha nde tühun Ndiόxi nu ndo. ¹²Ta mé a ndaa in chága saha mé nde ña ná coto ndó ndehe a juú ga inga na.

Ta vatí ndítahan nu ndó coto ndó ndehe joo coó nacaja ndusa nde xihín ndo ña ná caja ndó ña. Ta cuahá tañu caja nde ini nde jáchj co cúnj nde caji nuu nde ña ná ndicujta nuu tühun vaha sahá Jesucristo. ¹³Mé ndó sa cándaa vaha ini ndó ña núná nuu na caja chúun ini veñuhu cuxu na ña jóco ñayivi nu Ndiόxi. Ta na caja chúun nu náa Ndiόxi veñuhu núná nu ná cuxu na cuñu quítj, rí najoco ñayivi nu Ndiόxi. ¹⁴Ta quiahva já caja chúun nde cuéntá Jesucristo, xitoho í cáhan nde tühun vaha saha mé á. Ta nasahnda mé á chuun ña ná coto na cúu cuéntá mé á ndehe sahá chuun caja nde. ¹⁵Joo ni in tühún tañu coó nacaja ndusa j xihín ndo ña ná coto ndó yehe vatí cáni nu ndó caja ndó ña. Ta ni co cáhyi j carta yóho nu ndo já ná quiahva ndó ñaha nuu j, vaha. Jáchj mé a ndaa in vaha ini j cáhan j tühun Ndiόxi xihín ndo ta coó caja toho a ña ná quivi j joco.

¹⁶Yehe co ndíñehe jícó j mí j sahá ña xíca nuu j cáhan j tühun vaha sahá Jesucristo nuu ñayivi jáchj cúu á chuun ndítahan nuu

i cajú i. Ta ndáhví nahá ñacuu ʋ tá ná cajú sáá ini i çaxi tuhun i ña. ¹⁷ Tá ná cajú i chuun yóho sahá ña cúnj mí i cuití va já queá cuu quehe e yahvi sahá. Joo ço cajú toho i já jáchi ñaçaxi Ndióxi yehe çahan i tuhun mé á sahá ña cân queá ndúsa cajú i ña. ¹⁸ Ta sa mé yahvi quehe e sahá chuun cajú i queá cájij ini i tá çahan i tuhun vaaha sahá Jesús nuú ñayivi ta ço cháhi na sahá. Ta cájij ini i jáchi ço cajú ndúsa i xihin ndo ña ná coto ndó yehe tá quiahva cajú ndó xihín java ga na çahan tuhun Ndióxi xihin ndo.

¹⁹ Vatí mí i ço cúú ʋ mozo ñayivi joo cajú chún i mí i tátuhun mozo saha tóco ndihi ñayivi. Jáchi caxi tuhun i tuhun vaaha sahá Jesucristo nu ná já ná cuu ndicuaaha chága na cúú cuéntá Jesús. ²⁰ Tá xíca nuu i tañu na Israel ndája i mí i tátuhun in da Israel jáchi ña cúnj queá ná ndiquehe na íchi cuéntá Jesús. Ña cúnj cachi i queá tá in i tañu na cajú ley Moisés in cajú i xihin ná vatí ço ndico i íchi cuéntá ley Moisés viti. Joo cajú i ña sahá ña cúnj i ña ná ndiquehe na íchi cuéntá Jesús. ²¹ Ta tá xíca nuu i tañu na ço cajú ña sáhdá ley Moisés já cajú i tá quiahva cajú mé ná jáchi cúnj ña ná ndiquehe na íchi cuéntá Jesús. Joo ço cajú i cuachi tá quiahva cajú na cân jáchi sáhdá ley Ndióxi chuun nuú i viti ta cajú i ña cúnj Jesucristo cuití va. ²² Ta tá xíca nuu i tañu na vitá xihín ñaha Ndióxi já queá januu ndáha i mí i jáchi cúnj ña ná ndindacú na xihín tuhun mé á. Ña cúnj cachi i xihin ndo queá ndája i mí i tátuhun ndá na ñacuu va jáchi cúnj quee vaaha i xihin ná já ná ndihvi na íchi cuéntá Jesús ña ná çacu ndaa inima ná. ²³ Cájij i tóco ndihi ña yóho já queá ná ndicuita nuu tuhun vaaha çahan sahá Jesucristo. Jáchi xihin ña yóho cajú cuaha Ndióxi ñamanj xihin i.

²⁴ Candehé ndo. Sa xini vaaha ndó ña tá jáquehe táhan java taa tuhun da ña ná cunu da, mé a ndaa tóco ndihi da ndúcú ndéé da xínu da. Joo in túhún da quee vaaha. Ta já quee da ña ndítahan ña dá quee da. Quiahva já ndítahan cajú ri ndóho va. Xini ñúhú nducú ndo çuhun vaaha ndó íchi cuéntá Jesús janda quiahva ná xinu çoo ndó janda nu ndihí cuij já ná quiahva Ndióxi nu ndo ña ndítahan ndiquehe ndó. ²⁵ Tóco ndihi ñayivi tá cajú tiahva na mé ná ña ná çuhun na cunu na, ço cúnj na cajú na ndá ña ñacuu jáchi ndáá na mé ná. Tóco ndihi ña yóho cajú na sahá ña cúnj na quee vaaha na ña ná ñehe ná in tiyivi ita sánuu jinj ná vatí cama chá íchi ita cân. Joo mí ndúcú ndéé yo cuahan yó íchi cuéntá Jesús jáchi ña ndátí mí quiahva Ndióxi nu yo ço ndihí saha anda ama cáa quivj. ²⁶ Joo ço cúú ʋ in da xínu cuáá. Ta ní ço cúú ʋ tátuhun in da jácana yiqui nuú tãhç. Jáchi ndúcú ndéé e quee vaaha i já ná ndiquehe e ña quiahva Ndióxi nuú i. ²⁷ Ña

cajú i queá cajú ndúsa i xihin yiqui cuñu i ña ná cajú i ña cúnj Ndióxi. Jáchi a juú tiahva náá jándacoo Ndióxi yehe vatí mí i cúú ʋ da najánaha tuhun Ndióxi nuú ñayivi.

10

Cáhn Pablo ña ço ndítahan cajú cáhnu na yoco

¹ Candehé ndo ñani i, na cúú cuéntá Jesús. Ço cúnj ña ná ndindójo ndo ndá quiahva ñaçaja Ndióxi sanhá xihín tásáhmu jícó yo tá ñasandaca mé á na yucú íchi cân. Ñaçaja mé á ña ná xinu in vico núhú xoo nuú cuahan na ña ná candaca a na. Ta ñachindeé a na ña ná cuu çojo cava na tañuhú nani tañuhú cuhá. ² Ta tóco ndihi na cân in ñandu ndihi na xihín Moisés tá nayaha na tañuhú nani ndáca vico núhú na. Ñasa cuu a tátuhun ñacanduta ná ña ná comi Moisés cuéntá saha ná. ³ Ta tóco ndihi na cân ñaxixi na ña ñachindahá Ndióxi, ña ñaquixi a nu ná chí indivi. ⁴ Ta quiahva já tóco ndihi na cân ñaxihí na ticuij, dó ñasahan mé á nu ná coho na. Mé ticuij cân cúú dó dó ñacana tixi in tóto. Ta mé tóto cân cúú á tátuhun yuhú nuú Jesucristo, mé a ñasahin xihin ná nani ñaxica nuu na yucú íchi cân. ⁵ Joo cuhá ndivaha táhan na cân ñaçaja na ña núu ña ço cájij ini Ndióxi xihin. Sahá ña cân queá ñaxihí na mé yucú íchi nu xica na cuahan na cân.

⁶ Tóco ndihi ña nayaha yóho jánaha nu mí ña ço ndítahan ndiava ini ña ço táhán ini Ndióxi xihin tá quiahva ñaçaja na cân. ⁷ Sahá ña cân queá coto a juú cajú cáhnu ndó yoçó tá quiahva ñaçaja java na cân jáchi já cachi tuhun Ndióxi já: “Tóco ndihi ñayivi cân ñasacanduu na xixi na ta xihí na ta já ñandicuita na xita sahá na ña cajú cáhnu na yoçó”, já ñaçaja na cachi tuhun Ndióxi. ⁸ Joo mí xini ñúhú candaa i mí já ná a cajú i cuachi ña quihvi nuu i xihin inga najihí a xihin inga dataa tá quiahva ñaçaja java na cân. Ta sahá cuachi ñaçaja na cân ñaxihí oçó unj mil na in túhún quivj. ⁹ Ta ço ndítahan nu yoçó coto ndojo yo Jesucristo, xitoho i ña ná candehé yo á mé a ndaa jándoho a ini sahá cuachi cajú í. Jáchi quiahva já ñaçaja java na cân va ta sahá ña cân ñaxihí na ñaçaja cuhá ço. ¹⁰ Coto a çahan cuéhe ndó saha Ndióxi tá quiahva ñaçaja java tásáhmu jícó yo cân. Jáchi sahá ña ñaçaja na ñaxihí na ñaçaja táto Ndióxi, mé a xica sáhní ñahá.

¹¹ Tóco ndihi ña nayaha xihin tásáhmu jícó yo cúú á ña náha nu yo ña ço ndítahan quehe núu i Ndióxi. Ta ñaçahyí a nuú tuhun Ndióxi já ná cuni mí, yó ndúu tiempo yóho ña ço ndítahan cajú í tá quiahva ñaçaja na cân jáchi sa ñaçayati quivj ndihi saha ñuyiví. ¹² Ña cân queá tá çahan ndo cuahan vaaha ndó íchi cuéntá Ndióxi já queá xini ñúhú

candaa vaha ndó mé ndó já ná a ndícava ndó nuú cuachi. ¹³ Candehé ndó. Xíni ñúhú ndicuhun ini ndó ña a juú mé ndó cuití quixi tondóhó nuú jáchi quixi tondóhó jan nu tóco ndihi java ga ñayivi. Ta ndítahan candeeé ini ndó Ndióxi jáchi a quiahva toho mé a ñamaní ña ná quixi tondóhó náhnu nu ndó ña co candeeé ndó xihín. Ña cája Ndióxi quea chindee a ndohó tá ná quixi tondóhó nu ndó já ná cuu caja ndeeé ini ndó tá ná ndoho ndó ña.

¹⁴ Candehé ndó ñani i, na cúu cuéntá Jesús. Xíni ñúhú jándaco vaha ndó ña cája cáhnu ndó yoco. ¹⁵ Tá quiahva cáhan i xihín ñayivi tácu ini quiahva já cáhan i xihín ndó. Ta mé ndó cándaa vaha ini ndó á ndaa á a ndaa quea cáhan i xihín ndó. ¹⁶ Ná ndiquiahva i ndixahvi nu Ndióxi tá ndicuhun ini sahá ña naçaja Jesucristo tá naxihí a saha yo. Jáchi tá xihí vino ña yii já cúni cachi a ña in nanduú xihín mé a sahá ña naxita nuú mé a ndíca crúxu saha yo. Ta jári tá xíxi pan ña yii ña sáhdá java nu táhan i cúni cachi a ña in nanduú xihín mé a jáchi nandiquiahva yiqui cuñu a saha yo. ¹⁷ Ta vatí cuhá ndivaha cúu yó joo in túhún pan sáhdá java i xíxi jáchi xihín ña yóho náha ña in cúu ndihí xihín Jesucristo.

¹⁸ Xíni ñúhú candehé ndó ndá quiahva cája na Israel jáchi tá sáxi na cuñu quítí, rí najoco inga na nu náa cán já cúu á tátuhun mé ná nasahní na mé quítí cán ta najoco na rí. Quiahva já yaha xihín mé ndó tá sáxi ndó cuñu ña najoco na nuú yoco. Cúu á tátuhun najoco mé ndó ña. ¹⁹ Joo xíni ñúhú ndicuhun ini ndó tá cáchi i ña yóho xihín ndó co cúni cachi i ña in sahá yoco. Ta ni co cúni cachi i ña in chága sahá cuñu najoco na nuú yoco a juú ga inga cuñu. ²⁰ Ña cúni cachi i xihín ndó quea tá ná joco ñayivi, na co xíni Ndióxi jan in quítí nuú yoco cúu á tátuhun joco na jan rí nuú tiñáhá va. Ta co cája toho na ña nu Ndióxi. Ta cáxi túhun i ña yóho xihín ndó já ná a cáxi ndó cuñu jan jáchi tá ná caxi ndó ña cacuu a tátuhun najoco rí ndóhó va ña nuú tiñáhá. ²¹ Jáchi a cuú cuñun ndó coho ndó ña najoco na nuú rí quini ta já quixi ndó coho ndó ña yii cuéntá Jesucristo, xitoho í. Ta ni a cuú cuñu ndó ña najoco na nuú rí quini ta já cuñu ndó ña yii, ña xíxi na tá ndicuhun ini na ña naxihí Jesucristo, xitoho í. ²² A cája ndó ña yóho jáchi cúu á tátuhun cúni ndó jácojo ndó ña Ndióxi. Xíni ñúhú ndicuhun ini ndó ña co cúu ndó na ndacú chága a juú ga Ndióxi.

Sahá ña quíhvi ini ñani táhan i co ndítahan caja i ndá ña naçuu cúni mi caja í

²³ Ndúu java na ta cáchi na já: “Núná nu yó caja í ndá ña cúni mí caja í.” Vatí ña yóho cúu á ña ndaa joo a juú ndihi ña cája í caja vaha xohó. Mé a ndaa núná nu yó caja í ndá

ñá cúni mí joo co chindee a mí cuahnu i xihín ñaha Ndióxi. ²⁴ Co ndítahan nu yó nducú yó ña vaha mí cuití yo. Ndítahan ndihi ini caja í ña vaha sahá ñani táhan í.

²⁵ Cuu caxi ndó ndijáá cuñu cáyahvi nuú yahvi ta a ndáca túhún ndó ndájá naquixi a já ná a cáhvi iví joho ini ndó xihín á. ²⁶ Jáchi ñaha Ndióxi, xitoho í cúu ñuyiví yóho xihín tóco ndihi ña in nu á.

²⁷ Candehé ndó. Tá ná cana in na co cúu cuéntá Jesús ndoghó ña ná cuñun ndó cuñu ndó xihín ná, cuáhán ndó tá cúni ndó ta cuñu ndó tóco ndihi ña sácú na nu ndó cuñu ndó. Ta a ndáca túhún ndó ná a naquixi a nuú yoco. Cuñu ndó ña jáchi tá ná ndaça túhún ndó na já cuu casahá ndicani ini ndó xihín á. ²⁸ Joo tá sa naçaxi túhun yachí na xihín ndó ña cúu á cuñu najoco na nuú yoco já quea a cúxu toho ndó ña. Jáchi tá ná cuñu ndó ña já quea caja ndó ña ná a vaha cuu ini mé na cán. ²⁹ Cáhan i ña yóho jáchi cúni ña ná caja vaha ndó sahá inga na. Co cáhan i ña saha mé ndó.

Mé a ndaa ndúu java ndó ta cáhan ndó ña co ndítahan ndihi ini ndó sahá ña cáhvi ini inga na jáchi cáhan ndó ña núná nu ndó caja ndó ña cúni ndó. ³⁰ Ta java ndó cáhan ndó ña tá sa nandiquiahva ndó ndixahvi nu Ndióxi sahá ña xíxi ndó já quea a cuú cáhan núu ñayivi sahá ña cája ndó. ³¹ Joo cáchi i xihín ndó ña xíni ñúhú candehé vaha i ña cája í ná a jándicava i inga na nuú cuachi. Jáchi janda xihín ña xíxi ta xihín ña xihí, xíni ñúhú caja cáhnu i Ndióxi. ³² Co ndítahan cacuu na jándicava inga ñayivi nuú cuachi jáchi tá cája i já cúu yó tátuhun yuu cándúhu jácachiñin sahá ñayivi. A cája ndó já xihín na Israel ta ni xihín na toho ta ni xihín na cúu cuéntá Jesús. ³³ Ta tóco ndihi ña cája i, cája i ña ná cajií ini ndihi ñayivi xihín. Ta co ndicúu i ña vaha mí i jáchi ndúcú u ña ná cajií ini ñayivi já ná cuu çacu ndaa inima na.

11

¹ Xíni ñúhú caja ndó tá quiahva cája yehe jáchi quiahva já cája i ña naçaja Jesucristo, xitoho í.

Ña ndítahan nuú najihí caja na tá cája cáhnu na Ndióxi

² Cajií ini i xihín ndó, ñani i, na cúu cuéntá Jesús. Jáchi níi tiempo ñúhu ini ndó sahá i ta cája ta cája ndó ña najánaha i nu ndó. ³ Joo cúni ña ná candaa ini ndó ña cúu Jesucristo jini nuú in in ta. Ta quiahva já in in ta. ⁴ Jáchi dá jini nuú ñajihí da. Ta quiahva já Ndióxi cúu á jini nuú Jesucristo. ⁵ Sahá ña cán quea tá co cándaa in dataa yijini dá nani xíca tahví da nu Ndióxi á nani cáhan da túhun Ndióxi nu táca ñayivi já quea náha ña co cája cáhnu da Jesucristo, mé a cúu jini nuú mé dá. ⁶ Ta in ñáñaha tá co chíjahvi ña jini ña nani xíca tahví ña nu Ndióxi á nani cáhan ña túhun

Ndióxi nuú ñayivi veñuhu já queá náha ña quehe núu ñá yí ña, da cúu jini nu mé ñá. Cúu á tátuhun najatá ñá jini ña. ⁶ Jáchi tá co chíjahvi in ñáñáha jini ñá janda vaha chága ví ná jatá táhyí ñá jini ña. Joo tá cáhán ña ña quini canáha jini ña tá ná jatá táhyí ñá jini ñá já queá xini ñúhú chíjahvi ñá jini ña. ⁷ Co ndítahan toho nuú in dataa chíjahvi da jini dá veñuhu jáchi mé dá cúu dá da ñacavaha Ndióxi xihín yuhú nuú mé á. Ta mé dá cúu dá da náha ndá quiahva cáhnu cúu Ndióxi. Ta náha in ñáñáha ña yí ñá cúu da jini nu ñá. ⁸ Jáchi xini ñúhú ndicuhun ini ndó ñá coó natáva toho Ndióxi lásá yiquí ndicá ñáñáha já ñacavaha mé á dataa, vaha. Ña ñacaja mé á queá natáva á lásá yiquí ndicá dataa ta já ñacavaha mé á ñáñáha. ⁹ Jihna ñúhú ñacavaha Ndióxi dataa ta já ñacavaha mé á in ñáñáha chindeé ñá da. ¹⁰ Ta sahá ña jihna ñúhú ga ñacavaha Ndióxi dataa sahá ña cán queá ndítahan nuú in ñáñáha chíjahvi ñá jini ña ná náha ñá nu táto Ndióxi ña mé á ndaa cája cáhnu ñá yí ña. ¹¹ Joo mí, na cúu cuéntá Jesús ndítahan candaa ini ña xini ñúhú táhan ta xihín ñáha. ¹² Vatí ñacavaha Ndióxi ñáñáha nu cuiti xihín lásá yiquí ndicá dataa joo viti tóco ndihi dataa cácu da ñuyívi yóho cája najihí. Joo tóco ndihi ñayivi tácu ná jáchi já cuni Ndióxi.

¹³ Mé ndó xini ñúhú candehé ndó á vaha á a vaha toho ña ná a chíjahvi in ñáñáha jini ñá nani xica táhvi ña nu Ndióxi veñuhu. ¹⁴ Jáchi sa candaa vaha ini ña a vaha toho cája dataa tá ñin nani iji jini dá. ¹⁵ Joo ndisáhnu náha ñáñáha tá ñin nani iji jini ña jáchi Ndióxi nasahan iji jini ñá nu ña já ná chíjahvi a jini ña. ¹⁶ Joo tá ndúu java na ta co táhán ini na xihín ña cáhan i yóho já queá co cuni toho i nditúhún ihvi i xihín na sahá ña yóho. Jáchi xini ñúhú candaa ini na ña ndijáá java ga na cúu cuéntá Jesús cája na tá quiahva cáchi i yóho tá táca na veñuhu.

Jánani Pablo na cúu cuéntá Jesús jáchi co cája ndisáhnu na tá táca na cajini na ña yii cuéntá Jesús

¹⁷ Ta ñin inga ñaha cuni cahan i xihín ndó saha ta co táhán ini i xihín á. Jáchi ñañehé e tuhun ña co cája vaha ndó tá táca ndó veñuhu. ¹⁸ Candehé ndó. Sa ñañehé e tuhun ña sáhdá java táhan ndó tá táca ndó cája cáhnu ndó Ndióxi. Ta cája i cuéntá cándúsa i ña cáchi na saha ndó. ¹⁹ Vatí mé a ndaa náha xicá a ña ndítahan cahnda táhan ndó já ná cuu cuni ñayivi ndá ndó cúu ndusa cuéntá Jesús ta ndá ndó co cúu cuéntá Jesús. ²⁰ Ta sahá ña sáhdá táhan ndó nu táca ndó jan, náha ña quehe núu ndó ña yii xijini ndó ta xihín ña yóho co cúu ga ña cuéntá Jesucristo, xitoho í. ²¹ Jáchi tá ndíndaa hora cajini ndó tá in tá in ndó sa jihna ñúhú ndó ndáva ndó cuahan ndó quehe ndó ña cajini mé cuiti

ndó. Ta java ndó ni co ñéhe ndó ña cuxu ndó. Joo java ndó xihí ndó janda jáxini ndó mé ndó. ²² Vaha chága ná cuxu ndó ta ná coho ndó vehe ndó a juú ga ña ná quixi ndó quehe núu ndó veñuhu Ndióxi. Ta a vaha cája ndó jáchi co ñéhe na ndahvi ña cuxu na cája ndó ta xihín ña yóho cácahan nu ná. A cándati toho ndó ña cajini ini i xihín ña cája ndó yóho jáchi a juú ña vaha queá cája ndó.

Ña ndítahan caja na cúu cuéntá Jesús tá xijini na ña yii cuéntá Jesús

(Mt. 26:26-29; Mr. 14:22-25; Lc 22:14-20)

²³ Ña jánaha i nu ndó yóho cúu ña najánaha Jesucristo, xitoho i nuú i. Jáchi mé ñuú tá cámani ndiquiahva na mé á ndáha na ihvi á já ñatiin a in pan. ²⁴ Tá nandihí nandiquiahva ndixahvi nu Ndióxi já nasahnda java ña ta já ñacachi a já xihín ná: “Mé pan yóho cúu á tátuhun yiquí cuñu i ña ndiquiahva i saha mé ndó. Xini ñúhú caja ndó ña yóho ña ná ndicuhun ini ndó ña ñaxihí i saha ndó”, ñacachi Jesús. ²⁵ Ta tá nandihí ñaxijini na cán já ñatiin a in vaso nu ñúhú to uva. Ta já ñacachi a já: “Dó ñúhú ini vaso yóho cúu dó tátuhun ñi i, dó cuítá saha ndó. Ta xihín dó yóho xinu coo nuú tuhun nasahan Ndióxi nuú ñayivi sanahá tá ñacachi a jácacu a ñayivi. Ndijáá tañu tá ná coho ndó mé to uva, dó yii ndítahan ndicuhun ini ndó ña ñaxihí i saha ndó”, ñacachi Jesús. ²⁶ Sahá ña cán queá ndijáá tañu tá táca ndó xixi ndó pan ta xihí ndó to uva yóho cuni cachi a ña ndicuhun ini ndó ña ñaxihí Jesucristo, xitoho i saha ndó. Ta xini ñúhú caja ndó ña janda quiahva ná quixi tucu mé á ñuyívi yóho.

²⁷ Candehé ndó. Tá ná cuxu ndó pan ta tá ná coho ndó to uva, ña yii cuéntá Jesucristo, xitoho i ta co ñin vii ñinima ndó já queá cája ndó cuachi nu mé á ta quehe núu ndó ña ñaxihí a ndica cruxu saha ndó. ²⁸ Sahá ña cán queá tá cámani casahá cajini ndó ña yii cuéntá Jesús xini ñúhú coto ndojó jihna ndó mé ndó á vii ñinima ndó nu Ndióxi á coó vii a. ²⁹ Jáchi tá ná cuxu ndaja ñacuu ndó ña yii cuéntá Jesús já queá náha ña quehe núu ndó mé á. Jáchi ña xixi ndó jan cúu á tátuhun yiquí cuñu mé á ta dó xihí ndó jan cúu dó tátuhun ñi á. Ta tá ná quehe núu ndó ña já quixi ña ndoho ini ndó caja Ndióxi. ³⁰ Sahá ña cája ndó jan cuaha táhan ndó quihvi ta cuaha ndó cávita ndó ta anda java na sa ñaxihí ná sahá ña ñaquehe núu na ña yii cuéntá Jesús. ³¹ Joo tá ná coto ndojó yo mí ña á ñin vii ñinima yo nu Ndióxi já queá a ndítahan toho nu mé á cúu xitoho i caja vii a saha cuachi. ³² Joo tá jándoho mé á ini mí cúu á saha ña co cuni a ña ná ndoho ini xihín ñayivi ñuyívi tá ná xinu coo quivi caja vii mé a cúu xitoho i saha cuachi ñacaja na cán.

³³ Candehé ndo, ñani j, na cúu cuéntá Jesús. Ña ndítahan caja ndó cúu ña yóho. Tá ná nditaca ndó cajíni ndó ña yíi cuéntá Jesús xíní ñúhú candati táhan ndó jandá quiahva ná taca tóco ndihi ndó. ³⁴ Ta tá cuico ndó já queá xíní ñúhú cuxu ndó vehe ndó já ná á jándoho Ndióxi ini ndó sahá ña cája ndó ña núu tá táca ndó cajíni ndó ña yíi jan. Ta caja víi j sahá java ga ñaha tá ná saa j coto nihni j ndohó jan.

12

Ña ñehé táhvi ñayivi nu inima yii Ndióxi

¹ Candehé ndó, ñani j, na cúu cuéntá Jesús. Cáhyi j ña yóho nu ndó jáchi cúní ña ná candaa ini ndó ndaja in ña sahan inima yii Ndióxi nu yo.

² Mé ndó sa cándaq vaha ini ndó ña tá cámaní ndiquehe ndó íchi cuéntá Jesús já nasacu ndó tátuhun ñayivi cuáá jáchi nasandu ndó ndáha tá nuú yoco, ña coó táchi cáhan. ³ Ta viti cúní çaxi túhún j xihín ndó ña ni in ñayivi a cuú chicaan na chahan jatá Jesús tá tá inima yii Ndióxi queá sahan túhun nu ná cahan na. Ta tá cáchi na xihín ndinuhu ini na ña Jesús cúu xitoho na já queá náha ña inima yii Ndióxi queá sahan túhun nu ná cahan na.

⁴ Cuahá nuú ñaha ñehé táhvi ñayivi caja na cuéntá Ndióxi ta in túhún inima yii Ndióxi sahan ña nu ná. ⁵ Cuahá nuú chuun cuu caja ñayivi cuéntá Ndióxi tá tóco ndihi cája chúun í cuéntá mé a cúu xitoho í. ⁶ Ta sa jíin sa jíin cája in in í chuun nasahan Ndióxi nu yó caja í. Joo in túhún mé á queá sahan ña yóho nuú in in í caja í. ⁷ Ta sahan Ndióxi in ñaha nuú in in í já náha ña ñúhu inima yii Ndióxi ini ta xihín ña yóho cuu chindeé yo tóco ndihi ná cúu cuéntá Jesús. ⁸ Inima yii Ndióxi yóho queá cája ña ná cuu candaa ini java ñayivi ndaja in ña vaha xihín ña a váha ta já ndicani na ña nuú ñayivi. Ta sa mé inima yii Ndióxi queá cája ña ná cuu cahan ñayivi ña ndichí ndivaha. ⁹ Ta cája mé inima yii Ndióxi yóho xihín java na ña ná candee cáhnu ini na mé á. Ta sahan mé inima yii Ndióxi nuú java na ña ná cuu ndaja vaha na na quíhvi. ¹⁰ Java na ñehé táhvi ná caja na ña xitúhún. Ta java na ñehé táhvi ná jáyaha na túhun naçahan Ndióxi xihín ná nuú ñayivi. Ta java na ñehé táhvi ná ndicuni na ndá na cúu ná cája chúun cuéntá inima yii Ndióxi ta ndá na coó cája chúun toho cuéntá mé á. Ta java na ñehé táhvi ná cahan na túhun ña coó nasatiahva na. Ta java na ñehé táhvi ná nducú ñeha na ña cúní cachi túhun cáhan na cán nuú ñayivi. ¹¹ Ta sa mé inima yii Ndióxi cája tóco ndihi ña yóho ta in túhún mé á sahan nuú in in ñayivi ña sácú ini a caja chúun vaha na xihín.

In cúu tóco ndihi na cúu cuéntá Jesús sahá ña cándeé ini na mé á

¹² Candehé ndo. Cuahá ndivaha nu ndáca yiquí cuñu í joo in víxi cúu á. Quiahva já in xihín na cúu cuéntá Jesús. ¹³ Ta quiahva já yaha xihín tóco ndihi mí, coó caja toho a á cúu yó na Israel á coó cúu yó na Israel. Ta coó caja toho a á cúu yó na cómi in xitoho cuéntá saha, á cúu yó na xica núna mé. Jáchi cája inima yii Ndióxi ña cúu yó tátuhun in víxi ñayivi sahá ña in nanduú xihín Jesucristo tá naçandúta yó cuéntá mé á. Ta in túhún inima yii mé á nasacu a ini inima in in í.

¹⁴ Xíní ñúhú ndicuhun ini ña a juú in víxi nu ndáca yiquí cuñu í jáchi cuahá ndivaha nu ndáca yiquí cuñu ñayivi. ¹⁵ Candehé ndo. Cúu á tátuhun tá ná cahan in xoo saha yo já cáchi a já: “Yehe coó cúu toho j ndáha ñayivi sahá ña cán queá coó chuun toho j nuú yiquí cuñu na”, cáchi a. Joo coó cája toho ña cáhan saha yo yóho jáchi cúu á cuéntá yiquí cuñu í. ¹⁶ Ta cúu á tátuhun tá ná cachi in johó í já cáchi a já: “Yehe coó cúu toho j nduchú núu ñayivi sahá ña cán queá coó chuun toho j nuú yiquí cuñu na”, cáchi a. Joo coó cája toho ña cáhan johó í yóho jáchi cúu á cuéntá yiquí cuñu í. ¹⁷ Jáchi caja mé ndó cuéntá ndaja caja í cuni johó í tá níú cúu yiquí cuñu í ná cacuu a nduchú núu yo. Ta ndaja caja í tahmi ñaha tá níú cúu yiquí cuñu í ná cacuu a johó í. ¹⁸ Joo in in ña ndáca yiquí cuñu í yóho nasacu Ndióxi ña mé nu ndítahan coo a jáchi já nasacu ini a caja. ¹⁹ Xíní ñúhú caja ndó cuéntá tá in víxi johó ná candaca níú cúu yiquí cuñu í já queá coó in ndihi toho yiquí cuñu í. ²⁰ Ta vatí cuahá ndivaha nu ndáca yiquí cuñu in in í joo in víxi cúu yiquí cuñu í. Ta quiahva já in a xihín na cúu cuéntá Jesús.

²¹ Candehé ndo jáchi sácú u in quiahva nu ndo: Nduchú núu yo a cúu cachi a xihín ndáha yo ña coó xíní ñúhú a ña. Ta ní yiquí jini yo a cúu cachi a xihín saha yo ña coó xíní ñúhú a ña. ²² Ña yaha xihín yiquí cuñu í cúu ña yóho. Java tañu cuhán yo ña vitá in ñaha ndáca yiquí cuñu í joo ña jan xíní ñúhú chága yó ña. ²³ Ta mé xoo yiquí cuñu í ña cáhan yo coó cuahá saha, ña coó cúní yo ña ná candehé ñayivi, ña cán cúu ña chíhavi vaha í ²⁴ vatí coó xíní ñúhú cája í já xihín ñaha ña cuu candehé ñayivi. Xihín ña yóho cuu candaa ini ndá quiahva naçavaha Ndióxi in in xoo yiquí cuñu í tá cuu candaa ini ndaja candaa vaha chága yo ña cáhan yo coó cuahá saha. ²⁵ Ta xihín ña yóho coó sáhdá java táhan yiquí cuñu í jáchi in in xoo yiquí cuñu í ndihi ini a sahá java ga xoo yiquí cuñu í. ²⁶ Ña cán queá tá ndicuehe in xoo yiquí cuñu í ndijáa java ga ña cán ndihíhvi a sahá ña ndóho in xoo yiquí cuñu í. Joo tá víi cája na xihín in xoo yiquí cuñu í já queá cáji ini java ga xoo yiquí cuñu í.

²⁷ Ta tóco ndihi ndó, na cúu cuéntá Jesús cúu ndó tátuhun yiquí cuñu Jesucristo jáchi in nanduu ndihi ndó xihín á ta in in ndó cúu ndó tátuhun in xoo yiquí cuñu a. ²⁸ Ta tá quiahva íin chuun cajú in in xoo yiquí cuñu í quiahva já íin chuun cajú in in na cúu cuéntá Jesús. Jihna ñúhú ñaçaxi Ndióxi na apóstol ta já ñaçaxi a na jáyaha tuhun Ndióxi nuú ñayivi ta já ñaçaxi a na jánaḡa tuhun Ndióxi nuú ñayivi ta já ñaçaxi a na xitúhún. Ta já ñaçaxi a na ndája vaha na quíhvi xihín na chindeé ñayivi xihín na sáhdá chuun nuú java ga ñayivi xihín na cáhan tuhun ña coó nasatiahva na. ²⁹ Joo a juú ndihi na cán cúu apóstol. Ta ni a juú ndihi na cúu ná na jáyaha tuhun cáhan Ndióxi nuú ñayivi. Ta ni a juú ndihi na jánaḡa ñayivi. Ta ni a juú ndihi na cajú ña xitúhún. ³⁰ Ta ni a juú ndihi na ndája vaha na na quíhvi. Ta ni a juú ndihi na cáhan tuhun ña coó nasatiahva na. Ta ni a juú ndihi na tiahva nducú ñehe ña cúnj cachi tuhun cáhan na cán. ³¹ Joo mé ndó xini ñúhú ndinducú ndó ña ná quiahva Ndióxi in ña vaha chága nu ndó. Ta viti cúnj jánaḡa í ña cúu ña vaha chága nu ndó.

13

Ña ndítahan cajú í tá quíhvi iní ñayivi

¹ Tá ná cuu cahan í tá nuú tuhun cáhan ñayivi ndúu ñuyivi yóho ta tá ná cuu cahan í tuhun cáhan táto Ndióxi joo tá co quíhvi iní í ñayivi já queá coó saḡa toho ña cáhan í. Jáchi xihín ña jan cúu í tátuhun in ca jácasá na, á tátuhun in caa xoo tá jácasá na ña. Quiahva já íin í tá co quíhvi iní í ñayivi. ² Ta ni coó sahá ña ná cacuu í in da jáyaha tuhun cáhan Ndióxi nuú ñayivi tá co quíhvi iní í ñani táhan í. Jáchi tá co quíhvi iní í ñayivi coó cajú toho ña ná cuu candaḡa iní í tóco ndihi ñaha ta ni coó cajú toho a tá xini tóco ndihi ña xini da ndichí ta ni coó saḡa toho tá cándéé cáhnu ndivaha iní í Ndióxi janda quiahva cuu cahan í xihín in yúcu ña ná ndicanda ña. Coó saḡa toho tóco ndihi ña yóho tá co quíhvi iní í ñani táhan í. ³ Ta vatí ná ndicahnda í tóco ndihi ña cómí í ta já quiahva í ña nuú na ndahví coó sahá toho ña cajú í tá co quíhvi iní í ñayivi. Ta ni coó cajú toho ña ná ndiquiahva í yiquí cuñu í ña ná cayí a sahá ña cáhan í tuhun Ndióxi tá co quíhvi iní í ñayivi.

⁴ Jáchi tá mé a ndaa táhyí quíhvi iní ñayivi co ndihi iní xihín ná. Ta tá quíhvi iní na táhvi iní saḡa ná ta co cáhíhvi toho iní xihín ná. Ta ni co cajú lándá yo nu ná ta ni co cajú cáhnu í mí nu ná. ⁵ Tá quíhvi iní ñayivi íin toní ñúhú yo xihín ná ta co cájhnda yó ñaha nu ná jáchi co nducú yo ña vaha mé cuití yo. Ta ni co xójo iní xihín ná. Ta ni co quehé cuéntá sahá ña núu cajú na xihín yo tá quíhvi iní na. ⁶ Ta tá quíhvi iní ñayivi co cájji toho iní tá cajú

nuú na joo cájji iní tá cajú na ña ndaa. ⁷ Tá quíhvi iní ñayivi íin tiahva í ndoho iní saḡa ná ta cáhvi iní ña vaha cuití va saḡa ná. Ta cándúsa í ña cajú na ña ndaa. Ta sahan ndeé iní xihín tóco ndihi ñaha.

⁸ Tá mé a ndaa quíhvi iní ñani táhan í já queá anda ama cáa quívi a ndihi sahá ña quíhvi iní na. Joo vaxi quívi a jáyaha ga ñayivi tuhun cáhan Ndióxi xihín ná nuú ñayivi jáchi vaxi quívi ndihi sahá. Ta a cáhan ga na tuhun ña coó nasatiahva na. Ta vaxi quívi ndihi sahá ña ndichí jini ñayivi. Joo a ndihi toho saḡa ña quíhvi iní táhan í. ⁹ Jáchi chá cuití xini yó saḡa Ndióxi ta chá cuití tiahva í jáyaha í tuhun cáhan Ndióxi nuú ñayivi. ¹⁰ Joo tá ná xinu coo quívi ndaja Ndióxi ña ná nduu ñayivi víi já queá a cúnj ñúhú ga yo ña tóco ndihi java ga ña ndihi saḡa cán jáchi sa nanduu ñayivi víi nu mé á.

¹¹ Candehé ndo. Tá nasacuu í in ta loho naçahan í tá quiahva cáhan na valí ta quiahva já naçahvi iní í ta quiahva já naçaja í. Joo tá nasahnu í najandacoo í ña cajú na valí. ¹² Viti co candaḡa vaha iní ndá quiahva cáa Ndióxi. Cúu á tátuhun tá sándehe yo nuú in yutá tá ña co jinu vaha ga. Joo vaxi quívi cúní mé á tá quiahva cáa. Viti cuahá ñaha co candaḡa iní saḡa mé á. Joo vaxi quívi candaḡa iní saḡa mé á tá quiahva xini mé á mí viti. ¹³ Íin uní nuú ñaha ña a ndihi sahá. Ta ña yóho cúní á: ña cándéé iní Ndióxi, ta inga cúu ña ndatí casaḡa, ta inga cúu ña quíhvi iní Ndióxi xihín ñani táhan í. Ta cúnj Ndióxi ña ná cajú í ndihuni ña yóho joo ña cáhnu chága cúu ña quíhvi iní Ndióxi xihín ñani táhan í.

14

Tá cáhan ñayivi tuhun ña coó naçatiahva na

¹ Xini ñúhú ndihi iní ndó quíhvi iní ndó ñani táhan ndó. Ta xihín ndinuhu iní ndó ndinducú ndó ña sahan ímima yíi Ndióxi nu yo. Ña xini ñúhú ndihi chága iní ndó ndinducú ndó cúu ña ná cuu jáyaha ndó tuhun cáhan Ndióxi xihín ndó nuú ñayivi.

² Jáchi ndá na naçuu cáhan tuhun ña coó naçatiahva na já queá cáhan na xihín Ndióxi joo co cáhan na xihín ñayivi jáchi co candaḡa iní ñayivi ña cáhan na. Ña cáhan na cúu ña naquixi cuéntá ímima yíi Ndióxi ta cúu á ña co xini ndihi ga ñayivi. ³ Joo ñayivi tiahva jáyaha tuhun cáhan Ndióxi xihín ná nuú ñayivi cajú na ña ná cuu cuahnu chága na cúu cuéntá Jesús xihín tuhun cáhan Ndióxi. Ta sahan na tuhun ndeé iní ñayivi ta quiahva já jáxinu chága na iní na cán. ⁴ Ta na ñehe táhvi cáhan tuhun ña coó naçatiahva na sahan mé cuití va na xihín tuhun sahan Ndióxi nu ná cahan na. Joo na tiahva jáyaha tuhun cáhan Ndióxi nuú ñayivi chindeé na

na cúu cuéntá Jesús ña ná cuahnu chága na xihín ñaha cuéntá Ndióxi.

⁵ Mí i cájji íní i tá ná cuu cahan ndihi ndó tũhun ña coó nasatiahva ndó. Joo cájji chága ini i tá ná jáyaha ndó tũhun cáhan Ndióxi xihín ndó nuú ñayivi jáchi xini ñúhú chága ña yóho a juú ga ña ná cahan ndó tũhun ña coó ñacatiahva ndó. Vaha cája ndó ña ná cahan ndó tũhun ña coó ñacatiahva ndó tá íin in na tiahva nducú ñehe ña cúnj cachi tũhun cáhan ndó nuú ñayivi já queá ná cuu cuahnu na cúu cuéntá Jesús xihín mé tũhun cán. ⁶ Xini ñúhú candehé vaha ndó ña cáhan i xihín ndó, ñani mí i na cúu cuéntá Jesús. Coó saha toho ña cája i tá ná saá i coto nihni i ndohó ta já casáhá i cahan i inga tũhun ña coó cándaa ini ndó. Tá ná caja i já ndaja caja ndó cándaa ini ndó tũhun Ndióxi. Ña ndítahan caja i queá cahan i xihín ndó ña najánaha Ndióxi nuú i. Ta ndítahan cahan i ña ndíchí cuéntá Ndióxi. Ta ndítahan cahan i tũhun nasahan Ndióxi nuú i jáyaha i ña nu ndó. Ta ndítahan jánaha i ña ndaa cuéntá Ndióxi nu ndó.

⁷ Sácu u in quiahva nu ndó sahá in tóyoo xihín dó jácaha. Ndaja caja ñayivi cándaa ini na ndá yaa tiví yo tá coo tiahva i tiví vaha í, á tá coo tiahva i jácaha vaha í. ⁸ Ta ndaja caja na soldado cacu tiahva na mé ná ña ná cũhun na cani táhan na tá ta coo tiahva vaha dá tiví trompeta tiví dá do. ⁹ Quiahva já yaha ri xihín mé ndó jáchi tá coo cáhan ndó tũhun ña cuu cándaa ini ñayivi ndaja caja ri na cán cándaa ini na ña cáchi ndó. Cúu á tátũhun cáhan ndó nuú táchi cuiti va. ¹⁰ Cájja i cuéntá íin cuahá ndivaha nuú tũhun cáhan ñayivi ndijáá ñuyivi. Joo ndijáá tũhun yóho cáxi cáhan nuú ñayivi cáhan na mé tũhun yóho. ¹¹ Joo tá coo cándaa ini i ña cáhan inga ñayivi xihín i já cúu u tátũhun in dá tóho nu mé ná. Ta na cán cacuu na tátũhun in na tóho nu mí i sahá ña coo cándaa ini i tũhun cáhan na. ¹² Sahá ña cán queá tá mé a ndaa cúnj ndó ndiquehe ndó ña sahan ínimá yj Ndióxi nu ndó já queá xini ñúhú ndinducú ndó ña ná cuu chindeé ndó na cúu cuéntá Jesús ná cuahnu chága na xihín tũhun Ndióxi.

¹³ Ña cán queá ndá ndó ñehe táhvi cáhan ndó tũhun ña coó ñacatiahva ndó já queá xini ñúhú caça ndó nu Ndióxi ña ná cuu ndicani ndó ña cúnj cachi a nuú ñayivi. ¹⁴ Jáchi tá ná casáhá cáhan i tũhun ña coó ñacatiahva i nani xica táhvi i nu Ndióxi já queá mé a ndaa cája cáhnu i Ndióxi xihín ínimá i joo coo cája i ña xihín xini túni i jáchi coo cándaa ini i ña cáhan i. ¹⁵ Ndiá caja i. Ña xini ñúhú caja i queá caça táhvi i nu Ndióxi xihín ínimá i ta xihín xini túni i. Ta quiahva já xini ñúhú cata i xihín ínimá i ta xihín xini túni i viti. ¹⁶ Candehé ndó. Ná caja i cuéntá tá nduu ndó veñuhu ta casáhá ndó cáhan

ndó tũhun ña coó ñacatiahva ndó nani cája cáhnu ndó Ndióxi xihín ínimá ndó ta ndaja coo quíhvi in ñayivi ini veñuhu, na coo cándaa cuahá ini sahá ñaha cuéntá Ndióxi. Ta xini joho na ña cáhan ndó joo a cúu caja na ndiquiahva na ndixahvi nu Ndióxi in nuú xihín ndó jáchi coo cándaa ini na tũhun cáhan ndó. ¹⁷ Vati ndató ndivaha cáhan ndó ndiquiahva ndó ndixahvi nu Ndióxi joo coo chindeé a na cán ná cuahnu na xihín tũhun Ndióxi jáchi coo cándaa ini na tũhun cáhan ndó. ¹⁸ Ndiquiahva i ndixahvi nu Ndióxi jáchi cáhan cuahá chága i tũhun ña coó nasatiahva i a juú ga ndóhó. ¹⁹ Joo nani jánaha i ndohó ini veñuhu cájji chága ini i cahan chá cuiti va i tũhun já ná cuu cándaa cáxi ini ndó ña cáhan i. Jáchi ndá chuun queá ná cahan cuahá nahá i tũhun ña coo cándaa ini ndó.

²⁰ Candehé ndó ñani i, na cúu cuéntá Jesús. A cáhvi ini ndó tá quiahva cáhvi ini na valí. Xini ñúhú cáhvi ini ndó tá quiahva cáhvi ini ñayivi sa tácu ini. Vati mé a ndaa xini ñúhú caja ndó tá quiahva cája na valí, na coo caja cuachi. ²¹ Xini ñúhú ndicũhun ini ndó ndaja cáchi ley naçahy Moisés sanahá tá ñacachi Ndióxi já: “Vati ná chindahá i na cáhan java tũhun tóho nuú ñayivi Israel joo a cuni joho na nuú cahan na tóho cán jáchi saá ini na Israel”, ñacachi Ndióxi. ²² Tá cáhan ndó tũhun ña coó nasatiahva ndó nani cája cáhnu ndó Ndióxi coo chindeé cuahá ña yóho na cúu cuéntá Jesús cuahnu na xihín tũhun Ndióxi vati mé a ndaa na coo xini tũhun Ndióxi catóntó na xihín ña yóho. Joo tá jáyaha ndó tũhun cáhan Ndióxi xihín ndó nuú na cúu cuéntá Jesús já cuu cuahnu chága na xihín tũhun Ndióxi vati coo chindeé cuahá ña yóho na cámanj ndihvi íchi cuéntá Jesús. ²³ Caja mé ndó cuéntá tá ná taca cuahá na cúu cuéntá Jesús ta casáhá cáhan ndó tũhun ña coó nasatiahva ndó nani cája cáhnu ndó Ndióxi ta ndaja coo quíhvi na coo xini tũhun Ndióxi nu nduu ndó jan. Ta tá ná cuni na ña sa jñin tũhun cáhan ndihi ndó já queá cáhan na ña cúu ndó ná tachi. ²⁴ Joo tá ná jáyaha tóco ndihi ndó tũhun cáhan Ndióxi nuú ñayivi ta ndaja coo quíhvi in na coo xini tũhun Ndióxi. Ta tá ná cuni joho na ña cáhan ndó já queá táhnda ini na sahá cuachi na ta já casáhá ndicani ini na sahá ña núu cája na. ²⁵ Ta já nahma na cuachi na nuú ñayivi ta já ndicava xiti na caja cáhnu na Ndióxi. Ta xihín ña yóho cándaa ini na ña mé a ndaa táhvi íin Ndióxi tañu ndó.

Tóco ndihi ña cája ndó cuéntá Ndióxi xini ñúhú caja ndó ña xihín toni ñúhú

²⁶ Candehé ndó, ñani i, na cúu cuéntá Jesús. Tá ná nditaca ndihi ndó caja cáhnu ndó Ndióxi ndítahan nuú java ndó cata ndó salmo ta java ndó jánaha ndó nuú ñayivi.

Ta ndítahan nuú java ndó jáyaha ndó tuhun cáhan Ndióxi xihín ndó nuú ñayivi ta java ndó çahan ndó tuhun ña coó ñacatiahva ndó. Ta ndítahan nuú java ndó nducú ñehe ndó ña cúnj cachi tuhun cáhan na cán. Tóco ndihi ña çája ndó xini ñúhú chindeé a ndoghó ná cuahnu chága ndó xihín tuhun Ndióxi. ²⁷ Ta ndítahan nuú jvi á unj ñayivi cuiti va çahan na tuhun ña coó ñacatiahva na. Joo tá in tá in na caja na ña. Ta ndítahan canduu na tiahva nducú ñehe na ña cúnj cachi tuhun cáhan na jan. ²⁸ Ta nu táca ndo tá coó ni in na tiahva nducú ñehe ña cúnj cachi tuhun cáhan na jan já queá vaha chága ná a çahan na tuhun ña coó ñacatiahva na. Ña vaha chága queá ná çahan yaá na ña ná cuni johó mé ná xihín Ndióxi cuiti va. ²⁹ Ta quiahva já tá jáyaha na tuhun cáhan Ndióxi xihín ná nuú ñayivi ná çahan jvi á unj na cuiti va. Ta xini ñúhú çahan na nani ndúu tútu java ga na veñuhu sándehe na á mé a ndaa çahan na cuéntá Ndióxi. ³⁰ Cája i cuéntá nani jáyaha in na tuhun cáhan Ndióxi xihín ná nuú ñayivi ta jáçahan Ndióxi ini inga na ña ná jáyaha na tuhun cáhan Ndióxi xihín na nuú ñayivi já queá xini ñúhú caço na nu cuiti cán. ³¹ Xihín ña yóho tá in tá in ndó cuu jáyaha ndó tuhun cáhan Ndióxi xihín ndó nuú ñayivi. Já cuu catiahva na xini johó ña yóho ña ná ndindeé chága ini na xihín tuhun Ndióxi. ³² Na jáyaha tuhun Ndióxi nuú ñayivi xini ñúhú cañehe na quiahva xihín ña çája na nani ndáti na jáyaha na tuhun cán. ³³ Jáchj cúnj Ndióxi ña ná coo vaha ini çája i tóco ndihi ñaha ta ná a jána i nuú çája i ña.

Ta cájji ini mé á tá çája vaha ndó tá quiahva çája java ga na cúu cuéntá Jesús ndúu ndijáa ga ñuu. ³⁴ Nani táca ndo veñuhu co ndítahan nuú najihí çahan na jáchi co cáni a nu ná çahan na. Ta co ndítahan nu ná cacomi na cuéntá sahá na veñuhu jáchi quiahva já sáhdá ley Moisés. ³⁵ Ta tá cúnj na candaa ini na sahá ña jánaha na veñuhu xini ñúhú ndaca tuhún na yí ná sahá tá cásaa na vehe na. Jáchi co náha vaha tá çahan in ñañáha nani táca na veñuhu.

³⁶ Xini ñúhú ndicuhun ini ndó ña a juú ndóhó cúu na nandiquehe tuhun Ndióxi nu cuiti. Ta a juú ndóhó cuiti xini tuhun Ndióxi vaha. ³⁷ Ta ndá na cáhan ña naçhutú ndaa ínimá ná xihín ínimá yji Ndióxi ña ná jáyaha na tuhun cáhan Ndióxi xihín ná nuú ñayivi, mé ná cán ndítahan nu ná ndicuni na ña çahan i ña sáhdá Ndióxi nuú i çahan i. ³⁸ Joo tá co cúnj na cán cuni johó na ña çahan i cuéntá Ndióxi já queá a cúnj johó ndó ña çahan na cán.

³⁹ Candehé ndo, ñani i, na cúu cuéntá Jesús. Xini ñúhú ndihi ini ndó nducú ndó ña ná jáyaha ndó tuhun cáhan Ndióxi xihín ndó nuú ñayivi. Ta a cáji nuu ndó nuú na

cúu cuéntá Jesús tá ñehe táhvi ná nu Ndióxi çahan na tuhun ña coó ñacatiahva na. ⁴⁰ Joo tóco ndihi ña çája ndó xini ñúhú çája ndó ña xihín toni ñúhú já ná a jána ndó nu çája ndó ña.

15

Ndicani Pablo sahá quivi tá nanditacu Jesú

¹ Candehé ndó, ñani i, na cúu cuéntá Jesús. Viti cúnj ña ná ndicuhun ini ndó tuhun vaha sahá Jesús ña najánaha i nu ndo. Mé tuhun vaha yóho sa nandiquehe vaha ndó ña ta cándeé vaha ini ndó a janda viti. ² Ta jivi sahá mé tuhun vaha najánaha i nu ndo yóho cuu çacu ndaa ínimá ndo tá ná çája ndó ña najánaha i nu ndo xihín ndinuhu ini ndó. Joo tá ná a çája ndó ña já queá mé a uun va queá naçandúsa ndó ña.

³ Candehé ndó. Ña jihna ñúhú naçaja i queá najánaha i ndoghó ña ñacatiahva mí i cuéntá Jesucristo, mé a na xihí ndjca crúxu sahá cuachí tá quiahva cáchi tuhun Ndióxi. ⁴ Ta najánaha i ndoghó ña najánduxu na mé á joo tá na xinu quivi unj já nanditacu tucu a tá quiahva cáchi tuhun Ndióxi coo. ⁵ Ta já nanaha mé á nu Pedro xihín nuú java ga táhan da uxu jvi na xica tuun xihín a cán. ⁶ Ta tá ndihi já nanaha mé á nu yáha ga nuú uhun ciento na cúu cuéntá mé á. Ta in na xini tóco ndihi na mé á. Ta cuaha táhan na na xini ñahá cán tácu yji va na vatí java na sa na xihí na. ⁷ Ta tá ndihi já nanaha mé á nu Jacobo ta anda já nanaha mé á nu tóco ndihi na na xica tuun xihín a.

⁸ Ta tá nu ndihí já nanaha ri Jesús mé á nuú i vatí cúu u da naçacu tá sa na yaha mé tiempo tá na xica nuu Jesús ñuyivi yóho.

⁹ Yehe cúu u in apóstol joo ím chága saha tóco ndihi java ga na apóstol a juú ga yehe. Ta ni coó sahá i çahan na apóstol xihín i jáchi na xica nuu i naçaja xixi i xihín na cúu cuéntá Ndióxi jihna. ¹⁰ Joo mé a ndaa cúu u in apóstol jáchi naçamáni Ndióxi yehe. Ta a juú ña uun cúu ñamanj naçaja Ndióxi xihín i jáchi cuaha ga çhuun çája yehe cuéntá mé á a juú çá java ga na apóstol cán. Vatí mé a ndaa co çája çhuun i xihín ndéé mí i. Sahá ña táhvi ini Ndióxi sahá i sahá ña cán queá chindeé a yehe çája i çhuun mé á yóho. ¹¹ Joo co çája toho a á yehe á na java apóstol cán çája çhuun chága. Ña vaha queá tóco ndihi nde jánaha nde sahá Jesucristo ta mé ndó sa naçandúsa ndó ña najánaha nde nu ndo.

Vaxi quivi nditacu tóco ndihi ndi

¹² Tá naçahan nde tuhun Ndióxi xihín ndo najánaha nde ndoghó ña nanditacu tucu Jesucristo ta naçandúsa ndó ña. Joo viti java ndó cáchi ndo ña co ndítacu toho na sa na xihí. ¹³ Joo tá cáchi ndo ña co ndítacu toho na sa na xihí cúu á tá tuhun co çandúsa

ndó ña ñanditacu tucu Jesucristo. ¹⁴ Ta tá cõ cándúsa ndó ña ñanditacu tucu Jesucristo já queá cõõ sahá toho tũhun Ndióxi ña xíca nde jánaḡa nde nuú ñayivi. Ta xihín ña yóho mé a uun va cándeé ini ndó mé á. ¹⁵ Ta tá mé a ndaa cõõ ñanditacu Jesucristo já queá cúu nde ña cáhan ña tũhún saḡa Ndióxi jáchĩ cáchĩ nde xihín ndõ ña mé Ndióxi najánditacu a Jesucristo. Joo tá cõ ndítacu toho ndji ta ndeḡe cáchĩ nde ña ñanditacu Jesucristo já queá cúu nde ña tũhún. ¹⁶ Jáchĩ tá cõ ndítacu ndji já queá cúnĩ cachi a ña cõõ ñanditacu toho Jesucristo. ¹⁷ Ta tá cõõ ñanditacu Jesucristo já queá cõõ saḡa toho ña cándeé ini ndó mé á ta cómi yji va cuachi cuéntá saḡa ndó. ¹⁸ Ta xihín ña yóho cúnĩ cachi a ña a cácu ndaa toho ínimá ña cúu cuéntá Jesús tá ná quivi na. ¹⁹ Tá ñayivi ña cúu yó cuéntá Jesús nani tácu yõ ñuyivi yóho cuítĩ va já queá ndáhvĩ nahá ñacuú.

²⁰ Joo mé a ndaa ñanditacu ndusa Jesucristo. Ta mé á cúu á ña nu cuítĩ ñanditacu. Ta vaxi quivĩ nditacu tóco ndihĩ yó, ña cúu cuéntá mé á. ²¹ Candehé ndõ. Naquihvi cuachi ñuyivi saḡa ña ñacaja Adán, dā ñasacu tãa nu cuítĩ ta saḡa cuachi yóho ñacasáhá xihĩ ñayivi. Ta jivi saḡa ña ñacaja Jesucristo tá ñaxihĩ a ndica crúxu cuu nditacu tóco ndihĩ ña sa ñaxihĩ. ²² Xihĩ ñayivi saḡa ña ñaquixi na chichĩ Adán ta cája na ña núu tá quiahva ñacaja Adán saḡahá. Ta viti saḡa ña cúu yó cuéntá Jesucristo catacú andá ama cáa quivĩ saḡa ña ñacaja mé á. ²³ Ta tá ná ndindaa nuú in in na nditacu na já nditacu na caja Ndióxi. Mé Jesucristo queá ñanditacu nu cuítĩ. Ta tá ná ndicó cõõ tucu mé á ñuyivi yóho já caja mé á ña ná nditacu tóco ndihĩ ña cúu cuéntá mé á. ²⁴ Andá já ndihĩ saḡa tóco ndihĩ ñaha ñuyivi yóho jáchĩ jándihĩ Jesucristo saḡa tóco ndihĩ ña cómi cuéntá saḡa ñayivi ñuyivi yóho. Ta ndiquiahva tóco ndihĩ ña cúu cuéntá mé á ndáḡa Ndióxi, tátá a já ná cacomĩ a cuéntá saḡa ná. ²⁵ Jáchĩ Jesucristo queá ndítahan nu cacomĩ cuéntá saḡa ña cúu cuéntá mé á janda quiahva ná xinu cõõ quivĩ jándihĩ Ndióxi saḡa tóco ndihĩ ña cõõ cúnĩ ñahá. ²⁶ Ta janda nu ndihĩ jándihĩ mé á saḡa ña ná quivi ñayivi. Ta xihín ña yóho a quivĩ gā ñayivi. ²⁷ Jáchĩ mé Ndióxi ñandiquiahva tóco ndihĩ ñaha nuú Jesucristo já ná cacomĩ a cuéntá saḡa. Joo tá cáchĩ tũhun Ndióxi ña cómi Jesucristo cuéntá saḡa tóco ndihĩ ñaha, cõõ cúnĩ cachi a ña cómi a cuéntá saḡa Ndióxi viti jáchĩ mé Ndióxi queá ñandiquiahva tóco ndihĩ ñaha ndáḡa mé á ña ná cacomĩ a cuéntá saḡa. ²⁸ Ta tá sa cómi Jesucristo cuéntá saḡa tóco ndihĩ ñaha andá já ndiquiahva Jesucristo mé á ndáḡa Ndióxi ña ná cacomĩ a cuéntá saḡa. Jáchĩ cúu á in tũhún jini já jahyi Ndióxi ta mé Ndióxi queá ñandiquiahva tóco ndihĩ ñaha nuú Jesucristo. Ta Ndióxi cacuu

a ña cáhnu cháḡa nu tóco ndihĩ ñaha.

²⁹ Ndúu java ñayivi ta cándúta ná saḡa ña sa ñaxihĩ já ná cácu ndaa ínimá ná. Joo cáchĩ ña cõ cándúsa toho na ña ndítacu ndji. Ta ndá saḡa queá cája na já tá cõ cándúsa na nditacu ndji. Joo xini vaha i ña ndítacu ndji.

³⁰ Ndá chuun queá chicaoḡa yõ mí ndijáá nú quivĩ nuú tondóhó nuú cuu cahni ña mí tá cõ cándúsa i ña ndítacu tucu ndji. ³¹ Candehé ndõ, ñani i, ña cúu cuéntá Jesús. Ndijáá nú quivĩ vaxi tondóhó nuú i. Ta jalóho cúnĩ quivi i. Mé ndó cándaḡa vaha ini ndó ña cájĩ ini i saḡa in ñanduu ndó xihín Jesucristo, xitoho i. Saḡa ña cán queá ndítahan nu ndõ candúsa ndó ña cáhan i xihín ndõ. ³² Cuahá tañu ñaquihvi táhan i xihín ñayivi quini ñuu Efeso. Mé ña cán cúu ná tátũhun quiti yúcu. Joo cõõ saḡa toho ña ndóho ini i yóho tá mé a ndaa cõõ nditacu toho ndji. Jáchĩ tá cõ ndítacu toho ndji já queá cuu cõhó caja i tá quiahva cáchĩ java ñayivi tá cáchĩ ña já: “Cõho cuxu vaha i ta coho vaha i jáchĩ yó quivi itaḡa a iajá cúu yó.”

³³ A quiahva ndó ñamanĩ jándahvi inga na ndõhó. Xini ñuhú ndicũhun ini ndó in tũhun ña cáchĩ já: “Tá catáhan i xihín ñayivi, ña cõ cája vaha já queá játivi ná mí.” ³⁴ Xini ñuhú ndicáxĩ vaha ini ndó ta a cája ndó cuachi jáchĩ ndúu java ndó ta cõ xini toho ndó Ndióxi. Cáhan i ña yóho xihín ndõ já ná cacahan nuú ndõ saḡa ña núu cája ndõ.

Ndaja coo tá ná nditacu ndji

³⁵ Cája i cuéntá ña ndúu java ndó ta ndicani ini ndó já cáhan ndõ já: “Ndaja caja Ndióxi jánditacu a ña sa ñaxihĩ. Ndá yiquĩ cuñu ndiquehe na caja Ndióxi.” Já ndacá tũhún java ndó ndicani ini ndó. ³⁶ Joo ña ndicani ini ndó saḡa jan cúu á ña tóntó ndivaha. Xini ñuhú cándehé ndõ ndá quiahva yáha xihín in tata tá chíhan na ña. Mé tata yóho xini ñuhú quivi a já ná nduta utu loho nu á. ³⁷ Tá xútu ñayivi, cõ xútu toho na in yucú. Ña xútu na cúu mé tata ta cõ cája toho a á cúu á trigo á inga nuú tata. ³⁸ Ta mé Ndióxi queá cája ña ná ñeḡe táhvi in in a cándé quiahva coo a ta ndá javi cañehe in in a. ³⁹ Ta a juú in javi ñeḡe tóco ndihĩ ñaha. Sa jini sa jini javi in in a. Tátũhun yiquĩ cuñu in dataa, sa jini in yiquĩ cuñu da xihín yiquĩ cuñu quiti. Ta yiquĩ cuñu laa sa jini in a xihín yiquĩ cuñu tiyacá. Sa jini ñacaja Ndióxi xihín in in ña ñacavaḡa mé á. ⁴⁰ Ta quiahva já ñacavaḡa Ndióxi ña ndúu indivi ta jini va ndaa a. Ta jini yiquĩ cuñu ñayivi ñuyivi yóho. Ta sa jini quiahva ndatõ ña in indivi ta sa jini quiahva ndatõ ña in ñuyivi. ⁴¹ Jini ñacaja Ndióxi ña ná yeḡe candii ta jini ñacaja mé á ña ná yeḡe yoo. Ta jini ñacaja mé á ña ná yeḡe quimi ta in java quimi sa jini sa jini yeḡe ri nuú inga ri. ⁴² Quiahva já vaha ri xihín ñayivi tá ná xinu cõõ quivĩ jánditacu Ndióxi ña. Jáchĩ

yiquí cuñu yó ña jánduxu na tixi ñúhu cúu á ña ndihi saha. Joo tá ná nditacu tucu já a ndihi ga saha yo anda ama cáa quivi. ⁴³ Mé yiquí cuñu í jánduxu na tixi ñúhu yóho cúu á tátuhun in ña núu ndivaha jáchi ndihi sahá. Joo tá ná xinu cõo quivi ndicõo tucu a caja Ndióxi já cacuu a ña ndatõ ndivaha jáchi a ndihi sahá. Ña jánduxu na tixi ñúhu cúu á ña vitá ndivaha joo ña nditacu tucu cacuu a ña ndacu vaha. ⁴⁴ Jáchi tá ná jánduxu na mí tixi ñúhu, ña jánduxu na cúu yiquí cuñu cuéntá ñuyivi yóho. Joo tá ná nditacu tucu já ñehe yó inga yiquí cuñu, ña cúu cuéntá indivi. Jáchi tá in yiquí cuñu cuéntá ñuyivi, ña ndihi saha ta já in ri yiquí cuñu cuéntá indivi, ña a cuú ndihi saha.

⁴⁵ Cáchi tũhun Ndióxi ña tá ñacavaha Ndióxi Adán, da ñasacuu taa nu cuiti já ñacaja mé á ña ná catacu da. Joo cáhnu chága Jesucristo á juú ga Adán jáchi mé á cája ña ná catacu ñayivi anda ama cáa quivi. ⁴⁶ Ña jihna ñúhú sahan Ndióxi nu yo cúu yiquí cuñu í, ña ndihi yachi saha. Ta tá nu ndihí já sahan mé á inga yiquí cuñu nu yo cuéntá indivi ta ña cán cúu á ña cõ ndihi saha. ⁴⁷ Mé Adán, da ñacavaha Ndióxi nu cuiti ñasacuu da da ñacavaha mé á xihin ñundáhyi ta cúu dá da ñuyivi yóho. Ta Jesucristo, xitoho í, cúu á inga táhan dataa joo cúu á ña ñaquixi chí indivi. ⁴⁸ Tá in tá in ñayivi ñehe na yiquí cuñu tátuhun yiquí cuñu Adán jáchi cúu á ña ñacavaha Ndióxi xihin ñundáhyi. Joo ñayivi, na ndiquihva mé ndáha Jesucristo vaxi quivi ndiquehe na inga yiquí cuñu cuéntá indivi, ña cõ ndihi saha. ⁴⁹ Ta viti in yiquí cuñu í tátuhun yiquí cuñu Adán joo vaxi quivi ndiquehé inga yiquí cuñu í cuéntá indivi ta cacuu a tátuhun yiquí cuñu Jesucristo.

⁵⁰ Candehé ndõ, ñani í, na cúu cuéntá Jesús. Cúni çaxi tũhun í xihin ndõ ña a cúu toho çuhun yiquí cuñu í yóho indivi ña ná cacomí Ndióxi cuéntá sahá jáchi mé yiquí cuñu í yóho cõ cúu á ña cuu catacu anda ama cáa quivi. Joo ña inga, ña quiahva mé á nu yo cán, a ndihi toho sahá. ⁵¹ Ta viti cúni çaxi tũhun í nu ndõ sahá in ñaha ñasahin jehé nuú ñayivi ta ña yóho queá: A juú ndihi toho í quivi jáchi tá ná xinu cõo quivi quixi tucu Jesucristo ñuyivi yóho anda jávi ndijama ndihí tá quiahva ndáa í ta mé Ndióxi quiahva inga yiquí cuñu nu yo. ⁵² Ta in náa cuiti yaha ña yóho jáchi cacuu a tátuhun in ndicuaní nuu yo ta já ndahyi trompeta, mé dó ndahyi nu ndihí cuí cán já nditacu tóco ndihi na sa ñaxihí ta a ndicõ cõo ga na quivi na. Ta mí, tá tácu yo, ña caja Ndióxi xihin yo queá ndijama yiquí cuñu í. ⁵³ Jáchi mé yiquí cuñu í ña ndihi saha yóho a cuú toho nduu a tátuhun yiquí cuñu ña quiahva Ndióxi nu

yo. Saha ña cán queá xini ñúhú ndijama mé á yiquí cuñu í yóho já ná cuu cohõ coo í xihin mé á anda ama cáa quivi. ⁵⁴ Ta tá sa ñandijama yiquí cuñu í ta ñandu a ña cõ ndihí saha anda ama cáa quivi já queá xinu cõo nuú tũhun ña ñacachi na profeta sahaná: "Vaxi quivi ndihi sahá ña xihí ñayivi jáchi ñacandee Jesucristo ñasahnu a nuú ña xihí na. ⁵⁵ Ta xihin ña yóho cája cáhnu í mé á jáchi a quivi ga ñayivi sahá ña ñaquee vaha Jesucristo", cáchi tũhun Ndióxi. ⁵⁶ Tá cája ñayivi cuachi já quivi tá quivi na sahá ña cája na. Ta cúu á tátuhun tá tin lihna na jáchi ndõho ini na sahá cuachi na. Anda sahaná ndivaha sahdá ley Moisés ña quivi ñayivi sahá cuachi na jáchi ñehe ini cuachi caja ña ná quivi ñayivi. ⁵⁷ Joo ndixahvi Ndióxi jáchi chindee a mí ña ná cuu quee vaha í sahá ña ñacaja Jesucristo, xitoho í saha yo.

⁵⁸ Saha ña cán queá ndítahan nu ndõ, ñani máni í, na cúu cuéntá Jesús, coo ndacu ini ndõ xihin tũhun Ndióxi. Ta cõ xini ñúhú jándacoo ndõ ña cãndee ini ndõ mé á. Ta ndítahan nu ndõ ndihí ini ndõ caja çhũun ndõ cuéntá mé á jáchi sa cãnda vaha ini ndõ ña a juú ña uun cúu toho çhũun cája ndõ jáchi in Jesucristo, xitoho í xihin ndõ.

16

Tá ndítaca jũhũn ña jasá na nuú na cúu cuéntá Jesús

¹ Ta viti cúni ndicani í nu ndõ ndá quiahva ndítahan caja ndõ tá jánditaca ndõ jũhũn ña jasá ndõ nuú na cúu cuéntá Jesús ndũu ñuu Jerusalén. Xini ñúhú caja ndõ tá quiahva najánaña í nuú na cúu cuéntá Jesús ndũu estado Galacia. ² Ña ndítahan caja ndõ queá: tá in in domingo xini ñúhú tavá xõo ndõ táhan jũhũn ña sácú ini ndõ jasá ndõ jatá ña ñandiquehe ndõ sahá çhũun ñacaja ndõ. A cãdati toho ndõ jãnda quiahva ná saã í jan jáchi xini ñúhú jánditaca cuéé ndõ ña. ³ Ta çaxi mé ndõ ndá na cúni ndõ cahehe jũhũn jan ñuu Jerusalén. Ta tá ná xinu cõo í jan chindahá í na ña ná çuhun ñehe na jũhũn ñuu cán. Ta chindahá í in carta xihin ná ña ná quiahva na ña xihin jũhũn jan nuú na cúu cuéntá Jesús ndũu mé cán. ⁴ Ta tá cúni Ndióxi já çuhun ri yehẽ va xihin na jan anda ñuu Jerusalén.

Sácú ini Pablo çuhun da coto nihi da na cúu cuéntá Jesús ndũu java ga ñuu

⁵ Saã í coto nihi í ndõhõ cúni. Joo jihna ñúhú yaha í coto nihi í na cúu cuéntá Jesús ndũu estado Macedonia. Ta anda jávi saã í ñuu Corinto jan. ⁶ Ta tá cúni Ndióxi candõ nahá chá í xihin ndõ. Á tá cõo ta coo í ní tiempo vixi xihin ndõ jan. Ta tá sa ná quee e çuhun í inga ñuu já cuu chindee ndõ yehẽ. ⁷ Cõ cúni toho í coto nihi ními í ndõhõ. Ña cúni queá candõ tóo í coo nahá chá í xihin

ndo jan tá cúnj Ndióxi. ⁸ Joo candoo tóo i coo i ñuu Efeso yóho janda quiahva ná yaha vicó Pentecostés. ⁹ Jáchi mé a ndaa núná nuú i cája chúun i cuéntá Ndióxi yóho jáchi cuahá ndivaha na ndíquehe vaha na tuhun Ndióxi vatí ndúu cuahá na co cúnj yehe sahá chuun cája i yóho.

¹⁰ Tá ná xinu coo Timoteo nu ndúu ndó ñuu Corinto jan, ndítahan ndiquehe vaha ndó da já ná cajji ini da coo da xihin ndo. Jáchi cája chúun da cuéntá Jesucristo, xitoho í tá quiahva cája chúun yehe. ¹¹ A cándají ndó da. Ña ndítahan caja ndó quea chindee ndó da já ná coo vaha ini da quixi da nuú i. Jáchi yehe xihin java ga na cúu cuéntá Jesús ndati nde xinu coo da nu ndúu nde yóho.

¹² Ta viti cúnj ndicani loho i nu ndó sahá ñani, da nani Apolos. Mí i naxica tahvi ndivaha i nu dá ña ná saa da xihin java ga na cúu cuéntá Jesús coto nihni da ndohó. Joo co cúnj da caja da ña viti. Cája i cuéntá tá ná nuná nu dá já saa da coto nihni da ndohó.

Ndindayí Pablo na cúu cuéntá Jesús ndúu ñuu Corinto

¹³ Cuéntá vaha coo ndó. Xíní ñúhú ndacu coo ini ndó jáchi cándeé ini ndó Jesús. A yihvi toho ndó. Canduu ndacu ndó ichi cuéntá Jesús. ¹⁴ Xíní ñúhú caja ndó tóco ndihi ñaha sahá ña quihvi ini ndó ñani táhan ndó.

¹⁵ Candehé ndo ñani i, na cúu cuéntá Jesús. Sa xini vaha ndó sahá na vehe Estéfanas, mé na nu cúití nandihvi ichi cuéntá Jesús estado Acaya. Sa nandiquiahva na mé ná chindee na na cúu cuéntá Jesús. ¹⁶ Ña cúnj caa i nu ndo cúu ña ná cuni johó ndó ña sáhdá na cán nu ndó caja ndó. Ta xíní ñúhú caja ndó tá quiahva cúnj ndihi na cán jáchi chindee na ñayivi ta cája chúun vaha na cuéntá Jesús. ¹⁷ Cajji ini i jáchi naxinu coo Estéfanas xihin Fortunato xihin Acaico nu ini i ta nachindee na yehe. Ta vatí a cuú quixi mé ndó nuú i ¹⁸ joo na yóho sahan na tuhun ndéé ini i xihin ñaha cuéntá Ndióxi tá quiahva naja na xihin mé ndó. Mé a ndaa ndítahan nu yo caja cáhnu í na cája tátuhun na yóho.

¹⁹ Na cúu cuéntá Jesús ndúu estado Asia chindahá na Ndióxi coo ndó. Ta jári Aquila xihin Priscila chindahá na Ndióxi coo ndó. Ta jári na cúu cuéntá Jesús táca cája cáhnu Ndióxi vehe na cán chindahá na Ndióxi coo ndó. ²⁰ Tóco ndihi na cúu cuéntá Jesús ndúu chóho chindahá na Ndióxi coo ndó. Ta xíní ñúhú cahan Ndióxi xihin táhan ndó ta tati yúhu táhan ndó ta yji caja ndó ña.

²¹ Yehe cúu Pablo ta xihin ndaha mí i cáhyi i ña yóho nu ndó ta chindahá i Ndióxi coo ndó.

²² Ta ndá na co quihvi ini Jesucristo já ná cuhun cháhan jatá ná. Cama chá ná quixi Jesucristo, xitoho í.

²³ Ña cúnj quea ná caja cuaha Jesucristo, xitoho í ñamanj xihin ndo. ²⁴ Quihvi ini i

tóco ndihi ndó jáchi tóco ndihi cúu yo cuéntá Jesucristo, xitoho í. Já ná coo.

Carta chí ivi ñacahyí Pablo nuú na cúú cuéntá Jesús ndúu ñuu Corinto

Cáhan Ndióxi Pablo xihín na cúú cuéntá Jesús ndúu ñuu Corinto

¹ Yehe cúú Pablo, da ñacaxi Ndióxi cacuu apóstol cuéntá Jesucristo jáchi já cúni a caja. Yehe xihín ñani, Timoteo cáhyi nde carta yóho nu ndóhó, na cúú cuéntá Ndióxi ndúu ñuu Corinto ta nu tóco ndihi na cúú cuéntá Ndióxi ndúu estado Acaya. ² Ña cúni queá ná caja Ndióxi, tátá yo xihín Jesucristo, xitoho í cuahá ñamaní xihín ndo ta ná caja mé á ña ná coo vaha ini ndó.

Ndóho ini Pablo

³ Cóho caja cáhnu í Ndióxi, mé a cúú tátá xitoho í, Jesucristo. Jáchi Ndióxi cúú á tátá yo, mé á sá tãhvi ini saha yo ta cúú á Ndióxi ña chindeé mí tá ndóho ini. ⁴ Mé á cán sahan tũhun ndeé ini nu tóco ndihi ña ndóho ini já queá ná cuu caja ri mé ví quiahva í tũhun ndeé ini ñayivi tá ndóho ini na. Tá quiahva caja mé á xoho quiahva já ndítahan caja í xihín ñayivi. ⁵ Jáchi tá quiahva ndóho ndivaha ini saha Jesucristo ta sa mé quiahva já sahan cuahá ndivaha mé á tũhun ndeé ini tá ndóho ini. ⁶ Tá ndóho ini mé nde já cuu quixi tũhun ndeé ini mé ndó tá já cuu çacu ndaa ínimã ndo. Tá sahan Ndióxi tũhun ndeé ini nde já queá sahan ri mé á tũhun ndeé ini mé ndó viti. Ta xihín ña yóho cuu coo ndacu vaha ini ndó tá ná quixi ña ndoho ini ndó tá quiahva ndóho ini mé nde. ⁷ Cãndeé ini nde ña a jándacoo ndó tũhun Ndióxi jáchi cãndaá cáxi ini nde ña tá quiahva ndóho ini quiahva já sahan Ndióxi tũhun ndeé ini.

⁸ Cãndehé ndó, ñani j, na cúú cuéntá Jesús. Cúni nde çaxi tũhun nde nu ndo tá quiahva ñandoho ini nde estado Asia. Naçacuu a tondóho chĩcãhnu nuú nde ta chí a cãndeé ga ini nde ñacahán nde, nduu. Ta chí naçahnda ini nde: “Yóho quivi”, ñacahán nde. ⁹ Naçahán nde ña jándá ndátí cuítí nde quivi nde joo ñachindeé ña yóho ndehe jáchi náha nuú nde ña co ndítahan cãndeé ini nde mé nde. Jáchi ña ndítahan cãndeé ini nde cúú Ndióxi, mé a jánditacu tucu ndji. ¹⁰ Najáçacu Ndióxi ndehe tañu tondóho ná a quivi toho nde. Ta mé á queá jáçacu a ndehe nuú ndihi tondóho vaçi chãga chí nuu. Jáchi cãndeé ini nde mé á ña chindeé tá chindeé a ndehe nuú ndihi tondóho. ¹¹ Ta mé ndó chindeé ndó ndehe tá xica tãhvi ndó nu Ndióxi sahá nde. Jáchi tá ná çaca tãhvi cuahá ñayivi nu Ndióxi sahá nde, sa mé quiahva já ndiquiahva cuahá ñayivi

ndixahvi nu Ndióxi sahá ñamaní caja Ndióxi xihín nde.

Ndĩcani Pablo ndá saha queá coo naçahan da ñuu Corinto

¹² Ín java ñaha caja ña ná coo vaha ini nde ta cúú á ña yóho: cãndaá cáxi ini nde ña co caja nde ña núu ta tóco ndihi ña caja nde ñuyivi yóho caja nde ña xihín ndinuhu ini nde. Ta xihín ndinuhu chãga ini nde caja nde ña cán tañu mé ndó. Ta ni in ña caja nde co caja nde ña sahá ña ndichí quixi jini mé nde jáchi mé Ndióxi queá táhvi ini sahá nde ta chindeé a ndehe caja vaha nde. ¹³ Tá ñacahyi nde carta nu ndo jilna coo ñacahyi nde tũhun ña a çuú cãndaá ini ndó jáchi ndacu ndacu cáhan nde xihín ndo nu carta cáhyi nde. Jáchi cúni nde ña ná cãndaá vaha ini ndó ¹⁴ ña co cãndaá cuahá ini ndó viti. Ta cúni nde ña ná cajji ini ndó saha mé nde tá quiahva cajji ini nde saha ndo tá ná tandaa quivi quixi tucu Jesucristo ñuyivi yóho.

¹⁵ Sahá ña cãndeé ini j ndohó sahá ña cán queá naçacu ini j coto nihni jilna ñuhú j ndohó ña ná cajji ndivaha ini ndó tá ná cuni ndó yehe ivi tañu. ¹⁶ Jáchi naçacu ini j coto nihni j ndohó tá ná vaha í çuhun j chí estado Macedonia já a coto nihni tucu yu ndohó tá ná ndicó coo j cán. Andã já cuu chindeé ndó yehe quehé e íchi çuhun j chí estado Judea. ¹⁷ Coto a cáhan ndo ña ñacahvi ivi joho ini j tá naçacu ini j caja í ña yóho. Ta ni a cáhan ndo ña sácú ivi joho ini j xihín ña caja í tá quiahva caja ñayivi ñuyivi jáchi ndá chuun queá cáchi j jivi a tá a juú a. ¹⁸ Sãndehé cáxi Ndióxi ña co jándahvi nde ndohó jáchi co cáchi nde xihín ndo “ajan” tá cúni cachi nde “uhun.” ¹⁹ Jáchi co caja Jesucristo já. Co cáchi a “ajan” tá cúni a cachi a “uhun.” Ndinuhu ña ndaa queá cáhan Jesucristo jáchi mé á cúú á in tũhún jini já jahyi Ndióxi, mé a cáhan Timoteo xihín Silvano xihín yehe sahá nu ndo. ²⁰ Jáchi xihín Jesucristo jáxinu coo Ndióxi tóco ndihi tũhun naçahan mé á nu yo. Sahá ña cán queá tá caja cáhnu í Ndióxi cuu cachi yo “Já ná coo.” Ta tá cáchi yo “Já ná coo” cúú á sahá ña naçaja Jesucristo. ²¹ Ta mé Ndióxi ñandaja ndacu a ndehe ta ñandaja ndacu a ndohó. Ta ñacaxi a mí cacuu ñayivi cuéntá mé á. ²² Jáchi mé á cúú á xitoho mí ta cómi a cuéntá saha yo. Ta naçacu a ínimã yji mé á ini ínimã yo já ná cãndaá vaha ini ndá quiahva ín ñamaní caja Ndióxi xihín yo chí nuu.

²³ Sãndehé cáxi Ndióxi ña mé a ndaa táhyi cáhan j xihín ndo. A ñaha sa j ñuu Corinto jan tá quiahva naçacu ini j caja í jáchi co cúni jácacueha j ini ndó. ²⁴ Co cúú á sahá ña cúni nde caja ndúsa nde sahá ña ndítahan candúsa ndó. Jáchi sa xini nde ña sa ndúu ndacu ndó cãndeé ini ndó Jesucristo. Ña cúni

nde queá chindeé táhan nde xih̄in ndo já ná cajji ini ndó.

2

¹ Sahá ña cán queá nasacu ini i ña ná a cūhun tucu u coto nihni i ndohó já ná a cacuehá ini ndó. ² Jáchí tá ná jácacuehá yehe ini ndó a cúu caja ndó jácajji ndó ini i jáchí mé ndó cúu ná jácajji ini i. Joo ndaja caja ndó jácajji ndó ini i tá sa najácacuehá i ini ndó. A cúu caja ndó ña. ³ Sahá ña cán queá naçahyi i in carta ña naçindahá i nu ndo cán jáchí co cūni xinu i jan ta jácacuehá ndó ini i sahá ña jáca ndó. Jáchí ndítahan jácajji ndó ini i nani iin i xih̄in ndo. Jáchí xini vaha i ña tá cájji ini i já cájji ini ri ndohó va. ⁴ Joo nani naçahyi i mé carta cán ja naçasáhá táhvi ini i ta ndicani ini i janda quiahva naçasáhá sácu u. Coó naçahyi i ña sahá ña cūni ña ná catati ini ndó xih̄in á joo cūni ña ná candaq ini ndó ndá quiahva quihvi ndivaha ini i ndohó.

Ndítahan caja cáhnu ini na ndúu ñuu Corinto sahá in da naçaja cuachi

⁵ Ta mé da naçaja cuéha ini i cán coó naçaja cuéha da ini in túhún yehe tá naçaja da cuachi. Joo cúu á tátuhun naçaja cuéha ri da ini ndih̄i ndó. Cahan i ña yóho xih̄in ndo ña ná a jánani ndivaha ndó da. ⁶ Jáchí cuaha ndó sa najánani ndó da cán. Vati já va caja xixi ndó xih̄in dá. Ndáhvi da. ⁷ Ña ndítahan caja ndó queá caja cáhnu ini ndó sahá dá viti ta quiahva ndó túhun ndeé ini da jáchí a juú tiaha ná cacuehá ini da xih̄in ña caja ndó xih̄in dá. ⁸ Sahá ña cán queá xica táhvi tucu u nu ndo ña ná jánaha ndó nu dá ña mé a ndaa quihvi ini ndó da. ⁹ Sa naçahyi vi in carta nu ndo nu ndicani i sahá ña yóho. Naçahyi i ña sahá ña nasacu ini i coto ndojó i ndohó á mé a ndaa táhyi caja ndó tá iin naçachi i xih̄in ndo. ¹⁰ Ña cán queá ndá ná a caja cáhnu ini ndó sahá ja caja cáhnu ri ini yehe va saha ná. Ta tá iin in ñaha ndítahan caja cáhnu ini i sahá ja queá caja i ña saha mé ndó. Ta sándehé cáxi Jesucristo ña caja i. ¹¹ Jáchí tá ná a caja i ña ja queá cándéé tiñáhá saçuaha xih̄in yo jáchí sa xini vaha i ña cūni ri jándahvi ri ñayivi.

Ndicani ini Pablo nani iin da ñuu Troas

¹² Tá naçinu coo i ñuu Troas ña cáxi túhun i túhun vaha saha Jesucristo já nanuná nuú i caja chúun vaha i cuéntá mé á cúu xitoho í. ¹³ Joo coó naçah̄in vaha ini i jáchí coó nañehé e ñani Tito. Sahá ña cán queá nandinday i ñani, na ndúu ñuu Troas já naçuee e cuahan i chí estado Macedonia ndinducú u da.

Sáhan Jesucristo ndé a nu yó quee vaha i

¹⁴ Ndiquiahva i ndixahvi nu Ndióxi jáchí sahá ña naçaja Jesucristo quee vaha i níi tiempo. Tá quiahva ndicuita nuu in jico támi

sáhan quiahva já ndicuita nuu túhun Ndióxi caja nde já queá ná cuu candaq ini ñayivi túhun vaha saha Jesucristo. ¹⁵ Jáchí mí cúu yó tátuhun jusa vaha ña támi sahan ña joco Jesucristo nu Ndióxi. Ta ndicuita nuu a tañu na jácau Ndióxi sahá ña cándéé ini na mé á. Ta jári ndicuita nuu a tañu na cūhun indayá sahá ña coó naçandúsa na mé á. ¹⁶ Mí cúu yó tátuhun jusa támi sahan nuú na sa candaq ini túhun Ndióxi jáchí xini na ñéhe yó túhun ña cuu jácau inima ná. Ta nuú na co xini túhun Ndióxi cúu yó tátuhun na ña quini ndivaha sahan jáchí cūhun na indayá. Ndá na cúu caja jáxinu ini ñayivi, da já. ¹⁷ Jáchí xini Ndióxi ña mé nde co xica nuu nde cahan nde túhun Ndióxi sahá jihuhun ta co jáma nde ña tá quiahva caja cuahá ñayivi. Ña caja nde queá cahan nde xih̄in ñayivi xih̄in ndinuho ini nde ña sahan Ndióxi nuú nde cahan nde. Jáchí mé nde cúu nde na naçindahá Ndióxi ta caja chúun nde saha Jesucristo.

3

Cáxi túhun Pablo sahá túhun saá ña sahan Ndióxi nuú ñayivi

¹ Co cahan nde ña yóho xih̄in ndo sahá ña cūni nde caja cáhnu nde mé nde. Jáchí co xini ñuhú nde caça nde in tutu ña cáxi cúu nde ñayivi ndisáhnu ini nu ndo tá quiahva caja java na. ² Mé va ndó cuu quiahva ndó túhun vaha sahá nde jáchí tá ná cuni ñayivi tá quiahva nandijama Ndióxi inima ndo xih̄in túhun naçahan nde xih̄in ndo já candaq ini na ña naçaja vaha nde tá naçaja chúun nde tañu mé ndó. ³ Jáchí náha cáxi táhyi a ña cúu ndó tátuhun in carta naçahyi Jesucristo ta mé nde jánaha nde ña nuú ñayivi. Co cúu á in carta naçahyi nuú tutu. Cúu á ña naçahyi inima yji Ndióxi, mé a tácu indivi. Ta cúu á in carta ña coó naçahyi nuú yuu jáchí cúu á tátuhun naçahyi a ini inima ñayivi.

⁴ Ta cahan nde ña yóho jáchí cándéé cáhnu ini nde Ndióxi sahá ña naçaja Jesucristo. ⁵ Co cúu á sahá ña quixi jini mé nde caja nde ña. Jáchí Ndióxi queá sahan ndeé a nuú nde caja nde chuun yóho. ⁶ Ta mé á queá chindeé ndehe caja chúun nde cuéntá mé á xih̄in cuéntá túhun saá naçahan nu yo. Co caja chúun nde saha ley naçahyi nuú tutu joo caja chúun nde saha inima yji Ndióxi. Mé ley caja ña ná quivi ñayivi joo caja inima yji Ndióxi ña ná catacu ñayivi anda ama cáa quivi.

⁷ Tá naçahyi ley Moisés nuú yuu, já nandiyehé ndivaha nuú Moisés janda quiahva coó naçuu ga candehé na Israel nuú dá. Joo nuú nandiyehé nahá cán naçasáhá ndáhva ña janda quiahva nandahva ña. Candehé ndó. Vati nandiyehé ndivaha nuú naquixi mé ley, ña cuu chindahá ñayivi cūhun na indayá ⁸ joo

ndaja ga ví ndiyehé chága nuú quixi tuhun vaha cáhan saha Jesús nuú ñayivi jáchj sáhan ínimá yíi Ndióxi tuhun yóho nu yó. ⁹ Candehé ndo. Vati ndató nasahjin tá naquixi mé ley ña cuu chindahá ñayivi indayá joo ndaja ga ví ndató coo tá cáxi tuhun í xihín ñayivi ña cóo ga cuächi na nu Ndióxi. ¹⁰ Jáchj cóo sahá ga ña ndató mé ley naquixi jihna cán tá ná jácatáhan í ña xihín ña ndató chága nasahan Ndióxi nu yó viti. ¹¹ Ta tá ndató nasahjin nuú naquixi ña nandihí saha cán ndaja ga ví ndató chága coo ña sáhan Ndióxi nu yó yóho jáchj a ndihí toho sahá.

¹² Ta sahá ña ndátí tiahva nde coo ña yóho sahá ña cán queá co yíhvi nde cáhan nde ña xihín ñayivi. ¹³ Co cája nde tá quiahva naçaja Moisés tá nachijahvi da nuú dá xihín in jáhma ña ná a cúní na Israel ña sa cuahan ndáhva ña nandiyehé nuú dá cán. ¹⁴ Joo mé na Israel cán cóo naçandaa ini na ndá cuentá queá nachijahvi Moisés nuú dá. Ta janda viti ndájí yíi xíní túní ná jáchj vati cáhvi na tuhun Ndióxi ña naçahyí sanahá joo co cándaa ini na ña jáchj najahvi xíní túní na tá a cúu nuná. Jesucristo cuití va cuu jándinuna xíní túní ná tá cándéé ini na mé á. ¹⁵ Mé na Israel ndájí yíi xíní túní ná jandá viti jáchj tá cáhvi na ña naçahyí Moisés co cándaa ini na ña. Cúu ná tátuhun in na jáhvi jáhma nuú. ¹⁶ Joo tá ná ndicó coo ini ñayivi nu Ndióxi já ndinuna xíní túní ná. Cúu á tátuhun ndicava jáhma nasandaji nuú ná. ¹⁷ Jáchj ínimá yíi Ndióxi cúu á xitoho í. Ta nu ím mé á, cán núná xíní túní ñayivi. ¹⁸ Ta viti cúu yó tátuhun in yutátá nuú cuu cuni ñayivi tá quiahva cáhnu cúu Ndióxi. Jáchj co ndájí ga xíní túní yó viti sahá ña naçasahá ndíjama Ndióxi mí viti ná nduu tá quiahva cáa Jesucristo. Ta tá quiahva cáhnu cúu mé á quiahva já loho loho nduu cáhnu yó tá quiahva cáa mé á. Já cája xitoho í, mé a cúu ínimá yíi Ndióxi.

4

¹ Sahá ña cán queá ím ndacú ini nde cáhan nde tuhun Ndióxi xihín ñayivi jáchj sahá ña naçahyí ini Ndióxi sahá nde sahá ña cán queá nasahan mé á chuun yóho nuú nde. ² Mé nde nasacu xóo nde tóco ndihí ña núu cája jehé ñayivi. Ta co sácú ini nde jándahvi nde ñayivi tá cáhan nde tuhun Ndióxi xihín ná. Ña cája nde queá cáhan nde ndinuhu ña ndaa tá xihín ña yóho sándehé cáxi Ndióxi tá quiahva náha nde nuú ñayivi ña cája nde ña vaha. ³ Tá co cándaa ini ñayivi tuhun vaha sahá Jesús ña cáhan nde xihín ná, cúu á sahá ña xíca na íchj cuahan indayá. ⁴ Jáchj sahá ña co cándusa na ña cáhan nde xihín ná sahá ña cán queá nandaji xíní túní ná naçaja tiñahá, mé rí cúu xitoho ñuyiví yóho ña ná a cúní na ndá quiahva ndató ndiyehé tuhun vaha cáhan saha Jesucristo, mé a cáhnu ndivaha,

mé a cúu á yuhú nuú Ndióxi. ⁵ Mé nde co xíca nuu nde cáhan nde saha mé va nde. Ña cája nde queá xíca nuu nde cáhan nde saha Jesucristo, mé á cúu xitoho í. Ta cáhan nde xihín ndo ña cája chuun nde nuú ndo sahá ña cúní nde Jesús. ⁶ Jáchj nasahnda Ndióxi chuun ña ná queta ña yéhe tañu ña naá cán. Ta mé a cán queá naçaja ña ná ndiyehé ínimá yó xihín tuhun Ndióxi já queá ná cuu candehé yó ndá quiahva yéhe nuú Jesucristo, ña náha ndá quiahva cáhnu cúu Ndióxi.

Ndá quiahva cuu canduú tá cándéé ini Jesucristo

⁷ Joo tóco ndihí ña ndáyahvi ña nasahan Ndióxi nu yó yóho cúu á ña ndáçaan yiquí cuñu í vati yiquí cuñu í cúu á tátuhun in quíjji ndahyí. Nasahan Ndióxi ña ndáyahvi nu yó já queá ná cuu cuni ñayivi ña ím ndeé Ndióxi cája tóco ndihí ñaha ta co cúu á ndeé mí. ⁸ Ta vati vaxi cuhá tondóho nu yó joo jáyaha tá jáyaha Ndióxi mí. Ta vati ndicani ndivaha ini joo co jándihí nahá yó mí. ⁹ Ta vati ndicuitá ñee na mí joo co jándacoo ndáha toho Ndióxi mí. Ta vati jándicava na mí joo co jándihí na sahá yó chí uun. ¹⁰ Ta ndá naçuu nu xíca nuu í a íhvi toho cahni ná mí tá quiahva naçaja na xihín Jesús. Ta xihín ña ndóho yiquí cuñu í náha ña tácu yíi va Jesucristo ta ím a xóho. ¹¹ Jáchj ndijáá ní quívi nducú na cahni ná mí sahá Jesucristo. Joo xihín ña yóho núná nu yó jánaha í nuú ñayivi ña ndáçaan ndeé mé á ini yiquí cuñu í nani ndúu ñuyiví yóho. ¹² Ta sahá ña xíca nuu nde cáhan nde tuhun Ndióxi xihín ndo sahá ña cán queá nducú na cahni ná ndehe. Joo sahá ña ndóho ini nde yóho cuu çacu ndaa ínimá ndóho andá ama cáa quívi.

¹³ Jáchj já cáchj tuhun Ndióxi: “Sahá ña naçandéé ini í Ndióxi sahá ña cán queá naçahan í cuentá mé á.” Ta quiahva já cája rí ndehe va sahá ña cándéé ini nde Ndióxi. Ña cán queá co yíhvi nde çahan nde saha mé á nuú ñayivi. ¹⁴ Jáchj cándaa cáxi ini nde ña tá quiahva najánditacu Ndióxi Jesucristo, xitoho í quiahva já jánditacu a mí coo í xihín mé á. Ta já ndóho xihín ndehe xinu coo í nu ím mé á. ¹⁵ Nasacu ini Ndióxi ndoho ini nde tóco ndihí ña yóho saha mé ndó. Ña cán queá tá ná caha Ndióxi cuahá ñamanj xihín cuaha chága ñayivi já nduu cuahá na ndiquiahva ndixahvi nu á ña ná ndicáhnu mé á.

¹⁶ Sahá ña cán queá co çatáti ini xihín ña ndóho í vati sa cáyatá yiquí cuñu í. Joo ndiyúta ini in quívi yaha. ¹⁷ Cama chá yaha tóco ndihí ña válí ndóho ini ñuyiví yóho joo tá nandihí ndandoho ini já vaxi cuahá ndivaha ña náhnu chága cuentá mé á nu yó ta andá ama cáa quívi a ndihí sahá. ¹⁸ Ta co ndítahan nu yó quehe cuentá sahá ña sándehé yó viti. Ña ndítahan caha í queá cahvi

ini sahá ña a cuú cuni xihín nuu yo. Jáchí vaxi quiví ndihí sahá tóco ndihí ña sándehe yo viti joo ña a cuú cuni coo a anda ama cáa quiví.

5

¹ Jáchí sa cándaq ini ña cuú yiquí cuñu í tátuhun vehe nu ndácaan ínima yo. Mé vehe nu ndácaan ínima yo yóho cuú á ña vaxi quiví ndihí sahá. Ta anda jávi nasacu ini Ndióxi quiahva nu yo inga yiquí cuñu nuú coo ínima yó indiví. Ta mé nuú coo ínima yó cán a ndihí sahá anda ama cáa quiví jáchí ñacavaha Ndióxi ña. ² Nani ndácaan ínima yó yiquí cuñu í yóho já ndóho ini ta tána í jáchí xica quí ini ndiquehé inga tucu yiquí cuñu saá cuénta indiví. ³ Jáchí jácandixi Ndióxi mí xihín yiquí cuñu saá cuénta indiví já ná a cácuú tátuhun na coó jáhma. ⁴ Jáchí nani ndácaan ínima yo ini yiquí cuñu í yóho tána í ta táhnda ini vatí co cuú á sahá ña cúní yo jándacoo í yiquí cuñu í. Cúú á sahá ña ndiáva cáhnu ini coo ínima yo ini in yiquí cuñu saá. Anda jávi jándacoo í yiquí cuñu í ña ndihí sahá ta ndiquehé yiquí cuñu saá ña cuu cañehé anda ama cáa quiví. ⁵ Jáchí mé Ndióxi queá nasacu tiáhva mí ndiquehé in yiquí cuñu saá jáchí mé á queá nasahan ínima yí ini yo yo já ná candaq vaha ini nda quiahva in ña sácú ini Ndióxi quiahva nu yo chí nuu.

⁶ Sahá ña cán queá in ndeé ini jáchí cándaq ini ña nani ndácaan ínima yo yiquí cuñu í yóho ndúu xica yo nu Jesucristo, xitoho í. ⁷ Ta vatí co xini yo mé á joo xica í íchí cuénta mé á sahá ña cándéé ini mé á. ⁸ Ta co yihví ga yo quiví viti jáchí cúní chága í jándacoo í yiquí cuñu í yóho já ná cuu coho coo í xihín Jesucristo, xitoho í indiví. ⁹ Sahá ña cán queá ní tiempo ndúcú yo caja í ña táhán ini mé á xihín. Vatí tácu yo á naxihí yo cúní tá cúní yo caja í ña táhán ini mé á xihín. ¹⁰ Jáchí vaxi quiví tá ná ndique táhan ndihí candita í nuú Jesucristo ndiquiahva tá in tá in í cuénta nu mé á sahá ña ñacaja í xihín yiquí cuñu í ñuyiví yóho, á cuú á ña vaha á cuú á ña núu.

Nandique táhan máni yo xihín Ndióxi sahá ña ñacaja Jesucristo

¹¹ Cája cáhnu í Jesucristo xihín ndinuhu ini ta cándaq ini ña vaxi quiví coho candita í nu mé á. Sahá ña cán queá ndihí ini nde jácahan nde ñayivi ña ná ndicó coo ini na. Ta xini vaha Ndióxi ña cája nde ta cúní nde ña ná candaq ini ri mé va ndó ña. ¹² Ña cáhan nde yóho co cuú á sahá ña cúní tucu nde ndiñehe jícó nde mé nde. Ña cúní nde queá ná coo vaha ini ndó xihín ña cája nde já ná cuu nducú ñehe ndó tuhun nuú na xica ndiñehe jícó mé, na xica cáhan lándá ta coó ña vaha quixi ínima ná. ¹³ Vatí cuú nde na tachí nuú ñayivi joo cuú á sahá ña cája nde chuun

Ndióxi. Ta tá co cuú nde na tachí já queá cuú á sahá ña vaha mé ndó. ¹⁴ Ta sahá ña quíhví ini Jesucristo ndehe sahá ña cán queá ndúsa cája nde ña cúní mé á. Jáchí cándaq cáxi ini nde ña naxihí Jesucristo sahá tóco ndihí ñayivi ta in nanduú xihín Jesucristo tá naxihí a. ¹⁵ Naxihí Jesucristo sahá tóco ndihí ña ná a catakú ga í sahá mé cuiti yo. Joo cúní a ña ná catakú sahá mé a naxihí sahá yo ta tá nandihí nanditacu tucu a. ¹⁶ Sahá ña cán queá co sándehe ndaa ga nde ñayivi tá quiahva cája ñayivi ñuyiví. Vatí nacahan nuú nde sahá Jesucristo sanahá joo co cája ga nde já viti. ¹⁷ Jáchí tá in nanduú xihín Jesucristo já nanduú tátuhun ñayivi saá. Ña cán queá nandihí sahá ña yatá ta nanduú ñayivi saá ñacaja Ndióxi.

¹⁸ Ta tóco ndihí ña yóho cuú á ña cája Ndióxi jáchí najándique táhan máni á mí xihín mé á sahá ña ñacaja Jesucristo. Ta najándacoo a chuun yóho nuú nde ña ná jándique táhan máni nde tóco ndihí ñayivi xihín mé á. ¹⁹ Ta nasahan ñamaní nuú ñayivi ndique táhan máni ná xihín á sahá ña ñacaja Jesucristo. Ta coo ñaquehe Ndióxi cuénta sahá cuachi ñacaja na. Ta ña yóho cuú chuun ñatahnda nuú nde ñacaja Ndióxi ña ná çaxi tuhun nde nuú ñayivi ña cúní mé á ndique táhan máni á xihín ná. ²⁰ Mé nde cuú nde na ñachindahá Jesucristo ta xica nde cáhan nde sahá mé á. Ta viti cuú á tátuhun xica tahví Ndióxi nu ndo tá cáhan mé nde. Ta viti xica tahví nde nuú ndó sahá Jesucristo ña ná ndique táhan máni ndó xihín mé á. ²¹ Mé Jesucristo coo ñacaja ni in cuachi joo sahá mí ñacaja Ndióxi ña ná ndoho Jesucristo tátuhun in da ñacaja cuachi. Ta sahá ña ñacaja mé á co quehe ga Ndióxi cuénta sahá cuachi ñacaja í ta nanduú ñayivi ndaa nu mé á tátuhun cúní mé á.

6

¹ Ta sahá ña in cuú ndó xihín nde cája chuun yó cuénta Ndióxi sahá ña cán queá xica tahví nde nu ndo ña ná a quehe núu ndó ñamaní cája Ndióxi xihín ndo. ² Jáchí já cáhí tuhun Ndióxi já:

Tá ñatandaa tiempo caja í ñamaní xuhun já naxini joho í nuú ñacahun.

Ta tá naxinu quiví jácacu u yohó já nachindeé e yohó, cáhí tuhun Ndióxi.

Candehé vaha ndó. Viti ñúhú cúní Ndióxi caja cuahá ñamaní xihín ndo. Ta viti ñúhú cúní a jácacu a ndghó.

³ Ta ni in túhún ña núu co cája nde já ná a cáhan núu ñayivi sahá chuun cája nde.

⁴ Ña cája nde queá jánaha nde nuú ñayivi ní tiempo ña cuú nde na cája chuun cuénta Ndióxi. Jáchí sahan ndeé ini nde tá ndóho ini nde. Ta tá ndímaní ñaha nuú nde ta tá vaxi

tondóhó nuú nde cõ ndíhi ini nde. ⁵ Jáchí nãcãni na ndehe ta nataán ná ndehe vecãa ta ndívaã na xoo nde. Ta a juú quiahva najãcãja chũun na ndehe ta java tañu cõ quíji nde ta java tañu vaxi joco nuú nde. ⁶ Joo jánahã nde nuú ñayivi ñã cùú nde ñayivi cuéntã Ndióxi jáchí ndúu víi nde ta cãndaã ini nde ñã ndãã ta ñin cáhnu ini nde xihín ñayivi ta cùú nde na vaha ini. Ta sahã ñã ndãcãan ínimã yíi Ndióxi ini nde ta sahã ñã quíhvi ini ndusa nde ndohó ⁷ ta sahã ñã cáhan nde ñã ndãã xihín ndeé nasahan mé á nuú nde sahã ñã cãn jánahã nde nuú ñayivi ñã cãja chũun nde cuéntã mé á. Ta sahã ñã cùú nde ñayivi ndãã nu Ndióxi sahã ñã cãn quéã quíhvi nuu nde cãni táhan nde xihín rí quini tá cúní rí cãja xíxi rí xihín nde. ⁸ Java tañu cãja cáhnu ñayivi ndehe ta java tañu cáhan íhvi na xihín nde. Java tañu cáhan vaha na sahã nde ta java tañu cáhan núu na sahã nde. Ta java tañu tá quiahva cãja na xihín na tuhún quiahva já cãja na xihín nde vatí cáhan nde ñã ndãã. ⁹ Ta java tañu cãja na tátuhun cõ xíní na ndehe vatí xíní vaha na ndehe. Ta mé á ndãã cùú nde tátuhun na sã xíhí vatí tácu yíi va nde. Cãja xíxi na xihín nde joo cõ sãhni na ndehe. ¹⁰ Ta java tañu ndúu cuéhã ini nde joo níi tiempo cãjii ini nde. Ta java tañu cãndãhvi ndivãha nde joo já cuahã ndivãha na cùú ná tátuhun na cuicã viti jáchí naçaxi tuhun nde tuhun Ndióxi nuú ná. Ta ndãã nde tátuhun na cõ ñãha nuú joo ñin ndíhi ñãha cuéntã Ndióxi nuú nde.

¹¹ Ñani mí i, na ndúu ñuu Corinto jan. Tá cáhan nde xihín ndo cõ chíjehé tuhun nde nu ndo jáchí quíhvi ini nde ndohó xihín ndínuhu ini nde. ¹² Vatí cõ quíhvi ini ndo ndehe tá quiahva quíhvi ini nde ndohó joo cõ jándacoo nde ñã quíhvi ini nde ndohó. ¹³ Sahã ñã cãn quéã xicã tahví i nu ndo tá quiahva cãja in datãã tá xicã tahví da nuú jahyi da. Ñã cúní quéã ñã ná quíhvi vaha ini ndo yehe tá quiahva quíhvi ndivãha ini i ndohó.

Cõ ndítahan quíhvi nuu nuú cuéntã Jesús xihín ñayivi cuéntã ñuyívi

¹⁴ Cuéntã coo ndó ná a ndíque táhan ndó xihín na cõ cùú cuéntã Jesús jáchí cõ in cùú na xihín ndo. Jáchí ndaja cuu ndique táhan ñã vaha xihín ñã núu. Ta ndaja cuu ndique táhan ñã yehe xihín ñã naã. Ni in ñã yóho a cùú coo já. ¹⁵ Ta ama cuéhé Jesucristo coo a xihín Satanás, mé rí quini. Ta quiahva já ama ná cuu ndique táhan in na ndíco íchi cuéntã Jesús xihín in na cõ cùú cuéntã mé á. ¹⁶ Ta ama ná cuu cachí ndó ñã in cuu nuú cãja cáhnu na Ndióxi xihín nuú cãja cáhnu na yocõ. Jáchí mí cùú yó tátuhun veñihu Ndióxi, mé á tácu indiví. Ta já naçacchi a já:

Ndacaan i ínimã na cùú cuéntã mé i ta caca nuu i xihín ná.

Yehe cacuu u Ndióxi ñã cãja cáhnu na, ta mé ná cacuu na ñayivi, na cacomí i cuéntã sahã, cáchí Ndióxi.

¹⁷ Sahã ñã cãn quéã já naçacchi Ndióxi, xitoho i já xihín ná:

Tavã ndo mé ndó tañu ñayivi quini jan.

Caxoo ndo nuú ná ta a cãja ndó ñã núu ñã cãja na já ná cuu ndiquehe vaha i ndohó.

¹⁸ Ta já yehe cacuu u tátã ndo, ta mé ndó cacuu jahyi taã i xihín jahyi jíhí i, cáchí Ndióxi, mé a cùú cãja tóco ndíhi ñãha.

7

¹ Candehé ndó ñani máni, na cùú cuéntã Jesús. Ñã yóho cùú tuhun nasahan Ndióxi nuú yo. Sahã ñã cãn quéã cõ ndítahan nuú yo cãja i in ñã núu ñã cuu jácaquini yiquí cuñu í á ínimã yo. Ñã ndítahan cãja í quéã cayíhvi yo Ndióxi ta cacu ini ndaja víi yo mí já ndiquiahva i mí ndãhã mé á.

Cãjii ini Pablo jáchí nañdicó cõ ini na ndúu ñuu Corinto

² Xicã tahví nde nuú ndo ñã ná a cãjii nuu ga ndó nuú ínimã ndo ta ná quíhvi ini ndo ndehe. Jáchí ni in ndó cõ naçaja xíxi nde xihín ta ni in ndó cõ najátivi nde ta ni in ndó cõ najãndahvi nde. ³ Cõ cáhan i ñã yóho xihín ndo sahã ñã cúní candehé ndãã i ndohó, vaha. Jáchí jandã jihna va naçacchi i xihín ndo ñã ñúhu ndó ínimã i. Ta vaha ri cãcãcã u ta vaha ri quivi i joo quíhvi ini tá quíhvi ini i ndohó. ⁴ Mé a ndãã cãndeé cáhnu ndivãha ini i ndohó ta cãjii ini i xihín ñã cãja ndó. Ta tá ndícuñun ini i sahã ndo já ndíndacú ini i ta ndícutú ndãã ini i xihín ñã cãjii ini i vatí ndóho ini i.

⁵ Jandã naní nañinu nde estado Macedonia chí a cuú canduu vaha nde jáchí ndáchí naçuu ndãca náhã tondóhó nuú nde. Jáchí ndíjáã quixi ñãha já quíhvi ndehe jandã quiahva yíhvi nde ndúu nde yóho. ⁶ Joo sãhan Ndióxi tuhun ndeé ini ñayivi ndúu cuéhã ini. Ñã cãn quéã nasahan tuhun ndeé ini nde jáchí nañinu Tito nuú ndúu nde yóho. ⁷ Ta a juú sahã ñã nañinu dá yóho cuítã va, vaha. Nañihvi tuhun ndeé ini nde jáchí naçajii ndivãha ini mé dá naçaja ndóhó. Ta nañdicani da nuú nde ñã xicã ndivãha ini ndó cuni ndó ndehe ta andã quiahva táhnda ini ndó sahã nde. Ta naçacchi dá xihín i ndã quiahva ndícani ini ndó sahã i ta xihín ñã yóho naçajii chága ví ini i.

⁸ Vatí naçacuéhã ini ndó xihín carta naçahvi i nuú ndo joo viti cõ táhnda toho ini i ñã naçhindahã i ñã nuú ndo. Vatí natahnda ini i tá nañini i ñã naçacuéhã ini ndó tíxi chá tiempo ⁹ joo cãjii ini i viti. Cõ cùú á sahã ñã naçaja cuéhã carta cãn ndohó. Cãjii ini

í jáchí tóco ndihi ña ñacaja cuéha ini ndó cán nanducú ñehe a ndohó nu Ndióxi. Mé ndó ñacaja ndeé ini ndó tá quiahva cúni Ndióxi. Sahá ña cán quéa cándaq ini nde ña cóo ñacaja núu nde xihín ndo. ¹⁰ Jáchí tá cácuéha ini tá tá cája ndeé ini tá quiahva cúni Ndióxi caja í já quéa chindeé a mí ndicó cóo ini. Ta xihín ña yóho jácaca a mí ta cóo ñaha ndítahan táhnda ini saha. Joo tá cácuéha ini ñayivi ñuyivi cóo ndicó cóo ini na sahá ña cán quéa ndihi saha ná indayá. ¹¹ Cándehé ndó ndaja ñacaja ndeé ini ndó tá ñacacuéha ini ndó tá quiahva cúni Ndióxi. Joo tá cóo ña yóho ná yaha ta a jándacoo toho ndó cuachi ñasacaja ndó, nduu. Joo viti a juú quiahva ñaxojo ini ndó saha mé cuachi ta ñayihvi ndo sahá. Ta tá ñandihí já ñaxica ini ndó cuni ndó yehe ña ná chindeé e ndohó. Ta anda já ñasahjin tiqva ndó jándoho ndó ini da ñacaja cuachi cán. Ta xihín ña yóho náha ña cóo táhan ini ndó xihín cuachi ñacaja da cán. ¹² Ña cán quéa tá ñacahyi í carta cán nu ndo cóo ñacaja í ña sahá da ñacaja cuachi cán. Ta ni cóo ñacaja í ña sahá ñayivi ñandoho ini sahá cuachi ñacaja da. Ñacahyi í ña jáchí xihín ña yóho cuu jánaha ndó nu Ndióxi ndá quiahva quihvi ini ndó ndehe. ¹³ Ta ña yóho quéa sahan tuhun ndeé ini nde.

Joo ñandindeé chága ví ini nde ta ñacajji ini nde tá ñaxini nde ña cájji ini Tito. Jáchí mé ndó ñachindeé ndó da ña ná ndivaha ini da. ¹⁴ Jáchí mí í sa ñacachi í xihín Tito ña cájji ini í xihín ña caja ndó ta cóo ñacandoo núu í nu Tito xihín ña ñacachi í xihín dá saha ndo. Joho ñacandoo vaha johó í nu dá jáchí tá quiahva cáhan nde ña ndaa xihín ndo quiahva já ñacahan ndaa nde xihín mé dá. Ta ña cáchí nde quéa cájji ini nde xihín ña caja ndó. ¹⁵ Ta casáha quihvi ini chága da ndoghó tá ndicuhun ini da ña ñacaja ndó ña cúni mé dá. Ta ñasahjin toni ñuhú ndó xihín dá ta ñandiquehe ndó da xihín ndinuhu ini ndó. ¹⁶ Ta cájji ndivaha ini í jáchí cuu candeé ini í ndoghó sahá ña caja vaha ndó.

8

Játaca na jjuhún quiahva na nuú na ndahvi

¹ Ta viti cúni nde ndicani nde nu ndóhó, ñani í ndá quiahva caja Ndióxi ñamaní xihín na cúu cuéntá Jesús ndúu estado Macedonia. ² Vatí a juú quiahva cuahá tondóhó quíxi nu ná joo cájji tá cájji ndivaha ini na. Ta vatí cúu ná ñayivi cándahvi ndivaha joo ín vaha ndivaha ini na jóco ná jjuhún tátuhun na cuicá. ³ Cáhan ndaa í nu ndo ña cájji ini na jásá na ña ín nu ná ta janda java na cóo cuahá nu ná sáhdá java na ña. ⁴ Ta xihín ndinuhu ini na ñaxica táhvi na nuú nde ña ná quiahva nde ñamaní nu

ná ñehe táhvi ná chindeé na na cúu cuéntá Jesús ndúu Jerusalén. ⁵ Chí ñayaha quiahva ñajasá na ñaha na chí cóo ñacahan nde caja na já. Jáchí jihna ñuhú ñandiquiahva na mé ná ndáha Ndióxi, xitoho í ña ná caja na ña cúni mé á. Anda já ñandiquiahva na mé ná ndáha mé nde ná chindeé na ndehe. ⁶ Sahá ña cán quéa ñaxica táhvi nde nu Tito ña ná saa tucu da nu ndó jan já ná jáxinu cóo da nuú chuun ñacasáha caja da jihna ña játaca da ña jóco maní uun ndó. ⁷ Jáchí mé ndó yójo johó ndó nu ndihí ña caja ndó. Yójo ndó xihín ña candeé ini ndó Ndióxi. Ta yójo ndó xihín tuhun cáhan ndo cuéntá Ndióxi. Ta yójo ndó xihín ña xini ndo. Ta yójo ndó xihín ña ndihí ini ndó caja ndó ña vaha xihín ñayivi. Ta quiahva já yójo ndó xihín ña quihvi ini ndó ndehe. Ta quiahva já ndítahan cayojó ndo nuú ña jásá ndo nuú na ndahvi.

⁸ Ña cáhan í xihín ndo yóho cóo cúu á in chuun sáhdá í nu ndo. Ña cúni quéa ná cándaq ini ndó ndá quiahva chindeé na cán ñayivi xihín ndinuhu ini na. Ta tá caja ndó tá quiahva caja na cán já quéa jánaha ndó ña mé a ndaa quihvi ini ndó ñayivi. ⁹ Jáchí sa cándaq vaha ini ndó ña ñatahvi ini Jesucristo, xitoho í saha yo. Ta vatí ñasacomí a tóco ndihí ñaha joo ñajándacoo a ña ta ñandaja ndahvi a mé á ña ná cuu nduu ndó tátuhun na cuicá ndivaha. Ta ñacaja mé á ña yóho jáchí quihvi ndivaha ini a ndoghó.

¹⁰ Caja í cuéntá ña vaha chága ná jáxinu cóo ndó ña ñacasáha caja ndó ava. Jáchí jihna ñuhú mé ndó ñacasáha ndó játaca ndó jjuhún jan ta ñacaja ndó ña xihín ndinuhu ini ndó. ¹¹ Cándehé ndo. Xini ñuhú jáxinu cóo ndó ña ñacasáha caja ndó jan. Ta ná caja ndó ña xihín ndinuhu ini ndó tá quiahva ñacaja ndó janda tá mé saha. Ta xini ñuhú quiahva ndó ña cuu jásá ndo ¹² jáchí ndá na cúni jásá ñaha já ndiquehe vaha Ndióxi ndá ña cuu jásá na. Sahá ña cán quéa xini ñuhú quiahva ndó ña cuu quiahva ndó jáchí cóo xica Ndióxi nu yo quiahva í ña cóo cómi yo.

¹³ A cáhan ndo ña cóo ndítahan nuú na cán caja chúun na nani caja chúun mé ndó ña ná chindeé ndó na. ¹⁴ Ña cúni Ndióxi quéa ná a ndímaní ni in ñaha nu táhan ndó. Jáchí ña ndímaní nuú na cán, ín cuahá nu ndóhó viti ña ná cuu chindeé ndó na. Joo inga tañu ña ndímaní nuú ndóhó, coo a nuú na cán ta já cuu chindeé na cán ndoghó. Ta quiahva já canduu in nuú xihín táhan ndó. ¹⁵ Já cáchí tuhun Ndióxi já: “Ni cóo ñacayojó a nuú na najátaca cuahá. Ta ni cóo ñandímaní a nuú na najátaca chá ña.”

Tito xihín na xica xihín dá

¹⁶ Ndiquiahva í ndixahvi nu Ndióxi jáchí ñacaja mé á ña ná ndihí ini Tito saha ndo tá quiahva ndihí ini mí í saha ndo. ¹⁷ Jáchí ñacandúsa da caja da ña ñasahnda í nu dá.

Ta sa ndicani ini ri mé dá saha ndo ta sahá ña cân queá cúnj da coto nihni da ndohó cuéntá mé dá viti.

¹⁸ Ta chindahá j in dataa, da cúu cuéntá Jesús saá da xihín Tito jan. Ta tóco ndihi ñayivi ndúu java ga veñuhu cáhan vaha na sahá da cân ta sahá ña cája chúun vaha da cáxi tuhun da tuhun vaha sahá Jesús nuú ñayivi. ¹⁹ Ta mé na cúu cuéntá Jesús, na táca ndijáá veñuhu yóho nandacaxi na da ña ná caca da xihín nde cañehe nde jiuhún cuhun nde ñuu Jerusalén. Ta tá cája nde ñamanj xihín ñayivi cân já queá jánaha nde ña mé a ndaa táhyi cúnj nde chindee nde na. Ta xihín ña yóho cája cáhnu nde Ndióxi. ²⁰ Jáchi co cúnj nde ña ná cahan núu ñayivi sahá ña cája nde xihín jiuhún cuaha cân, ña najátaca ndó. ²¹ Sahá ña cân queá cúnj ini nde cája nde ña vaha. Ta a juú nu Ndióxi cuiúv na ndihi ini nde cája nde ña vaha jáchi cúnj nde caja nde ña vaha nuú ñayivi viti.

²² Ta xihín mé ñani, da chindahá j nu ndó jan chindahá j inga tucu da cúu cuéntá Jesús. Mé da yóho cuahá ndivaha tañu nanaha da ña ín ini da caja da ña vaha xihín ñayivi. Ta viti xica chága ini da caja da ña jáchi cándeé ini da ña a jándacoo núu ndó da. ²³ Ta ndá na ná ndaca tuhún ndohó sahá Tito ndítahan cahan ndó xihín ná ña cúu dá da xica xihín mí j. Ta cahan ndó ña in nuú cája chúun da xihín j chindee nde ndohó. Ta tá ná ndaca tuhún na ndohó sahá java ga na cúu cuéntá Jesús cuahan xihín dá ndítahan cahan ndó ña cúu ná na natchindahá na cúu cuéntá Jesús táca veñuhu chóho. Ta cahan ndó xihín ná ña cúu ná na cája cáhnu Jesucristo. ²⁴ Ta xini ñuhú jánaha ndó nuú na cân ña mé a ndaa táhyi quihvi ini ndó na já ná candaq ini na táca veñuhu cân ña ín sahá nde cájij ini nde xihín ndo.

9

Sa natata jiuhún cuhun nuú na cúu cuéntá Jesús

¹ Co xini ñuhú cahyi chága j nu ndo sahá jiuhún ña játaca ndó chindee ndó na cúu cuéntá Jesús ñuu Jerusalén. ² Jáchi sa xini vi ña ín vaha ini ndó caja ndó ña. Ta ndivaha ini j tá cáxi tuhun j nuú na ndúu estado Macedonia ña mé ndó, na ndúu estado Acaya jan nasacu ini ndó chindee ndó ñayivi jandá ava. Ta cuahá na ndúu estado Macedonia nandindee ini na chindee na ñayivi sahá ña vaha ini mé ndó. ³ Joo chindahá j na cúu cuéntá Jesús yóho nu ndo já queá ná a cándo núu j jáchi nacahan vaha j saha ndo nuú na yóho. Ta ña cúnj queá ña ná coo tiahva ndó ndiquiahva ndó jiuhún ña najátaca ndó jan tá quiahva nacachi j xihín ná. ⁴ Jáchi tiahva náa java na ndúu estado Macedonia saá na xihín j ta cuni na ña co

ndúu tiahva ndó xihín mé jiuhún. Tá ná yaha ña yóho ta já cacahan ndivaha nuú nde caja ndó xihín ña jan sahá ña nasandee cáhnu ini j ndohó ta sa mé quiahva j cacahan ri nuú ndohó va. ⁵ Ta saha mé ña jan queá nacahan j ña xini ñuhú caça j ñamanj nuú na cúu cuéntá Jesús yóho ña ná cuhun na coto nihni jihna ñuhú na ndohó. Ta já ná chindee na ndohó nu játaca ndó jiuhún ña nasahan ndó tuhun ndó quiahva ndó jan. Já queá ná coo tiahva jiuhún cân tá ná saá j ña ná nahá ña sahan ndó jiuhún jan sahá ña ín manj ini ndó ta co sahan ndó ña xihín ña ndúsa.

⁶ Xini ñuhú ndicuhun ini ndó ña yóho: Da xútu loho, chá va jáquee da. Da xútu cuaha, cuaha jáquee da. ⁷ Tá in tá in ndó xini ñuhú quiahva ndó tá quiahva nasacu ini ndó quiahva ndó. A quiahva cajihnda joho ini ndó ñaha ta ni a quiahva ndó ña xihín ña ndúsa. Jáchi quihvi ini Ndióxi na cájij ini jasá ñaha. ⁸ Ta cuu quiahva Ndióxi cuahá ndivaha nuú ña vaha nuú ndó já queá ná a ndimanj ni in ñaha nu ndo. Jáchi joho cayojo joho a nu ndo já ná cuu chindee ndó na ndimanj ñaha nuú nani ná cacuu a nuú ña vaha. ⁹ Jáchi já cáchi tuhun Ndióxi já: Cuahá ndivaha ñaha jasá Ndióxi nuú na ndahvi,

ta já coo ña vaha cája mé á xihín ñayivi anda ama cáa quivj, cáchi tuhun Ndióxi.

¹⁰ Jáchi Ndióxi queá sahan tata nuú in dataa já ná cutu da ña. Ta mé a cân sahan ña cuxu da viti. Ta quiahva já caja Ndióxi xihín ndo. Quiahva mé á ña xini ñuhú ndo já ná cuu chindee chága ví ndó ñayivi. Ta já queá ñehe táhvi ndó canduu vaha ndó sahá ñamanj cája ndó. ¹¹ Ta já xinu ndó cacomi ndo cuahá ndivaha nuú ña cujá ta xihín ña yóho cuu chindee cuahá ndó ñayivi xihín á. Ta mé jiuhún játaca ndó jan tá ndiquiahva nde ña nuú na ñuu Jerusalén já queá ndiquiahva na cân ndixahvi nu Ndióxi sahá. ¹² Jáchi mé jiuhún játaca ndó cân tá ná ndiquiahva nde ña nuú na cúu cuéntá Jesús cân já queá chindee á na xihín ña ndimanj nu ná. Ta xihín ña yóho ndiquiahva ndivaha na cân ndixahvi nu Ndióxi. ¹³ Ta já caja cáhnu na Ndióxi jáchi xihín ña cája ndó yóho nahá ña co quehe núu ndó tuhun vaha cáhan sahá Jesucristo. Jári caja cáhnu na Ndióxi sahá ña vaha ín ini ndó xihín ná. Jáchi chindee ndó na xihín ña jasá ndó nu ná ta chindee ri ndó java ga ñayivi. ¹⁴ Ta ndiquiahva na ndixahvi nu Ndióxi saha ndo jáchi xihín ña cája ndó nahá cáxi a ña cája cuaha Ndióxi ñamanj xihín ñayivi. ¹⁵ Ndiexahvi Ndióxi jáchi najasá mé á in ña cáhnu ndivaha nu yo ta ni co ñehe yó tuhun ndá quiahva ndicani ña.

Cáhan Pablo saha mé dá

¹ Yehé cúu Pablo ta cúní caca i ñamaní nu ndo. Joo cúní cahan vií i ña nu ndo tá quiahva cahan vií Jesucristo xoho. Ndúu java na tañu ndó ta cáhí na ña tá íin i tañu ndóhó já cúu y in taq uun ini. Joo cáhí na tá íin xicá i já cúu y da co yíhvi cahan ndacú xihín ndo. ² Ta viti xica tahví i nu ndo ña ná a cája ndó ni in ñaha ña cuu jánani i ndoghó saha. Tá ná saa i coto nihni i ndoghó jan co cúní jánani i java ndó, na jácojo cuachí jatá nde, na cáhí ña cája nde tóco ndihi ñaha tá quiahva cája ñayivi ñuyiví. Jáchí mé a ndaa sácú ini i saa i quihvi táhan i xihín na jan. ³ Vatí cúu yó ñayivi ndúu ñuyiví joo co cája nde tá quiahva cája ñayivi ñuyiví. ⁴ Jáchí ña chindee ndehe co cúu á ña chindee ñayivi ñuyiví. Joo ña chindee ndehe cúu ndee Ndióxi ña sahan mé á nuú nde já ná cuu jándihi nde sahá ña cája tiñahá sacua. ⁵ Ta quiahva já jándihi nde sahá ña cája ihvi xihín Ndióxi ta xihín ndee mé á jándihi nde sahá ña cahan ñayivi, na cája cáhnu mé jáchí co xini na Ndióxi. Ta tóco ndihi ña cáhvi ini nde ndiquiahva nde ña ndaha mé á já ná cája nde tóco ndihi ña cúní Jesucristo. ⁶ Ña cán queá tá ná ñaha ña íin tiaha ndó cája ndó tóco ndihi ña ñasahnda nde nu ndó já queá cacu ini nde jánani nde ndá na nacuu, na co cúní cája ña sáhdá Jesucristo. ⁷ Mé ndó co xini ndó ndá quiahva cáa ínimá ñayivi jáchí sándehe ndó ña cáa chí jatá cuiti va. Joo tá mé a ndaa táhyí cáhan java ndó ña cómi Jesucristo cuéntá saha ndo xini ñúhú quehe ndó cuéntá ña cúu ri ndehe va na cómi Jesucristo cuéntá saha. ⁸ Co cáchan nuú i cája cáhnu loho i mí i sahá chuun ñasahan Ndióxi nuú i. Jáchí naçaja mé á ña ná cahnda i chuun nu ndo jáchí mé Jesucristo, xitoho i ñasahan chuun nuú i ña ná jácuahnu i ndoghó tá quiahva cúní mé á. Ta co cúní a ña ná jándihi i saha ndo. ⁹ Co cúní ña ná cahan ndo ña jáyihví i ndoghó xihín carta chindahá i nu ndo. ¹⁰ Ndúu java na ta cáhí na ndacú ndivaha yuhú i cahan i nu carta cáhyí i. Joo tá íin i xihín ndo co náha i ña cúu y da jáyihví ndóhó jáchí tá cásahá cahan i xihín ndo co náha i ña cúu y da ndítahan coo toní ñúhú ñayivi xihín. ¹¹ Joo na xica cahan ña yóho xini ñúhú candaa ini na ña tá quiahva ndacú yuhú i tá cahan i xihín carta tá íin xicá i quiahva já cája i tá ná xinu coo i tañu ndó jan.

¹² Mé a ndaa co sahan i ínimá i jácátahan i mí i xihín na cája cáhnu mé jan. Joo ndía cáa mé cája na jan tá jácátahan ndaja táhan mé va na ta xihín ña yóho náha ña tóntó ndivaha cája na. ¹³ Co cája cáhnu i mí i jáchí co ndítahan nuú i cája i ña. Cahan cuiti va i sahá chuun ñasahan Ndióxi nuú i cája i cuéntá mé á ta mé á queá ñachindahá yehé saa i anda nu ndúu ndó jan. ¹⁴ Co cája

cáhnu i mí i tá cahan i sahá chuun ñasahan Ndióxi nuú i cája i. Jáchí mé nde cúu nde na nu cuiti ñasahan naçahan nde tuhun va ha saha Jesucristo nu ndo. ¹⁵ Sahá ña cán queá candaa va ha ini ndó ña co cahan nde sahá chuun najáčava sahá inga na. Ta ni co yáha nde cája cáhnu nde mé nde sahá chuun cája nde yóho. Ña cúní nde queá ná candee chága ini ndó Jesucristo nani cája chúun chága nde tañu ndó tá cúní Ndióxi. ¹⁶ Ta cúní nde cahan nde tuhun va ha saha Jesús nuú ñayivi, na ndúu xicá chága nuú ñuu Corinto jan. Joo co cúní nde quihvi nuu nde nuú sa naçaja chúun inga na já ná a cája lándá nde sahá chuun naçaja inga na.

¹⁷ Ta já cáhí tuhun Ndióxi já: “Ndá na cúní cája lándá, xini ñúhú cája lándá na sahá ña náhnu naçaja Ndióxi xihín na.” ¹⁸ Jáchí co táhan ini Ndióxi xihín na ndínehe jícó mé joo ndínehe jícó Ndióxi ñayivi tá táhan ini a xihín ña cája na.

11*Cáhan Pablo sahá na co cúu apóstol*

¹ Xica tahví i nu ndo ña ná a quehe ndó cuéntá sahá ña cája i tá ná cája i tátuhun in taq tachí. Cája ndó ñamaní xihín i. ² Ndióxi queá naçaja ña ná quihvi ndivaha ini i ndoghó sahá ña cán queá co cúní ña ná jándacoo ndó íchí cuéntá mé á. Cája i tátuhun cája da cuítú jáchí naçaju ini i ndiquiahva va i ndoghó ndaha Jesucristo tátuhun cája in dataa ndiquiahva da jahyi jíhí da, ña cúu ña tacú ndinuhu nuú da cacuu yií ña. ³ A co ndícuhun ini ndó ndaja naçaja tiñahá sacua ha tá najándahvi rí ña nani Eva sanahá. Ta viti yihví i ña ná jándahvi java ñayivi ndoghó tá quiahva najándahvi rí mé ña. Jáchí viti candee ini ndó Jesús ta cája cáhnu ndó mé á xihín ndinuhu ini ndó. Joo yihví i jándacoo ndó ña jan. ⁴ Jáchí mé ndó sahan ndó ñamaní ña ná saa ndá ñayivi naçuu va vatí jánaha na ña tuhún saha Jesucristo. Co jánaha na ndoghó tá quiahva najánaha mé nde nu ndo jáchí jíin va cahan na saha ínimá yií Ndióxi ta jíin va cáhí na jácaçu Ndióxi ñayivi. Joo nandiquehe va ha ndó na. ⁵ Ta cáhan ndo ña cúu ná na apóstol, na náhnu ndivaha joo xini va ha i ña co cúu ná na va ha chága a juú ga yehé. ⁶ Vatí co tiaha i cahan vií i joo íin va ha xini túní i jánaha i tuhun Ndióxi nu ndo. Ta xini va ha ndó ña yóho jáchí cuachá tañu najánaha va ha i tuhun Ndióxi nu ndo.

⁷ Java tañu cáhán i ña coo naçaja va ha i jáchí coo naquehe e yahvi nu ndo tá naçahan i tuhun Ndióxi xihín ndo. Ta java tañu cáhán i ña coo naçaja va ha i tá najánuu i mí i já ná cuu ndindita jícó ndóhó. ⁸ Mé a ndaa cúu á tátuhun naçandaa joho i jihuún nuú java na cúu cuéntá Jesús ta naquehe e

yahvi i nuu na can na ná quixi i caja chúun i tañu mé ndo. ⁹ Ta tá naixiní ñúhú i in ñaha tá nasahíin tañu ndó jan coó najáquihvi toho i ndohó sahá ña naixiní ñúhú i. Jáchí mé na cóu cuéntá Jesús, na naquixi Macedonia nasahan na nuu i ña naixiní ñúhú i catacu u. Mí i coó naixeen toho i jáquihvi i ndohó. Ta a cajú toho i ña viti. ¹⁰ Cahan i ña ndaa xihín ndo jáchí iin Jesucristo xihín i. Ta ni in ñaha a cajú nuu toho nuu i cahan i ña yóho nuu na ndúu estado Acaya. ¹¹ Coto a cahan ndo ña co quihvi ini i ndohó sahá ña cahan i quiahva já xihín ndo. Jáchí xini vaha Ndióxi ña quihvi ndivaha ini i ndohó.

¹² Joo a jándacoo toho i caja i ña cajú i yóho já ná a quiahva i ñamaní nuu na can ndifehe jícó na mé ná. Jáchí cáchí na cajú chúun na cuéntá Ndióxi tá quiahva cajú ndehe. Joo co cóu á ña ndaa. ¹³ Mé a ndaa co cóu toho na jan apóstol cuéntá Jesucristo vatí ndája na mé ná tátuhun apóstol. Ta jándahvi na ñayivi tá cáchí na ña cóu ná na apóstol. ¹⁴ Joo co ndítahan catóntó yo sahá ña yóho jáchí jandá Satanás, mé tiñáhá saçuahá ndája ri mé ri tátuhun in táto Ndióxi, ña yehe ndivaha. ¹⁵ Ta jári na ndíco jatá ri can co yáncá toho na ndája na mé ná tátuhun ñayivi cajú ña vaha. Joo vaxi quivi ndiquehe na yahvi sahá ñaha nacaja na.

Ndóho ini Pablo sahá ña cóu dá apóstol

¹⁶ Ta ná cahan tucu u ña yóho xihín ndo: coto a cahan ndo ña cóu u da nacatachí. Joo tá cahan ndo ña cóu u da nacatachí i quiahva loho ndó ñamaní nuu i ña ná cahan i xihín ndo tátuhun in da tachí já ná cuu ndifehe jícó loho i mí i. ¹⁷ Tá cahan lándá i yóho co cóu á tñun nasahan Ndióxi nuu i. Cahan i ña tátuhun in da nacatachí cuití va. ¹⁸ Ta sahá ña ndúu cuahá na catóo ndifehe jícó mé sahá ña cajú na ñuyivi yóho sahá ña can queá ná cajú ri yehe va quiahva já. ¹⁹ Mé ndó cahan ndo cóu ndó ñayivi ndíchí ndivaha jiní joo cajú ini ndó táa johó ndó nu cahan ñayivi tachí can xihín ndo. ²⁰ Ta ni co sáhní ndo mé ndó tá cajú ndúsa na can xihín ndo cajú ndívi ndó nu ná vatí quehe na ñaha cómi ndo. Ta jándahvi na ndohó ta quehe nuu na ndohó jandá cáni na jahndá nuu ndo. ²¹ Á cahan ndo ña ndítahan cacahan nuu i sahá ña coó nasahan ndeé toho ini nde cajú nde tá quiahva cajú na jan xihín ndo.

Joo tá co sáhní na jan mé ná cajú lándá na, cajú ri yehe va já vatí cahan i ña yóho tátuhun in da tachí. ²² Ta tá cahan lándá na jan ña cóu ná na hebreo, mé a ndaa da hebreo cóu ri yehe va. Ta tá cahan lándá na jan ña cóu ná na Israel, mé a ndaa da Israel cóu ri yehe va. Ta tá cahan lándá na jan ña naquixi na chichi Abraham, mé a ndaa da naquixi chichi Abraham cóu ri yehe va. ²³ Ta tá cahan lándá na jan ña cóu ná na cajú chúun

cuéntá Jesucristo, mé a ndaa yehe cóu da cajú chúun chága cuéntá mé á. Vatí cahan i tátuhun in da tachí joo mé a ndaa cuahá chága cajú chúun yehe a juú ga na jan. Cuahá chága tañu nachicaan na yehe vecaa a juú ga na jan. Ta cuahá chága tañu nacaja xixi na xihín yehe a juú ga na jan. Ta cuahá ndivaha tañu sa yáti quivi i a juú ga na jan. ²⁴ Ta uhun tañu najácaxahan na Israel yehe xihín churú. Ta in tá in táhndá can najáxinu na churú jatá i oco sahun comí tañu. ²⁵ Ta uní tañu najácaxahan na yehe xihín vara ta in tañu nacati na naçun na yuu yehe. Ta sa uní tañu nasacoo barco, mé dó cuahan i can cahá tañuhú. Ta nasanúu i nuu tañuhú in ñuú ta in ndívi. ²⁶ Ta ndóho ndivaha ini i nu xica nuu i jáchí cuahá tañu ndúcú tani i xihín yuta. Ta jandá tañu cáchí cóu cuéntá Jesús vatí co cóu na naquixi tondóho nuu i. ²⁷ Ta cánaá i cajú chúun i jandá ndihívi ndivaha i. Ta cuahá tañu co quiji vaha i. Ta cuahá tañu naquixi joco nuu i ta naquixi ña ichi ini i ticuú i ta jandá inima uun i in i jáchí co ñehe e ña cuxu u. Ta cuahá tañu ndóho ini i sahá ña víxi xini i jáchí coó jáhma candixi i.

²⁸ Ta vatí ndóho i ña yóho xihín java ga ñaha joo ndícani tá ndícani ini i saha tóco ndihí na cóu cuéntá Jesús, na táca ndijáá veñuhu. ²⁹ Jáchí tá cuitá ini ñayivi já cóu á tátuhun cuitá ri ini yehe va xihín ná. Ta tá ndícava in na nuu cuachí cajú inga na já queá xójo ndivaha ini i xihín na najándicava ñahá can. ³⁰ Ta tá in in ñaha ña cuu cahan lándá i saha já ná cahan lándá i sahá ña náha ña coó cuahá ndeé mí i. ³¹ Ta Ndióxi, tátá Jesucristo, xitoho í, mé a ndítahan cajú cáhnu i andá ama cáa quivi xini vaha ña cahan i ña ndaa xihín ndo. ³² Jáchí in tañu nasahíin i ñuu Damasco ta ndaja coo da cóu gobernador, da nacaja chúun nu rey Aretas nasahnda da chuun ña ná chicaji na yéhe ñuu can já na cuu tiin na yehe. ³³ Joo java na cóu cuéntá Jesús najánuu na yehe ini in toyicá chí ventana mé corra yuu ndáji ñuu can já naçuu najácaçu na yehe.

12

Ña naixiní Pablo nacaja Ndióxi

¹ Ni in ñaha co ñehe e tá ndifehe jícó i mí i. Joo já ndítahan nuu i ndicani i nu ndo sahá ña naixiní i cuéntá indivi, ña najánaha Ndióxi nuu i ta sahá ña nacachi mé á xihín i coo. ² Sa in uxu comí cajú nayaha ña yóho. Najándaa Ndióxi yehe, da cándéé ini i Jesucristo nasahan i indivi uní nu in mé á. Co xini yehe á nandaa yiquí cuñu i xihín i á nacandoye a ñuyivi yóho. In tñun Ndióxi

xíni. ³Joo xíni vaha i ña yehe cúu da nasahan cán vatí cō xíni i á nandaa yiquí cuñu i á nãcandoo a ñuyívi yóho. Ndióxi cuití va xíni. ⁴Joo xíni vaha i ña nasahan i nu ndató ndivaha indiví. Ta mé cán naxini joho i tuhun. ña cō ndíñehé e ndaja ndicani i ña nu ñayivi ta ni cō sáhan Ndióxi ñamaní nuú i ndicani i ña nu ná. ⁵Cuu ndíñehé jíco i mí i sahá ña naxini i yóho joo a cãja toho i ña. Vaha chãga ná cãja lãnda i sahá ña cōo toho ndée mí i. ⁶Ta tá ná cacu ini i ndíñehé jíco i mí i já quéa a cacuu toho i da tachí jáchi ña ndaa táhyi cacuu tuhun cãhan i. Joo cō cãja toho i ña jáchi cuni ña ná chãhan ñayivi ña ndaa cuití va sahá i ta sahá ña naçaja i xihín sahá ña naçahan i.

⁷Ta sahá ña cō cuni Ndióxi ña ná cãja cáhnu i mí i sahá ña naxini i sahá ña cán quéa naquixi in ña ndóho i. Cúu á tátuhun in íñu sã cáñee nuú yiquí cuñu i xíni i, ña quixi nuú tiñahá saçuahã cãja xixi rí xihín i já ná a cãja cáhnu i mí i. ⁸Ta sã uní tañu naxiça tahví i nu Ndióxi, xitoho i ña ná tavã a ña ndóho i yóho. ⁹Joo nanducú ñehé mé á tuhun nuú i já naçachi a já: “Sã quiahva cúu mé a quihvi ini i yohó jan va jáchi ña cúu cãja i xihín ñayivi náha cáxi chãga tá cō ndée ná”, naçachi Ndióxi. Ña cán quéa cãjji ini i cúu u in da cámani ndée já quéa náha ña xihín ndée Jesucristo cãja i tóco ndihi ñaha. ¹⁰Sahá ña quihvi ini i Jesucristo, cãjji tá cãjji ini i tá cávita ini i, á tá cánahá na xihín i, á tá cámani ñaha nuú i, á tá nducú na yehe ña cãja xixi na xihín i. Jáchi tá cávita ini i já ndíndacú chãga i xihín ndée Ndióxi.

Ndicani ini Pablo sahá na cúu cuéntá Jesús ndúu ñuu Corinto

¹¹Tá quiahva cãja da tachí já cãja i joo ndóho cúu ná naçaja ndúsa xihín i cãja i ña. Jáchi mé ndó cúu ná ndítahan cãhan vaha sahá i, nduu. Joo já cōo toho chãga sahá na cáhan ndó cúu apóstol jan a juú ga yehe vatí mé a ndaa nu Ndióxi cōo saha toho i. ¹²Jáchi xihín ña náhnu naçaja i nu ndo jan ta xihín ña xituhún naxini ndó naçaja i jan najánaha i nu ndo ña mé a ndaa táhyi cúu u in apóstol. Cōo nandíhi ini i tá naçaja i ña xituhún jan nu ndo. ¹³Ta tá quiahva naçaja i xihín java ga na cúu cuéntá Jesús quiahva já naçaja ri xihín ndóho va. In tuhún ña cōo naçaja i xihín ndó quéa cōo najáquihvi toho i ndóho sahá ña xíni ñuhú i cãcã u tá quiahva naçaja i xihín java ga na cúu cuéntá Jesús. Á cáhan ndo ña vaha chãga ná cãja ndúsa i xihín ndó quiahva ndó nuú i ña xíni ñuhú i.

¹⁴Ta viti sã íin tiahva i sãa i coto nihni i ndóho ña chí uní. Ta ni viti a jáquihvi toho i ndóho jáchi cōo xica toho ini i quehe e ña cómi ndo. Ña cuni quéa ná quihvi ini ndó yehe tá quiahva quihvi ini i ndóho. Jáchi mé ndó

cúu ndó tátuhun jahyi i sahá ña najánaha i tuhun Ndióxi nu ndo. Ta ndá naçuu ná valí cōo xito na tátá na joo mé tátá na cúu na xito mé na valí. ¹⁵Ta cãjji ini i jándihi i tóco ndihi ñaha cómi i já ná chindeé e ndóho. Ta jãnda ndiquiahva i mí i já ná cacu ndaa ínimã ndo. Cãja i cuéntá tá quihvi chãga ini i ndóho já cōo cúu chãga ini ndó xihín i.

¹⁶Mé a ndaa cōo najáquihvi toho i ndóho. Joo ndúu java na tañu ndó ta cáchi na ña naçaja ndúsa i xihín ndo já najándahvi tá najándahvi i ndóho. ¹⁷Á cáhan ndó ña najándahvi i ndóho tá nachindahá i java ñayivi nu ndo jan. Á juú a já. ¹⁸Jáchi naxiça tahví i nu Tito ña ná sã da coto nihni da ndóho jan. Ta nachindahá i inga da cúu cuéntá Jesús xihín dá. Á najándahvi da ndóho, vaha. Sã xíni vaha i ña cōo najándahvi da ndóho. Ta tá quiahva cãja Tito quiahva já cãja ri yehe va jáchi in ínimã ñehé nde xihín dá.

¹⁹Á cáhan ndo ña sã naçasáhã cáhan chíjin tucu nde xihín ndo viti. Cōo cúu á já. Jáchi sãndehé cáxi Ndióxi ña cáhan nde ña yóho xihín ndo tá quiahva cuni Jesucristo. Ta cãja nde tóco ndihi ña yóho jáchi quihvi ini nde ndóho ta cuni nde ña ná cuahnú chãga ndó xihín tuhun Ndióxi. ²⁰Yíhvi i jáchi tá ná sãa i coto nihni i ndóho cōo cuni i ndíñehé e ndóho cãja ndó ña núu, ña cōo cátoó i. Ta sã mé quiahva já yihvi i ña cuni ndó yehe cãja i ña cōo cátoó ndo. Yíhvi i jáchi tiahva náa cani táhan ndó, á cahíhvi ini xihín táhan ndó, á cōjo ini xihín táhan ndó, á ndacahnda táhan ndó, á cãhan ndó ña tuhún sahá íiani táhan ndó, á candehé ndaa táhan ndó, á ndíñehé jíco ndo mé ndó, á sã jín sã jín cãja in in ndó. ²¹Ta yíhvi i ña tá ná sãa i coto nihni i ndóho jan cãja Ndióxi ña ná cacahan nuú i sahá tóco ndihi ña cãja ndó jan. Ta yíhvi i cuacu u sahá cuahá na cãja cuachi, na sã jãnda jihna naçasáhã cãja cuachi ña a ñaha jándacoo na cãja na xihín yiquí cuñu na. Ta cuacu u jáchi a ñaha jándacoo na ña ndúu na xihín na cōo cúu ñájíhi ná a yíi ná. Ta ni a ñaha jándacoo na tóco ndihi ña núu, ña xica ini yiquí cuñu na cãja.

13

Jáxi nu cōo Pablo tuhun cãhan da xihín na ñuu Corinto

¹Ta xihín ña yóho xinu uní táhnda sãa i coto nihni i ndóho. Ta xíni ñuhú ndicuhun ini ndó ña sãhnda tuhun Ndióxi chuun nu yo ta cáchi a ña tá ná cãhan ívi a uní testigo sahá cuachi naçaja in ñayivi anda jávi candaa ini ndó ía mé a ndaa íin cuachi na. ²Tá quiahva naçahan i xihín ndo tá naxito nihni i ndóho ña chí ívi quiahva já cáhan i xihín ndo viti vatí íin xica i. Ta tá quiahva naçahan i xihín na naçaja cuachi jihna jan quiahva já cáhan

ĩ xihín ndihi ndó viti. Ta tá ná casaa tucu ụ coto nihni ị ndoghó ịan já queá a táhnda ga ini ị saha ndo sahá cuachi cája ndó. ³ Ta xihín ña yóho candaq ini ndó ña mé a ndaa táhyí cahan ị ña sáhdá Jesucristo cahan ị. Cúni ña ná candaq ini ndó ña cò cahan chíjín toho Jesucristo xihín ndo. Ña cája mé á xihín ndo queá náha nụ ndo ña íin ndéé mé á cája ña cúni a. ⁴ Mé Jesucristo queá nacata caa na ndica crúxu tátuhun in da cò ndéé. Joo viti tácu mé á saha ndéé Ndióxi. Ta tá quiahva vitá nasahin yiquí cuñu a quiahva já vitá ndúu yó viti. Joo sahá ña in nanduú xihín mé á já cuu catacú xihín ndéé a. Ta xihín ña yóho cája chúun nde tañu mé ndó.

⁵ Xíni ñúhú candehé vaha ndó mé ndó á mé a ndaa táhyí candeé cahnun ini ndó Ndióxi. Xíni ñúhú coto ndojó ndó mé ndó. Ta tá mé a ndaa táhyí cúu ndó cuéntá Jesús xíni ñúhú ndicuhun ini ndó ña ndácaan Jesucristo ini ínima ndo á tá cò yúhu uun va ndó cúu ndó cuéntá Jesús. ⁶ Ta ndáti ị xinu quívi candaq ini ndó ña còó najándahvi nde ndoghó. ⁷ Xíca tahví nde nụ Ndióxi ña ná a cája ndó ni in ña núu. Ta cò cúu á sahá ña cúni nde cahan vaha ñayivi sahá nde, vaha. Ña cúni nde queá ná a jándacoo ndó caja ndó ña vaha vatí ná cahan ñayivi ña còó nacaja vaha nde xihín ña najánaha nde nụ ndo. ⁸ Cò xíni ñúhú nde jánani nde ndoghó nani cája ndó ña ndaa joo tá cája ndó ña núu já queá xíni ñúhú jánani nde ndoghó. ⁹ Ta cájii ini nde tá ndáa nde tá quiahva ndáa na vitá ini tá cúu á sahá ña ndacú ini mé ndó cuéntá Ndióxi. Ta a jándacoo toho nde cacá tahví nde nụ Ndióxi saha ndo ña ná xinu còo ndó cacuu ndó ñayivi còo cuachi nụ mé á. ¹⁰ Jihna ñúhú cáhyí ị carta yóho nụ ndo já saa ị coto nihni tucu ụ ndoghó. Jáchí tá ná saa ị ịan cò cúni cahan ihvi nahá ị xihín ndo vatí nasahan Ndióxi chuun yóho nuú ị. Ta còó nasahan mé á ña nuú ị ña ná jándihí ị saha ndo. Nasahan mé á chuun yóho nuú ị já ná cuu ndaja ndacú ụ ndoghó cuéntá mé á.

¹¹ Candehé ndo, ñani ị, na cúu cuéntá Jesús. Xihín tuhun yóho jáxínu còo ị tuhun cahan ị xihín ndo. Ná coo Ndióxi xihín ndó. Ta ná ndindacú chága ndó já ná nduu ndó ñayivi ndaa. Ta quiahva tuhun ndéé ini táhan ndó. Coo vaha ndó xihín ñani táhan ndó já queá coo Ndióxi xihín ndo. Mé a cán quíhví ini a ndoghó ta cúni a ña ná coo vaha ini ndó. ¹² Cahan Ndióxi xihín táhan ndó ta tatí yúhu táhan ndó ta yíi caja ndó ña. ¹³ Tóco ndihí na cúu cuéntá Jesús chíndahá na Ndióxi coo ndó.

¹⁴ Ná tahví ini Jesucristo, xitoho í saha ndo jáchí quíhví ini Ndióxi ndoghó. Ta ná coo tuun ínima yíi mé á xihín ndo. Ña yóho queá cúni ña ná caja Ndióxi xihín ndo. Já ná coo.

Carta nachindahá Pablo nuú nã cúu cuéntá Jesús ndúu ñundáhyi Galacia

Chindahá Pablo Ndióxi coo nã cúu cuéntá Jesús ndúu ñundáhyi Galacia

¹ Yehe cúu Pablo, ñã cáhyi carta yóho nu ndo. Naçaxi Ndióxi yehe cacuu u in apóstol ta a juú toho ñayivi naçaxi yehe. Ta ni coó nachindahá ñayivi yehe jáchi Jesucristo xihñ Ndióxi, tátá yo, mé a najánditacu Jesucristo, mé a cán queá naçaxi a yehe cacuu u in apóstol. ² Yehe xihñ tóco ndihi java ga nã cúu cuéntá Jesús ndúu xihñ i yóho, chindahá nde carta yóho nu ndóhó, nã ndúu ñundáhyi cuéntá Galacia jan. ³ Ñã cúni nde queá ná cãja Ndióxi, tátá yo xihñ Jesucristo, xitoho i cuahá ñamañi xihñ ndo ta ná cãja mé á ñã ná coo vaña ini ndó. ⁴ Xini ñúhú ndicuhun ini ndó ñã nãndiquahva Jesucristo mé á quivi a saha cuachi cãja i ta xihñ ñã yóho najãcau a mí nuú ñã núu cãja ñayivi ñuyivi. Ta nayaha ñã yóho jáchi já cúni Ndióxi, tátá yo. ⁵ Cãhnu ndivaña ná cacuu Ndióxi andã ama cáa quivi. Já ná coo.

Coo ga inga tuhun cãhan sahá Jesucristo ñã cuu jácau a mí

⁶ Mé a ndaa naçatontó ndivaña i jáchi cama chá naçasahá ndo cáxoo ndó nu Ndióxi, mé a naçana ndohó cacuu ndó cuéntá mé á sahá ñã quihvi ini Jesucristo ndohó. Ta viti naçasahá ndo xini joho ndó inga tuhun ñã cáchi ñayivi cuu jácau a ndohó. ⁷ Mé a ndaa coó toho inga tuhun ñã cuu jácau a ñayivi. In túhnu va cúu tuhun Ndióxi ta cãhan sahá Jesucristo. Joo ndúu java ñayivi ta cúni ná jájana na jini ndo ta cúni nã ndijama na tuhun vaña cãhan sahá Jesucristo, mé a jácau mí. ⁸ Joo tá vaxi in na ta jánaña nã inga tuhun ñã cáchi nã cuu jácau a ndohó ta coo cúu á tuhun vaña ñã najánaña nde nu ndó já queá ná cãhun cháhan jatã ná ta coo cãja toho a ndá ñayivi cúu ná jandã mí i á jandã in tátó Ndióxi ná quixi indivi. ⁹ Sa naçachi i ñã yóho xihñ ndó jihna ta viti ndicó coo tucu u cãhan i ñã xihñ ndo: tátánaña in ñayivi inga tuhun ñã cáchi nã cuu jácau a ndohó ta coo cúu á tuhun najánaña nde nu ndo já queá ná cãhun cháhan jatã ná.

¹⁰ Co ndúcu u candoo vaña i nuú ñayivi. Ñã cúni queá candoo vaña i nuú Ndióxi jáchi tá cúni candoo vaña i nuú ñayivi já cúni cachi a ñã coo cúu ga i ñã cãja chúun cuéntá Jesucristo xihñ ndinuho ini i.

Ndicani Pablo ndaja nãnduu da apóstol

¹¹ Candehé ndó ñani mí i, nã cúu cuéntá Jesús. Mé tuhun naçãhan i xihñ ndó coo

naquixi a jini ñayivi ñuyivi. ¹² Ta coo nãndiquehe e ñã nuú ñayivi. Ta ni in túhnu toho ñayivi coo najánaña nã ñã nuú i jáchi Jesucristo queá najánaña ñã nuú i. ¹³ Cãja i cuéntá sa nãxini joho ndó sahá ñã naçaja i jihna tá naçandico i costumbre nã Israel. Jáchi naçoxo ndivaña ini i xihñ nã cúu cuéntá Jesús mé tiempo cán. Ta naçaja xixi ndivaña i xihñ ná ta naçacu ini i jándihi i saha ná. ¹⁴ Ta mí i naçacuu u ñã naçayojó chága cãja costumbre nã Israel nuú ndihi nã ñuu i, nã naçahnu xihñ i. Jáchi naçativi i xihñ ndinuho ini i costumbre tásãhnu jicó nde. ¹⁵ Joo Ndióxi naçaxi a yehe jandã tá cámani cacu u ñuyivi yóho ta sahá ñã cúni a cãja ñamañi xihñ i sahá ñã cán queá naçana mé á yehe. Ta tá nãxini coo quivi naçacu ini mé á ¹⁶ já najánaña Ndióxi Jesucristo, jahyi a nuú i já ná cuu cãxi tuhun i tuhun vaña saha mé á nuú nã coo naquixi chichi Israel. Ta mé tiempo cán coo naçahan i cãhan i xihñ ni in ñayivi sahá ñã najánaña Ndióxi nuú i. ¹⁷ Ta ni coo naçahan i ñuu Jerusalén cãhan i xihñ nã cúu apóstol nu cuítã a juú ga yehe. Ñã naçaja i queá ivi laá naçuee naçahan i ñundáhyi cuéntá Arabia. Ta tá nãndihi nãndicó coo i chí ñuu Damasco.

¹⁸ Ta tá sa nayaha unã cuia já naçahan i ñuu Jerusalén ndicuni táhan i xihñ Pedro ta naçahiin i sahan quivi xihñ dá. ¹⁹ Ta cán nãxini ri ñã cúu Jacobo, ñani Jesucristo joo coo nãxini toho i nã java ga cúu apóstol cán. ²⁰ Sãndehé cáxi Ndióxi ñã coo jándahvi toho i ndohó. Ñã ndaa queá cáhyi i nuú ndó yóho.

²¹ Tá nãndihi já naçuee e cuahan i chí ñundáhyi cuéntá Siria xihñ Cilicia. ²² Joo mé tiempo cán nã cúu cuéntá Jesús ndúu estado Judea a ñãha cuni na yehe, nduu. ²³ Joo nãxini joho na ñã cãhan java ñayivi sahá i: “Da naçaja xixi xihñ yo jihna, ñã cán cúu ñã xica nuu cãhan tuhun Ndióxi xihñ ñayivi viti. Da naçuni jándihi sahá tuhun Ndióxi jihna, ñã cán cúu ñã jánaña ñayivi cándee ini na mé á”, cáchi nã. ²⁴ Ta viti cãja cãhnu na Ndióxi sahá ñã nãndijama mé á yehe.

2

Nã apóstol ndiquehe vaña na Pablo.

¹ Tá sa nayaha uxu comi cuia já naçahan tucu u ñuu Jerusalén. Naçahan Bernabé xihñ i ta naçahehe ri i Tito naçahan ñã xihñ nde. ² Ta naçahan i jáchi nañaña Ndióxi nuú i ñã nditãhan cãhun i. Ta tá naçata jijn ndihi nã náhnu, nã cómi cuéntá sahá nã cúu cuéntá Jesús ñuu Jerusalén cán, já naçasahá i ndicani i nuú ná ndaja cáa tuhun vaña saha Jesús ñã jánaña i nuú nã coo naquixi chichi Israel. Naçaja i ñã yóho jáchi coo naçuni ñã ná cachi nã náhnu cán ñã coo saha toho ñã jánaña i. ³ Ta nãndiquehe vaña na ndehé ta ni coo naçaja ndúsa nã xihñ Tito, ñã

¹ Á jána va jini ndó, na nduu ñundáhyi Galacia. Yo já najándahvi ndohó ña ná jándacoo ndó ña ndaa. Jáchi tá naçahan nde tuhun Ndióxi xihin ndo já nandicaní cáxi nde nu ndo ndá quiahva na xihí Jesucristo sahá cuachi. ² Cuni joho ndó ná ndaçá tuhún j ndohó: Á nandihvi ínimá yíi Ndióxi ini ínimá ndo sahá ña naçaja ndó ña sáhná ley Moisés. Co cúu toho a já. Naçacua a sahá ña naçandúsa ndó tuhun vaha sahá Jesucristo ña naçahan nde xihin ndo. ³ Mé a ndaa táhyi cúu ndó ná najana jini. Jáchi tá naçasahá ndó xica ndó íchi cuéntá Jesús já naçandaca ínimá yíi Ndióxi ndohó. Ta viti cúni ndó ndicó coo ndó caja ndó ña sáhná ley Moisés jáchi cáhán ndo ña cuu xinú coo ndó cacuu ndó ñayivi ndaa nu Ndióxi sahá ña cája ndó. Joo a cuú toho a. ⁴ Xini ñúhú ndicuhun ini ndo ndá quiahva nandoho nahá ini ndó sahá tuhun Ndióxi. Á mé a uun va naçacuu ña nandoho ndó jan. Cája i cuéntá uhun. ⁵ Jáchi sáhan Ndióxi ínimá yíi mé a nu ndó ta cuahá ndivaha ña náhnu cája mé a tañu ndó ta co cúu á sahá ña cája ndó ña sáhná ley Moisés. Cúu á sahá ña cándée ini ndó mé á.

⁶ Cáchi tuhun Ndióxi ña nandu Abraham ta ndaa nu mé á sahá ña naçandee ini da Ndióxi. ⁷ Sahá ña cán queá ndítahan candaq ini ndó ña ndá na cándée ini Ndióxi, mé na cán cúu ndusa na tátuhun na naquixi chíchi Abraham. ⁸ Jáchi sa jandá jihna naçachi tuhun Ndióxi ña vaxi quívi casahá Ndióxi jácaçu a ñayivi, na coo naquixi chíchi Israel tá ná cándée ini na mé á. Ña cán queá naçahan Ndióxi tuhun vaha yoho xihin Abraham já naçachi a já: “Saha mún tandaa tiempo caja cuahá i ñamaní xihin ñayivi canduu ndijáá ñuyivi”, cáchi a. ⁹ Sahá ña cán queá tá quiahva naçaja Ndióxi cuahá ñamaní xihin Abraham quiahva ja cája ri a xihin tóco ndihi ñayivi tá cándée ini na mé á tá quiahva naçaja Abraham.

¹⁰ Joo ndá ñayivi ndúcú nduu ndaa nu Ndióxi sahá ña cája na ña cáchi ley Moisés já queá cuahan cháhan jata ná. Jáchi cáchi tuhun Ndióxi já: “Cháhan va cuahan jata tóco ndihi na co xinú coo cája tóco ndihi cuí ña cáchi ley ña naçahyi Moisés.” ¹¹ Ta cáxi táhyi cáhan ña yoho xihin yo ña a cuú nduu ndaa ñayivi nu Ndióxi sahá ña sácú vaha na ley Moisés. Já cáchi tuhun Ndióxi já: “Ndá ná cúu ñayivi ndaa nu Ndióxi caticu na sahá ña cándée ini na mé á”, cáchi a. ¹² Joo jín va cáchi ley Moisés jáchi cáchi a ña tá cúni na nduu ndaa na nu Ndióxi saha ley Moisés xini ñúhú caja na tóco ndihi cuí ña cáchi mé ley. Ta co cahan mé ley sahá ña cándée ini na Ndióxi.

¹³ Joo najácaçu Jesucristo mí já ná a xinú coo cháhan jata yo caja ley. Jáchi naquixi cháhan jata mé á saha mí tá na xihí a ndica

crúxu. Jáchi cáchi tuhun Ndióxi: “Cháhan cuahan jata ndihi na xihí ndica crúxu.” ¹⁴ Ta sahá ña naçaja Jesucristo tá na xihí a ndica crúxu sahá ña cán queá tóco ndihi vatí cúu yo ná Israel á na co cúu ná Israel, ñeñe táhyi yo ñamaní Ndióxi tá cándée ini mé á. Jáchi já naçahan Ndióxi tuhun a nu Abraham jihna. Ta viti quiahva mé á ínimá yíi a nu yo tá cándée ini mé á jáchi já naçahan Ndióxi tuhun a nu yo.

Ña cáchi ley Moisés xihin ña cáchi tuhun naçahan Ndióxi nuú Abraham

¹⁵ Nani mí i, na cúu cuéntá Jesús, cándehé ndo ná cahan i xihin ndo ndá quiahva cája ñayivi tá sáhan na tuhun na nuú inga ñayivi. Tá cávaha na in tutu ta tá nandihí naçahyi na quívi ná nu á já queá ni in túhún toho ñayivi a cuú ndijama na ña sa naçahyi cán ta a cuú chicao chága na tuhun nuú mé tutu. ¹⁶ Cándehé ndo. Naçahan Ndióxi tuhun a nuú Abraham ta nuú in da quixi chíchi da. Joo coo naçahan Ndióxi sahá cuahá ñayivi quixi chíchi da. Naçahan Ndióxi sahá in talaá jahyi da ta mé á cán cúu á Jesucristo.

¹⁷ Ña cúni cachi i queá: Naçahan Ndióxi tuhun a nuú Abraham ta naçacuu a tátuhun naçahyi Ndióxi quívi á nuú in tutu. Sahá ña cán queá a cuú jándihí ley Moisés sahá tuhun naçahan Ndióxi nuú Abraham. Jáchi jihna ñúhú naçahan Ndióxi tuhun a nuú Abraham ta tá sa nayaha comí ciento oco uxu cuá já naçahan Ndióxi ley nuú Moisés. Ta mé ley yoho a cuú toho ndijama tuhun naçahan Ndióxi nuú Abraham. Ta mé ley a cuú ndaja núu a tuhun naçahan Ndióxi nu dá jihna. ¹⁸ Joo ña sáhan Ndióxi nuú ñayivi co quixi a sahá ña sácú vaha na ley Moisés. Jáchi tá ná quixi a quiahva já co cúu ga sahá ña naçahan Ndióxi tuhun a ña caja mé á ña. Ña nayaha queá naçacúni Ndióxi caja ñamaní uun xihin Abraham ta coo naçacuu a sahá ña naçacu vaha da ley Moisés.

¹⁹ Ta viti, á ndaca tuhún ndó ndá saha naçahan Ndióxi ley nuú Moisés. Naçahan Ndióxi ña jáchi cúni a ña ná candaq ini ñayivi ndá quiahva saá ini na caja na ña cúni Ndióxi. Ta naçacu ini a candoo ley jandá quiahva ná xinú coo mé a quixi chíchi Abraham cán. Jáchi mé a cán queá naçahan Ndióxi tuhun a quixi. Ta táto Ndióxi queá naçahan ley yoho xihin Moisés ta najáyaha da ña nuú ñayivi. ²⁰ Joo tá naçahan Ndióxi tuhun a nuú Abraham coo naçacúni ñúhú toho a ñayivi jáyaha na ña. Ta coo naçaja chúun a táto mé á jáchi in túhún Ndióxi naçaja mé á ña.

Ña cúni ley caja í

²¹ Jihna ñúhú naçahan Ndióxi tuhun a nuú Abraham andá jávi naçahan ley nuú Moisés. Á cúni cachi ña yoho ña co ndique táhan

ley Moisés xihín tũhun ñasahan Ndióxi nuú Abraham. Co cúu á já. Jáchi tá ná cuu jácau ley Moisés ñayivi já queá cuu nduu ndaa na nu Ndióxi sahá ña sácú vaha na ña sáhdá mé ley. Joo co cúu á já. ²² Jáchi cáchi tũhun Ndióxi ña mé cuachi cándihi a tóco ndihi ñayivi. Joo tá ná candee ini Jesucristo já cuu ndiquehé ña ñasahan Ndióxi tũhun a quiahva nu tóco ndihi ñayivi sahá ña candee ini na mé á.

²³ Tá cámanj quixi Jesucristo já ñasacomí ley cuéntá saha yo ta ñasandaca mi janda quiahva ñaxinu quivi ñanaha Ndióxi nu yo ña ndítahan candee ini Jesucristo. ²⁴ Ñasandaca ley mí tá quiahva cajú in dataa xihín jahyi válí da anda quiahva ña quixi Jesucristo, mé á ñacaja ña ná canduu ndaa yo nu Ndióxi sahá ña cándee ini mé á. ²⁵ Ta viti co cómi ga ley cuéntá saha yo jáchi cómi Jesucristo cuéntá saha yo tá cándusa i mé á.

²⁶ Ta in ñanduu ndó xihín Jesucristo sahá ña candee ini ndó mé á ta já ñanduu ndó jahyi Ndióxi. ²⁷ Ta tá ñacandúta ndo já in ñanduu ndó xihín Jesucristo ta ñanduu ndó tá quiahva in mé á. ²⁸ Ta co cajú toho a tá cúu ndó ña ña quixi chichi Israel, á co cúu toho ndó ña. Ta co cajú toho a á cúu ndó ña ñaxeen ñayivi cajú chũun nu ná, á co cúu toho ndó ña. Ta co cajú toho a á cúu ndó ña á ñaha. Jáchi tá ñacandúsa ndó Jesucristo já in ñanduu tóco ndihi ndó jáchi in ñanduu ndó xihín mé á. ²⁹ Ta sahá ña cómi Jesucristo cuéntá saha ndo sahá ña cáncu queá cúu ndó tũhun ña ña quixi chichi Abraham. Ta sahá ña cáncu queá ñehe táhvi ndó ña ñacachi Ndióxi quiahva nuú da cáncu tá ñasahan tũhun a nuú Abraham sanhá.

4

¹ Ña cúni cáchi i cúu ña yóho: Cúu á tũhun tá sahan in dataa tóco ndihi ña cómi da nuú jahyi da. Joo nani cúu dá tao loho já a cuú cacomí da cuéntá sahá ña ñandiquehe da ndáha tátá da. Cúu dá tũhun mozo vatí tandaa quivi cacomí da cuéntá saha tóco ndihi ñaha tátá da. ² Jáchi ndúu java ñayivi, ña cómi tóo cuéntá saha mé dá ta saha tóco ndihi ña ñajándacoo tátá da nu dá janda quiahva ná xinu coo quivi ñasacu ini tátá da. ³ Quiahva já yáha ri xihín mé ví. Jáchi jihna ñasacuú tũhun ñavalí. Ñasacomí ley ña Israel cuéntá saha yo tũhun cajú xitoho xihín mozo da. ⁴ Joo tá ñaxinu coo quivi ñasacu ini Ndióxi já ñachindahá mé á Jesucristo, jahyi a. Ta in ñañaha ñuyivi yóho ñasacuú ña ñajácau ñahá. Ta ñacaja mé á ña sáhdá ley Moisés. ⁵ Ta ñaxihí a ndica crúxu já ná cuu chahvi a saha cuachi ña ná janí yo nu ley ña ñasacomí cuéntá saha yo. Ta xihín ña yóho ñacuu ñanduu jahyi Ndióxi.

⁶ Ta sahá ña ñanduu jahyi mé á sahá ña cáncu queá ñachindahá Ndióxi inima jahyi a

ñá ná ndicaan mé á ini inima yo já queá ná cuu cahan yo xihín Ndióxi já cachi yo já: “Tátá maní i.” ⁷ Ta viti co cúu ga yo tũhun mozo jáchi co cómi ga ley cuéntá saha yo ta ñanduu jahyi Ndióxi viti. Ta viti cuu ñehe táhvi yo quehé ña ñasacu ini mé á quiahva nuú ña cúu cuéntá mé á sahá ña ñacaja Jesucristo.

Ndicani ini Pablo sahá na cúu cuéntá Jesús ñundáhyi Galacia

⁸ Jihna ga tá coo ñacandaa ini ndó saha Ndióxi já ñacaja cáhnu ndó java ga ndiόxi ña co cúu toho ndiόxi joo ñasacomí á cuéntá saha ndo. ⁹ Ta viti sa xini ndó Ndiόxi joo vaha chága ná cachi i ña sa xini Ndiόxi ndohó. Ta ndivaha cúni ndó ndicó coo tucu ndó cajú ndó tá quiahva ñacaja ndó jihna. Jáchi co ndiyahvi toho ña ñacaja ndó cáncu tá ni a cuú chindee a ndohó. ¹⁰ Joo cajú tucu ndó víco ta xihín ña yóho cajú cáhnu ndó java quivi xihín yo xihín cuja. ¹¹ Ndicani ndivaha ini i saha ña cajú ndó jan. Jáchi viti co cándaa ini i á mé á un va ñasacu chuun ñacaja i tañu ndó jan.

¹² Candehé ndó, ñani mí i, ña cúu cuéntá Jesús. Xíca táhvi i nu ndo ña ná cajú ndó tá quiahva cajú i viti. Jáchi ñajándacoo i cajú i ña sáhdá ley tá ñandihvi i íchi cuéntá Jesús. Vaha ndivaha ñacaja ndó xihín i tá ñasahin i xihín ndó jan. ¹³ Ta cajú i cuéntá ndicũhuni ini ndó ña quihvi ndivaha i tá nu cuítí ñasahan i caxi tũhun i tũhun vaha sahá Jesús tañu ndó jan. ¹⁴ Ta sahá cuhehe ñandoho i ñacuu candají ndó yehe, nduu. Joo coo ñacaja ndó ña. Ña ñacaja ndó queá ñandiquehe vaha ndó yehe ta ñacaja ndó xihín i tá quiahva ná cajú ndó xihín in tátó Ndiόxi á xihín Jesucristo. ¹⁵ Ta ñacajii ndivaha ini ndó mé tiempo cáncu. Jáchi xini vaha i ña ñasahin tiaha ndó tavá ndó nduchú núu ndo quiahva ndó ña nuú i, nduu tá ná cuu cajú ña ná ndivaha i. ¹⁶ Joo viti ñanduu yo tũhun in da ihvi ndo sahá ña cahan i ña ndaa sahá Jesucristo xihín ndo.

¹⁷ Ndúu java ñayivi tañu ndó jan ta co jánaha ña ña ndaa nu ndo. Cajú cuaha ná ñamaní xihín ndo joo á juú ña vaha queá cúni ña xihín ndo. Ña cúni ña queá ná jácaxoo táhan i ta ná ndihí ini ndó saha ña jánaha mé ná. ¹⁸ Co cúni cachi i ña á vaha toho ndihí ini sahá ñayivi. Vaha va ná cajú i ña níu tiempo ta xihín ndinuhu ini. Joo ñayivi jan ndihí ini na saha ndó tá in yehe tañu ndó cuítí va. ¹⁹ Candehé ndó, jahyi a. Ñacasáhá ndihihvi tucu ini i saha ndo. Tá quiahva ndihihvi in ñañaha tá sáhdá a tíxi ña cácu jahyi ña quiahva já ndihihvi ini i saha ndo. Ta ndoho tá ndoho chága ini i saha ndo janda quiahva ná cajú ndó ña cúni Jesucristo. ²⁰ Viti ñuhú cúu ini i coo i jan já ná cuu cahan vaha chága

i xihin ndo jáchi janda nu in i yóho ndicani ndivaha ini i saha ndo.

Nã nacaja Agar xihín nã nacaja Sara sanahá

²¹ Candehe ndo. Mé ndo, nã cuni ndiquiahva tucu ndaha ley Moisés, xini ñúhú candehe vaha ndo ña cáchi mé ley cán. ²² Cáchi a ña nacacu ivi jahyi ña Abraham. In jahyi da nacacu xihín Agar, ña cúu mozo ñájihí da ta inga jahyi da nacacu xihín Sara, ña cúu ñájihí vaha da. ²³ Tá nacacu jahyi ña Abraham xihín Agar cán, nacacu a tá quiahva cácu tóco ndihi ñayivi. Joo jahyi ña da, da nacacu xihín ñájihí vaha da, ña naní Sara cán nacacu a jáchi nasahan Ndióxi tühun a nu dá ña ná cacu a. ²⁴ Candehe ndo ña náha ña yóho nu yó. Ndívi ñájihí yóho cúu ná tátuhun ivi tühun nasahan Ndióxi nu yó. In táhan tühun yóho cúu á ley nasahan Ndióxi nuú Moisés jini yúcu naní Sinai cán. Ta Agar cúu yuhú nuú ley yóho. Ta jahyi ña cán tá nacacu a nanduú a mozo. Ta ña ndíco ley cúu ná tátuhun jahyi Agar jáchi cómi ley cuéntá saha ná. ²⁵ Ta Agar cúu ná yuhú nuú ley ña nasahan Ndióxi nuú Moisés yúcu naní Sinai, ña ndácaan chí ñundáhyi Arabia cán. Ta jári mé ña cúu ña yuhú nuú Jerusalén, ña cúu jini nu tóco ndihi na cája ña sáhdá ley Moisés. Ta mé ña xihín na ndúu cán cúu ná tátuhun mozo jáchi cómi ley cuéntá saha ná. ²⁶ Joo in inga ñuu Jerusalén, ña in indivi cán. Ta ñayivi ndúu cán co cúu toho na mozo jáchi cúu ná tátuhun jahyi Sara, ñájihí vaha Abraham. Ta mí cúu yó tátuhun na ndúu ñuu cán jáchi candeé ini Jesucristo. ²⁷ Já cáchi tühun Ndióxi já:

Xini ñúhú caji ini ndo ñájihí, na a cuú cacu jahyi.

Cayuhú ndo xihín ña caji ini ndo,

vati a náha cahnda tixi ndo cacu jahyi ndo.

Jáchi ñájihí, na najándacoo too yí canduu chága jahyi na a juú ga ñájihí ndúu yí, cáchi tühun Ndióxi.

²⁸ Candehe ndo, ñani i, na cúu cuéntá Jesús. Cúu yó tátuhun Isaac, jahyi Sara cán sahá ña candeé ini Jesús jáchi cúu yó jahyi nasahan Ndióxi tühun a quiahva nuú Abraham. ²⁹ Joo tá quiahva nacaja da cúu jahyi Agar sanahá tá nacasáhá da cája xixi da xihín da cúu jahyi Sara quiahva já in a viti jáchi na sácú vaha ley Moisés cajo xixi na xihín na candeé ini Jesucristo. ³⁰ Joo cuni joho ndo ña cáchi tühun Ndióxi tá nacahan Ndióxi xihín Abraham: “Tavá ña cúu mozo jan ná quee ña cühun ña xihín jahyi ña. Jáchi da cúu jahyi mozo jan a cúu ñehe táhvi dá ndiquehe da ña quiahva i nuú da cúu jahyi ñájihí vahún jan”, nacachi Ndióxi sanahá. ³¹ Candehe ndo, ñani i, na cúu cuéntá Jesús. Co cúu yó tátuhun jahyi ña cúu mozo jan jáchi co cómi ga ley cuéntá saha yó. Viti cúu

yó tátuhun jahyi Sara, ña cúu ñájihí vaha Abraham cán jáchi co ndúu ga yó ndaha ley Moisés sahá ña candeé ini Jesucristo.

5

Sa najani yo ndaha ley Moisés nacaja Jesucristo

¹ Co ndúu ga yó ndaha ley Moisés sahá ña nacaja Jesucristo. Ta viti candeé ini ndo mé á sahá ña cán queá xini ñúhú canduu ndacu ndo ta co ndítahan nu ndo ndicó coo ndo caja ndo ña sáhdá mé ley cán.

² Cuni joho ndo ña cáhan i xihín ndo. Tá ná candeé ini ndo ña cuu nduu ndaa ndo nu Ndióxi sahá ña chícaan na marca yiquí cuñu ndo já queá cuni cachi a ña quehe nuu ndo ña nacaja Jesucristo tá naxihí a ndica crúxu saha ndo. ³ Candehe ndo ná cáhan tucu u xihín ndo. Tá cuni ndo canduu ndaa ndo nu Ndióxi sahá ña chícaan ndo marca yiquí cuñu ndo já queá ndítahan nu ndo caja ndo tóco ndihi cuí ña sáhdá ley Moisés. ⁴ Mé ndo cúu ndo na cuni canduu ndaa nu Ndióxi sahá ña sácú vaha ndo ley Moisés. Ta viti nacaxoo ndo nu Jesucristo ta nacaxoo ndo nuú ñamaní cuni Ndióxi caja xihín ndo. ⁵ Joo mé nde xini vaha nde ndúu ndaa nde nu Ndióxi sahá ña candeé ini nde Jesucristo. Ta ndati tiqha nde jáchi chindeé inima yí Ndióxi ndehe. ⁶ Jáchi tá in nanduú xihín Jesucristo já queá coo caja toho a á naquihvi marca yiquí cuñu i á coo a. Ña ndiyahvi ndusa queá ña candeé ini Jesucristo jáchi xihín ña yóho cuu quihvi ini ñani táhan i.

⁷ Sa vaha ndivaha va cuahan ndo xihín ña candeé ini ndo Jesús. Yo já nandijama jini ndo ña ná a cándusa ga ndo ña ndaa. ⁸ A juú toho Ndióxi nandijama jini ndo jáchi mé a cán queá nacana ndqó ña ná cacuu ndo cuéntá mé á. ⁹ Xini ñúhú ndicühun ini ndo in tühun ta já cáchi a “Vati loho yusá naxaa ná cava táhan i xihín yusá cuaha cán játiyi ñahá a.” Quiahva já cája na cuni ndijama jini ndo jan. ¹⁰ Joo candeé ini i Jesucristo, xitoho i sahá ña cán queá xini vaha i ña a cándusa ndo na jan ta ndicó coo ndo cahvi ini ndo tá quiahva cáhvi ini yehe. Ta jándoho Ndióxi ini na xica jájaca xini tüní ndo jan ta coo caja toho a ndá na cúu ná.

¹¹ Joo yehe jánaha i nuú na cúu cuéntá Jesús ña co ndítahan ga chícaan na marca yiquí cuñu na ta sahá ña cán queá ndicuita na Israel xihín i. Tá ná jánaha i nuú ñayivi ña ndítahan chícaan na marca yiquí cuñu na já queá a ndicuita ga na cán xihín i. Joo mé a ndaa cándají na cán yehe jáchi jánaha i nuú ñayivi ña cuu cacu ndaa inima ná sahá ña candeé ini na Jesucristo cuití va, mé a naxihí ndica crúxu saha yó. ¹² Sahá ña cuni na cán caja ndúsa na xihín ndo chícaan ndo marca yiquí cuñu ndo sahá ña cán queá cája i cuéntá

vaha chága ná chitúhyn ndihi mé ná yiquí cuñu na ta ná jándacoo táji ná ndohó.

¹³ Candehé ndó, ñani í. Co ndúu ga ndó ndáha ley Moisés ñacaja Jesucristo. Joo co cúní cachi ña yóho ña najani ndó já ná cuu caja ndó ndá ña núu ña xíca ini yiquí cuñu ndó caja. Jáchi ñacana Ndióxi ndohó ña ná quihvi ini táhan ndó ta ná chindeé táhan ndó. ¹⁴ Joo tóco ndihi ña cúu ley Moisés in cáchí ndihi a tá cáchí a já: “Quihvi inún ñani táhún tá quiahva quihvi inún mún.” ¹⁵ Joo cuéntá coo ndó jáchi tá cásáhá ndó cája xíxi xihín táhan ndó ta cája quini xihín táhan ndó já queá xinu quiví jándihi saha táhan ndó.

Ña cúní inima yii Ndióxi caja í xihín ña cúní yiquí cuñu í caja í

¹⁶ Candehé ndó, ñani í. Nditahan caja ndó ña cúní inima yii Ndióxi ta co ndítahan caja ndó ña xíca ini yiquí cuñu ndó caja. ¹⁷ Jáchi tóco ndihi ña núu ña cúní yiquí cuñu yó caja í cáni táhan xihín ña vaha ña cúní inima yii Ndióxi caja í. Ta a cuú cuni táhan inima yii Ndióxi xihín ña núu jáchi co ndique táhan vaha ña núu xihín ña vaha sahá ña cán queá a cuú caja í ndá ña ñacuu cúní yó caja í. ¹⁸ Ta tá ná ndiquiahva ndó mé ndó ña ná candaca inima yii Ndióxi ndohó já queá a cácomí ga ley Moisés cuéntá saha ndó.

¹⁹ Ta co yáncá toho ndicómí ndá ná cuú na cája ña núu ña cúní mé ná caja na. Jáchi ña cája na cuú ña yóho: ndúu na xihín na co cuú ñajíhí ná á yíí ná ta cája na tá nuú ña núu xihín yiquí cuñu na. Ta ndicájí ini na cuju na xihín ñáha á taja. ²⁰ Cája cáhnu na yoco xihín tiniñu yúu ta cája na ña táji. Ta cándají táhan na. Ta cáni táhan na ta ndácaan ña cuiñú jini na. Ta cama chá jága xihín táhan na. Ta cáhvi ini na saha mé cuití va na. Ta cátoó na jácani táhan na ñayivi já ná canduu jini na. Ta xihín ña yóho sáhdá táhan na ñayivi. ²¹ Cúu ná ñayivi ihvi ini ta cúu ná na sáhní ndji ta cúu ná na xíhi. Ta a juú quiahva ndehé na ta cuahá ndivaha java ga táhan ña yóho cája na. Joo mé ndó cuni johó ndó ná cahan tucu u ña sa ñacachi í jihna xihín ndó: Ndá ná cája já a ñehé táhvi toho na cacomí Ndióxi cuéntá saha ná.

²² Joo tá ndícaan inima yii Ndióxi ini já queá cája mé á ña ná quihvi ini táhan í ta cája ña ná cajii ini ta cája ña ná coo vaha ini ta cája ña ná a cójo cama ini ta cája ña ná chindeé yó ñayivi ta cája ña ná cacuu ñayivi vaha ini ta cája inima yii Ndióxi yóho ña ná cacuu ñayivi, na co cáhvi ivi johó ini. ²³ Ta cája ña ná cacuu ñayivi, na co ndíhehe jíco mé, na cúu sáhnú mé. Ta ni in túhún toho ley a cuú chícaan cuachi jata ñayivi tá sácú vaha na tóco ndihi ña cáchí tuhun yóho. ²⁴ Tóco ndihi na cómí Jesucristo cuéntá saha, sa najándacoo na ña núu ñasacahvi ini na caja na xihín yiquí cuñu na. Ta cúu ná tátuhun na sa ñaxihí

nuú cuachi ñacaja í jihna sahá ña ndácaan inima yii Ndióxi ini. Ta xíní ñúhú quiahva í ñamaní nu mé á ña ná candaca a mí nuú ndihi ña caja í.

²⁶ Ta co ndítahan ndíhehe jíco yo mí ta ni co ndítahan jácani táhan í ñayivi ta ni co ndítahan cahihvi ini xihín táhan í.

6

Nditahan nuú na cúu cuéntá Jesús chindeé táhan na

¹ Candehé ndó, ñani í. Tá ñaxini ndó nandicava in ña cúu cuéntá Jesús nuú cuachi já queá ndítahan nuú ndohó, na ñachutú ndaa inima xihín inima yii Ndióxi, chindeé ndó na já ná ndicaca vaha na íchí cuéntá Jesús. Joo víí víí cahan ndó xihín ná jáchi ndítahan cahvi ini ndó ña vaxi quiví tá cuu ndicava ri ndohó va nuú cuachi. ² Xíní ñúhú chindeé táhan ndó tá ndóho ini ndó. Ta xihín ña yóho jáxinu coo ndó ña sáhdá Jesucristo nuú ndó caja ndó.

³ Tá ndúu java na tañu ndó ta cáhán na cúu ná na náhnu ndivaha vatí co cúu á ña ndaa já queá jándahvi na mé va na. ⁴ Tá in tá in ndó ndítahan candehé ndó ndá quiahva cája ndó já ná cuu cajii ini ndó tá cája vaha ndó. Ta co ndítahan ndíhehe jíco ndó mé ndó sahá ña cáhán ndó ña vaha chága cája mé ndó a juú ga inga ga na. ⁵ Jáchi tá in tá in ndó ndítahan nuú ndó candehé ndó ña cája ndó, á cúu á ña vaha á cúu á ña núu.

⁶ Tóco ndihi ndó, na jácuaha tuhun Ndióxi ndítahan nuú ndó chindeé ndó na jánaha ndohó xihín ña cómí ndó.

⁷ Jándahvi ndó mé ndó tá cáhán ndó ña cuu jándahvi ndó Ndióxi jáchi a cuú jándahvi ñayivi Ndióxi. Sa xíní ndó tá xútu ndó in tata nuú ñúhú já queá vaxi quiví tá jáquee ndó mé ñaha ñaxutu ndó. ⁸ Tá cája ñayivi ña núu ña cúní mé cuití na já queá vaxi quiví cuhun na índayá sahá ña núu ñacaja na. Joo tá cája na ña vaha ña cajii ini inima yii Ndióxi xihín já queá ñehé táhvi na cuhun na coo na xihín Ndióxi anda ama cá quiví, caja inima yii Ndióxi. ⁹ Sahá ña cán queá a cánaa yó cája í ña vaha jáchi tá ná a jándacoo í cája í ña cúní Ndióxi já queá vaxi quiví quiahva Ndióxi nuú yo ña ndítahan ndíquehe sahá ña táhan ini mé á xihín ña ñacaja í. ¹⁰ Sahá ña cán queá tá núná nuú yó caja vaha í xihín tóco ndihi ñayivi cóho caja í ña. Ta cachí ga ví tá cúu ná na cándéé ini Jesús.

Nndídayí Pablo na cúu cuéntá Jesús

¹¹ Candehé ndó ndaja náhnu letra cáhyi í nuú ndó xihín ndáha mí í viti. ¹² Cúní ña ná candaa ini ndó sahá java ga ñayivi, na cúní caja ndúsa xihín ndó ña ná chícaan ndó marca yiquí cuñu ndó. Cája na ña yóho jáchi cúní na candoo vaha na nuú na Israel. Ta

yíhvi nã ndicũta ñayivi xihĩn ná sahá ñã cándúsa na Jesucristo, mé a naxihĩ ndĩca crúxu sahá cuachĩ. ¹³ Joo mé nã chĩcaan marca yiquĩ cuñũ cán cõ sácũ vaha na tóco ndihi ñã sãhndá ley Moisés. Joo cúnĩ nã ñã ná chĩcaan ndó marca yiquĩ cuñũ ndó já ná cuu cahan lãnda nã nuũ nã Israel sahá ñã ñacaja ndúsa ná xihĩn ndõ. ¹⁴ Joo yehe, ni in túhũn toho ñaha cõ cúnĩ cahan lãnda i saha. Ñã cúnĩ cãja i quẽa cahan i sahã Jesucristo, mé á naxihĩ ndĩca crúxu. Ta sahã ñã cándeé ini i Jesucristo sahã ñã cán quẽa cúu á tátuhun naxihĩ i nuũ ñã núu ñuyívĩ yóho. Cõ cúnĩ ga i cãja i ñã cãja ñayivi ñuyívĩ ta cõ cúnĩ nã cán catãhan na xihĩn i. ¹⁵ Ta cõ ndiyahvi nu Ndióxi á ñaquĩhvi marca yiquĩ cuñũ í á cõó a. Ñã ndiyahvi ndusa quẽa ñã ñanduũ ñayivi saã sahã ñã cándeé ini Jesucristo. ¹⁶ Cúnĩ ñã ná coo vaha ini ndó, nã cãja ñã cahan i yóho. Ta ná cãja Ndióxi cuahã ñãmanĩ xihĩn ndó ta xihĩn tóco ndihi nã cúu cuéntã mé á.

¹⁷ Ta viti xihĩn chĩnuu cõ cúnĩ ga i ñã ná jáquĩhvi ga ñayivi yehe. Jáchĩ tóco ndihi yãnda ndáá a nu yiquĩ cuñũ i náha ñã mé a ndaa cúu u dã cãja chũun cuéntã Jesucristo.

¹⁸ Ñani i nã cúu cuéntã Jesús, ñã cúnĩ quẽa ná cãja Jesucristo, xitoho í cuahã ñãmanĩ xihĩn ndihi ndó. Já ná coo.

Carta nacahyí Pablo nuú na cúu cuéntá Jesús ndúu ñuu Efeso

Chíndahá Pablo Ndióxi coo na cúu cuéntá Jesús ndúu ñuu Efeso

¹ Yehe cúu Pablo, da nacaxi Ndióxi cacuu apóstol cuéntá Jesucristo. Cáhyi j carta yóho nuú na cúu cuéntá Ndióxi ndúu ñuu Efeso, na cándéé ini Jesucristo. ² Ña cúnj queá ná caja Ndióxi, tátá yo xihín Jesucristo, xitoho í cuahá ñamanj xihín ndó ta ná caja mé á ña ná coo vaha ini ndó.

Ñehe táhvi yó cuahá ñamanj cája Ndióxi sahá ña cándéé ini Jesucristo

³ Cóho caja cáhnu í Ndióxi, mé á cúu tátá Jesucristo, xitoho í. Cóho caja cáhnu í mé á jáchi cuahá ndivaha ñamanj nacaja xoho. Ta tá nuú ña vaha quíxi indivi nasahan ndihi mé á nu yo jáchi in cúu yo xihín Jesucristo. ⁴ Janda tá camáni çava sáhá sahá ñuyivi já nacaxi Ndióxi mí ña ná cacuu cuéntá mé á sahá ña nacaja Jesucristo. Ta nasacu ini a ndaja mí ña ná cacuu ñayivi yii, na coó ga cuachí nu mé á. ⁵ Quíhvi ndivaha ini a mí sahá ña cán queá sa nasacu ini mé á ña ná quivi Jesucristo sahá yo já ná nduu jahyi mé á. Já nacaja jáchi já cúnj á coo. ⁶ Sahá ña cán queá ndítahan nu yo caja cáhnu í Ndióxi níi tiempo jáchi cuahá ndivaha ñamanj cája mé á xihín yo tá nacaja mé á ña in nanduu xihín Jesucristo, jahyi máni á. ⁷ Nacaja Ndióxi ñamanj cáhnu xihín yo tá naxitá níi Jesucristo ndica crúxu sahá yo. Anda jávi cuu jáçacu a mí ta cuu caja cáhnu ini a sahá cuachí. ⁸ Mé á ndaa nacaja cuahá ndivaha Ndióxi ñamanj xihín yo. Nacaja mé á ña ná ndindichí jini yo já ná candaa ini tñhun mé á. ⁹ Ta nasahan ñamanj nu yo ña ná candaa ini ña nasacu ini mé á caja jáchi janda sanahá nasahjin jehé a nu yo joo viti sa candaa ini ndá saha nachindahá mé á Jesucristo. ¹⁰ Ta vaxi quívi coo ña nasacu ini mé á coo. Ta mé quívi cán caja Ndióxi ña ná cacomí Jesucristo cuéntá sahá tóco ndihi ñaha ndúu ñuyivi xihín ña ndúu indivi jáchi tóco ndihi ñaha xinu á canduu a ndáha Jesucristo.

¹¹ Ta coo tá quiahva nasacu ini Ndióxi coo jáchi cája mé á tóco ndihi ña sácú ini a caja. Janda sanahá ndivaha nasacu ini a çaxi a mí cacuu ñayivi ñehe táhvi ndiquehé ña vaha, ña quíxi nu ñin mé á sahá ña in nanduu xihín Jesucristo. ¹² Sahá ña cán queá ndítahan nuú nde caja cáhnu nde Ndióxi ña ná nahá ndaja cáhnu cúu mé á jáchi jilna ñúhú nde nacasáhá cándéé ini nde Jesucristo. ¹³ Ta quiahva já nacaja ri ndóhó

va jáchi tá naxini johó ndó ña ndaa sahá Jesucristo já nacandéé ini ndó mé á. Mé tñhun yóho najánaha nu ndo ndá quiahva najáçacu mé á ndohó. Ta tá nacandúsa ndó a já in nanduu ndó xihín á ta cúu á tátñhun nanani marca Ndióxi ndohó ña náha ña mé á ndaa cúu ndó cuéntá mé á. Ta mé marca yóho cúu inima yii mé á ña nasahan tñhun a nu ndó quiahva nu ndo. ¹⁴ Ta ndáçaan inima yii mé á ini inima yo sahá ña cán queá candaa vaha ini ña vaxi quívi ndiquehé ña vaha, ña quiahva Ndióxi nu yo jáchi sa nasahan mé á tñhun a caja ña. Ta sa já ndáçaan inima yii mé á ini inima yo janda quiahva ná xinu quívi jáçacu a mí nuú cuachí. Sahá ña cán queá cóho caja cáhnu í mé á ña ná nahá ndaja cáhnu cúu mé á.

Xíça táhvi Pablo nu Ndióxi ña ná quiahva mé á ña ndichí jini na cúu cuéntá Jesús

¹⁵ Ta sahá ña sa candaa vaha ini j ña cándéé ini ndó Jesucristo, xitoho í ta sahá ña sa candaa ini j ña quíhvi ini ndó tóco ndihi na cúu cuéntá Ndióxi. ¹⁶ Sahá ña cán queá ço jándacoo j ña ndiquiahva j ndixahvi nu Ndióxi sahá ndo. Ta ço ndindójo j çaca táhvi j nu Ndióxi sahá ndo. ¹⁷ Ta tá xíça táhvi j nu Ndióxi, mé á cúu tátá Jesucristo, xitoho í, mé á cúu Ndióxi cáhnu ndivaha já xíça táhvi j nu á ña ná quiahva inima yii mé á nu ndó. Anda já caja mé á ña ná ndindichí jini ndo já ná nahá ndaja cáa Jesucristo. Ta xihín ña yóho candaa vaha chága ini ndó sahá mé á. ¹⁸ Ta xíça táhvi j nu Ndióxi ña ná jándiyehé a xini túnj ndo já ná candaa ini ndó sahá ña vaha caja mé á chága chí nuú xihín ndo. Ta ñúchi ndivaha coo tá ná xinu quívi ndiquehe Ndióxi ndohó çuhun ndó coo ndó xihín mé á anda ama cáa quívi sahá ña cúu ndó cuéntá mé á. ¹⁹ Ta xíça táhvi j nu á ña ná candaa ini ndó ña ço vája xinu çoo nu ndihi ndéé Ndióxi jáchi ñin ndivaha ndéé mé á. Ta ñin mé ndéé yóho tañu mí, ná cúu cuéntá mé á. Ta sa mé ndéé yóho queá nacaja chuun Ndióxi. ²⁰ tá najánditacu a Jesucristo. Anda jávi nasacu coo a ña xoo cuáha mé á indivi. ²¹ Ta nacaja Ndióxi ña ná nduu Jesucristo jini nu tóco ndihi na ñin ndéé cahnda chuun ñuyivi yóho xihín na ñin ndéé cahnda chuun indivi. Sáhndá Jesucristo chuun nu tóco ndihi na cán vatí cúu ná na ndúu tiempo viti á cúu ná ná vaxi chága chí nuú. ²² Tóco ndihi ñaha ndúu indivi xihín ñuyivi nandiquiahva Ndióxi ña ndáha Jesucristo ña ná cacomí mé á cuéntá sahá. Ta sa mé á cúu á jini nu tóco ndihi na cándéé ini mé á. ²³ Ta tóco ndihi na cúu cuéntá Jesucristo cúu ná tátñhun yiquí çuñu mé á sahá ña nandicutú ndaa inima ná xihín mé á. Ta mé á cán jáchutú a tóco ndihi na ndúu ñuyivi xihín indivi.

2

Najáçacu Ndióxi mí jáchi quihvi ini a mí

¹ Ta jhna nasacaju ndó tátuhun na sa naxihí jáchi nasacaja ndó cuahá cuachi. Joo viti cúú ndó tátuhun na nanditacu tucu jáchi Ndióxi najáçacu ndohó. ² Ta nasacaja ndó tá quiahva cája ñayivi ñuyiví yóho. Ta nasacaja ndó ña cúní tiñahá sacuaña, rí cúú jiní nu tóco ndihi rí quini. Ta mé rí cán cómi rí cuéntá sahá ñayivi, na çó cája ña cúní Ndióxi. ³ Ta quiahva já nasanduú jhna jáchi nasacaja í ña xíçá ini mí ví ta nasacaja í tóco ndihi ña núu, ña nasacahvi ini caja í. Ta sahá tóco ndihi ña núu ñajaja í yóho nanditahan nu yo jándoho ndivaha Ndióxi ini tá quiahva cája mé á xihín java ga na çó cúní candúsa mé á. ⁴ Joo ñatahvi ndivaha ini Ndióxi sahá yo ta naquihvi ini ndivaha mé á mí. ⁵ Ta vatí nasacúú tátuhun ndii çóo ñacuu ndique táhan máni yó xihín Ndióxi sahá cuachi nasacaja í joo ñatahvi ini Ndióxi sahá yo sahá ña cán queá najáçacu a mí sahá ña ñajaja Jesucristo. ⁶ Vatí nasacúú tátuhun ndii sahá cuachi nasacaja í joo tá nanditacu Jesucristo já nasacuu a tátuhun nanditacu yo xihín mé á ñajaja Ndióxi. Ta ñajaja mé á ña ná cacoo í xihín Jesucristo tá ná xinu çoo í indiví. ⁷ Ñajaja Ndióxi ña yóho jáchi nasacuu ini a jánaña nu yo viti xihín chága chí nuu ña quihvi ndivaha ini a mí ta táhvi ndivaha ini a sahá yo sahá ña ñajaja Jesucristo. ⁸ Ta sahá ña ñatahvi ini Ndióxi sahá ndo ñañehe táhvi ndó çacu ndaa inima ndo jáchi cándéé ini ndó mé á. Ta çó cúú á sahá ña cája mé ndó jáchi cúú á ñamaní ñajaja Ndióxi xihín ndo. ⁹ Ta çóo najáçacu a ndohó sahá ña vaha cája ndó jáchi çó cúní a ña ná caja cáhnu ndó mé ndó. ¹⁰ Jáchi ñacavaña Ndióxi mí tá quiahva cúní a ña in ná nduu xihín Jesucristo já ná caja í ndinuhu ña vaha, ña nasacuu ini a caja í anda jhna.

Íin vaha ini sahá ña ñajaja Jesucristo xoho

¹¹ Candehé ndó, na tóho, na cúú cuéntá Jesús. Ná ndicuhun ini ndó ndaja nasacuu ndó jhna. Ñacachi na Israel sahá ndó ña çóo yahvi toho ndó jáchi çóo nachicaan na marca yiquí cuñu ndó. ¹² Nditahan ndicuhun ini ndó ña mé tiempo cán çó xini toho ndó Jesucristo. Ta ni çóo nasacuu ndó na Israel, na ñaçaxi Ndióxi. Ta ni çóo nasacuu ndó ñayivi nasahan Ndióxi tuhun a nuu. Nasandu uun ndó ñuyiví yóho jáchi çóo nasaxini ndo Ndióxi ta ni çóo ñaçahán ndo çuhun ndó indiví. ¹³ Vatí çóo nasacuu ndó ná cúú cuéntá Ndióxi joo viti ñacayati ndó nu á ta já in ñandu ndó xihín Jesucristo sahá ña naxihí a ndiça crúxu sahá ndo. ¹⁴ Ta ñajaja Jesucristo ña ná coo vaha ini na Israel xihín na tóho. Ta ñajaja ña in ñandu na cuéntá mé á. Jáchi najándihi

á sahá ña ñajaji nuu nuú na cán ña ná ndique táhan máni xihín táhan na. ¹⁵ Ta tá naxihí Jesucristo najáxinu çoo a nu ley ña nasahnda chuun nu yo sahá ña nanditahan caja í. Ta ñandaja mé á ña in ñandu na Israel xihín na çóo naquixi chichi Israel. Ta tá nandihí já ñandaja mé á ña ñandu na cuéntá mé á já ñandu vaha ini xihín táhan na. ¹⁶ Tá naxihí Jesucristo ndiça crúxu já ñajaja mé á ña ná ndique táhan máni xihín táhan na ta já nandihí sahá ña cáni táhan na. Anda já najándique táhan máni á na xihín Ndióxi ta já in ñandu na.

¹⁷ Ta naquixi Jesucristo çaxi tuhun a tuhun vaha nu yo ña ná coo vaha ini xihín Ndióxi. Ta çóo caja toho a á cúú ná na tóho, na nasacuu xíçá nu á tátuhun mé ndó, á cúú ná na Israel, na nasandu yati nu á tátuhun mé nde jáchi nasahan mé á tuhun vaha nu tóco ndihí. ¹⁸ Ta sahá ña ñajaja Jesucristo cuu cayati nu Ndióxi viti. Çóo caja toho a á cúú yó na naquixi chichi Israel á çó cúú yó na naquixi chichi Israel jáchi inima yíi mé á queá chindeé a mí cayati nu Ndióxi. ¹⁹ Sahá ña cán queá çó cúú ga ndó na tóho, na naquixi xíçá jáchi in ñandu ndó xihín na cúú cuéntá Ndióxi viti ta cúú ndó na vehe mé á. ²⁰ Ta viti tóco ndihí, na cúú cuéntá mé á cúú yó tátuhun in vehe. Ta na apóstol xihín na profeta cúú ná tátuhun yuu ndúhu sahá vehe ñan jáchi najánaña na tuhun Ndióxi nu ndó nu cuítí. Ta Jesucristo cúú á tátuhun yuu ndúhu cuahan titó vehe ñan ña sáhan ndéç vehe ñan. ²¹ Ta ñajaja Jesucristo ña nandique táhan vaha tóco ndihí na cúú cuéntá mé á. Ta ñandaja mé a mí ña loho loho ná nduu tátuhun in veñuhu yíi nu sá ndacaan Ndióxi, xitoho í. ²² Sahá ña in ñandu ndó xihín Jesucristo sahá ña cán queá nandique táhan máni xihín táhan ndó. Ta ñajaja Ndióxi ña ná nduu ndó tátuhun in vehe nu ñin Ndióxi jáchi ndáçaan inima yíi mé á chí ini ndó.

3

Nachindahá Ndióxi Pablo çahan da tuhun mé á nuú na çóo naquixi chichi Israel

¹ Yehe cúú Pablo tá sahá ña xíçá nuu ni çahan í tuhun vaha sahá Jesucristo nuu na çóo naquixi chichi Israel sahá ña cán queá ndáçaan í veca viti. ² Ta sa cándaq ini ndó ña sahá ña ñatahvi ini Ndióxi sahá ndó sahá ña cán queá nasahan mé á chuun yóho nuú í ña ná çahan í tuhun Ndióxi xihín ndo. ³ Jhna nachijehé Ndióxi ña nasacuu ini a caja joo viti najánaña mé á nuú í ña nasacuu ini a caja. Ta sa ñaçahan chá í sahá ña ñan tá ñaçahví í carta nu ndo. ⁴ Tá ná cahví tucu ndó ña já cuni ndó ña mé a ndaa táhvi sa cándaq ini í ña nasahin jehé sahá Jesucristo. ⁵ Çóo ñaçandaq ini ñayivi ña yóho jáchi nasahin jehé ña. Joo viti ñajaja inima yíi Ndióxi ña

ná candaꝓ ini ná apóstol xihín ná profeta, ná cúú cuéntá mé á sahá ña yóho. ⁶ Ta ña nasahjín jehé jihna cúú ña yóho: xihín ña ñacaja Jesucristo ña in nanduu ná cúú chjichi Israel xihín ná cõ cúú chjichi Israel já ná ñeñe ná ña vaha ña nasacu ini Ndióxi quiahva nuú ná cúú jahyi mé á. Jáchj in nanduu ná Israel xihín ná tóho ta in cúú ná ndáti ná ñeñe ná ña ñacachi Ndióxi quiahva nuú ná sahá ña ñacaja Jesucristo.

⁷ Joo ñacaja Ndióxi ñamanj xihín j ta xihín ndée mé á xica nuu j cáhan j tuhun vaha saha mé á nuú ñayivi. ⁸ Ñacaja Ndióxi ñamanj xihín j jáchj nasahan mé á chuun yóho nuú j ña ná cahan j tuhun vaha sahá Jesucristo nuú ná cõõ naquixi chjichi Israel. Vatí cúú u tátuhun in da cõõ saha tañu ná cúú cuéntá Jesús joo ñacaja mé á ñamanj xihín j ña ná ndicani j nuú ná tóho ndá quiahva náhnu nahá cája Jesucristo xihín ná. ⁹ Ta nasahan Ndióxi chuun nuú j ña ná jánahá j tuhun vaha ña nasahjín jehé nuú ndihi ñayivi. Ta anda sanahá nasahjín jehé a ñacaja Ndióxi, mé a ñacavaha tóco ndihi ñaha. ¹⁰ Ñacaja Ndióxi ña yóho jáchj sahá ña in nanduu ná Israel xihín ná tóho anda jávi náha nuú tóco ndihi ná sáhdá chuun nuú ná ndúu indivi ndá quiahva ndíchi ndivaha jini mé á. ¹¹ Sanahá ndivaha nasacu ini Ndióxi ña yaha chága chí nuu. Ta viti xihín ña ñacaja Jesucristo, xitoho í nañinu cõõ nuú ña nasacu ini mé á coo anda ama cãa quívi. ¹² Ta sahá ña in nanduu xihín Jesucristo sahá ña cán queã cõ yihví ga í cayatí nuú Ndióxi. Ta xini vaha í ña ndiquehe mé á mí jáchj cãdeé ini mé á. ¹³ Sahá ña cán queã xica tahví j nuú ndõ ña ná a cávitá ini ndó sahá ña ndóho ini j. Jáchj sahá ña ñacahan j tuhun Ndióxi nuú ndõ sahá ña cán queã ndóho ini j viti já ná cuu canduu vaha mé ndó. Ta xini ñúhú cajji ini ndó sahá ña cãa j saha ndõ.

Quíhvj ini Jesucristo ñayivi

¹⁴ Sahá ña cán queã ndáca xití j nuú Ndióxi, mé á cúú tátá Jesucristo, xitoho í tá cáhvi ini j ndá quiahva náhnu cãa mé á. ¹⁵ Jáchj mé á cúú tátá tóco ndihi ná ndúu indivi xihín tóco ndihi ná ndúu ñuyiví yóho sahá ña cúú ná ná vehe mé á. ¹⁶ Ta cúnj mé á cãa cuahá ndivaha ñamanj xihín yo sahá ña cán queã xica tahví j nuú á ña ná chindahá ínimã yij á nuú ndõ já ná quiahva tuhun ndée ini ndó tá já ná coo ndãcú ini ndó. ¹⁷ Ta xica tahví j nuú Ndióxi ña ná ndacaan Jesucristo ínimã ndõ sahá ña cãdeé ini ndó mé á ta ná coo ndeé ini ndó sahá ña quíhvj ini a ndoghó. Ta tá quiahva tñn yohó yitõ ñundáhyi quiahva já ndítahan coo ndó xihín Jesucristo. ¹⁸ Ta anda jávi mé ndó xihín tóco ndihi ná cúú cuéntá Jesús cuu candaꝓ ini ndó ndá quiahva quíhvj ini a ndoghó. ¹⁹ Ta xica tahví j nuú Ndióxi ña ná candaꝓ

ini ndó ndá quiahva quíhvj ini Jesucristo ndoghó já queã ná ndicutú ndãã ínimã ndó xihín Ndióxi. Joo mé a ndãã a cuú xinu cõõ ndó candaꝓ ini ndó ndá quiahva quíhvj ini a ndoghó.

²⁰ Ta viti cáhnu nahá ná cacuu Ndióxi, mé a íin ndivaha ndée cãa cuahá nuú ñaha jáchj cãa cuahá chága mé á ñamanj xihín yó a juú ga nuú ña cáhvi ini caça yó nuú á jáchj chindeé Ndióxi mí xihín ndée mé á. ²¹ Cõho ndihí, ná cúú cuéntá Jesús ña ná cãa cáhnu í Ndióxi sahá ña ñacaja Jesucristo. Viti xihín ndijáá ní quívi ta anda ama cãa quívi ná cãa cáhnu í mé á. Já ná coo.

4

Cãa ínimã yij Ndióxi ña in nanduu tóco ndihi ná cúú cuéntá Jesús

¹ Yehe ndácaan j vecãa sahá ña cãa chúnj j cuéntá Jesucristo, xitoho í. Sahá ña cán queã xica tahví j nuú ndõ ña ná cãa ndó ña cúnj Ndióxi cãa ná cúú cuéntá mé á. Jáchj naçaxi a ndoghó sahá ña cán queã ndítahan cãa ndó tá quiahva cúnj mé á. ² Coto a cãa cáhnu ndó mé ndó. Vii cãa ndó xihín ñayivi. A cõõ cama ini ndó xihín ná. Ta tá yaha nuú cãa xihín táhan ndó cãa cáhnu ini saha táhan ndó jáchj quíhvj ini táhan ndó. ³ Xini ñúhú ndinducú ndõ in ná nduu ndó jáchj chindeé ínimã yij Ndióxi ndoghó cãa ndó ña. Ta coto a ndácahnda táhan ndó já ná coo vaha ini xihín táhan ndó. ⁴ Tóco ndihí mí, ná cúú cuéntá Jesús nañinu cõõ í cúú yó tátuhun in tñhún ñayivi. Jáchj íin in tñhún ínimã yij Ndióxi ini ta in tñhún cúu rí ña ndátí quiahva Ndióxi nuú yo sahá ña naçaxi a mí ndiquehé ña. ⁵ In tñhún jini Jesucristo, xitoho í queã íin. Ta in tñhún jini mé á ndítahan candee ini jáchj in naçandutã yo cuéntá mé á. ⁶ Ta íin in tñhún Ndióxi, mé á cúú á tátá tóco ndihí. Ta mé a cán cómi a cuéntá saha tóco ndihí. Ta sãhan mé á ndée yó cãa í ña cúnj a. Ta ndácaan ínimã mé á ini tóco ndihí ñayivi cuéntá mé á.

⁷ Joo tá in tá in mí nañeñe táhvj yo nasacu ini Jesucristo quiahva nuú yo. ⁸ Sahá ña cán queã cáhí tuhun Ndióxi já:

Naquee vaha mé á xihín ná ihvj a ta nasandaca mé á ná tá nãndicõ cõõ a nãndaa indivi.

Andã já nasahan tahvj nuú in in ñayivi, naçacchi tuhun Ndióxi.

⁹ Tá cáhí a ña nãndaa Jesucristo indivi já cúnj cãhí a ña nuú cuítí nanuu a indivi anda ñuyiví yóho. ¹⁰ Ta mé Jesucristo, mé á naquee indivi cán ta nanuu a ñuyiví yóho nãndaa tucu a cuahan jãnda nuú jicõ cuítí indivi ta já najãndicutú a ñuyiví xihín indivi xihín ña ñacaja mé á. ¹¹ Ta tá nasahan tahvj nuú in in ñayivi já nañeñe táhvj java na cacuu ná apóstol ta java na cacuu ná profeta ta java na caca nuu ná cahan ná

tuhun Ndióxi ña cuu jácacu ñayivi. Ta java na ñahehe táhvi ná cacuu na ná cómi cuéntá sahá ná cúu cuéntá mé á ta java na cacuu na ná jánaha tuhun Ndióxi nuú ñayivi. ¹² Já ñajaja Ndióxi xihín na cán já ná canduu tiahva na caja chúun na cuéntá mé á ta já ná cuu caja na jácuahnu na ná cúu cuéntá Jesús. ¹³ Já queá ná xinu cõo ndihí in canduú xihín na cúu cuéntá Jesús sahá ña cãndeé ini mé á. Já ná cuu xinu cõo í canãa vaha chága ini sahá Jesucristo, mé a cúu in túhún jini já jahyi Ndióxi. Ta xihín ña yóho cuu ndindacú yo cuéntá mé á jãda quiahva cuahnu vaha í jáxinu cõo í ndicutú ndãa yó xihín mé á. ¹⁴ Ná a cácuu ga í tátuhun na valí, na cõ tácu ini, na ndíjama jini tá tóo. Ta tá ñandihí ndicõ na jatã ña jánaha inga na jãda quiahva jándahvi na ná. Ta mé na jándahvi ñahá yóho xini vaha na ndá quiahva cája na cañehe na ná cuhun na in íchi ña cõ cúu íchi vaha. ¹⁵ Ña ndítahan caja í queá cahan ndãa xihín táhan í xihín ndinuhu ini sahá ña quihvi ini táhan í ta já cuahnu í xihín Jesucristo, mé a cúu jini nu tóco ndihí na cúu cuéntá mé á jãda quiahva na nduú tá quiahva cáa mé á. ¹⁶ Sahá ña cúu mé á jini nu yo sahá ña cán queá cuu ndique táhan vaha í xihín java ga na cúu cuéntá Jesús. Ta ñúchí ndivaha ndique táhan na cúu cuéntá mé á tá cája in in na ña cúnj mé á. Ta xihín ña yóho cuu canduu vaha í ta cuu ndindacú chága yó cuéntá mé á ta já cuu quihvi ini táhan í.

Ña saá cája í viti

¹⁷ Ña yóho queá cáxi tuhun í xihín ndõ. Xica táhvi í nu ndõ cuéntá Jesucristo, xitoho í ña ná a cája ga ndõ cuachi tá quiahva cája ñayivi ñuyivi jáchi cõo yahvi toho tá nuú ña núu cáhvi ini na caja na. ¹⁸ Mé na cán ñandaji xini túni ná. Ta cõ cúu ná na jácacu Ndióxi jáchi ñachicaji na xini túni ná nu mé á ta ñandaja táhvi na ínimã ná. ¹⁹ Cõ cácahan nuu ná jáchi ñayaha va quiahva cája na ña núu xihín ndinuhu ini na. Ta cõ sáji nuu na nuú yiqui cuñu na tá cúnj a caja tá nuú ña núu. ²⁰ Joo tá ñandiquehe ndõ íchi cuéntá Jesús já ñajãnaha nde ndõhó ña ná caxoo ndõ nuú cuachi tátuhun ña yóho. ²¹ Jáchi ñaxini joho ndõ saha mé á ta ñandiquehe ndõ tuhun ndãa, ña ñajãnaha nde nu ndõ, ña cáhan saha mé á. ²² Sahá ña cán queá ndítahan nu ndõ jácaxoo ndõ nu tóco ndihí ña núu ñasacaja ndõ jihna. Jáchi cuachi queá ñajaja ndúsã xihín ndõ ña ná caja ndõ ña núu ta játiví a ndõhó sahá ña ñandivã ini ndõ caja ndõ ña núu, ña jándahvi ndõhó. ²³ Xini ñúhú cacuu ndõ na ñanduu saá ínimã xihín xini túni sahá ña cúu ndõ cuéntá Jesús. ²⁴ Ta xihín ña yóho cuu xinu cõo ndõ cacuu ndõ tátuhun ñayivi saá, na cáa tá quiahva cáa mé á. Ta náha ña mé a ndãa táhvi cúu ndõ ñayivi ndãa, na ñandiví nu mé á.

²⁵ Sahá ña cán queá a cáhan ga ndõ ña tuhún. Ña ndítahan nu ndõ caja ndõ queá cáhan ndõ ña ndãa xihín ñani táhan ndõ jáchi in ñanduu ndihí cuéntá Jesucristo.

²⁶ Ta tá jáa ndõ xihín ñayivi coto a cája ndõ cuachi jáchi xini ñúhú vaha yachi ña xõjo ini ndõ xihín ná. Ta tá sa ñahini sa cõ ndítahan ndãcaan ga ña xõjo ini ndõ xihín ná. ²⁷ Ta a quiahva ndõ ñamaní nuú tiñáhã saçuahã ña ná caja rí ña cúnj rí xihín ndõ.

²⁸ Ndã ná na ñasacaja cuihnã jihna coto ná a cája cuihnã ga na viti. Ndítahan caja chúun vaha na ña ná cuu chindeé na na cámaní ña nuu.

²⁹ A cáhan ga ndõ tuhun núu. Ña ndítahan nu ndõ queá chindeé ndõ ñayivi xihín tuhun cáhan ndõ. Ta já cuu cuahnu na xihín á ña ná ñehe ná ñamaní nu Ndióxi. ³⁰ A cája ndõ ña ná cacuehá ínimã yí Ndióxi xihín ndõ jáchi mé ínimã yí Ndióxi cán queá náha ña mé a ndãa cúu ndõ cuéntá mé á. Cúu á tátuhun ñanani marca Ndióxi ndõhó ña náha ña a jándacoo toho a ndõhó jãda quiahva ná xinu cõo quivi tá chí in ndeé va jácacu Ndióxi ndõhó.

³¹ Xini ñúhú tavá xõo ndõ tóco ndihí ña núu, ña cõ sáhan ñamaní nu ndõ canduu vaha xihín táhan ndõ. Ta cõ ndítahan jaã ndõ xihín ñayivi ta ni cõ ndítahan cõjo ini ndõ. Ta cõ ndítahan cayuhú nu táhan ndõ ta ni a cángãhã ndõ xihín ná. Ña ndítahan caja ndõ queá tavá xõo ndõ mé ndõ nu tóco ndihí ña núu. ³² Ña ndítahan caja ndõ queá ná caja vaha xihín táhan ndõ ta candávhi ini táhan ndõ. Ta caja cáhnu ini saha táhan ndõ tá quiahva ñajaja cáhnu ini Ndióxi saha ndõ sahá ña ñajaja Jesucristo saha ndõ.

5

Ña ndítahan caja na cúu jahyi Ndióxi

¹ Mé ndõ cúu ndõ jahyi máni Ndióxi sahá ña cán queá ndítahan ndihí ini ndõ caja ndõ tá quiahva cája mé á. ² Xini ñúhú quihvi ini ndõ ñani táhan ndõ tá quiahva ñajaja Jesucristo. Naquihvi ini a mí ta ñandiquiahva mé á quivi a ndíca crúxu saha yo tátuhun in quítí, rí ñasahní na jõcõ na nu Ndióxi. Ta mé a ndãa ñasacua a ña ñajaji ini Ndióxi xihín.

³ Cõ cúnj cuni joho í ña cája ndõ cuachi tátuhun tá in in ñayivi xihín ñajihí á yí ñani táhan na á tá cája na ña núu xihín yiqui cuñu na á tá chínúu na ínimã ná jatã jiyuhun na. Cõ ndítahan nu ndõ caja ndõ ña yóho jáchi cúu ndõ na cúu cuéntá Ndióxi viti. ⁴ Coto a cáhan ndõ ña núu ña cõo saha. Ta ni a ndítuhún jiqui xihín táhan ndõ xihín tuhun núu. Jáchi cõ cája vaha toho ña yóho xõhõ. Ña ndítahan caja ndõ queá ndiquiahva ndõ ndixahvi nu Ndióxi. ⁵ Jáchi sa cándãa ini ndõ ña ndã na nduu xihín na cõ cúu ñajihí na á yí ná, á tá cája na ña núu xihín yiqui cuñu na á tá cúu

na ná chínúu ínima jatá jjuhún, mé na cán a ñehe táhvú toho na cacomí Jesucristo xihín Ndióxi cuéntá saha ná. Jáchí na chínúu ínima jatá jjuhún cúu ná tátuhun na cajú cáhnu yoco. ⁶ A cándúsa ndó cajú ndó cuachi cajú na jan jáchí cúnj na jándahvi na ndóhó xihín ña tuhún. Jáchí cúu ná ñayivi saá ini, na jácojo ini Ndióxi. Ta tandaa quívi jándoho a ini na cán. ⁷ Saha ña cán queá co ndítahan ndique táhan ndó cajú ndó ña núu xihín na jan.

⁸ Mé ndó nasanduu ndó núu naá ndivaha jihna joo sahá ña in nanduu ndó xihín Jesucristo ndúu ndó nu yéhe viti. Saha ña cán queá ndítahan cajú vaha ndó já ná nahá ña mé a ndaa cúu ndó ñayivi mé á, na xica nu yéhe. ⁹ Jáchí tóco ndihi na ndúu nu yéhe cajú na ndinuhu ña vaha ta xica ndacú na íchi cuéntá ña ndaa. ¹⁰ Xíní ñúhú jácuaha ndó cajú ndó ña cájji ndó Ndióxi xihín. ¹¹ A catáhan ndó xihín ñayivi ndúu nu naá yávi ta a cajú ndó ña núu xihín ná, ña co ndáyahvi. Ña ndítahan cajú ndó queá jánaní ndó na ta nahá tuhun ndó sahá ña núu cajú na. ¹² Jáchí chínúu cacahan nu yoco nditúhún yoco sahá ña cajú jehé na jan. ¹³ Joo tá ná xinú quívi canáha ndihi ña cajú na jan já candaá ini tóco ndihi ñayivi ña nacaja jehé na. Jáchí tóco ndihi ña ñúhu jehé quee ndihi a nu yéhe. ¹⁴ Saha ña cán queá já cáchi tuhun Ndióxi já: Xíní ñúhú ndicáxi inún jáchí cúu ná tátuhun da quívi tañu na naxihí.

Ta tá ná ndicáxi inún já jándiyehé Jesucristo ínimun já ná a cájún cuachi, cáchi tuhun Ndióxi.

¹⁵ Xíní ñúhú candehé vaha ndó ndá quiahva ndítahan cajú ndó. A cajú ndó tá quiahva cajú ñayivi co xíní túnj. Ndítahan cacuu ndó ñayivi ndíchi jini. ¹⁶ Xíní ñúhú ndíhi ini ndó cajú ndó ña cúnj Ndióxi jáchí quini ndivaha caa tiempo viti. ¹⁷ Coto a cajú ndó ña tóntó. Xíní ñúhú ndicani vaha ini ndó sahá ña cúnj Ndióxi, xitoho í cajú ndó. ¹⁸ A jáxini ndó mé ndó jáchí co cajú vaha ña jan xihín ndo. Ña ndítahan cajú ndó queá quiahva ndó ñamaní nu Ndióxi ña ná jándicutú a ínima ndo xihín ínima yíí mé á. ¹⁹ Ta tá ná nditúhún ndo xíní ñúhú ndinuhu ini ndó cajú cáhnu ndó Ndióxi, xitoho ndó xihín tuhun cahan ndó. Xíní ñúhú cata ndó salmo xihín himno xihín canto, ña sahan ínima yíí Ndióxi nu ndo. Joo xíní ñúhú cacuu a ña quíxi ínima ndó cajú cáhnu ndó Ndióxi. ²⁰ Níi tiempo ndítahan ndiquiahva ndó ndixahvi nu Ndióxi, tátá yoco saha tóco ndihi ñaha. Ta cahan ndó quívi Jesucristo, xitoho í tá ná cajú ndó ña.

Ña ndítahan cajú na sa natandaha

²¹ Ndítahan nu ndó candúsa táhan ndó já ná cuu ndicáhnu Ndióxi sahá ña cajú ndó.

²² Ndóhó, najihí ndúu yíí ndítahan candúsa ndó yíí ndo tá quiahva cándúsa ndó Jesucristo, xitoho í. ²³ Jáchí yíí ndó cúu da cómi cuéntá saha ndo tá quiahva cómi Jesucristo cuéntá saha ná ndíco íchi mé á. Ta tóco ndihi na cúu cuéntá mé á cúu ná na ndáca tátuhun yíqui cuñu mé á. Ta mé á queá jácacu a na nuú cuachi. ²⁴ Tá quiahva cajú na cúu cuéntá Jesús cándúsa na ña sáhdá mé á nu ná quiahva já ndítahan cajú najihí ndúu yíí. Xíní ñúhú cajú ndihi na ña cúnj yíí na cajú na.

²⁵ Ta ndóhó, da ndúu ñájihí, xíní ñúhú quíhví ini ndó na tá quiahva naquíhví ini Jesucristo na cúu cuéntá mé á tá naxihí a saha ná. ²⁶ Nacaja Jesucristo ña yoho jáchí cúnj mé á ña ná nduu na cúu cuéntá mé á ñayivi víi sahá ña nandoo na xihín ticuí ta sahá ña sácú vaha na ña cáchi tuhun Ndióxi. ²⁷ Saha ña cán queá cuu cayati na nu Ndióxi sahá ña cúu ná ñayivi víi cuéntá mé á, na naquee vaha xihín ña núu, na co jácaquini mé xihín cuachi. Ta viti cúu ná ñayivi yíí nu mé á jáchí co cajú ga na cuachi. ²⁸ Ndítahan nuú in datá quíhví ini da ñájihí da tá quiahva quíhví ini da yíqui cuñu da jáchí in nanduu na. Tá quíhví ini da ñájihí da já queá quíhví ini da mé dá. ²⁹ Jáchí ni in tuhún toho ñayivi co cándají na yíqui cuñu na. Ña cajú na queá sahan na ña cuxu a ta ndáa vaha na ña ta quiahva já ndáa Jesucristo na cúu cuéntá mé á. ³⁰ Jáchí tóco ndihi mí, na cúu cuéntá Jesús cúu yó java na ndáca yíqui cuñu mé á. ³¹ Saha ña cán queá cáchi tuhun Ndióxi já: “Tá ná tandaha in datá já ndítahan quee xoo da nu tátá náná da já ná ndique táhan da coo da xihín ñájihí da. Ta já ná nduu ndívi na tátuhun in tuhún jini ñayivi”, cáchi tuhun Ndióxi. ³² Mé a ndaa yáncá ndivaha cándaá ini tóco ndihi ña yoho. Joo náha nu yoco ndá quiahva cúu yó tátuhun yíqui cuñu Jesucristo tá in nanduu xihín á. ³³ Xíní ñúhú ndicuhun ini ndó ña ndítahan quíhví ini in in ndó ñájihí ndo tá quiahva quíhví ini ndó mé ndó. Ta jári ndóhó, najihí xíní ñúhú cajú cáhnu ndó yíí ndo.

6

¹ Ndóhó, na valí xihín na tacú, xíní ñúhú coo johu ndó nu sáhdá tátá náná ndo chuun nu ndo. Jáchí ña yoho queá cúnj Ndióxi cajú ndó. ² Xíní ñúhú cajú cáhnu ndó tátá ndo ta cajú cáhnu ndó náná ndo jáchí jihna ñúhú nasahnda Ndióxi ña yoho nu yó cajú í. Ta jatá ña yoho nasahan mé á tuhun a nu yó tá cáchi a já: ³ “Tá ná cájún ña yoho já cuahnu yatún ta quíxi cuahá ña vaha nuun.”

⁴ Ta ndóhó, na ndúu jahyi, a jácojo ndó ini jahyi ndó. Ña ndítahan cajú ndó queá jánaha vaha ndó nu ná ña ndítahan cajú na. Ta jánaha ndó nu ná ndá quiahva caca na íchi cuéntá Ndióxi, xitoho í.

⁵ Ta ndóhó, na ñaxeen na caja chúun nu ná xíní ñúhú coo johó ndó nu cáhan xitoho ndó, na cómi cuéntá saha ndó ñuyívi yóho. Ta ndítahan caja cáhnu ndó na ta cayihvi ndó na. Joo xíní ñúhú caja ndó ña xihín ndinuhu ini ndó jáchi cúú á tátuhun caja chúun ndó nuú Jesucristo.

⁶ Ndítahan nu ndó caja chúun vaaha ndó nu ná ta a juú tá ndíta cuití na sándehe na nu caja chúun ndó sahá ña cúní ndó candoo vaaha ndó nuú na cán, vaaha. Ndítahan caja chúun ndó xihín ndinuhu ini ndó nuú xitoho ndó jáchi cúú á tátuhun caja chúun ndó nuú Jesucristo. Sahá ña cán queá ndítahan caja ndó ña cúní Ndióxi xihín ndinuhu ini ndó. ⁷ Xíní ñúhú cají ini ndó ta ndinuhu ini ndó tá caja chúun ndó. Ta ndítahan caja ndó cuéntá ña caja chúun ndó nu Ndióxi ta coo caja chúun ndó nuú ñayivi cuití va. ⁸ Jáchi sa cándaq ini ndó ña vaxi quívi xinu yó nuú Jesucristo, xitoho í ndiquehé yahvi sahá ña vaaha ñajaja í ñuyívi yóho. Ta coo caja toho a á cúú yó xitoho á cúú yó na caja chúun nuú xitoho.

⁹ Ta jári ndóhó va, na cúú xitoho mozo ñaxeen ndó jan ndítahan nu ndó caja vaaha ndó xihín ná ta coo ndítahan jáyihvi ndó na xihín tuhun cáhan ndó xihín ná. Ndítahan ndicuhun ini ndó ña ín Jesucristo indivi ta cúú á xitoho mé ndó ta sa mé á cán cúú xitoho na caja chúun xihín ndó. Ta coo sáhní toho a cán mé á saha ndá ñayivi ín chága saha a juú ga inga na jáchi in cúú ndihí nu mé á.

Ndaja caja í quee vaaha í xihín ña quini

¹⁰ Ta viti xíní ñúhú caja ndacú ndó mé ndó xihín ndéé cáhnu Jesucristo, xitoho í jáchi in nanduu ndó xihín mé á viti. ¹¹ Xíní ñúhú caja chúun ndó xihín tóco ndihí ndéé sahan Ndióxi nu ndó já ná cuu quee vaaha ndó xihín tiñáhá saçuahá tá cúní rí jándahvi rí ndóhó. ¹² Jáchi a juú xihín ñayivi, na ín yiquí cuñu cáni táhan í, vaaha. Ña cáni táhan í xihín cúú táto tiñáhá saçuahá, rí xíca nuu nu táchi indivi ta rí cán cúú rí rí cómi cuéntá sahá ñayivi ndúu nuú naá yávi ñuyívi yóho. ¹³ Sahá ña cán queá xíní ñúhú caja chúun ndó xihín tóco ndihí ndéé sahan Ndióxi nu ndó já queá ná cuu quee vaaha ndó xihín rí quini tá ná xinu rí caní táhan rí xihín ndó. Ta xihín ña yóho cuu candita ndacú ndó tá sa ñandihí ñacani táhan ndó xihín rí. ¹⁴ Ta candita ndacú ndó xihín ña ndaa ña sahan Ndióxi nu ndó jáchi cúú á tátuhun in cinturón pañi tixi sahan ndéé ndácaan tóco ndó. Ndicuhun ini ndó ña cúú ndó ñayivi ndaa nu Ndióxi. Sahá ña cán queá cúú á tátuhun ndíxi ndó cotó caa. ¹⁵ Xíní ñúhú canduu tiaha ndó cahan ndó tuhun vaaha sahá Jesús xihín ñayivi jáchi tuhun yóho queá caja ña ná coo vaaha ini na xihín Ndióxi. Sahá

ñá cán queá cúú á tátuhun yíhi ndó tuhun Ndióxi. ¹⁶ Xíní ñúhú candeeé ini ndó Ndióxi já queá ná cuu quee vaaha ndó caji nuu ndó nuú ña nuu cúní tiñáhá saçuahá chindahá rí nu ndó. Sahá ña cán queá cúú á tátuhun ñéhe ndó in caa jándá ña chícáji a ndóhó. Ta xihín mé ña yóho cuu candaji nuu nu ndó nuú ña ñéhe ñuhú ita jácana mé rí cán nu ndó. ¹⁷ Ndicuhun ini ndó ña najácaacu Ndióxi ndóhó nuú cuachi sahá ña cán queá cúú á tátuhun ñúhu ndó yíjini caa. Tá ná cahan cáxi ndó tuhun sahan ínimá yíi Ndióxi nu ndó já queá cúú á tátuhun ñéhe ndó machiti, ña cúú tuhun Ndióxi. ¹⁸ A jándacoo ndó caça tahvi ndó nu Ndióxi. Ní tiempo xíní ñúhú caça tahvi ndó nu mé á. Joo ndítahan caça ndó ña jángaha ínimá yíi mé á nu ndó caça ndó. Xíní ñúhú canduu tiaha ndó ta a váva ini ndó ta xíní ñúhú caça tahvi ndó saha tóco ndihí na cúú cuéntá Ndióxi. ¹⁹ Ta caça tahvi ndó nu Ndióxi saha mí í viti já ná chindeé Ndióxi yehe cahan í xihín ñayivi tuhun mé á ta caça tahvi ndó nu á ña ná quiahva mé á ndéé a nuú j já ná cuu cahan í tuhun mé á ña coo ñasaxini na jihna, nduu. Jáchi ña yóho queá cuu jácaca a na nuú cuachi. ²⁰ Ndióxi queá ñachindahá a yehe cuhun í cahan í tuhun yóho ta sahá ña xíca í cahan í tuhun yóho ndácaan í vecaa viti. Caça tahvi ndó sahá j já ná a cáyhvi í cahan í sahá Jesús nuú ñayivi ndúu yóho tá quiahva ndítahan nuú í caja í.

Ndindayí Pablo ñayivi, na cúú cuéntá Jesús

²¹ Ñani máni yo, da nani Tíquico mé a ndaa cúú dá dá chindeé táhan xihín í chuun Jesucristo, xitoho í. Ta mé dá cán cañehe da tuhun sahá í tá ná sa da nu ndó já ná candaa ini ndó ndátahvi yáha í. ²² Sahá ña cán chindahá í da nu ndó já ná caxi tuhun da nu ndó ndá quiahva yáha nde ndúu nde yóho ta xihín ña yóho ná cuu quiahva da tuhun ndeeé ini ndó.

²³ Ña cúní queá ná caja Ndióxi, táta yo xihín Jesucristo, xitoho í ña ná coo vaaha ini tóco ndihí ndó, na cúú cuéntá Jesús. Ta ná caja mé á ña ná quihvi ini táhan ndó sahá ña cándeé ini ndó mé á. ²⁴ Ta ná jándicutú ndaa mé á ñamaní jata tóco ndihí na quihvi ini Jesucristo, xitoho í xihín ndinuhu ini na. Já ná coo.

Carta naxhindahá Pablo nuú na cúu cuéntá Jesús ndúu ñuu Filipos

Carta naxahíyí Pablo nuú na cúu cuéntá Jesús ndúu ñuu Filipos nani naxandacaqan da vecaa

¹Yehe cúu Pablo ta cája chúun i xihín Timoteo cuéntá Jesucristo. Ta cáhyí nde carta yóho nu tóco ndihi na cúu cuéntá Jesús, na ndúu ñuu Filipos jáchi in nanduu na xihín Jesucristo. Ta cáhyí ri nde carta yóho nuú na saçuaḥa nuú na cúu cuéntá Jesús xihín nuú na chindeé mé na saçuaḥa veñuhu. ²Xíca taḥví i nu Ndióxi, tátá yo xihín nuú Jesucristo, xitoho í ña ná caja cuahá mé á ñamaní xihín ndo ta ná caja mé á ña ná coo vaha ini ndó.

Xíca taḥví Pablo nu Ndióxi saḥá na cúu cuéntá Jesús

³Ndiqiaḥva ndivaha i ndixahvi nu Ndióxi tá ndicuhun ini i saḥa ndo. ⁴Nú tiempo tá xíca taḥví i nu Ndióxi saḥa ndihi ndo cájii ini i. ⁵Jáchí janda tá nandiquehe ndó ichi cuéntá Jesús ta janda viti naxindeé ndó yehe cáhan i tuhun Ndióxi xihín ñayivi. ⁶Naçasahá Ndióxi cája ña ná nduu ndó ñayivi ndaa nu mé á ta xini vaha i ña jáxinu coo a ña janda quiaḥva ná xinu coo quivi quixi tucu Jesucristo ñuyivi yóho. ⁷Cája i cuéntá vaha ndivaha va ndiqiaḥva i ndixahvi nu Ndióxi saḥa ndo jáchi mé a ndaa quihvi ndivaha ini i ndohó. Tá quiaḥva cája Ndióxi ñamaní xihín i quiaḥva já cája ri a ñamaní xihín mé ndó. Ta coo caja toho a tá ndácaan i vecaa. Ta coo caja toho a tá ná ndiquehe vaha i saḥa tuhun Ndióxi nuú na jutixia á tá caxi tuhun i xihín ñayivi ña mé a ndaa cúu á tuhun Ndióxi, ña cúu jácaçu ñayivi. ⁸Ta cándaq cáxi ini Ndióxi ña quihvi ndivaha ini i ndohó tá quiaḥva quihvi ini Jesucristo ndohó. ⁹Xíca taḥví i nu Ndióxi ña ná xinu ini ndó quihvi chága ini ndó ñayivi. Ta ná ndindíchi chága jiní ndo ta ná coo chága xini túnj ndo. ¹⁰Já ná cuu caxi ndó ña vaha chága nú tiempo ta xihín ña yóho cacuu ndó ñayivi ndaa, na co ndójo cuachi tá ná xinu quivi quixi tucu Jesucristo. ¹¹Nditahan caja ndó ña vaha xihín ndinuhu ini ndó jáchi xihín ña yóho jánaḥa ndó nuú ñayivi ña mé a ndaa cúu ndó cuéntá Jesús ta xihín ña yóho ndicáḥnu ndivaha Ndióxi.

Ná caja i ña cúni Jesucristo xihín ndinuhu ini i

¹²Candehé ndó, ñani mí i, na cúu cuéntá Jesús. Cúni ña ná candaa ini ndó ña ndóho i vecaa yóho. Mé a ndaa saḥá ña ndácaan i vecaa yóho naxini joho cuahá chága ñayivi

tuḥun vaha saḥá Jesucristo. ¹³Tóco ndihi soldado, na ndúu vehe rey yóho xihín java ga ñayivi sa cándaq ndihi ini na ña ndácaan i vecaa saḥá ña ndico i ichi cuéntá Jesucristo. ¹⁴Ta saḥá ña naçandaa ini cuahá na cúu cuéntá Jesús ña ndácaan i vecaa yóho, nandindeé ini na caca nuu na cáhan na tuḥun Ndióxi xihín ñayivi ta co yihvi na caja na ña jáchi candeé cáḥnu chága ini na Ndióxi viti.

¹⁵Mé a ndaa ndúu java na xíca nuu cáhan tuḥun Ndióxi nuú ñayivi saḥá ña cáhihvi cuití ini na. Ta java na cája na ña jáchi cúni na cayojó na nuú i. Joo mé a ndaa java na cáhan na tuḥun Ndióxi saḥá ña cúni na caja na ña vaha. ¹⁶Joo java na cáhan na tuḥun Ndióxi saḥá ña vaha mé cuití va na ta co caja na ña xihín ndinuhu ini na. Ña cúni na caja na queá jáquihvi chága na yehe nani ndácaan i vecaa yóho. ¹⁷Joo mé a ndaa java na cáhan na saḥá Jesucristo jáchi quihvi ndusa ini na yehe ta sa cándaq ini na ña naçacu Ndióxi yehe yóho ña ná ndiquehe e saḥá tuḥun vaha cáhan saḥá Jesucristo. ¹⁸Joo co sáñi toho i mí i ndá saḥa cája na ña jáchi cájii ini i tá cáhan na saḥá Jesucristo nuú ñayivi. Ta cájii chága ini i ¹⁹jáchí cándaq ini i ña quee vaha i nu tóco ndihi ña ndóho i yóho saḥá ña chindeé inima Jesucristo yehe ta saḥá ña xíca taḥví ndó nu Ndióxi saḥá i. ²⁰Candé ini i ña a cándaq núu i. Ta ndati tiaḥva i chindeé Ndióxi yehe já ná cuu cáhan i saḥá Jesucristo nuú ñayivi. Xihín ña cáhan i yóho jánaḥa i ndá quiaḥva cáḥnu cúu Jesucristo. Ta co caja toho a á tácu u á naxihí i jáchi caja cáḥnu tá caja cáḥnu i Jesucristo. ²¹Ta nani tácu u ñi i ñuyivi yóho cája cáḥnu i Jesucristo xihín ndinuhu ini i. Ta tá ná quivi i já vaha chága ví jáchi cuḥun i coo i xihín mé á. ²²Ta co cándaq ini i ndia vaha chága jáchi tá ná catacu u já cuu ñeḥe chága ini i cáhan i saḥá Jesucristo xihín ñayivi. ²³Ivi joho cáḥvi ini i ña á vaha chága ná catacu u á vaha chága ná quivi i. Jáchi tá ná quivi i ivi laá xinu coo i coo i xihín Jesucristo. Ta vaha chága ná cuḥun i coo i cán a juú ga ña ná coo i ñuyivi yóho. ²⁴Joo saḥa mé ndó xini ñuhú coo tóo chága i ñuyivi yóho. ²⁵Ta viti cándaq vaha ini i ña coo chága i ñuyivi yóho ña ná chindeé e ndohó catiaḥva chága ndó tuḥun Ndióxi já ná cajii chága ini ndó saḥá ña candeé ini ndó mé á. ²⁶Saḥá ña cán queá cuu cajii ini ndó saḥá ña coo tucu u xihín ndó ta cuu caja cáḥnu ndó Jesucristo saḥá ña yóho.

²⁷Cúni ña ná ndihi ini ndó caja ndó tá quiaḥva cáchi tuḥun vaha cáhan saḥá Jesucristo. Já queá tá ná saq i á tá ná a saq toho i coto nihni i ndohó cúni ñeḥé e tuḥun ña in cúu ndihi ndó ta ndúu ndacú ndo cuéntá Ndióxi. Ta cúni ñeḥé e tuḥun ña in cúu ndó ndúcú ndéé ndo cáhan ndó tuḥun vaha saḥá Jesucristo nuú ñayivi ña ná candeé ini na mé

á. ²⁸ Ta coto a quiahva ndó ñamanj nuú na ihvi ndo jan ña ná jáyihvi ná ndoghó. Jáchi xihín ña yóho cándaá ini na cán ña xíca na cuahán na nuú ndihi saha ná. Joo mé ndó cándaá ini ndó ña xíca ndó íchi nuú cacu ndaa inima ndo caja Ndióxi. ²⁹ Jáchi sahá ña ñacaja Jesucristo ñéhe táhvi ndó candeé ini ndó mé á. Ta quiahva já ñéhe táhvi ri ndó ndóho ini ndó sahá ña candeé ini ndó mé á. ³⁰ In nuú ndóho ini sahá Jesucristo. Sa ñaxini ndó ndá quiahva nandoho ini i jihna. Ta sa ñéhe ndó tuhun ndá quiahva ndóho ini i viti.

2

Nanduu Jesucristo ñayivi vatí cúú á Ndióxi

¹ Xíni vaha i ña sahan Jesucristo tuhun ndeé ini ndó ta quihvi ini a ndoghó. Xíni vaha i ña in nanduu ndó jáchi ndacaan inima yii Ndióxi ini inima ndo. Xíni vaha i ña quihvi ini táhan ndó ta táhnda ini saha táhan ndó. ² Sahá ña cán queá ndítahan caja ndó ña ná cajii ndivaha ini i sahá ña in cúú ndihi ndó ta sahá ña quihvi chága ini táhan ndó. Ta sahá ña in nanduu ndó ñacaja inima yii Ndióxi já in nanduu xíni túnj ndo nuú ña cúni ndó caja ndó. ³ Coto a ndúcu cuachi xihín táhan ndó. Ta coto a ndínehe jíco ndo mé ndó. Ndítahan coo ndísáhu ini ndó. Ta ndítahan cahán ndo ña cáhnu chága inga ñayivi a juú ga mé ndó. ⁴ Ta co ndítahan ndihi ini ndó sahá ña vaha mé ndó cuiti va. Xíni ñúhú ndihi ri ini ndó sahá ña vaha inga na.

⁵ Xíni ñúhú cahvi ini ndó tá quiahva ñasacahvi ini Jesucristo. ⁶ Jáchi tá quiahva in Ndióxi quiahva já in Jesucristo. Ta vatí cúú á Ndióxi joo coo ñandaja cáhnu a mé á vatí cuu caja ña, nduu. ⁷ Ña ñacaja Jesucristo queá ñasacu xóo a tóco ndihi ña cáhnu cúú mé á cán ta ñaquixi a ñacacu a ñuyívi yóho tá quiahva cácu ñayivi. Ta ñasacu a in dataa, da caja chúun cuéntá xitoho da. ⁸ Tá nandihí nanduu a ñayivi já ñajánuu a mé á janda quiahva ñasahan mé á quivi a ndica crúxu nuú ñaxihí a tátuhun da caja cuachi quini. ⁹ Sahá ña cán queá najándindita jíco ndivaha Ndióxi Jesucristo ta ñasahan in quivi á nu á ta quivi Jesucristo yóho queá cáhnu chága nu tóco ndihi quivi. ¹⁰ Sahá ña cán queá tóco ndihi na ndúu indivi xihín na ndúu ñuyívi cuni joho na quivi Jesucristo ta já ndaca xití na nu á. Ta janda na ndúu tíxi ñúhu ndaca xití na nuú Jesucristo ña caja cáhnu na mé á. ¹¹ Anda jávi cahán in in na cán ña cúú Jesucristo xitoho na ta xihín ña yóho ndicáhnu ndivaha Ndióxi, tátá yo.

Ná cúú cuéntá Jesús cúú ná tátuhun ñúhu, ña jándiyehé ñuyívi yóho

¹² Candehe ndó ñani mí i, na cúú cuéntá Jesús. Tá quiahva ñacandúsa ndó caja ndó

ñá ñasahnda i nu ndo tá ñasahin i tañu ndó jan quiahva já ndítahan candúsa chága ndó yehe viti nani in xíca i nu ndo. Xíni ñúhú ndihi ini ndó caja ndó ña cúni Ndióxi jáchi najácaacu a ndoghó. Ta xíni ñúhú cayihvi ndó Ndióxi nani caja cáhnu ndó a xihín ndinuhu ini ndó. ¹³ Jáchi Ndióxi queá caja ña xíca ini ndó caja ndó ña vaha ta chindeé a ndoghó caja ndó ña táhan ini mé á xihín.

¹⁴ Ta a cahán cuachi ndo saha tóco ndihi ña caja ndó. Ta ni a ndítuhún ihvi xihín táhan ndó. ¹⁵ Já ná ñaha ña cúú ndó ñayivi víi, na coo cuachi. Ndítahan caja ndó tá quiahva caja na cúú jahyi Ndióxi, na coo cáquini xihín cuachi ña caja ñayivi quini cuéntá ñuyívi yóho. Cúú á tátuhun ndiyihvi ndaa ndó xihín ña vaha caja ndó tá quiahva ndiyihvi ndaa quimi indivi. ¹⁶ Jáchi cahán ndó tuhun vaha sahá Jesucristo nuú ñayivi já ná cuu caticu na anda ama cáa quivi. Tá ná caja ndó ña yóho já queá cajii ini i xihín ndó tá ná xinu quivi quixi tucu Jesucristo. Jáchi xihín ña yóho cándaá ini i ña a juú ña uun ñasacu chuun ñacaja i. ¹⁷ Ta vatí ná ndiquiahva i mí i quivi i saha ndo joo cajii tá cajii ini i. Jáchi tá ná quivi i cúú á tátuhun cáthán i xihín ña joco ndó nu Ndióxi sahá ña candeé ini ndó mé á. Ta sahá ña yóho cajii ini i ta in nuú cajii ini ndihi. ¹⁸ Sahá ña cán queá ndítahan cajii ini mé va ndó já ná cajii ini ndihi.

Sácú ini Pablo chindahá da Timoteo xihín Epafrodito nuú na ñuu Filipos

¹⁹ Ta cúni Jesucristo, xitoho i chindahá yachi i Timoteo nu ndo ña ná cañehe da tuhun saha ndó nuú i. Anda jávi cajii ini i tá ná cándaá ini i saha ndo. ²⁰ Mé a ndaa quihvi ini da ndoghó ta coo ga inga da ñúhu ini saha ndo tá quiahva ñúhu ini yehe saha ndo. ²¹ Jáchi java ga na cúú cuéntá Jesús ndicani ini na sahá ñaha mé va na ta coo ndicani ini na sahá ñaha cuéntá Jesucristo. ²² Joo sa xíni ndó ña cúú Timoteo ña vaha ndivaha ta sa cándaá ini ndó ndá quiahva chindeé da yehe nu xíca i cahán i tuhun Ndióxi xihín ñayivi. Cúú dá tátuhun jahyi jáchi chindeé cuahá da yehe. ²³ Sahá ña cán queá sácú ini i chindahá i da nu ndo tá sa ñacandaá ini i ndaja cáa sahá i. ²⁴ Ta candeé ini i ña quiahva Ndióxi ñamanj nuú i saá yachi mé víi coto nihi i ndoghó jan.

²⁵ Caja i cuéntá xíni ñúhú chindahá i ñani Epafrodito ña ná ndicó coo tucu da nu ndo jáchi mé ndó ñachindahá ndó da nuú i ña ná chindeé da yehe. Ta mé a ndaa cuahá ndivaha ñachindeé da yehe janda quiahva nandoho ini da xihín i. ²⁶ Joo viti xíca ndivaha ini da cuni ndihi da ndoghó. Ndicani ini da saha ndo jáchi ñañehé ndó tuhun ña sa ñaquihvi da. ²⁷ Ta mé a ndaa nandoho da cuhe ta jalóho quivi da, nduu. Joo ñacaja Ndióxi ñamanj xihín da ta já ñandivaha da.

Ta xihín ña yóho ñacaja ri mé á ñamaní xihín yehe ña ná a cácuéha chága vi ini i jáchi sa ín cuahá ña ndóho i viti. ²⁸ Sahá ña cán quéa chindahá númí i da ña ná saá quíi dá nu ndo já ná cajií ini ndó cuni tucu ndó da ta xihín ña yóho ndivaha ri ini yehe va. ²⁹ Ndítahan cajií ini ndó ndiquehe ndó da jáchi cúu dá ñani ndó da cúu cuéntá Jesús. Ta ndítahan coo toní ñúhú ndó xihín tóco ndihi na cája tá quiahva cája mé dá. ³⁰ Jáchi mé a ndaa jalóho quivi da sahá chuun ñacaja da cuéntá Jesucristo. Cuahá ndivaha tondóho ñaquixi nu dá sahá ña ñachindeé da yehe jáchi ñacaja mé dá ña a cuú caja mé ndó yóho sahá i.

3

Ña ín chága saha nu Ndióxi

¹ Candehé ndó ñani mí i, na cúu cuéntá Jesús. Xini ñúhú cajií ini ndó xihín ña cája Ndióxi. Co cája toho a nu mí i cáhyi i vi tucu u ña sa ñacahyi i nu ndó jihna jáchi chindeé a ndohó. ² Cuéntá coo ndó xihín ñayivi quini, na xica cája ña núu jan. Jáchi jánaha na ña ndítahan cahnda ndó yiquí cuñu ndó ña ná chicaañ ndó marca yiquí cuñu ndó já ná cacuu ndó cuéntá Ndióxi. ³ Joo mí co cándúsa i ña cúu yó cuéntá Ndióxi sahá ña sáhdá yo yiquí cuñu i vatí mé a ndaa cúu yó tátuhun na ñaquihvi marca yiquí cuñu sahá ña cája cáhnu i Ndióxi jáchi ndácaañ ínimá yíi mé á ini ínimá yo. Ta viti cajií ini yo sahá ña cúu yó cuéntá Jesucristo. Co cándeé ini ña cája i ⁴ vatí mí i cuu cachi i ña cándeé ini i ñaha ñacaja i, nduu. Jáchi ñasacaja i ña cáchi ley xihín ndinuhu chága ini i a juú ga inga na. ⁵ Jáchi tá ñaxinu una quívi ñacacu u já ñachicaañ na marca jan yiquí cuñu i. Ta mí i cúu u da Israel, da ñaquixi chichi Benjamín. Ta tátá náná i ñaquixi na chichi Israel ta cáhan nde tuhun hebreo. Ta ñasandico i táhan da cúu fariseo, da sácú vaha ley Moisés. Ta ñacaja i tóco ndihi ña ñasahnda ley Moisés. ⁶ Ñasandico cáhnu ndivaha i íchi cuéntá na fariseo cán sahá ña cán quéa ñacasahá ñandicuíta i cája xíxi i xihín na cúu cuéntá Jesús. Xihín ndinuhu ini i ñacaja i tóco ndihi ña cáchi ley sahá ña cán quéa ni na na coo ñacuu chicaañ na cuachi jatá i saha ley Moisés. ⁷ Tóco ndihi ña yóho ñasacuu a ña náhnu ndivaha nuú i. Joo viti coo sahá ga ña cán nuú i jáchi ñacasahá cándeé ini i Jesucristo. ⁸ Ta mé a ndaa yahvi chága ña cándeé ini i Jesucristo a juú ga tóco ndihi ña ñacaja i jihna. Sahá ña cuni candaa chága ini i sahá Jesucristo, xitoho i sahá ña cán quéa najándacoo i tóco ndihi ña ñacaja i cán. Ta tóco ndihi ña cán cúu á tátuhun xehe ta coo sahá toho a nuú i viti jáchi cuni candico chága i Jesús. ⁹ Ta cuni cacuu u in da in ná nduu xihín Jesucristo. Joo co ndáti

i nduu ndaa i nu mé á sahá ña sácú vaha i ley Moisés jáchi xini vaha i ña cája Ndióxi ña ná nduu ndaa i nu mé á sahá ña cándeé ini i Jesucristo cuiti va. ¹⁰ Ña cuni quéa candaa chága ini i sahá Jesucristo. Ta cuni ña ná chutú ndaa ínimá i xihín ndée Ndióxi, mé ndée ña ñacaja ña ñanditacu tucu Jesucristo. Ta cuni ndoho ini i tá quiahva ñandoho ini mé á tá ñaxihí a ndica crúxu. ¹¹ Já quéa ndáti i xinu coo quívi nditacu u tá ná nditacu na sa ñaxihí.

Ndítahan nducú ndée yo janda quiahva ná xinu coo i ndiquehe ña quiahva Ndióxi nu yo

¹² Co cuni cachi i ña sa ñaquee vaha vi. Ni co cuni cachi i ña sa ñaxinu coo i cúu u in taa ndaa tátuhun cuni Ndióxi. Ña cája i quéa ndihi ini i jáxinu coo i cacuu u in da cája tá quiahva cuni Jesucristo jáchi sahá ña cán najácacu a yehe. ¹³ Candehé ndo ñani i, na cúu cuéntá Jesús. Co cuni cachi i ña sa ñanduu u tá quiahva cuni mé á. Ña cája ndusa i quéa ndíndójo i sahá ña ñasacaja i jihna ta ndihi ini i jáxinu coo i cája i ña sácú ini Ndióxi caja i. ¹⁴ Já caja i janda quiahva ná xinu coo i ndiquehe e ña sácú ini Ndióxi quiahva nuú i sahá ña ñacaja Jesucristo. Jáchi cána Ndióxi yehe cuhun i coo i indivi xihín mé á.

¹⁵ Tóco ndihi mé ndó, na sa ñandindacú xihín ña cándeé ini ndó Ndióxi, xini ñúhú cahvi ini ndó tá quiahva cáhvi ini yehe. Ta tá co cáhvi ini ndó tá quiahva cáhvi ini yehe já quéa jándiyehé Ndióxi xini túni ndo ña ná cajií ini ndó xihín á. ¹⁶ Joo ndítahan nu yo caja i ña ndaa, ña coo najándacoo i cája i anda viti.

¹⁷ Candehé ndo ñani i, na cúu cuéntá Jesús. Ndítahan candehé ndo ndá quiahva cája yehe ña ná caja ndó ña. Ta ndítahan candehé ndo ndá quiahva cája java ga na sa najánaha nde jáchi ñacatiagua na cája na tá quiahva cája mé nde. ¹⁸ Sa cuahá ndivaha tañu ñacachi i ña yóho xihín ndó ta viti táhvi ticuúí nuú i cáhan tucu u ña xihín ndo. Ndúu cuahá ñayivi ta cáchi na cúu ná cuéntá Jesús joo cája na tátuhun na co cándúsa ña ñaxihí Jesucristo ndica crúxu. ¹⁹ Joo vaxi quívi ndihi saha ná anda ama cáa quívi sahá ña núu cája na jáchi a juú quiahva ndihi ini ná sahá ña xíxi na. Ta ndíñehe jícó na mé ná sahá ña núu cája na ta chí coo a cácahan nuú ná. Ñaha ñuyivi yóho cuiti va cáhvi ini na saha. ²⁰ Joo mí cúu yó ñayivi cuéntá Ndióxi, na canduu indivi xihín mé á. Ta ndáti tiaha i ña quixi Jesucristo, xitoho i chí indivi, mé á jácacu mí. ²¹ Ta ndijama mé á yiquí cuñu i, ña ñacavitá já ná nduu a tátuhun yiquí cuñu mé á jáchi cáhnu ndivaha cúu á. Ta ndijama mé á mí xihín ndée a jáchi mé á sáhdá chuun nu tóco ndihi ñaha xihín ndée á.

4

Xíní ñúhú cají ini ndó xihín ña cája Ndióxi xihín ndo

¹ Candehé ndo ñani mí i, na cúu cuéntá Jesús. Xíca ndivaha ini i cuni i ndoghó jáchi quihvi ini i ndoghó. Ta cájii ndivaha ini i xihín ndo jáchi co cácahan nuu i saha ndo. Cúni ña ná candiço ndacu ndo ichi cuéntá Jesucristo, xitoho í.

² Xíca tahví i nu Evodia xihín nu Síntique ña ná ndique táhan vaha na jáchi in quihvi cúu ná cuéntá Jesús. ³ Ta xíca tahví i nu mún, da cája chúun tuun xihín i ña ná cajún ñamaní cahún xihín ndivi quiahva i jan ña ná ndique táhan maní ná. Jáchi ndivi na jan nachindee cuahá na yehe tá naxica nuu i nacahan i tuhun Ndióxi, mé tuhun cúu jácacu ñayivi. Ta quiahva já nachindee ri ñani, da nani Clemente yehe. Ta java ga da cúu cuéntá Jesús nachindee táhan na xihín i. Sa ndáa va quívi ná nu libro nu ndáa quívi tóco ndihi na catacu anda ama cáa quívi.

⁴ Níi tiempo ndítahan cají ini ndó xihín ña cája Ndióxi xihín ndo. ⁵ A sa xini joho ndó. Níi tiempo ndítahan cají ini ndó. ⁵ Ta xihín ña yóho candaá ini tóco ndihi ñayivi ña cúu ndó ñayivi vaha ini. Sa nacayati quívi quixi tucu Jesucristo, xitoho í.

⁶ A ndicani nahá ini ndó sahá ni in ñaha. Ña ndítahan caja ndó queá caça tahví ndo nu Ndióxi níi tiempo ta ndicani ndó nu mé á ndaja cá ña ndóho ndó. Caça tahví ndó nu á ta a ndindójo ndo ndiquahva ndó ndixahví nu mé á. ⁷ Andá já caja Ndióxi ña ná coo vaha ini ndó ta cáhnu chága ña yóho a juú ga tóco ndihi ña cuu candaá ini ñayivi. Ta tá ná caja Ndióxi ña ná coo vaha ini ndó já queá chindee a ndoghó já ná ndindacu ínimá ndo xihín xini túni ndo sahá ña in nanduu ndó xihín Jesucristo.

Xíní ñúhú cahvi ini ndó caja ndó ndinuhu ña vaha

⁸ Jandá ña yóho cuití va cúni cahan i xihín ndo, ñani i, na cúu cuéntá Jesús. Xíní ñúhú cahvi ini ndó sahá ña ndaa ta sahá ña cuu coo toni ñúhú ndó xihín. Ta xini ñúhú cahvi ini ndó sahá ndaja caja ndó ña ndaa. Ta xini ñúhú cahvi ini ndó sahá ñaha víi. Ta xini ñúhú cahvi ini ndó sahá ñaha cuu cají ini ñayivi xihín, ña cuu cahan vaha na saha. Ta xini ñúhú cahvi ini ndó sahá ña vaha cuu caja ndó ña ná cuu caja cáhnu ñayivi Ndióxi saha.

⁹ Caja ndó tóco ndihi ña najánaha i nu ndó caja ndó. Ndítahan caja ndó ña naxini joho ndó nacahan i xihín ña naxini ndó nacaja i. Ta ná coo Ndióxi xihín ndo ta mé á queá caja ña ná coo vaha ini ndó.

Na cúu cuéntá Jesús ndúu ñuu Filipos chindee na Pablo

¹⁰ Cájii ndivaha ini i ta ndiquahva i ndixahví nu Jesucristo, xitoho í jáchi nandicuhun tucu ini ndó sahá i. Co cúni cachi i ña sa nandindójo ndó sahá i, vaha. Ña cúni i cachi i queá co núná nu ndo chindee ndó yehe. ¹¹ Co cáhan i ña yóho xihín ndó sahá ña ndímaní ñaha nuú i jáchi sa nacatiahva i cájii ini i xihín ña lin nuú i. ¹² Sa xini coo ndahví ndivaha i ta sa xini i coo cuahá ndivaha ñaha nuú i. Nacatiahva i coo ndée ini i nu tóco ndihi ña quixi nuú i. Sahá ña cán queá lin vaha ini i vatí lin cuahá ña cuxu u á coo a. Ta vatí yójo ñaha nuú i á ndímaní ña nuú i lin vaha ini i. ¹³ Sahan ndée ini i nu tóco ndihi ña quixi nuú i jáchi Jesucristo queá chindee a yehe caja i ña. ¹⁴ Joo vaha nacaja ndó jáchi nachindee ndó yehe tá nandoho ini i sahá ña nandímaní nuú i.

¹⁵ Sa xini ndó ña in túhún mé ndó, na cúu cuéntá Jesús ndúu ñuu Filipos jan cúu ndó na nachindee yehe tá naquee e cuahan i chí Macedonia cahan i tuhun Ndióxi, ña cuu jácacu ñayivi. Ta nacaja ndó ña yóho jáchi nacamáni ndó yehe sahá ña nachindee e ndoghó xihín tuhun Ndióxi. ¹⁶ Jáchi tá nasahin i ñuu Tesalónica cán já nachindahá ta nachindahá ndó ñaha nandímaní nuú i. Ta a juú in tañu cuití va nacaja ndó ña. ¹⁷ Co cahan i ña yóho xihín ndo sahá ña cúni ñehe cuití vi ñaha. Ña cúni queá ná चाहvi Ndióxi sahá ñamaní nacaja ndó. ¹⁸ Ta viti coo ga ñaha ndímaní nuú i. Janda yójo joho a nuú i viti xihín tóco ndihi ña nachindahá ndó xihín Epafrodito ñehe da naquixi da nuú i yóho. Tóco ndihi ña nachindahá ndó nuú i yóho cúu á ña cájii ndivaha ini Ndióxi xihín. Cúu á tátuhun joco ndó in ña támi sahan nu mé á. ¹⁹ Ta Ndióxi, mé á cája cáhnu i chindee a ndoghó ná a ndímaní ga ni in ñaha nu ndo. Jáchi cuahá ndivaha ña cujá cómi Ndióxi ta quiahva mé á ña nu ndo sahá ña cúu ndó cuéntá Jesucristo. ²⁰ Cáhnu ná cacuu Ndióxi, tátá yo anda ama cáa quívi. Já ná coo.

Ndíndayí Pablo na cúu cuéntá Jesús

²¹ Sahá ña in cúu yo cuéntá Jesucristo chindahá i Ndióxi coo tóco ndihi na cúu cuéntá mé á cán. Ta ñani, na cúu cuéntá Jesús ndúu xihín i yóho chindahá na Ndióxi coo ndó. ²² Ta jari java ga na cúu cuéntá Ndióxi ndúu chí yóho chindahá na Ndióxi coo ndó. Ta na chindahá chága ví Ndióxi coo ndó cúu na cája chúun vehe da cómi cuéntá sahá ñuu Roma.

²³ Ná caja Jesucristo, xitoho í cuahá ñamaní xihín tóco ndihi ndó. Já ná coo.

Carta nachindahá Pablo nuú na cúu cuéntá Jesús ñuu Colosas

Chíndahá Pablo Ndióxi coo na cúu cuéntá Jesús ñuu Colosas

¹ Yehe cúu Pablo, da nandicaxi Ndióxi cacuu y apóstol cuéntá Jesucristo. Ta yóho íin Timoteo, ñani, da cúu cuéntá Jesús. ² Chíndahá nde carta yóho nu ndo, na cúu cuéntá Ndióxi ndúu ñuu Colosas jan. Jáchi cúu ndó na cúu cuéntá Jesucristo, na cándee cáhnu ini mé á. Ña cúnj nde quéa ná caja cuahá Ndióxi, tátá yo ñamanj xihjin ndo ta ná caja ña ná coo vaha ínimá ndo.

Xíca tahví Pablo sahá na cúu cuéntá Jesús cán

³ Níi tiempo ndiquiahva nde ndixahvi nu Ndióxi, mé a cúu tátá Jesucristo, xitoho í tá xíca tahví nde nu mé á sahá ndo. ⁴ Jáchi sa nañehé nde tuhun ña cándee ini ndó Jesucristo ta nañehé nde tuhun ña quihvi ini ndó tóco ndihi na cúu cuéntá mé á. ⁵ Ta cája ndó ña yóho jáchi sa nacandaa ini ndó ña ndaa sahá Jesucristo ta ndáti ndó ndiquehe ndó ña quiahva Ndióxi nu ndó indivi. Ta janda naní naxini johó ndó tuhun vaha cáhan sahá Jesucristo já nacasáhá cúnj ndó chuhun ndó indivi. ⁶ Mé tuhun vaha naxini johó ndó sahá Jesucristo yóho nacasáhá ndicujta nuu a nuú ñayivi ta cuahá na sa cándusa ña ndijáá níi cúu sahá ñuyiví. Ta tóco ndihi na cán cája na tá quiahva nacaja mé ndó tá naxini johó ndó ña quihvi ini Ndióxi ndohó ta já nacandaa ini ndó ña mé a ndaa táhyi quihvi ini Ndióxi ndohó. ⁷ Ña yóho quéa najánahá da naní Epafras nu ndo. Mé a ndaa quihvi ini nde da jáchi in cúu da cája chúun da xihjin nde ta mé a ndaa nacaja chúun da nu mé ndó xihjin ndinuhu ini da tá najánahá da ndohó tuhun Ndióxi. ⁸ Ta tá naquixi da yóho já nacaxi tuhun da xihjin nde ña cája ínimá yij Ndióxi ña quihvi ini ndó na cúu cuéntá Jesús.

⁹ Ta janda naní nacandaa ini nde sahá ña cája ndó já nacasáhá xíca tahví nde nu Ndióxi sahá ndó ndijáá níi quiví. Ta xíca tahví nde nu á ña ná naha nu ndo ña cúnj mé á caja ndó. Ta xíca tahví nde nu á ña ná quiahva mé á ndaja táhan ña ndichí nu ndo ta ná caja mé á ña ná candaa ini ndó tóco ndihi ñaha cuéntá mé á. ¹⁰ Já quéa ná cuu caja ndó tá quiahva ndítahan caja ndó jáchi cúu ndó ñayivi cómi Ndióxi cuéntá sahá. Níi tiempo xini ñúhú caja ndó ña cájij ini mé á xihjin. Ta quiahva já xini ñúhú nahá ndó ña cája tá cája ndó ña vaha xihjin ñayivi ta quiahva já xini ñúhú candaa chága

ini ndó sahá Ndióxi. ¹¹ Ta quiahva já xíca tahví nde nu Ndióxi ña ná ndaja ndacú a ndohó xihjin ndée cáhnu ndivaha mé á já quéa cuu caja ndeé ini ndó ta já a ndíhi ini ndó tá ná quixi cuahá tondohó nu ndo. Ta cajij ini ndó ¹² ndiquiahva ndó ndixahvi nu Ndióxi jáchi nasacu tiahva mé á ndohó ña ná ndiquehe ndó ña nasacu ini mé á quiahva nu tóco ndihi na cúu cuéntá mé á tá ná xinu coo na nu yehe ndivaha nuú cacomi mé á cuéntá sahá ná. ¹³ Nasanduu yó nuú naá ndivaha ta cán natavá Ndióxi mí ndáha ña quini ta ndiquiahva mé a mí ndáha Jesucristo, jahyi mánj á ña ná cacomi a cuéntá sahá yo. ¹⁴ Ta mé Jesucristo najácacu a mí tá naxihj a ndica crúxu ta nacaja cáhnu ini a sahá cuachí.

Jesucristo cúu á jinj nu tóco ndihi ñaha

¹⁵ Ta Jesucristo cúu yuhú nuú Ndióxi, ña a cuú cuni tívi ta janda tá cámaní casahá cavaha Ndióxi ñuyiví yóho sa íin jahyi a, Jesucristo. ¹⁶ Ta sa mé Jesucristo nacavaha tóco ndihi ñaha ndúu ñuyiví yóho xihjin ña ndúu indivi. Ta mé á nacavaha tóco ndihi ña xini xihjin nuú yo xihjin ña a cuú cuni. Ta nacavaha mé á tátó Ndióxi, ña cómi chuun cuéntá Ndióxi ta nacavaha java ga tátó a, na íin cuahá ndée cahnda chuun. Tóco ndihi ña yóho nacavaha Jesucristo ña ná cacuu a ñaha mé á. ¹⁷ Ta sa íin va mé á tá cámaní cava sahá sahá tóco ndihi ñaha ta cája mé á ña ná cuu canduu tóco ndihi ñaha indivi xihjin ñuyiví. ¹⁸ Ta cúu á jinj nu tóco ndihi na cúu cuéntá mé á, na cúu tátuhun yiquí cuñu a. Ta mé a cán caja ña ná ndihvi ñayivi ichi mé á catacu na xihjin ndée a jáchi anda sahá nasahjin mé á ta jihna ñúhú nanditacu tucu a tañu na sa naxihj. Ta xihjin ña yóho naxinu coo a nanduu a jinj nu tóco ndihi ñaha. ¹⁹ Tá quiahva cáa Ndióxi quiahva cáa ri Jesucristo jáchi já cúu Ndióxi coo. ²⁰ Ta cúnj ri Ndióxi ndique táhan mánj tucu a xihjin tóco ndihi ña nacavaha. Ña cán quéa naxihj Jesucristo ndica crúxu já ná cuu ndique táhan mánj tóco ndihi ña ndúu ñuyiví xihjin indivi xihjin Ndióxi.

²¹ Mé ndó nasanduu xíca ndo nu Ndióxi ta naxini ihvi ndó a jáchi ndinuhu ña núu nasacahvi ini ndó caja ndó, nduu. Joo viti najándique táhan mánj Ndióxi ndohó xihjin mé á ²² sahá ña nacaja Jesucristo, jahyi a tá naxihj yiquí cuñu a ndica crúxu. Já nacaja mé á ña ná cuu xinu ndó canduu vii ndó nu á. Ta ndiquiahva mé á ndohó ndáha Ndióxi já ná cacuu ndó ñayivi vii, na coo ga cuachi nu á. ²³ Joo xini ñúhú cándee cáhnu ini ndó Jesus ta a jándacoo xóo ndó ña ndáti ndó quiahva Ndióxi nu ndo. Jáchi tá naxini johó ndó tuhun vaha sahá Jesucristo já nacandaa ini ndó ña cuu jácacu a ndohó. Ta sa mé tuhun yóho ndicujta nuu ndijáá níi

cúu sahá ñuyiví ta yehé cúu dá chindeé táhan jándicuita nuu a nuú ñayivi.

Cája chuun Pablo cuéntá na cúu cuéntá Jesús

²⁴ Ta viti cájji ini i jáchi ndóho ini i sahá ndo ta ña cája i queá jáxinu coo i ña nasacu ini Jesucristo ndoho i sahá na cúu cuéntá mé á, na cúu tátuhun yiquí cuñu a. ²⁵ Nandaja Ndióxi yehé ña ná nduu u in da caja chuun nuú na cúu cuéntá Jesús. Jáchi nasahan mé á chuun yóho nuú i ña ná chindeé e ndohó sahá ña jánaha cáxi i tuhun Ndióxi nu ndo. ²⁶ Ta jandá tá ñacava sahá sahá ñuyiví nasahjin yehé a nuú ñayivi joo viti najánaha Ndióxi nuú na cúu cuéntá mé á ña nasahjin yehé jihna. ²⁷ Ta viti sácú ini Ndióxi nahá nuú na cúu cuéntá mé á ndá quiahva náhnu ñamaní cúnj caja mé á xihín na tóho. Ta ña nasahjin yehé cúu ña yóho: ndácaan Jesucristo ini ínimá ndo ta xihín ña yóho vaxi quivj ndicáhnú ndó xihín mé á.

²⁸ Cáxi tuhun nde nuú ndihi ñayivi sahá Jesucristo. Ta jácahan nde na ña ná a cája na cuachi. Ta xihín ndinuhu ini nde jánaha nde nu ná ña nditahan caja na já ná nduu na ñayivi ndaa nu Ndióxi sahá ña ñacaja Jesucristo. ²⁹ Ta ña yóho cúu chuun ndúcú ndéé e caja i xihín ndéé cáhnú sahan Jesucristo nuú i.

2

¹ Cúnj ña ná candaa ini ndó ña ndúcú ndéé e xíca tahví i nu Ndióxi sahá ndó xihín sahá na cúu cuéntá Jesús ndúu ñuu Laodicea. Ta quiahva já ndúcú ndéé e xíca tahví i nu Ndióxi sahá na cúu cuéntá Jesús, na a ñaha cuni táhan xihín i. ² Ndúcú ndéé e xíca tahví i nu Ndióxi sahá ná já ná ndihvi ndéé Ndióxi ini ínimá na ta in ná nduu na sahá ña quihvi ini táhan na. Ta xíca tahví i nu Ndióxi ña ná candaa vaha ini ná ña ndaa sahá Jesucristo, ña mé a ndaa ndíyahvi ndivaha. Jáchi ña nasahjin yehé jihna najánaha Ndióxi nu ná viti ta ña yóho cúu Jesucristo. ³ Ta mé Jesucristo cándaq ini a tóco ndihi ñaha. Cándaa ini a ndía queá ña núu ta ndía queá ña vaha ta cúnj mé á ña ná candaa ri ini mé ví ña jan. ⁴ Cáxi tuhun i ña yóho xihín ndó ná a jándahvi inga na ndohó jáchi ndúu java na ta ndató ndivaha cáhan na joo cúu ná na jándahvi ñayivi. ⁵ Ta vatí co íni mí i xihín ndo nu ndúu ndó jan joo ñúhu ini i sahá ndo níi tiempo. Ta cájji ini i tá xínj i ña ndúu víi xihín táhan ndó. Ta cájji ini i sándehe e ña co jándacoo ndó ña cándéé ini ndó Jesucristo.

⁶ Tá nandiquehe ndó íchi cuéntá Jesús já nanduu mé á xitoho ndó. Ta viti ndítahan nu ndó caca nuu ndó xihín a ndijáá níi quivj. ⁷ Xínj ñuhú cativi tuun ndó Jesucristo já ná quiahva mé á ndéé a nu ndo. Xihín tuhun Ndióxi ña najánaha nde nu ndó jan ndítahan

candéé chága ini ndó Jesucristo. Ta ná a jándacoo ndó ña ndíquiahva ndó ndixahvi nu mé á.

Íchi saá xíca i viti

⁸ Cuéntá coo ndó ná a jándahvi na ndohó xihín ña tuhún cúnj na jánaha na nu ndo. Jáchi náha ña quíxi a nu Ndióxi joo cúu á ña quíxi jinj mé va na cuiti va. Ta cáhan na sahá ña jánaha ñayivi ñuyiví ta co cúu á ña jánaha Jesucristo nu yo.

⁹ Tá quiahva cáa Ndióxi quiahva já cáa Jesucristo vatí nanduu a in ñayivi. ¹⁰ Ta nandicutú ndaa mé ndó xihín mé á jáchi in nanduu ndó xihín Jesucristo, mé a sáhná chuun nu tóco ndihi na cómi cuéntá sahá indivi xihín ñuyiví yóho. ¹¹ Ta sahá ña in nanduu ndó xihín Jesucristo sahá ña cán queá nanduu ndó ñayivi cuéntá mé á ta cúu á tátuhun ñachicaan Ndióxi marca ndohó ta co cúu á tátuhun marca chicaan ñayivi yiquí cuñu na. Ña cája Jesucristo queá jácaxoo a mí nuú cuachi já queá ná a cája ga yó ña. ¹² Jáchi tá ñacandutá ndo cuéntá Jesucristo já ñasacuu a tátuhun ñaxihj ndó ta nanduxu ndó xihín Jesucristo jáchi najándacoo ndó cuachi ñacaja ndó. Ta tá ñanditacu mé á nasacuu a tátuhun ñanditacu ri mé va ndó xihín a sahá ña cán queá cúu ndó ñayivi saá viti jáchi ñacandéé ini ndó ña íni ndéé Ndióxi caja ña ná nditacu Jesucristo. ¹³ Jihna nasacuu ndó tátuhun ndji sahá cuahá cuachi ñacaja ndó ta sahá ña coo ñaxeen ndó caja ndó ña sáhná Ndióxi. Ta ñasacaja ndó tá quiahva cúnj mé va ndó jáchi ñasacomí cuachi cuéntá sahá ndo. Joo viti ñacaja Ndióxi ña ná ñehé tahví ndó catacu ndó xihín Jesucristo ta ñacaja cáhnú ini a sahá tóco ndihi cuachi ndó. ¹⁴ Ñasacomí yo cuachi nu Ndióxi jáchi ñaquehe núu i ña nasahnda mé á caja í. Ta ndácaan cuachi jata yó ñacaja ley joo najándoo Ndióxi cuachi tá ñaxihj Jesucristo ndjca cruxu sahá yo. ¹⁵ Ta tá ñaxihj a ndjca cruxu já ñaquehe vaha mé á xihín tiñáhá saçuahá ta ñaquehe vaha mé á xihín rí quini, rí sáhná chuun nuú ñayivi ñuyiví. Ta sahá ña najácaahan Jesús nuu ri nuú ñayivi sahá ña cán queá a cuú chinúu ga ri cuachi jata yo viti. Xihín ña ñacaja Jesucristo yóho najánaha Ndióxi nu yo ña a cuú ga caja tiñáhá saçuahá ni in ñaha xoho.

Ndítahan ndinducú yo ñaha íni indivi

¹⁶ A quehe ndó cuéntá sahá ñayivi tá ná candehé ndaa na ndohó sahá ña xíxi ndó á sahá ña xihí ndó. Ta ní a quehe ndó cuéntá tá sándehe ndaa na ndohó sahá ña co cája ndó víco cája mé ná ta ní sahá ña co cája ndó víco quivj cája cáhnú na yóó saá. Ta ní a quehe ndó cuéntá tá sándehe ndaa na ndohó sahá ña co cája cáhnú ndó quivj ndíquehe ndéé na. ¹⁷ Sanahá tá cámani cacu Jesucristo

já nasahnda Ndióxi chuun nuú ñayivi ña ná caja na ley Moisés joo coo chuun a viti jáchi sa najáxinu coo Jesucristo tóco ndihi ña nasahnda ley Moisés. ¹⁸ A cándusa ndó ñayivi tá cáchi na xihín ndó ña cuhun ndó indayá sahá ña co caja ndó ña cáchi mé ná. Caja cáhnu na tátó Ndióxi ta sahá ña jan ndája tohó ndivaha na mé ná. Ta cáchi na ñacahan tívi Ndióxi xihín na sahá ña cán queá ndíñehe jíc ndivaha na mé ná. Xíni túnj na yóho cúu á xíni túnj ñayivi ñuyiví cuiti va. ¹⁹ Jáchi co xica tuun na jan xihín Jesucristo, mé a cúu jini nu mí. Mé á sahan ndéé á nu yo cuahnu í ta jándique táhan mé á mí xihín á tá quiahva nasacu ini Ndióxi.

²⁰ Tá ñaxihí Jesucristo ndíca crúxu já cúu á tátuhun ñaxihí ndó núu cuachi, jáchi co cómi ga ñaha ñuyiví yóho cuéntá saha ndó viti. Sahá ña cán queá co ndítahan nu ndó caja ndó tá quiahva caja ñayivi ñuyiví yóho. Co ndítahan caja ndó ña cáchi na xihín ndó tátuhun ña yóho: ²¹ “A tíni toho ndó ña jan. A cáxi toho ndó ña cáa. A cáni ndaa ndáha ndó ña yóho”, cáchi na xihín ndó. ²² Tóco ndihi ña yóho ndihi saha. Tóco ndihi ña caja na yóho cúu á ña sáhdá ñayivi ñuyiví cuiti va ta co cúu á ña ñaquixi nu Ndióxi. ²³ Jáchi tóco ndihi ña jánahá na jan cúu á ña quíxi jini mé va na vatí ndáa na tátuhun na ndíchi jini. Ta jánahá na ña ndítahan caja cáhnu ñayivi Ndióxi xihín costumbre ñacavaha mé va na. Ta náha na tátuhun ñayivi tohó joo ndíñehe jíc na mé ná. Ta jánahá na ña xíni ñúhú jándoho í yiquí cuñu í joo coo saha toho ña yóho jáchi co chindeé a mí jándihi sahá ña xíca ini yiquí cuñu í caja.

3

¹ Tá ñanditacu Jesucristo tañu na sa ñaxihí cúu á tátuhun ñanditacu ndó xihín mé á. Sahá ña cán queá xíni ñúhú ndinducú ndó ñaha cúu cuéntá Ndióxi, mé ñaha quíxi indiví nu íin coo Jesucristo xoo cuáha Ndióxi. ² Xíni ñúhú cáhvi ini ndó sahá ñaha cúu cuéntá Ndióxi ta co xíni ñúhú ndicani ini ndó sahá ñaha ñuyiví yóho. ³ Jáchi mé ndó cúu ndó tátuhun na sa ñaxihí tá ñaxihí Jesucristo. Sahá ña cán queá co xíni ñúhú ndiava ini ndó cacomí ndó ñaha ñuyiví yóho jáchi cuhun ndó coo ndó xihín Jesucristo indiví nu íin Ndióxi. ⁴ Ta sahá ña ñacaja Jesucristo sahá ña cán queá tácu yo viti ta tá na canáha nuu Jesucristo ñuyiví yóho já ndacanáha nuu ndó xihín á. Tá quiahva ndiyehé ndivaha mé á quiahva á ndiyehé ri ndóhó va ta ndicáhnu ndó xihín mé á.

Jihna ñaxíca í ichí cuachi joo viti xíca í ichí saq

⁵ Ndítahan jácaxoo ndó nuú cuachi, ña caja ñayivi ñuyiví. Coto a cóo ndó xihín ñayivi, na co cúu ñájihí ndó á yíi ndó. Ta ni a caja

ndó ña núu xihín yiquí cuñu ndó ta ni a caja ndó ña núu, ña xíca ini yiquí cuñu ndó caja. Ta ni a chínúu ndó ínimá ndó jatá jjuhún ndó jáchi cúu ndó tátuhun na caja cáhnu yoco tá caja ndó já. ⁶ Jáchi vaxi quiví jándoho Ndióxi ini na caja ña yóho sahá ña co xéén na caja na ña cúnj Ndióxi. ⁷ Ta jánda mé ndó tá ñaxíca nuu ndó ichí cuachi já ñacaja ndó ña jan. ⁸ Joo viti xíni ñúhú jándacoo ndó tóco ndihi ña jan: a cójo ga ini ndó xihín ñayivi ta ni a caja ga ndó ña xíca ini yiquí cuñu ndó caja ta a caja ga ndó ña núu ta ni a canáha ga ndó xihín ñani táhan ndó ta a cáhan ga ndó tuhun quini. ⁹ Ta a cáhan túhún xihín táhan ndó jáchi co cúu ga ndó na ñasacuu ndó jihna ta tóco ndihi ña núu ñasacaja ndó jihna jan co cómi ga cuéntá saha ndó viti. ¹⁰ Jáchi viti sa ñanduu ndó ñayivi saá, na loho loho ndiví chága ínimá na caja Ndióxi jánda quiahva ná xinu coo ndó nduu ndó tá quiahva cáa Jesucristo ta já candaá vaha chága ini ndó a. ¹¹ Jáchi viti coo sahá ga á tá cúu yó na Israel á tá co cúu yó na Israel, á tá cúu yó na ñaquíhvi marca yiquí cuñu í á tá coo ñaquíhvi marca yiquí cuñu í, á tá cúu yó na tohó á tá co cúu tohó í na. Ta ni coo saha toho a á tá cúu yó na yucú ñúhú ta ni coo saha toho a á tá cúu yó na cómi xitoho cuéntá saha, á tá cúu yó na xíca núu ná mé. Joo ña íin saha queá tá ná ndiquiahva ndó mé ndó ndáha Jesucristo ña ná cacomí a cuéntá saha ndó jáchi tóco ndihi na cán cúu ná na ndácaan Jesucristo ínimá.

¹² Quíhvi ini Ndióxi ndoghó ta ñacaxi a ndoghó ña ná cacuu ndó ñayivi cuéntá mé á. Ta tá quiahva ñatahnda ini Ndióxi saha ndó quiahva já xíni ñúhú táhnda ini ndó sahá ñayivi. Xíni ñúhú caja vaha ndó xihín ná. Coto a caja cáhnu ndó mé ndó. Xíni ñúhú coo víi ini ndó xihín ñayivi ta a ndíhi ini ndó xihín ná. ¹³ Xíni ñúhú coo cáhnu ini xihín táhan ndó. Ta caja cáhnu ini saha táhan ndó tá yáha nu caja xihín táhan ndó. Tá quiahva ñacaja Jesucristo, xitoho í tá ñacaja cáhnu ini a saha ndó quiahva já ndítahan caja cáhnu ini saha táhan ndó. ¹⁴ Xíni ñúhú ndicutú ndáa ndó xihín ña quíhvi ini táhan ndó já queá ná cuu canduu in nuu xihín táhan ndó tá já a cúu cahnda java táhan ndó. ¹⁵ Ta ná caja Ndióxi ña ná coo vaha ini xihín táhan ndó já ná caja ndáa ndó xihín ná. Jáchi ñasacu ini mé á ña ná caja ndó já ta ñacaxi a ndoghó nduu ndó tátuhun yiquí cuñu a. Ta ndítahan ndiquiahva ndó ndixahvi nu Ndióxi ní tiempo.

¹⁶ Ta ná ndicutú ndáa ínimá ndó xihín tuhun vaha cáhan sahá Jesucristo. Ta xihín tuhun yóho xíni ñúhú jánahá táhan ndó ta xíni ñúhú quiahva tuhun ndéé ini táhan ndó ña ná candaá vaha ini ndó ña. Ta xihín ndinuhu ini ndó xíni ñúhú ndiquiahva ndó ndixahvi nu Ndióxi. Cata ndó salmo xihín

himno xihjin canto ña sahan inima yji Ndióxi nu ndo. ¹⁷ Ta tóco ndihi ña cája ndó xini ñúhú caja ndó ña cuénta Jesucristo, xitoho í. Ta xini ñúhú ndiquiahva ndó ndixahvi nu Ndióxi, tátá yo sahá ña ñacaja Jesucristo, xitoho í.

Ndá quiahva ndítahan canduu na cúu cuénta Jesús

¹⁸ Ndóhó, najihí ndúu yji, xini ñúhú coo johó ndó nu cáhan yji ndó xihjin ndo jáchi já ndítahan caja najihí, na cúu cuénta Jesús. ¹⁹ Ta jári ndóhó, datáa, xini ñúhú quihvi ini ndó ñájihí ndo ta co ndítahan caja ndó ndaja ñacuu xihjin ná. ²⁰ Ta jári ndóhó va, na valí xini ñúhú taa johó ndó tóco ndihi ña sahná tátá náná ndo nu ndo jáchi ña yóho quéa cájii ini Ndióxi xihjin. ²¹ Ta jári ndóhó va, na ndúu jahyi, a jácojo quini ndó ini jahyi ndó já quéa ná a cávita ini na caja na ña vaha. ²² Ta ndóhó, na ñaxeen xitoho caja chúun uun va ndó, xini ñúhú caja ndó tóco ndihi ña sahná xitoho ndó, na ndúu ñuyivi yóho nu ndo. Ta a juú tá ndíta cuiti ná sándehe na nu cája chúun ndó sahá ña cúní ndó candoo vaha ndó nuú na cúu xitoho ndó cán. Ña xini ñúhú caja ndó quéa caja chúun ndó xihjin ndinuhu ini ndó nu ná jáchi cúu ndó na cája cáhuu Ndióxi. ²³ Ndítahan cajii ini ndó caja ndó tóco ndihi ñaha. Ta ndicuhun ini ndó ña nu Ndióxi cája ndó ña ta co cúu á nuú ñayivi cuiti va. ²⁴ Jáchi sa cándaq ini ndó ña chahvi Jesucristo nu ndó sahá tóco ndihi ña cája ndó. Ta ñehe táhvi ndo cuhun ndo indivi jáchi cája cáhuu ndó Jesucristo, mé á cúu ndusa xitoho ndó. ²⁵ Joo ndá na cája ña núu tandaa quivi ndoho ini na sahá ña núu ñacaja na jáchi caja Ndióxi ña ná chahvi in in na sahá ña ñacaja na.

4

¹ Ta jári ndóhó va, na cúu xitoho co ndítahan jándoho nahá ndó na ñaxeen ndó caja chúun nu ndó jan. Ndítahan caja vaha ndó xihjin ná jáchi vaxi quivi ndiquiahva ri ndóhó va cuénta nuú Ndióxi, xitoho ndó, ña in indivi.

² A jándacoo ndó caça tahví ndó nu Ndióxi xihjin ndinuhu ini ndó. Ta ndítahan coo tiaha vaha ndó ndiquiahva ndó ndixahvi nu mé á. ³ Caça tahví ndó nu Ndióxi sahá nde ña ná cuná mé á ichi nuú nde cahan nde tuhun vaha sahá Jesucristo, mé tuhun ñasahjin jehé andá viti. ⁴ Caça tahví ndó nu Ndióxi ña ná cuu cahan cáxi i tuhun Ndióxi nuú ñayivi tá quiahva ndítahan nuú i caja i.

⁵ Co ndítahan caja ndó ña yóho á ña cáa nuú na co cúu cuénta Jesús. Ta xini núhú ndihi ini ndó cahan ndó tuhun Ndióxi xihjin ná. ⁶ Tóco ndihi ña cáhan ndó xini ñúhú cacuu a ña vaha, ña cuu cajii ini Ndióxi xihjin. Ta xini

ñúhú candaq ini ndó ndaja caja ndó nducu ñehe vaha ndó tuhun nuú ñayivi.

Ndindyí Pablo na ndúu ñuu Colosas

⁷ Chindahá i da nani Tiquico nu ndó jan já ndicani da sahá i nu ndó. Mé da cúu ñani máni yo ta xihjin ndinuhu ini da in cúu dá cája chúun da xihjin i. ⁸ Chindahá i da saa da nu ndo já ná caxi tuhun da xihjin ndo ndá quiahva ndóho nde yóho. Ta chindahá i da já ná quiahva da tuhun ndeé ini ndó. ⁹ Ta chindahá ri ñani máni yo Onésimo, da ndico cáhuu ichi cuénta Jesús cuahan xihjin dá ta mé Onésimo yóho cúu da ñuu ndó jan. Ta mé dá xihjin Tiquico caxi tuhun da nu ndó ndaja cándo nde janda viti.

¹⁰ Aristarco, da ndácaan vecaa xihjin i chindahá da Ndióxi coo ndó. Ta jári Marcos, da cúu ñani cuachi Bernabé chindahá da Ndióxi coo ndó. Ta sa ñacaxi tuhun i xihjin ndo ndá quiahva ndítahan caja ndó xihjin Marcos tá ná saa da coto nihni da ndohó. Xini ñúhú ndiquehe vaha ndó da. ¹¹ Ta jári da nani Jesús, da nani tucu Justo chindahá da Ndióxi coo ndó. Janda ndihuni na yóho cuiti va cúu na cuénta Jesús, na ñaquixi chichi Israel cája chúun na xihjin i tá xica nuu nde cahan nde nuú ñayivi ña cómi Ndióxi cuénta sahá ná. Ta mé a ndaa ñachindee cuaha ndihuni na cán yehe. ¹² Ta jári Epafras, da ñuu ndó jan chindahá da Ndióxi coo ndó. Mé da cán cúu dá da cája chúun cuénta Jesucristo. Ta ní tiempo xica tahví da nu Ndióxi sahá ndó xihjin ndinuhu ini da já ná candita ndacu ndó ta ná ndiquiahva ní ndo mé ndó caja ndó ña cúní Ndióxi. ¹³ Ta xini i xihjin nuú i ndá quiahva ndihi ini Epafras xica tahví da nu Ndióxi sahá ndo ta sahá na cúu cuénta Jesús ndúu ñuu Laodicea xihjin na ndúu ñuu Hierápolis viti. ¹⁴ Lucas, da cúu doctor maní yo chindahá da Ndióxi coo ndó. Ta jári Demas chindahá da Ndióxi coo ndó.

¹⁵ Caahan Ndióxi ndó xihjin na cúu cuénta Jesús, na ndúu ñuu Laodicea ta cahan Ndióxi ndó xihjin ná nani Ninfas ta xihjin tóco ndihi na cúu cuénta Jesús táca vehe ía. ¹⁶ Ta tá ñandihí ñacahvi ndó carta yóho caja ndó ñamaní chindahá ndó ña ná cuhun a nuú na cúu cuénta Jesús, na ndúu ñuu Laodicea ña ná cahvi ri na cán va ña. Ta jári ndítahan nu ndó cahvi ndó carta ña ñachindahá i nuú na cán. ¹⁷ Ta caja ndó ñamaní caxi tuhun ndó nu Arquipo ña xini ñúhú ndihi ini da caja chúun vaha da chuun ñasahan Ndióxi nu dá caja da.

¹⁸ Ta yehe, da cúu Pablo cáhyi i java tuhun yóho nu ndó xihjin ndahá i ña ná chindahá i Ndióxi coo ndó. Xini ñúhú ndicuhun ini ndó ña ndácaan i vecaa. Ta ña cúní quéa ná caja cuaha Ndióxi ñamaní xihjin ndo. Já ná coo.

Carta nu cuití naçahyí Pablo nuú na cúu cuéntá Jesús ñuu Tesalónica

Pablo xihín da xíca xihín dá chündahá da Ndióxi coo na cúu cuéntá Jesús ñuu Tesalónica

¹Yehe cúu Pablo, da cáhyí carta yóho xihín Silvano xihín Timoteo ta chündahá i ña nuú ndihi ndó, na cúu cuéntá Jesús ndúu ñuu Tesalónica. Ta in nanduu ndó xihín Ndióxi, tátá yo ta in nanduu ndó xihín Jesucristo, xitoho í. Ná caja Ndióxi, tátá yo xihín Jesucristo, xitoho í cuahá ñamaní xihín ndihi ndó ta ná caja mé á ña ná coo vaha ini ndó.

Cándeé cáhnu ini na Tesalónica Jesús

²Já cuití ndiquiahva nde ndixahvi nu Ndióxi sahá ndihi ndó. Ta co ndíndójo nde xíca tahví nde nu mé á sahá ndo. ³Ndiquiahva nde ndixahvi nu Ndióxi, tátá yo sahá ndo jáchi cándeé cáhnu ini ndó mé á. Ta sahá ña quihvi ini ndó mé á sahá ña cán queá caja chúun vaha ndó cuéntá mé á. Sahá ña cándeé ini ndó Jesucristo ña quixi tucu a ñuyiví yóho sahá ña cán queá caja ndeé ini ndó tá ndóho ini ndó. ⁴Cuni joh vaha ndó, ñani mí i, na cúu cuéntá Jesús. Sa xíní nde ña quihvi ini Ndióxi ndohó ta naçaxi a ndohó cacuu ndó cuéntá mé á. ⁵Tá naçaxi tũhun nde tũhun vaha sahá Jesús nu ndo a juú tũhun uun naçahan nde xihín ndo. Naçahan nde mé tũhun xihín ndeé ña naçahan inima yíi Ndióxi nuú nde. Ña cán queá sa xíní ndo ña ndaa cuití va naçahan nde xihín ndo. Ta sa xíní vaha ndó ña naçaja ndaa nde tá naçanduu nde xihín ndo jáchi cúní nde chindeé nde ndohó.

⁶Andá javí naçasahá ndó caja ndó ña naçaja mé nde xihín ña naçaja Jesucristo. Jáchi nandiquehe vaha ndó ña najánaha nde nu ndo. Ta vatí nandoho ndivaha ini ndó joo naçavatá ndo naçaja inima yíi Ndióxi. ⁷Ta tá nandihí nanduu ndó na jánaha nu tóco ndihí na cúu cuéntá Jesús, na ndúu estado Macedonia xihín estado Acaya ña ndítahan caja na. ⁸Ta a juú Macedonia xihín Acaya cuití va vaha jáchi ndijáá ñuu nandicuítá nuu tũhun vaha sahá Jesús naçaja ndó. Ña cán queá sa xíní tóco ndihí ñayivi ña cándeé cáhnu ini ndó Ndióxi. Ña cán queá ndá ñuu cásaa nde cáxi tũhun na cán nuú nde sahá ndo chí co xíní ñúhú ga nde cahan nde saha ndo nu ná. ⁹Ta viti tóco ndihí na cán cáxi tũhun na nuú nde ndaja nandiquehe vaha ndó tũhun naçahan nde xihín ndo tá naçanduu nde xihín ndó ñuu Tesalónica cán. Ta cáxi tũhun na ndaja nandijama ndó tá nandicoo ndó ña caja cáhnu ndó yoco jáchi viti caja cáhnu ndó

Ndióxi cuití va. Ta cáxi tũhun na ndaja nandicoo coo ini ndó ta naçasahá ndo caja chúun ndó cuéntá Ndióxi, mé a caja ña ndaa cuití va, ña tácu a ín a indiví viti. ¹⁰Ta cáxi tũhun na nuú nde ndá quiahva ndáti ndó ndicó coo Jesucristo quixi a indiví, mé a cúu jahyi Ndióxi. Ta Ndióxi najánditacu a Jesús, mé á jácaçu mí ná a ndóho ini tá ná xínu quívi caja víi Ndióxi sahá cuachi ñayivi.

2

Chuu naçaja Pablo tá naçahíin da ñuu Tesalónica

¹Ta sa xíní ndihi ndó, ñani mí i, na cúu cuéntá Jesús ña coo naçasaa uun va nde ñuu Tesalónica jan jáchi nandiquehe vaha ndó tũhun Ndióxi. ²Joo tá cámani saa nde ñuu ndó jan sa xíní ndo ndaja naçaja xíxi na ñuu Filipos xihín nde ta naçanahá na xihín nde. Joo tá naçasaa nde ñuu ndo naçahan ndeé ini nde naçaja Ndióxi já naçaxi tũhun nde tũhun vaha sahá Jesús nu ndo vatí ndúu cuahá na co cúní ndehe. ³Ta coo naçahan nde ña tũhun xihín ndo jáchi tũhun ndaa cuití va cúu ña najánaha nde nu ndo. Ta coo naçahvi núu ini nde ta coo najándahvi nde ndohó. ⁴Joo naçaxi Ndióxi ndehe ta naçahnda mé á chuun nuú nde ña ná caxi tũhun nde tũhun vaha sahá Jesús nuú ñayivi. Ta vatí co táhan ini ñayivi xihín ña cahan nde joo coo nandijama toho nde ña. Jáchi Ndióxi queá sándeé inima yo ta táhan ini a xihín ña cahan nde. ⁵Sa xíní vaha ndó naçahan ndaa nde xihín ndo ta coo naçahan chíjin nde xihín ndo. Ta coo najándahvi nde ndohó sahá jjuhún. Joo xíní ndaa táhyí Ndióxi ña ndaa cuití va naçahan nde xihín ndo. ⁶Ta sa xíní vaha ndó ña ni tañu mé ndó ta ni tañu java ga ñayivi coo nandinducú nde ña ná caja cáhnu ñayivi ndehe vatí ín sahá nde cahnda nde chuun nu ndo jáchi cúu nde na apóstol naçahnda Ndióxi nu ndo. ⁷Joo naçaja víi nde xihín ndo tá quiahva ndáa vaha in ñañáha jahyi ña. ⁸Ta cúní ndivaha nde ndohó ña cán queá naçaxi tũhun nde tũhun vaha sahá Jesús nu ndo. Ta ín tiahva nde quivi nde saha ndo jáchi quihvi ini nde ndohó. ⁹Ñani nde, na cúu cuéntá Jesús, á co ndicũhun ini ndó ndá quiahva naçaja nde tá naçanduu nde xihín ndo cán. Nuú tá ndivi naçaja chúun nde já ná cuu çahvi nde sahá ña xíxi nde. Jáchi co cúní nde jáquihvi nde ndohó nani cáxi tũhun nde tũhun vaha sahá Jesús nu ndo.

¹⁰Ta sa xíní ndaa táhyí ndihí ndó, na cúu cuéntá Jesús ña naçaja vaha nde xihín ndo ta cuu cahan ndó saha nde. Ta xíní táhyí Ndióxi ña naçaja ndaa nde xihín ndo ta naçaja víi nde xihín ndo ña cán queá a cúu chicaan ñayivi cuachi jatá nde. ¹¹Sa xíní vaha ndó ndaja najácahan nde in in

ndó ta ndaja nasahan nde tuhun ndeé ini ndó ña ná candíco cáhnu ndó íchi cuéntá Jesús. Tátuhun cája in dataa xihín jahyi da já nacaja nde xihín ndo. ¹² Ta nasahnda nde chuun nu ndo caja ndó ña cúní Ndióxi jáchi cúni ndó cuéntá mé á. Mé Ndióxi, mé a sáhná chuun indivi, mé a cán queá nacaxi a ndohó cahnda ndó chuun xihín á. Mé á cúu á in Ndióxi cáhnu ndivaha ta ndaja cáhnu mé á ndohó xihín á.

¹³ Ña cán queá ní tiempo ndíquiahva nde ndixahvi nu Ndióxi jáchi nandiquehe vaha ndó tuhun Ndióxi ña nacaxi tuhun nde nu ndo. Tá naxini johó ndó ña já nacandaa ini ndó ña cúu á tuhun Ndióxi ta co cúu á tuhun ñayivi ñuyiví. Ta mé a ndaa cúu á tuhun Ndióxi jáchi tá naxini johó ndó ña já queá najándicoo ndó cuachi cája ndó sahá ña cándéé ini ndó Jesús. ¹⁴ Anda jáví mé ñayivi ñuu ndó nacasáhá na jándoho na ini ndóhó, ñani mí i ta nacaja xixi na xihín ndó. Ta quiahva já nandoho ndó cuéntá Jesús estado Judea. Jáchi na Israel, na ndúu estado Judea nacaja xixi na xihín ná. ¹⁵ Jihna nasahni java na Israel na profeta cuéntá Ndióxi. Ta quiahva já nasahni java ri na Israel Jesucristo, xitoho í. Ta viti java na Israel cája xixi na xihín nde ta nataxi na ndehe veñuhu. Co cájji ini Ndióxi xihín ná jáchi cándají na tóco ndihi ñayivi. ¹⁶ Ta coo nasahan na ñamaní nuu nde caxi tuhun nde tuhun vaha sahá Jesús nuu ñayivi, na coo nacaxi chichi Israel ña ná jácacu Ndióxi na. Ta sahá ña yóho nandicuahá cuachi na nu Ndióxi ta sahá ña cán queá xójo ini a xihín ná ta viti naxinu coo hora jándoho a ini na.

Cúni Pablo coto nihni tucu da ñayivi ñuu Tesalónica

¹⁷ Ñani mí i, na cúu cuéntá Jesús, tá nandihí naquee nde ñuu ndó jan já nandicuhun ini nde saha ndo. Ñúhu ini nde saha ndo vatí co xini nde ndohó xihín nuu nde. Ta ndiáva ini nde ndicó coo nde ñuu ndó coto nihni nde ndohó. ¹⁸ Nasacu ini nde saa nde nu ndo. Ta yehe, da cúu Pablo cuahá tañu nacacúni saa i ñuu ndó joo tiñáhá sacuahá nasaji nuu ri nuu i sahá ña cán queá coo nacuu saa i jan. ¹⁹ Ndá saha queá cándéé ini nde ndohó ta ndá saha queá cájji ini nde ta ndá saha queá coo vaha ini nde tá tandaa quiví quixi tucu Jesucristo ñuyiví yóho. Sahá ña ndicó ndo íchi cuéntá Jesucristo, xitoho í sahá ña cán queá cájji ini nde. ²⁰ Mé a ndaa íin vaha ini nde ta cájji ini nde cája ndó.

3

¹ Ta sahá ña cúní ndivaha i candaa ini i ndaja ndúu ndó cán sahá ña cán queá nasacu ini i candoo in táláa mí i ñuu Atenas. ² Ta nachindahá i ñani Timoteo, mé da cája chúun xihín nde cuéntá Ndióxi caxi tuhun

da tuhun vaha sahá Jesucristo nuu ñayivi. Nachindahá i da saa da coto nihni da ndohó já queá jácahan da ndohó ña ná coo ndacú chága ínimá ndó nu Ndióxi ta ná chindeé da ndohó cándéé cáhnu chága ini ndó Ndióxi. ³ Jáchi cúni nde ña ná coo ndacú ini ndó ná a jándicoo ndó íchi cuéntá Jesús vatí cája xixi ñayivi xihín ndo. Jáchi sa xini vaha ndó ña ndítahan nu yo ndóho tá ndóho ini sahá Jesucristo. ⁴ A co ndicuhun ini ndó tá nasanduu nde xihín ndo nacaxi tuhun nde nu ndo ña vaxi quiví ndoho ini saha mé á. Ta viti sa xini ndó ña nayaha ña nacahan nde xihín ndo. ⁵ Sahá ña coo nañehé e tuhun saha ndo sahá ña cán queá nachindahá i Timoteo nu ndo ná cañehe da tuhun saha ndó quixi a nuu i já ná candaa ini i á mé a ndaa táhyi ndicó cáhnu ndó íchi cuéntá Jesús. Jáchi nayihví i ña jándahvi tiñáhá sacuahá ndohó. Ta tá ná quee vaha tiñáhá sacuahá xihín ndo, nduu já queá mé a uun queá nacahan nde tuhun Ndióxi xihín ndo.

⁶ Joo viti chá va nacaxi Timoteo yóho tá nandihí naxito nihni da ndohó jan. Ta nañehé dá tuhun vaha saha ndo ña cándéé ini ndó Jesucristo ta quihví ini táhan ndó. Ta cáchi dá ña ñúhu ndivaha ini ndó sahá nde. Ta xica ndivaha ini ndó cuni ndó ndehe tá quiahva xica ndivaha ini nde cuni nde ndohó. ⁷ Cándehé ndó, ñani i. Vatí ndóho ndivaha ini nde yóho joo nasahan ndeé ini nde jáchi nañehé nde tuhun ña cándéé cáhnu ini ndó Jesús ta ndicó cáhnu ndó íchi cuéntá mé á. ⁸ Ta nandivaha ini nde jáchi cándaa ini nde ña ndacú íin ini ndó xihín Jesucristo, xitoho í. ⁹ Ta co ñehe ga nde ndá quiahva ndiquiahva nde ndixahvi nu Ndióxi saha mé ndó jáchi cájji ndivaha ini nde nacaja ndó. ¹⁰ Chí ñuu ta ndivi xica tahví nde nu Ndióxi ña ná quiahva ñamaní nuu nde saa nde coto nihni nde ndohó jáchi cúni nde xinu coo nde jánahá chága nde tuhun Ndióxi nu ndo já ná cándéé cáhnu chága ini ndó mé á.

¹¹ Ña cán queá xica tahví nde nu Ndióxi, tátá yo xihín Jesucristo, xitoho í ña ná chindeé a ndehe saa nde nu ndo coto nihni nde ndohó. ¹² Ta ná caja Ndióxi ña ná quihví chága ini táhan ndó. Ta ná chutú ndaa ini ndó xihín ña quihví ini ndó tóco ndihi ñayivi tá quiahva quihví ini nde ndohó. ¹³ Ta ná caja Ndióxi ña ná coo ndacú ínimá ndo nu mé á. Ta ná jándoo a ínimá ndo já ná coo viti a nu mé á tá ná quixi tucu Jesucristo ñuyiví xihín ndihni na cúu cuéntá mé á.

4

Ña ndítahan nu yo caja i já ná tahan ini Ndióxi xihín yo

¹ Cuni johó vaha ndó ñani mí i, na cúu cuéntá Jesús. Jihna najánaha nde ndohó

ndaja ndítahan caja ndó já ná tahanan ini Ndióxi xihín ndó. Ta xíní ndé já cája ndó andá viti. Xihín ndéé sáhan Jesucristo nuú ndé xíca tǎhví ndé nu ndó ta sáhdá ndé chuun nu ndó ñá ná a jándicoo ndó caja ndó ñá najánaha ndé nu ndó.

² Sa xíní vaha ndó ñá sáhdá ndé chuun nu ndó jáchi nasahnda Jesucristo, xitoho í chuun nuú ndé çahan ndé ñá yóho xihín ndó. ³ Ñá cúní Ndióxi queá ná coo víi ínima ndó nu mé á ta ná a cája ndó cuachi ñá coo ndó xihín najihí á taa, na ço cúu ñájihí ndó á yí ndó. ⁴ Ñá cúní Ndióxi queá ná tandaha ndó xihín in táláá ñánáha. Ta ná coo víi ndó xihín ñá ta ná caja cáhnu ndó ñá. ⁵ Ta ná a ndiáva ini ndó caja núu ndó xihín ñá tá quiahva cája ñayivi, na ço xíní Ndióxi. ⁶ Co ndítahan caja ndó cuachi xihín ñájihí ñani táhan ndó jáchi xihín ñá yóho jándahvi ndó yí ñá. Ta jándoho ndivaha Ndióxi ini tóco ndihí na cája já. Ta sa xíní vaha ndó ñá yóho jáchi naçaxi tuhun ndé ñá nu ndó jihna. ⁷ Jáchi çó naçana Ndióxi mí ñá ná caja í cuachi. Naçana mé á mí jáchi cúní a ñá ná cacuu ñayivi yí, na ín víi ínima. ⁸ Ta ndá na ço cúní cuni joho ñá jánaaha ndé já queá cándaa ini ndó ñá a juú ndehe cuiti va cándají na. Jáchi quehe núu na Ndióxi sahá ñá ço cája na ñá cúní mé á. Ta Ndióxi queá nasahan ínima yí mé á nu yo cañuhu a ini.

⁹ Sa najánaha va Ndióxi ndohó ndá quiahva ndítahan quihví ini táhan ndó, na cúu cuéntá Jesús. Sahá ñá cán queá nu carta yóho ço ndítahan çahví tucu u ñá nu ndó. ¹⁰ Ta sa xíní ví ñá mé a ndaa quihví ini ndó tóco ndihí na cúu cuéntá Jesús ndúu estado Macedonia. Joo xíca tǎhví í nu ndó, ñani mí í ñá ná quihví chága ini ndó na. ¹¹ Xíní ñúhú nducú ndó coo vaha ini ndó xihín ndihí ñayivi. Ta nducú ndó coo ndisáhnú ini ndó. Ta ndítahan nu in in ndó caja ndó chuun mé ndó jáchi já najánaha ndé nu ndó jihna. ¹² Ta tá ná caja chúun vaha ndó já queá çahan vaha ñayivi, na ço cúu cuéntá Jesús sahá ndó. Ta tá ná caja chúun vaha ndó já queá a ndímaní ni in ñaha nu ndó catacu ndó.

Vaxi quívi quixi tucu Jesucristo ñuyívi yóho

¹³ Ta viti cúní ndé ndicani ndé nu ndó, ñani í, na cúu cuéntá Jesús ñá ná cándaa vaha ini ndó ñá ndaa sahá ñayivi, na sa naçihí. A cácuéha ini ndó saha ná tá quiahva cája ñayivi, na ço cándéé ini Ndióxi. ¹⁴ Tá quiahva cándusa ndé ñá naçihí Jesucristo ta nanditacu tucu a quiahva já cándusa ndé ñá jánditacu tucu Ndióxi na sa naçihí, na nasandéé ini mé á tá naçatacu na. Caja Ndióxi ñá ná quixi na cán xihín Jesús tá ná quixi tucu a ñuyívi yóho.

¹⁵ Ñá cán queá cáhan ndé ñá yóho xihín ndó ta cúu á ñá najánaha Jesucristo, xitoho í nuú ndé. Tá ná quixi tucu mé á ñuyívi yóho ndiquehe a mí já queá a cúnun toho jihna ñúhú na tácu ñuyívi yóho jáchi jihna ñúhú ndindita na sa naçihí. ¹⁶ Jihna ñúhú nuu Jesucristo quixi tucu a ñuyívi yóho. Ta mé já cayuhú a çahnda a chuun nuú ndihí ñayivi. Já cayuhú táto sacuaça Ndióxi ta ndahyi trompeta Ndióxi. Já nditacu nu cuiti na sa naçihí, na cándusa Jesucristo. ¹⁷ Andá jávi tóco ndihí mí, na tácu ndique táhan í xihín na nanditacu nu cuiti ta cañehe Ndióxi mí tañu vjço. Já ndique táhan í xihín Jesucristo, xitoho í nu táchi ta já coo í xihín mé á andá ama cáa quívi. ¹⁸ Sahá ñá cán queá ndítahan nu ndó quiahva tuhun ndeé ini táhan ndó xihín tuhun yóho.

5

¹ Candehé ndó, ñani í, na cúu cuéntá Jesús. Co xíní ñúhú çahví í nu ndó saha ndá ama quixi tucu Jesucristo ñuyívi yóho. ² Jáchi cándaa vaha ini ndó ñá mé quívi ço cáhan yo quixi Jesucristo ñuyívi yóho já quixi mé á. Tá quiahva jonáá cuiti va xínun in da çujhná tá ñúu quiahva já jonáá xínun Jesucristo ñuyívi yóho. ³ Tá ná çahán ñayivi sa ndúu vaha ndivaha na ta ni in ñaha a cúu yíhví na andá jávi jonáá xínun ñá ndoho ndivaha ini na. Tá quiahva jonáá xínun ñá sáhdá a tíxi in ñánáha tá cúní cacu jahví ñá quiahva já xínun quívi ndihí saha ná. Ta ni in na a çúu çacu toho. ⁴ Joo mé ndó, ñani mí í, na cúu cuéntá Jesús ço ndúu ga ndó nuú naá sahá ñá cándaa ini ndó ñá quixi tucu Jesucristo ñuyívi yóho. Ta vatí catónto ndó tá ná xínun in da çujhná nu ndó joo ço ndítahan catónto ndó tá ná quixi tucu Jesucristo. ⁵ Jáchi tóco ndihí ndó, na cándéé ini Jesucristo ndúu ndó nu yéhe sahá ñá xíca ndó íchi cuéntá Jesús. Co xíca toho ndó íchi nuú naá nu xíca ñayivi ñuyívi, na ço cándéé ini Jesucristo. ⁶ Sahá ñá cán queá ndítahan coo tiahva í candatí quixi Jesucristo ta a çúju yo tá quiahva cája java ga ñayivi. Ña ndítahan caja í queá cañuhu táhyí ini xihín tóco ndihí xíní túni yo candatí xínun Jesucristo. ⁷ Jáchi na quíji, quíji na tá ñúu ta na xíhi, xíhi na tá ñúu. ⁸ Joo mí sa xíca í nu yéhe ta ndítahan cañuhu táhyí ini. Ndítahan nu yo çhindeé yo mí. Tá cándéé ini Jesucristo ta tá quihví ini táhan í já cúu á tátuhun ndíxi yo cotó çaa. Tá ndatí quixi tucu Jesucristo jáçacu a mí já cúu á tátuhun ñúhú ndó yjini çaa. ⁹ Jáchi çó naçaxi Ndióxi mí ndicuehe a xihín yo jáchi naçihí Jesucristo, xitoho í sahá cuachí sahá ñá cúní a jáçacu a mí ná a cúnun yo indayá. ¹⁰ Naçihí Jesucristo saha yo ta tá tácu yo á sa naçihí yo mé quívi quixi tucu a ñuyívi yóho já queá cañehe a mí çohó coo í xihín mé á andá ama cáa quívi. ¹¹ Ñá cán queá quiahva tuhun

ndeé ini táhan ndó ta chindeé táhan ndó tá quiahva sa cája ndó.

Náicani Pablo nuú na cúú cuéntá Jesús ña ndítahan caja na

¹² Ta viti xíca tahví nde nu mé ndó, na cúú cuéntá Jesús ña ná caja cáhnu ndó ñayivi, na cája chúun tañu ndó jáchí ndáca na ndohó íchí cuéntá Jesucristo, xitoho í ta jánaha na tñhun Ndióxi nu ndo. ¹³ Ndítahan coo toní ñúhú ndo xihín ná ta quihví ini ndó na xihín ndinuhu ini ndó jáchí cája chúun na cuéntá Ndióxi tañu ndó. Coo vaha ini ndó xihín ñani táhan ndó.

¹⁴ Xíca tahví nde nu ndó ña ná jánani ndó ndá na coo cúni caja chúun. Quiahva ndó tñhun ndeé ini ndá na cácuéha ini. Chindeé ndó ñayivi, na vitá ini xihín tñhun Ndióxi. Ta coo cáhnu ini ndó xihín ndihi ñayivi.

¹⁵ Candehé ndo. A ndúcu ñehe ndó ña núu cája inga na xihín ndo. Ta ndinducú ndo caja vaha xihín táhan ndó ní tiempo ta quiahva já caja ndó ña vaha xihín tóco ndihi ñayivi.

¹⁶ Ná coo vatá ini ndó ní tiempo. ¹⁷ Ta caça tahví ndó nu Ndióxi ní tiempo. ¹⁸ Ndá naçuu ña ndóho ndó ndítahan nu ndo ndiquiahva ndó ndixahvi nu Ndióxi sahá jáchí ña yóho cúni Ndióxi caja mé ndó, na cúú cuéntá Jesús.

¹⁹ A cáji nuu ndó nuú ña cúni ínima yíi Ndióxi caja xihín ndo. ²⁰ A quéhe núu ndó ñayivi, na jáyaha tñhun, ña nasahan Ndióxi nu ná cahán na xihín ndo. ²¹ Coto ndojó ndo tóco ndihi ña cáhan na xihín ndo. Caxi ndó ña vaha ²² ta caxoo ndó nu tóco ndihi ña núu.

²³ Ta Ndióxi, mé a cája ña coo vaha ini ndó, ná caja yíi ndihi a ndohó. Ná caja yíi á ínima ndo xihín yiquí cuñu ndó já ná coo víi ndo tá ná xinu quívi quixi tucu Jesucristo, xitoho í. ²⁴ Jáchí sa naçaxi Ndióxi mí ta a jándicoo a mí anda quiahva jáxinu coo a tóco ndihi ña naçachi a.

Jáxinu coo Pablo ña cahán da ta ndíndayí da na

²⁵ Nani míi, na cúú cuéntá Jesús, caça tahví ndo nu Ndióxi sahá nde.

²⁶ Cahán Ndióxi ndó xihín ndihi na cúú cuéntá Jesús ta tatí yúhu táhan ndó ta yíi caja ndó ña.

²⁷ Candehé ndo, ñani i, na cúú cuéntá Jesús. Sáhndá i chuun nu ndó cuéntá Jesucristo, xitoho í ña ná cahvi ndó carta yóho nuú ndihi na cúú cuéntá Jesús ndúu xihín ndó jan.

²⁸ Ná caja Jesucristo, xitoho í cuahá ñamaní xihín ndo. Já ná coo.

Carta chí ivi nacahyí Pablo nuú na cúu cuéntá Jesús ñuu Tesalónica

Pablo xihín da xíca xihín dá chindahá da Ndióxi coo na cúu cuéntá Jesús ñuu Tesalónica

¹Yehe cúu Pablo, da cáhyi carta yóho xihín Silvano xihín Timoteo ta chindahá i ña nuú ndihi ndó, na cúu cuéntá Jesús ndúu ñuu Tesalónica. Ta in nanduu ndó xihín Ndióxi, tátá yo ta in nanduu ndó xihín Jesucristo, xitoho í. ²Ná cajú Ndióxi, tátá yo xihín Jesucristo, xitoho í cuahá ñamanj xihín ndihi ndó ta ná cajú mé á ña ná coo vaha ini ndó.

Caja vii Ndióxi sahá na cajú cuachi tá na quixi tucu Jesucristo ñuyivi yóho

³Ndijáá ní quivi ndítahan nuú nde ndiquahva nde ndixahvi nu Ndióxi sahá ndóhó, na cúu cuéntá Jesús. Ta in sahá cajú nde já jáchi nini quivi cándéé chága ini ndó Jesús ta quihvi chága ini táhan ndó na cúu cuéntá Jesús. ⁴Sahá ña cán queá cájji ini nde cáhan nde sahá ndo nuú java ga na cúu cuéntá Jesús ndá nacuu nu táca na jáchi cándéé ini ndó Jesús ta sahan ndeé ini ndó tá ndóho ini ndó sahá ña cajú xixi ñayivi xihín ndo. ⁵Jánaña Ndióxi nu yo ña ndaa cajú mé á tá cajú vii á sahá yo. Ta sahá ña yóho sácú tiáha mé á ndóhó cuhun ndó indivi cacomí a cuéntá sahá ndó jáchi ndóho ini ndó cuéntá mé á viti.

⁶Ta ndaa cajú Ndióxi tá jándoho a ini ñayivi, na cajú xixi xihín ndó viti. ⁷Ta sahá ña ndóho ini ndó ná cajú mé á ña ná ndiquehe ndeé ndo tá quiahva cajú mé á ña ná ndiquehe ndeé ri ndehe va mé quivi quixi tucu Jesucristo ñuyivi yóho. Ta quixi a xihín tátó ndeé mé á tá cuni yó a ña quixi a indivi tañu ñúhu ita. ⁸Quixi a jándoho a ini na co cándéé ini Ndióxi ta ni co cándúsa na tñun vaha sahá Jesús, xitoho í, mé a cuu jácaçu mí. ⁹Ta ndá na co cándéé ini Jesucristo já queá ndoho ndivaha ini na anda ama cá quivi ini indayá ta a cóo ga na nu Ndióxi. Ta tavá jii Ndióxi na já ná a cúní ga na nuú á anda ama cá quivi. Ta a cúní ga na ña náhnu cajú Ndióxi xihín ndeé mé á. ¹⁰Tá ná quixi tucu Jesucristo ñuyivi yóho já cajú cáhnu ndivaha tóco ndihi na cúu cuéntá Jesús mé á nuú quixi a. Ta já catóntó ndivaha tóco ndihi na sahá ña náhnu ndivaha cajú Jesucristo. Ta quiahva já cajú cáhnu ri ndóhó va Jesucristo mé quivi cán jáchi cándéé ini ndó tñun vaha sahá Jesús ña nacahan nde xihín ndo.

¹¹Ña cán queá ndijáá ní quivi xíca tahvi nde nu Ndióxi sahá ndo ña ná cacuu ndó ñayivi ndaa tá quiahva cúní mé á jáchi sahá

ña yóho nandicaxi a ndóhó. Ta xíca tahvi nde nu Ndióxi sahá ndo ña ná quiahva mé á ndeé á nu ndo já ná cuu jáxinu coo ndó ña vaha ña cúní ndó cajú ndó nani cajú chún ndó cuéntá mé á sahá ña cándéé ini ndó mé á. ¹²Ta sahá ña vaha cajú ndó, cajú cáhnu ñayivi Jesucristo. Anda jávi ndiñehe jícó Jesucristo ndóhó jáchi cúu ndó cuéntá mé á ta cajú ndó ña cúní mé á. Mé a ndaa cúní Ndióxi xihín Jesucristo, xitoho í cajú cuahá ñamanj xihín yo.

2

Cáhan Pablo sahá da ihvi Jesucristo, mé da quixi chí nuú

¹Cuni joho vaha ndó, ñani mí i, na cúu cuéntá Jesús jáchi cáxi tñun i xihín ndo sahá mé quivi quixi tucu Jesucristo ñuyivi játa mé a mí ndique táhan i xihín á. Xíca tahvi i nu ndó ²ña ná a cándúsa ndó java ñayivi tá cáchi na ña sa naxinu quivi ndicó coo Jesucristo ñuyivi. A ndícani ga ini ndó sahá ña cáchi na jáchi a juú ña ndaa cúu á. Tá ná cajú na cán ña nacahan Ndióxi xihín ná á tá ná cajú na ña nacachi mé nde ña nandindaa mé quivi cán á tá ná cajú na cán ña nacahyí nde in carta nu ná já queá a cándúsa toho ndó na jáchi a juú ña ndaa cúu á. ³A cándúsa ndó ña cáchi na cán jáchi cúní na jándahvi na ndóhó. Ta viti cáhan nde ña ndaa xihín ndo sahá mé quivi quixi tucu Jesucristo. Jáchi jihna ñúhú casahá cuahá ndivaha ñayivi nduu na ña ihvi Ndióxi ta jándicoo na íchi cuéntá mé á. Anda jávi casaá in da quini, da cajú cuahá ndivaha nuú cuachi. Joo vaxi quivi tá jándihi Ndióxi sahá dá ini indayá. ⁴Ta mé da quini yóho, da cúu da ihvi Ndióxi cándají da mé á ta cándají da tóco ndihi ña cúu cuéntá mé á. Anda jávi casaá da veñuhu cáhnu ndacaan ñuu Jerusalén cacoo da cán tátñun Ndióxi. Ta cajú da xihín ñayivi ña cúu dá Ndióxi.

⁵Á co ndicuhun ini ndó tá nasahjin i xihín ndo já cuiti nacahan i ña yóho xihín ndo.

⁶Ta viti sa cándaa ini ndó ndia sáji nuu nuú da ihvi cán ña ná a xínu coo da mé quivi ña co ndítahan nu dá xinu da. ⁷Vatí cámanj jánaña da ihvi mé dá nuú ñayivi joo cajú chún jehé da viti ñúhú jándihi da sahá ña Ndióxi cúní da. Ta viti in in a sáji nuu nuú da ihvi ta co sahan ñamanj jánaña da ihvi mé dá nuú ñayivi. Joo vaxi quivi cacoo ña sáji nuu nuú da ihvi cán. ⁸Ta anda jávi jánaña da mé dá nuú ñayivi. Ta cahní Jesucristo mé da ihvi cán xihín tachí yúhu a tá ná quixi a ñuyivi yóho. Ta jándihi a sahá dá xihín ña ndiyihvi ndaa nuú quixi a. ⁹Tá cámanj quixi tucu Jesucristo ñuyivi já casaá mé da ihvi xihín cuahá ndivaha ndeé ña nasahan tiñahá saçuaha nu dá. Ta jándahvi da ñayivi jáchi cajú da cuahá ña náhnu, ña co cúu ña

ndaꝓ. ¹⁰ Ta caja da tóco ndihi nuú cuꝓchi jáchi cúni da jándahvi da ñayivi, mé na xíca íchi cuꝓhan indayá. Cuꝓun na indayá jáchi coó naꝓeen na candúsa na ña ndaꝓ saha Jesucristo ta coó naꝓeen na quihvi ini na ña ndaꝓ, ña cuu jácacu ñahá. ¹¹ Ña cán queꝓa quiahva Ndióxi ñamanj jándahvi da ihvi cán na já ná candúsa na ña tuhún. ¹² Já queꝓa jándahvo Ndióxi ini tóco ndihi na cán jáchi coó naꝓandúsa na ña ndaꝓ ta ndinuhu cuꝓchi naꝓcatóo na cája na.

Naꝓaxi Ndióxi ndohó ña ná jácacu a ndohó

¹³ Ta ndijáá ní quivi ndítahan nuú nde ndiquiahva nde ndixahvi nu Ndióxi saha ndó, na cúu ñani nde cuéntá Jesús sahá ña quihvi ini a ndohó. Jáchi janda tá cámani cava sahá saha ñuyivi naꝓaxi Ndióxi ndohó ña ná jácacu a ndohó. Jáchi nandaja víi ínima yíi mé á ínima ndo sahá ña cándéé ini ndó ña ndaꝓ saha Jesús. ¹⁴ Cúni Ndióxi ña ná cándéé ini ndó mé á ña cán queꝓa naꝓchindahá a ndeꝓe caxi tuhun nde tuhun vaꝓa saha Jesucristo nu ndo. Naꝓaxi Ndióxi ndohó ña ná in nduu ndó xihín Jesucristo, xitoho í. Cáhnu ndivaha cúu mé á ta ndaja cáhnu a mí xihín á.

¹⁵ Ñani mí j, na cúu cuéntá Jesús coo ndacú ini ndó xihín ña cándéé ini ndó Jesucristo. A ndindójo ndo tiin tuun ndó ña ndaꝓ ña najánaha nde nu ndo tá naꝓanduu nde xihín ndó. Ta tiin tuun ndó ña naꝓahyi nde nu ndó viti. ¹⁶ Jesucristo, xitoho í xihín Ndióxi, tátá yo, mé a quihvi ini mí ná quiahva tuhun ndeé ini ta anda ama cáa quivi a ndihi sahá. Ta viti ndátí tiahva caja Ndióxi cuahá ñamanj xihín yo. ¹⁷ Ta xíca tahvi nde nu Ndióxi ña ná jachutú a ínima ndó xihín ndeé mé á. Ta ná chindeé a ndohó cahan ndó tuhun vaꝓa ta caja ndó ña vaꝓa cuítí va.

3

Cúni Pablo ña ná caꝓa tahvi na nu Ndióxi saha dá

¹ Cándéé ndó, ñani j, na cúu cuéntá Jesús. Nu ndihí cáhan j tuhun yóho xihín ndo. Caꝓa tahvi ndo nu Ndióxi sahá nde. Ta caꝓa tahvi ndo nu mé á ña ná ndicujita nuu yaꝓhí tuhun vaꝓa saha Jesús ndijáá ñuu ta ná ndiquehe vaꝓa ñayivi mé tuhun vaꝓa tá quiahva naꝓdiquehe ndó ña. ² Ta caꝓa tahvi ndó nu Ndióxi sahá nde ña ná jácacu a ndeꝓe ndahá ñayivi quini. Vati ndúu cuahá na co cándéé ini Jesucristo ³ joo jáxinu coo Ndióxi tuhun mé á. Já queꝓa quiahva mé á tuhun ndeé ini ndó ta candaa mé á ndohó já ná a cája tiñahá saꝓcuahá ña nuu xihín ndo. ⁴ Cándéé ini nde Jesucristo ta cándéé ini nde ndohó ña cája tá cája ndó ña najánaha nde nu ndo. ⁵ Ná chindeé Ndióxi ndohó candaa ini ndó ndá quiahva quihvi ini á ndohó. Ta

na chindeé a ndohó caja ndeé ini ndó tá ndóho ini ndó tá quiahva naꝓaja ndeé ini Jesucristo tá naꝓdoho ini a.

Xíni ñúhú caja chúun í catacu

⁶ Cuni johó vaꝓa ndó, ñani mí j, na cúu cuéntá Jesús. Naꝓahnda Jesucristo chuun nu yo sahá ña cán queꝓa sahá nde chuun nu ndo ña ná caxoo ndó nuú na cúu cuéntá Jesús tá cájúsá na caja chúun na tá quiahva najánaha nde nu ndó. ⁷ Ta sa xíni ndó ña ndítahan nu ndó caja ndó tá quiahva naꝓaja mé nde tá naꝓanduu nde xihín ndo jáchi coó naꝓajúsá nde caja chúun nde. ⁸ Naꝓahvi nde sahá ña naꝓaxi nde cán. Naꝓaja chúun vaꝓa nde ñuu ta ndivi já naꝓehé nde jjuhún catacu nde já ná a ndóho ni in ndó sahá ña naꝓaxito ndó ndeꝓe. ⁹ Vati ín sahá nde cachi nde xihín ndo ña ná coto uun ndó ndeꝓe joo coo naꝓaja nde já. Ña naꝓaja nde queꝓa naꝓaja chúun vaꝓa nde já najánaha nde nu ndo ndá quiahva ndítahan nu ndó caja ndó.

¹⁰ Á co ndicuhun ini ndó chuun naꝓahnda nde nu ndo tá naꝓanduu nde xihín ndo. Já naꝓaxi nde já: Ndá na co cúni caja chúun, ná a cúxu toho na, naꝓaxi nde. ¹¹ Jáchi naꝓehé nde tuhun ña ndúu java na jusá tañu ndó ta co cúni na caja chúun na ta xíca nuu na játaꝓa na tuhun sahá ñayivi. ¹² Ta sahá nde chuun nuú na jan ta jácahan nde na xihín ndeé naꝓahan Jesucristo, xitoho í nuú nde ña ná caja chúun ndísáhnu na já ná ñeꝓe ná ña cuxu na.

¹³ Cándéé ndo, ñani j, na cúu cuéntá Jesús. A cánaa ndó caja ndó ña vaꝓa. ¹⁴ Tá ná canduu java na tañu ndó ta co cúni na caja na ña cáchi nde xihín carta yóho já queꝓa xíni ñúhú cándéé vaꝓa ndó ndá na cúu ná ta a cáca nuu ga ndó xihín ná já ná cacahan nuu ná sahá ña cája na. ¹⁵ Joo a cája ndó cuéntá ña cúu ná na ihvi Jesucristo. Xíni ñúhú jácahan ndó na ña ná caja vaꝓa na jáchi cúu ná ñani ndó, na cúu cuéntá Jesús.

Ndindayi Pablo ñayivi Tesalónica

¹⁶ Ta Jesucristo, xitoho í, mé a ín vaꝓa ini ná quiahva mé á nu ndo ña ná coo vaꝓa ini ndó ndaja táhan quivi. Ta ná coo vaꝓa ini ndó xihín ndá ñaha naꝓuu vaxi nu ndo. Ná coo Jesucristo, xitoho í xihín ndihi ndó.

¹⁷ Yeꝓe cúu Pablo ta chindahá j Ndióxi coo ndó ta cáhyi j quivi j xihín ndaha j já ná candaa vaꝓa ini ndó ña mé a ndaꝓ yeꝓe cúu da naꝓahyi j ña yóho nu ndo. ¹⁸ Ná caja Jesucristo, xitoho í cuahá ñamanj xihín ndo. Já ná coo.

Carta nu cuití nacahyí Pablo nuú Timoteo

Chíndahá Pablo Ndióxi coo Timoteo

¹ Yehe cúu Pablo, da cúu in apóstol cuéntá Jesucristo sahá ña ñasahnda Ndióxi xihún Jesucristo chuun yóho nuú i. Ta Ndióxi cúu á ña jácau mí ta Jesucristo cúu á ña ndátí quixi. ² Cahyí i carta yóho nu mún, Timoteo jáchi cúun tátuhun jahyi maní i sahá ña cándéé inún Jesucristo. Ta cúni ña ná caja Ndióxi, tátá yo xihún Jesucristo, xitoho i cuahá ñamaní xuhun. Ta ná tahvi ini a sahun ta ná caja ña ná coo vaha inún.

Ndícani Pablo sahá na cō jánahā ña ndaa

³ Tá jalóho cámaní quee e ñuu Efeso quixi i estado Macedonia yóho já naixica tahvi i nuun ña ná candouñ ñuu Efeso jan. Ta viti xica tahvi tucu u nuun ña ná couñ cán. Jáchi ndúu java ñayivi cán ta jánahā na ña tuhún nuú ñayivi. Ta ndítahan nu mún cahndún chuun nu ná ña ná a jánahā ga na ña tuhún. ⁴ Ta ná a táa joh na cuento nani, ña cáhan sahá chichi naquixi tásahnu jícó yo. Jáchi nditúhún uun va na sahá ña yóho ta cō chindeé a na cándéé ini na Ndióxi, mé á nasacu ini jácau a mí.

⁵ Ndítanah cáhún ña yóho xihún ná jáchi cúni Ndióxi ña ná quihvi ini táhan i xihún ndihi inima yo ta cúni a ña ná caja i ña vaha cuití va ta cúni a ña ná cándéé ini mé á xihún ndinuhu ini. ⁶ Joo java ñayivi najándicoo na ña ndaa ta najátivi na ña cāja na jáchi ña quihvi cuití va ndítuhún xihún táhan na. ⁷ Vati cúni na cán jánahā na ley Moisés joo cō cándaa ini na ña jánahā na ta ni cō cándaa ini na ña cáhan mé ley.

⁸ Joo sa xini yo ña mé ley Moisés cúu á ña vaha tá ná caja chúun vaha i ña tá quiahva cúni Ndióxi. ⁹ Xini ñúhú ndícuhun ini ña ni in ley cō chicañ cuachi jatá ñayivi vaha. Joo chicañ cuachi jatá ñayivi quini, na saá ini jáchi cō cāja na ña cúni Ndióxi. Ta chicañ cuachi jatá ñayivi núu, na cāja cuahá nuú cuachi. Ta chicañ cuachi jatá ñayivi cō cāja cáhnu Ndióxi, na cánahá xihún mé á. Ta chicañ cuachi jatá ñayivi sáhní tátá náná na xihún jatá tóco ndihi na sáhní ndji. ¹⁰ Ta chicañ cuachi jatá ñayivi ndúu xihún taa á ñáha, na cō cúu yi ná á ñájihí na. Ta chicañ cuachi jatá taa lhi, da quihvi nuu xihún inga taa. Ta chicañ cuachi jatá na cāja cuíhná ñayivi sahá ña cúni na jicó ñahá na. Ta chicañ cuachi jatá ñayivi cáhan ña tuhún, mé na janda quivi Ndióxi táva na tá cáhan na ña tuhún. Ta chicañ cuachi jatá tóco ndihi ñayivi tá cō cāja na ña ndaa, ña jánahā Ndióxi nu yó cāja i. ¹¹ Ta ñasahnda Ndióxi chuun nuú i ña ná jánahā i ña ndaa

yóho nu ndó jáchi cúni a jácau a tóco ndihi ñayivi. Cáhnu ndivaha cúu mé á ta ndítahan cāja cáhnu i mé á.

Ndiquiahva Pablo ndixahvi nu Ndióxi jáchi táhndā ini a saha dá

¹² Ndiquiahva i ndixahvi nu Jesucristo, xitoho i jáchi naçaxi a yehe cāja chúun i cuéntá mé á ta ñasahān mé á tuhun ndéé ini i ña ná cāja i ña xihún ndinuhu ini i. ¹³ Vati jihna naçahan ihvi i saha Ndióxi ta naçaja xixi i xihún á ta naçanahá i xihún á joo naçaxi a yehe. Ta naçahnda ini a saha i tá cámaní cándéé ini i Jesucristo jáchi cōo naçandaa ini i ña naçaja i. ¹⁴ Naçaja Ndióxi cuahá ñamaní xihún i tá naçaja ña ná cándéé ini i mé á. Ta naçaja mé á ña naçhutú ndaa ini i xihún ña quihvi ini i na cúu cuéntá mé á sahá ña in nanduu u xihún mé á.

¹⁵ Ña yóho cúu á ña ndaa ta ndítahan nuú ndihi ñayivi candúsa na ña cáchi i yóho: naquixi Jesucristo ñuyivi yóho jácau a ñayivi, na cāja cuachi. Ta yehe cúu u da yójó nu ndihi na cāja cuachi. ¹⁶ Ta saha ña yóho natahvi ini Ndióxi sahá i já ná cuu naça Jesucristo ndaja cáhnu coo ini mé á. Ta vati naçaja cuahá chága i cuachi a juu ga java ga ñayivi joo já naçacuu u yuhú nuú tóco ndihi na vaxi chága chí nuú ña ná cándéé ini na mé á ta já coo na xihún mé á andā ama cāa quivi. ¹⁷ Ña cán quea cōho cāja cáhnu i Ndióxi andā ama cāa quivi jáchi mé á cómi a cuéntá saha yo andā ama cāa quivi. Ta mé Ndióxi a cuú quivi a ta ndíchi ndivaha jiní a ta in a indivi vati a cuú cuni a. Cáhnu ndivaha cúu mé á. Já ná coo.

¹⁸ Candehún Timoteo, da cúu tátuhun jahyi mí i. Jándacoo i chuun yóho nu mún jáchi quiahva já naçachi profeta sahún jihna. Ta xini ñúhú quiahva ndéé inún cajún ña jáchi cúu á tátuhun cáni táhún xihún ña núu. ¹⁹ A jándacouñ ña cándéé inún Jesucristo ta xihún ndinuhu inún cajún ña ndaa. Jáchi java ñayivi cōo naçaja na ña xini na cúni Ndióxi cāja na ta chí ndihi sahá ña cándéé ini na Jesucristo. ²⁰ Ivi táhan da cán cúu Himeneo xihún Alejandro. Nandiquiahva i da cán ndáha tiñhá saçuaha va já ná candaā ini da ña a cuú quehe núu da Ndióxi xihún tuhun cáhan da.

2

Ndaja cāja i caçā tahvi yo nu Ndióxi

¹ Ña xini ñúhú chága cāja ndó quea caça tahvi ndó nu Ndióxi sahá ndihi ñayivi ña ná tahvi ini a saha ná. Ndiquiahva ndó ndixahvi nu Ndióxi sahá ñamaní cāja mé á xihún ndó. ² Ta sa mé quiahva já ndítahan caça tahvi ndó nu Ndióxi sahá tóco ndihi na cómi cuéntá saha yo. Jáchi tá cāja i ña yóho já cuu coo vaha ini xihún ndihi ñayivi ta já coo toní ñúhú xihún táhan i. Ta já nuná

nụ yọ caju cáhnu í Ndióxi. ³ Tá xíca tǎhvi yọ nụ Ndióxi sahá ndihí ñayivi já quéa cája í ña vaha ta cájji ini Ndióxi, mé á jácacu mí. ⁴ Jáchi cúnj á jácacu a tóco ndihí ñayivi ña ná candaá ini na ña ndaa saha mé á. ⁵ Jáchi ín in tálaá Ndióxi. Ta ín in tálaá Jesucristo, mé á cúú á tǎa ta cája mé á ña ná ndique táhan mǎnj ñayivi xihjín Ndióxi. ⁶ Ta nǎndiquǎhva Jesucristo mé á quivi a sahá cuachi tóco ndihí ñayivi. Xihjín ña yóho náha Ndióxi nụ yọ ña nǎndindaa tiempo tá cúnj á jácacu a tóco ndihí ñayivi. ⁷ Sahá ña cán quéa nǎcaxi Ndióxi yehé cacuu ú apóstol ña ná caxi tǎhun j tǎhun vaha sahá Jesús nuú na tóho, na cō cúú na Israel. Jáchi cúnj Ndióxi ña ná candaá ini na ña ndaa já ná cuu candeé ini na Jesús. Cǎhan j ndinuhu ña ndaa xihjín ndo ta cō cǎhan j ña tǎhún xihjín ndo.

⁸ Ña cúnj quéa ná cǎca tǎhvi nǎtǎa nụ Ndióxi tóco ndihí nụ táca ndo. Ta ndítahan nụ ná coo víi ínimá ná já ná cuu ndíñehe na ndáha ná nụ Ndióxi. Ta ndítahan nụ ná jándicoo na ña xójo ini na ta ná a cáni táhan yúhu ná. ⁹ Jári cō ndítahan nuú najihí candixi na jahmá lǎnda. Ta ná a cája lǎnda ná xihjín ijí jinj ná. Ta ná a ndihí ini na caju cutú na mé ná xihjín ñaha jǎhún cuáán á xihjín jiqui yahvi tǎtǎhun perla. Ta ná a candixi na jahmá yahvi ña cája lǎnda ná xihjín. ¹⁰ Vaha chága ná caju na ndinuhu ña vaha tá quǎhva ndítahan nuú najihí, na cúú cuéntá Jesús caju na. ¹¹ Ndítahan nuú najihí canduu táji ná cuni johu na tǎhun Ndióxi ta coto ná a ndíñehe jíco ná mé ná. ¹² Ta cō sǎhan j ñamanj nuú najihí ña ná jánaaha na nụ táca ñayivi. Ta ni cō sǎhan j ñamanj nụ ná ña ná cacomí na cuéntá sahá dataa. Joo ndítahan nụ ná coo táji ná. ¹³ Jáchi jihna ñúhú nǎcavaha Ndióxi Adan ta andá jávi nǎcavaha mé á Eva. ¹⁴ Ta a juú Adan cúú da najándahvi tiñáhá saçuaha, vaha. Joo najándahvi tiñáhá saçuaha Eva ta já nǎndicava ña nuú cuachi. ¹⁵ Sahá ña cán quéa nǎcaju Ndióxi xihjín najihí ña ná ndoho ini na tá cacu jahyi na. Joo jácacu Ndióxi na tá ná a jándacoo na ña cǎndeé ini na mé á. Ta já ndítahan nụ ná quǎhvi ini na ñayivi. Ta ná a cája lǎnda ná ta ná ndiquǎhva víi na mé ná ndáha Ndióxi.

3

Ndaja ndítahan caju na saçuaha nuú na cúú cuéntá Jesús

¹ Ta ña ndaa cúú tǎhun yóho: ndá da cúnj cacuu da saçuaha nuú na cúú cuéntá Jesús, ña vaha quéa cúnj da. ² Jáchi ndítahan nuú da saçuaha caju da ndinuhu ña ndaa já ná a ñeñe íni ñayivi cǎhan núu na saha dá. Ta in túhún ñájihí da ndítahan coo. Ta ndítahan cacuu da da tácu ini ta ndítahan nuú dá cañehe vaha da quǎhva ta ndítahan cacuu da da ín

toni ñúhú ñayivi xihjín. Ta ndítahan nụ dá cajji ini da ndiquehe vaha da ñayivi vehe da. Ta xíni ñúhú cacuu da da tǎhva vaha jánaaha da ñayivi. ³ Cō ndítahan cacuu da da xihí ta cō ndítahan cacuu da da ndúcu cuachi xihjín ñayivi. Joo ndítahan coo víi da xihjín ñayivi ta ná a cáni táhan da xihjín ná. Ta cō ndítahan cacuu da da ndiáva ini quehe cuahá da jǎhún. ⁴ Ta ndítahan nuú da saçuaha cacomí vaha da cuéntá saha ná vehe da. Ta ndítahan nuú jahyi da coo johu na nụ cǎhan táta na xihjín ná ta ná coo toni ñúhú na xihjín dá. ⁵ Jáchi tá tǎ a cúú cañehe vaha da cuéntá sahá na vehe da já quéa a cúú caju da cacomí da cuéntá sahá na cúú cuéntá Jesús. ⁶ Ta mé da saçuaha cō ndítahan cacuu da da jácá nǎndihvi íchi cuéntá Jesús. Jáchi tǎhva náa casáhá da ndíñehe jíco dá mé dá ta sahá ña yóho jándoho Ndióxi ini da tá quǎhva nǎcaju mé á xihjín tiñáhá saçuaha. ⁷ Mé da saçuaha nuú na cúú cuéntá Jesús yóho ndítahan cacuu da da ín toni ñúhú ñayivi, na cō cúú cuéntá Jesús xihjín. Jáchi tǎhva náa ndicava da ndáha tiñáhá saçuaha ta xihjín ña yóho cǎhan núu ñayivi ñuyivi saha dá.

Ndaja ndítahan caju na tá ná chindeé na na saçuaha veñuhu

⁸ Ta ndá da cúnj cacuu da chindeé na saçuaha veñuhu ndítahan nụ dá cacuu da da ín toni ñúhú ñayivi xihjín. Ta xíni ñúhú cacuu da da cǎhan ndinuhu ña ndaa. Cō ndítahan cacuu da da xihí ta cō ndítahan nụ dá cacuu da da ndiáva ini coo cuahá jǎhún nuú. ⁹ Ta xíni ñúhú tiin tuun da ña ndaa ña nǎnaaha Ndióxi nụ yọ ta ña yóho cúú á ña ndítahan candeé ini mé á. Ta ná a cáhvi jvi johu ini da. ¹⁰ Jihna ñúhú xíni ñúhú coto ndojó ndo mé da cúnj chindeé na saçuaha veñuhu. Ta tá cō caju da cuachi nụ Ndióxi já quéa cuu chindeé da na saçuaha veñuhu. ¹¹ Ta jári najihí viti ndítahan cacuu na na ín toni ñúhú ñayivi xihjín. Cō ndítahan cacuu na na ndahnda yúhu. Ná cacuu na na ndisáhnu ini ta ná caju chún na xihjín ndinuhu ini na. ¹² Ta mé da chindeé na saçuaha veñuhu ndítahan nụ dá cacuu da da cō inga ñaha xihjín ta in túhún ñájihí da ndítahan coo. Ta ndítahan nụ dá cacomí vaha da cuéntá sahá jahyi da xihjín sahá ndihí na vehe da. ¹³ Jáchi tá ná chindeé vaha da yóho na saçuaha veñuhu já casáhá cahvi vaha ini ñayivi saha dá ta xihjín ña yóho ñeñe íni da cǎhan chága da sahá ña cǎndeé ini da Jesucristo.

Cǎhan Pablo saha ndá a cúú mé Jesucristo

¹⁴ Vati ndúcu ú saa yachi j jan joo cáhvi j carta yóho nuun. ¹⁵ Jáchi tá ná cacuáchi loho j saa j jan já quéa sa cǎndaá inún xihjín carta yóho ndaja ndítahan caju mí, na cúú na vehe Ndióxi. Mé a ndaa cúú yó cuéntá Ndióxi, mé á tácu ta ndítahan nụ yó quǎhva

ndeé ini ndiquehé sahá ña ndaa cáhan saha Jesucristo. ¹⁶ Jáchí mé á ndaa cáhnu ndivaha cúu ña náha Ndióxi nu yo; Naquixi Jesucristo ñuyivi yóho ta nasacuu a ñayivi.

Ta naçahan inima yij Ndióxi saha mé á ña coo naçaja ni in cuachi.

Ta naxini táto Ndióxi Jesús.

Ta ndijáa ñuyivi naçaxi tuhun na tuhun vaha saha mé á ta cuahá ndivaha ñayivi naçandeé ini na mé á ta tá nandihí nandaa cuahan indivi.

4

Cáhan Pablo sahá na co jánağa ña ndaa

¹ Cáhan cáxi inima yij Ndióxi ña vaxi quivi jándacoo java ñayivi ña candeé ini na Jesús. Ta casáha na candico na na jándahvi ñaha, na jánağa ña naquixi nuú tiñahá saçuaha. ² Ta mé na jánağa ña tuhún yóho co cúu ná tá quiahva ndaa na. Jáchí cúu ná ñayivi túhún, na nandaji xini túni xihín ña núu. ³ Ta jánağa na yóho ña a cuú tandaha ñayivi ta jánağa na ña a cuú cuxu ñayivi java ñaha, ña naçavaha Ndióxi cuxú. Joo cúnj Ndióxi ña ná cuxú ña jan tá ná ndiquiahva í ndixahvi nu mé á sahá jáchí candeé ini mé á ta xini vaha í ña ndaa. ⁴ Jáchí tóco ndihí ña naçavaha Ndióxi cúu á ña vaha ta ni in ñaha co ndítahan candaji yo. Joo ná ndiquehe vaha í ña ta ná ndiquiahva í ndixahvi nu Ndióxi sahá. ⁵ Jáchí tá ná caça tahví yo nu Ndióxi já caja yij mé á ña xihín tuhun mé á.

Ña ndítahan caja da cája chúun vaha cuéntá Jesucristo

⁶ Tá ná jánahún ña yóho nuú na cúu cuéntá Jesús já queá caja chúun vahún cuéntá mé á. Ta quiahva ndeé inún tá jácuaha chágún ña ndaa sahá Jesucristo já ná candico cáhnu chágún íchi cuéntá mé á. ⁷ Coto a táa johún cuento ña cáhan ñayivi ñuyivi jáchí coo saha toho ña jan. Ña ndítahan cajún queá jácuaha chágún ndá quiahva caja cáhnún Ndióxi. ⁸ Tá ná caja chúun cuaha í xihín yiqui cuñu í já queá chindeé a mi ñuyivi yóho cuiti va. Joo tá ná caja cáhnu í Ndióxi já queá chindeé chága yó mi jáchí xihín ña yóho cuu coo vaha iní ñuyivi yóho ta sa xihín mé ña yóho cuu coo vaha í xihín Ndióxi tá ná cuhun yó coo í xihín mé á. ⁹ Ta ña yóho cúu á ña ndaa ta xini ñuhú candusa í ña. ¹⁰ Ta sa saha mé ña ndaa yóho cája chúun vaha í jáchí candeé ini Ndióxi, mé á tácu. Mé á cán cúnj a jácaçu a tóco ndihí ñayivi ta mé a ndaa jácaçu a tóco ndihí na candeé ini mé á.

¹¹ Ta xini ñuhú jánahún nuú ñayivi tóco ndihí ña cáhij xuhún yóho ta xini ñuhú cahndún chuun nu ná ña ná caja na ña. ¹² Coto a quiahvún ñamanj nuú ñayivi quehe núu na yóho sahá ña cúun da yuta. Joo xihín ña cajún xini ñuhú jánahún nuú na cúu cuéntá

Jesús ndá quiahva ndítahan caja na ta ndá quiahva ndítahan cahan na. Ta xini ñuhú jánahún nu ná ndá quiahva ndítahan quihvi ini na ñayivi ta ndá quiahva ndítahan candeé ini na Ndióxi. Ta víi uun cajún tóco ndihí ñaha já ná a cáhvi núu ini ñayivi sahan. ¹³ Nani ndátún saq i jan xini ñuhú cahvún tuhun Ndióxi nuú na cúu cuéntá Jesús nu táca na. Ta quiahvún tuhun ndeé ini na ta jánahún na. ¹⁴ Coto a ndindójun sahá ña nasahan Ndióxi nuun tá naxica tahví na cúu profeta nu mé á sahan tá naçojó na saçuaha ndaha ná jinun.

¹⁵ Xihín ndinuhu inún caja chúun cuéntá Ndióxi já ná cuu cuni tóco ndihí ñayivi ndá quiahva xica vahún xihín ñaha Ndióxi. ¹⁶ Cuéntá vaha coún xihín mún ta cuéntá vaha coún xihín ña jánahún nuú ñayivi. Ta xini ñuhú coo ndacu inún xihín ndihí ña cajún. Jáchí tá ná cajún ña yóho já queá caçu ndaa inimun ta jári caçu ndaa inima na xini joho nu cáhún.

5

Jánağa Pablo nu Timoteo ndaja ndítahan caja da xihín na cúu cuéntá Jesús

¹ Co ndítahan jánahún da sáhnu. Ña ndítahan cajún queá jácahun dá tá quiahva cáhún xihín tátún. Ta xini ñuhú cajún xihín da yuta chága tá quiahva cajún xihín ñanún. ² Ta xihín na sáhnu xini ñuhú cajún tá quiahva cajún xihín nanún. Ta xihín na tacú xini ñuhú cajún tá quiahva cajún xihín quiahvún. Víi uun cajún xihín ná ta a cáhvi núu inún saha ná.

³ Xini ñuhú chindeé ndó na cuáan tá co ndini cúu na tá ta coo na vehe na. ⁴ Joo tá in in ña cuáan ta ndúu jahyi ná á ndúu jahyi ñani ña já queá ndítahan nuú na cán chindeé na ña. Jáchí táhan ini Ndióxi xihín ñayivi tá chindeé na tátá náná na ta xihín ña yóho chahvi na ñamanj naçaja tátá na xihín ná tá najacuahnu ñaha na. ⁵ Jáchí mé ña cuáan ña mé a ndaa coo na vehe ña chindeé na ña mé ña cán cúu ña candeé chága ini ña Ndióxi. Ta nuú ta ndivi xica tahví ña nu mé á ña ná chindeé a ña. ⁶ Joo ña cuáan, ña cája ña núu ña cúnj mé cuiti ña, ña cán cúu ña tátuhun ndij vatí tácu ña. ⁷ Ña cúnj queá ná cahndún chuun yóho nuú na cán já ná a ñehé ini yo jánani na. ⁸ Jáchí ndá na co chindeé na táhan na ta ni co chindeé na na vehe na já queá náha cáxi a ña co candeé ini na Jesucristo ta janda núu chága cája na a juú ga na co cúu cuéntá Jesús.

⁹ Tá ndúu na cuáan ta tá cúnj na chindeé na na saçuaha veñuhu já queá cahyún quivi ná nuú tutu. Xini ñuhú cacuu na na naxinu unj jicó cuja á chága ta xini ñuhú cacuu na na nasahin xihín in túhún yij. ¹⁰ Mé na yóho xini ñuhú cacuu na na cáhan vaha ñayivi

sahá ña vaha cája na. Tátuhun tá ñasandaa vaha na jahyi na á tá ñandiquehe vaha na ñayivi xinü ço vehe na. Ta xini ñúhú cacuu na ña cája ndívi nuü ña cúu cuéntá Jesús. Ta ndítahan coo tiahvá na chindee ña ñayivi tá ndóho ini na. Tá cája na ña yóho xihün java ga ñaha vaha já cuu quehe ndó ná chindee ña ña sacuaña veñuhu.

¹¹ Joo a cáhyi tohún nuü tutu jan quivi ña cuáan, na yúta chá jáchi tiahvá náa casáhá ndiava ini na tandaha tucu na ta anda jávi jándicoo na chuun cája na cuéntá Jesucristo.

¹² Ta xihün ña yóho cája na cuachi nu Ndióxi jáchi ço najáxinü ço na tuhun ñasahan ña nu Ndióxi. ¹³ Ta jári casáhá xica nuu na tá vehe tá vehe ta ndúu na ña jusá. Ta a juú ña cán cuití va vaha jáchi casáhá ña ndahnda yúhu ná ta quíhvi nuu na nuü ço ndítahan coo na ta casáhá cáhan ña ña ço ndítahan cáhan na. ¹⁴ Sahá ña cán queá cáchi i xuhun ña vaha chága ná tandahá najihí cuáan, ña yúta ta ná cacu jahyi na ta ná candaa vaha na vehe na. Ta xihün ña yóho a quiahva toho na ñamaní nuü ña ihvi yo cáhan núu na saha ná. ¹⁵ Jáchi ndúu java najihí cuáan ta sa ñaxaxoo na nu íchi cuéntá Jesús ta ñacasáhá ña ndiço na tiñahá sacuaña.

¹⁶ Joo ndóho, ña cúu cuéntá Jesús tá ñin ña cuáan nu ndo ndítahan chindee mé ndó ña já queá ná nuná nuü java ga ña cúu cuéntá Jesús chindee ña ña cuáan, ña çoó ña vehe.

¹⁷ Ña sacuaña, ña cája chuun vaha na veñuhu ta cómi na cuéntá sahá ña cúu cuéntá Jesús, ña cán cúu ña ndítahan ndiquehe cuahá chága yahvi sahá chuun cája na. Ta chága ví tá xica nuu na jánaha ná tuhun Ndióxi nuü ñayivi. ¹⁸ Jáchi já cáchi tuhun Ndióxi já: “A chácaun ñunu yuhú ñindiqui nani cája chuun rí sáni rí trigo. Joo xini ñúhú quiahvün ñamaní nuü rí caxi rí ña.” Ta ñin inga tucu nu cáchi a: “Da cája chuun ndítahan quehe da yahvi sahá chuun cája da.”

¹⁹ A cándúsa tohún ña chácaun cuachi jatá in ña sacuaña veñuhu tá ta ço ndúu jvi á uní testigo na sahan tuhun sahá ña ñacaja da cán. ²⁰ Joo ndá ña ço cuni jándacoo cuachi cája na já queá xini ñúhú jánanún ña nu táhyi ndihí ña cúu cuéntá Jesús já queá ná cayihvi na java cán caja na cuachi. ²¹ Nu Ndióxi ta xihün nu Jesucristo xitoho í ta xihün nu tát Ndióxi sáhná i chuun nu mún Timoteo ña ná cájun ña ñacahyi i yóho. Tá jánanún in ña cúu cuéntá Jesús sahá cuachi cája da xini ñúhú jánanún ña vatí cúu dá ña xini táhan vaha xuhun. ²² Coto a chójó yachún ndáhün jiní in ña cuni cacuu ña sacuaña nuü ña cúu cuéntá Jesús. Jáchi nu cuití xini ñúhú ndicani vaha inún sahá ña cájun. Jáchi tá ná caja ña cán cuachi já queá cáhan java ñayivi ña ñin vaha inún xihün cuachi cája da. Coto a cájun ña núu.

²³ Ta sahá ña já cuití quíhvi tísün sahá ña cán ço ndítahan cohún ticuñi uun va. Joo ndítahan coho lohún vino.

²⁴ Ndúu java ñayivi ta náha cáxi táhyi cuachi cája na nuü ñayivi vatí cámaní nahma ña ña. Joo ndúu java ga ñayivi ta ñúhu jehé cuachi na joo vaxi quivi tá ndacanaha cuachi na. ²⁵ Ta sa mé quiahva já ndacanaha cáxi táhyi ña vaha cája java ñayivi. Ta vatí ná caja jehé ña ña vaha joo vaxi quivi ndacanaha nuü ña vaha ñacaja na.

6

¹ Ta ndúu ña cúu cuéntá Jesús ta cómi xitoho na cuéntá sahá ná já queá xini ñúhú caja cáhmu na xitoho na xihün ndinuhu ini na já ná a cáhan núu ñayivi sahá quivi Ndióxi ta ni ná a quehe núu na ña jánaha nde. ² Ta tá ndúu java na ta xitoho na cúu dá cuéntá Jesús já queá xini ñúhú caja cáhmu na xitoho na sahá ña cúu ña cán ña candee ini Jesús. Ña ndítahan caja ña cán queá caja ndívi vaha chága ña nu sáhná xitoho na caja na jáchi xini ñúhú ndicuhun ini na ña tá cája ndívi vaha na nuü ña cán já queá cája ndívi vaha na nuü ñani máni ná, ña cúu cuéntá Jesús. Ña yóho queá xini ñúhú jánahnú nuü ñayivi ta xini ñúhú cahndún chuun nu ná ña ná caja na ña.

Ñayivi, ña jánaha ña ço cúu ña ndaa

³ Ta ndá ñayivi tá jánaha ña ña ço cúu ña ndaa, ña ço ndique táhan vaha xihün tuhun ñacahan Jesucristo, xitoho í nuü yó ta ni ço ndique táhan vaha xihün tuhun Ndióxi ⁴ já queá na cán cúu ná na ndíhehe jicó ndivaha mé ta ço xini ña ni in ñaha. Ndiava ini na caní táhan yúhu ná ta casáhá cáhíhvi ini na xihün ñayivi ta ndicuehe xihün táhan na. Cánaha ña xihün ñayivi ta ço cándee ini táhan na. ⁵ Ta ço jándacoo na ña cáni táhan na sahá ña najaca xini túní ña ta ñandindójó ña ña ndaa. Ta cuni ña ndicuaé na xihün ña jánaha na nuü ñayivi sahá Jesús. Candehün. Xini ñúhú caxoún nuü ña cán. ⁶ Vatí mé a ndaa tá ndiço yó íchi cuéntá Jesús cúu yó ña cuicá ndivaha nani ñin vaha ini xihün ña cómi yo. ⁷ Jáchi çoó ñaha ñehé tá ña quixi ñuyivi yóho ta ni çoó ñaha cuu cañehé çoho tá ná quivi. ⁸ Sahá ña cán queá tá ñin ña cuxú tá tá ñin ña candixi já queá ndítahan coo vaha ini. ⁹ Joo ña cuni ndicuaé ço cándee ña cahnu ña nuü ña cuni yiquí cuñu na ta já ndicava na nuü cuachi. Ta xihün ña yóho casáhá ndicají ini na caja na cuahá nuü ña núu. Ta cája ña yóho ña ná ndihí saha ná. ¹⁰ Ta sahá ña cátoó ndivaha ñayivi jihün sahá ña cán queá quixi cuahá ña núu jiní ná. Ndúu java na najándacoo na ña cándee ini na Jesús sahá ña cátoó ná jihün. Ta sahá ña

yóho ñacasáhá ndóho ini na jandá nuú cō ndéé ga ini na.

Ná caja Ndióxi cuahá ñamaní xihín ndihi ndó. Já ná coo.

Ndítahan nuú na cúu cuéntá Jesús candico cáhnu na mé á

¹¹ Candehún, Timoteo, da cúu cuéntá Ndióxi. Xíni ñúhú caxoún nuú tóco ndihi ña núu já ná candico cáhnún ichi cuéntá ña ndaa. Cajún ña vaha, ña cúnj Ndióxi ta candeé inún Jesús. Xíni ñúhú quihvi inún ñani táhún. Quiahva ndeé inún tá ndóho inún ta víi cajún tóco ndihi ñaha. ¹² Xíni ñúhú candico cáhnún ichi ña candeé inún Jesús. Coto a jandacoún ichi ña cañehe yohó cūhún coún indivi xihín Ndióxi. Jáchí saha mé ña jan ñacana Ndióxi yohó tá ñacaxi tuhún nuú cuahá ñayivi ña candeé inún Jesucristo. ¹³ Nu Ndióxi, mé á caja ña tácu tóco ndihi ñaha ndúu ñuyiví, xihín nu Jesucristo, mé á coo ñayihvi cahan ña ndaa tá ñasandichi a nu Poncio Pilato, nu ndívi a cán sáhdá i chuun nu mún, Timoteo ¹⁴ ña ná cajún xihín ndinuhu inún tóco ndihi ña sáhdá Ndióxi nuun. Ta coto a ndíjama tohún ña jáchí quiahva já ñeñe íni ñayivi jananí na yohó. Ta xíni ñúhú cajún ña yóho jandá quiahva ná tandaa quivi quixi tucu Jesucristo, xitoho í. ¹⁵ Ta tá ná xinu coo quivi ñasacu ini Ndióxi já caja mé á ña ná coo tóco ndihi ña yóho. Jáchí in tuhún Ndióxi cúu á ña yij ta cúu á xitoho nu tóco ndihi ñaha. Ta mé á cúu á jini nuú in in da cómi cuéntá sahá ñayivi ndúu ñuyiví. Ta mé á cúu á xitoho nuú ndihi da cúu xitoho nuú ñayivi ndúu ñuyiví. ¹⁶ Mé á cúu á in tuhún jini Ndióxi, ña a cúu quivi. Ta ni in ñayivi a cúu cativi yati nu íni mé á jáchí yéhe ndivaha nu íni mé á. Ta ni in ñayivi ndúu ñuyiví coo ñaxini na mé á jáchí a cuú cuni ñayivi Ndióxi. Ndítahan caja cáhnu í mé á anda ama cáa quivi jáchí a ndíhi toho sahá ña sáhdá mé á chuun. Já ná coo.

¹⁷ Ndítahan nu mún, Timoteo cahndún chuun nuú na cómi cuahá ñaha cuicá ñuyiví yóho ña ná a cácuu na ñayivi catóo ndiñehe jicó mé. Ta xíni ñúhú cahndún chuun nu ná ña ná a candeé ini na ñaha cuicá cómi na jáchí cuu ndihi saha tóco ndihi ñaha cómi na. Ña ndítahan caja na quea candeé ini na Ndióxi, mé á quiahva tóco ndihi ñaha nu yo já ná cajij íni yo. ¹⁸ Cahndún chuun nu ná ña ná caja vaha na ta ná cajojó joho ña vaha cája na. Ta xíni ñúhú coo tiañva na cahnda java na ña cómi na xihín java ga ñayivi. ¹⁹ Jáchí xihín ña yóho ñeñe táhvi ná coo cuahá ñaha cuicá na indivi tá ná tandaa quivi cūhún na coo na xihín Ndióxi anda ama cáa quivi.

²⁰ Candehún Timoteo. Xíni ñúhú quehe cuéntá vahún ña jánaha i nuun. Coto a cúnj johún tuhún ña cahan ñayivi ñuyiví jáchí coo saha toho a ta ni coo xíni na ña cahan na saha. ²¹ Jáchí java na cán cáhí na xíni ndivaha na joo najándacoo na ña candeé ini na Ndióxi.

Carta ivi naçahyí Pablo nuú Timoteo

Chíndahá Pablo Ndióxi coo Timoteo

¹ Yehe cúu Pablo ta cúu u da apóstol, da cája chúun cuéntá Jesucristo. Naçaxi Ndióxi yehe ta naçindahá mé á yehe çaxi tuhun i tuhun vaha sahá Jesucristo nuú ñayivi. Jári naçahan Ndióxi tuhun a nuú ñayivi ña cán queá tá cándee ini na mé á já queá çuhun na coo na xihin mé á anda ama cáa quivi. ² Cáhyi i carta yóho nu mún, Timoteo jáchi cúun tátuhun jahyi mí i ta quihvi ndivaha ini i yohó. Ná caja cuaha Ndióxi, tátá yo xihin Jesucristo, xitoho i ñamanj xuhun ta ná tahnda ini a sahun ta ná caja mé á ña ná coo vaha inún.

Jáčahan Pablo Timoteo ña ná ndicani da nuú ñayivi sahá Jesucristo

³ Ndiqiahva i ndixahvi nu Ndióxi saha mún, Timoteo jáchi ndicuhun ini i yohó tá xica tahvi i nu Ndióxi ñuú ta ndivi. Cája chúun vaha i cuéntá mé á tátuhun naçaja chúun tásáhu jicó i sañahá. Ta xini ña ín vaha inima i nu Ndióxi. ⁴ Ndicuhun ini i ndaja nasacu ndivahún ta natahnda inún sahá i tá naquee e cán vaxi i yóho. Jári yehe va cúni ndivaha i cuni tucu u yohó já ná chutú ndaa ini i xihin ña cáji ndivaha ini i. ⁵ Ndiqiahva i ndixahvi nu Ndióxi tá ndicuhun ini i ña mé a ndaa cándee inún Jesucristo. Nu cuiti naçandee cáhnu ini ná chéhun, Loida xihin nánun, Eunice Jesucristo ta quiahva já xini vaha i ña cándee cáhnu inún mé á.

⁶ Ña cán queá jácahan i yohó ña ná ndicuhun inún caja chúun chágun xihin ña nañehe táhvan nu Ndióxi tá naçinúu i ndahá i jinun. ⁷ Jáchi ço cúni Ndióxi ña ná cayihvi yo. Já queá naçahan inima yji á nu yo já ná nduu ndee ini ta ná quihvi ini táhan i ta ná çahnú yo mí cañehe vaha i quiahva xihin á. ⁸ A cácahan toho nun çahun tuhun vaha sahá Jesucristo, xitoho í. Ta a cácahan nun saha mí i vatí ndacaan i vecaa sahá Jesucristo. Joo ña ndítahan cajún queá quiahva ndee inún tá ná ndoho inún sahá Jesucristo jáchi sahan Ndióxi ndee mé á nun. ⁹ Najáçacu Ndióxi mí ta naçaxi a mí ña ná cacú ñayivi yji cuéntá mé á. Ta a juú sahá ña naçaja vaha i joo naçaxi a mí jáchi nasacu ini a caja ñamanj xoho anda tá cámanj çava sahá saha ñuyivi. Sahá ña cán queá naçindahá a Jesucristo quivi a sahá cuachí. ¹⁰ Ta anda viti naçinu çoo ña nasacu ini a jáchi naquixi Jesucristo ñuyivi yóho ta naçihí a ndica crúxu. Ta sahá ña naçaja mé á ço ndítahan yihvi yo quivi jáchi çuhun i coo

i xihin mé á anda ama cáa quivi tá ná cándee ini tuhun vaha cáhan sahá Jesucristo.

¹¹ Naçaxi Ndióxi yehe ná cacuu u in apóstol cuéntá mé á ña ná jánağa i tuhun vaha sahá Jesús nuú ñayivi, na çoo naquixi çichi Israel. ¹² Ta vatí ndóho ini i sahá ña yóho joo ço cácahan toho nuú i jáchi xini vaha i yo cúu Jesucristo, mé a cándee ini i. Nandiquiahva i mí i ndaha mé á ta xini vaha i ña candaa mé á yehe anda quiahva ná tandaa quivi quixi tucu a ñuyivi yóho.

¹³ Ta jácahan i yohó ña ná candico cáhnún ichi ndaa, ña najánağa i nun. A jándicoún ña cándee inún Jesucristo ta a jándicoún ña quihvi inún ñayivi jáchi in nanduú xihin Jesucristo sahá ña cándee ini mé á. ¹⁴ Sahá ña ndacaan inima yji Ndióxi ini in in yo ta sahá ña chindee a mí sahá ña cán queá xini ñuhú cacu vahún ña naçahan Ndióxi nun.

¹⁵ Sa xini vahún ña najándicoo tóco ndihi na cúu cuéntá Jesús nduu estado Asia yehe. Tañu mé na cán ndacaan Figelo xihin Hermógenes. ¹⁶ Cúni ña ná tahvi ini Ndióxi sahá Onesíforo xihin na vehe da jáchi cuahá tañu naçindee da yehe ta já nandivaha ini i. Ta çoo naçacahan nuu da sahá ña ndacaan i vecaa. ¹⁷ Na naçaja da queá nandinducú da yehe tá naçaa da ñuu Roma yóho ta çoo nandiquehe ndee dá anda quiahva nandinehe dá yehe. ¹⁸ Ná tahvi ini Ndióxi sahá da cán tá ná ndindaa quivi quixi tucu Jesucristo ñuyivi yóho. Ta sa xini vahún ña naçindee da yehe tá naçahin i ñuu Efeso.

2

Ná quiahva ndee ini tá ndóho ini sahá Jesucristo

¹ Ta mún, Timoteo cúun tátuhun jahyi mí i ña cán queá jácahan i yohó ña ná coo ndacu inún xihin ndee ña naçahan Jesucristo nun. ² Sa xini johun tuhun vaha naçaxi tuhun i nuú cuahá ñayivi. Ta viti ndítahan nu mún jánahún ña cán nuú java ñayivi, na cúu ñayivi ndisáhu ini já ná cúu jánağa ná ña nuú java ga ñayivi.

³ Quiahva ndee inún tá ndóho inún sahá Jesucristo jáchi cúun tátuhun in soldado vaha cuéntá mé á. ⁴ Jáchi in soldado cája cuiti da ña sahná jefe da nu dá ta ço cája da inga ga ñaha jáchi cúni da ña ná tahan ini jefe da sahá ña cája da. Tá quiahva cája mé soldado yóho quiahva já ndítahan nu yo caja í. ⁵ Jári sa xini vaha ndó ndaja cája da sajiquí pelota. Tá ço sajiquí vii da já queá a cuú quee vaha da. Quiahva já cúu á xihin mí jáchi tá ço cája i ña cúni Ndióxi já queá a cuú quee vaha í. ⁶ Tá ndihi ini in da xútu já queá ndítahan nu dá jáquee da nu cuiti ñaha naçutu da. Ta quiahva já ndítahan ndihi ini caja chúun i cuéntá Jesucristo já queá cuu ndiquehé ña quiahva Ndióxi nu yo. ⁷ Ndicani vaha inún

sahá tóco ndihi ña ñacahan i xuhun ta já chindee Ndióxi yohó candaá vaha inún tóco ndihi ña cáchi i xuhun.

⁸ Xíni ñúhú ndicuhun inún Jesucristo, mé á naquixi chichi David. Najánditacu Ndióxi mé á tá naxihí a. Ta viti cáxi tuhun i tuhun vaha sahá mé á nuú ñayivi. ⁹ Ta ndóho ndivaha ini i sahá tuhun cáhan i nuú ñayivi. Nacató na yehé xihín cadena ta ñachicaqan na yehé vecaa tá quiahva cája na xihín in da quini. Joo a cuú caja na ña yóho xihín tuhun Ndióxi jáchi cuahá chága ñayivi cáhan na sahá Jesús viti. ¹⁰ Ña cán queá in tiahva i ndoho ini i sahá ñayivi, na ñacaxi Ndióxi cacuu na cuénta mé á. Jáchi cúnj Jesucristo jácacu a ndihi na cándee ini mé á já ná coo na xihín mé á anda ama cáa quívi. Ta ñúchi ndivaha cán. ¹¹ Ña cáchi mé ña yóho cúu á ña ndaa:

Tá ná quívi sahá Jesucristo já queá cuu canduú xihín mé á anda ama cáa quívi.

¹² Tá ná caja ndee ini ña ndóho ini sahá Jesucristo já queá vaxi quívi cahnda i chuun xihín mé á.

Tá ná cachi ña co cúu yó cuéntá Jesucristo já queá cachi mé á ña co xini toho a mí.

¹³ Vatí ná ndindójo yó sahá Jesucristo joo a ndindójo toho mé á sahá yó, jáchi mé a ndaa jáxinu coo mé á tuhun sahan nu yó caja.

Táhan ini Ndióxi xihín da cája chúun vaha cuénta mé á

¹⁴ Ña yóho ndítahan jándicuhun inún ñayivi. Cahnúnd chuun nu ná ña ná a cáni táhan yúhu ná sahá ndá tuhun cúu ña vaha chága jáchi coo sahá cúu á. Joo ña cája na cán queá játívi na xini túnj mé ñayivi xini joho ña cán. ¹⁵ Ndinuhu inún caja chúun vahún cuéntá Ndióxi já ná tahan ini mé á xuhun. Tá ná cajún ña yóho já queá a cácahan nuun jáchi ndinuhu ña ndaa najánahún nuú ñayivi.

¹⁶ A quíhvi nuún nditúhún xihín ñayivi tá nditúhún quíhvi na jáchi quéta nuu chága na tañu cuachi tá nditúhún quíhvi na. ¹⁷ Ta java tañu ña cáhan xihín táhan na jan jándihíhvi a ñani táhan na jáchi tá quiahva jándihi cuehe táhvi sahá yiquí cuñu ñayivi quiahva já jándihi tuhun cáhan na sahá ñayivi. Já nandoho Himeneo xihín Fileto. ¹⁸ Nacaxoo ndívi da nu íchi ña ndaa ta viti jánahá da ña tuhún jáchi cáchi da ña sa nayaha va quívi tá nditacu tucu na sa naxihí. Jájana da jini java ñayivi ña ná a cándee ga ini na Jesús. ¹⁹ Joo Ndióxi cáhan ña ndaa ta a cuú ndijama mé á ña ñacahan. Ta já cáchi tuhun Ndióxi sahá ñayivi cuénta mé á: “Xíni Ndióxi ndá na cúu na cuénta mé á.” Já cáchi tucu tuhun Ndióxi já: “Tá ná cachi ñayivi ña cándee ini na Jesucristo, xitoho na já queá ndítahan nu ná jándicoo na cuachi cája na”, cáchi tuhun Ndióxi.

²⁰ Ta viti ná cacu u in quiahva nuun: ini in vehe cáhnu in ñaha jjuhun cuán xihín ñaha jjuhun cúxú. Jári ñúhu ri ñaha ñacavaha xihín yito ta ñúhu ri ñaha ñacavaha xihín ndahyi. Ta java ña cán in javí a ta java ña cán in chuun a ndijáá ní quívi. ²¹ Tá najándicoo í cuachi cája í já queá cacuu ñayivi víi nu Ndióxi. Ta cacuu tá tuhun in coho vaha jáchi cuu caja chúun í cuéntá Ndióxi ta já cuu coo tiahva í caja í tóco ndihi ña vaha.

²² Cama chá caxoún nuú cuachi ña ndiáva ini da tacú caja da. Ta candico cáhnún íchi cuéntá ña ndaa ta cándee inún Ndióxi ta quíhvi inún ñayivi ta coo vaha inún xihín ná. Tá ná cajún ña yóho in cacuún xihín tóco ndihi na cúu cuéntá Jesús, na in víi inima nu Ndióxi jáchi xica na nu Ndióxi ña ná chindee a na. ²³ A quíhvi nuún nditúhún quíhvin xihín ñayivi jáchi tá ná cajún ña yóho já queá vaxi quívi tá casahá caní táhan na xuhun. ²⁴ Ta ndá da ndico íchi cuéntá Jesús co ndítahan nu dá nducú da cuachi xihín ñayivi. Ña ndítahan caja da queá caja vaha da xihín tóco ndihi ñayivi ta ná cacuu da in da tiahva jánahá vaha ñayivi ta ná coo cáhnu ini da xihín ná. ²⁵ Ta co ndítahan nu dá ndiñehe jíco da mé dá nani jánahá da nuú ñayivi, na sáa ini xihín tuhun Ndióxi jáchi tiahva náa caja Ndióxi ña ná ndicó coo ini na ta já candaá ini na ña ndaa sahá Jesucristo. ²⁶ Jáchi tá ná ndicó coo ini na já queá janí ná ndahá tiñahá sacuañá jáchi nasacomí mé rí cuéntá sahá ná ña ná caja na ña cúnj mé rí.

3

Ña tandaa caja ñayivi tá jalóho cúni ndihi sahá ñuyivi

¹ Ta ndítahan candaá vaha inún, Timoteo ña tá ná cayati quívi quixi tucu Jesucristo ñuyivi yóho já queá ndoho ndivaha ini na cúu cuéntá Jesús. ² Jáchi vaxi quívi tá caja ñayivi cuahá ndivaha cuachi. Cuahá ñayivi cajihnda ná ta quíhvi ndivaha ini na jjuhún na. Ta já caja cáhnu na mé ná ta ichi ndivaha coo ini na ta candaá na Ndióxi ta a cúni joho na nuú cahan tá tá náná na xihín ná. Ta ni ndixahvi a ndiquiahva na nu Ndióxi ta ni a cája cáhnu na mé á. ³ Ta a quíhvi ini tahan na ta ni a cája cáhnu ini sahá táhan na. Ta cahan jíquí na sahá java ga ñayivi ta catúhún na. Ta a cuú cáhnu na nuú ña xica ini na caja na. Xixi coo ini na xihín ñayivi ta candaá na tóco ndihi ña vaha. ⁴ Jíco túhún táhan na. Ta cacuu na ñayivi cama jini. Ta caja ichi ndivaha ini na. Catóo chága na cájji ini na xihín ñaha ñuyivi yóho a juú ga xihín ñaha Ndióxi. ⁵ Ta caja na tá quiahva cája na cúu cuéntá Ndióxi joo chijehé tuhun na sahá Ndióxi, mé á sahan ndée nu ná caja na ña cúnj mé á.

Caxouñ nuú ndihi na cája cuachi yóho. ⁶ Jáchí tañu na jan ndúu java ñayivi, na quihvi vehe tá vehe jándahvi na najihí quihvi xihín ña jánaha na. Ta mé najihí yóho ndójo cuahá ndivaha na cuachi jáchí nayaha quiahva cája na tá nuú ña núu xíca ini na caja na. ⁷ Ta mé najihí yóho jácuaha ta jácuaha na joo cō xínu cōo nu ná candaa ini na ña ndaa. ⁸ Sanahá ndivaha nasanduu ivi dā tají. In da naní dā Janes ta inga da naní dā Jambres. Tá quiahva nasaji nuu dā cán nuú Moisés quiahva já sáji nuu java ñayivi nuú ña ndaa viti. Ña núu ndacaan xini túni na ta cōo naxeen na candee ini na Jesucristo. ⁹ Joo vaxi quiví tá a cúu ga jándahvi na ñayivi jáchí mé quiví cán candaa cáxi ini ñayivi ndaja tónto ñacaja na cán. Já ñandoho Janes xihín Jambres sanahá jáchí ñacandaa cáxi ini ñayivi ña ñacaja núu da xihín Moisés.

Sáhdá tucu Pablo chuun nuú Timoteo

¹⁰ Joo sa xini vahún tá quiahva ñacaja i tá najánaha i nuun. Ta sa xinun ña cája i caca u xihín ña nasacu ini i caja i chága chí nuu. Ta sa xinun ndaja candee ini i Jesús. Ta sa mé quiahva já xini vahún ña cō xójo ini i xihín ñayivi. Ta sa xini vahún ña quihvi ini i tóco ndihi ñayivi. Ta xinun ndaja nasahan ndee ini i ¹¹ tá ñacaja xíxi na xihín i ta ndaja najándoho na ini i tá nasahún i ñuu Antioquia xihín ñuu Iconio xihín ñuu Listra. Joo ñachindee Ndióxi yehe ta natavá mé á yehe nu tóco ndihi ña ñandoho i. ¹² Ta mé á ndaa ndoho tá ndoho ini ñayivi tá cúni ña candi cō cáhnu na ichi cuéntá Jesús. ¹³ Tá ñayivi quini, mé ña jándahvi ñayivi cája chága ví na cuachi ta cō xini ña ndája xinu cōo nuú ndihi cuachi cája na. Xíca na jándahvi na ñayivi ta janda mé ña cán najándahvi ñayivi.

¹⁴ Joo jácahan i yohó, Timoteo ña ná a jándicouñ ña ndaa, ña ñacatiahvún tá najácuahún xihín nde jáchí xini vahún ña cúu á ña ndaa. Ta sa xini vahún ndá ñayivi cúu nde. ¹⁵ Ta cándaa vaha inuñ tuhun Ndióxi jáchí anda tá lohún najácuahún ña. Ta mé tuhun Ndióxi cuu jánaha yohó cajún ña cúni mé á ta cuu jácau a yohó jáchí candee inún Jesucristo. ¹⁶ Ñacahyi ñayivi tóco ndihi tuhun Ndióxi yóho jáchí najácahan Ndióxi inima ná ña ná caja na ña. Ta mé tuhun Ndióxi yóho chindee a mí jáchí jánaha mí caja i ña cúni Ndióxi ta jánani ri a mé ví tá cō cája vaha í. Ta jándicaca vaha mí tá cō xíca vaha í ichi cuéntá Ndióxi. Ta sa mé quiahva já jánaha mí ña ná cacuu ñayivi ndaa, ña cō cája cuachi. ¹⁷ Já queá ná cuu nduu ndacú chága ini ña candee ini Ndióxi xihín tuhun mé á ta xihín ña yóho cuu cōo tiahva na caja na tá nuú ña vaha.

4

¹ Vaxi quiví quixi tucu Jesucristo ñuyiví

yóho cacomí a cuéntá sahá yo ta mé já caja víi a sahá ña tácu xihín sahá ña sa naxihí. Sahá ña cán queá nu Ndióxi xihín nuú Jesucristo, xitoho í sáhdá i chuun nu mún, Timoteo ² ña ná cōo tiahvún cahún tuhun Ndióxi nuú ñayivi ní tiempo tá núna nuñ á tá cōo. Ta nditahan nuun cavún jini ña cája cuachi ta jácahún ña ña ná caja na ña cúni Ndióxi. Ta nditahan quiahvún tuhun ndee ini na. Ta víi víi jánahun tuhun Ndióxi nu ná ní tiempo. ³ Jáchí vaxi quiví tá a cándúsa ga ñayivi cuni joho na tuhun ña ndaa. Joo ndihi ini na nducú cuahá ña maestro, dā jánaha ña xíca ini mé ná taa joho na. ⁴ Ta a cándúsa na taa joho na ña ndaa jáchí cáji chága ini na taa joho na ña tuhún cuéntá ñayivi ñuyiví. ⁵ Sahá ña cán queá sáhdá i chuun nu mún, Timoteo ña ná cañehe vahún quiahva xihín ña cajún. Ta quiahva ndee inún tá ná ndoho inún. Caxi tuhún tuhun vaha sahá Jesús nuú ñayivi xihín ndinuhu inún. Ta xini ñúhú xáinu cōun tóco ndihi chuun nasahan Ndióxi nuun cajún.

⁶ Sa íin tiahva i joco i mí i nu Ndióxi. Sa xini ví ña sa ñacayati quiví quivi ví. ⁷ Ñacaja chúun vaha i cuéntá Ndióxi tátuhun cája chúun vaha in soldado nu jefe dā. Najáxinu cōo ndihi i chuun nasahan Ndióxi nuú i tátuhun cája in dā xínu tá sa ñaquee vaha da. Ta ñandico cáhnu i ichi ña candee ini i Jesús. ⁸ Ta viti ndati i casaa quiví caja víi Jesucristo, xitoho í sahá tóco ndihi ñayivi. Mé tiempo cán ndiquehe e ña quiahva mé á nuú i sahá ña ñacaja i ña ndaa. Ta quiahva já caja Jesucristo, mé á cúu ña ndaa xihín java ga ñayivi, mé ña cáji ini ndati na casaa quiví quixi tucu a ñuyiví.

Cáhan Pablo cuéntá mé dā viti

⁹ Ndihi inún quixi camún coto nihnún yehe. ¹⁰ Najándicoo Demas yehe jáchí ñacatóo chága dā ñaha ñuyiví yóho ta cuahán dā ñuu Tesalónica viti. Ta ñaquee Crescente cuahán dā estado Galicia ta já ñaquee Tito cuahán dā chí estado Dalmacia. ¹¹ In túhún Lucas íin da xihín i. Ndinducún Marcos ná quixi da xuhun tá ná quisún yóho jáchí cuu chindee vaha da yehe xihín chuun cája i yóho. ¹² Sa ñachindahá i Tiquico ñuu Efeso. ¹³ Tá ná quisún yóho cajún ñamaní cañehún cotó ndee e ña najándicoo i ñuu Troas vehe Carpo. Ta jári libro va cañehún ña quisún yóho. Ta a ndindójun cañehún ní quítí ña ñacahyi i nuun.

¹⁴ Á cō ndicuhun inún Alejandro, dā cája chúun cánj caa. Cuahá ndivaha ña núu ñacaja da xihín i joo vaxi quiví tá chahvi da sahá, caja Jesucristo, xitoho í. ¹⁵ Cuéntá cōun xihín dá jáchí cándají ndivaha da tuhun Ndióxi, ña jánaha yó nuú ñayivi.

¹⁶ Tá ñandiquehe e sahá i nu cuítí nuú ña jutixia ni in ñayivi cōo ñachindee yehe.

Tóco ndihi na najándicoo na yehe. Ná caja cáhnu ini Ndióxi sahá ña ñajaja na cán. ¹⁷ Joo Ndióxi quéa ñachindeé a yehe ta ñasahan ndéé á nuú i ña ná cuu caxi tuhun i tuhun vaha sahá Jesús ná cuni joho tóco ndihi na coó ñaqui xi chichi Israel. Tá ñachindeé Ndióxi yehe já cúú á tátuhun ñaçacu yehe yuhú león. ¹⁸ Ta cándeé ini i ña jáçacu a yehe nuú ndihi ña núu. Ta candaa vaha Ndióxi yehe anda quiví cuhun i indivi coo i xihín mé á nu cahnda Ndióxi chuun anda ama cáa quiví. Còho caja cáhnu í mé á anda ama cáa quiví. Já ná coo.

Ndínayí Pablo na cúú cuéntá Jesús

¹⁹ Chindahá i Ndióxi coo Prisca xihín Aquila xihín na vehe Onesíforo. ²⁰ Ñaçandoo Erasto ñuu Corinto. Ta ñaçandoo Trófimo ñuu Mileto jáchi quihví da. ²¹ Ndihi inún quisún yóho tá cámanj xinu coo tiempo vixi. Eubulo xihín Pudente xihín Lino xihín Claudia chindahá na Ndióxi coún. Ta jári ndihi na cúú cuéntá Jesús ñuu yóho chindahá na Ndióxi coún.

²² Ná coo Jesucristo, xitoho í xuhun. Ná caja Ndióxi cuahá ñamanj xihín ndihi ndó.

Carta nachindahá Pablo nu Tito

Cáhan Ndióxi Pablo xihin Tito

¹ Yehe cúu u Pablo, da cajú chuum cuéntá Ndióxi ta cúu u in apóstol cuéntá Jesucristo. Nachindahá Ndióxi yehe caxi tuhun i tuhun vaha saha mé á nuú ñayivi ña ná candeeé ini na mé á. Ta já ná ndaa ini na ña ndaa saha mé á jáchi nandicaxi a na. ² Ta ndati tiahva na cuhun na coo na xihin mé á anda ama cáa quivi jáchi já nasahan Ndióxi tuhun a nu yo tá camani cava sáhá saha ñuyivi. Ta co cáhan Ndióxi ña tuhun. ³ Ta viti naxinu coo quivi nasacu ini Ndióxi jánahá nuú ñayivi ndá quiahva cuu candeeé ini na mé á. Ta viti ndójo i chuun ña nasahnda Ndióxi nuú i ña ná caxi tuhun i tuhun vaha saha Jesucristo nuú ñayivi, mé a jácacu mí. ⁴ Chindahá i tutu yóho nu mún, Tito, da cúu tátuhun jahyi mí i jáchi in nuú candeeé ini Jesucristo. Ta xica tahvi i nu Ndióxi, tátá yo xihin nuú Jesucristo, xitoho í, mé a jácacu mí ña ná cajú cuahá ñamanj xuhun ta ná cajú ña ná coo vaha inún.

Chuum naqaja Tito isla Creta

⁵ Najándicoo i yohó isla Creta jan ña ná jáxinu coún chuun ña najándicoo ñáhnu i jan. Nditahan ndicasún na sacuahá nuú na cúu cuéntá Jesús in in ñuu tá quiahva nandicani i nuun cajún. ⁶ Ta mé da sacuahá yóho ndítahan cacuu da ñayivi vaha, da a cúu ñehe ini ñayivi jánani na sahá ña cajú da. Ta ndítahan nu dá cacuu da da coo inga ñaha xihin ta in tühún ñájhi da ndítahan coo. Ta ndítahan nuú jahyi da candeeé ini na Ndióxi. Ta co ndítahan nuú jahyi da cajú na ña núu joo ndítahan nu ná candusa na cajú na ña cáchi náná tátá ná já ná a cúu chícana ñayivi cuachi jatá ná. ⁷ Jáchi ndá da cúu da sacuahá cajú chuun da cuéntá Ndióxi sahá ña cán queá ndítahan cacuu da in ñayivi ndaa. Ta co ndítahan nu dá cajú ichi ini da ta ni co ndítahan nu dá cajú cama ini da xihin ñayivi. Ta ni ná a cácuu da da xihí ta ni ná a cátoó da cani táhan da xihin ñayivi ta ni ná a cátoó da ñehe cuahá dá jjuhún. ⁸ Ña ndítahan nu dá cajú da queá cajii ini da ndiquehe vaha da ñayivi vehe da ta ná cajú da ña vaha cuiti va ta ná cacuu da da ndísáhnú ini, da cañehe vaha quiahva. Ta ndítahan nu dá cajú da ña ndaa cuiti va ta ná candicoo cáhnú da ichi cuéntá Ndióxi ta ná candaca vii da yiquí cuñu da ná a cajú da cuachi. ⁹ Ta ndítahan nu dá cativi tuun da ña ndaa sahá Jesucristo, ña nacatiahva da já queá cuu chindeeé da ñayivi xihin ña ndaa jánahá da nu na. Ta xihin mé tuhun vaha yóho cuu jáxinu da ini java ga ñayivi, na cáhan núu sahá tuhun Ndióxi.

¹⁰ Jáchi cuahá ñayivi co cúni na cajú na ña cáchi tuhun Ndióxi. Ta tañu na yóho ndúu cuahá na Israel. Coó saha toho tuhun cáhan na ta xihin ña yóho jándahvi na ñayivi. ¹¹ Yuhú na yóho ndítahan chicají jáchi xica na jácaca na jini ñayivi ta janda tóco ndihi na ndúu vehe nacava na jini ná xihin ña co cúu ña ndaa já ná ñehe cuahá na jjuhún jatá ñayivi jándahvi ñahá na.

¹² Ta tañu na yóho nasahin in profeta ta já nacachi da já sahá ñayivi ñuu da, na ndúu isla Creta cán: “Na ndúu Creta cáhan na ña tuhún níi tiempo. Yucú na ta ndehé na ta júsá ndivaha na cajú chuun na”, nacachi da. ¹³ Ta ña ndaa cúu ña nacahan da cán saha ná. Ña cán queá ndítahan nuun jánani vahún na ña ná candeeé cáhnú ini na Jesús ¹⁴ ta ná a táa johó na cuéntó ña ndicani ñayivi Israel nu ná jáchi ña quixi jini mé va na queá. Ta ná a táa johó na nu cáhan ñayivi, na nacaxoo nuú ña ndaa.

¹⁵ Ta tá ndacaan vii xini túni ñayivi já queá tóco ndihi ñaha cúu á ñaha vii nu ná. Joo tá co cándusa ñayivi Ndióxi ta ndacaan ña núu xini túni na já queá tóco ndihi ñaha cúu á ña núu nu ná jáchi co ín vii ñima ná xihin xini túni na. ¹⁶ Vati cáchi na yóho ña candeeé ini na Ndióxi joo xihin ña núu cajú na ñaha ña mé a ndaa co candeeé ini na mé á. Sáa ndivaha ini na ta a xeén toho na cajú na ña ndaa sahá ña cán queá ni in ñaha vaha a cuú cajú na.

2

Nditahan jánahá yo tuhun vaha sahá Jesús nuú ñayivi

¹ Ta ndítahan nu mún, Tito jánahún ñayivi ndaja cajú na ña ndaa, ña cáchi tuhun Ndióxi cajú na. ² Jánahún na sacuahá ña ndítahan cacuu na ñayivi ndisáhnú ini, na ín toni ñuhú ñayivi xihin, na ñehe vaha quiahva xihin ñaha. Ta ndítahan candeeé vaha ini na Ndióxi ta ndítahan quihvi ini na ñayivi ta ndítahan coo ndacu ini na já ná cuu candeeé ini na tá ná ndoho ini na. ³ Ta quiahva já ndítahan coo toni ñuhú najihí sacuahá xihin ñayivi. Ta co ndítahan cacuu na najihí tühún ta ni ná a cácuu na na xihí. Jáchi ndítahan nu ná cacuu na na ín toni ñuhú ñayivi xihin sahá ña vaha cajú na. ⁴ Ta ndítahan jánahá na najihí yuta ña ná quihvi ini na yíi ná xihin jahyi na. ⁵ Ta ndítahan cahnu na mé ná ta ndítahan cacuu na ñayivi vii ta ná candaa vaha na vehe na ta ná cajú na ña vaha cuiti va. Ta ndítahan candúsa na cajú na ña sáhná yíi ná nu ná. Tá cajú na tóco ndihi ña yóho já queá a ñehe ini ñayivi cahán núu na saha tuhun Ndióxi.

⁶ Ta quiahva já ndítahan jácáhnú da tacú ná coo ndisáhnú ini da. ⁷ Xihin ña cajún jánahún nu ná ndaja cajú na ña vaha. Ta xini ñuhú jánahá ndisáhnú ña yóho nu ná ta ná

cajún ña xihín ndinuhu inún. ⁸ Ta ná cahún ña vaha cuití va já queá a cúu chicaoñ ñayivi cuachi jatun. Ta xihín ña yóho cacahan nuñ na co cúní yohó jáchi a cúu cahán ihvi ná saha ndihi ndó, na cúu cuéntá Jesús.

⁹ Ta jácahún ndá na cája chúun xihín xitoho na ña ná caja na tóco ndihi ña sáhdá xitoho na nu ná jáchi xíní ñúhú coo toní ñúhú na xihín ná ta ná a ndúcú ñehe ichi na tuhun nuñ xitoho na. ¹⁰ Ta ná a cája cuihná na nu ná joo ná cacuu na ndinuhu ñayivi ndaa. Ta xihín ña yóho náha ndá quiahva ndató ndivaha cúu tuhun Ndióxi, ña cáhan saha mé á jácau a mí.

¹¹ Najánaha Ndióxi mí ña cúní a caja cuahá ñamaní xihín ñayivi ta ín tiahva mé á jácau a tóco ndihi ñayivi. ¹² Ta jánaha mé á nu yó ña ndítahan jándicoo í tóco ndihi ña núu, ña xica iní caja í ñuyiví yóho. Jáchi ndítahan nu yó cahnu í mí ta ná caja í ña ndaa cuití va ta ná candico cahnu í ichi cuéntá Ndióxi. ¹³ Ta cáji iní nani ndátí tiahva í xinú coo quivi ndicó coo tucu Jesucristo xihín ndéé á. Ta cúu á Ndióxi cáhu ta jácau a mí. ¹⁴ Nandiquiahva Jesucristo mé á quivi a saha ndihi jáchi cúní a jácau a mí ná a cája ga yó ña núu. Ta cúní a jándoo a tóco ndihi cuachi já ná ndúu ñayivi cuéntá mé á ña ná ndihi iní caja í ña vaha.

¹⁵ Ndítahan jánahún tóco ndihi ña yóho nuñ ñayivi ta jácahún na ña ná caja na ña naçahyí í yóho. Ta ndítahan nu mún jánanún ñayivi cája cuachi jáchi ín sahun cahndún chuun nu ná. Coto a quiahvún ñamaní nuñ ñayivi quehe núu na yohó.

3

Ña ndítahan caja na cúu cuéntá Jesús

¹ Xíní ñúhú jándicuhun inún na cúu cuéntá Jesús ña ná coo joho na nu sáhdá na jutixia nu ná. Ta ná coo tiahva na caja na ndá ña naçuu nani cúu á ña vaha. ² Ta xíní ñúhú cahún xihín ná ña ná a cáhan núu na sahá inga ñayivi ta ná a cáni táhan na xihín inga na joo víi caja na xihín ná. Ta ná a ndíñehe jícó na mé ná nuñ ndihi ñayivi.

³ Jáchi ndítahan ndicuhun iní ña tá camañi ndihví ichi cuéntá Jesús já naçaja í cuahá nuñ cuachi. Quíhví naçacaja í ta coo naçaja í ña cúní Ndióxi. Naçandúsa í ña tuhún, ña naçachi na jándahvi mí. Ta naçacaja í tá nuñ ña núu jáchi nandiava iní yó caja í ña ta mé cuachi naçahnda chuun nu yó. Tóco ndihi quivi naçacaja í ña núu ta naçacuu ñayivi ihvi iní. Naçandají ñayivi mí ta ndaja mí naçandají táhan í viti. ⁴ Andá javí Ndióxi, mé a jácau mí najánaha nu yó ña táhví iní a saha yó ta quíhví iní a mí. ⁵ Sahá ña cán queá najácau a mí. Ta coo naçaja ña sahá ña vaha naçaja í. Joo najácau a mí jáchi táhnda iní a saha yó. Najándoo a cuachí ta xihín

ña yóho naçaja iníma yíi Ndióxi ña nandúu ñayivi saá, na xíca ichi saá viti. ⁶ Na xihí Jesucristo saha yó ña ná jácau a mí ta xihín ña yóho nachutú ndaa iníma yó xihín iníma yíi mé á. ⁷ Naçaja Ndióxi ñamaní uun xihín yó ña ná canduu ndaa yó nu mé á sahá ña cán queá ndátí tiahva í cuhun yó coo í xihín mé á andá ama cáa quívi.

⁸ Ta tóco ndihi ña cáhyí í yóho cúu á ña ndaa. Sahá ña cán queá cúní ña ná ndinuhu inún jánahún ña yóho nuñ ñayivi, na cúu cuéntá Jesús ña ná ndihi iní na caja na ña vaha. Jáchi ña naçahyí í yóho cúu á ña vaha ta cuu chindee a tóco ndihi ñayivi. ⁹ Joo coto a quíhví nuñ nditúhún xihín ñayivi cáhan tuhun quíhví, ña ndicani sahá chíchi tásáhu jícó yó. Ta a ndíhví ndó cani táhan yúhví ndó xihín ná saha ley Moisés jáchi coo saha toho ña yóho ta mé a uun va queá cani táhan ndó xihín ná.

¹⁰ Tá ín in na cúu cuéntá Jesús ta tá cúní na cani táhan na xihín java ga na cúu cuéntá Jesús, xíní ñúhú jánanún na ña ná a cája ga na ña yóho. In á ívvi tañu cuití va cahún xihín na ta tá co cúní na cuni joho na ña cahún xihín ná já queá tavún na ña ná cuhun na. ¹¹ Jáchi sa xíní vahún ña nandeta nuu ña núu xíní túni ná ta sa xíní vaha na ña caja na cuachi.

Sáhdá Pablo chuun nu Tito

¹² Tá ná chindahá í Artemas á Tíquico nuñ já queá ndihi inún cuhun ínuu Nicópolis jáchi cán cája í cuéntá coo í tiempo víxi. ¹³ Xíní ñúhú ndinducún ndaja cuu chindeun Apolos xihín Zenas, mé dá tiahva ley. Quiahvún ñaha nu ná já ná a ndímaní ñaha tá ná quee na cuhun na viaje na. ¹⁴ Ta ndítahan nu ndihi na cúu cuéntá Jesús jácuaha na ndaja caja na ña vaha xihín java ga ñayivi. Ta ndítahan nu ná chindee na ndá ñayivi naçuu na ndímaní ñaha nu. Tá ná caja na ña yóho já queá a coo uun va na ñuyiví yóho.

Ndíndayí Pablo Tito

¹⁵ Tóco ndihi na ndúu xihín í chindahá na Ndióxi coún ta chindahá ndé Ndióxi coo ndihi na cúu cuéntá Jesús cán jáchi xíní vaha í ña quíhví iní na ndehe sahá ña cándé iní Jesús. Ná caja Ndióxi cuahá ñamaní xihín ndihi ndó. Já ná coo.

Carta naçahyí Pablo nuú Filemón

Chíndahá Pablo Ndióxi coo Filemón

¹Yehe cúú ʋ Pablo ta ndácaan ʋ vecaa yóho saha ña cúú ʋ cuéntá Jesucristo. Yehe xihín Timoteo, ñani í, da cúú cuéntá Jesús cáhyi nde carta yóho nu mún, Filemón. Quihvi ini nde yohó ta in cuún xihín nde sahá ña cája chúun cuéntá Jesucristo. ²Ta jári cáhyi nde carta yóho nuú na cúú cuéntá Jesús táca vehún jan xihín nu Apia, ña cúú quiahva í sahá ña cándée ini ña Jesús. Ta quiahva já cáhyi nde carta yóho nu Arquipo jáchi in cúú da ndóho ini da cája chúun da cuéntá Jesucristo. ³Ndióxi, tátá yo xihín Jesucristo, xitoho í ná caja cuahá ñamaní xihín ndo ta ná caja ña ná coo vaha ini ndó.

Cándeé cáhnu ini Filemón Jesucristo

⁴Tá xíca tahví ʋ nu Ndióxi sahun co ndíndójó ʋ ndiquahva ʋ ndixahvi nu mé á saha mún. ⁵Jáchi nañehé e tuhun ña cándée inún Jesucristo, xitoho í ta quihvi inún mé á xihín ndihi na cúú cuéntá mé á. ⁶Ta xíca tahví ʋ nu Ndióxi ña ná ndicanún nuú java ñayivi ndá quiahva cándée inún mé á. Ta xihín ña yóho cuu candaá vaha ini na ndaja náhnu ñamaní cája Ndióxi xihín tóco ndihi mí, na cándée ini Jesucristo. ⁷Cáji ini ʋ ñani mí ʋ ta sahan tuhun ndeé ini ʋ jáchi quihvi inún na cúú cuéntá Jesús. Ta jári sahan tuhun ndeé ini cuahá na cúú cuéntá Jesús jáchi quihvi inún na.

Xíca Pablo ñamaní nu Filemón saha Onésimo, da naheen Filemón caja chúun nu dá

⁸Yehe cúú ʋ in apóstol Jesucristo ña cán queá íin sahá ʋ cahnda ʋ chuun nuun cajún ña ndítahan nuun cajún. ⁹Joo co cája ʋ ña. Ña cája ʋ queá xíca ʋ ñamaní nuun jáchi quihvi ini ʋ yohó. Xíní ñúhú ndicuhun inún ña cúú ʋ Pablo, da sáhnu, da ndácaan vecaa saha Jesucristo. ¹⁰Ta viti xíca ʋ ñamaní nuun saha Onésimo, da nanduu tátuhun jahyi mí ʋ cuéntá Jesús nani ndácaan ʋ vecaa yóho.

¹¹Jihna ga naçacuu Onésimo da coó chuun nuun joo viti íin chuun da nu ndívi yo. ¹²Ta viti chíndahá ʋ da nuun. Ndiqeehe vahún da saha mí ʋ jáchi quihvi ndivaha ini ʋ da. ¹³Cúni ña ná candoo da yóho xihín ʋ já ná cuu chindeé da yehe nu mún. Jáchi ndácaan ʋ vecaa yóho sahá ña cahan ʋ tuhun vaha sahá Jesucristo nuú ñayivi. ¹⁴Joo nasacu ini ʋ chindahá ʋ da nuun jáchi tiahva náá a váha cúú inún xihín ʋ tá ná candoo da yóho xihín ʋ. Jáchi tá ná cajún ñamaní xihín ʋ cúni ña ná cají inún cajún ña ta co cúni caja ndúsa ʋ xuhun. ¹⁵Cája ʋ cuéntá naçaxoo tóo Onésimo

nuun joo viti ndicó coo da ná coo da níi tiempo xuhun. ¹⁶A cája gaún cuéntá ña cúú dá da naçexún. Joo vaha chága viti jáchi cúú da ñani máni yohó cuéntá Jesucristo. Quihvi ndivaha ini ʋ da joo xíní ñúhú quihvi ini chágun da jáchi cája chúun da nuun ta cúú da ñanún cuéntá Jesús viti.

¹⁷Ta tá mé a ndaa quihvi inún yehe já queá ndiquehe vahún da tá quiahva ndiquehe vahún yehe tá ná xinu coo ʋ nu íin jan. ¹⁸Ta tá naçaja da in cuachi nuun á tá yíca da nuun já queá ndacún ña nuú ʋ ta já chahvi ʋ sahá. ¹⁹Yehe cúú ʋ Pablo ta cáhyi ʋ ña yóho xihín ndáha ʋ já ná candaá inún ña sahan ʋ tuhun ʋ nuun ña chahvi ʋ ña. Xíní ñúhú ndicuhun inún ña yícun nuú ʋ jáchi nandihvún íchi cuéntá Jesús sahá tuhun naçahan ʋ xuhun. ²⁰Inga tucu xíca ʋ ñamaní nuun ña ná ndiquehe vahún Onésimo jáchi cúun ñani mí ʋ, da cúú cuéntá Jesús. Tá ná cajún ña yóho sahá ña cándée inún mé á já queá quiahvún tuhun ndeé ini ʋ.

²¹Candaá vaha ini ʋ ña cajún ña xíca ʋ nuun cajún sahá ña cán queá cáhyi ʋ carta yóho nuun ta candaá ini ʋ ña vaha chága cajún nuú ña xíca ʋ nuun. ²²Inga tucu xíca ʋ ñamaní nuun ña ná caja tiahvún in vehe loho nuú coo ʋ. Jáchi sahá ña xíca tahvi ndihi ndó nu Ndióxi ña ná saa ʋ coto nihi ʋ ndohó sahá ña cán queá cája ʋ cuéntá caja mé á ñamaní xihín ʋ saa ʋ jan.

Ndíndayí Pablo Filemón

²³In da nani Epafra, da ndácaan vecaa xihín ʋ saha Jesucristo chíndahá da Ndióxi coún. ²⁴Chíndahá Marcos xihín Aristarco xihín Demas xihín Lucas Ndióxi coún. Mé na yóho cája chúun na xihín ʋ cuéntá Jesucristo.

²⁵Ná caja Jesucristo, xitoho í cuahá ñamaní xihín ndihi ndó, na ndúu jan. Já ná coo.

Hebreos, mé carta cuahan nuú na Israel

Nachindahá Ndióxi Jesucristo ña ná quixi a jáyaha tuhun Ndióxi nu yo

¹ Cuahá ndivaha tañu ñacahan Ndióxi sanahá xihín tásáhnú jícó yo. Ta cuahá ndivaha nuú ñacahan xihín ná tá najáyaha na profeta tuhun cáhan mé á nuú ñayivi. ² Joo tiempo nu ndíhi yóho nachindahá mé á Jesucristo, in túhún jiní já jahyi a ña ná jáyaha tuhun Ndióxi nu yo viti. Ta ñacaja Ndióxi ña ñacavaha Jesucristo ndijáá ñaha ñuyivi xihín ñaha indivi. Ta najándacoo Ndióxi tóco ndíhi ñaha yóho ndáha mé á. ³ Ta mé á queá náha ndá quiahva cáhnú cúú Ndióxi jáchi yehe a tá quiahva yehe Ndióxi. Ta tá quiahva cáa Ndióxi quiahva já cáa ri Jesucristo, jahyi a. Ta xihín tuhun cáhan yúhu mé á cómi a cuéntá saha tóco ndíhi ñaha jáchi ín ndivaha ndéé tuhun mé á. Ta ñandaja vií mé á mí nuú ndíhi cuachi tá já ñasacoo a indivi xoo cuáha Ndióxi, tátá a.

Cáhnú chága Jesucristo a juú ga táto Ndióxi

⁴ Ta Jesucristo, mé jahyi Ndióxi ñaxinu a ñanduu a ña cáhnú chága a juú ga táto Ndióxi. Ta ñacaja Ndióxi ña ná ñehe táhvi á ña cáhnú chága quívi naní a a juú ga quívi táto mé á. ⁵ Jáchi a ñáha cachi Ndióxi xihín ni in túhún toho táto mé á tá quiahva ñacachi a xihín jahyi a já:

Jahyi yehe cúú yóho, ta viti cáchi í ña ñanduu u tátún, cáchi a. Ta ní coó ñacachi Ndióxi xihín ni in túhún toho táto á tá quiahva ñacachi a xihín jahyi a já: Yehe cacuu u tátún, ta yóho cacuún in túhún jiní já jahyi yehe, cáchi a.

⁶ Joo tá jalóho cúni chindahá Ndióxi Jesucristo, jahyi a ñuyivi yóho já ñacachi a já: Nditahan nu tóco ndíhi táto mí i caja cáhnú na jahyi i, ñacachi a.

⁷ Já ñacachi Ndióxi já saha táto mé á: Tá quiahva cama chá xícó tachí quiahva já cama chá cuahan táto mí i. Ta yehe na tá quiahva yehe ñuhú cáyi ita, já ñacachi Ndióxi.

⁸ Joo tá ñacahan Ndióxi sahá jahyi a já ñacachi a já:

Yóho cúún Ndióxi tá cacomún cuéntá sahá ñayivi anda ama cáa quívi, ta cáhdún chuun xihín ña ndaa.

⁹ Ta a juú quiahva catóún ña vaha ta ñacandajún ña núu.

Sahá ña cán queá ñacaxi i yóho jáchi yehe cúú u Ndióxi ta cúú u tátún.

Ta najáchtú ndaa i yóho xihín ña cáji inún já ná cáji chága inún a juú ga na xica xuhun, ñacachi a.

¹⁰ Ta jári já ñacachi a já xihín jahyi a: Ñacavahún tóco ndíhi ñaha tá ñacava sahá saha ñuyivi ta cúún xitoho nuú ña cán. Ta xihín ndáhnun ñacavahún indivi.

¹¹ Ta vaxi quívi tá ndíhi saha tóco ndíhi ña yóho joo mún coo tá coun anda ama cáa quívi.

Ta tóco ndíhi ña jan cayatá ña tá quiahva cayatá jáhnú ndíxi na.

¹² Tá quiahva sahnú ñayivi jáhnú quiahva já chicháhnún ñuyivi xihín indivi.

Ta tá quiahva ndijama ñayivi jáhnú ndíxi na quiahva já ndijama ña jan cajún.

Joo mún a ndijama tohún jáchi coo tá coun anda ama cáa quívi,

ta a ndijama tohún ta a ndíhi toho sahnun, ñacachi Ndióxi xihín Jesucristo.

¹³ A ñáha cachi Ndióxi xihín ni in túhún toho táto mé á tá quiahva ñacachi a xihín jahyi a já:

Naha quí cacuún xoo cuáha i yóho, janda quiahva ná cahnu i nu tóco ndíhi na coo cúni yóho tá janda ná chinduu u na sahnun jan, ñacachi Ndióxi xihín Jesucristo.

¹⁴ Jáchi tóco ndíhi táto Ndióxi cúú ná na tácu ta ín ínima ná joo coo toho yiquí cuñu na. Cája chúun na cuéntá Ndióxi ta mé á chindahá a na ñuyivi ña ná chindee na ñayivi, na ñacaxi Ndióxi cacu ndaa ínima.

2

Naquixi Jesucristo jácacu a mí

¹ Sahá ña cán queá ndítahan nu yó taa johó í ña ndaa, ña ñaxini johó í já ná a cáxoo í ichi cuéntá Ndióxi. ² Ñacahan táto Ndióxi tuhun ñasahan mé á nu ná ta cúú á ña ndaa joo coo ñaxeen ñayivi cacu vaha na ña. Sahá ña cán queá najándoho Ndióxi ini na tá quiahva ndítahan ndoho ini na sahá cuachi ñacaja na. ³ Joo mí, ndaja caja í cacu ndaa ínima yo tá tá coo taa johó í tuhun cáhan sahá Jesús, mé a jácacu mí. Ta ña yóho cúú á ña cáhnú ndivaha jáchi jilna ñuhú ga mé Jesucristo, xitoho í ñacaxi tuhun a ña yóho nuú ñayivi. Ta na ñataa johó nu cáhan mé á, na cán sahan na tuhun na nu yo ña cúú á ña ndaa. ⁴ Ta náha Ndióxi ña cúú á ña ndaa jáchi cája mé á cuahá ndivaha ña náhnú xihín ña xítuhún ndivaha. Ta nachindahá Ndióxi ínima yii mé á nuú na cúú cuéntá Jesús ña ná caja na ña xítuhún tá quiahva ñasacu ini mé á caja na.

Ñanduu Jesucristo in ñayivi

⁵ Coó ñasahan toho Ndióxi ñamaní nu táto mé á ña ná cacomí na cuéntá sahá ñuyivi saá, ña vaxi chága chí nuu. ⁶ Jáchi já cáchi tuhun Ndióxi já:

Tátá Ndióxi, cōó saha toho ñayivi ta cōó ña náha cúu ná.

Joo mé ndó ñúhu ini ndó saha ná ta ndíhi ini ndó saha ná.

7 Tá ñacavaha ndó ñayivi ñandaja ndó ñandu na ña náhu ndivaha.

Ta tátó mé ndó cuiti va cúu ná ñasayojó loho nu ná tixi chá tiempo.

Ta tóco ndíhi ña ñacavaha ndó ñandiquahva ndó ña ndahá ñayivi,

8 já ná cacomí na cuéntá sahá, cáchi tñhun Ndióxi.

Ta mé a ndaa ni in ñaha cōó ñacandoo xóo jáchi ñasacu ini Ndióxi cacomí ñayivi cuéntá saha tóco ndíhi ñaha joo cámanj yij va xinu cōo mé quivi cán. 9 Vatí cámanj yaha ña yóho joo xini yo ña ñandoho Jesús. Tixi chá tiempo ñacaja Ndióxi ña ná nuu ndáha chága mé á nu tátó Ndióxi jáchi sahá ña quihvi ini Ndióxi mí sahá ña cán queá ñasacu ini a ña ná quivi Jesucristo sahá ndíhi ñayivi. Ta viti ñandindita mé á ñandu a ña cáhnu ndivaha sahá ña ñandoho a tá ñaxihí a ndíca crúxu.

10 Tóco ndíhi ñaha ña ñacavaha Ndióxi cúu á cuéntá mé á sahá ña ñacachi mé á ña ná coo a. Ta ñasacu ini a ña ná ndoho ini Jesucristo quivi a saha yo. Ta xihín ña yóho najáxinu cōo a nuú chuun ñatahnda nu á ña ná jácacu a mí. Jáchi ña cúnj Ndióxi cúu ña ná canduu ndíhi, ña cúu cuéntá mé á nu ín a.

11 Ñandaja ví Jesucristo mí ta sahá ña yóho cúu yó jahyi Ndióxi. Ta viti Ndióxi cúu tátá ndíhi ta cúu á tátá Jesucristo. Ña cán queá cō cácahan toho nuú Jesucristo cahan ñani a mí ta cahan quiahva mí viti. 12 Jáchi ñacahyi ini tñhun Ndióxi ña ñacahan Jesús xihín tátá a. Ta ñacachi a já:

Ndicani j nuú ñani j saha mé ndó.

Ta nu nditútú ña cata j caja cáhnu j ndohó, cáchi Jesús.

13 Ta cáchi tucu a já:

Yehe cándéé ini j Ndióxi, tátá j.

Ta cáchi tucu a já xihín Ndióxi:

Yóho ín j xihín ndíhi jahyi ndó, ña ñasahan mé ndó nuú j cacomí j cuéntá saha, cáchi Jesús.

14 Sahá ña ín yiquí cuñu ñayivi, na cúu jahyi Ndióxi sahá ña cán queá ñandu Jesús in ñayivi ta ñasahín yiquí cuñu a tátñhun mí. Tá tá ñaxihí yiquí cuñu a já ñacandéé a ñasahnú a nuú tiñáhá sacuaḡa, rí cája ña xihí ñayivi. 15 Ta xihín ña yóho najácaacu a tóco ndíhi ña ñasayihví quivi jáchi ní tiempo ñasanduu na ndáha tiñáhá sacuaḡa sahá ña yihví na. 16 Jáchi mé á ndaa cōó ñaquixi Jesucristo ña ná chindeé a ña cúu tátó Ndióxi. Ña ñaquixi mé á caja queá chindeé a ñayivi, ña cándéé ini Ndióxi tá quiahva ñacandéé ini Abraham Ndióxi. 17 Ña cán queá ñaxini ñúhú Jesús nduu a in ñayivi cácu

ñuyiví yóho tátñhun mí. Ta xihín ña ñandoho a ñaxinu a ñandu a in jutú sacuaḡa nu Ndióxi indiví. Ta ñaxihí a ndíca crúxu sahá cuachí jáchi cája ndaa mé á tóco ndíhi ñaha ta táhví ini a saha yo. Ta xihín ña yóho ñacaja cáhnu ini a sahá cuachí. 18 Ta sahá ña ñandoho ini mé á ta sahá ña ñaxito ndojó rí quini mé á sahá ña cán queá xini a ndá quiahva ndóho ini. Ña cán queá cuu chindeé a ndaja táhan na ndóho ini, ña xito ndojó tiñáhá sacuaḡa.

3

Cáhu chága Jesús a juú ga Moisés

1 Cándéhé ndó, ñani j, ña cúu cuéntá Jesús. Mé ndó cúu ndó ña ñacaxi Ndióxi cacomí a cuéntá saha. Cándéhé ndó Jesucristo, mé á cúu á tátñhun apóstol, ña ñachindahá Ndióxi cacuu jutú sacuaḡa saha yo nu Ndióxi sahá ña cándéé ini mé á. 2 Ta xihín ndinuhu ini a ñacaja chúun a cuéntá Ndióxi, mé a ñacaxi ñahá. Jáchi tá quiahva ñacaja Moisés tóco ndíhi ña cúnj Ndióxi tañu ña cúu cuéntá mé á quiahva já ñacaja Jesús tóco ndíhi ña cúnj Ndióxi, tátá a. 3 Joo ndítahan ndicáhnu chága Jesús a juú ga Moisés jáchi cáhnu chága Jesús a juú ga Moisés. Cúu á tátñhun tá cávaha in dataa in vehe ta ndítahan ndicáhnu chága mé dá a juú ga vehe da. 4 Ndúsa coo in da cávaha vehe já cuu cávaha ña joo tóco ndíhi ñaha ín a jáchi ñacavaha Ndióxi ña. 5 Ña cán queá ñacaja chúun Moisés cuéntá Ndióxi xihín ndinuhu ini da tañu ñayivi mé á. Ta chuun ñacaja da queá cáxi tñhun jini da xihín ná ña cúnj Ndióxi cahan xihín ná chága chí nuu. 6 Joo jín va chuun ñacaja Jesús, mé á cúu in tñhún jini já jahyi Ndióxi jáchi cómi a cuéntá sahá ña cúu cuéntá mé á xihín ndinuhu ini a. Cuéntá mé á cúu mí tá ndacu coo ínima yó ta tá ná cándéé ini mé á. Ta xini ñúhú cajji ini candatí anda quixi mé á.

Cúnj Ndióxi ña ná ndíhvi ña cúu cuéntá mé á nuú ndiquehe ndéé ná

7 Cándéhé ndó ndá quiahva cáchi ínima yij Ndióxi ini tñhun mé á tá cáchi a já:

Tá ná cuni joho ndó ña cáhan Ndióxi xihín ndó quivi viti,

8 a cája saá ini ndó xihín a tá quiahva ñacaja ña Israel tá ñaxica nuu na yucú íchí cán.

Jáchi ñandiñehe yuhv ná nu Ndióxi ta ihvi ndivaha ñasacuu ini na xihín Ndióxi.

9 Ta já cáchi Ndióxi já:

“Mé yucú íchí jan ñaxito ndojó tásáhnu jícó ndó yehe,

vati ñaxini na ña náhnu ndivaha ñacaja j tixi jvi jico cuja.

10 Sahá ña cán queá ñaxojó ini j xihín tóco ndíhi ña cán,

ta ñacachi i saha ná ña cúu ná ña cáhvi ivi, joho ini,

ta saá ini na caca na íchi cuéntá mí i.

11 Sahá ña cán queá ñaxojo ini i xihín ná, ta ñasahan i tuhun i ña a quiáhva toho i ñamaní nu ná

ndihvi na nuú ndiquehe ndée ña xihín i”, ñacachi Ndióxi xihín ña Israel.

12 Ña cán queá cuéntá vaha coo ndó, ñani i já ná a cánehe ndó ínimá quini ña Jácaxoo ndó nu Ndióxi, ña tácu, sahá ña co cúni ndó candúsa ndó mé á. 13 Ña nditahan caja ndó queá quiahva tuhun ndeé ini táhan ndó nini quivi. Ta a quiahva ndó ñamaní yaha quivi viti tá núná nu ndó caja ndó ña cúni Ndióxi. Jáchi co cúni a ña ná jándahvi ña núu ñuyivi yóho ndohó ta já ná ndisáá ini ndó nu Ndióxi. 14 Jáchi tá ná candeé ndusa ini mé á janda quiahva ná xinu quivi nu ndihí cuíi tá quiahva ñacaja i janda sahá já queá cúni cachi a ña in ñanduú xihín Jesucristo.

15 Jáchi quiahva já cáchi tuhun Ndióxi:

Tá xini joho ndó ña cáhan Ndióxi xihín ndo quivi viti,

a cája saá ini ndó xihín á tá quiahva ñacaja na Israel tá ñandiñehe yúhu ná nu Ndióxi yucú íchi cán, cáchi a.

16 Jáchi sa xini ndó ndá ña ñandiñehe yúhu nu Ndióxi tá ñaxini joho na ña ñasahnda mé á nu ná. Ña cán cúu ña tóco ndihi na ñasandaca Moisés tá ñaqueta na nación Egipto. 17 Ta xihín mé ña cán ñaxojo ini Ndióxi tixi ivi jíco cuja jáchi ñacaja na cuachi nu mé á ta sahá ña cán queá ñacyu na ñaxihí ña yucú íchi cán. 18 Ta sahá ña coó ñaxeen na caja na ña cúni Ndióxi sahá ña cán queá ñasahan Ndióxi tuhun a ña a quiáhva toho a ñamaní nu ná canduu na nuú ndiquehe ndée ña xihín á. 19 Ta mé a ndaa cándaá ini ña coó ñacuu ndihvi na nuú ñasacu ini Ndióxi coo na sahá ña co ñaxeen na candúsa na mé á.

4

1 Sahá ña cán queá viti sáhan yivi va Ndióxi ñamaní nu yó yaha i nuú ñasacu ini mé á ndiquehe ndée yó xihín á. Joo xini ñuhú cuéntá vaha coo ndó jáchi tiaha náá a xinu coo jaha ndó ndihvi ndó cán. 2 Jáchi tá quiahva ñaxini joho ña Israel tuhun Ndióxi quiahva já ñaxini joho i tuhun mé á, ña cáchi a cúni jácaçu Ndióxi ñayivi. Joo coó ñacandúsa ña cán ña sahá ña cán queá coo chuun a nu ná. 3 Joo mí cúu yó ña candeé ini Ndióxi ta sahá ña yóho tandaa quivi xinu coo i ndihvi nuú ndiquehe ndée yó xihín á. Ta já cáchi Ndióxi já sahá ña yóho:

Ñaxojo ini i xihín ña co candúsa yehe, sahá ña cán queá ñasahan i tuhun i

ñá ná a ndihvi toho na nuú ñasacu ini i ndiquehe ndée ná xihín i, cáchi a.

Ñacachi Ndióxi ña yóho vatí sa ñacaja tiaha mé á nuú ndihvi na ndiquehe ndée ña andá tá ñacava sahá saha ñuyivi. 4 Ndáá ini tuhun Ndióxi ña ñacaja mé á quivi usa. Já cáchi a já:

Quivi usa ñandiquehe ndée Ndióxi nuú chuun ñacaja tá ñacavaha tóco ndihi ñaha, cáchi tuhun Ndióxi.

5 Ta já cáchi tucu a já sahá ña co candúsa Ndióxi:

A ndihvi toho na canduu na nuú ndiquehe ndée ná xihín i, ñacachi a.

6 Ta coó ñandihvi toho na ñacahan Ndióxi xihín nu cuíi cán jáchi coó ñaxeen na candúsa na mé á. Joo núná yivi va nuú java ñayivi ndihvi na ndiquehe ndée ná xihín mé á. 7 Jáchi ñasacu Ndióxi inga quivi ta cúu á quivi viti ta já cuu ndihvi ñayivi ndiquehe ndée ña xihín mé á. Sanahá ndivaha ñacahan Ndióxi xihín rey David sahá ña yóho ta ñacahyi ña ta já cáchi a já:

Tá xini joho ndó ña cáhan Ndióxi xihín ndó quivi viti a cája saá ini ndó xihín á, cáchi tuhun Ndióxi.

8 Ta sa xini yo ña coó najandihvi Josué ñayivi nu ndiquehe ndée ña xihín Ndióxi jáchi ñacahan Ndióxi sahá inga quivi vaxi chaga chinuu. 9 Sahá ña cán queá sa xini yo ña cámani xinu coo quivi ndiquehe ndée ña cúu cuéntá mé á tá quiahva ñandiquehe ndée mé á quivi usa. 10 Jáchi ndá ña ná ndihvi ndiquehe ndée nu íin mé á cán já queá ndiquehe ndée na nuú chuun ñacaja na tá quiahva ñandiquehe ndée Ndióxi nuú chuun ñacaja mé á. 11 Sahá ña cán queá nditahan ndihí ini ndihvi nuú ndiquehe ndée yo cán. Ta ná a cája i tá quiahva ñacaja na Israel cán tá coó ñaxeen na candúsa na nuú ñacahan mé á xihín ná.

12 Íin cuaha ndée tuhun Ndióxi ta cúu á tátuhun ña tácu. Ta íin chaga ndée tuhun Ndióxi a juú ga in yúchu ña ivi yúhu. Ta tá quiahva quihvi yúchu ña ivi yúhu tá sáhná yiquí cuñu quiahva já quihvi tuhun Ndióxi janda maá ini ínimá ñayivi xihín xini túni ná ta já xinu a ini na. Ta náha ndá quiahva cáhvi ini na. 13 Jáchi xini Ndióxi tóco ndihi ñaha ta a cuú chijehé yo ña cáhvi ini jáchi sándgehé mé á tóco ndihi ñaha ñacavaha mé á. Ta vaxi quivi ñahma yó nu mé á tóco ndihi ña ñacaja i.

Jesús cúu á jutú sacuaqa nuú ndihí indivi

14 Mé Jesús cúu á jutú sacuaqa nuú ndihí sahá ña cán queá co nditahan jándacoo i ña candeé ini Jesús, mé a cúu in túhún jini já jahyi Ndióxi. Ta ñandihvi a indivi nu íin Ndióxi. 15 Ta cándahvi ini Jesús mí jáchi cúu á jutú sacuaqa nu yó ta cándaá ini a ña cúu yó ñayivi vitá ndivaha ini. Jáchi tá ñaxica nuu a ñuyivi yóho ñaxito ndojó tiñáhá sacuaqa mé

á xihín tá nuú ñaha tá quiahva cája rí xihín mí joo ni in túhún cuachi coó ñaçaja mé á. ¹⁶ Ña cán queá a cáyhví toho í cayati nu ín coo Ndióxi, mé a quihví ini a mí jáchi táhvi ini a saha yo ta chindeé a mí tá ná çaca i ñamaní nu á.

5

¹ Tóco ndihi da cúu jutú saçuaha chága nu ndíhi jutú cúu dá da sá çaxi na tañu ñayivi Israel já ná çahan cuachi da sahá ñayivi nu Ndióxi. Ta jári jóco da ñaha nu Ndióxi ta sáhní da quítí nu náa sahá cuachi na. ² Ta sahá ña cúu dá da vitá ini, da ñuyiví yóho sahá ña cán queá cuu candáhví ini da ñayivi, na coo xíní ña sáhná Ndióxi. Ta cuu candáhví ini da na cája cuachi. ³ Ta sahá ña vitá ini da sahá ña cán queá ndítahan cahní da quítí jóco da rí nu Ndióxi sahá cuachi mé dá xihín sahá cuachi ñayivi viti.

⁴ Ta ni in da cán a cúu chinúu da mé dá cacuu da jutú saçuaha chága nu ndíhi jutú. Jáchi xíní ñúhú cacuu da da ñaçana Ndióxi caja chúun cuéntá mé á tá quiahva ñaçaja Ndióxi sanahá tá ñaçana mé á Aarón ña ná caja chúun da cuéntá mé á. ⁵ Quiahva já nayaha xihín Jesucristo jáchi coo ñachinúu a mé á ña ná nduu a jutú saçuaha. Ndióxi queá ñachinúu ñahá tá ñandaja cáhnu a Jesús. Ta já ñaçachi Ndióxi já xihín á:

Jahyi yehe cúu yóho,
ta viti cáchi i ña ñanduu u tátún, cáchi a.

⁶ Ta inga nu çahan tuhun Ndióxi já cáchi a já: Andá ama cáa quívi cacuuñ jutú,

ta çajún tá quiahva ñaçaja in jutú, da ñaşananí Melquisedec sanahá, cáchi a.

⁷ Nani ñaşahjin Jesucristo ñuyiví yóho a juú quiahva ñaxiça tahví a nu Ndióxi. Ta java tañu ñaşacu a ta java tañu ñaşayuhú a nu Ndióxi, mé a cúu chindeé ñahá ña ná a quívi toho a. Ta sahá ña ñaşacaja Jesús tóco ndihi ña sáhná Ndióxi, tátá a sahá ña cán queá ñaxini jóho Ndióxi nu çahan mé á. ⁸ Ta vatí cúu Jesucristo in túhún jiní já jahyi Ndióxi joo xihín ña ñandoho ini a ñuyiví yóho ñaçatihva coo jóho a nu çahan Ndióxi, tátá a xihín á. ⁹ Ta xihín ña yóho najáxinu coo mé á ñaçaja tóco ndihi ña ñatahnda nu á caja. Jandá jáví ñacuu jáçacu a mí ña ná coo í xihín mé á andá ama cáa quívi tá ná caja i ña sáhná mé á. ¹⁰ Ta ñandicojo a chuun ñaçaja Ndióxi ña ná nduu a jutú saçuaha tátuhun mé jutú, da ñaşananí Melquisedec.

Cuéntá coo ndó ná a jándacoo ndó ña cándéé ini ndó Jesús

¹¹ Ín cuahá ndivaha ñaha cúni ndicani i nu ndo sahá ña yóho joo yáncá ndivaha ndicani i ña nu ndo jáchi coo cúni ndo taa jóho ndó nu çahan i. ¹² Andá jihna ñandihví ndó ichi cuéntá Jesús ta viti sa ndítahan nu ndó

jánaña ndó tuhun Ndióxi nuú ñayivi. Joo coo cája ndó já jáchi ñaçavitá ndo ta tucu tucu jácuaha ndó ña coo íhvi toho. Ta viti cúu á tátuhun coo ndeé ini ndó cuxu ndó ña xíxi ñayivi náhnu joo ña cája ndó queá xíhi yijí va ndó leche tátuhun na valí va. ¹³ Ta tá quiahva xíhi na valí leche quiahva já cája ri na coo tiáhva ndícuni ndía cúu ña vaha ta ndía cúu ña núu. ¹⁴ Joo ñayivi, na cándaa vaha ini tuhun Ndióxi cúu ná tátuhun ñayivi náhnu, na tácu ini, na xíxi cuñu va jáchi sá tiáhva na ndícuni na ndía cúu ña vaha ta ndía cúu ña núu.

6

¹ Sahá ña cán queá ña ndítahan caja í queá ndindacú chága yo xihín ñaha Ndióxi jandá quiahva ná xinú coo í cacuu ñayivi tácu ini xihín ñaha Ndióxi. Coo ndítahan jácuaha tucú ña najácuaha í tá jacá ñandihví ichi cuéntá Jesús jáchi ndítahan catiáhva í ña jan. Ndítahan cándaa ini ña çacu ndaa ínimá yo sahá ña cándéé ini Jesucristo cuití va ta coo cúu á sahá ña cája í ña vaha. ² Ta sa cándaa ini ña ndítahan candúta na cúu cuéntá Jesús. Ta sa cándaa ini ndaja cája í chinúu ndáha yó jiní ñayivi tá xíca tahví yo nu Ndióxi saha ná. Ta sa cándaa ini ña vaxi quívi nditacu tucu tóco ndihi ndíi ña ná caja víi Ndióxi saha ná. ³ Sahá ña cán queá cáchi i xihín ndó: Coho ndindacú chága yo xihín ñaha Ndióxi, tá ná quiahva Ndióxi ñamaní nu yo.

⁴ Ta a cuú ga ndicó coo ñayivi nu Ndióxi tá sa najándacoo na ña ñasandéé ini na mé á. Jáchi sa najándiyéhe Ndióxi ínimá ná ña ná cándaa ini na saha mé á ta sa xíní na ndá quiahva ín ñaha Ndióxi. Ta jandá ínimá yijí Ndióxi sa ñandacaan ínimá ná. ⁵ Ta sa ñacandaa ini na tuhun vaha çahan sahá Jesucristo ta sa ñacandaa ini na ndá quiahva náhnu caja Ndióxi chága chí nuu. ⁶ Joo tá ná jándacoo na jan ña cándéé ini na Ndióxi já queá a cuú ga ndicó coo na nu mé á jáchi xihín ña cája na cúu á tátuhun cata caa tucu na Jesucristo, jahyi Ndióxi ndíca cruxu ta já sácu ndaa na mé á nuú ñayivi. ⁷ Jáchi sa xíní ndo ndaja ín ñundáhví nu cúun vaha javí ta ndíndahví a. Ta tá ná caca cuahá ñaha nuú ñaxutu ñayivi cán já quea cúni cachí a ña cája Ndióxi ñamaní xihín ñundáhví cán. ⁸ Joo tá ná nana tohíñú xihín toçihmá nu ñúhu cán já queá coo saha toho a ta ña yóho cúni cachí a ña coo cája toho Ndióxi ñamaní xihín á ta vaxi quívi çayí a caja Ndióxi.

Vaxi quívi coo í xihín Ndióxi tá coo jándacoo í ichi cuéntá mé á

⁹ Candehé ndó, ñani maní i, na cúu cuéntá Jesús. Vatí çahan ndé ña yóho xihín ndo joo cándéé ini ndé ndohó ña cája tá cája ndó ña vaha ña ndítahan caja na cándéé ini Jesús. ¹⁰ Ta xíní ndé ña cája Ndióxi ña ndaa cuití va ta a ndíndójo toho mé á sahá ña vaha ñaçaja

ndó tá nacheeé ndó nā cúu cuéntá Jesús jáchi xihín ña yóho náha ña quihvi ini ndusa ndó mé á. Ta mé a ndaa janda viti chindeé ndó nā cán. ¹¹ Ta a juú quiahva cúni nde ña ná ndihi ini in in ndó chindeé ndó nā cúu cuéntá Jesús anda quivi nu ndihí. Ta xihín ña yóho vaxi quivi tá quiahva Ndióxi nu ndó tóco ndihi ña ndáti ndó quiahva mé á nu ndó. ¹² Co cúni nde ña ná cajúsá ndó caca ndó ichi cuéntá Jesús. Ña cúni nde queá ná ndihi ini ndó caju ndó tá quiahva caju na candeé ini Ndióxi, na coó najándacoo ña candeé ini na mé á ta xihín ña yóho ñehe táhvi ná ña nasahan Ndióxi tuhun a quiahva nu ná.

¹³ Tá nasahan Ndióxi tuhun a nu Abraham sanahá já natavá a quivi mé á tátuhun testigo jáchi coó inga ga ña cáhnu chága a juú ga mé á. ¹⁴ Ta tá nasahan mé á tuhun a nu dá já nacachi a já xihín dá: “Mé a ndaa caju cuahá i ñamanj xuhun ta caju i ña ná ndicuaah ndivaha na quixi chichún.” Já nacachi Ndióxi xihín Abraham tá nasahan tuhun a nu dá. ¹⁵ Ta coó nandihí ini Abraham nani nasandati da jáxinu coo Ndióxi tuhun a ta chí ñehe dá ña nasahan Ndióxi tuhun a quiahva nu dá. ¹⁶ Tá sáhan ñayivi tuhun na nuú inga ñayivi já táva na quivi in na cáhnu chága a juú ga mé ná ña ná cacuu na testigo. Jáchi caju ndúsa in testigo xihín ná jáxinu coo na ña nasahan na tuhun na caju na. ¹⁷ Sahá ña cán queá natavá Ndióxi quivi mé á jáchi cúni a jánaha cáxi a nuú ñayivi ña a ndijama toho a tuhun nasahan nu ná ta ndúsa jáxinu coo a tuhun a nuú na ñehe táhvi ndiquehe a. ¹⁸ Ta cándaq ini ña nasahan Ndióxi tuhun a nu yó ta natavá a quivi á cacuu a testigo ta xihín ndivi ña yóho sa xini ví ña a cuú ndijama Ndióxi ta ni a cuú cahan mé á ña tuhún. Ta xihín ña yóho sáhan mé á tuhun ndeé ini jáchi candeé ini mé á ta sa nandiquahva i mí ndáha mé á ña ná jácacu a mí. ¹⁹ Sahá ña cán queá cátiivi tuun i xihín Ndióxi ta candeé ini ña quiahva mé á nu yo ña sáhan tuhun a quiahva nu yo. Ta sahá ña candeé cáhnu ini mé á sahá ña cán queá co yíhvi toho i cayati nu mé á jáchi sa nandihvi Jesús nuú yii ndivaha indivi. ²⁰ Ta cúni Jesús chindeé a mí ña ná xinu coo i nu in a cán sahá ña cán queá nandihvi jihna ñuhú ga cán a juú ga mí. Ta cuu caju Jesús ña yóho jáchi nanduu a jutú sacuañá nu Ndióxi ta anda ama cáa quivi caju mé á chuun yóho tá quiahva nacaja da nani Melquisedec sanahá ndivaha.

7

Chuu nacaja Melquisedec sanahá

¹ Mé Melquisedec yóho nasacuu da rey nuú ñayivi ñuu Salem ta nasacuu da jutú nu Ndióxi, mé á cúu ña cáhnu chága a juú

ga inga ga. In tañu tá nandico coo Abraham nasahan da nacani táhan da xihín java rey ta najándihí da sahá nā cán já naqueta Melquisedec ichi nuú vaxi Abraham ta já nacaja yii dá Abraham. ² Ta mé Abraham nandaja da uxu táhndá tóco ndihi ña nacandaa da ndáha java rey tá naquee vaha da xihín na cán. Ta já nasahan da in táhndá nuú Melquisedec. Ta quivi Melquisedec yóho cúni nacachi a rey, da caju ña ndaa. Ta sahá ña cómi da cuéntá sahá ñuu Salem, ña cúni cachi a nuú in vaha ini ñayivi sahá ña cán queá cúu dá rey, da caju ña ná coo vaha ini ñayivi. ³ Ta ni in ñayivi co xini na sahá tátá náná mé Melquisedec yóho ta co ndaa nuú tutu quivi tásáhnu jicó da. Ta co xini na ndá tañu nacacu da ta ni co xini na ndá tañu nacahí da. Joo ña xini na queá cúu dá jutú anda ama cáa quivi tá quiahva cúu Jesucristo jutú anda ama cáa quivi, mé a cúu in túhun jini já jahyi Ndióxi.

⁴ Ta viti cuu candehé ndó ndaja cáhnu nasacuu Melquisedec jáchi janda mé Abraham, da nasacuu tásáhnu jicó yo nasahan da nuú Melquisedec in táhndá nuú uxu táhndá ñaha ña nacandaa da ndáha rey, da naquee vaha da xihín cán. ⁵ Ta sa xini ndó ña cáchi ley Moisés ña in saha nuú jutú, na naquixi chichi Leví ndiquehe na in táhndá nuú uxu táhndá ña cómi na Israel. Jáchi mé jutú cán caju chuun na nu Ndióxi cuéntá táhan na na Israel vatí in cúu tóco ndihi na sahá ña naquixi ndihi na chichi Abraham. ⁶ Vatí coo naquixi Melquisedec yóho chichi Leví joo naquee tá naquee da in táhndá nuú uxu táhndá ñaha nu Abraham, da nasahan Ndióxi tuhun a nuú ña caju cuahá ñamanj xihín. Tá nacaja yii Melquisedec Abraham ⁷ náha ña mé a ndaa cáhnu chága da caju yii ñayivi a juú ga na nacayii cán. Ta ni in na a cuú cachi na ña co cúu ña yóho ña ndaa. ⁸ Ta sa xini yo ña cáhnu chága Melquisedec a juú ga jutú, na naquixi chichi Leví, na quehe in táhndá nuú uxu ñaha jáchi cúu ná ñayivi, na ndihi saha. Joo cahan tuhun Ndióxi sahá Melquisedec tátuhun tácu yii va da. ⁹ Ta náha ña cáhnu chága Melquisedec a juú ga Leví, da cúu tásáhnu jicó tóco ndihi jutú, na quehe in táhndá nuú uxu a cán. Jáchi cúu á tátuhun nachahvi Leví in táhndá nuú uxu a tá nachahvi Abraham ña nu Melquisedec. ¹⁰ Jáchi tá naquee Melquisedec in táhndá nuú uxu ñaha nu Abraham, cúu á tátuhun nasanehe Abraham tóco ndihi na vaxi chichi da ini yiquí cuñu da jáchi cámani yii cacu na mé tiempo já.

¹¹ Ta tóco ndihi jutú, na naquixi chichi Aarón, naquixi na chichi Leví viti. Ta vatí nacaja na chuun Ndióxi ña jáyaha na ley Moisés nuú ñayivi joo a cuú nduu ndaa ñayivi nu Ndióxi xihín mé ley. Sahá ña cán

quéa ñachindahá Ndióxi Jesucristo ñuyivi yóho já ná cacuu a inga jutú, ña ná cajú tá quiahva ñacaja Melquisedec sanahá. Ta cóo ñacaja mé á tá quiahva ñacaja Aarón, dá ñasacuu tásáhnú jícó jutú cán. ¹² Ta tá ñachindahá Ndióxi in jutú saá xíní ñúhú a ndijama ri a ley va. ¹³ Ta mé jutú saá cúú Jesucristo, xitoho í, mé á cáhan tũhun Ndióxi saha. Ta cóo ñaquixi Jesucristo chichi Leví ta ni cóo ñaquixi a chichi Aarón. Jín va chichi ñaquixi a ta ni in dá ña ñaquixi chichi cán a ñaha cacuu dá jutú. ¹⁴ Joo cándaã va ha ini ñayivi ña ñaquixi Jesucristo chichi Judá ta cóo cúú á chichi nu sá cana jutú ta ni cóo ñacahan Moisés sahá ña quixi chichi Judá tá ñacahan dá sahá ña cacuu jutú.

¹⁵ Ta cándaã va ha chága ini ña yóho jáchi sa xíní yo ña mé jutú saá ña cúú Jesucristo nandiquehe a chuun tátũhun ñacaja Melquisedec sanahá. ¹⁶ Ta cóo ñanduu a jutú sahá ña ñacuu a chichi Leví nu sá cacu jutú. Joo ñanduu a jutú sahá ña cúú cája tóco ndihi ñaha ta sahá ña tácu a anda ama cáa quívi. ¹⁷ Jáchi tá cáhan Ndióxi saha Jesucristo já cáchi a já:

Yóhó cúún jutú anda ama cáa quívi, tátũhun mé jutú, dá ñasananí Melquisedec jáchi cájún chuun tá quiahva ñacaja mé dá, cáchi tũhun Ndióxi.

¹⁸ Sahá ña cán quéa ñacandoo xóo ley Moisés jáchi cóo chuun a ta a cuú chindeé a ñayivi. ¹⁹ Ta ni cóo ñacuu cajú mé ley Moisés ña ná nduu ndaa ñayivi nu Ndióxi. Joo viti cájii ini jáchi xihín ña ñacaja Jesucristo já cuu nduu ndaa yó nu Ndióxi tá já cuu cayatí nu mé á.

²⁰ Ta tá ñacaja Ndióxi ña ñanduu Jesucristo jutú já ñasahan tũhun a tá ñasacu a mé á cúú á testigo sahá. ²¹ Joo tá ñanduu ña ñaquixi chichi Leví cán jutú cóo ñasahan Ndióxi tũhun a sahá ná tá quiahva ñacaja xihín Jesucristo tá ñanduu a jutú. Ta já ñacachi Ndióxi ini tũhun mé á:

Yehe cúú Ndióxi tá ñasahan í tũhun í nu yóhó ta a ndijama toho í tũhun cáhan í:

“Ñachinúu í yóhó cacuún jutú anda ama cáa quívi.

Ta cájún chuun tá quiahva ñacaja Melquisedec sanahá”, cáchi Ndióxi.

²² Sahá ña ñandicojo Jesucristo chuun ñasahan Ndióxi nu á sahá ña cán quéa cándeé ini ña jáxinu cóo Ndióxi tũhun ñasahan nu yo. Ta va ha chága ña yóho a juú gá ley Moisés. ²³ Ta ndaja coo ñasanduu cuahá jutú, ña ñaquixi chichi Leví cán jáchi ñaxihí ndihi na tá ñacandoo chuun na nuú inga na. ²⁴ Joo tácu Jesucristo anda ama cáa quívi ña cán quéa a jándaco toho a chuun a nuú inga ga. ²⁵ Ña cán quéa anda ama cáa quívi in tiahva Jesucristo jácacu a mí tá ná cayatí nu Ndióxi sahá ña ñacaja Jesucristo tá

ñaxihí a ndica crúxu. Ta in mé á nu Ndióxi xica táhvi a nu mé á sahá ña cándeé ini mé á.

²⁶ Mé a ndaa xíní ñúhú yo Jesucristo ña ná cacuu a jutú sacuaña nu Ndióxi saha yo. Jáchi mé á cúú á ña yíi ndivaha ta ni in cuachi cóo ñacaja mé á ta ni in cuachi a cúú chícãan yó jatá. Ta cóo xica nuu gá mé á tañu ña cája cuachi jáchi in a indivi nu ndicáhnú ndivaha mé á. ²⁷ Cóo xíní ñúhú cajú Jesucristo tá quiahva ñacaja java gá jutú sacuaña, ña ñaquixi chichi Leví. Jáchi nini quívi ñasahní ña cán quítí jóco ña rí nu Ndióxi sahá cuachi ñayivi. Ta nu cuítí ñacaja na ña sahá cuachi mé va na ta anda jávi ñacaja na ña sahá cuachi ñayivi. Joo jín va ñacaja Jesucristo jáchi in tũhun tañu cuítí a mé á tá ñaxihí a ndica crúxu sahá cuachi tóco ndihi ñayivi. ²⁸ Tá ñacaja na ña cáchi ley Moisés já ñasacu na in dáta, dá cája cuachi ña ná cacuu da jutú sacuaña. Joo tá ñandihí já ñachinúu Ndióxi Jesucristo, jahyi a ña ná cacuu a jutú sacuaña, ña cája ña ndaa anda ama cáa quívi. Ta ñasahan Ndióxi tũhun a nu yo ña jáxinu cóo a tóco ndihi ña cáchi a.

8

Jesús cúú á jutú sacuaña saha yo indivi

¹ Ñacachi ndé ña yóho ña ná cándaã ini ndó ña cúú Jesucristo jutú sacuaña saha yo nu Ndióxi ta in coo a xoo cuaha Ndióxi indivi nu ndicáhnú ndivaha mé á. ² Cúú á jutú sacuaña cája ndivi a veñuhu indivi ña ñacavaña Ndióxi ta cóo cúú á ña ñacavaña ñayivi. ³ Nditahan nu tóco ndihi ña cúú jutú sacuaña cáhní ña quítí nu Ndióxi ta jóco ña ñaha nu á. Ña cán quéa nditahan ri nu Jesucristo jóco a ñaha nu Ndióxi. ⁴ Tá ná caca nuu Jesucristo ñuyivi yóho, nduu já quéa a cácuu toho a jutú, nduu. Jáchi sa nduu cuahá ndivaha jutú ñuyivi yóho ta jóco ña ñaha nu Ndióxi tá quiahva sahánda ley Moisés. ⁵ Joo ña cája mé ndihi jutú ñuyivi yóho cúú á tátũhun yuhú nu ña cája Jesucristo indivi. Ta cándaã ini ña cúú á tátũhun yuhú nu ña in indivi jáchi sanahá ndivaha tá ñasahnda Ndióxi chuun nu Moisés ña ná cavaha da veñuhu xihín ní quítí já ñacachi Ndióxi já xihín dá: “Cuéntá coún ndaja cavahún veñuhu xihín ní quítí jan. Jáchi xíní ñúhú coo a tá quiahva cá ña ña ña í nuún jini yúcu cán”, ñacachi Ndióxi xihín Moisés. ⁶ Joo Jesucristo, mé á cúú jutú sacuaña saha yo indivi ñandicojo a in chuun ña va ha chága a juú gá chuun cája jutú ñuyivi. Va ha chága ña ñacaja Jesucristo a juú gá ley Moisés jáchi jándique táhan máni a mí xihín Ndióxi ta xihín ña yóho xínu cóo tũhun ñasahan Ndióxi nu yó jihna.

⁷ Tá ná cuu cajú ley Moisés ña jácacu a mí ná a cũhun toho í indayá, nduu já quéa

co xíní ñúhú quivi Jesucristo jándique táhan máni a mi xihín Ndióxi, nduu. ⁸ Joo xíní vaha Ndióxi ña mé ley Moisés a cuú jácacu a ñayivi sahá ña cán queá já nacachi a já:

Vaxi quivi tá quiahva i tuhun saá nuú ñayivi Israel ta nuú ná naquixi chichi Judá.

⁹ Jín va cuú tuhun saá quiahva i nu ná, jáchi co cuú toho a tuhun nasahan i nu tásáhu jícó na sanahá ndivaha, tá natin ndahá i na ta natavá i na nuú nasanduu na nación Egipto.

Ta sahá ña cóo najáxinu coo na tóco ndihi ña nasahnda i nu ná caja na sahá ña cán queá najándacoo i na.

¹⁰ Ta vaxi quivi tá quiahva i tuhun saá nuú ñayivi Israel.

Ta caja i ña ná candaá vaha ini na ley mí i ta cañuhu a ini ínimá ná ña ná caja na ña cúní mí i.

Ta yehe cacuu Ndióxi caja cáhnu na, ta mé na cán cacuu ñayivi cacomí i cuéntá saha.

¹¹ Ta a cúní ñúhú ga na jánaña ñani táhan mé ná ña ná candaá ini na saha Ndióxi, jáchi tóco ndihi ñayivi anda na valí anda na sáhu candaá ini na yo cuú yehe.

¹² Ta caja cáhnu ini i saha ndaja táhan ña núu nacaja na, ta a ndicuhun ga ini i sahá cuachi na, cáchi Ndióxi.

¹³ Tá nasahan Ndióxi sahá tuhun saá ña quiahva mé á nuú ñayivi já queá náha ña cóo chuun ga mé tuhun nasahan nu ná jihna ta cama chá ndihi sahá.

9

Veñuhu ñuyiví xihín veñuhu indivi

¹ Tá nasahan Ndióxi tuhun a nuú na Israel sanahá ndivaha já nasahnda chuun sahá ndaja caja cáhnu na mé á ini veñuhu ña cávaha na ñuyiví yóho. ² Ta ndácaan ivi cuarto ini mé veñuhu cán. Ta ña ndácaan ini cuarto nu cuítí cuú in candelero xihín in mesa nu cándojó pan yji. Ta mé cuarto nu cuítí yóho naní a in nuú yji. ³ Ta íin in jahmá ndeé ña ndájí nuú táhan tañu ndiví cuarto yóho. Ta cuarto ndácaan maá naní a nuú yji ndivaha. ⁴ Ta mé cán íin in nu náa ña nacavaha xihín jjuhun cuáán nu chínhmá jutú jusa vaha. Ta jári cán íin sato arca ñaha Ndióxi ta tóco ndihi jata mé sato arca nandicuchu xihín jjuhun cuáán. Ta chí ini sato cán ndácaan in tñdohó jjuhun cuáán nu ñúhu maná ña naxixi na Israel tá naxica nuu na yucú íchí cán. Ta jári ndácaan mé yító ñaha Aarón, dó nasaa núma sanahá. Ta chí ini arca cán ndácaan ri ivi yuu jáhnda nu ndáa ley nasahan Ndióxi nuú Moisés. ⁵ Ta jñi mé sato arca cán ndíndojó ña cuú yuhú nuú táto Ndióxi naní a querubines. Cándojó a cán ña ná ndicuhun ini ñayivi ña íin Ndióxi

cán caja cáhnu ini a sahá cuachi na. Ta mé táto Ndióxi cán ndícaá ndixi a cándojó a jata arca. Joo a cuú ndicani chága yo sahá ña yóho viti.

⁶ Já nasahin tiaha tóco ndihi ñaha veñuhu. Ta ndijáá nú quivi nandihvi jutú cuarto nu cuítí cán caja ndiví na ñaha caja cáhnu na Ndióxi. ⁷ Joo in tañu tá nu cuía in túhún da cuú jutú sacuaña naquihvi da cuarto maá cán. Ta ñehe da ñi quítí ña joço da nu Ndióxi sahá cuachi mé dá xihín sahá cuachi ñayivi. ⁸ Ta xihín ña yóho jánaña ínimá yji Ndióxi nu yo ña a cuú ndihvi ndá ñayivi naacu cuarto maá nuú yji ndivaha jáchi sa íin va cuarto nu cuítí. ⁹ Ta tóco ndihi ña yóho cuú á tátuhun yuhú nuú nuú ña íin tiempo viti. Ta sa xíní yo ña a cuú ndaja víi ñayivi ínimá ná xihín ña jóco na nu Ndióxi tá sáhní na quítí ña quiahva na ñi rí nu mé á. ¹⁰ Jáchi tóco ndihi ña nacaja na cán nasacu a cuéntá ña sáxi na xihín ña xíhi na ta nasacuu a cuéntá ndaja ndanja víi na mé ná xihín ticuú. Joo já nanditahan caja na janda quiahva tandaa quivi ndijama Ndióxi tóco ndihi ñaha jáchi a cuú ndaja víi na ínimá ná xihín ña yóho.

¹¹ Ta ndaja coo naquixi Jesucristo ñuyiví yóho ta nanduu a jutú, da sacuaña chága nu yo. Naquixi a ña ná quiahva mé á ña vaha Ndióxi nu yo. Joo viti íin a indivi cája chuun a tátuhun jutú veñuhu ña vaha chága cán. Cuú á veñuhu ña cóo nacavaha ñayivi ta co cuú á ñaha ñuyiví. ¹² In tañu cuítí va nandihvi a nuú yji ndivaha ta cóo nasafehe a ñi tñjúhu ni ñi chélo ña joço a nu Ndióxi. ñi mé á cuú dó naxita ndica crúxu saha yo ña ná cacu ndaa ínimá yo anda ama cáa quivi. ¹³ Jihna nacaja ñayivi ña nacachi ley Moisés ta nu yiquí cuñu na naxihnu ndaa jutú ñi tñdiquí a ñi tñjúhu ta naxihnu ndaa ri da na xihín yaá chélo, rí nasahmi na nu náa. Ta xihín ña yóho nandiví yiquí cuñu na nu Ndióxi. ¹⁴ Joo ndiyahvi chága ñi Jesucristo a juú ga ñi quítí. Jáchi tá naxihí Jesucristo já nandiví ínimá yo já ná a caja ga yo ña co ndiyahvi cán ta ná caja i tóco ndihi ña cúní Ndióxi. Nacaja ínimá yji Ndióxi, mé a tácu a anda ama cáa quivi ña ná ndiquiahva Jesucristo mé á ndáha Ndióxi já naxihí a ndica crúxu saha cuachi vatí cóo toho cuachi mé á.

¹⁵ Ta sahá tuhun saá nasahan Ndióxi nu yo sahá ña cán queá cáhan Jesucristo xoo mí nu Ndióxi. Ta sahá ña nacaja Jesucristo tá naxihí a ndica crúxu caja cáhnu ini Ndióxi sahá cuachi nacaja i tá nasandico yó ley Moisés. Ta nandacaxi Ndióxi ñayivi, na cúní candúsa mé á já ná ndiquehe na ña vaha Ndióxi ña a ndihí toho saha jáchi já cáa tuhun nasahan Ndióxi nu ná. ¹⁶ Cuú á tátuhun tá cávaha in dataa tutu cuéntá ña ñehe táhvi ná candoo ñaha nu ná. Joo xíní ñúhú candaá ini

na ña mé a ndaa ñaxihí da jándacoo ñaha cán anda jávi ndiyahvi mé tutu cán. ¹⁷ Jáchi nani tácu da co ndiyahvi toho tutu ñacavaha da sahá ñaha ndicoo táhvi da. Janda quiahva ná quivi da já ndiyahvi a. ¹⁸ Ña cán queá tá nu cuiti ñasahan Ndióxi tuhun a nuú ñayivi ñacaja mé á ña ná quivi quiti ta xihín ñijí rí cán ñandoo cuachi ñayivi. ¹⁹ Jáchi tá nandihí ñacahan Moisés ley ñasahan Ndióxi nuú ñayivi Israel já natiin da in yito, dó nani hisopo ta ñacató da loho cachi cuahá nu do. Ta nachindaxi da dó cán xihín ñijí chélo xihín ñijí tujúhu, dó ñacava táhan xihín tujúhí. Ta ñaxihnu ndaa da do nu libro nu ndaa ley Moisés. Ta ñaxihnu ndaa da dó nuú ñayivi Israel. ²⁰ Anda já ñacachi da já xihín na Israel: “Xihín ñijí quiti yóho jáxinu coo Ndióxi tuhun a ña ñasahnda nu ndó caja ndó”, ñacachi Moisés. ²¹ Ta quiahva já ñaxihnu ndaa Moisés ñijí quiti nuú veñuhu ñijí quiti xihín nuú tóco ndihí ñaha ñúhu cán ña caja chúnun na caja cáhnu na Ndióxi. ²² Jáchi cáhí ley Moisés ña xihín ñijí cuiti va ndivií ndaja táhan ñaha, vatí a juú ndihí a. Ta janda quiahva ná cuíta ñijí ja cuu caja cáhnu ini Ndióxi sahá cuachi ñayivi.

Ñandoo cuachi xihín ñijí Jesucristo

²³ Sahá ña cán queá nanditahan nu Moisés ndaja vií da ñaha veñuhu ñuyivi yóho xihín ñijí quiti. Ta mé ñaha cán cúu á yuhú nuú ña ín indiví. Joo ñaha ín indiví ndivií a xihín ñijí, dó vaha chága a juú ga ñijí quiti. ²⁴ Ta veñuhu ñuyivi cúu á yuhú nuú cuiti va ña ín indiví. Coó nandihvi Jesucristo nuú yijí ndivaha veñuhu, ña ñacavaha ñayivi. Joo nandihvi mé á indiví ta cán ín a viti ta cáhan mé á xoo mí nu Ndióxi. ²⁵ Jáchi da cúu jutú sacuahá nandihvi da tá nu cuía nuú yijí ndivaha veñuhu joco da ñijí quiti nu Ndióxi. Joo ña ñacaja Jesucristo queá nandiquiahva a mé á quivi a saha yo ta in tañu cuiti va ñaxita ñijí á ndica crúxu. ²⁶ Jáchi tá ná nditahan nuú Jesucristo quivi a cuahá tañu já queá janda mé saha tá ñacava sahá saha ñuyivi casahá quivi a, nduu. Joo a juú a já jáchi tá jalóho cúní ndihí saha tiempo viti já ñacasaa Jesucristo ñuyivi yóho ta in tañu cuiti va ñaxihí a sahá cuachi ñayivi. ²⁷ Quiahva já yáha xihín ñayivi jáchi in táláa tañu quivi na ta anda jávi nditahan candichi na nu Ndióxi caja vií mé á sahá ña ñacaja na tá ñasanduu na ñuyivi yóho. ²⁸ Ta quiahva já in tañu cuiti va ñaxihí Jesucristo ndica crúxu jándoo a cuachi cuahá ñayivi. Ta tанда quivi quixi tucu mé á ñuyivi yóho joo a quivi ga ña jáchi quixi a ndiquehe a ña ndátí tiahva chúnun coo xihín mé á indiví.

10

¹ Ta mé ley ñacahvi Moisés yóho ñasacuu a tátuhun in candahvi mé ña ndaa ña coo

chága chínuu. Ñasacuu a yuhú nuú uun ña vaha ña vaxi nu yo. Jáchi mé ley yóho coó ñacuu caja ndaja vií á ínimá ñayivi vatí ná cayati na nu Ndióxi tá nu cuía sá sáhní ña quiti joco ña nu Ndióxi. ² Jáchi tá ná nu ndivií ínimá ná sahá ña caja na ña cáhí ley Moisés já queá in tañu cuiti va joco ña ñijí quiti nu Ndióxi, nduu. Ta xihín ña yóho ndoo cuachi na ta a ndicani ga ini ña sahá cuachi na, nduu. ³ Joo tá nu cuía tá sá sáhní ña quiti joco na ñijí rí nu Ndióxi já queá ndicuhun ini na ña cómi ña cuachi nu Ndióxi. ⁴ Jáchi a cuú jándoo na cuachi na xihín ñijí tujúhí a xihín ñijí tujúhu.

⁵ Ña cán queá tá jalóho cúní casaa Jesucristo ñuyivi yóho já ñacachi a já xihín Ndióxi, tátá a:

Coo cúní ndó ña ná cahni ñayivi quiti joco ña rí nu ndo ta ni coo cúní ndo ña ná joco ña java ga ñaha nu ndo.

Sahá ña cán queá ñasahan ndó in yiquí cuñu nuú i já ná ndiquiahva i ña nu ndo.

⁶ Coo cájijí ini ndó tá ná cahni na quiti nu náa joco ña rí nu ndo. Ta ni coo táhán ini ndó tá ná joco ña java ga ñaha nu ndo ña ná jándoo na cuachi na.

⁷ Sahá ña cán queá já ñacachi i já xihín ndo: “Tátá Ndióxi, yóho ín i ta ín tiahva vi caja i ndá ña ñacuu cúní ndo.

Jáchi quiahva já ndaa ini tuhun mé ndó sahá i”, ñacachi Jesucristo.

⁸ Nu cuiti ñacachi Jesucristo ña coo cúní Ndióxi ña ná cahni ñayivi quiti quiahva na ñijí rí nu á. Ta ni coo táhán ini a tá ná cahni na quiti nu náa ña ná ndivií ínimá ná. Ta ñacachi a ña yóho vatí sandá ley Moisés caja ñayivi já. ⁹ Joo tá nandihí ñacachi Jesucristo já xihín Ndióxi: “Yóho ín i ta ín tiahva vi caja i ndá ña ñacuu cúní ndo”, ñacachi a.

Ña cán queá ñasacu xóo Ndióxi ña ñacaja na jihna ta viti ndiquehe vaha mé á ñayivi sahá ña ñaxihí Jesucristo ndica crúxu. ¹⁰ Ñacaja Jesucristo ña ñasacu ini Ndióxi caja sahá ña cán queá ñacandoo vii uun tóco ndihí mí jáchi in táláa tañu nandiquiahva Jesucristo yiquí cuñu a tá ñaxihí a sahá cuachi.

¹¹ Jihna ga ña ñacaja ndihí jutú cúu á ña nini quivi sándita da nu náa joco da quiti nu Ndióxi. Ta vatí cuahá tañu sá caja da já joo a cuú jándoo da cuachi ñayivi xihín ña yóho. ¹² Joo in tañu cuiti va ñaxihí Jesucristo sahá cuachi tóco ndihí ñayivi já ná cuu caju ndaa ínimá ná anda ama cáa quivi. Anda jávi ñasacoo a xoo cuáha Ndióxi, tátá a indiví. ¹³ Ta cán ín coo a viti cándati a janda quiahva ná cacu Ndióxi ña cándají mé á tixi sahá. ¹⁴ Jáchi in táláa tañu ñaxihí Jesucristo ndica crúxu ta xihín ña yóho nandaja vii a ínimá ñayivi, ña ñacaxi mé á. ¹⁵ Ta sa xíní yo ña cúu ña yóho ña ndaa jáchi já cáhí ínimá yijí Ndióxi já:

16 Vaxi quivj tá quiahva i tuhun saá núv ñayivi Israel ta quiahva joho coo a.

Caja i ña ná candaá vaha ini na ley mí i ta caja i ña cañuhu a ini ínimá ná.

17 Ta já cáchí tucu a já:

Caja cáhnu ini i sahá ndaja táhan ña núv ñacaja na ta a ndicuhun ga ini i sahá cuaçhi na, cáchí tuhun Ndióxi.

18 Ta sahá ña ñacaja cáhnu ini Ndióxi sahá cuaçhi ñayivi sahá ña cán queá co xini ñúhú ga cahni na quiti ña joco na ri nu mé á sahá cuaçhi na.

Xini ñúhú cayati nu Ndióxi

19 Candehé ndo, ñani i, na cúu cuéntá Jesús. A cáyihví toho i viti ndihví nu íin Ndióxi, mé núv yji ndivaha jáchí ñaxihí Jesucristo sahá cuaçhi. 20 Ta tá ñandiquiahva mé á yiquí cuñu a já ñaxihí a ta xihín ña yóho ñasuna á ichi saá já ná cuu cayati nu íin mé á.

21 Ta mé Jesús cúu á jutu sacuahá sahá yo nu Ndióxi jáchí cómí a cuéntá sahá ndihí, na cúu cuéntá mé á. 22 Ña cán queá xini ñúhú cayati nu íin Ndióxi xihín ndinuhu ini jáchí candee ini mé á. Cúu á tátuhun ñandoo yiquí cuñu í tá ñaxihí Jesucristo ndica cruxu. Ta viti co ndítahan ndicani ini sahá cuaçhi ñacaja í jáchí ñajándoo mé á cuaçhi. 23 A jándacoo í ña candee ini Ndióxi ta ná candati tiahva í janda ná yaha ña cáchí mé á jáchí xini vaha í ña jáxinu coo Ndióxi tuhun ñasahan nu yo.

24 Ta ndítahan nu yo ndinducv yo ndaja caja í chindee táhan í já ná quihví chága ini ñani táhan í. Ta ndítahan caja chága yo ña vaha. 25 Co ndítahan toho caja í tá quiahva cája java na cúu cuéntá Jesús, na co cuni nditaca xihín ndihí java ga na cúu cuéntá Jesús. Ña ndítahan caja í queá jácahan chága táhan í ña ná taca í xihín java ga na cúu cuéntá Jesús jáchí sa xini yo ña vaxi quivj quixi tucu Jesucristo ñuyiví yóho.

26 Tá sa candaá vaha ini ña co ndítahan caja í cuaçhi ta chíñee tucú mí cughan í cája í cuaçhi vatí sa candaá ini ña ndaa, a cuú ga ndoo cuaçhi nu Ndióxi. 27 Ta cáyihví yo candati janda quiahva ndoho ndivaha ini caja Ndióxi. Jáchí jácana mé á ñayivi nu ñúhu cáyi ita, mé nu ndihí sahá na ihví mé á. 28 Jáchí ndá na Israel, na co cuni caja ña sáhná ley Moisés já queá ndítahan quivi na tá ná cacu iví á uní testigo sahá na nu juéxe. Ta ni in na a cándahví ini ñahá. 29 Joo ndaja ga ví ndítahan ndoho ini na quehe núv Jesús, mé in tühún jini já jahyi Ndióxi. Jáchí cúu á tátuhun sání nihni na a ta co sáhní toho na mé ná ña ñaxihí a jándoo a cuaçhi na tá quiahva ñasahan Ndióxi tuhun a caja. Cánahá na xihín ínimá yji Ndióxi, mé a cája cuahá ñamaní xoho. 30 Candaá vaha ini yo cúu mé a ñacachi ña yóho: “Yehe jándoho í ini ñayivi, na cája cuaçhi. Ta caja i ña ná chahví na sahá cuaçhi na”, cáchí a. Ta já

cáchí tucu Ndióxi, xitoho í já: “Yehe caja viví i sahá na cúu cuéntá mí i”, cáchí a. 31 Mé a ndaa ndáhvi ñahá ñacuu tá ná tiin Ndióxi mí ña ná chahví sahá cuaçhi jáchí mé á cúu á Ndióxi, ña tácu indiví.

32 Nditahan ndicuhun ini ndó ña ñayaha tá jacá ñacandee ini ndó Jesús. Vatí ñandoho ndivaha ini ndó ñacaja java ñayivi joo ñasahan ndee ini ndó. 33 Java tañu ñasava ndaa ichi na ndohó núv ñayivi ta java tañu ñacaja xixi na xihín ndo ta java tañu ñacatáhan ndó xihín java ga na tá ñandoho ri ini na sahá Jesús. 34 Ta táhnda ini ndó sahá na cúu cuéntá Jesús ñúhu vecqa. Ta coo ñacahan cuaçhi ndo ta janda cájii ini ndó vatí ñacaja cuíhná na ñaha ndó jáchí candaá vaha ini ndó ña cómí ndó ña vaha chága indiví ta a ndího toho sahá ña cán.

35 Ña cán queá a jándacoo ndó ña candee ini ndó Jesús jáchí tandaa quivj quiahva cuahá Ndióxi ña vaha nu ndo tá candee ini ndó mé á. 36 Nditahan nu ndó quiahva ndee ini ndó caja ndó ña cuni Ndióxi já queá ndiquehe ndó ña vaha ñasahan mé á tuhun a quiahva nu ndo. 37 Jáchí já cáchí tuhun Ndióxi já:

Jalóho cuni ta já quixi mé a ndítahan nu quixi ta a cáyancá toho a.

38 Joo ndá na cúu ñayivi ndaa nu mí i catacu na sahá ña candee ini na yehe.

Ta tá co cuni ga na candee ini na yehe ta já ndicó coo na caja na cuaçhi já queá a cájii ini i xihín ná, já cáchí Ndióxi.

39 Joo a cája toho í tá quiahva cája java ñayivi jáchí co cuni na candee ga ini na Jesús ta tandaa quivj cuhun na indayá. Joo mí cúu yó na candee ini Jesús ta tandaa quivj coo í nu íin mé á.

11

Nditahan nu yó candee ini Ndióxi

1 Tá ná candee ini Ndióxi já queá cuni cachi a ña sa xini vaha í ña yaha tá yaha ña ndati yó yaha. Ta vatí co xini yó ña ndati joo candee ini ña já coo. 2 Jáchí sahá ña ñacandee ini tásáhu jicó yo Ndióxi sanahá ndivaha sahá ña cán queá cájii ini Ndióxi xihín ná.

3 Ta sahá ña candee ini Ndióxi sahá ña cán queá candaá vaha ini ña ñacahan Ndióxi ta já ñacavaha mé á ñuyiví xihín indiví. Jihna coo ñasahin ni in ñaha joo viti náha núv ña ñacavaha mé á.

4 Ta sahá ña ñacandee ini da naní Abel Ndióxi sahá ña cán queá ñatáhan ini Ndióxi xihín ña ñacaja da tá ñajoco da ñaha nu á. Ta coo ñatáhan ini a xihín ña ñajoco da naní Caín, da cúu ñani Abel jáchí coo ñacandee ini Caín mé á. Sahá ña cán queá ñandiquehe Ndióxi ña ñajoco Abel nu á ta xihín ña yóho ñanduú da da ndaa nu á. Ta vatí ñaxihí Abel joo xihín ña ñacaja da sanahá jáñaha da nu yo ndaja ndítahan nu yó candee ini Ndióxi.

5 Ta sahá ña ñacandee ini da nani Enoc Ndióxi sahá ña cán queá coó naxihí toho da. Joo ñasañehe Ndióxi da indiví ta coó ñacuu ndiñehé ñayivi mé dá jáchi ñandaa da cuahán da indiví ñajaja Ndióxi. Ta cáchi tuhun Ndióxi já ñajaja mé á jáchi táhan ini a xihín ña ñajaja Enoc nani ñasahjin da ñuyivi yóho. 6 Tá co cándee ini Ndióxi já queá co táhan ini Ndióxi xohó. Jáchi ndá na cúní cayati nu Ndióxi xini ñúhú cándúsa na ña ñin mé á indiví ta xini ñúhú cándúsa na ña quiahva mé á ña vaha nu ñayivi tá ndinducú ña mé á.

7 Ta sahá ña ñacandee ini da nani Noé Ndióxi sahá ña cán queá ñataa johó da tá ñaxaxi tuhun Ndióxi xihín dá ña ndoho ini ñayivi chága chí nuu vatí coó ñasanahá nu á. Ñacandúsa Noé Ndióxi ta chí ñacasahá da cávaha da in barco cáhnu nuu cuu cacu ndaa mé dá xihín na vehe da. Ta sahá ña ñacandee ini da Ndióxi sahá ña cán queá ñanduu da ña ndaa nu mé á. Ta xihín ña ñajaja da najácojo da cuachi jatá ñayivi ñuyivi jáchi náha cáxi a ña coó ñacandúsa na caja na ña cáchi Ndióxi.

8 Ta sahá ña ñacandee ini da nani Abraham Ndióxi sahá ña cán queá ñacandúsa da ña ñacahan Ndióxi xihín dá. Ta chí ñaquee da ñuu da ta cuahán da in ñundáhyi, ña ñasahan Ndióxi tuhun a quiahva nu dá. Najándacoo da ñuu da vatí coó ñasaxini da ndaja nani mé ñuu nuu cuhun da. 9 Ta sahá ña cándee ini Abraham Ndióxi sahá ña cán queá ñaxinu coo da ñundáhyi ña ñasahan Ndióxi tuhun a quiahva nu dá. Joo ñandiñehé dá java ñayivi nduu cán chí ñasahjin da tá quiahva nduu ná toho. Vehe tienda ñasahjin da xihín na vehe da. Ta quiahva já ñasahjin Isaac xihín Jacob jáchi ñasahan Ndióxi tuhun a nu mé dá xihín nuu ná vehe da. 10 Ñajaja Abraham ña yóho jáchi ndátí da coo da in ñuu ña ñin indiví, ña ñacavaha Ndióxi nuu coo a andá ama cáa quívi.

11 Ta jári ñacandee ini Sara, mé ñájihí Abraham Ndióxi sahá ña cán queá ñajaja Ndióxi ña ñacuu quee jahyi ña vatí sa ñacayatá ña. Ta tá ñandihi já ñacacu jahyi ña tá ñasacuu a sahá ña ñacandee ini ña jáxinu coo Ndióxi tuhun ñasahan nu ña. 12 Sahá ña cán queá vatí ñacayatá ndivaha Abraham ta ñacayati quívi quívi da joo ñacacu jahyi da xihín ña ta ñanduu da tásáhnu jíco ña Israel. Ta cuahá ndivaha na cúu chíchi da janda a cuú candahvi na. Cúu á tátuhun quími ña ñin indiví á tátuhun ñuti yuhú tañuhú jáchi a cuú candahvi a.

13 Tóco ndihi na ñaquixi chíchi Abraham yóho vatí ñaxihí ña joo ñacandee tá ñacandee ini na Ndióxi. Ta vatí coó ñaxini na ña ñasahan mé á tuhun a quiahva nu ná joo ñasacuu a tátuhun ñaxini na ña. Jáchi

ñacandee ini na ña ñacachi Ndióxi xihín ná ta ñacajii íni ña. Ña cán queá ñacachi na ña nduu tóo cuítí ña ñuyivi yóho ta cúu ná tátuhun ña toho jáchi coo ñuu na ñuyivi yóho. 14 Cándaa íni ña ndá ña cáchi já cúni cachi a ña ndinducú na inga ñuu nuu canduu na. 15 Ta coó ñatahnda ini na sahá ñuu ñaquee na cán jáchi cuu ndicó coo na, nduu joo coó ñacacúni na caja na ña. 16 Joo ña nducú ña cúu in ñuu ña vaha chága, ña ñin indiví. Ta ñajaja tiahva Ndióxi mé ñuu indiví nuu cuu coo na já queá a cácahan nuu mé á cachi a ña cúu ná cuéntá mé á.

17 Ta sahá ña ñacandee ini Abraham Ndióxi sahá ña cán queá ñasahjin tiahva da cahni da Isaac, jahyi da joco ñahá da nu Ndióxi tá ñaxito ndojó Ndióxi da. Já ñajaja Abraham vatí ñasahjin in túhún jini jahyi da ta sa ñasahan Ndióxi tuhun a nu Abraham 18 tá ñacachi a já xihín dá: “Cacu jahyún, da cananí Isaac ta xihín dá cán ndicuahá ndivaha chícún chága chí nuu”, ñacachi Ndióxi. 19 Sa ñacandaa vaha ini Abraham ña cuu caja Ndióxi ña ná nditacu tucu Isaac tá sa ñaxihí da. Ta vatí coó ñasahni toho Abraham Isaac joo cúu á tátuhun ñaxihí da ta ñanditacu tucu da jáchi ñasahjin tiahva da cahni da da sahá ña ñacandee ini da Ndióxi.

20 Ta sahá ña ñacandee ini Isaac Ndióxi sahá ña cán queá ñasahan da tuhun da nu ndiví jahyi da, da nani Jacob xihín da nani Esaú ña caja cuahá Ndióxi ñamaní xihín ndiví da chága chí nuu. 21 Ta sahá ña ñacandee ini Jacob Ndióxi sahá ña cán queá tá jalóho cúni quívi da já queá ñacachi da ña caja cuahá Ndióxi ñamaní xihín ivi jahyi ñaní dá, da cúu jahyi da nani José. Anda jávi ñajaja cáhnu da Ndióxi nani tín ndaa da garrote da. 22 Ta sahá ña ñacandee ini José Ndióxi sahá ña cán queá tá jalóho cúni quívi da ñacahan da xihín na Israel sahá mé quívi tá ná quee na nación Egipto cuhun ña. Ta ñasahnda da chuun nu ná ña ná cañehe na lasa yiquí cuúu mé dá cuhun ña xihín ná.

23 Ta sahá ña ñacandee ini náná táta Moisés Ndióxi sahá ña cán queá tá ñandihi ñacacu da já ñachicaan jehé ña da tañu uní yoo. Náha ña cúu dá in léé ñúchí ndivaha ta chí coó ñayihí toho na tuhun ñacahan rey cán tá ñasahnda da chuun ña quívi ndihi tavalí jacá ñacacu nuu ña Israel. 24 Ta sahá ña ñacandee ini Moisés Ndióxi sahá ña cán queá tá ñasahnu da najándacoo da vehe rey Egipto vatí najácahnu ña cúu jahyi jihí rey cán da tátuhun jahyi ña. 25 Ta ña ñajaja da queá ñasahan da ñandoho ini da xihín ña cúu cuéntá Ndióxi. Jáchi coo cúni da cáji ini da cája da cuachi vatí chá tiempo. 26 Ta ñacahan da ña vaha chága ná ndoho ini da saha Jesucristo, mé a chindahá Ndióxi cacomí cuéntá sahá ñayivi a juú ga ña ná

cacomí da cuahá ñaha cuicá nación Egipto cán. Jáchi ñacahvi ini da sahá ñamaní caja Ndióxi xihín da chága chí nuu. ²⁷ Ta sahá ña ñacandeeé ini Moisés Ndióxi sahá ña cán queá najándacoo da nación Egipto ta coó ñayihvi da ña ná ndicuehe rey Egipto cán xihín dá. Ta ñasahan ndeeé ini da jáchi ñaxica da tátuhun in da xica xihín Ndióxi vatí coó ñaxini da mé á.

²⁸ Ta sahá ña ñacandeeé ini Moisés Ndióxi sahá ña cán queá ñasahnda da chuun ña ná caja ña Israel vicó pascua. Ñasahnda da chuun ña ná cahni ná ndicachi ta já cuihna ndaa na ñijí rí yuyehé vehe ña Israel ña ná a quívi jahyi ña na, da ñacacu nu cuítí tá ná yaha táto Ndióxi, mé a cája ña ná quívi ñayivi. ²⁹ Ta sahá ña ñacandeeé ini ña Israel Ndióxi sahá ña cán queá ñayahá na mahñú ndaa ñañuhú nani ñañuhú cuahá. Ñasacuu a tátuhun xica na nu ñundáhyi íchi uun. Joo tá ñacasahá ña Egipto yaha na mé ñañuhú cán já queá coó ñacuu caja na ña. Ñacandaa na ini ticuítí ta já ñaxihí ndihi na.

³⁰ Ta sahá ña ñacandeeé ini ña Israel Ndióxi sahá ña cán queá ñacava nuu na ñuu Jericó ñañu usá quívi ta já ñacuyu ndihi náma ñuu cán. ³¹ Ta sahá ña ñacandeeé ini ña xica jiji nani Rahab cán Ndióxi sahá ña cán queá coó ñaxihí ña xihín ndihi ñayivi ñuu Jericó, na coó ñacandúsa Ndióxi. Najácaçu Ndióxi Rahab cán jáchi sa ñandiquehe vaha ña java ña Israel tá ñacasaa da nu cuítí sándeheé da ñuu cán.

³² Ndá chága cahan j xihín ndo. Sa ñacahan cuahá j xihín ndo joo cámaní cahan j sahá da nani Gedeón xihín da nani Barac xihín da nani Sansón xihín da nani Jefté xihín da nani David xihín da nani Samuel xihín java ga ña ñasacuu profeta. ³³ Sahá ña ñacandeeé ini ña cán Ndióxi sahá ña cán queá ñaquee vaha na tá ñacani táhan na xihín java nación ta ñasacomí vaha na cuéntá sahá ñayivi ta ñandiquehe na ña vaha ñasahan Ndióxi tuhun a quiahva nu ná. Java na ñachicaji na yuhú León. ³⁴ Ta java na ñandahva na ñuhú cáyi ña ná a cáyi toho na. Ta java na ñacacu na ndahá ñayivi, ña ñacacúni cahni ñahá xihín machiti. Ta java na vatí vitá ini na joo ñandihvi ndeeé ná. Ta java na ñaquee vaha na tá ñacani táhan na xihín ña ihvi ña. ³⁵ Ta java ñajihí ñacandeeé ini na Ndióxi ta sahá ña cán queá ñaxini na ña ñanditacu tucu ña vehe na ñacaja Ndióxi.

Joo java na ñandoho ndivaha ini na jandá quiahva ñaxihí ña. Ta coó ñacandúsa na cacu xoo na Ndióxi jáchi ñacandaa vaha ini na ña cùhun ña coo na in ñuu vaha chága nu ín mé á. ³⁶ Java na ñandoho ini na tá ñasacu ndaa íchi ñahá ña ta ñacani ñahá ña. Ta java na ñasandjco ña xihín cadena ta ñachicajan ña ña vecaa. ³⁷ Ta java na ñaxihí ña jáchi ñacuu ñayivi yuu ná ta

java na ñaxihí ña tá ñasahnda túhun ñahá ña. Ta java na ñaxito ndojó ñayivi na ña ná caja na cuachi. Ta java na ñaxihí xihín machiti. Ta java na ñasandjco na xihín níi ndicachi xihín níi tíjuhú cuítí va jáchi coó toho jjuhún ña. Ñacaja xici ñayivi xihín ná ta najándoho na ini na. ³⁸ Ñaxica ndahví ña nu íchi ndivaha ta ñaxica nuu na yucú ñúhú ta ñasanduu na tíxi cáva xihín yávi nu ñúhú. Mé a ndaa cúu ná ñayivi vaha ndivaha ta coó ndítahan nu ná ndoho ini na ñuyivi yóho. ³⁹ Ta cájijí ini Ndióxi xihín tóco ndihi ña cán jáchi ñacandeeé ini na mé á. Joo cámaní ndiquehe na ña ñasahan mé á tuhun a quiahva nu ná. ⁴⁰ Jáchi cúni Ndióxi ña ná candati ña cán andá tandaa quívi ndiquehe tóco ndihí ña vaha chága quiahva Ndióxi nu yo.

12

Ná candeeé ini Jesús cuítí va

¹ Mé ñayivi cuahá cán ñaquee vaha na jáchi ñacandeeé ini na Ndióxi. Ta jánaha ña nu yo ndaja caja í ña ná quiahva ndeeé ini tá ná ndoho ini. Ña cán queá ná jándacoo í tóco ndihi cuachi cája í, ña tñin tuun mí. Ta ná jácacoo í tóco ndihi ña sáji nuu nu yo caja í ña cúni Ndióxi. Ta ná cándico yó íchi Ndióxi xihín ndinuhu ini tá quiahva ndítahan caja í. ² Ta ná candehé cáxi yo nuu Jesús jáchi mé á cán cája ña ná casahá candeeé ini Ndióxi ta cája ña ná candeeé ini mé á andá tandaa quívi quívi. Ñandoho ini Jesús tá ñaxihí a ndjca cruxu ta coó ñacacahan nuu á vatí cácahan nuu ñayivi quívi na quiahva já. Jáchi ñacandaa ini a ña tá ná ndihí ndoho ini a já tandaa quívi cájijí ndivaha ini a. Ta viti ín coo a xoo cuahá Ndióxi indivi.

³ Xini ñúhú ndicuhun ini ndó ndaja ñacaja Jesús jáchi a juú quiahva ñandoho ini a ndahá ñayivi cája cuachi. Sahá ña cán queá a jándacoo ndó ña candeeé ini ndó Jesús ta a cácuítá ínimá ndó tá ndóho ini ndó. ⁴ Jáchi cámaní yijí va cahni ña cája cuachi ndohó sahá ña coó xeén ndó caja ndó cuachi.

⁵ Á ñandindojó ndó tuhun ñacahan Ndióxi xihín ndo sahá ña cúu ndó jahyi mé á. Já cáchi tuhun Ndióxi já:

Jahyi maní j, a quehe núu ndó Ndióxi tá jándoho a ini ndó ña ná ndacaca vaha ndó.

Ta a cáva ivj joho ini ndó tá jánani mé á ndoghó.

⁶ Jáchi já cája Ndióxi xihín ña quihvi ini a.

Jándoho a ini na já ná jándacoo na ña núu ta já nduu na jahyi mé á, cáchi tuhun Ndióxi.

⁷ Quiahva ndeeé ini ndó tá cája Ndióxi ña ná ndoho ini ndó. Jáchi tá quiahva cája in da ña xihín jahyi da quiahva já cája mé á xihín ndo. Jáchi tóco ndihí ña ña jácacáhan

da jahyi da já ná ndacaca vaha da. ⁸ Ta tá co jándoho Ndióxi ini ndó já queá co cúu ndó jahyi mé á. Cúu ndó tátuhun jahyi ndáhvi na. Joo tá ná jándoho Ndióxi ini ndó já cándaq ini ndó ña mé a ndaa cúu ndó jahyi mé á. ⁹ Tá nasacuú na valí ñajaja cáhnu yo tátá yo vatí najácaxáhan na mí. Joo íin chága saha caja cáhnu í Ndióxi, tátá yo, mé á íin indivi vatí jándoho a ini mí jáchi xihín ña yóho cuu coo í xihín mé á anda ama cáa quivi. ¹⁰ Tá valí yo najándacaca vaha tátá yo mí tá najánani na mí jáchi já vaha xini na vatí mé ñuyivi yóho cúu á nu ndúu too cuití ví. Joo tá jánani Ndióxi, tátá yo, mí cúu á ña vaha chága jáchi xihín ña yóho ndaja yi á mí tá quiahva íin yi mé á. ¹¹ Mé a ndaa co táhan ini tá jánani na mí jáchi cáhivi yo xihín á. Joo tá nandihí já coo vaha ini jáchi ñacatahva í ndaja caca vaha í sahá ña nandoho ini ta xihín ña yóho cacuu ñayivi ndaa nu mé á.

Nditahan nu yó táa joho í nu cáhan Ndióxi

¹² Ña cán queá ndicuita ndó ta a jándacoo ndó mé ndó. ¹³ Ta ndinducú ndó ichi ndaqú já ná cuu chindeé ndó ñayivi, na cáva ivi joho ini ña ná a ndicó coo na nuu cuachi.

¹⁴ Xini ñúhu ndinducú ndó ndaja caja ndó coo vaha ini ndó xihín tóco ndihí ñayivi. Jándacoo ndó cuachi cája ndó ta ndinuhu ini ndó caja ndó ña cúni Ndióxi já ná cuu coo ndó nu íin mé á. ¹⁵ Cuéntá coo ndó ná a jándacoo ni in ndó ichi cuéntá Ndióxi jáchi cúni a caja cuaha ñamaní xihín ndo. Cuéntá coo ndó ná a cácuu ndó tátuhun in yucu ova ña játivi ña xixi na jáchi na caja cuachi cája quini na ta játivi na java ga na cúu cuéntá Ndióxi. ¹⁶ Coto a quihvi nuu ndó coo ndó xihín in na coo cúu yi ndó á ñájihí ndo. Coto a quehe núu ndó ñaha Ndióxi tá quiahva ñajaja Esau. Jáchi in quivi cuico ndivaha da ta najicó da tóco ndihí ñaha ndítahan ndiquehe da nu tátá da sahá ña ná cuxu da in cohó cuití va. ¹⁷ Joo cándaq ini ña tá nandindaa nuu dá ndiquehe da ñaha ndáha tátá da coo ñacuu ndiquehe da ni in ñaha. Jáchi najicó da ña núu ñani da sahá ña ná cuxu da in cohó. Ta vatí nasacu ndivaha da joo coo ñacuu caja da ndijama da tuhun da ña sa nasahan da nuu ñani da.

¹⁸ Ta mé ndó coo ñacayati ndó nu Ndióxi tá quiahva ñajaja na Israel sanahá. Mé na cán nataca na saha in yucu nani Sinai xihín da nani Moisés. Ta ñacayí ñúhu cán ta ñanaá ndivaha ta ñaxicó ndivaha tachi ñaxini na. ¹⁹ Ta ñaxini joho na nativi trompeta ta ñacahan Ndióxi xihín ná. A juú quiahva ñayihvi na tá ñaxini joho na nu cáhan Ndióxi chí ñaxica tahvi na nu á ña ná a cáhan ga xihín ná. ²⁰ Jáchi coo ñacandee ini na táa joho na ña sáhdá Ndióxi nu ná tá ñacachi a já: “Tá ná cani ndaa in ñayivi á in quiti yucu Sinai yóho já queá xini ñúhu

cúu ndó yuu ná á tuxú ndó na xihín póya anda ná quivi na”, cáchi Ndióxi. ²¹ Ta a juú quiahva ñayihvi na sahá ña ñaxini na cán. Ta anda Moisés viti ñayihvi ndivaha da ta já ñacachi da já: “Quíji nnu i xihín ña yihvi í”, cáchi da.

²² Joo ña ñajaja mé ndó queá sa ñacayati ndó in nuu nani Sióh, mé nu íin Ndióxi, mé a tácu indivi. Mé ñuu cán cúu á tátuhun inga Jerusalén, ña íin indivi ta ndúu cuaha mil tátó Ndióxi cán. ²³ Sa nataca ndó cán caja cáhnu ndó Ndióxi xihín tóco ndihí ñayivi, na mé a ndaa cúu jahyi Ndióxi, mé na ndaa quivi nu libro Ndióxi indivi. Ta sa ñacasaa ndó nu Ndióxi, mé a cája víi saha tóco ndihí ñayivi. Ta nataca ndó xihín tóco ndihí ñayivi, na sa ñaxihí sanahá, mé na sa nanduu ndaa nu Ndióxi ñajaja mé á. ²⁴ Ta sa ñacayati ndó nuu Jesús, mé a cáhan xoo mí nu Ndióxi. Jáchi sahá ña ñajaja Jesús tá ñaxita nii á ndica cruxú sahá ña cán queá nasahan Ndióxi tuhun a nu yo ña ná ndoo cuachi. Joo jíin va ñajaja Ndióxi tá ñaxita nii Abel sanahá ndivaha jáchi najándoho a ini ñani da, da nani Caín sahá ña nasahní ñahá da.

²⁵ Cuéntá coo ndó já ná a quehe núu ndó nu cáhan Ndióxi xihín yo. Jáchi ñayivi cán, na coo ñaxeen cája ña cáchi Ndióxi ñachavi na sahá ña núu ñajaja a nu yo ña ná ndoo cuachi. Ta já caja ri Ndióxi xihín mí tá ná quehe núu í tuhun mé á jáchi janda indivi íin mé á cáhan xoho. ²⁶ Mé tiempo cán najátan Ndióxi ñuyivi yóho tá ñacahan mé á. Joo já cáchi a já viti: “Vaxi quivi ta játan tuu i ñuyivi ta mé tiempo cán jáquiji nuu i indivi viti”, cáchi a. ²⁷ Tá ñacachi Ndióxi ña inga tuu játan mé á ñuyivi yóho já cándaq ini ña ndihí sahá ñaha ñacavaha mé á. Ta tóco ndihí ñaha, ña a cuu quiji nuu, ña cán coo a anda ama cáa quivi. ²⁸ Ñehe táhvi yo coo í nuu cacomí Ndióxi cuéntá saha yo ta mé cán a cuu quiji nuu a. Sahá ña cán queá ná ndiquahva í ndixahvi nu Ndióxi ta ná caja cáhnu í mé á xihín ndinuhu ini jáchi cájii ini mé á xihín ña yóho. ²⁹ Jáchi mé a ndaa Ndióxi cúu á tátuhun ñúhu ña cáyi ña jándihí sahá ñaha. Ña cán queá caja mé á ña ná ndihí saha tóco ndihí cuachi.

13

Ná caja í ña táhan ini Ndióxi xihín

¹ A jándacoo ndó ña quihvi ini ndó na cúu cuéntá Jesús jáchi cúu ná tátuhun ñani ndó á quiahva ndó. ² A ndindójo ndo ndiquehe vaha ndó na tóho tá ná casa na vehe ndó jáchi xihín ña yóho java na nandiquehe vaha na tátó Ndióxi vatí coo ñacandaa ini na ña.

³ A ndindójo ndo sahá ñayivi ñúhu vecaa ta xini ñúhu táhnda ini ndó xihín ná jáchi xini ñúhu cacuu a tátuhun ndácaan mé ndó

vecaḁa xih̄in ná. Ta a ndindójo ndo sahá ñayivi, na cája xixi na xih̄in ta xini ñuhú tãhnda ini ndó xih̄in ná jáchi cuu ndoho ini ri ndóhó va tá quiahva ndóho ini na cán.

⁴ Vaha va cája ndó tá tandaha ndo ta xini ñuhú caja cáhnu ndó yí ndó á ñájihí ndo. Ta a nducú toho ndó coo ndó xih̄in inga na jáchi jándoho Ndióxi ini ndá na quihvi nuu coo xih̄in na coo cúu yí na á ñájihí na.

⁵ A ndiava ini ndó cacomí ndó cuahá jjuhún. Nditahan cajji ini ndó xih̄in ña cómi ndo jáchi já cáchi Ndióxi já: “A jándacoo toho i ndóhó ta ni a ndindójo i saha ndo”, cáchi a. ⁶ Sahá ña cán queá cuu candee ini Ndióxi ta cuu cachí já:

Mé á cúu Ndióxi, xitoho i ta chindeé a yehē. Ta a cáyihvi toho i ndá ñaha nducú ñayivi caja na xih̄in i.

⁷ A ndindójo ndo sahá na ñasacomí cuéntá saha ndo ta ni sahá na ñacaxi tuhun tuhun Ndióxi nu ndo. Candehé ndó ndaja ñacaja na ñuyivi yóho jáchi ñacandee ini na Ndióxi anda quiahva ñaxih̄i na. Ta nditahan nu mé ndó candee ini ndó a tá quiahva ñacaja na cán.

⁸ Co ndijama toho Jesucristo. Tá quiahva ñasacu a sanahá ndivaha quiahva já cúu ri a anda viti ta quiahva já coo a anda ama cáa quivi. ⁹ A quiahva toho ndó ñamaní nuú ñayivi ña ná jándahvi na ndóhó xih̄in ña jánaḁa na nu ndo. Jáchi cúu á sahá ñamaní cája Ndióxi xohó ña ndindacú inima yo. Ta coo cúu á sahá ña jánaḁa java ñayivi tá cáchi na ña a cúu cuxú java ñaha ña ná nduu ndaa inima yo. Mé a ndaa ña yóho coo chindeé a mí.

¹⁰ Tá ñaxih̄i Jesucristo ndica cruxu já najoco a mé á nu Ndióxi saha yo. Joo jin va ñacaja jutú cuéntá na Israel sanahá tá najoco na quiti nu Ndióxi. ¹¹ Jáchi da cúu jutú saçaha ñasanehe da ni ri ñaxih̄i cán ini veñuhu nuú yí ndivaha ta já najoco da do nu Ndióxi sahá cuachi ñayivi. Joo ñatavá da yiquí cuñu ri jatá ñuu nu sáhmi na ri. ¹² Ta quiahva já ñaxih̄i Jesús jatá ñuu Jerusalén. Ta ñaxitá ni a ña ná jándoo a cuachi ñayivi. ¹³ Ña cán queá cóho nuú Jesús. Cúu á tátuhun cuhun i jatá ñuu ta a cácahan nuu yo ndoho ini xih̄in mé á. ¹⁴ Jáchi ñuyivi yóho coo toho ni in nuú cuu coo i anda ama cáa quivi. Joo ndinducú yo inga ñuu nuú cuu coo i chága chí nuu. ¹⁵ Cóho caja cáhnu i Ndióxi ní tiempo ta chindeé Jesús mí caja i ña. Ta ña yóho cúu á tátuhun ña jóco yo nu mé á sahá ña ñacaja tá ñaxih̄i a ndica cruxu. Cóho caja cáhnu i mé á xih̄in yuhú yo jáchi cúu yó cuéntá mé á. ¹⁶ A ndindójo ndo caja vaha ndó ta ná chindeé ndo ñani táhan ndó xih̄in ña cómi ndo. Jáchi ña yóho cúu á tátuhun ñaha jóco ndo nu Ndióxi ta cajji ini mé á xih̄in á.

¹⁷ Candúsa ndó na cómi cuéntá saha ndo ta caja ndó ña cúnj na. Jáchi ñasahan Ndióxi

chuun yóho nu ná. Ta tandaa quivi nditahan ndicani na nu Ndióxi sahá ña ñacaja na. Caja ndó ña cúnj na já ná cajji ini na ta ná a cóo cuéha ini na jáchi a cuú quee vaha ndó já.

¹⁸ Caça tahvi ndo nu Ndióxi sahá nde jáchi ñandivi inima nde ta cúnj nde caja vaha nde ní tiempo. ¹⁹ Caja ndó ñamaní caça tahvi ndo sahá i ña ná quiahva Ndióxi ñamaní nuú i saç yachj i nu ndó coto nihni i ndóhó.

Xih̄in tuhun yóho ndihí carta yóho

²⁰ Ña cúnj queá ná quiahva Ndióxi ña ná coo vaha ini. Mé a cán najánditacu tucu a Jesucristo, mé a cúu xitoho i. Ta sahá ña ñacaja Jesucristo tá ñaxitá ni a ndica cruxu sahá ña cán queá ñasahan Ndióxi tuhun a nu yo ta a ndihí toho sahá. Ta mé Jesús cómi a cuéntá saha yo tá quiahva in pastó cómi da cuéntá sahá ndicachi jana dá. ²¹ Ta ná caja Ndióxi ña ná ndindacú inima ndó já ná cuu caja ndó tóco ndihí ña cúnj a. Ta sahá ña ñacaja Jesucristo ná caja Ndióxi xih̄in yo ndá ña ñacuu ña táhan ini mé á xih̄in. Ná caja cáhnu i Jesucristo anda ama cáa quivi. Já ná coo.

²² Xica tahvi i nu ndo ña ná coo cáhnu ini ndó xih̄in tuhun cáhan i xih̄in ndo, ñani i, na cúu cuéntá Jesús. Jáchi carta loho cuiti va ñacahy i nu ndo já ná ndindacú inima ndo. ²³ Ta caxi tuhun i xih̄in ndo sahá Timoteo, mé da ñasandacaa vecaa joo sa najani dá viti. Tá ná casaa yachj da yóho já saç da xih̄in i coto nihni nde ndóhó.

²⁴ Caḁan Ndióxi ndó xih̄in tóco ndihí na jánaḁa tuhun Ndióxi nuú ñayivi ta cahan Ndióxi ndó xih̄in tóco ndihí na cúu cuéntá Jesús. Tóco ndihí na cúu cuéntá Jesús, na nduu nació Italia yóho chindahá na Ndióxi coo ndó.

²⁵ Ná caja cuahá Ndióxi ñamaní xih̄in tóco ndihí ndó. Já ná coo.

Carta naçahví Santiago nuú na cúú cuéntá Jesús

Cáhan Ndióxi Santiago xihín na cúú cuéntá Jesús

¹Yehe cúú Santiago, da cajúa chúun cuéntá Ndióxi ta cajúa chúun i cuéntá Jesucristo, xitoho í. Chindahá i Ndióxi coo na Israel, na cúú cuéntá Jesús, mé na nandicuíta nuu ndúu ní cúú ñuyívi.

Ndaja cajúa í candaa ini ña cúni Ndióxi cajúa í

²Cuni joho vaha ndó, ñani mí i, na cúú cuéntá Jesús. Nditahan cájii ini ndó tá vaxi tá nuú ña ndóho ini ndó. ³Jáchí sa xini ndó ña tá ndóho ini ndó sahá ña cándéé ini ndó Jesucristo já queá catiahva chága ndó quiahva ndéé ini ndó sahá ña ndóho ini ndó. ⁴Quiahva ndéé ini ndó tá ndóho ini ndó anda quiahva ná xinu coo ña cúni Ndióxi já queá cacuu ndó ñayivi ndaa nu mé á. Ta cuahnu vaha ndó xihín tuhun a ta ni in ñaha a cámani ga nu ndó.

⁵Tá co cándaa ini ndó ña cúni Ndióxi cajúa ndó já queá xini ñúhú caça tahví ndó nu mé á ta quiahva mé á cuahá ña candaa ini ndó. Jáchí co ndáhvi cúu ini a quiahva ña nuú ndihi ñayivi. ⁶Joo tá xica tahví ndó nu Ndióxi xini ñúhú cándéé ini ndó mé á ta a cáhvi ivi joho ini ndó jáchí mé na cáhvi ivi joho ini, na cân cúú ná tátuhun tañuhú tá ndácojo do cajúa tachí. Ta co ñin táji do jáchí xica dó tá xoo yóho tá xoo cáa cajúa tachí. ⁷Jáchí tá ná cahvi ivi joho ini na já queá a cáhán na ña quiahva Ndióxi ñaha nu ná. ⁸Mé na cáhvi ivi joho ini co xica ndaa na ta tucu tucu ndijama na íchi nu xica na.

⁹Ta na cúú cuéntá Jesús tá cúú ná na ndáhvi ndítahan cájii ini na jáchí na náhnu cúú ná nu Ndióxi. ¹⁰Ta na cujá, na cúú cuéntá Jesús ndítahan cájii ini na jáchí co yáhvi toho jihún na nu Ndióxi. Jáchí tá quiahva ñin ita yucu yachí íchi a ta ndicava ña quiahva já yachí quivi ná cujá. ¹¹Jáchí tá nañinu coo cándii ta naçahihni já queá cama ndivaha íchi mé yucu ta ndicava ita nu á. Já ndihi va ña ñúhú ndáa jáchí nandihí sahá. Quiahva já ndoho na cujá jáchí jonáa va ndihi sahá ná ta jándicoo na ña cajúa na.

Tá ndóho ndó tondóho

¹²Ndaja tahví naçuu na sahan ndéé ini tá ndóho ini na jáchí tá nandihí naçahan ndéé ini na já queá ñehe tahví ná coo na xihín Ndióxi anda ama cáa quívi. Jáchí naçahan Ndióxi tuhun a nu yo ña tá cúni yo mé á já queá coo í xihín á anda ama cáa quívi. ¹³Tá ná ndicají ini ndó cajúa ndó ña núu já queá a cáhán ndó ña xito ndojó Ndióxi ndohó. Jáchí

a cúu cajúa Ndióxi ña núu ta co cúni a ña ná cajúa ñayivi ña núu. ¹⁴Joo tá cajúa ndó ña núu cúu á sahá ña xica ini ndó cajúa ndó ña ta xihín ña yóho ndicava ndó nuú cuachi. ¹⁵Jáchí sahá ña núu xica ini ñayivi cajúa na sahá ña cân casáha na cajúa na cuachi. Ta tá sa nandicuahá cuachi na já queá cuhun na çahvi na sahá ña cajúa na ini indayá anda ama cáa quívi.

¹⁶Cúni ndivaha i ndohó, ñani mí i na cúú cuéntá Jesús. A jándahvi ndó mé ndó. ¹⁷Jáchí tóco ndihi ña vaha quíxi a indivi nu ñin Ndióxi ta mé á sahan ña vaha nu yo. Já ñin va Ndióxi jáchí cajúa tá cajúa ña vaha cuítí va. Ta co ndijama toho Ndióxi. Ta mé Ndióxi, táta yo naçavaha ña ndiyéhe ñin indivi. Ta ndá tañu ndijama táhan ña ñin indivi joo Ndióxi co ndijama toho a. ¹⁸Jáchí cúni Ndióxi jácaçu a mí sahá ña cándúsa í tuhun mé á ña cúú ña ndaa. Jáchí cúni Ndióxi ña ná cacuu na nu cuítí tañu tóco ndihi ñaha naçavaha mé á.

Ndaja cajúa í ndiquehe vaha í tuhun vaha cáhan sahá Jesús

¹⁹A ndíndojó ndó ña cáhan i xihín ndó jáchí cúni ndivaha i ndohó, na cúú cuéntá Jesús. Nditahan nu ndó cuni joho vaha ndó tá cáhan inga na xihín ndó. Ta a cácana ini ndó nducú ñehe ndó tuhun ña cáhan inga na xihín ndó. Ta a cójo ini ndó xihín ná. ²⁰Jáchí tá xójo ini ndó xihín inga na já queá cajúa ndó ña co cúni Ndióxi. ²¹Ña cân queá cacu xóo ndó ndihi ña núu ta jándicoo ndó ndihi cuachi cajúa ndó jáchí ndúu cuahá na cajúa tá nuú cuachi tañu ndó. Joo xini ñúhú jánuu ndáha ndó mé ndó nu Ndióxi ta ndiquehe vaha ndó tuhun mé á ña naçahan na xihín ndó jáchí tá ná candúsa ndó ña já queá jácaçu Ndióxi ndohó.

²²Xini ñúhú candúsa ndó cajúa ndó tuhun Ndióxi jáchí co yáhvi toho a tá xini joho uun va ndó ña. Ta xihín ña yóho jándahvi ndó mé ndó. ²³Ndá na co cándúsa cajúa ña cáhí tuhun Ndióxi cúu ná tátuhun in da sándéhe nuú nuú yutátá. ²⁴Tá nandihí nasandéhe da nuú dá já quee da cuahan da ta cama chá ndíndojó da ndaja cáa nuú dá. ²⁵Joo mé ñayivi tá jácuaha na tuhun Ndióxi ta co ndíndojó na cajúa na ña cáhí a já queá cajúa yíi Ndióxi tóco ndihi ña cajúa na jáchí ña ndaa cúu tuhun Ndióxi. Tá cajúa í ña sáhdá tuhun Ndióxi nu yo cajúa í já queá co sáhdá ga cuachi chuun nu yo ta já ndinuhu ini cajúa í ña cúni Ndióxi.

²⁶Cúu á tátuhun tá ñin in daçaa tañu ndó ta cáhán da cajúa da ña cúni Ndióxi joo co ndáa da yúhu dá tá cáhan da sahá ñani táhan da já queá jándahvi da mé va da ta coo saha toho ña cajúa da nu Ndióxi jáchí co cajúa da ña cáhí tuhun Ndióxi. ²⁷Jáchí tá mé á ndaa nandihvi in da íchi cuéntá Jesús já cúu dá ta ndaa nu Ndióxi, táta yo. Ta chíndéé dá na cuahán

ta chindeé da na sánchez tá ndóho ini na. Ta cándéé ini da Ndióxi ta táva da mé dá nuú cuachi jáchi co caja da ña núu tá quiahva caja ñayivi ñuyivi.

2

A caja ichi ini ndó xihín na ndahvi

¹ Cuni joho vaha ndó, ñani mí j, na cúu cuéntá Jesús. Mé ndó cándéé ini ndó Jesucristo, xitoho í, mé a cúu ña cáhnu ndivaha. Nditahan quihvi ini ndó na ndahvi tá quiahva quihvi ini ndó na cujá. ² Ña nditahan caja ndó cúu ña yóho: Tá ná taca ndó caja cáhnu ndó Ndióxi ta vaxi in da cujá ndihvi da nu táca ndó ta ndíxi da jáhma vaha ndivaha ta ndácaan jéhe juhun cuáan nducu ndáha dá. Ta mé tañu já vaxi in da ndahvi, da ndíxi jáhma núu ña yatá. ³ Ta ndíquehe vaha ndó mé dá cujá ta cáchi ndó xihín dá: “Silleta vaha coo ndó”, cáchi ndó xihín da cujá. Joo xihín da ndahvi cáchi ndó já: “Candichi ndó jan á coo ndó nu ñúhu yóho”, cáchi ndó xihín da ndahvi. ⁴ Tá caja ndó ña yóho já queá caja ichi ini ndó xihín da ndahvi tá caja cáhnu ndó da cujá sahá juhún da. Ta cáhvi núu ini ndó jáchi cáhán ndó ña ín chága sahá da cujá a juú ga da ndahvi.

⁵ Cúni ndivaha j ndoghó, ñani j, na cúu cuéntá Jesús. Ña cán queá cúni ña ná canda vaha ini ndó ña naçaxi Ndióxi na ndahvi ndúu ñuyivi yóho ná cacuu na na náhnu nu Ndióxi tá cándéé ini na mé á. Jáchi nasahan Ndióxi tuhun a nuú ndihí na cán ña ná cacúni na mé á já queá ñehe táhvi ná cuhún na indivi coo na xihín mé á anda ama cáa quivi. ⁶ Joo mé ndó caja ichi ini ndó xihín na ndahvi. Á co ndícuahun ini ndó ña mé na cujá cúu ná na caja xixi xihín ndó ta ñúhu na ndoghó cuahan na nuú ná jutixia chácaan na cuachi jata ndo. ⁷ Jáchi mé na cujá cáhan núu na sahá Jesucristo ta mé ndó cúu ndó cuéntá mé á.

⁸ Sáhnda tuhun Ndióxi chuun nu yo já cáchi a já: “Tá quiahva quihvi ini ndó mé ndó quiahva já nditahan quihvi ini ndó ñani táhan ndó”, cáchi tuhun Ndióxi. Tá ná caja ndó ña cáchi a yóho já queá caja vaha ndó jáchi ña yóho cúu á ley cáhnu nu Ndióxi. ⁹ Joo caja ndó cuachi nu Ndióxi tá ndíquehe vaha chága ndó na cujá a juú ga na ndahvi. Ta xihín ña yóho chácaan ley Moisés cuachi jata ndo. ¹⁰ Jáchi vatí naçacu vaha in ñayivi ndihí ley Moisés joo sahá in ñaha coo naçaja na sahá ña cán queá ndójo na cuachi sahá tóco ndihí ley. ¹¹ Jáchi sa mé Ndióxi cáchi a já: “A quihvi nuu ndó xihín ñájihí ñani táhan ndó”, ta já cáchi tucu a já: “A cáhni ndó ndji”, cáchi a. Ña cán queá caja ndó cuachi nu Ndióxi tá sáhni ndó ñayivi vatí co quihvi nuu ndó coo ndó xihín ñájihí ñani táhan ndó. ¹² Nditahan

caja vaha cuití va ndó ta cahan ndaa cuití va ndó jáchi vaxi quivi caja vii Ndióxi saha yó xihín ley mé á ña jáca cu mí. ¹³ Tá co táhnda ini ndó sahá ñayivi já queá a táhnda ini Ndióxi saha ndó tá ná casaa quivi caja vii a sahá cuachi naçaja ndó. Joo tá natahnda ini ndó sahá ñayivi já queá quee vaha ndó tá ná caja vii Ndióxi sahá ña naçaja ndó ñuyivi yóho.

Tá cándéé ini Ndióxi já caja i ña cúni mé á

¹⁴ Cuni joho vaha ndó, ñani mí j, na cúu cuéntá Jesús. Tá cáchi ndó cándéé ini ndó Jesucristo joo co caja ndó ña vaha já queá co yahvi toho nu Ndióxi ña cándéé ini ndó mé á. Ta sahá ña yóho a cúu toho jáca cu Ndióxi ndoghó. ¹⁵ Cúu á tátuhun tá ín in na cúu cuéntá Jesús ta cámanj jáhma candixi na ta cámanj ña cuxu na quivi víti. ¹⁶ Tá cáchi ndo xihín na cán já: “Ná coo vahún ta ná candixi vahún ta ná cuxu vahún”, cáchi ndó xihín ná. Joo co sahan ndó jáhma candixi na ta ni ña cuxu na co sahan ndó nu ná ña cán queá coo chuun cúu ña cáhan ndo xihín ná. ¹⁷ Ña cán queá tá cáchi ndó cándéé ini ndó Jesucristo joo co cúni ndó caja ndó ña vaha, ña cúni Ndióxi caja ndó já queá mé a uun cándusa ndó Jesucristo.

¹⁸ Tá ín in da cúu cuéntá Jesús ta co cúni da caja da ña cúni Ndióxi já queá co jánaha da nuú ñayivi ña mé a ndaa cándéé ini da Jesucristo. Tá ín inga da ta caja tá caja da ña cúni Ndióxi já queá jánaha da nuú ñayivi ña mé a ndaa cándéé ini da Jesucristo. ¹⁹ Tá cándusa ndó ña ín in taláa cuití Ndióxi já queá vaha caja ndó. Jári rí quini cándusa rí ña ín in taláa cuití Ndióxi. Joo co cándusa rí caja rí ña cúni Ndióxi ta yihvi ndivaha rí mé á janda quiji ñinu rí. ²⁰ Á naçatontó jini ndo. Candehé vaha ndó. Tá cáchi ndo cándéé ini ndó Ndióxi joo co náha ndó xihín ña caja ndó ña mé a ndaa cándéé ini ndó mé á já queá coo saha mé va ña caja ndó. ²¹ Á co ndícuahun ini ndó Abraham, tásáhnu jícó yo. Nandíquehe vaha Ndióxi Abraham sahá ña naçaja da ta cáchi Ndióxi ña cúu dá taa ndaa nu mé á jáchi naçandusa mé Abraham cahni da Isaac, jahyi da, ña joco ñahá da nu mé á. ²² Candehé ndo. Tá naçandusa Abraham joco da jahyi da nu Ndióxi já najánaha da nuú ndihí ñayivi ña cándéé ini da Ndióxi. Ta sahá ña naçaja da já naçinu coo da cándéé cáhnu ini da Ndióxi. ²³ Jatá ña naçaja Abraham naçinu coo tuhun Ndióxi tá cáchi a já: “Naçandéé ini Abraham Ndióxi ña cán queá nanduu da taa ndaa nu mé á”, cáchi tuhun Ndióxi. Naçachi na sahá Abraham ña cúu dá da nandique táhan máni xihín Ndióxi.

²⁴ Ña cán queá cándaa vaha ini ña nduu ndaa yo nu Ndióxi sahá ña cándéé ini Ndióxi anda quiahva cándusa í caja í ña cúni mé á. ²⁵ Já nayaha xihín Rahab, mé ña naçica

jii sanahá ndivaha. Nanduu ndaa ñá nu Ndióxi sahá ña nacaja ñá xihín ñayivi Is-rael jáchi nandiquehe vaha ñá java dataa nachindahá Josué ñuu Jericó. Ta nachindeé ñá da ña ná ndijama da íchi nuú cuhun da.²⁶ Ña cán queá tá cáchi yo cándusa í Ndióxi joo co cajú í ña cúnj mé á já queá cúu yó tátuhun ñayivi sa naxihí, na sa cuahan ínima.

3

¹ Cuni joho vaha ndó, ñani mí j, na cúu cuéntá Jesús. A nducú cuaha ndó cacuu ndó na jánaha tuhun Ndióxi nuú ñayivi jáchi cándaq vaha ini ndó ña tá co jánaha ndó ña ndaa já queá jándoho chága Ndióxi ini ndó a juú ga java ga ñayivi. ² Tóco ndihí cajú cuaha yó cuachi. Joo ndá na cuu cahnda chuun nu yúhu ná ña ná a cahan quini a já queá cuu cahnda na chuun nuú yiquí cuñu na viti ña ná a cajú na cuachi ta já xinu coo na cacuu na ñayivi ndaa nu Ndióxi. ³ Á co ndicuhun ini ndó ndaja chícagan na in freno yúhu cuáyí ña ná candaca na ri. Vati loho ndivaha cúu mé freno joo cuu cañehe na ri nu cúnj mé ná cuhun na. ⁴ Candehé ndó in barco. Vati cáhnu ndivaha cúu dó ta vaxi tachí ndeé ndivaha joo mé da ñehe dó cuu candaca da do xihín in timon loho ta cuu cañehe da do cuhun dó nu cúnj mé dá. ⁵ Tá quiahva sáhná na chuun nu cuáyí xihín barco quiahva já cajú í xihín yúhu yo. Vati loho ndivaha cúu mé yúhu yo joo xihín mé yúhu yó cuu cajú cáhnu í mé ví. Candehé ndó ndaja náhnu yúcu jáquihvi ñúhu in titó loho tá ndicava dó nu á ta chícáyí yúcu anda quiahva ndihí sahá. ⁶ Tátuhun in ñúhu cáyí cúu yúhu yo. Cúu á in ña núu ndivaha ndacaan tañu yiquí cuñu í ta játi ví ndihí a mí. Ta cúu á tátuhun ña sa mé indayá sáhan chága ví a ñúhu nu á ña ná cajú quini a ta jándihí a saha yo. ⁷ Vati ñayivi cándéé na sáhnú na nu tóco ndihí quítí xihín laa xihín coo xihín quítí ñúhu tañuhú ta cúu sáhná na chuun nu ri. ⁸ Joo ni in ñayivi a cuú cáhnu na yúhu na jáchi co sáji yo yúhu yo tá cahan quini sahá ñayivi. Cúu á tá quiahva cajú coo tá tñi ri ñayivi chícagan ri veneno ri na já sáhní ri na. ⁹ Xihín mé yúhu yo cuahá tañu cajú cáhnu í Ndióxi ta sa xihín mé yúhu yo yóho cángá yo xihín ñayivi, na nacavaha Ndióxi yuhú nuú mé á. ¹⁰ Ndá tañu cahan vaha í xihín yúhu yo ta java tañu quini cahan yo xihín mé yúhu yo. Candehé ndó, ñani mí j, na cúu cuéntá Jesús. Co ndítahan toho cajú í ña yóho. ¹¹ Jáchi cúu á tátuhun in chicho ho nu cána ticuúí. A cuú cana ticuúí viji xihín ticuúí ova ini in chicho ho. ¹² Ta sa xini vaha ndó, ñani mí j ña in titó ñuhú co sáhan dó aceituna jáchi cúu dó titó ñuhú va. Já in yucu vava co sáhan toho a titó ñuhú jáchi cúu á yucu mé

uva va. Ña cán queá sa xini vaha ndó ña co ñúhu ticuúí viji xihín ticuúí ova ini in chicho ho.

Ndaja ín na ndíchi jini cuéntá Ndióxi

¹³ Tá ín in taa ndíchi, da tácu ini tañu ndó já queá ndítahan cajú vaha da ta xihín ña yóho jánaha da nuú ñayivi ña cúu dá taa ndíchi. Tá co cajú lánda da sahá ña cajú da já queá jánaha da nuú ñayivi ña mé a ndaa cúu dá taa ndíchi. ¹⁴ Tá ná ndicutú ndaa ini ndó xihín ña ihvi ini ndó já queá a cahan ndó cúu ndó na ndíchi. Ta tá ná cajú ndó ñaha sahá ña cúnj ndó ndínehe jícó ndó mé ndó já queá a cahan ndó ña cúu ndó na ndíchi. Jáchi mé da ndíchi co cajú cáhnu da mé dá ta co cahan túhún da jáchi mé a ndaa cúu dá taa ndíchi. ¹⁵ Joo tá cajú cáhnu da mé dá já queá cándaq ini ndó ña co ndíchi jini dá nu Ndióxi jáchi tuhun cahan da coo naquixi a indivi nu ín Ndióxi. Cahan da tuhun ñayivi ñuyiví yóho va ta jini mé va da vaxi a. Ta tuhun cahan da cúu á tuhun núu, ña quixi nuú tiñáhá sacuaqa. ¹⁶ Jáchi nu ndúu na ihvi ini mé cán ndúu na co cúnj táhan ta sa mé cán cáni táhan na ta cajú na tóco ndihí nuú cuachi. ¹⁷ Joo na ndíchi jini cahan na tuhun quixi indivi nu ín Ndióxi. Ndinuhu ña vaha cajú na ta co xójo ini na xihín ñayivi. Cajú cáhnu ini na sahá ñayivi. Co xixi ini na xihín ñayivi jáchi táhnda ini na saha ná. Cajú na ña vaha cuití va. Cahan na ña ndaa cuití va ta co jándahvi na ñayivi. ¹⁸ Vati cúnj ñayivi cáni táhan na xihín na ndíchi joo ndúcu na coo vaha ini na xihín ndihí ñayivi ta já cúu ná ñayivi ndaa nu Ndióxi.

4

A cándico toho ndó íchi cuéntá na ñuyiví

¹ Ndávaha ri cáni táhan ndó ta já quihvi ndó tondóho tañu ñayivi. Cáni táhan ndó sahá ña ndicaji ini ndó cajú ndó cuahá nuú cuachi ña xica ínima ndó. Ta cúu á tátuhun cáni táhan ña vaha xihín ña núu ini ínima ndó ² jáchi xica ini ndó coo cuahá ñaha nu ndó joo a cuú ñehe ndó a. Ña cán queá sáhní ndó ñayivi já ñehe ndó ña cúnj ndó. Cáñihvi ini ndó tá xini ndó ñaha inga na ta a cuú ñehe ndó a, ña cán queá cáni táhan ndó xihín ná. Joo co ñehe ndó ña cúnj ndó jáchi co xica táhvi ndó nu Ndióxi sahá ñaha cámaní nu ndó. ³ Tá xica ndó ñaha nu Ndióxi ta co sáhan mé á ñaha nu ndó já queá cándaq vaha ini ndó ña co ín vaha ínima ndó nu Ndióxi jáchi nasacu ini ndó cajú ndó ña cúnj mé cuití ndó. ⁴ Tá quiahva cajú ñañáhá tá jándahvi ña yí ña xihín inga dataa quiahva já cajú ndó cuachi ña co táhan ini Ndióxi xihín. A co cándaq ini ndó ña tá ná cajú í tá quiahva cajú ñayivi ñuyiví yóho já queá ndúu na co cúnj táhan xihín Ndióxi. Ta a cuú ndique táhan máni yó xihín mé á tá ná cajú í ña núu ñuyiví yóho. ⁵ Jáchi sa xini vaha ndó

ña lín saha cáhan tũhun Ndióxi tá cáchi a já: “Nachiçaan Ndióxi ínima yij mé á ini in in í jáchi cúnj ndivaha mé a mí ta chí táhvi ndivaha ini a saha yo.”⁶ Joo cája Ndióxi cuahá ga ñamanj xihjñ yo ta chíndeé a mí. Já cáchi tũhun Ndióxi já: “Co táhan ini Ndióxi xihjñ ñayivi, na ndíñehe jíco mé. Joo chíndeé Ndióxi ñayivi vaha, mé na ço ndíñehe jíco mé”, cáchi tũhun Ndióxi.⁷ Ndiçuihva ndó mé ndó ndáha Ndióxi ta chicaji ndó ínima ndo nuú tiñháha saçuahá ná a cája ndó ña cúnj rí. Anda jávi cunu rí cuhun rí.⁸ Cayati ndó nu Ndióxi ta já cayati Ndióxi nu ndo. Jandicoo ndó cuachi cája ndó ta ndaja vii ndó ínima ndo ña ná candico ndó in tũhún íchi cuéntá Jesús cuití va.⁹ Cajuchú ini ndó ta ndahyi cóho ndo sahá cuachi cája ndó. Ndjijama ndó ña cájij ini ndó ta ná nduu a ña cacuéha ini ndó sahá cuachi ndó.¹⁰ A ndíñehe jíco ndo mé ndó nu Ndióxi já queá ndíñehe jíco Ndióxi ndohó.

A cáhan núu ndó saha inga na

¹¹ Candehé ndo, ñani mí j, na cúu cuéntá Jesús. A cáhan núu saha táhan ndó ta a candehé ndaa táhan ndó. Jáchi ndá da cáhan núu sahá inga na já cáhan núu da saha ley Ndióxi tá sáji nuu da nu ley. Co ndítahan nu yo caji nuu í nu ley Ndióxi jáchi tá cája í já já queá quehe núu í ley Ndióxi ta sándehe ndaa í ña. Ña ndítahan nu yo caji í queá candúsa í ña tá caji í ña.¹² Jáchi in tũhún Ndióxi nasahan ley nu yo. Ta mé Ndióxi cúu á juéxe cáhnu nuú ndihi ñayivi ta mé á cuu caji vii a sahá cuachi. Ndióxi cuití va cuu jácacu mí ta sa mé Ndióxi cuu chindahá mí indayá. Ña cán queá ço ndítahan nu yo candehé ndaa táhan í.

Tá cáhan í sahá ña caji í itaæn

¹³ Ndúu java na tañu ndó ta cáchi na: “Viti á itaæn cuhun tá cuhun nde in ñuu cáhnu ta cán canduu nde in cuja caji chúun nde ta ñehe cuahá nde jjuhún”, já cáchi java na. Tá cáhán ndo já ndítahan cuni joho vaha ndó ña cáhan í xihjñ ndo.¹⁴ Co xinj toho ndó ndia ndoho ndó itaæn. Co xinj toho ndó ndá quivi quivi ndó. Cúu ndó táhuhun in viço ña lín too loho ta tá ndandihni tá çoó a.¹⁵ Vaha chága ná cachi ndó já: “Catacu nde quivi itaæn tá cúnj Ndióxi. Ta caji nde ña jan á ña yóho tá cúnj Ndióxi”, já cachi ndó.¹⁶ Joo cája cáhnu ndó mé ndó tá cáchi ndó ña cándaq ini ndó ndia ndoho ndó quivi itaæn. Ta núu ndivaha cája ndó tá cája cáhnu ndó mé ndó.¹⁷ Cuachi ndacaan nuú na tiahva caji ña vaha ta ço cája na ña.

5

Cáhan Santiago nuú na cuicá

¹ Cuni joho vaha ndó na cuicá. Ndítahan nu ndó ndahyi cóho ndo ta táhnda ini ndó

jáchi vaxi quivi ndoho ini ndó.² Naçasahá táhyi tóco ndihi ñaha najátaca ndó ta nasaxi ndihi tiquiji jáhma ndo.³ Naçuju ndihi jjuhun cuáan xihjñ jjuhun cúxú ña najátaca ndó catacu vaha ndó quivi chága chí nuu. Joo ço yáhi ga viti jáchi vaxi quivi tá ñaha ña naçajihnda ndivaha ndó xihjñ jjuhun ndó. Tá quiahva jándihni ñuhú cáyi sahá tutu quiahva já ndihi saha ndó tá chínuu ndó ínima ndó jatá jjuhún ndó.⁴ Candehé ndó. Mé ndó çoó naçahvi ndó mozo ndo tá najácaja chúun ndó na nuú utu ndó. Ta viti sácu cóho na ndáca na cuéntá nu ndo. Ta tá xíca táhvi ná nu ndo já queá anda nu Ndióxi, mé á cáhnu ndivaha, xinu ço ña cáhan na xihjñ ndo.⁵ Mé ñuyivi yóho ndúu vaha ndó xihjñ ña cuicá ndo ta cája ndó ña xíca ini cuití va ndó. Xíxáhan vaha ndó ta viti nandaha ndó táhuhun tñdiqui, rí najándaha chuun na cahni na.⁶ Ta chícaan ndó cuachi jatá ñayivi ndaa ta ndá tañu sáhní ndó ñayivi vaha, mé na a cuú chíndeé mé.

A cándati númij ndó quivi quixi tucu Jesucristo

⁷ Candehé ndo, ñani mí j, na cúu cuéntá Jesús. A ndihi ini ndó ta cuéé coo ini ndó candati ndó quivi quixi tucu Jesucristo, mé a cúu xitoho í. Tá quiahva ndati in dataa jáquee da nuú utu da quiahva já ndítahan candati Jesucristo ña quixi tucu a. Jáchi sa xinj ndo ndaja cája in dataa tá ndati da cuun vaha javi nuú tata ña naçihhin da. Joo ço ndati númij dá ña ná jáquee da nu á.⁸ Quiahva já ndítahan cuéé coo ini ndó candati ndó quivi quixi tucu Jesucristo. Cacu ndacu ndó ínima ndo jáchi jalóho cúnj ndinda quivi quixi tucu Jesucristo.⁹ Candehé ndo, ñani mí j. A cáhan cuachi nu táhan ndó ná a jándoho Ndióxi ini ndó. Ta viti jalóho cúnj quixi Ndióxi, ña cúu juéxe cáhnu caji vii a sahá cuachi ñayivi.¹⁰ Á ço ndicuhun ini ndó, ñani mí j. Sañahá ndivaha mé na profeta Ndióxi naçahan na tũhun Ndióxi nuú ñayivi. Tá quiahva nasahan ndeé ini na tá nandoho ini na quiahva já ndítahan nu mí quiahva ndeé ini tá ná casa quivi ndoho ini.¹¹ Ta ñehe táhvi mé profeta ña cájij ini na viti jáchi nasahan ndeé ini na tá nandoho ini na. Á çoó naçini joho ndó saha in da naní Job. Vati nandoho ndivaha ini da joo nasahan ndeé ini da tá nandoho ini da já queá naçaja cuahá Ndióxi ñamanj xihjñ dá. Xihjñ ña yóho cándaq ini ña táhnda ini Ndióxi sahá ñayivi jáchi quihvi ini a na.

¹² Cuni joho vaha ndo, ñani mí j jáchi cáhnu chága tũhun yóho nuú ndihi tũhun. Co ndítahan tává ndo quivi indivi ni quivi ñuyivi ni quivi inga ñaha. Jáchi ndítahan cáhan ndó ña ndaa cuití va. Ta tá ndúcú ñehe ndó tũhun já cáchi ndó já: “ajan”, á tá çoó já

cáchí ndó: “uhun.” Já cuití va cachi ndó ná a jándoho Ndióxi ini ndó.

¹³ Tá íin in na ndóho ini tañu ndó, ndítahan nu ná caça tahví na nu Ndióxi sahá ña ndóho ini na. Tá íin in na cájji ini tañu ndó, ndítahan nu ná cata na nu Ndióxi já ná caja cáhnu na mé á. ¹⁴ Tá íin in na quíhvi tañu ndó já queá ndítahan nu ná caça na ñamanj nuú na saçuaḥa veñuhu ña ná quixi na caça tahví na nu Ndióxi saḥa ná. Ta ná cuyu na síti jini na quíhvi ña ná ndivaḥa na. ¹⁵ Ndítahan nu ndó candeé ini ndó Ndióxi tá ná caça tahví ndo nu á saḥa na quíhvi já queá ndivaḥa na quíhvi caja Ndióxi. Ta tá naçaja na cuachi já queá caja cáhnu ini Ndióxi saḥa cuachi na. ¹⁶ Ña cán queá ndítahan nu ndó nahma nu táhan ndó cuachi ndó. Ta ndítahan nu ndo caça tahví ndo nu Ndióxi saḥa ndaja táhan ndo já queá ndaja vaḥa Ndióxi ndohó tá quíhvi ndo. Jáchi chíndeé Ndióxi ñayivi vaḥa tá xihín ndinuhu ínimá ná xica tahví na nu mé á. ¹⁷ Á ço ndícuhun ini ndó da naní Elías, da naçacuu profeta sanahá. Naçacuu da ñayivi tátuhun mí. Ta xihín ndinuhu ini da naçica tahví da nu Ndióxi ña ná a cúun javi. Ña cán queá tañu uní cuia java çoó naçuun toho javi. ¹⁸ Ta tá nandihí cán naçica tahví tucu da nu Ndióxi ña ná casahá cuun tucu javi. Ña cán queá naçasahá cúun tucu javi chí nanana ndihí yucu cuí ñundáhyi cán.

¹⁹ Candehe vaḥa ndó, ñani mí i, na cúu cuéntá Jesús. Tá íin in na tañu ndó ta najándicoo na íchi cuéntá ña ndaḥa ta tá in ndó najándico ço ndó na cán ña ná caca tucu na íchi cuéntá Jesús ²⁰ já queá najáçacu ndó mé na cán ña ná a cuhun toho na indayá. Ta já caja cáhnu ini Ndióxi saḥa cuahá cuachi naçaja na.

Cártá nacahyí Pedro nu cuítí

Cáhan Ndióxi Pedro xihín na cúú cuéntá Jesús

¹ Yehé cúú Pedro ta cúú u in apóstol cuéntá Jesucristo. Ta chindahá i Ndióxi coo ndó, na naçaxi mé á jáchi cúú ndó na toho ñuu jan sahá ña nataxi ñayivi ndohó ñuu ndó. Ta viti nandicuita nuu ndó ndúu ndó estado Ponto xihín estado Galacia xihín estado Capadocia xihín estado Asia xihín estado Bitinia. ² Cúú ndó na naçaxi Ndióxi, tátá yo jáchi janda saha nasacu ini mé á caja já xihín ndó. Ta xihín inima yji mé á nandaja ndohó ña ná nduu ndó cuéntá mé á já ná caja ndó ña sáhdá a nu ndó caja ndó. Ta naçaxi a ndohó já ná ndivií ndó xihín ni Jesucristo. Ná caja cuahá ndivaha Ndióxi ñamaní xihín ndó ta ná caja mé á ña ná coo vaha ndivaha ini ndó.

Jáçacu Ndióxi ñayivi

³ Ná caja cáhnu yo Ndióxi, mé á cúú tátá Jesucristo, xitoho í jáchi táhdá ndivaha ini mé á saha yo ta naçaja ña tácu yo cuéntá mé á viti. Já naçaja jáchi nanditacu tucu Jesucristo ta mé a ndaa cándaá vaha ini ña jáxinu coo Ndióxi tühun a nasahan nu yo. ⁴ Ta nasacu ini a quiahva cuahá ndivaha ña vaha in indivi cán nu ndó. Mé ña vaha in cán a çúú ndihi sahá ta ni çó ichí a ta a cáyatá toho ña. Ta nasacu vaha Ndióxi mé ña vaha in indivi cán anda tándaá quivi saa ndó cán. ⁵ Cándéé ini ndó Ndióxi sahá ña cán quéa xihín ndéé mé á chindeé a ndohó nuú ña lhvi vaxi nu ndo anda xinu coo quivi nu ndíhí. Janda jávi cuni ndó ndá quiahva jáçacu a ndohó.

⁶ Ña cán quéa ndítahan nu ndó cajji ndivaha ini ndó viti vatí vaxi quivi ndoho ini ndó sahá tondóhó quixi nu ndó. ⁷ Tá ná candéé cáhnu ini ndó Ndióxi cúú á tátühun jiuhun cuáán. Ta tá quiahva cája in dataa tá jáyaha da jiuhun cuáán nu ñuhú cáyi ña xito ndojó da ña quiahva já cája ri Ndióxi coto ndojó a ndohó ña ná naha ña mé a ndaa cándéé cáhnu ini ndó mé á. Ta ndiyahvi chága ña cándéé ini ndó mé á a juú ga jiuhun cuáán, ña ndihi saha. Ña cán quéa tá ná quixi tucu Jesucristo já çahan vaha mé á sahá ña naçaja ndó ta já ndaja cáhnu a ndohó jáchi nandéé ini ndó mé á.

⁸ Quíhvi ini ndó Jesucristo ta cándéé ini ndó a vatí a ñáha cuni ndó a. Ña cán quéa naçaan ndó cajji ini ndó ta ña yóho cúú á ña cáhnu ndivaha nu mé á. Ta ni çó ñéhe ndó tühun ndá quiahva ndicani ndó ña yóho nuú ñayivi. ⁹ Cájji ini ndó jáchi cándaá ini ndó ña

jáçacu Ndióxi ndohó sahá ña cándéé ini ndó mé á.

¹⁰ Anda sanahá ndivaha najáyaha na profeta tühun naçahan Ndióxi xihín ná nuú ñayivi. Ta cáchi na ña vaxi quivi caja cuahá Ndióxi ñamaní xihín ñayivi ña jáçacu a na nuú cuachi na. Ta vatí najácuaha na tühun mé á joo coo naçandaá ini na ndaja caja Ndióxi jáçacu a ñayivi. ¹¹ Ta ñúhu inima yji Jesucristo ini inima na profeta ta naçaja mé á ña ná çahyí na nuú tutu ña naçahan mé á xihín ná. Ta naçahyí na ña vaxi quivi ndoho ndivaha ini Jesucristo joo tá nandihí já ndicáhnu ndivaha mé á. Ta nanducú na cán candaá ini na yo cacuu Jesucristo ta ndá tiempo cacu a. ¹² Naçaja Ndióxi ña ná candaá ini na profeta ña a yáha yachi toho ña naçahyí na nuú tutu jáchi cacuu a ña coo tiempo vaxi chí nuú. Jáchi saha mé ndó naçahyí na ña nuú tutu ta java ñayivi sa naçaxi tühun na mé tühun vaha saha Jesucristo nu ndó. Ta nandahá Ndióxi mé inima yji mé á ña ná quixi a indivi ta naçhindeé a na ña ná çahan na tühun vaha saha Jesucristo nu ndó. Ta janda mé tátó Ndióxi cuni na candaá ini na ña yóho.

Ndítahan nu yo caja í tá quiahva cája Ndióxi

¹³ Ña cán quéa caja tiaha ndó xini túni ndó ña ná caja ndó ña cuni Ndióxi. Cáhnu ndó xini túni ndó ta coo tiaha ndó candati ndó ná jáxinu coo Ndióxi tühun a ña caja cuahá mé á ñamaní xihín ndó tá ná xinu quivi quixi tucu Jesucristo. ¹⁴ A cácuu ndó ñayivi saá ini jáchi cúú ndó jahyi Ndióxi. Co ndítahan ga cája ndó ña núu ña naçixa ini ndó caja ndó tá cámaní candaá ini ndó tühun Ndióxi. ¹⁵ Ña ndítahan caja ndó quéa caja ndó ña cuni Ndióxi xihín ndinuhu ini ndó já ná cacuu ndó ñayivi yji. Jáchi Ndióxi, mé á naçaxi ndohó cúú á ña yji. ¹⁶ Jáchi já cáchi tühun Ndióxi: “Ndítahan cacuu ndó ñayivi yji jáchi yehé cúú u Ndióxi yji.”

¹⁷ Ta tá ná cachí ndó “tátá Ndióxi” já ndítahan caja cáhnu ndó a nani ndúu ndó ñuyivi yóho. Jáchi mé á cája vií a sahá ña cája in in ñayivi ta çó sáhní toho a mé á ndá ñayivi cúu ná. In nuú cája mé á xihín ndihí na. ¹⁸ Jáchi mé Ndióxi najáçacu a ndohó nuú ndihí ña núu naçaja ndó sanahá. Ta ña yóho cúú ña naçatiahva ndó naçaja tásañnu jíc ndó. Ta sa cándaá vaha ini ndó ña coo nachahvi Jesucristo sahá cuachi ndó jan xihín jiuhun cuáán a xihín jiuhun cúxú, ña ndihí saha. ¹⁹ Ña naçaja mé á quéa nachahvi a sahá cuachi ndó xihín ni mé á, dó yahvi ndivaha. Naçitá do cán tá naçihí a ndiça crúxu vatí coo naçaja mé á cuachi. Najoco a mé á nu Ndióxi sahá cuachi tá quiahva naçajaja ñayivi tá najoco na in ndicachi vií nu Ndióxi sanahá sahá cuachi na. ²⁰ Tá

cámanj cava sáhá saha ñuyivi já nasacu ini Ndióxi quivi Jesucristo sahá cuachi ñayivi. Tá naxinu tiempo já naquixi a ñuyivi ña ná chindeé a ndohó. ²¹ Xihin ña ñacaja Jesucristo cándéé ini ndó Ndióxi viti, mé á najánditacu a Jesús ta ñacaja cáhnu ndivaha Ndióxi Jesús. Sahá ña ñacaja Ndióxi cándéé ini ndó mé á ta ndáti ndó xinu quivi quiahva mé á ña vaha, ña ñin indivi nu ndó.

²² Ta viti ñacasáha ndo cája ndó ña ndaa já nandaja vii ndó ñima ndo ña ná quihvi ini ndó ná cúu cuéntá Jesús. Sahá ña cán queá xini ñuhú quihvi ini ndó ná xihin ndinuhu ini ndó. ²³ Cúu á tátuhun ñacacu tucu ndó joo á juú ñayivi ñacaja ña ñacacu tucu ndó. Jáchí cúu á sahá ña cándéé ini ndó tũhun Ndióxi, ña co ndihi saha anda ama cáa quivi. Sahá ña cán queá cúu á tátuhun ñacacu tucu ndó ñacaja tũhun Ndióxi. ²⁴ Jáchí já cáchi tũhun Ndióxi:

Tóco ndihi ñayivi cúu ná tátuhun yucu cuí ña cáa yúcu ña ndihi yachí saha.

Ta tóco ndihi ña náhnu cája na cúu á tátuhun in ita cánúu nuú yucu cán.

Jáchí mé yucu cán ichí a ta ndicava ita nu á ta quiahva já ndihi ri sahá ña cája na cán.

²⁵ Joo tũhun Ndióxi, xitoho í a ndihi sahá anda ama cáa quivi.

Ta mé tũhun yóho cúu á ña sa ñacaxi tũhun i xihin ndo. Ta cúu á tũhun vaha cáhan sahá Jesucristo.

2

¹ Xini ñuhú jándacoo ndó tóco ndihi ña núu cája ndó ta a jándahvi ga ndó ñayivi. Nditahan cacuu ndó tá quiahva ndaa ndó ta a cáhivvi ga ini ndó ta a cácuu ga ndó ñayivi ndahndá yúhu. ² Tá quiahva cája na valí ndúcu ná chichí na quiahva já ndítahan ndinducú ndó candaa ini ndó tũhun Ndióxi já ná cuu cuahnu ndó xihin á ña ná jácacu Ndióxi ndohó. ³ Tá ná caja ndó já jánaha ndó ña mé a ndaa táhyi ñacandaa ini ndó ña vaha ndivaha ini Ndióxi, xitoho í.

Jesús cúu á tátuhun in yuu cáhnu ndacaan titó vehe

⁴ Cayati ndó nuú Jesucristo, xitoho í jáchí tácu va mé á ta cúu á tátuhun yuu ndúhu ña ñacandají da cávaha vehe. Joo nu Ndióxi cúu Jesucristo tátuhun in yuu vaha ndivaha ña ñacaxi a. ⁵ Ta caja Ndióxi xihin ndohó ña ná cacuu ndó tátuhun yuu tácu ta cavaha Ndióxi veñuhu mé á xihin ndihi ndó. Ta sa cúu ndó jutú yí nu á. Ta sahá ña ñacaja Jesucristo xihin ndó cuu joco ndó mé ndó caja ndó ña cúní mé cuití va jáchí ña jan queá cájii ini Ndióxi xihin. ⁶ Sahá ña cán queá cáchi tũhun Ndióxi tá cáhan sahá Jesús já cáchi a já:

Yehe ñasacu y in a ñuu Sión ta cúu á tátuhun in yuu ndúhu ta mé yuu yóho cúu á ña ñacaxi mí j ta cúu á ña yahvi ndivaha. Ta ndá na ná cándéé ini mé á a cándoo núu toho na caja i, cáchi tũhun Ndióxi.

⁷ Mé yuu cáhan Ndióxi saha yóho cúu á Jesucristo ta ndiyahvi ndivaha nu mé ndó jáchí cándéé ini ndó a. Joo na co cándéé ini Jesús na cán cúu ná jáxinu nuú tũhun Ndióxi tá ñacaxi a já:

Mé yuu ndúhu, ña ñacandají da cávaha vehe, ñandu a yuu ña ñin chága saha.

⁸ Ta ñin inga tucu nu cáchi a sahá Jesús:

Cúu á tátuhun in yuu cáhnu nuú cáchihin saha ná ta jándicava a na, cáchi tũhun Ndióxi.

Ta mé na cán cáchihin saha ná jáchí co cúní na cuni joho na tũhun vaha cáhan saha Jesucristo. Ta janda saha ñasacu ini Ndióxi ndoho na.

Ñayivi, na cúu cuéntá mé á

⁹ Joo mé ndó cúu ndó na ñacaxi Ndióxi ña ná nduu ndó na vehe mé á. Ta ñandu ndó jutú cuéntá mé á ta mé á cúu á rey. Ta cúu ndó in táhndá cáhnu ñayivi yí ndacaan ndó in ñuu ña ñandiquehe Ndióxi cacomí a cuéntá saha. Ta ñacaxi Ndióxi ndohó ña ná cáhan ndó xihin ñayivi ndaja ndaa ña náhnu cája Ndióxi. Mé a ñacana ndohó tá ñasandu ndó nuú naa cán já ná quixi ndó nuú ndató ndivaha yehe nu ñin a. ¹⁰ Coó ñasacuu toho ndó ñayivi cuéntá Ndióxi jihna joo viti cúu ndó cuéntá mé á. Coó ñatahvi ini Ndióxi saha ndó jihna joo viti táhvi ini a saha ndo.

Xini ñuhú caja í ña cúní Ndióxi

¹¹ Candehé ndo, ñani i. Xíca tahvi j nu ndó, na cúu tátuhun na ndúu ñuu tóho jáchí indivi cúu ñuu ndó. Sahá ña quihvi ini j ndohó sahá ña cán queá xíca j ñamanj nu ndo ña ná a cája ndó ña xíca ini yiquí cuñu ndó caja. Jáchí cúu á tátuhun cani táhan yiquí cuñu ndó xihin ñima ndo. ¹² Mé ndó ndúu ndó tañu ñayivi ñuyivi, na co xíca ichí cuéntá Ndióxi. Xini ñuhú caja vaha ndó já ná cuni na jan ndá quiahva cája ndó. Vatí viti cáhan núu na saha ndo ta cáchi na ña cúu ndó na quini joo tá ná cuni na ña vaha cája ndó já queá caja cáhnu na Ndióxi tá ná xinu quivi caja vii mé á saha tóco ndihi ñayivi.

¹³ Sahá ña cája cáhnu ndó Jesucristo, xitoho í xini ñuhú coo joho ndó nu sáhndá na jutixia ndúu ñuyivi yóho nu ndo. Coo joho ndó nu cáhan presidente, da ndójo chuun cáhnu chága. ¹⁴ Ta coo joho ndó nu sáhndá da cúu gobernador jáchí mé presidente cúu da sáhndá chuun nuú gobernador ña ná caja vii da sahá na co cája vaha. Ta ndítahan nu dá cáhan vaha da sahá na cája vaha. ¹⁵ Cúní Ndióxi ña ná caja vaha ndó. Já queá na tónto jiní, na co xíca ichí cuéntá Ndióxi cuni na ña

vaha cája ndó já ná a ñéhe íní na cahan núu na saha ndo.

¹⁶ Vatí najani ndó ndáha ley Moisés ña nasacomi cuéntá saha ndó jihna joo co cuni cachi a ña núná nu ndó caja ndó ndá cuachi cuni ndo. Jáchí xini ñúhú ndicuhun ini ndó ña cúu ndó na cája chún cuéntá Ndióxi viti. ¹⁷ Xini ñúhú coo toni ñúhú ndo xihin tóco ndihi ñayivi. Ta ndítahan quihvi ini ndó na cúu cuéntá Jesús. Ta ndítahan nu ndó caja cáhnu ndó Ndióxi. Ta ndítahan coo toni ñúhú ndó xihín da cómi chuun ñuyiví yóho.

Coo nacahan núu Jesús xihín na nacaja xixi xihín á ta quiahva já ndítahan caja ri mé ví

¹⁸ Ndóhó, na cómi xitoho cuéntá saha xini ñúhú caja ndó xihín ndinuhu ini ndó ña sáhdá xitoho ndó nu ndo. Ta a ndífehe yúhu ndó nu ná. Coo a caja toho a á cúu ná ñayivi xixi ini xihín ndo á cúu ná na quihvi ini ndohó, na co jándoho nahá ini ndó. ¹⁹ Sa xini ndó ña cuni Ndióxi caja ndó. Saha ña cán queá caja ndeé ini ndó tá cája xixi na xihín ndó saha in ñaha coo nacaja ndó. Jáchí sahá ña yóho cajji ini Ndióxi xihín ndó. ²⁰ Vatí cája ndeé ini ndó tá ndóho ini ndó sahá cuachi nacaja ndó, co ñéhe táhvi toho ndó ñamaní nu Ndióxi. Joo tá cája ndeé ini ndó tá ndóho ini ndó sahá ña vaha cája ndó já queá cajji ini Ndióxi xihín ndo. ²¹ Jáchí sahá ña yóho nacana mé á ndohó. Ta najánaha Jesucristo ña yóho nu ndo tá nandoho ini mé á saha ndo vatí coo nacaja mé á cuachi. Ta ña yóho cúu in quiahva nasacu a caja ndó. ²² Ni in túhún toho tañu coo nacaja mé á cuachi ta ni in túhún tañu coo najándahvi a ñayivi. ²³ Tá nacasáhá na canahá quini na xihín á coo nanducú ñehe mé á tuhun quini nu na. Ta tá najándoho na ini a coo nasacu ini a caja núu a xihín na cán. Ña nacaja mé á queá nasacu ndihi a ña ndáha Ndióxi, mé a cája víi ndaa saha tóco ndihi ñaha. ²⁴ Mé Jesucristo nandicojo a cuachi jatá yiquí cuñu a cahan tá naxihí a ndjca cruxu. Ta cúu á tátuhun naxihí yó nuu cuachi ña ná cuu catacú cuéntá mé á tá ná cája í ña vaha cuití va. Najándicuehe na Jesucristo ña ná cuu ndivaha mé ndó. ²⁵ Jáchí mé ndó naxjca nuu ndó ñuyiví yóho tá quiahva xica nuu in ndicachi, ri nandíñúhú nuu xitoho. Joo viti nandico coo ndó nu Jesucristo ta mé a cán ndáá a ndohó tá quiahva ndáa in datqa ndicachi jana dá. Ta co jándacoo ndáha mé á ndohó.

3

Ña ndítahan caja na sa natandqha

¹ Candehé ndó, najihí, na ndúu yí. Xini ñúhú caja ndó ña sáhdá yí ndó nu ndo. Já queá tá co cándusa da tuhun Ndióxi cuu xinu ini da candúsa da ña sahá ña cája ndó ta a

juú ga sahá ña cáhan ndó xihín dá. ² Jáchí tá ná cuni yí ndó ña cája vaha ndó ta cáhan toni ñúhú ndó xihín dá já queá cuu jáxinu ndó ini da xihín ña cája ndó. ³ A ndíhi nahá ini ndó cája cutú ndó mé ndó xihín ñaha ña cuu canaha lándá ndó xihín, tátuhun ña chuhun lándá ndó yútu jini ndo á tátuhun ña cañuhu lándá jiqui jico ndo. Ta a ndíhi ini ndó cañuhu lándá jéhe ndáha ndo. Ta a ndíhi ini ndó candixi ndó jáhma lándá. A ndíhi ini ndó saha tóco ndíhi ña yóho. ⁴ Ña ndítahan ndíhi ini ndó sahá cúu ña ndiyahvi nu Ndióxi. Ta ña yóho cúu in ínimá ña nandicutú xihín ña vaha já ná coo víi ini ndó. Tóco ndíhi ña yóho cúu ña co ndíhi saha. ⁵ Jáchí quiahva já ñúhí ndivaha nasacaja najihí yí, na nasacu cuéntá Ndióxi sanahá. Nacandéé ini na Ndióxi ta nacaja na chuun nasahnda yí ná nu ná. ⁶ Quiahva já ñúhí ndivaha nacaja ña nasananí Sara tá nacandúsa ña yí ña, da nasananí Abraham. Ta mé ña cán nacachi ña sahá Abraham ña cúu dá xitoho ña. Ta viti mé ndó cúu ndó tátuhun jahyi mé Sara cán tá cája ndó ña vaha ta tá co yihví ndo ni in ñaha.

⁷ Ta jari ndóhó va dataa, da ín ñájihí, a cája ndivaha ndó xihín ñájihí ndo. Coo toni ñúhú ndó xihín ña jáchí cúu ña ña chíjín chága nu mé ndó. Ta ñamaní, ña nasacu ini Ndióxi quiahva nu ndóhó, dataa, nasacu ini mé á quiahva ri a nuu ña cán va. Saha ña cán queá ndítahan caja vaha ndó xihín ñájihí ndo já ná cuni johó Ndióxi ña xica táhvi ndó nu á.

Ndóho ini java na sahá ña vaha cája na

⁸ Candehé ndo. In ndítahan cacuu ndíhi ndó. Co ndítahan cahnda táhan ndó. Ndítahan quihvi ini táhan ndó tátuhun in cúu táta ndíhi ndó. Ta ndítahan candahví ini ndó ñayivi. Ta coto a ndífehe jícó ndo mé ndó. ⁹ Tá ná cája núu ñayivi xihín ndo a ndicó coo ndó cája ndó já xihín ná. Ta ni tá ná canahá na xihín ndo a ndicó coo ndó canahá ndó xihín ná. Vaha chága ná caca táhvi ndó nu Ndióxi ña ná cája vaha mé á xihín na cán. Ta nacana Ndióxi ndohó ña ná cája mé á ñamaní xihín ndo. ¹⁰ Jáchí já cáhí tuhun Ndióxi já:

Ndá na cuni canduu nahá ñuyiví yóho ta co cuni na quixi tondóhó nu ná nani ín na yóho,

já queá ndítahan nu ná candaa na yúhu ná já ná a cáhan quini na.

Ta quiahva já ndítahan candaa na yúhu ná já ná a cáhan na ña tuhún.

¹¹ Ndítahan caxoo na nu tóco ndíhi ña núu ta cája na ña vaha cuití va.

Ta ndítahan ndinducú na ña coo vaha ini na xihín ñayivi ta a jándacoo na cája na ña.

¹² Jáchí ndáá Ndióxi na cája ndaa,

ta taa joho a nu cahan na ta xica tahvi na nu me a.

Joo xojoni a xihin ñayivi caja cuachi, ja cachi tuhun Ndióxi.

¹³ Ni in ñayivi a cuú ndusa caja xixi xihin ndó tá ná ndihi ini ndó caja ndó ña vaha.

¹⁴ Joo tá caja xixi na xihin ndó vatí caja ndó ña vaha, tahvi nahá ñacuu ndó. A cáyihvi toho ndó ñayivi ta a ndicani toho ini ndó.

¹⁵ Ña ndítahan caja ndó quea caja cáhnu ndó Jesucristo, xitoho í xihin ndinuhu ínimá ndo. Ta xini ñúhú coo tiahva ndó nducú ñehe vii ndó tuhun nuú ñayivi, na cuni candaa ini sahá ña candeé ini ndó Jesús. Ta ná coo toni ñúhú ndó xihin ná ta a ndíñehe jíco ndó mé ndó nani ndicani ndó tuhun Ndióxi nuú na cán. ¹⁶ Ndítahan caja ndó ña vaha já ná a cácahan nuú ndo. Ta tá cahan nuú na saha ndó sahá ña cúu ndó cuéntá Jesús ja quea cacahan nuú mé na cán sahá tuhun nuú cahan na saha ndó. ¹⁷ Ta tá mé Ndióxi quea cuni ña ná ndoho ini ndó já quea vaha chága ná ndoho ini ndó sahá ña vaha caja ndó a juú ga sahá ña núu.

¹⁸ Ta in túhún tañu cuití va ñaxihí Jesucristo sahá cuachi. Ni in túhún toho cuachi coo ñacaja mé á joo nandoho ini a sahá ñayivi quini já ná cuu ndihvi ndihí íchi cuéntá Ndióxi. Ta sahá ña ñasacomí a in yiquí cuñu ñayivi ñaxihí a joo mé á cúu á ña ñaquiixi indivi sahá ña cán quea ñanditacu tucu a ta tácu yíi va ínimá mé á. ¹⁹ Ta ñasahan ínimá mé á nu ndáji ínimá ndji ta cán ñacahan mé á tuhun Ndióxi xihin na. ²⁰ Mé ínimá ndji cán ñasacuu na na coo ñaxeen cuni joho tuhun Ndióxi sanahá ndivaha. Tá ñasatacu Noé já ñasandatí Ndióxi ña ná cava ini na cán nani cavaha Noé mé barco cáhnu, dó jácacu ñahá. Joo chá cuití ñasacuu na ñacacu. Una víxi laá na ñacacu nuú ticuji cán. ²¹ Ta viti tá cándutá yo xihin ticuji já cacu ínimá yó tá quiahva ñacacu na cán ini barco sanahá. Tá cándutá yo xihin ticuji coo ndóo cuachi sahá ña nandoo yiquí cuñu í xihin ticuji cán. Ñacacú nuú cuachi jáchi candeé ini Jesucristo ta cuni yó ña ná ndaja vii mé á ínimá yo. Ta náha ña ñacacú nuú indayá tá ñanditacu tucu Jesucristo ²² ta sa ñandaa mé á indivi ta ín a xoo cuáha Ndióxi. Ta sahnda mé á chuun nuú táto Ndióxi xihin nuú na cómi cuéntá sahá na ndúu indivi.

4

Náha Ndióxi nuú yo ndá quiahva ndítahan nuú yo caja chúnin í ña ná ñeñe táhvi yó nu mé á

¹ Tá quiahva nandoho yiquí cuñu Jesús quiahva já ndítahan canduu tiahva ri ndóhó va ndoho ini ndó. Jáchi ndá na ndóho ini yiquí cuñu, na cán cúu na co caja cuachi ndaja ñacuu. ² Ta viti co caja ga yiquí cuñu

ndó ña núu cuéntá ñuyiví yóho. Ta níi tiempo nducú ndó caja ndó ña cuni Ndióxi. ³ Jáchi sa ñayaha ndivaha quiahva ñacaja ndó ña núu jihna tá quiahva caja ñayivi, na co xini Ndióxi. Mé tiempo tá cámanj candaa ini ndó sahá íchi cuéntá Jesús já ñasacaja ndó tá nuú ña núu tátuhun ña xica ini ndó caja ndó xihin yiquí cuñu ndó. Ta ñasacuu ndó ñayivi xihí. Ta ñacatóo ndó caja ndó vicó landa ndivaha. Ta chí najáyaha quini ndivaha ndó ña ñasaxihí ndó. Ta ñacaja cáhnu ndó yoco ña ñacachi Ndióxi co ndítahan caja cáhnu ndó. ⁴ Ta ñacasahá cahan nuú ñayivi ñasátahan xihin ndó tá ñasacaja ndó ña núu jihna. Jáchi viti co xica nuu ga ndó caja ndó tá nuú ña núu xihin ná. Ta viti sa ñacasahá ndihí ini na ndáti na ndicó coo ndó xihin ná. ⁵ Joo vaxi quivi cuhun na cán cavií saha ná nu Ndióxi, mé a ín tiahva caja vii sahá na tácu xihin sahá na sa ñaxihí. ⁶ Jáchi sa ñaxini joho va ñayivi, na sa ñaxihí cán tuhun vaha sahá Jesús tá ñasatacu na. Ñaxini joho na tuhun vaha sahá Jesús ña ná cuu catacu ínimá ná tá quiahva tácu Ndióxi vatí ñacavií saha ná ñuyiví yóho tá quiahva cavií saha tóco ndihí ñayivi.

⁷ Jalóho cuni xinu coo quivi ndihí saha tóco ndihí ñaha. Sahá ña cán quea ndítahan nu ndo coo cáxi táhyi ini ndó ta xihin ndinuhu ini ndó ndítahan caça tahvi ndó nu Ndióxi. ⁸ Ña cuni quea na quihvi ini táhan ndó jáchi tá quihvi ini táhan ndó já caja cáhnu ini saha táhan ndó tá ná yaha xihin táhan ndó. ⁹ Ta a cojo ini ndó tá xinu coo ñani táhan ndó xito nihni na ndoghó vehe ndó jáchi ndítahan ndiquehe vaha ndó na. ¹⁰ Ñasahan Ndióxi nuú in in ndó ña ná ñeñe táhvi ndó in in ñamanj mé á. Ta ndítahan caja chúnin ndó a ña ná chindeé ndó na cúu cuéntá Jesús. Ta ndítahan caja ndó ña tá quiahva sahan Ndióxi ndée ndó caja ndó ña. ¹¹ Ta ndá tuhun ná cahan ndó xihin ñani táhan ndó, ná cacuu a tuhun yíi tátuhun ña cahan Ndióxi. Ta ndá ndó caja ñamanj xihin inga na, ná caja ndó ña xihin ndée sahan Ndióxi nu ndo. Jáchi tóco ndihí ña caja ndó ndítahan cacuu a ña cuu caja cáhnu í Ndióxi xihin. Ta caja Jesucristo ña ná cuu caja cáhnu í Ndióxi. Cáhnu ndivaha cúu a ta sahnda a chuun nuú tóco ndihí ñaha anda ama caa quivi. Já ná coo.

Ndóho ini jáchi candeé ini Jesús

¹² Candehé ndo, ñani í. Coto a cátonó nahá ndo tá quixi tondóhó nahnu nu ndo. A caja ndó tátuhun na co xini quixi tondóhó nuu. ¹³ Ña ndítahan caja ndó quea cajii ini ndó jáchi xihin ña yóho cándaa ini ndó ndá quiahva nandoho ini Jesús. Ta xihin ña yóho cajii ndivaha ini ndó tá ná cuni ndó ndá quiahva cáhnu cúu mé á tá ná quixi tucu a. ¹⁴ Tá cánahá ñayivi xihin ndo sahá ña candeé

Carta naçahyí Pedro chí ivi

Cáhyi tucu Pedro inga carta nuú na cúu cuéntá Jesús

¹ Yehe cúu Simón Pedro ta cája chúun i cuéntá Jesucristo ta cúu u in apóstol naçindahá mé á ña ná cañan i sahá tũhun a. Cáhyi i carta yóho nu ndóhó, na nañehe táhvj candee ini Ndióxi tá quiahva candee ini ndehe mé á. Jáchj cája ndaa Jesucristo tóco ndihi ñaha ta mé á cúu Ndióxi cája cáhnu í. Ta mé á queá jácaçu mí. ² Ña cúnj queá ná caja cuahá Ndióxi ñamañj xihjn ndo ta ná caja mé á ña ná coo vaña ini ndó sahá ña xinj ndó yo cúu Ndióxi ta sahá ña xinj ndo yo cúu Jesús, xitoho í.

Jáxinu Ndióxi ini ña ná caja í ña cúnj mé á
³ Xihjn nde Ndióxi naçaja ña ná ndimañj ñaha nu yo catacú ñuyivi yóho. Ta náha mé á nu yo ndá quiahva caja cáhnu í mé á xihjn ña cája í. Jáchj naçaja mé á ña ná candaq ini saha Jesucristo. Ta xihjn nde mé á ta xihjn tóco ndihi ña náhnu cája mé á naçaxi a mí candee ini mé á. ⁴ Ta sahá ña yóho naçahan tũhun a nu yo. Ta náhnu ndivaha cúu tũhun naçahan mé á nu yo ta ndiyahvi ndivaha ña. Jáchj xihjn tũhun naçahan mé á nu yó já cuu xinu coo í coo í tá quiahva in mé á. Ta xihjn ña yóho cuu caxoo í nuú ña núu xíca ini yiquí cuñu í caja ñuyivi yóho. ⁵ Sahá ña cán queá tá cúnj ndó ñehe táhvj ndó ñamañj nu Ndióxi xinj ñúhú candee ini ndó Jesús. Ta vatí sa candee ini ndó Jesús joo xinj ñúhú caja vaña ndó. Ta vatí sa cája vaña ndó joo xinj ñúhú candaq vaña ini ndó tũhun Ndióxi. ⁶ Ta vatí sa candaq ini ndó tũhun Ndióxi joo xinj ñúhú cañnu ndó nuú ña núu ña xíca ini yiquí cuñu ndó caja. Ta vatí sa sañnu ndó nuú ña xíca ini yiquí cuñu ndó caja joo ndítahan coo cáhnu ini ndó. Ta vatí sa in cáhnu ini ndó joo ndítahan ndinducú ndó caja ndó ña cúnj Ndióxi. ⁷ Ta vatí sa cája ndó ña cúnj Ndióxi joo ndítahan quihvi ini ndó ñani táhan ndó, na cúu cuéntá Jesús. Ta xihjn ña yóho cuu quihvi ini ndó tóco ndihi ñayivi.

⁸ Tá cája ndó tóco ndihi ña yóho ta tá ndihi ini ndó cuahnu ndó xihjn á, a cácuu toho ndó ñayivi coo chúun nu Ndióxi. Ta tá ná xinu coo ndó candaq ini ndó saha Jesucristo, xitoho í já queá a cácuu a ña uun. ⁹ Joo ndá na coo cája tóco ndihi ña naçachi i xihjn ndo cúu ná tũhun in na cuáa, in na a cuú candehé vaña. Jáchj nandindójo na ña najándoo Ndióxi cuachi naçaja na sanahá. ¹⁰ Sahá ña cán queá ndítahan nu mé ndó, ñani j, na cúu cuéntá Jesús ndihi ini ndó nañá ndo nuú ñayivi ña mé a ndaa táhyi cúu ndó na

naçana Ndióxi cacomí a cuéntá saha. Jáchj tá ná caja ndó tóco ndihi ña vaña naçachi i xihjn ndo yóho a ndícava toho ndó nuú cuachi. ¹¹ Ta xihjn ña yóho núná nu ndó cuñun ndo indivi nu in Jesucristo, xitoho í, mé á jácaçu mí ta cacomí a cuéntá saha yó andá ama cáa quivi.

¹² Sahá ña cán queá cañan tá cañan i sahá ña yóho nu ndo vatí sa xinj va ndó ña ta vatí sa candee ini ndó ña ndaa, ña najánaña i nu ndo yóho. ¹³ Cája i ña yóho jáchj cáhán i ña ndítahan caja i ña nani tácu u ñuyivi yóho. Jáchj xinj ñúhú ndicani i nu ndo ndía queá vaña ta ndía queá a váha. ¹⁴ Jáchj sa naçaja Jesucristo, xitoho í ña ná candaq ini i ña sa naçayati quivi quivi i ta jándacoo i ñuyivi yóho. ¹⁵ Joo ndúcú ndeé e ndinducú u ndá quiahva caja i já ná a ndindójo ndó saha tóco ndihi ña yóho tá sa naçixi i.

Ndicani Pedro ña naçini da ndá quiahva cáhnu cúu Jesús

¹⁶ Tá najánaña nde ndohó ña in cuahá nde Jesucristo, xitoho í ta tá naçachi nde xihjn ndo quixi tucu mé á, coo naçacuu a tũhun naçana jinj mé nde ña jándahvi nde ndohó vaña. Jáchj naçini xihjn nuú mé nde ndá quiahva cáhnu cúu Jesucristo, xitoho í.

¹⁷ Naçini nde xihjn nuú nde tá nandaja cáhnu Ndióxi, tátá yo Jesucristo já nandicáhnu ndivaha mé á. Ta ñúchi ndivaha naçahin tá naçini joho nde naçachi Ndióxi já: “Mé a yóho cúu jahyi maní i ta cájin ndivaha ini i xihjn tóco ndihi ña cája”, naçachi Ndióxi sahá Jesús. ¹⁸ Ta mé nde naçini joho nde naçahan Ndióxi chí indivi jáchj naçandu u nde xihjn Jesús jinj mé yúcu yij cán.

¹⁹ Ta in inga tucu ñaha cañan ndá quiahva cáhnu cúu Jesús ta ña cán cúu ña naçahyí na profeta sanahá. Ta sa xinj vaña yó cúu á ña ndaa. Vaña cája ndó táa joho ndó ña naçahyí na profeta cán jáchj cúu á tãtũhun in lámpara ña jándiyéhe nuú naa jánda quiahva ná quixi Jesucristo. Ta mé á cúu á tãtũhun quimi cáhnu, rí queta tá naçivi jáchj jándiyéhe a inima ñayivi. ²⁰ Joo coto a ndindójo ndo ña ni in túhún toho na a cuú nducú ñehe ña cáchi tũhun Ndióxi nuú inga na sahá ña cána jinj mé va na. ²¹ Jáchj ni in profeta coo naçahyí na ña naçacu ini mé ná cahyí. Ña naçaja na queá nandiquiahva na mé ná ndáha inima yij Ndióxi tá quiahva naçahan tóco ndihi ña naçahan na.

2

Na xíca jánaha ña tũhún (Judas 4-13)

¹ Joo mé tiempo já naçandu ri profeta túhún tañu na Israel cán. Quiahva já canduu ri na jánaha ña tũhún tañu ndohó. Ta na cán casáha na jácañan jehé na ñayivi sahá

ña cáhvi jini mé va na. Joo jáquihvi ndivaha na ñayivi xihin á. Ta xihin ña yóho a ndicuni na ña najácau Jesús na ta casáhá na cácahan nuu ná sahá ña naçaja mé á saha ná. Ta ña yóho queá caju ña ná ndihi yachí chága sahá ná cán. ² Cuahá ndivaha ñayivi casáhá candico na jatá na cán ta casáhá na caju na ña núu xihin na. Ta sahá ña núu caju na cán casáhá ñayivi cahan núu na saha tuhun vaha cáhan saha Jesús vatí cúú á ichi ndaa. ³ Ta sahá ña catóo ndivaha na jiuhún sahá ña cán queá nducú na tavá na jiuhún xihin ndo xihin mé ña tuhún jánaña na cán. Ta xini Ndióxi ña caju na ña cán queá ndihi tá ndihi saha ná. Jáchi sa janda sanahá nasacu ini mé á taán a ñayivi jan ini indayá.

⁴ Coo naçaja cáhnu toho ini Ndióxi saha táto mé á tá naçaja na cuachi nu mé á. Ña naçaja mé á queá nachindahá a na indayá. Ta najándicoo a na nuú naá ndivaha ta naçató a na xihin cadena ndúu na ndati na xinu coo quivi caju vii Ndióxi saha ná. ⁵ Ta ni coo naçaja cáhnu ini Ndióxi sahá ñayivi nasandu sanahá ndivaha. Ña naçaja mé á queá najácuun ndeé ndivaha javi já naxihi ndihi ñayivi quini cán. Ta in tuhún da nani Noé xihin ndihusa na vehe da najácau a. Najácau Ndióxi Noé jáchi naçandusa da mé á ta najácahan da ñayivi ña ná caju vaha na. ⁶ Ta quiahva já najándihi ri Ndióxi sahá ñayivi nasandu ñuu Sodoma xihin ñuu Gomorra. Nachicaan ñuhu a na janda quiahva naudu na yaa uun. Naçaja Ndióxi ña yóho já ná cuni ñayivi vaxi chága chi nuu ña quiahva já caju Ndióxi jándihi a sahá ñayivi quini. ⁷ Joo najácau Ndióxi in da nani Lot jáchi nasacu da in ta vaha ta mé Lot yóho natahvi ndivaha ini da saha tóco ndihi cuachi nasacaja ñayivi quini nasandu tiempo cán. ⁸ Ndijáá nú quivi naçacuehá ini Lot cán sahá cuachi ñayivi cán jáchi quini nasacahan na ta quini nasacaja na. ⁹ Ta tá quiahva naçaja Ndióxi xihin Lot quiahva já cuu caju mé á jácau a ñayivi, na ndiquiahva mé ndáha mé á. Ta chindeé a na tá casáhá ndóho ini na. Joo sácú xoo mé á ñayivi quini já ná canduu xóo na candati na xinu quivi caju vii á sahá cuachi na.

¹⁰ Mé Ndióxi jándoho a ini tóco ndihi na catóo caju ña xica ini yiquí cuñu na jáchi cándaji na caju na ña sáhdá Ndióxi nu ná. Cúú ná na ñihi ini ta ni coó sáhní na mé ná ta ni coó yihvi na canahá na xihin na ndójo chuun náhnu ¹¹ jáchi ni mé táto Ndióxi, na ndúu nu in mé á vatí in chága ndeé ná a juú ga ta cámaní ndiquehe na ichi cuéntá Jesús. ²¹ Janda vaha chága ná a ndihí na ichi cuéntá Jesucristo, nduu. Jáchi a váha toho tá sa xini na ña cúú á ña yijí ña nasahan Ndióxi nu ná ta tá nandihí já jándacoo na ña. ²² Joo xihin ña caju na yóho xinu nuú tuhun ña cáchi: “Ndicó coo tucu ña sáxi rí ña sa nandusa rí. Ta cóchi, rí jacá nandihí najácuu na ndicó coo tucu rí chiníhni rí mé rí nuú ndahyi.”

ta tii táhan rí ta sáhní táhan rí. Ta quiahva já caju na cán jáchi caju na ndá ña xinu ini na caju na ta cáhan núu na sahá ñaha, ña co cándaq ini na saha. Ta tá quiahva xihí quiti já quivi na cán. ¹³ Ta quiahva jándoho na ini ñayivi quiahva já ndoho ini mé ná. Cáhan na ña ndató ndivaha ndúu na jáchi tá yéhe candii xica nuu na caju na ña núu. Ta tá ndúu na xihin ndó in víco catóo na nditáti na, chinúú cácahan nuu ndo queá caju na. Cájji ndivaha ini na xihin ña caju na joo jándahvi uun na mé ná.

¹⁴ Ta tá xini uun na najihí ivi laá casáhá cáhvi núu ini na xihin ná. Chí co cánaá loho na caju na cuachi. Ta jándahvi na na coo ndacú cuahan ichi cuéntá Ndióxi ta xini vaha na ndaja caju na quehe na ña cúni na. Na jan cúú ná ñayivi natavi cháhan jata, na cuñun indayá. ¹⁵ Mé na jan nandihíhú na jáchi najándacoo na ichi cuéntá ña ndaa. Caju na tá quiahva naçaja da nani Balaam, jahyi Beor sanahá, da naçacuní ñehe cuahá jiuhún jatá ña núu naçaja da. ¹⁶ Joo nanani da sahá cuachi da naçaja in búrru jíhi jáchi tá quiahva cáhan ñayivi quiahva já naçahan rí cán xihin dá ta nasaji nuu rí nu dá ña ná a caju ga da ña núu.

¹⁷ Tóco ndihi taa, na jánaña ña tuhún yóho cúú ná tátuhun chicoho nuú co ñuhu ticuij jáchi coo chuun na. Ta cúú ná tátuhun víco jácuicó tachí xoo nu cúni a ta viti ña nañehe ná queá cuñun na coo na nuú naá yávi anda ama cáa quivi. ¹⁸ Jáchi tuhun cáhan na cúú á ña jándindita jíco ná mé ná xihin joo tóco ndihi ña cáhan na cúú á ña coo saha. Ta xihin ña núu, ña xica ini yiquí cuñu na caju, xihin ña jan jándahvi na na jacá naçaxoo nuú cuachi. ¹⁹ Mé na jánaña ña tuhún yóho jácahan ná ñayivi ña núu na caju na ña cúni mé va na. Joo mé na cán cúú ná tátuhun mozo nuú cuachi jáchi cómi tá cómi cuachi cuéntá saha ná. Ñuhu ñayivi ndahá ña tii ñahá jáchi sáhdá a chuun nu ná. ²⁰ Ta ndá ñayivi naçaxoo nuú ña núu ñuyivi yóho sahá ña naçandaaq ini na yo cúú Jesucristo, xitoho í, mé á jácau mí joo tá nandihí casáhá tucu na caju na ña núu ta ndiquiahva na mé ná ndáha ña núu cán já queá ndiquini chága vi na a juú ga tá cámaní ndiquehe na ichi cuéntá Jesús. ²¹ Janda vaha chága ná a ndihí na ichi cuéntá Jesucristo, nduu. Jáchi a váha toho tá sa xini na ña cúú á ña yijí ña nasahan Ndióxi nu ná ta tá nandihí já jándacoo na ña. ²² Joo xihin ña caju na yóho xinu nuú tuhun ña cáchi: “Ndicó coo tucu ña sáxi rí ña sa nandusa rí. Ta cóchi, rí jacá nandihí najácuu na ndicó coo tucu rí chiníhni rí mé rí nuú ndahyi.”

3

¹² Joo ñayivi quini jan cúú ná tátuhun quiti, rí co xini túni. Naçacu rí ñuyivi yóho

Vaxi tucu Jesucristo, xitoho í

¹ Candehe ndo, ñani maní. Xihín ña yóho xinu carta ivi chindahá i nu ndo. Ta nu ndívi carta ndicani i nu ndo ndá queá ndítahan caja ndó já ná ndicani ini ndó ndinuhu ña vaha. ² Ndítahan ndicuhun ini ndó ña ñacachi na profeta yii Ndióxi sanahá ta ndítahan ndicuhun ini ndó ña ñacachi Jesucristo, xitoho í, mé á jácacu mí jáchi cúú á ña najánaha na apóstol nu ndo.

³ Nu cuití cuni ña ná candaa ini ndó ña tá sa ñacayati quivi quixi tucu Jesucristo já queta ñayivi ta casahá na cuacu ndaa na tóco ndihi ña yii cuéntá Ndióxi. Ta caja na tóco ndihi ña núu, ña xíca ini yiqui cuñu na caja. ⁴ Ta casahá na ndaça tuhún ichi na já cachi na já: “Ñasahan Jesucristo tuhun a quixi tucu a ta ndá cuéntá queá a ñaha quixi a. Jáchi jandá tá nasatacu tásáhu jícó yo, tá cáa ñuyívi yóho anda saha já cáa yii va.” ⁵ Ta cachi na ña yóho jáchi co cuni na candúsa na ña sa jandá sanahá ndivaha va ñacahan Ndióxi ta já nacavaha indivi xihín ñuyívi. Ta mé Ndióxi queá nasahnda chuun ña ná ndinuná ticuñi cán já ná canáha nuú ñundáhyi ta ín ticuñi tóco ndihi xoo ñundáhyi viti. ⁶ Ta xihín ticuñi najánaa a saha ñayivi ñuyívi sanahá tá najácuun mé á javi quíni. ⁷ Joo indivi xihín ñuyívi ña ín viti yóho, ndúu a ndáti a xinu quivi chicaan ñúhu Ndióxi ña já ná ndihi sahá. Cája Ndióxi ña yóho já ná ndoho ini ñayivi quini cán ta jándihi a saha ná quivi caja víi Ndióxi sahá ñayivi quini cán.

⁸ Ta viti candehe ndo, ñani maní i. In quivi cúú á tátuhun in mil cuia nu Ndióxi ta in mil cuia cúú á tátuhun in quivi nu Ndióxi. A ndíndójó ndó ña yóho. ⁹ A cáhan ndo ña cácuachí Jesús jáxinu coo a nuú tuhun a tá ñacachi a ña quixi tucu a tá quiahva cáhan java na. Joo a ñaha quixi Jesucristo jáchi táhvi ndivaha ini mé á sahá ñayivi. Ta co cuni mé á ña ná cuhun ni in túhún na indayá ndihi saha ná. Ña cuni mé á queá ná ndicó coo ini na ña ná jándacoo na cuachi caja na.

¹⁰ Mé quivi coo cáhan na quixi Jesucristo já quixi mé á. Tá quiahva caja taa cuíhna tá xinu coo da ñúu ta ni in na coo xini na ña xinu da caja cuíhna da ñaha na quiahva já coo nuú quixi ri Jesucristo va. Ta mé quivi cán in cuití cuni joho ñayivi ñihi ndivaha indivi ta já casahá ña nditaní a. Ta já cayi ñuyívi yóho xihín tóco ndihi ñaha ín nu á. Ta já cayi ñaha ndúu nu táchi indivi ta ndihi saha tóco ndihi ñaha.

¹¹ Mé a ndaa vaxi quivi coo tóco ndihi ña yóho sahá ña cán queá ndítahan nu ndó caca vaha ndó íchi cuéntá Ndióxi ta caja ndó ña cuni mé á xihín ndinuhu ini ndó. ¹² Candati ndó xinu quivi quixi tucu Jesucristo ñuyívi yóho. Ta nducú ndéé ndo caja chúun ndó cuéntá mé á já ná xinu yachi quivi cán. Tá ná xinu quivi cán já jándihi Ndióxi sahá indivi

xihín ñúhu ita. Ta tóco ndihi ñuyívi jándutu mé á ña xihín ñúhu cáyi. ¹³ Joo mí, yó cúú cuéntá Jesús ndátí inga indivi saá xihín in ñuyívi saá jáchi ñasahan Ndióxi tuhun a nu yo ña quiahva ña nu yo. Ta cán tóco ndihi ñaha cacuu a ña vaha ta ndinuhu ña ndaa coo cán.

¹⁴ Nani i, quíhvi ndivaha ini i ndoghó sahá ña cán queá cáhan i ña yóho xihín ndo. Nani cámani xinu quivi caja Ndióxi tóco ndihi ña cán, ndítahan ndihi ini ndó caja ndó ña vaha já queá ná cuni Ndióxi ña ín vaha ini ndó xihín mé á ta já ná cuni a ña coo cuachi ndó. ¹⁵ Ta a ndíndójó ndo ña ndátí yii Jesucristo quixi tucu a ñuyívi yóho jáchi táhvi ndivaha ini mé á saha yo ta cuni a jácacu a mí. Ta tá quiahva cáhyi yehé nu ndo yóho quiahva já ñacahyi ri ñani maní yo, da cuni Pablo carta ñachindahá da nu ndo jáchi ñacaja Ndióxi ña ná candaa ini da cán ña cuni mé á. ¹⁶ Nu tóco ndihi carta ñacahyi Pablo nu ndo cáhan da xihín ndo saha tóco ndihi ña yóho. Java ña yóho cúú á ña yáncá ndivaha cándaa ini saha. Ta na coo cándaa ini xihín na coo cándeé vaha ini Ndióxi ñacasahá ndíjama na ña ñacahyi da. Quiahva já caja na ndíjama na java ga ña cáchi tuhun Ndióxi joo ndihi saha tóco ndihi na cán.

¹⁷ Candehe ndo, ñani maní i. Sahá ña sa xini vaha ndó saha tóco ndihi ña ndicani i nu ndo yóho, xini ñúhu candaa vaha ndó mé ndó já ná a jándahvi ñayivi quini ndoghó já ná a ndácava ndó nuú cuachi vatí cuahan vaha ndó íchi cuéntá Ndióxi viti. ¹⁸ Xini ñúhu candaa vaha chága ini ndó yo cúú Jesucristo, xitoho í jáchi mé á queá jácacu mí. Ta xini ñúhu candaa vaha chága ini ndó ña caja Ndióxi cuahá ñamaní xoho. Cáhu na cacuu Jesucristo anda ama cáa quivi. Já ná coo.

Carta nu cuítí nacahví Juan nuú na cúu cuéntá Jesús

Cáxi tuhun Juan nuú ñayivi sahá Jesucristo

¹ Cáhyi nde carta yóho nu ndó sahá Jesucristo, mé á nasahjin janda tá cámani cava sahá saha ñuyivi. Mé nde naxini joho nde ña nacahan mé á ta chí naxini xihín nuú nde mé á. Nasandehé nde á ta nacani ndaa ndahá nde á. Cahan nde sahá Jesucristo mé á cúu tuhun Ndióxi, ña cája ña ná catacu ñayivi anda ama cáa quívi. ² Najánaha mé á nuú ñayivi ta mé nde naxini nde á sahá ña cán queá cáxi tuhun nde nuú ñayivi saha mé á. Ta ndicani nde nu mé ndó viti saha Jesucristo, mé á sa janda ama cáa quívi in a xihín Ndióxi, tátá á ta co ndihi toho sahá. Viti naquixi a najánaha mé á nu yo. ³ Ta cáxi tuhun nde nu ndo ña naxini nde xihín ña naxini joho nde já ná cuu in canduu ndó xihín mé nde. Jáchi in nanduu yó xihín Ndióxi, tátá yo ta xihín Jesucristo, mé á cúu in tuhún jiní já jahyi Ndióxi. ⁴ Ta cáhyi nde ña yóho nu ndo já ná ndicutú ndaa inima yo xihín ña cajii íni yo.

Jándiyehé ndaa Ndióxi nu in a

⁵ Ña najánaha Jesucristo nuú nde cúu á ña jánaha nde nu ndó viti: Jándiyehé ndaa Ndióxi nu in a ta ni loho ña naá co in nu in mé á. ⁶ Tá ná cachi yó ña in nanduu xihín Jesucristo nani cája í cuachi já queá cúu á tátuhun ndúu yii yó nuú naá jáchi cáthún yo ta co cája í ña ndaa. ⁷ Joo tá ndúu yó nu yéhe tá quiahva in Ndióxi nuú ña yéhe já queá in nduu ndihi. Ta Jesucristo, mé á cúu in tuhún jiní já jahyi Ndióxi jandoo ndihi a cuachi jáchi naxita nji á sahá yo tá naxihí a ndíca crúxu.

⁸ Ta tá ná cachi yó ña cóo toho cuachi cája í já queá jandahví mé ví ta co ndacaan ña ndaa iní. ⁹ Joo tá ná nahma yó cuachi nu Ndióxi já queá cuu candeé iní ña caja ndaa Ndióxi xihín yo jáchi caja cáhnu iní a sahá cuachi ta ndaja víi a mí nu tóco ndihi ña núu. ¹⁰ Joo tá ná cachi ña ni in tuhún toho cuachi cóo nacaja í já queá ndája tuhún yo Ndióxi ta xihín ña yóho náha ña mé á ndaa táhyi cóo nandiquehe vaha í tuhun vaha cahan saha mé á.

2

Jesucristo queá cahan cuachi a saha yó nu Ndióxi

¹ Candehé ndó. Mé ndó cúu ndó tátuhun jahyi válí i ta cáhyi í ña yóho nu ndo ña ná a cája ndó cuachi. Ta vatí ná caju ndó cuachi

joo in Jesucristo cahan cuachi a saha yó nu Ndióxi, tátá a. Ta cája mé á ña ndaa cuítí va. ² Jáchi nacahvi Jesucristo sahá cuachi tá naxihí a ndíca crúxu. Já queá xihín ña yóho cuu caja cáhnu iní Ndióxi sahá cuachi. Ta a juú sahá cuachi mé cuítí yo, vaha jáchi naxihí rí a sahá cuachi ndaja táhan na ndúu ñuyivi.

³ Jáchi tá cája í ña sáhdá Ndióxi já queá náha ña mé a ndaa táhyi xini yo mé á. ⁴ Joo tá cáchi in na ña xini na Ndióxi nani co cája na ña sáhdá mé á já queá cúu ná na tuhún ta co ndacaan ña ndaa iní na. ⁵ Joo na cája ña sáhdá Ndióxi, náha ña mé a ndaa táhyi quihvi iní na mé á ta xihín ña yóho cándaq iní yo ña in nanduu na xihín mé á. ⁶ Ta ndá na cáchi ña in nanduu na xihín Ndióxi, xini ñúhu caja na tá quiahva nacaja Jesucristo tá nasahjin a ñuyivi yóho.

Sáhdá Ndióxi chuun ña ná quihvi iní táhan í

⁷ Candehé ndó ñani i, na cúu cuéntá Jesús. Co cáhyi i nu ndó in chuun saá ña nasahnda Ndióxi caju ndó. Cúu á mé chuun natahnda nu ndó caju ndó janda mé saha tá nandihvi ndó ichi cuéntá Jesús. Ta cúu á ña sa naxini joho ndó anda mé cán. ⁸ Joo mé a ndaa ña cáhyi í yóho cúu á chuun saá jáchi sáhdá Ndióxi ña ná quihvi iní táhan í. Ta tá cája í ña sáhdá Ndióxi já queá queé ndihi ña naá cuahan ta mé a ndaa jándiyehé Jesucristo inima yo jáchi quihvi iní táhan í tá quiahva nacaja mé á.

⁹ Ta ndá na ná cachi ña sa nandiyehé inima ná nacaja Jesucristo nani cándaji na ñani na, na cúu cuéntá Jesús já queá cunj cachi a ña ndúu yii ná nuú naá ndivaha. ¹⁰ Ta ndá na quihvi ndusa iní ñani na já queá cunj cachi a ña mé a ndaa jándiyehé Jesucristo inima ná ta ni in ñaha a cuu caja ña ná ndacava na nuú cuachi. ¹¹ Joo ndá na cándaji ñani na já queá ndúu na nuú naá ta xica na nuú naá yáve. Ta ni co xini na ndáchi xica na jáchi cúu ná tátuhun na cuaá jáchi ndúu na nuú naá.

¹² Mé ndó cúu ndó tátuhun jahyi i ta cáhyi i carta yóho nu ndo jáchi sahá ña nacaja Jesucristo nacaja cáhnu iní Ndióxi sahá cuachi. ¹³ Ta cáhyi i carta yóho nu ndo, nataa, na cúu tátá jáchi nacandaq iní ndó sahá Jesucristo, mé a sa in janda tá nacava sahá saha ñuyivi. Ta cáhyi rí carta yóho nu ndo, taq yuta jáchi nacandee ndó nasahnu ndó nuú tiñhá sacuaqa.

Candehé ndo. Mé ndó cúu ndó tátuhun jahyi i ta cáhyi i carta yóho nu ndo jáchi nacandaq iní ndó yo cúu Ndióxi, tátá yo. ¹⁴ Ta cáhyi rí carta yóho nu ndo, na cúu tátá jáchi nacandaq iní ndó sahá Jesucristo, mé a sa in janda tá nacava sahá saha ñuyivi. Ta cáhyi rí carta yóho nu ndo, taq yuta jáchi sahan ndeé iní ndó ta ndacaan tuhun Ndióxi

ini ínimá ndo ta ñacandee ndó ñasahnú ndó nuú tiñáhá sacuahá.

¹⁵ Ta coto a cátoó ndó ña cúu cuéntá ñuyivi yóho ta ni a ndiáva ini ndo cacomí ndó ña ndúu ñuyivi yóho. Jáchi ndá na cúnj ñaha ñuyivi yóho já queá yóhí cachi a ña co cúnj na Ndióxi, tátá yo. ¹⁶ Jáchi ni in ña núu ndúu ñuyivi yóho coó vaxi a cuéntá Ndióxi, tátá yo. Ta ña yóho cúu á ña a váha toho cáhvi ini ñayivi caja na ta jári ndiáva ini na cacomí na ña xínj na xihín nuu ná ta jári ndíñehe jíco ndivaha na mé ná sahá ña cómi na. Ndijáá ña yóho cúu á ña núu quíxi mé ñuyivi yóho. ¹⁷ Vaxi quívi ndihí sahá tóco ndihí ña ndiáva ini ñayivi ta jandá mé ñuyivi yóho ndihí sahá joo ndá na cája ña sáhdá Ndióxi, na cán cúu na catacu nuú íni mé á anda ama cáa quívi.

Na co cúnj táhan xihín Jesucristo

¹⁸ Candehé ndo jáchi cúu ndó tátuhun jahyi i. Jalóho cúnj ndihí sahá ñuyivi ta sa xínj joho ndó sahá in da vaxi caja ihvi xihín Jesucristo. Ta mé tiempo yóho sa ñaqueta cuahá na co cúnj táhan xihín mé á. Sahá ña yóho sa cándaq ini yó ña sa ñacayati quívi ndihí sahá ñuyivi yóho. ¹⁹ Mé na co cúnj táhan xihín Jesucristo yóho ñasañuhu na tañu mí. Joo a juú toho na cuéntá mí ñasacuu na. Jáchi tá ná cacuu na cuéntá mí já canduu na tañu mí, nduu. Joo ñaqueta na cuahán na já ná ñaha ña mé a ndaa co cúu ná cuéntá mí.

²⁰ Joo nuú mé ndó ñasahan Jesucristo ínimá yji mé á sahá ña cán queá tóco ndihí ndó cúu ndó ñayivi xínj ña ndaa. ²¹ Tá cáhyi j carta yóho nuú ndo, co cúu á sahá ña co xínj ndó ña ndaa. Joo cúu á sahá ña sa xínj ndó ña ndaa ta sa xínj ndo ña ni in túhún ña túhún a cúu quíxi tañu ña ndaa.

²² Na túhún cúu ná na co cúnj ndicuni ña cúu Jesucristo mé á ñachindahá Ndióxi jácaja ñayivi. Mé na túhún yóho cúu ná na co cúnj táhan xihín Jesucristo jáchi co cúnj na ndicuni na Ndióxi, tátá yo ta ni co cúnj na ndicuni na Jesucristo, mé á cúu in túhún jini já jahyi Ndióxi. ²³ Jáchi ndá na chíjehé túhún ña xínj na Jesucristo, jahyi Ndióxi já cúnj cachi a ña coó in ñanduu na xihín Ndióxi, tátá yo. Joo na cuahán joo Jesucristo, jahyi Ndióxi in ñanduu na xihín Ndióxi, tátá yo.

²⁴ Sahá ña cán queá xínj ñuhú cacu váha ndó túhún Ndióxi ini ínimá ndó, jáchi cúu á ña ñaxini joho ndó jandá mé sahá tá ñandiquehe ndó ichi cuéntá Jesús. Ta tá mé a ndaa ndicaan ña ñaxini joho ndó ini ínimá ndo já queá anda ama cáa quívi in nduu ndó xihín Ndióxi, tátá yo ta in nduu ndó xihín Jesucristo, mé a cúu in túhún jini já jahyi Ndióxi. ²⁵ Ta ñasahan Jesucristo túhún a nuú yo ña catacu xihín mé á anda ama cáa quívi.

²⁶ Cáhyi j ña yóho nuú ndo já ná candaq ini ndó sahá na cúnj jándahvi ndohó. ²⁷ Joo

ndacaan ínimá yji Ndióxi ini ndó, mé a ñasahan Jesucristo nuú ndo. Sahá ña cán queá co xínj ñuhú toho ndó inga na jánaha na ndohó jáchi mé ínimá yji Ndióxi, ña ndacaan ini ndó jan jánaha tóco ndihí ñaha nuú ndo. Ta ña jánaha mé á nuú ndó cúu á ña ndaa ta co cúu á ña túhún. Sahá ña cán queá xínj ñuhú catáhan tuun ndó xihín Jesucristo tá quiahva sácaja ndó jáchi quiahva já najánaha ínimá yji Ndióxi nuú ndo.

²⁸ Candehé ndo jáchi cúu ndó tátuhun jahyi i. Xínj ñuhú catáhan tuun i xihín Jesucristo já ná cuu candee ini mé á tá ná canáha mé á quíxi a ta já ná a cácahan nuú yo tá ná cúnj mé á. ²⁹ Mé ndó sa cándaq ini ndó ña cája Jesucristo ndinuhu ña ndaa cuiti va. Ta tá cája mé ndó ña ndaa já queá jánaha ndó ña mé a ndaa cúu ndó jahyi Ndióxi.

3

Na cúu jahyi Ndióxi

¹ Candehé ndó. A juú quiahva quíhvi ini Ndióxi, tátá yo mí anda ñasahan ñamanj nuú yo canani yo jahyi Ndióxi ta mé a ndaa cúu yó jahyi mé á. Joo ñayivi ñuyivi co xínj na Ndióxi sahá ña cán queá co ndicuni na ña cúu yó jahyi mé á. ² Candehé ndo, ñani máni, na cúu cuéntá Jesús. Sa cúu yó jahyi Ndióxi vatí viti ñuhú co cándaq ini ndá quiahva ndúu. Joo cándaq váha ini ña tá ná quíxi Jesucristo já nduu tá quiahva cáa mé á jáchi cuni mé á tá quiahva cáa tá íni a. ³ Ta tóco ndihí na ndati nduu na tá quiahva cáa mé á já queá ndaja vii na mé ná jáchi cúnj na coo vii na tá quiahva íni vii Jesucristo.

⁴ Tóco ndihí na cája cuachi sáhnú na nuú ley Ndióxi jáchi tóco ndihí ña núu cúu á cuachi nuú ley Ndióxi. ⁵ Mé ndó sa cándaq ini ndó ña ñaquíxi Jesucristo ñuyivi yóho ta ñaxihí a já ná cuu ndoo cuachi ñayivi. Ta coó ni in túhún toho cuachi mé á. ⁶ Sahá ña cán queá tóco ndihí na cátivi tuun xihín mé á co xica nuu ga na cája na cuachi. Joo na xica cája cuachi jánaha na ña co xínj toho na mé á ta jánaha na ña co cúu na cuéntá mé á. ⁷ Candehé ndó jáchi cúu ndó tátuhun jahyi i. Cuéntá coo ndó ná a jándahvi ni in na ndohó. Jáchi ñayivi ndaa cája ndaa na tá quiahva cája Jesucristo. ⁸ Joo na xica nuu cája cuachi cúu ná cuéntá tiñáhá sacuahá jáchi jandá mé sahá ñacaja rí cuachi. Sahá ña cán queá ñaxinuú Jesucristo ñuyivi yóho, mé á cúu in túhún jini já jahyi Ndióxi ta ñaquíxi a jándihí a sahá ña núu cája tiñáhá sacuahá.

⁹ Ni in túhún toho na cúu jahyi Ndióxi co xica na cája na cuachi jáchi viti ñanduu na tá quiahva íni mé á. Ta co cúnj ga na caca nuu na cája na cuachi jáchi cúu ná jahyi Ndióxi. ¹⁰ A ihvi toho ndicuni ndá na cúu jahyi Ndióxi ta ndá na cúu jahyi tiñáhá sacuahá. Jáchi na co cája ña ndaa ta na co

quihvi ini ñani táhan na cán cúu ná jánaha ña có cúu ná cuéntá Ndióxi.

Ndítahan nu yo quihvi ini táhan í

¹¹ Janda mé saha tá nandiquehe ndó íchi cuéntá Jesús já naxini johó ndó ña cáchi tuhun Ndióxi ña ndítahan quihvi ini táhan í. ¹² Có ndítahan caja í tá quiahva naçaja Cain sanahá jáchi nasacuu da cuéntá tiñhá saçuaha. Ta nasahni da ñani da jáchi mé Cain nasacaja da ña núu cuiti va ta nandicuni da ña vaaha cuiti va nasacaja ñani da.

¹³ Candehé ndó, ñani mí í, na cúu cuéntá Jesús. A catóntó ndó tá cándají ñayivi ñuyivi ndohó. ¹⁴ Tá quihvi ini ná cúu cuéntá Jesús já queá sa xini yo sa najáçacu mé á mí ná a cühun toho í indayá joo cühun í coo í nu ím mé á indiví. Joo ndá na có quihvi ini ñani táhan na, cúu ná tátuhun in ndii. ¹⁵ Ta tóco ndihi na cándají ñani táhan cúu ná tátuhun in na sáhní ndii jáchi sáhní na ñani táhan na ini ínimá na. Ta mé ndó sa cándaq ini ndó ña ni in na sáhní ndii có núná nu ná cühun na indiví catacu na anda ama cáa quivi. ¹⁶ Mé Jesucristo najánaha nu yo ndá quiahva cája ndusa in na quihvi ini ñani táhan jáchi naxihí a saha yo. Quiahva í ndítahan ri nu mí ví coo tiaha í quivi sahá ñani táhan í, na cúu cuéntá Jesús. ¹⁷ Joo tá ím in na ta ím cuahá ndivaha ñaha nu ná ta có cúní na chindee na na cúu cuéntá Jesús, na ndímaní ñaha nuu já queá a cuu cachi na ña quihvi ini na Ndióxi. ¹⁸ Mé ndó cúu ndó tátuhun jahyi í sahá ña cán queá cahan í xihín ndó ña xini fuhá jánaha yó xihín ña cája í ña quihvi ini ñani táhan í ta a juu xihín yuhú nunu un í cuiti va.

Có ndítahan cayihvi yo Ndióxi tá cája í ña sáhná q

¹⁹ Tá cája í ña ndaa, ña cúní Ndióxi já queá cándaq ini ña cúu yó cuéntá mé á ta ím vaaha ini xihín mé á. ²⁰ Ta vatí cáhvi ini ña cóq naçaja vahe í joo xini vaaha chága Ndióxi á mé a ndaa naçaja núu í á cóq á jáchi xini mé á tóco ndihi ñaha. ²¹ Candehé ndó ñani máni, na cúu cuéntá Jesús. Tá xini vaaha í ña ndáçaan ña vaaha ínimá yo já queá có yihví toho í cahan í xihín á. ²² Ta mé Ndióxi queá quiahva tóco ndihi ña xicá yo nu á jáchi mé a ndaa cája í ña sáhná a nu yo ta cájii ím mé á xihín ña cája í. ²³ Ta ña sáhná Ndióxi nu yo cúu á ña ná candee ini Jesucristo, mé a cúu in túhún jini já jahyi mé á. Ta sáhná a nu yo ña ná quihvi ini táhan í tá quiahva natahnda chuun nu yó caja í. ²⁴ Ta na cája ña sáhná Ndióxi in nanduu na xihín mé á ta in nanduu mé á xihín na. Ta sahá ña nasacu Ndióxi ínimá yii mé á ini in in í sahá ña cán queá náha ña in nanduu yó xihín mé á.

4

Ínimá yii Ndióxi có ndique táhan xihín ínimá quini ña ndáçaan ini na có cúní táhan xihín Jesucristo

¹ Candehé ndó, ñani mí í, na cúu cuéntá Jesús. A cándusa ndó tóco ndihi na cáchi ña cúu ná cuéntá Ndióxi jáchi cuaha ná cúu ná na tuhún. Ña xini fuhú caja ndó queá coto ndojó ndó na já ná canaa ini ndó á mé a ndaa ndáçaan ínimá yii Ndióxi ini na á cóq a. Jáchi cuahá ndivaha na tuhún nandicujta nuu na ñuyivi yóho jándahvi na ñayivi vatí cáchi na cahan na cuéntá Ndióxi. ² Xihín ña yóho cuu canaa ini ndó ndá na cúu na fuhú ínimá yii Ndióxi ini jáchi tóco ndihi na cándusa ña nanduu Jesucristo in ñayivi ñuyivi ndó na cán cúu ná na fuhú ínimá yii Ndióxi ini. ³ Joo na có cándusa ña nanduu Jesucristo in ñayivi ñuyivi yóho, na cán cúu ná na có fuhú ínimá yii Ndióxi ini jáchi ña ndáçaan ini na cán cúu ínimá quini, ña có cúní táhan xihín Jesucristo. Sa naxini johó ndó ña quixi tá quixi mé ínimá quini, ña có cúní táhan xihín Jesucristo ta sa ím a ñuyivi yóho viti.

⁴ Candehé ndó jáchi cúu ndó tátuhun jahyi í ta cúu ndó cuéntá Ndióxi. Nacandee ndó nasahnu ndó nuu na jánaha ña tuhún jan jáchi tóyí chága ínimá yii Ndióxi ndáçaan ínimá ndó a juu ga ínimá quini ndáçaan ínimá ñayivi ñuyivi. ⁵ Mé na jan cúu ná cuéntá ña núu ñuyivi yóho ta ñaha ñuyivi yóho cuiti cahan na saha. Ta ñayivi ñuyivi táa johó na ña cahan na. ⁶ Joo mí cúu yó cuéntá Ndióxi. Sahá ña cán queá na cúu cuéntá Ndióxi xini johó na ña cahan yo. Joo na có cúu cuéntá Ndióxi có xini johó na ña cahan yo. Ta xihín ña yóho cuu ndicuni ndá na cúu na ndáçaan ínimá yii Ndióxi ini ta ndá na cúu na ndáçaan ínimá quini ini. Jáchi ña ndaa cúu ínimá yii Ndióxi ta ínimá quini cúu á ña tuhún.

Quihvi ini ndusa Ndióxi ñayivi

⁷ Candehé ndó, ñani máni, na cúu cuéntá Jesús. Xini fuhú quihvi ini táhan í jáchi ña yóho quixi a cuéntá Ndióxi. Tóco ndihi na quihvi ini ñani táhan cúu ná jahyi Ndióxi ta xini na yo cúu Ndióxi. ⁸ Na có quihvi ini ñani táhan jánaha na ña có xini na Ndióxi jáchi Ndióxi queá sahan nu yo ña ná quihvi ini táhan í. ⁹ Ta naçindahá Ndióxi Jesucristo, mé in túhún jini já jahyi a ñuyivi yóho ña ná quivi a saha yo já ná catacú anda ama cáa quivi. Xihín ña yóho najánaha Ndióxi ndá quiahva quihvi ini a mí. ¹⁰ Candehé ndó ndá quiahva quihvi ini Ndióxi mí. A juu jihna fuhú mí haquihvi ini Ndióxi jáchi jihna fuhú ga Ndióxi naquihvi ini a mí. Ta naçindahá a Jesucristo, mé in túhún jini já jahyi a ña ná चाहvi mé Jesús sahá ndihi cuahí tá naxihí a ndica cruxu.

11 Candehe ndo, ñani maní, na cúu cuéntá Jesús. Tá ta quiahva joho ñacaja Ndióxi sahá ña quihvi ini a mí já queá ndítahan ri nu mí ví quihvi ini táhan í. 12 Ni in ñayivi coó ñaxini xihín nuu ná Ndióxi. Joo ñuhú mé á ini tá quihvi ini táhan í. Ta xihín ña yóho jáxinu coo í ña quihvi ndusa ini ñani táhan í. 13 Ta sahá ña ñasacu Ndióxi inima yíi mé á ini in in yó sahá ña cán queá náha ña in ñanduú xihín mé á ta in ñanduú mé á xihín yo. 14 Ta mé nde ñaxini nde a xihín nuu nde ta cáxi tuhun nde xihín ndaja táhan ñayivi ña nachindahá Ndióxi, tátá yo Jesucristo, mé á cúu in túhún jini já jahy a ña ná jácaca a ndaja táhan na ndúu ñuyíví. 15 Ndá na cándusa ña cúu Jesucristo in túhún jini já jahy Ndióxi, na jan cúu na in ñanduú xihín Ndióxi ta in ñanduú Ndióxi xihín ná.

16 Ta viti sa ñacandaq ini ta cándusa í ña mé a ndaa quihvi ini Ndióxi mí. Ta ndá na quihvi ini Ndióxi já in ñanduú na xihín Ndióxi ta in ñanduú Ndióxi xihín ná. 17 Ta xihín ña yóho jáxinu coo í ña quihvi ini ñani táhan í xihín ndinuhu ini. Sahá ña cán queá tá ná xinu coo quivi caja víi Ndióxi sahá ñayivi já queá a cácan nuu yo tá candichí nu Ndióxi. Jáchi tá quiahva ñasacaja Jesucristo tá ñasahín a ñuyíví yóho quiahva já cája í viti. 18 Mé a ndaa quihvi ini Ndióxi mí ña cán queá co yihví toho í mé á. Jáchi tá ná cáhan yo jándoho Ndióxi ini já queá cayihví yo mé á. Joo tá ná candaq vaha ini ña mé a ndaa quihvi ndusa ini Ndióxi mí já queá a cayihví toho í mé á. Ña cán queá tá yihví yo mé á já queá co xini yo ña quihvi ndusa ini a mí.

19 Quihvi ini Ndióxi jáchi jihna ñuhú ga mé á ñaquihvi ini a mí. 20 Joo tá in in na ta cáchi na quihvi ini na Ndióxi joo cándaji na ñani táhan na já queá jánaha na ña cúu ná na túhún. Jáchi tá co quihvi ini na ñani táhan na, da sándehe na xihín nuu ná ndaja caja na cachi na quihvi ini na Ndióxi, ña a cuú cuni tívi na. 21 Ñasahnda Jesucristo chuun yóho nu yo: Ndá na quihvi ini Ndióxi já ndítahan nu ná quihvi ri ini na ñani táhan na viti.

5

Ndaja caja í quee vaha í xihín ña núu ndúu ñuyíví yóho

1 Tóco ndiha na cándusa ña cúu Jesús mé á ñachindahá Ndióxi cacomé a cuéntá sahá ñayivi, na jan cúu ndusa jahy Ndióxi. Ta ndá na quihvi ini Ndióxi, tátá yo, xini ñuhú quihvi ri ini na tóco ndiha na cúu jahy mé á. 2 Tá quihvi ini Ndióxi ta tá cája í ña sáhdá mé á nu yó caja í, xihín ña yóho cándaq cáxi ini ña quihvi ini na cúu jahy Ndióxi. 3 Ta na cája ña sáhdá Ndióxi, na cán cúu na jánaha ña mé a ndaa táhyi quihvi ini na mé á ta chuun sáhdá mé á nu yo coo cúu á in ñaha

ñá a cúu candeé yó xihín. 4 Ta tóco ndiha na cúu ndusa jahy Ndióxi candeé na sáhnú na nuú ña núu ñuyíví yóho. Sahá ña cán queá tá candeé ini Jesucristo já queá quee vaha í xihín ña núu ndúu ñuyíví yóho. 5 Ndá na cándusa ña cúu Jesucristo in túhún jini já jahy Ndióxi, na cán cúu na candeé sáhnú nuú ña núu ndúu ñuyíví yóho.

Sáhan inima yíi Ndióxi tuhun sahá Jesús ña cúu á in túhún jini já jahy Ndióxi

6 Tá ñaquixi Jesucristo ñuyíví yóho já ñacandúta mé á xihín ticuji. Ta jari ñaxíta nji á tá ñaxihi a ndíca crúxu saha yo. Ñacaja Jesucristo ndívi ña yóho: ñacandúta xihín ticuji ta ñaxíta nji á tá ñaxihi a ndíca crúxu. Ta mé inima yíi Ndióxi sáhan tuhun sahá ña yóho ta ña cáhan mé á cúu á ña ndaa. 7 Ndúu unj testigo indivi ta sáhan tuhun sahá Jesús ña cúu á in túhún jini já jahy Ndióxi: In testigo cúu Ndióxi, tátá yo ta inga testigo cúu tuhun Ndióxi ta inga testigo cúu inima yíi Ndióxi. Ta in cúu ndihuni a sáhan tuhun sahá Jesús. 8 Ta ndúu unj testigo ñuyíví yóho. Ta in testigo cúu á inima yíi Ndióxi ta inga testigo cúu á tá ñacandúta Jesús ta testigo cáhuni cúu á tá ñaxíta nji Jesús ndíca crúxu. Ta ndihuni testigo yóho sáhan tuhun a sahá Jesús ña cúu á in túhún jini já jahy Ndióxi.

9 In tiahva í cándusa í ña cáhan ñayivi xihín yo tá sáhan na tuhun sahá in ñaha. Ña cán queá ama ná a cándusa í ña cáhan Ndióxi xihín yo jáchi ña cája mé á queá sáhan tuhun sahá Jesucristo, jahy a ta ña yóho cúu á ña ndiyahvi chága a juú ga ña cáhan ñayivi. 10 Ta tá cándusa í ña cúu Jesucristo in túhún jini já jahy Ndióxi já cúu á tá tuhun ndiquehe vaha í ña cáchi mé á ini inima yo. Joo na coo cándusa ña yóho ndája na ña ná nduu Ndióxi ña tuhun jáchi coo cándusa na ña cáhan mé á sahá Jesucristo, jahy a. 11 Ta tuhun sáhan Ndióxi cúu ña yóho: Ñasahan mé á ñamanj catacú anda ama cáa quivi. Ta Jesucristo, jahy mé á queá cája ña ná catacú indivi anda ama cáa quivi. 12 Ta ndá na ñandiquiahva mé ndáha Jesucristo, mé á cúu in túhún jini já jahy Ndióxi, na jan cúu na catacú na anda ama cáa quivi nu in mé á. Joo ndá na coo ñaxeen ndiquiahva mé ndáha mé á a cúu catacú na anda ama cáa quivi xihín mé á.

Cáhyi chága Juan sahá ña ndítahan caja í

13 Cáhyi í ña yóho nu ndóho, na candeé ini Jesucristo, jahy Ndióxi já ná candaq ini ndó ña catacú ndó indivi anda ama cáa quivi.

14 Ta coo yihví toho í xica í nu mé á in ñaha, ña cuni a quiahva nu yo jáchi cándaq cáxi ini ña xini joho a nu cáhan yo. 15 Ta tá cándaq ini ña xini joho Ndióxi nu cáhan yo já queá candeé ini ña quiahva tá quiahva mé á ña nu yo.

16 Tá ná cuni ndó ñani ndó, na cúu cuéntá Jesús ta caja na cuachi ña cuu caja cáhnú ini

Ndióxi saha já quéa ndítahan caça tãhví ndó nu Ndióxi sahá na cán. Ta xihín ña yóho caja cáhnu ini Ndióxi sahá na jan já ná catacu na anda ama cáa quívi. Joo ín cuachi ña cañehe ñahá cuhun indayá ta co ndítahan caça tãhví yo nu Ndióxi sahá ña jan. ¹⁷ Tóco ndihi ña núu cája í ñuyívi yóho cúú á cuachi nu Ndióxi joo cuahá ndivaha cuachi cája cáhnu ini Ndióxi saha.

¹⁸ Ta cándaã ini ña tóco ndihi na cúú jahyi Ndióxi co xíca ga na nuú cuachi jáchi ndáá Jesucristo mé ná, mé á cúú in túhún jini já jahyi Ndióxi já ná a cája tiñahá sacuahã ni in ña núu xihín ná.

¹⁹ Cándaã vaha ini ña cómi Ndióxi cuéntá saha yo joo tóco ndihi ñayivi cuéntá ñuyívi ñúhu na ndahá tiñahá sacuahã ta cómi rí cuéntá saha ná.

²⁰ Ta cándaã cáxi ini ña naquixi Jesucristo, mé á cúú jahyi Ndióxi ta najándiyehé a xini túni yo já quéa ná cándaã ini ña cúú mé á ña ndaa. Ta viti in nanduú xihín mé á jáchi in nanduú xihín Jesucristo, mé a cúú in túhún jini já jahyi Ndióxi. Mé a yóho cúú ndusa Ndióxi ta cúú á ña cája ña ná catacú anda ama cáa quívi. ²¹ Candehé ndo. Mé ndó cúú ndó tátuhun jahyi i ña cán quéa cáhan i ña yóho xihín ndo. Coto a cája cáhnu ndó ni in yoco ta ni a cája cáhnu ndó ni in ñaha tá co cúú á Ndióxi. Já ná coo.

Carta chí ivi nacahyí Juan nuú na cúú cuéntá Jesús

Cahan Ndióxi Juan xihín na cúú cuéntá Jesús

¹Yehe cúú ɥ in da sacuaḡa ta cáhyi i carta yóho nu ndóhó, quiahva i na cúú cuéntá Jesús jáchi nacaxi Ndióxi ndohó. Tá jári cáhyi i carta yóho nuú jahyi ndó jáchi mé a ndaa quihvi ndivaha ini i ndihi ndó. Ta a juú yehe cuití va jáchi tóco ndihi na nacandaa ini ña ndaa quihvi ini na ndohó. ²Quihvi ini i ndohó jáchi ndácaan ña ndaa ini inima ndihí ta anda ama cáa quivi coo a xihín yó.

³Ña cúni quéa ña ná caja Ndióxi, tátá yó xihín Jesucristo, jahyi mé á cuahá ñamaní xihín yó. Ta ná tahnda ini mé á saḡa yó ta ná caja mé á ña ná coo vaḡa ini. Ta cuu caja mé á ña yóho jáchi cúú á ña ndaa ta quihvi ini a mí.

⁴Cáji ndivaha ini i jáchi nanditahan i java jahyi ndó ta cája na ña ndaa tá quiahva naḡahnda Ndióxi, tátá yó caja í. ⁵Candehé ndo quiahva i, na cúú cuéntá Jesús. Xíca tahvi i nu ndó ña ná quihvi ini táhan í. Ta ña cáhyi i yóho coo cúú á chuun saá jáchi cúú á ña sa naḡini johó í janda mé saḡa tá nandiquehé íchi cuéntá Jesús. ⁶Ta tá mé a ndaa quihvi ini Ndióxi náḡa ña mé a ndaa cája í ña saḡnda Ndióxi caja í. Ta ña naḡahnda Ndióxi caja í janda mé saḡa cúú á ña ná quihvi ini táhan í.

Na xíca nuu jándahvi na cúú cuéntá Jesús

⁷Níí cúú ñuyiví nandicujta cuahá na xíca nuu jándahvi na na cúú cuéntá Jesús. Ta na cán coo cúni na ndicuni na ña nanduu Jesucristo in ñayivi ñuyiví yóho. Ta na cán cúú ná na tuhún ta cúú ná na coo cúni táhan xihín Jesucristo. ⁸Cuéntá coo ndó ná a jándahvi na ndohó já ná a tiví chuun naḡaja ndó saḡa Jesucristo. Xiní ñuhú jáxinu coo ndó chuun cája ndó cuéntá mé á já ná cuu quiahva mé á tóco ndihi ña ndítahan nu ndó ndiquehe ndó saḡa mé chuun naḡaja ndó.

⁹Ta ndá na quéta xoo nuú ña najánaha Jesucristo ta coo xíca ndacu na íchi cuéntá mé á, na cán náḡa ña coo in nanduu na xihín Ndióxi. Joo ndá na xíca na cája na ña najánaha Jesucristo, na cán cúú na in nanduu xihín Ndióxi, tátá yó ta in nanduu na xihín Jesucristo, jahyi mé á. ¹⁰Ta ndá na vaḡi nu ndo ta coo jánaha na ña najánaha Jesucristo nu ndo já quéa a ndiquehe ndó na cán vehe ndó ta ní a cahan Ndióxi ndó xihín ná. ¹¹Jáchi tá ná jáyaha ndó na cán vehe ndó já quéa in nanduu ri mé ndó xihín na ta cátaḡan ndó xihín ña núu cája na.

Ndindayí Juan na cúú cuéntá Jesús

¹²Íin cuahá ndivaha ñaha cúni cahan i xihín ndo joo coo cúni cahyí i ña nu ndo. Jáchi ña cúni quéa saḡa i coto nihni i ndohó já ná cuu ndituhún yó ña ná cavatá ndivaha ini ndihí.

¹³Ta na cúú jahyi quihvi ndo chindahá na Ndióxi coo ndó jáchi mé ña cúú ña ña nacaxi Ndióxi viti. Já ná coo.

Carta chí uní nacahyí Juan nuú na cúu cuéntá Jesús

Cáhan Ndióxi Juan xihín in da nani Gayo

¹ Yehe cúu u in da saçuaha ta cáhyi i carta yóho nu mún ñani máni, da nani Gayo. Ta mé a ndaa quíhví ndusa ini i yohó.

² Candehé, ñani máni, da cúu cuéntá Jesús. Xíca tãhví i nu Ndióxi ña ná quiahva mé á tá nuú ña vaha nuun. Ta ná caja mé á ña ná a quíhvun ta já coo vaha inún tá quiahva ín vaha inún xihín Ndióxi. ³ A juú quiahva ná cajíi ini i tá naquixi java na cúu cuéntá Jesús yóho ta nandicani na nuú i ña co cáxoún nuú ña ndaa jáchi cája tá cájún ña. ⁴ A juú quiahva cájii ini i tá ñéhé e tũhun ña xíca ndó íchi cuéntá ña ndaa jáchi mé ndó cúu ndó tátũhun jahyi i.

⁵ Candehé, ñani máni. Vaha ndivaha cájún jáchi xihín ndinuhu inún chindeún na cúu cuéntá Jesús tá saa na jan vatí cúu ná na quíxi ñuu tóho. ⁶ Ta nu tóco ndihi na táca veñuhu yóho ndicani mé na tóho ndá quiahva quíhví ndivaha inún na. Ña cán quéa xíca i ñamani nu yóho, Gayo ña ná chindeún na tá ná saa tucu na cán ta ná quiahvún ña ndímani nu ná cañehe na íchi cahun na jáchi ña yóho cúu á ña cájii ini Ndióxi xihín. ⁷ Ndítahan chindeún na jáchi naqueta na xíca nuu na cája na chuun cuéntá Jesucristo ta co cúni na çaça na ñaha catacu na nuú na co cúu cuéntá Jesús. ⁸ Sahá ña cán quéa ndítahan nu mí, na cúu cuéntá Jesús chindeé yó na cán xihín ña ndímani nu ná. Ta xihín ña yóho in nduu yó xihín ná tá cáhan na ña ndaa xihín ñayivi.

Cuachi cája in da nani Diótrefes

⁹ Sa nachindahá i in carta nu tóco ndihi na cúu cuéntá Jesús ndúu jan joo Diótrefes coó naxeen da cándusa da ña cáchi nde. Jáchi cája cáhnu da mé dá ta cúni da cacuu da jiní nu tóco ndihi na cúu cuéntá Jesús ndúu jan. ¹⁰ Sahá ña cán quéa tá ná saa i jan caxi tũhun i nuun sahá ña cája da jáchi xíca nuu da cáhan ndivaha da ña tũhún sahá nde. Ta a juú ña yóho cuití cája da, vaha jáchi ni co cúni da ndiquehe da na cúu cuéntá Jesús xínu coo jan. Ta sáji nuu da nuú na cúni ndiquehe vaha ñahá ta jandá táxi da na veñuhu.

¹¹ Candehé, ñani máni. A cájún ña núu tá quiahva cája Diótrefes jan. Xíni ñúhú cájún ndinuhu ña vaha jáchi da cája ña vaha cúu dá cuéntá Ndióxi joo da cája quini co xini da Ndióxi.

Ña vaha cája Demetrio

¹² Joo tóco ndihi na cúu cuéntá Jesús cáhan vaha na sahá da nani Demetrio jáchi ña ndaa cuití va cája da. Ta quiahva já cáhan

vaha ri ndehe va saha dá ta cándaa inún ña cáhan nde ña ndaa.

Ndíndayí Juan Gayo

¹³ Mé a ndaa ín cuahá ndivaha ñaha cúni cáhan i xuhun joo co cúni cáhyi i ña nuú tutu yóho ¹⁴ jáchi cúni cuni yachi i yohó já ná ndítũhún yũhu mí i xuhun.

¹⁵ Ña xíca i nu Ndióxi quéa ná caja mé á ña ná coo vaha inún. Na cúu cuéntá Jesús ndúu yóho chindahá na Ndióxi coún. Ta cajún ñamani cáhan Ndióxi lohún xihín in in na cúu cuéntá Jesús ndúu jan.

Carta nacahyí Judas nuú na cúu cuéntá Jesús

Cáhyi Judas carta nuú na nacaxi Ndióxi cacuu na cuéntá mé á

¹ Yehe cúu Judas, da cája chúun cuéntá Jesucristo ta cúu u ñani Jacobo. Cáhyi carta yóho nu ndóhó jáchi cúu ndó na nacana Ndióxi, tátá yo. Cúu ndó na quíhvi ini mé á ta cúu ndó na ndáá Jesucristo jáchi in nanduu ndó xihín mé á. ² Ña xíca tahví i nu Ndióxi queá ña ná tahná ndivaha ini mé á saha ndo. Ta ná caja mé á ña ná coo vaha ndivaha ini ndó. Ta ná chutú ndaa ini ndó xihín ña quíhvi ini a ndohó.

Cáhan Judas sahá na jánaha ña tuhún (2 Pedro 2:1-17)

³ Candehé ndo, ñani mí i, na cúu cuéntá Jesús. A juú quiahva naxinu ini i cáhyi i nu ndo saha ndá quiahva najácacu Ndióxi ndihí. Joo viti ndihí ini i cáhyi i carta yóho nu ndo ná caça tahví i nu ndo ña ná á jándacoo ndó ña cándéé ini ndó Jesucristo jáchi ña yóho cúu á ña in tañu cuití va nasahan Ndióxi nu yo, na cúu cuéntá mé á. ⁴ Jáchi java ñayivi nandaja na mé ná tátuhun na cúu cuéntá Jesús ta naquihvi nuu na tañu ndó jan. Mé ñayivi yóho cúu ná na sa cáhan tuhun Ndióxi saha janda jihna ndivaha ta cáchi á ndítahan nu ná cuhun na indayá. Cúu ná ñayivi quini jáchi jánaha na ña tá sa nacaja cáhnu ini Ndióxi sahá cuachi na já cuu caha na tá nuú cuachi ña cúní mé ná. Ta xihín ña yóho náha ña co xéen na candúsa na Ndióxi, mé á cómi cuéntá saha tóco ndihí ñaha. Ta jári náha ña co cúu ná cuéntá Jesucristo, xitoho í.

⁵ Sa xínj ndo ña nandoho na Israel tá natavá Ndióxi na ñundáhyi Egipto sanahá. Ta viti jándicuhun ini i ndohó ña vatí natavá Ndióxi tóco ndihí na Israel cán Egipto joo tá nandihí najándihí a sahá na coo naxeen candúsa ñahá. ⁶ Ta quiahva já nacaja ri mé á xihín na nasacuu tátó mé á jáchi coo naxeen na caha na ña cúní Ndióxi ta najándacoo na nuú nasanduu na. Sahá ña cán queá naxicajá Ndióxi na nu naá ndivaha nu ñúhu na anda ama cáa quívi. Ta ndáti na cán xinu quívi caha víi mé á saha ná. ⁷ Ta tá quiahva nacaja Ndióxi xihín mé á tátó cán quiahva já nacaja ri a xihín ñayivi ñuu Sodoma xihín na ñuu Gomorra ta xihín na nanduu ñuu ñéhe táhan xihín ndíví ñuu yóho. Najándihí Ndióxi sahá ná jáchi nandiquiahva na yiquí cuñu na ña ná caja na tá nuú cuachi. Ta ndaja táhan mé taa nacaja cuachi xihín táhan da. Sahá ña cán queá najácuyu Ndióxi ñúhu cáyi jatá ná. Ta quiahva já ndoho na anda ama

cáa quívi. Ta xihín ña yóho jánaha Ndióxi nu yo ña quiahva já cuu ndoho ri mé ví tá co cája í ña cúní mé á.

⁸ Tá quiahva nacaja ñayivi sanahá quiahva já cája ri na jándahvi ndohó viti. Jáchi cúu ná ñayivi quini, na cája cuachi ta tá xini na cája na in cuachi já cuahan na cája ná ña. Mé na cán cája na ña núu xihín yiquí cuñu na ta quehe núu na Ndióxi jáchi co quehe na cuéntá nu cáhan mé á xihín ná ta co yihví na cánahá na xihín tátó Ndióxi indiví, mé á in ndéé cája cuahá ñaha. ⁹ Ta janda mé á cúu sacuaña nu tóco ndihí tátó Ndióxi naní a Miguel ni coo nacanahá a xihín tinhá sacuaña. Ta ni co naxeen a cáhan núu a xihín rí tá nacani táhan mé á xihín rí sahá yiquí cuñu Moisés. Ña nacachi a xihín rí queá: “Ndióxi ná jánani a yohó”, nacachi a xihín rí. ¹⁰ Joo ñayivi quini, na xíca jándahvi na cúu cuéntá Jesús yóho, co yihví na cánahá na xihín ña co cándaq ini na saha. Joo cája na ña xíca ini yiquí cuñu jáchi cúu ná tátuhun quítí, rí co xini túni ta ña núu cája na yóho jándihí a sahá ná.

¹¹ Ndáhví ndivaha nacuu na jan jáchi cája na tá quiahva nacaja Caín, da nasahní ñani sanahá ndivaha. Ta jatá jjuhún cuití va cája na ñaha tá quiahva nacaja Balaam sanahá. Ta cája ri na tá quiahva nacaja Coré sanahá tá nandiñehe yúhu dá nu Ndióxi. Ta sahá ña yóho ndihí saha ná. ¹² Jáchi na jándahvi ndohó jan jácacahan na nuú ndo tá táca ndo xixi ndó xihín java na cúu cuéntá Jesús. Jáchi yáha ndivaha ña xixi na jan ta coo toni ñúhu na xihín ña cája na. Ta saha mé cuití va na ndihí ini na. Cúu ná tátuhun víco núhú, ña xíca nuu cája táchi ña co ndójo javí. Ta cúu ná tátuhun yíto cuíhi, do co cúun ñaha nuú tá ndítahan cuun cuíhi nu do. Cúu ná tátuhun yíto, do natuhun na janda yóho dó jáchi coo nacuu cuíhi nu do. Ta cúu ná tátuhun na nandihí saha chí in ndéé. ¹³ Ña cája na jan cúu á tátuhun yáco cándoq nuú chíquíñu tañuhú tá ndicojo do jáchi ña cácahan nuú yo cúu ña cája na jan. Cúu ná tátuhun quimí, rí najana ta co ndíñehe rí nuú nasahún rí. Ta sahá ña cája na cañuhu na nuú naá ndivaha anda ama cáa quívi caha Ndióxi.

¹⁴ Ta janda sanahá da naní Enoc, da nasacuu da usa nuú chíchi Adán najáyaha da tuhun nacahan Ndióxi sahá ña núu cája na jándahvi ndohó cán. Ta já nacachi da já: “Candehé ndó. Sa vaxi Jesucristo, xitoho í xihín cuaha mil tátó yii mé á ¹⁵ ña ná caha víi a saha tóco ndihí na ndúu ñuyíví. Ta jándoho a ini tóco ndihí ñayivi sahá ndihí ña núu nacaja na. Ta quiahva já jándoho a ini na saha tóco ndihí tuhun ihví nacahan na saha mé á”, nacachi Enoc saha ná. ¹⁶ Mé ñayivi quini yóho ni in ñaha co táhan ini na xihín ta cáhan núu na saha tóco ndihí ñaha. Ta ní tiempo cája na ña xíca yiquí cuñu na cuití va.

Ta ndíñehe jícó ndivaha na mé ná tá cáhan na nuú ñayivi. Ta cáhan vaha na sahá ñayivi ña ná nuná nuu ná jándahvi ñahá na.

Jácahan Judas na cúu cuéntá Jesús ña ná candeé cáhu ini na Ndióxi

¹⁷ Candehe ndo, ñani máni, na cúu cuéntá Jesús. Xíni ñúhú ndicuhun ini ndó ña ñacachi na apóstol cuéntá Jesucristo, xitoho í xihin ndo sanahá. ¹⁸ Mé na cán ñacachi na xihin ndó já: “Tá ná cayati quívi ndihi sahá ñuyivi yóho já queá cacu nuu ñayivi cuacu ndaa na Ndióxi. Ta caja na tá nuú ña núu ña xíca ini mé ná caja na”, ñacachi na cán. ¹⁹ Mé ñayivi quini yóho cúu ná na xíca sahdá java táhan na cúu cuéntá Jesús. Ta cája na ña núu ña cáhvi ini na caja na ta co ndácaan ínima yii Ndióxi ini na.

²⁰ Joo mé ndó, ñani máni, na cúu cuéntá Jesús xíni ñúhú coo ndacú ini ndo xihín ña candeé ini ndó Jesús jáchi ña jan cúu á ña yii ndivaha. Ta xíni ñúhú caça táhvi ndo nu Ndióxi xihín ndéé ña sahan ínima yii mé á nu ndo. ²¹ A cáxoo ndó nu Ndióxi jáchi quíhvi ini a ndohó. Ta candati tiahva ndó xinu coo quívi caja Jesucristo, xitoho í ña ná catacú andá ama cáa quívi jáchi mé a ndaa táhvi ini a saha yo.

²² Ta ndítahan candáhvi ini ndó ndá na cáhvi jvi joho ini saha Jesús. ²³ Já queá jácacu Ndióxi na ña ná a cùhun toho na indayá. Xíni ñúhú candáhvi ini ndó na. Joo cuéntá coo ndó xihín ná já ná a cásahá ndo caja ndó cuachi tá quíhva cája mé ná jáchi na cán cuu jácaquini na ndohó.

Cája cáhu Judas Ndióxi

²⁴ Mé Ndióxi queá íin tóco ndihi ndéé chindeé a mí ña ná a ndacava í nuú cuachi já ná cuu coo víi yo tá ná xinu coo í nu íin mé á. Ta caja mé á ña ná chutú ndaa yo xihín ña cájji ini tá ná xinu coo í nu íin mé á ta a juú quíhva ndató cáa cán. ²⁵ In túhún jiní mé á cúu Ndióxi, mé á jácacu mí sahá ña ñacaja Jesucristo, xitoho í. Cóho caja cáhu í Ndióxi jáchi yéhe ndivaha mé á ta cáhu ndivaha cúu á ta íin cuahá ndéé á ta mé á queá cómi cuéntá saha tóco ndihi ñaha. Cáhu cúu mé á viti ta andá saha ta andá ama cáa quívi cáhu cúu mé á. Já ná coo.

Ña najánaḥa Jesucristo nu Juan

Ta nanaha Jesucristo mé á nu Juan

¹ Ña yóho cúu ña nanaha Ndióxi nuu Jesucristo ña ná cuu jánaḥa mé á ña nuu ná cúu cuéntá mé á. Ta nachindahá Jesucristo in táto mé á nuu yehe, da cúu Juan, da cája chúnun cuéntá mé á já ná caxi tuhun táto mé á xihín i ndá a queá yaha chága chí nuu. Ta cúu á ña sa cáyati vaxi. ² Ta ndícani ndaa ndihi i sahá ña naxini i xihín nuu i ta naçahyi i tóco ndihi ña yóho. Ta nasahan Jesucristo tuhun a nuu i ña cúu á ña ndaa.

³ Cajiini ñayivi tá cáhvi na ña naçahyi i yóho ta cajiini in na xini joho na ña yóho nani cáhvi inga na ña jáchi cúu á ña naquixi cuéntá Ndióxi. Cajiini ñayivi tá cája na ña cáchi a jáchi sa naçayati quivi coo tóco ndihi ña yóho.

Cáhyi Juan ña yóho nu ndihusa ñuu nu nditaca na cúu cuéntá Jesús

⁴ Yehe cúu Juan ta cáhyi i carta yóho nuu ndihusa ñuu nu ndúu na cúu cuéntá Jesús estado Asia. Ña cúnj queá ná caja cuaha Ndióxi ñamanj xihín ndó ta ná caja mé á ña ná coo vaḥa ini ndó. Mé Ndióxi in a viti ta nasahjin a janda tá cámani çava sáhá saḥa ñuyivi ta quixi a ñuyivi yóho. Ta cúnj ña ná caja cuaha inima yji Ndióxi ñamanj xihín ndo. Mé a cán cáa tátuhun usa inima yji ta ndúu na nu Ndióxi, mé nu in coo a cómi a cuéntá sahá indivi cáa. ⁵ Ta cúnj ña ná caja cuaha Jesucristo ñamanj xihín ndo, mé á cáhan ña ndaa sahá ña naxini a. Ta mé á naçacuu ña nu cuítí nanditacu tañu na sa naçihj. Ta cómi a cuéntá saḥa tóco ndihi rey, na cómi cuéntá sahá ñayivi ñuyivi yóho. Ta quihvi ini Jesucristo mí ta najándoo a cuachí tá naçijá nji á ndjca cruxu. ⁶ Ta tóco ndihi mí, na cándeé ini mé á najándique táhan mé á mí já ná cacomi a cuéntá saḥa yo. Ta nandaja mé á mí nanduú tátuhun jutú ña ná caja cáhnu yó Ndióxi, mé a cúu tátá Jesucristo. Cáhnu ná cacuu mé á anda ama cáa quivi jáchi in ndéé mé á caja tóco ndihi ñaha anda ama cáa quivi. Já ná coo.

⁷ Sa naçayati quivi quixi Jesucristo tañu vjco. Ta tóco ndihi ñayivi cuni ñahá ta janda na nasahni ñahá cán cuni na a. Ta tóco ndihi ñayivi ndúu ndijáá ñuu ní cúu saḥa ñuyivi canduu cuéha ndivaha ini na saḥa mé á. Já ná coo.

⁸ Ta já cáchi Jesucristo, xitoho í saḥa mé á: “Yehe cúu mé a nu cuítí ta yehe cúu mé a nu ndihí jáchi janda tá cámani çava sáhá saḥa tóco ndihi ñaha sa in va yeḥe ta coo tá coo i vatí ná ndihi sahá”, cáchi a. Mé a cúu Ndióxi,

ñá in ndéé cája tóco ndihi ñaha. Ta mé á in a viti ta nasahjin a janda tá cámani çava sáhá saḥa ñuyivi ta quixi a ñuyivi yóho.

Náha Jesucristo nu Juan ndá quiahva cáhnu cúu mé á

⁹ Yehe cúu Juan ta cúu u ñani ndó, na cúu cuéntá Jesús. Ta sahá ña cándeé ini i Jesús sahá ña cán queá nañeḥe táhvi i xihín mé ndó cacomi Ndióxi cuéntá saḥa ndihí. Ta coo caja toho ña ná ndoho ini ñuyivi yóho jáchi sahan Ndióxi tuhun ndéé ini já ná cuu caja ndeé ini tá ndóho ini. Natava xóo na yeḥe ta nasahan ñeḥe na yeḥe isla nani Patmos sahá ña naxjca nuu i naçahan i tuhun Ndióxi, ña cúu ña ndaa, ña najánaḥa Jesucristo nuu i. ¹⁰ Ta ndaja coo nandindaa quivi coo ña naçacu ini Jesucristo, xitoho i ta mé tañu já naçhutú ndaa inima i xihín inima yji Ndióxi ta já naxini joho i cáhan cóho in a chí jatá i ta naçacuu a tátuhun tá tiví na tnapceta. ¹¹ Ta mé tuhun naxini joho i cán qracacha a já xihín i:

—Yehe cúu mé a nu cuítí ta yehe cúu mé a nu ndihí jáchi janda tá cámani çava sáhá saḥa tóco ndihi ñaha sa in va yeḥe ta coo tá coo i vatí ná ndihi sahá. Tóco ndihi ña ná cunún yóho xini ñúhú çahyún ña nuu in libro. Ta já chindahún ña nuu ndihusa ñuu estado Asia nu ndúu na cúu cuéntá mí i. Chindahún ña nuu na ndúu ñuu Efeso xihín nuu ná ndúu ñuu Esmirna xihín nuu na ndúu ñuu Pérgamo xihín nuu na ndúu ñuu Tiatira xihín nuu na ndúu ñuu Sardis xihín nuu na ndúu ñuu Filadelfia xihín nuu na ndúu ñuu Laodicea viti —naçachi a xihín i.

¹² Tá naxini joho i ña yóho já nandicoto nihni jatá i sándeḥé e yo cáhan xihín i. Ta já naxini i usa ña jjuhun cuáán nu sándójó ña túun. ¹³ Ta tañu ña cán naxini i in a cúnj coo tá cúnj coo ñayivi ta ndíxi a in jáhma cánj ña janda sahá xinu coo a xihín quiahva cánj á. Ta naxini i ndácaan in cinturón ña jjuhun cuáán tóco á ta cáni a janda yati yicá ndicá a. ¹⁴ Ta ijí jiní a cúu á ña yaa çachj tátuhun yaa yucu yáhvá. Ta nduchú núu a cúu á tátuhun ñúhu ita. ¹⁵ Ta tá quiahva yeḥe çaa ña jándutu na ini horno quiahva já yeḥe sahá. Ta nihi ndivaha cáhan mé á ta cúu á tátuhun tá xójo çuyu ticují yuta tañu cáva. ¹⁶ Ta naxini i ñúhu usa quimi ini ndahá cuáha mé á. Ta ini yúhu a naxini i quéta in yuchú cánj ña jeen ndívi xoo yúhu. Ta naxini i yeḥe ndivaha nuu á tá quiahva yeḥe çandii çaxivi ndaa.

¹⁷ Tá naxini i mé á já nandicava i sahá tátuhun in ndii. Joo mé á nacinúu a ndahá cuáha jatá i já naçachi a já xihín i:

—A cáyhvi tohún. Yehe cúu mé a nu cuítí ta cúu u mé a nu ndihí. ¹⁸ Tácú tá tácú va yeḥe. Mé a ndaa naçacuu u ndji joo viti tácú u ta catacu u anda ama cáa quivi.

Ta yehe naquee vaha i tá nanditacu tucu u tañu ndii na viti cómi i cuéntá sahá nu ndúu iníma na sa naxihí. ¹⁹Xíni ñúhú cahyún ña naxinún. Ta xíni ñúhú cahyún sahá ña cóu viti ta já cahyún sahá ña coo chága chí nuu. ²⁰Ña yóho queá ña cachi ndihusa qujimi naxinún ñuhu ini ndahá cuáha i xihín ndihusa ña jjuhun cuáan nu sándójó ña túun. Ndihusa qujimi cán cóu ri yuhú nuu in in na cómi cuéntá sahá usa veñuhu nu táca na cóu cuéntá Jesús. Ta ndihusa nu sándójó ña túun cán cóu á yuhú nuu usa veñuhu. Ta ña yóho cóo naxini ñayivi jáchi nasacuu a ña jehé.

2

Ña naxachi Jesús xihín na cóu cuéntá mé á ndúu ñuu Efeso

¹ Cahyún in carta nuú da cómi cuéntá sahá na cóu cuéntá mí i ndúu ñuu Efeso. Ta ña cahyún cóu ña yóho: “Ña yóho cóu tuhun cáhan Jesús, mé a ñúhu usa qujimi ini ndahá cuáha, mé a xíca nuu tañu usa ña jjuhun cuáan nu sándójó ña túun. Ta ña yóho queá cáhan Jesús xihín ndó, na ñuu Efeso: ² Sa cándaq ndihí ini i ndá quiahva cája ndó. Cándaq vaha ini i ña ndúcú ndéé ndó cája chúun ndó cuéntá mí i. Ta co jándacoo ndó chuun cája ndó cuéntá mí i. Ta sa cándaq vaha ini i ña co ndéé ini ndó xihín ña cája ñayivi quini. Ta sa cándaq ini i ña sa naxito ndojó ndó na cáchi cóu apóstol cuéntá Ndióxi joo co cóu toho na apóstol jáchi cóu ná na tuhún cuíti va. ³ Ta sa cándaq cáxi ini i ña co jándacoo ndó cája chúun ndó cuéntá mí i. Ta cuahá ndivaha tañu ndóho ini ndó sahá i. Ta co cánaá ndó xihín ña yóho. ⁴ Joo ín in ñaha cáhan cuachí i nu ndó saha: Ta ña cuni cahán i saha cán queá co cuni ga ndó yehe tá quiahva nacacúni ndó yehe janda mé saha. ⁵ Ña cán queá ndítahan ndicuhun ini ndó ndá quiahva nacacúni ndó yehe jihna. Ta ndítahan nu ndó ndicó coo ini ndó ta caja ndó tá quiahva nacaja ndó janda mé saha. Á tá cóo ta xinu yaxhi i nu ndó ta tava i ña cándójó, ña túun nu ndó. Caja i ña yóho xihín ndó tá ná a ndicó coo ini ndó. ⁶ Joo mé a ndaq cáji ini i xihín ndó jáchi cándaji ndó ña núu cája na xíca cuéntá nicolaitas jan. Jáchi co táhan ri ini yehe xihín ña núu cája na jan. ⁷ Cuni johó vaha ndó, na vaha johó ña cáhan iníma yíi Ndióxi xihín na cóu cuéntá mí i, na táca veñuhu: Ndá na ná quee vaha tañu tóco ndihí ña núu ñuyivi yóho, na cán cóu na quiahva i ñamaní nuu caxi cujhi cúun nu yíto, dó cája ña ná caticu ñayivi anda ama cáa quivi. Mé yíto cán cándichi dó nu ín Ndióxi.”

Carta cuahán nuú na cóu cuéntá Jesús ndúu ñuu Esmirna

⁸ Cahyún inga carta cuhun nuú da cómi cuéntá sahá na cóu cuéntá mí i ndúu ñuu

Esmirna. Ta ña cahyún nu ná cóu ña yóho: “Ña yóho queá cáchi Jesús, mé a cóu á nu cuíti ta cóu á nu ndihí, mé á sa naxihí ta já nanditacu tucu a. Ta já cáchi a já xihín ndó, na ñuu Esmirna: ⁹ Sa xíni vaha i ndá quiahva ndóho ini ndó. Ta xíni ndá quiahva cándahva ndó. Joo mé a ndaq cóu ndó na cújca nu Ndióxi. Ta sa xíni ndá quiahva cáhan núu na saha ndó jáchi cáchi na cóu ná na Israel joo a juú na. Cóu ná in táhnda na cája cáhnu Satanás, mé tiñahá saçuaha va. ¹⁰ A cáyihvi toho ndó sahá ña vaxi nu ndó ndóho ini ndó. Jáchi ñayivi quini, na cóu cuéntá tiñahá saçuaha taán na java ndohó vecaa já coto ndojó na ndohó. Ta tixi uxu quivi ndóho ini ndó. Ta xíni ñúhú cándeé tá cándeé ini ndó yehe vatí ná cahni na ndohó ta já ná caja i ña ñehe táhvi ndó caticu ndó anda ama cáa quivi. ¹¹ Cuni johó vaha ndó, na vaha johó ña cáhan iníma yíi Ndióxi xihín na cóu cuéntá mí i, na táca veñuhu: Ndá na ná quee vaha nu tóco ndihí ña núu ñuyivi yóho, na cán cóu na a cuhun toho na ndóho ini na indayá. Jáchi tá ndóho ini ñayivi indayá cóu á tátuhun xihí na chí ivi.”

Carta cuahán nuú na cóu cuéntá Jesús ndúu ñuu Pérgamo

¹² Cahyún inga carta cuhun nuú da cómi cuéntá sahá na cóu cuéntá mí i ndúu ñuu Pérgamo. Ta já cachún já nu carta jan: “Jesús, mé a ñehe yúchu cáni ña jeeñ ndívi xoo yúhu cán queá cáchi já: ¹³ Sa xíni vaha i ña ín ndó ñuu Pérgamo nu cája Satanás, mé tiñahá saçuaha ña cuni mé rí xihín ñayivi. Joo xihín ndinuhu ini ndó cája ndó ña táhan ini i xihín. Ta cóo najándacoo ndó ña cándeé ini ndó yehe vatí naxini ndó ndá quiahva nacaja na xihín Antipas, mé da nacandeé cáhu ini yehe cán. Jáchi nasahní na da mé ñuu jan nu cómi Satanás, mé tiñahá saçuaha cuéntá sahá ñayivi. ¹⁴ Joo ín in ñaha cáhan cuachí i nu ndó saha. Jáchi sahan ndó ñamaní nuú java ñayivi cán ña ná candiço cáhnu na ña najánaha Balaam. Mé Balaam jan cóu dá da najánaha Balac ndaja caja da jácahan da na Israel caja na cuachi tátuhun ná cuxu na ña najoco ñayivi nuú yoco ta ná cuju xihín táhan ñayivi vatí co cóu ná yíi ná á ñájihí na. ¹⁵ Ta co ín vaha ini i xihín ndó, na ñuu Pérgamo jáchi sahan ndó ñamaní nuú java ñayivi ña ná candiço na jatá na nicolaitas. Ta cándaji ndivaha i ña jánaha na jan. ¹⁶ Xíni ñúhú ndicó coo ini ndó ta caca vaha ndó ichi cuéntá mí i. Á tá cóo ta sa yaxhi nu ndúu ndó jan. Ta xihín tuhun cahán i caní táhan i xihín na cája cuachi jan. Ta mé tuhun cahán i cacuu a tátuhun yúchu cáni ña cana yuhú u. ¹⁷ Cuni johó vaha ndó, na vaha johó ña cáhan iníma yíi Ndióxi xihín na cóu cuéntá mí i, na táca veñuhu: Ndá na ná quee vaha nuú ña núu já queá quiahva i ñamaní nuú ná cuxu

na pan yij, ña cúu tátuhun maná, ña ñaquiixi indívi. Ta ña yóho cúu á ña ñasahjijn jehé nuú ñayivi. Ta já quiahva rj in yuú yaa nuú in in ñayivi nu ndáa quívi saá na. In túhún na ná ndiquehe yuú yaa cán cúu na xini yo quívi queá ndáa nu á.”

Carta cuahqan nuú na cúu cuéntá Jesús ndúu ñuu Tiatira

¹⁸ ‘Cahyún inga tucu carta ná cuhún a nuú da cómi cuéntá sahá na cúu cuéntá mí j ndúu ñuu Tiatira. Ta já cachún já xihín ná: “Ña yóho queá cáchi Jesús, mé a cúu in túhún jini já jahyi Ndióxi. Ta mé a queá yehé nduchú núu a tátuhun ñuhú ita ta yehé sahá tá quiahva yehé caa, ña jándutu na ini horno. Ta mé á cáchi á já xihín ndóho, na ñuu Tiatira: ¹⁹ Sa xini vaha j tóco ndihi ña cája ndó. Xini vaha j ña cúni ndó yehé. Ta xini vaha j ña cándeé cáhu ini ndó yehé. Ta sa xini vaha j ña co jándacoo ndó cája ndó ña cájii ini j xihín. Ta sa cándaq vaha ini j ña ndihi chágá ini ndó cája chúun ndó cuéntá mí j a juú ga tá ñacasahá ndó cándeé ini ndó yehé. ²⁰ Joo in in ñaha ña cúni cahan cuachi j xihín ndó saha. Jáchi co cúni ndó jananí ndó ña naní Jezabel, ña in tañu ndó jan. Vati cáchi ña ña cáhan ña cuéntá Ndióxi joo xihín ña quixi jini mé ña jándahvi ña na cúu cuéntá mí j. Jáchi jácahan ña na ná cuju xihín táhan na, na co cúu yi ná á ñajihí na. Ta jánaña ña na ña ná na ña ña najoco ñayivi nuú yoco. ²¹ Sa ñasandati ndivaha j ña ná ndicó co ini ña sahá cuachi cája ña joo co cúni ña jándacoo ña ña quiji ña xihín na co cúu yi ña. ²² Sahá ña cán queá caja j ña ná quihvi ndeé ña canduhú ña xito ña. Ta caja j ña ná ndoho ndivaha ini ndihi da quiji xihín ña tá ná a jándacoo da cuachi cája da xihín ña jáchi ña jan cúu ña najánaña ña nu dá caja da. ²³ Ta caja j ña ná quivi ndihi jahyi ña. Ta xihín tóco ndihi ña yóho cuni na cúu cuéntá mí j, na ndúu ndijáa ñuu ña mé a ndaa xini vaha j ña cáhvi ini ñayivi ta xini ndaja in inima ná. Ta quiahva j nuú in in ndó ña ndítahan quehe ndó sahá ña ñacaja ndó. ²⁴ Ta viti cúni cahan j xihín java ga ndó, na cúu cuéntá mí j ndúu ñuu Tiatira jan. Jáchi co ndicó ndó jatá ña jánaña ña cán ta co ndicó ndó jatá ña cáchi ñayivi cúu ña ndíchi ndivaha cuéntá Satanás, mé tiñahá saçuaha. Ña cúni cachi j xihín mé ndó queá co ga inga chuun sáhdá j nu ndó. ²⁵ Joo xini ñuhú candita ndacu ndó jandá quiahva ná saá j nu ndúu ndó jan. ²⁶ Ta ndá na ná quee vaha nuú ña núu ñuyivi yóho ta cája na ña cúni yehé xihín ndinuhu ini na jandá quívi nu ndihí já queá caja j ña ná ñehé táhvi ná cahnda na chuun nuú ndijáa ñayivi ndúu ñuyivi. ²⁷ Tá quiahva ñacaja Ndióxi, tátá j xihín j tá ñasahan mé á ndeé á nuú j quiahva já caja j xihín na cándeé ini yehé. Ñehé táhvi ná cacomí na cuéntá

sahá ñayivi ñuyivi ta cuu caja na tá quiahva cúni mé ná. Ta cuu jándihi na sahá mé ñayivi ñuyivi tá quiahva cája ñayivi tá táhvi na quiji ndahyi. ²⁸ Ta quiahva ri yehé ñamaní nuú na cúu cuéntá mí j ña ná cacomí na quimi cáhu, ri quéta tá ñayivi. ²⁹ Cuni joho vaha ndó, na vaha joho ña cáhan inima yij Ndióxi xihín na cúu cuéntá mí j, na táca veñuhu.”

3

Carta cuahqan nuú na cúu cuéntá Jesús ndúu ñuu Sardis

¹ ‘Cahyún inga tucu carta cuhún nuú da cómi cuéntá sahá na cúu cuéntá mí j ndúu ñuu Sardis ta já cachún já xihín dá: “Ña yóho queá cáchi Jesús, mé a ñuhu inima yij Ndióxi ini, ña cúu ndihusa yuhú nuú inima yij mé á. Ta mé á cómi a ndihusa quimi ta ña yóho queá cáchi a xihín ndó, na ñuu Sardis jan: Xini vaha j tóco ndihi ña cája ndó. Ta sa xini vaha j ña cáhan ñayivi ña cája ndó tátuhun ñayivi tácu vatí mé a ndaa cúu ndó tátuhun ndji. ² Xini ñuhú ndicaxi vaha ini ndó ta a jándacoo ndó ña vaha cája ndó jan jáchi jalóho cúni ndihi sahá. Sándehé vaha j ña co cája ndó ña ndaa nu Ndióxi, tátá j. ³ Xini ñuhú ndicuhún ini ndó ña ñacatiahva ndó cuéntá mí j ta a jándacoo ndó caja ndó ña. Ta xini ñuhú ndicó co ndó nu Ndióxi ta ndicaxi vaha ini ndó. Á tá co ta jonáa cuítí xinu co j nu ndó já caja ví j saha ndó. Mé quívi co cáhan ndó xinu co j nu ndó tá quiahva jonáa xinu da cujhná. ⁴ Joo mé a ndaa ndúu java ndó mé Sardis jan, na co ñacaja quini mé xihín cuachi. Sahá ña cán queá cuu candixi na jahmá yaa ta já cuu caca tuun na xihín j jáchi in sahá caja na já. ⁵ Jáchi ndá na ná quee vaha nuú ña núu ñuyivi yóho já queá candixi na jahmá yaa. Ta a jándoo j quívi ná nu libro, mé nu ndaa quívi tóco ndihi na catacu anda ama cáa quívi. Ta nu Ndióxi, tátá j xihín nu táto mé á cahan cáxi j ña jivi ndusa cúu ná cuéntá mí j. ⁶ Cuni joho vaha ndó, na vaha joho ña cáhan inima yij Ndióxi xihín na cúu cuéntá mí j, na táca veñuhu.”

Carta cuahqan nuú na cúu cuéntá Jesús ndúu ñuu Filadelfia

⁷ ‘Cahyún inga tucu carta cuhún nuú da cómi cuéntá sahá na cúu cuéntá mí j ndúu ñuu Filadelfia ta já cachún já xihín dá: “Ña yóho queá cáchi Jesús, mé a cúu ña yij ndivaha ta cúu á ña ndaa. Ta nu mé á in yávi, ña ñasacomí rey David. Ta tá suná mé á in yehé ni in na a cuú chicaji ña. Ta tá chicaji mé á in yehé ni in na a cuú cuná ña. Ta ña yóho queá cáchi a xihín ndó, na ndúu ñuu Filadelfia jan: ⁸ Xini vaha j tóco ndihi ña cája ndó. Ñasuná j yehé nu ndó ta ni in túhún na a cuú chicaji ña. Ta cándaq vaha ini j ña cája tá cája ndó ña ñasahnda j nu ndó caja

ndó vatí coo cuaha ndée ndó. Ta co chíjehé tuhun ndó ña xini ndó yehe. ⁹ Candehé ndó ña caja i xihín na tuhún, na caja cáhnu Satanás, mé tiñáhá sacuaña sahá ña cáchi na cúu ná na Israel joo a juú toho na. Caja i ña ná caxití na nu ndo já ná ndicuni na ña mé a ndaa quihvi ini i ndohó. ¹⁰ Coo najándacoo ndó caja ndó ña nasahnda i nu ndó caja ndó ta nasahan ndeé ini ndó sahá ña cán queá chindeé vi ndohó ná a ndóho toho ndó ña núu vaxi jatá ñayivi ñuyivi yóho. Jáchi tá ná cayati mé hora já casáhá coto ndojó i tóco ndihi ñayivi ndúu ñuyivi. ¹¹ Yachi saa i nu ndo. Ta coto a jándacoo ndó ña candeé ini ndó yehe já queá ná a ndiquiahva i nu inga na ña sácú vaha i quiahva i nu mé ndó. ¹² Ta ndá na ná quee vaha nu tóco ndihi ña núu ñuyivi yóho, ndaja i na cán na cacuu na tátuhun jihún, dó cúu ndée veñuhu Ndióxi, tátá i. Ta cán canduu na anda ama cáa quivi. Ta jatá mé ná cahyi i quivi Ndióxi, tátá i. Ta sa mé yóho cahyi i quivi ñuu nu ñi Ndióxi. Mé ñuu yóho cúu á inga Jerusalén, ña saá, ña vaxi chí indivi nu ñi Ndióxi. Ta jivi jatá mé ná cahyi i inga quivi saá i. ¹³ Cuni johu vaha ndó, na vaha johu ña cáhan ínimá yii Ndióxi xihín na cúu cuéntá mí i, na táca veñuhu.”

Carta cuahan nuu na cúu cuéntá Jesús ndúu ñuu Laodicea

¹⁴ Cahyún inga tucu carta cuhun nuu da cómi cuéntá sahá na cúu cuéntá mí i ndúu ñuu Laodicea ta já cachún já xihín dá: “Ña yóho queá cáchi Jesús, mé a cúu ña ndaa. Mé a cáhan ña ndaa sahá ña ñaxini a xihín nuu á ta sahan tuhun a sahá. Ta mé á cúu á ña ñacavaha tóco ndihi ñaha, ña sácú ini Ndióxi coo. Ta ña yóho queá cáchi a xihín ndó, na ñuu Laodicea: ¹⁵ Xini vaha i tóco ndihi ña caja ndó. Ta xini vaha i ña mé ndó coo cúu ndó tátuhun in ñaha ihni ndinuhu. Ta ni coo cúu ndó tátuhun in ñaha vixi ndinuhu jáchi coo caja cáhnu ndó yehe xihín ndinuhu ini ndó. Vaha ná ndinuhu ña vixi ná cacuu ndó á tá ndinuhu ña ihni ná cacuu ndó. ¹⁶ Joo mé ndó ñi java uun ndó jáchi in ivi ndácaan ínimá ndo ta sahá ña cán queá tavá xóo i ndohó nuu i. ¹⁷ Jáchi mé ndó cáchi ndo ña cúu ndó na cuicá ndivaha. Ta cáchi ndo ña vaha ndivaha quehe ndó jáchi ñehe cuaha ndó juhún. Ta cáchi ndo ña ni in ñaha coo ndímaní nu ndo. Joo mé ndó cúu ndó tátuhun na cuáá ndáhvi ndivaha jáchi a ñaha cuni ndó ña co ñehe táhvi ndó nu Ndióxi. Cúu ndó na ndahvi ndivaha ta cúu ndó tátuhun na cuáá xica lahla. ¹⁸ Sahá ña cán queá cúni jácahan i ndohó ña ná quixi ndó nuu i cueen ndó juhun cuáan nuu i ña sa ñaxito ndojó na nu ñuhú itá ta já queá ná cacuu ndusa ndó na cuicá. Ta quiahva já ndítahan nu ndo cueen ndó jahmá yaa cachí nuu i candixi ndó já ná chijahvi ndó mé ndó jáchi cacahan nuu ndó

sahá ña xica lahla uun va ndó. Ta sa mé nuu yehe ndítahan cueen ndó taña chicaan ndó nduchú núu ndo já queá ná cuu candehé vaha ndó. ¹⁹ Jáchi jánani i tóco ndihi ñayivi, na quihvi ini i ta jándoho i ini na ña ná caja vaha na. Sahá ña cán queá xihín ndinuhu ini ndó ndítahan ndicó coo ini ndó caja ndó ña cúni Ndióxi. ²⁰ Candehé ndo. Yehe cúu u tátuhun in da cándichi cáni ndáha yéhe vehe ndó ta cáni i ndohó. Ta ndá na xini johu nu cáhan i ta súná na yéhe vehe na nuu i já quihvi i vehe na ta cajini i xihín ná ta mé ná cajini na xihín i. ²¹ Ta ndá na ná quee vaha nu tóco ndihi ña núu ñuyivi yóho, caja i ña ná cuu cacoo na xihín i indivi nuu cacomí i cuéntá saha ná indivi. Jáchi quiahva já ñaquee vaha i nuu ña núu ta viti ñi coo i xihín Ndióxi, tátá i nu ñi coo mé á sáhdá chuun indivi. ²² Cuni johu vaha ndó, na vaha johu ña cáhan ínimá yii Ndióxi xihín na cúu cuéntá mí i, na táca veñuhu.” —ñacachi a.

4

Tá caja cáhnu na Ndióxi indivi

¹ Tá sa ñayaha tóco ndihi ña yóho já ñaxini i núná in yéhe indivi. Ta mé a ñaxini johu i nu cuítí ña cáhan tátuhun trompeta ta ñacahan tucu a jatá i já ñacachi a já:

—Cuáhan ndaa xoo chóho já ná ñaha i nuun ndá queá coo chága chí nuu —já ñacachi a já xihín i.

² Chí mé hora já ñandeta nuu ínimá yii Ndióxi ini i. Já ñaxini i mé indivi cán in nu sácco rey ta ñi coo in a cán. ³ Ta mé a ñi coo cán ñasayéhe nuu á tátuhun yéhe in yuu naní ñaspe xihín yuu naní cornalina. Ta ñaxini i ñacava nuu in coyánqui nu ñi coo a. Ta mé coyánqui cán yéhe ri tá quiahva yéhe yuu cuí naní esmeralda. ⁴ Ta nu ñi coo mé a cán ñaxini i ñacava tivivi inga oco comí táyi vaha nu sácco na cómi chuun. Ta ñaxini i oco comí na sacuaña, in in na ñi coo nuu in in táyi vaha cán. Ta ndíhoco comí mé na sacuaña cán ndíxi na jahmá yaa cachí. Ta cándojó in tivivi juhun cuáan jin in in na cán. ⁵ Ta ñaxini i ña quéta tasa nu ñi coo mé a cán. Ta sa mé cán cáhndi tátuhun tá cána javi ta yati mé cán cáyi usá ití xihín ñuhú itá. Ta ña yóho cúu á ndíhusa yuhú nuu ínimá yii Ndióxi. ⁶ Ta yati mé cán ñaxini i in ñaha ta náha tátuhun in tañuhú, ña yéhe tátuhun in yutátá.

Ta yati jin nu ñi coo a cán ñacava tivivi comí ña tácu. Ta chí a juú quiahva cuaha nduchú núu a chí nuu a ta chí jatá. ⁷ Ta in táhan mé ña tácu cán, ña nu cuítí cán cáa tá quiahva cáa in león. Ta ña inga cán ña chí ivi cáa tá quiahva cáa tindiqui. Ta nuu ña cáhni cán cúni coo a tá quiahva cúni coo nuu ñayivi. Ta ña comí cán cáa tá quiahva cáa in tíaña tá ndáchi ri. ⁸ Ta in in mé ña

tácú yóho ñasahjin inñu ndixi a. Ta nuu á ta jatá naxutú ndaa ña xihín nducú núu. Ta ni ñuu ta ni ndivi co jándacoo ndicomi ña cán cahan já cáchi a já:

Yji ndivaha cúu mé ndó, Ndióxi, xitoho nde. Ta cuu caja ndó tóco ndihi ñaha.

Mé ndó sa já in va ndó tá ñacava sáhá saha ñuyivi.

Ta sa já in ndó viti ta já coo tá coo ndó anda ama cáa quivi —ñacachi ndicomi ña tácu cán.

⁹ Ta tá cahan mé ña tácu cán já cája cáhnu a Ndióxi ta ndiquahva ndixahvi nu mé a in coo nu sácco rey, mé a tácu anda ama cáa quivi. Ta tá cahan mé ña tácu cán ¹⁰ já ndicaxiti ndihoco comi na sacuaña cán cáhnu na Ndióxi, mé a tácu anda ama cáa quivi. Ta já tin na tiyivi cándójo jiní na jaxinu na ña nu in coo Ndióxi cán ta já cáchi na já:

¹¹ Ndióxi maní nde, cúu ndó xitoho nde ta nditahan nuu nde caja cáhnu nde ndoghó jáchi mé ndó nditahan ndicáhnu ndivaha.

In ndée ndo caja ndó tóco ndihi ñaha ta nditahan caja cáhnu nde ndoghó.

Jáchi ñacavaña ndó tóco ndihi ñaha, ta ndúu ndihi ñaha jáchi cúni mé ndó ña ná canduu a.

Ta ndúu a jáchi cúni mé ndó cavaha ndó ña, já ñacachi ndihoco comi na sacuaña cán cája cáhnu na Ndióxi.

5

Tá ñaxini Juan in libro xihín in ndicachi

¹ Tá ñandihí já ñaxini i in libro indivi ini ndáha cuáha mé a in coo nu sácco rey. Ta mé libro cán cúu á tutu ñatívi tuun a ta ñacahyi ndivi xoo nu á. Ta ndáji tuun a xihín usa sello. ² Ta já ñaxini i in táto Ndióxi, ña in ndivaha ndée a. Ta ñaxini joho i cahan cóho a ta ndaca tuhún a já cáchi a já:

—Ndá na cúu na in saha cahnda ndihusa sello yóho já ná cuná na mé libro ña ñatívi tuun cán —ñacachi mé táto Ndióxi cán.

³ Joo coo ñañehe ná ni in na in saha cahnda ndihusa sello cán. Ni ndivi ni ñuyivi ni nu ndúu na ñaxihí coo ñandíñehe ná ni in na cuu cahnda ndihusa sello cán ña ná candehé na ña ndáa nu mé libro cán. ⁴ Ta já ñacasáhá sácu ndivaha i jáchi coo ñandíñehe ná ni in tuhún na in saha cahnda ndihusa sello cán ña candehé na ini mé libro cán cahvi na ña ndáa nu á. ⁵ Joo in táhan na sacuaña cán ñacachi a já xihín i:

—A cuacu gaún jáchi Jesús, mé a cúu tátuhun león, ña ñaquixi chichi Judá ta ñaquixi a chichi rey David, mé a cán ñaquee vaha ta ñasahnu a nu tóco ndihi ña núu ñuyivi. Sáhá ña cán quéa cuu cahnda

ndihusa sello ta já cuná mé a libro cán —ñacachi a xihín i.

⁶ Ta ñaxini i cándichi Jesús, mé a cúu tátuhun ndicachi loho tañu na sacuaña ta tañu ndicomi ña tácu cán. Ta mé a cúu tátuhun ndicachi loho cán cándichi a nu sácco rey ta náha xicá ña ñajándicuehe na mé a tá ñasahni ñahá na. Ta ñaxini i in usa ndiqui a xihín usa nduchú núu a. Ta ña yóho cúu á ndihusa yuhú nuu inima yji Ndióxi, ña ñachindahá mé a níi cúu sahá ñuyivi. ⁷ Ta mé a cúu tátuhun ndicachi loho cán ñaxinu a ta ñatín a mé libro cán ndaha cuáha mé a in coo nu sácco rey. ⁸ Ta tá ñatín a mé libro ña ñatívi tuun cán já ñandica xiti ndicomi ña tácu cán xihín ndihoco comi na sacuaña cán nu mé a cúu tátuhun ndicachi loho cán. Ta tóco ndihi na cán cáñee arpa ndáha ná jácaha na. Ta cáñee coho chíñihmá, ña jiyhun cuáán ndáha ná ta naxutú ndaa ña xihín jusa támi sahan. Ta ña cán cúu yuhú nuu tuhun ña xicá tahvi na cúu cuéntá Ndióxi nu á. ⁹ Ta xihín ña saá xíta na cája cáhnu na mé a já cáchi na já: Nu mé ndó cáni ndiquehe ndó mé libro jan ta cahnda ndó sello ña ná cuná ndó ña.

Jáchi mé ndó ñaxihí ndó ñacaja ñayivi.

Ta tá ñaxita ni ndo já ñaxeen ndó ñayivi ná cacuu na cuéntá Ndióxi.

Ta mé ndó ñachahvi ndó sahá na ñaquixi ndijáá chichi xihín na cahan tá nuu tuhun xihín na ndúu ndijáá ñuu xihín ndijáá nación.

¹⁰ Ta mé ndó ñandaja ndó ñayivi yóho cacuu na tátuhun jutú já ná caja cáhnu na Ndióxi.

Ta mé na cán cacomi na cuéntá sahá ñayivi ndúu ñuyivi, cáchi na cája cáhnu na mé a cúu tátuhun ndicachi loho cán.

¹¹ Tá ñandihí já ñasandehé tucu u. Anda já ñaxini joho i cahan cuhá ndivaha millón táto Ndióxi cája cáhnu na mé a in coo nu sácco rey. Ñacava tiyivi na ndúu na jatá ndicomi mé ña tácu cán xihín jatá ndihoco comi na sacuaña cán. ¹² Ta já cahan cóho tóco ndihi mé táto Ndióxi cán já cáchi na já: Mé Jesús, mé a cúu tátuhun ndicachi loho, rí ñaxihí ñacaja ñayivi, in sahá caja tóco ndihi ñaha xihín ndée a.

Ta in sahá ndiquehe a tóco ndihi ña cuicá ta in sahá ndiquehe ndihi a ña ndichí ta in sahá ndiquehe a tóco ndihi ndée.

Ta in sahá ña ná ndíñehe jícó ñayivi mé a.

Ta in sahá caja cáhnu na mé a ta in sahá ña ná cata na nu mé a, cáchi tóco ndihi na cán cája cáhnu na mé a.

¹³ Ta quiahva já ñaxini joho ri cahan tóco ndihi ñaha ña ñacavaña Ndióxi ndúu indivi xihín ña ndúu ñuyivi xihín ña ndúu tixi ñundáhyi ta xihín ña ñúhu ini tañghú. Tóco ndihi ña ñacavaña Ndióxi yóho cája cáhnu a mé a ta já cáchi a já:

Ná ndicáhnú ndiváha Ndióxi, mé á íin coo nu sácoo rey.

Ta ná ndicáhnú ndiváha Jesús, mé á cúu tátuhun ndicachi loho.

Ná caja cáhnú í mé á ta ná ndiñehe jíco ñayivi mé á jáchi mé á queá íin ndéé caja tóco ndihi ñaha.

Ná caja cáhnú yó mé á anda ama cáa quivi, já cáchi tóco ndihi na cán.

¹⁴ Já nanducú ñehe ndicómi mé ña tácu cán tuhun já cáchi a já:

—Já ná coo.

Ta tá ñacachi a ña yóho já ñacaxití ndiñoco comí na sacuaña cán caja cáhnú na Ndióxi, mé á tácu anda ama cáa quivi.

6

Tá ñasahnda Jesucristo ndihusa sello

¹ Tá nandihí já ñaxini í ñasahnda Jesús, mé á cúu tátuhun ndicachi loho cán sello nu cuítí cán, ña cúu táhan ndihusa sello cán. Ta tá nandihí já ñaxini joho í cáhan in táhan ndicómi mé ña tácu cán xihín í ta tachí yúhu a cúu á tátuhun tá cána javí. Ta já ñacachi a já xihín í:

—Naha quí, candehún yóho —ñacachi a xihín í.

² Anda já ñasandehé e ta já ñaxini í in cuáyí cúxú ta ñaxini í cánúu in dataa jata rí. Ta ndáha da cán ñaxini í cáñee in arco. Ta ñaxini í ña ñañehe dá in tiyivi cánúu jini dá. Ta cájii íni da ñaqueta da jáchi cúu dá da sa ñaquee vaha ta ñeñe táhvi dá quee vaha tucu da.

³ Ta anda já ñaxini í ñasahnda Jesús, mé a cúu tátuhun ndicachi loho cán inga sello, ña cáhivi cán. Já ñaxini joho í ña ñacahan inga tucu táhan ndicómi mé a tácu cán xihín í. Já cáchi a já xihín í:

—Naha quí, candehún yóho —ñacachi a xihín í.

⁴ Ta já ñaxini í ñaqueta inga cuáyí ta cúu rí rí cuahá. Ta mé da cánúu jata rí cán ñañeñe táhvi dá jácáni táhan da ñayivi ndúu ñuyivi. Ta ñañeñe táhvi dá caja da ña ná cahní ndaja táhan mé ñayivi ndúu ñuyivi. Ta ñaxini í ñañeñe dá in yuchú cáni ña cáhnú cáñee a ndáha dá.

⁵ Ta tá ñasahnda Jesús, mé a cúu tátuhun ndicachi loho inga sello, ña cáhun já ñaxini joho í ñacahan mé ña tácu, ña cáhun cán xihín í já ñacachi a já:

—Naha quí, candehún yóho —ñacachi a xihín í.

Ta tá ñasandehé e já ñaxini í in cuáyí ndáhyi tñun ta já ñaxini í ña cáñee in ña sácuja ñaha ndáha mé da cánúu jata rí cán. ⁶ Ta tañu ndicómi mé ña tácu cán ñaxini joho í cáhan in a ta já cáchi a já:

—Ndívi yaa xíní ñúhú caja chúnú í já cuu cueén in túhnú laá kilo trigo. Ta in quívi ní

xíní ñúhú caja chúnú í já cuu cueén uní kilo cebada. Joo a quíahva ndó ñamaní ña ná tiví síti xihín vino —ñacachi a.

⁷ Ta tá ñasahnda Jesús, mé a cúu tátuhun ndicachi loho inga sello, ña cácomí cán já ñaxini joho í ñacahan mé ña tácu, ña cácomí cán xihín í já ñacachi a já:

—Naha quí, candehún yóho —ñacachi a xihín í.

⁸ Ta tá ñasandehé e já ñaxini í in cuáyí cuáán joho. Ta da cánúu jata rí caja ña ná quívi ñayivi. Ta jata mé da cán ñaxini í ndico da sáhdá chuun sahá nu ndúu ndí. Ta ñañeñe táhvi ndívi dá cavaha da tondóho ñuyivi já ná caja da ña ná cahní táhan cuahá ndiváha ñayivi ndúu ñuyivi. Ta jári ñasahní da na xihín tama ndéé ta xihín cueñe ta xihín ndijáá quítí yúcu ndúu ñuyivi janda quíahva ñaxihí in táhdá nuu comí táhdá ñayivi ndúu ní cúu saha ñuyivi.

⁹ Ta tá ñasahnda Jesús, mé a cúu tátuhun ndicachi loho cán inga sello, ña cáhuhun já ñaxini í in nu náa ta tiví mé cán ndúu ínimá ñayivi, na ñaxihí sahá ña ñacaxi tuhun na tuhun Ndióxi nuu ñayivi xihín ndinuhu ini na. ¹⁰ Ta cáyuhú cóho na já cáchi na já:

—Tátá Ndióxi, mé ndó cúu ndó ña yíi ndiváha ta caja ndó ña ndaa cuítí va. Ta cuu caja ndó tóco ndihi ñaha. Ndaja cáa chá quívi caja víi ndó sahá ñayivi ndúu ñuyivi. Ta já caja ndó ña ná cháhvi na sahá ña ñacaja na ñasahní na ndeñe —cáchi na ndúu tiví náa cán.

¹¹ Anda já ñañeñe ná jahmá yaa candixi na ta ñatahnda chuun nu ná ña ná candati tóo chága na janda quíahva ná xinu coo nuu java ga na cúu cuéntá Jesús quívi na caja ñayivi ñuyivi sahá ña caja chúnú na cuéntá Jesucristo. Ta janda quíahva ná quívi ndihi na yóho já caví sahá ñayivi ñacaja quini xihín ná.

¹² Tá nandihí já ñaxini í ñasahnda Jesús, mé a cúu tátuhun ndicachi loho inga sello, ña cáhñu cán. Já ñaxini í ñataan ndiváha ta ñaxini í nanduu tuñu candii tátuhun in jáhma tuñu sá ndíxi na ndúu ndí. Ta níi cúu yoo ñaxinu cuahá níi rí. ¹³ Ta ndijáá quími ñaquee rí indiví ta ñacuyu rí nu ñúhu. Cúu á tátuhun tá quíi nihni táchi ndéé ndiváha títo ñúhú ta já cuyu cuñhi, rí cuij nu ñúhu.

¹⁴ Nandihí sahá indiví ta ñandacoo vaha ña tátuhun tá ndítivi in yívi ña co xíní ñúhú ga na. Ta tóco ndihi yúcu xihín tóco ndihi isla mahnú tañuhú nandijama ndíhi ña ta co ndúu ga ña nuu ñasanduu a. ¹⁵ Ta tóco ndihi na comí cuéntá sahá ñuyivi ñandacoo jehé ná tañu cáva. Ta ñachíñee na tañu tóto chí yúcu cuahán na. Ta cán ñachijehé rí na sáhdá chuun nu soldado xihín tóco ndihi na cujá xihín tóco ndihi na íin ndéé caja ña náhnú ñuyivi yóho. Ta jári tóco ndihi na comí in xitoho cuéntá saha xihín tóco ndihi

na xica núná mé nandacoo jehé na tañu cáva xihín tañu tóto cán. ¹⁶ Ta cáchi na cáhan na xihín yúcu ta cáhan na xihín cáva ña ná cuyu a jatá ná ta ná chijehé a na ña ná a cúní mé a íin coo nu sácco rey cán na. Ta yihví na Jesús, mé a cúu tátuhun ndicachi loho cán jáchí sa naxojo ini a ta vaxi a jándihi a saha ná. ¹⁷ Jáchí sa naxinu coo quívi jándoho mé á ini na ta ni in na co ndéé ini.

7

Ndicaxi Ndióxi in táhnda na Israel

¹ Tá sa nayaha tóco ndihi ña yóho já naxini i ndíta comí táto Ndióxi ndicomí xoo nu quíxi tachí nu ndicomí xoo ní cúu saha ñuyívi. Ta tñin a tachí já ná a cuíco ga tachí jatá ñuyívi ta ná a cuíco ga tachí nuu tañuhú ta ni nuu ni in yito. ² Ta já naxini i naquixi inga táto Ndióxi xoo nu quéta candii. Ta mé táto Ndióxi yóho naxini i ñehe a sello Ndióxi, mé á tácu indiví. Ta já naxini joho i nacayuhú mé táto Ndióxi yóho nuu ndicomí java ga táto Ndióxi, mé na nañeñe táhvi caja ña núu xihín ñuyívi ta xihín tañuhú viti ta já nacachi a já xihín ná:

³ —Candati ndó. A cája núu ndó xihín ñuyívi ta ni xihín tañuhú ta ni xihín ni in yito. Jáchí jihna ñuhú xini ñuhú cacú in sello taan na cúu cuéntá Ndióxi, mé a cája cáhnu mí —nacachi a.

⁴ Ta naxini joho i cáhan in a ndaja cúu ñayivi nanani sello yóho taan na. Cúu ná in ciento ívi jico comí mil ñayivi Israel ta cúu ná na naquixi ndihuxu ívi chichi na Israel. ⁵ In táhnda cúu uxu ívi mil na naquixi chichi Judá ta nanani sello taan na cán. Ta inga uxu ívi mil na naquixi chichi Rubén naquehe sello taan na. Ta quiahva já naquihvi ri sello taan uxu ívi mil na naquixi chichi Gad ⁶ xihín uxu ívi mil na naquixi chichi Aser xihín uxu ívi mil na naquixi chichi Neftalí xihín uxu ívi mil na naquixi chichi Manasés ⁷ xihín uxu ívi mil na naquixi chichi Simeón xihín uxu ívi mil na naquixi chichi Leví xihín uxu ívi mil na naquixi chichi Isacar ⁸ xihín uxu ívi mil na naquixi chichi Zabulon xihín uxu ívi mil na naquixi chichi José xihín uxu ívi mil na naquixi chichi Bejamín nanani sello taan na.

Tá naxini Juan cuhá ndivaha ñayivi ndixi jahmá yaa

⁹ Tá nandhi já nasandehé e já naxini i cuhá ndivaha ñayivi. Ta ni in na a cuú cahvi ñaha sahá ña cuaha cúu ná. Ta cúu ná na naquixi ndijáa chichi ñayivi ndúu ñuyívi. Ta cúu ná na cáhan tá nuu tuhun. Ta cúu ná na ndúu ndijáa ñuu xihín ndijáa nación ñuyívi. Ta naxini i ndíta na nu Ndióxi, mé a íin coo nu sácco rey. Ta ndíta na nu Jesús, mé a cúu tátuhun ndicachi loho cán. Ta tóco ndihi na ndíxi na jahmá yaa çachí ta cáñe

ñuu ndáha ná. ¹⁰ Ta tóco ndihi na cáyuhú cóhó na já cáchi na já:

Ndióxi, mé a íin coo nu sácco rey xihín Jesús, mé a cúu tátuhun ndicachi loho cán najáçacu a mí, cáchi na.

¹¹ Ta naxini i ndíta tóco ndihi táto Ndióxi cája cáhnu na mé a íin coo nu sácco rey. Ta naçava tiyivi na ndúu na jatá na saçuaha cán xihín jatá ndicomí mé ña tácu cán. Ta já naçaxítí tóco ndihi na janda quiahva naçani ndaa taan na nu ñuhú ta já naçasahá na cája cáhnu na Ndióxi. ¹² Já cáchi na já:

Já ná coo. Cája cáhnu nde ndqho ta ndíñehe jícó nde quívi mé ndó.

Jáchí ndíchi ndivaha jñi ndó ta ndiquiahva nde ndixahvi nu ndó.

Ta ndítahan coo toni ñuhú nde xihín ndó jáchí mé ndó cúu ndó ña íin ndéé cája tóco ndihi ñaha.

Ta já ná coo tóco ndihi ña yóho nu mé ndó anda ama cáa quívi. Já ná coo, nacachi na cán cája cáhnu na Ndióxi.

¹³ Anda já naxinu in táhan na saçuaha cán nuu i já nandaca tuhún na yehe já nacachi na já xihín i:

—Á co xínun ndá na cúu na ndíxi jahmá yaa yóho ta ndá naquixi na —nacachi na xihín i.

¹⁴ Já nanducú ñehe e tuhun nu ná já nacachi i já xihín ná:

—Yehe co xini toho i joo mé ndó sa xini vaha ndó ndá na cúu ñayivi yóho —nacachi i xihín ná.

Ta já nacachi na já xihín i:

—Na ndíxi jahmá yaa yóho cúu ná na nayaha nuu cuahá ndivaha tondóhó mé quívi tá nandoho ndivaha ini na. Ta viti sa nandoo cuachi na xihín ní Jesús, mé a cúu tátuhun ndicachi loho. ¹⁵ Sahá ña cán quéa ndíta na nu Ndióxi, mé a íin coo nu sácco rey. Ta ñuu ta ndiví cája ndiví na nu mé á ini veñuhu a. Ta mé Ndióxi, mé a íin coo nu sácco rey cán ndáa vaha mé á na jáchí íin tuun a xihín ná. ¹⁶ Ta coo ga joco quixi nu ná ta ni a ichi ga ini na ticuñi ta ni a çayí ga na cája candii ta ni a ndihi ga ini na sahá ña ihní. ¹⁷ Jáchí Jesús, mé a cúu tátuhun ndicachi loho cán ndacaan maññu nu sácco rey cán ta candaa mé á na tá quiahva ndáa in pastó ndicachi janá dá. Ta candaca mé á na çuhun na nu cána ticuñi, dó cája ña ná catacu na anda ama cáa quívi. Ta yaçó Ndióxi ticuñi nuu tóco ndihi na sácu —nacachi na saçuaha cán xihín i.

8

Tá naçahnda Jesús, mé a cúu tátuhun ndicachi loho cán inga sello, ña cáhusa

¹ Tá naçahnda Jesús, mé a cúu tátuhun ndicachi loho cán inga sello, ña cáhusa já naçatáji ní tóco ndihi ñaha indiví tátuhun

tixi java hora. ² Tá nandihí já naxini i ndíta usá táto Ndióxi nu á. Ta in in mé táto Ndióxi cán nañeñe ná in in trompeta. ³ Já naxinu inga táto Ndióxi candichi a nu náa ña ín yati nu ín coo Ndióxi nu sácco rey cán. Ta cáñee in coho chíñílmá ndáhá á, ña jiuñun cuáán. Ta nañeñe á cuahá ndivaha jusa, ña joço a ña nu náa, ña naçavaña xihín jiuñun cuáán. Ta quiahva já joço ri a nu náa cán ña xíca tahví na cúu cuéntá Jesús nu Ndióxi. ⁴ Ta mé ñihma naçana nuú coho chíñílmá cáñee ndáhá táto Ndióxi cán nandindita cuahan nu Ndióxi tá quiahva ndíndita ña xíca tahví na cúu cuéntá mé á nu á. ⁵ Anda já nañiin táto Ndióxi cán coho chíñílmá ta já najácutú a ña xihín tití ñúhu, ña naquehe a nu náa cán. Ta já naçuinha ña jatá ñuyiví. Anda já naçasáhá cáhndá tátuhun tá cána javí. Ta jandá johó xójo cúu ta cána tasa ta naquixi in ndítaan ndeé ndivaha jatá ñuyiví.

Tá nativí ndíhusá táto Ndióxi trompeta

⁶ Tá nandihí já naçacanduu tiaħva ndíhusá táto Ndióxi tiví na trompeta ña cáñee ndáhá na.

⁷ Ta in táhan ndíhusá táto Ndióxi cán naçasáhá nativí a mé trompeta cán. Ta já naçuyu ñúhu cáyi xihín ñíi ña naçava táhan xihín ñij jatá ñuyiví. Ta chí naçayi in táhndá nuú uní táhndá ñuyiví yóho ta jári naquihvi ñúhu in táhndá nuú uní táhndá yitö ndíta yúcu ta jári yúcu cuí naçayi ndihí a.

⁸ Tá nandihí já nativí táto Ndióxi ña cáhiví cán inga trompeta. Ta naxini i najani tátuhun in yúcu cándaha xihín ñúhu cuahan ndicava nuú tañuhú. Ta in táhndá nuú uní táhndá tañuhú cán nanduu dó ñij. ⁹ Ta in táhndá nuú uní táhndá tóco ndihí ñaha ñúhu ini tañuhú naxihí a. Ta quiahva já nandihí saħa in táhndá nuú uní táhndá barro naçandojó nuú tañuhú cán.

¹⁰ Ta táto Ndióxi ña cáhuni cán nativí a inga trompeta ta já naxini i naquee in quimi cáhnu cándaha xihín ñúhu ita vaxi ri ndícava ri ñuyiví. Naquee ri indiví ta nandicava ri nu ñúhu nuú in táhndá nuú uní táhndá yuta xihín chícoho nu cána ticuñi. ¹¹ Ta mé quimi cán nani ri ña ova. Ta naçaja ri ña naçahova in táhndá nuú uní táhndá ticuñi. Ta naxihí cuahá ndivaha ñayivi tá naxihí na dó ova cán.

¹² Tá nandihí já nativí táto Ndióxi ña cácomí cán inga trompeta já nanaá in táhndá nuú uní táhndá nuú candii cán. Ta quiahva já naçaja ri a xihín yoo ta xihín quimi. Sahá ña cán queá coo naçuu tuñun vaħa candii xihín yoo xihín quimi cán. Ña cán queá naçamaní tátuhun in táhndá nuú uní táhndá tuñun candii cán jatá ñuyiví. Ta quiahva já naçamaní tuñun yoo xihín quimi ñuú.

¹³ Tá nandihí já naçandehé e ta já naxini johó i cáti ndixi in táto Ndióxi ndáchí a maññú indiví. Ta cáyuhú cóhó a já cáchí a já:

—Ay, ay, ay ndáhvi nahá naçuu ñayivi nduu ñuyiví jáchí ndají ndoho ini na tá ná tiví uní ga táto Ndióxi trompeta —cáchí a.

9

¹ Tá nandihí já naxini i nativí táto Ndióxi ña cáhuhun cán inga trompeta. Ta naxini i naquee in quimi indiví ta nandicava ri jatá ñuyiví. Ta nañeñe táhvi ri cacomí ri yávi ña cuu cuná ri yávi cuná ndivaha, ña co xínu nu ndihí nuú. ² Ta mé quimi naçuná ri yuyehé mé yávi cuná já nandindita ñihma tátuhun ña ndíndita yúhu hornó cáyi. Ta mé ñihma naçana cán najánaá nuú candii xihín nuú taçhí viti. ³ Ta tañu ñihma cán naqueta cuahá ndivaha tica, ri nandicuñta nuu ñií cúu ñuyiví. Ta nañeñe táhvi ri cacuu ri ri cuehe tá quiahva cuehe líhma. ⁴ Ta nañahnda chuun nu ri ña ná a jándihí toho ri saħá yúcu ñií saħá ñaha cuí ñi saħa yitö cuí ñuyiví yóho. Jáchí nañahnda chuun nu ri ña ná tiin ri ñayivi cuítí va, na co cándaa marca Ndióxi taan. ⁵ Joo coo nañeñe ri ñamaní cañní ri na. Ña naçaja ri xihín na queá ná tiin ri na ña ná caħma na tixi uñun yoo. Ta tá quiahva cáhma na tá tiin líhma na quiahva já cáhma na tiin ri na. ⁶ Mé quivi já nducú ñayivi quivi vaħa na joo a cúu quivi na. Vatí cúñi quivi na joo a cúu quivi na.

⁷ Mé tica tiin ñahá cán ndáa ri tá quiahva ndáa cuáyi, ri ndúu tiaħva cuñun caní táhan. Ta tá quiahva cúñi coo tiyivi, ña jiuñun cuáán sándojó jini rey quiahva já cúñi coo ña cándojó jini ri cán. Ta tá quiahva cúñi coo nuú ñayivi quiahva já cúñi coo nuú ri. ⁸ Ta tá quiahva ín iji jini najihí quiahva já ín iji jini ri. Ta tá quiahva ndáa nuħu León quiahva já ndáa nuħu ri. ⁹ Ta jáhvi yicá ndicá mé tica cán xihín jahmá çaa, ña sándixi soldado cáni táhan na. Ta tá cáhma cáti ndixi ri cúu á tátuhun tá cáti saħa cuahá cuáyi tá ñúhu ri carreta xínu ri cuahan ri caní táhan ri. ¹⁰ Ta ín íñu ndóho ri ña tiin tátuhun ndohó líhma. Ta xihín ña cán nañeñe táhvi ri tiin ri ñayivi ña ná cáhma na tixi uñun yoo. ¹¹ Ta mé da cómi cuéntá saħa mé tica cán nani da Abadón tuñun hebreo ta nani da Apolión tuñun griego. Ta quivi dá cúñi cáchí a da jándihí saħa tóco ndihí ñaha. Ta da cán cúu da cómi cuéntá saħa yávi, ña co xínu nu ndihí nuú cán.

¹² Sa naħaha in tondóhó cáhnu joo cámaní ivi chága ña quixi.

¹³ Tá nandihí já nativí táto Ndióxi ña cáhíñu cán inga trompeta ta já naxini johó i cáhan in a naqueta tañu ndícomí ndíqui queta in in xoo tito nu náa, ña jiuñun cuáán, ña cándichi nu ín Ndióxi cán. ¹⁴ Ta já naçacachi

mé a cán já xihñin mé tátò Ndióxi cáhiñu, ña ñehe trompeta cán:

—Janí ndícómi tátò ña ndíco yuhú yuta cáhnu naní Eufrates jan —ñacachi a.

¹⁵ Tá nandihí já naxini i najani ndícómi tátò nasandíco cán ña ná cahni ná in táhndá nuú uní táhndá ñayivi ndúu ñuyivi. Jáchi sa ñaquee jini va na chuun ña caja na ña yóho. Ta sa xini na ndá hora ta ndá quivi ta ndá yoo ta ndá cuja caja na ña. ¹⁶ Ta naxini johó i cáhan in a ndaja cúu na soldado cándójó cuáyí cuahan cán. Ta cúu ná ivi ciento millón soldado.

¹⁷ Ta cuni ndicani i nu ndo ndaja ndaa cuáyí jana ná, rí naxini i cán. Naxini i ña yóho tátuhun in sani joo co quiji toho i. Ta naxini i mé da cándójó cuáyí cán naxihjahvi da yicá ndicá da xihñin in caa, ña cúu á color tuóh nji xihñin color ndihí ticayi xihñin color cuáán ita. Ta ndaa jini cuáyí tá quiahva ndaa jini león ta yúhu rí quéta ñúhu ita xihñin ñihma xihñin azufre. ¹⁸ Ta in táhndá nuú uní táhndá ñayivi naxihñi na ñajaja uní nuú tondóhó ñaquixi jatá ñuyivi yóho. Naxihñi na xihñin ñúhu cáyi ta xihñin ñihma ta xihñin azufre, ña ñaqueta yuhú cuáyí. ¹⁹ Jáchi yúhu mé cuáyí cán xihñin ndóho rí cúu nu ndacaan ndée rí. Tá quiahva ndaa coo quiahva já ndaa ndóho rí. Ta xihñin mé yiquí jini coo cán caja quini rí xihñin ñayivi.

²⁰ Tóco ndihí java ga ñayivi, na coo nandihí saha xihñin tondóhó ñaquixi jatá ñuyivi, na cán ñajaja yji va na ña núu ñasajaja na. Ta ñajaja cáhnu yji va na ña quini. Ta coo najándacoo na caja cáhnu na yoco, ña ñacavaha na xihñin jjuhun cuáán ta xihñin jjuhun cúxú ta xihñin cja cuáán ta xihñin yuu ta janda ña ñacavaha na xihñin yito viti. Ta mé yoco yóho á cúu candehé a ta ni coo tácu johó a ta ni a cúu caca nuu a. Joo ñajaja cáhnu tá ñajaja cáhnu na ña. ²¹ Ta ni coo najándacoo na ña sáhní na ndii. Ta ni coo najándacoo na ña táji cja na. Ta ni coo najándacoo na ña ndúu na xihñin na coo cúu yji ná á ñájihí na. Ta ni coo najándacoo na ña cja cuíhna na.

10

Tá naxini Juan ña cáñee in libro loho ini ndáh inga tátò Ndióxi

¹ Anda já naxini i inga tátò Ndióxi, ña ñin cuhá ndivaha ndée. Nannu a indivi ñaquee a vaxi a tañu in viço ta cánuu in coo yánqui jini á. Ta yéhe nuú á tá quiahva yéhe candii. Ta sahá cúu á tátuhun ivi jihin cándaha xihñin ñúhu. ² Ta ini ndáha mé á naxini i cáñee in libro loho ña nativi tátuhun yivi joo nandindica ña. Ta naxinúu mé á saha cuáha nuú tañuhú ta naxinúu a saha íti a nuú ñúhu. ³ Ta ñacayuhú cóhó a tátuhun tá ndáhyi león. Ta tá ñacayuhú á já naxini

johó i ña ñacahan cóhó usá tasa tá ñacana ña. ⁴ Tá nandihí ñacahan ndihusa tasa cán já nanducú u cahyi i ña ñacachi a joo naxini johó i cáhan in a ñaquixi chí indivi ta já cáchi á já xihñin i:

—A cáhyún ña ñacachi ndihusa tasa ñacana jan. Xini ñúhú coo jehé a —ñacachi mé a cán xihñin i.

⁵ Anda já naxini i mé tátò Ndióxi ña cánuu in sahá nuú tañuhú ta inga sahá nuú ñúhu cán, nandihéhe a ndahá cuáha indivi. ⁶ Ta já ñacahan mé á quivi Ndióxi ta já ñasahan tuhun a jáchi Ndióxi tácu á anda ama cáa quivi, mé á ñacavaha indivi xihñin ñuyivi xihñin tañuhú xihñin tóco ndihí ñaha ñin nuú á. Ta já ñacachi mé tátò Ndióxi já:

—A cáyáncá ga ⁷ jáchi tá ná casahá tiví tátò Ndióxi ña cáhusa cán trompeta já xinu coo nuú tóco ndihí ña ñasacu ini Ndióxi coo jehé janda sanahá. Jáchi sa ñacaxi tuhun mé á xihñin profeta cuénta mé á ña ná cahan na sahá ña yóho nuú ñayivi —cáchi tátò Ndióxi.

⁸ Anda jávi naxini johó i ñacahan tucu mé tátò Ndióxi indivi já ñacachi a já xihñin i:

—Cuáhan quehe libro loho núna nuú cán. Ndiqeehe a ndáha tátò Ndióxi, mé á cánuu in saha nuú tañuhú ta inga sahá nuú ñúhu jan —ñacachi a.

⁹ Tá ñasaa i nuú tátò Ndióxi cán já ñaxica i nuú á ña ná quiahva libro loho cán nuú i. Ta já nanducú ñehe tátò Ndióxi cán tuhun nuú i já ñacachi a já xihñin i:

—Yóho ñin libro loho joo xini ñúhú casún ña. Vatí mé á ndaa tá ná casún ña cacu a tátuhun tá casún ñúhu jáchi caviji ndivaha yuhun caja ña. Joo tá nandihí nduu a ña ova ñi tsún —ñacachi a xihñin i.

¹⁰ Tá nandihí já natini i mé libro loho ndáha tátò Ndióxi cán ta já ñasaxi i ña. Ta ñacaviji yuhú u xihñin á tátuhun ñúhu. Joo tá sa ñacocó i ña já ñacahova ña ñi tixi i.

¹¹ Anda já ñatahnda chuun nuú i já ñacachi a já xihñin i:

—Ndítahan nuun caxi tuhun tucún xihñin ñayivi ña cahan Ndióxi sahá cuhá ndivaha ñuu xihñin cuhá ndivaha nación nuú cahan na ndijáá tuhun. Ta xini ñúhú caxi tuhun ña nuú ndijáá na cómi cuénta sahá ñuyivi —ñacachi a xihñin i.

11

Ivi na cúu testigo

¹ Tá nandihí já ñasahan na in yito vara, dó chiquiahvá nuú i. Ta tá cuni coo ndoo já cuni coo mé vara cán. Ta já ñacachi na já xihñin i:

—Candichi ta chiquiahvún veñuhu cáhnu Ndióxi. Ta ndítahan chiquiahvún nuú náa Ndióxi viti. Ta ndítahan cahvún ndaja cúu na cja cáhnu Ndióxi mé jan. ² Joo coto a chíquiahvún ñundáhyi, ña cáva nuu ndícómi tito yéhe veñuhu cán. Jáchi sa nandiquiahva

Ndióxi ña yóho nuú ñayivi tóho ña ná caja tá quiahva cúní mé ná xihín Jerusalén, ña cúú ñuu yí ñaha Ndióxi tixi ivi jico ivi yoo. ³ Ta já chindahá yehé ivi testigo, na candixi jahmá ndáhyí, ña ndíxi ñayivi tá cándí ini na. Ta cuhun na cahan na sahá yehé tixi in mil ivi ciento uní jico quivi —ñacachi na.

⁴ Ta ñaxini i ivi yitó olivo xihín ivi nu sándójó ití, dó cúú yuhú nuú testigo ndita nu Ndióxi, mé a sáhdá chuun nuú ñuyivi. ⁵ Ta ni in na a cúú caja ni in ñaha xihín ndívi testigo Ndióxi yóho jáchi cuu caja na ña ná cana ñúhu ita ini yúhu ná ta cuu chicaoñ ñúhu na já ná jándihi na sahá na ihvi na. Ta quiahva já quivi ndá na ná nducú caja xixi xihín ná. ⁶ Ndívi mé testigo Ndióxi yóho in ndéé ná chicaji na indivi já ná a cúun javi nani cahan na cuéntá Ndióxi nuú ñayivi. Ta in ndéé ná ndaja na ticuivi ña ná nduu dó ñi. Ta in ndéé ná chicaoñ na ndá cuehe cúní mé ná chicaoñ na jatá ñuyivi yóho. Ta núná nu ná caja na ña ndaja tañu cúní mé ná. ⁷ Joo tá sa nandihí ñacahan ndívi testigo yóho xihín ñayivi janda javi quixi in quití quini, rí queta tañu yávi, ña co xínu nu ndihi nuú cán. Ta já cani táhan rí xihín ndívi na cán ta quee vaha rí xihín ná ta cahni rí na. ⁸ Ta já canduu yiquí cuñu ndívi na cán mahñú java ndaa cáyé ñuu Jerusalén nuú ñasahni na Jesucristo, mé a cúú xitoho í. Ta mé ñuu Jerusalén yóho cúú a yuhú nuú ñuu Sodoma xihín nación Egipto sahá cuachi cuahá cája ñayivi ndúu cán. ⁹ Ta ñayivi ndúu ndijáá ñuu xihín ndijáá nación xihín na cahan tá nuú tuhun xihín na ñaquixi ndijáá chíchi cuni na yiquí cuñu mé testigo Ndióxi yóho tixi uní quivi java. Ta a quiahva toho na ñamaní jánduxu na ndívi testigo Ndióxi yóho. ¹⁰ Ta ñayivi ndúu ñuyivi cají ndivaha ini na sahá ña ñaxihí ndívi testigo Ndióxi yóho. Ta cávatá na janda quiahva jasá ñaha nu táhan joho na sahá ña ñaxihí ndívi testigo Ndióxi, na najándoho ndivaha ini ñayivi ñuyivi xihín ña ñacahan na. ¹¹ Joo tá sa ñayaha uní quivi java chí jánditacu Ndióxi ndívi testigo cán já ná ndacoo tucu na. Ta tá ná cuni ñayivi ña yóho casahá quiji ñunu na xihín ña yihvi na. ¹² Andá já cuni joho ndívi testigo cán in a cahan cóhó indivi. Ta já cachi a já xihín ná:

—Cuándaa ndó chóho—cachi a já xihín ná.

Já ndaa na indivi tañu in vico nuú ndihi na ihvi na. ¹³ Ta mé hora já tañ ndeé ndivaha. Ta jándihi a in táhdá nuú uxu táhdá mé ñuu cáhnu cán ta já quivi usa mil ñayivi. Ta na coó ñaxihí cán chutú ndaa na xihín ña yihvi na ta já casahá na caja cáhnu na Ndióxi, mé a in indivi.

¹⁴ Sa ñayaha va tondóhó cáhivi. Joo sa cátivi tondóhó cáhuni vaxi a.

Tá nativi táto Ndióxi trompeta cáhusa

¹⁵ Ta táto Ndióxi ña cáhusa cán nativi a inga trompeta. Ta tá nativi a do já ñaxini joho i cahan cóhó cuaha ná indivi. Já cáchi na já:

Ta viti ñandindaa hora sáhdá Ndióxi, xitoho i xihín Jesucristo chuun.

Ta mé a queá ñachindahá Ndióxi cacomi a cuéntá sahá ñayivi.

Ta in ndéé a cahnda chuun nuú ñuyivi yóho andá ama cáa quivi, ñacachi cuaha ná mé indivi.

¹⁶ Ta ndíhoco comí na sacuaña, na ñacava tixivi ñasanduu coo nu táyi vaha yati nu in coo Ndióxi cán, ñacaxití na janda quiahva ñacani ndaa taan na nu ñúhu ta ñacaja cáhnu na Ndióxi. ¹⁷ Já ñacachi na já xihín a: Ndíquiahva ndé ndixahvi nu ndóhó, Ndióxi, xitoho ndé, mé a in ndéé caja tóco ndihi ñaha.

Janda tá cámani cava sahá saha ñuyivi ñasahin va mé ndó.

Ta sa já in ndó viti ta quixi tucu ndó.

Ndáha mé ndó in ndihi ndéé viti sahá ña cán queá ñacasahá ndo sáhdá ndo chuun nuú ñayivi.

¹⁸ Ta ñayivi ndúu níi cúú ñuyivi ñacasahá na xójo ndivaha ini na.

Joo viti ñaxinu coo quivi caja xixi ndó xihín na cán.

Ta viti ñaxinu coo hora caja vii ndó sahá na sa ñaxihí.

Ta sa ñaxinu coo hora chahvi ndó nuú na profeta, na cahan cuéntá mé ndó.

Já ñaxinu coo hora chahvi ndó nuú na cúú cuéntá mé ndó, na cája cáhnu mé ndó, ta coo caja toho a a cúú ná na náhnu a cúú ná na váli.

Ta ñaxinu coo hora jándihi ndó sahá ñayivi quini, na cája ña núu xihín ñuyivi yóho, cáchi na cán cája cáhnu na Ndióxi.

¹⁹ Tá nandihí já ñaxini i ñanuna yehé veñuu Ndióxi, ña in indivi. Ta cán tívi ndacagn sató arca ñaha Ndióxi. Ta já ñacasahá cána tasa. Ta ñaxini joho i janda joho vaa cúu tácu cahan na. Ta ñacasahá cána javi ta táhan ndeé ndivaha ta cúun ndivaha níi.

12

Ñaxini Juan ña ndúcu in coo quini caja xixi rí xihín in ñañaha

¹ Tá nandihí já ñaxini i ñayaha in ña xituhún ndivaha indivi. Naqueta in ñañaha, ña cátivi jáhma ña cúú cándii. Ta cándichi ña jatá yoo. Ta cánuu in tixivi jini ña, ña ñacacutú xihín uxu ivi quimi. ² Ta sa víxi ña cacu jahyi ña. Ta ndáhví ndáhyí ña jáchi ndóhó ndivaha ini ña janda quiahva ná cacu jahyi ña. ³ Tá nandihí já ñayaha inga ñaha cáhnu indivi. Ñaxini i in coo quini, rí cuahá.

ndeé ini na cúu cuénta Ndióxi ta xini ñúhú candéé cáhnu ini na mé á.

¹¹ Tá nandihí já naxini i inga tucu quití quini, rí naqueta nuú ñundáhyi. Ta nasahin iñi ndiqui rí ta ndáa ña tá quiahva ndáa ndiqui ndicachi. Joo cáhan rí tátuhun cáhan in coo quini. ¹² Ta ñajaja chúun rí tóco ndihí ndéé mé quití quini nu cuití cán nu ñin mé rí. Naçaja rí ña ná caja cáhnu tóco ndihí ñayivi ndúu ñuyivi mé rí naqueta nu cuití cán. Jáchi nandicehe cáhvi jñi rí nu cuití cán joo nandivaha rí. ¹³ Mé inga quití quini cáhivi cán naçaja cuahá ndivaha rí ñaha xitúhún. Naçaja rí ña ná quixi ñúhu cáyi chí indivi ta naxinu a naçuyu a ñuyivi nu tóco ndihí ñayivi. ¹⁴ Ta najándahvi rí ñayivi ndúu ñuyivi xihín tóco ndihí ña xitúhún, ña nañehe rí ñamaní caja rí yóho nu mé rí nu cuití cán. Ta nasahnda mé inga rí cán chuun nuú ñayivi ñuyivi ña ná cavaha na in tinñu yúu quití quini nu cuití cán. Mé rí nandicehe quini ndivaha rí xihín yuchú cáni joo nandivaha rí. ¹⁵ Ta mé rí cáhivi cán nañehe rí ñamaní ña jánditacu rí tinñu yúu mé rí nu cuití cán já ná cuu çahan rí. Ta já ná cuu cahnda rí chuun ña ná cahni rí ñayivi, na co cunj caja cáhnu mé rí quini cán. ¹⁶ Ta mé rí cáhivi cán naçaja rí ña ná quihvi marca ndahá cuáha ñayivi á taan na. Ta coo caja toho a á cúu ná ná na valí á na náhnu, á cúu ná na cuicá á na ndahvi. Ta ni coo caja toho a á cúu ná na xica núná, á cúu ná na cómi xitoho cuénta saha. Nu tóco ndihí ñayivi naquihvi marca naçaja mé rí cán. ¹⁷ Ta ni in ñayivi a cuu cueen na ñaha ta ni a cuú jicó na ñaha tá coo nanani mé marca cán na. Ta tá co cándaa quivi mé quití quini, rí nu cuití cán taan na á tá coo numero mé rí cándaa taan na já queá a cuú cueen na ñaha jáchi numero yóho náha ndaja nani mé rí nu cuití cán. ¹⁸ Xihín ña yóho cuu cándaa ini ndó ndá na cúu na ndichí jñi. Ndá ndó, na cándaa ini xini ñúhú jítá ndo cuénta xihín numero ña cúu quivi mé rí nu cuití cán jáchi cúu á tátuhun quivi ñayivi. Ta numero yóho cúu á jñu ciento un jico jñu.

14

Tá xita in ciento ivi jico comi mil ñayivi cája cáhnu na Ndióxi

¹ Tá nandihí já naxini i Jesús, mé á cúu tátuhun ndicachi loho cándichi a jata yúcu nani Sión. Ta xihín mé á ndíta in ciento ivi jico comi mil ñayivi, na ndáa quivi Jesús taan, mé a cúu tátuhun ndicachi loho cán. Ta quiahva já ndáa quivi Ndióxi, tátá a taan na. ² Ta naxini joho i in a cáhan chí indivi. Ta tá cáhan mé a cán cúu á tátuhun tá nihi cýu ticuñi tañu tóto. Ta nihi a tátuhun tasa tá cána. Ta tácu a tá quiahva tácu nu jácaha cuahá ndivaha na arpa. ³ Ta naxini joho

i ña saá xita mé in ciento ivi jico comi mil ñayivi nu ñin coo Ndióxi cán xihín nuú comi mé ña tácu cán xihín nuú na saçuaha cán. Mé na xita cán cuití va cúu na cuu catiahva cata na ña jáchi cúu ná na naçaxi Ndióxi jáçacu a tañu ñayivi ndúu ñuyivi. ⁴ Ta na yóho cúu ná na vií, na coo naçaja quini mé jáchi coo nasanduu na xihín najihí. Cúu ná na nasandico níi tiempo jata Jesús, mé a cúu tátuhun ndicachi loho. Cúu ná na naçaxi Ndióxi jáçacu a nu cuití ña ná joco a na nu mé á xihín nu Jesús, mé a cúu tátuhun ndicachi loho. ⁵ Ta ni in tálaá ña tuhún coo naçahan na. Ta ni in na coo naçuu ñeñe ini chícaan cuachi jata ná.

Tá cáhan uní táto Ndióxi tuhun vaha saha Jesucristo nuú ñayivi ndúu ñuyivi

⁶ Tá nandihí já naxini i inga táto Ndióxi ndáchí a maññú ndaa indivi. Ta ñehe a tuhun vaha sahá Jesucristo ña ñin anda ama cáa quivi çaxi tuhun a ña nuú ñayivi ndúu ñuyivi, mé na naquixi ndijáá chíchi xihín na cáhan tá nuú tuhun xihín na ndúu ndijáá ñuu xihín ndijáá nación. ⁷ Ta já cáyuhú mé táto Ndióxi cán já cáchi a já:

—Xini ñúhú cayihvi ndó Ndióxi ta xini ñúhú caja cáhnu ndó mé á jáchi sa naxinu coo quivi caja vií mé á sahá ñayivi. Xini ñúhú caja cáhnu ndó mé á jáchi mé á queá naçavaha indivi xihín ñuyivi ta mé á queá naçavaha tañuhú xihín ndijáá nu cána ticuñi —cáchi táto Ndióxi cán.

⁸ Tá nandihí já naxini i inga táto Ndióxi ta já naçachi a já:

—Ay, ay, sa nandihí va sahá ñuu cáhnu nani Babilonia xihín sahá ñayivi nasanduu jan. Ta na jan nasacuu na na najánaha íchi quini nuú ñayivi ndúu ñuyivi já ná caja na tá nuú ña núu. Joo viti sa nandicava va mé Babilonia —cáchi táto Ndióxi, ña cáhivi cán.

⁹ Tá nandihí já naxini i naqueta inga táto Ndióxi, ña cáhuni. Ta naçasahá cáyuhú cóho a já cáchi a já:

—Ndá ná ná caja cáhnu quití quini xihín tinñu yúu rí ta sáhan na ñamaní ña ná nani marca mé rí cán taan na á ndáha na ¹⁰ já queá ndoho ndivaha ini na caja Ndióxi jáchi xójo ndivaha ini mé á xihín ñayivi quini. Jácana Ndióxi na nu cándaha ñúhu cáyi xihín azufre ta candehé tóco ndihí táto Ndióxi ta candehé Jesús, mé a cúu tátuhun ndicachi loho cán ña ndóho na. ¹¹ Ta cána ñihma ini nu ñúhu mé na ndóho ini cán anda ama cáa quivi. Ta ni ñuu ni ndivi coo ndiquehe ndéé ná nu ndóho ini na jáchi naçaja cáhnu na quití quini cán xihín tinñu yúu rí ta nasahan na ñamaní ña nanani marca quivi rí cán yiqui cuñu na. ¹² Xini ñúhú quiahva ndeé ini na cúu cuénta Ndióxi, mé na cája tóco ndihí ña sáhdá Ndióxi ta coo jándacoo na ña cája cáhnu na Jesús —cáchi táto Ndióxi cáhuni.

13 Tá nandihí já naxini joho i naquixi in a cáhan chí indiví já nacachi a já xihín i:

—Cahyún ña ná cáhan i xuhun yóho: “Viti ta chí nuu cajji ini na naxihí, na cándeé ini Jesús, xitoho na” —cáchi a.

Ta já cáchi ínimá yii Ndióxi já:

—Mé a ndaa cajji ini na cán jáchi ndiquehe ndée ná sahá ña nacaja chúun va ha na cuéntá mí i. Ta ña va ha nacaja na cán coo a níi tiempo xihín ná —cáchi ínimá yii Ndióxi.

Tá jándoho Ndióxi ini ñayivi

14 Tá nandihí já nasandehé e ta já naxini i in vico yaa. Ta cánúu in da cáa tá quiahva cáa in ñayivi jatá mé vico. Ta cánúu in tjiyivi jiuhun cuáán yiquí jini da ta cáñee in machiti tojo jeen ndahá dá. 15 Tá nandihí já naqueta inga táto Ndióxi ini veñuhu Ndióxi cán ta já cáyuhú cóho a já cáchi a já xihín mé da in coo jatá vico cán:

—Xíni ñúhu casáhún jáqueún ña in ñuyivi xihín machiti tojo ñéhún jan jáchi sa naxinu coo va hora jáqueún ña in jatá ñuyivi jáchi sa nachichi va viti —nacachi a.

16 Andá já naxini i nacasahá mé da nasanuú jatá vico cán jáquihvi da machiti tojo da jatá ñuyivi ta já najáquee da ñaha jatá ñundáhyi.

17 Tá nandihí já naxini i naqueta inga tucu táto Ndióxi ini veñuhu in indiví cán ta quiahva já cáñee inga machiti tojo jeen ndahá a. 18 Ta nu in nu náa mé veñuhu cán naqueta inga táto Ndióxi, mé a cómi cuéntá saha ñúhu ita ña cáyi. Ta já nacahan cóho a xihín mé táto Ndióxi nu cuiti cán, ña cáñee machiti tojo jeen ndahá cán já nacachi a já:

—Xíni ñúhu jáquihvún machiti tojo jeen cáñee ndahun jan ta casahá cahndún uva cúnun nu dó uva ndúu ñuyivi jáchi sa nachichi uva nu do —nacachi a.

19 Andá já jáyaha táto Ndióxi cán machiti tojo nuú ñundáhyi ta já nasahnda ndihí a uva nu tó uva cán ta nañaa a uva cán ini in pila cáhnu ña ná cuhní rí. Ta ña yóho náha ndá quiahva quini ndoho ini ñayivi caja Ndióxi jáchi xójo ndivaha ini a xihín ná sahá cuachi cája na. 20 Ta tá nasuhní uva cán ini mé pila cáhnu yuhú ñuu cán já nacana níi, dó cúu tátuhun yuta cúná janda quiahva cani ndaa dó yati yuhú in cuáyí. Ta tá quiahva cáni xica dó cuahan do cúu á tátuhun uní ciento kilómetro.

15

Tá xinu coo táto Ndióxi xihín usá chága tondóho quixi jatá ñuyivi

1 Tá nandihí já naxini i inga tucu ña cáhnu chí indiví ta chí nacatontó i. Ta ña naxini i cúu usá táto Ndióxi ta in in ña yóho ñe he a chága tondóho quixi jatá ñuyivi ña ná jándihí a ña xójo ini Ndióxi.

2 Ta naxini i in ñaha ta náha tátuhun in tañuhú ta tá quiahva in nuú yutátá quiahva já in nuu do joo cúu dó dó cáva táhan xihín ñúhu cáyi. Ta yati jún mé tañuhú náha tátuhun yutátá cán ndita ñayivi, na nacandee nasahnú nu tóco ndihí ña núu sahá ña coo nacaja cáhnu na quití quini xihín tijníu yúu rí. Ta ni coo naquehe na túni ña cúu numero mé rí quini cán. Ta mé na ndita cán cáñee arpa ndahá na, dó nasahan Ndióxi nu ná. 3 Ta xita na ña naxita Moisés, mé da nacaja chúun cuéntá Ndióxi. Ta xita na ña naxita Jesús, mé a cúu tátuhun ndicachi loho cán ta já cáchi na já:

Cátontó nde tá xini nde tóco ndihí ña nacavaha mé ndó, Ndióxi, xitoho nde, jáchi in ndee ndó caja ndó tóco ndihí ñaha.

Íchi cuéntá mé ndó cúu á íchi ndacu ta cúu á íchi cuéntá ña ndaa.

Ta mé ndó cúu ndó ña cómi cuéntá saha ndaja táhan nación ndúu ñuyivi yóho.

4 Tóco ndihí ñayivi yihvi na ndohó, mé a cúu xitoho nde ta cáhan na ndaja cáhnu cúu mé ndó.

Jáchi in túhún mé ndó cúu ndó Ndióxi yii.

Ta tóco ndihí ñayivi ndúu ndijáá nación xinu na caja cáhnu na mé ndó,

jáchi náha ndá quiahva cája ndó ña ndaa, cáchi na xita na.

5 Ta tá sa nayaha ña yóho já nasandehé ta naxini i nanuna veñuhu indiví, ña nacavaha na xihín ñíi quíti. Ta nasáñhu ley Moisés cán. 6 Ta ini mé veñuhu indiví naqueta ndihusa táto Ndióxi, mé a ñe he usá nuú tondóho quixi jatá ñuyivi. Ta ndíxi táto Ndióxi cán jahmá vií, ña lino, ña ndató ndivaha ye he. Ta ndacaán in cinturón ña jiuhun cuáán tóco á ta cáni a janda yati yicá ndicá a. 7 Ta in táhan ndicomí mé ña tácu cán nasahan in in cóho, ña jiuhun cuáán nuú in in táhan ndihusa táto Ndióxi cán. Ta ini in in cóho cán ñúhu ndaja táhan tondóho ña vaxi jatá ñayivi ndúu ñuyivi caja Ndióxi, mé a tácu andá ama cáa quívi. 8 Ta nachutú ndaa veñuhu cán xihín ñihma, ña náha ndá quiahva cáhnu cúu Ndióxi xihín ndá quiahva cáhnu cúu ndee mé á. Ta ni in na coo nañehé ñamaná quihvi ini veñuhu cán janda quiahva naxinu ndihusa tondóho, ña ñe he ndihusa táto Ndióxi cán.

16

Usá coho ña ñúhu usá tondóho

1 Tá nandihí já naxini joho i nacahan cóho a tañu veñuhu indiví cán. Ta já cáchi a xihín ndihusa táto Ndióxi cán já:

—Cuáhán ndó cuyu ndó ndihusa coho jan jatá ñuyivi. In in a cán cúu á in tondóho chindahá Ndióxi jatá ñuyivi ta ndoho ndivaha ini ñayivi xihín á —cáchi a.

² Anda já in tátō Ndióxi, mé a nu cuíti nasahan nacuyu a ña ñúhu ini cohō ñéhe a cán jata ñuyívi. Ta já naxinu cuehe táhyi, ña ihvi ndivaha yiquí cuñu ñayivi, na ñaquehe marca quití quini cán, mé na ñacaja cáhnu tññu yúu rí.

³ Tá nandihí já inga tátō Ndióxi ña cáhivi cán nacuyu a ña ñúhu ini cohō ñéhe a jata tañuhú. Ta tóco ndihí dó nanduu dó ñi tátuahun ñi ndii. Ta tóco ndihí ña tácu ini tañuhú cán naxihí ndihí a.

⁴ Ta tá nandihí já nacuyu tátō Ndióxi ña cáhuni cán ña ñúhu ini cohō ñéhe a jata ndijáa yuta xihín ndijáa nu cána ticuítí ta nanduu dó ñi. ⁵ Tá nandihí já naxini johō j cáhan in tátō Ndióxi, mé a cómi cuéntá sahá ticuítí cán já cáhí a já:

—Tátá Ndióxi, mé ndó cája ndó ña ndaa jáchi ñacaja vii ndó sahá ñayivi jan. Yii ndivaha cúu ndó ta ñin ndó viti ta jandá saha nasahjin ndó. ⁶ Najándoho ndó ini ñayivi jan jáchi nasata na ñi na cúu cuéntá mé ndó xihín ñi na profeta tá nasahni ñaha na. Joo viti ñacaja ndó xihín ná ña ná cohō na ñi já ná ndoho ini na. Ta quiahva já cáni a coo a —ñacachi tátō Ndióxi cán.

⁷ Tá nandihí já naxini johō j in a cáhan nu náa Ndióxi cán já cáhí a já:

—Tátá Ndióxi, mé ndó cúu ndó xitoho nde ta ñin ndéé ndó caja ndó tóco ndihí ñaha. Ta ñacaja ndó ña ndaa tá ñacaja vii ndó sahá ñayivi —cáhi a.

⁸ Tá nandihí já naxini j inga tátō Ndióxi ña cócomí cán ta nacuyu a ña ñúhu ini cohō ñéhe a jata candii. Ta xihín ña yóho ñahehé candii cán ndéé á chicao ñúhu a ñayivi xihín ñúhu cáyi. ⁹ Ta já ñacayi quini ndivaha tóco ndihí ñayivi. Joo cóo naxeen na ndicó cóo ini na ta ni cóo ñacaja cáhnu na Ndióxi. Ña ñacaja na quéa ñacasáhá na cánahá ndivaha na xihín Ndióxi, mé a ñin ndéé nu tóco ndihí tondóhó quíxi jata ñuyívi yóho.

¹⁰ Tá nandihí já naxini j inga tátō Ndióxi, ña cáhuhun cán ta nacuyu a ña ñúhu ini cohō ñéhe a jata táyi nu ñin coo quití quini cán. Ta já naxini j ñacanaá yávi mé nu ndúu na sáhdá rí chuun nu cán. Ta já ñacasáhá mé na cán sáxi yihí na yáa ná jáchi ñacasáhá ndóho ndivaha ini na. ¹¹ Joo cóo najándacoo na ña núu cája na. Ta sahá ña ñacahivi ndivaha yiquí cuñu na cán xihín cuehe ndóho na já ñacanahá ndivaha na xihín Ndióxi, mé a ñin indivi.

¹² Tá nandihí já naxini j inga tátō Ndióxi, ña cáhíñu cán ta nacuyu a ña ñúhu ini cohō ñéhe a jata in yuta cáhnu naní Eufates. Ta já nahichí ndihí ticuítí ñasañuhu ini yuta cáhnu cán ta já ñanuná nuú yaha na cúu rey, na ñaquixi chí xoo nu cána candii.

¹³ Tá nandihí já naxini j ñaqueta uní ínimá quini. In rí ñaqueta yúhu cóo quini ta

inga rí ñaqueta yúhu quití quini ta inga rí ñaqueta yúhu dá cúu profeta túhún cán. Ta mé ínimá quini cán ndáa tá quiahva ndáa láhva cúhdó. ¹⁴ Ta rí cán cúu ínimá rí quini, rí ñacaja ña xituhún nuú ñayivi. Ta cúu rí rí queta cuahán jatáca ndaja táhan rey sáhdá chuun nuú ñayivi ndúu ñuyívi já ná caní táhan na xihín Ndióxi. Jáchi sa ñacayati quívi ñaha ndá quiahva cáhnu cúu Ndióxi jáchi mé á quéa ñin ndéé cája tóco ndihí ñaha.

¹⁵ Anda já ñacachi Ndióxi já: “Cuéntá coo ndó jáchi tá quiahva jonáa xinu dá cuíhná quiahva já jonáa xinu j nu ndo. ñin saha cáji ini ndá na sa ndati tiahva saá j jáchi cúu ná tátuahun na ñasandixi tiahva jáhma. Já quéa ná a cáchan nuú ná tá ndáa lahla na nuú ñayivi”, cáhí a. ¹⁶ Ta rí quini cán najátaca rí tóco ndihí rey sáhdá chuun nuú ñayivi in nuú naní Armagedón tuhun hebreo.

¹⁷ Tá nandihí já inga tátō Ndióxi ña cáhusa cán nacuyu a ña ñúhu ini cohō ñéhe a nu táchi. Ta já naxini johō j cáhan in a ini veñuhun indivi nu ñin coo Ndióxi nu sácoo rey cán. Ta cáhan cóhó á já cáhí a já:

—Sa nayaha tóco ndihí ña ndítahan coo —ñacachi a.

¹⁸ Tá nandihí já naxini j ñacasáhá cána tasa. Ta naxini johō j jandá vaa johō cúu tácu cáhan na. Ta naxini johō j jandá johō cána javi. Ta ñacasáhá quíji ñinu ñundáhyi jáchi ñacasáhá táan ndéé ndivaha. Ta mé ndítáan yóho nasacuu a ña ndéé chága nu tóco ndihí ña táan jáchi jandá quívi nasacu Ndióxi ñayivi ñuyívi cóo ñaquixi inga ndítáan ndéé tátuahun ña yóho. ¹⁹ Ta mé ñuu cáhnu ndivaha cán nandata uní ña. Ta ndijáa ga ñuu náhnu ndúu ñuyívi nacuyu ndihí a. Ta nandicuhun ini Ndióxi sahá ñuu cáhnu naní Babilonia cán ta najándoho mé á ini na ndúu cán jáchi xójo ndivaha ini a xihín ná. Ta ña ndóho na cúu á tátuahun xihí na vino cuéntá tondóhó. ²⁰ Ta tóco ndihí isla ñúhu ini tañuhú xihín ndijáa java ga yúcu ndúu jata ñundáhyi nandihí sahá. ²¹ Ta naxini j ñacuu ñi náhnu ña vee ndivaha tátuahun jvi jico kilo in in a. Ta jandá indivi ñaquee a nacuyu a jata ñayivi ndúu ñuyívi. Ta ñacasáhá na cánahá na xihín Ndióxi sahá ña najácuyu a ñi yóho jata ná. Jáchi mé a ndaa ña yóho nasacuu a in tondóhó cáhnu ndivaha ñaquixi nu ná ñacaja Ndióxi.

17

Tá jándihí Ndióxi saha ña xica jii

¹ In táhan ndihusa tátō Ndióxi ña cáñee in táhan usa cóo ndáha cán naxinu a nuú j já ñacachi a já xihín j:

—Naha quí yóho jáchi cúni jánaha j nuun ndá quiahva ndoho ini ña xica jii, ña cáhnu, ña ñin coo nuú cuahá ticuítí. ² Tóco ndihí na cúu rey ndúu ñuyívi yóho ñaquíji na xihín

ñá cán. Najáxini ñá tóco ndihi ñayivi ñuyivi xihín ñá núu ñacaja ñá tá ñaquiji ñá xihín na co cúu yí ñá —ñacachi táto Ndióxi cán xihín i.

³ Andá já ñacaja inima yji Ndióxi xihín i ñá ndáca táto Ndióxi yehé ñasahan i yucú ichi xihín á. Ta cán ñaxini i in ñáñáha cánúu jatá in quití quini, rí cuáhá. Ta níi cúu rí ñacacutú xihín tuhun quini ñá cánahá xihín Ndióxi. Ta ñaxini i in usá yiquí jini rí xihín uxu ndiquí rí. ⁴ Ta mé ñá cánúu jatá rí cán ndíxi ñá jáhma ndíhi ticayí, ñá ñacava táhan xihín ñá cuáhá. Ta ñacacutú ñá xihín jiuhun cuáán xihín yuu yáhi ndivaha xihín perla. Ta ñaxini i cáfee in coho jiuhun cuáán ndáha ñá. Ta ñachutú ndaa coho cán xihín ñá núu ta xihín ñá tiquní ñacaja ñá xihín dataa. ⁵ Ta ndáa in tuhun taan ñá, ñá co cándaq ini ñayivi. Ta já cúnj cachi mé tuhun cán: “Ñuu Babilonia cúu ñuu cáhnu ta cúu á tátuhun náná tóco ndihi ñajíhi xíca jji. Ta cúu á tátuhun náná ndaja táhan ga ñá núu ndúu ñuyivi yóho.” ⁶ Tá ñandíhi já náha ñá ñaxini ndivaha mé ñáñáha jáchi ñaxihi ñá níi ñá cúu cuéntá Ndióxi, ñá ñaxíhi sahá ñá coó najándacoo na cáhan na saha Jesús. Ta tá ñaxini i ñá yóho já ñacatónto ndivaha i. ⁷ Ta já ñacachi táto Ndióxi cán já xihín i:

—Ndá cuéntá queá catónto ñahún. Xíni ñúhu cuni johó vahún ñá cáhan i xuhun jáchi ndicani i ñuun ndíá cúnj cachi ñá in jehé saha ñáñáha yóho. Ta jári ndicani i ñuun ndíá cúnj cachi quití quini, mé rí cánúu ñá, rí in usá yiquí jini xihín uxu ndiquí cán. ⁸ Mé quití quini ñaxinún yóho ñasatacu rí sanahá joo viti co tácu ga rí. Joo vaxi quívi ndindita rí ta queta rí tañu yávi, ñá co xinu ñu ndíhi ñu cán. Ta tá ñandíhi já cuhun rí ndíhi saha rí chí uun. Ta catónto ndivaha tóco ndíhi ñayivi ndúu ñuyivi, na coó ñacahyi quívi janda tá cámanj cava sahá saha ñuyiví ñu libro ñu ndáa quívi tóco ndíhi na catacu andá ama cáa quívi. Catónto ndivaha na tá ná cuni na mé quití quini yóho, rí ñasahin sanahá ta co tácu ga rí viti joo nditacu tucu rí ñu ná.

⁹ Ta ndá ndó, ñá ndíchi jini, cuu candaa ini ndó ñá yóho: Ndihsá yiquí jini quití quini cán cúu á yuhú núu usá yucú ñu in coo mé ñáñáha xíca jji cán. ¹⁰ Ta jári cúu á yuhú núu usá rey. Ta uñun táhan rey yóho sá ñandíhi va saha. Ta inga táhan rey yóho sáhdá dá chuun núu ñayivi viti ñúhu. Ta inga ga rey ñá cáhusá cán cámanj xinu coo. Joo tá ná xinu coo da yóho já á cóo ñahá toho da cahnda da chuun núu ñayivi. ¹¹ Ta quití quini, rí ñasatacu sanahá ta viti sá coó ga rí, rí cán cúu rí yuhú núu rey, dá cáhuna cán. Vatí cúu dá táhan java ndíhsá rey cán joo tá ñandíhi cahnda da chuun cuhun dá ndíhi saha dá chí uun.

¹² Ta ndíhuxu ndíqui ñaxinún yóho cúu á yuhú núu uxu rey, mé ñá cámanj casáha cahnda chuun núu ñayivi ndúu ñuyivi. Joo in tálaá hora ñehé táhvi ñá cahnda na chuun xihín mé quití quini cán núu ñayivi tátuhun rey. ¹³ Ta ndíhuxu rey yóho jándique táhan na tuhun na ñá ná quiáhva na ndéé ná ñu mé quití quini já ná cahnda rí chuun. ¹⁴ Ta cani táhan ndíhsá ñá cán xihín Jesús, mé a cúu tátuhun ndicachi loho cán. Joo quee vaha Jesús xihín ná jáchi cúu á xitoho ñá náhnu ndúu ñuyivi yóho ta cúu á rey núu ndaja táhan rey. Ta xoo Jesús cán canduu ñá ñacana Ndióxi, mé ñá ñacaxi a comí a cuéntá saha. Cúu ná ñá coó najándacoo ñá cándeé ini na mé á —ñacachi táto Ndióxi xihín i.

¹⁵ Tá ñandíhi já ñacachi tucu táto Ndióxi cán já xihín i:

—Ticují, dó ñaxinún ñu in coo ñá xíca jji jan cúu dó yuhú núu ndíjáá ñuu xihín ndíjáá nación xihín ndíjáá ñayivi, ñá cáhan tá núu tuhun. ¹⁶ Ta ndíhuxu ndíqui ñaxinún yóho quití quini jan cúu á yuhú núu mé uxu rey, ñá candají ñá xíca jji jan. Ta jándacoo na ñá ta já caca lahla ñá. Ta caxi ndáa ñá yiquí cuñu ñá. Ta chicañ ñúhu ná ñá xihín ñúhu cáyi. ¹⁷ Jáchi jáxinu Ndióxi ini ñá cán ñá ná caca na ñá cúnj mé á. Ta jándique táhan ñá cán tuhun na ñá ná ndiquíhva na chuun ndójo na ñu mé quití quini cán ñá ná cacuu rí tátuhun rey janda quiáhva ná xinu coo núu ñá ñacachi Ndióxi coo. ¹⁸ Ta ñáñáha ñaxinún cán cúu ñá yuhú núu ñuu cáhnu cán ñá sáhdá chuun núu ndaja táhan ñá cúu rey —cáchi táto Ndióxi cán.

18

Tá jándíhi Ndióxi sahá ñuu Babilonia

¹ Tá sá ñayaha tóco ndíhi ñá yóho já ñaxini i inga táto Ndióxi, ñá ndójo chuun cáhnu ta ñanu a chí indiví. Ta chí ñandíyíhvi ndaa jatá ñuyivi xihín quiáhva yehé mé táto Ndióxi cán. ² Tá já ñacasáha cáyuhú cóho a já cáchi a já:

—Ay, ay, sá ñandíhi va sahá ñuu cáhnu Babilonia cán ta ñandu a tátuhun cavá tiñáha. Cúu á tátuhun núu ñandicutú ndaa inima quini ñúhu rí. Ta ñandu a tátuhun in choho ñu ñúhu tá núu laa quini, rí cándají ñayivi. ³ ñandíhi sahá ñuu Babilonia yóho, mé a cúu tátuhun in ñáñáha xíca jji. Jáchi najáxini ñá ndaja táhan ñayivi ndúu ñuyivi ta najácahan ñá ñá ná caca na tá núu ñá núu ñá xíca ini na caca na. Ta mé ñá ñuu Babilonia jan ñasahan ñá ñamanj ñá ná xinu coo ndaja táhan dá náhnu sáhdá chuun núu nación ñá ná xinu dá ñuu Babilonia jan cuju dá xihín ñá xíca jji jan. Ta ñá caca ndahvi ndicuicá ñá xihín tá núu ñá núu caca

ñá jáchi sáta joho ñá ña cuicá ña —cáchi tátó Ndióxi cán.

⁴Tá nandihí já naxini joho i inga cáhan chi indivi ta já cáchi a já:

—Ndóhó, na cúu cuéntá mí i, cuáqueta ndó jatá ñuu jan já ná a cája ndó cuachi cája na ñuu jan. Ta já ná a xínu cõo tondóhó vaxi nuú na ñuu jan jatá ndó. ⁵Jáchi sa nacacuáhá ndivaha cuachi na ta jandá indivi xínu cõo cuachi na. Ta cõ ndíndó Ndióxi sahá cuachi cája na. ⁶Ta tá quiahva nacaja na jan xihín inga ñayivi quiahva já ndítahan caja ndó xihín na viti. Ta jandá jvi táhndá chága ví ndicó cõo ndó caja ndó xihín ná. Ta tá quiahva najácoho na jan inga ñayivi quiahva já jvi táhndá chága ví ndítahan quiahva ndó nu ná coho na.

⁷Nandiñehe jicó ndivaha na mé ná sahá ña cán queá ndítahan jándoho ndivaha ndó ini na viti. A juú quiahva nandu cuicá na sahá ña cán queá ndítahan caja xixi ndó xihín na viti. Cáhán na ña cahnda na chuun nuú in nación. Ta cáhán na ña a ndóho toho ini na. Ta cáhán na ña cõo cúu ná tátuhun in íá cuáan. ⁸Sahá ña cán queá jixi in tálaá quivj quixi tá nuú ña núu nu ná. ⁹Já casahá quivni na ta cacuehá ndivaha ini na ta xínu jõco nu ná. Ta já chicaan Ndióxi na nu ñúhu cáyi jáchi jándihí Ndióxi, xitoho í saha ná, mé a ín ndéé cája tóco ndihí ñaha —cáchi a.

⁹Ta já casahá cuacu ndijáá rey, na sáhdá chuun nuú ñayivi ndúu ñuyiví. Ta táhnda ini na tá ná cuni na ñihma cána ñuu Babilonia cán. Jáchi mé na náhnu yóho naqujivi nuu na xihín ná xica jii cán ta najátivi na jjuhún na xihín ña. ¹⁰Ta xicá xicá naşacandichi na jáchi yíhvi na sahá ndá quiahva quini ndóho ini ña cúu yuhú nuu ñuu Babilonia cán. Ta já casahá cáchi mé rey cán já:

—Ay, ay, ndáhví nahá naçu ndó, ñuu Babilonia jáchi vatí cúu ndó ñuu cáhnu ndivaha joo in too joho naxinu hora ndóho ini ndó —cáchi na cán.

¹¹Ta ndijáá na cája ndahvj ndúu ñuyiví cuacu ri na cán va ta táhnda ndivaha ini na sahá ñuu Babilonia jan jáchi a cõo ga na cueen ñaha ndójo na xínu cõo na. ¹²Ta ña sádojo na cán quixi na jicó na cúu jjuhun cuáan xihín jjuhun cúxú xihín yuu yahvi ndivaha xihín perla vaha xihín jahmá vaha ndivaha ña cávaha xihín yahva naní lino xihín jahmá seda xihín jáhma ndihí ticayí xihín jáhma cuahá ñi xihín ndijáá nuú yito támi sáhan xihín ñaha cávaha xihín nuhu yócó elefante xihín ndijáá yitó yahvi ndivaha xihín ndijáá ñaha cávaha xihín çaa cuáan xihín ña cávaha xihín çaa uun ta jári ñaha cávaha xihín yuu naní mármol. ¹³Ta quiahva já sáñehe na canela xínu cõo na xihín ndijáá ñaha támi sáhan. Ta ñehe na jusa xihín mirra xihín perfume viti. Ta quiahva já ñehe ri na vino xihín aceite xihín

harina vaha xihín trigo. Ta quiahva já sáñehe ri na quiti xójo xihín ndicachi xihín cuáyí xihín carreta. Ta jandá ñayivi xéen na caja chúun nu ná sáñehe na. Ña yóho sádojo na quixi na joo ni in na a cueen ga ñaha na. ¹⁴Ndijáá na cája ndahvj cán çahan na xihín ñuu Babilonia cán já cáchi na já:

—Cõo ga cujhi vaha, ri cátóo nahá ndó caxi ndó. Ta viti sa nandihí saha tóco ndihí ña lándá xihín ña cuicá naşandu nu ndó jan —cáchi na.

¹⁵Ta na nacaja ndahvj xihín tóco ndihí ñaha yóho nandicuícá ndivaha na xihín ndahvj nacaja na xihín na ñuu Babilonia cán. Ta xicá xicá candita na candehé na ñuu Babilonia cán jáchi yíhvi na ndoho na tá quiahva ndóho ini na cán. Ta cuacu ndivaha na ta táhnda ndivaha ini na. ¹⁶Ta já cáchi na já:

—Ay, ay, ndáhví nahá naçu ñuu cáhnu Babilonia jan. Ndató ndivaha naşanaha ñuu yóho tátuhun in ñáñáha ndixi jahmá lino vaha ndivaha xihín jahmá ndihí ticayí xihín jahmá cuahá ñi. Ta nacacutú ña xihín jjuhun cuáan ta xihín yuu yahvi ndivaha ta xihín perla. ¹⁷Joo in too joho nandihí saha tóco ndihí ña cuicá naşacomí mé ñuu Babilonia jan —nacachi na.

Ta ndijáá na sáhdá chuun nuú na ñehe barco, xihín ndijáá na cándójo xica xihín ndijáá na cája chúun ini mé barco cán xihín ndaja táhan na cája ndahvj xihín ña quixi chí tañuhú cán naşandita xicá na sáñdehe na. ¹⁸Ta tá naxini na ndíndita ñihma ña cáyi ñuu cán já nacayuhú na já nacachi na já:

—Ni in túhún toho inga ga ñuu cõo queé táhan xihín ñuu Babilonia ña cáhnu yóho —nacachi na.

¹⁹Ta xihín ña táhnda ini na naçojó na ña yácá jini ná. Ta naşasáhá sácu ndivaha na já cáyuhú na já cáchi na já:

—Ay, ay, ndáhví nahá naçu ñayivi naşandu ñuu cáhnu jan jáchi xihín ña cuicá naşacomí na najácuicá na ndijáá da xica nuú tañuhú xihín barco. Joo in too joho nandihí sahá ña jan —cáchi na cán sácu na.

²⁰Ta ndítahan cajji ini na ndúu indivi sahá ña nandoho ñuu cáhnu yóho. Ta quiahva já ndítahan cajji ri ini ndijáá na cúu cuéntá Ndióxi xihín na cúu apóstol xihín na cúu profeta. Jáchi xihín ña nacaja Ndióxi xihín ñuu Babilonia yóho nandiquehe a cuéntá sahá ña núu nacaja mé na cán xihín ndó, na cúu cuéntá Ndióxi.

²¹Tá nandihí já naxini i in tátó Ndióxi, ña ín cuaha ndéé. Ndiñehe a in yuu cáhnu ña cúu á tátuhun in yuu yojó. Ta najácana a ña ini tañuhú ta já nacachi a já:

—Tá quiahva najácana i yuu yojó yóho ini tañuhú ta naşacõo a çahá tañuhú cuahan quiahva já yaha ri xihín ñuu Babilonia. Vatí cúu a in ñuu cáhnu ndivaha joo anda ama

cáa quiví a ndíco coo ga ñayivi cuni na ña.
 22 Ta ni música a tácu ga mé ñuu jan ta ni a cáha ga arpa ni tóyoó ni trompeta. Ta ni in ga ñayivi a cája chúun ga ñuu jan jáchi ni in túhún toho ndahvi a cája na. Ta ni a tácu ga yuú yojó ña ndíco najihí. 23 Ta janda ni in ití loho a túun ga ñuu jan. Ta ni a cáhan ga ñayivi vicó tándaha jáchi coo ga ña jan coo. Jáchi na najjó ñaha cán nasacuu na na náhnu ndúu ñuyiví ta najándahvi na ndaja táhan ñayivi ndúu ñuyiví xihín ña tají ñajaja na —cáchi táto Ndióxi.

24 Ta ndoho ini na jáchi mé ñayivi ñuu Babilonia jan nasahní na na profeta xihín na cúu cuéntá Jesús ta anda cuahá ñayivi ndijáá ñuu ñuyiví nasahní ñahá na.

19

1 Tá sa nayaha tóco ndihi ña yóho já ñaxini johó j cáhan cóhó cuahá ndivaha ñayivi indiví ta já cáchi na já:

Cáhnú cúu Ndióxi jáchi in túhún mé á quéa jácácu mí.

Ta íin ndéé mé á caja tóco ndihi ñaha ta cáni nu yó caja cáhnú ndivaha í mé á.

2 Jáchi ndaa cája ndihi mé á ñaha tá caja víi a sahá ñayivi.

Ta ndaa ñajaja mé á tá nasacu ini a jándihi a sahá ñuu Babilonia jan jáchi nasacuu a tátuhun ña xíca jii.

Jáchi xihín tóco ndihi ña núu nasajaja ña ña quíjii ña xihín na coo cúu yíi ña najátivi ndihi ña ñayivi ndúu ñuyiví.

Sahá ña cán quéa najándihi Ndióxi sahá ña tá ja natahnda cuéntá sahá ña ñajaja ña tá nasahní ña na cúu cuéntá Ndióxi, cáchi na cáhan indiví cán.

3 Tá ñandihí já ñacasahá tucu na cán cáhan na já cáchi na já:

—Cáhnú cúu Ndióxi jáchi ñajaja mé á ña cáyi ñuu cán ta anda ama cáa quívi ndíndita ñihma ña —já cáchi na indiví cán.

4 Ta ndihoco comí na sacuahá ndúu cán xihín ndícomí mé ña tácu cán ñacaxítí na janda quiahva ñacani ndaa taan na nu ñúhu ta já ñajaja cáhnú na Ndióxi, mé á íin coo nu sácco rey cán. Ta tá caja cáhnú na Ndióxi já cáchi na já:

—Já ná coo. Cáhnú cúu Ndióxi —cáchi na.

5 Ta janda nu íin coo Ndióxi cán ñaxini johó j cáhan in a ta já ñacachi a já:

—Tóco ndihi ndó, na cája chúun cuéntá mé á xini ñúhú caja cáhnú ndó Ndióxi, mé á caja cáhnú í. Coó caja toho a á cúu ndó na náhnú á na valí jáchi caja ndó ña sáhná mé á —cáchi a.

Tá coo vicó indiví sahá ña ndiquehe Jesucristo na cúu cuéntá mé á

6 Tá ñandihí já ñaxini johó tucu u ña tácu tátuhun tá cáhan cuahá ndivaha ñayivi. Ta tácu ña tátuhun tá cáha cýu tucúvi tañu cáva

ta tácu ña tátuhun tá cána tasa. Ta já cáchi na já:

Cáhnú cúu Ndióxi, xitoho í, mé á caja cáhnú í jáchi sa ñacasahá mé á comí a cuéntá sahá ñayivi viti.

Ta íin ndéé mé á caja tóco ndihi ñaha.

7 Xini ñúhú cavatá yo ta xini ñúhú cajii ndivaha ini caja cáhnú ndivaha í mé á.

Jáchi sa ñaxinu coo quívi ndiquehe Jesucristo, mé a cúu tátuhun ndicachi loho, na cúu cuéntá mé á.

Cacuu a tátuhun tándaha Jesucristo xihín na cúu cuéntá mé á, na sa ndúu tiahva na tándaha na xihín mé á.

8 Ta ñehé táhvi ná candixi na jahmá vaha ndivaha, ña naní lino ta cúu á ña víi ndivaha ta ndató ndíyihvi a, cáchi na.

Jáchi mé jahmá víi ña naní lino cán náha ña ñaxíca vaha na cán íchi cuéntá Ndióxi.

9 Tá ñandihí já ñacachi mé táto Ndióxi já xihín j:

—Cahyún ña yóho. Cajii ini ñayivi, na ñacana Ndióxi cùhun indiví tá ná xinu coo quívi ndiquehe Jesucristo, mé a cúu tátuhun ndicachi loho cán, na cúu cuéntá mé á — ñacachi táto Ndióxi cán xihín j.

Ta ñacachi tucu a já:

—Mé a ndaa ndinuhu tughun Ndióxi cúu ña yóho —ñacachi a xihín j.

10 Anda já ñacaxítí j nu táto Ndióxi cán ña ná caja cáhnú j ña. Joo já ñacachi a já xihín j:

—A cáxítí tohún nu yehé jáchi ndítahan caja cáhnún Ndióxi. Jáchi yehé cúu u da cája chúun nu Ndióxi tá quiahva cája chúun yóho xihín java ga na cúu cuéntá Jesús, na cúu ñanún, na coo jándacoo cáhan ña ndaa, ña najánaha Jesús nuú ñayivi. Caja cáhnún Ndióxi —cáchi a.

Jáchi na cúu profeta cándéé ini na ña jánaha Jesús ña ndaa sahá ña cán quéa cáhan na ña nuú ñayivi.

Tá ñaxini Juan in a cánúu cuáyí yaa

11 Tá ñandihí já ñaxini j ñanuna indiví ta naqueta in cuáyí yaa. Ta mé a cánúu rí cán naní a: mé a coo cáva ivi johó ini. Ta naní tucu a: ña ndaa. Jáchi ndaa caja víi a sahá ñayivi ta ndaa caja mé á tá quíhvi táhan cáni táhan xihín ná. 12 Ta tá quiahva yehé nu cándaa ñúhu cáyi quiahva já yehé nduchú nuú a. Ta cándojo cuahá ndivaha tívivi jini á. Ta ndaa in quívi taan mé á joo in túhún mé á xini ndá quívi quéa ndaa taan. 13 Ta ñandaxi jáhma mé á xihín nij. Ta naní a: tughun Ndióxi. 14 Ta ñaxini j ndíco in táhná cáhnú soldado cuéntá indiví jatá cuahan na xihín á. Ta ndíxi na jahmá vaha ña naní lino. Ta cúu á jahmá yaa cachi, ña ndató víi ña. Ta in in na cán cánúu cuáyí yaa cásahan na xihín á. 15 Ta yúhu mé á ña cúu tughun Ndióxi cán quéta in yúchu cáni ña jeeñ ndivaha. Ta

xihin mé yúchu jeeen cán jándicuehe quini ndivaha mé á ndijáá ñayivi ndúu ñuyiví. Ta cahnda ndee mé á chuun saha ná. Ta cája vií a saha ná tá quiahva cája dá sáni nihni jatá uva ini pila ña ná cuhní rí. Ta mé Ndióxi cúú á jándoho ndivaha ini ñayivi jáchi xójo ndivaha ini mé á xihin ná ta mé á cúú á Ndióxi ña ín ndee caja tóco ndihi ñaha. ¹⁶ Ta jatá jáhma ndíxi mé a cán xihín nu jihin a ndáa java tuhun rey ta cúú u xitoho nuú na náhnu ndúu ñuyiví”, cáchi a.

¹⁷ Tá nandihí já ñaxini i in tátø Ndióxi cándichi a jatá cándi. Ta já ñacayuhú cóho a nuú ndijáá laa, rí ndáchi nu táchi. Ta já ñacachi a já xihin rí:

—Naha ndihí ndó taca ndó cajini ndó ña quiahva Ndióxi nu ndø. ¹⁸ Ta ña caxí ndø cacuu a yiquí cuñu na náhnu, na sáhdá chuun nuú ñayivi. Ta caxí ndø yiquí cuñu na cúú saçuaha nu soldado xihín yiquí cuñu na ndacú. Ta caxí ndø yiquí cuñu cuáyí xihín yiquí cuñu dá cándójo jatá rí. Ta caxí ndø yiquí cuñu na xíca núná mé xihín na cómí xitoho cuéntá saha. Ta quiahva já caxí ndø yiquí cuñu na valí xihín na náhnu viti —cáchi a.

¹⁹ Tá nandihí já ñaxini i rí cúú quití quini cán nataca rí xihín na náhnu, na sáhdá chuun nuú ñayivi ndúu ñuyiví ta xihín soldado na. Nataca na caní táhan na xihín mé a cánúu jatá cuáyí yaa cán xihín soldado mé á. ²⁰ Ta natíin mé á quití quini cán xihín dá cúú profeta túhún, mé dá ñacaja ña xitúhún nu mé rí cúú quití quini cán. Jáchi xihín ña xitúhún ñasacaja mé profeta túhún cán najándahvi da ñayivi ta najácahan dá na ña ná nani marca mé rí quini cán yiquí cuñu na. Ta já ñacaja cáhnu na tiníñu yúu rí. Ta ñaxini i najácana tácu Ndióxi mé quití quini cán xihín profeta túhún cán ini indayá, ña cúú tátuhun in mñi nu cándaha ñúhu cáyi xihín azufre. ²¹ Ta na java ga cán ñaxihí na xihín yúchu cáni ña ñaqueta yúhu mé a cánúu jatá cuáyí yaa cán. Ta ndijáá laa nataca ndihí rí caxí rí yiquí cuñu na janda quiahva ñandivaha ini rí.

20

Cáhan Juan sahá in mil cuja tá ná cándico ndaa tiñhá saçuaha

¹ Tá nandihí já ñaxini i ñanuu in tátø Ndióxi chí indiví ta ñehe a yávi ña suná yúhu yávi cúná, ña cø xínú nu ndíhi nuú cán. Ta cáfee in cadena ndee ndáha á. ² Ta natíin mé á cøo quini, rí cúú tiñhá saçuaha nani Satanás, rí ñasahin janda saha. Ta ñacató a rí xihín cadena cán tíxi in mil cuja. ³ Ta najácana a rí ini yávi cúná nuú ñachicaji a rí. Ta ñasacu a in sello yuhú yéhe nu ndácaan rí já ná a queta rí jándahvi rí ñayivi ñuyiví janda

quiahva ná yaha mé in mil cuja. Ta tá sa nayaha in mil cuja já janí tucu rí caca nuu rí tíxi chá tiempo cuití va.

⁴ Tá nandihí já ñaxini i ndíta cuaha táyi vaha nu ndúu coo na candojo chuun ña caja vií na sahá ñayivi. Ta quiahva já ñaxini rí cán ndúu ínimá na ñachitúhún na yiquí jini na jáchi ñacahan na tuhun Ndióxi, ña ndáa najánaha Jesús nuú ñayivi. Ta cúú ná na cøo ñacaja cáhnu quití quini cán xihín tiníñu yúu rí. Ta ni cøo ñasahan na ñamaní nani marca rí taan na ni ndáha ná. Ta ñaxini i ñanditacu tucu mé ña cán ta anda jávi mé ná xihín Jesús ñasacomi na cuéntá sahá ñayivi tíxi in mil cuja. ⁵ Ta na yóho cacuu na nu cuití nditacu tucu. Joo java ga na ñaxihí cán camaní nditacu na jáchi ndítahan nu ná candati na janda quiahva ná yaha in mil cuja. ⁶ Cají ini ñayivi, na nditacu tañu na jánditacu Ndióxi nu cuití cán jáchi cúú ná na ñandicaxi mé á. Jáchi a cùhún toho na indayá nu ndoho ini ñayivi quini. Ña cán cacuu a tátuhun quivi na chí yávi. Ña yaha xihín ná queá nduu na jutú caja ndívi na nu Ndióxi xihín nuú Jesucristo. Ta xihín mé á cacomi na cuéntá sahá ñayivi tíxi in mil cuja.

⁷ Ta tá sa ná yaha in mil cuja cán já janí Satanás, mé tiñhá saçuaha nu ndácaan rí ndájí rí cán. ⁸ Ta já queta rí jándahvi rí ndijáá ñayivi ndúu ñuyiví. Ta jándahvi rí ñayivi ndúu ñuu nani Gog xihín ñuu nani Magog ña ná taca na caní táhan na. Ta na soldado taca cán cacuu na tátuhun ñutí ndúu yuhú tañuhú xihín ña cuaha cúú ná. ⁹ Ta ndicuita nuu ñayivi ndijáá ñuu ñuyiví ta cava yivi na jatá tóco ndíhi na cúú cuéntá Ndióxi. Ta quiahva já cava yivi na jatá ñuu Jerusalén, mé ñuu ña quíhvi ini Ndióxi. Joo jácuyu Ndióxi ñúhu cáyi indiví ta jándihí a saha ná. ¹⁰ Ta mé tiñhá saçuaha, mé rí najándahvi ñahá cán jácana Ndióxi rí ini in mñi nu cándaha ñúhu cáyi xihín azufre. Ta sa mé cán cúú nu jácana mé á quití quini xihín dá cúú profeta túhún. Ta cán cañuhu na ndoho ini na ñuu ta ndiví anda ama cáa quiví.

Tá cája vií Ndióxi sahá ñayivi

¹¹ Tá nandihí já ñaxini i in táyi cáhnu, dó yaa cachi nu sácco Ndióxi. Ta nuú mé á ñanditúhú tóco ndíhi ñuyiví xihín indiví ta chí a vája ga cuu cuní ña. ¹² Ta ñaxini i ndijáá na sa ñaxihí, na valí xihín na náhnu ndíta na nu ín coo Ndióxi. Tá nandihí já ñaxini i nanuna nuú java libro. Ta nanuna inga libro nu ndáa quiví tóco ndíhi na catacu anda ama cáa quiví. Ta já ñacaví sahá ña ñacaja in in na sa ñaxihí cán jáchi ini mé libro cán ndáa tóco ndíhi ña ñacaja in in ñayivi. ¹³ Ta ñandindita tóco ndíhi na ñaxihí ini tañuhú xihín na ñanduxú já ná caja vií

Ndióxi sahá ndihi na tá quiahva cáa nacaia in in na cán. ¹⁴ Janda jávi a quívi ga ñayivi ta a cùhùn ga ínimá na nuú nataca ínimá na nañihí. Joo najácana Ndióxi ñayivi quini ini mé mñini nu cándaha ñúhu cáyi. Mé mñini cán cúu á indayá nuú ndoho ini ñayivi ta cúu á tátuhun quivi na chí ivi. ¹⁵ Ta mé cán cúu nuú najácana Ndióxi tóco ndihi na co ndáa quívi nu mé libro nu ndáa quívi ñayivi catacu anda ama cáa quívi.

21

Tá nañini Juan indivi saá xihín ñuyivi saá

¹ Tá nandihí já nañini i indivi saá xihín ñuyivi saá. Jáchí sa nandihí va sahá indivi xihín ñuyivi ña nu cuítí cán. Ta jári tañuhú sa coo ga dó ñúhu viti. ² Ta yehe, da cúu Juan nañini i nanuu ñuu Jerusalén saá, ña yíi ta naquixi a chí indivi nu íin Ndióxi. Ta tá quiahva ndató cácutú in ñañáha tándaha ndiquehe ña yíi ña quiahva já ndató naçacutú ñuu Jerusalén cán. ³ Tá nandihí já nañini johe i naçayuhú cóhó a chí indivi ta já cáchi a já:

—Ndióxi íin a tañu ñayivi viti jáchi cúu ná cuéntá mé á. Ta coo a xihín ná jáchi cúu á Ndióxi, mé á cája cáhnu na. ⁴ Ta mé á yaçó ndihi a ticuú nuú ná ña naçacu na. Ta á quívi ga na. Ta ni a cuácu ga na. Ta ni a táhnda ga ini na. Ta ni a ndíhívi ga na. Jáchí sa najándihí Ndióxi sahá tóco ndihi ña cán, ña nañahin jihna —cáchi a.

⁵ Ta mé a íin coo nu sácoo rey naçahan ta já naçachi a já:

—Candehé. Yehe ndája saá i tóco ndihi ñaha.

Ta já naçachi tucu a já:

—Cañyún tóco ndihi ña cáhan i xuhun yóho jáchi cúu á ña ndaa ta cuu candeé ini ndó ña —cáchi a.

⁶ Tá nandihí já naçachi tucu a já xihín i:

—Sa najáxinu coo i tóco ndihi ñaha. Yehe cúu u nu cuítí ta yehe cúu u nu ndihí jáchi janda tá cámani çava sahá sahá tóco ndihi ñaha sa íin va yehe ta coo tá coo i vatí ná ndihi sahá. Ta ndá na cúní candaá chága ini sahá yehe já caja i ña ná cuu candaá ini na sahá i. Ta cúu á tátuhun íchi ini na ticuú, dó cája ña ná catacu na anda ama cáa quívi. Ta coo toho yahvi quehe e nu ná sahá do. ⁷ Ta ndá na ná cana vaña nu tóco ndihi ña núu ñehe táhvi na ndiquehe na tóco ndihi ña yóho nuú i. Ta yehe cacuu u Ndióxi, mé á caja cáhnu na ta mé ná cacuu na jahyi i. ⁸ Joo na láhá xihín na co cúní candúsa tuhun Ndióxi xihín na cándají na cúu cuéntá Ndióxi, mé ná cán çuhun na indayá nu cándaha ñúhu cáyi xihín azufre. Ta cán çuhun ri na sáhní ndíi xihín ndijáá na ndúu xihín na co cúu yíi á ñáñihí na. Ta cán çuhun ndijáá na cája tá nuú ña taji xihín na cája cáhnu yoco xihín

na cáhan ña tuhún. Ña yóho cacuu a tátuhun quivi na chí ivi jáchi ndoho ndivaha ini na ini indayá nu cándaha ñúhu cáyi xihín azufre —cáchi a.

Cáhan Juan sahá ñuu Jerusalén saá

⁹ Ta ndaja coo in táhan ndihusa táto Ndióxi ña ñehe usa coho nu ñúhu usa ña núu quixi jatá ñuyivi nañinu a nuú i ta já naçachi a já xihín i:

—Naha quíi yóho candehún. Jáchí jánaha i nuun na cúu cuéntá mé a cúu tátuhun ndicachi loho. Na yóho cúu ná tátuhun in ña tándaha ta Jesucristo cúu á tátuhun yíi ña —cáchi a.

¹⁰ Anda já naçaja ínimá yíi Ndióxi xihín i ña ndáca táto Ndióxi yehe já nañahin i in yucu jícó ña cáhnu. Ta cán nañini i ñuu Jerusalén ña yíi, ña nanuu chí indivi nu íin Ndióxi cán. ¹¹ Ta mé ñuu cán ndató ndivaha yehe ña jáchi cája mé á ña ná ndiyehe ña. Ta jíñu ña tá quiahva jíñu yuu yahvi ndivaha tátuhun yuu jaspe. Ta cúu á tátuhun yutátá jáchi cuu candehé yó chíhini a janda inga xoo a. ¹² Ta jatá mé ñuu cán naçava nuu in náma yuu cáhnu ta jícó ndivaha. Ta nañahin uxu ivi yehé a nu ndíta in in táto Ndióxi in in yehé a. Ta ndica yehé cán ndáa quívi ndihuxu ivi táhnda na naquixi chíchi Israel. ¹³ Ta uní yehé sándehe nu xoo cána candii. Ta uní yehé sándehe nu xoo chí norte. Ta uní yehé sándehe nu chí sur. Ta uní yehé sándehe nu xoo queta nuu candii. ¹⁴ Náma yuu ñuu Jerusalén cán nañahin uxu ivi yuu ndúhu saha. Ta jatá yuu cán ndáa quívi ndihuxu ivi na apóstol, na nañica tuun xihín Jesús, mé a cúu tátuhun ndicachi loho cán.

¹⁵ Mé táto Ndióxi ña cáhan xihín i cán cáñee in tóyoó jíuhun cuáán ndáha ña ná chíquiahvá mé á ñuu cáhnu xihín yehé a xihín náma yuu ña ndájí jatá. ¹⁶ Ta nañiquiahvá a ña xihín tóyoó cán ta in quiahva ndáa ndicómí xoo mé ñuu cán ta chí in quiahva cáni a ta in quiahva ndíca ña. Ta quiahva ñehe a cúu á ivi mil yíi ciento kilómetro. Quiahva já cáni ña ta quiahva já jícó ña ta quiahva já ndíca ña. ¹⁷ Tá nandihí já nañiquiahvá táto Ndióxi cán náma yuu ndájí jatá ñuu cáhnu cán. Ta quiahva ñehe a cúu uní jico comí metro. Ta metro cája chúun táto Ndióxi cán cúu dó tátuhun dó chíquiahvá ñayivi ndúu ñuyivi ñaha.

¹⁸ Ta mé náma yuu ndájí jatá ñuu cáhnu cán naçavaña ña xihín yuu jaspe. Ta mé ñuu cáhnu cán naçavaña ña xihín jíuhun cuáán, ña cúu tátuhun yutátá ña víi ndivaha nuu. ¹⁹ Ta mé yuu ndúhu ña naçana saha mé náma yuu cán naçacutú a xihín tá nuú yuu yahvi ndivaha. Yuu ndúhu nu cuítí cán naçacutú a xihín yuu naní jaspe. Ta ña cáñivi cán naçacutú a xihín yuu naní zafiro. Ta ña cáñuní cán naçacutú a xihín yuu naní ágata.

Ta ña cácomj cǎn ñacacutú a xihín yuu naní esmeralda. ²⁰ Ta ña cáhuhun cǎn ñacacutú a xihín yuu naní ónice. Ta ña cáhiñu cǎn ñacacutú a xihín yuu naní cornalina. Ta ña cáhusa cǎn ñacacutú a xihín yuu naní crisólito. Ta ña cáhuna cǎn ñacacutú a xihín yuu naní berilo. Ta ña cáhjin cǎn ñacacutú a xihín yuu naní topacio. Ta ña cáhuxu cǎn ñacacutú a xihín yuu naní crisoprasa. Ta ña cáhuxu in cǎn ñacacutú a xihín yuu naní jacinto. Ta ña cáhuxu ivi cǎn ñacacutú a xihín yuu naní amatista. ²¹ Ta ndihuxu ivi yéhe ini ñuu cáhnu cǎn cúú á uxu ivi perla. Ta tá in tá in yéhe cǎn ñacavaha xihín in tálaá perla ní. Ta mé cáyé cáhnu ñuu cǎn cúú á ña ñacavaha xihín ndinuhu jihun cuáán, ña cúú tátuhun yutátá jáchi jandá inga xoo a tívi.

²² Ta ni in túhún veñuhu coo ñaxini i ini mé ñuu cáhnu cǎn. Jáchi mé Ndióxi, xitoho í, mé a ín ndée cǎn tóco ndihi ñaha cúú á tátuhun veñuhu na. Ta jári Jesús, mé á cúú tátuhun ndicachi loho cǎn cúú á tátuhun veñuhu na. ²³ Ta mé ñuu cáhnu cǎn coo xini ñúhú toho a candii ni yoo ña ná jándiyehé ñahá jáchi xihín quiahva yéhe Ndióxi cǎn jándiyehé a mé ñuu cǎn. Ta Jesús, mé a cúú tátuhun ndicachi loho cǎn cúú á tátuhun lámpara jándiyehé a ñuu cǎn. ²⁴ Ndijáá ñayivi, na ñaqui ndijáá nacióñ ñuyivi caca nuu na ini ñuu cáhnu cǎn xihín quiahva yéhe a. Ta ndijáá na sáhdá chuun nuú ñayivi ñuyivi xinu na ñuu cǎn ta ndiquiahva na tóco ndihi ña cuicá cómi na nu mé ñuu cǎn. ²⁵ Ta a cándaji toho yéhe a tá ndivi ta coo toho ña ñuu coo cǎn. ²⁶ Ndijáá ña cuicá xihín ña náhnu cuéntá ñayivi ñuyivi yóho cañehe na ña nu mé ñuu cǎn. ²⁷ Joo ni in túhún ña quini a quihvi toho ini ñuu cǎn. Ta ni in na cǎn ñaha cándaji Ndióxi a quihvi cǎn. Ta ni na cátoó jándahvi ñayivi a quihvi cǎn. Na ndihvi cǎn cuiti va cúú ná ndáa quivi nu libro nu ndáa quivi tóco ndihi na catacu andá ama cǎa quivi. Mé libro yóho ín a nuú Jesús, mé á cúú tátuhun ndicachi loho.

22

¹ Tá nandihí já najánaha tátó Ndióxi cǎn in yuta víi nuú i nu ñúhu ticuifí, dó cǎn ña ná catacu ñayivi andá ama cǎa quivi. Ta tá quiahva yéhe yutátá quiahva já yéhe nuu do. Ta cǎn dó chí xoo nu ín coo Ndióxi xihín Jesús, mé a cúú tátuhun ndicachi loho cǎn. ² Ta yáha dó mé maññú ndáa ichi cáhnu mé ñuu cǎn. Ta in in xoo yuta cǎn sáhnu yító, dó cǎn ña ná catacu ñayivi andá ama cǎa quivi. Ta tá yoo tá yoo cúun cuihí nu dó cǎn. Ta uxu ivi tañu cúun cuihí nu dó nu cuía. Ta ndáha do cǎn ña ná ndivaha ñayivi ñuyivi. ³ Ta cǎn ni in ga ñaha a cúhún chahan jata. Ta Ndióxi xihín Jesucristo, mé a cúú tátuhun ndicachi loho cǎn coo a nu sácoo rey mé ñuu cáhnu

cǎn. Ta na cúú cuéntá Ndióxi cǎn cáhnu na mé a cǎn. ⁴ Ta cuni táhyi na nuu mé á ta candaa quivi mé á taan na. ⁵ Ta cǎn coo toho ñuu coo. Ña cǎn quea na canduu cǎn a cúni ñúhú ga na ñúhu lámpara ta ni a cúni ñúhú ga na ña ná yéhe candii jáchi mé Ndióxi, xitoho na jándiyehé a nu ná. Ta cahnda na chuun tátuhun rey andá ama cǎa quivi.

Sa cáyati quivi quixi Jesucristo

⁶ Tá nandihí já ñacachi tátó Ndióxi cǎn já xihín i:

—Tuhun yóho cúú á ña ndáa ta cuu candee inún ña. Jáchi mé Ndióxi, xitoho í, mé a cǎn ña ná cǎn profeta, mé a cǎn quea ñachindahá a tátó mé á já ná caxi tuhun a nuú na cúú cuéntá mé á ña yachi quixi tóco ndihi ña yóho —ñacachi a.

⁷ Ta já cáchi Jesús já:

—Sa sa yachi va yéhe. Caji ini na cándusa tuhun cǎn sahá ña yaha chí nuu, ña ndáa nu libro yóho —cáchi a.

⁸ Yéhe, da cúú Juan ñaxini johó i ta ñaxini ndihi i ña yóho. Ta tá nandihí ñaxini johó i ña tá tá nandihí ñaxini i ña já ñacaxiti i nu tátó Ndióxi ña cǎn cáhnu i ña jáchi mé a najánaha ña yóho nuú i. ⁹ Joo ñacahan tátó Ndióxi cǎn xihín i já ñacachi a já:

—A cáxiti tohún nuú yéhe jáchi ndítahan cǎn cáhnu Ndióxi. Jáchi yéhe cúú u da cǎn chuun nu Ndióxi tá quiahva cǎn chuun mún xihín ñanún, na cúú profeta cuéntá Ndióxi xihín na cándusa ña cǎn libro Ndióxi yóho —ñacachi tátó Ndióxi cǎn xihín i.

¹⁰ Tá nandihí já ñacachi tucu a já xihín i:

—A chíjehé tuhún sahá tuhun Ndióxi, ña ndáa nu libro yóho jáchi sa ñacayati tiempo xinu nuú a coo a. ¹¹ Joo ndá da cǎn quini ná cǎn quini chága da tá cúni da. Ta ndá da coo víi ná caca tiquini mé dá tá cúni da. Joo ndá da yaha ná ndihí ini da cǎn da ña yaha. Ta ndá da nandiquiahva yaha mé ndáa Ndióxi ná ndihí ini da caca ndacu da íchi cuéntá mé á —cáchi tátó Ndióxi xihín i.

¹² Ta já ñacachi Jesús já xihín i:

—Candehé. Sa sa yachi vi. Ta vaxi i ñehe e yahvi quehe in in ñayivi. Ta ndiquiahva i nuú in in na ña ndítahan cuiti na sahá ña ñacaja na. ¹³ Yéhe cúú u nu cuiti ta yéhe cúú u nu ndihí jáchi jandá tá camaní cava sahá sahá tóco ndihi ñaha sa ín va yéhe ta coo tá coo i vatí ná ndihí sahá —cáchi a.

¹⁴ Caji ini ñayivi, na ñandaja víi inima jáchi cúú á tátuhun ndícatá na jáhna ná já ná cuu ñehe táhvi na caxi na cuhí nuú yító cuhí, dó cǎn ña ná catacu ñayivi andá ama cǎa quivi. Jáchi xihín ña yóho cuu quihvi na chí yéhe ñuu cáhnu cǎn. ¹⁵ Joo chí jata mé ñuu cǎn candoo tóco ndihi na ñacahan cǎn ña nuú xihín tóco ndihi na cǎn ña taji xihín ndijáa na ndúu xihín na coo cúú yí ná á ñajihí na. Ta jata ñuu cǎn candoo ri na sáhní ndi xihín

na cajú cáhnu yoco xihín na cáhan ña tühún xihín na jándahvi ñani táhan.

¹⁶ —Yehe cúu Jesús ta natchindahá i tátó mí i já ná caxi tühun a ña yóho xihín ndijáá na cúu cuéntá mí i, na ndítaca ndijáá veñuhu. Yehe ñacaja i ña ñacacu rey David ta ñaqui xi chichi mé David. Cúu u tátühun quimi cáhnu, ri quéta tá ñativi —cáchi Jesús.

¹⁷ Mé ínimá yíi Ndióxi xihín na cúu cuéntá Jesús cana na Jesús ña ná quixi a ta já cachi na já:

—Naha quíi ndo.

Ta ndá na xini joho ña yóho xini ñúhú cachi ri na cán va:

—Naha quíi ndo.

Ta ndá na íchi ini ticuú, na cúnj coho dó ná quixi na nu mé á já quíahva ticuú nu ná, dó cajú ña ná catacu na anda ama cúa quívi. Ta cóo toho yahvi quehe mé á nu ná saha do.

¹⁸ Ta ña yóho quéa cúnj cachi i xihín tóco ndihi ndó, na xini joho ña ndáa nu libro yóho: Ta ndá na ná chinúu chága tühun jatá ña sa cáhan libro yóho já quéa chinúu ri Ndióxi tondóhó, ña ndáa nu libro yóho jatá ná. ¹⁹ Ta ndá na ná tavá tühun cáhan Ndióxi, ña ndáa nu libro yóho já quéa tavá Ndióxi quívi ná ña ndáa nu libro mé nu ndáa quívi tóco ndihi ñayivi catacu anda ama cúa quívi. Ta mé na cán a cúu quíhvi na ñuu yíi ndivaha cán ta ni a quíahva Ndióxi nu ná ñaha cáhan mé libro yóho saha.

²⁰ Ta sahan Jesús tühun saha tóco ndihi ña yóho já cáchi a já:

—Mé a ndaa sa saa yachj vi —cáchi a.

Já ná coo. Naha quíi ndó Jesús, xitoho nde.

²¹ Ña cúnj quéa ná cajú cuahá Jesucristo, xitoho í ñamaní xihín ndihi ndó. Já ná coo.